

॥ नमो तस्स भगवतो अरहतो सम्मासम्बुद्धस्स ॥

# मज्झिमनिकाये

## मूलपण्णास-टीका

(पठमो भागो)

गन्थारम्भकथावण्णना

१. संवण्णनारम्भे रतनत्तयवन्दना संवण्णेतब्बस्स धम्मस्स पभवनिस्सयविसुद्धिपटिवेदनत्थं, तं पन धम्मसंवण्णनासु विज्जूनं बहुमानुष्पादनत्थं, तं सम्मदेव तेसं उगगहधारणादिकमलद्धब्बाय सम्मापटिपत्तिया सब्बहितसुखनिष्पादनत्थं । अथ वा मङ्गलभावतो, सब्बकिरियासु पुब्बकिच्चभावतो, पण्डितेहि समाचरितभावतो, आयतिं परेसं दिट्ठानुगतिआपज्जनतो च संवण्णनायं रतनत्तयपणामकिरिया । अथ वा रतनत्तयपणामकरणं पूजनीयपूजापुज्जविसेसनिब्बत्तनत्थं । तं अत्तनो यथालद्धसम्पत्तिनिमित्तकस्स कम्मस्स बलानुष्पदानत्थं । अन्तरा च तस्स असङ्कोचनत्थं । तदुभयं अनन्तरायेन अट्ठकथाय परिसमापनत्थं । इदमेव च पयोजनं आचरियेन इधाधिप्पेतं । तथा हि वक्खति “इति मे पसन्नमतिनो...पे०... तस्सानुभावेना”ति । वत्थुत्तयपूजाहि निरतिसयपुज्जक्खेतसंबुद्धिया अपरिमेय्यपभावो पुज्जातिसयोति बहुविधन्तरायेपि लोकसन्निवासे अन्तरायनिबन्धनसकलसंकिलेसविद्धंसनाय प्होति । भयादिउपद्ववज्च निवारति । यथाह —

“पूजारहे पूजयतो । बुद्धे यदि व सावके”तिआदि (ध० प० १९५; अप० १.१०.१), तथा —

“ये, भिक्खवे, बुद्धे पसन्ना, अग्गे ते पसन्ना, अग्गे खो पन पसन्नानं अग्गो विपाको होती”तिआदि (इतिवु० ९०, ९१),

“बुद्धोति कित्तयन्तस्स, काये भवति या पीति ।  
वरमेव हि सा पीति, कसिणेनपि जम्बुदीपस्स ॥

धम्मोति कित्तयन्तस्स...पे०... कसिणेनपि जम्बुदीपस्स ।  
सङ्घोति कित्तयन्तस्स...पे०... कसिणेनपि जम्बुदीपस्सा”ति ॥ (इतिवु० अट्ठ० ९०),

तथा —

“यस्मिं महानाम समये अरियसावको तथागतं अनुस्सरति, नेवस्स तस्मिं समये रागपरियुद्धितं चित्तं होति, न दोस... पे०... न मोहपरियुद्धितं चित्तं होती”तिआदि (अ० नि० ६.१०; ११.११),

“अरज्जे रुक्खमूले वा...पे०...

भयं वा छम्भितत्तं वा,  
लोमहंसो न हेस्सती'ति च॥ (सं० नि० २.२४९)।

तत्थ यस्स वत्थुत्तयस्स वन्दनं कत्तुकामो, तस्स गुणातिसययोगसन्दस्सनत्थं “**करुणासीतलहदय**”न्तिआदिना गाथात्तयमाह । गुणातिसययोगेन हि वन्दनारहभावो, वन्दनारहे च कता वन्दना यथाधिप्पेतं पयोजनं साधेतीति । तत्थ यस्सा देसनाय संवण्णनं कत्तुकामो । सा न विनयदेसना विय करुणाप्पधाना, नापि अभिधम्मदेसना विय पज्जाप्पधाना, अथ खो करुणापज्जाप्पधानाति तदुभयप्पधानमेव ताव सम्मासम्बुद्धस्स थोमनं कातुं तम्मूलकत्ता सेसरतनानं “**करुणासीतलहदय**”न्तिआदि वुत्तं । तत्थ किरतीति करुणा, परदुक्खं विक्खिपति अपनेतीति अत्थो । अथ वा किणातीति करुणा, परदुक्खे सति कारुणिकं हिंसति विबाधतीति अत्थो । परदुक्खे सति साधून् कम्पनं हदयखेदं करोतीति वा करुणा । अथ वा कर्मिति सुखं, तं रुन्धतीति करुणा । एसा हि परदुक्खापनयनकामतालक्खणा अत्तसुखनिरपेक्खताय कारुणिकानं सुखं रुन्धति विबन्धतीति अत्थो । करुणाय सीतलं करुणासीतलं, करुणासीतलं हदयं अस्साति करुणासीतलहदयो, तं **करुणासीतलहदयं** ।

तत्थ किञ्चापि परेसं हितोपसंहारसुखादिअपरिहानिच्छनसभावताय, ब्यापादारतीनं उज्जुविपच्चनीकताय च परसत्तसन्तानगतसन्तापविच्छेदनाकारप्पवत्तिआ मेत्तामुदितानम्पि चित्तसीतलभावकारणता उपलभ्भति, तथापि परदुक्खापनयनाकारप्पवत्तिआ परूपतापासहनरसा अविहिंसाभूता करुणाव विसेसेन भगवतो चित्तस्स चित्तपस्सद्धि विय सीतिभावनिमित्तन्ति वुत्तं “**करुणासीतलहदय**”न्ति । करुणामुखेन वा मेत्तामुदितानम्पि हदयसीतलभावकारणता वुत्ताति दट्ठब्बं । अथ वा असाधारणजाणविसेसनिबन्धनभूता सातिसयं निरवसेसञ्च सब्बज्जुतज्जाणं विय सविसयव्यापिताय महाकरुणाभावं उपगता करुणाव भगवतो अतिसयेन हदयसीतलभावहेतूति आह “**करुणासीतलहदय**”न्ति । अथ वा सतिपि मेत्तामुदितानं सातिसये हदयसीतिभावनिबन्धनत्ते सकलबुद्धगुणविसेसकारणताय तासम्पि कारणन्ति करुणाव भगवतो “हदयसीतलभावकारण”न्ति वुत्ता । करुणानिदाना हि सब्बेपि बुद्धगुणा । करुणानुभावनिब्बापियमानसंसारदुक्खसन्तापस्स हि भगवतो परदुक्खापनयनकामताय अनेकानिपि असङ्ख्येय्यानि कप्पानं अकिलन्तरूपस्सेव निरवसेसबुद्धकरधम्मसम्भरणनिरतस्स समधिगतधम्माधिपतेय्यस्स च सन्निहितेसुपि सत्तसङ्घारसमुपनीतहदयूपतापनिमित्तेसु न ईसकम्पि चित्तसीतिभावस्स अज्जथत्तमहोसीति । एतस्मिञ्च अत्थविकप्पे तीसुपि अवत्थासु भगवतो करुणा सङ्गहिताति दट्ठब्बं ।

पजानातीति पज्जा, यथासभावं पकारेहि पटिविज्झतीति अत्थो । पज्जाव जेय्यावरणप्पहानतो पकारेहि धम्मसभावजोतनट्ठेन पज्जोतोति पज्जापज्जोतो । सवासनप्पहानतो विसेसेन हतं समुग्धातितं विहतं, पज्जापज्जोतेन विहतं पज्जापज्जोतविहतं । मुहन्ति तेन, सयं वा मुहति, मोहनमत्तमेव वा तन्ति मोहो, अविज्जा, स्वेव विसयसभावपटिच्छादनतो अन्धकारसरिक्खताय तमो वियाति तमो, पज्जापज्जोतविहतो मोहतमो एतस्साति पज्जापज्जोतविहतमोहतमो, तं **पज्जापज्जोतविहतमोहतमं** । सब्बेसम्पि हि खीणासवानं सतिपि पज्जापज्जोतेन अविज्जन्धकारस्स विहतभावे सद्भावमुतेहि विय दिट्ठिप्पत्तानं सावकेहि पच्चेकसम्बुद्धेहि च सवासनप्पहानेन सम्मासम्बुद्धानं किलेसप्पहानस्स विसेसो विज्जतीति सातिसयेन अविज्जापहानेन भगवन्तं थोमेन्तो आह “**पज्जापज्जोतविहतमोहतमं**”न्ति ।

अथ वा अन्तरेन परोपदेसं अत्तनो सन्ताने अच्चन्तं अविज्जन्धकारविगमस्स निब्बत्तितत्ता, तथा सब्बज्जुताय बलेसु

च वसीभावस्स समधिगतत्ता, परसन्ततियञ्च धम्मदेसनातिसयानुभावेन सम्मदेव तस्स पवत्तितत्ता भगवाव विसेसतो मोहतमविगमेन थोमेतब्बोति आह **“पञ्जापज्जोतविहतमोहतम”**न्ति । इमस्मिञ्च अत्थविकप्पे **“पञ्जापज्जोतो”**ति पदेन भगवतो पटिवेधपञ्जा विय देसनापञ्जापि सामञ्जनिद्देसेन, एकसेसनयेन वा सङ्गहिताति दट्ठब्बं ।

अथ वा भगवतो जाणस्स जेय्यपरियन्तिकत्ता सकलजेय्यधम्मसभाववबोधनसमत्थेन अनावरणजाणसङ्घातेन पञ्जापज्जोतेन सब्बजेय्यधम्मसभावच्छादकस्स मोहन्धकारस्स विधमितत्ता अनञ्जसाधारणो भगवतो मोहतमविनासोति कत्वा वुत्तं **“पञ्जापज्जोतविहतमोहतम”**न्ति । एत्थ च मोहतमविधमनन्ते अधिगतत्ता अनावरणजाणं कारणूपचारेन ससन्ताने मोहतमविधमनन्ति दट्ठब्बं । अभिनीहारसम्पत्तिया सवासनप्पहानमेव हि किलेसानं जेय्यावरणप्पहानन्ति, परसन्ताने पन मोहतमविधमनस्स कारणभावतो अनावरणजाणं **“मोहतमविधमन”**न्ति वुच्चतीति ।

किं पन कारणं अविज्जासमुग्धातोयेवेको पहानसम्पत्तिवसेन भगवतो थोमनानिमित्तं गहति, न पन सातिसयं निरवसेसकिलेसप्पहानन्ति? तप्पहानवचनेनेव तदेकट्ठुताय सकलसंकिलेसगणसमुग्धातस्स जोतितभावतो । न हि सो तादिसो किलेसो अत्थि, यो निरवसेसअविज्जाप्पहानेन न पहीयतीति ।

अथ वा विज्जा विय सकलकुसलधम्मसमुपत्तिया निरवसेसाकुसलधम्मनिब्बत्तिया संसारप्पवत्तिया च अविज्जा प्रधानकारणन्ति तब्बिधातवचनेन सकलसंकिलेसगणसमुग्धातो वुत्तोयेव होतीति वुत्तं **“पञ्जापज्जोतविहतमोहतम”**न्ति ।

नरा च अमरा च नरामरा, सह नरामरेहीति सनरामरो, सनरामरो च सो लोको चाति सनरामरलोको । तस्स गरूति सनरामरलोकगरु, तं **सनरामरलोकगरुं** । एतेन देवमनुस्सानं विय तदवसिदुसत्तानम्पि यथारहं गुणविसेसावहताय भगवतो उपकारितं दस्सेति । न चेत्थ पधानापपधानभावो चोदेतब्बो । अज्जो हि सद्वक्कमो, अज्जो अत्थक्कमो । एदिसेसु हि समासपदेसु पधानम्पि अप्पधानं विय निद्विसीयति यथा **“सराजिकाय परिसाया”**ति (चूळव० ३३६) । कामञ्चेत्थ सत्तसङ्घारोकासवसेन तिविधो लोको, गरुभावस्स पन अधिप्पेतत्ता गरुकरणसमत्थस्सेव युज्जनतो सत्तलोकस्स वसेन अत्थो गहेतब्बो । सो हि लोकीयन्ति एत्थ पुज्जपापानि तब्बिपाको चाति **“लोको”**ति वुच्चति । अमरगहणेन चेत्थ उपपत्तिदेवा अधिप्पेता ।

अथ वा समूहत्थो लोकसद्दो समुदायवसेन लोकीयति पञ्जापीयतीति । सह नरेहीति सनरा, सनरा च ते अमरा चाति सनरामरा, तेसं लोकोति सनरामरलोकोति पुरिमनयेनेव योजेतब्बं । अमरसद्देन चेत्थ विसुद्धिदेवापि सङ्गहन्ति । ते हि मरणाभावतो परमत्थतो अमरा । नरामरानंयेव च गहणं उक्कट्टनिद्देसवसेन यथा **“सत्था देवमनुस्सान”**न्ति (दी० नि० १.१५७) । तथा हि सब्बानत्थपरिहारपुब्बङ्गमाय निरवसेसहितसुखविधानतप्पराय निरतिसयाय पयोगसम्पत्तिया सदेवमनुस्साय पजाय अच्चन्तूपकारिताय अपरिमितनिरुपमप्पभावगुणविसेससमङ्गिताय च सब्बसत्तुत्तमो भगवा अपरिमाणासु लोकधातूसु अपरिमाणानं सत्तानं उत्तमगारवट्ठानं । तेन वुत्तं **“सनरामरलोकगरुं”**न्ति ।

सोभनं गतं गमनं एतस्साति सुगतो । भगवतो हि वेनेय्यजनुपसङ्कमनं एकन्तेन तेसं हितसुखनिष्पादनतो सोभनं, तथा लक्खणानुब्यञ्जनपटिमण्डितरूपकायताय दुतविलम्बित-खलितानुकट्टन-निष्पीळनुक्कुटिक-कुटिलाकुलतादि-दोसरहित-मवहसित-राजहंस- वसभवारण-मिगराजगमनं कायगमनं जाणगमनञ्च विपुलनिम्मलकरुणा-सतिवीरियादि- गुणविसेससहितमभिनीहारतो याव महाबोधिं अनवज्जताय सोभनमेवाति । अथ वा सयम्भुजाणेन सकलमपि लोकं परिज्जाभिसमयवसेन परिजानन्तो जाणेन सम्मा गतो अवगतोति सुगतो । तथा लोकसमुदयं पहानाभिसमयवसेन पजहन्तो

अनुपपत्तिधम्मं आपादेन्तो सम्मा गतो अतीतोति सुगतो, लोकनिरोधं निब्बानं सच्छिकिरियाभिसमयवसेन सम्मा गतो अधिगतोति सुगतो, लोकनिरोधगामिनिं पटिपदं भावनाभिसमयवसेन सम्मा गतो पटिपन्नोति सुगतो ।  
 “सोतापत्तिमग्गेन ये किलेसा पहीना, ते किलेसे न पुणेति न पच्चेति न पच्चागच्छतीति सुगतो”तिआदिना (महानि० ३८; चूळनि० २७) नयेन अयमत्थो विभावेतब्बो । अथ वा सुन्दरं ठानं सम्मासम्बोधिं, निब्बानमेव वा गतो अधिगतोति सुगतो । यस्मा वा भूतं तच्छं अत्थसंहितं वेनेय्यानं यथारहं कालयुत्तमेव च धम्मं भासति, तस्मा सम्मा गदति वदतीति सुगतो द-  
 कारस्स त-कारं कत्वा । इति सोभनगमनतादीहि सुगतो, तं **सुगतं** ।

पुञ्ञपापकम्मेहि उपपज्जनवसेन गन्तब्बतो गतियो, उपपत्तिभवविसेसा । ता पन निरयादिवसेन पञ्चविधा । ताहि सकलस्सपि भवगामिकम्मस्स अरियमग्गाधिगमेन अविपाकारहभावकरणेन निवत्तितत्ता भगवा पञ्चहिपि गतीहि सुट्ठु मुत्तो विसंयुत्तोति आह **“गतिविमुत्तं”**न्ति । एतेन भगवतो कत्थचिपि गतिया अपरियापन्नतं दस्सेति, यतो भगवा **“देवातिदेवो”**ति वुच्चति । तेनेवाह —

“येन देवूपपत्यस्स, गन्धब्बो वा विहङ्गमो ।  
 यक्खत्तं येन गच्छेय्यं, मनुस्सत्तञ्च अब्बजे ।  
 ते मय्हं आसवा खीणा, विद्धस्ता विनळीकता”ति ॥ (अ० नि० ४.३६) ।

तंतंगतिसंवत्तनकानज्झि कम्मकिलेसानं अग्गमग्गेन बोधिमूलेयेव सुप्पहीनत्ता नत्थि भगवतो गतिपरियापन्नताति अच्चन्तमेव भगवा सब्बभवयोनिगति-विज्जाणट्ठिति-सत्तावास-सत्तनिकायेहि परिमुत्तो, तं **गतिविमुत्तं** । **वन्देति** नमामि, थोमेमीति वा अत्थो ।

अथ वा **गतिविमुत्तन्ति** अनुपादिसेसनिब्बानधातुप्पत्तिया भगवन्तं थोमेति । एत्थ हि द्वीहि आकारेहि भगवतो थोमना वेदितब्बा अत्तहितसम्पत्तितो परहितपटिपत्तितो च । तेसु अत्तहितसम्पत्ति अनावरणजाणाधिगमतो सवासनानं सब्बेसं किलेसानं अच्चन्तप्पहानतो अनुपादिसेसनिब्बानप्पत्तितो च वेदितब्बा, परहितपटिपत्ति लाभसक्कारादिनिरपेक्खचित्तस्स सब्बदुक्खनिय्यानिकधम्मदेसनतो विरुद्धेसुपि निच्चं हितज्झासयतो जाणपरिपाककालागमनतो च । सा पनेत्थ आसयतो पयोगतो च दुविधा परहितपटिपत्ति, तिविधा च अत्तहितसम्पत्ति पकासिता होती । कथं? “करुणासीतलहदय”न्ति एतेन आसयतो परहितपटिपत्ति, सम्मागदनत्थेन सुगतसद्देन पयोगतो परहितपटिपत्ति, “पञ्जापज्जोतविहतमोहतमं गतिविमुत्तं”न्ति एतेहि चतुसच्चपटिवेधत्थेन च सुगतसद्देन तिविधापि अत्तहितसम्पत्ति, अवसिद्धट्ठेन तेन “पञ्जापज्जोतविहतमोहतमं”न्ति एतेन चापि सब्बापि अत्तहितसम्पत्तिपरहितपटिपत्ति पकासिता होतीति ।

अथ वा तीहि आकारेहि भगवतो थोमना वेदितब्बा — हेतुतो फलतो उपकारतो च । तत्थ हेतु महाकरुणा, सा पठमपदेन दस्सिता । **फलं** चतुब्बिधं जाणसम्पदा पहानसम्पदा आनुभावसम्पदा रूपकायसम्पदा चाति । तासु जाणपहानसम्पदा दुतियपदेन सच्चपटिवेधत्थेन च सुगतसद्देन पकासिता होन्ति, आनुभावसम्पदा पन ततियपदेन, रूपकायसम्पदा यथावुत्तकायगमनसोभनत्थेन सुगतसद्देन लक्खणानुब्यञ्जनपारिपूरिया विना तदभावतो । **उपकारो** अनन्तरं अबाहिरं करित्वा तिविधयानमुखेन विमुत्तिधम्मदेसना । सो सम्मागदनत्थेन सुगतसद्देन पकासितो होतीति वेदितब्बं ।

तत्थ “करुणासीतलहदय”न्ति एतेन सम्मासम्बोधिया मूलं दस्सेति । महाकरुणासज्जोदितमानसो हि भगवा

संसारपङ्क्तो सत्तानं समुद्धरणत्थं कताभिनीहारो अनुपुब्बेन पारमियो पूरेत्वा अनुत्तरं सम्मासम्बोधिं अधिगतोति करुणा सम्मासम्बोधिया मूलं । “पञ्चापज्जोतविहतमोहतम”न्ति एतेन सम्मासम्बोधिं दस्सेति । अनावरणजाणपदद्वानज्झि मग्गजाणं, मग्गजाणपदद्वानज्च अनावरणजाणं “सम्मासम्बोधी”ति वुच्चतीति । सम्मागमनत्थेन सुगतसद्देन सम्मासम्बोधिया पटिपत्तिं दस्सेति लीनुद्धच्चपटिद्वानायूहनकामसुखल्लिकत्तकिलमथानुयोगसस्सतुच्छेदाभिनिवेसादि अन्तद्वयरहिताय करुणापञ्चापरिग्गहिताय मज्झिमाय पटिपत्तिया पकासनतो सुगतसद्दस्स । इतरेहि सम्मासम्बोधिया पधानाप्यधानभेदं पयोजनं दस्सेति । संसारमहोघतो सत्तसन्तारणज्हेत्थ पधानं पयोजनं, तदज्जमप्पधानं । तेसु पधानेन परहितपटिपत्तिं दस्सेति, इतरेन अत्तहितसम्पत्तिं, तदुभयेन अत्तहिताय पटिपन्नादीसु चतूसु पुग्गलेसु भगवतो चतुत्थपुग्गलभावं दस्सेति । तेन च अनुत्तरदक्खिण्येय्यभावं उत्तमवन्दनीयभावं अत्तनो च वन्दनकिरियाय खेत्तङ्गतभावं दस्सेति ।

एत्थ च करुणागहणेन लोकियेसु महग्गतभावप्पत्तासाधारणगुणदीपनतो भगवतो सब्बलोकियगुणसम्पत्ति दस्सिता होति, पञ्चागहणेन सब्बज्जुतज्जाणपदद्वानमग्गजाणदीपनतो सब्बलोकुत्तरगुणसम्पत्ति । तदुभयग्गहणसिद्धो हि अत्थो “सनरामरलोकगरु”न्ति आदिना विपज्जीयतीति । करुणागहणेन च उपगमनं निरुपक्विकलेसं दस्सेति, पञ्चागहणेन अपगमनं । तथा करुणागहणेन लोकसमज्जानुरूपं भगवतो पवत्तिं दस्सेति लोकवोहारविसयत्ता करुणाय, पञ्चागहणेन समज्जाय अनतिधावनं सभावानवबोधेन हि धम्मानं समज्जं अतिधावित्वा सत्तादिपरामसनं होतीति । तथा करुणागहणेन महाकरुणासमापत्तिविहारं दस्सेति, पञ्चागहणेन तीसु कालेसु अप्पटिहतजाणं चतुसच्चजाणं चतुपटिसम्भिदाजाणं चतुवेसारज्जजाणं ।

करुणागहणेन महाकरुणासमापत्तिजाणस्स गहितत्ता सेसासाधारणजाणानि, छ अभिज्जा, अट्टसु परिसासु अकम्पनजाणानि, दस बलानि, चुद्दस बुद्धजाणानि, सोळस जाणचरिया, अट्टारस बुद्धधम्मा, चतुचत्तालीस जाणवत्थूनि, सत्तसत्ततिजाणवत्थूनीति एवमादीनं अनेकेसं पञ्चापभेदानं वसेन जाणचारं दस्सेति । तथा करुणागहणेन चरणसम्पत्तिं, पञ्चागहणेन विज्जासम्पत्तिं । करुणागहणेन अत्ताधिपतिता, पञ्चागहणेन धम्माधिपतिता । करुणागहणेन लोकनाथभावो, पञ्चागहणेन अत्तनाथभावो । तथा करुणागहणेन पुब्बकारिभावो, पञ्चागहणेन कतज्जुता । तथा करुणागहणेन अपरन्तपता, पञ्चागहणेन अनत्तन्तपता । करुणागहणेन वा बुद्धकरधम्मसिद्धि, पञ्चागहणेन बुद्धभावसिद्धि । तथा करुणागहणेन परेसं तारणं, पञ्चागहणेन सयं तरणं । तथा करुणागहणेन सब्बसत्तेसु अनुग्गहचित्तता, पञ्चागहणेन सब्बधम्मेषु विरत्तचित्तता दस्सिता होति ।

सब्बेसज्च बुद्धगुणानं करुणा आदि तन्निदानभावतो, पञ्चा परियोसानं ततो उत्तरि करणीयाभावतो । इति आदिपरियोसानदस्सनेन सब्बे बुद्धगुणा दस्सिता होन्ति । तथा करुणागहणेन सीलक्खन्धपुब्बङ्गमो समाधिक्खन्धो दस्सितो होति । करुणानिदानज्झि सीलं ततो पाणातिपातादिविरतिप्पवत्तितो, सा च ज्ञानत्तयसम्पयोगिनीति । पञ्चावचनेन पञ्चाक्खन्धो । सीलज्च सब्बबुद्धगुणानं आदि, समाधि मज्झे, पञ्चा परियोसानन्ति एवम्पि आदिमज्झपरियोसानकल्याणदस्सनेन सब्बे बुद्धगुणा दस्सिता होन्ति नयतो दस्सितत्ता । एसो एव हि निरवसेसतो बुद्धगुणानं दस्सनुपायो, यदिदं नयग्गाहणं । अज्जथा को नाम समत्थो भगवतो गुणे अनुपदं निरवसेसतो दस्सेतुं । तेनेवाह

“बुद्धोपि बुद्धस्स भण्येय्य वण्णं ।

कण्णमि चे अज्जमभासमानो ॥

खीयेथ कण्णो चिरदीघमन्तरे ।

वण्णो न खीयेथ तथागतस्सा'ति ॥ (दी० नि० अट्ठ० १.३०५; ३.१४१; म० नि० अट्ठ० २.४२५; उदा० अट्ठ० ५३; अप० अट्ठ० २.७.२०; बु० वं० अट्ठ० ४.४; चरिया० अट्ठ० ३.१२२ पकिण्णककथा) ।

तेनेव च आयस्मता सारिपुत्तत्थेरेनपि बुद्धगुणपरिच्छेदनं पति अनुयुत्तेन “नो हेतं, भन्ते”ति पटिक्खित्वा “अपिच मे, भन्ते, धम्मन्वयो विदितो”ति (दी० नि० २.१४६) वुत्तं ।

२. एवं सङ्खेपेन सकलसब्बज्जुगुणेहि भगवन्तं अभित्थवित्वा इदानीं सद्धम्मं थोमेतुं “**बुद्धोपी**”ति आदिमाह । तत्थ बुद्धोति कत्तुनिद्देसो । **बुद्धभावन्ति** कम्मनिद्देसो । **भावेत्वा सच्छिकत्वा**ति च पुब्बकालकिरियानिद्देसो । **यन्ति** अनियमतो कम्मनिद्देसो । **उपगतो**ति अपरकालकिरियानिद्देसो । **वन्दे**ति किरियानिद्देसो । तन्ति नियमनं । **धम्मन्ति** वन्दनकिरियाय कम्मनिद्देसो । **गतमलं अनुत्तरन्ति** च तब्बिसेसनं ।

तत्थ बुद्धसदस्स ताव “बुज्झिता सच्चानीति बुद्धो, बोधेता पजायाति बुद्धो”ति आदिना **निद्देसनयेन** (महानि० १९२; चूळनि० ९७) अत्थो वेदितब्बो । अथ वा सवासनाय अज्जाणनिद्दाय अच्चन्तविगमतो, बुद्धिया वा विकसितभावतो बुद्धवाति **बुद्धो** जागरणविकसनत्थवसेन । अथ वा कस्सचिपि जेय्यधम्मस्स अनवबुद्धस्स अभावेन जेय्यविसेसस्स कम्मभावेन अगगहणतो कम्मवचनिच्छाय अभावेन अवगमनत्थवसेनेव कत्तुनिद्देसो लब्धतीति बुद्धवाति **बुद्धो** यथा “दिक्खितो न ददाती”ति । अत्थतो पन पारमितापरिभावितो सयम्भुजाणेन सह वासनाय विहतविद्धस्तनिरवसेसकिलेसो महाकरुणासब्बज्जुतज्जाणादिअपरिमेयगुणगणाधारो खन्धसन्तानो बुद्धो । यथाह —

“बुद्धोति यो सो भगवा सयम्भू । अनाचरियको पुब्बे अननुस्सुतेसु धम्मेसु सामं सच्चानि अभिसम्बुज्झि,  
तत्थ च सब्बज्जुतं पत्तो बलेसु च वसीभाव”न्ति (महानि० १९२; चूळनि० ९७; पटि० म० ३.१६१) ।

**अपि**-सद्दो सम्भावने । तेन “एवं गुणविसेसयुत्तो सोपि नाम भगवा”ति वक्खमानगुणे धम्मे सम्भावनं दीपेति । **बुद्धभावन्ति** सम्मासम्बोधिं । **भावेत्वा**ति उप्पादेत्वा वड्ढेत्वा च । **सच्छिकत्वा**ति पच्चक्खं कत्वा । **उपगतो**ति पत्तो, अधिगतोति अत्थो । एतस्स “बुद्धभाव”न्ति एतेन सम्बन्धो । **गतमलन्ति** विगतमलं, निद्देसन्ति अत्थो । **वन्दे**ति पणमामि, थोमेमि वा । **अनुत्तरन्ति** उत्तररहितं, लोकुत्तरन्ति अत्थो । **धम्मन्ति** यथानुसिद्धं पटिपज्जमाने अपायतो च संसारतो च अपतमाने कत्वा धारेतीति धम्मो । अयज्हेत्थ सङ्खेपत्थो — एवं विविधगुणगणसमन्नागतो बुद्धोपि भगवा यं अरियमगगसङ्घातं धम्मं भावेत्वा, फलनिब्बानसङ्घातं पन सच्छिकत्वा अनुत्तरं सम्मासम्बोधिं अधिगतो, तमेतं बुद्धानम्मि बुद्धभावहेतुभूतं सब्बदोसमलरहितं अत्तनो उत्तरितराभावेन अनुत्तरं पटिवेधसद्धम्मं नमामीति । परियत्तिसद्धम्मस्सापि तप्पकासनत्ता इध सङ्गहो दड्ढब्बो ।

अथ वा “अभिधम्मनयसमुदं अधिगच्छि, तीणि पिटकानि सम्मसी”ति च अट्ठकथायं वुत्तत्ता परियत्तिधम्मस्सापि सच्छिकिरियासम्मसनपरियायो लब्धतीति सोपि इध वुत्तो एवाति दड्ढब्बं । तथा “यं धम्मं भावेत्वा सच्छिकत्वा”ति च वुत्तत्ता बुद्धकरधम्मभूताहि पारमिताहि सह पुब्बभागे अधिसीलसिक्खादयोपि इध धम्मसद्देन सङ्गहिताति वेदितब्बं । तापि हि मलपटिपक्खताय गतमला अनज्जसाधारणताय अनुत्तरा चाति । तथा हि सत्तानं सकलवट्टदुक्खनिस्सरणत्थाय कतमहाभिनीहारो महाकरुणाधिवासपेसलज्झासयो पज्जाविसेसपरिधोतनिम्मलानं दानदमसंयमादीनं उत्तमधम्मानं

सतसहस्साधिकानि कप्पानं चत्तारि असङ्ख्येय्यानि सक्कच्चं निरन्तरं निरवसेसानं भावनापच्चक्खकरणेहि कम्मादीसु अधिगतवसीभावो अच्छरियाचिन्तेय्यमहानुभावो अधिसीलाधिचित्तानं परमुक्कंसपारमिप्पत्तो भगवा पच्चयाकारे चतुवीसतिकोटिसतसहस्समुखेन महावजिरजाणं पेसेत्वा अनुत्तरं सम्मासम्बोधिं अभिसम्बुद्धोति ।

एत्थ च “भावेत्वा”ति एतेन विज्जासम्पदाय धम्मं थोमेति, “सच्छिकत्वा”ति एतेन विमुत्तिसम्पदाय । तथा पठमेन ज्ञानसम्पदाय, दुतियेन विमोक्खसम्पदाय । पठमेन वा समाधिसम्पदाय, दुतियेन समापत्तिसम्पदाय । अथ वा पठमेन खयेजाणभावेन, दुतियेन अनुप्पादेजाणभावेन । पुरिमेन वा विज्जूपमताय, दुतियेन वजिरूपमताय । पुरिमेन वा विरागसम्पत्तिया, दुतियेन निरोधसम्पत्तिया । तथा पठमेन निय्यानभावेन, दुतियेन निस्सरणभावेन । पठमेन वा हेतुभावेन, दुतियेन असङ्कतभावेन । पठमेन वा दस्सनभावेन, दुतियेन विवेकभावेन । पठमेन वा अधिपतिभावेन, दुतियेन अमतभावेन धम्मं थोमेति । अथ वा “यं धम्मं भावेत्वा बुद्धभावं उपगतो”ति एतेन स्वाक्खातताय धम्मं थोमेति । “सच्छिकत्वा”ति एतेन सन्दिट्टिकताय । तथा पुरिमेन अकालिकताय, पच्छिमेन एहिपस्सिकताय । पुरिमेन वा ओपनेय्यिकताय, पच्छिमेन पच्चत्तं वेदितब्बताय धम्मं थोमेति । “गतमल”न्ति इमिना संकिलेसाभावदीपनेन धम्मस्स परिसुद्धतं दस्सेति, “अनुत्तर”न्ति एतेन अज्जस्स विसिद्धस्स अभावदीपनेन विपुलपरिपुण्णतं । पठमेन वा प्हानसम्पदं धम्मस्स दस्सेति, दुतियेन सभावसम्पदं । भावेतब्बताय वा धम्मस्स गतमलभावो योजेतब्बो । भावनागुणेन हि सो दोसानं समुग्घातको होतीति । सच्छिकातब्बभावेन अनुत्तरभावो योजेतब्बो । सच्छिकिरियानिब्बत्तितो हि तदुत्तरिकरणीयाभावतो अनज्जसाधारणताय अनुत्तरोति । तथा “भावेत्वा”ति एतेन सह पुब्बभागसीलादीहि सेक्खा सीलसमाधिपज्जाक्खन्धा दस्सिता होन्ति, “सच्छिकत्वा”ति एतेन सह असङ्कताय धातुया असेक्खा सीलसमाधिपज्जाक्खन्धा दस्सिता होन्तीति ।

३. एवं सङ्खेपेनेव सब्बधम्मगुणेहि सद्भम्मं अभित्थवित्वा इदानीं अरियसङ्घं थोमेतुं “सुगतस्सा”ति आदिमाह । तत्थ सुगतस्साति सम्बन्धनिद्देशो, तस्स “पुत्तान”न्ति एतेन सम्बन्धो । ओरसानन्ति पुत्तविसेसनं । मारसेनमथनानन्ति ओरसपुत्तभावे कारणनिद्देशो । तेन किलेसप्पहानमेव भगवतो ओरसपुत्तभावे कारणं अनुजानातीति दस्सेति । अट्टुन्नन्ति गणनपरिच्छेदनिद्देशो । तेन सतिपि तेसं सत्तविसेसभावेन अनेकसहस्ससङ्काभावे इमं गणनपरिच्छेदं नातिवत्तन्तीति दस्सेति मग्गट्टफलट्टभावानातिवत्तनतो । समूहन्ति समुदायनिद्देशो । अरियसङ्घन्ति गुणविसिद्धसङ्काटभावनिद्देशो । तेन असभिपि अरियपुग्गलानं कायसामगियं अरियसङ्घभावं दस्सेति दिट्ठिसीलसामज्जेन संहतभावतो ।

तत्थ उरसि भवा जाता संवद्धा च ओरसा । यथा हि सत्तानं ओरसपुत्ता अत्तजातताय पितु सन्तकस्स दायज्जस्स विसेसेन भागिनो होन्ति, एवमेव तेपि अरियपुग्गला सम्मासम्बुद्धस्स धम्मस्सवनन्ते अरियाय जातिया जातताय भगवतो सन्तकस्स विमुत्तिसुखस्स अरियधम्मरतनस्स च एकन्तभागिनोति ओरसा विय ओरसा । अथ वा भगवतो धम्मदेसनानुभावेन अरियभूमिं ओक्कममाना ओक्कन्ता च अरियसावका भगवतो उरेन वायामजनिताभिजातिताय निप्परियायेन “ओरसपुत्ता”ति वत्तब्बतं अरहन्ति । सावकेहि पवत्तियमानापि हि धम्मदेसना “भगवतो धम्मदेसना”इच्चेव वुच्चति तंमूलिकत्ता लक्खणादिविसेसाभावतो च ।

यदिपि अरियसावकानं अरियमग्गाधिगमसमये भगवतो विय तदन्तराय करणत्थं देवपुत्तमारो, मारवाहिनी वा न एकन्तेन अपसादेति, तेहि पन अपसादेतब्बताय कारणे विमथिते तेपि विमथिता एव नाम होन्तीति आह — “मारसेनमथनान”न्ति । इमस्मिं पनत्थे “मारमारसेनमथनान”न्ति वत्तब्बे “मारसेनमथनान”न्ति एकदेससरूपेकसेसो कतोति दट्ठब्बं । अथ वा खन्धाभिसङ्खारमारानं विय देवपुत्तमारस्सपि गुणमारणे सहायभावूपगमनतो किलेसबलकायो

“सेना”ति वुच्चति । यथाह “कामा ते पठमा सेना”तिआदि (सु० नि० ४३८; महानि० २८, ६८, १४९) । सा च तेहि दियड्डसहस्सभेदा अनन्तभेदा वा किलेसवाहिनी सतिधम्मविचयवीरियसमथादिगुणपहरणेहि ओधिसो विमथिता विहता विद्धस्ता चाति **मारसेनमथना**, अरियसावका । एतेन तेसं भगवतो अनुजातपुत्तं दस्सेति ।

आरकत्ता किलेसेहि, अनये न इरियनतो, अये च इरियनतो अरिया निरुत्तिनयेन । अथ वा सदेवकेन लोकेन “सरण”न्ति अरणीयतो उपगन्तब्बतो उपगतानञ्च तदत्थसिद्धितो अरिया, अरियानं सङ्घोति अरियसङ्घो, अरियो च सो सङ्घो चाति वा अरियसङ्घो, तं **अरियसङ्घं** । भगवतो अपरभागे बुद्धधम्मरतनानम्पि समधिगमो सङ्घरतनाधीनोति अरियसङ्घस्स बहूपकारतं दस्सेतुं इधेव “**सिरसा वन्दे**”ति वुत्तन्ति दट्ठब्बं ।

एत्थ च “सुगतस्स ओरसानं पुत्तान”न्ति एतेन अरियसङ्घस्स पभवसम्पदं दस्सेति, “मारसेनमथनान”न्ति एतेन पहानसम्पदं सकलसंकिलेसपहानदीपनतो । “अट्ठन्नम्पि समूह”न्ति एतेन जाणसम्पदं मग्गट्ठफलट्ठभावदीपनतो । “अरियसङ्घ”न्ति एतेन पभावसम्पदं दस्सेति सब्बसङ्घानं अग्गभावदीपनतो । अथ वा “सुगतस्स ओरसानं पुत्तान”न्ति अरियसङ्घस्स विसुद्धनिस्सयभावदीपनं, “मारसेनमथनान”न्ति सम्माउज्जायसामीचिप्पटिपन्नभावदीपनं, “अट्ठन्नम्पि समूह”न्ति आहुनेय्यादिभावदीपनं, “अरियसङ्घ”न्ति अनुत्तरपुञ्जखेत्तभावदीपनं । तथा “सुगतस्स ओरसानं पुत्तान”न्ति एतेन अरियसङ्घस्स लोकुत्तरसरणगमनसम्भावं दीपेति । लोकुत्तरसरणगमनेन हि ते भगवतो ओरसपुत्ता जाता । “मारसेनमथनान”न्ति एतेन अभिनीहारसम्पदासिद्धं पुब्बभागे सम्मापटिपत्तिं दस्सेति । कताभिनीहारा हि सम्मापटिपन्ना मारं मारपरिसं वा अभिविजिनन्ति । “अट्ठन्नम्पि समूह”न्ति एतेन पटिविद्धस्तविपक्खे सेक्खासेक्खधम्मे दस्सेति पुग्गलाधिद्वानेन मग्गफलधम्मानं पकासितत्ता । “अरियसङ्घ”न्ति अग्गदक्खिण्येय्यभावं दस्सेति । सरणगमनञ्च सावकानं सब्बगुणानं आदि, सपुब्बभागपटिपदा सेक्खा सीलक्खन्धादयो मज्झे, असेक्खा सीलक्खन्धादयो परियोसानन्ति आदिमज्झपरियोसानकल्याणा सङ्घेपतो सब्बे अरियसङ्घगुणा पकासिता होन्ति ।

४. एवं गाथात्तयेन सङ्घेपतो सकलगुणसंकित्तनमुखेन रतनत्तयस्स पणामं कत्वा इदानीं तंनिपच्चकारं यथाधिप्पेते पयोजने परिणामेन्तो “**इति मे**”तिआदिमाह । तत्थ रतिजननट्टेन **रतनं**, बुद्धधम्मसङ्घा । तेसज्जि “इतिपि सो भगवा”तिआदिना यथाभूतगुणे आवज्जेन्तस्स अमताधिगमहेतुभूतं अनप्पकं पीतिपामोज्जं उप्पज्जति । यथाह —

“यस्मिं महानाम, समये अरियसावको तथागतं अनुस्सरति, नेवस्स तस्मिं समये रागपरियुद्धितं चित्तं होति, न दोस...पे०... न मोहपरियुद्धितं चित्तं होति...पे०... उजुगतचित्तो खो महानाम, अरियसावको लभति अत्थवेदं, लभति धम्मवेदं, लभति धम्मूपसंहितं पामोज्जं, पमुदितस्स पीति जायती”तिआदि (अ० नि० ६.१०; ११.११) ।

चित्तीकतादिभावो वा रतनट्ठो । वुत्तज्हेतं —

“चित्तीकतं महग्घञ्च, अतुलं दुल्लभदस्सनं ।

अनोमसत्तपरिभोगं, रतनं तेन वुच्चती”ति ॥ (दी० नि० अट्ठ० २.३३; सं० नि० अट्ठ० ३.५.२२३; खु० पा० अट्ठ० ६.३; सु० नि० अट्ठ० १.२२६; महानि० अट्ठ० ५०) ।

चित्तिकतभावादयो च अनञ्जसाधारणा बुद्धादीसु एव लब्भन्तीति ।



वन्दनाव **वन्दनामयं** यथा “दानमयं सीलमयं”न्ति (दी० नि० ३.३०५; इतिवु० ६०) । वन्दना चेत्थ कायवाचाचित्तेहि तिण्णं रतनानं गुणनिन्नता, थोमना वा । पुज्जभवफलनिब्बत्तनतो **पुज्जं**, अत्तनो सन्तानं पुनातीति वा । **सुविहतन्तरायो**ति सुट्ठु विहतन्तरायो । एतेन अत्तनो पसादसम्पत्तिया रतनत्तयस्स च खेत्तभावसम्पत्तिया तं पुज्जं अत्थप्पकासनस्स उपघातकउपद्वानं विहनने समत्थन्ति दस्सेति । **हुत्वा**ति पुब्बकालकिरिया । तस्स “अत्थं पकासयिस्सामी”ति एतेन सम्बन्धो । **तस्सा**ति यं रतनत्तयवन्दनामयं पुज्जं, तस्स । **आनुभावेना**ति बलेन ।

५. एवं रतनत्तयस्स निपच्चकारे पयोजनं दस्सेत्वा इदानीं यस्सा धम्मदेसनाय अत्थं संवण्णेतुकामो, तस्सा ताव गुणाभित्थवनवसेन उपज्जापनत्थं “**मज्झिमपमाणसुत्तङ्कितस्सा**”तिआदि वुत्तं । तत्थ **मज्झिमपमाणसुत्तङ्कितस्सा**ति नातिदीघनातिखुद्वकपमाणेहि सुत्तन्तेहि लक्खितस्स । यथा हि दीघागमे दीघपमाणानि सुत्तानि, यथा च संयुत्तङ्गुत्तरागमेसु द्वीसु खुद्वकपमाणानि, न एवं इध । इध पन पमाणतो मज्झिमानि सुत्तानि । तेन वुत्तं “**मज्झिमपमाणसुत्तङ्कितस्सा**ति नातिदीघनातिखुद्वकपमाणेहि सुत्तन्तेहि लक्खितस्सति अत्थो”ति । एतेन “मज्झिमो”ति अयं इमस्स अत्थानुगतसमज्जाति दस्सेति । ननु च सुत्तानि एव आगमो, कस्स पन सुत्तेहि अङ्कनन्ति? सच्चमेतं परमत्थतो, सुत्तानि पन उपादाय पज्जत्तो आगमो । यथेव हि अत्थव्यञ्जनसमुदाये “सुत्त”न्ति वोहारो, एवं सुत्तसमुदाये अयं “आगमो”ति वोहारो । **इधा**ति इमस्मिं सासने । आगमिस्सन्ति एत्थ, एतेन एतस्मा वा अत्तत्थपरत्थादयोति आगमो, आदिकल्याणादिगुणसम्पत्तिया उत्तमट्ठेन तंतंअभिपत्थितसमिद्धिहेतुताय पण्डितेहि वरितब्बतो वरो, आगमो च सो वरो चाति आगमवरो । आगमसम्मतेहि वा वरोति आगमवरो, मज्झिमो च सो आगमवरो चाति **मज्झिमागमवरो**, तस्स ।

बुद्धानं अनुबुद्धानं **बुद्धानुबुद्धा**, बुद्धानं सच्चपटिवेधं अनुगम्म पटिविद्धसच्चा अगगसावकादयो अरिया । तेहि अत्थसंवण्णनागुणसंवण्णनानं वसेन **संवण्णितस्स** । अथ वा बुद्धा च अनुबुद्धा च बुद्धानुबुद्धाति योजेतब्बं । सम्मासम्बुद्धेनेव हि विनयसुत्ताभिधम्मानं पकिण्णकदेसनादिवसेन यो पठमं अत्थो विभत्तो, सो एव पच्छा तस्स तस्स संवण्णनावसेन सङ्गीतिकारेहि सङ्गहं आरोपितोति । **परवादमथनस्सा**ति अज्जतित्थियानं वादनिम्मथनस्स, तेसं दिट्ठिगतभज्जनस्साति अत्थो । अयज्हि आगमो मूलपरियायसुत्तसब्बासवसुत्तादीसु दिट्ठिगतिकानं दिट्ठिगतदोसविभावनतो **सच्चकसुत्तं** (म० नि० १.३५३) **उपालिसुत्ता**दीसु (म० नि० २.५६) सच्चकादीनं मिच्छावादनिम्मथनदीपनतो विसेसतो “परवादमथनो”ति थोमितोति । संवण्णनासु चायं आचरियस्स पकति, या तंतंसंवण्णनासु आदितो तस्स तस्स संवण्णेतब्बस्स धम्मस्स विसेसगुणकित्तनेन थोमना । तथा हि **सुमङ्गलविलासिनीसारत्थपकासिनीमनोरथपूरणीसु अट्ठसालिनीआदीसु** च यथाक्कमं “सद्भावहगुणस्स, जाणप्पभेदजननस्स, धम्मकथिकपुङ्गवानं विचित्तपटिभानजननस्स, तस्स गम्भीरजाणेहि ओगाळहस्स अभिण्हसो नानानयविचित्तस्स अभिधम्मस्सा”तिआदिना थोमना कता ।

६. अत्थो कथीयति एतायाति अत्थकथा, सा एव **अट्ठकथा** त्थ-कारस्स ट्ठ-कारं कत्वा यथा “दुक्खस्स पीळनट्ठो”ति (पटि० म० १.१७; २.८) **आदितो**तिआदिमिह पठमसङ्गीतियं । छळभिज्जताय परमेन चित्तिस्सरियभावेन समन्नागतत्ता ज्ञानादीसु पच्चविधवसितासम्भावतो च **वसिनो**, थेरा महाकस्सपादयो । तेसं **सतेहि पज्जहि** । याति या अट्ठकथा । **सङ्गीता**ति अत्थं पकासेतुं युत्तट्ठाने “अयं एतस्स अत्थो, अयं एतस्स अत्थो”ति सङ्गहेत्वा वुत्ता । **अनुसङ्गीता च** यसत्थेरादीहि पच्छापि दुतियततियसङ्गीतीसु । इमिना अत्तनो संवण्णनाय आगमनसुद्धिं दस्सेति ।

७. सीहस्स लानतो गहणतो **सीहळो**, सीहकुमारो । तंवसजातताय तम्बपण्णिदीपे खत्तियानं, तेसं निवासताय तम्बपण्णिदीपस्स च सीहळभावो वेदितब्बो । **आभता**ति जम्बुदीपतो आनीता । **अथा**ति पच्छा । अपरभागे हि

निकायन्तरलद्धीहि असङ्करत्थं सीहळभासाय अट्टकथा ठपिताति । तेन मूलट्टकथा सब्बसाधारणा न होतीति इदं अत्थप्पकासनं एकन्तेन करणीयन्ति दस्सेति । तेनेवाह “दीपवासीनमत्थाया”ति । तत्थ दीपवासीनन्ति जम्बुदीपवासीनं, सीहळदीपवासीनं वा अत्थाय सीहळभासाय ठपिताति योजना ।

८. **अपनेत्वानाति** कञ्चुकसदिसं सीहळभासं अपनेत्वा । ततोति अट्टकथातो । अहन्ति अत्तानं निद्विसति, **मनोरमं भासन्ति** मागधभासं । सा हि सभावनिरुत्तिभूता पण्डितानं मनं रमयतीति । तेनेवाह “तन्तिनयानुच्छविक”न्ति, पाळिगतिया अनुलोमिकं पाळिभासायानुविधायिनिन्ति अत्थो । **विगतदोसन्ति** असभावनिरुत्तिभासन्तररहितं ।

९. **समयं अविलोमेन्तोति** सिद्धन्तं अविरोधेन्तो । एतेन अत्थदोसाभावमाह । अविरुद्धता एव हि थेरवादापि इध पकासीयिस्सन्ति । **थेरवंसदीपानन्ति** थिरेहि सीलक्खन्धादीहि समन्नागतत्ता थेरा, महाकस्सपादयो । तेहि आगता आचरियपरम्परा थेरवंसो, तप्परियापन्ना हुत्वा आगमाधिगमसम्पन्नत्ता पज्जापज्जोतेन तस्स समुज्जलनतो **थेरवंसदीपा**, महाविहारवासिनो, तेसं । विविधेहि आकारेहि निच्छीयतीति विनिच्छयो, गण्ठिठ्ठानेसु खीलमद्वनाकारेन पवत्ता विमतिच्छेदनी कथा । सुट्ठु निपुणो सण्हो विनिच्छयो एतेसन्ति **सुनिपुणविनिच्छया** । अथ वा विनिच्छिनोतीति विनिच्छयो, यथावुत्तत्थविसयं जाणं । सुट्ठु निपुणो छेको विनिच्छयो एतेसन्ति योजेतब्बं । एतेन महाकस्सपादिथेरपरम्पराभतो, ततो एव च अविपरीतो सण्हो सुखुमो महाविहारवासीनं विनिच्छयोति तस्स पमाणभूततं दस्सेति ।

१०. **सुजनस्स चाति च**-सद्दो सम्पिण्डनत्थो । तेन “न केवलं जम्बुदीपवासीनमेव अत्थाय, अथ खो साधुजनतोसनत्थञ्चा”ति दस्सेति । तेन च “तम्बपणिदीपवासीनम्पि अत्थाया”ति अयमत्थो सिद्धो होति उग्गहणादिसुकरताय तेसम्पि बहुकारत्ता । **चिरट्ठितत्थन्ति** चिरट्ठितअत्थं, चिरकालट्ठितियाति अत्थो । इदञ्चि अत्थप्पकासनं अविपरीतपदव्यञ्जनसुनिक्खेपस्स अत्थसुनयस्स च उपायभावतो सद्धम्मस्स चिरट्ठितिया संवत्तति । वुत्तज्हेतं भगवता “द्वेमे, भिक्खवे, धम्मा सद्धम्मस्स ठितिया असम्मोसाय अनन्तरधानाय संवत्तन्ति । कतमे द्वे? सुन्निक्खित्तञ्च पदव्यञ्जनं अत्थो च सुनीतो”ति (अ० नि० २.२०) ।

११. यं अत्थवण्णनं कत्तुकामो, तस्सा महत्तं परिहरितुं “**सीलकथा**”तिआदि वुत्तं । तेनेवाह “न तं इध विचारयिस्सामी”ति । अथ वा यं अट्टकथं कत्तुकामो, तदेकदेसभावेन विसुद्धिमगो गहेतब्बोति कथिकानं उपदेसं करोन्तो तत्थ विचारितधम्मे उदेसवसेन दस्सेति “**सीलकथा**”तिआदिना । तत्थ **सीलकथा**ति चारित्तवारित्तादिवसेन सीलस्स वित्थारकथा । **धुतधम्मा**ति पिण्डपातिकङ्गादयो तेरस किलेसधुननकधम्मा । **कम्मट्टानानि सब्बानीति** पाळियं आगतानि अट्ठितंस, अट्टकथायं द्वेति निरवसेसानि योगकम्मस्स भावनाय पवत्तिट्टानानि । **चरियाविधानसहितोति** रागचरितादीनं सभावादिविधानेन सहितो । **झानानि** चत्तारि रूपावचरज्झानानि, **समापत्तियो** चतस्सो अरूपसमापत्तियो । अट्ठपि वा पटिलद्धमत्तानि **झानानि**, समापज्जनवसीभावप्पत्तिया **समापत्तियो** । **झानानि** वा रूपारूपावचरज्झानानि, **समापत्तियो** फलसमापत्तिनिरोधसमापत्तियो ।

१२. लोकियलोकुत्तरभेदा छ अभिज्जायो **सब्बा अभिज्जायो** । **जाणविभङ्गादीसु** (विभ० ७५१) आगतनयेन एकविधादिना पज्जाय संकलेत्वा सम्पिण्डेत्वा निच्छयो **पज्जासङ्कलननिच्छयो** ।

१३. पच्चयधम्मानं हेतादीनं पच्चयुप्पन्नधम्मानं हेतुपच्चयादिभावो पच्चयाकारो, तस्स देसना **पच्चयाकारदेसना**, पटिच्चसमुप्पादकथाति अत्थो । सा पन निकायन्तरलद्धिसङ्कररहितताय सुट्ठु परिसुद्धा, घनविनिब्भोगस्स सुदुक्करताय

निपुणा सण्हसुखुमा, एकत्तनयादिसहिता च तत्थ विचारिताति आह “सुपरिसुद्धनिपुणनया”ति । पटिसम्भितादीसु आगतनयं अविस्सज्जेत्वाव विचारितत्ता अवमुत्तन्तिमग्गा ।

१४. इति पन सब्बन्ति इति-सद्दो परिसमापने, पन-सद्दो वचनालङ्कारे, एतं सब्बन्ति अत्थो । इधाति इमिस्सा अट्ठकथाय । न तं विचारयिस्सामि पुनरुत्तिभावतोति अधिप्पायो ।

१५. इदानीं तस्सेव अविचारणस्स एकन्तकारणं निद्वारेन्तो “मज्झे विसुद्धिमग्गो”ति आदिमाह । तत्थ “मज्झे ठत्वा”ति एतेन मज्झट्ठभावदीपनेन विसेसतो चतुन्नं आगमानं साधारणट्ठकथा विसुद्धिमग्गो, न सुमङ्गलविलासिनी आदयो विय असाधारणट्ठकथाति दस्सेति । “विसेसतो”ति च इदं विनयाभिधम्मानमि विसुद्धिमग्गो यथारहं अत्थवण्णना होति एवाति कत्वा वुत्तं ।

१६. इच्चेवाति इति एव । तम्पीति विसुद्धिमग्गमि । एतायाति पपञ्चसूदनिया । एत्थ च “सीहळदीपं आभता”ति आदिना अट्ठकथाकरणस्स निमित्तं दस्सेति, “दीपवासीनमत्थाय, सुजनस्स च तुट्ठत्थं, चिरट्ठितत्थञ्च धम्मस्सा”ति एतेन पयोजनं, “मज्झिमागमवरस्स अत्थं पकासयिस्सामी”ति एतेन पिण्डत्थं, “अपनेत्त्वान ततोहं सीहळभास”न्ति आदिना, “सीलकथा”ति आदिना च करणप्पकारं । सीलकथादीनं अविचारणमि हि इध करणप्पकारो एवाति ।

गन्थारम्भकथावण्णना निट्ठिता ।

### निदानकथावण्णना

१. विभागवन्तानं सभावविभावनं विभागदस्सनमुखेनेव होतीति पठमं ताव पण्णासवग्गसुत्तादिवसेन मज्झिमागमस्स विभागं दस्सेतुं “तत्थ मज्झिमसङ्गीति नामा”ति आदिमाह । तत्थ तत्थाति यं वुत्तं “मज्झिमागमवरस्स अत्थं पकासयिस्सामी”ति, तस्मिं वचने । या मज्झिमागमपरियायेन मज्झिमसङ्गीति वुत्ता, सा पण्णासादितो एदिसाति दस्सेति “मज्झिमसङ्गीति नामा”ति आदिना । तत्थाति वा “एताय अट्ठकथाय विजानाथ मज्झिमसङ्गीतिया अत्थ”न्ति एत्थ यस्सा मज्झिमसङ्गीतिया अत्थं विजानाथाति वुत्तं, सा मज्झिमसङ्गीति नाम पण्णासादितो एदिसाति दस्सेति । पञ्च दसका पण्णासा, मूले आदिमिहि पण्णासा, मूलभूता वा पण्णासा मूलपण्णासा । मज्झे भवा मज्झिमा, मज्झिमा च सा पण्णासा चाति मज्झिमपण्णासा । उपरि उद्धं पण्णासा उपरिपण्णासा । पण्णासत्तयसङ्गहाति पण्णासत्तयपरिगणना ।

अयं सङ्गहो नाम जातिसज्जातिकिरियागणनवसेन चतुब्बिधो । तत्थ “या चावुसो विसाख, सम्मावाचा, यो च सम्माकम्मन्तो, यो च सम्माआजीवो, इमे धम्मा सीलक्खन्धे सङ्गहिता”ति (म० नि० १.४६२) अयं जातिसङ्गहो । “यो चावुसो विसाख, सम्मावायामो । या च सम्मासति, यो च सम्मासमाधि, इमे धम्मा समाधिक्खन्धे सङ्गहिता”ति अयं सज्जातिसङ्गहो । “या चावुसो विसाख, सम्मादिट्ठि, यो च सम्मासङ्कप्पो, इमे धम्मा पञ्जाक्खन्धे सङ्गहिता”ति अयं किरियासङ्गहो । “हज्जि चक्खायतनं रूपक्खन्धगणनं गच्छति, तेन वत रे वत्तब्बे चक्खायतनं रूपक्खन्धेन सङ्गहित”न्ति (कथा० ४७१) अयं गणनसङ्गहो । अयमेव च इधाधिप्पेतो । तेन वुत्तं “पण्णासत्तयसङ्गहाति पण्णासत्तयपरिगणना”ति ।

वग्गतोति समूहतो, सो पनेत्थ दसकवसेन वेदितब्बो । येभ्युयेन हि सासने दसके वग्गवोहारो । तेनेवाह “एकेकाय पण्णासाय पञ्च पञ्च वग्गे कत्वा”ति । पन्नरसवग्गसमायोगाति पन्नरसवग्गसंयोगाति अत्थो । केचि पन

समायोगसहं समुदायत्वं वदन्ति । पदतोति एत्थ अट्ठकखरो गाथापादो “पद”न्ति अधिप्पेतो, तस्मा “अकखरतो छ अकखरसतसहस्सानि चतुरासीतुत्तरसताधिकानि चतुचत्तालीस सहस्सानि च अकखरानी”ति पाठेन भवितव्वन्ति वदन्ति । यस्मा पन नवकखरो याव द्वादसकखरो च गाथापादो संविज्जति, तस्मा तादिसानम्पि गाथानं वसेन अट्ठतेय्यगाथासतं भाणवारो होतीति कत्वा “अकखरतो सत्त अकखरसतसहस्सानि चत्तालीसज्ज सहस्सानि तेपज्जासज्ज अकखरानी”ति वुत्तं । एवज्झि पदभाणवारगणनाहि अकखरगणना संसन्दति, नेतरथा । भाणवारोति च द्वत्तिसकखरानं गाथानं वसेन अट्ठतेय्यगाथासतं, अयज्ज अकखरगणना भाणवारगणना च पदगणनानुसारेण लद्धाति वेदितव्वा । इममेव हि अत्थं जापेतुं सुत्तगणनानन्तरं भाणवारे अगणेत्वा पदानि गणितानि । तत्रिदं वुच्चति —

“भाणवारा यथापि हि, मज्झिमस्स पकासिता ।

उपट्ठभाणवारो च, तेवीसतिपदाधिको ॥

सत्त सतसहस्सानि, अकखरानं विभावये ।

चत्तालीस सहस्सानि, तेपज्जासज्ज अकखर”न्ति ॥

अनुसन्धितोति देसनानुसन्धितो । एकस्मिं एव हि सुत्ते पुरिमपच्छिमानं देसनाभागानं सम्बन्धो अनुसन्धानतो अनुसन्धि । एत्थ च अत्तज्झासयानुसन्धि परज्झासयानुसन्धीति दुविधो अज्झासयानुसन्धि । सो पन कत्थचि देसनाय विप्पकताय धम्मं सुणन्तानं पुच्छावसेन, कत्थचि देसेन्तस्स सत्थु सावकस्स धम्मपटिग्गाहकानज्ज अज्झासयवसेन, कत्थचि देसेतव्वस्स धम्मस्स वसेन होतीति समासतो तिप्पकारो । तेन वुत्तं

“पुच्छानुसन्धिअज्झासयानुसन्धियथानुसन्धिवसेन सङ्खेपतो ति विधो अनुसन्धी”ति । सङ्खेपेनेव च चतुब्बिधो अनुसन्धि वेदितव्वो । तत्थ “एवं वुत्ते अज्जतरो भिक्खु भगवन्तं एतदवोच ‘किं नु खो, भन्ते, ओरिमं तीरं, किं पारिमं तीरं, को मज्झे संसीदो, को थले उस्सादो, को मनुस्सग्गाहो, को अमनुस्सग्गाहो, को आवत्तग्गाहो, को अन्तोपूतिभावो’ति” (सं० नि० ४.२४१)? एवं पुच्छन्तानं विस्सज्जेन्तेन भगवता पवत्तितदेसनावसेन पुच्छानुसन्धी वेदितव्वो । “अथ खो अज्जतरस्स भिक्खुनो एवं चेतसो परिवितक्को उदपादि ‘इति किर भो रूपं अनत्ता... वेदना... सज्जा... सङ्कारा... विज्जाणं अनत्ता, अनत्तकतानि कम्मानि कमत्तानं फुसिस्सन्ती’ति । अथ खो भगवा तस्स भिक्खुनो चेतसा चेतोपरिवितक्कमज्जाय भिक्खू आमन्तेसि ठानं खो पनेतं, भिक्खवे, विज्जति, यं इधेकच्चो मोघपुरिसो अविद्धा अविज्जागतो तण्हाधिपतेय्येन चेतसा सत्थुसासनं अतिधावितव्वं मज्जेय्य ‘इति किर भो रूपं अनत्ता... पे०... फुसिस्सन्ती’ति । तं किं मज्जथ, भिक्खवे, रूपं निच्चं वा अनिच्चं वा’ति (म० नि० ३.९०) एवं परेसं अज्झासयं विदित्वा भगवता पवत्तितदेसनावसेन परज्झासयानुसन्धि वेदितव्वो ।

“तस्स मय्हं ब्राह्मण एतदहोसि ‘यंनूनाहं या ता रत्तियो अभिज्जाता अभिलक्खिता चातुदसी पज्जदसी अट्ठमी च पक्खस्स, तथारूपासु रत्तीसु यानि तानि आरामचेतियानि वनचेतियानि रुक्खचेतियानि भिसनकानि सलोमहंसानि, तथारूपेसु सेनासनेसु विहरेय्यं अप्पेव नामाहं भयभेरवं पस्सेय्य’न्ति” (म० नि० १.४९) एवं भगवता, “तत्रावुसो लोभो च पापको दोसो च पापको लोभस्स च पहानाय दोसस्स च पहानाय अत्थि मज्झिमा पटिपदा, चक्खुकरणी जाणकरणी उपसमाय अभिज्जाय सम्बोधाय निब्बानाय संवत्ती”ति (म० नि० १.३३) एवं धम्मसेनापतिना च अत्तनो अज्झासयेनेव पवत्तितदेसनावसेन अत्तज्झासयानुसन्धि वेदितव्वो । येन पन धम्मेन आदिमि देसना उट्ठिता, तस्स अनुरूपधम्मवसेन वा पटिपक्खधम्मवसेन वा येसु सुत्तेसु उपरि देसना आगच्छति, तेसं वसेन यथानुसन्धि वेदितव्वो । सेय्यथिदं आकङ्खेय्यसुत्ते

(म० नि० १.६५) हेट्टा सीलेन देसना उट्ठिता, उपरि अभिज्जा आगता । **वत्थुसुत्ते** (म० नि० १.७०) हेट्टा किलेसेन देसना उट्ठिता, उपरि ब्रह्मविहारा आगता । **कोसम्बकसुत्ते** (म० नि० १.४९१) हेट्टा भण्डनेन देसना उट्ठिता, उपरि सारणीयधम्मा आगता । **ककचूपमे** (म० नि० १.२२२) हेट्टा अक्खन्तिया वसेन देसना उट्ठिता, उपरि ककचूपमा आगताति ।

**वित्थारतो पनेत्था**ति एवं सङ्खेपतो तिविधो चतुब्बिधो च अनुसन्धि एत्थ एतस्मिं मज्झिमनिकाये तस्मिं तस्मिं सुत्ते यथारहं वित्थारतो विभजित्वा विज्जायमाना नवसताधिकानि तीणि अनुसन्धिसहस्सानि होन्ति । यथा चेतं पण्णासादिविभागवचनं मज्झिमसङ्गीतिया सरूपदस्सनत्थं होति, एवं पक्खेपदोसपरिहरणत्थञ्च होति । एवञ्च पण्णासादीसु ववत्थितेसु तब्बिनिमुत्तं किञ्चि सुत्तं याव एकं पदम्पि आनेत्वा इमं मज्झिमसङ्गीतियाति कस्सचि वत्तुं ओकासो न सियाति ।

एवं पण्णासवगगसुत्तभाणवारानुसन्धिव्यञ्जनतो मज्झिमसङ्गीतिं ववत्थपेत्वा इदानीं नं आदितो पट्टाय संवण्णेत्तुकामो अत्तनो संवण्णनाय तस्सा पठममहासङ्गीतियं निक्खित्तानुक्कमेनेव पवत्तभावं दस्सेत्तुं “**तत्थ पण्णासासु मूलपण्णासा आदी**”ति आदिमाह । तत्थ यथापच्चयं तत्थ तत्थ देसितत्ता पञ्चत्तत्ता च विष्पकिण्णानं धम्मविनयानं सङ्गहेत्वा गायनं कथनं सङ्गीति, महाविसयत्ता पूजनीयत्ता च महती सङ्गीतीति महासङ्गीति, पठमा महासङ्गीति पठममहासङ्गीति, तस्सा पवत्तितकालो पठममहासङ्गीतिकालो, तस्मिं **पठममहासङ्गीतिकाले** । निददाति देसनं देसकालादिवसेन अविदितं विदितं कत्वा निदस्सेतीति **निदानं**, यो लोकियेहि “उपोग्घातो”ति वुच्चति, स्वायमेत्थ “एवं मे सुत”न्ति आदिको गन्थो वेदितब्बो, न पन “सनिदानाहं, भिक्खवे, धम्मं देसेमी”ति आदीसु (अ० नि० ३.१२६) विय अज्झासयादिदेसनुप्पत्तिहेतु । तेनेवाह “**एवं मे सुतन्ति आदिकं आयस्मता आनन्देन पठममहासङ्गीतिकाले वुत्तं निदानमादी**”ति । कामञ्चेत्थ यस्सं पठममहासङ्गीतियं निक्खित्तानुक्कमेन संवण्णनं कत्तुकामो, सा वित्थारतो वत्तब्बा । **सुमङ्गलविलासिनियं** (दी० नि० टी० १.निदानकथावण्णना) पन अत्तना वित्थारितत्ता तत्थेव गहेतब्बाति इमिस्सा संवण्णनाय महन्तत्तं परिहरन्तो “**सा पनेसा**”ति आदिमाह ।

निदानकथावण्णना निट्ठिता ।

## १. मूलपरियायवग्गो

### १. मूलपरियायसुत्तवण्णना

#### अब्भन्तरनिदानवण्णना

१. एवं बाहिरनिदाने वत्तब्बं अतिदिसित्वा इदानीं अभन्तरनिदानं आदितो पट्टाय संवण्णेत्तुं “**यं पनेत**”न्ति आदि वुत्तं । तत्थ यस्मा संवण्णनं करोन्तेन संवण्णेत्तब्बे धम्मे पदविभागं पदत्थञ्च दस्सेत्वा ततो परं पिण्डत्तादिदस्सनवसेन संवण्णना कातब्बा, तस्मा पदानि ताव दस्सेन्तो “**एवन्ति निपातपद**”न्ति आदिमाह । तत्थ **पदविभागो**ति पदानं विसेसो, न पदविग्गहो । अथ वा पदानि च पदविभागो च पदविभागो, पदविग्गहो च पदविभागो च **पदविभागो**ति वा एकसेसवसेन पदपदविग्गहा पदविभागसद्देन वुत्ताति वेदितब्बं । तत्थ पदविग्गहो “सुभगञ्च तं वनञ्चाति **सुभगवनं**, सालानं राजा, सालो च सो राजा च इतिपि सालराजा”ति आदिवसेन समासपदेसु दट्ठब्बो ।

अत्थतोति पदत्थतो । तं पन पदत्थं अत्थुद्धारक्कमेन पठमं एवंसदस्स दस्सेन्तो “एवं-सदो तावा”तिआदिमाह । अवधारणादीति एत्थ आदि-सद्वेन इदमत्थपुच्छापरिमाणानि अत्थानं सङ्गहो दट्ठब्बो । तथा हि “एवंगतानि पुत्थुसिप्पायतनानि (दी० नि० १.१६३), एवविधो एवमाकारो”ति च आदीसु इदं-सदस्स अत्थे एवं-सद्वो । गत-सद्वो हि पकारपरियायो, तथा विधाकार-सद्वो च । तथा हि विधयुत्तगत-सद्वे लोकिया पकारत्थे वदन्ति । “एवं सु ते सुन्हाता सुविलित्ता कप्पितकेसमस्सू आमुक्कमणिकुण्डलाभरणा ओदातवत्थवसना पञ्चहि कामगुणेहि समप्पिता समङ्गीभूता परिचारेन्ति, सेय्यथापि त्वं एतरहि साचरियकोति । नो हिदं, भो गोतमा”तिआदीसु (दी० नि० १.२८६) पुच्छायं । “एवंलहुपरिवत्तं (अ० नि० १.४८) एवमायुपरियन्तो”ति (पारा० १२) च आदीसु परिमाणे ।

ननु च “एवं सु ते सुन्हाता सुविलित्ता, एवमायुपरियन्तो”ति एत्थ एवं-सद्वेन पुच्छनाकारपरिमाणाकारानं वुत्तत्ता आकारत्थो एव एवं-सद्वोति? न, विसेससम्भावतो । आकारमत्तवाचको हि एवं-सद्वो आकारत्थोति अधिप्पेतो यथा “एवं ब्या खो”तिआदीसु (म० नि० १.२३४, ३९६), न पन आकारविसेसवाचको । एवञ्च कत्वा “एवं जातेन मच्चेना”तिआदीनि उपमादिउदाहरणानि उपपन्नानि होन्ति । तथा हि “यथापि...पे०... बहु”न्ति (ध० प० ५३) एत्थ पुप्फरासिद्धानियतो मनुस्सूपपत्ति-सप्पुरिसूपनिस्सय-सद्धम्मस्सवन-योनिमोमनसिकार- भोगसम्पत्ति-आदिदानादि-पुञ्जकिरियहेतुसमुदायतो सोभा-सुगन्धतादिगुणयोगतो मालागुणसदिसियो पट्टता पुञ्जकिरिया मरितब्बसभावताय मच्चेन सत्तेन कत्तब्बाति जोतितत्ता पुप्फरासिमालागुणाव उपमा, तेसं उपमाकारो यथा-सद्वेन अनियमतो वुत्तोति “एवं-सद्वो उपमाकारनिगमनत्थो”ति वत्तुं युत्तं । सो पन उपमाकारो नियमियमानो अत्थतो उपमाव होतीति आह “उपमायं आगतो”ति । तथा “एवं इमिना आकारेन अभिक्कमितब्ब”न्तिआदिना उपदिसियमानाय समणसारुप्पाय आकप्पसम्पत्तिया यो तत्थ उपदिसनाकारो, सो अत्थतो उपदेसो एवाति वुत्तं “एवं ते...पे०... उपदेसे”ति । तथा “एवमेतं भगवा, एवमेतं सुगता”ति एत्थ च भगवता यथावुत्तमत्थं अविपरीततो जानन्तेहि कत्तं तत्थ संविज्जमानगुणानं पकारेहि हंसनं उदग्गताकरणं सम्पहंसनं । यो तत्थ सम्पहंसनाकारोति योजेतब्बं ।

एवमेवं पनायन्ति एत्थ गरहणाकारोति योजेतब्बं, सो च गरहणाकारो “वसली”तिआदिखुंसनसदसन्निधानतो इध एवं-सद्वेन पकासितोति विज्जायति । यथा चेत्थ, एवं उपमाकारादयोपि उपमादिवसेन वुत्तानं पुप्फरासिआदिसद्धानं सन्निधानतो दट्ठब्बं । एवं, भन्तेति पन धम्मस्स साधुकं सवनमनसिकारे सन्नियोजितेहि भिक्खूहि अत्तनो तत्थ ठितभावस्स पटिजाननवसेन वुत्तत्ता एत्थ एवं-सद्वो वचनसम्पटिच्छनत्थो वुत्तो । तेन एवं, भन्ते साधु, भन्ते, सुट्ठु, भन्तेति वुत्तं होति । एवञ्च वदेहीति “यथाहं वदामि, एवं समणं आनन्दं वदेही”ति यो एवं वदनाकारो इदानी वत्तब्बो । सो एवंसद्वेन निदस्सीयतीति “निदस्सने”ति वुत्तोति । एवं नोति एत्थापि तेसं यथावुत्तधम्मानं अहितदुक्खावहभावे सन्निधानजननत्थं अनुमतिगहणवसेन “संवत्तन्ति वा नो वा, कथं वो एत्थ होती”ति पुच्छाय कताय “एवं नो एत्थ होती”ति वुत्तत्ता तदाकारसन्निधानं एवं-सद्वेन विभावितन्ति विज्जायति । सो पन तेसं धम्मानं अहिताय दुक्खाय संवत्तनाकारो नियमियमानो अवधारणत्थो होतीति आह “एवं नो एत्थ होतीतिआदीसु अवधारणे”ति ।

नानानयनिपुणन्ति एकत्तनानत्तअब्बापारएवंधम्मतासङ्घाता, नन्दियावत्ततिपुक्खलसीहविक्कीळितअङ्कुसदिसालोचनसङ्घाता वा आधारादिभेदवसेन नानाविधा नया नानानया, नया वा पाळिगतियो, ता च पञ्चत्तिअनुपञ्चत्तिआदिवसेन संकिलेसभागियादिलोकियादितदुभयवोमिस्सकादिवसेन कुसलादिवसेन खन्धादिवसेन सङ्गहादिवसेन समयविमुत्तादिवसेन ठपनादिवसेन कुसलमूलादिवसेन तिकप्पट्टानादिवसेन च नानप्पकाराति नानानया । तेहि निपुणं सण्हं सुखुमन्ति नानानयनिपुणं । आसयोव अज्झासयो, ते च सस्सतादिभेदेन,

तत्थ च अप्परजक्खतादिभेदेन अनेके, अत्तज्झासयादयो एव वा समुद्धानं उप्पत्तिहेतु एतस्साति  
**अनेकज्झासयसमुद्धानं**। अत्थब्यञ्जनसम्पन्नन्ति अत्थब्यञ्जनपरिपुण्णं उपनेतब्बाभावतो, सङ्कासनपकासन-विवरण-  
 विभजन-उत्तानीकरण-पञ्चत्तिवसेन छहि अत्थपदेहि, अक्खर-पदब्यञ्जनाकारनिरुत्तिनिद्देसवसेन छहि व्यञ्जनपदेहि च  
 समन्नागतन्ति वा अत्थो दट्ठब्बो।

**विविधपाटिहारियन्ति** एत्थ पाटिहारियपदस्स वचनत्थं (उदा० अट्ठ० १; इतिवु० अट्ठ० निदानवण्णना; सं० नि० टी०  
 १.१.१ देवतासंयुत्त) “पटिपक्खहरणतो, रागादिकिलेसापनयनतो च **पाटिहारिय**”न्ति वदन्ति, भगवतो पन पटिपक्खा  
 रागादयो न सन्ति, ये हरितब्बा। पुत्थुज्जनानम्पि विगतूपक्विकलेसे अट्ठगुणसमन्नागते चित्ते हतपटिपक्खे इद्धिविधं पवत्तति,  
 तस्मा तत्थ पवत्तवोहारेन च न सक्का इध “**पाटिहारिय**”न्ति वत्तुं। सचे पन महाकारुणिकस्स भगवतो वेनेय्यगता च  
 किलेसा पटिपक्खा, तेसं हरणतो “**पाटिहारिय**”न्ति वत्तुं, एवं सति युत्तमेतं। अथ वा भगवतो च सासनस्स च पटिपक्खा  
 तित्थिया, तेसं हरणतो **पाटिहारियं**। ते हि दिट्ठिहरणवसेन दिट्ठिपकासने असमत्थभावेन च इद्धिआदेसनानुसासनीहि हरिता  
 अपनीता होन्तीति। “पटी”ति वा अयं सद्दो “पच्छा”ति एतस्स अत्थं बोधेति “तस्मिं पटिपविट्ठमि, अज्जो आगच्छि  
 ब्राह्मणो”तिआदीसु (सु० नि० ९८५; चूळनि० ४) विय, तस्मा समाहिते चित्ते विगतूपक्विकलेसे च कतकिच्चेन पच्छा  
 हरितब्बं पवत्तेतब्बन्ति पाटिहारियं, अत्तनो वा उपक्विकलेसेसु चतुत्थज्झानमग्गोहि हरितेसु पच्छा हरणं पाटिहारियं,  
 इद्धिआदेसनानुसासनियो च विगतूपक्विकलेसेन कतकिच्चेन च सत्तहितत्थं पुन पवत्तेतब्बा, हरितेसु च अत्तनो  
 उपक्विकलेसेसु परसत्तानं उपक्विकलेसहरणानि होन्तीति पाटिहारियानि भवन्ति। पाटिहारियमेव **पाटिहारियं**, पाटिहारिये वा  
 इद्धिआदेसनानुसासनिसमुदाये भवं एकमेकं **पाटिहारियन्ति** वुच्चति। पाटिहारियं वा चतुत्थज्झानं मग्गो च  
 पटिपक्खहरणतो, तत्थ जातं, तस्मिं वा निमित्तभूते, ततो वा आगतन्ति **पाटिहारियं**। तस्स पन इद्धिआदिभेदेन विसयभेदेन  
 च बहुविधस्स भगवतो देसनायं लब्भमानत्ता आह “**विविधपाटिहारिय**”न्ति।

**न अज्जथाति** भगवतो सम्मुखा सुताकारतो न अज्जथाति अत्थो, न पन भगवतो देसिताकारतो। अचिन्तेय्यानुभावा  
 हि भगवतो देसना। एवञ्च कत्वा “सब्बप्पकारेन को समत्थो विज्जातु”न्ति इदं वचनं समत्थितं भवति,  
 धारणबलदस्सनञ्च न विरुज्झति सुताकाराविरज्जनस्स अधिप्पेतत्ता। न हेत्थ अत्थन्तरतापरिहारो द्विन्नम्पि अत्थानं  
 एकविसयत्ता। इतरथा थेरो भगवतो देसनाय सब्बथा पटिग्गहणे समत्थो असमत्थो चाति आपज्जेय्याति।

“यो परो न होति, सो अत्ता”ति एवं वुत्ताय नियकज्झत्तसङ्घाताय ससन्ततिया वत्तनतो तिविधोपि मे-सद्दो किज्चापि  
 एकस्मिंयेव अत्थे दिस्सति, करणसम्पदानसामिनिद्देसवसेन पन विज्जमानं भेदं सन्धायाह “**मे-सद्दो तीसु अत्थेसु  
 दिस्सती**”ति।

किज्चापि उपसग्गो किरियं विसेसेति, जोतकभावतो पन सतिपि तस्मिं सुतसद्दो एव तं तमत्थं वदतीति अनुपसग्गस्स  
 सुतसद्दस्स अत्थुद्दारे सउपसग्गस्स गहणं न विरुज्झतीति दस्सेन्तो “**सउपसग्गो च अनुपसग्गो चा**”तिआदिमाह।  
 अस्साति सुतसद्दस्स। कम्मभावासाधनानि इध सुतसद्दे सम्भवन्तीति वुत्तं “**उपधारितन्ति वा उपधारणन्ति वा  
 अत्थो**”ति। मयाति अत्थे सतीति यदा मे-सद्दस्स कत्तुवसेन करणनिद्देसो, तदाति अत्थो। ममाति अत्थे सतीति यदा  
 सम्बन्धवसेन सामिनिद्देसो, तदा।

सुत-सद्दसन्निधाने पयुत्तेन एवं-सद्देन सवनकिरियाजोतकेन भवितब्बन्ति वुत्तं “**एवन्ति  
 सोतविज्जाणादिविज्जाणकिच्चनिदस्सन**”न्ति। आदि-सद्देन सम्पटिच्छनादीनं पञ्चद्वारिकविज्जाणानं तदभिनीहटानञ्च

मनोद्वारिकविज्जाणानं गहणं वेदितब्बं । सव्वेसम्पि वाक्यानं एव-कारत्थसहितत्ता “सुत”न्ति एतस्स सुतमेवाति अयमत्थो लब्धतीति आह “अस्सवनभावपटिक्खेपतो”ति । एतेन अवधारणेन निरासङ्गतं दस्सेति । यथा च सुतं सुतमेवाति नियमेतब्बं, तं सम्मा सुतं होतीति आह “अनूनाधिकविपरीतगहणनिदस्सन”न्ति । अथ वा सद्दन्तरत्थापोहनवसेन सद्दो अत्थं वदतीति सुतन्ति असुतं न होतीति अयमेतस्स अत्थोति वुत्तं “अस्सवनभावपटिक्खेपतो”ति । इमिना दिट्ठादिविनिवत्तनं करोति । इदं वुत्तं होति “न इदं मया दिट्ठं, न सयम्भुजाणेन सच्छिकतं, अथ खो सुतं, तच्च खो सम्मदेवा”ति । तेनेवाह — “अनूनाधिकविपरीतगहणनिदस्सन”न्ति । अवधारणत्थे वा एवं-सद्दं अयमत्थयोजना करीयतीति तदपेक्खस्स सुत-सद्दस्स अयमत्थो वुत्तो “अस्सवनभावपटिक्खेपतो”ति । तेनेवाह “अनूनाधिकविपरीतगहणनिदस्सन”न्ति । सवनसद्दो चेत्थ कम्मत्थो वेदितब्बो “सुय्यती”ति ।

एवं सवनहेतुसुणन्तपुग्गलसवनविसेसवसेन पदत्तयस्स एकेन पकारेन अत्थयोजनं दस्सेत्वा इदानीं पकारन्तरेहिपि तं दस्सेतुं “तथा एव”न्तिआदि वुत्तं । तत्थ तस्साति या सा भगवतो सम्मुखा धम्मस्सवनाकारेण पवत्ता मनोद्वारविज्जाणवीथि, तस्सा । सा हि नानप्पकारेण आरम्भणे पवत्तितुं समत्था । तथा च वुत्तं “सोतद्वारानुसारेणा”ति । नानप्पकारेणाति वक्खमानानं अनेकविहितानं ब्यज्जनत्थगहणानं नानाकारेण । एतेन इमिस्सा योजनाय आकारत्थो एवं-सद्दो गहितोति दीपेति । पवत्तिभावप्पकासनन्ति पवत्तिया अत्थिभावप्पकासनं । सुतन्ति धम्मप्पकासनन्ति यस्मिं आरम्भणे वुत्तप्पकारा विज्जाणवीथि नानप्पकारेण पवत्ता, तस्स धम्मत्ता वुत्तं, न सुतसद्दस्स धम्मत्थत्ता । वुत्तस्सेवत्थस्स पाकटीकरणं “अयज्जेत्था”तिआदि । तत्थ विज्जाणवीथियाति करणत्थे करणवचनं । मयाति कत्तुअत्थे ।

एवन्ति निद्विसितब्बप्पकासनन्ति निदस्सनत्थं एवं-सद्दं गहेत्वा वुत्तं निदस्सेतब्बस्स निद्विसितब्बत्ताभावाभावतो । तेन एवं-सद्देन सकलम्पि सुत्तं पच्चांमडुन्ति दस्सेति । सुत-सद्दस्स किरियासद्दत्ता सवनकिरियाय च साधारणविज्जाणपबन्धपटिब्धत्ता तत्थ च पुग्गलवोहारोति वुत्तं “सुतन्ति पुग्गलकिच्चप्पकासन”न्ति । न हि पुग्गलवोहाररहिते धम्मपबन्धे सवनकिरिया लब्धतीति ।

यस्स चित्तसन्तानस्सातिआदिपि आकारत्थमेव एवं-सद्दं गहेत्वा पुरिमयोजनाय अज्जत्था अत्थयोजनं दस्सेतुं वुत्तं । तत्थ आकारपज्जत्तीति उपादापज्जत्ति एव धम्मानं पवत्तिआकाररूपादानवसेन तथा वुत्ता । सुतन्ति विसयनिद्वेसोति सोतब्बभूतो धम्मो सवनकिरियाकत्तुपुग्गलस्स सवनकिरियावसेन पवत्तिट्ठानन्ति कत्वा वुत्तं । चित्तसन्तानविनिमुत्तस्स परमत्थतो कस्सचि कत्तु अभावेपि सद्दवोहारेण बुद्धिपरिकप्पितभेदवचनिच्छाय चित्तसन्तानतो अज्जं विय तंसमङ्गि कत्वा वुत्तं “चित्तसन्तानेन तंसमङ्गिनो”ति । सवनकिरियाविसयोपि सोतब्बधम्मो सवनकिरियावसेन पवत्तचित्तसन्तानस्स इध परमत्थतो कत्तुभावतो, सवनवसेन चित्तप्पवत्तिया एव वा सवनकिरियाभावतो तंकिरियाकत्तु च विसयो होतीति वुत्तं “तंसमङ्गिनो कत्तुविसये”ति । सुताकारस्स च थेरस्स सम्मानिच्छितभावतो आह “गहणसन्निट्ठान”न्ति । एतेन वा अवधारणत्थं एवं-सद्दं गहेत्वा अयमत्थयोजना कताति दट्ठब्बं ।

पुब्बे सुतानं नानाविहितानं सुत्तसङ्घातानं अत्थव्यज्जनानं उपधारितरूपस्स आकारस्स निदस्सनस्स, अवधारणस्स वा पकासनसभावो एवं-सद्दोति तदाकारादिउपधारणस्स पुग्गलपज्जत्तिया उपादानभूतधम्मपबन्धव्यापारताय वुत्तं — “एवन्ति पुग्गलकिच्चनिद्वेसो”ति । सवनकिरिया पन पुग्गलवादिनोपि विज्जाणनिरपेक्खा नत्थीति विसेसतो विज्जाणव्यापारोति आह “सुतन्ति विज्जाणकिच्चनिद्वेसो”ति । “मे”ति सद्दप्पवत्तिया एकन्तेनेव सत्तविसयत्ता विज्जाणकिच्चस्स च तत्थेव



समोदहितव्वतो “मेति उभयकिच्चयुत्तपुगलनिद्देशो”ति वुत्तं । अविज्जमानपज्जत्तिविज्जमानपज्जत्तिसभावा यथाक्कमं एवं-सद्द — सुत-सद्धानं अत्थाति ते तथारूप-पज्जत्ति-उपादानभूत-धम्मपबन्धव्यापारभावेन दस्सेन्तो आह — “एवन्ति पुगलकिच्चनिद्देशो, सुतन्ति विज्जाणकिच्चनिद्देशो”ति । एत्थ च करणकिरियाकत्तुकम्मविसेसप्पकासनवसेन पुगलव्यापारविसयपुगलव्यापारनिदस्सनवसेन गहणाकारगाहकतव्विसयविसेसनिद्देशवसेन कत्तुकरणव्यापारकत्तुनिद्देशवसेन च दुतियादयो चतस्सो अत्थयोजना दस्सिताति दट्ठव्वं ।

सव्वस्सपि सद्दाधिगमनीयस्स अत्थस्स पज्जत्तिमुखेनेव पटिपज्जितव्वत्ता सव्वपज्जत्तीनञ्च विज्जमानादिवसेन छसु पज्जत्तिभेदेसु अन्तोगधत्ता तेसु “एव”न्तिआदीनं पज्जत्तीनं सरूपं निद्दारेन्तो आह — “एवन्ति च मेति चा”तिआदि । तत्थ “एव”न्ति च “मे”ति च वुच्चमानस्सत्थस्स आकारादिनो धम्मनं असल्लक्खणभावतो अविज्जमानपज्जत्तिभावोति आह — “सच्चिकट्टपरमत्थवसेन अविज्जमानपज्जत्ती”ति । तत्थ सच्चिकट्टपरमत्थवसेनाति भूतत्थउत्तमत्थवसेन । इदं वुत्तं होति — यो मायामरीचिआदयो विय अभूतत्थो, अनुस्सवादीहि गहेतव्वो विय अनुत्तमत्थो च न होति, सो रूपसद्दादिसभावो, रूपनानुभवनादिसभावो वा अत्थो सच्चिकट्टो परमत्थो चाति वुच्चति, न तथा “एवं मे”ति पदानं अत्थोति । एतमेवत्थं पाकटतरं कातुं “किञ्चेत्थ त”न्तिआदि वुत्तं । सुतन्ति पन सद्दायतनं सन्धायाह “विज्जमानपज्जत्ती”ति । तेनेव हि “यज्झि तं एत्थ सोतेन उपलब्ध”न्ति वुत्तं, “सोतद्वारानुसारेण उपलब्ध”न्ति पन वुत्ते अत्थव्यज्जनादिसव्वं लब्धति ।

तं तं उपादाय वत्तव्वतोति सोतपथमागते धम्मे उपादाय तेसं उपधारिताकारादिनो पच्चामसनवसेन “एव”न्ति, ससन्ततिपरियापन्ने खन्धे उपादाय “मे”ति वत्तव्वत्ताति अत्थो । दिट्ठादिसभावरहिते सद्दायतने पवत्तमानोपि सुतवोहारो “दुतियं ततिय”न्तिआदिको विय पठमादीनि दिट्ठमुतविज्जाते अपेक्खित्वाव पवत्तोति आह “दिट्ठादीनि उपनिधाय वत्तव्वतो”ति असुतं न होतीति हि सुतन्ति पकासितोयमत्थोति । अत्तना पटिविद्वा सुत्तस्स पकारविसेसा “एव”न्ति थरेण पच्चामट्ठाति आह “असम्मोहं दीपेती”ति । नानप्पकारपटिवेधसमत्थो होतीति एतेन वक्खमानस्स सुत्तस्स नानप्पकारतं दुप्पटिविज्झितञ्च दस्सेति । सुतस्स असम्मोसं दीपेतीति सुताकारस्स याथावतो दस्सियमानत्ता वुत्तं । असम्मोहेनाति सम्मोहाभावेन, पज्जाय एव वा सवनकालसम्भूताय तदुत्तरकालपज्जासिद्धि । एवं असम्मोसेनाति एत्थापि वत्तव्वं । व्यज्जनानं पटिविज्झितव्वो आकारो नातिगम्भीरो, यथासुतधारणमेव तत्थ करणीयन्ति सतिया व्यापारो अधिको, पज्जा तत्थ गुणीभूताति वुत्तं “पज्जापुब्बङ्गमाया”तिआदि “पज्जाय पुब्बङ्गमा”ति कत्वा । पुब्बङ्गमता चेत्थ पधानता “मनोपुब्बङ्गमा”तिआदीसु (ध० प० १, २) विय । पुब्बङ्गमताय वा चक्खुविज्जाणादीसु आवज्जनादीनं विय अप्पधानत्ते पज्जा पुब्बङ्गमा एतिस्साति अयम्पि अत्थो युज्जति । एवं सतिपुब्बङ्गमायाति एत्थापि वुत्तनयानुसारेण यथासम्भवमत्थो वेदितव्वो । अत्थव्यज्जनसम्पन्नस्साति अत्थव्यज्जनपरिपुण्णस्स, सङ्कासनपकासनविवरणविभजनउत्तानीकरणपज्जत्तिवसेन छहि अत्थपदेहि, अक्खरपदव्यज्जनाकारनिरुत्तिनिद्देशवसेन छहि व्यज्जनपदेहि च समन्नागतस्साति वा अत्थो दट्ठव्वो ।

योनिमोमनसिकारं दीपेति एवं-सद्देन वुच्चमानानं आकारनिदस्सनावधारणत्थानं अविपरीतसद्दम्मविसयत्ताति अधिप्पायो । अविक्खेपं दीपेतीति “मूलपरियायं कत्थ भासित”न्तिआदिपुच्छावसेन पकरणप्पत्तस्स वक्खमानस्स सुत्तस्स सवनं समाधानमन्तरेण न सम्भवतीति कत्वा वुत्तं । विक्खित्तचित्तस्सातिआदि तस्सेवत्थस्स समत्थनवसेन वुत्तं । सव्वसम्पत्तियाति अत्थव्यज्जनदेसकपयोजनादिसम्पत्तिया । अविपरीतसद्दम्मविसयेहि विय

आकारनिदस्सनावधारणत्थेहि योनिसोमनसिकारस्स, सद्धम्मस्सवनेन विय च अविकखेपस्स यथा योनिसोमनसिकारेन फलभूतेन अत्तसम्मापणिधिपुब्बेकतपुञ्जतानं सिद्धिं वुत्ता तदविनाभावतो, एवं अविकखेपेन फलभूतेन कारणभूतानं सद्धम्मस्सवनसप्पुरिसूपनिस्सयानं सिद्धिं दस्सेतब्बा सिया अस्सुतवतो सप्पुरिसूपनिस्सयरहितस्स च तदभावतो । न हि विक्खित्तचित्तोतिआदिना समत्थनवचनेन पन अविकखेपेन कारणभूतेन सप्पुरिसूपनिस्सयेन च फलभूतस्स सद्धम्मस्सवनस्स सिद्धिं दस्सिता । अयं पनेत्थ अधिप्पायो युत्तो सिया — सद्धम्मस्सवनसप्पुरिसूपनिस्सया न एकन्तेन अविकखेपस्स कारणं बाहिरङ्गत्ता, अविकखेपो पन सप्पुरिसूपनिस्सयो विय सद्धम्मस्सवनस्स एकन्तकारणन्ति । एवम्पि अविकखेपेन सप्पुरिसूपनिस्सयसिद्धिजोतना न समत्थिताव, नो न समत्थिता विक्खित्तचित्तानं सप्पुरिसपयिरुपासनाभावस्स अत्थसिद्धत्ता । एत्थ च पुरिमं फलेन कारणस्स सिद्धिदस्सनं नदीपूरेन विय उपरि वुट्ठिसम्भावस्स, दुत्तियं कारणेन फलस्स सिद्धिदस्सनं दट्ठब्बं एकन्तवस्सिना विय मेघवुट्ठानेन वुट्ठिप्पवत्तिया ।

भगवतो वचनस्स अत्थव्यञ्जनपभेदपरिच्छेदवसेन सकलसासनसम्पत्तिओगाहनाकारो निरवसेसपरहितपारिपूरिकारणन्ति वुत्तं “**एवं भद्दको आकारो**”ति । यस्मा न होतीति सम्बन्धो । **पच्छिमचक्कद्वयसम्पत्तिन्ति** अत्तसम्मापणिधिपुब्बेकतपुञ्जतासङ्घातं गुणद्वयं । अपरापरवृत्तिया चेत्य चक्कभावो, चरन्ति एतेहि सत्ता सम्पत्तिभवेसूति वा । ये सन्धाय वुत्तं “चत्तारिमानि, भिक्खवे, चक्कानि, येहि समन्नागतानं देवमनुस्सानं चतुचक्कं वत्तती”तिआदि (अ० नि० ४.३१) । पुरिमपच्छिमभावो चेत्य देसनाक्कमवसेन दट्ठब्बो । **पच्छिमचक्कद्वयसिद्धियाति** पच्छिमचक्कद्वयस्स अत्थिताय । सम्मापणिहितत्तो पुब्बे च कतपुञ्जो सुद्धासयो होति तदसुद्धिहेतून् किलेसानं दूरीभावतोति आह — “**आसयसुद्धि सिद्धा होती**”ति । तथा हि वुत्तं “सम्मापणिहितं चित्तं, सेय्यसो नं ततो करे”ति (ध० प० ४३), “कतपुञ्जोसि त्वं आनन्द, पधानमनुयुज्ज, खिप्पं होहिसि अनासवो”ति (दी० नि० २.२०७) च । तेनेवाह “**आसयसुद्धिया अधिगमव्यत्तिसिद्धी**”ति । **पयोगसुद्धियाति** योनिसोमनसिकारपुब्बङ्गमस्स धम्मस्सवनपयोगस्स विसदभावेन । तथा चाह “**आगमव्यत्तिसिद्धी**”ति । सब्बस्स वा कायवचीपयोगस्स निद्वोसभावेन । परिसुद्धकायवचीपयोगो हि विप्पटिसाराभावतो अविकखित्तचित्तो परियत्तियं विसारदो होतीति ।

**नानप्यकारपटिवेधदीपकेनाति**आदिना अत्थव्यञ्जनेसु थेरस्स एवंसदसुत-सद्धानं असम्मोहासम्मोसदीपनतो चतुपटिसम्भिदावसेन अत्थयोजनं दस्सेति । तत्थ **सोतब्बभेदपटिवेधदीपकेनाति** एतेन अयं सुत-सद्दो एवं-सद्वसन्निधानतो, वक्खमानापेक्खाय वा सामञ्जेनेव सोतब्बधम्मविसेसं आमसतीति दस्सेति । मनोदिट्ठिकरणा परियत्तिधम्मानं अनुपेक्खनसुप्पटिवेधा विसेसतो मनसिकारपटिबद्धाति ते वुत्तनयेन योनिसोमनसिकारदीपकेन एवंसद्देन योजेत्वा, सवनधारणवचीपरिचया परियत्तिधम्मानं विसेसेन सोतावधानपटिबद्धाति ते अविकखेपदीपकेन सुत-सद्देन योजेत्वा दस्सेन्तो सासनसम्पत्तिया धम्मस्सवने उस्साहं जनेति । तत्थ **धम्माति** परियत्तिधम्मा । **मनसानुपेक्खिताति** “इध सीलं कथितं, इध समाधि, इध पज्जा, एत्तका एत्थ अनुसन्धियो”तिआदिना नयेन मनसा अनु अनु पेक्खिता । **दिट्ठिया सुप्पटिविद्धाति** निज्झानक्खन्तिभूताय, जातपरिज्जासङ्घाताय वा दिट्ठिया तत्थ तत्थ वुत्तरूपारूपधम्मे “इति रूपं, एत्तकं रूपं”न्तिआदिना सुट्ठु ववत्थपेत्वा पटिविद्धा ।

**सकलेन वचनेनाति** पुब्बे तीहि पदेहि विसुं विसुं योजितत्ता वुत्तं । **अत्तनो अदहन्तोति** “ममेदं”न्ति अत्तनि अट्टपेन्तो । **असप्पुरिसभूमिन्ति** अकतज्जुतं “इधेक्कच्चो पापभिक्खु तथागतप्पवेदितं धम्मविनयं परियापुणित्वा अत्तनो दहती”ति (पारा० १९५) एवं वुत्तं अनरियवोहारावत्थं, सा एव अनरियवोहारावत्था असद्धम्मो । ननु च आनन्दत्थेरस्स “ममेदं वचनं”न्ति अधिमानस्स, महाकस्सपत्थेरादीनञ्च तदासङ्काय अभावतो असप्पुरिसभूमिसमतिक्रमादिवचनं निरत्थकन्ति?

नयिदमेवं “एवं मे सुत”न्ति वदन्तेन अयम्पि अत्थो विभावितोति दस्सनतो । केचि पन “देवतानं परिवितक्कापेक्खं तथावचनन्ति एदिसी चोदना अनवकासावा”ति वदन्ति । तस्मिं किर खणे एकच्चानं देवतानं एवं चेतसो परिवितक्को उदपादि “भगवा च परिनिब्बुतो, अयञ्च आयस्मा देसनाकुसलो, इदानीं धम्मं देसेति सक्ककुलप्पसुतो तथागतस्स भाता चूळपितुपुत्तो, किं नु खो सयं सच्छिकतं धम्मं देसेति, उदाहु भगवतोयेव वचनं यथासुत”न्ति । एवं तदासङ्कितप्पकारतो असप्पुरिसभूमिसमोक्कमादितो अतिक्कमादि विभावितन्ति । **अप्पेतीति** निदस्सेति । दिट्ठधम्मिकसम्परायिकपरमत्थेसु यथारहं सत्ते नेतीति नेत्ति, धम्मोयेव नेत्ति **धम्मनेत्ति** ।

दळ्ळतरनिविट्ठा विचिकिच्छा **कङ्कहा** । नातिसंसप्पना मतिभेदमत्ता **विमति** । **अस्सद्धियं विनासेति** भगवता देसितत्ता, सम्मुखावस्स पटिग्गहितत्ता, खलितदुरुत्तादिगहणदोसाभावतो च । एत्थ च पठमादयो तिस्सो अत्थयोजना आकारादिअत्थेसु अग्गहितविसेसमेव एवं-सद्वं गहेत्वा दस्सिता, ततो परा चतस्सो आकारत्थमेव एवं-सद्वं गहेत्वा विभाविता, पच्छिमा पन तिस्सो यथाक्कमं आकारत्थं निदस्सनत्थं अवधारणत्थञ्च एवं-सद्वं गहेत्वा योजिताति दट्ठब्बं ।

एक-सद्वो अञ्जसेट्ठासहायसङ्ख्यादीसु दिस्सति । तथा हेस “सस्सतो अत्ता च लोको च, इदमेव सच्चं मोघमञ्जन्ति इत्थेके अभिवदन्ती”तिआदीसु (म० नि० ३.२७) अञ्जत्थे दिस्सति, “चेतसो एकोदिभाव”न्तिआदीसु (दी० नि० १.२२८) सेट्ठत्थे, “एको वूपकट्ठो”तिआदीसु (दी० नि० १.४०५) असहाये, “एकोव खो, भिक्खवे, खणो च समयो च ब्रह्मचरियवासाया”तिआदीसु सङ्ख्यायं । इधापि सङ्ख्यायन्ति दस्सेन्तो आह “**एकन्ति गणनपरिच्छेदनिद्देशो**”ति । **कालञ्च समयञ्चाति** युत्तकालञ्च पच्चयसामग्गिञ्च **खणोति** ओकासो । तथागतुप्पादादिको हि मग्गब्रह्मचरियस्स ओकासो तप्पच्चयपटिलाभहेतुत्ता । खणो एव च समयो । यो “खणो”ति च “समयो”ति च वुच्चति, सो एकोवाति हि अत्थो **महासमयो**ति महासमूहो । **समयोपि खोति** सिक्खापदपूरणस्स हेतुपि । **समयप्पवादके**ति दिट्ठिप्पवादके । तत्थ हि निसिन्ना तित्थिया अत्तनो अत्तनो समयं पवदन्तीति । **अत्थाभिसमयाति** हितपटिलाभा । अभिसमेतब्बोति अभिसमयो, अभिसमयो अत्थो **अभिसमयट्ठो**ति पीळनादीनि अभिसमेतब्बभावेन एकीभावं उपनेत्वा वुत्तानि । अभिसमयस्स वा पटिवेधस्स विसयभूतो अत्थो **अभिसमयट्ठो**ति । तानेव तथा एकत्तेन वुत्तानि । तत्थ **पीळनं** दुक्खसच्चस्स तंसमङ्गिन्नो हिंसनं अविप्फारिकताकरणं । **सन्तापो** दुक्खदुक्खतादिवसेन सन्तापनं परिदहनं ।

तत्थ सहकारीकारणं सन्निज्झं समेति समवेतीति **समयो**, समवायो । समेति समागच्छति मग्गब्रह्मचरियं एत्थ तदाधारपुग्गलेहीति **समयो**, खणो । समेति एत्थ, एतेन वा संगच्छति सत्तो, सभावधम्मो वा सहजातादीहि उप्पादादीहि वाति **समयो**, कालो । धम्मप्पवत्तिमत्तताय अत्थतो अभूतोपि हि कालो धम्मप्पवत्तिया अधिकरणं करणं विय च कप्पनामत्तसिद्धेन रूपेण वोहरीयतीति । समं, सह वा अवयवानं अयनं पवत्ति अवट्टानन्ति **समयो**, समूहो यथा “समुदायो”ति । अवयवसहावट्टानमेव हि समूहोति । अवसेसपच्चयानं समागमे एति फलं एतस्मा उप्पज्जति पवत्तति चाति **समयो**, हेतु यथा “समुदयो”ति । समेति संयोजनभावतो सम्बन्धो एति अत्तनो विसये पवत्तति, दळ्ळग्गहणभावतो वा संयुत्ता अयन्ति पवत्तन्ति सत्ता यथाभिनिवेसं एतेनाति **समयो**, दिट्ठि; दिट्ठिसञ्जोनेन हि सत्ता अतिविय बज्झन्तीति । समिति सङ्गति समोधानन्ति **समयो**, पटिलाभो । समयनं, सम्मा वा अयनं अपगमोति **समयो**, पहानं । अभिमुखं जाणेन सम्मा एतब्बो अभिसमेतब्बोति **अभिसमयो**, धम्मानं अविपरीतो सभावो । अभिमुखभावेन सम्मा एति गच्छति बुज्झतीति **अभिसमयो**, धम्मानं अविपरीतसभावावबोधो । एवं तस्मिं तस्मिं अत्थे **समय-**सद्वस्स पवत्ति वेदितब्बा । समयसद्वस्स अत्थुद्दारे अभिसमयसद्वस्स उदाहरणं वुत्तनयेनेव वेदितब्बं । **अस्साति** समयसद्वस्स । **कालो अत्थो** समवायादीनं अत्थानं इध असम्भवतो, देसदेसकपरिसानं विय सुत्तस्स निदानभावेन कालस्स अपदिसितब्बतो च ।

कस्मा पनेत्थ अनियमितवसेनेव कालो निदिट्ठो, न उत्तुसंवच्छरादिवसेन नियमेत्वाति? आह — “तत्थ किञ्चापी”तिआदि । उत्तुसंवच्छरादिवसेन नियमं अकत्वा समयसदस्स वचनेन अयम्पि गुणो लब्धो होतीति दस्सेन्तो “ये वा इमे”तिआदिमाह । सामञ्जसजोतना हि विसेसे अवतिट्ठतीति । तत्थ दिट्ठधम्मसुखविहारसमयो देवसिकं ज्ञानफलसमापत्तीहि वीतिनामनकालो, विसेसतो सत्तसत्ताहानि । सुप्पकासाति दससहस्सिलोकधातुसंकम्पनओभासपातुभावादीहि पाकटा । यथावुत्तभेदेसु एव समयेसु एकदेसं पकारन्तरेहि सङ्गहेत्वा दस्सेत्तुं “यो चाय”न्तिआदिमाह । तथा हि जाणकिच्चसमयो अत्तहितपटिपत्तिसमयो च अभिसम्बोधिसमयो, अरियतुण्हीभावसमयो दिट्ठधम्मसुखविहारसमयो, करुणाकिच्चपरहितपटिपत्तिधम्मिकथासमयो देसनासमयो एव ।

करणवचनेन निदेसो कतोति सम्बन्धो । तत्थाति अभिधम्मतदञ्जसुत्तपदविनयेसु । तथाति भुम्मकरणेहि । अधिकरणत्थो आधारत्थो । भावो नाम किरिया, ताय किरियन्तरलक्खणं भावेनभावलक्खणं । तत्थ यथा कालो सभावधम्मपरिच्छिन्नो सयं परमत्थतो अविज्जमानोपि आधारभावेन पञ्जातो तद्ध्वणप्पवत्तानं ततो पुब्बे परतो च अभावतो “पुब्बण्हे जातो, सायन्हे गच्छती”ति च आदीसु, समूहो च अवयवविनिमुत्तो अविज्जमानोपि कप्पनामत्तसिद्धो अवयवानं आधारभावेन पञ्जापीयति “रुक्खे साखा, यवरासियं सम्भूतो”तिआदीसु, एवं इधापीति दस्सेन्तो आह “अधिकरणञ्हि... पे०... धम्मान”न्ति । यस्मिं काले धम्मपुज्जे वा कामावचरं कुसलं चित्तं उप्पन्नं होति, तस्मिं एव काले धम्मपुज्जे च फस्सादयोपि होन्तीति अयञ्हि तत्थ अत्थो । यथा च “गावीसु दुहमानासु गतो, दुद्धासु आगतो”ति दोहनकिरियाय गमनकिरिया लक्खीयति, एवं इधापि “यस्मिं समये, तस्मिं समये”ति च वुत्ते “सती”ति अयमत्थो विज्जायमानो एव होति पदत्थस्स सत्ताविरहाभावतोति समयस्स सत्ताकिरियाय चित्तस्स उप्पादकिरिया फस्सादीनं भवनकिरिया च लक्खीयति । यस्मिं समयेति यस्मिं नवमे खणे, यस्मिं योनिसोमनसिकारादिहेतुम्हि, पच्चयसमवाये वा सति कामावचरं कुसलं चित्तं उप्पन्नं होति, तस्मिंयेव खणे, हेतुम्हि, पच्चयसमवाये वा फस्सादयोपि होन्तीति उभयत्थ समयसद्वे भुम्मनिदेसो कतो लक्खणभूतभावयुत्तोति दस्सेन्तो आह “खण... पे०... लक्खीयती”ति ।

हेतुअत्थो करणत्थो च सम्भवति “अन्नेन वसति, अज्जेनेन वसति, फरसुना छिन्दति, कुदालेन खणती”तिआदीसु विय । वीतिक्कमञ्हि सुत्वा भिक्खुसङ्घं सन्निपातापेत्वा ओतिण्णवत्थुकं पुग्गलं पटिपुच्छित्वा विगरहित्वा च तं तं वत्थुं ओतिण्णकालं अनतिक्कमित्वा तेनेव कालेन सिक्खापदानि पञ्जपेन्तो भगवा विहरति सिक्खापदपञ्जत्तिहेतुञ्च अपेक्खमानो ततियपाराजिकादीसु विय ।

अच्चन्तमेव आरम्भतो पट्टाय याव देसनानिट्ठानं परहितपटिपत्तिसङ्घातेन करुणाविहारेन । तदत्थजोतनत्थन्ति अच्चन्तसंयोगत्थजोतनत्थं । उपयोगवचननिदेसो कतो यथा “मासं अज्जेती”ति ।

पोराणाति अट्ठकथाचरिया । अभिलापमत्तभेदोति वचनमत्तेन विसेसो । तेन सुत्तविनयेसु विभत्तिव्यत्तयो कतोति दस्सेति ।

सेट्ठन्ति सेट्ठवाचकं वचनं “सेट्ठ”न्ति वुत्तं सेट्ठगुणसहचरणतो । तथा उत्तमन्ति एत्थापि । गारवयुत्तोति गरुभावयुत्तो गरुगुणयोगतो, गरुकरणारहताय वा गारवयुत्तो । वुत्तोयेव, न पन इध वत्तब्बो विसुद्धिमग्गस्स इमिस्सा अट्ठकथाय एकदेसभावतोति अधिप्पायो ।

अपरो नयो (सं० नि० टी० १.१.१; सारत्थ० टी० १.विनयानिसंसकथावण्णना; विसुद्धि० महाटी० १.१४४; इतिवु०

अट्ट० गन्धारम्भकथा) — भागवाति भगवा, भतवाति भगवा, भागे वनीति भगवा, भगे वनीति भगवा, भत्तवाति भगवा, भगे वमीति भगवा, भागे वमीति भगवा ।

भगवा भतवा भागे, भगे च वनि भत्तवा ।  
भगे वमि तथा भागे, वमीति भगवा जिनो ॥

तत्थ कथं **भागवाति भगवा**? ये ते सीलादयो धम्मक्खन्धा गुणभागा गुणकोट्टासा, ते अनञ्जसाधारणा निरतिसया तथागतस्स अत्थि उपलब्धन्ति । तथा हिस्स सीलं, समाधि, पञ्जा, विमुत्ति, विमुत्तिजाणदस्सनं, हिरी, ओत्तप्पं, सद्धा, वीरियं, सति सम्पज्जं, सीलविसुद्धि, दिट्ठिविसुद्धि, समथो, विपस्सना, तीणि कुसलमूलानि, तीणि सुचरितानि, तयो सम्मावितक्का, तिस्सो अनवज्जसज्जा, तिस्सो धातुयो, चत्तारो सतिपट्टाना, चत्तारो सम्मपपधाना, चत्तारो इद्धिपादा, चत्तारो अरियमग्गा, चत्तारि अरियफलानि, चतस्सो पटिसम्भिदा, चतुयोनिपटिच्छेदकजाणं, चत्तारो अरियवंसा, चत्तारि वेसारज्जजाणानि, पञ्च पधानियङ्गानि, पञ्चङ्गिको सम्मासमाधि, पञ्चजाणिको सम्मासमाधि, पञ्चिन्द्रियानि, पञ्च बलानि, पञ्च निस्सारणीया धातुयो, पञ्च विमुत्तायतनजाणानि, पञ्च विमुत्तिपरिपाचनीया सज्जा, छ अनुस्सतिट्टानानि, छ गारवा, छ निस्सारणीया धातुयो, छ सततविहारा, छ अनुत्तरियानि, छ निब्बेधभागिया सज्जा, छ अभिज्जा, छ असाधारणजाणानि, सत्त अपरिहानिया धम्मा, सत्त अरियधम्मा, सत्त अरियधनानि, सत्त बोज्झङ्गा, सत्त सप्पुरिसधम्मा, सत्त निज्जरवत्थूनि, सत्त सज्जा, सत्त दक्खिण्येय्यपुग्गलदेसना, सत्त खीणासवबलदेसना, अट्ट पञ्जापटिलाभहेतुदेसना, अट्ट सम्मत्तानि, अट्ट लोकधम्मातिक्कमा, अट्ट आरम्भवत्थूनि, अट्ट अक्खणदेसना, अट्ट महापुरिसवितक्का, अट्ट अभिभायतनदेसना, अट्ट विमोक्खा, नव योनिसोमनसिकारमूलका धम्मा, नव पारिसुद्धिपधानियङ्गानि, नव सत्तावासदेसना, नव आघातपटिविनया, नव सज्जा, नव नानत्ता, नव अनुपुब्बविहारा, दस नाथकरणा धम्मा, दस कसिणायतनानि, दस कुसलकम्मपथा, दस सम्मत्तानि, दस अरियवासा, दस असेक्खधम्मा, दस तथागतबलानि, एकादस मेत्तानिसंसा, द्वादस धम्मचक्काकारा, तेरस धुतगुणा, चुद्दस बुद्धजाणानि, पञ्चदस विमुत्तिपरिपाचनीया धम्मा, सोळसविधा आनापानस्सति, सोळस अपरन्तपनीया धम्मा, अट्टारस बुद्धधम्मा, एकूनवीसति पच्चवेक्खणजाणानि, चतुचत्तालीस जाणवत्थूनि, पञ्जास उदयब्बयजाणानि, परोपण्णास कुसलधम्मा, सत्तसत्तति जाणवत्थूनि, चतुवीसतिकोटिसतसहस्ससङ्कासमापत्तिसज्चारिमहावजिरजाणं, अनन्तनयसमन्तपट्टानपविचयपच्चवेक्खणदेसनाजाणानि तथा अनन्तासु लोकधातूसु अनन्तानं सत्तानं आसयादिविभावनजाणानि चाति एवमादयो अनन्तापरिमाणभेदा अनञ्जसाधारणा निरतिसया गुणभागा गुणकोट्टासा संविज्जन्ति उपलब्धन्ति, तस्मा यथावुत्तविभागा गुणभागा अस्स अत्थीति “भागवा”ति वत्तब्बे आ-कारस्स रस्सत्तं कत्वा “**भगवा**”ति वुत्तो । एवं ताव भागवाति **भगवा** ।

यस्मा सीलादयो सब्बे, गुणभागा असेसतो ।  
विज्जन्ति सुगते तस्मा, **भगवाति** पवुच्चतीति ॥

कथं **भतवाति भगवा**? ये ते सब्बलोकहिताय उस्सुक्कमापन्नेहि मनुस्सत्तादिके अट्ट धम्मे समोधानेत्वा सम्मासम्बोधिया कतमहाभिनीहारेहि महाबोधिसत्तेहि परिपूरितब्बा दानपारमी, सील, नेक्खम्म, पञ्जा, वीरिय, खन्ति, सच्च, अधिट्ठान, मेत्ता, उपेक्खापारमीति दस पारमियो दस उपपारमियो दस परमत्थपारमियोति समतिंस पारमियो, दानादीनि चत्तारि सङ्गहवत्थूनि, सच्चादीनि चत्तारि अधिट्ठानानि, अङ्गपरिच्चागो नयनधनरज्जपुत्तदारपरिच्चागोति पञ्च महापरिचागा, पुब्बयोगो, पुब्बचरिया, धम्मक्खानं, जातत्थचरिया, लोकत्थचरिया, बुद्धिचरियाति एवमादयो, सङ्खेपतो वा

सब्बे पुञ्जजाणसम्भारा बुद्धकरधम्मा, ते महाभिनीहारतो पट्टाय कप्पानं सतसहस्साधिकानि चत्तारि असङ्खेय्यानि यथा हानभागिया संकिलेसभागिया ठितिभागिया वा न होन्ति, अथ खो उत्तरुत्तरि विसेसभागियाव होन्ति, एवं सक्कच्चं निरन्तरं अनवसेसतो भता सम्भता अस्स अत्थीति “भतवा”ति वत्तब्बे “भगवा”ति वुत्तो निरुत्तिनयेन त-कारस्स ग-कारं कत्वा । अथ वा भतवाति तेयेव यथावुत्ते बुद्धकरधम्मे वुत्तनयेनेव भरि सम्भरि, परिपूरेसीति अत्थो । एवम्पि भतवाति भगवा ।

सम्मासम्बोधिया सब्बे, दानपारमिआदिके ।

सम्भारे भतवा नाथो, तेनापि भगवा मतोति ॥

कथं भागे वनीति भगवा? ये ते चतुवीसतिकोटिसतसहस्ससङ्ख्वा देवसिकं वळज्जनकसमापत्तिभागा, ते अनवसेसतो लोकहितत्थं अत्तनो च दिट्ठधम्मसुखविहारत्थं निच्चकप्पं वनि भजि सेवि बहुलमकासीति भागे वनीति भगवा । अथ वा अभिज्जेय्यधम्मेसु कुसलादीसु खन्धादीसु च ये ते परिज्जेय्यादिवसेन सङ्खेपतो वा चतुब्बिधा अभिसमयभागा, वित्थारतो पन “चक्खु परिज्जेय्यं सोतं...पे०... जरामरणं परिज्जेय्य”न्तिआदिना (पटि० म० १.२१) अनेके परिज्जेय्यभागा, “चक्खुस्स समुदयो पहातब्बो...पे०... जरामरणस्स समुदयो पहातब्बो”तिआदिना पहातब्बभागा, “चक्खुस्स निरोधो...पे०... जरामरणस्स निरोधो सच्छिकातब्बो”तिआदिना सच्छिकातब्बभागा, “चक्खुस्स निरोधगामिनी पटिपदा”तिआदिना, “चत्तारो सतिपट्टाना”तिआदिना च अनेकभेदा भावेतब्बभागा च धम्मा, ते सब्बे वनि भजि यथारहं गोचरभावनासेवनानं वसेन सेवि । एवम्पि भागे वनीति भगवा । अथ वा “ये इमे सीलादयो धम्मक्खन्धा सावकेहि साधारणा गुणभागा गुणकोट्टासा, किन्ति नु खो ते विनेय्यसन्तानेसु पतिट्ठपेय्य”न्ति महाकरुणाय वनि अभिपत्थयि, सा चस्स अभिपत्थना यथाधिप्पेतफलावहा अहोसि । एवम्पि भागे वनीति भगवा ।

यस्मा जेय्यसमापत्तिगुणभागे असेसतो ।

भजि पत्थयि सत्तानं, हिताय भगवा ततोति ॥

कथं भगे वनीति भगवा? समासतो ताव कतपुज्जेहि पयोगसम्पन्नेहि यथाविभवं भजीयन्तीति भगा, लोकियलोकुत्तरा सम्पत्तियो । तत्थ लोकिये ताव तथागतो सम्बोद्धितो पुब्बे बोधिसत्तभूतो परमुक्कंसगते वनि भजि सेवि, यत्थ पतिट्टाय निरवसेसतो बुद्धकरधम्मे समन्नानेन्तो बुद्धधम्मे परिपाचेसि, बुद्धभूतो पन ते निरवज्जसुखूपसंहिते अनज्जसाधारणे लोकुत्तरेपि वनि भजि सेवि, वित्थारतो पन पदेसरज्जइस्सरियचक्कवत्तिसम्पत्ति- देवरज्जसम्पत्तिआदिवसेन- ज्ञानविमोक्खसमाधिसमापत्तिजाणदस्सन-मग्गभावनाफलसच्छि- किरियादि- उत्तरिमनुस्सधम्मवसेन च अनेकविहिते अनज्जसाधारणे भगे वनि भजि सेवि । एवम्पि भगे वनीति भगवा ।

या ता सम्पत्तियो लोके, या च लोकुत्तरा पुथु ।

सब्बा ता भजि सम्बुद्धो, तस्मापि भगवा मतोति ॥

कथं भत्तवाति भगवा? भत्ता दळ्हभत्तिका अस्स बहू अत्थीति भत्तवा । तथागतो हि महाकरुणासब्बज्जुतज्जाणादिअपरिमितनिरुपमपभावगुणविसेससमङ्गिभावतो सब्बसत्तुत्तमो, सब्बानत्थपरिहारपुब्बङ्गमाय निरवसेसहितसुखविधानतप्पराय निरतिसयाय पयोगसम्पत्तिया सदेवमनुस्साय पजाय अच्चन्तूपकारिताय द्वत्तिसमहापुरिसलक्खण-असीति अनुब्यज्जन-ब्यामप्पभादिअनज्जसाधारण- विसेसपटिमण्डित-रूपकायताय यथाभुच्च-

गुणाधिगतेन “इतिपि सो भगवा”ति आदिनयप्पवत्तेन लोकत्तयव्यापिना सुविपुलेन सुविसुद्धेन च थुतिघोसेन समन्नागतत्ता उक्कंसपारमिप्पत्तासु अप्पिच्छतासन्तुट्ठिआदीसु सुप्पतिट्ठितभावतो दसबलचतुवेसारज्जादिनिरतिसयगुणविसेस-समङ्गिभावतो च रूपप्पमाणो रूपप्पसन्नो, घोसप्पमाणो घोसप्पसन्नो, लूखप्पमाणो लूखप्पसन्नो, धम्मप्पमाणो धम्मप्पसन्नोति एवं चतुप्पमाणिके लोकसन्निवासे सब्बथापि पसादावहभावेन समन्तपासादिकत्ता अपरिमाणानं सत्तानं सदेवमनुस्सानं आदरबहुमानगारवायतनताय परमपेमसम्भत्तिट्ठानं । ये तस्स ओवादे पतिट्ठिता अवेच्चप्पसादेन समन्नागता होन्ति, केनचि असंहारिया तेसं पसादभत्ति समणेन वा ब्राह्मणेन वा देवेन वा मारेन वा ब्रह्मना वा । तथा हि ते अत्तनो जीवितपरिच्चागेपि तत्थ पसादं न परिच्चजन्ति, तस्स वा आणं दळ्ढभत्तिभावतो । तेनेवाह —

“यो वे कतञ्जू कतवेदि धीरो ।

कल्याणमित्तो दळ्ढभत्ति च होती”ति ॥ (जा० २.१७.७८) ।

“सेय्यथापि, भिक्खवे, महासमुद्धो ठितधम्मो वेलं नातिवत्तति, एवमेव खो, भिक्खवे, यं मया सावकानं सिक्खापदं पज्जत्तं, तं मम सावका जीवितहेतुपि नातिक्कमन्ती”ति (अ० नि० ८.२०; उदा० ४५; चूळव० ३८५) च ।

एवं भत्तवाति **भगवा** निरुत्तिनयेन एकस्स त-कारस्स लोपं कत्वा इतरस्स ग-कारं कत्वा ।

गुणातिसययुत्तस्स, यस्मा लोकहितेसिनो ।

सम्भत्ता बहवो सत्थु, भगवा तेन वुच्चतीति ॥

कथं **भगे वमीति भगवा**? यस्मा तथागतो बोधिसत्तभूतोपि पुरिमासु जातीसु पारमियो पूरेन्तो भगसङ्घातं सिरिं इस्सरियं यसञ्च वमि, उगिरि, खेळपिण्डं विय अनपेक्खो छड्डुयि; पच्छिमत्तभावेपि हत्थागतं चक्कवत्तिसिरिं देवल्लोकाधिपच्चसदिसं चतुदीपिस्सरियं चक्कवत्तिसम्पत्तिसन्निस्सयं सत्तरतनसमुज्जलं यसञ्च तिणायपि अमज्जमानो निरपेक्खो पहाय अभिनिक्खमित्वा सम्मासम्बोधिं अभिसम्बुद्धो, तस्मा इमे सिरिआदिके भगे वमीति **भगवा** । अथ वा भानि नाम नक्खत्तानि, तेहि समं गच्छन्ति पवत्तन्तीति भगा, सिनेरुयुगन्धरउत्तरकुरुहिमवन्तादिभाजनलोकविसेससन्निस्सया सोभा कप्पट्टियभावतो, तेपि भगे वमि तन्निवासिसत्तावाससमतिक्कमनतो, तप्पटिबद्धछन्दरागपहानेन पजहीति । एवम्पि भगे वमीति भगवा ।

चक्कवत्तिसिरिं यस्मा, यसं इस्सरियं सुखं ।

पहासि लोकचित्तञ्च, सुगतो भगवा ततोति ॥

कथं **भगे वमीति भगवा**? भगा नाम सभागधम्मकोट्टासा, ते खन्धायतनधातादिवसेन, तत्थापि रूपवेदनादिवसेन, पथवियादिअतीतादिवसेन च अनेकविधा । ते भगवा सब्बं पपज्जं सब्बं योगं **सब्बं** गन्थं सब्बं संयोजनं समुच्छिन्दित्वा अमतं धातुं समधिगच्छन्तो वमि उगिरि, अनपेक्खो छड्डुयि न पच्चागमि । तथा हेस “सब्बत्थमेव पथविं आपं तेजं वायं, चक्खुं सोतं घानं जिह्वं कायं मनं, रूपे सद्दे गन्धे रसे फोड्डब्बे धम्मे, चक्खुविज्जाणं...पे०... मनोविज्जाणं, चक्खुसम्फस्सं... पे०... मनोसम्फस्सं, चक्खुसम्फस्सजं वेदनं...पे०... मनोसम्फस्सजं वेदनं, चक्खुसम्फस्सजं सज्जं...पे०... मनोसम्फस्सजं

सज्जं, चक्खुसम्फस्सजं चेतनं...पे०... मनोसम्फस्सजं चेतनं, रूपतण्हं...पे०... धम्मतण्हं, रूपवितक्कं...पे०... धम्मवितक्कं, रूपविचारं...पे०... धम्मविचारं”न्तिआदिना अनुपदधम्मविभागवसेनपि सब्बेव धम्मकोट्टासे अनवसेसतो वमि उगिरि, अनपेक्खपरिच्चागेन छड्डियि। वुत्तं हेतं “यं तं, आनन्द, चत्तं वन्तं मुत्तं पहीनं पटिनिस्सट्ठं, तं तथागतो पुन पच्चागमिस्सतीति नेतं ठानं विज्जती”ति (दी० नि० २.१८३)। एवम्पि भागे वमीति **भगवा**। अथ वा **भागे वमीति** सब्बेपि कुसलाकुसले सावज्जानवज्जे हीनपणीते कण्हसुक्कसप्पटिभागे धम्मे अरियमग्गजाणमुखेन वमि उगिरि अनपेक्खो परिच्चजि पजहि, परेसज्ज तथत्ताय धम्मं देसेसि। वुत्तम्पि चेतं “धम्मापि वो, भिक्खवे, पहातब्बा, पगेव अधम्मा (म० नि० १.२४०), कुल्लूपमं वो, भिक्खवे, धम्मं देसेस्सामि नित्थरणत्थाय, नो गहणत्थाया”तिआदि (म० नि० १.२४०)। एवम्पि भागे वमीति भगवा।

खन्धायतनधातादि-धम्मभागामहेसिना।

कण्हसुक्का यतो वन्ता, ततोपि भगवा मतोति॥

तेन वुत्तं —

“भागवा भतवा भागे, भगे च वनि भत्तवा।

भगे वमि तथा भागे, वमीति भगवा जिनो”ति॥

**धम्मसरीरं पच्चक्खं करोतीति** “यो वो, आनन्द, मया धम्मो च विनयो च देसितो पज्जत्तो, सो वो ममच्चयेन सत्था”ति (दी० नि० २.२१६) वचनतो धम्मस्स सत्थुभावपरियायो विज्जतीति कत्वा वुत्तं। **वजिरसङ्घातसमानकायो** परेहि अभेज्जसरीरत्ता। न हि भगवतो रूपकाये केनचि सक्का अन्तरायो कातुन्ति।

**देसनासम्पत्तिं निद्विसति** वक्खमानस्स सकलस्स सुत्तस्स “एव”न्ति निदस्सनतो। **सावकसम्पत्तिं निद्विसति** पटिसम्भिदाप्पत्तेन पज्चसु ठानेसु भगवता एतदग्गे ठपितेन मया महासावकेन सुतं, तज्ज खो मयाव सुतं, न अनुस्सुत्तिकं, न परम्पराभतन्ति इमस्स अत्थस्स दीपनतो। **कालसम्पत्तिं निद्विसति** भगवा-सद्वसन्निधाने पयुत्तस्स समय-सद्वस्स कालस्स बुद्धुप्पादपटिमण्डितभावदीपनतो। बुद्धुप्पादपरमा हि कालसम्पदा। तेनेतं वुच्चति —

“कप्पकसाये कलियुगे, बुद्धुप्पादो अहो महच्छरियं।

हुतावहमज्झे जातं, समुदितमकरन्दमरविन्द”न्ति॥ (दी० नि० टी० १.१; सं० नि० टी० १.१.१; अ० नि० टी० १.१.१ रूपादिवग्गवण्णना)।

**भगवाति देसकसम्पत्तिं निद्विसति** गुणविसिद्धसत्तुत्तमगरुगारवाधिवचनभावतो।

**मङ्गलदिवसो सुखणो सुनक्खत्तन्ति** अज्ज मङ्गलदिवसो, तस्मा सुनक्खत्तं, तत्थापि अयं सुखणो। **मा अतिक्कमीति** मा रत्तिविभायनं अनुदिक्खन्तानं रत्ति अतिक्कमीति एवं सम्बन्धो वेदितब्बो। उक्कासु ठितासु ठिताति **उक्कट्टा** (दी० नि० टी० १.२५५; अ० नि० टी० २.४.३६)। उक्कासु विज्जोतलन्तीसु ठिता पतिट्ठिताति मूलविभूजादिपक्खेपेन (पाणिनि ३.२.५) सद्वसिद्धि वेदितब्बा। निरुत्तिनयेन वा उक्कासु ठितासु ठिता आसीति **उक्कट्टा**। अपरे पन भणन्ति “भूमिभागसम्पत्तिया मनुस्ससम्पत्तिया उपकरणसम्पत्तिया च सा नगरी उक्कट्टगुणयोगतो ‘उक्कट्टा’ति



नामं लभो”ति ।

**अविसेसेनाति** न विसेसेन, विहारभावसामञ्जेनाति अत्थो । **इरियापथ...पे०... विहारे**सूति इरियापथविहारो दिब्बविहारो ब्रह्मविहारो अरियविहारोति एतेसु चतूसु विहारेसु । **समङ्गिपरिदीपनन्ति** समङ्गीभावपरिदीपनं । **एतन्ति** “विहरती”ति एतं पदं । तथा हि तं “इधेकच्चो गिहीहि संसङ्गो विहरति सहनन्दी सहसोकी”ति आदीसु (सं० नि० ४.२४१) इरियापथविहारे आगतं; “यस्मिं समये, भिक्खवे, भिक्खु विविच्चेव कामेहि...पे०... पठमं ज्ञानं उपसम्पज्ज विहरती”ति आदीसु (ध० स० १६०; विभ० ६२४) दिब्बविहारे; “सो मेत्तासहगतेन चेतसा एकं दिसं फरित्वा विहरती”ति आदीसु (दी० नि० १.५५६; ३.३०८; म० नि० १.७७; २.३०९; ३.२३०) ब्रह्मविहारे; “सो खो अहं अग्गिवेस्सन तस्सायेव कथाय परियोसाने तस्मिं एव पुरिमस्मिं समाधिनिमित्ते अज्झत्तमेव चित्तं सण्ठपेमि सन्निसादेमि एकोदिं करोमि समादहामि, येन सुदं निच्चकप्पं विहरामी”ति आदीसु (म० नि० १.३८७) अरियविहारे ।

तत्थ इरियनं वत्तनं इरिया, कायप्पयोगो । तस्सा पवत्तनुपायभावतो ठानादि इरियापथो । ठानसमङ्गी वा हि कायेन किञ्चि करेय्य गमनादीसु अज्जतरसमङ्गी वा । अथ वा इरियति पवत्तति एतेन अत्तभावो, कार्यकिच्चं वाति इरिया, तस्सा पवत्तिया उपायभावतो पथोति इरियापथो, ठानादि एव । सो च अत्थतो गतिनिवत्तिआदिआकारेण पवत्तो चतुसन्ततिरूपपबन्धो एव । विहरणं, विहरति एतेनाति वा विहारो, इरियापथो एव विहारो **इरियापथविहारो** । दिवि भवोति दिब्बो । तत्थ बहुलप्पवत्तिया ब्रह्मपारिसज्जादिदेवलोके भवोति अत्थो । तत्थ यो दिब्बानुभावो, तदत्थाय संवत्ततीति वा दिब्बो, अभिज्जाभिनीहारवसेन महागतिकत्ता वा दिब्बो, दिब्बो च सो विहारो चाति **दिब्बविहारो**, चतस्सो रूपावचरसमापत्तियो । आरुप्पसमापत्तियोपि एत्थेव सङ्गहं गच्छन्ति । ब्रह्मूनं, ब्रह्मानो वा विहारा **ब्रह्मविहारा**, चतस्सो अप्पमज्जायो । अरियानं, अरिया वा विहारा **अरियविहारा**, चत्तारि सामञ्जफलानि । **सो हि भगवा एकं इरियापथबाधनन्ति** आदि यदिपि भगवा एकेनपि इरियापथेन चिरतरं कालं अत्तभावं पवत्तेतुं सक्कोति, तथापि “उपादिन्नकसरीरस्स नाम अयं सभावो”ति दस्सेतुं वुत्तं । यस्मा वा भगवा यत्थ कत्थचि वसन्तो वेनेय्यानं धम्मं देसेन्तो, नानासमापत्तीहि च कालं वीतिनामेन्तो वसतीति वेनेय्यसत्तानं अत्तनो च विविधं हितसुखं हरति उपनेति उप्पादेति, तस्मा विविधं हरतीति एवमेत्थ अत्थो वेदितब्बो ।

**सुभगत्ताति** सिरीकामानवसेन सोभनत्ता । तेनेवाह “**सुन्दरसिरिकत्ता सुन्दरकामत्ता चा**”ति । **छणसमज्जउस्सवेति** एत्थ **छणं** नाम फग्गुनमासादीसु उत्तरफग्गुनादि-अभिलक्खितदिवसेसु सपरिजनानं मनुस्सानं मङ्गलकरणं । **समज्जं** नाम नटसमज्जादि । **उस्सवो** नक्खत्तं । यत्थ गामनिगमवासिनो तयो सत्त वा दिवसे नक्खत्तघोसनं कत्वा यथाविभवं अलङ्कृतपटियत्ता भोगे परिभुज्जन्ता नक्खत्तकीळनं कीळन्ति । **तेसं तं तथेव होतीति** तेसं मनुस्सानं तं पत्थनं तन्निवासिदेवतानुभावेन येभ्य्येन तथेव होति, पत्थना समिज्झतीति अत्थो । **बहुजनकन्ततायाति** इमिना “सुन्दरकामत्ता”ति एतस्सेव पदस्स पकारन्तरेण अत्थं विभावेति । तत्रायं वचनत्थो — कमनीयत्वेन सुदु भजीयतीति **सुभगं**, सुभा अगा रुक्खा एत्थाति वा **सुभगं**, सुन्दरकित्तियोगतो वा “**सुभग**”न्ति एवम्पेत्थ अत्थं वण्णेन्ति । केचि पन “सुभागवने”ति पठन्ति, “सुन्दरभूमिभागे वने”ति चस्स अत्थं वदन्ति । सुभगस्स नाम यक्खस्स वनं तेन परिग्गहितत्ताति “सुभगवन”न्ति अज्जे । वननं भतीति अत्थे तं वननं कारेतीति एतस्मिं अत्थे वनयतीति पदसिद्धि वेदितब्बा । तेनेवाह “**अत्तनि सिनेहं उप्पादेती**”ति । याचनत्थे **वनुते इति वनन्ति** उपचारकप्पनावसेन वन-सद्दो वेदितब्बो ।

**उजुवंसाति** उजुभूतविटपा । **महासालाति** महारुक्खा । **अज्जतरस्मिं सालमूलेति** अज्जतरस्स रुक्खस्स मूले ।

वनप्पतिजेदुकरुक्खोति वनप्पतिभूतो जेदुकरुक्खो । तमेव जेदुक्कभावन्ति वनप्पतिभावेनागतं सेदुभावं पधानभावं । तेन हि सो “सालराजा”ति वुत्तो । उपगतानं रज्जनद्वेन राजा, अज्जस्मिम्पि तादिसे रुक्खे राजवोहारं दस्सेतुं “सुपतिट्ठितस्सा”तिआदि वुत्तं । तत्थ ब्राह्मण धम्मिकाति आलपनं । निप्परियायेन साखादिमतो सङ्घातस्स सुप्पतिट्ठितभावसाधने अवयवविसेसे पवत्तमानो मूल-सद्वो । यस्मा तंसदिसेसु तन्निस्सये पदेसे च रुळ्हीवसेन परियायतो पवत्तति, तस्मा “मूलानि उद्धरेय्या”ति एत्थ निप्परियायमूलं अधिप्पेतन्ति एकेन मूल-सद्वेन विसेसेत्वा आह “मूलमूले दिस्सती”ति यथा “दुक्खदुक्खं (सं० नि० ४.३२७), रूपरूप”न्ति (विसुद्धि० २.४४९) च । असाधारणहेतुम्हीति असाधारणकारणे । लोभसहगतचित्तुप्पादानं एव आवेणिके नेसं सुप्पतिट्ठितभावसाधनतो मूलद्वेन उपकारके पच्चयधम्मे दिस्सतीति अत्थो ।

तत्थाति “एकं समयं भगवा उक्कट्ठायं विहरति सुभगवने सालराजमूले”ति यं वुत्तं वाक्यं, तत्त । सियाति कस्सचि एवं परिवितक्को सिया, वक्खमानाकारेण कदाचि चोदेय्य वाति अत्थो । अथ तत्थ विहरतीति यदि सुभगवने सालराजमूले विहरति । न वत्तब्बन्ति नानाठानभूतत्ता उक्कट्ठासुभगवनानं, एकं समयन्ति च वुत्तत्ताति अधिप्पायो । इदानि चोदको तमेव अत्तनो अधिप्पायं “न हि सक्का”तिआदिना विवरति । इतरो सब्बमेतं अविपरीतं अत्थं अजानन्तेन वुत्तन्ति दस्सेन्तो “न खो पनेतं एवं दट्ठब्ब”न्ति आह । तत्थ एतन्ति “उक्कट्ठायं विहरति सुभगवने सालराजमूले”ति एतं वचनं । एवन्ति “यदि ताव भगवा”तिआदिना यं तं भवता चोदितं, तं अत्थतो एवं न खो पन दट्ठब्बं, न उभयत्थ अपुब्बअचरिमं विहारदस्सनत्थन्ति अत्थो ।

इदानि अत्तनो यथाधिप्पेतं अविपरीतं अत्थं, तस्स च पटिकच्चेव वुत्तभावं, तेन च अप्पटिविद्धत्तं पकासेन्तो “ननु अवोचुम्ह...पे०... सालराजमूले”ति आह । एवम्पि “सुभगवने सालराजमूले विहरती”च्चेव वत्तब्बं, न “उक्कट्ठाय”न्ति चोदनं मनसि कत्वा वुत्तं “गोचरगामनिदस्सनत्थ”न्तिआदि ।

अवस्सं चेत्थ गोचरगामकित्तनं कातब्बं । तथा हि तं यथा सुभगवनादिकित्तनं पब्बजितानुगहकरणादिअनेकप्पयोजनं, एवं गहट्ठानुगहकरणादिविविधप्पयोजनन्ति दस्सेन्तो “उक्कट्ठाकित्तनेना”तिआदिमाह । तत्थ पच्चयग्गहणेन उपसङ्कमनपरिपासनानं ओकासदानेन धम्मदेसनाय सरणोसु सीलेसु च पतिट्ठापनेन यथूपनिस्सयं उपरिविसेसाधिगमावहनेन च गहट्ठानुगहकरणं, उग्गहपरिपुच्छनं कम्मट्ठानानुयोगस्स च अनुरूपवसनट्ठानपरिग्गहेनेत्थ पब्बजितानुगहकरणं वेदितब्बं । करुणाय उपगमनं, न लाभादिनिमित्तं, पज्जाय अपगमनं, न विरोधादिनिमित्तन्ति उपगमनापगमनानं निरुपक्विकलेसतं विभावेति । धम्मिकसुखं नाम अनवज्जसुखं । देवानं उपकारबहुलता जनविवित्ताय । पचुरजनविवित्तं हि ठानं देवा उपसङ्कमित्तब्बं मज्जन्ति । तदत्थपरिनिष्फादनन्ति लोकत्थनिष्फादनं, बुद्धकिच्चसम्पादनन्ति अत्थो । एवमादिनाति आदि-सद्वेन उक्कट्ठाकित्तनतो रूपकायस्स अनुगगणनं दस्सेति, सुभगवनादिकित्तनतो धम्मकायस्स । तथा पुरिमेन पराधीनकिरियाकरणं, दुतियेन अत्ताधीनकिरियाकरणं । पुरिमेन वा करुणाकिच्चं, इतरेण पज्जाकिच्चं । पुरिमेन चस्स परमाय अनुकम्पाय समन्नागमं, पच्छिमेन परमाय उपेक्खाय समन्नागमं दीपेति । भगवा हि सब्बसत्ते परमाय अनुकम्पाय अनुकम्पति, न च तत्थ सिनेहदोसानुपतितो परमुपेक्खकभावतो, उपेक्खको च न च परहितसुखकरणे अप्पोसुक्को महाकारुणिकभावतो ।

तस्स महाकारुणिकताय लोकनाथता, उपेक्खकताय अत्तनाथता । तथा हेस बोधिसत्तभूतो महाकरुणाय सज्जोदितमानसो सकललोकहिताय उस्सुक्कमापन्नो महाभिनीहारतो पट्ठाय तदत्थनिष्फादनत्थं पुज्जजाणसम्भारे

सम्पादेन्तो अपरिमितं कालं अनप्यकं दुक्खमनुभोसि, उपेक्खकताय सम्मा पतितेहि दुक्खेहि न विकम्पि । तथा महाकारुणिकताय संसाराभिमुखता, उपेक्खकताय ततो निब्बिन्दना । तथा उपेक्खकताय निब्बानाभिमुखता, महाकारुणिकताय तदधिगमो । तथा महाकारुणिकताय परेसं अभिसापनं, उपेक्खकताय सयं परेहि अभायनं । महाकारुणिकताय परं रक्खतो अत्तनो रक्खणं, उपेक्खकताय अत्तानं रक्खतो परेसं रक्खणं । तेनस्स अत्तहिताय पटिपन्नादीसु चतुत्थपुग्गलभावो सिद्धो होति । तथा महाकारुणिकताय सच्चाधिद्वानस्स चागाधिद्वानस्स च पारिपूरि, उपेक्खकताय उपसमाधिद्वानस्स पञ्चाधिद्वानस्स च पारिपूरि । एवं परिसुद्धासयपयोगस्स महाकारुणिकताय लोकहिततथमेव रज्जसम्पदादिभवसम्पत्तिया उपगमनं, उपेक्खकताय तिणायपि अमज्जमानस्स ततो अपगमनं । इति सुविसुद्धउपगमापगमस्स महाकारुणिकताय लोकहिततथमेव दानवसेन सम्पत्तीनं परिच्चजना, उपेक्खकताय चस्स फलस्स अत्तनो अपच्चासीसना । एवं समुदागमनतो पट्टाय अच्छरियब्भुतगुणसमन्नागतस्स महाकारुणिकताय परेसं हितसुखत्थं अतिदुक्करकारिता, उपेक्खकताय कायम्पि अनलंकारिता ।

तथा महाकारुणिकताय चरिमत्तभावे जिण्णातुरमतदस्सनेन सज्जातसंवेगो, उपेक्खकताय उळारेसु देवभोगसदिसेसु भोगेसु निरपेक्खो महाभिनिक्खमनं निक्खमि । तथा महाकारुणिकताय “किच्छं वतायं लोको आपन्नो”तिआदिना (दी० नि० २.५७; सं० नि० २.४, १०) करुणामुखेनेव विपस्सनारम्भो, उपेक्खकताय बुद्धभूतस्स सत्त सत्ताहानि विवेकसुखेनेव वीतिनामनं । महाकारुणिकताय धम्मगम्भीरतं पच्चवेक्खित्वा धम्मदेसनाय अप्पोसुक्कतं आपज्जित्वापि महाब्रह्मनो अज्झेसनापदेसेन ओकासकरणं, उपेक्खकताय पच्चवगियादि वेनेय्यानं अननुरूपसमुदाचारेपि अनज्जथाभावो । महाकारुणिकताय कत्थचि पटिघाताभावेनस्स सब्बत्थ अमित्तसज्जाय अभावो, उपेक्खकताय कत्थचिपि अनुरोधाभावेन सब्बत्थ सिनेहसन्थवाभावो । महाकारुणिकताय गामादीनं आसन्नद्वाने वसन्तस्सपि उपेक्खकताय अरज्जद्वाने एव विहरणं । तेन वुत्तं “पुरिमेन चस्स परमाय अन्नुकम्पाय समन्नागमं, पच्छिमेन परमाय उपेक्खाय समन्नागमं दीपेती”ति ।

तन्ति “तत्रा”ति पदं । **देसकालपरिदीपनन्ति** ये देसकाला इध विहरणकिरियाविसेसनभावेन वुत्ता, तेसं परिदीपनन्ति दस्सेन्तो “यं समयं...पे०... दीपेती”ति आह । तं-सद्दो हि वुत्तस्स अत्थस्स पटिनिद्देसो, तस्मा इध कालस्स, देसस्स वा पटिनिद्देसो भवितुं अरहति, न अज्जस्स । अयं ताव तत्र-सद्दस्स पटिनिद्देसभावे अत्थविभावना । यस्मा पन ईदिसेसु ठानेसु तत्र-सद्दो धम्मदेसनाविसिद्धं देसं कालञ्च विभावेति, तस्मा वुत्तं “**भासितब्बयुत्ते वा देसकाले दीपेती**”ति । तेन तत्राति यत्थ भगवा धम्मदेसनत्थं भिक्खू आलपि अभासि, तादिसे देसे, काले वाति अत्थो । **न** हीतिआदिना तमेवत्थं समत्थेति । ननु च यत्थ ठितो भगवा “अकालो खो तावा”तिआदिना बाहियस्स धम्मदेसनं पटिक्खिपि, तत्थेव अन्तरवीथियं ठितो तस्स धम्मं देसेतीति? सच्चमेतं, अदेसेतब्बकाले अदेसनाय इदं उदाहरणं । तेनेवाह “**अकालो खो तावा**”ति । यं पन तत्थ वुत्तं “अन्तरघरं पविट्ठम्हा”ति (उदा० १०), तम्पि तस्स अकालभावस्सेव परियायेन दस्सनत्थं वुत्तं । तस्स हि तदा अद्धानपरिस्समेन रूपकाये अकम्मज्जता अहोसि, बलवपीतिवेगेन नामकाये, तदुभयस्स वूपसमं आगमेन्तो पपच्चपरिहारत्थं भगवा “अकालो खो”ति परियायेन पटिक्खिपि । अदेसेतब्बदेसे अदेसनाय पन उदाहरणं “अथ खो भगवा मग्गा ओक्कम्म अज्जतरस्मिं रुक्खमूले निसीदि (सं० नि० २.१५४), विहारतो निक्खमित्वा विहारपच्छायायं पज्जत्ते आसने निसीदी”ति (दी० नि० १.३६३) च एवमादिकं इध **आदि-**सद्देन सङ्गहितं ।

“अथ खो सो, भिक्खवे, बालो इध पुब्बे रसादो इध पापानि कम्मानि करित्वा”तिआदीसु (म० नि० ३.२५१) **पदपूरणमत्ते खो-सद्दो**, “दुक्खं खो अगारवो विहरति अप्पतिस्सो”तिआदीसु (अ० नि० ४.२१) **अवधारणे**, “कित्तावता नु खो, आवुसो, सत्थु पविवित्तस्स विहरतो सावका विवेकं नानुसिक्खन्ती”तिआदीसु (म० नि० १.३१) **आदिकालत्थे** ।

वाक्यारम्भेति अत्थो । तत्थ पदपूरणेन वचनालङ्कारमत्तं कतं होति, आदिकालत्थेन वाक्यस्स उपज्जासमत्तं, अवधारत्थेन पन नियमदस्सनं, तस्मा आमन्तेसि एवाति आमन्तने नियमो दस्सितो होतीति ।

“भगवाति लोकगरुदीपन”न्ति कस्मा वुत्तं, ननु पुब्बेपि भगवा-सद्वस्स अत्थो वुत्तोति? यदिपि पुब्बे वुत्तो, तं पनस्स यथावुत्ते ठाने विहरणकिरियाय कत्तुविसेसदस्सनत्थं कतं, न आमन्तनकिरियाय, इध पन आमन्तनकिरियाय, तस्मा तदत्थं पुन “भगवा”ति पाळियं वुत्तन्ति तस्सत्थं दस्सेतुं “भगवाति लोकगरुदीपन”न्ति आह । कथासवनयुत्तपुग्गलवचनन्ति वक्खमानाय मूलपरियायदेसनाय सवनयोग्यपुग्गलवचनं । चतूसुपि परिसासु भिक्खू एव एदिसानं देसनानं विसेसेन भाजनभूता, इति सातिसयसासनसम्पटिग्गाहकभावदस्सनत्थं इध भिक्खुगहणन्ति दस्सेत्वा इदानीं सद्वत्थं दस्सेतुं “अपिचा”तिआदिमाह ।

तत्थ भिक्खकोति भिक्खूति भिक्खनधम्मताय भिक्खूति अत्थो । भिक्खाचरियं अज्झुपगतोति बुद्धादीहिपि अज्झुपगतं भिक्खाचरियं उज्जाचरियं अज्झुपगतत्ता अनुद्वितत्ता भिक्खू । यो हि कोचि अप्पं वा महन्तं वा भोगक्खन्थं पहाय अगारस्मा अनगारियं पब्बजितो, सो कसिगोरक्खादीहि जीविकाकप्पनं हित्वा लिङ्गसम्पटिच्छनेनेव भिक्खाचरियं अज्झुपगतत्ता भिक्खु, परपटिबद्धजीविकत्ता वा विहारमज्जे काजभत्तं भुज्जमानोपि भिक्खाचरियं अज्झुपगतोति भिक्खु, पिण्डियालोपभोजनं निस्साय पब्बज्जाय उस्साहजातत्ता वा भिक्खाचरियं अज्झुपगतोति भिक्खूति एवम्पेत्य अत्थो दट्ठब्बो । आदिना नयेनाति “भिन्नपटधरोति भिक्खु, भिन्दति पापके अकुसले धम्मेति भिक्खु, भिन्नत्ता पापकानं अकुसलानं धम्मानं भिक्खू”तिआदिना विभङ्गे (विभ० ५१०) आगतनयेन । जापनेति अवबोधने, पटिवेदनेति अत्थो ।

भिक्खनसीलतातिआदीसु भिक्खनसीलता भिक्खनेन आजीवनसीलता, न कसिवणिज्जादीहि आजीवनसीलता । भिक्खनधम्मता “उद्दिस्स अरिया तिद्वन्ती”ति (पटि० म० १५३; मि० प० ४.५.९) एवं वुत्तभिक्खनसभावता, न सम्भावनाकोहज्जसभावता । भिक्खने साधुकारिता “उत्तिट्ठे नप्पमज्जेय्या”ति (ध० प० १६८) वचनं अनुस्सरित्वा तत्थ अप्पमज्जना । अथ वा सीलं नाम पकतिसभावो, इध पन तदधिष्ठानं । धम्मोति वतं । अपरे पन “सीलं नाम वतसमादानं, धम्मो नाम पवेणीआगतं चारित्तं, साधुकारिताति सक्कच्चकारिता आदरकिरिया”ति वण्णेन्ति । हीनाधिकजनसेवितन्ति ये भिक्खुभावे ठितापि जातिमदादिवसेन उद्धता उन्नळा । ये च गिहिभावे परेसु अत्थिकभावम्पि अनुपगतताय भिक्खाचरियं परमकापज्जतं मज्जन्ति, तेसं उभयेसम्पि यथाक्कमं “भिक्खवो”ति वचनेन हीनजनेहि दलिद्देहि परमकापज्जतं पत्तेहि परकुलेसु भिक्खाचरियाय जीविकं कप्पेन्तेहि सेवितं वुत्तिं पकासेन्तो उद्धतभावनिग्गहं करोति, अधिकजनेहि उच्छारभोगखत्तियकुलादितो पब्बजितेहि बुद्धादीहि आजीवविसोधनत्थं सेवितं वुत्तिं पकासेन्तो दीनभावनिग्गहं करोतीति योजेतब्बं । यस्मा “भिक्खवो”ति वचनं आमन्तनभावतो अभिमुखीकरणं, पकरणतो सामत्थियतो च सुस्सूसाजननं सक्कच्चसवनमनसिकारनियोजनञ्च होति । तस्मा तमत्थं दस्सेन्तो “भिक्खवोति इमिना”तिआदिमाह ।

तत्थ साधुकसवनमनसिकारेति साधुकसवने साधुकमनसिकारे च । कथं पन पवत्तिता सवनादयो साधुकं पवत्तिता होन्तीति? “अद्धा इमाय सम्मापटिपत्तिया सकलसासनसम्पत्ति हत्थगता भविस्सती”ति आदरगारवयोगेन, कथादीसु अपरिभवनादिना च । वुत्तं हि “पज्चहि, भिक्खवे, धम्मेहि समन्नागतो सुणन्तो सद्धम्मं भब्बो नियामं ओक्कमितुं कुसलेसु धम्मेसु सम्मत्तं । कतमेहि पज्चहि? न कथं परिभोति, न कथिकं परिभोति, न अत्तानं परिभोति, अविक्खित्तचित्तो धम्मं सुणाति एकग्गचित्तो, योनिसो च मनसि करोति । इमेहि खो, भिक्खवे, पज्चहि धम्मेहि समन्नागतो सुणन्तो सद्धम्मं भब्बो नियामं ओक्कमितुं कुसलेसु धम्मेसु सम्मत्तं”न्ति (अ० नि० ५.१५१) । तेनेवाह “साधुकसवनमनसिकारायत्ता हि

सासनसम्पत्ती”ति । सासनसम्पत्ति नाम सीलादिनिष्पत्ति ।

पठमं उप्पन्नत्ता अधिगमवसेन । सत्थुचरियानुविधायकत्ता सीलादिगुणानुद्धानेन । तिण्णं यानानं वसेन अनुधम्मपटिपत्तिसम्भावतो सकलसासनपटिग्गाहकत्ता । सन्तिकत्ताति समीपभावतो । सन्तिकावचरत्ताति सब्बकालं सम्पयुत्तभावतो । यथानुसिद्दन्ति अनुसासनि अनुरूपं, अनुसासनिं अनवसेसतो पटिग्गाहेत्वाति अत्थो । एकच्चे भिक्खूयेव सन्धायाति ये सुत्तपरियोसाने “ते भिक्खू भगवतो भासितं अभिनन्दु”न्ति वुत्ता पञ्चसता ब्राह्मणपब्बजिता, ते सन्धाया ।

पुब्बे सब्बपरिससाधारणत्तेपि भगवतो धम्मदेसनाय “जेट्टुसेट्टा”तिआदिना भिक्खूनं एव आमन्तने कारणं दस्सेत्वा इदानीं भिक्खू आमन्तेत्वाव धम्मदेसनाय पयोजनं दस्सेतुं “किमत्थं पन भगवा”ति चोदनं समुट्ठोपेसि । तत्थ अञ्जं चिन्तेन्ताति अञ्जविहिता । विक्खित्तचित्ताति असमाहितचित्ता । धम्मं पच्चवेक्खन्ताति तदा हिय्यो ततो परदिवसेसु वा सुतधम्मं पति पति मनसा अवेक्खन्ता । भिक्खू आमन्तेत्वा धम्मे देसियमाने आदितो पट्टाय देसनं सल्लक्खेतुं सक्कोन्तीति इममेवत्थं ब्यतिरेकमुखेन दस्सेतुं “ते अनामन्तेत्वा”तिआदि वुत्तं ।

भिक्खवोतीति च सन्धिवसेन इ-कारलोपो दट्ठब्बो “भिक्खवो इती”ति । अयं हि इति-सद्दो हेतु-परिसमापनादिपदत्थविपरियाय-पकारावधारणनिदस्सनादिअनेकत्थप्पभेदो । तथा हेस “रुप्पतीति खो, भिक्खवे, तस्मा ‘रूप’न्ति वुच्चती”तिआदीसु (सं० नि० ३.७९) हेतुअत्थे दिस्सति; “तस्मा तिह मे, भिक्खवे, धम्मदायादा भवथ, मा आमिसदायादा, अत्थि मे तुम्हेसु अनुकम्पा ‘किन्ति मे सावका धम्मदायादा भवेय्युं, नो आमिसदायादा’ति”आदीसु परिसमापने; “इति वा, इति एवरूपा नच्चगीतवादितविसूकदस्सना पटिविरतो”तिआदीसु (दी० नि० १.१३) आदिअत्थे; “मागण्ठियोति तस्स ब्राह्मणस्स सङ्घा समञ्जा पज्जत्ति वोहारो नामं नामकम्मं नामधेय्यं निरुत्ति ब्यञ्जनमभिलापो”तिआदीसु (महानि० ७३) पदत्थविपरियाये; “इति खो, भिक्खवे, सप्पटिभयो बालो, अप्पटिभयो पण्डितो, सउपद्ववो बालो, अनुपद्ववो पण्डितो, सउपसग्गो बालो, अनुपसग्गो पण्डितो”तिआदीसु (म० नि० ३.१२४) पकारे; “अत्थि इदप्पच्चया जरामरणन्ति इति पुट्ठेन सता, आनन्द, अत्थीतिस्स वचनीयं, किं पच्चया जरामरणन्ति इति चे वदेय्य, जातिपच्चया जरामरणन्ति इच्चस्स वचनीय”न्तिआदीसु (दी० नि० २.९६) अवधारणे; “सब्बमत्थीति खो, कच्चान, अयमेको अन्तो, सब्बं नत्थीति खो, कच्चान, अयं दुतियो अन्तो”तिआदीसु (सं० नि० २.१५) निदस्सने । इधापि निदस्सनेव दट्ठब्बो । भिक्खवोति हि आमन्तिताकारो, तमेस इति-सद्दो निदस्सेति “भिक्खवोति आमन्तेसी”ति । इमिना नयेन “भदन्ते”तिआदीसुपि यथारहं इति-सद्दस्स अत्थो वेदितब्बो । पुब्बे “भगवा आमन्तेसी”ति वुत्तत्ता “भगवतो पच्चस्सोसु”न्ति इध “भगवतो”ति सामिवचनं आमन्तनमेव सम्बन्धीअन्तरं अपेक्खतीति इमिना अधिप्पायेन “भगवतो आमन्तनं पटिअस्सोसु”न्ति वुत्तं । “भगवतो”ति पन इदं पटिस्सवसम्बन्धनेन सम्पदानवचनं यथा “देवदत्तस्स पटिस्सुणोती”ति ।

यं निदानं भासितन्ति सम्बन्धो । एत्थाह — किमत्थं पन धम्मविनयसङ्गहे करियमाने निदानवचनं, ननु भगवता भासितवचनस्सेव सङ्गहो कातब्बोति? वुच्चते — देसनाय ठितिअसम्मोससद्देय्यभावसम्पादनत्थं । कालदेसदेसकनिमित्तपरिसापदेसेहि उपनिबन्धित्वा ठपिता हि देसना चिरट्ठितिका होति असम्मोसधम्मा सद्देय्या च, देसकालकत्तुसोतुनिमित्तेहि उपनिबद्धो विय वोहारविनिच्छयो । तेनेव च आयस्मता महाकस्सपेन “मूलपरियायसुत्तं आवुसो, आनन्द, कत्थ भासित”न्तिआदिना देसादिपुच्छासु कतासु तासं विस्सज्जनं करोन्तेन धम्मभण्डागारिकेन “एवं मे सुत”न्तिआदिना इमस्स सुत्तस्स निदानं भासितं । अपिच सत्थुसम्पत्तिपकासनत्थं निदानवचनं । तथागतस्स हि भगवतो

पुब्बरचनानुमानागमतक्काभावतो सम्मासम्बुद्धभावसिद्धि । न हि सम्मासम्बुद्धस्स पुब्बरचनादीहि अत्थो अत्थि सब्बत्थ अप्पटिहतजाणचारताय एकप्पमाणत्ता च जेय्यधम्मेषु । तथा आचरियमुट्ठिधम्ममच्छरियसासनसावकानुरोधाभावतो खीणासवभावसिद्धि । न हि सब्बसो खीणासवस्स ते सम्भवन्तीति सुविसुद्धस्स परानुगहप्पवत्ति । एवं देसकसंकिलेसभूतानं दिट्ठिसीलसम्पदादूसकानं अविज्जातण्हानं अच्चन्ताभावसंसूचकेहि जाणसम्पदापहानसम्पदाभिब्यञ्जकेहि च सम्बुद्धविसुद्धभावेहि पुरिमवेसारज्जद्वयसिद्धि, ततो एव च अन्तरायिकनिय्यानिकधम्मेषु सम्मोहाभावसिद्धितो पच्छिमवेसारज्जद्वयसिद्धीति भगवतो चतुवेसारज्जसमन्नागमो अत्तहितपरहितपटिपत्ति च निदानवचनेन पकासिता होति तत्थ तत्थ सम्पत्तपरियाय अज्झासयानुरूपं ठानुप्पत्तिकपटिभानेन धम्मदेसनादीपनतो, इध पन पथवीआदीसु वत्थूसु पुथुज्जनानं पटिपत्तिविभागवत्थापकदेसनादीपनतोति योजेतब्बं । तेन वुत्तं “सत्थुसम्पत्तिपकासनत्थं निदानवचन”न्ति ।

तथा सासनसम्पत्तिपकासनत्थं निदानवचनं । जाणकरुणापरिगहितसब्बकिरियस्स हि भगवतो नत्थि निरत्थिका पटिपत्ति, अत्तहितत्था वा । तस्मा परेसं एव अत्थाय पवत्तसब्बकिरियस्स सम्मासम्बुद्धस्स सकलम्पि कायवचीमनोक्कम्मं यथापवत्तं वुच्चमानं दिट्ठधम्मिकसम्परायिकपरमत्थेहि यथारहं सत्तानं अनुसासनट्ठेन सासनं, न कब्बरचना, तयिदं सत्थुचरितं कालदेसदेसकपरिसापदेसेहि सद्धिं तत्थ तत्थ निदानवचनेहि यथारहं पकासीयति, इध पन “पथवियादीसु वत्थूसू”ति सब्बं पुरिमसदिसमेव । तेन वुत्तं “सासनसम्पत्तिपकासनत्थं निदानवचन”न्ति । अपिच सत्थुनो पमाणभावप्पकासनेन सासनस्स पमाणभावदस्सनत्थं निदानवचनं, तच्च देसकप्पमाणभावदस्सनं हेट्ठा वुत्तनयानुसारेण “भगवा”ति च इमिना पदेन विभावितन्ति वेदितब्बं । “भगवा”ति इमिना तथागतस्स रागदोसमोहादिसब्बकिलेसमलदुच्चरितादिदोसप्पहानदीपनेन वचनेन अनञ्जसाधारणसुपरिसुद्धजाणकरुणादिगुणविसेसयोगपरिदीपनेन ततो एव सब्बसत्तुत्तमभावदीपनेन अयमत्थो सब्बथा पकासितो होतीति इदमेत्थ निदानवचनप्पयोजनस्स मुखमत्तदस्सनं ।

अब्भन्तरनिदानवण्णना निट्ठिता ।

### सुत्तनिक्खेपवण्णना

निक्खित्तस्साति देसितस्स । देसनापि हि देसेतब्बस्स सीलादिअत्थस्स विनेय्यसन्तानेषु निक्खिपनतो “निक्खेपो”ति वुच्चति । सुत्तनिक्खेपं विचारेत्वा वुच्चमाना पाकटा होतीति सामञ्जतो भगवतो देसनासमुद्धानस्स विभागं दस्सेत्वा “एत्थायं देसना एवंसमुद्धाना”ति देसनाय समुद्धाने दस्सिते सुत्तस्स सम्मदेव निदानपरिजाननेन वण्णनाय सुविज्जेय्यत्ता वुत्तं । एवञ्चि “अस्सुतवा भिक्खवे पुथुज्जनो”तिआदिना, “योपि सो, भिक्खवे, भिक्खु अरहं खीणासवो”तिआदिना (म० नि० १.८), “तथागतोपि खो, भिक्खवे, अरहं सम्मासम्बुद्धो”तिआदिना (म० नि० १.१२) च पवत्तदेसना अनुसन्धिदस्सनसुखताय सुविज्जेय्या होति । तत्थ यथा अनेकसतअनेकसहस्सभेदानिपि सुत्तन्तानि संकिलेसभागियादिपधाननयवसेन सोळसविधतं नातिवत्तन्ति, एवं अत्तज्झासयादिसुत्तनिक्खेपवसेन चतुब्बिधभावन्ति आह “चत्तारो हि सुत्तनिक्खेपा”ति ।

एत्थ च यथा अत्तज्झासयस्स अट्ठुप्पत्तिया च परज्झासयपुच्छाहि सद्धिं संसग्गभेदो सम्भवति “अत्तज्झासयो च परज्झासयो च, अत्तज्झासयो च पुच्छावसिको च, अट्ठुप्पत्तिको च परज्झासयो च, अट्ठुप्पत्तिको च पुच्छावसिको च”ति अज्झासयपुच्छानुसन्धिसम्भावतो, एवं यदिपि अट्ठुप्पत्तिया अत्तज्झासयेनपि संसग्गभेदो सम्भवति, अत्तज्झासयादीहि पन

पुरतो ठितेहि अट्ठुप्पत्तिया संसग्गो नत्थीति नयिध निरवसेसो वित्थारनयो सम्भवतीति “चत्तारो सुत्तनिकखेपो”ति वुत्तं, तदन्तो गधत्ता वा सम्भवन्तानं सेसनिकखेपानं मूलनिकखेपवसेन चत्तारोव दस्सिता । तथादस्सनज्जेत्थ अयं संसग्गभेदो गहेतब्बोति ।

तत्रायं वचनत्थो — निक्खिपीयतीति निक्खेपो, सुत्तं एव निक्खेपो **सुत्तनिकखेपो** । अथ वा निक्खिपनं निक्खेपो, सुत्तस्स निक्खेपो **सुत्तनिकखेपो**, सुत्तदेसनाति अत्थो । अत्तनो अज्झासयो अत्तज्झासयो, सो अस्स अत्थि कारणभूतोति **अत्तज्झासयो** । अत्तनो अज्झासयो एतस्साति वा **अत्तज्झासयो** । **परज्झासये**पि एसेव नयो । पुच्छाय वसो पुच्छावसो, सो एतस्स अत्थीति **पुच्छावसिको** । सुत्तदेसनावत्थुभूतस्स अत्थस्स उप्पत्ति अत्थुप्पत्ति, अत्थुप्पत्तियेव अट्ठुप्पत्ति त्थ-कारस्स ट्ठ-कारं कत्वा । सा एतस्स अत्थीति **अट्ठुप्पत्तिको** । अथ वा निक्खिपीयति सुत्तं एतेनाति **सुत्तनिकखेपो**, अत्तज्झासयादि एव । एतस्मिं पन अत्तविकप्पे अत्तनो अज्झासयो **अत्तज्झासयो** । परेसं अज्झासयो **परज्झासयो** । पुच्छीयतीति पुच्छा, पुच्छितब्बो अत्थो । पुच्छनवसेन पवत्तं धम्मपटिग्गाहकानं वचनं पुच्छावसिकं, तदेव निक्खेप-सद्दापेक्खाय पुल्लिङ्गवसेन “**पुच्छावसिको**”ति वुत्तं । तथा अट्ठुप्पत्ति एव **अट्ठुप्पत्तिको**ति एवम्पेत्थ अत्थो वेदितब्बो ।

अपिचेत्थ परेसं इन्द्रियपरिपाकादिकारणनिरपेक्खत्ता अत्तज्झासयस्स विसुं सुत्तनिकखेपभावो युत्तो केवलं अत्तनो अज्झासयेनेव धम्मतन्तिठपनत्थं पवत्तितदेसनात्ता । परज्झासयपुच्छावसिकानं पन परेसं अज्झासयपुच्छानं देसनापवत्तिहेतुभूतानं उप्पत्तियं पवत्तितानं कथमट्ठुप्पत्तियं अनवरोधो, पुच्छावसिकअट्ठुप्पत्तिकानं वा परज्झासयानुरोधेन पवत्तिकानं कथं परज्झासये अनवरोधोति? न चोदेतब्बमेतं । परेसज्हि अभिनीहारपरिपुच्छादिविनिमुत्तस्सेव सुत्तदेसनाकारणुप्पादस्स अट्ठुप्पत्तिभावेन गहितत्ता परज्झासयपुच्छावसिकानं विसुं गहणं । तथा हि **ब्रह्मजाल** (दी० नि० १.१) **धम्मदायादसुत्तादीनं** (म० नि० १.२९) वण्णावण्णआमिसुप्पादादिदेसनानिमित्तं “अट्ठुप्पत्ती”ति वुच्चति । परेसं पुच्छं विना अज्झासयं एव निमित्तं कत्वा देसितो परज्झासयो, पुच्छावसेन देसितो पुच्छावसिकोति पाकटोयमत्थोति ।

**अत्तनो अज्झासयेनेव कथेसि** धम्मतन्तिठपनत्थन्ति दट्ठुब्बं । **सम्मप्पधानसुत्तन्तहारको**ति अनुपुब्बेन निक्खित्तानं संयुत्तके सम्मप्पधानपटिसंयुत्तानं सुत्तानं आवळि । तथा **इद्धिपादहारका**दयो ।

**विमुत्तिपरिपाचनीया धम्मा** सद्धिन्द्रियादयो । **अज्झासयन्ति** अधिमुत्ति । **खन्तिन्ति** दिट्ठिनिज्झानक्खन्तिं । **मनन्ति** चित्तं । **अभिनिहारन्ति** पणिधानं । **बुज्झनभावन्ति** बुज्झनसभावं, पटिविज्झनाकारं वा ।

उप्पन्ने माने निक्खित्तन्ति सम्बन्धो । इत्थिलिङ्गादीनि **तीणि लिङ्गानि** । नामादीनि **चत्तारि पदानि** । पठमादयो **सत्त विभक्तियो** । **मुञ्चित्वा न किञ्चि कथेति** सभावनिरुत्तिया तथेव पवत्तनतो । गण्ठिभूतं पदं । यथा हि रुक्खस्स गण्ठिठ्ठानं दुब्बिनिब्बेधं दुत्तच्छित्तज्ज होति, एवमेवं यं पदं अत्थतो विवरितुं न सक्का, तं “गण्ठिपद”न्ति वुच्चति । **अनुपहच्चाति** अनुद्धरित्वा ।

**येन येन सम्बन्धं गच्छति, तस्स तस्स अनवसेसतं दीपेतीति** इमिना इमस्स सब्ब-सद्दस्स सप्पदेसतं दस्सेति । सब्ब-सद्दो हि सब्बसब्बं पदेससब्बं आयतनसब्बं सक्कायसब्बन्ति चतूसु विसयेसु दिट्ठुप्पयोगो । तथा हेस “सब्बे धम्मा सब्बाकारेन बुद्धस्स भगवतो जाणमुखे आपाथमागच्छन्ती”तिआदीसु (महानि० १५६; चूळनि० ८५; पटि० म० ३.६) सब्बसब्बस्मिं आगतो । “सब्बेसं वो, सारिपुत्त, सुभासितं परियायेना”तिआदीसु (म० नि० १.३४५) पदेससब्बस्मिं । “सब्बं वो, भिक्खवे, देसेस्सामि...पे०... चक्खुज्जेव रूपा च...पे०... मनो चेव धम्मा चा”ति (सं० नि० ४.२३) एत्थ

आयतनसब्बस्मिं । “सब्बं सब्बतो सज्जानाती”ति आदीसु (म० नि० १.५) सक्कायसब्बस्मिं । तत्थ सब्बसब्बस्मिं आगतो निप्पदेसो, इतरेसु तीसुपि आगतो सप्पदेसो, इध पन सक्कायसब्बस्मिं वेदितब्बो । तथा हि वक्खति “सक्कायपरियापन्ना पन तेभूमकधम्माव अनवसेसतो वेदितब्बा”ति (म० नि० अट्ठ० १.१ सुत्तनिक्खेपवण्णना) ।

**सच्चेसूति** अरियसच्चेसु । **एते चतुरो धम्माति** इदानीं वुच्चमाने सच्चादिके चत्तारो धम्मे सन्धाय वदति । तत्थ **सच्चन्ति** वचीसच्चं । **ठितीति** वीरियं, “धिती”ति वा पाठो, सो एवत्थो । **चागोति** अलोभो । **दिट्ठं सो अतिवत्ततीति** यस्मिं एते सच्चादयो धम्मा उपलब्धन्ति, सो दिट्ठं अत्तनो अमित्तं अतिक्कमति, न तस्स हत्थतं गच्छति, अथ खो नं अभिभवति एवाति अत्थो । **सभावे वत्तति** असभावधम्मस्स कारणासम्भवतो । न हि निस्सभावा धम्मा केनचि निब्बत्तीयन्ति । **अत्तनो लक्खणं धारेन्तीति** यदिपि लक्खणविनिमुत्ता धम्मा नाम नत्थि, तथापि यथा दिट्ठितण्हापरिक्कप्पिताकारमत्ता अत्तसुभसुखसस्सतादयो, पकितयादयो, दब्बादयो, जीवादयो, कायादयो लोकवोहारमत्तसिद्धा गगणकुसुमादयोव सच्चिकट्टपरमत्थतो न उपलब्धन्ति, न एवमेते, एते पन सच्चिकट्टपरमत्थभूता उपलब्धन्ति, ततो एव सत्तादिविसेसविरहतो धम्ममत्ता सभाववन्तोति दस्सनत्थं “अत्तनो लक्खणं धारेन्ती”ति वुत्तं । भवति हि भेदाभावेपि सुखावबोधनत्थं उपचारमत्तसिद्धेन भेदेन निद्देसो यथा “सिलापुत्तकस्स सरीर”न्ति । धारीयन्ति वा यथासभावतो अवधारीयन्ति जायन्तीति **धम्मा**, कक्खळफुसनादयो ।

**असाधारणहेतुम्हीति** असाधारणकारणे, सक्कायधम्मेसु तस्स तस्स आवेणिकपच्चयेति अत्थो । किं पन तन्ति? तण्हामानदिट्ठियो, अविज्जादयोपि वा । यथेव हि पथवीआदीसु मज्जनावत्थूसु उप्पज्जमाना तण्हादयो मज्जना तेसं पवत्तिया मूलकारणं, एवं अविज्जादयोपि । तथा हि “अस्सुतवा पुत्थुज्जनो”ति आदिना “अपरिज्जातं तस्साति वदामी”ति (म० नि० १.२) “नन्दी दुक्खस्स मूल”न्ति (म० नि० १.१३) च अन्वयतो, “खया रागस्स...पे०... वीतमोहत्ता”ति ब्यतिरेकतो च तेसं मूलकारणभावो विभावितो ।

परियायेति देसेतब्बमत्थं अवगमेति बोधयतीति **परियायो**, देसना । परियायति अत्तनो फलं परिग्गहेत्वा वत्तति तस्स वा कारणभावं गच्छतीति **परियायो**, कारणं । परियायति अपरापरं परिवत्ततीति **परियायो**, वारो । एवं परियायसदस्स देसनाकारणवारेसु पवत्ति वेदितब्बा । यथारुतवसेन अग्गहेत्वा निद्धारेत्वा गहेतब्बत्थं **नेय्यत्थं** । **तेभूमका धम्माव अनवसेसतो वेदितब्बा** मज्जनावत्थुभूतानं सब्बेसं पथवीआदिधम्मानं अधिप्पेतत्ता ।

**कारणदेसनन्ति** कारणजापनं देसनं । तं अत्थन्ति तं सब्बधम्मानं मूलकारणसङ्घातं, कारणदेसनासङ्घातं वा अत्थं । तेनेवाह “तं कारणं तं देसन”न्ति । **एकत्थमेतन्ति** एतं पदद्वयं एकत्थं । साधु-सद्दो एव हि क-कारेण वड्ढेत्वा “साधुक”न्ति वुत्तो । तेनेव हि साधुसदस्स अत्थं वदन्तेन अत्थुद्धारवसेन साधुकसद्दो उदाहटो । **धम्मरुचीति** पुज्जकामो । **पज्जाणवाति** पज्जवा । **अहुब्भोति** अदूसको, अनुपघातकोति अत्थो । **इधापीति** इमस्मिं मूलपरियायसुत्तेपि । **अयन्ति** साधुकसद्दो । **एत्थेव दळ्हीकम्मेति** सक्कच्चकिरियायं । **आणत्तियन्ति** आणापने । “सुणाथ साधुकं मनसि करोथा”ति हि वुत्ते साधुकसद्देन सवनमनसिकारानं सक्कच्चकिरिया विय तदाणापनम्पि वुत्तं होति । आयाचनत्थता विय चस्स आणापनत्थता वेदितब्बा ।

इदानेत्य एवं योजना वेदितब्बाति सम्बन्धो । **सोतिन्द्रियविक्खेपवारणं** सवने नियोजनवसेन किरियन्तरपटिसेधनभावतो, सोतं ओदहथाति अत्थो । **मनिन्द्रियविक्खेपनिवारणं** अज्जचिन्तापटिसेधनतो । **पुरिमन्ति** “सुणाथा”ति पदं । **एत्थाति** सुणाथ, मनसि करोथा”ति पदद्वये, एतस्मिं वा अधिकारे । **ब्यज्जनविपल्लासग्गाहवारणं** सोतद्वारे विक्खेपपटिबाहकत्ता । न हि याथावतो सुणन्तस्स सद्वतो विपल्लासग्गाहो होति । **अत्थविपल्लासग्गाहवारणं**



मनिन्द्रियविक्रपपटिबाहकत्ता । न हि सक्कच्चं धम्मं उपधारेन्तस्स अत्थतो विपल्लासग्गाहो होति । **धम्मस्सवने नियोजेति** सुणाथाति विदहनतो । **धारणूपपरिक्खासूति** उपपरिक्खग्गहणेन तुलनतीरणादिके दिट्ठिया च सुप्पटिवेधं सङ्गहाति ।

**सव्यञ्जनो**ति एत्थ यथाधिप्पेतमत्थं व्यञ्जयतीति व्यञ्जनं, सभावनिरुत्ति । सह व्यञ्जनेनाति सव्यञ्जनो, व्यञ्जनसम्पन्नोति अत्थो । अरणीयतो उपगन्धब्बतो अनुट्ठातब्बतो अत्थो, चतुपारिसुद्धिसीलादिको । सह अत्थेनाति **सात्थो**, अत्थसम्पन्नोति अत्थो । **धम्मगम्भीरो**ति आदीसु **धम्मो** नाम तन्ति । **देसना** नाम तस्सा मनसा ववत्थापिताय तन्तिया देसना । **अत्थो** नाम तन्तिया अत्थो । **पटिवेधो** नाम तन्तिया तन्तिअत्थस्स च यथाभूतावबोधो । यस्मा चेते धम्मदेसनाअत्थपटिवेधा ससादीहि विय महासमुदो मन्दबुद्धीहि दुक्खोगाळहा अलब्भनेय्यपतिट्ठा च, तस्मा गम्भीरा । तेन वुत्तं “**यस्मा अयं धम्मो...पे०... साधुकं मनसि करोथा**”ति । एत्थ च पटिवेधस्स दुक्करभावतो धम्मत्थानं देसनाजाणस्स दुक्करभावतो देसनाय दुक्खोगाहता, पटिवेधस्स पन उप्पादेतुं असक्कुणेय्यत्ता तब्बिसयजाणुप्पत्तिया च दुक्करभावतो दुक्खोगाहता वेदितब्बा ।

**देसनं** नाम उद्दिसनं । तस्स निद्दिसनं भासनन्ति इधाधिप्पेतन्ति आह “**वित्थारतोपि नं भासिस्सामीति वुत्तं होती**”ति । परिब्यत्तं कथनं वा भासनं । **साळिकायिव निग्घोसो**ति साळिकाय आलापो विय मधुरो कण्णसुखो पेमनीयो । **पटिभानन्ति** सद्दो । **उदीरयी**ति उच्चारयीति, वुच्चति वा ।

**एवं वुत्ते उस्साहजाता**ति एवं “सुणाथ साधुकं मनसि करोथ भासिस्सामी”ति वुत्ते न किर सत्था सङ्खेपेनेव देसेस्सति, वित्थारेनपि भासिस्सतीति सञ्जातुस्साहा हट्ठतुट्ठा हुत्वा । **इधा**ति इमिना वुच्चमानअधिकरणं तस्स पुग्गलस्स उप्पत्तिट्ठानभूतं अधिप्पेतन्ति आह “**देसापदेसे निपातो**”ति । **लोकन्ति** ओकासलोकं । **इध तथागतो लोके**ति हि जातिखेत्तं, तत्थापि अयं चक्कवाळो अधिप्पेतो । **समणो**ति सोतापन्नो । **दुतियो समणो**ति सकदागामी । वुत्तज्जेतं “**कतमो च, भिक्खवे, समणो?** इध, भिक्खवे, भिक्खु तिण्णं संयोजनानं परिक्खया सोतापन्नो होती”ति (अ० नि० ४.२४१) “**कतमो च, भिक्खवे, दुतियो समणो?** इध, भिक्खवे, भिक्खु तिण्णं संयोजनानं परिक्खया रागदोसमोहानं तनुत्ता सकदागामी होती”ति च (अ० नि० ४.२४१) । **इधेव तिट्ठमानस्सा**ति इमिस्सा एव इन्दसालगुहायं तिट्ठमानस्स ।

**२. अस्सुतवा**ति एत्थ (अ० नि० टी० १.१.५१) **सुतन्ति** सोतद्वारानुसारेण उपधारितं, उपधारणं वा, सुतं अस्सत्थीति सुतवा । वा-सद्वस्स हि अत्थो अत्थितामत्तादिवसेन अनेकविधो । तथा हि “**अन्तवा अयं लोको परिवट्ठमो**”ति आदीसु (दी० नि० १.५४; पटि० म० १.१४०) अत्थितामत्तं अत्थो । “**धनवा भोगवा, लाभो अन्नस्सा**”ति च आदीसु बहुभावो । “**रोगवा होति रोगाभिभूतो**”ति आदीसु कायाबाधो । “**कुट्ठी कुट्ठीचीवरेना**”ति आदीसु निन्दा, “**इस्सुकी मच्छरी सठो मायाविनो केटुभिन्नो**”ति आदीसु अभिण्हयोगो । “**दण्डी छत्ती अलम्बरी**”ति आदीसु (विसुद्धि० १.१४२) संसग्गो । “**पण्डितो वापि तेन सो**”ति आदीसु (ध० प० ६३) उपमानं, सदिसभावोति अत्थो । “**तं वापि धीरा मुनिं वेदयन्ती**”ति आदीसु (सु० नि० २१३) समुच्चयो । “**के वा इमे कस्स वा**”ति आदीसु (पारा० २९६) संसयो । “**अयं वा इमेसं समणब्राह्मणानं सब्बबालो सब्बमूळो**”ति आदीसु (दी० नि० १.१८१) विभावो । “**न वायं कुमारो मत्तमज्जासी**”ति आदीसु (सं० नि० २.१५४) पदपूरणं । “**ये हि केचि, भिक्खवे, समणा वा ब्राह्मणा वा**”ति आदीसु (म० नि० १.१७०) विकप्पो । “**सक्यपुत्तस्स सिरीमतो** (दी० नि० ३.२७७), **सीलवतो सीलसम्पत्तिया कल्याणो कित्तिसद्दो अब्भुग्गच्छती**”ति (दी० नि० २.१५०; ३.३१६; अ० नि० ५.२१३; महाव० २८५) च आदीसु पसंसा । “**पज्जवा होति उदयत्थगामिनिया पज्जाय समन्नागतो अरियाय**

निब्बेधिकाय सम्मा दुक्खक्खयगामिनिया”ति आदीसु (दी० नि० ३.३१७, ३५५) अतिसयो। इथापि अतिसयो, पसंसा वा अत्थो, तस्मा यस्स पसंसितं, अतिसयेन वा सुतं अत्थि, सो सुतवाति संकिलेसविद्धंसनसमत्थं परियत्तिधम्मस्सवनं, तं सुत्वा तथत्ताय पटिपत्तिं च “सुतवा”ति इमिना सद्देन पकासिता। अथ वा सोतब्बयुत्तं सुत्वा कत्तब्बनिष्फत्तिवसेन सुणीति सुतवा, तप्पटिक्खेपेन न सुतवाति अस्सुतवा।

अयञ्हि अ-कारो “अहेतुका धम्मा (ध० स० २.दुकमातिका), अभिक्खुको आवासो”ति आदीसु (पाचि० १०४६, १०४७) तंसहयोगनिवत्तियं इच्छितो। “अपच्चया धम्मा”ति (ध० स० ७.दुकमातिका) तंसम्बन्धीभावनिवत्तियं। पच्चयुप्पन्नञ्हि पच्चयसम्बन्धीति अप्पच्चयुप्पन्नत्ता अतंसम्बन्धिता एत्थ जोतिता। “अनिदस्सना धम्मा”ति (ध० स० ९.दुकमातिका) तंसभावनिवत्तियं। निदस्सनञ्हि दट्ठब्बता। अथ वा पस्सतीति निदस्सनं, चक्खुविज्जाणं, तग्गहेतब्बभावनिवत्तियं यथा “अनासवा धम्मा”ति (ध० स० १५.दुकमातिका), “अप्पटिघा धम्मा (ध० स० १०.दुकमातिका), अनारम्भणा धम्मा”ति (ध० स० ५५.दुकमातिका) तंकिच्चनिवत्तियं, “अरूपिनो धम्मा (ध० स० ११.दुकमातिका) अचेतसिका धम्मा”ति (ध० स० ५७.दुकमातिका) तब्भावनिवत्तियं। तदञ्जथा हि एत्थ पकासिता। “अमनुस्सो”ति तब्भावमत्तनिवत्तियं। मनुस्समत्तं नत्थि, अञ्जं समानन्ति। सदिसता हि एत्थ सूचिता। “अस्समणो समणपटिज्जो, अनरियो”ति (अ० नि० ३.१३) च तंसम्भावनीयगुणनिवत्तियं। गरहा हि इध जायति। “कच्चि भोतो अनामयं, अनुदरा कज्जा”ति (जा० २.२०.१२९) तदनप्पभावनिवत्तियं, “अनुप्पन्ना धम्मा”ति (ध० स० १७.तिकमातिका) तंसदिसभावनिवत्तियं। अतीतानञ्हि उप्पन्नपुब्बत्ता उप्पादिधम्मानञ्च पच्चयेकदेसनिष्फत्तिया आरद्धुप्पादिभावतो कालविमुत्तस्स च विज्जमानत्ता उप्पन्नानुकूलता पगेव पच्चुप्पन्नानन्ति तब्बिदूरताव एत्थ विज्जायति “असेक्खा धम्मा”ति (ध० स० ११.तिकमातिका) तदपरियोसाननिवत्तियं। तन्निट्ठानञ्हि एत्थ पकासितन्ति। एवमनेकेसं अत्थानं जोतको। इध पन “अरूपिनो धम्मा अचेतसिका धम्मा”ति आदीसु विय तब्भावनिवत्तियं दट्ठब्बो, अञ्जत्थेति अत्थो। एतेनस्स सुतादिजाणविरहतं दस्सेति। तेन वुत्तं “आगमाधिगमाभावा ज्ञेयो अस्सुतवा इती”ति।

इदानि तस्स अत्थं विवरन्तो यस्मा खन्धधात्वादिकोसल्लेनपि मज्जनापटिसेधनसमत्थं बाहुसच्चं होति। यथाह “कित्तावता नु खो, भन्ते, बहुस्सुतो होति? यतो खो भिक्खु खन्धकुसलो होति धातु, आयतन, पटिच्चसमुप्पादकुसलो होति, एत्तावता खो भिक्खु बहुस्सुतो होती”ति, तस्मा “यस्स हि खन्धधातुआयतनसच्चपच्चयाकारसतिपट्टानादीसूतिआदि वुत्तं। तत्थ वाचुगगतकरणं उग्गहो। अत्थपरिपुच्छनं परिपुच्छा। कुसलेहि सह चोदनापरिहरणवसेन विनिच्छयकरणं विनिच्छयो। मग्गफलनिब्बानानि अधिगमो।

बहूनं (ध० स० मूलटी० १००७) नानप्पकारानं किलेससक्कायदिट्ठीनं अविहतत्ता ता जनेन्ति, ताहि वा जनिताति पुथुज्जना। अविघातमेव वा जन-सद्दो वदति। पुथु सत्थारानं मुखमुल्लोकिकाति एत्थ पुथु जना सत्थुपटिज्जा एतेसन्ति पुथुज्जनाति वचनत्थो। पुथु सब्बगतीहि अवुट्ठिताति एत्थ जनेतब्बा, जायन्ति वा एत्थ सत्ताति जना, नानागतियो, ता पुथू एतेसन्ति पुथुज्जना। इतो परे जायन्ति एतेहीति जना, अभिसङ्खारादयो, ते एतेसं पुथू विज्जन्तीति पुथुज्जना। अभिसङ्खरणादिअत्थो एव वा जन-सद्दो दट्ठब्बो। ओघा कामोघादयो। रागगिआदयो सन्तापा। ते एव, सब्बेपि वा किलेसा परिळाहा। पुथु पञ्चसु कामगुणेषु रत्ताति एत्थ जायतीति जनो, रागो गेधोति एवमादिको, पुथु जनो एतेसन्ति पुथुज्जना। पुथूसु वा जना जाता रत्ताति एवं रागादिअत्थो एव वा जनसद्दो दट्ठब्बो। रत्ताति वत्थं विय रङ्गजातेन चित्तस्स विपरिणामकरेन छन्दरागेन रत्ता सारत्ता। गिद्धाति अभिक्कङ्खनसभावेन अभिज्झानेन गिद्धा गेधं आपन्ना। गधिताति गन्थिता विय दुम्मोचनीयभावेन तत्थ पटिबद्धा। मुच्छिताति किलेसवसेन विसज्जीभूता विय अनञ्जकिच्चा मुच्छं

मोहमापन्ना । **अज्झोसन्ना**ति अनज्जसाधारणे विय कत्वा गिलित्वा परिनिद्वुपेत्वा ठिता । **लग्गा**ति वङ्कदण्डके विय आसत्ता महापलिपे वा याव नासिकग्गा पलिपन्नपुरिसो विय उद्धरितुं असक्कुण्येय्यभावेन निमुग्गा, **लगिता**ति मक्कटालेपे आलग्गभावेन पच्चुड्ढितो विय मक्कटो पज्चन्नं इन्द्रियानं वसेन आलग्गिता । **पलिबुद्धा**ति बद्धा, उपहुता वा । **आवुटा**ति आवुनिता, **निवुता**ति निवारिता । **ओवुता**ति पलिगुण्ठिता, परियोनद्धा वा । **पिहिता**ति पिदहिता, **पटिच्छन्ना**ति पटिच्छादिता । **पटिकुज्जिता**ति हेट्टामुखजाता । **पुथूनं वा गणनपथमतीतानन्ति** आदिना पुथु जनो पुथुज्जनोति दस्सेति ।

“अस्सुतवा”ति एतेन अविज्जन्धता वुत्ताति आह “**अन्धपुथुज्जनो वुत्तो होती**”ति । **आरकत्ता** (सं० नि० टी० २.३.१) **किलेसेहि** मग्गेन समुच्छिन्नत्ता । **अनये**ति अवड्ढियं, अनत्थेति अत्थो । **अनये** वा अनुपाये । **नइरियनतो** अवत्तनतो । **अये**ति वड्ढियं, अत्थे, उपाये वा । **अरणीयतो**ति पथिरुपासितब्बतो । निरुत्तिनयेन पदसिद्धि वेदितब्बा पुरिमेसु अत्थविकप्पेसु । पच्छिमे पन सद्दसत्थवसेनपि । यदिपि अरिय-सद्दो “ये हि वो अरिया परिसुद्धकायकम्मन्ता”ति आदीसु (म० नि० १.३५) विसुद्धासययोगेसु पुथुज्जनेसुपि वत्तति । इध पन अरियमग्गाधिगमेन सब्बलोक्तरभावेन च अरियभावो अधिप्पेतोति दस्सेन्तो आह “**बुद्धा**”ति आदि । तत्थ “**पच्चेकबुद्धा तथागतसावका च सप्पुरिसा**”ति इदं अरिया सप्पुरिसाति इध वुत्तपदानं अत्थं असङ्करतो दस्सेतुं वुत्तं । यस्मा पन निप्परियायतो अरियसप्पुरिसभावा अभिन्नसभावा । तस्मा “**सब्बेव वा**”ति आदि वुत्तं ।

**एत्तावता हि बुद्धसावको वुत्तो** । तस्स हि एकन्तेन कल्याणमित्तो इच्छितब्बो परतोघोसमन्तरेन पठममग्गस्स अनुप्पज्जनतो । विसेसतो चस्स भगवाव **कल्याणमित्तो** अधिप्पेतो । वुत्तहेतं “ममज्झि, आनन्द, कल्याणमित्तं आगम्म जातिधम्मा सत्ता जातिया परिमुच्चन्ती”ति आदि (सं० नि० ५.२) । सो एव च अवेच्चपसादाधिगमेन **दळ्हभत्ति** नाम । वुत्तम्पि चेतं “यं मया सावकानं सिक्खापदं पज्जत्तं, तं मम सावका जीवितहेतुपि नातिक्कमन्ती”ति (उदा० ४५) । **कतज्जुतादीहि पच्चेकबुद्धा बुद्धा**ति एत्थ कतं जानातीति **कतज्जू** । कतं विदितं पाकटं करोतीति **कतवेदी** । अनेकेसुपि हि कप्पसतसहस्सेसु कतं उपकारं जानन्ति पच्चेकबुद्धा पाकटज्ज करोन्ति सतिजननआमिसपटिग्गहणादिना, तथा संसारदुक्खदुक्खितस्स सक्कच्चं करोन्ति किच्चं, यं अत्तना कातुं सक्का । सम्मासम्बुद्धो पन कप्पानं असङ्ख्येय्यसहस्सेसुपि कतं उपकारं मग्गफलानं उपनिस्सयज्ज जानाति, पाकटज्ज करोति, सीहो विय च एवं सब्बत्थ सक्कच्चमेव धम्मदेसनं करोन्तो बुद्धकिच्चं करोति । याय पटिपत्तिया दिट्ठा नाम होन्ति, तस्सा अप्पटिपज्जनभावो, तत्थ च आदराभावो अरियानं अदस्सनसीलता च, न च दस्सने साधुकारिता च वेदितब्बा । **चक्खुना अदस्सावी**ति एत्त **चक्खु** नाम न मंसचक्खु एव, अथ खो दिब्बचक्खुपीति आह “**दिब्बचक्खुना वा**”ति । **अरियभावो**ति येहि योगतो “अरिया”ति वुच्चन्ति । ते मग्गफलधम्मा दट्ठब्बा ।

**तत्रा**ति जाणदस्सनस्सेव दस्सनभावे । **वत्थू**ति अधिप्पेतत्थजापनकारणं । **एवं वुत्तेपी**ति एवं अज्जापदेसेन अत्तूपनायिकं कत्वा वुत्तेपि । **धम्मन्ति** लोकुत्तरधम्मं, चतुसच्चधम्मं वा । **अरियकरधम्मा** अनिच्चानुपस्सनादयो विपस्सियमाना अनिच्चादयो, चत्तारि वा अरियसच्चानि ।

**अविनीतो**ति न विनीतो, अधिसीलसिक्खादिवसेन न सिक्खितो । येसं संवरविनयादीनं अभावेन अयं अविनीतोति वुच्चति, ते ताव दस्सेतुं “**दुविधो विनयो नामा**”ति आदिमाह । तत्थ **सीलसंवरो**ति पातिमोक्खसंवरो वेदितब्बो, सो च अत्थतो कायिकवाचसिको अवीतिकम्मो । **सतिसंवरो**ति इन्द्रियरक्खा, सा च तथापवत्ता सति एव । **जाणसंवरो**ति “सोतानं संवरं ब्रूमी”ति (सु० नि० १०४०) वत्वा “पज्जायेते पिधीयरे”ति वचनतो सोतसङ्घातानं

तण्हादिद्विदुच्चरितअविज्जाअवसिद्धिकिलेसानं संवरो पिदहनं समुच्छेदजाणन्ति वेदितब्बं। **खन्तिसंवरोति** अधिवासना, सा च तथापवत्ता खन्धा, अदोसो वा। पज्जाति एके, तं अट्ठकथाय विरुज्झति। **वीरियसंवरो** कामवितक्कादीनं विनोदनवसेन पवत्तं वीरियमेव। तेन तेन गुणङ्गेन तस्स तस्स अगुणङ्गस्स पहानं **तदङ्गपहानं**। विक्खम्भनेन पहानं **विक्खम्भनपहानं**। सेसपदत्थयेपि एसेव नयो।

**इमिना पातिमोक्खसंवरेनाति**आदि सीलसंवरादीनं विवरणं। तत्थ **समुपेतोति** एत्थ **इति**-सद्वो आदिसत्थो। तेन “सहगतो समुपगतो”तिआदिना **विभङ्गे** (विभ० ५११) आगतं संवरविभङ्गं दस्सेति। एस नयो सेसेसुपि। यं पनेत्थ वत्तब्बं, तं अनन्तरसुत्ते आवि भविस्सति।

**कायदुच्चरितादीनन्ति** दुस्सील्यसङ्घातानं कायवचीदुच्चरितादीनं मुट्ठस्सच्चसङ्घातस्स पमादस्स अभिज्झादीनं वा अक्खन्तिअज्जाणकोसज्जानञ्च। **संवरणतोति** पिदहनतो थकनतो। **विनयनतोति** कायवाचाचित्तानं विरूपप्पवत्तिया विनयनतो अपनयनतो, कायदुच्चरितादीनं वा **विनयनतो**, कायादीनं वा जिम्हप्पवत्तिं विच्छिन्दित्वा उज्जुक्कं नयनतोति अत्थो। पच्चयसमवाये उप्पज्जनारहानं कायदुच्चरितादीनं तथा तथा अनुप्पादनमेव **संवरणं विनयनञ्च** वेदितब्बं।

यं पहानन्ति सम्बन्धो। “**नामरूपपरिच्छेदादीसु विपस्सनाजाणेसू**”ति कस्मा वुत्तं, ननु नामरूपपरिच्छेदपच्चयपरिगहकङ्खावितरणानि न विपस्सनाजाणानि सम्मसनाकारेण अप्पवत्तनतो? सच्चमेतं। विपस्सनाजाणस्स पन अधिद्वानभावतो एवं वुत्तं। “नामरूपमत्तमिदं, नत्थि एत्थ अत्ता वा अत्तनियं वा”ति एवं पवत्तजाणं **नामरूपववत्थानं**। सति विज्जमाने खन्धपञ्चकसङ्घाते काये, सयं वा सती तस्मिं काये दिट्ठीति **सक्कायदिट्ठि**। “रूपं अत्ततो समनुपस्सती”ति (सं० नि० ३.८१; ४.३४५) एवं पवत्ता मिच्छादिट्ठि। तस्सेव रूपारूपस्स कम्माविज्जादिपच्चयपरिगहनजाणं **पच्चयपरिगहो**। “नत्थि हेतु नत्थि पच्चयो सत्तानं संकिलेसाया”ति (दी० नि० १.१६८) आदिनयप्पवत्ता **अहेतुकदिट्ठि**। “इस्सरपुरिसपजापतिपकतिअणुकालादीहि लोको पवत्तति निवत्तति चा”ति पवत्ता **विसमहेतुदिट्ठि**। **तस्सेवाति** पच्चयपरिगहस्सेव। **कङ्खावितरणेनाति** यथा एतरहि नामरूपस्स कम्मादिपच्चयतो उप्पत्ति, एवं अतीतानागतेसुपीति तीसुपि कालेसु विचिकिच्छापनयनजाणेन। **कथंकथीभावस्साति** “अहोसिं नु खो अहमतीतमद्धान”न्ति (म० नि० १.१८; सं० नि० २.२०) आदिनयप्पवत्ताय संसयप्पवत्तिया। **कलापसम्मसनेनाति** “यं किञ्चि रूपं अतीतानागतपच्चुप्पन्न”न्तिआदिना (म० नि० १.३६१; २.११३; ३.८६, ८९) खन्धपञ्चकं एकादससु ओकासेसु पक्खिपित्वा सम्मसनवसेन पवत्तेन नयविपस्सनाजाणेन। **अहं ममाति गाहस्साति** अत्तत्तनियगहणस्स। **मग्गामग्गववत्थानेनाति** मग्गामग्गजाणविसुद्धिया। **अमग्गे मग्गसज्जायाति** ओभासादिके अमग्गे “मग्गो”ति उप्पन्नसज्जाय।

यस्मा सम्मदेव सङ्खारानं उदयं पस्सन्तो “एवमेव सङ्खारा अनुरूपकारणतो उप्पज्जन्ति, न पन उच्छिज्जन्ती”ति गण्हाति, तस्मा वुत्तं “**उदयदस्सनेन उच्छेददिट्ठिया**”ति। यस्मा पन सङ्खारानं वयं पस्सन्तो “यदिपिमे सङ्खारा अविच्छिन्ना वत्तन्ति, उप्पन्नुप्पन्ना पन अप्पटिसन्धिका निरुज्झन्ते वा”ति पस्सति, तस्सेवं पस्सतो कुतो सस्सतग्गाहो, तस्मा वुत्तं “**वयदस्सनेन सस्सतदिट्ठिया**”ति। **भयदस्सनेनाति** भयतुपट्टानजाणेन। **सभयेति** सब्बभयानं आकरभावतो सकलदुक्खवूपसमसङ्घातस्स परमस्सासस्स पटिपक्खभावतो च सभये खन्धपञ्चके। **अभयसज्जायाति** “अभयं खेम”न्ति उप्पन्नसज्जाय। **अस्सादसज्जा** नाम पञ्चुपादानक्खन्धेसु अस्सादवसेन पवत्तसज्जा, या “आलयाभिनिवेशो”तिपि वुच्चति। **अभिरतिसज्जा** तत्थेव अभिरतिवसेन पवत्तसज्जा, या “नन्दी”तिपि वुच्चति।

अमुच्चितुकम्यता आदानं। अनुपेक्खा सङ्खारेहि अनिब्बिन्दनं, सालयताति अत्थो। धम्मद्वितियं पटिच्चसमुपादे पटिलोमभावो सस्सतुच्छेदग्गाहो, पच्चयाकारपटिच्छादकमोहो वा, निब्बाने पटिलोमभावो सङ्खारेसु रति, निब्बानपटिच्छादकमोहो वा। सङ्खारनिमित्तग्गाहोति यादिसस्स किलेसस्स अप्पहीनत्ता विपस्सना सङ्खारनिमित्तं न मुञ्चति, सो किलेसो, यो “संयोगाभिनिवेशो”तिपि वुच्चति। सङ्खारनिमित्तग्गाहणस्स अतिक्कमनमेव वा पहानं।

पवत्ति एव पवत्तिभावो, परियुट्ठानन्ति अत्थो। नीवरणादिधम्मानन्ति एत्थ आदि-सद्देन नीवरणपक्खिया किलेसा वितक्कविचारादयो च गहन्ति।

चतुन्नं अरियमगगानं भावितत्ता अच्चन्तं अप्पवत्तिभावेन यं पहानन्ति सम्बन्धो। केन पहानन्ति? अरियमग्गेहेवाति विज्जायमानोयमत्थो तेसं भावितत्ता अप्पवत्तिवचनतो। समुदयपक्खिकस्साति एत्थ चत्तारोपि मग्गा चतुसच्चाभिसमयाति कत्वा तेहि पहातब्बेन तेन तेन समुदयेन सह पहातब्बत्ता समुदयसभागत्ता, सच्चविभङ्गे च सब्बकिलेसानं समुदयभावस्स वुत्तत्ता “समुदयपक्खिका”ति दिट्ठिआदयो वुच्चन्ति। पटिप्पस्सद्धत्तं वुपसन्तता। सङ्खतनिस्सटता सङ्खारसभावाभावो। पहीनसब्बसङ्खतन्ति विरहितसब्बसङ्खतं, विसङ्खारन्ति अत्थो। पहानञ्च तं विनयो चाति पहानविनयो पुरिमेन अत्थेन, दुतियेन पन पहीयतीति पहानं, तस्स विनयोति योजेतब्बं।

भिन्नसंवरत्ताति नट्टसंवरत्ता, संवराभावतोति अत्थो। तेन असमादिन्नसंवरोपि सङ्गहितो होति। समादानेन हि सम्पादेतब्बो संवरो तदभावे न होतीति। एवञ्हि लोके वत्तारो होन्ति “महा वत नो भोगो, सो नट्टो तथा अकतत्ता”ति। अरियेति अरियो। पच्चत्तवचनञ्हेतं। एसेसेति एसो सो एव, अत्थतो अनञ्जोति अत्थो। तज्जातेति अत्थतो तंसभावो, सप्पुरिसो अरियसभावो, अरियो च सप्पुरिससभावोति अत्थो।

तं अत्थन्ति “सब्बधम्ममूलपरियाय”न्ति एवं वुत्तमत्थं। कस्मा पनेत्थ पुग्गलाधिट्ठाना देसना कताति? यदेत्थ वत्तब्बं, तं “यस्मा पुथुज्जनो अपरिज्जातवत्थुको”तिआदिना (म० नि० अट्ठ० १.२) सयमेव वक्खति। धम्मो अधिट्ठानं एतिस्साति धम्माधिट्ठाना, सभावधम्मे निस्साय पवत्तितदेसना। धम्मवसेनेव पवत्ता पठमा, पुग्गलवसेन उट्ठित्वा पुग्गलवसेनेव गता ततिया, इतरा धम्मपुग्गलानं वोमिस्सकवसेन। कस्मा पन भगवा एवं विभागेन धम्मं देसेतीति? वेनेय्यज्झासयेन देसनाविलासेन च। ये हि वेनेय्या धम्माधिट्ठानाय धम्मदेसनाय सुखेन अत्थं पटिविज्झन्ति, तेसं तथा धम्मं देसेति। एस नयो सब्बत्थ। यस्सा च धम्मधातुया सुप्पटिविद्धत्ता देसनाविलासप्पत्तो होति, सायं सुप्पटिविद्धा, तस्मा देसनाविलासप्पत्तो धम्मिस्सरो धम्मराजा यथा यथा इच्छति, तथा तथा धम्मं देसेतीति एवं इमिना वेनेय्यज्झासयेन देसनाविलासेन च एवं विभागेन धम्मं देसेतीति वेदितब्बो।

छधातुरोति पथविधातु आपो-तेजो-वायो-आकासधातु विज्जाणधातूति इमेसं छन्नं धातूनं वसेन छधातुरो। “चक्खुना रूपं दिस्वा सोमनस्सट्ठानियं रूपं उपविचरती”तिआदिना (दी० नि० ३.३२४) वुत्तानं छन्नं सोमनस्सूपविचारानं, छन्नं दोमनस्सउपेक्खूपविचारानञ्च वसेन अट्ठारसमनोपविचारो। सच्चाधिट्ठानादिवसेन चतुराधिट्ठानो। पज्जाचक्खुना दिट्ठधम्मिकस्स सम्परायिकस्स च अत्थस्स अदस्सनतो अन्धो, दिट्ठधम्मिकस्सेव दस्सनतो एकचक्खु, द्विन्मिपि दस्सनतो द्विचक्खु, वेदितब्बो।

स्वायं निद्विसीति सम्बन्धो। स्वायन्ति च सो अयं, यथावुत्तदेसनाविभागकुसलो भगवाति अत्थो। अपरिज्जातवत्थुकोति तीहि परिज्जाहि अपरिज्जातक्खन्धो। खन्धा हि परिज्जातवत्थु। अपरिज्जामूलिकाति

परिजाननाभावनिमित्ता तस्मिं सति भावतो । परिज्ज्ञानजिह् अविज्ज्ञादयो किलेसा पटिपक्खा तम्मूलिका च सव्वमज्जनाति । **अरियानं अदस्सावीति** एत्थ इति-सदो आदिअत्थो । तेन “अरियधम्मस्स अकोविदो”तिआदिकं पुथुजनस्स विसेसनभावेन पवत्तं पाळिसेसं गण्हाति पुथुज्जननिद्वेसभावतो । तेनाह “**एवं पुथुज्जनं निद्विसी**”ति ।

सुत्तनिक्खेपवण्णना निड्डिता ।

### पथवीवारवण्णना

तस्साति पुथुज्जनस्स । वसति एत्थ आरम्मणकरणवसेनाति आरम्मणम्पि **वत्थू**ति वुच्चति पवत्तिट्ठानभावतोति आह “**पथवीआदीसु वत्थूसू**”ति । सक्कायधम्मानम्पि आरम्मणादिना सतिपि मज्जनाहेतुभावे मज्जनाहेतुकत्तेनेव तेसं निव्वत्तितोति वुत्तं “**सव्वसक्कायधम्मजनितं मज्जन**”न्ति । एत्थ च पथवीधातु सेसधातूनं ससम्भारासम्भारभावा सतिपि पमाणतो समभावे सामत्थियतो अधिकानधिकभावेन वेदितव्वा । सम्भारन्तीति **सम्भारा**, परिवारा । तंतंकलापेहि लक्खणपथविया सेसधम्मा यथारहं पच्चयभावेन परिवारभावेन च पवत्तन्ति । तेनाह “**सा हि वण्णादीहि सम्भारेहि सव्वि पथवीति ससम्भारपथवी**”ति । **पथवितो**ति एत्थ पुथुलट्ठेन पुथुवी, पुथुवी एव पथवी । सा हि सतिपि परिच्छिन्नवुत्तियं सव्वेसं सकलापभावानं आधारभावेन पवत्तमाना पुथुला पत्थटा वित्थिण्णाति वत्तव्वतं अरहति, न पन तं अनुपविसित्वा पवत्तमाना आपादयो । ससम्भारपथविया पन पुथुलभावे वत्तव्वमेव नत्थि । आरम्मणपथवियं वड्डनफरणट्ठेहि पुथुलट्ठो, इतरस्मिं रुळ्ळियाव दट्ठव्वो । **आरम्मणपथवी**ति ज्ञानस्स आरम्मणभूतं पथवीसङ्घातं पटिभागनिमित्तं । तेनाह “**निमित्तपथवीतिपि वुच्चती**”ति । **आगमनवसेना**ति पथवीकसिणभावनागमनवसेन । तथा हि वुत्तं “आपो च देवा पथवी, तेजो वायो तदागमु”न्ति (दी० नि० २.३४०) ।

**सव्वापी**ति चतुब्बिधा पथवीपि । अनुस्सवादिमत्तलद्धा मज्जना वत्थु होतियेव । तथा हि “कक्खळं खरिगत”न्तिआदिना (विभ० १७३) लक्खणपथवीपि उद्धरीयति । यं पनेके वदन्ति “लक्खणे दिट्ठे मज्जना नत्थि, सज्जानातीति वुत्तसज्जा च दिट्ठिग्गाहस्स मूलभूता पिण्डग्गाहिता, सा लक्खणे नक्खमति, तस्मा लक्खणपथवी न गहेतव्वा”ति, तदयुत्तं लक्खणपटिवेधस्स इध अनधिप्पेतत्ता । तेनाह “**लोकवोहारं गहेत्वा**”ति । न च सव्वसज्जा पिण्डग्गाहिका, नापि दिट्ठिग्गाहस्सेव मूलभूता, तस्मा लक्खणपथवियापि कायद्वारानुसारेण अज्जथा च उपट्ठिताय मज्जना पवत्ततेव । तेनेव च “अनुस्सवादिमत्तलद्धा”ति वुत्तं । **पथवितो**ति पच्चते निस्सक्कवचनन्ति दस्सेन्तो “**पथवीति सज्जानाती**”ति आह । यस्मा चतुब्बिधम्पि पथविं “पथवी”ति सज्जानन्तो तेन तेन नयेन पथवीकोट्टासेनेव सज्जानातीति वुच्चति, न आपादिकोट्टासेन, तस्मा वुत्तं “**पथविभागेन सज्जानाती**”ति । **लोकवोहारं गहेत्वा**ति लोकसमज्जं अविजहित्वा । एतेन लक्खणपथवियम्पि वोहारमुखेनेवस्सा पवत्तीति दस्सेति ।

यदि लोकवोहारेण तत्थ पवत्ति, को एत्थ दोसो, ननु अरियापि “अयज्जि भन्ते महापथवी”तिआदिना लोकवोहारेण पवत्तन्तीति? न एत्थ वोहारमत्ते अवड्डनं अधिप्पेतं, अथ खो वोहारमुखेन मिच्छाभिनिवेसोति दस्सेन्तो “**सज्जाविपल्लासेन सज्जानाती**”ति आह । तस्सत्थो — अयोनिमोमनसिकारसम्भूताय “सुभ”न्तिआदिनयप्पवत्ताय विपरीतसज्जाय सज्जानातीति । एतेन दुब्बला तण्हामानदिट्ठिमज्जना दस्सिताति दट्ठव्वं । यदि एवं कस्मा सज्जा गहिताति? पाकटभावतो । यथा नाम अग्निमिह मथियमाने यदा धूमो उपलब्धति, किञ्चापि तदा विज्जतेव पावको अविनाभावतो, पाकटभावतो पन धूमो जातोति वुच्चति, न अग्नि जातोति, एवंसम्पदमिदं दट्ठव्वं । यदिपि तत्थ मज्जनाकिच्चं अत्थि, न पन विभूतं अपाकटभावतो सज्जाकिच्चमेव विभूतं, तं पन मज्जानानुकूलं मज्जनासहितं चाति आह “**सज्जाविपल्लासेन**

**सज्जानाती**”ति । एवं पथवीभागं अमुच्चन्तोयेव वा सज्जानातीति सम्बन्धो । यो हि वृत्तप्यभेदाय पथविया पथविभागं अमुच्चन्तोयेव अविजहन्तोयेव सीसपिण्डे सुवण्णसज्जी विय अनत्तादिसभावयेव तं अत्तादिवसेन सज्जानाति, तस्स वसेन वृत्तं “पथवी”तिआदि । न वत्तब्बं पुथुज्जनगाहस्स युत्तिमग्ननिवारणतोति दस्सेन्तो आह “उम्मत्तको विय...पे०... गणहाती”ति । अरियानं अदस्सावितादिभेदन्ति अरियानं अदस्सावितादिवसेसं वदन्तेन भगवताव एत्थ यथावृत्तसज्जानने कारणं वृत्तन्ति योजना ।

एवन्ति “पथविभागेन सज्जानाती”तिआदिना वृत्तप्यकारेण । **सज्जानित्वा**ति पुब्बकालकिरियानिदेसोति आह “अपरभागे...पे०... गणहाती”ति । **पपञ्चसङ्गा**ति पपञ्चकोट्टासा । पपञ्चन्ति सत्ता संसारे चिरायन्ति एतेहीति **पपञ्चा**, मज्जन्ति “एतं ममा”तिआदिना परिकप्पेन्ति एताहीति **मज्जना**ति द्वीहिपि परियायेहि तण्हादयोव वृत्ताति आह “तण्हामानदिट्ठिपपञ्चेहि इध मज्जनानामेन वृत्तेही”ति । अजज्जस्स जज्जतो, असेय्यादिकस्स सेय्यादितो गहणतो दिट्ठिमज्जना विय तण्हामानमज्जनापि अज्जथा गाहो एवाति आह “अज्जथा गणहाती”ति । आरम्मणाभिनरोपनादिना भिन्नसभावानम्पि वितक्कादीनं साधारणो उपनिज्झायनसभावो विय अनुगिज्झनुण्णतिपरामसनसभावानम्पि तण्हादीनं साधारणेन आरम्मणपरिकप्पनाकारेण पवत्ति **मज्जना**ति दट्ठब्बं । तेनाह “तीहि मज्जनाहि मज्जती”तिआदि । अस्साति पुथुज्जनस्स, उदयब्बयानुपस्सनादीसु विय सुखुमनयेनपि मज्जनापवत्ति अत्थीति विभावनसुखताय थूलंयेव तं दस्सेतुकामो “ओळारिकनयेना”तिआह । ओळारिके हि विभागे दस्सिते सुखुमविभावना सुकराति दस्सेतुं अयमत्थयोजना वुच्चतीति सम्बन्धो । **अज्झत्तिका**ति इन्द्रियबद्धा सत्तसन्तानपरियापन्ना नियकज्झत्ता **वृत्ता** विभङ्गे पटिसम्भिदामगो च ।

**विभङ्गे**ति धातुविभङ्गे (विभ० १७३) । **बाहिरा**ति अनिन्द्रियबद्धा सङ्खारसन्तानपरियापन्ना । **कक्खळन्ति** थद्धं । **खरिगतन्ति** फरुसं । कक्खळभावो **कक्खळत्तं** । **कक्खळभावो**ति कक्खळसभावो । **बहिद्धा**ति इन्द्रियबद्धतो बहिद्धाभूतं । **अनुपादिन्नन्ति** न उपादिन्नं । **अयो**ति काळलोहं । **लोहन्ति** जातिलोहं विजातिलोहं कित्तिमलोहं पिसाचलोहन्ति चतुब्बिधं । तत्थ अयो सज्झु सुवण्णं तिपु सीसं तम्बलोहं वेकन्तकलोहन्ति इमानि सत्त **जातिलोहानि** नाम । नागनासिकालोहं **विजातिलोहं** नाम । कंसलोहं वट्टलोहं आरकुटन्ति तीणि **कित्तिमलोहानि** नाम । मोरक्खकं पुथुकं मलिनकं चपलकं सलकं आटलं भत्तकं दुसिलोहन्ति अट्ट **पिसाचलोहानि** नाम । तेसु **वेकन्तकलोहं** नाम सब्बलोहच्छेदनसमत्था एका लोहजाति । तथा हि तं विकन्तति छिन्दतीति विकन्तकन्ति वुच्चति । विकन्तकमेव वेकन्तकं । **नागनासिकालोहं** लोहसदिसं लोहविजाति हलिद्वादिविजाति विय । तथा हि तं लोहाकारं लोहमलं विय घनसंहतं हुत्वा तिट्ठति, तापेत्वा ताळितं पन भिन्नं भिन्नं हुत्वा विसरति मुदु मट्ठं कम्मनियं वा न होति । तिपुतम्बे मिस्सेत्वा कतं **कंसलोहं** । सीसतम्बे मिस्सेत्वा कतं **वट्टलोहं** । जसतम्बे मिस्सेत्वा कतं **आरकुटं** । तेनेव तं करणेन निब्बत्तत्ता **कित्तिमलोहन्ति** वुच्चति । यं पन केवलं रसकधातु विनिगतं, तं “पित्तल”न्तिपि वदन्ति । तं इध नाधिप्पेतं, यथावृत्तं मिस्सकमेव कत्वा योजितं **कित्तिमन्ति** वृत्तं । **मोरक्खका**दीनि एवंनामानेवेतानि । तेसु यस्मा पञ्च जातिलोहानि पाळियं विसुं वृत्तानेव, तस्मा वेकन्तकलोहेन सद्धिं वृत्तावसेसं सब्बं इध लोहन्ति वेदितब्बं ।

**तिपूति** सेततिपु । **सीसन्ति** काळतिपु । **सज्झन्ति** रजतं । **मुत्ता**ति हत्थिकुम्भजादिका अट्टविधापि मुत्ता । तथा हि हत्थिकुम्भं वराहदाठा भूजङ्गसीसं वलाहकूटं वेळू मच्छसीरो सङ्घो सिप्पीति अट्ट मुत्तायोनियो । तत्थ **हत्थिकुम्भजा** पीतवण्णा पभाहीना । **वराहदाठा** वराहदाठवण्णाव । **भुजङ्गसीसजा** नीलादिवण्णा सुविसुद्धा वट्टला च । **वलाहकजा** भासुरा दुब्बिभागरूपा रत्तिभागे अन्धकारं विधमन्तियो तिट्ठन्ति, देवूपभोगा एव च होन्ति । **वेळुजा** करकुपलसमानवण्णा न भासुरा, ते च वेळू अमनुस्सगोचरे एव पदेसे जायन्ति । **मच्छसीरजा** पाठीनपिट्टिसमानवण्णा वट्टला लघवो च होन्ति

पभाविहीना, ते च मच्छा समुद्रमज्जे एव जायन्ति । **सङ्खजा** सङ्खोदरच्छविवण्णा कोलप्पमाणापि होन्ति पभाविहीनाव । **सिप्पिजा** पभाविसेसयुता होन्ति नानासण्ठाना । एवं जातितो अट्ठविधासुपि मुत्तासु या मच्छसङ्खसिप्पिजा, ता सामुदिका होन्ति, भुजङ्गजापि काचि सामुदिका होन्ति, इतरा असामुदिका । यस्मा बहुलं सामुदिकाव मुत्ता लोके दिस्सन्ति, तत्थापि सिप्पिजाव, इतरा कादाचिका । तस्मा **सम्मोहविनोदनियं** (विभ० अट्ठ० १७३) “मुत्ताति सामुदिका मुत्ता”ति वुत्तं ।

**मणी**ति ठपेत्वा पाळिआगते वेळुरियादिके सेसो जोतिरसादिभेदो सब्बोपि मणि । **वेळुरियन्ति** वंसवण्णमणि । **सङ्खो**ति सामुदिकसङ्खो । **सिला**ति काळसिला पण्डुसिला सेतसिलादिभेदा अट्ठपि सिला । **रजतन्ति** कहापणादिकं वुत्तावसेसं रजतसम्मत्तं । **जातरूपन्ति** सुवण्णं । **लोहितङ्गो**ति रत्तमणि । **मसारगल्लन्ति** कबरमणि **तिणा**दीसु बहिभारा तालनाळिकेरादयोपि **तिणं** नाम । अन्तोसारं खदिरादि अन्तमसो दारुखण्डमि **कट्ठं** नाम । मुग्गमत्ततो याव मुट्ठिप्पमाणा मरुम्बा **सक्खरा** नाम । मुग्गमत्ततो पट्टाय हेट्ठा वालिका नाम । **कठलन्ति** कपालखण्डं । **भूमी**ति ससम्भारपथवी । **पासाणो**ति अन्तोमुट्ठियं असण्ठहनतो पट्टाय याव हत्थिप्पमाणं पासाणं, हत्थिप्पमाणतो पन पट्टाय उपरि **पब्बतो**ति । अयं अयोआदीसु विभागनिद्देशो । **निमित्तपथवी**ति पटिभागनिमित्तभूतं पथविकसिणं । तम्पि हि “रूपावचरतिकचतुक्कज्झानं कुसलतो च विपाकतो च किरियतो च चतुत्थस्स ज्ञानस्स विपाको इमे धम्मा बहिद्धारम्मणा”ति वचनतो “बाहिरा पथवी”ति वुच्चति । तेन वुत्तं “**या च अज्झत्तारम्मणत्तिके निमित्तपथवी, तं गहेत्वा**”ति । उग्गहनिमित्तज्चेत्थ तंगतिकमेव दट्ठब्बं, निमित्तुप्पत्तितो पन पुब्बे भूमिग्गहणेनेव गहितन्ति ।

**तीहि मज्जनाही**ति वुत्तं मज्जनात्तयं सपरसन्तानेसु सङ्खेपतो योजेत्वा दस्सेतुं “**अहं पथवी**”तिआदि वुत्तं । तत्थ **अहं पथवी**तिआदीना अज्झत्तविसयं दिट्ठिमज्जनं मानमज्जनञ्च दस्सेति अत्ताभिनिवेसाहंकारदीपनतो । **मम पथवी**ति इमिना तण्हामज्जनं मानमज्जनमि वा परिग्गहभूतायपि पथविया सेय्यादितो मानजप्पनतो । सेसपदद्वयेपि इमिनानयेन मज्जनाविभागो वेदितब्बो । तत्थ पथविकसिणज्झानलाभी ज्ञानचक्खुना गहितज्ञानारम्मणं “अत्ता”ति अभिनिविसन्तो तज्च सेय्यादितो दहन्तो अत्थतो “**अहं पथवी**”ति **मज्जति** नाम, तमेव “अयं मय्हं अत्ता”ति गहणे पन “**मम पथवी**”ति **मज्जति** नाम । तथा तं “परपुरिसो”ति वा “देवो”ति वा वादवसेन “अयमेव परेसं अत्ता”ति वा अभिनिविसन्तो “**परो पथवी, परस्स पथवी**”ति **मज्जति** नाम । इमिना नयेन सेसपथवीसुपि यथारहं चतुक्कं निद्दारेतब्बं ।

एवं “पथविं मज्जती”ति एत्थ चतुक्कवसेन मज्जनं दस्सेत्वा इदानी मज्जनावत्थुं मज्जनायो च विभजित्वा अनेकविहितं तस्स मज्जनाकारं दस्सेतुं “**अथ वा**”तिआदिमाह । तत्थ **अयन्ति** यथावुत्तो पुथुज्जनो । **छन्दरागन्ति** बहलरागं । **अस्सादेती**ति निकामेति, “इमे केसा मुदुसिनिद्धकुञ्चितनीलोभासा”तिआदिना तत्थ रसं विन्दति । **अभिनन्दती**ति सप्पीतिकाय तण्हाय अभिमुखो नन्दति पमोदति । **अभिवदती**ति उप्पन्नं तण्हाभिनन्दनावेगं हृदयेन सन्धारेतुं असक्कोन्तो “अहो मे केसा”ति वाचं निच्छारेति । **अज्झोसाय तिट्ठती**ति बलवतण्हाभिनिवेसेन गिलित्वा परिनिट्ठापेत्वा तिट्ठति । **अज्जतरं वा पन रज्जनीयवत्थुन्ति** केसादितो अज्जतरं वा करचरणादिप्पभेदं नियकज्जत्तपरियापन्नं रागुप्पत्तिहेतुभूतं वत्थुं । **इती**ति इमिना सिनिद्धादिप्पकारेनाति पत्थयितब्बाकारं परामसति । तत्थ **नन्दिं समन्नानेती**ति तेसु भावीसु केसादीसु सिद्धं विय कत्वा नन्दिं तण्हं समन्नाहरति समुपचारेति । **पणिदहती**ति पत्थनं ठपेति ।

सम्पत्तिं निस्साय “सेय्योहमस्मी”ति, विपत्तिं निस्साय “हीनोहमस्मी”ति मानं जनेतीति योजना । पथवीकोट्टासभूतानं



केसादीनं सम्पत्तिविपत्तीहि मानजप्पना पथविया मज्जना होतीति आह “**एवं अज्झत्तिकं पथविं मानमज्जनाय मज्जती**”ति । अवयवव्यतिरेकेन समुदायस्स अभावतो समुदायो जीवाभिनिवेसो अवयवेपि होतीति दस्सेन्तो “**तं जीवं तं सरीरन्ति आगतनयेन पन केसं ‘जीवो’ति अभिनिविसती**”ति आह । “केसा नामेते इस्सरविहिता पजापतिनिस्सिता अणुसञ्चयो पकतिपरिणामो”तिआदिना नयेनपेत्थ **दिट्ठिमज्जना** वेदितब्बा ।

**इमिस्सा पवत्तिया**ति निकन्तिमानदिट्ठीनं परियादानसमुग्घाटप्पवत्तिया । “एतं ममा”तिआदिना यदिपि तिस्सन्नम्पि मज्जनानं सम्भवो दस्सितो । तण्हामानमज्जनानं पन हेट्ठा दस्सितत्ता दिट्ठिमज्जना एवेत्थ विसेसतो उद्धटाति वेदितब्बं । तेनाह “**एवम्पि अज्झत्तिकं पथविं दिट्ठिमज्जनाय मज्जती**”ति ।

बाहिरम्पि पथविं तीहि मज्जनाहि मज्जतीति योजना । तं पन मज्जनाविधिं दस्सेतुं “**कथ**”न्ति आह । तस्सत्थो हेट्ठा वुत्तनयेन वेदितब्बो ।

**अयं जीवो**ति अयं काळलोहं “जीवो अत्ता”ति **अभिनिविसति** एकच्चे निगण्ठा विय । **एवं बाहिरं पथविं दिट्ठिमज्जनाय मज्जती**ति एत्थापि “या चेव खो पन अज्झत्तिका पथवीधातु, या च बाहिरा पथवीधातू”तिआदिना नयेन आनेत्वा वत्तब्बो ।

**पथवीकसिणं अत्ततो समनुपस्सती**तिआदीसु यं वत्तब्बं, तं हेट्ठा वुत्तमेव । अयम्पि च नयो “रूपं अत्ततो समनुपस्सती”ति एत्थेव अन्तोगधोति दट्ठब्बो कसिणानम्पि रूपसमज्जासम्भावतो । **पथविं मज्जती**ति एत्थ यादिसो मज्जनावत्थुमज्जनानं वित्थारनयो वुत्तो, तादिसो इतो परं वुत्तनयोवाति आह “**इतो परं सङ्खेपेनेव कथयिस्सामा**”ति, अतादिसो पन वित्थारतोपि कथयिस्सतीति अत्थो ।

**तस्मा**ति यस्मा “पथविया”ति इदं भुम्मवचनं, तस्मा, सो अत्तपरत्तदुपकरणानं आधारभावेन तं मज्जनावत्थुं कप्पेतीति अत्थो । तेनाह “**अहं पथविया**”तिआदि । ननु च इन्द्रियबद्धानिन्द्रियबद्धपभेदस्स धम्मपबन्धस्स ससम्भारपथवी च आधारनिस्सयो, इतरा आरम्भणनिस्सयो तदारम्भणस्साति एत्थ निब्बिरोधोति? न, मज्जनावत्थुं निस्सयभावेन परिकप्पनतो । अयञ्चि “अहं”न्ति दिट्ठिमज्जनाय मानमज्जनाय च वत्थुभूतस्स अत्तनो पथविसन्निस्सयं कत्वा “**अहं पथविया**”ति **मज्जति**, तण्हामज्जनाय वत्थुभूतस्स उपकरणस्स पथविं सन्निस्सयं कत्वा “**मय्हं किञ्चनं पलिबोधो पथविया**”ति मज्जति । **परो**तिआदीसुपि इमिना नयेन अत्थो वेदितब्बो ।

ख्यायं अत्थनयोति सम्बन्धो । **वुत्तो** पटिसम्भिदामग्गे । **एतेनेव नयेना**ति ख्यायं “सो खो पन मे अत्ता इमस्मिं रूपे”ति समुदायस्स आधारभावदीपनो अत्थनयो वुत्तो, एतेनेव नयेन । न हि अवयवव्यतिरेकेन समुदायो लब्धति, तस्मा समुदाये वुत्तविधि अवयवेपि लब्धतीति अधिप्पायो । तेनाह **सो खो पन मे अयं अत्ता इमिस्सा पथवियाति मज्जन्तो**ति । **तस्मिंयेव पनस्स अत्तनी**ति एत्थ अस्साति पुथुज्जनस्स । **तस्मिंयेव अत्तनी**ति अज्झत्तिकबाहिरपथवीसन्निस्सये अत्तनि । “पथविया मज्जती”ति पदस्सायं वण्णना । एवं “पथविया मज्जती”ति एत्थ अत्तवसेन दिट्ठिमानतण्हामज्जनं दस्सेत्वा इदानि परवसेन दस्सेतुं “**यदा पना**”तिआदि वुत्तं । तत्थ अस्साति परस्स । **तदा**ति परवसेन मज्जनायं । **दिट्ठिमज्जना एव युज्जति** तत्थ निच्चाभिनिवेसादयो सम्भवन्तीति कत्वा । अवधारणेन मानतण्हामज्जना निवत्तेति । न हि “सेय्योहमस्मी”तिआदिना, “मय्हं”न्ति च पवत्तलक्खणा मानतण्हा परस्मिं परस्स सन्तकभावेन गहिते च पवत्तन्तीति अधिप्पायो । **इतरायोपी**ति मानतण्हामज्जनायोपि । **इच्छन्ति** अट्ठकथाचरिया । परस्सपि हि पथवीसन्निस्सयेन

सम्पत्तिस्सरियादिकस्स वसेन अत्तनि सेय्यादिभावं दहतो पणिदहतो च चित्तं तथाभावाय मानतण्हामज्जना सम्भवन्तीति आचरियानं अधिप्पायो। “परो पथवी परस्स पथवी”ति एत्थापि इमे द्वे पकारा साधिप्पाया निद्धारेतब्बा।

“पथवितो सज्जानाती”ति, “आदितो”ति च आदीसु अनिस्सक्कवचनेपि तो-सदो दिट्ठोति आह “**पथवितोति निस्सक्कवचनं**”न्ति। **सउपकरणस्सा**ति हिरज्जसुवण्णगतस्स दासपोरिसादिना वित्तुपकरणेन सउपकरणस्स, अत्तनो वा परस्स वा तेसं उपकरणस्स वाति अत्थो। **यथावुत्तप्पभेदतो**ति लक्खणादिअज्झत्तिकादिवुत्तप्पकारविभागतो। **उप्पत्तिं वा निग्गमनं वा**ति “तं अण्डं अहोसि हेममयं, तस्मिं सयं ब्रह्मा उप्पन्नो”ति ब्रह्मण्डवादवसेन वा “द्वीहि अणूहि द्विअणुक”न्ति एवं पवत्तअणुकवादवसेन वा पथवितो उप्पत्तिं वा “सब्बोयं लोको इस्सरतो विनिग्गतो”ति इस्सरवादवसेन इस्सरकुत्ततो पथवितो निग्गमनं वा मज्जमानोति योजना। **पथवितो वा अज्जो** आपादिको अत्ताति अधिप्पायो। एत्थ च पुरिमस्मिं अत्थविकप्पे कारकलक्खणं निस्सक्कवचनं, दुतियस्मिं उपपदलक्खणन्ति दट्ठब्बं। अत्तनो परिग्गहभूतपथवितो सुखप्पत्तिं ततो एव च परेहि सेय्यादिभावं कप्पेन्तस्स वसेनपेत्थ **तण्हामानमज्जना** वेदितब्बा। **अपरे**ति सारसमासाचरिया। **ततो अज्जं अप्पमाणं अत्तानं गहेत्वा**ति पुब्बे भावितआपादिअप्पमाणकसिणवसेन वा कापिलकाणाददिट्ठिवसेन वा अप्पमाणं ब्यापिनं अत्तानं गहेत्वा। **पथवितोति** पच्छा अभावितअवट्ठितपथवीकसिणसङ्घातपथवितो। **बहिद्वापि मे अत्ताति** इतो पथवितो बहिपि मे अत्ताति अधिप्पायो।

**केवलन्ति** अनवसेसं। **महापथविं तण्हावसेन ममायति**, अयञ्च नयो चतुदीपिस्सरिये ठितस्स दीपचक्कवत्तिनो च लब्भेय्य, मण्डलिकराजमहामत्तकुटुम्बिकानम्पि वसेन लब्भतेव तेसम्पि यथापरिग्गहं अनवसेसेत्वा मज्जनाय सम्भवतो। “एवं ममा”ति गाहस्स “एसोहमस्मिं, एसो मे अत्ता”ति गाहविधूरताय वुत्तं “**एका तण्हामज्जना एव लब्भती**”ति। **इमिना नयेना**ति वुत्तमतिदेसं विभावेतुं “**सा चायं**”न्तिआदि वुत्तं। तत्थ **सा चायन्ति** सा च अयं तण्हामज्जना योजेतब्बाति सम्बन्धो। यथा पन दिट्ठिमज्जनामज्जिते वत्थुस्मिं सिनेहं मानञ्च उप्पादयतो तण्हामानमज्जना सम्भवन्ति, एवं तण्हामज्जनामज्जितेन वत्थुना अत्तानं सेय्यादितो दहतो तञ्च अत्तनियं निच्चं तथा तंसाभिभूतं अत्तानञ्च परिकप्पेन्तस्स इतरमज्जनापि सम्भवन्तीति सक्का विज्जातुं। “मे”ति हि इमिना अत्थग्गहणमुखेनेव अत्तनियसम्बन्धो पकासीयतीति।

**अभिनन्दतीति** इमिना तण्हादिट्ठाभिनिवेसानं सङ्गहितत्ता ते दस्सेन्तो “**अस्सादेति परामसति चा**”ति आह। दिट्ठिविप्पयुत्तचित्तुप्पादवसेन चेतस्स द्वयस्स असङ्करतो पवत्ति वेदितब्बा, एकचित्तुप्पादेपि वा अधिपतिधम्मानं विय पुब्बाभिसङ्खारवसेन तस्स तस्स बलवभावेन पवत्ति। **एतस्मिं अत्थेति** तण्हादिट्ठिवसेन अभिनन्दनत्थे। **एतन्ति** “पथविं अभिनन्दती”ति एतं पदं। येसं विनेय्यानं येहि पकारविसेसेहि धम्मानं विभावने कते विसेसाधिगमो होति, तेसं तेहि पकारविसेसेहि धम्मविभावनं। येसं पन येन एकेनेव पकारेन धम्मविभावने कते विसेसाधिगमो होति, तेसम्पि तं वत्त्वा धम्मिस्सरताय तदज्जनिरवसेसप्पकारविभावनञ्च **देसनाविलासो**। तेनाह “**पुब्बे मज्जनावसेन किलेसुप्पत्तिं दस्सेत्वा इदानीं अभिनन्दनावसेन दस्सेन्तो**”ति। **धम्मधातुयाति** सम्मासम्बोधिथा। सा हि सब्बजेय्यधम्मं यथासभावतो धारेति उपधारेति, सकलञ्च विनेय्यसत्तसङ्घातधम्मप्पबन्धं अपायदुक्खसंसारदुक्खपतनतो धारेति, सयञ्च अविपरीतपवत्तिआकारा धातूति धम्मधातूति इधाधिप्पेता। सब्बज्जुतज्जाणपदट्ठानज्झि मग्गजाणं, मग्गजाणपदट्ठानञ्च सब्बज्जुतज्जाणं सम्मासम्बोधीति। **सुप्पटिविद्धत्ताति** सुट्ठु पटिविद्धभावतो, सम्मा अधिगतत्ताति अत्थो। अभिकङ्खनसम्पग्गहपरामसनानं वसेन आरम्भणे परिकप्पनापवत्ति मज्जना। तत्थ “ममं, अहं”न्ति च अभिनिवेसानं **परिकप्पनं**। येन अज्झोसानं होति, अयं **अभिनन्दनाति** अयमेतेसं विसेसो। सुत्तादिअविरुद्धायेव अत्तनोमति इच्छितब्बा,

न इतराति सुत्तेन तस्सा सङ्गहं दस्सेतुं “वुत्तञ्चेत”न्तिआदि वुत्तं । देसनाविलासविभावनस्स पन सहेतुकहेतुसम्पयुत्तदुकादिदेसनाय निबद्धता निद्धारेतब्बा ।

तस्साति तेन । जातसद्वसम्बन्धेन हेतं कत्तरि सामिवचनं । तस्माति अपरिज्जातत्ता । “अपरिज्जात”न्ति पटिक्खेपमुखेन यं परिजाननं वुत्तं, तं अत्थतो तिविधा परिज्जा होतीति तं सरूपतो पवत्तिआकारतो च विभावेन्तो “यो ही”तिआदिमाह ।

तत्थ याय पज्जाय विपस्सनाभूमिं परिजानाति परिच्छिन्दति, सा परिजाननपज्जा जातपरिज्जा । सा हि तेभूमकधम्मजातं “अयं विपस्सनाभूमी”ति जातं विदितं पाकटं करोन्तीयेव लक्खणरसादितो अज्झत्तिकादिविभागतो च परिच्छिज्ज जानाति । इध पन पथवीधातुवसेन वेदितब्बाति वुत्तं “पथवीधातुं परिजानाती”तिआदि । तीरणपरिज्जाति कीरणवसेन परिजाननकपज्जा । सा हि परिवारेहि अनिच्चतादिआकारेहि अनिच्चतादिसभावस्स उपादानक्खन्धपञ्चकस्स तीरणवसेन सम्मसनवसेन तं परिच्छिज्ज जानाति । अग्गमग्गेनाति अरहत्तमग्गेन । सो हि अनवसेसतो छन्दरागं पजहति । अग्गमग्गेनाति वा अग्गभूतेन मग्गेन, लोकुत्तरमग्गेनाति अत्थो । उभयथापि हि समुच्छेदपहानकारी एव पज्जा निप्परियायेन पहानपरिज्जाति दस्सेति ।

नामरूपववत्थानन्ति एतेन पच्चयपरिग्गहोपि सङ्गहितोति दट्ठब्बो नामरूपस्स हेतुववत्थानभावतो । सोपि हि हेतुपच्चयमुखेन नामरूपस्स ववत्थानमेवाति । कलापसम्मसनादिवसेन तीरणपरिज्जा अनिच्चादिवसेन सम्मसनभावतो । तस्माति यस्मा ता परिज्जायो नत्थि, तस्मा । अथ वा तस्मा अपरिज्जातत्ताति यस्मा अपरिज्जाता पथवी, तस्मा अपरिज्जातत्ता पथविया तं पथविं मज्जति च अभिनन्दति चाति ।

पथवीवारवण्णना निड्डिता ।

### आपोवारादिवण्णना

आपं आपतोति एत्थ अप्पोति, अप्पायतीति वा आपो, यस्मिं सङ्घाते सयं अत्थि, तं आबन्धनवसेन ब्यापेत्वा तिड्ढति, परिब्रूहेतीति वा अत्थो । अत्थानं अधि अज्झत्तं । पति पति अत्तानन्ति पच्चत्तं । उभयेनपि सत्तसन्तानपरियापन्नमेव वदति । आपो आपोगतन्तिआदीसु आबन्धनमेव आपो, तदेव आपोसभावं गतत्ता आपोगतं, सभावेनेव आपभावं पत्तन्ति अत्थो । सिनेहनवसेन सिनेहो, सोयेव सिनेहनसभावं गतत्ता सिनेहगतं । बन्धनत्तं रूपस्साति अविनिब्भोगरूपस्स बन्धनभावो, अविष्पकिरणवसेन सम्पिण्डनन्ति अत्थो । उग्गणहन्तोति यथापरिच्छिन्ने आपोमण्डले यथा उग्गहनिमित्तं उपलब्धति, तथा निमित्तं गणहन्तो । वुत्तोति “आपस्मि”न्ति एत्थ वुत्तआपो । सो हि ससम्भारआपो, न “आपोकसिण”न्ति एत्थ वुत्तआपो । सेसन्ति आरम्मणसम्मुतिआपानं सरूपविभावनं । “आपं आपतो पजानाती”तिआदिपाळिया अत्थविभावनञ्चेव तत्थ तत्थ मज्जनाविभागदस्सनञ्च पथवियं वुत्तसदिसमेवाति । तत्थ “पथवीकसिणमेको सज्जानाती”तिआदिना (दी० नि० ३.३६०; अ० नि० १०.२५) वुत्तं, इध “आपोकसिणमेको सज्जानाती”तिआदिना वत्तब्बं । तत्थ च “पथवीति सज्जानाती”ति वुत्तं, इध पन “आपोति सज्जानाती”तिआदिना वत्तब्बन्ति एवमादि एव विसेसो । सेसं तादिसमेव । तेन वुत्तं “पथवियं वुत्तसदिसमेवा”ति । यो पनेत्थ विसेसो, तं दस्सेतुं “केवल”न्तिआदि वुत्तं । तत्थ मूलरसोति मूलं पटिच्च निब्बत्तरसो । खन्धरसादीसुपि एसेव नयो । खीरादीनि पाकटानेव । यथा पन भेसज्जसिक्खापदे (पारा० ६१८-६२५), न एवमिध नियमो अत्थि । यं किञ्चि खीरं खीरमेव । सेसेसुपि एसेव नयो ।

भुम्भानीति आवाटादीसु ठितउदकानि । अन्तलिक्खानीति पथविं अप्पत्तानि वस्सोदकानि, पत्तानि पन भुम्भानेव । एवं वुत्ता चाति च-सद्देन हिमोदककप्पविनासकउदकपथवियाअन्तोउदकपथवीसन्धारकउदकादिं पुब्बे अवुत्तम्पि समुच्चिनोति ।

तेजं तेजतोति एत्थ तेजनट्ठेन तेजो, तेजनं नाम दहनपचनादिसमत्थं निसानं, यं उण्हत्तन्ति वुच्चति । येन चाति येन तेजोगतेन कुपितेन । सन्तप्पतीति अयं कायो समन्ततो तप्पति एकाहिकजरादिभावेन उसुमजातो होति । येन च जीरीयतीति येन अयं कायो जीरीयति, इन्द्रियवेकल्लतं बलपरिक्खयं वलितादिभावञ्च पापुणाति । येन च परिडह्यतीति येन कुपितेन अयं कायो परितो डह्यति, सो च पुगगलो डह्यामीति सतधोतसप्पिगोसीतचन्दनादिलेपञ्चेव तालवण्टवातञ्च पच्चासीसति । येन च असितपीतखायितसायितं सम्मा परिणामं गच्छतीति येन असितं वा ओदनादि, पीतं वा पानकादि, खायितं वा पिठखज्जकादि, सायितं वा अम्बपक्कमधुफाणितादि सम्मदेव परिपाकं गच्छति, रसादिभावेन विवेकं गच्छतीति अत्थो । एत्थ च सरीरस्स पकतिउसुमं अतिक्कमित्वा उण्हभावो सन्तापो, सरीरदहनवसेन पवत्तो महादाहो परिदाहो, सतवारं तापेत्वा उदके पक्खिपित्वा उद्धटसप्पि सतधोतसप्पि, रसरुधिरमंसमेदअट्ठिअट्ठिमिज्जसुक्का रसादयो । तत्थ पुरिमा तयो तेजा चतुसमुद्धाना, पच्छिमो कम्मसमुद्धानोव ।

तेजोभावं गतत्ता तेजोगतं । उस्माति उण्हाकारो । उस्माव उस्माभावं गतत्ता उस्मागतं । उसुमन्ति चण्डउसुमं । तदेव उसुमगतं, सभावेनेव उसुमभावं पत्तन्ति अत्थो । कट्ठुगीति कट्ठुपादानो अग्नि । सकलिकग्गीआदीसुपि एसेव नयो । सङ्कारग्गीति कचवरं पटिच्च उप्पन्नअग्नि । इन्दग्गीति असनिअग्नि । सन्तापोति जालाय वा वीतच्चितङ्गारानं वा सन्तापो । सूरियसन्तापोति आतपो । कट्ठुसन्निचयसन्तापोति कट्ठुरासिं पटिच्च उप्पन्नसन्तापो । सेसेसुपि एसेव नयो । एवं वुत्ता चाति । च-सद्देन पेतगिकप्पविनासकगिनिरयगिआदिके अवुत्तेपि समुच्चिनोति ।

वायं वायतोति एत्थ वायनट्ठेन वायो । किमिदं वायनं नाम? वित्थम्भनं, समुदीरणं वा, वायनं गमनन्ति एके । उद्धङ्गमा वाताति उग्गारहक्कादिपवत्तका उद्धं आरोहनवाता । अधोगमा वाताति उच्चारपस्सावादिनीहरणता अधो ओरोहनवाता । कुच्छिसया वाताति अन्तानं बहिवाता । कोट्टासया वाताति अन्तानं अन्तोवाता । अङ्गमङ्गानुसारिनी वाताति धमनीजालानुसारेण सकलसरीरे अङ्गमङ्गानि अनुसटा समिज्जनपसारणादिनिब्बत्तका वाता । सत्थकवाताति सन्धिबन्धनानि कत्तरिया छिन्दन्ता विय पवत्तवाता । खुरकवाताति खुरेन विय हृदयमंसछेदनफालनकवाता । उप्पलकवाताति हृदयमंसस्स समुप्पाटनकवाता । अस्सासोति अन्तोपविसनकनासिकावातो । पस्सासोति बहिनिक्खमननासिकावातो । एत्थ च पुरिमा सब्बे चतुसमुद्धाना, अस्सासपस्सासा चित्तसमुद्धानाव ।

वायोगतन्ति वायोव वायोगतं, सभावेनेव वायोभावं पत्तन्ति अत्थो । थम्भित्तं रूपस्साति अविनिब्भोगरूपस्स थम्भितभावो । पुरत्थिमा वाताति पुरत्थिमदिसतो आगता वाता । पच्छिमादीसुपि एसेव नयो । सरजादीसु सह रजेन सरजा, रजविरहिता सुद्धा अरजा । सीतउतुसमुद्धाना, सीतवलाहकन्तरे वा जाता सीता । उण्हउतुसमुद्धाना, उण्हवलाहकन्तरे वा जाता उण्हा । पुरित्ताति मन्दा तनुकवाता । अधिमत्ताति बलववाता । काळाति काळवलाहकन्तरे समुद्धिता । येहि अब्भाहत्तो छविवण्णो काळको होति, तेसं एतं अधिवचनन्तिपि एके । वेरम्भवाताति योजनतो उपरि वायनवाता । पक्खवाताति अन्तमसो मक्खिकायपि पक्खायूहनवाता । सुपण्णवाताति गरुळवाता । कामं चेतेपि पक्खवाताव, उस्सदवसेन पन विसुं गहिता । तालवण्टवाताति तालवण्णेहि कतेन, अज्जेहि वा कतेन केनचि मण्डलसण्ठानेन समुद्वापितवाता । विधूपनवाताति बीजनपत्तकेन समुद्वापितवाता । इमानि च तालवण्टविधूपनानि

अनुष्णन्मि वातं उष्णादेन्ति, उष्णन्मि परिवर्त्तेन्ति । इथापि च-सद्दो  
उदकसन्धारकवातकप्पविनासकवातजालापेल्लनकवातादिके अवुत्तेपि समुच्चिनोति । एत्थ च “आपं मज्जती”ति आदीसु  
यस्मा तीहि मज्जनाहि — “अहं आपोति मज्जति, मम आपोति मज्जती”ति आदिना पथवीवारे वुत्तनयेन सक्का  
मज्जनाविभागो विभावेतुन्ति वुत्तं “सेसं वुत्तनयमेवा”ति । तस्मा तत्थ वुत्तनयानुसारेण इमेसु तीसु वारेसु यथारहं  
मज्जनाविभागो विभावेतब्बो ।

एत्तावताति एत्तकेन इमिना चतुवारपरिमाणेन देसनाविसेसेन । च-सद्दो व्यतिरेको । तेन वक्खमानंयेव विसेसं जोतेति ।  
व्यायन्ति यो अयं लक्खणो नाम हारो वुत्तोति सम्बन्धो । सो पन लक्खणहारो यंलक्खणो तत्थ वुत्तो, तं दस्सेतुं  
“वुत्तम्ही”ति आदि वुत्तं । तत्थ वुत्तम्हि एकधम्मोति कुसलादीसु खन्धादीसु वा यस्मिं कस्मिञ्चि एकधम्मे सुत्ते सरूपतो  
निद्धारणवसेन वा कथिते । ये धम्मा एकलक्खणा तेनाति ये केचि धम्मा कुसलादिभावेन, रूपक्खन्धादिभावेन वा तेन  
वुत्तधम्मेन समानलक्खणा । वुत्ता भवन्ति सब्बेति सब्बेपि कुसलादिसभावा, खन्धादिसभावा वा धम्मा सुत्ते अवुत्तापि तां  
समानलक्खणताय वुत्ता भवन्ति, आनेत्वा संवण्णनवसेनाति अधिप्पायो ।

एत्थ च एकलक्खणाति समानलक्खणा वुत्ता । तेन सहचरिता समानकिच्चता समानहेतुता समानफलता  
समानारम्भणताति एवमादीहिपि अवुत्तानं वुत्तानं विय निद्धारणं वेदितब्बं । इतीति इमिना पकारेण । तेनाह “एवं नेत्तियं  
लक्खणो नाम हारो वुत्तो”ति, नेत्तिपाळियं (नेत्ति० २३) पन “ये धम्मा एकलक्खणा केचि सो हारो लक्खणो नामा”ति  
पाठो आगतो । तस्स वसेनाति तस्स लक्खणहारस्स वसेन । रूपलक्खणं अनतीतत्ताति रूपनसभावेन समानसभावत्ता ।  
वदन्तेन भगवता । एताति “रूपं अत्ततो समनुपस्सती”ति एवं वुत्तदिट्ठी । एत्थ च सक्कायदिट्ठिमज्जनादस्सनेनेव  
सकलरूपवत्थुका तण्हामानमज्जनापि दस्सिता एवाति दट्ठब्बं । तथा हि वुत्तं “तस्मिंयेव पनस्स दिट्ठिमज्जनाय मज्जिते  
वत्थुस्मिं सिनेहं मानञ्च उष्पादयतो तण्हामानमज्जनापि वेदितब्बा”ति । अथ वा पथविं आपं तेजं वायं मेति मज्जति  
अभिनन्दतीति च वदन्तेन वुत्तनयेनेव सकलरूपवत्थुका तण्हामज्जना तदनुसारेण मानमज्जनापि वुत्ताव होतीति एवम्पेत्य  
इतरमज्जनापि निद्धारेतब्बा ।

आपोवारादिवण्णना निड्ढिता ।

### भूतवारादिवण्णना

३. “पथविं मज्जति, पथविया मज्जती”ति आदीहि पदेहि “रूपं अत्ततो समनुपस्सति, रूपस्मिं अत्तानं  
समनुपस्सती”ति आदीनं सक्कायदिट्ठिनं निद्धारितत्ता वुत्तं “एवं रूपमुखेन सङ्खारवत्थुकं मज्जनं वत्वा”ति । तेसु  
सङ्खारेसु सत्तेसुपीति तदुपादानेसुपि सत्तेसु । धातूसूति पथवीआदीसु चतूसु धातूसु । “जातं भूतं सङ्गतं”न्ति आदीसु (दी०  
नि० २.२०७; सं० नि० ५.३७९) भूत-सद्दो उष्पादे दिस्सति, सउपसगो पन “पभूतमरियो पकरोति पुञ्ज”न्ति आदीसु  
विपुले, “येभुय्येन भिक्खून् परिभूतरूपो”ति आदीसु हिंसने, “सम्भूतो साणवासी”ति आदीसु (चूळव० ४५०) पज्जत्तियं,  
“अभिभूतो मारो विजितो सङ्गामो”ति आदीसु विमथने, “पराभूतरूपो खो अयं अचेलो पाथिकपुत्तो”ति आदीसु (दी० नि०  
३.२३, २५, ३१, ३२) पराजये, “अनुभूतं सुखदुक्ख”न्ति आदीसु वेदियने, “विभूतं विभावितं पज्जाया”ति आदीसु  
पाकटीकरणे दिस्सति । ते सब्बे रुक्खादीसूति । आदि-सद्देन सङ्गहिताति दट्ठब्बा । “कालो घसति भूतानीति (जा०  
१.२.१९०), भूता लोके समुस्सय”न्ति (दी० नि० २.२२०; सं० नि० १.१८६) च आदीसु अविसेसेन सत्तवाचकोपि भूतसद्दो,  
उपरि देवादपदेहि सत्तविसेसानं गहितत्ता इध तदवसिद्धा भूतसद्देन गहन्तीति आह “नो च खो अविसेसेना”ति । तेनेवाह

— “चातुमहाराजिकानञ्चि हेट्ठा सत्ता इध भूताति अधिपेता”ति । यो हि सत्तनिकायो परिपुण्णयोनिको चतूहिपि योनीहि निब्बत्तनारहो, तत्थायं भूतसमञ्जा अण्डजादिवसेन भवनतो ।

भूतेति वुत्तदेसआदेसिते भूते । भूततो सञ्जानातीति इमिना “भूता”ति लोकवोहारं गहेत्वा यथा तत्थ तण्हादिमञ्जना सम्भवन्ति, एवं विपरीतसञ्जाय सञ्जाननं पकासीयति । स्वायमत्थो हेट्ठा “पथवितो सञ्जानाती”ति एत्थ वुत्तनयानुसारेण सक्का जानितुन्ति आह “वुत्तनयमेवा”ति । यथा सुद्धावासा सब्बदा अभावतो इमं देसनं नारुळ्हा, एवं नेरयिकापि सब्बमञ्जानानधिद्वानतो । एतेनेव एकच्चपेतानम्पेत्थ असङ्गहो दट्ठब्बो । अपरे पन “दिट्ठिमञ्जानाधिद्वानतो तेसम्पेत्थ सङ्गहो इच्छितोयेवा”ति वदन्ति । “समङ्गिभूतं परिचारेत्त”न्तिआदिना सुत्ते वुत्तनयेन । रज्जतीति “सुभा सुखिता”ति विपल्लासग्गाहेन तत्थ रागं जनेति । एवमेत्थ रज्जन्तो च न केवलं दस्सनवसेनेव, सवनादिवसेनपि रज्जतेवाति दस्सेन्तो “दिस्वापि...पे... उत्वापी”ति आह । तत्थ घायनादिवसेन रज्जनं तेहि अनुभूतगन्धमालादिवसेन चेव विसभागवत्थुभूतानं तेसं परिभोगवसेन च यथानुभवं अनुस्सरणवसेन च वेदितब्बं । एवं भूते तण्हामञ्जनाय मञ्जतीति वुत्तनयेन भूते पटिच्च छन्दरागं जनेन्तो तेसं पटिपत्तिं अस्सादेन्तो अभिनन्दन्तो अभिवदन्तो अज्झोसाय तिद्वन्तो “ईदिसी अवत्था मम अनागतमद्धानं सिया”तिआदिना वा पन नयेन तत्थ नन्दिं समन्नानेन्तो भूते तण्हामञ्जनाय मञ्जतीति अत्थो । अप्पटिलद्धस्स खत्तियमहासालादिभावस्स, सम्पत्तिं विपत्तिन्ति जातिवसेन उक्कट्टिनीहीनतं । दहतीति ठपेति । यो एवरूपो मानोति यो एसो “अयं पुब्बे मया सदिसो, इदानि अयं सेट्ठो अयं हीनतरो”ति उप्पन्नो मानो । अयं वुच्चति मानातिमानोति अयं भारातिभारो विय पुरिमं सदिसमानं उपादाय मानातिमानो नामाति अत्थो ।

निच्चातिआदीसु उप्पादाभावतो निच्चा, मरणाभावतो धुवा, सब्बदा भावतो सस्सता । अनिच्चपटिपक्खतो वा निच्चा, थिरभावतो धुवा, सस्सतिसमताय सस्सता, जरादिवसेन विपरिणामस्स अभावतो अविपरिणामधम्माति मञ्जति । सब्बे सत्ताति ओट्ठगोणग्रभादयो अनवसेसा सञ्जनट्टेन सत्ता । सब्बे पाणाति “एकिन्द्रियो पाणो द्विन्द्रियो पाणो”तिआदिवसेन वुत्ता अनवसेसा पाणनट्टेन पाणा । सब्बे भूताति अनवसेसा अण्डकोसादीसु भूता सञ्जाताति भूता । सब्बे जीवाति सालियवगोधूमादयो अनवसेसा जीवनट्टेन जीवा । तेसु हि सो विरूहभावेन जीवसञ्जी । अवसा अबला अवीरियाति तेसं अत्तनो वसो वा बलं वा वीरियं वा नत्थीति दस्सेति । नियतिसङ्गतिभावपरिणताति एत्थ नियतीति । नियतता, अच्छेज्जसुत्तावुतअभेज्जमणि विय अविजहितपकतिता । सङ्गतीति छन्नं अभिजातीनं तत्थ सङ्गमो । भावोति सभावोयेव, कण्डकानं तिखिणता, कपिट्ठफलादीनं परिमण्डलादिता, मिगपक्खीनं विचित्तवण्णादिताति एवमादिको । एवं नियतिया च सङ्गतिया च भावे च परिणता नानप्पकारतं पत्ता । येन हि यथा भवितब्बं, सो तथेव भवति । येन न भवितब्बं, सो न भवतीति दस्सेति । छस्वेवाभिजातीसूति कण्हाभिजातिआदीसु छसु एव अभिजातीसु ठत्वा सुखञ्च दुक्खञ्च पटिसंवेदेन्ति, अज्जा सुखदुक्खभूमि नत्थीति दस्सेति । वा-सद्देन अन्तादिभेदे दिट्ठाभिनिवेसे सङ्गण्हाति ।

उपपत्तिन्ति इमिना तस्मिं तस्मिं सत्तनिकाये भूतानं सहब्यतं आकङ्खतीति दस्सेति । सुखुप्पत्तिन्ति इमिना पन तत्थ तत्थ उप्पन्नस्स सुखुप्पत्तिं । एकच्चे भूते निच्चातिआदिना एकच्चसस्सतिकदिट्ठिं दस्सेति । अहम्पि भूतेसु अज्जतरोस्मीति इमिना पन चतुत्थं एकच्चसस्सतिकवादं दस्सेति ।

यतो कुतोचीति इस्सरपुरिसादिभेदतो यतो कुतोचि । एका तण्हामञ्जनाव लब्भतीति इधापि हेट्ठा वुत्तनयेन इतरमञ्जानानम्पि सम्भवो निद्वारेतब्बो । वुत्तप्पकारेयेव भूते तण्हादिट्ठीहि अभिनन्दतीतिआदिना वत्तब्बत्ता आह “वुत्तनयमेवा”ति । योजना कातब्बाति “यो भूतपञ्जत्तिया उपादानभूते खन्धे परिजानाति, सो तीहि परिज्जाहि

परिजानाती”तिआदिना योजना कातब्बा । अपरे पनेत्थ भूतगामोपि भूत-सद्देन सङ्गहितोति रुक्खादिवसेनपि मज्जनाविभागं योजेत्वा दस्सेन्ति, तथा महाभूतवसेनपि, तं **अट्टकथायं** नत्थि ।

**भूमिविसेसादिना भेदेनाति** भूमिविसेसउपपत्तिविसेसादिविभागेन । **इद्धियाति** पुज्जविसेसनिब्बत्तेन आनुभावेन । किञ्चापि देव-सद्दो “विद्धे विगतवलाहके देवे”तिआदीसु (सं० नि० १.११०; ३.१०२; ५.१४६-१४८; म० नि० १.४८६; अ० नि० १०.१५; इतिवु० २७) अजटाकासे आगतो, “देवो च थोकं थोकं फुसायती”तिआदीसु मेघे, “अयज्झि देव कुमारो”तिआदीसु (दी० नि० २.३४, ३५, ३६) खत्तिये आगतो, “पज्जहि कामगुणेहि समप्पितो समङ्गिभूतो परिचारेति देवो मज्जे”तिआदीसु (दी० नि० १.१८३; म० नि० २.२११) विय इध उपपत्तिदेवेसु आगतो, देव-सद्देन पन वत्तब्बसत्ते अनवसेसतो उद्धरित्वा ततो इधाधिप्पेते दस्सेतुं “**ते तिविधा**”तिआदि वुत्तं । **सेसा छ कामावचरा इध देवाति अधिप्पेता** इतरेसं पदन्तरेहि निवत्तितत्ताति अधिप्पायो । भूता देवाति गहितेसु सत्तेसु तण्हादिमज्जनानं पवत्ताकारेनपि तिविधलक्खणन्ति आह “**भूतवारे वुत्तनयेन वेदितब्बा**”ति ।

“अज्जतरस्स उपासकस्स पजापति अभिरूपा होती”तिआदीसु (पारा० १६८) **पजापति**-सद्दो घरणियं आगतो, “पजापति कामदायी सुवण्णवण्णा मे पजा होतू”तिआदीसु दिट्ठिगतिकपरिकप्पिते, “पजापतिस्स देवराजस्स धजगं उल्लोकेय्याथा”तिआदीसु (सं० नि० १.२४९) देवजेट्टुके, इध पन अधिपतीति वदन्ति, तं उपरि ब्रह्मनो गय्हमानत्ता तेसं मतिमत्तं । **देवानन्ति** चातुमहाराजिकादिदेवानं । **महाराजादीनन्ति आदि**-सद्देन सक्कसुयामसन्तुस्सितसुनिम्मितवसवत्तिनो गहिता । **तेसन्ति** महाराजादीनं । **सत्तसङ्घातायाति** कामभूमियं सत्तसङ्घाताय । **पजापतिन्ति** पजापतिभावं । पजापतिभावेन हि मानं जप्पेन्तो पजापतिं मानमज्जनाय मज्जतीति वुत्तो ।

**एका दिट्ठिमज्जनाव युज्जतीति** वुत्तं, पजापतिनो पन समिपतं सलोकतं वा आकङ्खतो, तथाभावाय चित्तं पणिदहतो, तथालब्धब्बाय सम्पत्तिया अत्तनो सेय्यादिभावं दहतो च तण्हामानमज्जनापि सम्भवन्तीति सक्का विज्जातुं । **ये च धम्माति** आयुवण्णादिके वदति । **पजापतिन्ति** एत्थापि हेट्ठा वुत्तनयेन इतरमज्जनानम्पि सम्भवो वेदितब्बो ।

**ब्रूहीतोति** परिवुद्धो । **गुणविसेसेहीति** ज्ञानादीहि विसिद्धेहि गुणेहि उत्तरिमनुस्सधम्मताय । ब्रह्म-सद्दस्स सतिपि अविसेसतो विसिद्धवाचकत्ते यत्थ यत्थ पनस्स गुणविसेसयुत्तादिरूपा पवत्ति, तं दस्सेतुं “**अपिचा**”तिआदि वुत्तं । **सहस्सोति** सहस्सिया लोकधातुया अधिपतिभूतो । **पठमाभिनिब्बत्तोति** पणीतेन पठमज्ञानेन निब्बत्तो, पठमज्ज्ञानभूमियं वा पठमं अभिनिब्बत्तो । **गहिताति वेदितब्बा** पधानग्गहणेन अप्पधानानम्पि केनचि सम्बन्धेन गहितभावसिद्धितो । एत्थ च **ब्रह्माति** महाब्रह्मा अधिप्पेतो । सो हि वण्णवन्तताय चेव दीघायुकताय च ब्रह्मपारिसज्जादीहि महन्तो ब्रह्माति **महाब्रह्मा**, तस्स पन पुरोहितट्ठाने ठिताति **ब्रह्मपुरोहिता**, परिसायं भवा परिचारकाति **ब्रह्मपारिसज्जाति** वेदितब्बा । उक्कट्टेकपुग्गलभावतो पजापतिस्मिं विय ब्रह्मनि मज्जना वत्ततीति वुत्तं “**पजापतिवारे वुत्तनयेनेव वेदितब्बा**”ति । तथा हि **बहुपुग्गलभावसामज्जतो आभस्सरवारादीनं भूतवारसदिसता वुत्ता** ।

यथावुत्तपभाय आभासनसीला वा **आभस्सरा** । **एकतलवासिनोति** इदं ज्ञानन्तरभूमीनं विय हेट्ठुपरिभावाभावतो वुत्तं, ठानानि पन नेसं परिच्छिन्नानेव । आभस्सरेहि परित्ता आभा एतेसन्ति **परित्ताभा** । **अप्पमाणा आभा एतेसन्ति अप्पमाणाभा** ।

**सुभाति** सोभना पभा । कज्जनपिण्डो विय सस्सरिका **कज्जनपिण्डसस्सरिका** । तत्थ सोभनाय पभाय किण्णा

सुभाकिण्णाति वत्तब्बे भा-सदस्स रस्सत्तं, अन्तिम-ण-कारस्स ह-कारञ्च कत्वा “सुभकिण्हा”ति वुत्ता। सुभाति च एकग्घना निच्चला पभा वुच्चति, परित्ता सुभा एतेसन्ति **परित्तसुभा**। अप्पमाणा सुभा एतेसन्ति **अप्पमाणासुभा**।

**विपुलफलाति** विपुलसन्तसुखायुवण्णादिफला।

सतिपि देवब्रह्मादीनं पुञ्जफलेन ज्ञानफलेन च पटिपक्खाभिभवे येसं पन पुथुज्जनअसज्जसत्तेसु अभिभूवोहारो पाकटो निरुळ्हो च, तेसं वसेनायं देसना पवत्ताति दस्सेन्तो आह “असज्जभवस्सेतं अधिवचन”न्ति। यथा पजापतिवारे “इधेकच्चो पजापतिस्मियेवा”तिआदिना मज्जनापवत्ति दस्सिता, तथा इधापि तं दस्सेतुं सक्काति आह “सेसं पजापतिवारे वुत्तनयमेवा”ति।

भूतवारादिवण्णना निट्ठिता।

### आकासानञ्चायतनवारादिवण्णना

४. एवं सत्तवसेन भूमिक्कमदस्सने सुद्धावासानं अग्गहणे कारणं निद्धारेन्तो “एवं भगवा”तिआदिमाह। तत्थ अनागामिखीणासवाति अनागामिनो च खीणासवा च। किञ्चापि सुद्धावासा अत्थेव अनेककप्पसहस्सायुका, उक्कंसपरिच्छेदतो पन सोळसकप्पसहस्सायुकाव, न ततो परन्ति आह “कतिपयकप्पसहस्सायुका”ति। कामरूपभवेसु पवत्तमानापि आकासानञ्चायतनादिधम्मा अरूपावचरभावतो तंभूमिकवोहारं न लभन्तीति “तत्तूपपन्नायेवा”ति अवधारेत्वा वुत्तं। अभिभूवारे वुत्तनयेन वेदितब्बा यथारहन्ति अधिप्पायो। न हेत्थ वण्णवन्ततादि सम्भवतीति। पजापतिवारे वुत्तनयेनाति एत्थ “अहमस्मि अरूपो पहीनरूपपटिघसज्जो”तिआदिना मानमज्जना वेदितब्बा।

आकासानञ्चायतनवारादिवण्णना निट्ठिता।

### दिट्ठसुतवारादिवण्णना

५. रूपमुखेन मज्जनावत्थुदस्सनं सङ्खेपोति कत्वा वुत्तं “वित्थारतोपी”ति। तम्पि हि “यत्थ नेव पथवी, न आपो, न तेजो, न वायो, न आकासानञ्चायतन”न्तिआदिग्गहणं विय सङ्खेपतो पञ्चवोकारभवदस्सनं होतीति।

दिट्ठन्ति यं चक्खुद्वारेन कतदस्सनकिरियासमापनं, यच्च चक्खु द्वयं पस्सति पस्सिस्सति सति सम्भवे पस्सेय्य, तं सब्बकालन्ति विसेसवचनिच्छाय अभावतो दिट्ठन्तेव वुत्तं यथा “दुद्ध”न्ति। तेनाह “रूपायतनस्सेतं अधिवचन”न्ति। अयच्च नयो सुतादीसुपि योजेतब्बो। सत्ताति रूपादीसु सत्ता विसत्ताति सत्ता। सज्जनट्टेन सामज्जसद्दोपि चेस सत्त-सद्दो “इत्थिरूपे”ति विसयविसेसितत्ता इध पुरिसवाचको दट्ठब्बो। रत्ताति वत्थं विय रङ्गजातेन चित्तस्स विपरिणामकारकेन छन्दरागेन रत्ता सारत्ता। गिद्धाति अभिकङ्खनसभावेन अभिगिज्झनेन गिद्धा गेधं आपन्ना। गधिताति गन्थिता विय लोभेन दुम्मोचनीयभावेन आरम्मणे पटिबद्धा। मुच्छिताति किलेसवसेन विसज्जीभूता विय अनज्जकिच्चा मुच्छं मोहं आपन्ना। अज्झोसन्नाति विसये अज्जसाधारणे विय कत्वा गिलित्वा परिनिट्ठापेत्वा विय ठिता। इमिनाति सुवण्णवण्णादिआकारेन। मङ्गलं अमङ्गलन्ति ईदिसं दिट्ठं मङ्गलं, ईदिसं अमङ्गलन्ति। रूपस्मिं अत्तानं समनुपस्सननयेनाति इदं वेदनादिअरूपधम्मे, रूपायतनविनिमुत्तसब्बधम्मे वा अत्ततो गहेत्वा ततो अज्झत्तिकं, बाहिरं वा रूपायतनं तस्सोकासभावेन परिकप्पेत्वा “सो खो पन मे अयं अत्ता इमस्मिं रूपायतने”ति मज्जन्तो दिट्ठस्मिं मज्जतीति इमं



नयं सन्धाय वुत्तं । “पथवितो मज्जती”ति आदीसु यथा “सउपकरणस्स अत्तनो वा परस्स वा”ति आदिमज्जनापवत्ति दस्सिता, एवं “दिट्ठतो मज्जती”ति आदीसु सक्का तं दस्सेतुन्ति आह “तेसं पथवीवारे वुत्तनयेनेव वेदितब्ब”न्ति ।

आहच्चाति विसयं अन्वाय, पत्वाति अत्थो । तेनाह “उपगन्त्वा”ति । अज्जमज्जसंसिलेसेति चक्खुरूपसोतसद्वा विय दुरे अहुत्वा अज्जमज्जं अल्लियने ।

मनसा विज्जातं केवलन्ति अत्थो । इतरानिपि हि मनसा विज्जायन्तीति । सेसेहि सत्तहि आयतनेहि पज्जत्तिया असङ्गहितत्ता तम्पि सङ्गहेत्वा दस्सेतुं “धम्मारम्मणस्स वा”ति वुत्तं । द्वीसुपि विकप्पेसु लोकुत्तरानम्पि सङ्गहो आपन्नोति आह “इध पन सक्कायपरियापन्नमेव लब्धती”ति । वित्थारोति मज्जनानं पवत्तनाकारवित्थारो । एत्थाति एतेसु सुतवारादीसु ।

दिट्ठसुतवारादिवण्णना निट्ठिता ।

### एकत्तवारादिवण्णना

६. समापन्नकवारेनाति समापन्नकप्पवत्तिया, रूपावचरारूपावचरज्ञानप्पवत्तियाति अत्थो । सा हि एकस्मिंयेव आरम्मणे एकाकारेण पवत्ततीति कत्वा “एकत्त”न्ति वुच्चति, एवञ्च कत्वा विपाकज्ज्ञानप्पवत्तिपि इध समापन्नकवारगगहणेनेव गहिताति दट्ठब्बा । असमापन्नकवारेनाति कामावचरधम्मप्पवत्तिया । उपचारज्ज्ञानेनपि हि चित्तं न सम्मा एकत्तं गतन्ति वुच्चतीति ।

योजनाति मज्जनायोजना । भिन्दित्वाति विभजित्वा । सासननयेनाति पाळिनयेन । तत्थ “एकत्तं मज्जती”ति आदीसु “वेदनं अत्ततो समनुपस्सती”ति आदिना नयेन, “नानत्तं मज्जती”ति आदीसु पन “रूपं अत्ततो समनुपस्सती”ति आदिना नयेन वुत्तविधिं अनुगन्त्वा मज्जना वेदितब्बा ।

पथवीवारादीसु वुत्तेन च अट्ठकथानयेनाति “अहं वेदनाति मज्जति, मम वेदनाति मज्जती”ति आदिना, “अहं रूपन्ति मज्जति, मम रूपन्ति मज्जती”ति आदिना चाति अत्थो । तेनाह “यथानुरूपं वीमंसित्वा”ति, एकत्तनानत्तभावेसु यो योजनानयो सम्भवति, तदनुरूपं विचारेत्वाति अत्थो । केचीति अभयगिरिवासिनो । अपरेति सारसमासाचरिया । दिट्ठाभिनिवेसं वदन्तीति सम्बन्धो । पुथुज्जनस्स मज्जना नाम सक्कायं भिन्दित्वाव यथाउपट्ठितविसयवसेनेव पवत्ततीति न तत्थ अयमेकत्तनयो अयं नानत्तनयोति विभागवसेनेव, एकत्तसज्जी अत्ता होतीति आदीसु च अत्तनो एकत्तनानत्तसज्जिता वुत्ता, न पन एकत्तं नानत्तन्ति एवं पवत्तस्स दिट्ठाभिनिवेसस्स एकत्तनानत्तभावोति एवमेत्थ तदुभयस्स इध अनधिप्पेतभावो दट्ठब्बो ।

यं यथावुत्तपुथुज्जनो अनवसेसतो गणहन्तो गहेतुं सक्कोति, तं तस्स अनवसेसतो गहेतब्बतं उपादाय “सब्ब”न्ति वुच्चतीति दस्सेन्तो “तमेवा”ति आह, सक्कायसब्बन्ति अत्थो । सब्बस्मिम्पि तेभूमकधम्मो आदीनवदस्सने असति निब्बिदाभावतो अस्सादानुपस्सनाय तण्हा वट्ठतेवाति आह “सब्बं अस्सादेन्तो सब्बं तण्हामज्जनाय मज्जती”ति । वुत्तज्हेतं भगवता — “संयोजनियेसु, भिक्खवे, धम्मेषु अस्सादानुपस्सिनो विहरतो तण्हा पवट्ठती”ति (सं० नि० २.५३, ५७) । “सब्बमिदं मया निम्मित”न्ति तेन निम्मितमज्जनाय अत्तानं सेय्यादितो दहन्तो तेन मानेन निम्मितं मज्जतियेव नाम निम्मितमज्जनाय विना तथामानुषत्तिया अभावतोति आह “अत्तना निम्मितं मज्जन्तो सब्बं मानमज्जनाय

मञ्जती”ति । सब्बं नत्थीतिआदिना नयेनाति आदि-सद्देन नियतिवादादिके सङ्गण्हाति । महा मे अत्ताति इमिना सब्बतो अत्तनो विभूतिपवत्तिवादं दस्सेति । “सब्बं सब्बत्थक”न्ति दिट्ठिवसेन — “अहं सब्बस्मिं मय्हं किञ्चनं पलिबोधो सब्बस्मिं, परो सब्बस्मिं परस्स किञ्चनं पलिबोधो सब्बस्मिं”न्तिआदिना नयेनपेत्य मञ्जना सम्भवतीति दस्सेन्तो आह “सेसं पथवीवारे वुत्तनयेन वेदितब्ब”न्ति । अपिच “सब्बोयं लोको पुरिसमयो”ति एवंदिट्ठिको पुरिससङ्घाततो सब्बतो, अत्तनो उप्पत्तिं वा निग्गमनं वा मञ्जन्तो दिट्ठिमञ्जनाय सब्बतो मञ्जति, तस्मिंयेव पन दिट्ठिमञ्जनाय मञ्जिते वत्थुस्मिं सिनेहं मानञ्च उप्पादयतो तण्हामञ्जना मानमञ्जना च वेदितब्बा । तंयेव पन सब्बं मय्हं अत्ता कत्ता सामीति वा मञ्जन्तो “सब्बं मे”ति मञ्जति, तथायं दिट्ठितण्हाभिनन्दनाहि अभिनन्दन्तो सब्बं अभिनन्दतीति एवम्पेत्य मञ्जनानं पवत्ति वेदितब्बा ।

तन्ति सक्कायं । उक्कंसगतसुखसहितज्झि खन्धपञ्चकं दिट्ठधम्मनिब्बानवादी निब्बानन्ति मञ्जति, तं पनत्थतो सक्कायोयेवाति । एकधाति पञ्चविधम्पि निब्बानभावेन एकज्झं कत्वा वुत्तं । यतोति यस्मा । पञ्चहि कामगुणेहीति मनापियरूपादीहि पञ्चहि कामकोट्टासेहि, बन्धनेहि वा । समप्पितो सुट्ठु अप्पितो अल्लीनो हुत्वा ठितो । समङ्गिभूतोति समन्नागतो । परिचारेतीति तेसु कामगुणेषु कामकोट्टासेसु यथासुखं इन्द्रियाणि चारेति सञ्चारेति इतो चितो च उपनेति । अथ वा लळति रमति कीळति । एत्थ द्विधा कामगुणा मानुसका चेव दिब्बा च । मानुसका च मन्धातुकामगुणसदिसा, दिब्बा परनिमित्तवसवत्तिदेवराजस्स कामगुणसदिसा । एवरूपे कामे उपगतानज्झि ते दिट्ठधम्मनिब्बानसम्पत्तिं पञ्जपेन्ति । तेनाह “एत्तावता खो...पे०... होती”ति । दिट्ठधम्मोति पच्चक्खधम्मो वुच्चति, तत्थ तत्थ पटिलद्धत्तभावस्सेतं अधिवचनं, दिट्ठधम्मे निब्बानं इमस्मिंयेव अत्तभावे दुक्खवूपसमनं दिट्ठधम्मनिब्बानं । परमं उत्तमं दिट्ठधम्मनिब्बानन्ति परमदिट्ठधम्मनिब्बानं, तं पत्तो होतीति अत्थो । पञ्चधा आगतन्ति यथावुत्तकामगुणसुखस्स चेव चतुब्बिधरूपावचरज्झानसुखस्स च वसेन पाळियं पञ्चप्पकारेन आगतं । निब्बानं अस्सादेन्तोति परमं सुखं निस्सरणन्ति मञ्जनाय अस्सादेन्तो ।

“इमस्मिं निब्बाने पत्ते न जायति, न जीरति, न मीयती”ति एवम्पि निब्बानस्मिं मञ्जति । “इतो परं परमस्सासभूतं नत्थी”ति गणहन्तो निब्बानतो मञ्जति । तयिदं निब्बानं मया अधिगतं, तस्मा “निब्बानं मे”ति मञ्जति । ततोयेव तं निब्बानं दिट्ठाभिनन्दनाय अभिनन्दति । अयं तावेत्थ दिट्ठिमञ्जना । तस्मिंयेव पन दिट्ठिमञ्जनाय मञ्जिते वत्थुस्मिं सिनेहं मानञ्च उप्पादयतो तण्हामानमञ्जनापि निद्दारेतब्बा ।

यादिसोति यथारूपो, येहि जेगुच्छादिसभावेहि पस्सितब्बोति अत्थो । एसाति अयं । तेनस्स अत्तनो सुणन्तानञ्च पच्चक्खसिद्धतमाह । असुभादिसभावेन सह विज्जमानानं रूपादिधम्मानं कायो समूहोति सक्कायो, उपादानक्खन्धा । तथाति तस्स भावभूतेन पटिकूलतादिप्पकारेन । सब्बमञ्जनाति पथवीआदिके सरूपावधारणादिविभागभिन्ने विसये पवत्तिया अनेकविहिता सब्बा तण्हामञ्जना ।

जेगुच्छोति जिगुच्छनीयो । तेनस्स असुभाजज्जदुग्गन्धपटिकूलभावं दस्सेति । सिदुरोति खणे खणे भिज्जनसभावो । तेनस्स अनिच्चअद्भुवखयवयपभङ्गुरसभावं दस्सेति । अयन्ति सक्कायो । दुक्खोति न सुखो । तेनस्स किच्छकसिराबाधदुक्खवुत्तितं दस्सेति । अपरिणायकोति परिणायकरहितो । तेनस्स अत्तसुज्जअसारवुत्तितं दस्सेति । तन्ति सक्कायं । पच्चनीकतोति सभावपटिपक्खतो, सुभनिच्चसुखअत्तादितोति अत्थो । गणहन्ति गणहन्तो, तत्थ सुभादिगाहवसेन अभिनिविसन्तोति अत्थो ।

इदानीं तिस्सोपि मज्जना उपमाहि विभावेतुं “सुभतो”ति आदि वुत्तं । तत्थ यथा महापरिळाहे विपुलानत्थावहे च अग्गिम्हि सलभस्स पतनं सुभसुखसज्जाय, एवं तादिसे सक्काये सलभस्स तण्हामज्जनाति इममत्थं दस्सेति “सुभतो... पे०... तण्हाय मज्जना”ति इमिना ।

गूथादी कीटको गूथरासिं लद्धा असम्पन्नेपि तस्मिं सम्पन्नाकारं पवत्तयमानो अत्तानं उक्कंसेति, एवमनेकादीनवे एकन्तभेदिनि सक्काये निच्चसज्जं उपट्टपेत्वा सम्पत्तिमदेन तत्थ बालो मानं जप्पेतीति इममत्थमाह “निच्चसज्जं... पे०... मानेन मज्जना”ति ।

यथा बालो मुद्धधातुको सम्मूळहो कोचि आदासे अत्तनो पटिबिम्बं दिस्वा “अयं मज्जे आदाससामिको, यदि अहमिमं गहेत्वा तिट्ठेय्यं, अनत्थम्पि मे करेय्या”ति छट्टेत्वा पलायन्तो तत्थ अविज्जमानमेव किञ्चि विज्जमानं कत्वा गण्हि, तथूपमो अयं बालो सक्काये अत्तत्तनियगाहं गण्हन्तोति इममत्थं दीपेति “अत्ता... पे०... दिट्ठिया होति मज्जना”ति इमिना ।

सुखुमं मारबन्धनं वेपचित्तिबन्धनतोपि सुखुमतरत्ता । तेनाह भगवा “अहो सुखुमतरं खो, भिक्खवे, मारबन्धन”न्ति ।

बहुन्ति अतिविय, अनेकक्खत्तुं वा । विप्फन्दमानोपि सक्कायं नातिवत्तति संसारं नातिवत्तनतो । यथाह “ये ते, भिक्खवे, समणा सतो सत्तस्स उच्छेदं विनासं विभवं पज्जपेन्ति, ते, सक्कायंयेव अनुपरिधावन्ति सेय्यथापि सा गद्दुलबन्धनो”ति आदि । यथा हि सत्तसुपि उच्छेदविकप्पेसु संसारनायिकानं तण्हादिट्ठीनं पहानं सम्भवति, एवं सस्सतविकप्पेसुपीति कथञ्चि पन दिट्ठिगतिकस्स भवविप्पमोक्खो । तेन वुत्तं “सक्कायं नातिवत्तती”ति ।

ससोति सो एसो पुथुज्जनो । निच्चन्ति सब्बकालं ।

तन्ति तस्मा सक्कायमलीनस्स जातियादीनमनतिवत्तनतो । असाततोति दुक्खतो ।

पस्सं एवमिमन्ति असुभानिच्चदुक्खानत्तसभावं तं सक्कायं वुत्तप्पकारेण यथाभूतविपस्सनापज्जासहिताय मग्गपज्जाय पस्सन्तो । पहायाति समुच्छेदवसेन सब्बा मज्जनायो पजहित्वा । सब्बदुक्खा पमुच्चतीति सकलस्मापि वट्टदुक्खतो पमुच्चतीति ।

एकत्तवारादिवण्णना निट्ठिता ।

पठमनयवण्णना निट्ठिता ।

सेक्खवारदुतियनयवण्णना

७. अधिप्पेतस्स अत्थस्स अनियमेत्वा वचनं उद्देसो, नियमेत्वा वचनं निद्देसोति आह “योति उद्देसवचनं, सोति निद्देसवचनं”न्ति । सम्पिण्डनत्थोति समुच्चयत्थो । सम्पिण्डनञ्च सभागतावसेन होतीति आह — “आरम्मणसभागेना”ति, आरम्मणस्स सभागताय सदिसतायाति अत्थो । सेक्खं दस्सेति सामज्जजोतनाय विसेसे अवट्टानतो, सेक्खविसयत्ता च तस्स वचनस्स ।

केनट्टेनाति यस्मा जाणेन अरणीयतो अत्थो सभावो, तस्मा केनट्टेन केन सभावेन केन लक्खणेन सेक्खो नाम होतीति अत्थो। यस्मा पन सेक्खधम्मधिगमेन पुग्गले सेक्खवोहारप्पवत्ति, तस्मा “**सेक्खधम्मपटिलाभतो सेक्खो**”ति वुत्तं। **सेक्खधम्मा** नाम चतूसु मग्गेसु, हेट्ठिमेसु च तीसु फलेसु सम्मादिट्ठिआदयो। तेनाह “**सेक्खाय सम्मादिट्ठिया...पे०... एत्तावता खो भिक्खु सेक्खो होती**”ति। एवं अभिधम्मपरियायेन सेक्खलक्खणं दस्सेत्वा इदानीं सुत्तन्तिकपरियायेनपि तं दस्सेतुं “**अपिचा**”तिआदि वुत्तं। तत्थ **सिक्खती**ति इमिना सिक्खात्तयसमङ्गी अपरिनिट्ठितसिक्खो सेक्खोति दस्सेति। तेनाह “**सिक्खती**”तिआदि। सिक्खाहि निच्चसमायोगदीपनत्थञ्चेत्थ “**सिक्खति सिक्खती**”ति आमेट्ठितवचनं। अथ वा सिक्खनं सिक्खा, सा एतस्स सीलन्ति **सेक्खो**। सो हि अपरियोसितसिक्खत्ता तदधिमुत्तत्ता च एकन्तेन सिक्खनसीलो, न असेक्खो विय परिनिट्ठितसिक्खो तत्थ पटिप्पस्सद्धुस्सुक्को, नापि विस्सट्ठसिक्खो पचुरजनो विय तत्थ अनधिमुत्तो। अथ वा अरियाय जातिया तीसु सिक्खासु जातो, तत्थ वा भवोति **सेक्खो**। अथ वा इक्खति एतायाति इक्खा, मग्गफलसम्मादिट्ठि। सह इक्खायाति **सेक्खो**।

**अनुलोमपटिपदाय परिपूरकारी**ति या सा सीलादिका विपस्सनन्ता दुक्खनिरोधगामिनिया लोकुत्तराय पटिपदाय अनुलोमनतो अनुलोमपटिपदा, तस्सा सम्पादनेन परिपूरकारीति। इदानीं तं पटिपदं पुग्गलाधिद्वानेन दस्सेतुं “**सीलसम्पन्नो**”तिआदि वुत्तं। तत्थ **सीलसम्पन्नो**ति पातिमोक्खसंवरसीलेन समन्नागतो, परिपुण्णपातिमोक्खसीलो वा। पातिमोक्खसीलज्झि इध “**सील**”न्ति अधिप्पेतं पधानभावतो। रूपादिआरम्भणेषु अभिज्झादीनं पवत्तिनिवारणसङ्घातेन मनच्छद्धानं इन्द्रियानं पिधानेन **इन्द्रियेषु गुत्तद्वारो**। परियेसनादिवसेन भोजने पमाणजाननेन **भोजने मत्तञ्जू**। विगतथिनमिद्धो हुत्वा रत्तिन्दिवं कम्मद्वानमनसिकारे युत्तताय **जागरियानुयोगमनुयुत्तो**। कथं पन जागरियानुयोगो होतीति तं दस्सेतुं “**पुब्बरत्ता...पे०... विहरती**”ति वुत्तं। यथाह “**कथञ्च पुब्बरत्तापररत्तं जागरियानुयोगमनुयुत्तो होति? इध भिक्खु दिवसं चङ्कमेन निसज्जाय आवरणीयेहि चित्तं परिसोधेति, रत्तिया पठमं यामं चङ्कमेन...पे०... सोधेति, एवं खो भिक्खु पुब्बरत्तापररत्तं जागरियानुयोगमनुयुत्तो होती**”ति (विभ० ५१९)। **इमस्मिं पनत्थे**ति “**मज्जति, न मज्जती**”ति च वत्तब्बभावसङ्घाते अत्थे। **नो पृथुज्जनो अधिप्पेतो** “**अप्पत्तमानसो, अनुत्तरं योगक्खेमं पत्थयमानो**”ति च वुत्तत्ता।

सम्पयुत्तत्ता मनसि भवोति रागो मानसो, मनो एव मानसन्ति कत्वा चित्तं **मानसं**, अनवसेसतो मानं सीयति समुच्छिन्दतीति अगमग्गो **मानसं**, तन्निब्बत्तत्ता पन अरहत्तस्स मानसता दट्ठब्बा। **जनेसुता**ति जने सकलसत्तलोके विस्सुता, पत्थटयसाति अत्थो।

नत्थि इतो उत्तरन्ति **अनुत्तरं**। तं पन सब्बसेट्ठं होन्तं एकन्ततो सदिसरहितमेव होति, तस्मा वुत्तं “**अनुत्तरन्ति सेट्ठं, असदिसन्ति अत्थो**”ति। **पत्थयमानस्सा**ति तण्हायन्तस्स। **पजप्पितानी**ति मानजप्पनानि। यस्मिज्झि वत्थुस्मिं तण्हायना पत्थयमानमज्जना सम्भवति, तस्मिंयेव “**सेय्योहमस्मी**”तिआदीनि पजप्पितानि सम्भवन्तीति अधिप्पायो। **पवेधी**तन्ति परिवसितं। **पकप्पितेसू**ति तण्हादिट्ठिकप्पेहि परिकप्पितेषु आरम्भणेषु। **सोतन्ति** किलेससोतं। तस्मिज्झि छिन्ने इतरसोतं छिन्नमेवाति। **विद्धस्तन्ति** विनासितं। तञ्च खो लोमहंसमत्तम्पि असेसेत्वाति दस्सेन्तो आह “**विनळीकत**”न्ति, विगतावसेसं कतन्ति अत्थो। अधिमुत्तिया इधाधिप्पेतपत्थना पाकटा होतीति “**तन्निन्नो**”तिआदि वुत्तं, न पन कुसलच्छन्दस्स अधिमुत्तिभावतो। **अधिमुच्चन्तो**ति ओकप्पेन्तो।

**सब्बाकारविपरीता**याति “**सुभं सुखं निच्च**”न्तिआदीनं सब्बेसं अत्तना गहेतब्बाकारानं वसेन तब्बिपरीतताय, अनवसेसतो धम्मसभावविपरीताकारगाहिनियाति अत्थो। **अभिविसिट्ठेन जाणेना**ति असम्पजाननमिच्छाजाननानि विय न

धम्मसभावं अप्पत्वा नापि अतिक्कमित्वा, अथ खो अविरज्झित्वा धम्मसभावस्स अभिमुखभावप्पत्तिया अभिविसिद्धेन जाणेन, जातपरिज्जाधिष्ठानाय तीरणपरिज्जाय पहानपरिज्जेकदेसेन चाति अत्थो । तेनाह “**पथवीति...पे०...वुत्तं होती**”ति । **पथवीभावन्ति** पथवियं अभिज्जेय्यभावं । लक्खणपथवी हि इधाधिप्पेता, परिज्जेय्यभावो पनस्सा “**अनिच्चातिपी**”तिआदिना गहितोति । **अभिज्जत्वा**ति जाततीरणपहानपरिज्जाहि हेट्टिममग्गजाणेहि च अभिजानित्वा । **मामज्जी**ति अप्पहीनानं मज्जनानं वसेन माति मज्जतीति मा, पहीनानं पन वसेन न मज्जतीति अमज्जी, मा च सो अमज्जी च मामज्जीति एवमेत्थ पदविभागतो अत्थो वेदितब्बो । तत्थ येन भागेन अमज्जी, तेन मज्जीति न वत्तब्बो । येन पन भागेन मज्जी, तेन अमज्जीति न वत्तब्बोति । एवं पटिक्खेपप्पधानं अत्थं दस्सेतुं अट्ठकथायं “**मज्जी च न मज्जी च न वत्तब्बो**”ति वुत्तं । पटिक्खेपप्पधानता चेत्थ लब्धमानानम्पि मज्जनानं दुब्बलभावतो वेदितब्बा । तेनेवाह — “**इतरा पन तनुभावं गता**”ति । **माति** च निपातपदमेतं, अनेकत्था च निपाताति अधिप्पायेन “**एतस्मिज्हि अत्थे इमं पदं निपातेत्वा वुत्तं**”न्ति वुत्तं । **निपातेत्वा**ति च पकतिआदिविभागनिद्वारणे अनुमाननयं मुञ्चित्वा यथावुत्ते अत्थे पच्चक्खतोव दस्सेत्वाति अत्थो । **पुथुज्जनो वियाति** एतेनस्स उपरिमग्गवज्झतण्हामानवसेन मज्जना न पटिक्खित्ताति दीपेति ।

अथ वा **मा मज्जी**ति परिकप्पकिरियापटिक्खेपवचनमेतं “**मा रन्धयुं, मा जीरी**”तिआदीसु विय, न मज्जेय्याति वुत्तज्हीति । यथा हि पुथुज्जनो सब्बसो अप्पहीनमज्जनत्ता “**मज्जति**”च्चेव वत्तब्बो, यथा च खीणासवो सब्बसो पहीनमज्जनत्ता न मज्जति एव, न एवं सेक्खो । तस्स हि एकच्चा मज्जना पहीना, एकच्चा अप्पहीना, तस्मा उभयभावतो उभयथापि न वत्तब्बो । ननु च उभयभावतो उभयथापि वत्तब्बोति? न । या हि अप्पहीना, तापिस्स तनुभावं गताति ताहिपि सो न मज्जेय्य विभूततराय मज्जनाय अभावतो, पगेव इतराहि । तेनाह भगवा “**मा मज्जी**”ति । तेन वुत्तं “**मा मज्जी**ति परिकप्पकिरियापटिक्खेपवचनमेतं ‘मा रन्धयुं, मा जीरी’तिआदीसु विय, न मज्जेय्याति वुत्तं होती”ति । अयञ्चस्स अमज्जना वत्थुनो परिज्जेय्यत्ता, न असेक्खस्स विय परिज्जातत्ता । यज्झि एकन्ततो परिजानितब्बं परिजानितुं सक्का, न तत्थ तब्बिधुरे विय पुथुज्जनस्स मज्जना सम्भवन्ति । तेनाह “**परिज्जेय्यं तस्साति वदामी**”ति ।

**ओक्कन्तनियामत्ता**ति अनुपविट्ठसम्मत्तनियामत्ता, ओतिण्णमग्गसोतत्ताति अत्थो । **सम्बोधिपरायणत्ता**ति उपरिमग्गसम्बोधिपटिसरणत्ता, तदधिगमाय निन्नपोणपब्भारभावतोति अत्थो । उभयेनपि तस्स अवस्संभाविनी सेसपरिज्जाति दस्सेति । **परिज्जेय्यन्ति** परिजानितब्बभावेन ठितं, परिज्जातुं वा सक्कुणेय्यं । तप्पटिपक्खतो **अपरिज्जेय्यं** । **पुथुज्जनस्स वियाति** एतेन इधाधिप्पेतपुथुज्जनस्स परिज्जेय्यभावासङ्का एव नत्थि अनधिकारतोति दस्सेति । “**माभिनन्दी**”ति एत्थापि इमिनाव नयेन अत्थो वेदितब्बो ।

सेक्खवारदुतियनयवण्णना निड्डिता ।

### खीणासववारततियादिनयवण्णना

८. **सभागो** दिट्ठसच्चतादिसामज्जेन । आरका किलेसेहि अरहन्ति पदस्स निरुत्तिनयेन अत्थं वत्वा तं पाळिया समानेन्तो “**वुत्तज्जेत**”न्तिआदिमाह । तत्थ **पापका**ति लामकट्टेन दुग्गतिसम्पापनट्टेन च पापका । सावज्जट्टेन अकोसल्लसम्भूतट्टेन च **अकुसला** । संकिलेसं अरहन्ति, तत्थ वा नियुत्ताति **संकिलेसिका** । पुनब्भवस्स करणसीला, पुनब्भवफलं अरहन्तीति वा **पोनोभविका** । सह दरथेन परिळाहेन पवत्तन्तीति **सदरा** । दुक्खो कटुको, दुक्खमो वा विपाको एतेसन्ति **दुक्खविपाका** । अनागते जातिया चेव जरामरणानञ्च वड्डनेन **जातिजरामरणियाति** । एवमेतेसं पदानं अत्थो वेदितब्बो । कामज्जायं सुत्तन्तवण्णना, अभिधम्मनयो पन निप्परियायोति तेन दस्सेन्तो “**चत्तारो आसवा**”तिआदिमाह ।

**समुच्छिन्ना पटिप्पस्सद्धाति** न केवलं समुच्छिन्ना एव, अथ खो पटिप्पस्सद्धापीति मग्गकिच्चेन सदिसं फलकिच्चम्पि निद्धारेति ।

सीलविसोधनादिना गरूनं पटिपत्तिया अनुकरणं **गरुसंवासो** । अरियमग्गपटिपत्ति एव **अरियमग्गसंवासो** । **दस अरियावासा** नाम पञ्चङ्गविप्पहीनतादयो । ये सन्धाय वुत्तं —

“दसयिमे, भिक्खवे, अरियावासा, ये अरिया आवसिंसु वा आवसन्ति वा आवसिस्सन्ति वा । कतमे दस? इध, भिक्खवे, भिक्खु पञ्चङ्गविप्पहीनो होति छळङ्गसमन्नागतो, एकारक्खो, चतुरापस्सेनो, पनुण्णपच्चेकसच्चो, समवयसट्टेसनो, अनाविलसङ्कप्पो, पस्सद्धकायसङ्कारो, सुविमुत्तचित्तो, सुविमुत्तपज्जो । इमे खो, भिक्खवे, दस अरियावासा”ति (अ० नि० १०.१९) ।

वुस्सतीति वा वुसितं, अरियमग्गो, अरियफलञ्च, तं एतस्स अत्थीति अतिसयवचनिच्छावसेन अरहा “**वुसितवा**”ति वुत्तो । **करणीयन्ति** परिज्जापहानभावनासच्छिकिरियमाह । तं पन यस्मा चतूहि मग्गेहि चतूसु सच्चेसु कत्तब्बत्ता सोळसविधन्ति वेदितब्बं । तेनाह “**चतूहि मग्गेहि करणीय**”न्ति । **सम्माविमुत्तस्साति** अग्गमग्गफलपज्जाहि समुच्छेदपटिप्पस्सद्धीनं वसेन सुट्ठु विमुत्तस्स । **सन्तचित्तस्साति** ततो एव सब्बकिलेसदरथपरिळाहानं वूपसन्तचित्तस्स । भिन्नकिलेसस्स खीणासवस्स **भिक्खुनो** । **कतस्स** परिज्जादिकिच्चस्स **पटिचयो** पुन करणं **नत्थि**, ततो एव **करणीयं न विज्जति** न उपलब्धति ।

**भाराति** ओसीदापनट्टेन भारा वियाति भारा । वुत्तञ्चि “**भारा हवे पञ्चक्खन्धा**”तिआदि (सं० नि० ३.२२) । अत्तनो योनिसोमनसिकारायत्तन्ति **अत्तुपनिबन्धं**, ससन्तानपरियापन्नत्ता अत्तानं **अविजहनं** । तयिदं यदिपि सब्बस्मिं अनवज्जधम्मे सम्भवति, अकुप्पसभावापरिहानधम्मेसु पन अग्गभूते अरहत्ते सातिसयं, नेतरेसूति दस्सेन्तो आह “**अत्तनो परमत्थट्टेन वा**”ति, उत्तमट्टभावेनाति अत्थो ।

सुत्तन्तनयो नाम परियायनयोति निप्परियायनयेन संयोजनानि दस्सेन्तो “**भवरागइस्सामच्छरियसंयोजन**”न्ति आह, न पन “**रूपरागो**”तिआदिना । **भवेसु संयोजन्तीति** किलेसकम्मविपाकवट्टानं पच्चयो हुत्वा निस्सरितुं अप्पदानवसेन बन्धन्ति । सतिपि हि अज्जेसं तप्पच्चयभावे न विना संयोजनानि तेसं तप्पच्चयभावो अत्थि, ओरम्भागियउद्धम्भागियसङ्गहितेहि च तेहि तंतंभवनिब्वत्तककम्मनियमो भवनियमो च होति, न च उपच्छिन्नसंयोजनस्स कतानिपि कम्मनि भवं निब्वत्तेन्तीति तेसंयेव संयोजनट्टो दट्टब्बो ।

**सम्मा अज्जायाति** आजाननभूताय अग्गमग्गपज्जाय सम्मा यथाभूतं दुक्खादीसु यो यथा जानितब्बो, तं तथा जानित्वा । **चित्तविमुत्ति** सब्बस्स चित्तसंकिलेसस्स विस्सग्गो । **निब्बानाधिमुत्ति** निब्बाने अधिमुच्चनं तत्थ निन्नपोणपब्भारता । तन्ति पथवीआदिकं । **परिज्जातं**, न पुथुज्जनस्स विय अपरिज्जातं, सेक्खस्स विय परिज्जेय्यं वा । **तस्माति** परिज्जातत्ता ।

चतुत्थपञ्चमछट्टुवारा तत्थ तत्थ किलेसनिब्वानकित्तनवसेन पवत्तत्ता **निब्वानवारा** नाम । तत्थ पथवीआदीनं परिज्जातत्ता अमज्जना, सा पन परिज्जा रागादीनं खयेन सिद्धाति इमस्स अत्थस्स दीपनवसेन पाळि पवत्ताति दस्सेन्तो “**परिज्जातं तस्साति सब्बपदेहि योजेत्वा पुन खया रागस्स वीतरागत्ताति योजेतब्बं । एस नयो इतरेसू**”ति आह ।

तत्थ इतरेसूति पञ्चमछट्टवारेसु। यदि एवं कस्मा पाळि एवं न दिस्सतीति आह “देसना पन एकत्थ वुत्तं सब्बत्थ वुत्तमेव होतीति संखित्ता”ति।

न खया रागस्स वीतरागो सब्बसो अप्पहीनरागत्ता। विक्खम्भितरागो हि सोति। बाहिरकग्गहणञ्चेत्थ तथाभावस्सेव तेसु लब्धनतो, न तेसु एव तथाभावस्स लब्धनतो। इदानी या सा “परिज्जातं तस्सा”ति सब्बपदेहि योजना वुत्ता, तं विनापि निब्बानवारअत्थयोजनं दस्सेतुं “यथा चा”तिआदि वुत्तं। तत्थ मज्जनं न मज्जतीति मज्जना नप्पवत्ततीति अत्थो। मज्जनाय मज्जितब्बत्तेपि तस्सा वत्थुअन्तोगधत्ताति एवमेत्थ अत्थो दट्ठब्बो।

यदिपि परिज्जातपदं अगगहेत्वा निब्बानवारदेसना पवत्ता, एवम्पि “खया”तिआदिपदेहि परिज्जासिद्धि एव पकासीयतीति को तेसं विसेसोति चोदनं सन्धायाह “एत्थ चा”तिआदि। मग्गभावनापारिपूरिदस्सनत्थं वुत्तो, मग्गकिच्चन्ता हि परिज्जायोति अधिप्पायो। इतरे...पे०... वेदितब्बा वीतरागादिकित्तनतोति। द्वीहि वा कारणेहीति यथावुत्तकारणद्वयेन। अस्माति खीणासवस्स। अयं विसेसोति इदानी वुच्चमानो विसेसो। यदिपि खीणासवो एकन्तेन वीतरागो वीतदोसो वीतमोहो एव च होति, याय पन पुब्बभागपटिपदाय वीतरागतादयो सविसेसाति वत्तब्बतं लभन्ति, तं दस्सेन्तो “तीसु ही”तिआदिमाह। “रत्तो अत्थं न जानाती”तिआदिना (नेत्ति० ११) रागे आदीनवं पस्सतो “रागो च नाम सुखाभिसङ्गेन उप्पज्जति, सुखञ्च विपरिणामतो दुक्खं। पगेव इतर”न्ति सहेतुके रागे आदीनवदस्सनं दुक्खानुपस्सनाय निमित्तं, दुक्खानुपस्सना च पणिधिया पटिपक्खभावतो अप्पणिहितविमोक्खं परिपूरेतीति आह “रागे...पे०... वीतरागो होती”ति। तथा “दुट्ठो अत्थं न जानाती”तिआदिना (इतिवु० ८८) दोसे आदीनवं पस्सतो “दोसो च नाम दुक्खं पटिच्च उप्पज्जति, तज्ज उभयं अनवट्ठितं इत्तरं पभङ्गू”ति सहेतुके दोसे आदीनवदस्सनं अनिच्चानुपस्सनाय निमित्तं, अनिच्चानुपस्सना च निच्चनिमित्तादीनं पटिपक्खभावतो अनिमित्तविमोक्खं परिपूरेतीति आह “दोसे...पे०... होती”ति। तथा “मूळ्हो अत्थं न जानाती”तिआदिना (इतिवु० ८८) मोहे आदीनवं पस्सतो “मोहो नाम यथासभावग्गहणस्स परिब्भमन्तो”ति मोहस्स विक्खम्भनं अनत्तानुपस्सनाय निमित्तं, अनत्तानुपस्सनाय च अत्ताभिनिवेसस्स पटिपक्खभावतो सुज्जतं विमोक्खं परिपूरेतीति आह “मोहे...पे०... वीतमोहो होती”ति।

एवं सन्तेति यदि वीतरागतादयो विमोक्खविभागेन वुत्ता, एवं सन्ते। तस्माति यस्मा विमोक्खमुखविमोक्खानं वसेन नियमेत्वा न वुत्तं, तस्मा। यं किञ्चि अरहतो सम्भवन्तं विभजित्वा वुच्चतीति वारत्तयदेसना कताति इममत्थं दस्सेति “यं अरहतो”तिआदिना।

एवं विमुत्तिविभागेन खीणासवस्स विभागं वारत्तयदेसनानिबन्धनं दस्सेत्वा इदानी अविभागेनपि तत्थ परिज्जाविसयस्स अनुसयविसयस्स च विभागं तस्स निबन्धनं दस्सेन्तो “अविसेसेना”तिआदिमाह। तत्थ उपेक्खावेदना विसेसतो सङ्खारदुक्खं सम्मोहाधिद्वानन्ति वुत्तं “सङ्खार...पे०... मोहो”ति। सेसं वुत्तनयत्ता सुविज्जेय्यमेव।

खीणासववारततियादिनयवण्णना निट्ठिता।

### तथागतवारसत्तमनयवण्णना

१२. येहि (दी० नि० अभि० टी० १.७.चूळसीलवण्णना; अ० नि० टी० १.१.१७०) गुणविसेसेहि निमित्तभूतेहि भगवति “तथागतो”ति अयं समज्जा पवत्ता, तं दस्सनत्थं “अट्ठहि कारणेहि भगवा तथागतो”तिआदि वुत्तं। गुणनेमित्तकानेव हि

भगवतो सब्बानि नामानि । यथाह —

“असङ्ख्येय्यानि नामानि, सगुणेन महेसिनो ।

गुणेन नाममुद्धेय्यं, अपि नामसहस्सतो”ति ॥ (ध० स० अट्ठ० १३१३; उदा० अट्ठ० ५३; पटि० म० अट्ठ० १.७६; दी० नि० अभि० टी० १.७.चूळसीलवण्णना; अ० नि० टी० १.१.१७०) —

तथा आगतोति एत्थ आकारनियमनवसेन ओपम्मसम्पटिपादनत्थो तथा-सद्दो । सामञ्जसोतना हि विसेसे अवतिट्ठतीति पटिपादगमनत्थो आगत-सद्दो, न जाणगमनत्थो “तथलक्खणं आगतो”ति आदीसु (दी० नि० अट्ठ० १.७; म० नि० अट्ठ० १.१२; सं० नि० अट्ठ० २.३.७८; अ० नि० अट्ठ० १.१.१७०; उदा० अट्ठ० १८; इतिवु० अट्ठ० ३८; थेरगा० अट्ठ० १.१.३; बु० वं० अट्ठ० २.बाहिरनिदान; महानि० अट्ठ० १४) विय, नापि कायगमनादिअत्थो “आगतो खो महासमणो, मागधानं गिरिब्बजं”ति आदीसु (महाव० ६३) विय । तत्थ यदाकारनियमनवसेन ओपम्मसम्पटिपादनत्थो तथा-सद्दो, तं करुणाप्पधानत्ता महाकरुणामुखेन पुरिमबुद्धानं आगमनपटिपदं उदाहरणवसेन सामञ्जसो दस्सेन्तो यंतंसद्धानं एकन्तसम्बन्धभावतो “यथा सब्बलोक...पे०... आगता”ति साधारणतो वत्त्वा पुन तं पटिपदं महापदानसुत्तादीसु (दी० नि० २.४) सम्बहुलनिद्देसेन सुपाकटानं आसन्नानञ्च विपस्सीआदीनं छन्नं सम्मासम्बुद्धानं वसेन दस्सेन्तो “यथा विपस्सी भगवा”ति आदिमाह । तत्थ येन अभिनीहारेनाति मनुस्सत्त-लिङ्गसम्पत्ति-हेतु-सत्थारदस्सन-पब्बज्जा-अभिज्जादिगुणसम्पत्ति-अधिकार-छन्दानं वसेन अट्ठङ्गसमन्नागतेन कायपणिधानमहापणिधानेन । सब्बेसज्झि सम्मासम्बुद्धानं कायपणिधानं इमिनाव नीहारेन समिज्झतीति ।

एवं महाभिनीहारवसेन “तथागतो”ति पदस्स अत्थं वत्त्वा इदानीं पारमीपूरणवसेन दस्सेतुं “अथ वा यथा विपस्सी भगवा...पे०... यथा कस्सपो भगवा दानपारमिं पूरेत्वा”ति आदि वुत्तं । इमस्मिं पन ठाने सुत्तन्तिकानं महाबोधियानपटिपदाय कोसल्लजननत्थं पारमीकथा वत्तब्बा, सा पन सब्बाकारसम्पन्ना चरियापिटकवण्णनाय (चरिया० पकिण्णककथा) वित्थारतो निदिट्ठा, तस्मा अत्थिकेहि तत्थ वुत्तनयेनेव वेदितब्बा । यथा पन पुब्बे विपस्सीआदयो सम्मासम्बुद्धा अभिनीहारसम्पत्तियं पतिट्ठाय सुविसुद्धाय पटिपदाय अनवसेसतो सम्मदेव सब्बा पारमियो परिपूरेसुं, एवं अम्हाकम्पि भगवा परिपूरेसीति इममत्थं सन्धायाह “समत्तिं सपारमियो पूरेत्वा”ति । सतिपि अङ्गपरिच्चागादीनं दानपारमिभावे परिच्चागविसेसभावदस्सनत्थञ्चेव सुदुक्करभावदस्सनत्थञ्च “पञ्च महापरिच्चागे”ति विसुं गहणं, ततोयेव च अङ्गपरिच्चागतो विसुं नयनपरिच्चागगहणम्पि कतं, परिग्गहपरिच्चागभावसामञ्जेपि धनरज्जपरिच्चागतो पुत्तदारपरिच्चागगहणञ्च कतं ।

गतपच्चागतिकवत्तपूरणादिकाय पुब्बभागपटिपदाय सद्धिं अभिज्जासमापत्तिनिष्पादनं पुब्बयोगो, दानादीसुयेव सातिसयपटिपत्तिनिष्पादनं पुब्बचरिया, सा चरियापिटकसङ्गहिता । अभिनीहारो पुब्बयोगो, दानादिपटिपत्ति, कायविवेकवसेन एकचरिया वा पुब्बचरियाति केचि । दानादीनञ्चेव अप्पिच्छतादीनञ्च संसारनिब्बानेसु आदीनवानिसंसानञ्च विभावनवसेन सत्तानं बोधित्तये पतिट्ठापनपरिपाचनवसेन च पवत्ता कथा धम्मक्खानं, जातीनं अत्थचरिया जातत्थचरिया, सापि करुणाय वसेनेव । आदि-सद्देन लोकत्थचरियादयो सङ्गह्हाति । कम्मस्सकतजाणवसेन, अनवज्जकम्मायतनसिप्पायतनविज्जाट्टानपरिचयवसेन खन्धायतनादिपरिचयवसेन, लक्खणत्तयतीरणवसेन च जाणचारो बुद्धिचरिया, सा पन अत्थतो पज्जापारमीयेव, जाणसम्भारदस्सनत्थं विसुं गहणं । कोटीति परियन्तो, उक्कंसोति अत्थो ।



चत्तारो सतिपट्टाने भावेत्वा ब्रूहेत्वाति सम्बन्धो । तत्थ **भावेत्वा**ति उप्पादेत्वा । **ब्रूहेत्वा**ति वड्ढेत्वा । **सतिपट्टाना**दिग्गहणेन आगमनपटिपदं मत्थकं पापेत्वा दस्सेति । विपस्सनासहगता एव वा **सतिपट्टाना**दयो दड्ढब्बा । एत्थ च “येन अभिनीहारेना”तिआदिना आगमनपटिपदाय आदिं दस्सेति, “दानपारमी”तिआदिना मज्झं, “चत्तारो सतिपट्टाने”तिआदिना परियोसानन्ति वेदितब्बं ।

**सम्पतिजातो**ति मुहुत्तजातो मनुस्सानं हत्थतो मुत्तमत्तो, न मातुकुच्छितो निक्खन्तमत्तो । निक्खन्तमत्तज्झि महासत्तं पठमं ब्रह्मानो सुवण्णजालेन पटिग्गण्हिंसु, तेसं हत्थतो चत्तारो महाराजानो अजिनप्पवेणिया, तेसं हत्थतो मनुस्सा दुकूलचुम्बटकेन पटिग्गण्हिंसु, मनुस्सानं हत्थतो मुच्चित्वा पथवियं पतिट्ठितोति । **यथाह** भगवा महापदानदेसनायं । **सेतम्हि** छत्तेति दिब्बसेतच्छत्ते । **अनुधारीयमाने**ति धारीयमाने । एत्थ च छत्तग्गहणेनेव खग्गादीनि पञ्च ककुधभण्टानिपि वुत्तानेवाति दड्ढब्बं । खग्गतालवण्टमोरहत्थकवालबीजनीउण्हीसपट्टापि हि छत्तेन सह तदा उपट्ठिता अहेसुं, छत्तादीनियेव च तदा पञ्जायिंसु, न छत्तादिग्गाहका । **सब्बा च दिसा**ति दसपि दिसा । नयिदं सब्बदिसाविलोकनं सत्तपदवीतिहारुत्तरकालं दड्ढब्बं । महासत्तो हि मनुस्सानं हत्थतो मुच्चित्वा पुरत्थिमदिसं ओलोकेसि । तत्थ देवमनुस्सा गन्धमालादीहि पूजयमाना “महापुरिस इध तुम्हेहि सदिसोपि नत्थि, कुतो उत्तरितरो”ति आहंसु । एवं चतस्सो दिसा, चतस्सो अनुदिसा; हेट्ठा, उपरीति सब्बा दिसा अनुविलोकेत्वा सब्बत्थ अत्तना सदिसं अदिस्वा “अयं उत्तरा दिसा”ति तत्थ सत्तपदवीतिहारेन अगमासि । **आसभिन्ति** उत्तमं । **अग्गो**ति सब्बपठमो । **जेट्ठो सेट्ठो**ति च तस्सेव वेवचनं । **अयमन्तिमा जाति**, नत्थि **दानि पुनब्भवो**ति इमस्मिं अत्तभावे पत्तब्बं अरहत्तं ब्याकासि ।

**अनेकेसं विसेसाधिगमानं पुब्बनिमित्तभावेना**ति संखित्तेन वुत्तमत्थं “**यज्झी**”तिआदिना वित्थारतो दस्सेति । तत्थ **एत्था**ति —

“अनेकसाखज्ज सहस्समण्डलं,  
छत्तं मरू धारयुमन्तलिक्खे ।  
सुवण्णदण्डा वीतिपतन्ति चामरा,  
न दिस्सरे चामरछत्तगाहका”ति ॥ (सु० नि० ६९३) ।

इमिस्सा गाथाय । सब्बज्जुतज्जाणमेव सब्बत्थ अप्पटिहतचारताय अनावरणजाणन्ति आह “**सब्बज्जुतानावरणजाणपटिलाभस्सा**”ति । तथा अयं भगवापि गतो... पे०... **पुब्बनिमित्तभावेना**ति एतेन अभिजातियं धम्मतावसेन उप्पज्जनकविसेसा सब्बबोधिसत्तानं साधारणाति दस्सेति । पारमितानिस्सन्दा हि तेति ।

**विक्कमी**ति अगमासि । **मरू**ति देवा । **समा**ति विलोकनसमताय समा सदिसियो । महापुरिसो हि यथा एकं दिसं विलोकेसि, एवं सेसदिसापि, न कत्थचि विलोकने विबन्धो तस्स अहोसीति । **समा**ति वा विलोकेतुं युत्ता, विसमरहिताति अत्थो । न हि तदा बोधिसत्तस्स विरूपबीभच्छविसमरूपानि विलोकेतुं अयुत्तानि दिसासु उपट्ठहन्तीति ।

एवं “तथा गतो”ति कायगमनट्टेन गत-सट्ठेन तथागत-सट्ठं निद्विसित्वा इदानी जाणगमनट्टेन तं दस्सेतुं “**अथ वा**”तिआदिमाह । तत्थ **नेक्खम्मेना**ति अलोभप्पधानेन कुसलचित्तुप्पादेन । कुसला हि धम्मा इध नेक्खम्मं, न पब्बज्जादयो, “पठमज्झान”न्ति (दी० नि० अभि० टी० १.७.चूळसीलवण्णना; अ० नि० टी० १.१.१७०) च वदन्ति । **पहाया**ति पजहित्वा । **गतो** अधिगतो, पटिपन्नो उत्तरिविसेसन्ति अत्थो । **पहाया**ति वा पहानहेतु, पहानलक्खणं वा ।

हेतुलक्खणत्थो हि अयं पहाय-सद्वो । कामच्छन्दादिप्पहानहेतुकं “गतो”ति हेत्थ वुत्तं गमनं अवबोधो, पटिपत्ति एव वा कामच्छन्दादिप्पहानेन च लक्खीयतीति । एस नयो **पदालेत्वा**तिआदीसुपि । **अब्ब्यापादेना**ति मेत्ताय । **आलोकसञ्जाया**ति विभूतं कत्वा मनसिकरणेन (दी० नि० अभि० टी० १.७.चूळसीलवण्णना) उपट्ठितआलोकसञ्चाननेन । **अविक्खेपेना**ति समाधिना । **धम्मववत्थानेना**ति कुसलादिधम्मानं याथावनिच्छयेन । “सप्पच्चयनामरूपववत्थानेना”तिपि वदन्ति ।

एवं कामच्छन्दादिनीवरणप्पहानेन “अभिज्झं लोके पहाया”तिआदिना (विभ० ५०८) वुत्ताय पठमज्झानस्स पुब्बभागपटिपदाय भगवतो तथागतभावं दस्सेत्वा इदानी सह उपायेन अट्ठहि समापत्तीहि अट्ठारसहि च महाविपस्सनाहि तं दस्सेतुं “**जाणेना**”तिआदिमाह । नामरूपपरिग्गहकङ्खावितरणानज्झि विनिबन्धभूतस्स मोहस्स दूरीकरणेन जातपरिज्जायं ठितस्स अनिच्चसञ्जादयो सिज्झन्ति, तथा ज्ञानसमापत्तीसु अभिरतिनिमित्तेन पामोज्जेन । तत्थ “अनभिरतिया विनोदिताय ज्ञानादीनं समधिगमो”ति समापत्तिविपस्सनानं अरतिविनोदनअविज्जापदालनादीनि उपायो, उप्पटिपाटिनिद्वेसो पन नीवरणसभावाय अविज्जाय हेट्ठा निवरणेसुपि सङ्गहदस्सनत्थन्ति दट्ठब्बं । समापत्तिविहारप्पवेसविबन्धनेन नीवरणानि कवाटसदिसानीति आह “**नीवरणकवाटं उग्घाटेत्वा**”ति । “रत्तिं अनुवितक्केत्वा अनुविचारेत्वा दिवा कम्मन्ते पयोजेती”ति (म० नि० १.२५१) वुत्तट्ठाने वितक्कविचारा धूमायनाति अधिप्पेताति आह “**वितक्कविचारधूमं**”न्ति । किञ्चापि पठमज्झानुपचारेयेव दुक्खं, चतुत्थज्झानुपचारे च सुखं पहीयति, अतिसयप्पहानं पन सन्धायाह “**चतुत्थज्झानेन सुखदुक्खं पहाया**”ति ।

अनिच्चस्स, अनिच्चन्ति च अनुपस्सना **अनिच्चानुपस्सना**, तेभूमकधम्मानं अनिच्चतं गहेत्वा पवत्ताय विपस्सनायेतं नामं । **निच्चसञ्जन्ति** सङ्खतधम्मेसु “निच्चा सस्सता”ति एवंपवत्तमिच्छासञ्जं । सञ्जासीसेन दिट्ठिचित्तानम्पि गहणं दट्ठब्बं । एस नयो इतो परेसुपि । **निब्बिदानुपस्सनाया**ति सङ्खारेसु निब्बिज्जनाकारेन पवत्ताय अनुपस्सनाय । **नन्दन्ति** सप्पीतिकतण्हं । **विरागानुपस्सनाया**ति सङ्खारेसु विरज्जनाकारेन पवत्ताय अनुपस्सनाय । **निरोधानुपस्सनाया**ति सङ्खारानं निरोधस्स अनुपस्सनाय । यथा वा सङ्खारा निरुज्झन्तियेव, आयतिं पुनब्भववसेन न उप्पज्जन्ति, एवं अनुपस्सना **निरोधानुपस्सना** । तेनेवाह “निरोधानुपस्सनाय निरोधेति, नो समुदेती”ति । मुच्चितुकम्यता हि अयं बलप्पत्ताति । पटिनिस्सज्जनाकारेन पवत्ता अनुपस्सना **पटिनिस्सगगानुपस्सना**, पटिसङ्खान्तित्ठना हि अयं । **आदानन्ति** निच्चादिवसेन गहणं । सन्ततिसमूहकिच्चारम्मणानं वसेन एकत्तगहणं **घनसञ्जा** । **आयूहनं** अभिसङ्खरणं । अवत्थाविसेसापत्ति **विपरिणामो** । **धुवसञ्जन्ति** थिरभावगहणं । **निमित्तन्ति** समूहादिघनवसेन सकिच्चपरिच्छेदताय च सङ्खारानं सविग्गहगहणं । **पणिधन्ति** रागादिपणिधिं । सा पनत्थतो तण्हावसेन सङ्खारेसु निन्नता । **अभिनिवेसन्ति** अत्तानुदिट्ठिं ।

अनिच्चदुक्खादिवसेन सब्बधम्मतीरणं **अधिपज्जाधम्मविपस्सना** । **सारादानाभिनिवेसन्ति** असारसु सारगगहणविपल्लासं । इस्सरकुत्तादिवसेन लोको समुप्पन्नोति अभिनिवेसो **सम्मोहाभिनिवेसो** । केचि पन “अहोसिं नु खो अहं अतीतमद्धानन्तिआदिना (म० नि० १.१८; सं० नि० २.२०) पवत्तसंसयापत्ति **सम्मोहाभिनिवेसो**”ति वदन्ति । सङ्खारेसु लेणताणभावगहणं **आलयाभिनिवेसो** । “आलयरता आलयसम्मदिता”ति (दी० नि० २.६४, ६७; म० नि० १.२८१; २.३३७; सं० नि० १.१७२; महाव० ७, ८) वचनतो आलयो तण्हा, सायेव चक्खादीसु रूपादीसु च अभिनिविसनवसेन पवत्तिया **आलयाभिनिवेसो**ति केचि । “एवंविधा सङ्खारा पटिनिस्सज्जीयन्ती”ति पवत्तं जाणं **पटिसङ्खानुपस्सना** । वट्टतो विगतत्ता विवट्ठं, **निब्बानं**, तत्थ आरम्मणकरणसङ्घातेन अनुपस्सनेन पवत्तिया **विवट्टानुपस्सना**, गोत्रभू । **संयोगाभिनिवेसन्ति** संयुज्जनवसेन सङ्खारेसु निविसनं । **दिट्ठेकट्ठे**ति दिट्ठिया सहजातेकट्ठे पहानेकट्ठे च । **ओळारिके**ति

उपरिमगगवज्झकिलेसे अपेक्खित्वा वुत्तं, अज्जथा दस्सनेन पहातब्बापि दुतियमगगवज्झेहि ओळारिकाति ।  
**अणुसहगतेति** अणुभूते । इदं हेट्ठिमगगवज्झे अपेक्खित्वा वुत्तं । **सब्बकिलेसेति** अवसिट्ठसब्बकिलेसे । न हि  
 पठमादिमगगेहि पहीना किलेसा पुन पहीयन्तीति ।

**कक्खळत्तं** कथिनभावो । **पग्घरणं** द्रवभावो । लोकियवायुना भस्तस्स विय येन वायुना तंतंकलापस्स उद्धुमायनं,  
 थद्धभावो वा, तं **वित्थम्भनं** । विज्जमानेपि कलापन्तरभूतानं कलापन्तरभूतेहि सम्फुट्टभावे तंतंभूतविवित्तता रूपपरियन्तो  
 आकासोति येसं यो परिच्छेदो, तेहि सो असम्फुट्टोव, अज्जथा भूतानं परिच्छेदसभावो न सिया ब्यापीभावापत्तितो,  
 अब्यापिताव असम्फुट्टताति यस्मिं कलापे भूतानं परिच्छेदो, तेहि असम्फुट्टभावो **असम्फुट्टलक्खणं** । तेनाह भगवा  
**आकासधातुनिदेसे** (ध० स० ६३७) “असम्फुट्टं चतूहि महाभूतेही”ति ।

विरोधिपच्चयसन्निपाते विसदिसुप्पत्ति **रुप्पनं** । चेतनापधानत्ता सङ्खारक्खन्धधम्मानं चेतनावसेनेतं वुत्तं “**सङ्खारानं  
 अभिसङ्खरणलक्खणं**”न्ति । तथा हि **सुत्तन्तभाजनीये सङ्खारक्खन्धविभङ्गे** (विभ० ९२) “चक्खुसम्फस्सजा  
 चेतना”तिआदिना चेतनाव विभत्ता । अभिसङ्खरणलक्खणा च चेतना । यथाह “तत्थ कतमो पुज्जाभिसङ्खारो? कुसला  
 चेतना कामावचरा”तिआदि । **फरणं** सविष्फारिकता । **अस्सद्धियेति** असद्धियहेतु । निमित्तत्थे भुम्मं । एस नयो  
**कोसज्जेति**आदीसु । **उपसमलक्खणन्ति** कायचित्तपरिळाहूपसमलक्खणं । लीनुद्धच्चरहिते अधिचित्ते पवत्तमाने  
 पग्गहनिगहसम्पहंसनेसु अब्यावटताय अज्झुपेक्खनं **पटिसङ्खानं** पक्खपातुपच्छेदतो ।

मुसावादादीनं विसंवादानादिकिच्चताय लूखानं अपरिग्गाहकानं पटिपक्खभावतो परिग्गाहकसभावा सम्मावाचा  
 सिनिद्धभावतो सम्पयुत्तधम्मे सम्मावाचापच्चयसुभासितानं सोतारज्ज पुग्गलं परिग्गणहातीति तस्सा **परिग्गाहलक्खणं**  
 वुत्तं । कायिककिरिया किञ्चि कत्तब्बं समुट्ठापेति, सयज्ज समुट्ठहनं घटनं होतीति सम्माकम्मन्त सङ्खाताय विरतिया  
**समुट्ठानलक्खणं** दट्ठब्बं । सम्पयुत्तधम्मानं वा उक्खिपनं **समुट्ठापनं** कायिककिरियाय भारुक्खिपनं विय । जीवमानस्स  
 सत्तस्स, सम्पयुत्तधम्मानं वा जीवितिन्द्रियप्पवत्तिया, आजीवस्सेव वा सुद्धि **वोदानं** । ससम्पयुत्तधम्मस्स चित्तस्स  
 संकिलेसपक्खे पतितुं अदत्त्वा सम्मदेव पग्गणहनं **पग्गहो** ।

“सङ्खारा”ति इध चेतना अधिप्पेताति वुत्तं “**सङ्खारानं चेतनालक्खणं**”न्ति । **नमनं** आरम्मणाभिमुखभावो ।  
**आयतनं** पवत्तनं । आयतनानं वसेन हि आयसङ्खातानं चित्तचेतसिकानं पवत्ति । **तण्हाय हेतुलक्खणन्ति** वट्टस्स  
 जनकहेतुभावो, मग्गस्स पन निब्बानसम्पापकत्तन्ति अयमेतेसं विसेसो ।

**तथलक्खणं** अविपरीतसभावो । **एकरसो** अज्जमज्जानतिवत्तनं अनूनाधिकभावो । **युगनद्धा** समथविपस्सनाव ।  
 सद्धापज्जा पग्गहाविकखेपातिपि वदन्ति ।

खीणोति किलेसे खेपतीति **खयो**, मग्गो । अनुप्पादपरियोसानताय **अनुप्पादो**, फलं । **पस्सद्धि** किलेसवूपसमो ।  
**छन्दस्साति** कत्तुकामताछन्दस्स । **मूललक्खणं** पटिष्ठाभावो । समुट्ठानभावो **समुट्ठानलक्खणं** आरम्मणपटिपादकताय  
 सम्पयुत्तधम्मानं उप्पत्तिहेतुता । **समोधानं** विसयादिसन्निपातेन गहेतब्बाकारो, या सङ्गतीति वुच्चति । समं सह ओदहन्ति  
 अनेन सम्पयुत्तधम्माति वा **समोधानं**, फस्सो । समोसरन्ति सन्निपतन्ति एत्थाति **समोसरणं** । वेदनाय विना अप्पवत्तमाना  
 सम्पयुत्तधम्मा वेदनानुभवननिमित्तं समोसटा विय होन्तीति एवं वुत्तं । गोपानसीनं कूटं विय सम्पयुत्तानं पामोक्खभावो  
**पमुखलक्खणं** । ततो, तेसं वा सम्पयुत्तधम्मानं उत्तरि पधानन्ति **तत्तुत्तरि**, पज्जुत्तरा हि कुसला धम्मा । **विमुत्तियाति**

फलस्स । तज्झि सीलादिगुणसारस्स परमुक्कंसभावेन **सारं** । अयञ्च लक्खणविभागो छधातुपञ्चज्ञानङ्गादिवसेन तंतंसुत्तपदानुसारेण पोराणट्ठकथायं आगतनयेन च कतोति दट्ठब्बं । तथा हि पुब्बे वुत्तोपि कोचि धम्मो परियायन्तरपकासनत्थं पुन दस्सितो । ततो एव च “छन्दमूलका कुसला धम्मा मनसिकारसमुद्धाना फस्ससमोधाना वेदनासमोसरणा”ति, “पञ्चुत्तरा कुसला धम्मा”ति, “विमुत्तिसारमिदं ब्रह्मचरिय”न्ति, “निब्बानोगधज्झि आवुसो ब्रह्मचरियं निब्बानपरियोसान”न्ति (म० नि० १.४६६) च सुत्तपदानं वसेन “छन्दस्स मूललक्खण”न्तिआदि वुत्तं ।

**तथधम्मा नाम चत्तारि अरियसच्चाणि** अविपरीतसभावत्ता । **तथानि** तंसभावत्ता । **अवितथानि** अमुसासभावत्ता । **अनञ्जथानि** अज्जाकाररहितत्ता । **जातिपच्चयसम्भूतसमुदागतट्ठो**ति जातिपच्चया सम्भूतं हुत्वा सहितस्स अत्तनो पच्चयानुरूपस्स उद्धं आगतभावो, अनुपवत्तनट्ठोति अत्थो । अथ वा सम्भूतट्ठो च समुदागतट्ठो च **सम्भूतसमुदागतट्ठो**, न जातितो जरामरणं न होति, न च जातिं विना अञ्जतो होतीति **जातिपच्चयसम्भूतट्ठो** । इत्थञ्च जातितो समुदागच्छतीति **जातिपच्चयसमुदागतट्ठो**, या या जाति यथा यथा पच्चयो होति, तदनुरूपं पातुभावोति अत्थो । **अविज्जाय सङ्खारानं पच्चयट्ठो**ति एत्थापि न अविज्जा सङ्खारानं पच्चयो न होति, न च अविज्जं विना सङ्खारा उप्पज्जन्ति, या या अविज्जा येसं येसं सङ्खारानं यथा यथा पच्चयो होति, अयं अविज्जाय सङ्खारानं पच्चयट्ठो पच्चयभावोति अत्थो ।

भगवा तं सब्बाकारतो जानाति पस्सतीति सम्बन्धो । **तेनाति** भगवता । तं विभज्जमानन्ति योजेतब्बं । **तन्ति** रूपायतनं । **इट्ठानिट्ठादीति आदि-**सद्देन मज्झत्तं सङ्गण्हाति, तथा अतीतानागतपच्चुप्पन्नपरित्तअज्झत्तबहिद्भातदुभयादिभेदं । **लब्भमानकपदवसेनाति** “रूपायतनं दिट्ठं, सद्दायतनं सुतं, गन्धायतनं रसायतनं फोडुब्बायतनं मुतं, सब्बं रूपं मनसा विज्जात”न्ति (ध० स० ९६६) वचनतो दिट्ठपदञ्च विज्जातपदञ्च रूपारम्मणे लब्भति, रूपारम्मणं इट्ठं अनिट्ठं मज्झत्तं परित्तं अतीतं अनागतं पच्चुप्पन्नं अज्झत्तं बहिद्भा दिट्ठं विज्जातं रूपं रूपायतनं रूपधातु वण्णानिभा सनिदस्सनं सप्पटिघं नीलं पीतकन्ति एवमादीहि **अनेकेहि नामेहि** ।

**तेरसहि वारेहीति** रूपकण्डे (ध० स० ६१६) आगते तेरस निद्वेसवारे सन्धायाह । एकेकस्मिञ्च वारे चतुन्नं चतुन्नं ववत्थापननयानं वसेन “**द्वेपञ्चासाय नयेही**”ति आह । **तथमेव** अविपरीतदस्सिताय अप्पटिवत्तियदेसनताय च । “**जानामि अभिज्जासि**”न्ति वत्तमानातीतकालेसु जाणप्पवत्तिदस्सनेन अनागतेपि जाणप्पवत्ति वुत्तायेवाति दट्ठब्बा । **विदित-**सद्दो अनामट्ठकालविसेसो वेदितब्बो “दिट्ठं सुतं मुत”न्तिआदीसु (ध० स० ९६६) विय । **न उपट्ठासीति** अत्तत्तनियवसेन न उपगच्छि । यथा रूपारम्मणादयो धम्मा यंसभावा यंपकारा च, तथा ने पस्सति जानाति गच्छतीति **तथागतोति** एवं पदसम्भवो वेदितब्बो । केचि पन “निरुत्तिनयेन पिसोदरादिपक्खेपेन (पाणिनि ६.३.१०९) वा दस्सि-सद्दस्स लोपं, आगत-सद्दस्स चागमं कत्वा **तथागतो**”ति वण्णेन्ति ।

निद्वेसताय **अनुपवज्जं** । पक्खिपितब्बाभावेन **अनूनं** । अपनेतब्बाभावेन **अनधिकं** । अत्थब्यज्जनादिसम्पत्तिया **सब्बाकारपरिपुण्णं** । **नो अञ्जथानि** “तथेवा”ति वुत्तमेवत्थं ब्यतिरेकेन सम्पादेति । तेन यदत्थं भासितं, एकन्तेन तदत्थनिष्पादनतो यथा भासितं भगवता, तथेवाति अविपरीतदेसनतं दस्सेति । **गदअत्थोति** एतेन तथं गदतीति **तथागतोति** द-कारस्स त-कारो कतो निरुत्तिनयेनाति दस्सेति ।

तथा गतमस्साति **तथागतो** । **गतन्ति** च कायवाचापवत्तीति अत्थो । **तथाति** च वुत्ते यंतंसद्धानं अब्यभिचारिसम्बन्धिताय यथाति अयमत्थो उपट्ठितोयेव होति, कायवचीकिरियानञ्च अञ्जमज्जानुलोमेन वचनिच्छायं कायस्स वाचा, वाचाय च कायो सम्बन्धीभावेन उपतिट्ठतीति इममत्थं दस्सेन्तो आह “**भगवतो ही**”तिआदि । इमस्मिं पन

अथे तथावादीताय **तथागतो**ति अयम्पि अत्थो सिद्धो होति । सो पन पुब्बे पकारन्तरेन दस्सितोति आह “**एवं तथाकारिताय तथागतो**”ति ।

**तिरियं अपरिमाणासु लोकधातूसूति** एतेन यदेके “तिरियं विय उपरि अधो च सन्ति लोकधातुयो”ति वदन्ति, तं पटिसेधेति । देसनाविलासोयेव **देसनाविलासमयो** यथा “पुञ्जमयं, दानमय”न्ति आदीसु ।

निपातानं वाचकसद्वसन्निधाने तदत्थजोतनभावेन पवत्तनतो गत-सद्वोयेव अवगतत्थं अतीतत्थञ्च वदतीति आह “**गतोति अवगतो अतीतो**”ति ।

अथ वा अभिनीहारतो पट्टाय याव सम्मासम्बोधि, एत्थन्तरे महाबोधियानपटिपत्तिया हानट्टानसंकिलेसनिवत्तीनं अभावतो यथा पणिधानं, तथा गतो अभिनीहारानुरूपं पटिपन्नोति **तथागतो** । अथ वा महिद्धिकताय पटिसम्भिदानं उक्कंसाधिगमेन अनावरणजाणताय च कत्थचिपि पटिघाताभावतो यथा रुचि, तथा कायवचीचित्तानं गतानि गमनानि पवत्तियो एतस्सति **तथागतो** । यस्मा च लोके विध-युत्त-गत-प्पकार-सद्वा समानत्था दिस्सन्ति । तस्मा यथाविधा विपस्सीआदयो भगवन्तो, अयम्पि भगवा तथाविधोति **तथागतो**, यथायुत्ता च ते भगवन्तो, अयम्पि भगवा तथायुत्तोति **तथागतो** । अथ वा यस्मा सच्चं तच्छं तथन्ति जाणस्सेतं अधिवचनं, तस्मा तथेन जाणेन आगतोति **तथागतो** । एवम्पि तथागत-सद्वस्स अत्थो वेदितब्बो ।

पहाय कामादिमले यथा गता,  
समाधिजाणेहि विपस्सिआदयो ।  
महेसिनो सक्कमुनी जुतिन्धरो,  
तथा गतो तेन मतो तथागतो ॥

तथञ्च धातायतनादिलक्खणं,  
सभावसामञ्जविभागभेदतो ।  
सयम्भुजाणेन जिनो समागतो,  
तथागतो वुच्चति सक्कपुङ्गवो ॥

तथानि सच्चानि समन्तचक्खुना,  
तथा इदप्पच्चयता च सब्बसो ।  
अनञ्जनेय्येन यतो विभाविता,  
याथावतो तेन जिनो तथागतो ॥

अनेकभेदासुपि लोकधातुसु,  
जिनस्स रूपायतनादिगोचरे ।  
विचित्रभेदं तथमेव दस्सनं,  
तथागतो तेन समन्तलोचनो ॥

यतो च धम्मं तथमेव भासति,  
करोति वाचायनुलोममत्तनो ।  
गुणेहि लोकं अभिभूयिरीयति,  
तथागतो तेनपि लोकनायको ॥

यथाभिनीहारमतो यथारुचि,  
पवत्तवाचा तनुचित्तभावतो ।  
यथाविधा येन पुरा महेसिनो,  
तथाविधो तेन जिनो तथागतोति ॥ (इतिवु० अट्ट० ३८; दी० नि० टी० १.७ चूळसीलवण्णना) ।

**आरकत्तातिआदीनं पदानं अत्थो विसुद्धिमग्गे** (विसुद्धि० १.१२५) बुद्धानुस्सतिसंवण्णनाय वुत्तनयेनेव वेदितब्बो ।  
**सम्मा सामञ्च सव्वधम्मानं बुद्धत्ताति** इमिनास्स परोपदेसरहितस्स सब्बाकारेन सव्वधम्मावबोधनसमत्थस्स  
आकङ्खापटिबद्धवुत्तिनो अनावरणजाणसङ्घातस्स सव्वञ्जुतञ्जाणस्स अधिगमो दस्सितो ।

ननु च (इतिवु० अट्ट० ३८) सव्वञ्जुतञ्जाणतो अञ्जं अनावरणजाणं, अञ्जथा छ असाधारणजाणानि  
बुद्धजाणानीति वचनं विरुज्जेय्याति? न विरुज्जति विसयप्पवत्तिभेदवसेन अञ्जेहि असाधारणजाणभावदस्सनत्थं  
एकस्सेव जाणस्स द्विधा वुत्तता । एकमेव हि तं जाणं अनवसेससङ्घातासङ्घातसम्मुतिधम्मविसयताय सव्वञ्जुतञ्जाणं, तत्थ  
च आवरणाभावतो निस्सङ्गचारमुपादाय अनावरणजाणन्ति वुत्तं । यथाह **पटिसम्भिदायं** (पटि० म० १.११९) “सव्वं  
सङ्घातासङ्घातमनवसेसं जानातीति सव्वञ्जुतञ्जाणं, तत्थावरणं नत्थीति अनावरणजाण”न्तिआदि, तस्मा नत्थि नेसं  
अत्थतो भेदो, एकन्तेन चेतं एवमिच्छित्तव्वं, अञ्जथा सव्वञ्जुतानावरणजाणानं सावरणता असव्वधम्मरम्मणता च  
आपज्जेय्य । न हि भगवतो जाणस्स अणुमतम्पि आवरणं अत्थि, अनावरणजाणस्स च असव्वधम्मरम्मणभावे यत्थ तं  
नप्पवत्तति, तत्थावरणसम्भावतो अनावरणभावोयेव न सिया । अथ वा पन होतु अञ्जमेव अनावरणजाणं  
सव्वञ्जुतञ्जाणतो, इध पन सव्वत्थ अप्पटिहतवुत्तिताय अनावरणजाणन्ति सव्वञ्जुतञ्जाणमेव अधिप्पेतं, तस्स  
चाधिगमेन भगवा सव्वञ्जू सव्वविदू सम्मासम्बुद्धोति च वुच्चति, न सकिमेव सव्वधम्मावबोधतो । तथा च वुत्तं  
**पटिसम्भिदायं** (पटि० म० १.१६२) “विमोक्खन्तिकमेतं बुद्धानं भगवन्तानं बोधिया मूले सह सव्वञ्जुतञ्जाणस्स  
पटिलाभा सच्छिका पज्जति यदिदं बुद्धो”ति । सव्वधम्मावबोधनसमत्थजाणसमधिगमेन हि भगवतो सन्ताने  
अनवसेसधम्मे पटिविज्झितुं समत्थता अहोसीति ।

एत्थाह — किं पनिदं जाणं पवत्तमानं सकिंयेव सव्वस्मिं विसये पवत्तति, उदाहु कमेनाति । किञ्चेत्थ — यदि ताव  
सकिंयेव सव्वस्मिं विसये पवत्तति, अतीतानागतपच्चुप्पन्नअज्झत्तबहिद्धादिभेदेन भिन्नानं सङ्घातधम्मानं  
असङ्घातसम्मुतिधम्मानञ्च एकज्झं उपट्टाने दूरतो चित्तपटं अवेक्खन्तस्स विय पटिविभागेनावबोधो न सिया, तथा च सति  
“सव्वे धम्मा अनत्ता”ति विपस्सन्तानं अनत्ताकारेन विय सव्वे धम्मा अनिरूपितरूपेन भगवतो जाणस्स विसया होन्तीति  
आपज्जति । येपि “सव्वजेय्यधम्मानं ठितलक्खणविसयं विकप्परहितं सव्वकालं बुद्धानं जाणं पवत्तति, तेन ते सव्वविदूति  
वुच्चन्ति । एवञ्च कत्वा ‘चरं समाहितो नागो, तिट्ठन्तोपि समाहितो’ति इदम्पि वचनं सुवुत्तं होती”ति वदन्ति, तेसम्पि  
वुत्तदोसानतिवत्ति । ठितलक्खणारम्मणताय हि अतीतानागतसम्मुतिधम्मानं तदभावतो एकदेसविसयमेव भगवतो जाणं  
सिया, तस्मा सकिंयेव जाणं पवत्ततीति न युज्जति ।

अथ कमेन सब्बस्मिं विसये जाणं पवत्तति, एवम्पि न युज्जति । न हि जातिभूमिसभावादिवसेन दिसादेसकालादिवसेन च अनेकभेदभिन्ने नेय्ये कमेन गहमाने तस्स अनवसेसपटिवेधो सम्भवति अपरियन्तभावतो जेय्यस्स । ये पन “अत्थस्स अविसंवादनतो जेय्यस्स एकदेसं पच्चक्खं कत्वा सेसेपि एवन्ति अधिमुच्चित्वा ववत्थापनेन सब्बज्जू भगवा, तच्च जाणं अननुमानिकं संसयाभावतो । संसयानुबन्धज्झि लोके अनुमानजाण”न्ति वदन्ति, तेसम्पि तं न युत्तं । सब्बस्स हि अप्पच्चक्खभावे अत्थस्स अविसंवादनेन जेय्यस्स एकदेसं पच्चक्खं कत्वा सेसेपि एवन्ति अधिमुच्चित्वा ववत्थापनस्स असम्भवतो । यज्झि तं सेसं, तं अप्पच्चक्खन्ति । अथ तम्पि पच्चक्खं, तस्स सेसभावो एव न सियाति? सब्बमेतं अकारणं । कस्मा? अविसयविचारणभावतो । वुत्तज्जेतं भगवता “बुद्धविसयो भिक्खवे, अचिन्तेय्यो न चिन्तेतब्बो, यो चिन्तेय्य, उम्मादस्स विघातस्स भागी अस्सा”ति (अ० नि० ४.७७) । इदं पनेत्थ सन्निट्ठानं — यं किञ्चि भगवता जातुं इच्छितं सकलमेकदेसो वा, तत्थ अप्पटिहतवृत्तिताय पच्चक्खतो जाणं पवत्तति, निच्चसमाधानञ्च विक्खेपाभावतो, जातुं इच्छितस्स च सकलस्स अविसयभावे तस्स आकङ्खापटिबद्धवृत्तिता न सिया, एकन्तेनेव च सा इच्छितब्बा “सब्बे धम्मा बुद्धस्स भगवतो आवज्जनपटिबद्धा आकङ्खापटिबद्धा मनसिकारपटिबद्धा चित्तुप्पादपटिबद्धा”ति (महानि० ६९, १५६; चूळनि० ८५; पटि० म० ३.५) वचनतो । अतीतानागतविसयम्पि भगवतो जाणं अनुमानागमतक्कगहणविरहितत्ता पच्चक्खमेव ।

ननु च एतस्मिम्पि पक्खे यदा सकलं जातुं इच्छितं, तदा सकिंयेव सकलविसयताय अनिरूपितरूपेण भगवतो जाणं पवत्तेय्याति वुत्तदोसानतिवत्तियेवाति? न, तस्स विसोधितत्ता । विसोधितो हि सो बुद्धविसयो अचिन्तेय्योति । अज्जथा पचुरजनजाणसमानवृत्तिताय बुद्धानं भगवन्तानं जाणस्स अचिन्तेय्यता न सिया, तस्मा सकलधम्मरम्मणम्पि तं एकधम्मरम्मणं विय सुववत्थापितेयेव ते धम्मे कत्वा पवत्ततीति इदमेत्थ अचिन्तेय्यं, अनन्तञ्च जाणं जेय्यं विय । वुत्तज्जेतं “यावतकं जेय्यं, तावतकं जाणं । यावतकं जाणं, तावतकं जेय्यं । जेय्यपरियन्तिकं जाणं, जाणपरियन्तिकं जेय्य”न्ति (महानि० ६९, १५६; चूळनि० ८५; पटि० म० ३.५) । एवमेकज्झं, विसुं सकिं, कमेन वा इच्छानुरूपं सम्मा सामञ्च सब्बधम्मानं बुद्धत्ता सम्मासम्बुद्धो ।

तन्ति यथावुत्तं पथवीआदिभेदं । परिज्जातन्ति परितो समन्ततो सब्बाकारतो जातं, तं परिजानितब्बभावं किञ्चि असेसेत्वा जातन्ति अत्थो । अयमेव हि अत्थो “परिज्जातन्त”न्ति इमिनापि पदेन पकासितोति दस्सेन्तो “परिज्जातन्तं नामा”तिआदिमाह । तेन तेन मग्गेन किलेसप्पहानेन विसेसो नत्थीति इदं तंतंमग्गवज्झकिलेसानं बुद्धानं सावकानञ्च तेन तेन मग्गेनेव पहातब्बभावसामञ्जं सन्धाय वुत्तं, न सावकेहि बुद्धानं किलेसप्पहानविसेसाभावतो । तथा हि सम्मासम्बुद्धा एव सवासनकिलेसे जहन्ति, न सावका । एकदेसमेवाति अत्तनो सन्तानगतमेव । ससन्ततिपरियापन्नधम्मपरिज्जामत्तेनपि हि चतुसच्चकम्मट्ठानभावना समिज्झति । तेनेवाह — “इमस्मिंयेव ब्याममत्ते कळेवरे ससज्जिम्हि समनके लोकञ्च पज्जपेमि लोकसमुदयञ्च पज्जपेमी”तिआदि (सं० नि० १.१०७; अ० नि० ४.४५) । अणुप्पमाणम्पि ...पे०... नत्थि, यतो छत्तिसकोटिसतसहस्समुखेन बुद्धानं महावजिरजाणं पवत्ततीति वदन्ति ।

तथागतवारसत्तमनयवण्णना निट्ठिता ।

### तथागतवारअट्टमनयवण्णना

१३. पुरिमतण्हाति पुरिमतरेसु भवेसु निब्बत्ता पच्चुप्पन्नत्तभावहेतुभूता तण्हा । तग्गहणेनेव च अतीतद्वसङ्गहा अविज्जासङ्खारा सङ्घि उपादानेन सङ्गहिताति दट्ठब्बा । एत्थाति “भवा जाती”ति एतस्मिं पदे । तेन उपपत्तिभवेनाति “भवा

जाती'ति जातिसीसेन वुत्तउपपत्तिभवेन । भूतस्साति निब्बत्तस्स । सो पन यस्मा सत्तो नाम होति, तस्मा वुत्तं “सत्तस्सा”ति । एवञ्च जानित्वाति इमिना “भूतस्स जरामरण”न्ति एत्थापि “इति विदित्वा”ति इदं पदं आनेत्वा योजेतब्बन्ति दस्सेति ।

यदिपि तेभूमका उपादानक्खन्धा “यं किञ्चि रूप”न्तिआदिना (विभ० २; म० नि० १.२४४) एकादससु ओकासेसु पक्खिपितब्बा सम्मसितब्बा च, ते पन यस्मा भगवता “किम्हि नु खो सति जरामरणं होति, किंपच्चया जरामरण”न्तिआदिना (दी० नि० २.५७; सं० नि० २.४, १०) पटिच्चसमुप्पादमुखेन सम्मसिता, पटिच्चसमुप्पादो च पवत्तिपवत्तिहेतुभावतो पुरिमसच्चद्वयमेव होति, तस्मा तदभिसमयं “मज्जनाभावहेतु पच्चयाकारपटिवेधो”ति विभावेन्तो “यं बोधिरुक्खमूले...पे०... दस्सेन्तो”ति आह । संखिप्पन्ति एत्थ अविज्जादयो विज्जाणादयो चाति सङ्खेपा, अतीते हेतुआदयो “हेतु, फल”न्ति एवं संखिप्पन्तीति वा सङ्खेपा, अविज्जादयो विज्जाणादयो च । सङ्खेप-सद्दो भागाधिवचनन्ति दट्ठब्बो । तेनाह “कोट्टासाति अत्थो”ति । ते पन अतीते हेतुसङ्खेपो, एतरहि फलसङ्खेपो, एतरहि हेतुसङ्खेपो, आयतिं फलसङ्खेपोति चत्तारो सङ्खेपा एतस्साति चतुसङ्खेपो, तं चतुसङ्खेपं । हेतुफलसन्धि, फलहेतुसन्धि, पुन हेतुफलसन्धीति एवं तयो सन्धी एतस्साति तिसन्धि, तं तिसन्धिं । अतीतपच्चुप्पन्नानागतभेदा तयो अद्दा एतस्साति तियद्दो, तं तियद्दं । सरूपतो अवुत्तापि तस्मिं तस्मिं सङ्खेपे आकिरीयन्ति अविज्जासङ्खारादिगहणेहि पकासीयन्तीति आकारा, अतीतहेतुआदीनं वा पकारा आकारा, ते एकेकसङ्खेपे पच्च पच्च कत्वा वीसति आकारा एतस्साति वीसताकारो, तं वीसताकारं ।

एस सब्बोति एस चतुसङ्खेपादिपभेदो अनवसेसो पच्चयो । पच्चयलक्खणेनाति पच्चयभावेन अत्तनो फलस्स पटिसन्धिविज्जाणस्स पच्चयभावेन, अविनाभावलक्खणेनाति अत्थो । यथा हि तण्हं विना अविज्जादयो विज्जाणस्स पच्चया न होन्ति, एवं तण्हापि अविज्जादिके विनाति । एत्थ दुक्खगहणेन विज्जाणनामरूपसळायतनफस्सवेदनानं, भवगहणेन च तण्हासङ्खारुपादानानं गहितता वुत्तनया एवाति न उद्भट्टा ।

इदानी ते वीसति आकारे पटिसम्भिदामग्गपाळिया विभावेतुं “एवमेते”तिआदि वुत्तं । तत्थ (पटि० म० अट्ठ० १.४७) पुरिमकम्मभवस्मिन्ति पुरिमे कम्मभवे, अतीतजातियं कम्मभवे कयिरमानेति अत्थो । मोहो अविज्जाति यो तदा दुक्खादीसु मोहो, येन मूळ्हो कम्मं करोति, सा अविज्जा । आयूहना सङ्खाराति तं तं कम्मं करोन्तो दानुपकरणादि सज्जनादिवसेन या पुरिमचेतनायो, ते सङ्खारा । पटिग्गाहकानं पन हत्थे देय्यधम्मं पटिद्वापयतो चेतना भवो । एकावज्जनजवनेसु वा पुरिमा चेतना आयूहना सङ्खारा, सत्तमा भवो । या काचि वा पन चेतना भवो, सम्पयुत्ता आयूहना सङ्खारा । निकन्ति तण्हाति यं कम्मं करोन्तस्स उपपत्तिभवे तस्स फलस्स निकामना पत्थना, सा तण्हा नाम । उपगमनं उपादानन्ति यं कम्मभवस्स पच्चयभूतं “इदं कम्मं कत्वा असुकस्मिं नाम ठाने कामे सेविस्सामि उच्छिज्जिस्सामी”तिआदिना नयेन पवत्तं उपगमनं गहणं परामसनं, इदं उपादानं नाम । चेतना भवोति द्वीसु अत्थविकप्पेसु वुत्तस्स आयूहनस्स अवसाने वुत्तचेतना, ततिये पन आयूहनसम्पयुत्तचेतना भवो । इति इमे पच्च धम्मा पुरिमकम्मभवस्मिं इध पटिसन्धिया पच्चयाति इमे यथावुत्ता मोहादयो पच्च धम्मा अतीतकम्मभवसिद्धा एतरहि पटिसन्धिया पच्चयभूताति अत्थो ।

इध पटिसन्धिविज्जाणन्ति यं भवन्तरपटिसन्धानवसेन उप्पन्नत्ता पटिसन्धीति वुच्चति, तं विज्जाणं । ओक्कन्ति नामरूपन्ति या गब्भे रूपारूपधम्मानं ओक्कन्ति आगन्त्वा पविसन्ती विय, इदं नामरूपं । पसादो आयतनन्ति इदं



चक्खादिपञ्चायतनवसेन वुत्तं। **फुट्ठो फस्सो**ति यो आरम्भणं फुट्ठो फुसन्तो उप्पन्नो, अयं फस्सो। **वेदयितं वेदना**ति यं पटिसन्धिबिज्जाणेन वा सळायतनपच्चयेन वा फस्सेन सहुप्पन्नं विपाकवेदयितं, सा वेदना। **इति इमे...पे०... पच्चया**ति इमे विज्जाणादयो पच्च कोट्टासिका धम्मा पुरिमभवे कतस्स कम्मस्स कम्मवट्टस्स पच्चया, पच्चयभावतो तं पटिच्च इध एतरहि उपपत्तिभवस्मिं उपपत्तिभवभावेन वा होन्तीति अत्थो।

**इध परिपक्वता आयतनानं मोहो**ति परिपक्कायतनस्स कम्मकरणकाले असम्मोहं दस्सेति। दहरस्स हि चित्तप्पवत्ति भवङ्गबहुला येभुय्येन भवन्तरजनककम्मायूहनसमत्था न होतीति। **कम्मकरणकाले**ति च इमिना सब्बो कम्मस्स पच्चयभूतो सम्मोहो गहितो, न सम्पयुत्तोव। सेसं वुत्तनयमेव।

**पदयोजनाया**ति “तस्मा”ति आदीनं पदानं सम्बन्धेन सह। **अत्थनिगमनन्ति** इमस्मिं अट्टमवारे देसनत्थनिगमनं। **नन्दीति एवं वुत्तानं सब्बतण्हानन्ति** “नन्दी दुक्खस्स मूल”न्ति एवं नन्दनत्थसामञ्जतो एकवचनेन वुत्तानं सब्बतण्हानं सन्तानारम्भणसम्पयुत्तधम्मप्पवत्तिआकारादिभेदेन अनेकभेदानं सब्बासं तण्हानं। **खयवेवचनानेवा**ति समुच्छेदपहानवेवचनानेव। “अच्चन्तक्खया”ति हि वुत्तं। **चतुमगगकिच्चसाधारणमेतन्ति** चतुन्नं अरियमगगानं पहानकिच्चस्स साधारणं सामञ्जतो गहणं एतं खयादिवचनन्ति अत्थो। तेसं पन मगगानं कमेन पवत्तनं किच्चकमेनेव दस्सेतुं “**विरागा**”ति आदि वुत्तन्ति दस्सेन्तो “**ततो...पे०... योजेतब्ब**”न्ति आह। तथा सतिपि खयादिसद्धानं पहानपरियायभावे पहातब्बाय पन विसयभेदभिन्नाय तण्हाय अनवसेसतो पहीनभावदीपनत्थं खयादिपरियायन्तरगहणं कतन्ति दस्सेन्तो “**याही**”ति आदिमाह। यथावुत्तसज्जननादिहेतुभूताय तण्हाय पहीनत्ता तप्पहानदीपनं कत्वा वुच्चमानं खयादिवचनं न कथञ्चि धम्मतं विलोमेतीति वुत्तं “**न किञ्चि विरुज्झती**”ति।

**उत्तरविरहितन्ति** अत्तानं उत्तरितुं समत्थत्ता उत्तरेन अधिकेन विरहितं। अयञ्चस्स उत्तरविरहता अत्तनो सेट्ठभावेनाति आह “**सब्बसेट्ठ**”न्ति। यथा सम्मा-सं-सद्वा “अविपरीतं, साम”न्ति इमेसं पदानं अत्थं वदन्ति, एवं पासंससोभनत्थेपीति आह “**सम्मा सामञ्च बोधिं पसत्थं सुन्दरञ्च बोधि**”न्ति। बुज्झि एत्थ पटिविज्झि चत्तारि अरियसच्चानि, सब्बम्पि वा नेय्यन्ति रुक्खो **बोधि**, बुज्झति एतेनाति पन मग्गो **बोधि**, तथा सब्बञ्जुतज्जाणं, निब्बानं पन बुज्झितब्बतो **बोधी**ति अयमेत्थ साधनविभागो दट्ठब्बो। पण्णत्तियम्पि अत्थेव बोधि-सद्दो “**बोधिराजकुमारो**”ति आदीसु (म० नि० २.३२४; चूळव० २६८)। **अपरे**ति सारसमासाचरिया। एत्थ च सउपसगगस्स बोधि-सद्दस्स अत्थुद्धारे अनुपसगगानं उदाहरणे कारणं हेट्ठा वुत्तमेव।

लोकोत्तरभावतो वा तत्थापि हेट्ठिममगगानं विय ततुत्तरिमगगाभावतो च “सिया नु खो अनुत्तरा बोधी”ति आसङ्कं सन्धाय तं विधमितुं “**सावकान**”न्ति आदि वुत्तं। अभिनीहारसम्पत्तिया फलविसेसभूतेहि जाणविसेसेहि एकच्चेहि सकलेहि सिद्धिं समिज्झमानो मग्गो अरियानं तं तं जाणविसेसादिं देन्तो विय होतीति तस्स असब्बगुणदायकत्वं वुत्तं। तेन अनज्जसाधारणाभिनीहारसम्पदासिद्धस्स निरतिसय-गुणानुबन्धस्स वसेन अरहत्तमग्गो अनुत्तरा बोधि नाम होतीति दस्सेति। सावकपारमिजाणं अज्जेहि सावकेहि असाधारणं महासावकानयेव आवेणिकं जाणं। **पच्चेकं सच्चानि बुद्धवन्तोति पच्चेकबुद्धा**। ननु च सब्बेपि अरिया पच्चेकमेव सच्चानि पटिविज्झन्ति धम्मस्स पच्चत्तं वेदनीयभावतोति? सच्चं, नयिदमीदिसं पटिवेधं सन्धाय वुत्तं, यथा पन सावका अज्जसन्निस्सयेन सच्चानि पटिविज्झन्ति परतोघोसेन विना तेसं दस्सनमगगस्स अनुप्पज्जनतो, यथा च सम्मासम्बुद्धो अज्जेसं निस्सयभावेन सच्चानि अभिसम्बुज्झन्ति, न एवमेते, एते पन अपरनेय्या हुत्वा अपरिणायकभावेन सच्चानि पटिविज्झन्ति। तेन वुत्तं “**पच्चेकं सच्चानि बुद्धवन्तोति**

पच्चेकबुद्धा'ति ।

इतीति करीयति उच्चारयतीति **इतिकारो**, इति-सद्दो । **कारणत्थो** अनियमरूपेणाति अधिष्पायो, तस्माति वुत्तं होति । तेनाह “**यस्मा चा**”ति । पुब्बे पन इति-सद्दं पकारत्थं कत्वा “**एवं जानित्वा**”ति वुत्तं, इधापि तं पकारत्थमेव कत्वा अथो युज्जति । कथं? **विदित्वा**ति हि पदं हेतुअत्थे दट्ठब्बं “**पज्जाय चस्स दिस्वा**”ति (म० नि० १.२७१), “**घतं पिवित्वा बलं होती**”ति च एवमादीसु विय, तस्मा पकारत्थेपि इति-सद्दे पटिच्चसमुप्पादस्स विदितत्ताति अयं अत्थो लब्धतेव । **पटिच्चसमुप्पादं विदित्वा**ति एत्थापि हेतुअत्थे विदित्वा-सद्दे यथावुत्ता अत्थयोजना युज्जतेव । एत्थ च पठमविकप्पे पटिच्चसमुप्पादस्स विदितत्थं मज्जनाभावस्स कारणं वत्वा तण्हामूलकस्स पटिच्चसमुप्पादस्स दस्सितत्ता एत्थ तण्हापपहानं सम्मासम्बोधिआ अधिगमनकारणं उद्धतन्ति दस्सितं, तस्मा “**पथविं न मज्जती**”तिआदि निगमनं दट्ठब्बं । दुतियविकप्पे पन पटिच्चसमुप्पादवेदनं तण्हापपहानस्स कारणं वुत्तं, तं अभिसम्बोधिआ अभिसम्बोधिमज्जनाभावस्साति अयमत्थो दस्सितोति अयमेतेसं द्विन्नं अत्थविकप्पानं विसेसो, तस्मा “**नन्दी दुक्खस्स मूल**”न्ति वुत्तं ।

तं कुतो लब्धतीति चोदनं सन्धायाह “**यत्थ यत्थ ही**”तिआदि । **सासनयुत्ति** अयं सासनेपि एवं सम्बन्धो दिस्सतीति कत्वा । लोकेपि हि यं-तं-सद्धानं अब्यभिचारिसम्बन्धता सिद्धा ।

**एवं अभिसम्बुद्धोति वदामीति** अभिसम्बुद्धभावस्स गहितत्ता, असब्बज्जुना एवं देसेतुं असक्कुण्यत्ता च “**सब्बज्जुतज्जाणं दस्सेन्तो**”तिआदिमाह ।

**विचित्रनयदेसनाविलासयुत्तन्ति** पुथुज्जनवारादिविभागभिन्नेहि विचित्तेहि तन्ति नयेहि, लक्खणकम्मतण्हामज्जनादिविभागभिन्नेहि विचित्तेहि अत्थनयेहि, अभिनन्दनपच्चयाकारादिविसेसापदेससिद्धेन देसनाविलासेन च युत्तं । **यथा ते न जानन्ति, तथा देसेसीति** इमिनापि भगवतो देसनाविलासंयेव विभावेति । **तंयेव किर पथविन्ति** एत्थ पथवीगहणं उपलक्खणमत्तं आपादिवसेनपि, तथा “**कीदिसा नु खो इध पथवी अधिप्पेता, कस्मा च भूतरूपानियेव गहितानि, न सेसरूपानी**”तिआदिनापि तेसं संसयुप्पत्ति निद्धारेतब्बा । अथ वा **कथं नामिदन्ति** एत्थ **इति-**सद्दो पकारत्थो । तेन इमस्मिं सुत्ते सब्बायपि तेसं संसयुप्पत्तिया परिगगहितत्ता दट्ठब्बा । **अन्तन्ति** मरियादं, देसनाय अन्तं परिच्छेदन्ति अत्थो, यो अनुसन्धीति वुच्चति । **कोटिन्ति** परियन्तं, देसनाय परियोसानन्ति अत्थो । उभयेन सुत्ते अज्झासयानुसन्धि यथानुसन्धीति वदति ।

**अन्तराकथाति** कम्मट्टानमनसिकारउद्देसपरिपुच्छादीनं अन्तरा अज्जा एका तथा । **विप्पकथाति** अनिद्धिता सिखं अप्पत्ता । **कङ्खणानुरूपेणाति** तस्मिं खणे धम्मसभायं सन्निपतितानं भिक्खून् अज्झासयानुरूपेन । **इदन्ति** इदानी वुच्चमानं मूलपरियायजातकं ।

**दिसापामोक्खोति** पण्डितभावेन सब्बदिसासु पमुखभूतो । **ब्राह्मणोति** ब्रह्मं अणतीति ब्राह्मणो, मन्ते सज्झायतीति अत्थो । **तिण्णं वेदानन्ति** इरुवेद-यजुवेद-सामवेदानं । **पारगूति** अत्थसो व्यज्जनसो च पारं परियन्तं गतो । सह निघण्डुना च केटुभेन चाति **सनिघण्डुकेटुभा**, तेसं । **निघण्डूति** रुक्खादीनं वेवचनप्पकासकं सत्थं । **केटुभन्ति** किरियाकप्पविकप्पो, कवीनं उपकारावहं सत्थं । सह अक्खरप्पभेदेनाति **साक्खरप्पभेदा**, तेसं, सिक्खानिरुत्तिसहितानन्ति अत्थो ।

**इतिहासपज्चमानन्ति** आथब्बणवेदं चतुत्थं कत्वा “**इतिह अस, इतिह असा**”ति ईदिसवचनपटिसंयुत्तो पुराणकथासङ्घातो इतिहासो पज्चमो एतेसन्ति इतिहासपज्चमा, तेसं । पदं तदवसेसज्च व्याकरणं कायति अज्जेति वेदेति चाति **पदको**,

वेय्याकरणो । लोकायतं वुच्चति वितण्डसत्थं । महापुरिसानं बुद्धादीनं लक्खणदीपनगन्थो महापुरिसलक्खणं । तेसु अनूनो परिपूरकारीति अनवयो ।

मन्तेति वेदे । यदिपि वेदो “मन्तो, ब्रह्मं, कप्पो”ति तिविधो, मन्तो एव पन मूलवेदो, तदत्थविवरणं ब्रह्मं, तत्थ वुत्तनयेन यज्जकिरियाविधानं कप्पो । तेन वुत्तं “मन्तेति वेदे”ति । पण्डिताति पज्जावन्तो । तथा हि ते पुथुपज्जाताय बहुं सहस्सद्विसहस्सादिपरिमाणं गन्थं पाकटं कत्वा गणहन्ति उगगणहन्ति, जवनपज्जाताय लहुं सीधं गणहन्ति, तिकखपज्जाताय सुदु अविरज्जन्ता उपधारेन्ति, सतिनेपक्कसम्पत्तिया गहितज्ज नेसं न विनस्सति न सम्मुस्सतीति । सब्बम्पि सिप्पन्ति अट्टारसविज्जाट्टानादिभेदं सिक्खितब्बट्टेन सिप्पन्ति सङ्ख्यं गतं सब्बं बाहिरकसत्थं मोक्खावहसम्मतम्पि न मोक्खं आवहतीति आह “दिट्ठधम्मसम्परायहितं”न्ति । सम्पिण्डिता हुत्वाति यथा मित्ता, तथा पिण्डितवसेन सन्निपतिता हुत्वा । “एवं गह्यमाने आदिना विरुज्जेय्य, एवं अन्तेना”ति चिन्तेन्ता जातुं इच्छितस्स अत्थस्स पुब्बेनापरं अविरुद्धं निच्छयं गहेतुं असक्कोन्ता न आदिं, न अन्तं अद्वसंसु ।

लोमसानीति लोमवन्तानि, घनकेसमस्सुवानीति अत्थो । केसापि हि लोमगहणेन गहन्ति यथा “लोमनखं फुसित्वा सुद्धि कातब्बा”ति । कण्णं वियाति कण्णं, पज्जा, तां सुत्वा कातब्बकिच्चसाधनतो वुत्तं “कण्णवाति पज्जवा”ति ।

यस्मा सत्तानं गच्छन्ते गच्छन्ते काले आयुवण्णादिपरिक्खयो होति, तस्मा तं कालेन कतं विय कत्वा वुत्तं “नेसं आयु...पे... खादतीति वुच्चती”ति ।

अभिज्जायाति कुसलादिभेदं खन्धादिभेदज्ज देसेतब्बं धम्मं, वेनेय्यानज्ज आसयानुसयचरियाविमुत्तिआदिभेदं, तस्स च नेसं देसेतब्बप्पकारं याथावतो अभिजानित्वा । धम्मं देसेमीति दिट्ठधम्मिकसम्परायिकनिब्बानहितावहं सद्धम्मं कथयामि । नो अनभिज्जायाति यथा बाहिरका असम्मासम्बुद्धत्ता वुत्तविधिं अजानन्तायं किञ्चि तक्कपरियाहतं वीमंसानुचरितं सयंपटिभानं कथेन्ति, एवं न देसेमीति अत्थो । सनिदानन्ति सकारणं, वेनेय्यानं अज्झासयवसेन वा पुच्छाय वा अट्ठप्पत्तिया वा सनिमित्तं हेतुउदाहरणसहितज्जाति अत्थो । सप्पाटिहारियन्ति सनिस्सरणं सप्पटिहरणं, पच्चनीकपटिहरणेन सप्पाटिहारियमेव कत्वा देसेमीति अत्थो । अपरे पन “यथारहं इद्धिआदेसनानुसासनिपाटिहारियसहितं”न्ति वदन्ति, अनुसासनिपाटिहारियहिता पन देसना नत्थीति । हितूपदेसना ओवादो, सा एव अनुसासनी । अनोतिण्णवत्थुविसयो वा ओवादो, ओतिण्णवत्थुविसया अनुसासनी । पठमूपदेसो वा ओवादो, इतरा अनुसासनी । अलज्ज पनाति युत्तमेव । निट्ठमगमासीति अत्थसिद्धिं गता ।

तथागतवार अट्ठमनयवण्णना निट्ठिता ।

अयं तावेत्थ अट्ठकथाय लीनत्थवण्णना ।

### नेत्तिनयवण्णना

इदानि (दी० नि० टी० १.१४९; सं० नि० टी० १.१.नेत्तिनयवण्णना; अ० नि० टी० नेत्तिनयवण्णना) पकरणनयेन पाळिया अत्थवण्णनं करिस्साम । सा पनायं अत्थवण्णना यस्मा देसनाय समुट्ठानपयोजनभाजनेसु पिण्डत्थेसु च निद्वारितेसु सुतरा होति सुविज्जेय्या च, तस्मा सुत्तदेसनाय समुट्ठानादीनि पठमं निद्वारयिस्साम । तत्थ समुट्ठानं ताव परियत्तिं निस्साय मानुप्पादो, पयोजनं मानमदनं । वुत्तज्झि अट्ठकथायं “सुतपरियत्तिं...पे... आरभी”ति । अपिच वेनेय्यानं

पथवीआदिभूतादिभेदभिन्ने सक्काये पुथुज्जनस्स सेक्खादिअरियस्स च सद्धिं हेतुना मज्जनामज्जनवसेन पवत्तिविभागानवबोधो समुद्धानं, यथावुत्तविभागावबोधो पयोजनं, वेनेय्यानज्झि वुत्तप्पकारे विसये यथावुत्तानं पुग्गलानं सद्धिं हेतुना मज्जनामज्जनवसेन पवत्तिविभागावबोधो पयोजनं ।

अपिच समुद्धानं नाम देसनानिदानं । तं साधारणं असाधारणन्ति दुविधं । तत्थ साधारणम्पि अज्झत्तिकबाहिरभेदतो दुविधं । तत्थ साधारणं अज्झत्तिकसमुद्धानं नाम लोकनाथस्स महाकरुणा । तां हि समुस्साहितस्स भगवतो वेनेय्यानं धम्मदेसनाय चित्तं उदपादि । तं सन्धाय वुत्तं “सत्तेसु च कारुज्जतं पटिच्च बुद्धचक्खुना लोकं वोलोकेसी”तिआदि (मं नि० १.२८३; सं० नि० १.१७२; महाव० ९) । एत्थ च हेतावत्थायपि महाकरुणाय सङ्गहो दट्ठब्बो यावदेव संसारमहोघतो सद्धम्मदेसनाहत्थदानेहि सत्तसन्तारणत्थं तदुप्पत्तितो । यथा च महाकरुणा, एवं सब्बज्जुतज्जाणं दसबलजाणादीनि च देसनाय अब्भन्तरसमुद्धानभावे वत्तब्बानि । सब्बम्पि हि जेय्यधम्मं, तेसं देसेतब्बप्पकारं, सत्तानञ्च आसयानुसयादिं याथावतो जानन्तो भगवा ठानाट्टानादीसु कोसल्लेन वेनेय्यज्झासयानुरूपं विचित्तनयदेसनं पवत्तेसीति । बाहिरं पन साधारणं समुद्धानं दससहस्सब्रह्मपरिवारितस्स सहम्पतिमहाब्रह्मनो अज्झेसनं । तदज्झेसनुत्तरकालज्झि धम्मगम्भीरतापच्चवेक्खणाजनितं अप्पोस्सुक्कतं पटिप्पस्सम्भेत्वा धम्मस्सामी धम्मदेसनाय उस्साहजातो अहोसि । असाधारणम्पि अम्भन्तरबाहिरभेदतो दुविधमेव । तत्थ अब्भन्तरं याय महाकरुणाय येन च देसनाजाणेन इदं सुत्तं पवत्तितं, तदुभयं वेदितब्बं । बाहिरं पन पञ्चसतानं ब्राह्मणजातिकानं भिक्खून् परियत्तिं निस्साय मानुष्पादनं, वुत्तमेव तं अट्ठकथायं ।

पयोजनम्पि साधारणं असाधारणन्ति दुविधं । तत्थ साधारणं अनुक्कमेन याव अनुपादापरिनिब्बानं विमुत्तिरसत्ता भगवतो देसनाय । तेनेवाह “एतदत्था तथा, एतदत्था मन्तना”तिआदि (परि० ३६६) । एतेनेव च संसारचक्कनिवत्ति सद्धम्मचक्कप्पवत्ति सस्सतादिमिच्छावादनिराकरणं सम्मावादपुरेक्खारो अकुसलमूलसमूहननं कुसलमूलसंरोपनं अपायद्वारपिदहनं सगमोक्खद्वारविवरणं परियुद्धानवूपसमनं अनुसयसमुग्घातनं “मुत्तो मोचेस्सामी”ति (उदा० अट्ठ० १८; इतिवु० अट्ठ० ३८) पुरिमपटिज्जाअविसंवादनं तप्पटिपक्खमारमनोरथविसंवादनं तित्थियधम्मनिम्मथनं बुद्धधम्मपटिट्ठापनन्ति एवमादीनम्पि पयोजनानं सङ्गहो दट्ठब्बो । असाधारणं पन तेसं भिक्खून् मानमदनं । वुत्तज्चेतं अट्ठकथायं (मं नि० अट्ठ० १.१) “देसनाकुसलो भगवा मानभज्जनत्थं ‘सब्बधम्ममूलपरियाय’न्ति देसनं आरभी”ति । उभयम्पेतं बाहियमेव । सचे पन वेनेय्यसन्तानगतम्पि देसनाबलसिद्धिसङ्घातं पयोजनं अधिप्पायसमिज्जनभावतो यथाधिप्पेतत्थसिद्धिया यथाकारुणिकस्स भगवतोपि पयोजनमेवाति गणहेय्य, इमिना परियायेनस्स अब्भन्तरतापि वेदितब्बा ।

अपिच वेनेय्यानं पथवीआदिभूतादिविभागभिन्ने सक्काये पुथुज्जनस्स सेक्खादिअरियस्स च सद्धिं हेतुना मज्जनामज्जनवसेन पवत्तिविभागानवबोधो समुद्धानं, इमस्स सुत्तस्स यथावुत्तविभागावबोधो पयोजनन्ति वुत्तोवायमत्थो । वेनेय्यानज्झि वुत्तप्पकारे विसये यथावुत्तानं पुग्गलानं सद्धिं हेतुना मज्जनामज्जनानं वसेन पवत्तिविभागावबोधो इमं देसनं पयोजेति “तन्निष्पादनपरायं देसना”ति कत्वा । यज्झि देसनाय साधेतब्बं फलं, तं आकङ्खितब्बत्ता देसकं देसनाय पयोजेतीति पयोजनन्ति वुच्चति । तथा वेनेय्यानं सब्बसो एकदेसतो च मज्जनानं अप्पहानं, तत्थ च आदीनवादस्सनं, निरङ्कुसानं मज्जनानं अनेकाकारवोहारस्स सक्काये पवत्तिविसेसस्स अजाननं, तत्थ च पहीनमज्जनानं पटिपत्तिया अजाननं, तण्हामुखेन पच्चयाकारस्स च अनवबोधोति एवमादीनि च पयोजनानि इध वेदितब्बानि ।

भूमित्तयपरियापन्नेसु असङ्घातधम्मविप्पकतपरिज्जादिकिच्चसङ्घातधम्मनं सम्मासम्बुद्धस्स च पटिपत्तिं अजानन्ता

असद्धम्मस्सवनधारणपरिचयमनसिकारपरा सद्धम्मस्सवन-धारणपरिचयपटिवेधविमुखा च वेनेय्या इमिस्सा देसनाय **भाजनं। पिण्डत्था** पन “अस्सुतवा”तिआदिना अयोनिमनसिकारबहुलीकारो अकुसलमूल-समायोगो ओलीयनातिधावनापरिग्गहो उपायविनिबद्धानुब्रूहना मिच्छाभिनिवेससमन्नागमो अविज्जातण्हा-परिसुद्धि वट्टत्तयानुपरमो आसवोद्योगगन्थागतितण्हुप्पादुपादानावियोगो चेतोखिल-चेतोविनिबद्धअभिनन्दन-नीवरणसङ्गानतिक्कमो विवादमूलापरिच्चागो अनुसयानुपच्छेदो मिच्छत्तानतिवत्तनं तण्हामूलधम्मसन्निस्सयता अकुसलकम्मपथानुयोगो सब्बकिलेस-परिळाहसारद्धकायचित्तताति एवमादयो दीपिता होन्ति । “पथविं पथवितो सज्जानाती”तिआदिना तण्हाविचरितनिद्देसो मानजप्पना विपरियेसाभिनिवेसो संकिलेसो सक्कायपरिग्गहो बाललक्खणापदेसो वड्ढत्तयविभावानुयोगो बहुकारपटिपक्खदीपना तिविधनिस्सयसंसूचना आसवक्खयकथनन्ति एवमादयो दीपिता होन्ति ।

## सोळसहारवण्णना

### १. देसनाहारवण्णना

तत्थ ये उपादानक्खन्धधम्मे उपादाय पथवीआदिभूतादिभेदा पज्जत्ति, ते पज्जत्तिपटिपादनभावेन जातिजरामरणविसेसनदुक्खपरियायेन च वुत्ता तण्हावज्जा तेभूमकधम्मा **दुक्खसच्चं** । मज्जनाभिनन्दननन्दीपरियायेहि वुत्ता तण्हा **समुदयसच्चं** । अयं ताव सुत्तन्तनयो । अभिधम्मनये पन यथावुत्ततण्हाय सद्धि “अस्सुतवा”तिआदिना दीपिता अविज्जादयो, मज्जनापरियायेन गहिता मानदिट्ठियो, भवपदेन गहितो कम्मभवो चाति सब्बेपि किलेसाभिसङ्खारा **समुदयसच्चं** । उभिन्नं अप्पवत्ति **निरोधसच्चं** । अरियधम्मगहणेन, परिज्जाभिकखुसेक्खाभिज्जागहणेहि, रागादिक्खयवचनेहि, सम्मासम्बोधिगहणेन च **मग्गसच्चं** । केचि पन तण्हाक्खयादिवचनेहि निरोधसच्चं उद्धरन्ति, तं **अट्ठकथाय** विरुज्झति तत्थ तण्हाक्खयादीनं मग्गकिच्चभावस्स उद्धटत्ता ।

तत्थ समुदयेन **अस्सादो**, दुक्खेन **आदीनवो**, मग्गनिरोधेहि **निस्सरणं**, तेसं भिक्खूनं मानभज्जनं **फलं**, तथा “यथावुत्तविभागावबोधो”तिआदिना वुत्तं **पयोजनञ्च** । तस्स निष्फत्तिकारणत्ता देसनाय विचित्तता चतुन्नं पुग्गलानं याथावतो सभावूपधारणञ्च **उपायो**, पथवीआदीसु पुथुज्जनादीनं पवत्तिदस्सनापदेसेन पथवीआदयो एकन्ततो परिजानितब्बा, मज्जना च पहातब्बाति अयमेत्थ भगवतो **आणत्तीति** । अयं **देसनाहारो** ।

### २. विचयहारवण्णना

मज्जनानं सक्कायस्स अविसेसहेतुभावतो, कस्सचिपि तत्थ असेसितब्बतो च सब्बगहणं, सभावधारणतो निस्सत्तनिज्जीवतो च धम्मगहणं, पतिट्ठाभावतो आवेणिकहेतुभावतो च मूलगहणं, कारणभावतो देसनत्थसम्भवतो च परियायगहणं, सम्मुखभावतो सम्पदानत्थसम्भवतो च “वो”ति वचनं, तथारूपगुणयोगतो अभिमुखीकरणतो च “भिक्खवे”ति आलपनं । देसेतुं समत्थभावतो तेसं सतुप्पादनत्थञ्च “देसेस्सामी”ति पटिजाननं, देसेतब्बताय पटिज्जातभावतो, यथापटिज्जञ्च देसनतो “त”न्ति पच्चासमनं, सोतब्बभावतो, सवनत्थस्स च एकन्तेन निष्पादनतो “सुणाथा”ति वुत्तं । सक्कातब्बतो, सक्कच्चकिरियाय एव च तदत्थसिद्धितो “साधुक”न्ति वुत्तं । धम्मस्स मनसिकरणीयतो तदधीनत्ता च सब्बसम्पत्तीनं “मनसि करोथा”ति वुत्तं यथापरिज्जाताय देसनाय परिब्यत्तभावतो वित्थारत्थसम्भवतो च “भासिस्सामी”ति वुत्तं । भगवतो सदेवकेन लोकेन सिरसा सम्पटिच्छित्तवचनत्ता, तस्स च यथाधिप्पेतत्थसाधनतो “एव”न्ति वुत्तं । सत्थु उत्तमगारवट्ठानभावतो, तत्थ च गारवस्स उळारपुज्जभावतो “भन्ते”ति

वुत्तं । भिक्खून् तथाकिरियाय निच्छित्तभावतो वचनालङ्कारतो च “खो”ति वुत्तं । सवनस्स पटिजानितब्बतो, तथा तेहि पटिपन्नत्ता च “पच्चस्सोसु”न्ति वुत्तं पच्चक्खभावतो, सकलस्सपि एकज्झं करणतो “एत”न्ति वुत्तं ।

वुच्चमानस्स पुगलस्स लोकपरियापन्नत्ता लोकाधारत्ता च लोकं उपादाय “इधा”ति वुत्तं । पटिवेधबाहुसच्चाभावतो परियत्तिबाहुसच्चाभावतो च “अस्सुतवा”ति वुत्तं । पुथूसु, पुथु वा जनभावतो “पुथुज्जनो”ति वुत्तं । अनरियधम्मविरहतो अरियधम्मसमन्नागमतो च “अरियान”न्ति वुत्तं । अरियभावकराय पटिपत्तिया अभावतो, तत्थ कोसल्लदमथाभावतो “अरियानं अदस्सावी”तिआदि वुत्तं । असन्तधम्मस्सवनतो सन्तधम्मसमन्नागमतो सब्धि पासंसियतो च “सप्पुरिसान”न्ति वुत्तं । सप्पुरिसभावकराय पटिपत्तिया अभावतो, तत्थ च कोसल्लदमथाभावतो “सप्पुरिसानं अदस्सावी”तिआदि वुत्तं । पथवीवत्थुकानं मज्जनानं, उपरि वुच्चमानानञ्चमज्जनानं मूलकत्ता पपञ्चसङ्खानं “पथविं पथवितो सज्जानाती”ति वुत्तं । अन्धपुथुज्जनस्स अहंकार-ममंकारानं कत्थचिपि अप्पहीनत्ता “पथविं मज्जती”तिआदि वुत्तं ।

पुब्बे अग्गहितत्ता, सामज्जतो च गह्ममानत्ता, पुगलस्स पथवीआदिआरम्भणसभागताय लब्धमानत्ता च “योपी”ति वुत्तं । “यो”ति अनियमेन गहितस्स नियमेतब्बतो पटिनिद्विसितब्बतो च; “सो”ति वुत्तं सातिसयं संसारे भयस्स इक्खनतो किलेसभेदनसम्भवतो च “भिक्खू”ति वुत्तं । सिक्खाहि समन्नागमतो सेक्खधम्मपटिलाभतो च “सेक्खो”ति वुत्तं । मनसा लद्धब्बस्स अरहत्तस्स अनधिगतत्ता अधिगमनीयतो च “अप्पत्तमानसो”ति वुत्तं । अपरेन अनुत्तरणीयतो, परं अनुच्छविकभावेन उत्तरित्वा ठितत्ता च “अनुत्तर”न्ति वुत्तं । योगेन भावनाय कामयोगादितो च खेमं सिवं अनुपद्वन्ति “योगक्खेम”न्ति वुत्तं । छन्दप्पवत्तिया उस्सुक्कापत्तिया च “पत्थयमानो”ति वुत्तं । तदत्थस्स सब्बसो सब्बइरियापथविहारस्स समथविपस्सनाविहारस्स दिब्बविहारस्स च वसेन “विहरती”ति वुत्तं । सेक्खस्स सब्बसो अभिज्जेय्यभावज्जेव परिज्जेय्यभावज्ज जाणेन अभिभवित्वा जाननतो “अभिजानाती”ति वुत्तं । सेक्खस्स सब्बसो अप्पहीनमज्जनताय अभावतो “मा मज्जी”ति वुत्तं । सेसं वुत्तनयानुसारेण वेदितब्बं । इमिना नयेन इतो परं सब्बपदेसु विनिच्छयो कातब्बो । सक्का हि **अट्ठकथं** तस्सा **लीनत्थवण्णनञ्च** अनुगन्त्वा अयमत्थो विज्जूहि विभावेतुन्ति अतिवित्थारभयेन न वित्थारयिम्ह । इति अनुपदविचयतो **विचयो हारो** ।

### ३. युत्तिहारवण्णना

सक्कायस्स सब्बमज्जनानं मूलभावो युज्जति परिकप्पमत्तकत्ता लोकविचित्तस्स । ब्याहुसच्चद्वयरहितस्स अन्धपुथुज्जनभावो युज्जति पुथुकिलेसाभिसङ्खारजननादिसभावत्ता । यथावुत्तपुथुज्जनस्स वा वुत्तप्पकारबाहुसच्चाभावो युज्जति तस्मिं सति सब्भावतो । तत्थ अस्सुतवतो पुथुज्जनस्स अरियानं सप्पुरिसानञ्च अदस्सावितादि युज्जति अरियकरधम्मानं अरियभावस्स च तेन अदिट्ठत्ता अप्पटिपन्नत्ता च तथा तस्स पथविया “अहं पथवी, मम पथवी, परो पथवी”ति सज्जाननं युज्जति अहंकारममंकारानं सब्बेन सब्बं अप्पहीनत्ता । तथा सज्जानतो चस्स पथविं कम्मादिकरणादिवसेन गहेत्वा नानप्पकारतो मज्जनापवत्ति युज्जति सज्जानिदानत्ता पपञ्चसङ्खानं । यो मज्जति, तस्स अपरिज्जातवत्थुकता युज्जति परिज्जाय विना मज्जनापहानाभावतो । “आपं आपतो सज्जानाती”तिआदीसुपि एसेव नयो । अपरियोसितसिक्खस्स अप्पत्तमानसता युज्जति कतकिच्चताभावतो । सेक्खस्स सतो योगक्खेमपत्थना युज्जति तदधिमुत्तभावतो । तथा तस्स पथविया अभिजानना युज्जति परिज्जापहानेसु मत्तसो कारिभावतो । ततो एव चस्स “मा मज्जी”ति वत्तब्बता युज्जति वत्थुपरिज्जाय विय मज्जनापहानस्सपि विप्पकतभावतो । सेक्खस्स पथविया परिज्जेय्यता

युज्जति परिज्जातुं सक्कुणेय्यत्ता सब्बसो अपरिज्जातत्ता च । “आपं आपतो”ति आदीसुपि एसेव नयो । अरहत्तादियुत्तस्स पथवियादीनं अभिजानना मज्जनाभावो च युज्जति सङ्घातधम्मत्ता, सब्बसो किलेसानं पहीनत्ता, ततो एव चस्स वीतरागादिभावो ततो सम्मदेव च पटिच्चसमुप्पादस्स पटिविद्धताति । अयं युत्तिहारो ।

#### ४. पदट्टानहारवण्णना

किस्सोपि मज्जना सक्कायस्स पदट्टानं, मज्जनानं अयोनिमोमनसिकारो पदट्टानं, सुतद्वयविरहो अन्धपुथुज्जनभावस्स पदट्टानं, सो अरियानं अदस्साविताय पदट्टानं, सा अरियधम्मस्स अकोविदताय पदट्टानं, सा अरियधम्मे अविनीतताय पदट्टानं । “सप्पुरिसानं अदस्सावी”ति एत्थापि एसेव नयो । सज्जाविपल्लासो मज्जनानं पदट्टानं । सज्जानिदाना हि पपञ्चसङ्घाति । मज्जनासु च तण्हामज्जना इतरमज्जनानं पदट्टानं “तण्हागतानं परितस्सितविप्फन्दित”न्ति, (दी० नि० १.१०५-१०९) “तण्हापच्चया उपादान”न्ति (म० नि० ३.१२६; महाव० १) च वचनतो, तण्हागतस्सेव च “सेय्योहमस्मि”न्ति आदिना मानजप्पनासम्भावता । सब्बापि वा मज्जना सब्बासं मज्जनानं पदट्टानं । “उपादानपच्चया तण्हा”ति हि वचनतो दिट्ठिपि तण्हाय पदट्टानं । “अहमस्मि ब्रह्मा महाब्रह्मा”ति (दी० नि० १.४२; ३.३९) आदिवचनतो मानोपि दिट्ठिया पदट्टानं । तथा “अस्मीति सति इत्थंस्मीति होति, एवंस्मीति होति, अज्जथास्मीति होती”ति आदिवचनतो मानस्सपि तण्हाय पदट्टानता लब्धतेव । सेक्खा धम्मा सप्पदेसतो मज्जनापहानस्स पदट्टानं । असेक्खा निप्पदेसतो मज्जनापहानस्स पदट्टानं । कम्मभवो च जातिया पदट्टानं । जाति जरामरणस्स पदट्टानं । पच्चयाकारस्स यथाभूतावबोधो सम्मासम्बोधिया पदट्टानन्ति । अयं पदट्टानो हारो ।

#### ५. लक्खणहारवण्णना

“सब्बधम्ममूलपरियाय”न्ति एत्थ मूलगगहणेन मूलपरियायगगहणेन वा यथा तण्हामानदिट्ठियो गहन्ति, एवं दोसमोहादीनम्पि सक्कायमूलधम्मानं सङ्गहो दट्ठब्बो सक्कायस्स मूलभावेन एकलक्खणत्ता । “अस्सुतवा”ति इमिना यथा तस्स पुग्गलस्स परियत्तिपटिवेधसद्धम्मानं अभावो गहति, एवं पटिपत्तिसद्धम्मस्सपि अभावो गहति सद्धम्मभावेन एकलक्खणत्ता । अरियानं अदस्सनकामतादिलक्खणा । “अरियधम्मस्स अकोविदो”ति इमिना अरियधम्माधिगमस्स विबन्धभूतं अज्जाणं । “अरियधम्मे अविनीतो”ति इमिना अरियविनयाभावो । सो पनत्थतो अरियविनये अप्पटिपत्ति एव वाति तीहिपि पदेहि यथावुत्तविसया मिच्छादिट्ठि विचिकिच्छा च गहिताव होन्ति । तग्गहणेन च सब्बेपि अकुसला धम्मा सङ्गहिताव होन्ति संकिलेसलक्खणेन एकलक्खणत्ता । “सप्पुरिसानं अदस्सावी”ति एत्थापि एसेव नयो ।

“पथविं पथवितो सज्जानाती”ति इदं दिट्ठिमज्जनादीनं सज्जाय कारणभावदस्सनं । तत्थ यथा सज्जा, एवं वितक्कफस्साविज्जा अयोनिमोमनसिकारादयोपि तासं कारणन्ति अत्थतो तेसम्पेत्य सङ्गहो वुत्तो होति मज्जनानं कारणभावेन एकलक्खणत्ता । “मज्जती”ति इमिना मज्जनाकिच्चेन तण्हामानदिट्ठियो गहिता तासं किलेससभावत्ता । तग्गहणेनेव विचिकिच्छादिनम्पि सङ्गहो दट्ठब्बो किलेसलक्खणेन एकलक्खणत्ता । तथा तण्हाय हेतुसभावत्ता तग्गहणेनेव अवसिद्धाकुसलहेतूनं सङ्गहो दट्ठब्बो हेतुलक्खणेन एकलक्खणत्ता । तथा तण्हादिट्ठीनं आसवादिसभावत्ता तग्गहणेनेव अवसिद्धासवोद्योगगन्थनीवरणादीनम्पि सङ्गहो दट्ठब्बो आसवादिसभावत्ता एकलक्खणत्ता । तथा “पथविं मज्जती”ति आदिना पथवीआदीनं रूपसभावत्ता तब्बिसयानज्ज मज्जनानं रूपविसयत्ता तग्गहणेनेव सकलरूपक्खन्धविसयापि मज्जना दस्सिता होन्ति रूपविसयलक्खणेन आसं एकलक्खणत्ता । एवं चक्खायतनादिविसयापि मज्जना निद्वारेतब्बा । “अपरिज्जात”न्ति परिज्जापटिकखेपेन तप्पटिबद्धकिलेसानं

पहानपटिक्खेपोति दट्ठब्बो मग्गकिच्चभावेन परिज्जापहानानं एकलक्खणत्ता । इमिना नयेन सेसेसुपि यथारहं एकलक्खणा निद्धारेतब्बाति । अयं लक्खणो हारो ।

#### ६. चतुब्बूहहारवण्णना

पथवीआदीसु वत्थूसु ब्यज्जनच्छायाय अत्थं गहेत्वा धम्मगम्भीरतं असल्लक्खेत्वा असद्धम्मस्सवनादिना वज्जिता हुत्वा सद्धम्मस्सवनाधारणपरिचयमनसिकारविमुखा पथवीआदीसु वत्थूसु पुथुज्जनसेक्खासेक्खतथागतानं पटिपत्तिविसेसं अजानन्ता च वेनेय्या इमिस्सा देसनाय निदानं । ते “कथं नु खो यथावुत्तदोसविनिमुत्ता यथावुत्तज्ज्य विसेसं जानन्ता सम्मापटिपत्तिया उभयहितपरायणा सवेय्यु”न्ति अयमेत्थ भगवतो अधिप्पायो । पदनिब्बचनं निरुत्तं, तं “एव”न्ति आदिनिदानपदानं, “सब्बधम्ममूलपरियाय”न्ति आदिपाळिपदानञ्च अट्ठकथायं, तस्सा लीनत्थवण्णनायञ्चेव वुत्तनयेन सुविज्जेय्यत्ता अतिवित्थारभयेन न वित्थारयिम्ह ।

पदपदत्थदेसनानिक्खेपसुत्तसन्धिवसेन पञ्चविधा सन्धि । तत्थ पदस्स पदन्तरेन सम्बन्धो पदसन्धि, तथा पदत्थस्स पदत्थन्तरेन सम्बन्धो पदत्थसन्धि, यो “किरियाकारकसम्बन्धो”ति वुत्तति । नानानुसन्धिकस्स सुत्तस्स तंतं अनुसन्धीहि सम्बन्धो, एकानुसन्धिकस्स पन पुब्बापरसम्बन्धो देसनासन्धि । या अट्ठकथायं “पुच्छानुसन्धि अज्झासयानुसन्धि यथानुसन्धी”ति तिधा विभक्ता । अज्झासयो चेत्थ अत्तज्झासयो परज्झासयोति द्विधा वेदितब्बो । यं पनेत्थ वत्तब्बं, तं हेट्ठा निदानवण्णनायं वुत्तमेव । निक्खेपसन्धि चतुन्नं सुत्तनिक्खेपानं वसेन वेदितब्बो । सुत्तसन्धि इध पठमनिक्खेपवसेनेव वेदितब्बो । कस्मा पनेत्थ मूलपरियायसुत्तमेव पठमं निक्खित्तन्ति? नायमनुयोगो कत्थचि नप्पवत्तति, अपिच यस्मा मज्जनामूलकं सक्कायं, सब्बमज्जना च तत्थ एव अनेकभेदभिन्ना पवत्तति, न तस्सा सविसयाय लेसमत्तम्पि सारं अत्थीति पथवीआदिविभागभिन्नेसु मज्जनासु च सातिसयं निब्बेधविरागसज्जननी उपरि सेक्खासेक्खतथागतगुणविभावनी च अयं देसना । सुत्तन्तदेसना च विसेसतो दिट्ठिविनिवेठनकथा, तस्मा सनिस्सयस्स दिट्ठिगाहस्स आदितो असारभावदीपनं उपरि च सब्बेसं अरियानं गुणविसेसविभावनमिदं सुत्तं पठमं निक्खित्तं । किञ्च सक्काये मज्जनामज्जनामुखेन पवत्तिनिवत्तीसु आदीनवानिसंसविभावनतो सब्बेसं पुग्गलानं पटिपत्तिविभागतो च इदमेव सुत्तं पठमं निक्खित्तं ।

यं पन एकस्सा देसनाय देसनन्तरेन सद्धि संसन्दनं, अयम्पि देसनासन्धि, सा एवं वेदितब्बा । “अस्सुतवा पुथुज्जनो... पे०... निब्बानं अभिनन्दती”ति अयं देसना । “इध, भिक्खवे, अस्सुतवा पुथुज्जनो...पे०... सप्पुरिसधम्मे अविनीतो मनसिकरणीये धम्मे नप्पजानाति, अमनसिकरणीये च धम्मे नप्पजानाति, सो मनसिकरणीये धम्मे अप्पजानन्तो अमनसिकरणीये च धम्मे अप्पजानन्तो ये धम्मा न मनसिकरणीया, ते धम्मे मनसि करोति...पे०... अनुप्पन्नो वा कामासवो उप्पज्जति, उप्पन्नो वा कामासवो पवट्ठति । अनुप्पन्नो वा भवासवो उप्पज्जति, उप्पन्नो वा भवासवो पवट्ठति, अनुप्पन्नो वा अविज्जासवो उप्पज्जति, उप्पन्नो वा अविज्जासवो पवट्ठती”ति (म० नि० १.१७) इमाय देसनाय संसन्दति । तथा “तस्सेतं पाटिकङ्कं सुभनिमित्तं मनसि करिस्सति, तस्स सुभनिमित्तस्स मनसिकारा रागो चित्तं अनुद्धंसेस्सति, सो सरागो सदोसो समोहो साङ्गणो संकिलिडुचित्तो कालं करिस्सती”ति (म० नि० १.५९) इमाय देसनाय संसन्दति । तथा “चक्खुज्जावुसो पटिच्च रूपे च उप्पज्जति चक्खुविज्जाणं, तिण्णं सङ्गति फस्सो, फस्सपच्चया वेदना । यं वेदेति तं सज्जानाति, यं सज्जानाति तं वितक्केति, यं वितक्केति तं पपज्जेति, यं पपज्जेति ततो निदानं पुरिसं पपज्जसज्जासङ्गा समुदाचरन्ती”ति (म० नि० १.२०४) इमाय देसनाय संसन्दति । तथा “इध, भिक्खवे, असुतवा पुथुज्जनो...पे०... सप्पुरिसधम्मे अविनीतो रूपं



‘एतं मम, एसोहमस्मि, एसो मे अत्ता’ति समनुपस्सति । वेदनं...पे०..., सज्जं...पे०..., सङ्खारे...पे०..., विज्जाणं ‘एतं मम, एसोहमस्मि, एसो मे अत्ता’ति समनुपस्सति । यम्पि तं दिट्ठं...पे०... यम्पि तं दिट्ठिद्वानं, सो लोको सो अत्ता सो पेच्च भविस्सामि निच्चो धुवो सस्सतो अविपरिणामधम्मो सस्सतिसमं तथेव ठस्सामीति, तम्पि ‘एतं मम, एसोहमस्मि, एसो मे अत्ता’ति समनुपस्सती’ति (म० नि० १.२४१) इमाय देसनाय संसन्दति ।

“योपि सो, भिक्खवे, भिक्खु...पे०... निब्बानं माभिनन्दी’ति अयं देसना । “इध, देवानमिन्द, भिक्खुनो सुतं होति ‘सब्बे धम्मा नालं अभिनिवेसाया’ति, एवञ्चेतं, देवानमिन्द, भिक्खुनो सुतं होति ‘सब्बे धम्मा नालं अभिनिवेसाया’ति, सो सब्बं धम्मं अभिजानाति, सब्बं धम्मं अभिज्जाय सब्बं धम्मं परिजानाति, सब्बं धम्मं परिज्जाय यं किञ्चि वेदनं वेदेति सुखं वा दुक्खं वा अदुक्खमसुखं वा, सो तासु वेदनासु अनिच्चानुपस्सी विहरति, विरागानुपस्सी विहरति, निरोधानुपस्सी विहरति, पटिनिस्सगानुपस्सी विहरती’ति (म० नि० १.३९०) इमाय देसनाय संसन्दति । “योपि सो, भिक्खवे, भिक्खु अरहं...पे०... अभिसम्बुद्धोति वदामी’ति अयं देसना “सुतवा च खो, भिक्खवे, अरियसावको...पे०... सप्पुरिसधम्मे सुविनीतो रूपं ‘नेतं मम, नेसोहमस्मि, न मेसो अत्ता’ति समनुपस्सति, वेदनं...पे०..., सज्जं...पे०..., सङ्खारे...पे०..., विज्जाणं ‘नेतं मम, नेसोहमस्मि, न मेसो अत्ता’ति समनुपस्सति । यम्पि तं दिट्ठं सुतं विज्जातं पत्तं परियेसितं अनुविचरितं मनसा, तम्पि ‘नेतं मम, नेसोहमस्मि, न मेसो अत्ता’ति समनुपस्सति । यम्पि तं दिट्ठिद्वानं, सो लोको सो अत्ता सो पेच्च भविस्सामि ‘निच्चो धुवो सस्सतो अपि परिणामधम्मो सस्सतिसमं तथेव ठस्सामी’ति, तम्पि ‘नेतं मम, नेसोहमस्मि, न मेसो अत्ता’ति समनुपस्सति । सो एवं समनुपस्सन्तो न परितस्सती’ति (म० नि० १.२४१) एवमादिदेसनाहि संसन्दतीति, अयं चतुब्बूहो हारो ।

### ७. आवत्तहारवण्णना

“अस्सुतवा पुथुज्जनो’ति इमिना योनिमनसिकारपटिक्खेपमुखेन अयोनिमनसिकारपरिग्गहो दीपितो । “अरियानं अदस्सावी’तिआदिना सप्पुरिसूपनिस्सयादिपटिक्खेपमुखेन असप्पुरिसूपनिस्सयादिपरिग्गहो दीपितो । तेसु पुरिमनयेन आसयविपत्ति कित्तिता, दुतियेन पयोगविपत्ति । पुरिमेन चस्स किलेसवट्ठं, तज्ज यतो विपाकवट्ठन्ति सकलं संसारचक्कमावत्तति । “पथविं मज्जती’तिआदिना तत्थ तिस्सो मज्जना वुत्ता । तासु तण्हामज्जना “एतं ममा’ति तण्हाग्गाहो, मानमज्जना “एसोहमस्मी’ति मानग्गाहो, दिट्ठिमज्जना “एसो मे अत्ता’ति दिट्ठिग्गाहो । तत्थ तण्हाग्गाहेन “तण्हं पटिच्चपरियेसना’तिआदिका (दी० नि० २.१०३; दी० नि० ३.३५९; अ० नि० ३.२३; विभ० ९६३) नव तण्हामूलका धम्मा आवत्तन्ति । मानग्गाहेन “सेय्योहमस्मी’तिआदिका नव मानविधा आवत्तन्ति । दिट्ठिग्गाहेन “रूपं अत्ततो समनुपस्सती’तिआदिका (सं० नि० ४.३४५) वीसतिवत्थुका सक्कायदिट्ठि आवत्तति । तीसु च गाहेसु याय सज्जाय तण्हाग्गाहस्स विक्खम्भना, सा दुक्खसज्जा दुक्खानुपस्सना । याय सज्जाय मानग्गाहस्स विक्खम्भना, सा अनिच्चसज्जा अनिच्चानुपस्सना । याय पन सज्जाय दिट्ठिग्गाहस्स विक्खम्भना, सा अनत्तसज्जा अनत्तानुपस्सना । तत्थ पठमग्गाहविसभागतो अप्पणिहितविमोक्खमुखं आवत्तति, दुतियग्गाहविसभागतो अनिमित्तविमोक्खमुखं आवत्तति, ततियग्गाहविसभागतो सुज्जतविमोक्खमुखं आवत्तति ।

सेक्खग्गहणेन अरियाय सम्मादिट्ठिया सङ्गहो, ततो च परतोघोसयोनिमनसिकारा दीपिता होन्ति । परतोघोसेन च सुतवा अरियसावकोति आवत्तति, योनिमनसिकारेन नव योनिमनसिकारमूलका धम्मा आवत्तन्ति, चतुब्बिधज्ज सम्पत्तिचक्कं । “मा मज्जी’ति मज्जनानं विष्पकतप्पहानतागहणेन एकच्चासवपरिक्खयो दीपितो होति, तेन च सद्धाविमुत्तदिट्ठिप्पत्तकायसक्खिभावा आवत्तन्ति । “अरहं खीणासवो’तिआदिना असेक्खा सीलक्खन्धादयो दस्सिता

होन्ति, सीलक्खन्धादिपरिपूरिया च दस नाथकरणा धम्मा आवत्तन्ति । “न मज्जती”ति मज्जनापटिक्खेपेन पञ्चसु उपादानक्खन्धेसु “नेतं मम, नेसोहमस्मि, न मेसो अत्ता”ति सम्मापटिपत्ति दस्सिता, तां च सातिसया निकन्तिपरियादानमानसमुग्घाटनदिट्ठिउग्घाटनानि पकासितानीति अप्पणिहितानिमित्त-सुज्जतविमोक्खा आवत्तन्ति ।

“तथागतो”तिआदिना सब्बज्जुगुणा विभाविताति तदविनाभावतो दसबल-चतुवेसारज्जअसाधारणजाणआवेणिकबुद्धधम्मा आवत्तन्ति । “नन्दी दुक्खस्स मूल”न्तिआदिना सद्धि हेतुना वट्टविवट्टं कथितन्ति पवत्तिनिवत्तितदुभयहेतुविभावेन चत्तारि अरियसच्चाणि आवत्तन्ति । “तण्हानं खया”तिआदिना तण्हप्पहानापदेसेन तदेकट्टभावतो दियट्टस्स किलेससहस्सस्स पहानं आवत्तति । “सब्बसो तण्हानं खया सम्मासम्बोधिं अभिसम्बुद्धो”ति च वुत्तत्ता “नन्दी दुक्खस्स मूल”न्ति, “इति विदित्वा”तिआदिना वुत्तस्स मज्जनाभावहेतुभूतस्स पच्चयाकारवेदनस्स सावकेहि असाधारणजाणचारभावो दस्सितो, तेन चतुवीसतिकोटिसतसहस्ससमापत्तिसञ्चारि भगवतो महावजिरजाणं आवत्ततीति । अयं आवत्तो हारो ।

## ८. विभत्तिहारवण्णना

“सब्बधम्ममूलपरियाय”न्ति एत्थ सब्बधम्मा नाम तेभूमका धम्मा सक्कायस्स अधिप्पेतत्ता । तेसं मज्जना पदट्टानं पपञ्चसङ्खानिमित्तत्ता लोकविचित्तस्स । तयिमे कुसला अकुसला अब्याकताति तिविधा । तेसु कुसलानं योनिमोमनसिकारादि पदट्टानं, अकुसलानं अयोनिमोमनसिकारादि, अब्याकतानं कम्मभवआवज्जनभूतरूपादि पदट्टानं । तत्थ कुसला कामावचरादिवसेन भूमितो तिविधा, तथा अब्याकता चित्तुप्पादसभावा, अचित्तुप्पादसभावा पन कामावचराव तथा अकुसला । परियत्तिपटिपत्तिपटिवेधसुतकिच्चाभावेन तिविधो अस्सुतवा । अन्धकल्याणविभागेन दुविधो पुथुज्जनो । सम्मासम्बुद्धपच्चेकबुद्धसावकभेदेन तिविधा अरिया । मंसचक्खुदिब्बचक्खुपञ्चाचक्खूहि दस्सनाभावेन तिविधो अदस्सावी । मग्गफलनिब्बानभेदेन तिविधो, नवविधो वा अरियधम्मो । सवनधारणपरिचयमनसिकारपटिवेधवसेन पञ्चविधा अरियधम्मस्स कोविदता । तदभावतो अकोविदो । संवरपहानभेदेन दुविधो, दसविधो वा अरियधम्मविनयो, तदभावतो अरियधम्मे अविनीतो । एत्थ पदट्टानविभागो हेट्ठा दस्सितोयेव । “सप्पुरिसानं अदस्सावी”तिआदीसुपि एसेव नयो । “पथविं मज्जती”तिआदीसु मज्जनावत्थुविभागो पाळियं आगतोव, तथा अज्झत्तिकबाहिरादिको च अन्तरविभागो ।

मज्जना पन तण्हामानदिट्ठिवसेन सङ्खेपतो तिविधा, वित्थारतो पन तण्हामज्जना ताव कामतण्हादिवसेन अट्टसतविधा, तथा “अस्मीति सति इत्थंस्मीति होती”तिआदिना । एवं मानमज्जनापि । “अस्मीति सति इत्थंस्मीति होती”तिआदिना पपञ्चत्तयं उट्ठिं निट्ठिज्जाति । एतेन दिट्ठिमज्जनायपि अट्टसतविधता वुत्ताति वेदितब्बा । अपिच सेय्यस्स “सेय्योहमस्मी”तिआदिना मानमज्जनाय नवविधता तदन्तरभेदेन अनेकविधता च वेदितब्बा । अयञ्च अत्थो हीनत्तिकथवण्णनाय विभावेतब्बो । दिट्ठिमज्जनाय पन ब्रह्मजाले आगतनयेन द्वासट्ठिविधता तदन्तरभेदेन अनेकविधता च वेदितब्बा । “अपरिज्जात”न्ति एत्थ जातपरिज्जादिवसेन चेव रूपमुखादिअभिनिवेसभेदादिवसेन च परिज्जानं अनेकविधता वेदितब्बा । तथा अट्टमकादिवसेन सेक्खविभागो पज्जाविमुत्तादिवसेन असेक्खविभागो च । अयमेत्थ धम्मविभागो । पदट्टानविभागो च भूमिविभागो च वुत्तनयानुसारेण वेदितब्बाति । अयं विभत्तिहारो ।

## ९. परिवत्तहारवण्णना

“सब्बधम्ममूलपरियाय”न्ति एत्थ “सब्बधम्मा”ति पञ्चुपादानक्खन्धा गहिता, तेसं मूलकारणन्ति च

तण्हामानदिट्ठियो । तथा अस्सुतवा पुथुज्जनो...पे०... सप्पुरिसधम्मे अविनीतोति । यावकीवच्च पच्चसु उपादानक्खन्धेसु सुभतो सुखतो निच्चतो अत्ततो समनुपस्सनवसेन “एतं मम, एसोहमस्मि, एसो मे अत्ता”ति तण्हामानदिट्ठिगाहा न समुच्छिज्जन्ति, ताव नेसं पबन्धूपरमो सुपिनन्तेपि न केनचि लद्धपुब्बो । यदा पन नेसं असुभतो दुक्खतो अनिच्चतो अनत्ततो समनुपस्सनवसेन “नेतं मम, नेसोहमस्मि, न मेसो अत्ता”ति पवत्तमाना अप्पणिहितानिमित्तसुज्जतानुपस्सना उस्सविकत्वा अरियमग्गाधिगमाय संवत्तन्ति, अथ नेसं पबन्धूपरमो होति अच्चन्तअप्पज्जत्तिकभावूपगमनतो । तेन वुत्तं “सब्बधम्माति पच्चुपादानक्खन्धा गहिता, तेसं मूलकारणन्ति च तण्हामानदिट्ठियो”ति । तथा अस्सुतवा पुथुज्जनो...पे०... सप्पुरिसधम्मे अविनीतो तीहिपि मज्जनाहि पथविं मज्जति याव निब्बानं अभिनन्दति, तीहिपि परिज्जाहि तस्स तं वत्थु अपरिज्जातन्ति कत्वा । यस्स पन तं वत्थु तीहि परिज्जाहि परिज्जातं, न सो इतरो विय तं मज्जति । तेनाह भगवा “सुतवा च खो, भिक्खवे, अरियसावको...पे०... सप्पुरिसधम्मे सुविनीतो रूपं ‘नेतं मम, नेसोहमस्मि, न मेसो अत्ता’ति समनुपस्सति, वेदनं...पे०... असति न परितस्सती”ति (म० नि० १.२४१) । सेक्खो पथविं मा मज्जि, याव निब्बानं माभिनन्दि, अरहा सम्मासम्बुद्धो च पथविं न मज्जति, याव निब्बानं नाभिनन्दति, मज्जनामज्जितेसु वत्थूसु मत्तसो सब्बसो च परिज्जाभिसमयसंसिद्धिया पहानाभिसमयनिब्बत्तितो । यस्स पन तेसु वत्थूसु सब्बसो मत्तसो वा परिज्जा एव नत्थि, कुतो पहानं, सो यथापरिकप्पं निरङ्कुसाहि मज्जनाहि “एतं ममा”तिआदिना मज्जतेव । तेनाह भगवा “इध, भिक्खवे, अस्सुतवा पुथुज्जनो...पे०... सप्पुरिसधम्मे अविनीतो रूपं ‘एतं मम, एसोहमस्मि, एसो मे अत्ता’ति समनुपस्सति, वेदनं...पे०..., सज्ज...पे०...”न्तिआदि (म० नि० १.२४१) । अयं परिवत्तो हारो ।

## १०. वेवचनहारवण्णना

“सब्बधम्मा सकलधम्मा अनवसेसधम्मा”ति परियायवचनं, “मूलपरियायं मूलकारणं असाधारणहेतु”न्ति परियायवचनं, “मूलपरियायन्ति वा मूलदेसनं कारणतथन”न्ति परियायवचनं, “वो तुम्हाकं तुम्ह”न्ति परियायवचनं, “भिक्खवे, समणा तपस्सिनो”ति परियायवचनं, “देसेस्सामी कथेस्सामी पच्चपेस्सामी”ति परियायवचनं, “सुणाथ सोतं ओदहथ सोतद्वारानुसारेण उपधारेथा”ति परियायवचनं, “साधुकं सम्मा सक्कच्च”न्ति परियायवचनं, “मनसि करोथ चित्ते ठपेथ समन्नाहरथा”ति परियायवचनं, “भासिस्सामि ब्यत्तं कथेस्सामि विभजिस्सामी”ति परियायवचनं, “एवं, भन्ते, साधु सुट्ठु भन्ते”ति परियायवचनं, “पच्चस्सोसुं सम्पटिच्छिंसु सम्पटिग्गहेसु”न्ति परियायवचनं । इमिना नयेन सब्बपदेसु वेवचनं वत्तब्बन्ति । अयं वेवचनो हारो ।

## ११. पज्जत्तिहारवण्णना

“सब्बधम्ममूलपरियाय”न्ति एत्थ सब्बधम्मा नाम सक्कायधम्मा, ते खन्धवसेन पच्चधा पज्जत्ता, आयतनवसेन द्वादसधा, धातुवसेन अट्ठारसधा पज्जत्ता । “मूल”न्ति वा “मूलपरियाय”न्ति वा मज्जना वुत्ता, ता तण्हामानदिट्ठिवसेन तिधा अन्तरभेदेन अनेकधा च पज्जत्ता । अथ वा “सब्बधम्मा”ति तेभूमकधम्मानं सङ्गहपज्जत्ति, “मूलपरियाय”न्ति तेसं पभवपज्जत्ति, “वो”ति सम्पदानपज्जत्ति, “देसेस्सामि भासिस्सामी”ति पटिज्जापज्जत्ति, “सुणाथ साधुकं मनसि करोथा”ति च आणापनपज्जत्ति, “अस्सुतवा”ति पटिवेधविमुखतापज्जत्ति चेव परियत्तिविमुखतापज्जत्ति च, “पुथुज्जनो”ति अनरियपज्जत्ति, सा अरियधम्मपटिक्खेपपज्जत्ति चेव अरियधम्मविरहपज्जत्ति च, “अरियान”न्ति असमपज्जत्ति चेव समपज्जत्ति च । तत्थ असमपज्जत्ति तथागतपज्जत्ति, समपज्जत्ति पच्चेकबुद्धानज्जेव उभतोभागविमुत्तादीनज्जेव वसेन अट्ठविधा वेदितब्बा । “अरियानं अदस्सावी”तिआदि दस्सनभावनापटिक्खेपपज्जत्ति, “पथविं मज्जती”तिआदि पज्जन्नं उपादानक्खन्धानं द्वादसन्नं आयतनानं अट्ठारसन्नं धातूनं सम्मसनुपगानं इन्द्रियानं

निकखेपपञ्जत्ति चेव पभवपञ्जत्ति च, तथा विपल्लासानं किच्चपञ्जत्ति परियुट्ठानं दस्सनपञ्जत्ति किलेसानं फलपञ्जत्ति अभिसङ्खारानं विरूहनपञ्जत्ति तण्हाय अस्सादनपञ्जत्ति दिट्ठिया विप्फन्दनपञ्जत्ति, “सेक्खा”ति सद्धानुसारीसद्भावमुत्तदिट्ठिप्पत्तकायसक्खीनं दस्सनपञ्जत्ति चेव भावनापञ्जत्ति च “अप्पत्तमानसो”ति सेक्खधम्मनं ठितिपञ्जत्ति, “अनुत्तरं योगक्खेमं पत्थयमानो”ति पञ्जाय अभिनिब्बिदापञ्जत्ति, “अभिजानाती”ति अभिज्जेय्यधम्मनं अभिज्जापञ्जत्ति, दुक्खस्स परिज्जापञ्जत्ति, समुदयस्स पहानपञ्जत्ति, निरोधस्स सच्छिकिरियापञ्जत्ति, मग्गस्स भावनापञ्जत्ति, “मा मज्जी”ति मज्जनानं पटिक्खेपपञ्जत्ति, समुदयस्स पहानपञ्जत्ति । इमिना नयेन सेसपदेसुपि वित्थारेतब्बं । अयं पञ्जत्ति हारो ।

## १२. ओतरणहारवण्णना

“सब्बधम्ममूलपरियाय”न्ति एत्थ सब्बधम्मा नाम लोकिया पच्चक्खन्धा द्वादसायतनानि अट्टारस धातुयो द्वे सच्चानि एकूनविसति इन्द्रियानि द्वादसपदिको पच्चयाकारोति, अयं सब्बधम्मगगहणेन खन्धादिमुखेन देसनाय ओतरणं । “मूल”न्ति वा “मूलपरियाय”न्ति वा मज्जना वुत्ता, ता अत्थतो तण्हा मानो दिट्ठि चाति तेसं सङ्खारक्खन्धसङ्गहोति अयं खन्धमुखेन ओतरणं । तथा “धम्मायतनधम्मधातूहि सङ्गहो”ति अयं आयतनमुखेन धातुमुखेन च ओतरणं । “अस्सुतवा”ति इमिना सुतस्स विबन्धभूता अविज्जादयो गहिता, “पुथुज्जनो”ति इमिना येसं किलेसाभिसङ्खारानं जननादिना पुथुज्जनोति वुच्चति, ते किलेसाभिसङ्खारादयो गहिता, “अरियानं अदस्सावी”तिआदिना येसं किलेसधम्मनं वसेन अरियानं अदस्साविआदिभावो होति, ते दिट्ठिमानाविज्जादयो गहिताति सब्बेहि तेहि सङ्खारक्खन्धसङ्गहोति पुब्बे वुत्तनयेनेव ओतरणं वेदितब्बं । “सज्जानाति मज्जति अभिजानाति न मज्जती”ति एत्थापि सज्जाननमज्जनाअभिजाननानुपस्सनानं सङ्खारक्खन्धपरियापन्नता वुत्तनयेनेव ओतरणं वेदितब्बं । तथा सेक्खगगहणेन सेक्खा, “अरह”न्तिआदिना असेक्खा सीलक्खन्धादयो गहिताति एवमि खन्धमुखेन ओतरणं, आयतनधातादिमुखेन च ओतरणं वेदितब्बं । तथा “न मज्जती”ति तण्हागाहादिपटिक्खेपेन दुक्खानुपस्सनादयो गहिता, तेसं वसेन अप्पणिहितविमोक्खमुखादीहि ओतरणं वेदितब्बं । “परिज्जात”न्ति इमिना परिजाननकिच्चेन पवत्तमाना बोधिपक्खियधम्मा गहन्तीति सतिपट्ठानादिमुखेन ओतरणं वेदितब्बं । नन्दिगगहणेन भवगगहणेन तण्हागहणेन च समुदयसच्चं, दुक्खगगहणेन जातिजरामरणगगहणेन च दुक्खसच्चं, “तण्हानं खया”तिआदिना निरोधसच्चं, अभिसम्बोधिगगहणेन मग्गसच्चं गहितन्ति अरियसच्चेहि ओतरणन्ति । अयं ओतरणो हारो ।

## १३. सोधनहारवण्णना

“सब्बधम्ममूलपरियायं वो, भिक्खवे...पे०... इध, भिक्खवे, अस्सुतवा...पे०... पथविं पथवितो सज्जानाती”ति आरम्भो । “पथविं पथविया सज्जत्वा पथविं मज्जती”ति पदसुद्धि, नो आरम्भसुद्धि । तथा “पथविया मज्जति पथवितो मज्जति पथविं मेति मज्जति पथविं अभिनन्दती”ति पदसुद्धि, नो आरम्भसुद्धि । “तं किस्स हेतु अपरिज्जातं तस्साति वदामी”ति पदसुद्धि चेव आरम्भसुद्धि च । सेसवारेसुपि एसेव नयोति । अयं सोधनो हारो ।

## १४. अधिट्ठानहारवण्णना

“सब्बधम्ममूलपरियाय”न्ति एत्थ सब्बधम्मगगहणं सामज्जतो अधिट्ठानं । “पथविं आप”न्तिआदि पन तं अविकप्पेत्वा विसेसवचनं । तथा “मूलपरियाय”न्ति सामज्जतो अधिट्ठानं, तं अविकप्पेत्वा विसेसवचनं “पथविं मज्जति...”

पे०... अभिनन्दती”ति । “पथविं मञ्जती”ति च सामञ्जतो अधिष्ठानं तण्हादिग्गाहानं साधारणत्ता मञ्जनाय, तं अविकप्पेत्वा विसेसवचनं “एतं मम, एसोहमस्मि, एसो मे अत्ता”ति, एवं सुत्तन्तरपदानिपि आनेत्वा विसेसवचनं निद्वारेतब्बं । सेसवारेसुपि एसेव नयो । “सेक्खो”ति सामञ्जतो अधिष्ठानं, तं अविकप्पेत्वा विसेसवचनं “कायसक्खी दिट्ठिप्पत्तो सद्भावमुत्तो सद्धानुसारी धम्मानुसारी”ति । तथा “सेक्खो”ति सामञ्जतो अधिष्ठानं, तं अविकप्पेत्वा विसेसवचनं “इध, भिक्खवे, भिक्खु सेक्खाय सम्मादिट्ठिया समन्नागतो होति... पे०... सेक्खेन सम्मासमाधिना समन्नागतो होती”ति (सं० नि० ५.१३) । “अरह”न्ति सामञ्जतो अधिष्ठानं, तं अविकप्पेत्वा विसेसवचनं “उभतोभागविमुत्तो पञ्चाविमुत्तो (पु० प० १३.२; १५.१ मातिका), तेविज्जो छलभिज्जो”ति (पु० प० ७.२६, २७ मातिका) च । “खीणासवो”ति सामञ्जतो अधिष्ठानं, तं अविकप्पेत्वा विसेसवचनं “कामासवापि चित्तं विमुच्चित्थ, भवासवापि चित्तं विमुच्चित्था”तिआदि (पारा० १४) । सेसपदेसुपि एसेव नयो । “अभिजानाती”ति सामञ्जतो अधिष्ठानं, तं अविकप्पेत्वा विसेसवचनं “मञ्जती”ति । मञ्जनाभावो हिस्स प्हानपटिवेधसिद्धो, प्हानपटिवेधो च परिज्जासच्छिकिरियाभावनापटिवेधेहि न विनाति सब्बेपि अभिज्जाविसेसा मञ्जनापटिक्खेपेन अत्थतो गहिताव होन्तीति । तथा “अरह”न्ति सामञ्जतो अधिष्ठानं, तं अविकप्पेत्वा विसेसवचनं “वीतरागत्ता वीतदोसत्ता वीतमोहत्ता”ति । इमिना नयेन सेसपदेसुपि सामञ्जविसेसनिद्वारणा वेदितब्बा । अयं अधिष्ठानो हारो ।

#### १४. परिक्रारहारवण्णना

“सब्बधम्ममूलपरियाय”न्ति एत्थ सब्बधम्मा नाम परियापन्नधम्मा, ते कुसलाकुसलाब्बाकतभेदेन तिविधा । तेसु कुसलानं योनिमनसिकारो अलोभादयो च हेतू, अकुसलानं अयोनिमनसिकारो लोभादयो च हेतू, अब्बाकतेसु विपाकानं यथासकं कम्मं, इतरेसं भवङ्गमावज्जनसमन्नाहारादि च हेतू । एत्थ च सप्पुरिसूपनिस्सयादिको पच्चयो हेतुमिह एव समवरूहो, सो तत्थ आदि-सद्देन सङ्गहितोति दट्ठब्बो । “मूल”न्ति वुत्तानं मञ्जनानं हेतुभावो पाळियं वुत्तो एव । मञ्जनासु पन तण्हामञ्जनाय अस्सादानुपस्सना हेतु । “सज्जोनिनयेसु धम्मेसु अस्सादानुपस्सिनो तण्हा पवट्ठती”ति (सं० नि० २.५२) हि वुत्तं । मानमञ्जनाय दिट्ठिविप्पयुत्तलोभो हेतु केवलं संसग्गवसेन “अहमस्मी”ति पवत्तनतो । दिट्ठिमञ्जनाय एकत्तनयादीनं अयाथावग्गाहो हेतु, अस्सुतभावो पुथुज्जनभावस्स हेतु, सो अरियानं अदस्सनसीलताय, सा अरियधम्मस्स अकोविदताय, सा अरियधम्मे अविनीतताय हेतु, सब्बा चायं हेतुपरम्परा पथवीआदीसु “एतं मम, एसोहमस्मि, एसो मे अत्ता”ति तिस्सन्नं मञ्जनानं हेतु, सेक्खारहादिभावा पन मत्तसो सब्बसो च मञ्जनाभावस्स हेतूति । अयं परिक्रारो हारो ।

#### १६. समारोपनहारवण्णना

“सब्बधम्ममूलपरियाय”न्तिआदीसु मूलपरियायग्गहणेन अस्सुतवागहणेन सज्जाननमञ्जनापरिज्जागहणेहि च संकिलेसधम्मा दस्सिता, ते च सङ्खेपतो तिविधा तण्हासंकिलेसो दिट्ठिसंकिलेसो दुच्चरितसंकिलेसोति । तत्थ तण्हासंकिलेसो तण्हासंकिलेसस्स, दिट्ठिसंकिलेसस्स, दुच्चरितसंकिलेसस्स च पदद्वानं, तथा दिट्ठिसंकिलेसो दिट्ठिसंकिलेसस्स, तण्हासंकिलेसस्स, दुच्चरितसंकिलेसस्स च पदद्वानं, दुच्चरितसंकिलेसोपि दुच्चरितसंकिलेसस्स, तण्हासंकिलेसस्स, दिट्ठिसंकिलेसस्स च पदद्वानं । तेसु तण्हासंकिलेसो अत्थतो लोभोव, यो “लोभो लुब्भना लुब्भित्तं सारागो सारज्जना सारज्जित्त”न्तिआदिना (ध० सं० ३८९) अनेकेहि परियायेहि विभत्तो । तथा दिट्ठियेव दिट्ठिसंकिलेसो, यो “दिट्ठिगतं दिट्ठिगहनं दिट्ठिकन्तारो दिट्ठिविसूकं दिट्ठिविप्फन्दित”न्तिआदिना (ध० सं० ११०५) अनेकेहि परियायेहि, “सन्ति, भिक्खवे, एके समणब्राह्मणा”तिआदिना (दी० नि० १.३०) द्वासट्ठिया पभेदेहि च विभत्तो । दुच्चरितसंकिलेसो पन

अत्थतो दुस्सील्यचेतना चेव चेतनासम्पयुत्तधम्मा च, या “कायदुच्चरितं वचीदुच्चरितं कायविसमं वचीविसम”न्ति (विभ० ९१३, ९२४), “पाणातिपातो अदिन्नादान”न्ति (विभ० ९१३) च आदिना अनेकेहि परियायेहि, अनेकेहि पभेदेहि च विभत्ता ।

तेसु तण्हासंकिलेसस्स समथो पटिपक्खो, दिट्ठिसंकिलेसस्स विपस्सना, दुच्चरितसंकिलेसस्स सीलं पटिपक्खो । ते पन सीलादयो धम्मा इध परिज्जागहणेन सेक्खग्गहणेन “अरह”न्ति आदिना अरियतादिग्गहणेन च गहिता । तत्थ सीलेन दुच्चरितसंकिलेसप्पहानं सिज्झति, तथा तदङ्गप्पहानं वीतिक्कमप्पहानञ्च, समथेन तण्हासंकिलेसप्पहानं सिज्झति, तथा विक्खम्भनप्पहानं परियुट्ठानप्पहानञ्च । विपस्सनाय दिट्ठिसंकिलेसप्पहानं सिज्झति, तथा समुच्छेदप्पहानं अनुसयप्पहानञ्च । तत्थ पुब्बभागे सीले पतिट्ठितस्स समथो, समथे पतिट्ठितस्स विपस्सना, मग्गक्खणे पन समकालमेव भवन्ति । पुब्बेयेव हि सुपरिसुद्धकायवचीकम्मस्स सुपरिसुद्धाजीवस्स च समथविपस्सना आरद्धा गम्भं गण्हन्तियो परिपाकं गच्छन्तियो वुट्ठानगामिनिविपस्सनं परिब्रूहेन्ति, वुट्ठानगामिनिविपस्सना भावनापारिपूरिं गच्छन्ती मग्गेन घटेन्ति मग्गक्खणे समथविपस्सना परिपूरेति । अथ मग्गक्खणे समथविपस्सनाभावनापारिपूरिया अनवसेससंकिलेसधम्मं समुच्छिन्दन्तियो निरोधं निब्बानं सच्छिकरोन्तीति । अयं **समारोपनो हारो** ।

सोळसहारवण्णना निट्ठिता ।

## पञ्चविधनयवण्णना

### १. नन्दियावट्टनयवण्णना

“सब्बधम्ममूलपरियाय”न्ति आदीसु सब्बधम्ममूलगहणेन मज्जनागहणेन च तण्हामानदिट्ठियो गहिता । मज्जनानम्पि हि मज्जना कारणन्ति दस्सितोयमत्थो । “अस्सुतवा”ति आदिना अविज्जामानदिट्ठियो गहिता, सब्बेपि वा संकिलेसधम्मा, तथा सज्जाअपरिज्जातगहणेन । “खीणासवो परिकखीणभवसज्जोजनो”ति एत्थ पन आसवा सज्जोजनानि च सरूपतो गहितानि, तथा नन्दिग्गहणेन तण्हागहणेन च तण्हा, एवमेत्थ सरूपतो परियायतो च तण्हा अविज्जा तप्पक्खियधम्मा च गहिता । तत्थ तण्हाय विसेसतो रूपधम्मा अधिट्ठानं, अविज्जाय अरूपधम्मा, ते पन सब्बधम्मगहणेन पथवीआदिग्गहणेन च दस्सिता एव । तासं समथो विपस्सना च पटिपक्खो, तेसमेत्थ गहेतब्बाकारो हेट्ठा दस्सितो एव । समथस्स चेतोविमुत्ति फलं, विपस्सनाय पज्जाविमुत्ति । तथा हि ता “रागविरागा”ति आदिना विसेसेत्वा वुच्चन्ति, इमासमेत्थ गहणं सम्मदज्जाविमुत्तवीतरागादिवचनेहि वेदितब्बं । तत्थ तण्हाविज्जा समुदयसच्चं, तप्पक्खियधम्मा पन तग्गहणेनेव गहिताति वेदितब्बा । तेसं अधिट्ठानभूता वुत्तप्पभेदा रूपारूपधम्मा दुक्खसच्चं, तेसं अप्पवत्ति निरोधसच्चं, निरोधपजानना पटिपदा मग्गसच्चं । तण्हागहणेन चेत्य माया-साठेय्य-मानातिमान-मदप्पमाद-पापिच्छता-पापमित्तता-अहिरिकानोत्तप्पादिवसेन अकुसलपक्खो नेतब्बो, अविज्जागहणेन विपरीतमनसिकार-कोधूपनाह-मक्ख-पळास-इस्सा-मच्छरिय-सारम्भदोवचस्सता-भवदिट्ठि-विभवदिट्ठिआदिवसेन अकुसलपक्खो नेतब्बो, वुत्तविपरियायेन अमायाअसाठेय्यादिअविपरीतमनसिकारादिवसेन, तथा समथपक्खियानं सद्धिन्द्रियादीनं विपस्सनापक्खियानं अनिच्चसज्जादीनञ्च वसेन वोदानपक्खो नेतब्बोति । अयं **नन्दियावट्टस्स न यस्स भूमि** ।

### २. तिपुक्खलनयवण्णना

तथा वृत्तनयेन सरूपतो परियायतो च गहितेसु तण्हाविज्जातप्पक्खियधम्मेषु तण्हा लोभो, अविज्जा मोहो, अविज्जाय सम्पयुत्तो लोहिते सति पुब्बो विय तण्हाय सति सिज्झमानो आघातो दोसो, इति तीहि अकुसलमूलेहि गहितेहि, तप्पटिपक्खतो मज्जनापटिक्खेपपरिज्जागहणादीहि च कुसलमूलानि सिद्धानियेव होन्ति । इधापि “लोभो सब्बानि वा सासवकुसलाकुसलमूलानि समुदयसच्चं, तेहि निब्बत्ता, तेसं अधिट्ठानगोचरभूता च उपादानक्खन्धा दुक्खसच्च”न्ति आदिना सच्चयोजना वेदितब्बा । फलं पनेत्थ तयो विमोक्खा, तीहि पन अकुसलमूलेहि तिविधदुच्चरित-संकिलेसमल-विसमअकुसल-सज्जा-वितक्कादिवसेन अकुसलपक्खो नेतब्बो । तथा तीहि कुसलमूलेहि तिविधसुचरित-समकुसल-सज्जा-वितक्क-सद्धम्म-समाधि-विमोक्खमुख-विमोक्खा-दिवसेन कुसलपक्खो नेतब्बोति । अयं **तिपुक्खलस्स नयस्स भूमि** ।

### ३. सीहविककीळितनयवण्णना

तथा वृत्तनयेन सरूपतो परियायतो च गहितेसु तण्हाविज्जातप्पक्खियधम्मेषु विसेसतो तण्हादिट्ठिनं वसेन असुभे “सुभ”न्ति, दुक्खे “सुख”न्ति च विपल्लासा, अविज्जादिट्ठिनं वसेन अनिच्चे “निच्च”न्ति, अनत्तनि “अत्ता”ति च विपल्लासा वेदितब्बा । तेसं पटिपक्खतो मज्जनापटिक्खेपपरिज्जागहणादिसिद्धेहि सति वीरियसमाधिपज्जिन्द्रियेहि चत्तारि सतिपट्ठानानि सिद्धानेव होन्ति । तत्थ चतूहि इन्द्रियेहि चत्तारो पुगला निद्विसितब्बा । कथं? दुविधो हि तण्हाचरितो मुदिन्द्रियो तिक्खिन्द्रियोति, तथा दिट्ठिचरितो । तेसं पठमो असुभे “सुभ”न्ति विपरियासग्गाही सतिबलेन यथाभूतं कायसभावं सल्लक्खेन्तो तं विपल्लासं समुग्घाटेत्वा सम्मत्तनियामं ओक्कमति । दुतियो असुखे “सुख”न्ति विपरियासग्गाही “उप्पन्नं कामवितक्कं नाधिवासेती”ति आदिना (दी० नि० ३.३१०; म० नि० १.२६; अ० नि० ४.१४, ११४; अ० नि० ६.५८) वृत्तेन वीरियसंवरभूतेन वीरियबलेन तं विपल्लासं विधमेन्तो सम्मत्तनियामं ओक्कमति । ततियो अनिच्चे “निच्च”न्ति अयाथावग्गाही समाधिबलेन समाहितचित्तो सङ्खारानं खणिकभावसल्लक्खणेन तं विपल्लासं समुग्घाटेन्तो अरियभूमिं ओक्कमति । चतुत्थो सन्ततिसमूहकिच्चारम्मणधनवज्जितताय फस्सादिधम्मपुज्जमत्ते अनत्तनि “अत्ता”ति मिच्छाभिनिवेसी चतुकोटिकसुज्जतामनसिकारेन तं मिच्छाभिनिवेसं विद्धंसेन्तो सामज्जफलं सच्छिकरोति ।

इधापि सुभसज्जासुखसज्जाहि चतूहिपि वा विपल्लासेहि समुदयसच्चं, तेसं अधिट्ठानारम्मणभूता पञ्चुपादानक्खन्धा दुक्खसच्चन्ति आदिना सच्चयोजना वेदितब्बा । फलं पनेत्थ चत्तारि सामज्जफलानि, चतूहि चित्तविपल्लासेहि चतुरासवोद्योग-कायगन्ध-अगति-तणहुप्पाद-सल्लुपादान-विज्जाणट्ठिति-अपरिज्जादिवसेन अकुसलपक्खो नेतब्बो । तथा चतूहि सतिपट्ठानेहि चतुब्बिधज्ञान-विहाराधिट्ठान-सुखभागियधम्म-अप्पमज्जा-सम्मप्यधान-इद्धिपादा-दिवसेन वोदानपक्खो नेतब्बोति । अयं **सीहविककीळितस्स नयस्स भूमि** ।

### ४-५. दिसालोचन-अङ्कुसनयद्वयवण्णना

इमेसं पन तिण्णं अत्थनयानं सिद्धिया वोहारेन नयद्वयं सिद्धमेव होति । तथा हि अत्थनयानं दिसाभूतधम्मानं समालोचनं **दिसालोचनं**, तेसं समानयनं **अङ्कुसो**ति पञ्चपि नया नियुत्ताति वेदितब्बा ।

पञ्चविधनयवण्णना निड्डिता ।

### सासनपट्टानवण्णना

इदञ्च सुत्तं सोळसविधे सुत्तन्तपट्टाने संकिलेसनिब्बेधासेक्खभागियं, सब्बभागियमेव वा “सब्बधम्ममूलपरियाय”न्ति एत्थ सब्बधम्मगहणेन लोकियकुसलानम्पि सङ्गहितत्ता । अट्ठवीसतिविधेन पन सुत्तन्तपट्टाने लोकियलोकुत्तरसब्बधम्माधिष्ठानं जाणजेय्यं दस्सनभावनं सकवचनं विस्सज्जनीयं कुसलाकुसलं अनुज्जातं पटिक्खितं चाति वेदितब्बं ।

नेत्तिनयवण्णना निट्ठिता ।

मूलपरियायसुत्तवण्णनाय लीनत्थप्पकासना समत्ता ।

## २. सब्बासवसुत्तवण्णना

१४. अपुब्बपदवण्णनाति अत्थसंवण्णनावसेन हेट्ठा अगगहितताय अपुब्बस्स अभिनवस्स पदस्स वण्णना अत्थविभजना । “हित्वा पुनप्पुनागतमत्थ”न्ति हि वुत्तं । निवासट्ठानभूता भूतपुब्बनिवासट्ठानभूता, निवासट्ठाने वा भूता निब्बत्ता निवासट्ठानभूता, तत्थ मापिताति अत्थो । यथा काकन्दी माकन्दी कोसम्बीति यथा काकन्दस्स इसिनो निवासट्ठाने मापिता नगरी काकन्दी, माकन्दस्स निवासट्ठाने मापिता माकन्दी, कुसम्बस्सनिवासट्ठाने मापिता कोसम्बीति वुच्चति, एवं सावत्थीति दस्सेति । उपनेत्वा समीपे कत्वा भुज्जितब्बतो उपभोगो, सविज्जाणकवत्थु । परितो सब्बदा भुज्जितब्बतो परिभोगो, निवासनपारुपनादि अविज्जाणकवत्थु । सब्बमेत्थ अत्थीति निरुत्तिनयेन सावत्थी-सद्वसिद्धिमाह । सत्थसमायोगेति सत्थस्स नगरिया समागमे, सत्थे तं नगरं उपगतेति अत्थो । पुच्छिते सत्थिकजनेहि ।

समोहितन्ति सन्निचितं । रम्मन्ति अन्तो बहि च भूमिभागसम्पत्तिया चेव आरामुय्यानसम्पत्तिया च रमणीयं । दस्सनेय्यन्ति विसिखासन्निवेससम्पत्तिया चेव पासादकूटागारादिसम्पत्तिया च दस्सनीयं पस्सितब्बयुत्तं । उपभोगपरिभोगवत्थुसम्पत्तिया चेव निवाससुखताय च निबद्धवासं वसन्तानं इतरेसञ्च सत्तानं मनं रमेतीति मनोरमं । दसहि सद्देहीति हत्थिसद्दो, अस्स-रथ-भेरि-सङ्घ-मुदिङ्ग-वीणा-गीत सम्मताळसद्दो, अस्त्राथ-पिवथ-खादथाति-सद्दोति इमेहि दसहि सद्देहि । अविवित्तन्ति न विवित्तं, सब्बकालं घोसितन्ति अत्थो ।

वुद्धिं वेपुल्लतं पत्तन्ति तन्निवासी सत्तवुद्धिया वुद्धिं, ताय परिवुद्धितायेव विपुलभावं पत्तं, बहुजनं आकिण्णमनुस्सन्ति अत्थो । वित्तूपकरणसमिद्धिया इद्धं । सब्बकालं सुभिक्षभावेन फीतं । अन्तमसो विघासादे उपादाय सब्बेसं कपणद्धिकवनिब्बकयाचकानम्पि इच्छि तत्थनिप्फत्तिया मनुज्जं जातं, पगेव इस्सरिये ठितानन्ति दस्सनत्थं पुन “मनोरम”न्ति वुत्तं । अळकमन्दावाति आटानाटादीसु दससु वेस्सवणमहाराजस्स नगरीसु अळकमन्दा नाम एका नगरी, या लोके अळाका एव वुच्चति । सा यथा पुज्जकम्मीनं आवासभूता आरामरामणेय्यकादिना सोभगगप्पत्ता, एवं सावत्थीपीति वुत्तं “अळकमन्दावा”ति । देवानन्ति वेस्सवणपक्खियानं चातुमहाराजिकदेवानं ।

जिनातीति इमिना सोत-सद्दो विय कत्तुसाधनो जेत-सद्दोति दस्सेति । रज्जाति पसेनदिकोसलराजेन । राजगतं जयं आरोपेत्वा कुमारो जितवाति जेतोति वुत्तो । मङ्गलकव्यतायातिआदिना “जेय्यो”ति एतस्मिं अत्थे “जेतो”ति वुत्तन्ति दस्सेति । सब्बकामसमिद्धितायाति सब्बेहि उपभोगपरिभोगवत्थूहि फीतभावेन विभवसम्पन्नतायाति अत्थो । समिद्धापि मच्छरिनो किञ्चि न देन्तीति आह “विगतमलमच्छेरताया”ति, रागदोसादिमलानञ्चेव मच्छरियस्स च अभावेनाति अत्थो । समिद्धा अमच्छरिनोपि च करुणासद्धादिगुणविरहिता अत्तनो सन्तकं परेसं न ददेय्युन्ति आह



“करुणादिगुणसमङ्गिताय चा”ति । तेनाति अनाथानं पिण्डदानेन । सद्वृत्ततो पन दातव्यभावेन सब्बकालं उपट्ठपितो अनाथानं पिण्डो एतस्स अत्थीति **अनाथपिण्डको** । पञ्चविधसेनासनङ्गसम्पत्तियाति “नातिदूरं नच्चासन्नं गमनागमनसम्पन्न”न्ति एकं अङ्गं, “दिवा अप्पाकिण्णं रत्तिं अप्पसद्वं अप्पनिग्घोस”न्ति एकं, “अप्पडंसमकसवातातपसरीसपसम्फस्स”न्ति एकं, “तस्मिं खो पन सेनासने विहरन्तस्स अप्पकसिरेन उप्पज्जन्ति चीवर...पे०... परिक्खारा”ति एकं, “तस्मिं खो पन सेनासने थेरा भिक्खू विहरन्ति बहुस्सुता”ति एकं, एवमेतेहि पञ्चविधसेनासनङ्गेहि सम्पन्नताय । यदि जेतवनं तथं अनाथपिण्डकस्स आरामोति आह “**सो ही**”तिआदि ।

कीतकालतो पट्ठाया अनाथपिण्डकस्सेव तं वनं, अथ कस्मा उभिनं परिकित्तनन्ति आह “**जेतवने**”तिआदि । “यदिपि सो भूमिभागो कोटिसन्धरेन महासेट्ठिना कीतो, रुक्खा पन जेतने न विक्कीताति जेतवनन्ति वत्तव्वतं लभी”ति वदन्ति ।

**कस्मा इदं सुत्तमभासीति** कथेतुकम्यताय सुत्तनिकखेपं पुच्छति । सामञ्जसतो हि भगवतो देसनाकारणं पाकटमेवाति । को पनायं सुत्तनिकखेपोति? अत्तज्झासयो । परेहि अनज्झिटो एव हि भगवा अत्तनो अज्झासयेन इमं सुत्तं देसेतीति आचरिया । यस्मा पनेस भिक्खूनं उपक्विलिट्ठचित्ततं विदित्वा “इमे भिक्खू इमाय देसनाय उपक्विलेसविसोधनं कत्वा आसवक्खयाय पटिपज्जिस्सन्ती”ति अयं देसना आरद्धा, तस्मा परज्झासयोति अपरे । उभयम्पि पन युत्तं । अत्तज्झासयादीनज्हि संसगगभेदस्स सम्भवो हेट्ठा दस्सितोवाति । **तेसं भिक्खूनन्ति** तदा धम्मपटिग्गाहतभिक्खूनं । **उपक्विलेसविसोधनन्ति** समथविपस्सनुपक्विलेसतो चित्तस्स विसोधनं । पठमज्झि भगवा अनुपुब्बिकथादिना पटिपत्तिया संकिलेसं नीहरित्वा पच्छा सामुक्कंसिकं देसनं देसेति खेत्ते खाणुकण्टकगुम्बादिके अवहरित्वा कसनं विय, तस्मा कम्मट्ठानमेव अवत्वा इमाय अनुपुब्बिया देसना पवत्ताति अधिप्पायो ।

**संवरभूतन्ति** सीलसंवरादिसंवरभूतं संवरणसभावं कारणं, तं पन अत्थतो दस्सनादि एवाति वेदितव्वं । **संवरिताति** पवत्तितुं अप्पदानवसेन सम्मा, सब्बथा वा वारिता । एवंभूता च यस्मा पवत्तिद्वारपिधानेन पिहिता नाम होन्ति, तस्मा वुत्तं “**विदहिता हुत्वा**”ति । एवं अच्चन्तिकस्स संवरस्स कारणभूतं अनच्चन्तिकं संवरं दस्सेत्वा इदानीं अच्चन्तिकमेव संवरं दस्सेन्तो यस्मिं दस्सनादिमिह सति उप्पज्जनारहा आसवा न उप्पज्जन्ति, सो तेसं अनुप्पादो निरोधो खयो पहानन्ति च वुच्चमानो अत्थतो अप्पवत्तिमत्तन्ति तस्स च दस्सनादि कारणन्ति आह “**येन कारणेन अनुप्पादनरोधसङ्घातं खयं गच्छन्ति पहीयन्ति नप्पवत्तन्ति, तं कारणन्ति अत्थो**”ति ।

**चक्खुतोपि...पे०... मनतोपीति** (ध० स० मूलटी० १४-१९) चक्खुविज्जाणादिवीथीसु तदनुगतमनोविज्जाणवीथीसु च किञ्चापि कुसलादीनम्पि पवत्ति अत्थि, कामासवादयो एव पन वणतो यूसं विय पग्घरणकअसुचिभावेन सन्दन्ति, तस्मा ते एव “**आसवा**”ति वुच्चन्ति । तत्थ हि पग्घरणअसुचिमिह निरुळ्हो आसव-सद्दोति । **धम्मतो याव गोत्रभुन्ति** ततो परं मग्गफलेसु अप्पवत्तनतो वुत्तं । एते हि आरम्मणवसेन धम्मे गच्छन्ता ततो परं न गच्छन्ति । ननु ततो परं भवङ्गादीनिपि गच्छन्तीति चे? न, तेसम्पि पुब्बे आलम्बितेसु लोकियधम्मेसु सासवभावेन अन्तो गधत्ता ततो परताभावतो । एत्थ च गोत्रभुवचनेन गोत्रभुवोदानफलसमापत्तिपुरेचारिकपरिकम्मानि वुत्तानीति वेदितव्वानि । पठममग्गपुरेचारिकमेव वा गोत्रभु अवधिनिदस्सनभावेन गहितं, ततो परं पन मग्गफलसमानताय अज्जेसु मग्गेसु मग्गवीथियं समापत्तिवीथियं निरोधानन्तरञ्च पवत्तमानेसु फलेसु निब्बाने च आसवानं पवत्ति निवारिताति वेदितव्वं । **सवन्तीति** गच्छन्ति, आरम्मणकरणवसेन पवत्तन्तीति अत्थो । अवधिअत्थो आ-कारो, अवधि च मरियादाभिविधिभेदतो दुविधो । तत्थ मरियादं

किरियं बहि कत्वा पवत्तति यथा “आपाटलिपुत्ता वुट्ठो देवो”ति । अभिविधिं पन किरियं ब्यापेत्वा पवत्तति यथा “आभवग्गा भगवतो यसो पवत्तती”ति । अभिविधिअत्थो चायं आ-कारो इध गहितोति वुत्तं “अन्तोकरणत्थो”ति ।

**मदिरादयोति आदि-**सद्देन सिन्धवकादम्बरिकापोतिकादीनं सङ्गहो दट्ठब्बो । **चिरपारिवासियट्ठो** विरपरिवुत्थता पुराणभावो । **अविज्जा नाहोसीतिआदीति** एत्थ **आदि-**सद्देन “पुरिमा, भिक्खवे, कोटि न पज्जायति भवतण्हाया”ति (अ० नि० १०.६२) इदं सुत्तं सङ्गहितं । अविज्जासवभवासवानं चिरपरिवुत्थताय दस्सिताय तब्भावभाविनो कामासवस्स चिरपरिवुत्थता दस्सिताव होति । अज्जेसु च यथावुत्ते धम्मे ओकासज्च आरम्मणं कत्वा पवत्तमानेसु मानादीसु विज्जमानेसु अत्तत्तनियादिग्गाहवसेन अभिव्यापनं मदकरणवसेन आसवसदिसता च एतेसंयेव, न अज्जेसन्ति एतेस्वेव आसव-सद्दो निरुळ्होति दट्ठब्बो । न चेत्थ दिट्ठासवो नागतोति गहेतब्बं भवतण्हाय विय भवदिट्ठियापि भवासवग्गाहणेनेव गहितत्ता । **आयतं** अनादिकालिकत्ता । **पसवन्तीति** फलन्ति । न हि तं किञ्चि संसारदुक्खं अत्थि, यं आसवेहि विना उप्पज्जेय्य । **पुरिमानि चेत्थाति** एत्थ एतेसु चतूसु अत्थवितप्पेसु पुरिमानि तीणि । **यत्थाति** येसु सुत्ताभिधम्मपदेसेसु । **तत्थ युज्जन्ति** किलेसेसुयेव यथावुत्तस्स अत्थत्तयस्स सम्भवतो । **पच्छिमं** “आयतं वा संसारदुक्खं सवन्ती”ति वुत्तनिब्बचनं । **कम्मेपि युज्जति** दुक्खप्पसवनस्स किलेसकम्मसाधारणत्ता ।

दिट्ठधम्मा वुच्चन्ति पच्चक्खभूता खन्धा, दिट्ठधम्मे भवा **दिट्ठधम्मिका** । **विवादमूलभूताति** विवादस्स मूलकारणभूता कोधूपनाह-मक्ख-पळास-इस्सा-मच्छरिय-माया-साठेय्य-थम्भ-सारम्भ-मानातिमाना ।

**येन देवूपपत्यस्साति** येन कम्मकिलेसप्पकारेन आसवेन देवेसु उपपत्ति निब्बत्ति अस्स मय्हन्ति सम्बन्धो । **गन्धब्बो वा विहङ्गमो** आकासचारी अस्सन्ति विभत्तिं परिणामेत्वा योजेतब्बं । एत्थ च यक्खगन्धब्बताय विनिमुत्ता सब्बा देवगति देवग्गाहणेन गहिता । **अवसेसा च अकुसला धम्माति** अकुसलकम्मतो अवसेसा अकुसला धम्मा आसवाति आगताति सम्बन्धो ।

**पटिघातायाति** पटिसेधनाय । **परूपवा...पे०... उपहवाति** इदं यदि भगवा सिक्खापदं न पज्जपेय्य, ततो असद्धम्मप्पटिसेवनअदिन्नादानपाणातिपातादिहेतु ये उप्पज्जेय्यं परूपवादादयो दिट्ठधम्मिका नानप्पकारा अनत्था, ये च तन्निमित्ता एव निरयादीसु निब्बत्तस्स पज्चविधबन्धनकम्मकारणादिवसेन महादुक्खानुभवादिप्पकारा अनत्था, ते सन्धाय वुत्तं । ते **पनेतेति** एते कामरागादिकिलेस-तेभूमककम्मपरूपवादादिउपहवप्पकारा आसवा । **यत्थाति** यस्मिं विनयादिपाळिपदेसे । **यत्थाति** येन दुविधादिप्पकारेन अज्जेसु च सुत्तन्तेसु आगताति सम्बन्धो ।

निरयं गमेन्तीति **निरयगामिनिया** । **छक्कनिपाते** आहुनेय्यसुत्ते । तत्थ हि आसवा छ्धा आगता आसव-सद्दाभिधेय्यस्स अत्थस्स पभेदोपचारेन आसव-पदे पभेदोति वुत्तो, कोट्ठासत्थो वा पद-सद्दोति **आसवपदेति** आसवप्पकारे सद्दकोट्ठासे अत्थकोट्ठासे वाति अत्थो ।

**तथा** हीति तस्मा संवरणं पिदहनं पवत्तितुं अप्पदानं, तेनेव कारणेनाति अत्थो । सीलादिसंवरे अधिप्पेते पवत्तितुं अप्पदानवसेन थकनभावसामज्जतो **द्वारं संवरित्वाति** गेहद्वारसंवरणम्पि उदाहटं । **सीलसंवरोति** आदि हेट्ठा मूलपरियायवण्णनाय वुत्तम्पि इमस्स सुत्तस्स अत्थवण्णनं परिपुण्णं कत्वा वत्तुकामो पुन वदति । युत्तं ताव सीलसतिआणानं संवरत्थो पाळियं तथा आगतत्ता, खन्तिवीरियानं पन कथन्ति आह “**तेसज्चा**”तिआदि । तस्सत्थो — यदिपि “खमो होति...पे०... सीतस्स उप्पन्नं कामवितक्कं नाधिवासेती”तिआदिनिद्देसे खन्तिवीरियानं संवरपरियायो नागतो,

उद्देसे पन सब्बासवसंवरपरियायन्ति संवरपरियायेन गहितत्ता अत्थेव तेसं संवरभावोति ।

पुब्बे सीलसतिजाणानं पाठन्तरेन संवरभावो दस्सितोति इदानीं तं इमिनापि सुत्तेन गहितभावं दस्सेतुं “अपिचा”तिआदि वुत्तं । खन्तिवीरियसंवरा वुत्तायेव “खमो होति सीतस्सा”तिआदिना (म० नि० १.१४) पाळिया दस्सनवसेन । “तज्ज अनासनं, तज्ज अगोचरं”न्ति अयं पनेत्थ सीलसंवरोति तज्ज “यथारूपे”तिआदिना वुत्तं अयुत्तं अनियतवत्थुकं रहो पटिच्छन्नासनं, तज्ज यथावुत्तं अयुत्तं वेसियादिगोचरं, “पटिसङ्खायोनिस्सो परिवज्जेती”ति आगतं यं परिवज्जनं, अयं पन एत्थ एतस्मिं सुत्ते आगतो सीलसंवरोति अत्थो । अनासनपरिवज्जनेन हि अनाचारपरिवज्जनं वुत्तं, अनाचारागोचरपरिवज्जनं चारित्तसीलतायसीलसंवरो । तथा हि भगवता “पातिमोक्खसंवरसंवुतो विहरती”ति (विभ० ५०८) सीलसंवरविभजने आचारगोचरसम्पत्तिं दस्सेन्तेन “अत्थि अनाचारो, अत्थि अगोचरो”तिआदिना (विभ० ५१३, ५१४) अनाचारागोचरा विभजित्वा दस्सिता । इदञ्च एकदेसेन समुदायनिदस्सनं दट्ठब्बं समुद्वपब्बतनिदस्सनं विय ।

सब्बत्थ पटिसङ्खा जाणसंवरोति एत्थ “योनिस्सोमनसिकारो, पटिसङ्खा जाणसंवरो”ति वत्तब्बं । न हि दस्सनपहातब्बनिद्देसे पटिसङ्खागहणं अत्थि, “योनिस्सो मनसि करोती”ति पन वुत्तं । योनिस्सोमनसिकरणम्पि अत्थतो पटिसङ्खा जाणसंवरमेवाति एवं पन अत्थे गृह्यमाने युत्तमेतं सिया । केचि पन “यत्थ यत्थ ‘इध पटिसङ्खा योनिस्सो’ति आगतं, तं सब्बं सन्धाय ‘सब्बत्थ पटिसङ्खा जाणसंवरो’ति वुत्तं”न्ति वदन्ति । तेसं मतेन “इदं दुक्खन्ति योनिस्सो मनसि करोती”तिआदिकस्स जाणसंवरेन च असङ्गहो सिया, “दस्सनं पटिसेवना भावना च जाणसंवरो”ति च वचनं विरुज्जेय्य, तस्मा वुत्तनयेनेवेत्थ अत्थो वेदितब्बो । “सब्बत्थ पटिसङ्खा जाणसंवरो”ति इमिना सत्तसुपि ठानेसु यं जाणं, सो जाणसंवरोति परिवज्जनादिवसेन वुत्ता सीलादयो सीलसंवरादयोति अयमत्थो दस्सितो । एवं सति संवरानं सङ्करो विय होतीति ते असङ्करतो दस्सेतुं “अग्गहितग्गहणेना”ति वुत्तं परिवज्जनविसेससंवराधिवासनविनोदनानं सीलसंवरादिभावेन गहितत्ता, तथा अग्गहितानं गहणेनाति अत्थो । ते पन अग्गहिते सरूपतो दस्सेन्तो “दस्सनं पटिसेवना भावना”ति आह ।

एतेन सीलसंवरादिना करणभूतेन, कारणभूतेन वा । धम्माति कुसलाकुसलधम्मा । सीलसंवरादिना हि सहजातकोटिया, उपनिस्सयकोटिया वा पच्चयभूतेन अनुप्पन्ना कुसला धम्मा उप्पत्तिं गच्छन्ति उप्पज्जन्ति, तथा अनिरुद्धा अकुसला धम्मा निरोधं गच्छन्ति निरुज्झन्तीति अत्थो । पाळियं पन “अनुप्पन्ना चेव आसवा न उप्पज्जन्ति, उप्पन्ना च आसवा पहीयन्ती”ति अकुसलधम्मानं अनुप्पादपहानानि एव वुत्तानि, न कुसलधम्मानं उप्पादादयोति? नयिदमेवं दट्ठब्बं, “योनिस्सो च खो, भिक्खवे, मनसिकरोतो”तिआदिना कुसलधम्मानम्पि उप्पत्तिं पकासिताव आसवसंवरणस्स पधानभावेन गहितत्ता । तथा हि परियोसानेपि “ये आसवा दस्सना पहातब्बा, ते दस्सना पहीना होन्ती”तिआदिना (म० नि० १.२८) आसवप्पहानमेव पधानं कत्वा निगमितं ।

१५. जानतो पस्सतोति एत्थ दस्सनम्पि पज्जाचक्खुनाव दस्सनं अधिप्पेतं, न मंसचक्खुना दिब्बचक्खुना वाति आह “द्वेपि पदानि एकत्थानी”ति । एवं सन्तेपीति पदद्वयस्स एकत्थत्थेपि । जाणलक्खणन्ति जाणस्स सभावं, विसयस्स यथासभाववबोधनन्ति अत्थो । तेनाह “जाननलक्खणञ्चि जाण”न्ति । जाणप्पभावन्ति जाणानुभावं, जाणकिच्चं विसयोभासनन्ति अत्थो । तेनेवाह “जाणेन विवटे धम्मे”ति । “जानतो पस्सतो”ति च जाननदस्सनमुखेन पुग्गलाधिद्वाना देसना पवत्ताति आह “जाणलक्खणं जाणप्पभावं उपादाय पुग्गलं निद्विसती”ति । जानतो पस्सतोति “योनिस्सो च मनसिकारं अयोनिस्सो च मनसिकार”न्ति वक्खमानत्ता योनिस्सोमनसिकारविसयजाननं,

अयोनिमनसिकारविसयदस्सनं । तच्च खो पन नेसं आसवानं खयूपायसभावस्स अधिप्पेतत्ता  
उप्पादनानुप्पादनवसेन न आरम्मणमत्तेनाति अयमत्थो युत्तोति आह “**योनिमनसिकारं...पे०... अयमेत्थ सारो**”ति ।

“जानतो”ति वत्ता जाननञ्च अनुस्सवाकारपटिवितक्कमत्तवसेन न इधाधिप्पेतं, अथ खो रूपादि विय  
चक्खुविज्जाणेन योनिमनसिकारायोनिमनसिकारे पच्चक्खे कत्वा तेसं उप्पादवसेन दस्सनन्ति इममत्थं विभावेतुं  
“पस्सतो”ति वुत्तन्ति एवं वा एत्थ अत्थो दट्ठब्बो । अज्जत्थापि हि “एवं जानतो एवं पस्सतो (इतिवु० १०२), जानं जानाति  
पस्सं पस्सति (म० नि० १.२०३), एवं जानन्ता एवं पस्सन्ता (म० नि० १.४०७), अजानतं अपस्सत”न्ति च आदीसु  
जाणकिच्चस्स सामञ्जविसेसदीपनवसेनेतं पदद्वयं आगतन्ति । **केची**ति अभयगिरिवासिसारसमासाचरिया । ते हि  
“समाधिना जानतो विपस्सनाय पस्सतो जानं जानाति पस्सं पस्सति, एवं जानना समथो, पस्सना विपस्सना”ति च आदिना  
पपञ्चेन्ति । तेति पपञ्चा । **इमस्मिं अत्थे**ति “जानतो”ति आदिनयप्पवत्ते इमस्मिं सुत्तपदअत्थे निद्धारियमाने । **न युज्जन्ति**  
जाननदस्सनानं योनिमनसिकारायोनिमनसिकारविसयभावस्स पाळियं वुत्तत्ता ।

**आसवप्पहानं** आसवानं अच्चन्तप्पहानं । सो पन नेसं अनुप्पादो सब्बेन सब्बं खीणता अभावो एवाति आह  
“**आसवानं अच्चन्तखयमसमुप्पादं खीणाकारं नत्थिभाव**”न्ति । **उजुमग्गानुसारिनो**ति किलेसवङ्कस्स  
कायवङ्कादीनञ्च पहानेन उजुभूते सविपस्सने हेट्ठिममग्गे अनुस्सरन्तस्स । तदेव हिस्स सिकखनं । **खयस्मिं पठमं जाणं** ।  
**ततो अज्जा अनन्तराति** खयसङ्घाते अगमग्गे तप्परियापन्नमेव जाणं पठमं उप्पज्जति, तदनन्तरं पन अज्जं अरहत्तन्ति ।  
यदिपि गाथायं “खयस्मिं”इच्चेव वुत्तं, समुच्छेदवसेन पन आसवेहि खीणोतीति मग्गो खयोति वुच्चतीति आह “**मग्गो**  
**आसवक्खयोति वुत्तो**”ति । **समणो**ति समितपापो अधिप्पेतो । सो पन खीणासवो होतीति “**आसवानं खया**”ति इमस्स  
फलपरियायता वुत्ता, निप्परियायेन पन आसवक्खयो मग्गो, तेन पत्तब्बतो फलं । एतेनेव निब्बानस्सपि आसवक्खयभावो  
वुत्तोति वेदितब्बो ।

“**जानतो पस्सतो**”ति जानतो एव पस्सतो एवाति एवमेत्थ नियमो इच्छितो, न अज्जत्था विसेसाभावतो  
अनिट्ठसाधनतो चाति तस्स नियमस्स फलं दस्सेतुं “**नो अजानतो नो अपस्सतो**”ति वुत्तन्ति आह “**यो पन न जानाति**  
**न पस्सति, तस्स नेव वदामीति अत्थो**”ति । इमिना दूरीकतायोनिमनसिकारो इधाधिप्पेतो, योनिमनसिकारो च  
आसवक्खयस्स एकन्तिककारणन्ति दस्सेति । **एतेनाति** “नो अजानतो नो अपस्सतो”ति वचनेन । **ते पटिक्खित्ताति** के  
पन तेति? “बाले च पण्डिते च सन्धावित्वा संसरित्वा दुक्खस्सन्तं करिस्सन्ति (दी० नि० १.१६८; म० नि० २.२२८), अहेतू  
अपच्चया सत्ता विसुज्झन्ती”ति (दी० नि० १.१६८; म० नि० २.२२७) एवमादिवादा । तेसु हि केचि अभिजातिसङ्कन्तिमत्तेन  
भवसङ्कन्तिमत्तेन च संसारसुद्धिं पटिजानन्ति, अज्जे इस्सरपजापतिकालादिवसेन, तयिदं सब्बं “संसारादीही”ति एत्थेव  
सङ्गहितन्ति दट्ठब्बं ।

**पुरिमेन वा पदद्वयेनाति** “जानतो, पस्सतो”ति इमिना पदद्वयेन । **उपायो वुत्तो** “आसवक्खयस्सा”ति अधिकारतो  
विज्जायति । **इमिनाति** “नो अजानतो, नो अपस्सतो”ति इमिना पदद्वयेन । अनुपायो एव हि आसवानं खयस्स यदिदं  
योनिमनसो च अयोनिमनसो च मनसिकारस्स अजाननं अदस्सनञ्च, तेन तथत्ताय अप्पटिपत्तितो मिच्छापटिपत्तितो च । ननु  
“पस्सतो”ति इमिना अयोनिमनसिकारो यथा न उप्पज्जति, एवं दस्सने अधिप्पेते पुरिमेनेव अनुपायपटिसेधो वुत्तो  
होतीति? न होति, अयोनिमनसिकारानुप्पादनस्सपि उपायभावतो सतिबलेन संवृतचक्खुन्द्रियादिता विय  
सम्पज्जबलेनेव निच्चादिवसेन अभूतजाननाभावो होतीति । तेनाह “**सङ्खेपेन...पे०... होती**”ति । तत्थ **सङ्खेपेनाति**

समासेन, अन्वयतो व्यतिरेकतो च वित्थारं अकत्वाति अत्थो। **जाणं...पे०... दस्सितं** होति “जानतो”तिआदिना जाणस्सेव गहितत्ता। यदि एवं “स्वायं संवरो”तिआदि कथं नीयतीति? जाणस्स पधानभावदस्सनत्थं एवमयं देसना कताति नायं दोसो, तथा अज्जत्थापि “अरियं वो भिक्खवे सम्मासमाधिं देसेस्सामि सउपनिसं सपरिक्खार”न्ति (म० नि० ३.१३६) वित्थारो।

**दब्बजातिको**ति दब्बरूपो। सो हि द्रव्योति वुच्चति “द्रव्यं विनस्सति नाद्रव्य”न्तिआदीसु। **दब्बजातिको** वा सारसभावो, सारुप्पसीलाचारोति अत्थो। यथाह “न खो दब्ब दब्बा एवं निब्बेठेन्ती”ति (पारा० ३८४, ३९१; चूळव० १९३)। **वत्तसीसे ठत्वा**ति वत्तं उत्तमङ्गं, धुरं वा कत्वा। यो हि परिसुद्धाजीवो कातुं अजानन्तानं सब्रह्मचारीनं, अत्तनो वा वातातपादिपटिबाहनत्थं छत्तादीनि करोति, सो वत्तसीसे ठत्वा करोति नाम। **पदट्टानं न होतीति न वत्तब्बा** नाथकरणधम्मभावेन उपनिस्सयभावतो। वुत्तञ्जि “यानि तानि सब्रह्मचारीनं उच्चावचानि किच्चकरणीयानि, तत्थ दक्खो होती”तिआदि (म० नि० १.४९७)।

**उपायमनसिकारो**ति कुसलधम्मप्पवत्तिया कारणभूतो मनसिकारो। **पथमनसिकारो**ति तस्सा एव मग्गभूतो मनसिकारो। **अनिच्चादीसु अनिच्चन्तिआदिना**ति अनिच्चदुक्खअसुभअनत्तसभावेसु धम्मेसु “अनिच्चं दुक्खं असुभं अनत्ता”तिआदिना एव नयेन, अविपरीतसभावेनाति अत्थो। **सच्चानुलोमिकेन वा**ति सच्चाभिसमयस्स अनुलोमवसेन। **चित्तस्स आवट्टना**तिआदिना आवट्टनाय पच्चयभूता ततो पुरिमुप्पन्ना मनोद्वारिका कुसलजवनप्पवत्ति फलवोहारेन तथा वुत्ता। तस्सा हि वसेन सा कुसलुप्पत्तिया उपनिस्सयो होति। आवज्जना हि भवङ्गचित्तं आवट्टयतीति **आवट्टना**। अनु अनु आवट्टेतीति **अन्वावट्टना**। भवङ्गारम्भणतो अज्जं आभुजतीति **आभोगो**। समन्नाहरतीति **समन्नाहारो**। तदेवारम्भणं अत्तानं अनुबन्धित्वा उप्पज्जमानं मनसि करोति ठपेतीति **मनसिकारो**। **अयं वुच्चतीति** अयं उपायपथमनसिकारलक्खणो योनिसोमनसिकारो नाम वुच्चति, यस्स वसेन पुगलो दुक्खादीनि सच्चानि आवज्जितुं सक्कोति। अयोनिसोमनसिकारे **सच्चपटिकूलेना**ति सच्चाभिसमयस्स अननुलोमवसेन। सेसं योनिसोमनसिकारे वुत्तविपरियायेन वेदितब्बं।

**युत्तिन्ति** उपपत्तिसाधनयुत्तिं, हेतुन्ति अत्थो। तेनेवाह “**यस्मा**”तिआदि। **एत्था**ति “अयोनिसो भिक्खवे...पे०... पहीयन्ती”ति एतस्मिं पाठे। **तत्था**ति वाक्योपज्जासनं। कस्मा पनेत्थ अयमुद्देसनिद्देसो परिवत्तोति चोदनं सन्धायाह “**योनिसो**”तिआदि। तत्थ मनसिकारपदं द्विन्नं साधारणन्ति अधिप्पायेन “**योनिसो अयोनिसोति इमेहि ताव द्वीहि पदेही**”ति वुत्तं। **योनिसो**ति हि योनिसोमनसिकारो, **अयोनिसो**ति च अयोनिसोमनसिकारो तत्थ अनुवत्तनतो वक्खमानत्ता च। सतिपि अनत्थुप्पत्तिसामज्जे भवादीसु पुगलस्स बहुलिसामज्जं दस्सेत्वा तं परिवत्तित्वा विसेसदस्सनत्तं **नावादि** उपमात्तयग्गहणं दट्ठब्बं। **चक्कयन्तं** आहटघटीयन्तन्ति वदन्ति।

**अनुप्पन्ना**ति अनिब्बत्ता। आरम्भणविसेसवसेन तस्स अनुप्पत्ति वेदितब्बा, न रूपारम्भणादिआरम्भणसामज्जेन, नापि आसववसेन। तेनाह “**अननुभूतपुब्बं आरम्भणं...पे०... अज्जथा हि अनमतग्गे संसारे अनुप्पन्ना नाम आसवा न सन्ती**”ति। **वत्थुन्ति** सविज्जाणकाविज्जाणकप्पभेदं आसवुप्पत्तिकारणं। **आरम्भणं** आरम्भणपच्चयभूतरूपादीनि। इदानि आसववसेनपि अनुप्पन्नपरियायो लब्धतीति दस्सेतुं “**अनुभूतपुब्बेपी**”तिआदि वुत्तं। **पकतिसुद्धियाति** पुब्बचरियतो किलेसदूरीभावसिद्धाय सुद्धिपकतिताय। पाळिया उद्दिसनं **उद्देसो**, अत्थकथनं **परिपुच्छा**। अज्झयनं **परियत्ति**, चीवरसिब्बादि **नवकम्मं**, समथविपस्सनानुयोगो **योनिसोमनसिकारो**। **तादिसेना**ति यादिसेन “मनुज्जवत्थू”तिमनसिकारादिना कामासवादयो सम्भवेय्युं, तादिसेन। आसवानं वट्ठि नाम परियुट्टानतिब्बताय वेदितब्बा,

सा च अभिणुप्पत्तिया बहुलीकारतोति ते लद्धासेवना बहुलभावं पत्ता मद्दन्ता फरन्ता छादेन्ता अन्धाकारं करोन्ता अपरापरं उप्पज्जमाना एकसन्ताननयेन “उप्पन्ना पवङ्गन्ती”ति वुच्चन्ति । तेन वुत्तं “पुनप्पुनं उप्पज्जमाना उप्पन्ना पवङ्गन्तीति वुच्चन्ती”ति । इतो अज्जथाति इतो अपरापरुप्पन्नानं एकत्तगहणतो अज्जथा वड्ढि नाम नत्थि खणिकभावतो ।

सो च जानातीति धम्मद्वच्चविग्गहाभावमाह । कारकस्सेवाति युत्तयोगस्सेव । यस्स पनाति आदिना अनुद्देसिकं कत्वा वुत्तमत्थं पुरातनस्स पुरिसातिसयस्स पटिपत्तिदस्सनेन पाकटतरं कातुं “मण्डलारामवासीमहातिस्सभूतत्थेरस्स विया”ति आदि वुत्तं । तज्झि सब्रह्मचारीनं आर्यातिं तथापटिपत्तिकारणं होति, यतो एदिसं वत्थु वुच्चति । तस्मिं येवाति मण्डलारामेयेव । आचरियं आपुच्छित्वाति अत्तनो उद्देसाचरियं कम्मट्टानगगहणत्थं गन्तुं आपुच्छित्वा । आचरियं वन्दित्वाति कम्मट्टानदायकं महारक्खितत्थेरं वन्दित्वा । उद्देसमगगन्ति यथा आरब्धं उद्देसपबन्धं । तदा किर मुखपाठेनेव बहू एकज्झं उद्देसापेत्वा मनोसज्झायवसेन धम्मं सज्झायन्ति । तत्थायं थरो पज्जवन्तताय उद्देसं गणहन्तानं भिक्खूनं धोरय्हो, सो “इदनाहं अनागामी, किं मय्हं उद्देसेना”ति सङ्कोचं अनापज्जित्वा दुतियदिवसे उद्देसकाले आचरियं उपसङ्गमि । “उप्पन्ना पहीयन्ती”ति एत्थ उप्पन्नसदिसा “उप्पन्ना”ति वुत्ता, न पच्चुप्पन्ना । न हि पच्चुप्पन्नेसु आसवेसु मग्गेन पहानं सम्भवतीति आह “ये पन... पे०... नत्थी”ति । वत्तमानुप्पन्ना खणत्तयसमङ्गिनो । तेसं पटिपत्तिया पहानं नत्थि उप्पज्जनारहानं पच्चयघातेन अनुप्पादनमेव ताय पहानन्ति ।

१६. यदि एवं दुतियपदं किमत्थियन्ति? पदद्वयगगहणं आसवानं उप्पन्नानुप्पन्नभावसम्भवदस्सनत्थज्जेव पहायकविभागेन पहातब्बविभागदस्सनत्थज्ज । तेनाह “इदमेव पदं गहेत्वा”ति । अज्जम्पीति जाणतो अज्जम्पि सतिसंवरादिं । दस्सनाति इदं हेतुम्हि निस्सक्कवचनन्ति दस्सनेनाति हेतुम्हि करणवचनेन तदत्थं विवरति । एस नयोति तमेवत्थं अतिदिसति । दस्सनेनाति सोतापत्तिमग्गेन । सो हि पठमं निब्बानदस्सनतो “दस्सन”न्ति वुच्चति । यदिपि तं गोत्रभु पठमतं पस्सति, दिस्वा पन कत्तब्बकिच्चस्स किलेसप्पहानस्स अकरणतो न तं दस्सनन्ति वुच्चति । आवज्जनट्टानियज्झि तं जाणं मग्गस्स, निब्बानारम्मणत्तसामज्जेन चेतं वुत्तं, न निब्बानपटिविज्झनेन, तस्मा धम्मचक्खु पुनप्पुनं निब्बत्तनेन भावनं अप्पत्तं दस्सनं नाम, धम्मचक्खुज्ज परिज्जादिकिच्चकरणवसेन चतुसच्चधम्मदस्सनं तदभिसमयोति नुत्थेत्थ गोत्रभुस्स दस्सनभावप्पत्ति । अयज्ज विचारो परतो अट्ठकथायमेव (म० नि० अट्ठ० १.२२) आगमिस्सति । सब्बत्थाति “संवरा पहातब्बा”ति आदीसु । संवराति संवरेन, “संवरो”ति चेत्थ सतिसंवरो वेदितब्बो । पटिसेवति एतेनाति पटिसेवनं, पच्चयेसु इदमत्थिकताजाणं । अधिवासेति खमति एतायाति अधिवासना, सीतादीनं खमनाकारेन पवत्तो अदोसो, तप्पधाना वा चत्तारो कुसलक्खन्धा । परिवज्जेति एतेनाति परिवज्जनं, वाळमिगादीनं परिहरणवसेन पवत्ता चेतना, तथापवत्ता वा चत्तारो कुसलक्खन्धा । कामवितक्कादिके विनोदेति वितुदति एतेनाति विनोदनं, कुसलवीरियं । पठममग्गेन दिट्ठे चतुसच्चधम्मे भावनावसेन उप्पज्जनतो भावना, सेसमगगत्यं । न हि तं अदिट्ठपुब्बं किञ्चि पस्सति, एवं दस्सनादीनं वचनत्थो वेदितब्बो ।

### दस्सनापहातब्बआसववण्णना

१७. कुसलाकुसलधम्मेहि आलम्बियमानापि आरम्मणधम्मा आवज्जनमुखेनेव तब्भावं गच्छन्तीति दस्सेन्तो “मनसिकरणीये”ति पदस्स “आवज्जितब्बे”ति अत्थमाह । हितसुखावहभावेन मनसिकरणं अरहन्तीति मनसिकरणीया, तप्पटिपक्खतो अमनसिकरणीयाति आह “अमनसिकरणीयेति तब्बिपरीते”ति । सेसपदेसूति “मनसिकरणीये धम्मे

अप्यजानन्तो'ति आदीसु । यस्मा कुसलधम्मेषुपि सुभसुखनिच्चादिवसेन मनसिकारो अस्सादनादिहेतुताय सावज्जो अहितदुक्खावहो अकुसलधम्मेषुपि अनिच्चादिवसेन मनसिकारो निब्बिदादिहेतुताय अनवज्जो हितसुखावहो, तस्मा “धम्मतो नियमो नत्थी”ति वत्वा “आकारतो पन अत्थी”ति आह ।

वा-सद्वो येभ्य्येन “ममं वा हि भिक्खवे (दी० नि० १.५, ६), देवो वा भविस्सामि देवज्जतरो वा”ति आदीसु (म० नि० १.१८६; म० नि० २.७९, ८०) विकप्पत्यो दिट्ठो, न समुच्चयत्योति तत्थ समुच्चयत्ये पयोगं दस्सेतुं “यथा”ति आदि वुत्तं । एवञ्च कत्वा समुच्चयत्यदीपकं पनेतं सुत्तपदं समुदाहटं ।

**कामासवोति** पञ्चकामगुणसङ्घाते कामे आसवो कामासवो । तेनाह “**पञ्चकामगुणिको रागो**”ति । भवासवं पन ठपेत्वा सब्बो लोभो कामासवोति युत्तं सिया । **रूपारूपभवेति** कम्मपपत्तिभेदतो दुविधेपि रूपारूपभवे **छन्दरागो** । **ज्ञाननिकन्तीति** ज्ञानस्सादो । “सुन्दरमिदं ठानं निच्चं धुव”न्ति आदिना अस्सादेन्तस्स उप्पज्जमानो सस्सतुच्छेददिट्ठिसहगतो रागो भवे आसवोति **भवासवो** । एवन्ति सब्बदिट्ठिनं सस्सतुच्छेददिट्ठिसङ्गहतो भवासवेनेव दिट्ठासवो गहितो तंसहगतरागतायाति अधिप्पायो । अपरे पन “दिट्ठासवो अविज्जासवेन च सङ्गहितो”ति वदन्ति । एत्थ च “भवासवो चतूसु दिट्ठिगतविप्पयुत्तलोभसहगतचित्तुप्पादेसु उप्पज्जती”ति (ध० स० १४६५) वचनतो दिट्ठिसम्पयुत्तरागस्स भवासवभावो विचारेतब्बो, अथ “कामसहगता सज्जामनसिकारा”ति आदीसु (सं० नि० ४.३३२) विय आरम्मणकरणत्यो सहगतत्यो, एवं सति भवासवे दिट्ठासवस्स समोधानगमनं कतं न सिया । न हि तत्पयोगतत्त्वावातिके असति तंसङ्गहो युत्तो, तस्मा यथावुत्तपाळिं अनुसारेण दिट्ठिगतसम्पयुत्तलोभोपि कामासवोति युत्तं सिया । दिट्ठधम्मिकसम्परायिकदुक्खानज्झि कारणभूता कामासवादयोपि द्विधा वुत्ता ।

**अभिधम्मे** (ध० स० ११०३) च कामासवनिद्वेसे “कामेसूति कामरागदिट्ठिरागादीनं आरम्मणभूतेसु तेभूमकेसु वत्थुकामेसू”ति अत्थो सम्भवति । तत्थ हि उप्पज्जमाना सा तण्हा सब्बापि न कामच्छन्दादिनामं न लभतीति । यदि पन लोभो कामासवभवासवविनिमुत्तोपि सिया, सो यदा दिट्ठिगतविप्पयुत्तेसु चित्तेसु उप्पज्जति, तदा तेन सम्पयुत्तो अविज्जासवो आसवविप्पयुत्तोति दोमनस्सविचिकिच्छुद्धच्चसम्पयुत्तस्स विय तस्सपि आसवविप्पयुत्तता वत्तब्बा सिया “चतूसु दिट्ठिगतविप्पयुत्तलोभसहगतचित्तुप्पादेसु उप्पन्नो मोहो सिया आसवसम्पयुत्तो, सिया आसवविप्पयुत्तो”ति । “कामासवो अट्ठसु लोभसहगतचित्तुप्पादेसु उप्पज्जती”ति (ध० स० १४६५), “कामासवं पटिच्च दिट्ठासवो अविज्जासवो”ति (पट्ठा० ३.३.१०९) च वचनतो दिट्ठिसहगतरागो कामासवो न होतीति न सक्का वत्तुं । किञ्च अभिज्झाकामरागानं विसेसो आसवद्वयएकासवभावो सिया, न अभिज्झाय च नोआसवभावोति नोआसवलोभस्स सभावो विचारेतब्बो । न हि अत्थि **अभिधम्मे** “आसवो च नोआसवो च धम्मा आसवस्स धम्मस्स आसवस्स च नोआसवस्स च धम्मस्स हेतुपच्चयो”ति (पट्ठा० ३.३.१६-१७) सत्तमो नवमो च पज्जो । गणनायञ्च “हेतुया सत्ता”ति (पट्ठा० ३.३.४०) वुत्तं, नो “नवा”ति । दिट्ठिसम्पयुत्ते पन लोभे नोआसवे विज्जमाने सत्तमनवमापि पज्जा विस्सज्जनं लभेय्युं, गणनाय च “हेतुया नवा”ति वत्तब्बं सिया, न पन वुत्तं । दिट्ठिविप्पयुत्ते च लोभे नोआसवे विज्जमाने वत्तब्बं वुत्तमेव । यस्मा पन सुत्तन्तदेसना नाम परियायकथा, न अभिधम्मदेसना विय निप्परियायकथा, तस्मा बलवकामरागस्सेव कामासवं दस्सेतुं “**कामासवोति पञ्चकामगुणिको रागो**”ति वुत्तं, तथा भवाभिनन्दनन्ति ।

सामज्जेन भवासवो दिट्ठासवं अन्तोगधं कत्वा इध तयो एव आसवा वुत्ताति तस्स तदन्तोगधतं दस्सेतुं “**एवं दिट्ठासवो**”ति आदि वुत्तं । तथा हि वक्खति भवासवस्स अनिमित्तविमोक्खपटिपक्खतं । **चतूसु सच्च्येसु अज्जाणन्ति** इदं

सुत्तन्तनयं निस्साय वुत्तं। सुत्तन्तसंवण्णना हेसाति, तदन्तोगधत्ता वा पुब्बन्तादीनं। यथा अत्थतो कामासवादयो ववत्थापिता, तथा नेसं उप्पादवड्ढियो दस्सेन्तो “**कामगुणे**”तिआदिमाह। **अस्सादतो मनसिकरोतो**ति “**सुभसुखा**”तिआदिना अस्सादनवसेन मनसि करोन्तस्स। **चतुविपल्लासपदट्ठानभावेना**ति सुभसज्जादीनं वत्थुभावेन। **वुत्तनयपच्चनीकतो**ति “**कामा नामेते अनिच्चा दुक्खा विपरिणामधम्मा**”तिआदिना कामगुणेसु आदीनवदस्सनपुब्बकनेक्खम्मपटिपत्तिया छन्दरागं विक्खम्भयतो समुच्छिन्दन्तस्स च अनुप्पन्नो च कामासवो न उप्पज्जति, उप्पन्नो च पहीयति। तथा महग्गतधम्मेसु चेव सकलतेभूमकधम्मेसु च आदीनवदस्सनपुब्बकअनिच्चादिमनसिकारवसेन निस्सरणपटिपत्तिया अनुप्पन्ना च भवासवअविज्जासवा न उप्पज्जन्ति, उप्पन्ना च पहीयन्तीति एवं तण्हापक्खे वुत्तस्स नयस्स पटिपक्खतो **सुक्कपक्खे वित्थारो** वेदितब्बो।

**तयो एवा**ति अभिधम्मे विय “**चत्तारो**”ति अवत्त्वा कस्मा तयो एव आसवा इध इमिस्सं दस्सनापहातब्बकथायं वुत्ता? तत्थ कामासवस्स तण्हापणिधिभावतो **अप्पणिहितविमोक्खपटिपक्खता** वेदितब्बा। भवेसु निच्चग्गाहानुसारतो येभ्य्यतो भवरागसम्पत्तितो भवासवस्स **अनिमित्तविमोक्खपटिपक्खता**, भवदिट्ठिया पन भवासवभावे वत्तब्बमेव नत्थि, अनत्तसज्जाय जाणानुभावसिद्धितो अविज्जासवस्स **सुज्जतविमोक्खपटिपक्खता**। **एत्था**ति एतिस्सं आसवकथायं। **वणिगतन्ति** कथितं। **अभेदतो**ति सामज्जतो।

**१८. कामासवादीनन्ति** मनुस्सलोकदेवलोकगमनीयानं कामासवादीनं। निरयादिगमनीया पन कामासवादयो “**दस्सना पहातब्बे आसवे**”ति एत्थेव समारुह्वा। अथ वा यदग्गेन सो पुग्गलोदस्सनापहातब्बानं आसवानं अधिट्ठानं, तदग्गेन **कामासवादीनम्पि अधिट्ठानं**। न हि समज्जाभेदेन वत्थुभेदो अत्थीति दस्सेतुं “**एत्तावता**”तिआदि वुत्तं। तेनेवाह “**सामज्जतो वुत्तान**”न्ति। कस्मा पनेत्थ दस्सनापहातब्बेसु आसवेसु दस्सेतब्बेसु “**अहोसिं नु खो अह**”न्तिआदिना विचिकिच्छा दस्सिताति आह “**विचिकिच्छासीसेन चेत्था**”तिआदि। **एवन्ति** यथा सोळसवत्थुका विचिकिच्छा उप्पज्जति, एवं अयोनिमनसिकारोति।

**विज्जमानतं अविज्जमानतज्जाति** (सं० नि० टी० २.२.२०) सस्सतासङ्कं निस्साय “**अहोसिं नु खो अहमतीतमद्धान**”न्ति अतीते अत्तनो विज्जमानतं, अधिच्चसमुप्पत्तिआसङ्कं निस्साय “**यतो पभुति अहं, ततो पुब्बे न नु खो अहोसि**”न्ति अतीते अत्तनो अविज्जमानतज्ज कङ्कति। कस्मा? विचिकिच्छाय आकारद्वयावलम्बनतो। तस्सा पन अतीतवत्थुताय गहितत्ता सस्सताधिच्चसमुप्पत्तिआकारनिस्सयता दस्सिता। एवं आसप्पनपरिसप्पनापवत्तिकं कत्थचिपि अप्पटिवत्तिहेतुभूतं विचिकिच्छं कस्मा उप्पादेतीति न चोदेतब्बमेतन्ति दस्सेन्तो आह “**किं कारणन्ति न वत्तब्ब**”न्ति। **स्वेव** पुत्थुज्जनभावो एव। यदि एवं तस्स अयोनिमनसिकारेनेव भवितब्बन्ति आपन्नन्ति आह “**ननु च पुत्थुज्जनोपि योनिसो मनसि करोती**”ति। **तत्था**ति योनिसोमनसिकरणे।

**जातिलिङ्गुपपत्तियो**ति खत्तियब्राह्मणादिजातिं गहट्टपब्बजितादिलिङ्गं देवमनुस्सादिउपपत्तिज्ज। **निस्साया**ति उपादाय।

तस्मिं काले सत्तानं मज्झिमप्पमाणं, तेन युत्तो **पमाणिको**, तदभावतो, ततो अतीतभावतो वा **अप्पमाणिको** वेदितब्बो। **केची**ति सारसमासाचरिया। ते हि “**कथं नु खोति इस्सरेन वा ब्रह्मना वा पुब्बकतेन वा अहेतुतो वा निब्बत्तोति चिन्तेती**”ति आहु। तेन वुत्तं “**हेतुतो कङ्कतीति वदन्ती**”ति। अहेतुतो निब्बत्तिकङ्कापि हि हेतुपरामसनमेवाति।



परम्परन्ति पुब्बापरप्पवत्तिं । अद्धानन्ति कालाधिवचनं, तच्च भुम्मत्थे उपयोगवचनं दट्ठब्बं ।

विज्जमानतं अविज्जमानतञ्चाति सस्सतासङ्कं निस्साय “भविस्सामि नु खो अहमनागतमद्धान”न्ति अनागते अत्तनो विज्जमानतं, उच्छेदासङ्कं निस्साय “यस्मिञ्च अत्तभावे अहं, ततो परं न नु खो भविस्सामी”ति अनागते अत्तनो अविज्जमानतञ्च कङ्कतीति हेट्ठा वुत्तनयेन योजेतब्बं ।

पच्चुप्पन्नमद्धानन्ति अद्धानपच्चुप्पन्नस्स इधाधिप्पेतत्ता “पटिसन्धिं आदिं कत्वा”तिआदि वुत्तं । “इदं कथं इदं कथं”न्ति पवत्तनतो कथंकथा, विचिकिच्छा, सा अस्स अत्थीति कथंकथीति आह “विचिकिच्छो होती”ति । का एत्थ चिन्ता, उम्मत्तको विय हि बालपुथुज्जनोति पटिकच्चेव वुत्तन्ति अधिप्पायो । तं महामाताय पुत्तं । मुण्डेसुन्ति मुण्डेन अनिच्छन्तं जागरणकाले न सक्काति सुत्तं मुण्डेसुं कुलधम्मताय यथा तं एकच्चे कुलतापसा, राजभयेनाति च वदन्ति ।

सीतिभूतन्ति इदं मधुरकभावप्पत्तिया कारणवचनं । “सेतिभूत”न्तिपि पाठो, उदके चिरद्वानेन सेतभावं पत्तन्ति अत्थो ।

अत्तनो खत्तियभावं कङ्कति कण्णो विय सूतपुत्तसञ्जी । जातिया विभावियमानाय “अहं”न्ति तस्स अत्तनो परामसनं सन्धायाह “एवञ्हि सिया कङ्कति”ति । मनुस्सापि च राजानो वियाति मनुस्सापि केचि एकच्चे राजानो वियाति अधिप्पायो ।

वुत्तनयमेव “सण्ठानाकारं निस्साया”तिआदिना । एत्थाति “कथं नु खोस्मी”ति पदे । अब्भन्तरे जीवोति परपरिकप्पितं अन्तरत्तानं वदति । सोळसंसादीनन्ति आदि-सद्देन सरीर-परिमाण-परिमण्डल-अङ्गुट्टयवपरमाणु-परिमाणतादिके सङ्गण्हाति ।

“सत्तपज्जत्ति जीवविसया”ति दिट्ठिगतिकानं मतिमत्तं, परमत्थतो पन सा अत्तभावविसयावाति आह “अत्तभावस्स आगतिगतिट्ठान”न्ति, यतायं आगतो, यत्थ च गमिस्सति, तं ठानन्ति अत्थो ।

१९. यथा अयं विचिकिच्छा उप्पज्जतीति अयं वुत्तप्पभेदा विचिकिच्छा यथा उप्पज्जति, एवं अयोनिसो मनसिकरोतो । एतेन विचिकिच्छाय अत्ताभिनिवेससन्निस्सयतमाह । यथा हि विचिकिच्छा अत्ताभिनिवेसं निस्साय पवत्तति, यतो सा सस्सताधिच्चसमुप्पत्तिसस्सतुच्छेदाकारावलम्बिनी वुत्ता, एवं अत्ताभिनिवेसोपि तं निस्साय पवत्तति “अहोसिं नु खो अहं”न्तिआदिना अन्तो गधाहंकारस्स कथंकथिभावस्स अत्तग्गाहसन्निस्सयभावतो । तेनेवाह “सविचिकिच्छस्स अयोनिसोमनसिकारस्स थामगतत्ता”ति । विकप्पत्थोति अनियमत्थो । “अज्जतरा दिट्ठि उप्पज्जती”ति हि वुत्तं । सुट्ठु दळ्ढभावेनाति अभिनिवेसस्स अतिविय थामगतभावेन । तत्थ तत्थाति तस्मिं भवे । पच्चुप्पन्नमेवाति अवधारणेन अनागते अत्थिभावं निवत्तेति, न अतीते तत्थपि सति अत्थिताय उच्छेदग्गाहस्स सम्भावतो । अतीते एव नत्थि, न अनागतेपीति अधिप्पायो ।

सज्जाक्खन्धसीसेनाति सज्जाक्खन्धपमुखेन, सज्जाक्खन्धं पमुखं कत्वाति अत्थो । खन्धेति पज्जपि खन्धे । अत्ताति गहेत्वाति “सज्जाननसभावो मे अत्ता”ति अभिनिविस्स । पकासेतब्बं वत्थुं विय, अत्तानम्पि पकासेन्तो पदीपो विय, सज्जानितब्बं नीलादिआरम्भणं विय अत्तानम्पि सज्जानातीति एवंदिट्ठितोपि दिट्ठिगतितो होतीति वुत्तं “अत्तनाव अत्तानं

सञ्जानामी”ति । स्वायमत्यो सञ्जं तदञ्जतरधम्मे च “अत्ता अनत्ता”ति च गहणवसेन होतीति वुत्तं “सञ्जाक्खन्धसीसेना”ति आदि । एत्थ च खन्धविनिमुत्तो अत्ताति गण्हतो सस्सतदिट्ठि, खन्धं पन “अत्ता”ति गण्हतो उच्छेददिट्ठीति आह “सब्बापि सस्सतुच्छेददिट्ठियोवा”ति ।

अभिनिवेसाकाराति विपरियेसाकारा । वदतीति इमिना कारकवेदकसत्तानं हितसुखावबोधनसमत्थतं अत्तनो दीपेति । तेनाह “वचीकम्मस्स कारको”ति । वेदेतीति वेदियो, वेदियोव वेदेय्यो । ईदिसानञ्जि पदानं बहुला कत्तुसाधनतं सद्दसत्थविदू मञ्जन्ति । उप्पादवतो एकन्तेनेव वयो इच्छितब्बो, सति च उदयब्बयत्ते नेव निच्चताति “निच्चो”ति वदन्तस्स अधिप्पायं विवरन्तो आह “उप्पादवयरहितो”ति । सारभूतोति निच्चताय एव सारभावो । सब्बकालिकोति सब्बस्मिं काले विज्जमानो । पकतिभावन्ति सभावभूतं पकतिं, “वदो”ति आदिना वा वुत्तं पकतिसङ्घातं सभावं । सस्सतिसमन्ति सस्सतिया समं सस्सतिसमं, थावरं निच्चकालन्ति अत्थो । तथेव ठस्सतीति येनाकारेण पुब्बे अट्ठासि, एतरहि तिट्ठति, तथेव तेनाकारेण अनागतेपि ठस्सतीति अत्थो ।

पच्चक्खनिदस्सनं इदं-सद्दस्स आसन्नपच्चक्खभावं कत्वा । दिट्ठियेव दिट्ठिगतन्ति गत-सद्दस्स पदवट्ठनमत्ततं आह । दिट्ठीसुगतन्ति मिच्छादिट्ठीसु परियापन्नन्ति अत्थो । तेनेवाह “द्वासट्ठिदिट्ठिअन्तो गधत्ता”ति । दिट्ठिया गमनमत्तन्ति दिट्ठिया गहणमत्तं । यथा पन पब्बतजलविदुग्गानि दुन्निग्गमनानि, एवं दिट्ठिग्गाहोपीति आह “दुन्निग्गमनट्ठेन गहन”न्ति । तं नाम उदकं, तं गहेत्वा तं अतिक्कमितब्बतो कन्तारो, निरुदकवनं, तं पवनन्तिपि वुच्चति । अञ्जो पन अरञ्जपदेसो दुरतिक्कमनट्ठेन कन्तारो वियाति, एवं दिट्ठिपीति आह “दुरतिक्कमनट्ठेना”ति आदि । विनिविज्जनं वितुदं । विलोमनं विपरिणामभावो । अनवट्ठितसभावताय विचलितं विप्फन्दितन्ति आह “कदाची”ति आदि । अन्दुबन्धनादि विय निस्सरितुं अप्पदानवसेन असेरिभावकरणं बन्धनट्ठो, किलेसकम्मविपाकवट्ठानं पच्चयभावेन दूरगतम्पि आकट्ठित्वा संयोजनं संयोजनट्ठो, दिट्ठिपि तथारूपाति वुत्तं “दिट्ठिसंयोजन”न्ति । बन्धनत्थं दस्सेन्तो किच्चसिद्धियाति अधिप्पायो । तेनेवाह “दिट्ठिसंयोजनेन...पे०... मुच्चती”ति । तत्थ एतेहीति इमिना जातिआदिदुक्खस्स पच्चयभावमाह । जातिआदिके दुक्खधम्मे सरूपतो दस्सेत्वापि “न परिमुच्चति दुक्खस्मा”ति वदन्तेन भगवता दिट्ठिसंयोजनं नाम सब्बानत्थकरं महासावज्जं सब्बस्सपि दुक्खस्स मूलभूतन्ति अयमत्थो विभावितोति दस्सेतुं “किं वा बहुना, सकलवट्ठदुक्खतोपि न मुच्चती”ति वुत्तं ।

२०. ननु चेत्थ दिट्ठिसंयोजनदस्सनेन सीलब्बतपरामासोपि दस्सेतब्बो, एवञ्जि दस्सनेन पहातब्बा आसवा अनवसेसतो दस्सिता होन्तीति चोदनं सन्धायाह “यस्मा”ति आदि । सीलब्बतपरामासो कामासवादिग्गहणेनेव गहितो होति कामासवादिहेतुकत्ता तस्स । अप्पहीनकामरागादिको हि कामसुखत्थं वा भवसुद्धत्थं वा एवं भवविसुद्धि होतीति सीलब्बतानि परामसन्ति, “इमिनाहं सीलेन वा वतेन वा तपेन वा ब्रह्मचरियेन वा देवो वा भविस्सामि देवञ्जतरो वा”ति (म० नि० १.१८६; म० नि० २.७९), “तत्थ निच्चो धुवो सस्सतो अविपरिणामधम्मो सस्सतिसमं तथेव ठस्सामी”ति (म० नि० १.१९), “सीलेन सुद्धि वतेन सुद्धि सीलब्बतेन सुद्धी”ति (ध० स० १२२२) च सुत्तेवुत्तं सीलब्बतं परामसन्ति । तत्थ भवसुखभवविसुद्धिअत्थन्ति भवसुखत्थञ्च भवविसुद्धिअत्थञ्च । तस्स गहितत्ताति सीलब्बतपरामासस्स दिट्ठिग्गहणेन गहितत्ता यथा “दिट्ठिगतानं पहानाया”ति आदीसु (ध० स० २७७) । तेसन्ति दस्सनपहातब्बानं । दस्सेतुं पुग्गलाधिट्ठानाय देसनाय । तब्बिपरीतस्साति योनिसोमनसिकरोतो कल्याणपुत्थुज्जनस्स ।

तस्साति “सुतवा”ति आदिपाठस्स । तावाति “सुतवा”ति इतो पट्ठाया याव “सो इदं दुक्ख”न्ति पदं, ताव इमं पदं

अवधिं कत्वाति अत्थो । हेट्ठा वुत्तनयेनाति अरियसप्पुरिस-अरियधम्म-सप्पुरिसधम्म-मनसिकरणीय-अमनसिकरणीयपदानं यथाक्कमं मूलपरियाये इध गहेत्वा वुत्तनयेन अत्थो वेदितब्बोति सम्बन्धो । **वुत्तपच्चनीकतोति** “सुतवा अरियसावको, अरियानं दस्सावी, सप्पुरिसानं दस्सावी”ति एतेसं पदानं सब्बाकारेन वुत्तविपरीततो अत्थो वेदितब्बो, कोविदविनीतपदानं पन न सब्बप्पकारेन वुत्तविपरीततो । अरहा हि निप्परियायेन अरियधम्मे कोविदो अरियधम्मे सुविनीतो च नाम । तेनाह “**पच्चनीकतो च सब्बाकारेन...पे०... अरियसावकोति वेदितब्बो**”ति । सङ्खारुपेक्खाजाणं **सिखाप्पत्तविपस्सना** । केचि पन “भङ्गजाणतो पट्टाय सिखापत्तविपस्सना”ति वदन्ति, तदयुत्तं । **तदनुरूपेन अत्थेनाति** तस्स पुग्गलस्स अनुरूपेन अरियद्वेन, न पटिवेधवसेनाति अधिप्पायो । कल्याणपुथुज्जनो हि अयं । यथा चस्स “योपि कल्याणपुथुज्जनो”ति आरभित्वा “सोपि वुच्चति सिक्खतीति सेक्खो”ति परियायेन **सेक्खसुत्ते** (सं० नि० ५.१३) सेक्खभावो वुत्तो, एवं इध अरियसावकभावो वुत्तो । वुट्ठानगामिनीविपस्सनालक्खणेहि ये अरियसप्पुरिसधम्मविनयसङ्घाता बोधिपक्खियधम्मा तस्सो सिक्खा एव वा सम्भवन्ति, तेसं वसेन इमस्स अरियसावकादिभावो वुत्तो । तेनाह “**तदनुरूपेन अत्थेना**”ति । अरियस्स सावकोति वा अरियसावकत्थेन एव वुत्तो यथा “अगमा राजगहं बुद्धो”ति (सु० नि० ४१०) । सिखाप्पत्तविपस्सनागहणज्चेत्थ विपस्सनं उस्सुक्कापेत्वा अनिवत्तिपटिपदायं ठितस्स गहणत्थन्ति यथावुत्ता अत्थसंवण्णना सुद्धतरं युज्जतेव ।

२१. यथा धातुमुखेन विपस्सनं अभिनिविट्ठो धातुकम्मट्टानिको आयतनादिमुखेन अभिनिविट्ठो आयतनादिकम्मट्टानिको, एवं सच्चमुखेन अभिनिविट्ठोति वुत्तं “**चतुसच्चकम्मट्टानिको**”ति । चतुरोधनित्थरणत्थिकेहि कातब्बतो कम्मं, भावना । कम्ममेव विसेसाधिगमस्स ठानं कारणन्ति, कम्मे वा यथावुत्तनद्वेन ठानं अवट्ठानं भावनारम्भोकम्मट्टानं, तदेव चतुसच्चमुखेन पवत्तं एतस्स अत्थीति **चतुसच्चकम्मट्टानिको** । उभयं नप्पवत्तति एत्थाति **अप्पवत्ति** । **उग्गहितचतुसच्चकम्मट्टानोति** च चतुसच्चकम्मट्टानं पाळितो अत्थतो च उग्गहेत्वा मनसिकारयोगं कत्वा ठितो । **विपस्सनामग्गं समारुळ्होति** सप्पच्चयनामरूपदस्सने पटिद्वाय तदेव नामरूपं अनिच्चादितो सम्मसन्तो । **समन्नाहरतीति** विपस्सनावज्जनं सन्धायाह, तस्मा यथा “इदं दुक्ख”न्ति विपस्सनाजाणं पवत्तति, एवं समन्नाहरति आवज्जतीति अत्थो । कथं पनेत्थ “मनसि करोती”ति इमिना “विपस्सती”ति अयमत्थो वुत्तो होतीति आह “**एत्थ...पे०... वुत्ता**”ति । **एत्थाति** च इमस्मिं सुत्तेति अत्थो । **विपस्सतीति** च यथा उपरि विसेसाधिगमो होति, एवं जाणचक्खुना विपस्सति, ओलोकेतीति अत्थो । मग्गोपि वत्तब्बो । पुरिमज्झि सच्चद्वयं गम्भीरत्ता दुद्धसं, इतरं दुद्धसत्ता गम्भीरं ।

**अभिनिवेसोति** विपस्सनाभिनिवेसो विपस्सनापटिपत्ति । **तदारम्मेति** तं रूपक्खन्धं आरम्भणं कत्वा पवत्ते । **याथावसरसलक्खणं ववत्थपेत्वाति** अविपरीतं अत्तनो आरम्भणं सभावच्छेदनादिकिच्चज्चेव अज्जाणादिलक्खणज्च असङ्करतो हृदये ठपेत्वा । इमिना पुब्बे नामरूपपरिच्छेदे कतेपि धम्मानं सलक्खणववत्थापनं पच्चयपरिग्गहेन सुववत्थापितं नाम होतीति दस्सेति यथा “द्विक्खत्तुं बद्धं सुबद्ध”न्ति । एवज्झि जातपरिज्जाय किच्चं सिद्धं नाम होति । पच्चयतो पच्चयुप्पन्नतो च ववत्थापितत्ता पाकटभावेन सिद्धेनपि सिद्धभावो पाकटो होतीति वुत्तं “**अहुत्वा होन्ती**”ति । **अनिच्चलक्खणं आरोपेतीति** असतो हि उप्पादेन भवितब्बं, न सतो, उप्पादवन्ततो च नेसं एकन्तेन इच्छितब्बा पच्चयायत्तवुत्तिभावतो, सति उप्पादे अवस्संभावी निरोधोति नत्थेव निच्चतावकासोति । सूपड्डितानिच्चताय च उदयब्बयधम्मेहि अभिण्हपटिपीळनतो दुक्खमनद्वेन दुक्खं । तेनाह “**उदयब्बयपटिपीळितत्ता दुक्खाति दुक्खलक्खणं आरोपेती**”ति । कत्थचिपि सङ्खारगते “मा जीरि मा ब्याधियी”ति अलब्भनतो नत्थि वसवत्तनन्ति आह “**अवसवत्तनतो अनत्ताति अनत्तलक्खणं आरोपेती**”ति । **पटिपाटियाति** उदयब्बयजाणादिपरम्पराय ।

तस्मिं खणेति सोतापत्तिमगगखणे । एकपटिवेधेनेवाति एकजाणेनेव पटिविज्झनेन । पटिवेधो पटिघाताभावेन विसये निस्सङ्गचारसङ्घातं निब्बिज्झनं । अभिसमयो अविरज्झित्वा विसयस्स अधिगमसङ्घातो अवबोधो । “इदं दुक्खं, एतत्तं दुक्खं, न इतो भिय्यो”ति परिच्छिन्दित्वा जाननमेव वुत्तनयेन पटिवेधोति परिज्जापटिवेधो । अयं यथा जाणे पवत्ते पच्छा दुक्खस्स सरूपादिपरिच्छेदे सम्मोहो न होति, तथा पवत्तिं गहेत्वा वुत्तो, न पन मगगजाणस्स “इदं दुक्खं”न्तिआदिनापि वत्तनतो । तेनाह “न हिस्स तस्मिं समये”तिआदि । पहीनस्स पुन अप्पहातब्बताय पकट्टं हानं चजनं समुच्छिन्दनं पहानं, पहानमेव वुत्तनयेन पटिवेधोति पहानपटिवेधो । अयम्पि येन किलेसेन अप्पहीयमानेन मगगभावनाय न भवितब्बं, असति च मगगभावनाय यो उप्पज्जेय्य, तस्स किलेसस्स पदघातं करोन्तस्स अनुप्पत्तिधम्मत्तं आपादेन्तस्स जाणस्स तथापवत्तिया पटिघाताभावेन निस्सङ्गचारं उपादाय एवं वुत्तो । सच्छिकिरिया पच्चक्खकरणं, अनुस्सवाकारपरिवितक्कादिके मुञ्चित्वा सरूपतो आरम्मणकरणं इदं तन्ति यथासभावतो गहणं, सा एव वुत्तनयेन पटिवेधोति सच्छिकिरियापटिवेधो । अयं पन यस्स आवरणस्स असमुच्छिन्दनतो जाणं निरोधं आलम्बितुं न सक्कोति, तस्स समुच्छिन्दनतो तं सरूपतो विभावितमेव पवत्ततीति एवं वुत्तो ।

भावना उप्पादना वड्डना च, तत्थ पठममग्गे उप्पादनट्टेन, दुतियादीसु वड्डनट्टेन, उभयथापि वा उभयथापि वेदितब्बं । पठममग्गोपि हि यथारहं वुट्ठानगामिनियं पवत्तं परिजाननादिं वड्डेन्तो पवत्तोति तत्थापि वड्डनट्टेन भावना सक्का विज्जातुं । दुतियादीसुपि अप्पहीनकिलेसप्पहानतो पुग्गलन्तरसाधनतो उप्पादनट्टेन भावना, सा एव वुत्तनयेन पटिवेधोति भावना पटिवेधो । अयम्पि हि यथा जाणे पवत्ते पच्छा मगगधम्मानं सरूपपरिच्छेदे सम्मोहो न होति, तथा पवत्तिमेव गहेत्वा वुत्तो, तिड्डतु ताव यथाधिगतमगगधम्मं यथापवत्तेसु फलधम्मेसुपि अयं यथाधिगतसच्चधम्मेसु विय विगतसम्मोहोव होति । तेन वुत्तं “दिट्ठधम्मो पत्तधम्मो विदितधम्मो परियोगाळ्हधम्मो”ति (दी० नि० १.२९९, ३५६; महाव० २७, ५७) । यतो चस्स धम्मतासञ्चोदिता यथाधिगतसच्चधम्मावलम्बिनियो मगगवीथितो परतो मगगफलपहीनावसिट्ठिकिलेसनिब्बानानं पच्चवेक्खणा पवत्तन्ति । दुक्खसच्चधम्मा हि सक्कायदिट्ठिआदयो । अयञ्च अत्थवण्णना “परिज्जाभिसमयेना”तिआदीसुपि विभावेतब्बा । एकाभिसमयेन अभिसमेतीति वुत्तमेवत्थं विभूततरं कत्वा दस्सेतुं “नो च खो अज्जमज्जेन जाणेना”तिआदि वुत्तं ।

वितण्डवादी पनाह “अरियमगगजाणं चतूसु सच्चेसु नानाभिसमयवसेन किच्चकरणं, न एकाभिसमयवसेन । तज्झि कालेन दुक्खं पजानाति, कालेन समुदयं पजहति, कालेन निरोधं सच्छिकरोति, कालेन मगगं भावेति, अज्जथा एकस्स जाणस्स एकस्मिं खणे चतुकिच्चकरणं न युज्जति । न हिदं कत्थचि दिट्ठम्पि सुत्तं अत्थी”ति । सो वत्तब्बो — यदि अरियमगगजाणं नानाभिसमयवसेन सच्चानि अभिसमेति, न एकाभिसमयवसेन, एवं सन्ते पच्चेकम्पि सच्चेसु नानक्खणेनेव पवत्तेय्य, न एकक्खणेन, तथा सति दुक्खादीनं एकदेसेकदेसमेव परिजानाति पजहतीति आपज्जतीति नानाभिसमये पठममग्गादीहि पहातब्बानं सज्जोजनत्तयादीनं एकदेसेकदेसप्पहानं सियाति एकदेससोतापत्तिमगगट्ठादिता, ततो एव एकदेससोतापन्नादिता च आपज्जति अनन्तरफलत्ता लोकुत्तरकुसलानं, न च तं युत्तं । न हि कालभेदेन विना सो एव सोतापन्नो च असोतापन्नो चाति सक्का विज्जातुं ।

अपिचायं नानाभिसमयवादी एवं पुच्छितब्बो “मगगजाणं सच्चानि पटिविज्झन्तं किं आरम्मणतो पटिविज्झति, उदाहु किच्चतो”ति? जानमानो “किच्चतो”ति वदेय्य, “किच्चतो पटिविज्झन्तस्स किं नानाभिसमयेना”ति वत्वा पटिपाटियानिदस्सनेन सज्जापेतब्बो । अथ “आरम्मणतो”ति वदेय्य, एवं सन्ते तस्स जाणस्स विपस्सनाजाणस्स विय दुक्खसमुदयानं अच्चन्तपरिज्जासमुच्छेदा न युत्ता अनिस्सटत्ता । तथा मगगदस्सनं । न हि मग्गो सयमेव अत्तानं आरब्ध

पवत्ततीति युत्तं, मगगन्तरपरिकप्पनाय पन अनवट्ठानं आपज्जति, तस्मा तीणि सच्चानि किच्चतो, निरोधं किच्चतो च आरम्मणतो च पटिविज्झतीति एवं असम्मोहतो पटिविज्झन्तस्स मगगाणस्स नत्थेव नानाभिसमयो। वुत्तज्हेतं “यो भिक्खवे दुक्खं पस्सति, दुक्खसमुदयमि सो पस्सती”तिआदि। न चेतं कालन्तरदस्सनं सन्धाय वुत्तं “यो नु खो, आवुसो, दुक्खं पस्सति, दुक्खसमुदयमि ...पे०... दुक्खनिरोधगामिनिपटिपदमि सो पस्सती”ति (सं० नि० ५.११००) एकच्चदस्सनसमङ्गिनो अज्जसच्चदस्सनसमङ्गिभावविचारणायं तदत्थसाधनत्थं आयस्मता गवम्पतित्थेरेन आभतत्ता, पच्चेकज्ज सच्चत्तयदस्सनस्स योजितत्ता, अज्जथा पुरिमदिट्ठस्स पुन अदस्सनतो समुदयादिदस्सनमयोजनियं सिया। न हि लोकुत्तरमगो लोकियमगो विय कतकारीभावेन पवत्तति समुच्छेदकत्ता, तथा योजनेन च सब्बदस्सनं दस्सनन्तरपरमन्ति दस्सनानुपरमो सियाति एवं आगमतो युत्तितो च नानाभिसमयो न युज्जतीति सज्जापेतब्बो। एवं चे सज्जतिं गच्छति, इच्चेतं कुसलं। नो चे गच्छति, **अभिधम्मे** (कथा० २७४) ओधिसोकथाय सज्जापेतब्बोति।

**निरोधं आरम्मणतोति** निरोधमेव आरम्मणतोति नियमो गहेतब्बो, न आरम्मणतोवाति। तेन निरोधे किच्चतोपि पटिवेधो सिद्धो होति। **तस्मिं समयेति** सच्चानं अभिसमये। **वीसतिवत्थुकाति**आदि “तीणि सज्जोजनानी”ति वुत्तानं सरूपदस्सनं। **चतूसु आसवेसूति** इदं अभिधम्मनयेन वुत्तं, न सुत्तन्तनयेन। न हि सुत्ते कत्थचि चत्तारो आसवा आगता अत्थि। यदि विचिकिच्छा न आसवो, अथ कस्मा “सक्कायदिट्ठि विचिकिच्छा सीलब्बतपरामासो, इमे वुच्चन्ति, भिक्खवे, आसवा दस्सना पहातब्बा”ति वुत्तन्ति आह “**दस्सना पहातब्बा**”तिआदि। **एत्थ परियापन्नत्ताति** एतेन सम्मासङ्कप्पस्स विय पज्जाक्खन्थे किच्चसभागताय इध विचिकिच्छाय आसवसङ्गहो कतोति दस्सेति।

सब्बो अत्तग्गाहो सक्कायदिट्ठिविनिमुत्तो नत्थीति वुत्तं “**छन्नं दिट्ठिनं...पे०... विभत्ता**”ति। सा हि दिट्ठि एकस्मिं चित्तुप्पादे सन्ताने च ठितं एकट्ठं, तत्थ पठमं सहजातेकट्ठं, इतरं पहानेकट्ठं, तदुभयमि निद्धारेत्वा दस्सेतुं “**दिट्ठासवेही**”तिआदि वुत्तं। **सब्बथापीति** सब्बप्पकारेन, सहजातेकट्ठपहानेकट्ठप्पकारेहीति अत्थो। **अवसेसाति** दिट्ठासवतो अवसिद्धा। **तयोपि आसवाति** कामासवभवासवअविज्जासवा। तथा हि पुब्बे “चतूसु आसवेसू”ति वुत्तं। **तस्माति** यस्मा बहू एवेत्थ आसवा पहातब्बा, तस्मा बहुवचननिद्देशो कतो “इमे वुच्चन्ति, भिक्खवे, आसवा दस्सना पहातब्बा”ति। **पोराणानन्ति** अट्ठकथाचरियानं, “पुरातनानं मज्झिमभाणकान”न्ति च वदन्ति।

**दस्सना पहातब्बाति**आदीसु यं वत्तब्बं, तं हेट्ठा वुत्तमेव।

दस्सनापहातब्बआसववण्णना निट्ठिता।

### संवरापहातब्बआसववण्णना

**२२. संवरादीहीति** संवरपटिसेवनअधिवासनपरिवज्जनविनोदनेहि। **सब्बेसम्पीति** चतुन्नमि अरियमगानं। **अयन्ति** संवरापहातब्बादिकथा **पुब्बभागपटिपदाति वेदितब्बा**। तथा हि हेट्ठा “उपक्विकलेसविसोधनं आदिं कत्वा आसवक्खयपटिपत्तिदस्सनत्थ”न्ति सुत्तन्तदेसनाय पयोजनं वुत्तं। न हि सक्का आदितो एव अरियमगं भावेतुं, अथ खो समादिन्नसीलो इन्द्रियेसु गुत्तद्वारो “सङ्खायेकं पटिसेवति, सङ्खायेकं अधिवासेति, सङ्खायेकं परिवज्जेति, सङ्खायेकं विनोदेती”ति (दी० नि० ३.३४८; म० नि० २.१६८) एवं वुत्तं चतुरापस्सेनपटिपत्तिं पटिपज्जमानो सम्मसनविधिं ओतरित्वा अनुक्कमेन विपस्सनं उस्सुक्कापेत्वा मगगपटिपाटिया आसवे खेपेति। तेनाह भगवा “सेय्यथापि, भिक्खवे, महासमुद्धो अनुपुब्बनिन्नो अनुपुब्बपोणो अनुपुब्बपम्भारो, न आयतकेनेव पपातो, एवं खो, भिक्खवे, इमस्मिं धम्मविनये

अनुपुब्बसिक्खा अनुपुब्बकिरिया अनुपुब्बपटिपदा, न आयतकेनेव अज्जापटिवेधो'ति (अ० नि० ८.२०; उदा० ४५; चूळव० ३८५)।

इधाति अयं इध-सद्वो सब्बाकारतो इन्द्रियसंवरसंवृतस्स पुग्गलस्स सन्निस्सयभूतसासनपरिदीपनो, अज्जसासनस्स तथाभावपटिसेधनो चाति वुत्तं “इमस्मिं सासने”ति। आदीनवपटिसङ्घाति आदीनवपच्चवेक्खणा। सम्पलिमट्टन्ति (अ० नि० टी० ३.६.५८) घंसितं। अनुब्यज्जनसोति हत्थपादहसितकथितविलोकितादिप्पकारभागसो। तज्झि अयोनिस्सो मनसिकरोतो किलेसानं अनु अनु ब्यज्जनतो “अनुब्यज्जन”न्ति वुच्चति। निमित्तगाहोति इत्थिपुरिसनिमित्तादिकस्स वा किलेसवत्थुभूतस्स वा निमित्तस्स गाहो। आदित्तपरियायनयेनाति आदित्तपरियाये (सं० नि० ४.२८; महाव० ५४) आगतनयेन वेदितब्बा आदीनवपटिसङ्घाति योजना। यथा इत्थिया इन्द्रियन्ति इत्थिन्द्रियं, न एवमिदं, इदं पन चक्खुमेव इन्द्रियन्ति चक्खुन्द्रियन्ति। तित्थकाको वियाति तित्थे काको तित्थकाको, नदिया समतिक्कमनतित्थे नियतट्ठित्तिको। आवाटकच्छपोतिआदीसुपि एसेव नयो।

एवं तप्पटिबद्धवुत्तिताय चक्खुन्द्रिये नियतट्ठानो संवरो चक्खुन्द्रियसंवरो। मुट्ठस्सच्चं सतिपटिपक्खा अकुसलधम्मा। यदिपि अज्जत्थ असङ्खेय्यमि भवङ्गचित्तं निरन्तरं उप्पज्जति, पसादघट्टनावज्जनुप्पादानं पन अन्तरे द्वे एव भवङ्गचित्तानि उप्पज्जन्तीति अयं चित्तनियामोति आह भवङ्गे “द्विक्खत्तुं उप्पज्जित्वा निरुद्धे”ति।

जवनक्खणे पन सचे दुस्सील्यं वातिआदि (विसुद्धि० टी० १.१५; ध० स० मूलटी० १३५२) पुन अवचनत्थं इधेव सब्बं वुत्तन्ति छसु द्वारेसु यथासम्भवं योजेतब्बं। न हि पञ्चद्वारे कायवचीदुच्चरितसङ्घातो दुस्सील्यसंवरो अत्थीति सो मनोद्वारवसेन, इतरो छन्नमि द्वारानं वसेन योजेतब्बो। मुट्ठस्सच्चादीनज्झि सतिपटिपक्खादिलक्खणानं अकुसलधम्मानं सिया पञ्चद्वारे उप्पत्ति, न त्वेव कायिकवाचसिकवीतिक्कमभूतस्स दुस्सील्यस्स तत्थ उप्पत्ति पञ्चद्वारिकजवनानं अविज्जत्तिजनकत्ताति।

यथा किन्ति येन पकारेन जवने उप्पज्जमानो असंवरो “चक्खुद्वारे असंवरो”ति वुच्चति, तं निदस्सनं किन्ति अत्थो। यथातिआदिना नगरद्वारे असंवरे सति तंसम्बन्धानं घरादीनं असंवृतता विय जवने असंवरे सति तंसम्बन्धानं द्वारादीनं असंवृतताति अज्जासंवरे अज्जासंवृततासामज्जमेव निदस्सेति, न पुब्बापरसामज्जं, अन्तोबहिसामज्जं वा। सम्बन्धो च जवनेन द्वारादीनं एकसन्ततिपरियापन्नताय एव दट्ठब्बो। पच्चयभावेन पुरिमनिप्फन्नं जवनकाले असन्तमि भवङ्गादि फलनिप्फत्तिया चक्खादि विय सन्तंयेव नाम। न हि धरमानंयेव “सन्त”न्ति वुच्चति, तस्मा सति द्वारभवङ्गादिके पच्छा उप्पज्जमानं जवनं बाहिरं विय कत्वा नगरद्वारसमानं वुत्तं। इतरज्ज अन्तोनगरघरादिसमानं। जवनस्स हि परमत्थतो असतिपि बाहिरभावे इतरस्स च अब्भन्तरभावे “पभस्सरमिदं, भिक्खवे, चित्तं, तज्ज खो आगन्तुकेहि उपक्विलेसेहि उपक्विलिट्ठ”न्ति (अ० नि० १.४९) आदिवचनतो आगन्तुकभूतस्स कदाचि कदाचि उप्पज्जमानस्स जवनस्स बाहिरभावो, तब्बिधुरसभावस्स इतरस्स अब्भन्तरभावो च परियायतो वेदितब्बो। जवने वा असंवरे उप्पन्ने ततो परं द्वारभवङ्गादीनं असंवरहेतुभावापत्तितो नगरद्वारसदिसेन जवनेन पविसित्वा दुस्सील्यादिचोरानं द्वारभवङ्गादीसु मुसनं कुसलभण्डविनासनं दट्ठब्बं। उप्पन्ने हि असंवरे द्वारादीनं तस्स हेतुभावो पज्जायति, सो च उप्पज्जमानोयेव द्वारादीनं संवरूपनिस्सयभावं पटिबाहेन्तोयेव पवत्ततीति अयज्हेत्थ असंवरादीनं पवत्तिनयो। पञ्चद्वारे रूपादिआरम्मणे आपाथगते यथापच्चयं अकुसलजवने उप्पज्जित्वा भवङ्गं ओतिण्णे मनोद्वारिकजवनं तंयेव आरम्मणं कत्वा भवङ्गं ओतरति, पुन तस्मिंयेव द्वारे “इत्थी पुरिसो”तिआदिना विसयं ववत्थपेत्वा जवनं भवङ्गं ओतरति, पुन वारे रज्जनादिवसेन जवनं जवति,

पुनपि यदि तादिसं आरम्भणं आपाथमागच्छति, तंसदिसमेव पञ्चद्वारे रूपादीसु जवनं उप्पज्जति । तं सन्धाय वुत्तं “एवमेव जवने दुस्सील्यादीसु उप्पन्नेसु तस्मिं असंवरे सति द्वारम्पि अगुत्तं”न्तिआदि । अयं ताव असंवरपक्खे अत्थवण्णना ।

संवरपक्खेपि इमिनाव नयेन अत्थो वेदितब्बो । संवरेन समन्नागतो पुग्गलो संवुतोति वुत्तोति आह “उपेतोति वुत्तं होती”ति । **एकज्झं कत्वा**ति “पातिमोक्खसंवरसंवुतो”ति पदञ्च अत्थतो अभिन्नं समानं कत्वा । **अयमेव चेत्थ अत्थो सुन्दरतरो** उपरिपाळिया संसन्दनतो । तेनाह “**तथाही**”तिआदि । **यन्ति आदेसो**ति इमिना लिङ्गविपल्लासेन सद्धिं वचनविपल्लासो कतोति दस्सेति, निपातपदं वा एतं पच्चत्तपुथुवचनत्थं । **विघातकरा**ति चित्तविघातकरणा चित्तदुक्खनिब्बत्तका च । यथावुत्तकिलेसहेतुका दाहानुबन्धा विपाका एव **विपाकपरिळाहा** । यथा पनेत्थ आसवा अञ्जे च विघातकरा किलेसविपाकपरिळाहा सम्भवन्ति, तं दस्सेतुं “**चक्खुद्वारेही**”तिआदि वुत्तं, तं सुविज्जेय्यमेव । एत्थ च संवरणूपायो, संवरितब्बं, संवरो, यतो सो संवरो, यत्थ संवरो, यच्च संवरफलन्ति अयं विभागो वेदितब्बो । कथं? पटिसङ्का योनिसोति हि **संवरणूपायो** । चक्खुन्द्रियं **संवरितब्बं** । संवरगगहणेन गहिता सति **संवरो** । असंवुतस्साति **संवरणावधि** । असंवरतो हि संवरणं । संवरितब्बगगहणेन सिद्धो इध **संवरविसयो** । चक्खुन्द्रियज्झि संवरजाणं रूपारम्भणे संवरीयतीति अवुत्तिसिद्धोयमत्थो । आसवतन्निमित्तकिलेसादिपरिळाहाभावो **फलं** । एवं सोतद्वारादीसुपि योजेतब्बं । **सब्बत्थेवा**ति मनोद्वारे पञ्चद्वारे चाति सब्बस्मिं द्वारे ।

संवरापहातब्बआसववण्णना निड्ढिता ।

### पटिसेवनापहातब्बआसववण्णना

**२३. पटिसङ्का योनिसो चीवरन्ति**आदीसु “सीतस्स पटिघाताया”तिआदिना वुत्तं पच्चवेक्खणमेव योनिसो पटिसङ्का । **ईदिसन्ति** एवरूपं इट्ठारम्भणं । **भवपत्थनाय अस्सादयतो**ति भवपत्थनामुखेन भावितं आरम्भणं अस्सादेन्तस्स । **चीवरन्ति** निवासनादि यं किञ्चि चीवरं । **पटिसेवती**ति निवासनादिवसेन परिभुज्जति । **यावदेवा**ति पयोजनपरिमाणनियमनं । सीतपटिघातादियेव हि योगिनो चीवरपटिसेवने पयोजनं । **सीतस्सा**ति धातुक्खोभतो वा उतुपरिणामतो वा उप्पन्नसीतस्स । **पटिघाताया**ति पटिबाहनत्थं तप्पच्चयस्स विकारस्स विनोदनत्थं । **उणहस्सा**ति अगिसन्तापतो उप्पन्नस्स उणहस्स । **डंसादयो** पाकटायेव । पुन **यावदेवा**ति नियतपयोजनपरिमाणनियमनं । नियतज्झि पयोजनं चीवरपटिसेवनस्स हिरिकोपीनपटिच्छादनं, इतरं कदाचि कदाचि । **हिरिकोपीनन्ति** सम्बाधद्धानं । यस्मिज्झि अङ्गे विवटे हिरिकुप्पति विनस्सति, तं हिरिया कोपनतो हिरिकोपीनं, तस्स पटिच्छादनत्थं चीवरं पटिसेवति ।

**पिण्डपातन्ति** यं किञ्चि आहारं । सो हि पिण्डोल्येन भिक्खनाय पत्ते पतनतो तत्थ तत्थ लद्धभिक्खापिण्डानं पातो सन्निपातोति “पिण्डपातो”ति वुच्चति । **नेव दवाया**ति न कीळनाय । **न मदाया**ति न बलमदमानमदपुरिसमदत्थं । **न मण्डनाया**ति न अङ्गपच्चङ्गानं पीणनभावत्थं । **न विभूसनाया**ति न तेसंयेव सोभनत्थं, छविसम्पत्तिअत्थन्ति अत्थो । इमानि च पदानि यथाक्कमं मोह-दोस-सण्ठान-वण्ण-रागूपनिस्सय-पहानत्थानि वेदितब्बानि । पुरिमं वा द्वयं अत्तनो अत्तनो संकिलेसुप्पत्तिनिसेधनत्थं, इतरं परस्सपि । चत्तारिपि कामसुखल्लिकानुयोगस्स पहानत्थं वुत्तानीति वेदितब्बानि । **कायस्सा**ति रूपकायस्स । **ठितिया यापनाया**ति पबन्धद्धितत्थञ्चेव पवत्तिया अविच्छेदनत्थञ्च चिरकालद्धितत्थं जीवितिन्द्रियस्स पवत्तापनत्थं । **विहिंसूपरतिया**ति जिघच्छादुक्खस्स उपरमणत्थं । **ब्रह्मचरियानुग्गहाया**ति सासनमग्गब्रह्मचरियानं अनुग्गहत्थं । **इतीति** एवं इमिना उपायेन । **पुराणञ्च वेदनं पटिहङ्कामी**ति पुराणं अभुत्तपच्चया

उष्पज्जनकवेदनं पटिहनिस्सामि । नवञ्च वेदनं न उप्पादेस्सामीति नवं भुत्तपच्चया उष्पज्जनकवेदनं न उप्पादेस्सामीति । तस्सा हि अनुप्पन्नाय अनुप्पज्जनत्थमेव आहारं परिभुज्जति । एत्थ च अभुत्तपच्चया उष्पज्जनकवेदना नाम यथापवत्ता जिघच्छानिमित्ता वेदना । सा हि अभुज्जन्तस्स भिय्यो भिय्यो पवट्टनवसेन उष्पज्जति, भुत्तपच्चया उष्पज्जनकवेदनापि खुदानिमित्ताव अङ्गदाहसूलादिवेदना अप्पवत्ता । सा हि भुत्तपच्चया अनुप्पन्नाव न उष्पज्जिस्सतीति । विहिंसानिमित्ता चेतासं विहिंसाय विसेसो ।

**यात्रा च मे भविस्सतीति** यापना च मे चतुन्नं इरियापथानं भविस्सति । **यापनायाति** इमिना जीवितिन्द्रिययापना वुत्ता, इध चतुन्नं इरियापथानं अविच्छेदसङ्घाता यापनाति अयमेतासं विसेसो । **अनवज्जता च फासुविहारो चाति** अयुत्तपरियेसनपटिग्गहणपरिभोगपरिवज्जनेन अनवज्जता, परिमितपरिभोगेन फासुविहारो । असप्पायापरिमितभोजनपच्चया अरतितन्दीविजम्भिताविज्जुगरहादिदोसाभावेन वा अनवज्जता, सप्पायपरिमितभोजनपच्चया कायबलसम्भवेन फासुविहारो । यावदत्थउदरावदेहकभोजनपरिवज्जनेन सेय्यसुखपस्ससुखमिद्दसुखादीनं अभावतो अनवज्जता, चतुपञ्चालोपमत्तज्जीनभोजनेन चतुइरियापथयोग्यतापादनतो फासुविहारो । वुत्तहेतं —

“चत्तारो पञ्च आलोपे, अभुत्वा उदकं पिवे ।

अलं फासुविहाराय, पहितत्तस्स भिक्खुनो”ति ॥ (थेरगा० ९८३) ।

एत्तावता पयोजनपरिग्गहो, मज्झिमा च पटिपदा दीपिता होति ।

**सेनासनन्ति** सयनञ्च आसनञ्च । यत्थ हि विहारादिके सेति निपज्जति, आसति निसीदति, तं सेनासनं । **उतुपरिस्सयविनोदनपटिसल्लानारामत्थन्ति** उतुयेव परिसहनट्टेन परिस्सयो, सरीराबाधचित्तविक्षेपकरो, अथ वा यथावुत्तो उतु च सीहब्यग्धादिपाकटपरिस्सयो च रागदोसादिपटिच्छन्नपरिस्सयो च उतुपरिस्सयो, तस्स विनोदनत्थञ्चेव एकीभावसुखत्थञ्च । इदञ्च चीवरपटिसेवने हिरिकोपीनपटिच्छादनं विय तस्स नियतपयोजनन्ति पुन “यावदेवा”ति वुत्तं ।

**गिलानपच्चयभेसज्जपरिक्खारन्ति** रोगस्स पच्चनीकप्पवत्तिता गिलानपच्चयो, ततो एव भिसक्कस्स अनुज्जातवत्थुताय भेसज्जं, जीवितस्स परिवारसम्भारभावेहि परिक्खारो चाति **गिलानपच्चयभेसज्जपरिक्खारो**, तं । **उप्पन्नानन्ति** जातानं निब्बत्तानं । **वेय्याबाधिकानन्ति** ब्याबाधतो धातुक्खोभतो च तन्निब्बत्तरोगतो च जातानं । **वेदनानन्ति** दुक्खवेदनानं । **अब्बाबज्झपरमतायाति** निहुक्खपरमभावाय पटिसेवामीति योजना । एवमेत्थ सङ्खेपेनेव पाळिवण्णना वेदितब्बा । **नववेदनुप्पादनतोपीति** न केवलं आयति एव विपाकपरिळाहा, अथ खो अतिभोजनपच्चया अलंसाटकादीनं विय नववेदनुप्पादनतोपि वेदितब्बाति अत्थो ।

पटिसेवनापहातब्बआसववण्णना निट्ठिता ।

**अधिवासनापहातब्बआसववण्णना**

२४. **खमोति** खमनको । कम्मट्टानिकस्स चलनं नाम कम्मट्टानपरिच्चागोति आह “**चलति कम्पति कम्मट्टानं विजहती**”ति । **अधिमत्तम्पि उण्हं सहति**, सहन्तो च न नगसमणादयो विय सहति, अथ खो कम्मट्टानाविजहनेनाति आह “**स्वेव थेरो विया**”ति । **बहिचङ्कमेति** लेणतो बहि चङ्कमे । **उण्हभयेनेवाति** नरकग्गिउण्हभयेनेव । तेनाह



“अवीचिमहानिरयं पच्चवेक्खित्वा”ति, तम्पि “मया अनेकक्खत्तुं अनुभूतं, इदं पन ततो मुदुतरं”न्ति एवं पच्चवेक्खित्वा । एत्थाति एतस्मिं ठाने । अगिसन्तापोव वेदितब्बो सूरियसन्तापस्स परतो वुच्चमानत्ता ।

परिसुद्धसीलोहमस्मीति सब्बथापि “विसुद्धसीलोहमस्मी”ति मरणं अगगहेत्वा अविप्पटिसारमूलिकं पीतिं उप्पादेसि । सह पीतुप्पादाति फरणपीतिया उप्पादेन सहेव । विसं निवत्तित्वाति पीतिवेगेन अज्झोत्थतं दट्ठमुखेनेव भस्सित्वा । तत्थेवाति सप्पेन दट्ठुद्धानेयेव । चित्तेकगतं लभित्वाति “पीतिमनस्स कायो पस्सम्भती”ति आदिना (दी० नि० १.४६६; ३.३५९; सं० नि० ५.३७६; अ० नि० ३.९६; ११.१२) नयेन समाधानं पापुणित्वा ।

पच्चयेसु सन्तोसो भावनाय च आरमितब्बट्टानताय आरामो अस्साति पच्चयसन्तोसभावनारामो, तस्स भावो पच्चय...पे०... रामता, ताय । महाथेरोति वुड्ढतरो थेरो । वचनमेव तदत्थं जापेतुकामानं पथोति वचनपथो ।

असुखट्टेन वा तिब्बा । यज्झि न सुखं, तं अनिट्ठं “तिब्ब”न्ति वुच्चति । एवंसभावोति “अधिवासनजातियो”ति पदस्स अत्थमाह । मुहुत्तेन खणेव वाते हृदयं फालेतुं आरद्धेयेव । अनागामी हुत्वा परिनिब्बायीति अरहत्तं पत्वा परिनिब्बायि ।

एवं सब्बत्थाति “उण्हेन फुट्ठस्स सीतं पत्थयतो”ति आदिना सब्बत्थ उण्हादिनिमित्तं कामासवुप्पत्ति वेदितब्बा, सीतं वा उण्हं वा अनिट्ठन्ति अधिप्पायो । अत्तग्गाहे सति अत्तनियग्गाहोति आह “मय्हं सीतं उण्हन्ति गाहो दिट्ठासवो”ति । सीतादिके उपगते सहन्ती खमन्ती ते अत्तनो उपरि वासेन्ती विय होतीति वुत्तं “आरोपेत्वा वासेतियेवा”ति । न निरस्सतीति न विधुनति । यो हि सीतादिके न सहति, सो ते निरस्सन्तो विधुनन्तो विय होतीति ।

अधिवासनापहातब्बआसववण्णना निट्ठिता ।

### परिवज्जनापहातब्बआसववण्णना

२५. अहं समणोति (अ० नि० टी० ३.६.५८) “अहं समणो, किं मम जीवितेन वा मरणेन वा”ति एवं अचिन्तेत्वाति अधिप्पायो । पच्चवेक्खित्वाति गामप्पदेसं पयोजनादिज्व पच्चवेक्खित्वा । पटिक्कमतीति हत्थिआदीनं समीपगमनतो अपक्कमति । कण्टका यत्थ तिट्ठन्ति, तं कण्टकट्टानं । अमनुस्सदुट्ठानीति अमनुस्ससञ्चारेन दूसितानि, सपरिस्सयानीति अत्थो । समानन्ति समं, अविसमन्ति अत्थो । अकासि वा तादिसं अनाचारं ।

सीलसंवरसङ्घातेनाति “कथं परिवज्जनं सील”न्ति यदेत्थ वत्तब्बं, तं हेट्ठा वुत्तमेव । अपिच “चण्डं हत्थिं परिवज्जेती”ति वचनतो हत्थिआदिपरिवज्जनम्पि भगवतो वचनानुद्धानन्ति कत्वा आचारसीलमेवाति वेदितब्बं ।

परिवज्जनापहातब्बआसववण्णना निट्ठिता ।

### विनोदनापहातब्बआसववण्णना

२६. इतिपीति इमिना कारणेन, अयोनिमोमनसिकारसमुट्ठितत्तापि लोभादिसहगतत्तापि कुसलपटिपक्खतोपीति आदीहि कारणेहि अयं वितक्को अकुसलोति अत्थो । इमिना नयेन सावज्जोति आदीसुपि अत्थो वेदितब्बो । एत्थ च अकुसलोति आदिना दिट्ठधम्मिकं कामवितक्कस्स आदीनवं दस्सेति, दुक्खविपाकोति इमिना

सम्परायिकं । अत्तव्याबाधाय संवत्ततीति आदीसुपि इमिनाव नयेन आदीनवविभावना वेदितव्वा । उप्पन्नस्स कामवितक्कस्स अनधिवासनं नाम पुन तादिसस्स अनुप्पादनं, तं पनस्स पहानं विनोदनं ब्यन्तिकरणं अनभावगमनन्ति च वत्तुं वट्ठतीति पाळियं “उप्पन्नं कामवितक्कं नाधिवासेती”ति वत्त्वा “पजहती”ति आदि वुत्तन्ति तमत्थं दस्सेन्तो “अनधिवासेन्तो किं करोतीति पजहती”ति आदिमाह । पहानञ्चेत्थ विक्खम्भनमेव, न समुच्छेदोति दस्सेतुं “विनोदेती”ति आदि वुत्तन्ति विक्खम्भनवसेनेव अत्थो दस्सितो ।

कामवितक्कोति सम्पयोगतो आरम्भणतो च कामसहगतो वितक्को । तेनाह “कामपटिसंयुत्तो तक्को”ति आदि । कामपटिसंयुत्तोति हि कामरागसङ्घातेन कामेन सम्पयुत्तो वत्थुकामसङ्घातेन पटिबद्धो च । उप्पन्नुप्पन्नेति तेसं पापवितक्कानं उप्पादावत्थागहणं वा कतं सिया अनवसेसगहणं वा । तेसु पठमं सन्धायाह “उप्पन्नमत्ते”ति, सम्पतिजातेति अत्थो । अनवसेसगहणं व्यापनिच्छाय होतीति दस्सेतुं “सतक्खत्तुम्पि उप्पन्ने”ति वुत्तं । जातिवितक्कोति “अम्हाकं जातयो सुखजीविनो सम्पत्तियुत्ता”ति आदिना गेहस्सितपेमवसेन जातके आरब्भ उप्पन्नवितक्को । जनपदवितक्कोति “अम्हाकं जनपदो सुभिक्षो सम्पन्नस्सो रमणीयो”ति आदिना गेहस्सितपेमवसेनेव जनपदं आरब्भ उप्पन्नवितक्को । उक्कुटिकप्पधानादीहि दुक्खे निज्जिण्णे सम्पराये अत्ता सुखी होति अमरोति दुक्करकारिकाय पटिसंयुत्तो अमरत्थाय वितक्को, तं वा आरब्भ अमराविक्षेपदिट्ठिसहगतो अमरो च सो वितक्को चाति अमरवितक्को । परानुद्वयतापटिसंयुत्तोति परेसु उपट्टाकादीसु सहनन्दिकादिवसेन पवत्तो अनुद्वयतापतिरूपको गेहस्सितपेमेन पटिसंयुत्तो वितक्को । लाभसक्कारसिलोकपटिसंयुत्तोति चीवरादिलाभेन चेव सक्कारेन च कित्तिसद्देन च आरम्भणकरणवसेन पटिसंयुत्तो । अनवञ्जत्तिपटिसंयुत्तोति “अहो वत मं परे न अवजानेय्युं, न हेट्ठा कत्वा मज्जेय्युं, पासाणच्छत्तं विय गरं करेय्युं”न्ति उप्पन्नवितक्को ।

कामवितक्को कामसङ्कप्पनसभावत्ता कामसङ्कप्पपवत्तिया सातिसयत्ता च कामनाकारोति आह “कामवितक्को पनेत्थ कामासवो”ति । तब्बिसेसोति कामासवविसेसो, रागसहवुत्तीति अधिप्पायो । कामवितक्कादिके विनोदेति अत्तनो सन्तानतो नीहरति एतेनाति विनोदनं, वीरियन्ति आह “वीरियसंवरसङ्घातेन विनोदनेना”ति ।

विनोदनापहातब्बआसववण्णना निड्ढिता ।

### भावनापहातब्बआसववण्णना

२७. “सत्त बोज्झङ्गा भाविता बहुलीकता विज्जाविमुत्तियो परिपूरेन्ती”ति (सं० नि० ५.१८७) वचनतो विज्जाविमुत्तीनं अनधिगमो ततो च सकलवट्ठदुक्खानतिवत्ति अभावनाय आदीनवो, वुत्तविपरियायेन भगवतो ओरसपुत्तभावादिवसेन च भावनाय आनिसंसो वेदितव्वो । उपरिमग्गतयसमयसम्भूताति दुतियादिमग्गक्खणे जाता, भावनाधिकारतो दुतियमग्गादिपरियापन्नाति अत्थो । ननु च ते लोकुत्तरा एव, कस्मा विसेसनं कतन्ति? नयिदं विसेसनं, विसेसितब्बं पनेतं, लोकुत्तरबोज्झङ्गा एव अधिप्पेता, ते च खो उपरिमग्गतयसमयसम्भूताति । बोज्झङ्गेसु असम्मोहत्थन्ति विपस्सनाज्ञानमग्गफलबोज्झङ्गेसु सम्मोहाभावत्थं । मिस्सकनयेन हि बोज्झङ्गेसु वुच्चमानेसु तदङ्गादिविवेकदस्सनवसेन विपस्सनाबोज्झङ्गादयो विभजित्वा वुच्चन्ति, न निब्बत्तितलोकुत्तरबोज्झङ्गा एवाति बोज्झङ्गेसु सम्मोहो न होति बोज्झङ्गभावनापटिपत्तिया च सम्मदेव पकासितत्ता । इध पनाति इमस्मिं सुत्ते, इमस्मिं वा अधिकारे । लोकुत्तरनयो एव गहेतव्वो भावनामग्गस्स अधिकतत्ता ।

आदिपदानन्ति (अ० नि० टी० १.१.४१८) “सतिसम्बोज्झङ्ग”न्ति एवमादीनं तस्मिं तस्मिं वाक्ये आदिभूतानं पदानं । अत्थतोति विसेसवसेन सामञ्जसवसेन च पदत्थतो । **लक्खणादीहीति** लक्खणरसपच्चुपट्टानतो । **कमतोति** अनुपुब्बितो । **अनूनाधिकतोति** तावत्तकतो । **विभाविनाति** विञ्जुना ।

**सतिसम्बोज्झङ्गेति** सतिसम्बोज्झङ्गपदे । **सरणट्टेनाति** अनुस्सरणट्टेन । चिरकतादिभेदं आरम्भणं उपगन्त्वा ठानं, अनिस्सज्जनं वा **उपट्टानं** । उदके अलाबु विय पिलवित्वा गन्तुं अदत्वा पासाणस्स विय निच्चलस्स आरम्भणस्स ठपनं सारणं असम्मुट्ठाकरणं **अपिलापनं** । **वुत्तम्पि** हेतं मिलिन्दपञ्चे । **भण्डागारिकोति** भण्डगोपको । अपिलापे करोति **अपिलापेति** । **थेरेनाति** नागसेनत्थेरेन । सम्मोसपच्चनीकं किच्चं **असम्मोसो**, न सम्मोसाभावमत्तं । **गोचराभिमुखभावपच्चुपट्टानाति** कायादिआरम्भणाभिमुखभावपच्चुपट्टाना ।

**बोधिया** धम्मसामगिया, **अङ्गो** अवयवो, **बोधिस्स** वा अरियसावकस्स **अङ्गो** कारणं । **पतिट्टानायूहना** ओघतरणसुत्तवण्णनायं (सं० नि० अट्ठ० १.१.१) —

“किलेसवसेन पतिट्टानं, अभिसङ्खारवसेन आयूहना । तण्हादिट्ठीहि पतिट्टानं, अवसेसकिलेसाभिसङ्खारेहि आयूहना । तण्हावसेन पतिट्टानं, दिट्ठिवसेन आयूहना । सस्सतदिट्ठिया पतिट्टानं, उच्छेददिट्ठिया आयूहना । लीनवसेन पतिट्टानं, उद्धच्चवसेन आयूहना । कामसुखानुयोगवसेन पतिट्टानं, अत्तकिलमथानुयोगवसेन आयूहना । सब्बाकुसलाभिसङ्खारवसेन पतिट्टानं, सब्बलोकियकुसलाभिसङ्खारवसेन आयूहना”ति —

वुत्तेसु पकारेसु इध अवुत्तानं वसेन वेदितब्बा । या हि अयं बोधीति वुच्चतीति योजेतब्बं । “बुज्झती”ति पदस्स पटिबुज्झतीति अत्थोति आह “**किलेससन्ताननिदाय उट्ठहती**”ति । तं पन पटिबुज्झनं अत्थतो चतुन्नं सच्चानं पटिवेधो, निब्बानस्सेव वा सच्छिकिरियाति आह “**चत्तारी**”तिआदि । **ज्ञानङ्गमग्गादयो** वियाति यथा अङ्गानि एव ज्ञानमग्गा, न अङ्गविनिमुत्ता, एवमिधापीति अत्थो । **सेनङ्गरथङ्गादयो** वियाति एतेन पुग्गलपञ्जत्तिया अविज्जमानपञ्जत्तिभावं दस्सेति ।

**बोधाय संवत्तन्तीति** **बोज्झङ्गाति** इदं कारणत्थो अङ्ग-सद्दोति कत्वा वुत्तं । बुज्झन्तीति बोधियो, बोधियो एव अङ्गाति **बोज्झङ्गाति** वुत्तं “**बुज्झन्तीति बोज्झङ्गा**”ति । **अनुबुज्झन्तीति** विपस्सनादीनं कारणानं बुज्झितब्बानञ्च सच्चानं अनुरूपं बुज्झन्ति । **पटिबुज्झन्तीति** किलेसनिदाय उट्ठहनतो पच्चक्खभावेन वा पटिमुखं बुज्झन्ति । **सम्बुज्झन्तीति** अविपरीतभावेन सम्मा च बुज्झन्ति । एवं उपसग्गानं अत्थविसेसदीपनता दट्ठब्बा । बोधि-सद्दो हि सब्बविसेसयुत्तं बुज्झनं सामञ्जेन गहेत्वा ठितो ।

**विचिनातीति** “तयिदं दुक्ख”न्तिआदिना वीमंसति । **ओभासनं** धम्मानं यथाभूतसभावपटिच्छादकस्स सम्मोहस्स विद्धंसनं यथा आलोको अन्धकारस्स । यस्मिं धम्मे सति वीरो नाम होति, सो धम्मो **वीरभावो** । **ईरयितब्बतोति** पवत्तेतब्बतो । कोसज्जपक्खतो पतितुं अप्पदानवसेन सम्पयुत्तानं पग्गणहनं **पग्गहो** । **उपत्थम्भनं** अनुबलप्पदानं । ओसीदनं लयापत्ति, तप्पटिपक्खतो **अनोसीदनं** दट्ठब्बं । **पीणयतीति** तप्पेति वट्ठेति वा । **फरणं** पणीतरूपेहि कायस्स व्यापनं । **तुट्ठि** नाम पीति । उदग्गभावो **ओदग्गं**, कायचित्तानं उक्खिपनन्ति अत्थो । **कायचित्तदरथपस्सम्भनतोति** कायदरथस्स चित्तदरथस्स च पस्सम्भनतो वूपसमनतो । **कायोति** चेत्थ वेदनादयो तयो खन्धा । **दरथो** सारम्भो, दुक्खदोमनस्सपच्चयानं उद्धच्चादिकिलेसानं, तप्पधानानं वा चतुन्नं खन्धानं अधिवचनं । उद्धच्चादिकिलेसपटिपक्खभावो दट्ठब्बो, एवञ्चेत्थ पस्सद्दिया **अपरिप्फन्दनसीतिभावो** दट्ठब्बो असारद्दभावतो । तेनाह भगवा “पस्सद्दो कायो असारद्दो”ति (म० नि०

१.५२)।

**समाधानतो**ति सम्मा चित्तस्स आधानतो ठपनतो। **अविक्खेपो** सम्पयुत्तानं अविक्खितता, येन ससम्पयुत्ता धम्मा अविक्खितता होन्ति, सो धम्मो अविक्खेपोति। **अविसारो** अत्तनो एव अविसरणसभावो। **सम्पिण्डनं** सम्पयुत्तानं अविष्पकिण्णभावापादनं न्हानीयचुण्णानं उदकं विय। **चित्तद्वित्तपच्चुपट्टानो**ति “चित्तस्स ठिती”ति (ध० सं० ११) वचनतो चित्तस्स पबन्धठित्तपच्चुपट्टानो। **अज्झुपेक्खनतो**ति उदासीनभावतो। **साति** बोज्झङ्गउपेक्खा। समप्पवत्ते धम्मे पटिसञ्चिक्खति उपपत्तितो इक्खति तदाकारा हुत्वा पवत्ततीति **पटिसङ्खानलक्खणा**, एवञ्च कत्वा “पटिसङ्खा सन्तिट्ठना गहणे मज्झत्तता”ति उपेक्खाकिच्चाधिमत्तताय सङ्खारुपेक्खा वुत्ता। सम्पयुत्तधम्मनं यथासककिच्चकरणवसेन समं पवत्तनपच्चयता **समवाहिता**। अलीनानुद्धतप्पवत्तिपच्चयता **ऊनाधिकतानिवारणं**। सम्पयुत्तानं असमप्पवत्तिहेतुकपक्खपातं उपच्छिन्दन्ती विय होतीति वुत्तं “**पक्खपातुपच्छेदरसा**”ति। अज्झुपेक्खनमेव **मज्झत्तभावो**।

सब्बस्मिं लीनपक्खे उद्धच्चपक्खे च अत्थिका पत्थनीया इच्छितब्बाति सब्बत्थिका, तं **सब्बत्थिकं**। समानक्खणपवत्तीसु सत्तसुपि सम्बोज्झङ्गेसु वाचाय कमप्पवत्तितो पटिपाटिया वत्तब्बेसु यं किञ्चि पठमं अवत्वा सतिसम्बोज्झङ्गस्सेव पठमं वचनस्स कारणं सब्बेसं उपकारकत्तन्ति वुत्तं “**सब्बेस**”न्तिआदि। **सब्बेसन्ति** च लीनुद्धच्चपक्खिकानं, अज्जथा सब्बेपि सब्बेसं पच्चयाति।

“**कस्मा सत्तेव बोज्झङ्गा वुत्ता**”ति चोदको सद्दालोभादीनम्पि बोज्झङ्गभावं आसङ्कति, इतरो सतिआदीनयेव भावनाय उपकारतं दस्सेन्तो “**लीनुद्धच्चपटिपक्खतो सब्बत्थिकतो चा**”तिआदिमाह। तत्थ **लीनस्साति** अतिसिथिलवीरियतादीहि भावनावीथिं अनोतरित्वा संकुटितस्स चित्तस्स। तदा हि पस्सद्दिसमाधिउपेक्खासम्बोज्झङ्गा न भावेतब्बा। तज्हि एतेहि अल्लतिणादीहि विय परित्तो अग्गि दुस्समुट्ठापियं होतीति। तेनाह भगवा “सेय्यथापि, भिक्खवे, पुरिसो परित्तं अग्गिं उज्जालेतुकामो अस्स, सो तत्थ अल्लानि चेव तिणानि पक्खिपेय्या”तिआदि (सं० नि० ५.२३४)। धम्मविचयवीरियपीतिसम्बोज्झङ्गा पन भावेतब्बा, सुक्खतिणादीहि विय परित्तो अग्गि लीनं चित्तं एतेहि सुसमुट्ठापियं होतीति। तेन वुत्तं “**यस्मिञ्च खो**”तिआदि। तत्थ यथासकं आहारवसेन धम्मविचयसम्बोज्झङ्गादीनं भावना वेदितब्बा। वुत्तज्हेतं “अत्थि, भिक्खवे, कुसलाकुसला धम्मा...पे०... पीतिसम्बोज्झङ्गस्स भिय्योभावाय...पे०... संवत्तती”ति (सं० नि० ५.२३२)। तत्थ सभावसामञ्जलक्खणपटिवेधवसेन पवत्तमनसिकारो...पे०... धम्मविचयसम्बोज्झङ्गादयो भावेति नाम।

**उद्धच्चस्साति** चित्तस्स अच्चारद्धवीरियतादीहि सीतिभावपटिट्ठितभावं अनोतिण्णताय, तदा धम्मविचयवीरियपीतिसम्बोज्झङ्गा न भावेतब्बा। तज्हि एतेहि सुक्खतिणादीहि विय अग्गिक्खन्धो दुवूपसमयं होति। तेनाह भगवा “सेय्यथापि, भिक्खवे, पुरिसो महन्तं अग्गिक्खन्धं निब्बापेतुकामो अस्स, सो तत्थ सुक्खानि चेव तिणानि पक्खिपेय्या”तिआदि (सं० नि० ५.२३४)। पस्सद्दिसमाधिउपेक्खासम्बोज्झङ्गा पन भावेतब्बा, अल्लतिणादीहि विय अग्गिक्खन्धो उद्धत्तं चित्तं एतेहि सुवूपसमयं होति। तेन वुत्तं “**यस्मिञ्च खो**”तिआदि। एत्थापि यथासकं आहारवसेन पस्सद्दिसम्बोज्झङ्गादीनं भावना वेदितब्बा। वुत्तज्हेतं “अत्थि, भिक्खवे, कायपस्सद्दि चित्तपस्सद्दि...पे०... उपेक्खासम्बोज्झङ्गस्स भिय्योभावाय संवत्तती”ति (सं० नि० ५.२३२)। तत्थ यथास्स पस्सद्दिआदयो उप्पन्नपुब्बा, तं आकारं सल्लक्खेत्वा तेसं उप्पादनवसेन तथा मनसिकरोन्तोव पस्सद्दिसम्बोज्झङ्गादयो भावेति नाम। सतिसम्बोज्झङ्गो पन सब्बत्थ बहूपकारो। सो हि चित्तं लीनपक्खिकानं पस्सद्दिआदीनं वसेन लयापत्तितो, उद्धच्चपक्खिकानञ्च धम्मविचयादीनं वसेन उद्धच्चपाततो रक्खति, तस्मा सो लोणधूपनं विय सब्बव्यज्जनेसु सब्बकम्मिकअमच्चो विय च राजकिच्चेसु सब्बत्थ

इच्छितब्बो। तेनाह “सतिञ्च ख्वाहं, भिक्खवे, सब्बत्थिकं वदामी”ति (सं० नि० ५.२३४)।

अत्त्वा जातब्बाति (सं० नि० टी० १.१.१२९) सम्बन्धो। वड्ढि नाम वेपुल्लं भिय्योभावो पुनप्पुनं उप्पादो एवाति आह “पुनप्पुनं जनेती”ति। अभिवुद्धिं पापेन्तो निब्बत्तेति। विवित्तताति विवित्तभावो। यो हि विवेचनीयतो विविच्चति, यं विविच्चित्वा ठितं, तदुभयं इध विवित्तभावसामञ्जेन “विवित्तता”ति वुत्तं। तेसु पुरिमो विवेचनीयतो विविच्चमानताय विवेकसङ्घाताय विविच्चनकिरियाय समङ्गी धम्मसमूहो ताय एव विविच्चनकिरियाय वसेन विवेकोति गहितो। इतरो सब्बसो ततो ततो विवित्तसभावताय। तत्थ यस्मिं धम्मपुज्जे सतिसम्बोज्झङ्गो विविच्चनकिरियाय पवत्तति, तं यथावुत्ताय विविच्चमानताय विवेकसङ्घातं निस्सायेव पवत्तति, इतरं पन तन्निन्नतातदारम्मणताहीति वुत्तं “विवेके निस्सित”न्ति। यथा वा विवेकवसेन पवत्तं ज्ञानं “विवेकज”न्ति वुत्तं, एवं विवेकवसेन पवत्तो बोज्झङ्गो “विवेकनिस्सितो”ति दट्ठब्बो। निस्सयट्ठो च विपस्सनामग्गानं वसेन मग्गफलानं वेदितब्बो। असतिपि पुब्बापरभावे “पटिच्चसमुप्पादा”ति एत्थ पच्चयानं समुप्पादनं विय अभिन्नधम्माधारा निस्सयनभावना सम्भवन्तीति। अयमेवाति विवेको एव। विवेको हि प्हानविनयविरागनिरोधा च समानत्था।

तदङ्गसमुच्छेदनिस्सरणविवेकनिस्सिततं वत्त्वा पटिपस्सद्धिविवेकनिस्सितताय अवचनं “सतिसम्बोज्झङ्गं भावेती”ति आदिना भावेतब्बानं बोज्झङ्गानं इध वुत्तत्ता। भावितब्बोज्झङ्गस्स हि ये सच्छिकातब्बा फलबोज्झङ्गा, तेसं किच्चं पटिपस्सद्धिविवेको। अज्झासयतोति “निब्बानं सच्छिकरिस्सामी”ति महन्तअज्झासयतो। यदिपि विपस्सनाक्खणे सङ्खारारम्मणं चित्तं, सङ्खारेसु पन आदीनवं सुट्ठु दिस्वा तप्पटिपक्खे निब्बाने अधिमुत्तताय अज्झासयतो निस्सरणविवेकनिस्सितता दाहाभिभूतस्स पुग्गलस्स सीतनिन्नचित्तता विय। न पटिसिद्धा विपस्सनापादकेसु कसिणारम्मणादिज्ञानेसु सतिआदीनं निब्बेधभागियत्ता। अनुद्धरन्ता पन विपस्सना विय बोधिया मग्गस्स आसन्नकारणं ज्ञानं न होति, नापि तथा एकन्तिकं कारणं, न च विपस्सनाकिच्चस्स विय ज्ञानकिच्चस्स निट्ठानं मग्गोति कत्वा न उद्धरन्ति। एत्थ च कसिणग्गहणेन तदायत्तानि आरुप्पानिपि गहितानीति दट्ठब्बानि। तानिपि हि विपस्सनापादकानि निब्बेधभागियानि च होन्तीति वत्तुं वट्ठति तन्निन्नभावसम्भावतो। यदग्गेन हि निब्बाननिन्नता, तदग्गेन फलनिन्नतापि सिया। “कुदास्सु नामाहं तदायतनं उपसम्पज्ज विहरेय्य”न्ति (म० नि० १.४६५) आदिवचनम्पेतस्स अत्थस्स साधकं।

वोस्सग्ग-सट्ठो परिच्चागत्यो पक्खन्दनत्थो चाति वोस्सग्गस्स दुविधता वुत्ता। वोस्सज्जनञ्हि प्हानं, विस्सट्ठभावेन निरासङ्कपवति च, तस्मा विपस्सनाक्खणे तदङ्गवसेन, मग्गक्खणे समुच्छेदवसेन पटिपक्खस्स प्हानं वोस्सग्गो, तथा विपस्सनाक्खणे तन्निन्नभावेन, मग्गक्खणे आरम्मणकरणेन विस्सट्ठसभावतो वोस्सग्गोति वेदितब्बं। यथावुत्तेन पकारेनाति तदङ्गसमुच्छेदपकारेन तन्निन्नतदारम्मणकरणपकारेन च। पुब्बे वोस्सग्ग-पदस्सेव अत्थस्स वुत्तत्ता आह “सकलेन वचनेना”ति। परिणमन्तं विपस्सनाक्खणे, परिणतं मग्गक्खणे। परिणामो नाम परिपाकोति आह “परिपच्चन्तं परिपक्कञ्चा”ति। परिपाको च आसेवनलाभेन आहितसामत्थियस्स किलेसस्स परिच्चजितुं निब्बानञ्च पक्खन्दितुं तिक्खविसदसभावो। तेनाह “अयञ्ही”ति आदि। एस नयोति ख्वायं “तदङ्गविवेकनिस्सित”न्ति आदिना सतिसम्बोज्झङ्गे वुत्तो, सेसेसु धम्मविचयसम्बोज्झङ्गादीसुपि एस नयोति एवं तत्थ नेतब्बन्ति अत्थो।

एवं आदिकम्मिकानं बोज्झङ्गेसु असम्मोहत्थं मिस्सकनयं वत्त्वा इदानीं निब्बत्तितलोकुत्तरबोज्झङ्गवसेन अत्थं विभावेतुं “इध पना”ति आदि वुत्तं। इध पनाति इमस्मिं सब्बासवसुत्तन्ते। मग्गो एव वोस्सग्गविपरिणामी भावनामग्गस्स इध अधिप्पेतत्ता। तञ्च खोति सतिसम्बोज्झङ्गं। समुच्छेदतोति समुच्छिन्दनतो।

दिद्धासवस्स पठममग्गवज्झत्ता “तयो आसवा”ति वुत्तं । तेपि अनपायगमनीया एव वेदितब्बा अपायगमनीयानं दस्सनेनेव पहीनत्ता । सतिपि सम्बोज्झङ्गानं येभुय्येन मग्गभावे तत्थ तत्थ सम्बोज्झङ्गसभावानं मग्गधम्मनं वसेन वुत्तमग्गतयसम्पयुत्ता बोज्झङ्गाति पच्चैकबोज्झङ्गे “बोज्झङ्गभावनाया”ति इमिना गणहन्तो “मग्गतयसम्पयुत्ताया”ति आह ।

भावनापहातब्बआसववण्णना निट्ठिता ।

**२८. थोमेन्तोति** आसवप्पहानस्स सुदुक्करत्ता ताय एव दुक्करकिरियाय तं अभित्थवन्तो । **अस्साति** पहीनासवभिक्षुनो । **आनिसंसन्ति** तण्हाच्छेदादिदुक्खक्खयपरियोसानं उद्रयं । **एतेहि** पहानादिसंकित्तनेहि । **उस्सुक्कं जनेन्तोति** एवं धम्मस्सामिनापि अभित्थवनीयं महानिसंसञ्च आसवप्पहानन्ति तत्थ आदरसहितं उस्साहं उप्पादेन्तो । **दस्सनेनेव पहीनाति** दस्सनेन पहीना एव । तेन वुत्तं “**न अप्पहीनेसुयेव पहीनसञ्जी**”ति ।

**सब्ब**-सद्देन आसवानं, आसवसंवरेणञ्च सम्बन्धवसेन दुतियपठमविकप्पानं भेदो दट्ठब्बो । **दस्सनाभिसमयाति** परिज्जाभिसमया परिज्जाकिच्चसिद्धिया । तेनाह “**किच्चवसेना**”ति, असम्मोहपटिवेधेनाति अत्थो । **समुस्सयो** कायो, अत्तभावो वा ।

अनवज्जपीतिसोमनस्ससहितं चित्तं “अत्तनो”ति वत्तब्बतं अरहति अत्थावहत्ता, न तब्बिपरीतं अनत्थावहत्ताति पीतिसम्पयुत्तचित्तं सन्धायाह “**अत्तमनाति सकमना**”ति । तेनाह “**तुट्टमना**”ति । **अत्तमनाति** वा पीतिसोमनस्सेहि गहितमना । यस्मा पन तेहि गहितता सम्पयुत्तताव, तस्मा वुत्तं “**पीतिसोमनस्सेहि वा सम्पयुत्तमना**”ति । यदेत्थ अत्थतो न विभत्तं, तं वुत्तनयत्ता सुविज्जेय्यत्ता चाति वेदितब्बं ।

सब्बासवसुत्तवण्णनाय लीनत्थप्पकासना समत्ता ।

### ३. धम्मदायादसुत्तवण्णना

**२९. तस्मा तं दस्सेत्वाति** यस्मा सुत्तन्तवण्णना सुत्तनिक्खेपं दस्सेत्वा वुच्चमाना पाकटा होति, यस्मा चस्स धम्मदायादसुत्तस्स अट्ठुप्पत्तिको निक्खेपो, तस्मा तं निक्खेपं दस्सेत्वा, कथेत्वाति अत्थो । **लाभसक्कारेति** (सं० नि० टी० २.२.६३) लाभसक्कारसङ्घाताय अट्ठुप्पत्तियाति केचि, लाभसक्कारे वा अट्ठुप्पत्तियाति अपरे । या हि लाभसक्कारनिमित्तं तदा भिक्खूसु पच्चयबाहुल्लिकता जाता, तं अट्ठुप्पत्तिं कत्वा भगवा इमं देसेसीति । **यमकमहामेघोति** हेट्ठाओलम्बनउपरिउग्गमनवसेन सतपटलो सहस्सपटलो युगळमहामेघो । **तिट्ठन्ति चेव** भगवति कत्थचि निबद्धवासं वसन्ते, चारिकं पन गच्छन्ते **अनुबन्धन्ति च** । भिक्खूनम्पि येभुय्येन कप्पसतसहस्सं ततो भिय्योपि पूरितदानपारमिसञ्चयत्ता तदा महालाभसक्कारो उप्पज्जीति वुत्तं “**एवं भिक्खुसङ्घस्सपी**”ति ।

**सक्कतोति** सक्कारप्पतो । **गरुकतोति** गरुकारप्पतो । **मानितोति** बहुमतो मनसा पियायितो च । **पूजितोति** मालादिपूजाय चेव चतुपच्चयाभिपूजाय च पूजितो । **अपचितोति** अपचायनप्पतो । यस्स हि चत्तारो पच्चये सक्कत्वापि अभिसङ्गते पणीतपणीते उपनेन्ति, सो सक्कतो । यस्मिं गरुभावं पच्चुपट्टपेत्वा ते देन्ति, सो गरुकतो । यं मनसा पियायन्ति बहुमज्जन्ति च, सो बहुमतो । यस्स सब्बमेतं पूजावसेन करोन्ति, सो पूजितो । यस्स अभिवादनपच्चुट्ठानज्जलिकम्मादिवसेन परमनिपच्चकारं करोन्ति, सो अपचितो । भगवति भिक्खुसङ्घे च लोको एवं

पटिपन्नो । तेन वुत्तं “तेन खो पन...पे०... परिकखारान”न्ति । **लाभगयसग्गपत्तन्ति** लाभस्स च यसस्स च अग्गं उक्कंसं पत्तं ।

पच्चया चीवरादयो गरुकातब्बा एतेसन्ति **पच्चयगरुका**, आमिसचक्खुकाति अत्थो । पच्चयेसु गिद्धा गधिता पच्चयानं बहुलभावाय पटिपन्नाति **पच्चयबाहुलिका** । **भगवतोपि पाकटा अहोसि** पकतिचारित्तवसेनाति अधिप्पायो अज्जथा अपाकटस्सेव अभावतो । धम्मसभावचिन्तावसेन पवत्तं सहोत्तप्पजाणं **धम्मसंवेगो**, इध पन सो भिक्खूनं लाभगरुताधम्मवसेन वेदितब्बो । **समणधम्मवुत्तीति** समणधम्मकरणं । **साति** धम्मदायाददेसना । पटिबिम्बदस्सनवसेन सब्बकायस्स दस्सनयोगो आदासोति **सब्बकायिकआदासो** ।

पितु-दायं, तेन दातब्बं, ततो लद्धब्बं अरहभावेन आदियन्तीति **दायादा**, पुत्ता । तज्ज लोके आमिसमेव, सासने पन धम्मोपीति तत्थ यं सावज्जं अनिय्यानिकज्ज, तं पटिक्खिपित्वा, यं निय्यानिकं अनवज्जज्ज, तत्थ भिक्खू नियोजेन्तो भगवा अवोच “**धम्मदायादा मे, भिक्खवे, भवथ, मा आमिसदायादा**”ति । **धम्मस्स मे दायादाति** मम धम्मस्स ओगाहिनो, धम्मभागभागिनोति अत्थो । तथा हि वक्खति “धम्मकोट्टासस्सेव सामिनो”ति (म० नि० अट्ठ० १. २९) । **निब्बत्तितधम्मो**ति असंक्किलेसिकानुत्तरादिभावेन धम्मसामज्जतो निद्धारितधम्मो । परियायेति सभावतो परिवत्तेत्वा आपेति एतेनाति **परियायो**, लेसो, लेसकारणं वा । तदभावतो **निप्परियायधम्मो** मग्गप्पत्तिया अपायपतनादितो अच्चन्तमेव वारणतो । इतरो वुत्तविपरियायतो **परियायधम्मो** अच्चन्तं अपायदुक्खवट्टदुक्खपातनतो परम्पराय वारणतो । यथा हि लोकियं कुसलं दानसीलादि विवट्टं उट्ठिस्स निब्बत्तितं, अयं तं असम्पादेन्तम्पि तं सम्पापकस्स धम्मस्स निब्बत्तकारणभावपरियायेन परियायधम्मो नाम होति, एवं तं वट्टं उट्ठिस्स निब्बत्तितं, यं तण्हादीहि सविसेसं आमसितब्बतो आमिसन्ति लोके पाकटं अच्छादनभोजनादि, तस्स, तंसदिसस्स च फलविसेसस्स निमित्तभावपरियायेन परियायामिसन्ति वुच्चतीति दस्सेन्तो आह “**यं पनिदं...पे०... इदं परियायामिसं नामा**”ति ।

“सकलमेव हिदं, आनन्द, ब्रह्मचरियस्स यदिदं कल्याणमित्तता”ति (सं० नि० ५. २, ३) आदिवचनतो सावकेहि अधिगतोपि लोकोत्तरधम्मो सत्थुयेवाति वत्तब्बतं अरहतीति वुत्तं “**निप्परियायधम्मोपि भगवतोयेव सन्तको**”ति । सावकानज्झि धम्मदिट्ठिपच्चयस्सपि योनिमोमनसिकारस्स विसेसपच्चयो परतोघोसो च तथागताधीनोति तेहि पटिविद्धोपि धम्मो धम्मस्सामिनोयेवाति वत्तुं युत्तं । तेनाह “**भगवता ही**”तिआदि । तत्थ **अनुप्पन्नस्स मग्गस्साति** कस्सपस्स भगवतो सासनन्तरधानतो पभुति याव इमस्मा बुद्धुप्पादा असम्बोधवसेन न उप्पन्नस्स अरियमग्गस्स । **उप्पादेताति** निब्बत्तेता । तं पनेतं मग्गस्स भगवतो निब्बत्तनं, न पच्चेकबुद्धानं विय ससन्तानेयेव, अथ खो परसन्तानेपीति दस्सेतुं “**असज्जातस्स मग्गस्स सज्जेता, अनक्खातस्स मग्गस्स अक्खाता**”ति वुत्तं । तयिदं मग्गस्स उप्पादनं सज्जाननज्ज अत्थतो जाननज्जेव असम्मोहपटिवेधभावतोति वुत्तं “**मग्गज्जू मग्गविदू**”ति । अक्खानं पनस्स सुकुसलभावेनाति वुत्तं “**मग्गकोविदो**”ति । सत्थारा यथागतं मग्गं अनुगच्छन्तीति **मग्गानुगा** भगवतो एव तं मग्गं सुट्ठु अधिगमनतो । पच्छा परतो सम्मा अनु अनु आगता पटिपन्नाति **पच्छा समन्नागता** ।

**जानं जानातीति** जानितब्बमेव अभिज्जेय्यादिभेदं जानाति एकन्तहितपटिपत्तितो । **पस्सं पस्सतीति** तथा पस्सितब्बमेव पस्सति । अथ वा **जानं जानातीति** सब्बज्जुतज्जाणेन जानितब्बं जानातियेव । न हि पदेसज्जाणेन जानितब्बं सब्बं एकन्ततो जानाति । **पस्सं पस्सतीति** दिब्बचक्खु पज्जाचक्खु धम्मचक्खु बुद्धचक्खु समन्तचक्खुसङ्घातेहि पज्जहि चक्खूहि पस्सितब्बं पस्सतियेव । अथ वा **जानं जानातीति** यथा अज्जे सविपल्लासा कामरूपपरिज्जावादिनो जानन्तापि

विपल्लासवसेन जानन्ति, न एवं भगवा । भगवा पन पहीनविपल्लासत्ता जानन्तो जानातियेव, दिट्ठिदस्सनस्स च अभावा पस्सन्तो पस्सतियेवाति अत्थो । **चक्खुभूतो**ति पज्जाचक्खुमयत्ता तस्स च पत्तत्ता सत्तेसु च तदुप्पादनतो दस्सनपरिणायकट्ठेन लोकस्स चक्खु विय भूतो । **जाणभूतो**ति एतस्स च एवमेव अत्थो दट्ठब्बो । धम्मा बोधिपक्खिया, ब्रह्मा मग्गो, तेहि उप्पन्नत्ता, तेसंवा पत्तत्ता अधिगतत्ता, लोकस्स च तदुप्पादनतो “**धम्मभूतो, ब्रह्मभूतो**”ति च वेदितब्बो । **वत्ता**ति चतुसच्चधम्मं वदतीति वत्ता । चिरं सच्चप्पटिवेधं पवत्तेन्तो वदतीति **पवत्ता** । **अत्थस्स निन्नेता**ति धम्मतासङ्घातं परमत्थं निब्बानञ्च निद्धारेत्वा दस्सेता, पापयिता वा । **अमतस्स दाता**ति अमतं सच्छिकिरियं सत्तेसु उप्पादेन्तो अमतं ददातीति अमतस्स दाता । बोधिपक्खियधम्मानं तदायत्तभावतो **धम्मस्सामी** ।

“या च निब्बानसम्पत्ति, सब्बमेतेन लब्धति ।

सुखो विपाको पुज्जानं, अधिप्पायो समिज्झति ॥ (पेटको २३) ।

निब्बानपटिसंयुत्तो, सब्बसम्पत्तिदायको’ति —

एवमादिं भगवतो वचनं सुत्वा एव भिक्खू दानादिपुज्जानं विवट्टसन्निस्सयतं जानन्ति, न अज्जथाति वुत्तं “**परियायधम्मोपि...पे०... पटिलभती**”ति । “एदिसं परिभुज्जितब्ब”न्ति कप्पियस्स च चीवरादिपच्चयस्स भगवतो वचनेन विना पटिग्गहोपि भिक्खूनं न सम्भवति, कुतो परिभोगोति आह “**निप्परियायामिसम्पी**”तिआदि ।

परियायामिसस्स भगवतो सन्तकभावो परियायधम्मस्स तब्भावेनेव दीपितो । तदेव सामिभावं दस्सेन्तोति सम्बन्धो । **तस्मा**ति अत्ताधीनपटिलाभपटिग्गहताय अत्तनो सन्तकत्ता च । **तत्था**ति तस्मिं धम्मामिसे ।

पच्चया चीवरादयो परमा पापुणितब्बभावेन उत्तममरियादा एतस्स न उत्तरिमनुस्सधम्मा अप्पिच्छतादयो चाति **पच्चयपरमो**, लाभगरूति अत्थो । **तणहुप्पादे**सूति “चीवरहेतु वा, भिक्खवे, भिक्खुनो तण्हा उप्पज्जमाना उप्पज्जति, पिण्डपातसेनासनइतिभवाभवहेतु वा, भिक्खवे, भिक्खुनो तण्हा उप्पज्जमाना उप्पज्जती”ति (दी० नि० ३.३११; अ० नि० ४.९; इतिवु० १०५) एवं वुत्तेसु चतूसु तणहुप्पत्तिकोट्टासेसु । अप्पिच्छतासन्तुट्ठिसल्लेखपविवेकादयो **अप्पिच्छतादयो** ।

**तत्था**ति तस्मिं ओवादे, तेसु वा धम्मपटिग्गाहकेसु भिक्खूसु । भविस्सति वा येसं तत्थाति योजना । इमस्मिं पक्खे **तत्था**ति तस्मिं ओवादे इच्चेव अत्थो दट्ठब्बो । **अधिप्पायो** आमिसदायादताय उप्पज्जनकअनत्थानुप्पादस्स धम्मदायादताय उप्पज्जनकअट्टुप्पत्तिया च आकङ्खा । तेनाह “**पस्सती**”तिआदि । तत्थ **आमिसे उपक्खलितानन्ति** आमिसहेतु विप्पटिपन्नानं । **अतीतकाले**ति कस्सपसम्मासम्बुद्धकाले । **कपिलस्स भिक्खुनो** वत्थु कपिलसुत्तेन, “**सङ्घाटिपिआदिता होती**”तिआदिना लक्खणसुत्तेन (सं० नि० २.२१८) च विभावेतब्बं । आमिसगरुको अप्पग्घभावेन कूटकहापणो विय नित्तेजो समणतेजेन अनुज्जलतो निब्बुतङ्गारो विय निप्पभो च होतीति योजना । **ततो**ति पच्चयगरुकभावतो । **विवत्तितचित्तो**ति विनिवत्तितमानसो, सल्लेखवुत्तीति अत्थो ।

**धम्मदायादा**ति एत्तावता अन्तोगधावधारणं वचनन्ति तेन अवधारणेन निवत्तितमत्थं विभावेतुं “**मा आमिसदायादा**”ति पटिक्खेपो दस्सितो । तथेव च विभावेतुं अधिप्पायानिसंसविभावनेसुपि दस्सितो, तथा आदीनवविभावनेन धम्मदायादतापटिक्खेपो । **अपदिसितब्बा**ति हेट्ठा कत्वा वत्तब्बाति । **आदिया**ति एत्थ यस्मा **आ-**कारो मरियादत्थो, तस्मा धम्मदायादताविधुरेन आमिसदायादभावेन हेतुभूतेन, करणभूतेन वा आदियं विवेचनं विज्जूहि विसुं



करणं ववत्थानस्स होतीति आह “**विसुं कातब्बा**”ति । तेनाह “**विञ्जूहि गारखा भवेय्याथाति वुत्तं होती**”ति ।

“अत्थि मे तुम्हेसु अनुकम्पा...पे०... नो आमिसदायादा”ति भिक्खूसु अत्तनो करुणायनाकित्तनं तेसं मुदुकरणं, “अहमि तेना”तिआदि पन ततोपि सविसेसं मुदुकरणन्ति आह “**अतीव मुदुकरणत्थ**”न्ति ।

**नाळकपटिपदादयो** नाळकसुत्तादीसु (सु० नि० ६८४-७२८) आगतपटिपत्तियो । ता पन यस्मा नाळकत्थेरादीहि पटिपन्ना परमसल्लेखवुत्तिभूता अतिउक्कट्टपटिपत्तियो, तस्मा इध धम्मदायादपटिपदाय उदाहरणभावेन उद्धटा । **सक्खिभूता**ति ताय पटिपत्तिया वुच्चमानाय “किं मे विना पटिपज्जनको अत्थी”ति असद्वहन्तानं पच्चक्खकरणेन सक्खिभूता । **इमस्मिन्ति** “तुम्हे च मे भिक्खवे धम्मदायादा”तिआदिके वाक्ये । **सेसन्ति** “तुम्हे च मे”तिआदिकं सुक्कपक्खे आगतं पाळिपदं । **वुत्तनयपच्चनीकेना**ति “तेन धम्मदायादभावेन नो आमिसदायादभावेना”ति एवं कण्हपक्खे वुत्तनयस्स पटिपक्खेन ।

**३०. थोमनं सुत्वा**ति पटिपज्जनकस्स पुगलस्स पसंसनं सुत्वा यथा तं सपरिसस्स आयस्मतो उपसेनस्स पटिपत्तिया सीलथोमनं सुत्वा । **निपातपदन्ति** इमिना इध-सद्वस्स अनत्थकतमाह । **पवारितो**ति पटिक्खेपितो । यो हि भुञ्जन्तो भोजनेन तित्तो परिवेसकेन उपनीतभोजनं पटिक्खपति, सो तेन पवारितेन पटिक्खेपितो नाम होति । तेनाह “**पवारितोति...पे०... वुत्तं होती**”ति । पकारेहि दिट्ठादीहि वारेति सङ्गादिके याचापेति भत्ते करोति एतायाति **पवारणा**, आपत्तिविसोधनाय अत्तवोस्सगो ओकासदानं । सा पन यस्मा येभुय्येन वस्संवुत्थेहि कातब्बा वुत्ता, तस्मा “**वस्संवुत्थपवारणा**”ति वुत्तं । पवारेति पच्चये इच्छापेति एतायाति **पवारणा**, चीवरादीहि उपनिमन्तना । पकारयुत्ता वारणाति **पवारणा**, विप्पकतभोजनतादिचतुरङ्गसहितो भोजनपटिक्खेपो । सा पन यस्मा अनतिरित्तभोजननिमित्ताय आपत्तिया कारणं होति, तस्मा “**अनतिरित्तपवारणा**”ति वुत्ता । यावदत्थभोजनस्स पवारणा **यावदत्थपवारणा**, परियोसितभोजनस्स उपनीताहारपटिक्खेपोति अत्थो ।

“भुत्तावी”ति वचनतो भोजनपारिपूरिता इधाधिप्पेताति आह “**परिपुण्णोति भोजनेन परिपुण्णो**”ति । **परियोसितो**ति एत्थापि एसेव नयो “भोजनेन भोजनकिरियाय परियोसितो”ति । **अट्टकथायं** पन अधिप्पेतत्थं पाकटं कत्वा दस्सेतुं भोजन-सद्वस्स लोपो वुत्तो । **धातो**ति तित्तो । **साधकानी**ति जापकानि । परियोसितभोजनं सुहितयावदत्थतागहणेहि भुत्तावितादयो, भुत्तावितादिगहणेहि वा इतरे बोधिता होन्तीति अञ्जमञ्जं नेसं जापकजापेतब्बतं दस्सेतुं “**यो ही**”तिआदि वुत्तं । एवं छहिपि पदेहि उदरावदेहकं भोजनं दस्सितं, तञ्च खो परिकप्पनावसेन । न हि भगवा एवं भुञ्जति । तेनाह “**सब्बञ्चेतं परिकप्पेत्वा वुत्त**”न्ति ।

“सिया एव, नापि सिया”ति च इदं अत्थद्वयमि इध सम्भवतीति वुत्तं “**इध उभयमि वट्ठी**”ति । **अथा**ति अनन्तरं, मम भोजनसमनन्तरमेवाति अत्थो । तं पन यस्मा यथावुत्तकालपच्चामसनं होति, तस्मा “**तम्हि काले**”ति वुत्तं । **अप्परुद्धहरिते**ति रुहमानतिणादिहरितरहिते । अभावत्थो च अयं **अप्प**-सद्वो “अप्पिच्छो”तिआदीसु (म० नि० १.२५२, ३३६; सं० नि० २.१४८) विय ।

**कथितेपी**ति पि-सद्वो अवुत्तसमुच्चयत्थो । तेन वापसमीकरणादिं सङ्गण्हाति । तथा हेस वुत्त-सद्वो “नो च खो पटिवुत्त”न्तिआदीसु (पारा० २८९) वापसमीकरणे दिस्सति, “पन्नलोमो परदत्तवुत्तो”तिआदीसु (चूळव० ३३२) जीवितवुत्तियं, “पण्डुपलासो बन्धना पवुत्तो”तिआदीसु (पारा० ९२; पाचि० ६६६; महाव० १२९; म० नि० ३.५९) अपगमे,

“गीतं पवुत्तं समिहितं”न्ति आदीसु (दी० नि० १.२८५) पावचनभावेन पवत्तिते, लोके पन “वुत्तं परायणं”न्ति आदीसु (महाभास ७.२.२६) अज्झेने दिस्सतीति ।

न एत्थ पिण्डपातभोजनेन धम्मदायादता निवारिता, पिण्डपातभोजनं पन अनादरित्वा धम्मानुधम्मपटिपत्तीति एत्थ कारणं दस्सेन्तो आह “**पिण्डपातं...पे०... वीतिनामेय्या**”ति । तत्थ **वीतिनामेय्या**ति कम्मट्टानानुयोगेन खेपेय्य । तेनाह “**आदित्तसीसूपमं पच्चवेक्खित्वा**”ति । **आदित्तसीसूपमन्ति** आदित्तसीसूपमसुत्तं ।

**किञ्चापीति** अयं “यदिपी”ति इमिना समानत्थो निपातो । निपातो च नाम यत्थ यत्थ वाक्ये पयुज्जति, तेन तेन वत्तब्बत्थजोतको होतीति इध “पिण्डपात”न्ति आदिना अनुज्जापसंसावसेन वुच्चमानस्स अत्थस्स जोतकोति अधिप्पायेन “**अनुजाननपसंसनत्थे निपातो**”ति वुत्तं, अनुज्जापसंसारम्भे पन “असम्भावनत्थे”ति वुत्तं सिया पुरिमेयेव सम्भावनविभावनतो अधिकत्तानुलोमतो च ।

एकवारं पवत्तं पिण्डपातपटिक्खपनं कथं दीघरत्तं अप्पिच्छतादीनं कारणं होतीति चोदनं सन्धायाह “**तस्स ही**”ति आदि । तत्थ **अत्रिच्छता**ति अत्र इच्छतीति अत्रिच्छो, तस्स भावो अत्रिच्छता, अत्थतो परलाभपत्थना । तथा हि वुत्तं “पुरिमेयेव सकलाभेन असन्तुट्ठि, परलाभे च पत्थना, एतं अत्रिच्छतालक्खणं”न्ति (विभ० अट्ठ० ८४९) । **पापिच्छता**ति असन्तगुणसम्भावनधिप्पायता । पापा इच्छा एतस्साति पापिच्छो, तस्स भावो पापिच्छता । यथाह “असन्तगुणसम्भावनता पटिग्गहणे च अमत्तज्जुता, एतं पापिच्छलक्खणं”न्ति (विभ० अट्ठ० ८५१) । महन्तानि वत्थूनि इच्छति, महती वा तस्स इच्छाति महिच्छो, तस्स भावो **महिच्छता** । यं सन्धाय वुत्तं “सन्तगुणसम्भावनता पटिग्गहणे च अमत्तज्जुता, एतं महिच्छलक्खणं”न्ति । पच्चवेक्खमानो निवारेस्सतीति योजना । **अस्स** भिक्खुनो **संवत्तिस्सति** पिण्डपातपटिक्खेपो ।

महिच्छो पुग्गलो यथा पच्चयदानवसेन पच्चयदायकेहि भरितुं असक्कुण्यो, एवं पच्चयपरियेसनवसेन अत्तनापीति वुत्तं “**अत्तनोपि उपट्ठाकानम्पि दुब्भरो होती**”ति । सद्भादेय्यस्स विनिपातवसेन पवत्तिया **अज्जस्स घरे छट्ठेन्तो** । **रित्तपत्तोवाति** येसु कुलेसु पटिपिण्डवसेन पवत्ति, तेसं सब्बपच्छिमं अत्तनो यथालद्धं दत्त्वा तत्थ किञ्चि अलद्धा रित्तपत्तो **विहारं पविसित्वा निपज्जति** जिघच्छादुब्बल्येनाति अधिप्पायो । यथालद्धपच्चयपरिभोगेन, पुन परियेसनानापज्जनेन अत्तनो सुभरता, यथालद्धपच्चयेन अवज्जं अकत्वा सन्तोसापत्तिया उपट्ठाकानं सुभरता वेदितब्बा ।

**कथावत्थूनीति** अप्पिच्छतादिपटिसंयुत्तानं कथानं वत्थूनीति कथावत्थूनि, अप्पिच्छतादयो एव । **तीणीति** तीणि कथावत्थूनि । **अभिसल्लेखिका**ति अतिविय किलेसे सल्लिखतीति अभिसल्लेखो, अप्पिच्छ तादिगुणसमुदायो, सो एतिस्सा अत्थीति अभिसल्लेखिका, महिच्छतादीनं तनुभावाय युत्तरूपा अप्पिच्छतादिपटिसंयुत्तता । **चेतोविनीवरणसप्पायाति** कुसलचित्तुप्पत्तिया निवारकानं नीवरणानं दूरीभावकरणेन चेतोविनीवरणसङ्घातानं समथविपस्सनानं सप्पाया । समथविपस्सनाचित्तस्सेव वा विभूतिभावकरणाय सप्पाया उपकारिकाति **चेतोविनीवरणसप्पाया** । **एकन्तनिब्बिदायाति** आदि येन निब्बिदादिआनिसंसेन अयं कथा अभिसल्लेखिका चेतोविनीवरणसप्पाया च नाम होति, तं दस्सेतुं वुत्तं । तत्थ **एकन्तनिब्बिदायाति** एकंसेन वट्टदुक्खतो निब्बिन्दनत्थाय । **विरागाय निरोधायाति** तस्सेव विरज्जनत्थज्च निरुज्जनत्थज्च । **उपसमायाति** सब्बकिलेसवूपसमाय । **अभिज्जायाति** सब्बस्सपि अभिज्जेय्यस्स अभिजाननाय । **सम्बोधायाति** चतुमग्गसम्बोधाय । **निब्बानायाति** अनुपादिसेसनिब्बानाय । एतेसु हि आदितो तीहि विपस्सना वुत्ता, पुन तीहि मग्गो, इतरेन निब्बानं । तेन समथविपस्सना आदिं कत्वा निब्बानपरियोसानो अयं सब्बो उत्तरिमनुस्सधम्मो दसकथावत्थुलाभिनो सम्भवतीति दस्सेति । **परिपूरेस्सन्तीति** तंसभावतो

उपकारतो च संवत्तिस्सन्ति । अप्पिच्छतादयो हि एकवारउप्पन्ना उपरि तदत्थाय संवत्तिस्सन्ति । कथावत्थुपरिपूरणं सिक्खापरिपूरणञ्च वुत्तनयेनेव वेदितब्बं ।

**अमत्तं निब्बानन्ति** अनुपादिसेसनिब्बानधातुं । इतरा पन सेक्खासेक्खधम्मपरिपूरिया परिपुण्णा । निब्बानपरिपूरि चेत्थ तदावहधम्मपरिपूरिवसेन परियायतो वुत्ताति वेदितब्बा । इदानी यायं अप्पिच्छतादीनं अनुक्कमपरिवुद्धिया गुणपरिपूरिता, तं उपमाय साधेन्तो “**सेय्यथापी**”तिआदिमाह । तत्थ **पावुस्सको**ति वस्सानमासे उट्ठितो । सो हि चिरानुप्पवत्ति होति । **पब्बतकन्दरा** पब्बतेसु उपच्चकाधिच्चकापभवनिज्झरादिनदियो । **सरसाखाति** यत्थ उपरिउन्नतपदेसतो उदकं आगन्त्वा तिड्ढति चेव सन्दति च, ते । **कुसोब्भा** खुद्दकतळाका । **कुन्नदियो**ति पब्बतपादतो निक्खन्ता खुद्दकनदियो । ता हि महानदियो ओतरन्तियो परिपूरेन्ति । **परमधम्मदायादन्ति** परमं उत्तमं धम्मदायादभावं, परमं धम्मदायज्जं वा । ते **भिक्षू**ति ते धम्मपटिग्गाहके भिक्षू । **सन्नियोजेन्तो**ति मूलगुणेहि अप्पिच्छतादीहि योजेन्तो ।

**उग्गहेत्वा**ति अत्थतो व्यञ्जनतो च उपधारणवसेन गहेत्वा अविपरीतं गहेत्वा । **संसन्देत्वा**ति मम देसनानुसारेण ममज्झासयं अविरज्झित्वा । यथा इधेव **चिन्तेसी**ति यथा इमिस्सा धम्मदायाददेसनाय चिन्तेसि, एवं अज्जत्थापि धम्मथोमनत्थं गन्धकुटिं पविसन्तो चिन्तेसि । **एकज्झासयायाति** समानाधिप्पायाय । **मति**याति पज्जाय । **अयं देसना** अग्गातिआदि भगवा धम्मसेनापतिं गुणतो एव पग्गण्हातीति कत्वा वुत्तं ।

**चित्तगतियाति** चित्तवसेन कायस्स परिणामनेन “अयं कायो इदं चित्तं विय होतू”ति कायस्स चित्तेन समानगतिकताधिद्धानेन । कथं पन कायो दन्धप्पवत्तिको लहुपरिवत्तनचित्तेन समानगतिको होतीति? न सब्बथा समानगतिको । यथेव हि कायवसेन चित्तपरिणामने चित्तं सब्बथा कायेन समानगतिकं न होति । न हि तदा चित्तं सभावसिद्धेन अत्तनो खणेन अवत्तित्वा दन्धवुत्तिकस्स रूपधम्मस्स खणेन वत्तितुं सक्कोति, “इदं चित्तं अयं कायो विय होतू”ति पन अधिद्धानेन दन्धगतिकस्स कायस्स अनुवत्तनतो याव इच्छितद्धानप्पत्ति, ताव कायगतिं अनुलोमेन्तमेव हुत्वा सन्तानवसेन पवत्तमानं चित्तं कायगतिकं कत्वा परिणामितं नाम होति, एवं “अयं कायो इदं चित्तं विय होतू”ति अधिद्धानेन पगेव लहुसज्जाय सुखुमसज्जाय च सम्पादितत्ता अभावित्तिद्विपादानं विय दन्धं अवत्तित्वा यथा लहुं कतिपयचित्तवारेहेव इच्छितद्धानप्पत्ति होति, एवं पवत्तमानो कायो चित्तगतिकभावेनेव परिणामितो नाम होति, न एकचित्तक्खणेनेव पवत्तिया । एवञ्च कत्वा बाहुसमिञ्जनप्पसारणूपमापि उपचारेण विना सुदुतरं युत्ता होति, अज्जथा धम्मताविलोमिता सिया । न हि धम्मानं लक्खणज्जथत्तं इद्धिबलेन कातुं सक्का, भावज्जथत्तमेव पन सक्काति ।

**३१. भगवतो अधिप्पायानुरूपं** भिक्षूनञ्च अज्झासयं जत्वाति वचनसेसो । देसकाले विय भाजनम्पि ओलोकेत्वा एव महाथेरो धम्मं कथेति । **पक्कन्तस्सा**ति इदं अनादरे सामिवचनन्ति दस्सेन्तो “**पक्कन्तस्स सतो**”तिआदिमाह । **कित्तकेनाति** केन परिमाणेन । तं पन परिमाणं यस्मा परिमेय्यस्स अत्थस्स परिच्छिन्दनं होति, तस्मा “**कित्तावताति परिच्छेदवचन**”न्ति आह । **नुकारो पुच्छायन्ति** अयं नु-सद्दो इधेव पुच्छायं आगतोति कत्वा वुत्तं । नु-सद्देन हेत्थ जोतियमानो अत्थो किं-सद्देन परिमाणो अत्थो परिमेय्यत्थो च । एत्थ संकिलेसपक्खो विवेकस्स अननुसिक्खनं आमिसदायादता, वोदानपक्खो तस्स अनुसिक्खनं धम्मदायादताति । **तीहि विवेकेही**ति विवेकतयग्गहणं तदन्तोगधत्ता विवेकपञ्चकस्स । विवेकपञ्चकग्गहणे पनस्स सरूपेण कायविवेको गहितो न सिया, तदायत्तत्ता वा सत्थारा तदा पयुज्जमानविवेकदस्सनवसेन “**तीहि विवेकेही**”तिआदि वुत्तं । **अज्जतरम्पी**ति कस्मा वुत्तं । न हि कायविवेकमत्तेन धम्मदायादभावो सिज्जतीति? न, विवेकद्वयसन्निस्सयस्सेव कायविवेकस्स इधाधिप्पेतत्ता । एवञ्च कत्वा

चित्तविवेकगहणमपि समत्थितं होति । न हि लोकीयज्ज्ञानाधिगममत्तेन निष्परियायतो सत्थुधम्मदायादभावो इच्छितो, निब्बानाधिगमेन पन सो इच्छितो, तस्मा सब्बापि सासने विवेकानुसिक्खना निब्बानपोणा निब्बानपब्भारा निब्बानोगधा चाति वुत्तं **“तिण्णं विवेकानं अञ्जतरम्पी”**ति । असति आलोके अन्धकारो विय असति धम्मदायादताय एकंसिया आमिसदायादताति आह **“आमिसदायादाव होन्ती”**ति । **एस नयो सुक्कपक्खेपी**ति कण्हपक्खतो साधारणवसेन लब्भमानं अत्थसामञ्जं अतिदिसति, न अत्थविसेसं तस्स विसदिसत्ता, अत्थविसेसमेव वा अतिदिसति विसदिसूदाहरणूपायजायेन । **“तिण्णं विवेकानं अञ्जतर”**न्ति इदं इध न लब्भति । तयोपि हि विवेका, तेसु एको वा इतरद्वयसन्निस्सयो इध लब्भति ।

**दूरतोपी**ति दूरद्वानतोपि । तेनाह **“तिरोरट्टतोपी”**तिआदि । कामं **“पटिभातू”**ति एत्थ पटि-सद्दापेक्खाय **“सारिपुत्त”**न्ति उपयोगवचनं, अत्थो पन सामिवचनवसेनेव वेदितब्बोति दस्सेन्तो आह **“आयस्मतोयेव सारिपुत्तस्सा”**ति । **भागो होतू**ति इमिनाभागत्थो पटि-सद्दोति दस्सेति लक्खणादिअत्थानं इध अयुज्जनतो । तेनाह **“एवं सद्वलक्खणेन समेती”**ति । **दिस्सतू**ति जाणेन दिस्सतु, पस्सतूति वा अत्थो । **उपट्टातू**ति जाणस्स पच्चुपतिट्टतु । **उग्गहेस्सन्ती**ति वाचुग्गतं करिस्सन्ति । वाचुग्गतकरणज्झि उग्गहो । **परियापुणिस्सन्ती**ति तस्सेव वेवचनं । पुरिपुच्छनादिना वा अत्थस्स चित्ते आपादनं पट्टपनं परियापुणनं । **कारणवचन**न्ति यथावुत्तस्स कारणभावेन वचनं **“हेतुमिह करणवचन”**न्ति कत्वा । वुत्तत्थपच्चामसनं तं-सद्देन करीयतीति । तेनाह **“यस्मा”**तिआदि ।

**एकेनेवाकारेना**ति आमिसदायादतासिद्धेन आदियतासङ्घातेन एकेनेव पकारेन । तमेव हि आकारं सन्धायाह **“भगवता वुत्तमत्थ”**न्ति । अञ्जथा **“सत्थु पविवित्तस्स विहरतो सावका विवेकं नानुसिक्खन्ती”**ति एकेनेव आकारेन सो अत्थो थरेनपि वुत्तो । **तीहि आकारेही**ति आमिसदायादपटिपदाभूतेहि तिण्णं विवेकानं अननुसिक्खनाकारेहि । **एत्तावता**ति **“इधावुसो...पे०... नानुसिक्खन्ती”**ति एत्तकेन कण्हपक्खे उद्देसपाठेन ।

**वित्थारतो सुविभत्तो** होति अनवसेसतो सम्मदेव निद्धित्ता । ननु च उद्देसे सत्थुनोपि आदियता भगवता गहिता, सा न निद्धित्ताति अनुयोगं सन्धायाह **“सो च खो”**तिआदि । **सावके अनुग्गणहन्तस्सा**ति **“आमिसदायादा सत्थु सावका”**ति सत्थु परप्पवादपरिहरणत्थमपि **“तुम्हेहि धम्मदायादेहि भवितब्ब”**न्ति एवं सावके अनुकम्पमानस्स । सावकानं तं न युत्तं सामीचिअभावतोति योजना । **एस नयो**ति यदिदं **“एत्तावतायं भगवा”**तिआदिना कण्हपक्खे उद्देसस्स अत्थविभागदस्सनमुखेन सम्बन्धदस्सनं, एस नयो सुक्कपक्खेपि सम्बन्धदस्सनेति अधिप्पायो । तेनाह **“अयं तावेत्थ अनुसन्धिक्कमयोजना”**ति, सत्थारा देसिताय उद्देसदेसनाय महाथरेन देसिताय च अनुसन्धिक्कमेन सम्बन्धोति अत्थो । यथानुसन्धि एव चेत्य अनुसन्धि वेदितब्बो ।

**अच्चन्तपविवित्तस्सा**ति एकन्तउपधिविवेको विय इतरेपि विवेको सत्थु एकन्तिकावाति । अनुसिक्खनं नाम अनु अनु पूरणन्ति तप्पटिक्खेपेन आह **“न परिपूरेन्ती”**ति, न परिब्रूहेन्तीति अत्थो, **न परिपूरेन्ती**ति वा न परिपालेन्तीति अत्थो । यदग्गेन हि विवेकं नानुसिक्खन्ति, तदग्गेन न परिब्रूहेन्ति, न परिपालेन्तीति वा वत्तब्बतं लभन्तीति । कस्मा पनेत्थ **“विवेकं नानुसिक्खन्ती”**ति उद्देसे विय अविसेसवचने कायविवेकस्सेव गहणं कतन्ति चोदनं सन्धायाह **“यदि पना”**तिआदि । **पुच्छाया**ति पुच्छातो अविसेसो सिया विभागस्स अलब्भमानत्ता विस्सज्जनस्स । ननु च **“विवेकं नानुसिक्खन्ती”**ति अविसेसवचनतो पाळियं विभागो न लब्भतेवाति? न, पदन्तरेन विभावितत्ता । तेनाह **“येसञ्च धम्मान”**न्तिआदि । **ब्याकरणपक्खो**ति विस्सज्जनपक्खो । विस्सज्जनञ्च न पुच्छा विय अविसेसजोतना, अथ खो

यथाधिपेततथविभजनन्ति अधिष्पायो। **इमिना पदेनाति** “विवेकं नानुसिक्खन्ती”ति इमिना पदेन कायविवेकं अपरिपूरयमानं दस्सेतीति अधिष्पायो। **चित्तविवेकं उपधिविवेकन्ति** एत्थापि एसेव नयो।

**एत्थ च नप्पजहन्तीति** पहातब्बधम्मनं पहानाभाववचनं पहानलक्खणविवेकाभावदीपनं, तं वत्त्वा पुन “विवेके निक्खित्तधुरा”ति वचनं ततो सातिसयविवेकाभावदीपनन्ति तदुभयविवेकाभावदस्सनेन “येसञ्च धम्मन”न्ति आदिनाव पारिसेसजायेन “विवेकं नानुसिक्खन्ती”ति इमिना विवेकद्वयमूलभूतकायविवेकाभावदस्सनं कतन्ति दट्ठब्बं। अविगततण्हाय तं तं परिक्खारजातं बहुं लन्ति आदियन्तीति बहुला, बहुला एव **बाहुलिका** यथा “वेनयिको”ति (म० नि० १.२४६; अ० नि० ८.११; पारा० ८)। ते पन यस्मा पच्चयबहुलभावाय युत्तप्पयुत्ता नाम होन्ति, तस्मा आह **“चीवरादिबाहुल्लाय पटिपन्ना”**ति। सिक्खाय आदरभावाभावतो सिथिलं अदळ्हं गणहन्तीति **“साथलिका”**ति वुत्तं। **सिथिलन्ति** भावनपुंसकनिद्देसो, सिथिल-सद्देन वा समानत्थस्स साथल-सद्दस्स वसेन **“साथलिका”**ति पदसिद्धि वेदितब्बा। **अवगमनद्वेनाति** अधोगमनद्वेन, ओरम्भागियभावेनाति अत्थो। **उपधिविवेकेति** सब्बूपधिपटिनिस्सग्गताय उपधीहि विवित्ते। **ओरोपितधुराति** उज्झितुस्साहा।

**अनियमेनेवाति** किञ्चि विसेसं अनामसित्वा “सावका”ति अविसेसेनेव। **नियमेन्तो** “थेरा”ति आदिना। **दसवस्से उपादायाति** दसवस्सतो पट्टाय। **इस्सरियेति** “सेट्ठिद्वानं सेनापतिद्वान”न्ति आदीसु विय। अचिरक्खणोभासेन लक्खवेधको अक्खणवेधि। **ठितियन्ति** अवद्वाने। **ठानसोति** तट्टुणेयेव। **तिट्ठतीति** आधाराधेय्यभावेनाति आह **“तदायत्तवुत्तिभावेना”**ति। उपेक्खानुब्रूहना सत्तसङ्खारेसु उदासीनतापि असङ्खताधिगमस्स उपायोति तब्बिपरियायतो चीवरादिमण्डना न उपधिविवेकपारिपूरिया संवत्ततीति आह **“चीवरपत्त... पे०... अपूरयमाना”**ति। तत्थाति थेरवारे। **इधाति** मज्झिमनवकवारेसु। तथा हि **“मज्झिमथेरकाले”**ति आदि वुत्तं।

**३२. इमस्मिञ्च कण्हपक्खेति** इमस्मिञ्च निद्देसवारे कण्हपक्खे, न उद्देसवारे कण्हपक्खे। उद्देसवारे पन कण्हपक्खे वुत्तविपरियायेन गहेतब्बत्थो “एस नयो सुक्कपक्खेपी”ति अतिदेसेन दस्सितो। **वुत्तपच्चनीकनयेनाति** “कायविवेकं नानुसिक्खन्ति न परिपूरेन्ती”ति आदिना वुत्तस्स अत्थस्स पच्चनीकनयेन, “कायविवेकं अनुसिक्खन्ति परिपूरेन्ती”ति आदिना नयेन। **एत्थाति** एतस्मिं सुक्कपक्खे। **सङ्खेपोति** अत्थसङ्खेपो। **योजनपरम्परायाति** गामन्ततो दूरभावेन एकं द्वे तीणीति एवं योजनानं पटिपाटिया। **अरञ्जवनपत्थानीति** अरञ्जेसु वनसण्डभूतानि। **पन्तानीति** परियन्तानि। **उपगन्तुं युत्तकालो** जराजिण्णकालो गोचरगामे दूरे गमनागमनसमत्थताभावतो। “एवं गुणवन्तेसु दिन्नं अहो सुदिन्न”न्ति **पच्चयदायकानं पसादं जनेन्ति**। **पासंसाति** पसंसितब्बा। **अयम्पि महाथेरोति** आदि एकं अप्पमादविहारिनं वुद्धतरं निद्विसित्वा वदन्तानं वसेन वुत्तं। **पविट्ठो** विवेकद्वानं। **सायं निक्खमति** योनिसोमनसिकारं उपब्रूहेत्वाति अधिष्पायो। **कसिणपरिकम्मं करोति**, न यं किञ्चि किच्चन्तरं। **समापत्तियो निब्बत्तेति**, न मोघमनसिकारं। **सब्बथाति** आदितो ताव तदङ्गवसेन किलेसेहि चित्तं विवेचेन्तो ततो विक्खम्भनवसेन समुच्छेदवसेन पटिपस्सद्विवसेनाति सब्बप्पकारेन चित्तविवेकं पूरेति। **पंसुकूलानि धारेतीति** इमिना बाहुलिकताभावं दस्सेति, **असिथिलं सासनं गहेत्वाति** इमिना साथलिकताभावं, **विगतनीवरणोति** इमिना ओक्कमने निक्खित्तधुरतं, **फलसमापत्तिन्ति** आदिना पविवेकपुब्बङ्गमतं दस्सेति।

**३३. तत्रावुसोति** एत्थ इति-सद्दो आदिअत्थो। तेन “लोभो च पापको”ति आदिनयप्पवत्तं उपरिदेसनं अनवसेसतो परियादियति। **को अनुसन्धीति** या सा भगवता संकिलेसपक्खेन सह धम्मदायादपटिपत्तिभाविनी “धम्मदायादा मे,

भिक्षवे, भवथ, मा आमिसदायादा'ति आदिना देसना उद्दिष्टा, तं "सत्थु पविवित्तस्स विहरतो"ति आदिना आरभित्वा अट्टारसवारपटिमण्डिताय निद्देसदेसनाय विभजित्वा ततो परं "तत्रावुसो लोभो च पापको"ति आदिनाय उपरिदेसनाय सम्बन्धं पुच्छति। एवन्ति संकिलेसपक्खे "नप्पजहन्ती"ति पहानाभावदस्सनवसेन, वोदानपक्खे "पजहन्ती"ति पहानसम्भावदस्सनवसेनाति एवं। अनिद्धारितसरूपा यं-तं-सद्देहि धम्म-सद्देन सामञ्जतो ये पहातब्बधम्मा वुत्ता, ते सरूपतो दस्सेतुन्ति योजना। इमे तेति एत्थ कस्मा लोभादयो एव पहातब्बधम्मा वुत्ता, ननु इतो अज्जेपि मोहदिट्ठिविचिकिच्छादयो पहातब्बधम्मा सन्तीति? सच्चं सन्ति, ते पन लोभादीहि तदेकट्ठता गहिता एव होन्तीति वुत्ता। अथ वा इमेसंयेवेत्थ गहणे कारणं परतो आवि भविस्सति।

इदानी उपचयेन अनुसन्धिं दस्सेतुं "अपिचा"ति आदि वुत्तं। तत्थ सावकानं यस्स धम्मस्स दायादभावो सत्थु अभिरुचितो, सो "चत्तारो सतिपट्टाने भावेती"ति आदिना अकत्थेत्वा "विवेकं अनुसिक्खन्ति, ते च धम्मे पजहन्ति, न च बाहुलिका"ति आदिना कथितत्ता हेट्ठा परियायेनेव धम्मो कथितोति वुत्तं। "ते च धम्मे नप्पजहन्ति, ओक्कमने पुब्बङ्गमा"ति आदिना आमिसं परियायेनपि कथितं। "सिया च मे पिण्डपातो"ति आदिना, "बाहुलिका च होन्ती"ति आदिना च आमिसं निप्परियायेनपि कथितं। अथ वा यायं भगवता आमिसदायादपटिक्खेपना धम्मदायादता वुत्ता, यच्च तदत्थं विभजन्तेन महाथेरेन अत्तना विवेकानुसिक्खनादि वुत्तं, तदुभयं हेतुवसेन विभावेतुं "तत्रावुसो, लोभो चा"ति आदि वुत्तं। हेतुनिरोधेन हि संकिलेसपक्खस्स, निरोधहेतुसम्पादनेन च वोदानपक्खस्स तप्पापकता।

अतीतदेसनानिदस्सनन्ति अतीताय थेरेन यथादेसिताय देसनाय च पच्चामसनं। तेनेवाह "सत्थु पविवित्तस्स... पे०... देसनायन्ति वुत्तं होती"ति। तत्थाति यं वुत्तं विसेसतो "येसं धम्मानं सत्था पहानमाहा"ति, एतस्मिं पदे। तत्थ हि पहातब्बधम्मा लोभादयो सामञ्जतो वुत्ता। लामकाति निहीना। लोभदोसा हि हेतुतो पच्चयतो सभावतो फलतो निस्सन्दतो संकिलिडुपकतिका, आयतिं दुक्खस्स पापनट्टेन वा पापका। लुब्भनलक्खणोति आरम्मणस्स अभिगिज्जनलक्खणो। तथा हि सो लुब्भन्ति तेन, सयं वा लुब्भति, लुब्भनमत्तमेव वा तन्ति "लोभो"ति वुच्चति। रसादीसु अभिसङ्गरसो, अपरिच्चागपच्चुपट्टानो, संयोजनियेसु धम्मेसु अस्साददस्सनपदट्टानो। दुस्सनलक्खणोति आरम्मणे ब्यापज्जनलक्खणो। तथा हि सो दुस्सन्ति तेन, सयं वा दुस्सति, दुस्सनमत्तमेव वा तन्ति "दोसो"ति वुच्चति। रसादीसु विसप्पनरसो, सनिस्सयदहनरसो वा, दुस्सनपच्चुपट्टानो, आघातवत्थुपदट्टानो।

तेसूति आदिना दस्सनेन लोभदोसानं एकन्ततो पहातब्बतादस्सनं। आमिसदायादस्स पच्चयानं लाभे होतीति इदं लोभस्स आरम्मणगहणसभावतं सन्धाय वुत्तं, तण्हाय वसेन पन अनुगिज्जनं सन्धाय "अलब्धं पत्थेती"ति आह। अलाभे पच्चयानं आमिसदायादस्स होतीति आनेत्वा योजना। अलभन्तोति एत्थ "पच्चये"ति विभत्तिं परिणामेत्वा योजेतब्बं। विघातवाति "यम्पिच्छं न लभति, तम्पि दुक्ख"न्ति (म० नि० १.१२०; विभ० १९०) वचनतो इच्छाविघातवा। लोभो च देय्यधम्मे होति आमिसदायादस्साति सम्बन्धो। एस नयो अनन्तरपदेपि। देय्यधम्मेति च इदं निदस्सनमत्तं सत्तकेलायनादिवसेनपि तस्स लोभुप्पत्तिसम्भावतो। "तण्हं पटिच्च परियेसना, परियेसनं पटिच्च लाभो"ति एवमादयो नव तण्हामूलका। परिपूरेति आमिसदायादोति विभत्तिविपरिणामो वेदितब्बो। आवासमच्छरियादीनि पच्च मच्छरियानि।

मग्गन्ति अरियमग्गं। सो हि किलेसे मारेन्तो गच्छति, निब्बानत्थिकेहि च मग्गीयति, सयं वा सच्छिकिरियाभिसमयवसेन निब्बानं मग्गतीति निप्परियायेन "मग्गो"ति वुच्चति। एको अन्तोति इतरेन असम्मिस्सो एको कोट्टासो, हीनताय वा लामकट्टेन एको अन्तो। कामं अज्जेपि कुसलधम्मा एते अन्ते असम्पयोगतो न उपेन्ति, तेहि विमुत्ता

एव, अयं पन अच्चन्तविमुत्तिया न उपेतीति आह “विमुत्तो एतेहि अन्तेही”ति । तस्माति अन्तद्वयविमुत्तता । एतेसं मज्झे भवत्ताति इदं मग्गस्स उभयन्तविमुत्तताय एव वुत्तं, न तप्परियापन्नताय, वट्टदुक्खनिस्सरणत्थिकेहि पटिपज्जितब्बतो च । तथाति यथा इतरेन असम्मिस्सट्ठेन लामकट्ठेन च लोभो एको अन्तो, तथा कामसुखल्लिकानुयोगोति अत्थो । एस नयो सेसेसुपि । मग्गस्स अनुपगमनञ्च नेसं अन्तानं सब्बसो अप्पवत्तिकरणेनेव दट्ठब्बं । पुरिमनयेनाति “एते द्वे अन्ते न उपेती”तिआदिना पुब्बे वुत्तनयेन ।

सच्चानन्ति चतुन्नं अरियसच्चानं । दस्सनपरिणायकट्ठेनाति दस्सनस्स परिज्जाभिसमयादिभेदस्स परितो सब्बथा नयनट्ठेन पवत्तनट्ठेन । चक्खुकरणीति धम्मचक्खुस्स करणी निष्फादिका । तयिदं सतिपि पटिपदाय धम्मचक्खुतो अनञ्जत्ते अवयववसेन सिज्झमानो अत्थो समुदायेन कतो नाम होतीति उपचारवसेन वुत्तन्ति दट्ठब्बं । तथा हि वक्खति “मग्गोयेव हि मग्गत्थाय संवत्तति मग्गेन कातब्बकिच्चकरणतो”ति । जाणायाति याथावतो जाननाय । तेनाह “विदितकरणट्ठेना”ति । विसेसजातभावापादनज्झि विदितकरणं । वूपसमनतोति समुच्छिन्दनवसेन वूपसमनतो । दुक्खादीनं परिज्जेय्यादिभावो विय अभिज्जेय्यभावोपि मग्गवसेनेव पाकटो होतीति आह “चतुन्नमि सच्चानं अभिज्जेय्यभावदस्सनतो”ति, विभावनतोति अत्थो । सम्बोधोति मग्गो “सम्बुज्झति एतेना”ति कत्वा । तस्सत्थायाति मग्गकिच्चत्थाय । न हि मग्गतो अञ्जो मग्गकिच्चकरो अत्थि । तेनाह “मग्गोयेव ही”तिआदि । अथ वा सम्मादिट्ठि उपपज्जमाना सहजातादिपच्चयभावेन इतरे उप्पादेति, एवं सेसमग्गधम्मापीति एवमि मग्गत्थाय संवत्तनं वेदितब्बं । सच्छिकिरियाय पच्चक्खकम्मायाति सच्छिकरणसङ्घातपच्चक्खकम्माय । निब्बानायाति वा अनुपादिसेसनिब्बानाय । उपसमायाति इमिना सउपादिसेसनिब्बानं गहितन्ति । अयन्ति “सा हि सच्चान”न्तिआदिना यथावुत्तो अत्थनयो । एत्थाति “चक्खुकरणी”तिआदीसु पदेसु । सारो सुन्दरो अनपनीतो । इतो अञ्जथाति “दुक्खस्स परिज्जाय दिट्ठिविसुद्धिं करोतीति चक्खुकरणी”तिआदिना अत्थवण्णनापपञ्चो केवलं वित्थारत्थाय ।

अयमेवाति एत्थ अयन्ति इमिना अत्तनो अञ्जेसञ्च तस्सं परिसायं अरियानं मग्गस्स पच्चक्खभावं दस्सेति । आसन्नपच्चक्खवाची हि अयं-सद्वो । अञ्जमग्गपटिसेधनत्थन्ति अञ्जस्स निब्बानगामिमग्गस्स अत्थिभावपटिसेधनत्थं । सत्तापटिक्खेपो हि इध पटिसेधनं अलब्भमानत्ता अञ्जस्स मग्गस्स । बुद्धादीनं साधारणभावो अनञ्जता । तेनाह ब्रह्मा सहम्पति —

“एकायनं जातिखयन्तदस्सी,  
मग्गं पजानाति हितानुकम्पी ।  
एतेन मग्गेन तरिंसु पुब्बे,  
तरिस्सन्ति ये च तरन्ति ओघ”न्ति ॥ (सं० नि० ५.३८४, ४०९; महानि० १९१; चूळनि० १०७, १२१; नेत्ति० १७०) ।

आरकत्ताति इमिना निरुत्तिनयेन अरिय-सद्विसिद्धिमाह । अरिपहानायाति अत्थवचनमत्तं । अरयो पापधम्मा यन्ति अपगमन्ति एतेनाति अरियो । अरियेन देसितोति एत्थ अरियस्स भगवतो अयन्ति अरियो । अरियभावप्पटिलाभायाति एत्थ अरियकरो अरियोति उत्तरपदलोपेन अरिय-सद्विसिद्धि वेदितब्बा । यस्मा मग्गङ्गसमुदाये मग्गवोहारो होति, समुदायो च समुदायीहि समन्नागतो नाम होतीति आह “अट्ठहि अट्ठेहि उपेतत्ता”ति, तस्मा अत्तनो अवयवभूतानि अट्ठ अङ्गानि एतस्स सन्तीति अट्ठङ्गिको । यस्मा पन परमत्थतो अङ्गानियेव मग्गो, तस्मा वुत्तं “न च अङ्गविनिमुत्तो”ति यथा “छळङ्गो

वेदो'ति । सदिसूदाहरणं पन दस्सेन्तो “पञ्चङ्गिकतूरियादीनि विया”ति आह । आदि-सद्देन चतुरङ्गिनी सेनाति एवमादीनं सङ्गहो । **मारेन्तो गच्छतीति** निरुत्तिनयेन सदसिद्धिमाह । **मग्गीतीति** गवेसति । अरियमग्गो हि निब्बानं आरम्मणं करोन्तो तं गवेसन्तो विय होतीति । **मग्गीयति निब्बानत्थिकेहि** विवट्टूपनिस्सयपुञ्जकरणतो पट्टाय तदत्थं पटिपत्तितो । **गम्मतीति** एतेन आदिअन्तविपरियायेन सदसिद्धिमाह यथा “ककू”ति । “**सेय्यथिदन्ति निपातो**”ति वत्त्वा तस्स सब्बलिङ्गविभक्तवचनसाधारणताय “**कतमानि तानि अट्टङ्गानी**”ति वुत्तं । ननु च अङ्गानि समुदितानि मग्गो अन्तमसो सत्तङ्गविकलस्स अरियमग्गस्स अभावतोति? सच्चमेतं सच्चपटिवेधेन, मग्गपच्चयताय पन यथासकं किच्चकरणेन पच्चेकम्पि तानि मग्गोयेवाति आह “**एकमेकज्झि अङ्गं मग्गोयेवा**”ति, अज्जथा समुदितानम्पि नेसं मग्गकिच्चं न सम्भवेय्याति । इदानि तमेवत्थं पाळिया समत्थेतुं “**सम्मादिट्ठिमग्गो चेव हेतु चा**”ति वुत्तं ।

सम्मा अविपरीतं परिज्जाभिसमयादिवसेन चतुन्नं सच्चानं दस्सनं पटिविज्जनं लक्खणं एतिस्साति **सम्मादस्सनलक्खणा** । सम्मा अविपरीतं सम्पयुत्तधम्मे निब्बानारम्मणे अभिनिरोपनं अप्पनालक्खणं एतस्साति **सम्माअभिनिरोपनलक्खणो** मुसावादादीनं विसंवादानादिकिच्चताय लूखानं अपरिग्गाहकानं पटिपक्खभावतो सिनिद्धसभावत्ता सम्पयुत्तधम्मे, सम्मावाचपच्चयसुभासितसोतारज्ज्व जनं सम्मदेव परिग्गणहातीति सम्मावाचा सम्मापरिग्गहो लक्खणं एतिस्साति **सम्मापरिग्गहलक्खणा** । यथा कायिका किरिया किञ्चि कत्तब्बं समुट्ठापेति, सयज्ज समुट्ठहनं घटनं होति, तथा सम्माकम्मन्तसङ्गाता विरतिपीति **सम्मासमुट्ठानलक्खणो सम्माकम्मन्तो** । सम्पयुत्तधम्मानं वा उक्खिपनं **समुट्ठानं** कायिककिरियाय भारुक्खिपनं विय । जीवमानस्स सत्तस्स, सम्पयुत्तधम्मानं वा सुद्धि वोदानं, आजीवस्सेव वा जीवितप्पवत्तिया सुद्धि वोदानं एतेनाति **सम्मावोदानलक्खणो सम्माआजीवो** । कोसज्जपक्खे पतितुं अदत्त्वा सम्पयुत्तधम्मानं पग्गणहनं अनुबलप्पदानं **पग्गहो** । आरम्मणं उपगन्त्वा ठानं, तस्स वा अनिस्सज्जनं **उपट्ठानं** । आरम्मणे सम्पयुत्तधम्मानं सम्मा, समं वा आधानं **समाधानं** । सम्मा सङ्कप्पेति सम्पयुत्तधम्मे आरम्मणे अभिनिरोपेतीति **सम्मासङ्कप्पो** । सम्मा वदति एतायाति **सम्मावाचा** । सम्मा करोति एतेनाति सम्माकम्मं, तदेव **सम्माकम्मन्तो** । सम्मा आजीवति एतेनाति **सम्माआजीवो** । सम्मा वायमति उस्सहति एतेनाति **सम्मावायामो** । सम्मा सरति अनुस्सरतीति **सम्मासति** । सम्मा समाधियति चित्तं एतेनाति **सम्मासमाधीति** एवं सम्मासङ्कप्पादीनं निब्बचनं वेदितब्बं ।

**मिच्छादिट्ठिन्ति** सब्बम्पि मिच्छादस्सनं । **तप्पच्चनीयकिलेसेति** एत्थ तं-सद्देन सम्मादिट्ठि । न हि मिच्छादिट्ठिया किलेसा पच्चनीया, अथ खो सम्मादिट्ठिया । **अविज्जज्जाति** अविज्जागहणं तस्सा संकिलेसधम्मानं पमुखभावतो । तेनाह “अविज्जा, भिक्खवे, पुब्बङ्गमा अकुसलानं धम्मानं समापत्तिया”ति (सं० नि० ५.१) । दस्सननिवारकस्स सम्मोहस्स समुग्घातेन **असम्मोहतो** । एत्थ च **मिच्छादिट्ठिं...पे०... पजहतीति** एतेन पहानाभिसमयं, **निब्बानं आरम्मणं करोतीति** एतेन सच्छिकिरियाभिसमयं, **सम्पयुत्तधम्मेति** आदिना भावनाभिसमयं सम्मादिट्ठिकिच्चं दस्सेति । परिज्जाभिसमयो पन नानन्तरियताय अत्थतो वुत्तो एव होतीति दट्ठब्बो ।

कथं पन एकमेव जाणं एकस्मिं खणे चत्तारि किच्चानि साधेन्तं पवत्तति । न हि तादिसं लोके दिट्ठं, न आगमो वा तादिसो अत्थीति न वत्तब्बं । यथा हि पदीपो एकस्मिंयेव खणे वट्ठिं दहति, स्नेहं परियादियति, अन्धकारं विधमति, आलोकज्ज विदंसेति, एवमेतं जाणन्ति दट्ठब्बं । मग्गसमङ्गिस्स जाणं दुक्खेपेतं जाणं, दुक्खसमुदयेपेतं जाणं, दुक्खनिरोधेपेतं जाणं, दुक्खनिरोधगामिनिया पटिपदायपेतं जाणन्ति **सुत्तपदं** (विभ० ७५४) एत्थ उदाहरितब्बं । यथा च सम्मादिट्ठि पुब्बभागे दुक्खादीसु विसुं विसुं पवत्तित्वा मग्गक्खणे एकाव चतुन्नं जाणानं किच्चं साधेन्ती पवत्तति, एवं सम्मासङ्कप्पादयो पुब्बभागे नेक्खम्मसङ्कप्पादिनामका हुत्वा कामसङ्कप्पादीनं पजहनवसेन विसुं विसुं पवत्तित्वा मग्गक्खणे



तिण्णं चतुन्नञ्च किच्चं साधेन्ता पवत्तन्ति । सम्मासमाधिं पन पुब्बभागोपि मग्गक्खणेपि नानायेव हुत्वा पवत्ततीति कामञ्चेत्थ सम्मादिट्ठिया सब्बेपि पापधम्मा पटिपक्खा, उजुविपच्चनीकतादस्सनवसेन पन सम्मादिट्ठिया किच्चनिद्देसे मिच्छादिट्ठिगहणं कतं । तेनेव च “तप्पच्चनीयकिलेसे चा”ति वुत्तं ।

येसं किलेसानं अनुपच्छिन्दने सम्मादिट्ठि न उप्पज्जेय्य, ते मिच्छादिट्ठिया सहजेकट्ठयाय तदेकट्ठाव तप्पच्चनीयकिलेसा दट्ठब्बा । सम्मासङ्कप्पादीनं किच्चनिद्देसेपि एसेव नयो । सोतापत्तिमग्गादिवसेन चत्तारो लोकुत्तरमग्गभावसामञ्जेन एकतो कत्वा । लोभदोसा समुदयसच्चं, यस्स पन सो समुदयो तं दुक्खसच्चं, पहानभावो मग्गसच्चं, यत्थ तं पहानं, तं निरोधसच्चन्ति इमानि चत्तारि सच्चानि । कस्मा पनेत्थ लोभदोसानं विसुं आदितो च गहणं? विसुं गहणं ताव तथाबुद्ध्यनकानं पुगलानं अज्झासयवसेन, इमेहि लोभदोसेहि आमिसदायादता, तप्पहानेन च धम्मदायादताति दस्सनत्थं, तदनुसारेण चतुसच्चयोजनाय एवं एकेकस्स निव्याणमुखं होतीति दस्सनत्थञ्च । सेसवारेसुपि एसेव नयो । आदितो गहणं पन अतिविय ओळारिकताय सुपाकटभावतो वक्खमानानं अज्जेसञ्च पापधम्मानं मूलभावतो तदेकट्ठयाय च वेदितब्बं ।

**कुज्जनलक्खणो**ति कुप्पनसभावो, चित्तस्स व्यापज्जनाति अत्थो । **चण्डिकं** लुद्धता, कुरुरभावोति अत्थो । **आघातकरणरसो**ति “अनत्थं मे अचरी”तिआदिना चित्ते आघातस्स करणरसो । **दुस्सनपच्चुपट्टानो**ति सपरसन्तानस्स विनासनपच्चुपट्टानो लद्धोकासो विय सपत्तो । **उपनन्धनं** नानप्पकारस्स उपरूपरि नन्धनं विय होतीति कत्वा । तथा हेस “वेरअप्पटिनिस्सज्जनरसो, कोधानुपबन्धभावपच्चुपट्टानो”ति च वुत्तो । **अपरकाले उपनाहोतिआदीति आदि-सद्देन** “उपनहना उपनहितत्तं आठपना ठपना सण्ठपना अनुसंसन्दना अनुप्पबन्धना दळ्हीकम्म”न्तिआदीनं (विभ० ८९१) निद्देसपदानं अत्थवण्णनं सङ्गहति । उपनाहसमङ्गी हि पुगलो वेरस्स अनिस्सज्जनतो आदित्तपूतिअलातं विय जलति एव, चित्तञ्चस्स धोवियमानं अच्छम्मं विय, मसिमक्खितपिलोतिका विय च न सुज्जतेव ।

**परगुणमक्खनलक्खणो**ति उदकपुञ्छनिया उदकं विय परेसं गुणानं मक्खनसभावो । तथाभूतो चायं अत्तनो कारकं गूथेन पहरन्तं गूथो विय पठमतं मक्खेति एवाति दट्ठब्बो । तथा हेस्स सपरसन्तानेसु गुणं मक्खेतीति **मक्खो**ति वुच्चति । **युगग्गाहो** समधुरग्गहणं असमानस्सपि अभूतस्स समारोपनं । समभावकरणं **समीकरणं** । परेसं गुणप्पमाणेन अत्तनो गुणानं उपट्टानं पच्चुपट्टपेतीति आह “**परेसं गुणप्पमाणेन उपट्टानपच्चुपट्टानो**”ति । तथा हेस परेसं गुणे डंसित्वा विय अत्तनो गुणेहि समे करोतीति **पळासो**ति वुच्चति ।

**परसम्पत्तिखीयनं** परसम्पत्तिया उसूयनं । इस्सति परसम्पत्तिं न सहतीति **इस्सा** । तथा हेसा “**परसम्पत्तिया अक्खमनलक्खणा**”ति वुच्चति । **तत्था**ति परसम्पत्तियं । **अनभिरतिरसा** अभिरतिपटिपक्खकिच्चा । **विमुखभावपच्चुपट्टाना** परसम्पत्तिं पस्सितुम्पि अप्पदानतो । **निगूहनलक्खणं** अत्तनो सम्पत्तिया परेहि साधारणभावासहनतो । **असुखायनं** न सुखनं दुक्खनं, अरोचनन्ति अधिप्पायो ।

कतस्स कायदुच्चरितादिपापस्स पटिच्छादनं **कतपापपटिच्छादनं** । तस्स पापस्स आवरणभावेन पच्चुपत्तिट्ठतीति **तदावरणपच्चुपट्टाना**, माया, याय समन्नागतो पुगलो भस्मछन्नो विय अङ्गारो, उदकछन्नो विय खाणु, पिलोतिकपटिच्छादितं विय च सत्थं होति । **अविज्जमानगुणप्पकासनं** अत्तनि अविज्जमानसीलादिगुणविभावनं, येन साठेय्येन समन्नागतस्स पुगलस्स असन्तगुणसम्भावनेन चित्तानुरूपकिरियाविहरतो “एवंचित्तो, एवंकिरियो”ति दुब्बिज्जेय्यत्ता कुच्छिं वा पिट्ठिं वा जानितुं न सक्का । यतो —

“वामेन सूकरो होति, दक्खिणेन अजामिगो ।

सरेन नेलको होति, विसाणेन जरगगवो”ति ॥ (दी० नि० अट्ठ० २.२९६; विभ० अट्ठ० ८९४; महानि० अट्ठ० १६६) —

एवं वुत्तयक्कसूकरसदिसो होति ।

**चित्तस्स उद्धमातभावो** थद्धलूखभावो । **अप्पतिस्सयवुत्तीति** अनिवातवुत्ति । अमद्ववाकारेन पच्चुपतिट्ठति, अमद्ववतं वा पच्चुपट्ठपेतीति **अमद्ववतापच्चुपट्ठानो**, थम्भो, येन समन्नागतो पुग्गलो गिलितनङ्गलसीसो विय अजगरो, वातभरितभस्ता विय च थद्धो हुत्वा गरुट्ठानिये च दिस्वा ओनमितुम्पि न इच्छति, परियन्तेनेव चरति । करणस्स उत्तरकिरिया **करणुत्तरियं** । विसेसतो पच्चनीकभावो **विपच्चनीकता** । परेन हि किस्मिञ्चि कते तद्दिगुणं करणवसेन **सारम्भो** पवत्तति ।

सेय्यादिआकारेहि उन्नमनं **उन्नति** । ओमानोपि हि एवं करणमुखेन सम्पग्गहवसेनेव पवत्तति । “अहमस्मि सेय्यो”तिआदिना अहंकरणं सम्पग्गहो **अहङ्कारो** । परे अभिभवित्वा अधिकं उन्नमनं **अब्भुन्नति** । यं सन्धाय वुत्तं “पुब्बकाले अत्तानं हीनतो दहति अपरकाले सेय्यतो”ति (विभ० ८७७) ।

**मत्तभावो** जातिआदिं पटिच्च चित्तस्स मज्जनाकारो, यस्स वा धम्मस्स वसेन पुग्गलो मत्तो नाम होति, सो धम्मो **मत्तभावो** । **मदग्गाहणरसो** मदस्स गाहणकिच्चो । मदो हि अत्तनो मज्जनाकारं सम्पयुत्तधम्मे गाहेन्तो विय पवत्तमानो तंसमङ्गि पुग्गलम्पि तथा करोन्तो विय होति । अहङ्कारवसेन पुग्गलं अनिट्ठं करोन्तो चित्तस्स उम्मादभावो विय होतीति **उम्मादपच्चुपट्ठानो** । सतिया अनिग्गण्हित्वा चित्तस्स वोस्सज्जनं **चित्तवोस्सग्गो**, सतिविरहितोति अत्थो । यथावुत्तस्स वोस्सग्गस्स अनुप्पदानं पुनप्पुनं विस्सज्जनं **वोस्सग्गानुप्पदानं** । **इमेसं** कोधादीनं लोभादीनम्पि वा । **लक्खणादीनीति** लक्खणरसपच्चुपट्ठानानि । पदट्ठानं पन धम्मन्तरताय न गहितं । निब्बचनं “कुज्झतीति **कोधो**, उपनय्हीतीति **उपनाहो**”तिआदिना सुविज्जेय्यमेवाति न वुत्तं, अत्थतो पन कोधो दोसो एव, तथा उपनाहो । पवत्तिआकारमत्ततो हि कतो नेसं भेदो, मक्खपळाससारम्भा तदाकारप्पवत्ता पटिघसहगतचित्तुप्पादधम्मा, मायासाठेय्यथम्भमदप्पमादा तदाकारप्पवत्ता लोभसहगतचित्तुप्पादधम्मा । **थम्भो** वा मानविसेसो चित्तस्स थद्धभावेन गहेतब्बतो, तथा **मदो** । तथा हि सो “मानो मज्जना”तिआदिना **विभङ्गे** (विभ० ८७८) निद्दिट्ठो । इध पन मानातिमानानं विसुं गहितत्ता मज्जनाकारेन पवत्तधम्मा एव “**मदो**”ति गहेतब्बा । सेसानं धम्मन्तरभावो पाकटो एव ।

कस्मा पनेत्थ एते एव अट्ठ दुका गहिता, किमितो अज्जेपि किलेसधम्मा नत्थीति? नो नत्थि, इमे पन आमिसदायादस्स सविसेसं किलेसाय संवत्तन्तीति तं विसेसं विभावेन्तेन आमिसदायादस्स लोभादीनं पवत्तनाकारं दस्सेतुं “**विसेसतो**”तिआदि आरब्धं । तत्थ **एत्थाति** एतेसु लोभादीसु । **अलभन्तो** आमिसन्ति अधिप्पायो । ततुत्तरि उप्पन्नो कोधोति आनेत्वा सम्बन्धितब्बं । **सन्तेपीति** विज्जमानेपि । **इस्सतीति** इस्सं जनेति । **पदुस्सतीति** तस्सेव वेवचनं । तथा हि सा “इस्सति दुस्सति पदुस्सती”तिआदिना निद्दिट्ठा । यस्मा वा इस्सं जनेन्तो एकंसतो पदुट्ठचित्तो एव होति, तस्मा “**पदुस्सती**”ति वुत्तं । **अस्साति** आमिसदायादस्स । **एवं पटिपन्नोति** एवं असन्तगुणप्पकासनं पटिपदं पटिपन्नो । **ओवदितुं असक्कुण्येय्योति** एतेन थम्भो नाम दोवचस्सकरणो धम्मोति दस्सेति । **किञ्चि वदति** ओवाददानवसेन । **थम्भेन...पे०... मज्जन्तोति** इमिना च थम्भस्स मानविसेसभावं दस्सेति, थम्भेन वा हेतुनाति अत्थो । **मत्तो समानोति** मत्तो होन्तो । **काम...पे०... पमज्जतीति** एतेन मदवसेन एकंसतो पमादमापज्जतीति दस्सेति ।

एवन्ति इमिना आमिसदायादस्स लोभादीनं उप्पत्तिक्कमदस्सनेनेव इध पाळियं नेसं देसनाक्कमोपि दस्सितोति दट्ठब्बो । न केवलं इमेहेव, अथ खो अज्जेहि च एवरूपेहि पापकेहि धम्मेहि अपरिमुत्तो होतीति सम्बन्धो । के पन तेति? अत्रिच्छतामहिच्छतादयोति । एवं महादीनवा आमिसदायादताति ततो बलवतरो संवेगो जनेतब्बोति अयमेत्थ ओवादो वेदितब्बो । एत्थाति एतस्मिं सुत्ते । **सब्बत्थाति** सब्बेसु वारेसु । **निब्बिसेसोयेवाति** एतेनेव पठमतरं इध दस्सितसच्चयोजनानयेन सब्बवारेसु योजेतब्बोति वेदितब्बो ।

**जाणपरिचयपाटवत्थन्ति** मग्गस्स अट्ठङ्गसत्तङ्गतादिविसेसविभावनाय जाणस्स आसेवनट्ठेन परिचयो जाणपरिचयो, तस्स पटुभावत्थं कोसल्लत्थं । एत्थाति अरियमग्गे । **भेदोति** विसेसो । **कमोति** अङ्गानं देसनानुपुब्बी । **भावनानयोति** भावनाविधि । “**कदाचि अट्ठङ्गिको, कदाचि सत्तङ्गिको**”ति सङ्खेपतो वुत्तमत्थं विवरन्तो पुन “**अयं ही**”तिआदिमाह । तत्थ **लोकुत्तरपठमज्झानवसेनाति** लोकुत्तरस्स पठमज्झानस्स वसेन । एत्थ च केचि ज्ञानधम्मा मग्गसभावाति एकन्ततो ज्ञानं मग्गतो विसुं कत्वा वत्तुं न सक्काति “लोकुत्तरपठमज्झानसहितो”ति अवत्वा “लोकुत्तरपठमज्झानवसेन”इच्चेव वुत्तं । अथ वा **लोकुत्तरपठमज्झानवसेनाति** लोकुत्तरा हुत्वा पठमज्झानस्स वसेनाति एवमेत्थ अत्थो वेदितब्बो । अरियमग्गो हि विपस्सनाय पादकभूतस्स, सम्मसितस्स वा पठमज्झानस्स वसेन अट्ठङ्गिको होति । अथ वा अज्ञानलाभिनो सुक्खविपस्सकस्स, ज्ञानलाभिनो वा पादकमकत्वा पठमज्झानस्स, पकिण्णकसङ्खारानं वा सम्मसने उप्पन्नो अरियमग्गो अट्ठङ्गिको होति, स्वास्स अट्ठङ्गिकभावो पठमज्झानिकभावेनाति दस्सेन्तो “**पठमज्झानवसेना**”ति आह । एवं “**अवसेसज्झानवसेना**”ति एत्थाति यथारहं अत्थो वेदितब्बो ।

यदि अरियमग्गो सत्तङ्गिकोपि होति, अथ कस्मा पाळियं “अट्ठङ्गिको”इच्चेव वुत्तन्ति आह “**उक्कट्टुनिदेसतो**”तिआदि । यथा चेत्थ पटिपदाय मग्गवसेन अट्ठङ्गिकसत्तङ्गिकभेदो, एवं बोज्झङ्गवसेन सत्तङ्गिकछळङ्गिकभेदो वेदितब्बो अप्पीतिकज्झानवसेन छळङ्गिकत्ता, मग्गवसेन पन देसना आगताति स्वायं भेदो अट्ठकथायं न उद्धटो । **इतो परन्ति** इतो अट्ठङ्गतो परं उक्कंसतो, अवकंसतो पन सत्तङ्गतो परं मग्गङ्गं नाम नत्थीति । **ननु मग्गविभङ्गे** (विभ० ४९३-५०२) पञ्चङ्गिकवारे पञ्चेव मग्गङ्गानि उद्धटानि, **महासळायतने** (म० नि० ३.४३१) च “या तथाभूतस्स दिट्ठि, यो तथाभूतस्स सङ्कप्पो, यो तथाभूतस्स वायामो, या तथाभूतस्स सति, यो तथाभूतस्स समाधि, स्वास्स होति सम्मासमाधी”ति वत्वा पुब्बभागवसेन पन “पुब्बेव खो पनस्स कायकम्मं वचीकम्मं आजीवो सुपरिसुद्धो होती”ति सम्मावाचादयो आगताति? सच्चमेतं, तं पन सम्मादिट्ठिआदीनं पञ्चन्नं कारापकङ्गानं अतिरेककिच्चदस्सनवसेन वुत्तं, तस्मा न अरियमग्गो सम्मावाचादिविरहितो अत्थीति “**इतो परञ्चि मग्गङ्गं नत्थी**”ति सुवुत्तमेतन्ति दट्ठब्बं ।

**सब्बकुसलानन्ति** सब्बेसं कुसलधम्मानं । निद्धारणे चेतं सामिवचनं । कामावचरादिवसेन तंतंकुसलधम्मेसु सा सम्मादिट्ठि सेट्ठा । तस्सा सेट्ठभावेन हि “पज्जाजीविं जीवितमाहु सेट्ठ”न्ति (सं० नि० १.२४६; सु० नि० १८४) वुत्तं, मग्गसम्मादिट्ठिया पन सब्बसेट्ठभावे वत्तब्बमेव नत्थि । **कुसलवारेति** कुसलुप्पत्तिसमये । **पुब्बङ्गमा** कुसलादिधम्मानं याथावसभावबोधेन सम्पयुत्तधम्मानं परिणायकभावतो । तेनेवाह “**सम्मादिट्ठिं सम्मादिट्ठीति पजानाती**”तिआदि । सा सम्मादिट्ठि पभवो एतस्साति तप्पभवो, सम्मासङ्कप्पो । सम्मादस्सनवसेन हि सम्मासङ्कप्पो होति । ततो अभिनिब्बत्तानीति **तप्पभवाभिनिब्बत्तानि** । तप्पभवाभिनिब्बत्तानिपि “तदभिनिब्बत्तानी”ति वुच्चन्ति कारणकारणेपि कारणपूचरतोति आह “**तप्पभवाभिनिब्बत्तानि सेसङ्गानी**”ति । तेनाह “**सम्मादिट्ठिस्सा**”तिआदि । यथा हि सम्मादस्सनं सम्मावितक्कनस्स विसेसपच्चयो, एवं सम्मावितक्कनं सम्मापरिग्गहस्स सम्मापरिग्गहो सम्मासमुट्ठानस्स, सम्मासमुट्ठानं सम्मावोदानस्स, सम्मावोदानं सम्मावायामस्स, सम्मावायामो सम्माउपट्ठानस्स, सम्माउपट्ठानं सम्माधानस्स विसेसपच्चयो, **तस्मा** “पुरिमं

पुरिमं पच्छिमस्स पच्छिमस्स विसेसपच्चयो होती'ति इमिना विसेसपच्चयभावदस्सनत्थेन कमेन एतानि सम्मादिट्ठिआदीनि अङ्गानि वुत्तानीति दस्सितानि ।

**भावनानयो**ति समथविपस्सनानं युगनद्धभावेन पवत्तो भावनाविधि । अयज्झि अरियमग्गक्खणे भावनाविधि । तस्स पन पुब्बभागे भावनानयो कस्सचि समथपुब्बङ्गमो होति, कस्सचि विपस्सनापुब्बङ्गमोति । तं विधिं दस्सेतुं “कोची”तिआदि आरद्धं । तत्थ पठमो समथयानिकस्स वसेन वुत्तो, दुतियो विपस्सनायानिकस्स । तेनाह “इधेकच्चो”तिआदि । तन्ति समथं समाधिं, ज्ञानधम्मोति वा अत्थो । **तंसम्पयुत्ते**ति समाधिसम्पयुत्ते, ज्ञानसम्पयुत्ते वा धम्मो । अयज्च नयो येभ्य्येन समथयानिका अरूपमुखेन, तत्थापि ज्ञानमुखेन विपस्सनाभिनिवेसं करोन्तीति कत्वा वुत्तो । **विपस्सनं भावयतो**ति पटिपदाजाणदस्सनविसुद्धिं आरभित्वा यथाधिगतं तरुणविपस्सनं वड्ढेन्तस्स । **मग्गो सज्जायती**ति पुब्बभागियो लोकियमग्गो उप्पज्जति । **आसेवति** निब्बिदानुपस्सनावसेन । **भावेति** मुञ्चितुकम्यतावसेन । **बहुलीकरोति** पटिसङ्खानुपस्सनावसेन । **आसेवति** वा भयतूपट्टानजाणवसेन । **बहुलीकरोति** वुट्टानगामिनिविपस्सनावसेन । **संयोजनानि पहीयन्ति, अनुसया व्यन्ती** होन्ति मग्गपटिपाटिया ।

**समथं अनुप्पादेत्वावा**ति अवधारणेन उपचारसमाधिं निवत्तेति, न खणिकसमाधिं । न हि खणिकसमाधिं विना विपस्सना सम्भवति । **विपस्सनापरिपूरिया**ति विपस्सनाय परिपुण्णताय वुट्टानगामिनिभावप्पत्तिया । **तत्थजातानन्ति** तस्मिं अरियमग्गक्खणे उप्पन्नानं सम्मादिट्ठिआदीनं धम्मनं । निद्धारणे चेत्तं सामिवचनं । **ववस्सग्गारम्मणतो**ति ववस्सग्गस्स आरम्मणताय । ववस्सग्गो वोस्सग्गो पटिनिस्सग्गोति च अपवग्गोति च अत्थतो एकं, निब्बानन्ति वुत्तं होति, तस्मा निब्बानस्स आरम्मणकरणेनाति अत्थो । **चित्तस्स एकगता**ति मग्गसम्मासमाधिमाह । अरियमग्गो हि एकन्त समाहितो असमाधानहेतूनं किलेसानं समुच्छेदनतो । सेसं वुत्तनयमेव ।

**युगनद्धाव होन्ति** तदा समाधिपज्जानं समरसताय इच्छितव्वतो । मग्गक्खणे हि न समथभावनायं विय समाधि, विपस्सनाभावनायं विय च पज्जा किच्चतो अधिका इच्छितव्वा, समरसताय पन अज्जमज्जस्स अनतिवत्तनट्ठेन द्वेपि युगनद्धा विय पवत्तन्ति । तेन वुत्तं “**समथविपस्सना युगनद्धाव होन्ती**”ति ।

धम्मदायादसुत्तवण्णनाय लीनत्थप्पकासना समत्ता ।

#### ४. भयभेरवसुत्तवण्णना

**३४. एवं मे सुत्तन्ति** भयभेरवसुत्तं । को निक्खेपो? केचि ताव एवमाहु “पुच्छावसिको निक्खेपो”ति । दुविधा हि पुच्छा पाकटापाकटभेदतो । तत्थ यस्सा देसनाय निमित्तभूतो जातुं इच्छितो अत्थो किं-सहपुब्बकेन पकासीयति, सा **पाकटा पुच्छा** यथा “किंसूध वित्तं पुरिसस्स सेट्ठ”न्ति एवमादि (सं० नि० १.२४६; सु० नि० १८३) । यस्सा पन देसनाय निमित्तभूतो जातुं इच्छितो अत्थो किं-सद्वरहितेन केवलेनेव सद्वपयोगेन पकासीयति, सा **अपाकटा पुच्छा** । जातुं इच्छितो हि अत्थो “पज्हा, पुच्छा”ति वुच्चति, तस्मायेव इध “ये मे भो गोतमा”तिआदिका अपाकटाति “पुच्छावसिको निक्खेपो”ति । तयिदं अकारणं, यस्मा सो ब्राह्मणो “येमे भो गोतमा”तिआदीनि वदन्तो न तत्थ कङ्घी विचिकिच्छी संसयमापन्नो अवोच, अथ खो अत्तना यथानिच्छितमत्थं भगवति पसादभावबहुमानं पवेदेन्तो कथेसि । तेनाह “**भगवति पसादं अलत्था**”तिआदि (म० नि० अट्ठ० १.३४) । **विहारेति** विहारके निवासे । **अविच्छिन्नेयेवा**ति पवत्तमानेयेव । पदद्वयस्सपि वसन्ते एवाति अत्थो । **एतं पुरोहितट्टानं** उण्हीसादिककुधभण्डेहि सद्धिं लद्धं, तथा च “अस्स रज्जा दिन्न”न्ति वदन्ति । तेनाह “**तं तस्स**

रज्जा दिन्न”न्ति । ब्रह्मन्ति वेदं । सो पन मन्तब्रह्मकप्पवसेन तिविधो । तत्थ मन्ता पधानं मूलभावतो, ये अट्टकादीहि पवुत्ता, इतरे तन्निस्सयेन जाता, तेन तेसंयेव गहणं “मन्ते सज्झायती”ति । ते हि गुत्तभासितब्बताय “मन्ता”ति वुच्चन्ति । इदमेव हीति अवधारणेन “ब्रह्मतो जाता”तिआदिकं निरुत्तिं पटिक्खपति ।

येन वा कारणेनाति (सारत्थं टी० वेरञ्जकण्डवण्णनायं २; सं० नि० टी० १.१.१; अ० नि० टी० २.२.१६) हेतुम्हि इदं करणवचनं । हेतुअत्थो हि किरियाकारणं, न करणं विय किरियत्थो, तस्मा नानप्पकारगुणविसेसाधिगमत्था इध उपसङ्कमनकिरियाति “अन्नेन वसती”तिआदीसु विय हेतुअत्थमेवेतं करणवचनं युत्तं, न करणत्थं तस्स अयुज्जमानत्ताति वुत्तं “येन वा कारणेना”तिआदि । भगवतो सततप्पवत्तनिरतिसयसादुविपुलामतरससद्धम्मफलताय सादुफलनिच्चफलितमहारुक्खेन भगवा उपमितो, सादुफलूपभोगाधिप्पायग्गहणेनेव हि महारुक्खस्स सादुफलता गहिताति ।

उपसङ्कमीति उपसङ्कन्तो । सम्पत्तुकामताय हि किञ्चि ठानं गच्छन्तो तंतंपदेसातिक्कमनेन उपसङ्कमि, उपसङ्कन्तोति वा वत्तब्बतं लभति । तेनाह “गतोति वुत्तं होती”ति, उपगतोति अत्थो । उपसङ्कमित्वाति पुब्बकालकिरियानिदेसोति आह “उपसङ्कमनपरियोसानदीपन”न्ति । ततोति यं ठानं पत्तो “उपसङ्कमी”ति वुत्तो, ततो उपगतट्ठानतो । यथा खमनीयादीनि पुच्छन्तोति (सं० नि० टी० १.१.११२) यथा भगवा “कच्चि ते ब्राह्मण खमनीयं, कच्चि यापनीय”न्तिआदिना खमनीयादीनि पुच्छन्तो तेन ब्राह्मणेन सद्धिं समप्पवत्तमोदो अहोसि पुब्बभासिताय, तदनुकरणेन एवं सोपि ब्राह्मणो भगवता सद्धिं समप्पवत्तमोदो अहोसीति योजना । तं पन समप्पवत्तमोदतं उपमाय दस्सेतुं “सीतोदकं विया”तिआदि वुत्तं । तत्थ सम्मोदितन्ति संसन्दितं । एकीभावन्ति सम्मोदनकिरियाय समानतं एकरूपतं । खमनीयन्ति “इदं चतुचक्कं नवद्वारं सरीरयन्तं खणभङ्गुरताय सभावतो दुस्सहं, कच्चि खमितुं सक्कुणेय्य”न्ति पुच्छति । यापनीयन्ति पच्चयायत्तवुत्तिकं चिरप्पबन्धसङ्घाताय यापनाय कच्चि यापेतुं सक्कुणेय्यं । सीसरोगादिआबाधाभावेन कच्चि अप्पाबाधं । दुक्खजीविकाभावेन कच्चि अप्पातङ्कं । तंतंकिच्चकरणे उट्ठानसुखताय कच्चि लहुट्ठानं । तदनरूपबलयोगतो कच्चि बलं । सुखविहारसम्भावेन कच्चि फासुविहारो अत्थीति तत्थ तत्थ कच्चि-सदं योजेत्वा अत्थो वेदितब्बो ।

बलवप्पत्ता पीति पीतियेव । तरुणपीति पामोज्जं । सम्मोदनं जनेति करोतीति सम्मोदनिकं, तदेव सम्मोदनीयन्ति आह “सम्मोदजननतो”ति । सम्मोदितब्बतो सम्मोदनीयन्ति इमं पन अत्थं दस्सेन्तो “सम्मोदितुं युत्तभावतो”ति आह । सरितब्बभावतोति अनुस्सरितब्बभावतो । “सरणीय”न्ति वत्तब्बे दीघं कत्वा “सारणीय”न्ति वुत्तं । सुय्यमानसुखतोति आपाथमधुरतं आह, अनुस्सरियमानसुखतोति विमदरमणीयतं । व्यञ्जनपरिसुद्धतायाति सभावनिरुत्तिभावेन तस्सा कथाय वचनचातुरियमाह, अत्थपरिसुद्धतायाति अत्थस्स निरुपक्विकलेसतं । अनेकेहि परियायेहीति अनेकेहि कारणेहि ।

अभिदूरअच्चासन्नपटिक्खेपेन नातिदूरनाच्चासन्नं नाम गहितं, तं पन अवकंसतो उभिन्नं पसारितहत्थसङ्घट्टेनेन दट्ठब्बं । गीवं पसारेत्वाति गीवं परिवत्तनवसेन पसारेत्वा ।

येमेति एत्थ सन्धिवसेन इकारलोपोति दस्सेन्तो “ये इमे”तिआदिमाह । उच्चाकुलीनताय जातिवसेन अभिजाता जातिकुलपुत्ता । तेनाह “उच्चाकुलप्पसुता”ति । आचारसम्पत्तिया अभिजाता आचारकुलपुत्ता । तेनाह “आचारसम्पन्ना”ति । यत्थ कत्थचि अपाकटेपि कुले । तेन ब्राह्मणेन अधिप्पेता भिक्खूसु दुविधापि संविज्जन्तीति आह “इध पन द्वीहिपि कारणेहि कुलपुत्तायेवा”ति ।

सद्भाति इदं करणत्थे पच्चत्तवचनन्ति आह “सद्भाया”ति, सद्भाति वा सदहित्वाति अत्थो। इमस्मिं पक्खे पाळियं य-कारलोपेन निद्देशोति दट्ठब्बं। अगारतोति अगारवासतो, उत्तरपदलोपेन, निस्सयूपचारेन वा अयं निद्देशोति। भिक्खनसीलतादिलक्खणो भिक्खुभावो पब्बज्जासहचरिताय सद्धिं भिक्खुभावं अन्वाचिनन्तोति आह “पब्बज्जं भिक्खुभावज्जा”ति। कम्मवाचालक्खणे पन भिक्खुभावे अधिप्पेते समुच्चयत्थो च-सद्दो दट्ठब्बो। अनगारस्स भावोति एतेन पब्बज्जानिस्सितो सुविसुद्धो सीलाचारगुणविसेसो गहितो, कसिगोरक्खादिकम्मपटिक्खेपो इध अनुप्पादादीहि वेदितब्बो। सेसग्गहणे पन सरणगमनादिवसेन पब्बज्जाय, सरणगमनादिवसेन उपसम्पदाय च अनेकभेदत्ता आह “सब्बथापी”ति, तेन तेन पकारेनाति अत्थो। पुरतोगामिता पटिपत्तिगमनेन, न कायगमनेनाति आह “नायको”ति, सम्पापटिपत्तिया निब्बानसम्पापकोति अत्थो। हितकिरियायाति दिट्ठधम्मिकादिहितचरियाय। गाहणं अधिसीलादीसु अच्चन्ताय नियोजनं, न कथनमत्तन्ति दस्सेन्तो “गाहेता”ति वत्वा “सिक्खापेता”ति आह। दिट्ठानुगतित्ति दिट्ठिया अनुगमनन्ति दस्सेन्तो “दस्सनानुगति”न्ति वत्वा सिक्खात्तयसङ्गहं भगवतो सासनं तेन दिट्ठत्ता दिट्ठि, तस्स तस्सेव खमनवसेन खन्ति, रुच्चनवसेन रुचि, तंदिट्ठिखन्तिरुचिकाव भगवतो सावकाति आह “यंदिट्ठिको”तिआदि।

एस किर अलत्थाति सम्बन्धो। देवपुत्ते वियातिआदि कस्सचि पारिजुज्जस्स अभावदीपनतो “सद्भाया”तिआदिना वुत्तस्स पब्बजितभावस्स पाकटीकरणं। सद्भाय घरा निक्खम्म पब्बजित्वाति इदं हट्ठपहट्ठादिभावस्स कारणवचनं। घासच्छादनपरमताय सन्तुट्ठेति इदं अनुस्सङ्कितापरिसङ्कितताय कारणवचनन्ति दट्ठब्बं।

एवमेतन्तिआदिना आमोडितवचनं सम्पहंसनवसेन, पसादवसेन वा कतन्ति दट्ठब्बं। तथा हि एवं-सद्दो सम्पटिच्छनत्थो अब्भनुमोदनत्थो च वुत्तो। ममन्ति उपयोगत्थे सामिवचनं, निपातपदं वा एतं “म”न्ति इमिना समानत्थन्ति दट्ठब्बं। आदीनीति आदि-सद्देन नजीविकापकतादिं सङ्गण्हाति ईदिसानंयेवाति सद्भापब्बज्जाय विभावितअनभिज्जालुआदिसभावानंयेव, न इतरेसं अभिज्जालुसभावानं। वुत्तज्हेतं —

“सङ्गाटिकण्णे चेपि मे, भिक्खवे, भिक्खु गहेत्वा पिड्डितो पिड्डितो अनुबन्धो अस्स पदे पदं निक्खिपन्तो, सो च होति अभिज्जालु कामेसु तिब्बसारागो ब्यापन्नचित्तो पदुट्ठमनसङ्कप्पो मुट्ठस्सति असम्पजानो असमाहितो विब्भन्तचित्तो पाकटिन्द्रियो, अथ खो आरकाव मम अहञ्च तस्सा”ति (इतिवु० ९२)।

अज्झोगाहेत्वा अधिप्पेतत्थं सम्भवितुं साधेतुं दुक्खानीति दुरभिसम्भवानि। अट्ठकथायं पन तत्थ निवासोयेव दुक्खोति दस्सेतुं “सम्भवितुं दुक्खानि दुस्सहानी”ति वुत्तं। अरज्जवनपत्थानीति अरज्जलक्खणप्पत्तानि वनसण्डानि। वनपत्थ-सद्दो हि सण्डभूते रुक्खसमूहेपि वत्ततीति अरज्जगहणं। किञ्चापीति अनुजाननसम्भावनत्थे निपातो। किं अनुजानाति? निप्परियायतो अरज्जाभावं “गामतो बहि अरज्ज”न्ति। तेनाह “निप्परियायेना”तिआदि। किं सम्भावेति? आरज्जकङ्गनिष्पादकत्तं। यज्झि आरज्जकङ्गनिष्पादकं, तं विसेसतो “अरज्ज”न्ति वुत्तन्ति। तेनेवाह “यं तं पञ्चधनुसतिक”न्तिआदि। निक्खमित्वा बहि इन्दखीलाति इन्दखीलतो बहि निक्खमित्वा, ततो बहि पट्ठायाति अत्थो। बहि इन्दखीलाति यत्थ द्वे तीणि इन्दखीलानि, तत्थ बहिद्भा इन्दखीलतो पट्ठाय, यत्थ तं नत्थि, तत्थ तदरहट्ठानतो पट्ठायाति वदन्ति। यस्मा बहि इन्दखीलतो पट्ठाय मनुस्सूपचारे भयभेरवं नत्थि, तस्मा इध नाधिप्पेतन्ति दट्ठब्बं।

गामन्तन्ति गामसमीपं। अनुपचारट्ठानन्ति निच्चकिच्चवसेन नुपचरितब्बट्ठानं। तेनाह “यत्थ न कसीयति न वपीयती”ति। पन्तानीति इमिना “परियन्तान”न्ति इमस्स परियायस्स इध पाळियं गहितत्ता वुत्तं “परियन्तानन्ति इममेकं परियायं ठपेत्वा”ति। दूरानन्ति पन अयं परियायो ठपेतब्बो सिया तस्सापि “पन्तानी”ति इमिनाव अत्थतो गहितत्ता, तथा

सति “न मनुस्सूपचारान”न्ति एदिसानम्पि ठपेतब्बता आपज्जति, तस्मा सदतो एव ठपनं दट्ठब्बं । पविवेकन्ति पकारतो, पकारेहि वा विवेचनं, रूपादिपुत्तारम्मणे पकारतो गमनादिइरियापथप्पकारेहि अत्तनो कायस्स विवेचनं गच्छतोपि तिट्ठतोपि निसज्जतोपि एकस्सेव पवत्तति । तेनेव हि विवेचेतब्बानं विवेचनाकारस्स च भेदतो बहुविधत्ता ते एकत्तेन गहेत्वा “पविवेक”न्ति एकवचनेन वुत्तं । **दुक्करं पविवेकन्ति** वा पविवेकं कत्तुं न सुखन्ति अत्थो । **एकीभावेति** एकिकभावे । **द्वयंद्वयारामो**ति द्विन्नं द्विन्नं भावाभिरतो । **हरन्ति वियाति** संहरन्ति विय विघातुप्पादनेन । तेनाह “**घसन्ति विया**”ति, भयसन्तासुप्पादनेन खादितुं आगता यक्खरक्खसपिसाचादयो वियाति अधिप्पायो । **ईदिसस्साति** अलद्धसमाधिना । **तिणपण्णमिगादिसद्देही**ति वातेरितानं तिणपण्णादीनं मिगपक्खिआदीनञ्च भिसनकेहि भेरवेहि सद्देहि **विविधेहि च** अज्जेहि खाणुआदीहि यक्खादिआकारेहि उपट्ठितेहि **भिसनकेहि** । एवं दुक्करं दुरभिसम्भवं नाम करोन्तो अहो अच्छरिया एतेति **विम्हितो** ।

### कायकम्मन्तवारकथावण्णना

**३५. सोळससु ठानेसूति** “ये खो केची”तिआदिना पाळियं वक्खमानेसु सोळससु कारणेसु ।

अपरिसुद्धकायकम्मन्ततादयो अरज्जे विहरन्तानं चित्तुत्रासनिमित्तताय विसेसतो विक्खेपावहा, परिसुद्धकायकम्मन्ततादयो पन तदभावतो तेसं अविक्खेपावहा । तेनाह “**अपरिसुद्धकायकम्मन्तसन्दोसहेतू**”तिआदि । **सोळससूति च** वोदानपक्खंयेव गहेत्वा वुत्तं । संकिलेसग्गहणम्पि यावदेव वोदानदस्सनत्थन्ति । **आरम्मणपरिग्गहरहितानन्ति** अपरिसुद्धकायकम्मन्तादिकस्स अरज्जे दिट्ठस्स तस्स आरम्मणस्स “**ये खो केची**”तिआदिना पाळियं आगतनयेन परिग्गणहनजाणरहितानं । **आरम्मणपरिग्गहयुत्तानन्ति** एत्थ वुत्तविपरियायेन अत्थो वेदितब्बो । **अत्तनाति** भगवन्तं सन्धाय वदति, सयन्ति अत्थो । **तादिसोति** आरम्मणपरिग्गहयुत्तो ।

सम्बुज्झति एतेनाति **सम्बोधो**, अरियमग्गोति आह “**अरियमग्गप्पत्तितो**”ति । अग्गमग्गाधिगमाधीनो बुद्धानं सब्बज्जुतज्जाणाधिगमोति आह “**अनभिसम्बुद्धस्साति अप्पटिविद्धचतुसच्चस्सा**”ति । अनवसेसतो जेय्यं, बुज्झितुं अरहतीति **बोधि**, महावीरियतादिना तत्थ विसेसयोगतो सत्तोति आह “**बुज्झनकसत्तस्सा**”ति । तेनाह “**सम्मासम्बोधि**”न्तिआदि । नियतभावप्पत्तितो पट्ठाय महासत्ता यथा महाबोधियानपटिपदा हानभागिया, ठितिभागिया वा न होति, अथ खो विसेसभागिया निब्बेधभागिया च होति, तथा पटिपज्जनतो बोधियं निन्नगोणपब्भारा एवाति आह “**बोधिया वा सत्तस्सेव लग्गस्सेवा**”ति । तेनाह “**दीपङ्करस्स ही**”तिआदि । **अट्ठधम्मसमोधानेनाति** —

“मनुस्सत्तं लिङ्गसम्पत्ति, हेतु सत्थारदस्सनं ।

पब्बज्जा गुणसम्पत्ति, अधिकारो च छन्दता”ति ॥ (बु० वं० २.५९) —

इमेसं अभिनीहारस्स अङ्गभूतानं अट्ठन्नं धम्मनं समोधानेन समवधानेन ।

**पब्बज्जूपगताति** पब्बज्जं उपगता । तेन पब्बज्जामत्तेन समणा, न समितपापतायाति दस्सेति । जातिमत्तेन इध **ब्राह्मणाति** अधिप्पेताति आह “**भोवादिनो वा**”ति । ते हि “**भो भो**”ति वदनसीला, तेनाह “**भोवादी** नाम सो होति, सचे होति सकिञ्चनो”ति (ध० प० ३९६; सु० नि० ६२५) । **पाणातिपातादिनाति आदि-**सद्देन अदिन्नादानं अब्रह्मचरियञ्च सङ्गण्हाति । **अपरिसुद्धेनाति च** विसेसनं कायकम्मन्तापेक्खाय, न पाणातिपातादिअपेक्खाय । न हि पाणातिपातादिको तस्स पुब्बभागपयोगो च कोचि परिसुद्धो नाम अत्थि । भायनट्ठेन **भयं**, भीरुतावहट्ठेन **भेरवं** । **सन्दोसहेतूति** सदोसहेतु । स-

सद्वो हि इध सानुसारो वुत्तो । तेनाह “अत्तनो दोसस्स हेतू”ति । एकन्तेन चित्तुत्रासलक्खणस्स भयस्स वसेन “सावज्ज”न्ति वुत्तं । चित्तुत्रासो हि एकन्तसावज्जो भायनट्ठेन भयज्जाति । अक्खेमन्ति इदं उभयवसेन । चित्तुत्रासोपि हि सरीरचित्तानं अनत्थावहतो अक्खेम, तथा भयानकारम्मणम्पीति । अट्ठकथायं पन अत्थद्वयं यथासङ्ख्यं योजितं । सयं परिकप्पितभयानकारम्मणनिमित्तं चित्तुत्राससमुप्पादनवसेन आनेन्ता भयभेरवं अट्ठायन्ति विय होन्तीति वुत्तं “अट्ठायन्तीति पक्कोसन्ती”ति । तेति मारितमनुस्सानं जातिमित्तादयो । गच्छं गहनभूतं महन्तं कण्टकसण्डं, गुम्बं नातिमहन्तन्ति वदन्ति । गच्छन्ति पन तिणवनं वेदितब्बं, “गच्छे रुळ्हतिणे”ति वुत्तं, गुम्बं कण्टकलतादिभरिताविरुळ्हं । बद्धा वधिता वियाति बद्धा हुत्वा ताळियमाना विय ।

“न खो पनाति एत्थ खोति अवधारणत्थे निपातो, पना”ति विसेसत्थे । तेनेतं दस्सेति “अज्जे समणब्राह्मणा विय अहं अपरिसुद्धकायकम्मन्तो हुत्वा अरज्जवनपत्थानि पन्तानि सेनासनानि न खो पन पटिसेवामि, परिसुद्धकायकम्मन्तोयेव पन हुत्वा तानि पटिसेवामी”ति । एवं वा एत्थ अत्थयोजना वेदितब्बा । “परिसुद्धकायकम्मन्तोहमस्मी”ति हि तेन अवधारणेन विभावितत्थदस्सनं । तेसमहं अज्जतरोति ताय परिसुद्धकायकम्मताय तेसं अरियानं अहं अज्जतरोति कायकम्मपारिसुद्धिया महासत्तो अत्तानं अरियेसु पक्खिपति । परमसल्लेखभावप्पत्ता हि तदा बोधिसत्तस्स कायकम्मपारिसुद्धि, तथा वचीकम्मादिपारिसुद्धि, यतो मारो रन्धगवेसी हुत्वा छब्बस्सानि निरन्तरं अनुबन्धो अन्तरं न लभति । तेनाह —

“सत्त वस्सानि भगवन्तं, अनुबन्धिं पदापदं ।

ओतारं नाधिगच्छिस्सं, सम्बुद्धस्स सतीमतो”ति ॥ (सु० नि० ४४८) ।

भिय्योति अधिकं सविसेसं, उपरूपरि वा । भीततसिता भयूपद्वेन छम्भितसरीरा हट्टलोमा होन्ति, अभीतातसिता पन भयूपद्ववाभावतो अहट्टलोमा खेमेन सोत्थिना तिट्ठन्तीति तेसं खेमप्पत्ति सोत्थिभावो वा पन्नलोमताय पाकटो होतीति पाळियं “पल्लोम”न्ति वुत्तं । तेनाह “पन्नलोमत”न्तिआदि । एत्थ च भिय्यो पल्लोममापादिं अरज्जे विहारायाति पटिज्जानिदेसो । परिसुद्धकायकम्मन्तोहमस्मीति हेतुदस्सनं । “ये हि वो अरिया”ति सदिसूदाहरणदस्सनं । ये खो केचि समणा वा ब्राह्मणा वाति विसदिसूदाहरणदस्सनं । सेसानि अन्वयव्यतिरेकविभावनानीति दट्टब्बन्ति अयमेत्थ युत्तिविभावना । इमिना नयेन सेसवारेसुपि युत्तिविभावना वेदितब्बा ।

कायकम्मन्तवारकथावण्णना निट्ठिता ।

### वचीकम्मन्तवारादिकथावण्णना

३६. अपरिसुद्धेन मुसावादादिनाति एत्थ यं वत्तब्बं, तं हेट्ठा वुत्तनयमेव । आदि-सद्धेन पन सङ्गहितं तेसज्ज मुसावादादीनं पवत्तिभेदं भयभेरवाट्ठानमुखेन दस्सेतुं “कथ”न्तिआदि वुत्तं । तत्थ यं वत्तब्बं, तं हेट्ठा वुत्तमेव ।

भण्डेसूति सविज्जाणकाविज्जाणकेसु भण्डेसु । उप्पादेत्वाति अत्तनो परिणामवसेन अभिज्झासङ्घातं विसमलोभं उप्पादेत्वा । कुज्झित्वाति विनासचिन्तावसेन परस्स कुज्झित्वा । एवज्झि नेसं “येसं अपरज्झिम्हा, ते इदानि अनुबन्धित्वा”तिआदिना पच्छा आसङ्कुप्पत्ति सिया । “एते अम्हाकं परिग्गहवत्थुं गहेतुकामा मज्जे, विनासं कातुकामा मज्जे”ति यथा परे परतो तेसं अभिज्झाव्यापादप्पवत्तिं परिग्गहन्ति, तादिसं मनोकम्मन्तं सन्धाय “ते परेस”न्तिआदि



वृत्तान्ति ददुब्बं । कामं अकुसलकायकम्मवचीकम्मपवत्तिकालेपि अभिज्झादयो पवत्तन्तियेव, तदा पन ते चेतनापक्खिका वा अब्बोहारिका वाति मनोकम्मन्तवारे एव अभिज्झादिवसेन योजना कता । अथ वा द्वारन्तरे पवत्तानम्पि पाणातिपातादीनं वचीकम्मादिभावाभावो विय द्वारन्तरे पवत्तानम्पि अभिज्झादीनं कायकम्मादिभावाभावो, मनोकम्मभावो एव पन सिद्धोति कत्वा मनोकम्मन्तवारे एव अभिज्झादयो उद्धटा । तथा हि वृत्तं —

“द्वारे चरन्ति कम्मनि, न द्वारा द्वारचारिनो ।

तस्मा द्वारेहि कम्मनि, अज्जमज्जं ववत्थिता”ति ॥ (ध० स० अट्ठ० १.कायकम्मद्वार) ।

किञ्चापि अट्ठकथायं सासने पब्बजितवसेन आजीववारे भयभेरवाहानं योजितं, “ये खो केचि समणा वा ब्राह्मणा वा”ति पन वचनतो बाहिरकवसेन गहट्ठवसेन च योजना वेदितब्बा । गहट्ठानम्पि हि जातिधम्मकुलधम्मदेसधम्मविलोमनवसेन अज्जथापि मिच्छाजीवो लब्धतेव, ताय एव च आजीवविपत्तिया अज्जथा वा नेसं अरज्जवासो सम्भवेय्याति ।

३७. एवं आजीवट्ठमकसीलवसेन भयभेरवं दस्सेत्वा ततो परं नीवरणप्पहानादिवसेन तं दस्सेतुं देसना वड्ढिताति तदत्थं विवरन्तो “इतो पर”न्तिआदिमाह । तत्थ नीवरणवसेन पुन वृत्ताति अयमधिप्पायो — एवं सीलविसुद्धिमत्तम्पि अरज्जे विहरतो भयभेरवाभावं आवहति, किमङ्गं पन नीवरणानि पहाय अप्पनासमाधिं, उपचारसमाधिमेव वा सम्पादयतोति समाधिसम्पदाय भयभेरवाभावहेतुकं दस्सेतुं उपरि देसना वड्ढिताति अकुसलमनोकम्मन्तभावेन गहितापि अभिज्झाब्यापादा नीवरणवसेन पुन वृत्ताति अधिप्पायो । अभि-पुब्बो झा-सद्वो अभिज्झायनत्थोति आह “परभण्डादिअभिज्झायनसीला”ति । वत्थुकामेसूति रूपादीसु किलेसकामस्स वत्थुभूतेसु कामेसु । बहलकिलेसरागाति थिरमूलदुम्मोचनीयताहि अज्झोसाने पभूतकिलेसकामा । अभिज्झा चेत्थ अप्पत्तविसयपत्थना, तिब्बसारागो सम्पत्तविसयाभिनिवेशो । ते हि लोभाभिभूता पुगगला अत्तनि तिब्बसापेक्खताय एव लोभाभिभूतताय अववत्थितारम्मणा अविनिच्छित्तविसया अरज्जे तं तं विसयं अनुपधारित्वा विहरन्ति, रज्जुआदीनि याथावतो न सल्लक्खन्ति । तेनाह “तेस”न्तिआदि । उपट्ठाति सन्तचित्तताय । तथा हि वृत्तं “आकुलचित्ता”ति । “इदानीम्ह नट्ठा”ति तसन्ति वितसन्ति, आगन्त्वा बाधियमाना विय होन्ति, एवं तं भयभेरवं अत्तनि समारोपनट्ठेन अव्हायन्ति पक्कोसन्तीति योजनं सन्धायाह “सेसं तादिसमेवा”ति । “अनभिज्झालुहमस्मी”ति पाळिपदे चिरपरिचितअलोभज्झासयताय कमलदले जलबिन्दु विय अलगमानसत्ता सब्बत्थ अनपेक्खोहमस्मीति अत्थो ।

३८. पकतिभावविजहनेनाति परिसुद्धभावसङ्घातस्स च पकतिभावस्स विजहनेन । सावज्जधम्मसमुप्पत्तिया हि चित्तस्स अनवज्जभावो जहितो होतीति । विपन्नचित्ताति किलेसासुचिदूसितताय कुथितचित्ता । तेनाह “किलेसानुगतं... पे०... पूतिकं होती”ति । पट्ठमनसङ्कप्पाति विससंसट्ठमुत्तं विय दोसेन पदूसितचित्तसङ्कप्पा । वृत्तनयेनेवाति “ते अववत्थितारम्मणा होन्ती”तिआदिना अभिज्झालुवारे वृत्तनयेनेव । यथा हि लोभवसेन, एवं दोसादिवसेनपि अववत्थितारम्मणा होन्तीति । सब्बत्थाति हेट्ठा उपरि चाति सब्बत्थ ठानेसु वण्णेतब्बा ।

३९. “या चित्तस्स अकल्लता अकम्मज्जता”ति वचनतो थिनं चित्तस्स गेलज्जभावेन गहणं गच्छतीति आह “चित्तगेलज्जभूतेन थिनेना”ति । तथा “या कायस्स अकल्लता अकम्मज्जता”ति (ध० स० ११६३) वचनतो मिद्धं विसेसतो नामकायस्स गेलज्जभावेन गहणं गच्छतीति आह “सेसनामकायगेलज्जभूतेन मिद्धेना”ति । सेसगहणज्चेत्थ चित्तनिवत्तनत्थं । इदज्ज मिद्धं रूपकायस्सपि गेलज्जावहन्ति ददुब्बं निद्वाय हेतुभावतो । तथा हि तं “निद्वा चपलायिका”ति

निदिष्टं। तेनाह “ते निदाबहुला होन्ती”ति।

४०. उद्धचपकतिकाति उद्धचसीला अनवडितसभावा। अनवट्टानरसज्झि उद्धचं। तेनाह “विष्णन्दमानचिता”तिआदि। इधाति “अवूपसन्तचित्ता”ति इमस्मिं पदे। कुक्कुच्चं गहेतुं वट्टति संवण्णनावसेन पच्छानुतापस्सपि चित्तस्स अवूपसमकरत्ता। उद्धचं पन सरूपेनेव गहितन्ति अधिप्पायो।

४१. एकमेविदं पञ्चमं नीवरणं यदिदं कङ्खा विचिकिच्छाति च। यदि एवं कस्मा द्विधा कत्वा वुत्तन्ति आह “किं नु खो”तिआदि। कङ्खनतोति संसयनतो। विचिकिच्छाति वुच्चति “धम्मसभावं विचिनन्तो एताय किच्छति, विगता तिकिच्छा वा”ति कत्वा।

४२. एवं नीवरणाभावकित्तनमुखेन समाधिसम्पदाय भयभेरवाभावं दस्सेत्वा इदानी अत्तुक्कंसनादिअभावकित्तनमुखेन पञ्चासम्पदाय भयभेरवाभावं दस्सेतुं “ये खो केची”तिआदिना उपरि देसना वट्टिता, तदत्थं विवरितुं “अत्तुक्कंसनका”तिआदि वुत्तं। उक्कंसेन्ति मानवसेन पगणहनेन। तेनाह “उच्चे ठाने ठपेन्ती”ति। थिनमिद्धउद्धचकुक्कुच्चविचिकिच्छावारेसु गय्हमानं अभिज्झालुवारसदिसन्ति तत्थ तं अनामसित्वा अत्तुक्कंसकवारे किञ्चि विसदिसं अत्थीति तं दस्सेतुं “ते कथ”न्तिआदि वुत्तं।

४३. छम्भनं छम्भो, कायस्स छम्भितत्तहेतुभूतो बलवचित्तुत्रासो। सो एतेसं अत्थीति छम्भी। तेनाह “कायथम्भना”तिआदि। भीरुकजातिकाति भायनकसीला। एकमेव चेतं सावज्जभयं काये छम्भितत्तस्स, चित्ते च काये च थद्धभावस्स उप्पादनवसेन “छम्भो भीरुता”ति च वुच्चतीति तंसमङ्गिनो समणब्राह्मणा “छम्भी भीरुकजातिका”ति वुत्ता, इध भयभेरवं सरूपेनेव गहितं।

४४. लब्धति पापुणीयतीति लाभसदस्स कम्मसाधनत्तमाह। सक्कच्चं कातब्बो दातब्बोति सक्कारो। तदत्थदीपकन्ति लाभादिं पहाय अरज्जे वसतो भयभेरवाव्हायनं नत्थीति दीपकं। सो किर लाभगरुतायेव पियो गामो एतस्साति “पियगामिको”ति नामं लभति। कम्ममुत्तोति जराजिण्णत्ता कम्मं कातुं न सक्कोतीति सामिकेहि विस्सट्ठो।

४५. अलसभावेन सम्मावायामस्स अकरणतो कुच्छितं सीदन्तीति कुसीता। वीरस्स भावो, कम्मं वा वीरियं, विधिना वा ईरेतब्बं पवत्तेतब्बन्ति वीरियं, सम्मावायामो। तेन हीना हीनवीरिया। कायविज्जत्तिया समुट्टानवसेन पवत्तवीरियं कायिकवीरियं, वत्तकरणचङ्कमनादीसु दट्ठब्बं। निसज्ज सयित्वा च कम्मट्टानमनसिकारवसेन पवत्तवीरियं चेतसिकवीरियं। तत्थ पुरिमं विसेसतो कोसज्जपटिपक्खतावसेन, दुतियं वीरियारम्भतावसेन पाकटं होतीति दस्सेन्तो “कुसीता”तिआदिमाह। ते हि हीनवीरिया अलसतायेव आरम्भणववत्थानमत्तम्पि कातुं न सक्कोन्ति।

४६. नट्टस्सतीति अलब्धमानस्सति, पच्चयवेकल्लेन विज्जमानायपि सतिया सतिकिच्चं कातुं असमत्थताय एवं वुत्तं। न सम्पजानाति असम्पजाना। तंयोगनिवत्तियञ्चायं अ-कारो “अहेतुका धम्मा (ध० स० २.दुकमातिका), अभिक्खुको आवासो”तिआदीसु (चूळव० ७६) वियाति आह “पञ्जारहिता”ति। ननु सोळसमो पञ्जावारो, अयं सतिवारो, तत्थ कस्मा संकिलेसपक्खे पञ्जा गहिताति चोदनं सन्धायाह “इमस्स चा”तिआदि। सतिभाजनीयमेवेतं, यदिदं चुद्धसमो वारो, पञ्जा पनेत्थ चुद्धसमे वारे केवला सति दुब्बलाति सतिदुब्बल्यदीपनत्थं “असम्पजाना”ति पटिक्खेपमुखेन वुत्ता। इदानी वुत्तमेवत्थं पाकटतरं कातुं “दुविधा ही”तिआदि वुत्तं।

४७. अप्पनासमाधिना, उपचारसमाधिना वा चित्तं आरम्भणे समं, सम्मा वा आहितं नाम होति, नाञ्जथाति दस्सेन्तो “असमाहिताति उपचारप्पनासमाधिविरहिता”ति आह । विब्भन्तचित्ताति अनवट्टितचित्ता । पुब्बे नीवरणभावसामञ्जेन उद्धच्चं गहितं “उद्धता अवूपसन्तचित्ता”ति, इध समाधानाभावेन उद्धच्चहेतुको चित्तविब्भमो वुत्तो “असमाहिता विब्भन्तचित्ता”ति, अयमेतेसं विसेसो । पुब्बे वुत्तनयेनाति पुब्बे “उद्धच्चेन हि एकारम्भणे चित्तं विप्फन्दति धजयट्ठियं वातेन पटाका विया”ति (म० नि० अट्ठ० १.४०) वुत्तनयेन । सब्बं पुब्बसदिसमेवाति भयभेरवाक्कायनस्स अभिज्झालुवारे वुत्तसदिसतं सन्धाय वदति ।

४८. दुप्पज्जाति एत्थ दु-सद्दो “दुस्सीलो”ति आदीसु विय अभावत्थो, न “दुग्गति, दुप्पटिप्पन्नो”ति आदीसु विय गरहत्थोति दस्सेतुं “निप्पज्जानमेतं अधिवचन”न्ति वत्त्वा “पज्जा पन दुट्ठा नाम नत्थी”ति वुत्तं । तेति दुप्पज्जा । सब्बत्थाति चतूसुपि पाठविकप्पेसु । एलन्ति वा दोसो वुच्चति । तेनाह “या सा वाचा नेला कण्णसुखा”ति । तथा हि सीलं “नेलङ्ग”न्ति वुत्तं । दुप्पज्जा च कथेन्ता सदोसमेव कथं कथेन्ति अपण्डितभावतो । तेनेवाह “दुब्भासितभासी”ति । तस्मा एलसब्भावतो एलं मुखं एतेसन्ति एलमूगाति वुत्ताति एवम्पि वा एत्थ अत्थो दट्ठब्बो । याय पज्जाय वसेन “पज्जासम्पन्नो”ति वुत्तं, तं ब्यतिरेकमुखेन दस्सेतुं “नो च खो”ति आदि वुत्तं । ननु च बोधिसत्ता बहुलविपस्सनापज्जाय समन्नागता होन्तीति? होन्ति, तदा पन बोधिसत्तेन न विपस्सनारम्भो कतो, नो च विपस्सनापज्जा अधिप्पेताति वुत्तं “नो च खो विपस्सनापज्जाया”ति ।

केचि पनेत्थ “सद्भाविरहिता अपरिसुद्धकायकम्मन्तादयो विय भयभेरवाक्कायनस्स विसेसकारणं, नापि सद्दालुता पल्लोमतायाति सद्भावरो अनुद्धटो”ति वदन्ति, तं अकारणं । कम्मफले हि सद्दहन्तो कम्मपटिसरणतंयेव निस्साय भयभेरवं तिणायपि अमञ्जमानो पल्लोमतमापज्जेय्य । यस्मा पन वीरियादयो सद्भाय विना नप्पवत्तन्तीति तेसं उपनिस्सयभूता सहजाता च सा तग्गहणेनेव गहिता होतीति विसुं न उद्धटा । तथा हि सा ज्ञानस्स पुब्बभागपटिपदायम्पि न उद्धटा, किं वा एताय सद्भाय, अद्भा सा इमस्मिं आरम्भणपरिग्गहट्टाने न गहेतब्बाव, ततो धम्मस्सामिना इध न उद्धटा, एवं अञ्जेसुपि एदिसेसु ठानेसु निच्छयो कातब्बो । यथानुलोमदेसना हि सुत्तन्तकथाति ।

वचीकम्मन्तवारादिकथावण्णना निट्ठिता ।

सोळसट्ठानारम्भणपरिग्गहो निट्ठितो ।

भयभेरवसेनासनादिवण्णना

४९. सोळसारम्भणानीति सोळसट्ठानानि आरम्भणानि । एवरूपासु रत्तीसूति चातुदसीआदिका उपरि वक्खमाना रत्तियो सन्धाय वदति । एवरूपे सेनासनेति एत्थापि एसेव नयो । याति अनियमतो उद्दिट्ठानं पुन “ता”ति वचनं निद्देसो विय होतीति वुत्तं “या ताति उभयमेतं रत्तीनंयेव उद्देसनिद्देसवचन”न्ति । अभीति लक्खणत्थे “अञ्जे च अभिज्जाता ब्राह्मणमहासाला”ति आदीसु विय । कथं पनेत्थ लक्खणत्थता वेदितब्बा? लक्खीयति एतेनाति लक्खणन्ति आह “चन्दपारिपूरिया”ति आदि । पुण्णमासियं चन्दपारिपूरिया अमावासियं चन्दपरिक्खयेन । आदि-सद्देन चन्दस्स उपट्ठमण्डलताराहुग्गहतादीनं सङ्गहो दट्ठब्बो । उपसग्गमत्तमेव अभि-सद्दो लक्खितसद्देनेव लक्खणत्थस्स विज्जायमानत्ताति अधिप्पायो ।

पठमदिवसतो पभूतीति पठमपाटिपददिवसतो पट्टाय । यस्मा चोदको भगवतो काले अनभिलक्खितापि अपरभागे अभिलक्खिता जाता, तस्मा तं अभिलक्खणीयतं उपादाय “सब्बदस्सिना भगवता पञ्चमी कस्मा न गहिता”ति चोदेति, इतरो सब्बकालिकासु चातुदसीआदीसु गह्यमानासु असब्बकालिकाय कथं गहणन्ति अधिप्पायेन “असब्बकालिकत्ता”ति परिहरति ।

तथाविधासूति “अभिज्जाता”ति आदिना यथा वुत्ता, तथाविधासु । देवताधिद्वितभावेन आरामादीनं लोकस्स चेतियभावोति आह “पूजनीयट्ठेना”ति । मनुस्सा येभ्य्येन गामादीनं द्वारेसु तथा रूपे रुक्खे चेतियट्ठानिये कत्वा वोहरन्तीति आह “गामनिगमादिद्वारेसू”ति आदि । दस्सनमत्तेनपि सवनमत्तेनपि भयुप्पादनेन पाकतिकसत्ते भिसेन्तीति भिसनकानि । तेनाह “भयजनकानी”ति आदि । भायति एतस्माति भयं, अतिविय सप्पटिभयं भेरवं ।

आयाचनउपहारकरणारहन्ति तंतंबलिकम्मपणिधिकम्मकरणयोगं । पुप्फधूप...पे०... धरणितलन्ति इदं यथापटिसूतेन सुप्पादिना उपहारकरणदस्सनं । कोट्टेन्तोति पहरन्तो, सिङ्गप्पहारखुरप्पहारेहि सद्धं करोन्तोति अधिप्पायो । सब्बचतुप्पदानं इध मगोति नामं, न “अच्छचम्मं मिगचम्मं एळकचम्म”न्ति आदीसु (महाव० २५९) विय, रोहितोति आदि मिगविसेसानन्ति अधिप्पायो । चालेत्वाति अगमद्वनेन चालेत्वा । मोरगगहणञ्चेत्थ उपलक्खणन्ति दस्सेन्तो आह “इध सब्बपक्खिगहणं अधिप्पेत”न्ति । एस नयोति इदं यथा “मोरो वा”ति एत्थ वा-सद्धो अवुत्तविकप्पनत्थो, एवं “मिगो वा”ति एत्थापीति मिगसद्धस्स विसेसत्थवुत्तितं सन्धायाह । इतो पभूतीति “यंनूनाहं या ता रत्तियो”ति आदिना भयभेरवस्स गवेसनचिन्तनतो पभूति, न गवेसनारम्भतो पभूति । “अप्पेव नामाहं भयभेरवं पस्सेय्य”न्ति एत्थापि हि आरम्मणमेव भयभेरवं । सुखारम्मणं रूपं सुखमिव “रूपं सुखं सुखानुपतितं सुखावक्कन्त”न्ति आदीसु (सं० नि० ३.६०) । कथं भयगहणेन च रूपारम्मणगहणन्ति आह “परित्तस्स चा”ति आदि । “आगच्छती”ति वचनतो गवेसनारम्भतो पभूति “एतं भय”न्ति आरम्मणं अधिप्पेतन्ति केचि “तं न पस्सेय्य”न्ति चक्खुना दस्सनस्स अधिप्पेतत्ता, तस्मा वुत्तनयेनेव अत्थो गहेतब्बो । भयं आकङ्खमानोति उपपरिक्खनवसेन अहं भयवत्थुं आकङ्खन्तो विहरामि, तं किमत्थियं, एत्तकोपि भयसमन्नाहारो मय्हं अयुत्तोति अधिप्पायो ।

यं पकारं भूतो यथाभूतो, सो पनेत्थ पकारो इरियापथवसेन युत्तो पाळियं तथा आगतत्ताति आह “येन येन इरियापथेन भूतस्सा”ति । भवितस्साति इदं “भूतस्सा”ति इमिना समानत्थं पदन्ति दट्ठब्बं । “समङ्गीभूतस्सा”ति पदं पुरिमपदलोपेन भूतस्साति वुत्तन्ति दस्सेन्तो “समङ्गीभूतस्स वा”ति आह । भयभेरवारम्मणेति भयभेरवाभिमते आरम्मणे । नेव महासत्तो तिट्ठतीति आदि “तथाभूतो च तं पटिविनेय्य”न्ति यथा चिन्तितं, तथा पटिपन्नभावदस्सनं । इरियापथपटिपाटि नाम ठानगमननिसज्जानिपज्जाति वदन्ति, उप्पटिपाटि पन पठमं निपज्जा, पुन निसज्जा, पुन ठानं, पच्छा गमनन्ति एवं वेदितब्बा । आसन्नपटिपाटियाति गमनस्स ताव ठानं आसन्नं, ठानस्स निसज्जा गमनञ्च, निसज्जाय निपज्जा ठानञ्च, निपज्जाय निसज्जा आसन्ना । इध पन गमनस्स ठानं, ठानस्स च गमनं, निसज्जाय च निपज्जा, निपज्जाय च निसज्जा आसन्नभावेन गहिता, इतरे परम्परावसेनाति वेदितब्बा । भिक्खुस्स पन इरियापथा सम्पत्तपटिपाटिया विय अपरापरुप्पत्तिवसेन वुच्चन्ति ।

भयभेरवसेनासनादिवण्णना निट्ठिता ।

असम्मोहविहारवण्णना

५०. अयञ्च मे सब्बसो भयभेरवाभावो विसेसतो असम्मोहधम्मत्ताति दस्सेतुं “**सन्ति खो पना**”ति आदिना उपरि देसना वड्ढिताति अयं वा एत्थ अनुसन्धि । **झायाीनं सम्मोहद्वाने**सूति इमिना अज्झायाीनं सम्मोहद्वानेसु वत्तब्बमेव नत्थीति दस्सेति । **अत्थीति** इदं निपातपदं पुथुवचनम्पि होति “अत्थि इमस्मिं काये केसा”ति आदीसु (दी० नि० २.३७३-३७४; म० नि० १.११०; ३.१५४; सं० नि० ४.१२७; खु० पा० ३.द्वतिसाकार) वियाति “सन्ती”ति पदस्स अत्थदस्सनवसेन वुत्तं । किं खणत्तयसमङ्गिताय ते अत्थि, नोति आह “**संविज्जन्ति उपलब्धन्ती**”ति, महति लोकसन्निवासे एदिसापि **संविज्जन्ति** जाणेन गहेतब्बताय **उपलब्धन्तीति** । **ओदातकसिणलाभीति** अप्पमाणओदातकसिणलाभी । एवं हिस्स समन्ततो आलोको विय उपट्ठाति । **परिकम्पन्ति** समापत्तिपुब्बभागमाह । एत्तकं सूरिये गते **वुट्ठहामीति, नो च खो अब्धानपरिच्छेदे कुसलो होति**, केवलं “दिवा एव वुट्ठहामी”ति मनसिकारं उप्पादेसि । **विसदं होति** सब्बं आरम्मणजातं, दिब्बचक्खुना पस्सन्तस्स विय **विभूतं** । **अविसदन्ति** एत्थ वुत्तविपरियायेन अत्थो वेदितब्बो । **एवंसज्जिनोति** रत्तिं “दिवा”ति, दिवा च “रत्ती”ति एवंसज्जिनो ।

**अन्तोसेनासने रत्तिं निसिन्नो होतीति** रत्ति-सद्दो अज्झाहरितब्बो । परित्तासनादीहि, अज्जेहि वा **कारणेहि** । **गम्भीराय** भूमिगम्भसदिसाय **घनवनपटिच्छन्नाय** बहलतरजालवनपटलपटिच्छन्नाय । **अन्तरहितसूरियालोके कालेति** एतेनेव दिवाति अवुत्तसिद्धो । सम्मोहविहारो नाम बहुविधोति आह “**सम्मोहविहारानं अज्जतरं**”न्ति ।

**पाकटो बोधिसत्तस्स रत्तिन्दिवपरिच्छेदो** अन्तमसो लवतुटिखणस्सपि उपादाय सुववत्थितत्ता, तथा रत्तिदिवसकोट्टासपरिच्छेदो अत्तना कातब्बकिच्चवसेन कालजाणवसेन च ।

कालथम्भे लद्धब्बछायावसेन **द्वङ्गुलकाले** । **यामघण्टिकं पहरति** सङ्घस्स तंतंवत्तकरणत्थं । **मुग्गरन्ति** घण्टिकप्पहरणमुग्गरं । **यामयन्तं पतति** अज्जेहि भिक्खूहि योजितन्ति अधिप्पायो । याव अज्जे भिक्खू भोजनसालं उपगच्छन्ति, ताव दिवाविहारद्वानं गन्त्वा समणधम्मं करोति ।

**यं खो तन्ति** एत्थ **यन्ति** अनियमुद्देशो, **खोति** अवधारणे, यमेव पुग्गलन्ति अत्थो । **तन्ति** वुच्चमानाकारवचनं । **ममेवाति** मं एव । **असम्मोहसभावोति** सभावभूतअसम्मोहो । “उप्पन्नो”ति वुत्तत्ता “**मनुस्सलोके**”ति वुत्तं । **पज्जासम्पत्तियाति** याथावतो हितस्स जाननसमत्थेन अत्तनो पज्जागुणेन, न केवलं अज्झासयेनेव हितेसिता, अथ खो पयोगेनाति दस्सेन्तो “**हितूपदेसको**”ति आह । अज्झासयेन पन हितेसिता “**लोकानुकम्पाया**”ति इमिना दस्सिता । उपकरणेहि विना न कदाचि भोगसुखं उपकरणदानञ्च चागसम्पत्तिहेतुकन्ति आह “**चागसम्पत्तिया... पे०... दायको**”ति । **मेत्तासम्पत्तिया** हितूपसंहारेन **रक्खिता** । **करुणासम्पत्तिया** दुक्खापनयनेन **गोपायिता** । ननु च पुब्बेपि वुत्तं “**हिताय सुखाया**”ति, अथ कस्मा पुन तं गहितन्ति चोदनं सन्धायाह “**इध देवमनुस्सग्गहणेना**”ति आदि । तेन पुब्बे अविसेसतो हितादीनि दस्सितानि, इदानि विसेसतो सह पयोजनेन तानि दस्सितानीति दीपेति । निब्बानतो परो परमो अत्थो नाम नत्थीति आह “**परमत्थत्ताया**”ति । हिनोति निब्बानं गच्छतीति **हितं**, मग्गो । उक्कंसतो सुखत्थं अरियफलन्ति आह “**ततो उत्तरि सुखाभावतो**”ति ।

असम्मोहविहारवण्णना निड्डिता ।

**पुब्बभागपटिपदादिवण्णना**

**५१. असम्मोहविहारन्ति** असम्मोहवृत्तिं, असम्मोहसम्बोधिन्ति वा अत्थो। तन्ति समथविपस्सनाभावनासङ्घातं पटिपदं। **पुब्बभागतो पभुतीति** भावनाय पुब्बभागवीरियारम्भादितो पट्टाय। **केचीति** उत्तरविहारवासिनो।

**बोधिमण्डेति** (सारत्थं टी० १.११.वेरञ्जकण्डवण्णना; अ० नि० टी० ३.८.११) बोधिसङ्घातस्स जाणस्स मण्डभावप्पत्ते ठाने। **चतुरङ्गन्ति** “कामं तचो च न्हारु च, अट्ठि च अवसिस्सतू”तिआदिना (म० नि० २.१८४; सं० नि० २.२३७; अ० नि० २.५; ८.१३; महानि० १७, १९६) वुत्तचतुरङ्गसमन्नागतं। **पग्गहितन्ति** आरम्भं सिथिलं अकत्वा दळ्ळपरक्कमसङ्घातुस्सहनभावेन गहितं। तेनाह “**असिथिलप्पवत्तितन्ति वुत्तं होती**”ति। **असल्लीनन्ति** असङ्कुचितं कोसज्जवसेन सङ्कोचं अनापन्नं।

**उपट्ठिताति** ओगाहनसङ्घातेन अपिलापनभावेन आरम्भणं उपगन्त्वा ठिता। तेनाह “**आरम्भणाभिमुखीभावेना**”ति। सम्मोसस्स विद्धंसनवसेन पवत्तिया न सम्मुट्ठाति **असम्मुट्ठा**। किञ्चापि चित्तमिव चित्तपस्सद्धिवसेन कायपस्सद्धिवसेनेव कायो पस्सद्धो होति, तथापि यस्मा कायपस्सद्धि उप्पज्जमाना चित्तपस्सद्धिया सहेव उप्पज्जति, न विना, तस्मा वुत्तं “**कायचित्तपस्सद्धिसम्भवेना**”ति। **रूपकायोपि पस्सद्धोयेव होति** कायपस्सद्धिया उभयेसम्पि कायानं पस्सम्भनावहत्ता। **सो च खो** कायो। **विगतदरथोति** विगतकिलेसदरथो। नामकाये हि विगतदरथे रूपकायोपि वूपसन्तदरथपरिळाहो होति। **सम्मा आहितन्ति** नानारम्भणेषु विधावनसङ्घातविकखेपं विच्छिन्दित्वा एकस्मिंयेव आरम्भणे अविकिखत्तभावापादानेन सम्मदेव आहितं। तेनाह “**सुट्ठु ठपित**”न्तिआदि। चित्तस्स अनेकगगभावो विकखेपवसेन चञ्चलता, सा सति एकगगताय न होतीति आह “**एकगं अचलं निप्फन्दन**”न्ति। **एत्तावताति** “आरब्धं खो पना”तिआदिना वीरियसतिपस्सद्धिसमाधीनं किच्चसिद्धिदस्सनेन। ननु च सद्भापज्ज्ञानम्पि किच्चसिद्धि ज्ञानस्स पुब्बपटिपदाय इच्छितब्बाति? सच्चं इच्छितब्बा, सा पन नानन्तरियभावेन अवुत्तसिद्धाति न गहिता। असति हि सद्भाय वीरियारम्भादीनं असम्भवोयेव, पज्जापरिग्गहे च नेसं असति पज्जायारम्भादिभावो न सिया। तथा असल्लीनासम्मोसतादयो वीरियादीनन्ति असल्लीनतादिग्गहणेनेवेत्थ पज्जाकिच्चसिद्धि गहिताति दट्ठब्बं। ज्ञानभावनायं वा समाधिकिच्चं अधिकं इच्छितब्बन्ति दस्सेतुं समाधिपरियोसानाव **ज्ञानस्स पुब्बपटिपदा कथिताति** दट्ठब्बं।

वुत्तं, तस्मा इध न वत्तब्बं। **विसुद्धिमग्गो** हि इमिस्सा संवण्णनाय एकदेसभूतोति वुत्तोवायमत्थोति। **विहरतीति** आगतं परुद्देसिकत्ता विहारस्स। **इध विहासिन्ति** आगतं अत्थुद्देसिकत्ता। इदं किर सब्बबुद्धानं अविजहितन्ति आह “**आनापानस्सतिकम्मट्ठान**”न्ति। रूपविरागभावनावसेन (सारत्थं टी० १.१२.नेरञ्जकण्डवण्णना) पवत्तो चतुब्बिधोपि अरूपज्ज्ञानविसेसो चतुत्थज्ज्ञानसङ्गहो एवाति आह “**चत्तारि ज्ञानानी**”ति। युत्तं ताव चित्तेकगगता भवोक्कमनत्थता विय विपस्सनापादकतापि चतुन्नं ज्ञानानं साधारणाति तेसं वसेन “चत्तारि ज्ञानानी”ति वचनं, अभिज्जापादकता पन निरोधपादकता च चतुत्थस्सेव ज्ञानस्स आवेणिका, सा कथं चतुन्नं ज्ञानानं साधारणा वुत्ताति? परम्पराधिष्ठानभावतो। पदट्ठानपदट्ठानम्पि हि पदट्ठानन्तेव वुच्चति, कारणकारणम्पि कारणन्ति यथा “तिणेहि सत्तं सिद्ध”न्ति, एवञ्च कत्वा पयोजननिद्देसे अट्ठसमापत्तिग्गहणं समत्थितं होति। **चित्तेकगतत्थानीति** चित्तसमाधानत्थानि, दिट्ठधम्मसुखविहारत्थानीति अत्थो। चित्तेकगगतासीसेन हि दिट्ठधम्मसुखविहारो वुत्तो, सुखविपस्सकखीणासववसेन चेतं वुत्तं। तेनाह “**एकगचित्ता सुखं दिवसं विहरिस्सामा**”ति। **भवोक्कमनत्थानीति** भवेसु निब्बत्तिअत्थानि।

यस्मा (सारत्थं टी० १.१२.नेरञ्जकण्डवण्णना) बोधिसत्तेन बोधिमण्डूपसङ्क्रमनतो पुब्बेपि चरिमभवे चतुत्थज्ज्ञानं निब्बत्तितपुब्बं, तदा पन तं निब्बत्तितमत्तमेव अहोसि, न विपस्सनादिपादकं, तस्मा “**बोधिरुक्खमूले निब्बत्तित**”न्ति ततो

विसेसेत्वा वुत्तं । विपस्सनापादकन्ति विपस्सनारम्भे विपस्सनाय पादकं । अभिज्जापादकन्ति एत्थापि एसेव नयो । बुद्धानज्झि पठमारम्भे एव पादकज्झानेन पयोजनं अहोसि, न ततो परं उपरिमग्गाधिगमफलसमापत्तिअभिज्जावळज्जनादिअत्थं । अभिसम्बोधिसमधिगमतो पट्टाय हि सब्बं जाणसमाधिकिच्चं आकङ्खमत्तपटिबद्धमेवाति । सब्बकिच्चसाधकन्ति अनुपुब्बविहारादिसब्बकिच्चसाधकं । सब्बलोकियलोकुत्तरगुणदायकन्ति एत्थ विपस्सनाभिज्जापादकत्ता एव चतुत्थस्स ज्ञानस्स भगवतो सब्बलोकियलोकुत्तरगुणदायकता वेदितब्बा । सब्बज्जुतज्जाणपदट्टानज्झि मग्गजाणं, मग्गजाणपदट्टानज्ज सब्बज्जुतज्जाणं अभिसम्बोधि, तदधिगमसमकालमेव भगवतो सब्बे बुद्ध्युणा हत्थगता अहेसुं, चतुत्थज्झानसन्निस्सयो च मग्गाधिगमोति ।

पुब्बभागपटिपदादिवण्णना निड्डिता ।

### पुब्बेनिवासकथावण्णना

५२. द्विन्नं विज्जानन्ति पुब्बेनिवासजाणदिब्वचक्खुजाणसङ्घातानं द्विन्नं विज्जानं । अनुपदवण्णनाति तासं विज्जानं निद्वेसपाळिया अनुपदवण्णना । भावनानयोति उप्पादनविधि । “सो”ति पच्चत्तवचनस्स अहं-सद्वेन सम्बन्धने कारणं दस्सेतुं “अभिनिन्नामेसि”न्तिआदि वुत्तं । पाळियं वा “अभिनिन्नामेसि”न्ति उत्तमपुरिसस्स योगोति अहं-सद्वेन आनेत्वा वुच्चमाने तदत्थो पाकटो होतीति “सो अहं”न्ति वुत्तं । अभिनीहरन्ति चित्तं ज्ञानारम्भणतो अपनेत्वा पुब्बेनिवासाभिमुखं पेसेसिं, पुब्बेनिवासनिन्नं पुब्बेनिवासपोणं पुब्बेनिवासपभ्भारं अकासिन्ति अत्थो ।

पुब्बेअतीतजातीसु निवुत्थक्खन्धा पुब्बेनिवासो । निवुत्थाति च अज्झावुत्था अनुभूता अत्तनो सन्ताने उप्पज्जित्वा निरुद्धा, गोचरनिवासेन निवुत्थधम्मा वा अत्तनो विज्जाणेनविज्जाता, परविज्जाणविज्जातापि वा छिन्नवट्टमकानुस्सरणादीसु, तं पुब्बेनिवासं याय सतिया अनुस्सरति, ताय सम्पयुत्तं जाणं पुब्बेनिवासानुस्सतिज्जाणं । पटिनिवत्तन्तस्साति पुब्बेनिवासं अनुस्सरणवसेन यावदिच्छकं गन्त्वा पच्चागच्छन्तस्स । तस्माति वुत्तस्सेवत्थस्स कारणभावेन पच्चाससं, पटिनिवत्तन्तस्स पच्चवेक्खणभावतोति वुत्तं होति । इधूपपत्तियाति इध चरिमभवे उपपत्तिया । अनन्तरन्ति अतीतानन्तरमाह । अमुत्राति अमुकस्मिं भवेति अत्थो । उदपादिन्ति उप्पज्जिं । ताहि देवताहीति तुसितादेवताहि । एकगोत्तोति तुसितगोत्तेन एकगोत्तो । महाबोधिसत्तानं सन्तानस्स परियोसानावत्थाय देवलोकूपपत्तिजनकं नाम अकुसलेन कम्मुना अनुपदुत्तमेव होतीति अधिप्पायेन “दुक्खं पन सङ्खारदुक्खमेवा”ति वुत्तं । महापुज्जानम्पि पन देवपुत्तानं पुब्बनिमित्तुप्पत्तिकालादीसु अनिद्वारम्भणसमायोगो होतियेवाति “कदाचि दुक्खदुक्खस्सपि सम्भवो नत्थी”ति न सक्का वत्तुं । सत्तपज्जास...पे०... परियन्तोति इदं मनुस्सानं वस्सगणनावसेन वुत्तं । तत्थ देवानं वस्सगणनाय पन चतुसहस्समेव ।

अतीतभवे (सारत्थ० टी० १.१२.पुब्बेनिवासकथायं) खन्धा तप्पटिबद्धनामगोत्तानि च सब्बं पुब्बेनिवासन्तेव सङ्गहितन्ति आह “किं विदितं करोति? पुब्बेनिवास”न्ति । मोहो पटिच्छादकट्टेन “तमो”ति वुच्चति “तमो विया”ति कत्वा । ओभासकरणट्टेनाति कातब्बतो करणं, ओभासोव करणं, अत्तनो पच्चयेन ओभासभावेन निब्वत्तेतब्बट्टेनाति अत्थो । सेसं पसंसावचनन्ति पटिपक्खविधमनपवत्तिविसेसानं बोधनतो वुत्तं । अविज्जा विहताति एतेन विज्जनट्टेन विज्जाति अयम्पि अत्थो दीपितोति दट्टब्बं । यस्मा विज्जा उप्पन्नाति एतेन विज्जापटिपक्खा अविज्जा, पटिपक्खता चस्सा पहातब्बभावेन विज्जाय च पहायकभावेनाति दस्सेति । एस नयो इतरस्मिम्पि पदद्वयेति इमिना तमो विहतो विनट्टो । कस्मा? यस्मा आलोको उप्पन्नोति इममत्थं अतिदिसति । पेसितत्तस्साति यथाधिप्पेतत्थसिद्धिं पति विस्सट्टचित्तस्स । यथा

अप्पमत्तस्साति अज्जस्सपि कस्सचि मादिसस्साति अधिप्पायो ।

पुब्बेनिवासकथावण्णना निट्ठिता ।

### दिब्बचक्खुजाणकथावण्णना

५३. इथाति भयभेरवसुत्ते वुत्तं । इध अयं विसेसोति योजना । वुत्तसदिसमेव “मेति मया”तिआदिना ।

परिकम्मकिच्चन्ति “अभिज्जापादकचतुत्थज्झानतो वुट्ठाया सब्बपच्छिमा निसज्जा आवज्जितब्बा”तिआदिना, कसिणारम्मणं अभिज्जापादकज्झानं सब्बाकारेन अभिनीहारक्खमं कत्वा”तिआदिना च वुत्तेन परिकम्मेन किच्चं पयोजनं नत्थि । न तेन इध अत्थोति तेन भावनानयेन इध पाळिया अत्थवण्णनायं अत्थो नत्थि तथाभावनाय इध अनधिप्पेतत्ताति अधिप्पायो ।

दिब्बचक्खुजाणकथावण्णना निट्ठिता ।

### आसवक्खयजाणकथावण्णना

५४. विपस्सनापादकन्ति (सारत्थं टी० १.१४.आसवक्खयजाणकथायं; दी० नि० टी० १.२४८; अ० नि० टी० २.३.५९) विपस्सनाय पदट्ठानभूतं । विपस्सना च तिविधा विपस्सनकपुग्गलभेदेन । महाबोधिसत्तानज्झि पच्चेकबोधिसत्तानञ्च विपस्सना चिन्तामयजाणसंवद्धितत्ता सयम्भुजाणभूता, इतरेसं सुतमयजाणसंवद्धितत्ता परोपदेससम्भूता, सा “ठपेत्वा नेवसज्जानासज्जायतनं अवसेसरूपारूपज्झानानं अज्जतरतो वुट्ठाया”तिआदिना अनेकधा अरूपमुखवसेन चतुधातुववत्थाने वुत्तानं तेसं तेसं धातुपरिग्गहमुखानं अज्जतरमुखवसेन अनेकधाव **विसुद्धिमग्गे** (विसुद्धि० १.३०६) नानानयतो विभाविता । महाबोधिसत्तानं पन चतुवीसतिकोटिसतसहस्समुखेन पभेदगमनतो नानानयं सब्बज्जुतज्जाणसन्निस्सयस्स अरियमग्गजाणस्स अधिट्ठानभूतं पुब्बभागजाणगब्भं गणहापेत्तं परिपाकं **गच्छन्तं** परमगम्भीरसण्हसुखुमतरं अनज्जसाधारणं विपस्सनाजाणं होति, यं **अट्ठकथासु** महावजिरजाणन्ति वुच्चति । यस्स च पवत्तिविभागेन चतुवीसतिकोटिसतसहस्सपभेदस्स पादकभावेन समापज्जियमाना चतुवीसतिकोटिसतसहस्ससङ्का देवसिकं सत्थु वळज्जनकसमापत्तियो वुच्चन्ति, स्वायं बुद्धानं विपस्सनाचारो परमत्थमज्जूसाय **विसुद्धिमग्गसंवण्णनाय** (विसुद्धि० महाटी० १.१४४) उद्देसतो दस्सितो, अत्थिकेहि ततो गहेतब्बोति ।

आसवानं खेपनतो समुच्छिन्दनतो आसवक्खयो, अरियमग्गो, उक्कट्टनिद्देसवसेन अरहत्तमग्गगहणं । आसवानं खये जाणं **आसवक्खयजाणन्ति** दस्सेन्तो “तत्र चेत्तं जाण”न्ति वत्वा खयेति च आधारे भुम्मं, न विसयेति दस्सेन्तो “तप्परिया पन्नत्ता”ति आह । **इदं दुक्खन्ति** दुक्खस्स अरियसच्चस्स तदा पच्चक्खतो गहितभावदस्सनं । **एत्तकं दुक्खन्ति** दुक्खस्स अरियसच्चस्स तदा पच्चक्खतो गहितभावदस्सनं । **एत्तकं दुक्खन्ति** तस्स परिच्छिज्ज गहितभावदस्सनं । न इतो **भिय्योति** अनवसेसेत्वा गहितभावदस्सनं । तेनाह “**सब्बम्मि दुक्खसच्च**”न्तिआदि । **सरसलक्खणपटिवेधेनाति** सभावसङ्कातस्स लक्खणस्स असम्मोहतो पटिविज्जनेन । **असम्मोहपटिवेधोति** च यथा तस्मिं जाणे पवत्ते पच्छा दुक्खस्स सरूपादिपरिच्छेदे सम्मोहो न होति, तथा पवत्ति । तेनाह “**यथाभूतं अब्भज्जासि**”न्ति । यं **ठानं पत्वाति** यं निब्बानं मग्गस्स आरम्मणपच्चयट्ठेन कारणभूतं आगम्म । तदुभयवतो हि पुग्गलस्स पत्ति तदुभयस्स पत्तीति वुत्तं । **पत्वाति** वा पापुणनहेतु । **अप्पवत्तिन्ति** अप्पवत्तिनिमित्तं । ते वा नप्पवत्तन्ति एत्थाति **अप्पवत्ति**, निब्बानं । **तस्साति** दुक्खनिरोधस्स ।



सम्पापकन्ति सच्छिकिरियावसेन सम्मदेव पापकं ।

किलेसवसेनाति आसवसङ्घातकिलेसवसेन । यस्मा आसवानं दुक्खसच्चपरियायो तप्परियापन्नत्ता, सेससच्चानञ्च तंसमुदयादिपरियायो अत्थि, तस्मा वुत्तं । “परियायतो”ति । दस्सेन्तो सच्चानीति योजना । आसवानंयेव चेत्थ गहणं “आसवानं खयजाणाया”ति आरद्धत्ता । तथा हि आसवविमुत्ति सीसेनेव सब्बसंकिलेसविमुत्ति वुत्ता । “इदं दुक्खन्ति यथाभूतं अब्भज्जासि”न्तिआदिना मिस्सकमग्गो इध कथितोति “सह विपस्सनाय कोटिप्पत्तं मग्गं कथेती”ति वुत्तं । एत्थ च सच्चपटिवेधस्स तदा अतीतकालिकत्ता “यथाभूतं अब्भज्जासि”न्ति वत्त्वापि अभिसमयकाले तस्स पच्चुप्पन्नतं उपादाय “एवं जानतो एवं पस्सतो”ति वत्तमानकालेन निद्देसो कतो । सो च कामं मग्गक्खणतो परं यावज्जतना अतीतकालिको एव, सब्बपठमं पनस्स अतीतकालिकत्तं फलक्खणेन वेदितब्बन्ति आह “विमुच्चित्थाति इमिना फलक्खणं दस्सेती”ति । जानतो पस्सतोति वा हेतुनिद्देसोयं । जाननहेतु दस्सनहेतु कामासवा चित्तं विमुच्चित्थाति योजना । भवासवग्गहणेनेव चेत्थ भवरागस्स विय भवदिट्ठियापि समवरोधोति दिट्ठासवस्सपि सङ्गहो दट्ठब्बो ।

खीणाजातीतिआदीहि पदेहि । तस्साति पच्चवेक्खणजाणस्स । भूमीन्ति पवत्तिट्ठानं । न तावस्स अतीता जाति खीणा मग्गभावनायाति अधिप्पायो । तत्थ कारणमाह “पुब्बेव खीणत्ता”ति । न अनागता अस्सजाति खीणाति योजना । न अनागताति च अनागतत्तसामञ्जं गहेत्वा लेसेन चोदेति । तेनाह “अनागते वायामाभावतो”ति, अनागतविसेसो पनेत्थ अधिप्पेतो, तस्स च खेपने वायामोपि लब्भतेव । तेनाह “या पन मग्गस्सा”तिआदि । एकचतुपञ्चवोकारभवेसूति भवत्तयग्गहणं वुत्तनयेन अनवसेसतो जातिया खीणभावदस्सनत्थं । तन्ति यथावुत्तं जातिं । सोति भगवा ।

ब्रह्मचरियवासो नाम इध मग्गब्रह्मचरियस्स निब्बत्तनमेवाति आह “निट्ठित”न्ति । सम्मादिट्ठिया चतूसु सच्चेसु परिज्जादिकिच्चसाधनवसेन पवत्तमानाय सम्मा सङ्कप्पादीनम्पि दुक्खसच्चे परिज्जाभिसमयानुगुणा पवत्ति, इतरसच्चेसु च नेसं पहानाभिसमयादिवसेन पवत्ति पाकटा एव । तेन वुत्तं “चतूहि मग्गेहि परिज्जापहानसच्छिकिरियाभावनावसेना”ति । इत्थत्तायाति इमे पकारा इत्थं, तब्भावो इत्थत्तं, तदत्थन्ति वुत्तं होति । ते पन पकारा अरियमग्गब्यापारभूता परिज्जादयो इधाधिप्पेताति आह “एवंसोळसकिच्चभावाया”ति । ते हि मग्गं पच्चवेक्खतो मग्गानुभावेन पाकटा हुत्वा उपट्ठहन्ति, परिज्जादीसु च पहानमेव पधानं तदत्थत्ता इतरेसन्ति आह “किलेसक्खयायवा”ति । पहीनकिलेसपच्चवेक्खणवसेन वा एतं वुत्तं । इत्थत्तायाति निस्सक्के सम्पदानवचनन्ति आह “इत्थभावतो”ति । अपरं अनागतं । इमे पन चरिमत्तभावसङ्घाता पञ्चक्खन्धा । परिज्जाता तिट्ठन्तीति एतेन तेसं अप्पत्तिट्ठतं दस्सेति । अपरिज्जामूलका हि पतिट्ठा । यथाह “कबळीकारे चे, भिक्खवे, आहारे अत्थि रागो अत्थि नन्दी अत्थि तण्हा, पतिट्ठितं तत्थ विज्जाणं विरूळ्ह”न्तिआदि (सं० नि० २.६४; महानि० ७; कथा० २९६) । तेनेवाह “छिन्नमूलका रुक्खा विया”तिआदि ।

पच्चवेक्खणजाणपरिग्गहितं, न पठमदुतियजाणद्वयाधिगमं विय केवलन्ति अधिप्पायो । दस्सेन्तो निगमनवसेनाति अधिप्पायो । सरूपतो हि तं पुब्बे दस्सितमेवाति । पुब्बेनिवासजाणेन अतीतारम्मणसभागताय तब्भावीभावतो च अतीतंसजाणं सङ्गहेत्वाति योजना । तत्थ अतीतंसजाणन्ति अतीतखन्धायतनधातुसङ्घाते अतीतकोट्टासे अप्पटिहत्तं जाणं । दिब्बचक्खुनाति सपरिभण्डेन दिब्बचक्खुजाणेन । पच्चुप्पन्नंसो च अनागतंसो च पच्चुप्पन्नानागतंसं, तत्थ जाणं पच्चुप्पन्नानागतंसजाणं । सकललोकियलोकुत्तरगुणन्ति एतेन सब्बं लोकं उत्तरित्वा अभिभुय्य ठितत्ता सब्बञ्जुतज्जाणस्स विय सेसासाधारणजाणस्स बलजाणआवेणिकबुद्धधम्मादीनम्पि अनज्जसाधारणानं बुद्धगुणानं सङ्गहो

वेदितब्बो । तेनाह “सब्बेपि सब्बज्जुगुणे सङ्गहेत्वा”ति ।

आसवक्खयजाणकथावण्णना निट्ठिता ।

### अरज्जवासकारणवण्णना

५५. सिया खो पन ते ब्राह्मणाति एत्थ सियाति “अप्पेवा”ति इमिना समानत्थो निपातो, तस्मा ‘ब्राह्मण, अप्पेव खो पन ते एवमस्सा’ति अत्थो । यं पन अट्ठकथायं “कदाची”ति वुत्तं, तम्पि इममेवत्थं सन्धाय वुत्तं अकारणं ब्राह्मणेन परिकप्पितमत्थं पटिपक्खिपित्वा अत्तनो अधिप्पेतं कारणं दस्सेन्तो । अत्थोव फलं तदधीनवुत्तिताय वसो एतस्साति अत्थवसो, हेतूति एवं वा एत्थ अत्थो दट्ठब्बो । अत्तनो च दिट्ठधम्मसुखविहारन्ति एतेन सत्था अत्तनो विवेकाभिरतिं पकासेतीति दस्सेन्तो “दिट्ठधम्मो नामा”ति आदिमाह । तत्थ इरियापथविहारानन्ति इरियापथपवत्तीनं । तप्पवत्तियो हि एकस्मिं इरियापथे उप्पन्नदुक्खं अज्जेन इरियापथेन विच्छिन्दित्वा हरणतो विहाराति वुच्चन्ति । पच्छिमज्ज जनतं अनुकम्पमानोति एतेन यो आदितो ब्राह्मणेन “भवं तेसं गोतमो पुब्बङ्गमो...पे... दिट्ठानुगतिं आपज्जती”ति वुत्तो, यो च तथा “एवमेतं ब्राह्मणा”ति आदिना अत्तना सम्पटिच्छितो, तमेव अत्थं निगमनवसेन दस्सेन्तो यथानुसन्धिनाव सत्था देसनं निट्ठापेसि ।

अरज्जवासकारणवण्णना निट्ठिता ।

### देसनानुमोदनावण्णना

५६. एवं निट्ठापिताय देसनाय ब्राह्मणो तत्थ भगवति पसादं पवेदेन्तो “अभिवक्कन्त”न्ति आदिमाह । अभिवक्कन्ताति (सारत्थं टी० १.१५.देसनानुमोदनकथा; दी० नि० टी० १.२५०; सं० नि० टी० १.१.१; अ० नि० टी० २.२.१६) अतिवक्कन्ता, विगताति अत्थोति आह “खये दिस्सती”ति । तेनेव हि “निक्खन्तो पठमो यामो”ति वुत्तं । अभिवक्कन्ततरोति अतिविय कन्ततरो मनोरमो । तादिसो च सुन्दरो भद्दको नाम होतीति आह “सुन्दरे दिस्सती”ति ।

कोति देवनागयक्खगन्धब्बादीसु को कतमो । मेति मम । पादानीति पादे । इद्धियाति इमाय एवरूपाय देविद्धिया । यससाति इमिना एदिसेन परिवारेन परिजनेन । जलन्ति विज्जोतमानो । अभिवक्कन्तेनाति अतिविय कन्तेन कमनीयेन अभिरूपेन । वण्णेनाति छविवण्णेन सरीरवण्णनिभाय । सब्बा ओभासयं दिसाति दसपि दिसा ओभासेन्तो पभासेन्तो, चन्दो विय सूरियो विय च एकोभासं एकालोकं करोन्तोति गाथाय अत्थो । अभिरूपेति उळाररूपे सम्पन्नरूपे ।

“चोरो चोरो, सप्पो सप्पो”ति आदीसु भये आमेडितं । “विज्झ विज्झ, पहर पहरा”ति आदीसु कोधे, “साधु साधूति आदीसु (म० नि० १.३२७; सं० नि० २.१२७; ३.३५; ५.१०८५) पसंसायं, “गच्छ गच्छ, लुनाहि लुनाही”ति आदीसु तुरिते, “आगच्छ आगच्छा”ति आदीसु कोतूहले, “बुद्धो बुद्धोति चिन्तेन्तो”ति आदीसु (बु० वं० २.४४) अच्छरे, “अभिवक्कमथायस्मन्तो, अभिवक्कमथायस्मन्तो”ति आदीसु (दी० नि० ३.२०; अ० नि० ९.११) हासे, “कहं एकपुत्तक, कहं एकपुत्तका”ति आदीसु (म० नि० २.३५३; सं० नि० २.६३) सोके, “अहो सुखं अहो सुखं”ति आदीसु (उदा० २०; दी० नि० ३.३०५; चूळव० ३३२) पसादे । च-सद्धो अवुत्तसमुच्चयत्थो । तेन गरहाअसम्मानादीनं सङ्गहो दट्ठब्बो । तत्थ “पापो पापो”ति आदीसु गरहायं । “अभिरूपक अभिरूपका”ति आदीसु असम्माने दट्ठब्बं ।

नयिदं आमोदितवसेन द्विक्खत्तुं वुत्तं, अथ खो अत्थद्वयवसेनाति दस्सेन्तो “अथ वा”तिआदिमाह । अभिक्कन्तन्ति वचनं अपेक्खित्वा नपुंसकलिङ्गवसेन वुत्तं, तं पन भगवतो वचनं धम्मस्स देसनाति कत्वा तथा वुत्तं । अत्थमत्तदस्सनं वा एतं, तस्मा अत्थवसेन लिङ्गविभक्तिविपरिणामो वेदितब्बो । दुतियपदेपि एसेव नयो । **दोसनासनतो**ति रागादिकिलेसदोसविधमनतो, **गुणाधिगमनतो**ति सीलादिगुणानं सम्पापनतो । ये गुणे देसना अधिगमेति, तेसु पधानभूता दस्सेतब्बाति ते पधानभूते ताव दस्सेतुं “**सद्धाजननतो पज्जाजननतो**”ति वुत्तं । सद्धापमुखा हि लोकिया गुणा, पज्जापमुखा लोकोत्तरा । सीलादिअत्थसम्पत्तिया **सात्थतो**, सभावनिरुत्तिसम्पत्तिया **सब्बज्जनतो** । सुविज्जेय्यसद्वपयोगताय **उत्तानपदतो**, सण्हसुखुमभावेन दुब्बिज्जेय्यत्थताय **गम्भीरत्थतो** । सिनिद्धमुदुमधुरसद्वपयोगताय **कण्णसुखतो**, विपुलविसुद्धपेमनीयत्थताय **हृदयङ्गमतो** । मानातिमानविधमनेन **अनत्तुक्कंसनतो**, थम्भसारम्भमद्वनेन **अपरवम्भनतो** । हिताधिप्पायपवत्तिया परेसं रागपरिळाहादिवूपसमनेन च **करुणासीतलतो**, किलेसन्धकारविधमनेन **पज्जावदाततो** । करवीकरुतमञ्जुताय **आपाथरमणीयतो**, पुब्बापराविरुद्धसुविसुद्धत्थताय **विमद्वक्खमतो** । आपाथरमणीयताय एव **सुय्यमानसुखतो**, विमद्वक्खमताय हितज्झासयप्पवत्तितताय च **वीमंसियमानहिततो** । **एवमादीहीति आदिसद्देन** संसारचक्कनिवत्तनतो, सद्धम्मचक्कप्पवत्तनतो, मिच्छावादविधमनतो, सम्मावादपटिद्वापनतो, अकुसलमूलसमुद्धरणतो, कुसलमूलसंरोपनतो, अपायद्वारपिधानतो, सगमगगद्वारविवरणतो, परियुद्धानवूपसमनतो, अनुसयसमुग्घातनतोति एवमादीनं सङ्गहो दट्ठब्बो ।

**अधोमुखद्वपितन्ति** केनचि अधोमुखं ठपितं । **हेट्टामुखजातन्ति** सभावेनेव हेट्टामुखजातं । **उग्घाटेय्याति** विवटं करेय्य । **हत्थे गहेत्वाति** “पुरत्थाभिमुखो, उत्तराभिमुखो वा गच्छा”तिआदीनि अवत्वा हत्थे गहेत्वा “निस्सन्देहं एस मग्गो, एवं गच्छा”ति वदेय्य । **काळपक्खचातुदसीति** काळपक्खे चातुदसी ।

**निकुज्जितं** आधेय्यस्स अनाधारभूतं भाजनं आधारभावापादनवसेन **उक्कुज्जेय्य** । हेट्टामुखजातताय **सद्धम्मविमुखं**, अधोमुखद्वपितताय **असद्धम्मे पतितन्ति** एवं पदद्वयं यथारहं योजेतब्बं, न यथासङ्ख्यं । कामं कामच्छन्दादयोपि पटिच्छादका, मिच्छादिट्ठि पन सविसेसं पटिच्छादिकाति आह “**मिच्छादिट्ठिगहनपटिच्छन्न**”न्ति । तेनाह भगवा “मिच्छादिट्ठिपरमाहं, भिक्खवे, वज्जं वदामी”ति (अ० नि० १.३१०) । सब्बो अपायगामिमग्गो **कुम्मग्गो** “कुच्छितो मग्गो”ति कत्वा । सम्मादिट्ठिआदीनं उजुपटिपक्खताय मिच्छादिट्ठिआदयो अट्ठ मिच्छत्तधम्मा **मिच्छामग्गो** । तेनेव हि तदुभयपटिपक्खतं सन्धाय “**सग्गमोक्खमग्गं आचिक्खन्तेना**”ति वुत्तं । सप्पिआदिसन्निस्सयो पदीपो न तथा उज्जलो, यथा तेलसन्निस्सयोति **तेलपज्जोतग्गहणं** । **एतेहि परियायेहीति** एतेहि निकुज्जितुक्कुज्जनपटिच्छन्नविवरणादिउपमोपमितब्बपकारेहि, **एतेहि** वा यथावुत्तेहि सोळसारम्मणपरिग्गहअसम्मोहविहारदिब्बविहारविभावनपरियायेहि विज्जात्तयविभावनापदेसेन अत्तनो सब्बज्जुगुणविभावनपरियायेहि च । तेनाह “**अनेकपरियायेन धम्मो पकासितो**”ति ।

देसनानुमोदनावण्णना निट्ठिता ।

### पसन्नकारवण्णना

**पसन्नकारन्ति** पसन्नेहि कातब्बं सक्कारं । **सरणन्ति** पटिसरणं । तेनाह “**परायण**”न्ति । परायणभावो च अनत्थनिसेधनेन अत्थसम्पटिपादनेन च होतीति आह “**अघस्स ताता हितस्स च विधाता**”ति । **अघस्साति** दुक्खतोति वदन्ति, पापतोति पन युत्तं । निस्सक्के चेतं सामिवचनं । एत्थ च नायं गमि-सद्दो नी-सद्दादयो विय द्विकम्मको, तस्मा यथा

“अजं गामं नेती”ति वुच्चति, एवं “गोतमं सरणं गच्छामी”ति वक्तुं न सक्का, “सरणन्ति गच्छामी”ति पन वत्तब्बं । इति-सद्वो चेत्थ लुत्तनिहिद्धो, तस्स चायमत्थो — गमनञ्च तदधिष्पायेन भजनं, तथा जाननं वाति दस्सेन्तो “इति इमिना अधिष्पायेना”ति आदिमाह । तत्थ भजामीति आदीसु पुरिमस्स पुरिमस्स पच्छिमं पच्छिमं अत्थवचनं । भजनं वा सरणाधिष्पायेन उपसङ्कमनं, सेवनं सन्तिकावचरता, पयिरुपासनं वत्तपटिवत्तकरणेन उपट्टानन्ति एवं सब्बथापि अनञ्जसरणतंयेव दीपेति । “गच्छामी”ति पदस्स कथं “बुज्झामी”ति अयमत्थो लब्भतीति आह “येसज्ही”ति आदि ।

अधिगतमग्गे, सच्छिकतनिरोधेति पदद्वयेनपि फलट्ठा एव दस्सिता, न मग्गट्ठाति ते दस्सेन्तो “यथानुसिद्धं पटिपज्जमाने चा”ति आह । ननु च कल्याणपुथुज्जनोपि यथानुसिद्धं पटिपज्जतीति वुच्चतीति? किञ्चापि वुच्चति, निप्परियायेन पन मग्गट्ठा एव तथा वत्तब्बा, न इतरे नियामोक्कमनाभावतो । तथा हि ते एव “अपायेसु अपतमाने धारेती”ति वुत्ता । सम्मत्तनियामोक्कमनेन हि अपायविनिमुत्तिसम्भवो । अक्खायतीति एत्थ इति-सद्वो आदिअत्थो, पकारत्थो वा । तेन “यावता, भिक्खवे, धम्मा सङ्गता वा असङ्गता वा, विरागो तेसं अग्गमक्खायती”ति सुत्तपदं (अ० नि० ४.३४; इतिवु० ९०) सङ्गण्हाति, वित्थारोति वा इमिना । एत्थ च अरियमग्गो नित्थानिकताय, निब्बानं तस्स तदत्थसिद्धिहेतुतायाति उभयमेवेत्थ निप्परियायेन धम्मोति वुत्तो । निब्बानज्हि आरम्मणपच्चयभूतं लभित्वा अरियमग्गस्स तदत्थसिद्धि, अरियफलानं “यस्मा ताय सद्भाय अवूपसन्ताया”ति आदिवचनतो मग्गेन समुच्छिन्नानं किलेसानं पटिप्पस्सद्विपहानकिच्चताय नित्थानानुगुणताय नित्थानपरियोसानताय च । परियत्तिधम्मस्स पन नित्थानधम्मसमधिगमहेतुतायाति इमिना परियायेन धम्मभावो लब्भति एव, स्वायमत्थो पाठारुहो एवाति दस्सेन्तो “न केवल”न्ति आदिमाह ।

कामरागो भवरागोति एवमादिभेदो सब्बोपि रागो विरज्जति पहीयति एतेनाति रागविरागोति मग्गो कथितो । एजासङ्घाताय तण्हाय अन्तोनिज्झानलक्खणस्स सोकस्स च तदुप्पत्तियं सब्बसो परिकखीणत्ता अनेजमसोकन्ति फलं कथितं । अप्पटिकूलन्ति अविरोधदीपनतो केनचि अविरुद्धं, इद्धं पणीतन्ति वा अत्थो । पगुणरूपेन पवत्तितत्ता, पकट्टगुणविभावनतो वा पगुणं । यथाह “विहिंससज्जी पगुणं न भासिं, धम्मं पणीतं मनुजेसु ब्रह्मे”ति । सब्बधम्मक्खन्धा कथिताति योजना ।

दिट्ठिसीलसङ्घातेनाति “यायं दिट्ठि अरिया नित्थानिका नित्थ्याति तक्करस्स सम्मा दुक्खक्खयाय, तथारूपाय दिट्ठिया दिट्ठिसामञ्जगतो विहरती”ति (दी० नि० ३.३२४, ३५६; म० नि० १.४९२; ३.५४) एवं वुत्ताय दिट्ठिया, “यानि तानि सीलानि अखण्डानि अच्छिद्धानि असबलानि अकम्मासानि भुजिस्सानि विज्जुप्पसत्थानि अपरामट्ठानि समाधिसंवत्तनिकानि, तथारूपेहि सीलेहि सीलसामञ्जगतो विहरती”ति (दी० नि० ३.३२४; म० नि० १.४९२; ३.५४; अ० नि० ६.१२; परि० २७४) एवं वुत्तानं सीलानञ्च संहतभावेन, दिट्ठिसीलसामञ्जेनाति अत्थो । संहतोति घटितो । अरियपुग्गला हि यत्थ कत्थचि दूरे ठितापि अत्तनो गुणसामगिया संहता एव । अट्ठ च पुग्गल धम्मदसा तेति ते पुरिसयुगवसेन चत्तारोपि पुग्गलवसेन अट्ठेव अरियधम्मस्स पच्चक्खदस्साविताय धम्मदसा । तीणि वत्थूनि सरणन्ति गमनेन तिक्खत्तुं गमनेन च तीणि सरणगमनानि । पटिवेदेसीति अत्तनो हृदयगतं वाचाय पवेदेसि ।

पसन्नकारवण्णना निट्ठिता ।

सरणगमनकथावण्णना

सरणगमनस्स विसयपभेदफलसंकिलेसभेदानं विय कत्तु च विभावना तत्थ कोसल्लाय होतीति “**सरणगमनेसु कोसल्लत्थं सरणं... पे०... वेदितब्बो**”ति वुत्तं तेन विना सरणगमनस्सेव असम्भवतो। कस्मा पनेत्थ वोदानं न गहितं, ननु वोदानविभावनापि तत्थ कोसल्लावहाति? सच्चमेतं, तं पन संकिलेसग्गहणेनेव अत्थतो दीपितं होतीति न गहितं। यानि हि तेसं संकिलेसकारणानि अज्जाणादीनि, तेसं सब्बेन सब्बं अनुप्पन्नानं अनुप्पादनेन, उप्पन्नानञ्च पहानेन वोदानं होतीति। हिंसत्थस्स सर-सदस्स वसेनेतं पदं दट्ठब्बन्ति “**हिंसतीति सरणं**”न्ति वत्त्वा तं पन हिंसनं केसं, कथं, कस्स वाति चोदनं सोधेन्तो “**सरणगतानं**”न्ति आदिमाह। तत्थ भयन्ति वट्ठभयं। **सन्तासन्ति** चित्तुत्रासं। तेनेव चेतसिकदुक्खस्स गहितत्ता दुक्खन्ति इध कायिकं दुक्खं। **दुग्गतिपरिकिलेसन्ति** दुग्गतिपरियापन्नं सब्बं दुक्खं। तयिदं सब्बं परतो फलकथायं आवि भविस्सति। एतन्ति “सरणं”न्ति पदं।

एवं अविसेसतो सरणसदस्स अत्थं दस्सेत्वा इदानीं विसेसतो दस्सेतुं “**अथ वा**”ति आदि वुत्तं। **हिते पवत्तमानेनाति** “सम्पन्नसीला, भिक्खवे, विहरथा”ति आदिना (म० नि० १.६४, ६९) अत्थे नियोजनेन। **अहिता च निवत्तनेनाति** “**पाणातिपातस्स खो पापको विपाको पापकं अभिसम्पराय**”न्ति आदिना आदीनवदस्सनादिमुखेन अनत्थतो विनिवत्तनेन। **भयं हिंसतीति** हिताहितेसु अप्पवत्तिपवत्तिहेतुकं ब्यसनं अप्पवत्तिकरणेन विनासेति। **भवकन्तारा उत्तारणेन** मगसङ्गातो धम्मो, इतरो **अस्सासदानेन** सत्तानं भयं हिंसतीति योजना। **कारानन्ति** दानवसेन पूजावसेन च उपनीतानं सक्कारानं। **विपुलफलपटिलाभकरणेन** सत्तानं भयं हिंसति अनुत्तरदक्खिण्यभावतोति अधिप्पायो। **इमिनापि परियायेनाति** इमिनापि विभजित्वा वुत्तेन कारणेन।

“सम्मासम्बुद्धो भगवा, स्वाक्खातो धम्मो, सुप्पटिपन्नो सङ्गो”ति एवं पवत्तो तत्थ रतनत्तये पसादो तप्पसादो, तदेव रतनत्तयं गरु एतस्साति तग्गरु, तस्स भावो तग्गरुता, तप्पसादो च तग्गरुता च **तप्पसादतग्गरुता**, ताहि। विधुतदिट्ठिविचिकिच्छासम्मोहअस्सद्धियादिताय **विहतकिलेसो**। “तदेव रतनत्तयं परायणं गति ताणं लेण”न्ति एवं आकारेण पवत्तिया **तप्परायणताकारपवत्तो चित्तुप्पादो सरणगमनं** “सरणन्ति गच्छति एतेना”ति। **तंसमङ्गीति** तेन यथावुत्तचित्तुप्पादेन समन्नागतो। **एवं उपेतीति** एवं भजति सेवति परिरुपासति, एवं वा जानाति बुज्झतीति एवमत्थो वेदितब्बो। एत्थ च पसादग्गहणेन लोकियसरणगमनमाह। तज्जि पसादप्पधानं, न जाणप्पधानं। गरुतागहणेन लोकुत्तरं। अरिया हि रतनत्तयं गुणाभिज्जाताय पासाणच्छत्तं विय गरुं कत्वा पस्सन्ति, तस्मा तप्पसादेन विक्खम्भनवसेन विहतकिलेसो तग्गरुताय समुच्छेदवसेनाति योजेतब्बं। तप्परायणता पनेत्थ तग्गतिकताति ताय चतुब्धिधम्मि वक्खमानं सरणगमनं गहितन्ति दट्ठब्बं। अविसेसेन वा पसादगरुता जोतित्ताति पसादग्गहणेन अवेच्चप्पसादस्स इतरस्स च गहणं, तथा गरुतागहणेनाति उभयेनपि उभयं सरणगमनं योजेतब्बं।

मग्गक्खणे इज्झतीति योजना। **निब्बानारम्मणं हुत्वा**ति एतेन अत्थतो चतुसच्चाधिगमोयेव लोकुत्तरं सरणगमनन्ति दस्सेति। तत्थ हि निब्बानधम्मो सच्छिकिरियाभिसमयवसेन, मग्गधम्मो भावनाभिसमयवसेन पटिविज्झियमानोयेव सरणगमनत्तं साधेति, बुद्धगुणा पन सावकगोचरभूता परिज्जाभिसमयवसेन, तथा अरियसङ्गगुणा। तेनाह “**किच्चतो सकलेपि रतनत्तये इज्झती**”ति, इज्झन्तञ्च सहेव इज्झति, न लोकियं विय पटिपाटिया असम्मोहपटिवेधेन पटिविद्धत्ताति अधिप्पायो। ये पन वदन्ति “न सरणगमनं निब्बानारम्मणं हुत्वा पवत्तति, मग्गस्स अधिगतत्ता पन अधिगतमेव होति एकच्चानं तेविज्जादीनं लोकियविज्जादयो विया”ति, तेसं लोकियमेव सरणगमनं सिया, न लोकुत्तरं, तञ्च अयुत्तं दुविधस्सपि इच्छितब्बत्ता। तन्ति लोकियसरणगमनं। **सद्धापटिलाभो** “सम्मासम्बुद्धो भगवा”ति आदिना। **सद्धामूलिकाति** यथावुत्तसद्धापुब्बङ्गमा **सम्मादिट्ठि** बुद्धसुबुद्धतं धम्मसुधम्मतं सङ्गसुप्पटिपतिञ्च लोकियावबोधवसेनेव

सम्मा जायेन दस्सनतो । “सद्धामूलिका सम्मादिट्ठी”ति एतेन सद्धूपनिस्सया यथावुत्तलक्खणा पज्जा लोकियसरणगमनन्ति दस्सेति । तेनाह “दिट्ठिजुकम्मन्ति वुच्चती”ति “दिट्ठि एव अत्तनो पच्चयेहि उजुं करीयती”ति कत्वा । दिट्ठि वा उजुं करीयति एतेनाति दिट्ठिजुकम्मं, तथा पवत्तो चित्तुप्पादो । एवञ्च कत्वा “तप्परायणताकारपवत्तो चित्तुप्पादो”ति इदञ्च वचनं समत्थितं होति । सद्धापुब्बङ्गमसम्मादिट्ठिगहणं पन चित्तुप्पादस्स तप्पधानतायाति दट्ठब्बं । “सद्धापटिलाभो”ति इमिना मातादीहि उस्साहितदारकादीनं विय जाणविप्पयुत्तसरणगमनं दस्सेति, “सम्मादिट्ठी”ति इमिना जाणसम्पयुत्तसरणगमनं ।

तयिदं लोकियं सरणगमनं । अत्ता सन्निय्यातीयति अप्पीयति परिच्चजीयति एतेनाति अत्तसन्निय्यातनं, यथावुत्तं दिट्ठिजुकम्मं । तं रतनत्तयं परायणं पटिसरणं एतस्साति तप्परायणो, पुग्गलो, चित्तुप्पादो वा, तस्स भावो तप्परायणता, यथावुत्तदिट्ठिजुकम्ममेव । सरणन्ति अधिप्पायेन सिस्सभावं अन्तेवासिकभावं उपगच्छति एतेनाति सिस्सभावूपगमनं । सरणगमनाधिप्पायेनेव पणिपतति एतेनाति पणिपातो । सब्बत्थ यथावुत्तदिट्ठिजुकम्मवसेनेव अत्थो वेदितब्बो । अत्तपरिच्चजनन्ति संसारदुक्खनित्थरणत्थं अत्तनो अत्तभावस्स परिच्चजनं । एस नयो सेसेसुपि । बुद्धादीनयेवाति अवधारणं इतरेसुपि सरणगमनविसेसेसु यथारहं वत्तब्बं । एवञ्चि तदञ्जनिवत्तनं कतं होति ।

एवं अत्तसन्नियातनादीनि एकेन पकारेन दस्सेत्वा इदानी अपरेहिपि पकारेहि दस्सेतुं “अपिचा”तिआदि आरब्धं । तेन परियायन्तरेहिपि अत्तसन्निय्यातनादि कतमेव होति अत्थस्स अभिन्नत्ताति दस्सेति । आळवकादीनन्ति आदि-सद्देन सातागिरिहेमवतादीनं सङ्गहो दट्ठब्बो । ननु चेते आळवकादयो मग्गेनेव आगतसरणगमना, कथं तेसं तप्परायणतासरणगमनं वुत्तन्ति? मग्गेनागतसरणगमनेहिपि “सो अहं विचरिस्सामि गामा गाम”न्तिआदिना (सं० नि० १.२४६) तेहि तप्परायणताकारस्स पवेदितत्ता तथा वुत्तं ।

जाति...पे०... वसेनाति एत्थ जातिवसेन भयवसेन आचरियवसेन दक्खिण्येयवसेनाति पच्चेकं “वसेना”ति पदं योजेतब्बं । तत्थ जातिवसेनाति जातिभाववसेन । एवं सेसेसुपि । दक्खिण्येयपणिपातेनाति दक्खिण्येयताहेतुकेन पणिपातेन । इतरेहीति जातिभावादिवसप्पवत्तेहि तीहि पणिपातेहि । इतरेहीतिआदिना सङ्खेपतो वुत्तमत्थं वित्थारतो दस्सेतुं “तस्मा”तिआदि वुत्तं । वन्दतीति पणिपातस्स लक्खणवचनं । एवरूपन्ति दिट्ठधम्मिकं सन्धाय वदति । सम्परायिकञ्चि नित्थानिकं वा अनुसासनं पच्चासीसन्तो दक्खिण्येयपणिपातमेव करोतीति अधिप्पायो । सरणगमनप्पभेदोति सरणगमनविभागो ।

अरियमग्गोयेव लोकुत्तरसरणगमनन्ति आह “चत्तारि सामञ्जफलानि विपाकफल”न्ति । सब्बदुक्खक्खयोति सकलस्स वट्टदुक्खस्स अनुप्पादनरोधो । एतन्ति “चत्तारि अरियसच्चानि, सम्मप्पज्जाय पस्सती”ति (ध० प० १९०) एवं वुत्तं अरियसच्चदस्सनं ।

निच्चतो अनुपगमनादिवसेनाति निच्चन्ति अग्गहणादिवसेन । अट्टानन्ति हेतुपटिक्खेपो । अनवकासोति पच्चयपटिक्खेपो । उभयेनपि कारणमेव पटिक्खपति । यन्ति येन कारणेन । दिट्ठिसम्पन्नोति मग्गदिट्ठिया सम्पन्नो सोतापन्नो । कञ्चि सङ्खारन्ति चतुभूमकेसु सङ्खतसङ्खारेसु एकसङ्खारम्पि । निच्चतो उपगच्छेय्याति “निच्चो”ति गणहेय्य । सुखतो उपगच्छेय्याति “एकन्तसुखी अत्ता होति अरोगो परं मरणा”ति (दी० नि० १.७६) एवं अत्तदिट्ठिवसेन सुखतो गाहं सन्धायेतं वुत्तं । दिट्ठिविप्पयुत्तचित्तेन पन अरियसावको परिळाहवूपसमनत्थं मत्तहत्थिपरित्तासितो विय चोक्खब्राह्मणो उक्कारभूमिं कञ्चि सङ्खारं सुखतो उपगच्छति । अत्तवारे कसिणादिपज्जत्तिसङ्गहणत्थं “सङ्खार”न्ति अवत्वा “कञ्चि

धम्म”न्ति वुत्तं । इमेसुपि वारेसु चतुभूमकवसेनेव परिच्छेदो वेदितव्वो तेभूमकवसेनेव वा । यं यञ्हि पुथुज्जनो गाहवसेन गण्हाति, ततो ततो अरियसावको गाहं विनिवेठेति । **मातरन्ति** आदीसु जनिका माता, जनको पिता, मनुस्सभूतो खीणासवो **अरहाति** अधिप्पेतो । किं पन अरियसावको अज्जं जीविता वोरोपेय्याति? एतम्पि अट्टानं, पुथुज्जनभावस्स पन महासावज्जभावदस्सनत्थं अरियसावकस्स फलदीपनत्थञ्चेवं वुत्तं । **दुट्ठचित्तो** वधकचित्तेन पदुट्ठचित्तो । **लोहितं उप्पादेय्याति** जीवमानकसरीरे खुट्ठकमक्खिकाय पिवनमत्तम्पि लोहितं उप्पादेय्य । **सङ्गं भिन्देय्याति** समानसंवासकं समानसीमायं ठितं सङ्गं ‘कम्मेन उद्देसेन वोहरन्तो अनुस्सावनेन सलाकग्गाहेना’ति (परि० ४५८) एवं वुत्तेहि पञ्चहि कारणेहि भिन्देय्य । **अज्जं सत्थारन्ति** अज्जं तित्थकरं “अयं मे सत्था”ति एवं गण्हेय्याति **नेतं ठानं विज्जतीति** अत्थो ।

**न ते गमिस्सन्ति अपायभूमिन्ति** ते बुद्धं सरणं गता तन्निमित्तं अपायभूमिं न गमिस्सन्ति, **देवकायं पन परिपूरेस्सन्तीति** अत्थो ।

**दसहि ठानेहीति** दसहि कारणेहि । **अधिगगणहन्तीति** अधिभवन्ति । **वेलामसुत्तादिवसेनापीति** एत्थ “चतुरासीतिसहस्ससङ्खानं सुवण्णपातिरूपियपातिकंसपातीनं यथाक्कमं रूपियसुवण्णहिरज्जपूरानं करीसस्स चतुत्थभावप्पमाणानं सब्बालङ्कारपटिमण्डितानं चतुरासीतिया हत्थिसहस्सानं चतुरासीतिया अस्ससहस्सानं चतुरासीतिया रथसहस्सानं चतुरासीतिया धेनुसहस्सानं चतुरासीतिया कज्जासहस्सानं चतुरासीतिया पल्लङ्कसहस्सानं चतुरासीतिया वत्थकोटिसहस्सानं अपरिमाणस्स च खज्जभोज्जादिभेदस्स आहारस्स परिच्चजनवसेन सत्तमासाधिकानि सत्त संवच्छरानि निरन्तरं पवत्तवेलाममहादानतो एकस्स सोतापन्नस्स दिन्नदानं महप्फलतरं, ततो सतं सोतापन्नानं दिन्नदानतो एकस्स सकदागामिस्स, ततो एकस्स अनागामिस्स, ततो एकस्स अरहतो, ततो एकस्स पच्चेकबुद्धस्स, ततो सम्मासम्बुद्धस्स, ततो बुद्धप्पमुखस्स सङ्गस्स दिन्नदानं महप्फलतरं, ततो चातुदिसं सङ्गं उदिसस्स विहारकरणं, ततो सरणगमनं महप्फलतरं”न्ति इममत्थं दीपेन्तस्स वेलामसुत्तस्स (अ० नि० ९.२०) वसेन । वुत्तञ्चेतं “यं गहपति, वेलामो ब्राह्मणो दानं अदासि महादानं, यो एकं दिट्ठिसम्पन्नं भोजेय्य, इदं ततो महप्फलतरं”न्ति आदि (अ० नि० ९.२०) । **वेलामसुत्तादीति आदि-**सद्देन अगगप्पसादसुत्तादीनं (अ० नि० ४.३४; इतिवु० ९०) सङ्गहो दट्ठव्वो ।

**अज्जाणं** वत्थुत्तयस्स गुणानं अजाननं तत्थ सम्मोहो, “बुद्धो नु खो, न नु खो बुद्धो”ति आदिना विचिकिच्छा **संसयो, मिच्छाज्जाणं** तस्स गुणानं अगुणभावपरिकप्पनेन विपरीतग्गाहो । **आदि-**सद्देन अनादरागारवादीनं सङ्गहो । **न महाजुतिकन्ति** न उज्जलं, अपरिसुद्धं अपरियोदातन्ति अत्थो । **न महाविप्फारन्ति** अनुळारं । **सावज्जोति** दिट्ठितण्हादिवसेन सदोसो । लोकियं सरणगमनं सिक्खासमादानं विय अग्गहितकालपरिच्छेदं जीवितपरियन्तमेव होति, तस्मा तस्स खन्धभेदेन भेदोति आह “**अनवज्जो कालकिरियाया**”ति । **सोति** अनवज्जो सरणगमनभेदो । सतिपि अनवज्जत्ते इट्ठफलोपि न होतीति आह “**अफलो**”ति ।

सरणगमनकथावण्णना निट्ठिता ।

### उपासकविधिकथावण्णना

**को उपासकोति** सरूपपुच्छा, तस्मा किंलक्खणो उपासकोति वुत्तं होति । **कस्माति** हेतुपुच्छा । तेन केन पवत्तिनिमित्तेन उपासकसद्दो तस्मिं पुग्गले निरुळ्होति दस्सेति । **किमस्स सीलन्ति** कीदिसं अस्स उपासकस्स सीलं, कित्तकेन सीलेनायं सीलसम्पन्नो नाम होतीति अत्थो । **को आजीवोति** को अस्स सम्माआजीवो, सो पन मिच्छाजीवस्स

परिवज्जनेन होतीति सोपि विभजीयतीति । **का विपत्तीति** का अस्स सीलस्स, आजीवस्स वा विपत्ति । अनन्तरस्स हि विधि वा पटिसेधो वा । **का सम्पत्तीति** एत्थापि एसेव नयो ।

**यो कोचीति** खत्तियादीसु यो कोचि । तेन सरणगमनमेवेत्थ कारणं, न जातिआदिविसेसोति दस्सेति । **उपासनतोति** तेनेव सरणगमनेन तत्थ च सक्कच्चकारिताय आदरगारवबहुमानादियोगेन पथिरुपासनतो । **वेरमणियोति** वेरं वुच्चति पाणातिपातादिदुस्सील्यं, तस्स मणनतो हननतो विनासनतो वेरमणियो, पञ्च विरतियो विरतिप्पधानत्ता तस्स सीलस्स । तेनेवाह तत्थ तत्थ “**पटिविरतो होती**”ति ।

**मिच्छावणिज्जाति** न सम्मावणिज्जा अयुत्तवणिज्जा असारुप्पवणिज्जा । **पहायाति** अकरणेनेव पजहित्वा । **धम्मेनाति** धम्मतो अनपेतेन । तेन अज्जम्पि अधम्मिकं जीविकं पटिक्खिपति । **समेनाति** अविस्समेन । तेन कायविसमादिदुच्चरितं वज्जेत्वा कायसमादिना सुचरितेन जीवनं दस्सेति । **सत्थवणिज्जाति** आवुधभण्डं कत्वा वा कारेत्वा वा यथाकतं वा पटिलभित्वा तस्स विक्कयो । **सत्थवणिज्जाति** मनुस्सविक्कयो । **मंसवणिज्जाति** सूनकारादयो विय मिगसूकरादिके पोसेत्वा मंसं सम्पादेत्वा विक्कयो । **मज्जवणिज्जाति** यं किञ्चि मज्जं योजेत्वा तस्स विक्कयो । **विसवणिज्जाति** विसं योजेत्वा, विसं गहेत्वा वा तस्स विक्कयो । तत्थ सत्थवणिज्जा परोपरोधनिमित्तताय अकरणीया वुत्ता, सत्तवणिज्जा अभुजिस्सभावकरणतो, मंसविसवणिज्जा वधहेतुतो, मज्जवणिज्जा पमादट्टानतो ।

**तस्सेवाति** पञ्चवेरमणिलक्खणस्स सीलस्स चेव पञ्चमिच्छावणिज्जालक्खणस्स आजीवस्स च । **विपत्तीति** भेदो पकोपो च । **यायाति** याय पटिपत्तिया । **चण्डालोति** उपासकचण्डालो । **मलन्ति** उपासकमलं । **पतिकिट्ठोति** उपासकनिहीनो । बुद्धादीसु कम्मकम्मफलेसु च सद्धाविपरियायो अस्सद्भियं मिच्छाधिमोक्खो । यथावुत्तेन अस्सद्भियेन समन्नागतो **अस्सद्धो** । यथावुत्त सीलविपत्ति आजीवविपत्तिवसेन **दुस्सीलो** । “इमिना दिट्ठादिना इदं नाम मङ्गलं भविस्सती”ति एवं बालजनपरिकप्पितकोतूहलसङ्घातेन दिट्ठसुतमुतमङ्गलेन समन्नागतो **कोतूहलमङ्गलिको** । **मङ्गलं पच्चेतीति** दिट्ठमङ्गलादिभेदं मङ्गलमेव पत्तियायति । **नो कम्मन्ति** कम्मस्सकतं नो पत्तियायति । **इतो बहिद्धाति** इतो सब्बज्जुबुद्धसासनतो बहिद्धा बाहिरकसमये । **दक्खिणेय्यं परियेसतीति** दुप्पटिपन्नं दक्खिणारहसज्जी गवेसति । **पुब्बकारं करोतीति** दानमाननादिकं कुसलकिरियं पठमं करोति । एत्थ च दक्खिणेय्यपरियेसनपुब्बकारे एकं कत्वा पञ्च धम्मा वेदितब्बा ।

विपत्तियं वुत्तविपरियायेन **सम्पत्ति** जातब्बा । अयं पन विसेसो — चतुन्नम्पि परिसानं रतिजननट्टेन उपासकोव रतनं **उपासकरतनं** । गुणसोभाकित्तिसद्वसुगन्धताहि उपासकोव पदुमं **उपासकपदुमं** । तथा **उपासकपुण्डरीको** ।

**आदिम्हीति** आदिअत्थे । **कोटियन्ति** परियन्तकोटियं । **विहारग्गेनाति** ओवरककोट्टासेन, “इमस्मिं गब्भे वसन्तानं इदं नाम पनसफलं पापुणाती”तिआदिना तंतंवसनट्टानकोट्टासेनाति अत्थो । **अज्जतन्ति** अज्जइच्चेव अत्थो ।

**पाणेहि उपेतन्ति** इमिना तस्स सरणगमनस्स आपाणकोटिकतं दस्सेन्तो “**याव मे जीवितं पवत्तती**”तिआदिना वत्त्वा पुन जीवितेन तं वत्थुत्तयं पटिपूजेन्तो “सरणगमनं रक्खामी”ति उप्पन्नं तस्स ब्राह्मणस्स अधिप्पायं विभावेन्तो “**अहज्ही**”तिआदिमाह । **पाणेहि उपेतन्ति** हि याव मे पाणा धरन्ति, ताव सरणं उपेतं, उपेन्तो च न वाचामत्तेन, न एकवारं चित्तुप्पादनमत्तेन, अथ खो पाणे परिच्चजित्वापि यावजीवं उपेतन्ति एवमेत्थ अत्थो वेदितब्बोति ।



उपासकविधिकथावण्णना निट्ठिता ।

भयभेरवसुत्तवण्णनाय लीनत्थप्पकासना समत्ता ।

#### ५. अनङ्गणसुत्तवण्णना

५७. आयस्मा सारिपुत्तोति एत्थ इति-सद्दो आदिअत्थो, एवमादिकन्ति अत्थो । तेन “भिक्षू आमन्तेसी”तिआदिकं सब्बं सुत्तं सङ्गण्हाति । तेनाह “अनङ्गणसुत्त”न्ति । तस्स को निक्खेपो? अत्तज्झासयो । परेहि अनज्झिद्वोयेव हि महाथेरो इमं देसनं आरभि । केचि पनाहु “एकच्चे भिक्षू संकिलिडुचित्ते दिस्वा तेसं चित्तसंकिलेसप्पहानाय चेव एकच्चानं आयतिं अनुप्पादनाय च अयं देसना आरद्धा”ति । एवं सब्बसुत्तेसूति यथा एत्थ अनङ्गणसुत्ते, एवं इतो परेसूति सब्बेसुपि सुत्तेसु अनुत्तानअपुब्बपदवण्णना एव करीयति । तेनाह “तस्मा”तिआदि । गणनपरिच्छेदोति गणनेन परिच्छिन्दनं । इदज्झि अप्परजक्खमहारजक्खतावसेन दुविधे सत्ते पच्चेकं अत्थज्जुतानत्थज्जुतावसेन द्विधा कत्वा “चत्तारो”ति अनवसेसपरियादानं । वज्जीपुत्तकादयो विय पुगलवादीति न गहेतब्बं लोकसमज्जानुसारेण अत्थं पटिविज्झितुं समत्थानं वसेन देसनाय आरद्धत्ता, अयञ्च देसनानयो सत्थु निस्साय एवाति दस्सेन्तो “अयञ्ही”तिआदिमाह ।

#### सम्मुतिपरमत्थदेसनाकथावण्णना

तत्थ (अ० नि० टी० १.१.१७०) सम्मुतिया देसना सम्मुतिदेसना, परमत्थस्स देसना परमत्थदेसना । तत्थाति सम्मुतिपरमत्थदेसनासु, न सम्मुतिपरमत्थेसु । तेनाह “एवरूपा सम्मुतिदेसना, एवरूपा परमत्थदेसना”ति । तत्रिदं सम्मुतिपरमत्थानं लक्खणं — यस्मिं भिन्ने, बुद्धिया अवयवविनिब्भोगे वा कते न तंसमज्जा, सा घटपटादिप्पभेदा सम्मुति, तब्बिपरियायतो परमत्थो । न हि कक्खळफुसनादिसभावे अयं नयो लब्धति, तत्थ रूपादिधम्मं समूहसन्तानवसेन पवत्तमानं उपादाय पुगलवोहारोति आह “पुगलोति सम्मुतिदेसना”ति । सेसपदेसुपि एसेव नयो । उप्पादवयवन्तो सभावधम्मा न निच्चाति आह “अनिच्चन्ति परमत्थदेसना”ति । एस नयो सेसपदेसुपि । ननु खन्धदेसनापि सम्मुतिदेसनाव । खन्धद्वो हि रासद्वो, कोट्टासद्वो वाति? सच्चमेतं, अयं पन खन्धसमज्जा फस्सादीसु तज्जापज्जत्ति विय परमत्थसन्निस्सया तस्स आसन्नतरा, पुगलसमज्जादयो विय न दूरेति परमत्थसङ्गहता वुत्ता, खन्धसीसेन वा तदुपादाना सभावधम्मा एव गहिता । ननु च सभावधम्मा सब्बेपि सम्मुतिमुखेनेव देसनं आरोहन्ति, न समुखेनाति सब्बापि देसना सम्मुतिदेसनाव सियाति? नयिदमेवं देसेतब्बधम्मविभागेन देसनाविभागस्स अधिप्पेतत्ता, न च सद्दो केनचि पवत्तिनिमित्तेन विना अत्थं पकासेतीति ।

सम्मुतिवसेन देसनं सुत्वाति “इधेकच्चो पुगलो अत्तन्तपो होति अत्तपरितापानुयोगमनुयुत्तो”तिआदिना (म० नि० २.४१३; पु० प० १०.२५ मातिका) सम्मुतिमुखेन पवत्तितं देसनं सुतमयजाणुप्पादनवसेन सुत्वा । अत्थं पटिविज्झित्वाति तदनुसारेण चतुसच्चसङ्गातं अत्थं सह विपस्सनाय मग्गेण पटिविज्झित्वा । मोहं पहायाति तदेकद्वेहि किलेसेहि सद्धिं अनवसेसं मोहं पजहित्वा । विसेसन्ति निब्बानसङ्गातं अरहत्तसङ्गातञ्च विसेसं । तेसन्ति तादिसानं विनेय्यानं । परमत्थवसेनाति “पज्जिमानि, भिक्षवे, इन्द्रियानी”तिआदिना (सं० नि० ५.४७२-४७४) परमत्थधम्मवसेन । सेसं अनन्तरनये वुत्तसदिसमेव । तत्थाति तस्सं सम्मुतिवसेन परमत्थवसेन च देसनायं । देसभासाकुसलोति नानादेसभासासु कुसलो । तिण्णं वेदानन्ति निदस्सनमत्तं, तिण्णं वेदानं सिप्पगन्थानम्पीति अधिप्पायो सिप्पुगहणज्झि परतो वक्खति । सिप्पानि वा वेदन्तो गधे कत्वा “तिण्णं वेदान”न्ति वुत्तं । कथेतब्बभावेन ठितानि, न कत्थचि सन्निहितभावेनाति वेदानम्पि कथेतब्बभावेनेव अवट्ठानं दीपेन्तो “गुह्या तयी निहिता गह्मती”ति मिच्छावादं पटिक्खपति । नानाविधा देसभासा

एतेसन्ति नानादेसभासा ।

परमो उत्तमो अत्थो **परमत्थो**, धम्मानं यथाभूतसभावो । लोकसङ्केतमत्तसिद्धा **सम्मुति** । यदि एवं कथं सम्मुतिकथाय सच्चतातिआह “**लोकसम्मुतिकारणा**”ति, लोकसमञ्जं निस्साय पवत्तनतो । लोकसमञ्जाय हि अभिनिवेसेन विना जापना एकच्चस्स सुतस्स सावना विय न मुसा अनतिधावितब्बतो तस्सा । तेनाह भगवा “जनपदनिरुत्तिं नाभिनिवेसेय्य, समञ्जं नातिधावेय्या”ति (म० नि० ३.३३२) । **धम्मानन्ति** सभावधम्मानं । **भूतकारणा**ति यथाभूतसभावं निस्साय पवत्तनतो । **सम्मुतिं वोहरन्तस्सा**ति “पुग्गलो सत्तो”तिआदिना लोकसमञ्जं कथेन्तस्स ।

**हिरोत्तप्पदीपनत्थन्ति** लोकपालनकिच्चे हिरोत्तप्पधम्मे किच्चतो पकासेतुं । तेसज्हि किच्चं सत्तसन्तानेयेव पाकटं होतीति पुग्गलाधिद्धानाय कथाय तं वत्तब्बं । एस नयो सेसेसुपि । यस्मिज्हि चित्तुप्पादे कम्मं उप्पन्नं, तंसन्ताने एव तस्स फलस्स उप्पत्ति **कम्मस्सकता** । एवज्हि कतविज्जाणनासो अकतागमो वा नत्थीति सा पुग्गलाधिद्धानाय एव कथाय दीपेतब्बा । तेहि सत्तेहि कातब्बा पुज्जादिकिरिया **पच्चत्तपुरिसकारो**पि सन्तानवसेन निष्पादेतब्बतो पुग्गलाधिद्धानाय एव कथाय दीपेतब्बो ।

**आनन्तरियदीपनत्थन्ति** चुतिअनन्तरं फलं अनन्तरं नाम, तस्मिं अनन्तरे नियुत्तानि, तन्निब्वत्तनेन अनन्तरकरणसीलानि, अनन्तरपयोजनानि वाति **आनन्तरियानि**, मातुघातादीनि, तेसं दीपनत्थं । तानिपि हि सन्तानवसेन निष्पादेतब्बतो “मातरं जीविता वोरोपेती”तिआदिना (पट्ठा० १.१.४२३) पुग्गलाधिद्धानाय एव कथाय दीपेतब्बानि, तथा “सो मेत्तासहगतेन चेतसा एकं दिसं फरित्वा विहरती”तिआदिना (दी० नि० १.५५६; ३.३०८; म० नि० १.७७; २.३०९; ३.२३०; विभ० ६४२, ६४३) “सो अनेकविहितं पुब्बेनिवासं अनुस्सरति एकम्पि जाति”न्तिआदिना (दी० नि० १.२४४, २४५; म० नि० १.१४८, ३८४, ४३१; पारा० १२) “अत्थि दक्खिणा दायकतो विसुज्झति, नो पटिग्गाहकतो”तिआदिना (म० नि० ३.३८१) च पवत्ता **ब्रह्मविहारपुब्बेनिवासदक्खिणाविसुद्धिकथा** पुग्गलाधिद्धानाय एव कथाय दीपेतब्बा सत्तसन्तानविसयत्ता । “अट्ठ पुरिसपुग्गला (सं० नि० १.२४९), न समयविमुत्तो पुग्गलो”तिआदिना (पु० प० १) च परमत्थं कथेन्तोपि लोकसम्मुतिया अप्पहानत्थं पुग्गलकथं कथेसि । एतेन वुत्तावसेसाय कथाय पुग्गलाधिद्धानभावे पयोजनं सामञ्जवसेन सङ्गहितन्ति दट्ठब्बं । कामञ्चेतं सब्बं अपरिज्जातवत्थुकानं वसेन वुत्तं, परिज्जातवत्थुकानम्पि पन एवं देसना सुखावहा होती ।

**महाजनो**ति लोकियमहाजनो । **न जानाति** घनविनिब्भोगाभावेन धम्मकिच्चस्स असल्लक्खणेन । तत्थ “किं नामेतं, कथं नामेतं”न्ति संसयपक्खन्दताय **सम्मोहं आपज्जति** । विरुद्धाभिनिवेसिताय **पटिसत्तु** होति । **जानाति** चिरपरिचितत्था वोहारकथाय । ततो एव न **सम्मोहमापज्जति**, न पटिसत्तु होति ।

**नप्पजहन्ति** वोहारमुखेन परमत्थस्स दीपनतो । समञ्जागहणवसेन लोकेन जायति समञ्जायति वोहरीयतीति लोकसमञ्जा, ताय **लोकसमञ्जाय** । तस्स तस्स अत्थस्स विभावने लोकेन निच्छित्तं, नियतं वा वुच्चति वोहरीयतीति लोकनिरुत्ति, तस्सं **लोकनिरुत्तियं** । तथा लोकेन अभिलपीयतीति लोकसमञ्जताय लोकाभिलापो, तस्मिं **लोकाभिलापे ठितायेव** अप्पहानतो । पुग्गलवादिनो विय **परमत्थवसेन अग्गहेत्वा** ।

**सन्तो**ति एत्थ **सन्तसद्दो** “दीघं सन्तस्स योजन”न्तिआदीसु (ध० प० ७०) किलन्तभावे आगतो, “अयञ्च वितक्को अयञ्च विचारो सन्ता होन्ति समिता”तिआदीसु (विभ० ५७६) निरुद्धभावे आगतो, “अधिगतो खो म्यायं धम्मो गम्भीरो

दुदसो दुरनुबोधो सन्तो पणीतो'ति आदीसु (दी० नि० २.६७; म० नि० १.२८१; २.३३७; सं० नि० २.१७२; महाव० ७) सन्तजाणगोचरताय, “उपसन्तस्स सदा सतिमतो”ति आदीसु (उदा० २७) किलेसवूपसमे, “सन्तो हवे सब्धि पवेदयन्ती”ति आदीसु (ध० प० १५) साधूसु, “पञ्चिमे, भिक्खवे, महाचोरा सन्तो संविज्जमाना”ति आदीसु (पारा० १९५) अत्थिभावे, इधापि अत्थिभावेयेव। सो च पुगलसम्बन्धेन वुत्तत्ता लोकसमज्जावसेनाति दस्सेन्तो “लोकसङ्केतवसेन अत्थी”ति आह। अत्थीति चेतं निपातपदं दट्ठब्बं “अत्थि इमस्मिं काये केसा”ति आदीसु (दी० नि० २.३७३-३७४; म० नि० १.११०; ३.१५४; अ० नि० ६.२९; १०.६०) विय। संविज्जमानाति पदस्स अत्थं दस्सेन्तो “उपलब्धमाना”ति आह। यज्झि संविज्जति, तं उपलब्धतीति। अङ्गन्ति एतेहि तंसमङ्गिपुगला निहीनभावं गच्छन्तीति अङ्गणानि, रागादयो। अज्जति मक्खेतीति अङ्गणं, मलादि। अज्जेति तत्थ ठितं अहुन्दरताय अभिव्यज्जेतीति अङ्गणं, विवटो भूमिपदेसो। दोसादीनं पवत्तिआकारविसेसताय नानप्पकारा बहुलप्पवत्तिता तिब्बकिलेसा। पापकानन्ति लामकानं। अकुसलानन्ति अकोसल्लसम्भूतानं। इच्छावचरानन्ति इच्छावसेन पवत्तानं। सह अङ्गणेनाति अङ्गणन्ति लद्धनामेन यथावुत्तकिलेसेन सह वत्ति।

अत्थीतिपि न जानाति तादिसस्स योनिमोमनसिकारस्स अभावा। येसं किलेसानं अत्थिता, तेसं सप्पटिभयता विसेसतो जानितब्बाति दस्सेतुं “इमे किलेसा नामा”ति आदि वुत्तं। तत्थ कक्खळाति फरुसा। वाळाति कुरुरा। न गहितब्बाति न उप्पादेतब्बा। याथावसरसतोति यथाभूतसभावतो। एवज्जाति “इमे किलेसा नामा”ति आदिना वुत्तप्पकारेन। येन वा तेन वाति नवकम्मेसु वा परियत्तिधुतङ्गादीसु वा येन वा तेन वा। तत्राति निद्धारणे भुम्मं। तं पन निद्धारणं सङ्गणानङ्गणसमुदायतोति दस्सेन्तो “चतूसु पुगलेसू”ति वत्त्वा पुन तदेकदेसतो दस्सेन्तो “तेसु वा द्वीसु साङ्गणेसू”ति आह। तज्झि द्वयं पठमं हीनसेट्ठभावेन निद्धारणीयति पठमं उद्दिट्ठत्ता। निद्धारणज्झि क्वचि कुतोचि केनचि होतीति।

५८. किञ्चापि अज्जत्थ “जनको हेतु, परिग्गाहतो पच्चयो, असाधारणो हेतु, साधारणो पच्चयो, सभागो हेतु, असभागो पच्चयो, पुब्बकालिको हेतु, सहप्पवत्तो पच्चयो”ति आदिना हेतुपच्चया विभज्ज वुच्चन्ति, इध पन “चत्तारो खो, भिक्खवे, महाभूता हेतु, चत्तारो महाभूता पच्चया रूपक्खन्धस्स पज्जापनाया”ति आदीसु (म० नि० ३.८५) विय हेतुपच्चयसदा समानत्थाति दस्सेतुं “उभयेनपि कारणमेव पुच्छती”ति वुत्तं। तत्थ उभयेनाति हेतुपच्चयवचनद्वयेन। पुच्छति आयस्मा महामोग्गल्लानो देसनं वट्ठेतुकामो। किञ्चापीति अनुजाननसम्भावनत्थे निपातो। किं अनुजानाति? समानेपि द्विन्नं साङ्गणभावे तस्सा पजाननाप्पजाननहेतुकत्वं तेसं सेट्ठहीनत्वं। किं सम्भावेति? थेरस्स विचित्तपटिभानताय नानाहेतूपमाहि अलङ्कत्वा यथापुच्छितस्स अत्थस्स पाकटकरणं। तेनाह “नप्पजानाती”ति आदि। हेतु चेव पच्चयो च सेट्ठहीनभावे। तथाअक्खातब्बतापि हि तेसं तन्निमित्ता एवाति।

५९. तन्ति तेसं द्विन्नं पुगलानं हीनसेट्ठताय कारणं। ओपम्मेहि पाकटतरं कत्वा दस्सेतुं। एतन्ति सुत्ते अनन्तरं वुच्चमानं वीरियारम्भाभावेन अङ्गणस्स अप्पहानं। तेनाह “न छन्दं... पे०... सन्धायाहा”ति। कत्तुकम्यताछन्धन्ति कत्तुकम्यतासङ्कातं अङ्गणस्स पहातुकम्यतावसेन उप्पज्जनककुसलधम्मच्छन्दं। न जनेस्सतीति न उप्पादेस्सति। कुसलो वायामो नाम छन्दतो बलवाति आह “ततो बलवतरं वायामं न करिस्सती”ति, छन्दम्पि अनुप्पादेन्तो कथं तज्जं वायामं करिस्सतीति अधिप्पायो। थामगतवीरियं उस्सोळ्हीभावप्पत्तं दळ्हं वीरियं। साङ्गणगहणेनेव अङ्गणानं किलेसवत्थुताय चित्तस्स संकिलिडताय सद्भाय पुन संकिलिडगहणं सविसेसं किलिडभावविभावनन्ति आह “सुदुतरं किलिडचित्तो”ति। मलिनचित्तोति आदीसुपि “तेहियेवा”ति आनेत्वा सम्बन्धितब्बं। उक्खलिपुच्छनचोळकस्स विय वसापीतपिलोतिका विय

च दुम्भोचनीयभावेन मलगाहणं **मलीनता**, पीळनं हिंसनं अविष्कारिकताकरणं **विबाधनं** दरथपरिळाहुप्पादनेन परिदहनं उपतापनं, **कालन्ति** कालनं, यथागहितस्स अत्तभावस्स खेपनं आयुक्खयन्ति अत्थो। **करिस्सतीति** पवत्तेस्सति, पापुणिस्सतीति वुत्तं होति। तथाभूतो च पाणं चजिस्सति नामाति आह “**मरिस्सती**”ति।

**सेय्यथापीति** उपमानिदस्सने निपातो। तदत्थं दस्सेन्तो “**यथा नामा**”ति आह। **पंसुआदिनाति आदि**-सद्देन जल्लादीनं सङ्गहो, **घंसनादीहीति आदि**-सद्देन छारिकापरिमज्जनादीनं सङ्गहोति। “अभिरूपाय कज्जा दातब्बा”ति आदीसु विय अन्तरेनपि अतिसयत्थबोधकसद्देन अतिसयत्थो जायतीति आह “**मलगाहिततराति वुत्तं होती**”ति। **पटिपुच्छावचनन्ति** अनुमतिपुच्छाविसेसो। **एवं करियमानाति** अपरिभोग-अपरियोदपनरजोपथनिक्खिपनेहि किलिडुभावं आपादियमाना। **ओपम्मं सम्पटिपादेन्तोति** यथूपनीतं उपमं उपमेय्यत्थेन समं कत्वा पटिपादेन्तो, संसन्देन्तोति अत्थो। **साङ्गणो पुग्गलोति** साङ्गणो तस्मिं अत्तभावे असुज्झनकपुग्गलो। आपणादितो कुलघरं आनीतस्स मलगाहितकंसभाजनस्स तत्थ लद्धब्बाय विसुद्धिया अलाभतो यथा अनुक्कमेन संकिलिडुतरभावो, एवं घरतो निक्खन्तस्स पुग्गलस्स पब्बज्जाय लद्धब्बाय विसुद्धिया अलाभतो अनुक्कमेन संकिलिडुतरभावोति दस्सेन्तो “**संकिलिडुकंसपातिया**”ति आदिमाह। संकिलिडुतरभावो च नाम पब्बजितस्स आजीवविपत्तिवसेन वा सिया आचारदिट्ठिशीलविपत्तीसु अज्जतरवसेन वाति तं सब्बं सङ्गहेत्वा दस्सेतुं “**तस्स पुग्गलस्सा**”ति आदि वुत्तं। पाचित्तियवीतिकमनगाहणेन हि एकच्चदिट्ठिविपत्तियापि सङ्गहो होतीति। **एत्थ ठितस्साति** एतिस्सं आजीवविपत्तियं ठितस्स। इमिना नयेन सेसेसुपि यथारहं वत्तब्बं। सब्बपरिससाधारणा महाथेरस्स देसना, तस्मा गहपतिवसेनपि योजेतब्बं। तत्थ उक्कंसगतसंकिलिडुतरभावं दस्सेन्तो “**मातुघातादिआनन्तरियकरण**”न्ति आह। **अविसोधेत्वाति** यथा अत्तनो सीले वा दिट्ठिया वा विसुद्धि होति, एवं किलेसमलिनचित्तसन्तानं अविसोधेत्वा।

**भब्बपुग्गलोति** उपनिस्सयादिसम्पत्तिया तस्मिं अत्तभावे विसुद्धपुग्गलो। **आदिं कत्वाति** इमिना धोवनघंसनादीहि परियोदपनं आदिमन्तं कत्वा वदति। **सुद्धट्ठानं** यत्थ वा न रजेन ओकिरीयति। **दण्डकम्मं कत्वाति** “एत्तका उदका, वालुका वा आनेतब्बा”ति दण्डकम्मं कत्वा। **एत्थ ठितस्साति** परिसुद्धे सीले ठितस्स। सम्मावत्तपटिपत्तिशीलेहि सीलविसुद्धि दस्सिता। वत्तपटिपत्तियापि हि अङ्गणानं विक्खम्भनं सिया। तथा हिस्सा संकिलिडुकंसपातिया परिसुद्धपरियोदातभावो उपमाभावेन वुत्तो। **पन्तसेनासनवासो** किलेसविक्खम्भनं किलेसानं तदङ्गनिवारणं। **सोतापत्तिफलाधिगमो...पे०... अरहत्तसच्छिकिरियाति** सत्तसुपि ठानेसु “परिसुद्धपरियोदातभावो विया”ति पदं आनेत्वा सम्बन्धितब्बं। पब्बजितस्स हि विसुद्धि नाम हेट्ठिमन्तेन सीलविसुद्धिया वा सिया कम्मट्ठानानुयोगवसेन विवेकवासेन ज्ञानस्साधिगमेन वा विपस्सनाभावनाय वा सामज्जफलाधिगमेन वाति।

**रागट्ठानियन्ति** रागुप्पत्तिहेतुभूतं। विसभागारम्मणं सन्धाय वदति “**इट्ठारम्मण**”न्ति। तस्मिन्ति इट्ठारम्मणे। **विपन्नस्सतीति** मुट्ठस्सति। तं **निमित्तन्ति** सुभनिमित्तं। **आवज्जिस्सतीति** अयोनिस्सो आवज्जिस्सति। **सयमेव** अज्जेन अवोमिस्सो। कुसलवारपच्छिन्दनमेव चेत्थ **अनुद्धंसनं** दट्ठब्बं। **सेसन्ति** “साङ्गणो संकिलिडुचित्तो”ति आदि। **वुत्तनयानुसारेनाति** पठमवारे वुत्तनयानुसारेन। **सब्बन्ति** मातुघातादिआनन्तरियकरणपरियोसानं सब्बं उपमासंसन्दनवचनं।

**अतिविरहाभावतोति** सतिसम्मोसाभावतो, उपट्ठितस्सति भावतोति अत्थो। **सेसन्ति** “सो अरागो”ति आदि। “धोवनघंसनसण्हछारिकापरिमज्जनादीही”ति आदिना **दुतियवारानुसारेन**। “को नु खो”ति आदि पुच्छावसेन आगतं, इदं

निगमनवसेनाति अयमेव विसेसो ।

६०. अङ्गणन्ति तत्थ तत्थ नामतो एव विभावितं, न पन सभावतो, पभेदतो वाति सभावादितो विभावनं सन्धायाह “नानप्यकारतो पाकटं कारापेतुकामेना”ति । इच्छाय अवचरानन्ति इच्छावसेन अवचरणानं । ओतिण्णानन्ति चित्तसन्तानं अनुपविट्ठानं । ते पन तत्थ पच्चयवसेन निब्बत्तता पवत्ता नाम होन्तीति आह “पवत्तान”न्ति । नानप्यकारानन्ति विसयभेदेन पवत्तिआकारभेदेन च नानाविधानं । येनकारणेन । न केवलं लाभत्थिकता एव, अथ खो पुज्जवन्तता सक्कतगरुक्ता च एत्थ कारणभावेन गहेतब्बाति दस्सेन्तो “पकतियापि चा”तिआदिमाह । तेन लाभत्थिकोपि न यो कोचि एवं चित्तं उप्पादेति पुज्जवा सम्भावनीयोति दस्सेति । थेरा अवज्जपटिच्छादनभयेन मज्झिमानं आरोचेन्ति, तथा मज्झिमा नवकानं, नवका पन अत्तनो नवकभावेन विधासादादीनं आरोचेन्ति “पस्सथ तुम्हाकं थेरस्स कम्म”न्ति । विधासादादयो नाम “ईदिसस्स सन्तिके ओवादत्थं तुम्हे आगता”ति भिक्खुनीनं आरोचेन्ति । न च मं भिक्खू जानेय्युन्ति न च वत मं भिक्खू जानेय्युं, अहो वत मं भिक्खू न जानेय्युन्ति योजना । ठानं खो पनेतन्ति एत्थ खो-सद्दो अवधारणत्थो, पन-सद्दो वचनालङ्कारोति आह “अत्थियेवा”ति । पुब्बे इच्छुप्पादवारवण्णनाय वुत्तनयेन । इति-सद्दो इध आसन्नकारणत्थोति तं दस्सेन्तो “इमिना कारणेना”ति आह । इदञ्च कोपअप्पच्चयानमेव गहणं । तादिसानन्ति कोपअप्पच्चयाधिभूतानन्ति अधिप्पायो ।

अनुरहोति अनुरूपे रहसि । एवमेव हि अत्थं दस्सेतुं “विहारपच्चन्ते”तिआदि वुत्तं । पुरिमसदिसमेवाति “लाभत्थिको ही”तिआदिना वुत्तेन पुरिमेन योजनानयेन सदिसमेव ।

चोदनाय पटिपुग्गलभावो, चोदना च आपत्तियाति चुदितकेन चोदकस्स समानभावो आपत्तिआपन्नतायाति आह “समानोति सापत्तिको”ति । सप्पटिपुग्गलेनेवस्स चोदनिच्छाय कारणं विभावेतुं “अय”न्तिआदि वुत्तं । न चायं सापत्तिकताय एव समानतं इच्छति, अथ खो अज्जथापीति दस्सेन्तो “अपिचा”तिआदिमाह । अज्जेन वा पटिपुग्गलेन सप्पटिपुग्गलो । अयज्हि “सप्पटिपुग्गलोव मं चोदेय्या”ति इच्छति “एवाहं तस्स पटिपुग्गलेहि सद्धिं एकज्झासयो हुत्वा तस्स उपरि किञ्चि वत्तुं कातुं वा लभिस्सामी”ति मज्जमानो । इमस्मिं पन पक्खे नो अप्पटिपुग्गलोति नत्थि एतस्स पटिपुग्गलोति अप्पटिपुग्गलोति एवमत्थो वेदितब्बो ।

“अहो वता”ति इदं पदं दिस्सतीति सम्बन्धो, इमस्स पुग्गलस्स इच्छाचारे ठितत्ता भिक्खूनं धम्मं देसेय्याति वचनतो “तज्ज खो अनुमतिपुच्छाया”ति वुत्तं । न हेस “सच्चं किर त्वं भिक्खू”तिआदिना किञ्चि वीतिककमं उद्दिस्स भगवता पुच्छितब्बतं इच्छति । नो मग्गं वा फलं वा विपस्सनं वा अन्तरं कत्वाति मग्गभावनं वा फलसच्छिकिरियं वा सिखाप्पत्तविपस्सनानुयोगं वा निरोधसमापज्जनं वा ज्ञानसमापज्जनमेव वा अन्तरं कारणं कत्वा भगवता अत्तानं पटिपुच्छितब्बं नो इच्छति । निच्चं अनिच्चन्तिआदिना अनुमतिगहणवसेन पुच्छितब्बं इच्छति, उत्तानमेव कत्वा पुच्छितब्बं इच्छतीति अत्थो । उपहरन्ते पस्सतीति सम्बन्धो । अभब्बट्ठानभिक्खुताय निहरिस्सन्ति सासनतो ।

तं सम्पत्तिन्ति परिवारसम्पत्तिज्चेव भिक्खूहि करियमानं सक्कारगरुकारसम्पत्तिज्च । गहेत्वा परिभुज्जन्ति मया संविभागे करियमाने । सयमेव पज्जायतीति सयमेव गन्त्वा भिक्खूनं पुरतो अत्तानं दस्सेति, पुरतो वसन्तं पन भिक्खु पुरक्खत्वा गच्छन्तियेवाति अधिप्पायो ।

दक्खिणोदकन्ति अगगतो उपनीयमानं दक्खिणोदकं । यतो एव-कारो, ततो अज्जत्थ नियमो इच्छितो । अवधारणत्थं

वा एव-कारगहणन्ति कत्वा **अहमेव लभेय्यन्ति** अहं लभेय्यमेवाति एवमेतं अवधारणं ददुब्बन्ति अधिप्पायेनाह “**अहमेव लभेय्यन्ति इच्छा नातिमहासावज्जा**”ति, अज्जथा यथारुतवसेन अवधारणे गय्हमाने “न अज्जे लभेय्यु”न्ति अयमेवेत्थ अत्थो सियाति। **पासादिको** होतीति इदं तस्स अग्गासनादिपच्चासीसनाय कारणदस्सनं।

**अनुमोदनन्ति** मङ्गलामङ्गलेसु अनुमोदनावसेन पवत्तेतब्बधम्मकथं। **खण्डानुमोदनन्ति** अनुमोदनेकदेसं। “पुब्बे अनुमोदितपुब्बो अनुमोदतू”ति अवत्वा **थेरेन वुत्तमत्तेयेव**।

**तादिसेसु ठानेसूति** तादिसेसु पेसलानं बहुस्सुतानं वसनट्टानेसु। सब्बम्पि रतिं पवत्तनतो **सब्बरत्तिकानि**। **विनिच्छयकुसलानन्ति** अनेकविहितेसु कङ्खानियेसु कङ्खविनयनाय तं तं पज्झानं विनिच्छये कुसलानं छेकानं। तेसु तेसु धम्मकथिकेसु अज्झिट्टेसु वारेन धम्मं कथेन्तेसु “अयं ब्यत्तो”ति धम्मज्जेसकेन अज्झिट्टत्ता **ओकासं अलभमानो**।

**सक्कच्चञ्च करेय्युन्ति** भिक्खू यं मम अभिवादनपच्चुट्टानज्जलिकम्मसामीचिकम्मादिं करोन्ति। तं आदरेनेव करेय्युं, यच्च मे परिक्खारजातं पटियादेन्ति, तम्पि सुन्दरं सम्मदेव अभिसङ्खतं करेय्युन्ति अत्थो। **भारियन्ति** पासाणच्छत्तं विय गरुकातब्बं। **एतं विधिन्ति** एतं “सक्करेय्यु”न्तिआदिना वुत्तसक्कारादिविधिं। **तेनाति** तेन कारणेन, बाहुसच्चादिगुणविसेसवतो एव सक्कारादीनं अरहत्ताति अत्थो। **एवरूपन्ति** ईदिसं “पियो गरू”तिआदिना (अ० नि० ७.३७) वुत्तप्पकारं। **एवं करेय्युन्ति** एवं “सक्करेय्यु”न्तिआदिना वुत्तप्पकारं सक्कारादिं करेय्युं। **एस नयोति** योयं भिक्खुवारे वुत्तविधि, एसेव नयो। **इतो परेसु** भिक्खुनीवारादीसु **वारेसु**।

**अहमेव लाभी** अस्सन्ति एत्थापि हेट्ठा वुत्तनयेनेव अवधारणं गहेतब्बं। पिण्डपातस्स पणीतता उपसेचनादिवसेनाति आह “**सप्पितेलमधुसक्खरादिपूरितानं**”न्ति। **मज्जपीठादीनन्ति** निदस्सनमत्तं उतुसप्पायानं निवातानं फस्सिततलानं पिहितद्वारकवाळवातपानादीनम्पि पणीतसेनासनभावतो। **आदि-सद्देन** वा तेसम्पि गहणं ददुब्बं। **सब्बत्थापीति** सब्बेसु तेसु चतूसुपि पच्चयवारेसु।

**६१. कायकम्मं दिस्वाति** इदं न कायकम्मं चक्खुविज्जेय्यं, कायकम्मुना पन सह पवत्तं ओट्टपरिप्फन्दनं भाकुटिकरणं कायङ्गादिदस्सनं कायकम्मदस्सनं विय होतीति कत्वा वुत्तं। **वचीकम्मं सुत्वाति** एत्थापि एसेव नयो, तस्मा कायविकारजनका धम्मा “दिस्सन्ती”ति वुत्ता, वचीविकारजनका “सूयन्ती”ति। ततो एव च ते **पच्चक्खकाले** सम्मुखकाले **दिस्सन्ति** नाम। **तिरोक्खकाले** असम्मुखकाले **सूयन्ति** नाम। अनुरूपतो गहणं **अनुग्गहो**। **आरज्जिकत्तन्ति** तस्स भिक्खुनो धुतगुणत्तानुरूपतो गण्हाति। तेनाह “**आरज्जिकत्तं अनुग्गण्हाती**”ति। अरज्जे निवासो अस्साति **आरज्जिको**। पन्तं परियन्तं दूरतरं सेनासनं अस्साति **पन्तसेनासनो**। तं पन अत्थमत्तेन दस्सेन्तेन “**पन्तसेनासने वसती**”ति वुत्तं। भिक्खासङ्घातानं पिण्डानं पातो पिण्डपातो, तं पिण्डपातं उज्छति गवेसतीति **पिण्डपातिको**। पिण्डाय पतितुं चरितुं वतमेतस्साति वा पिण्डपाति, सो एव **पिण्डपातिको**। दानतो अवखण्डनतो अपेतं अपदानं, सह अपदानेन सपदानं, अनवखण्डनं। अनुधरं चरणसीलो **सपदानचारी**। उन्नतभावेन पंसुकूलं विय पंसुकूलं, पंसु विय वा कुच्छितभावं उलति गच्छतीति पंसुकूलं, तस्स धारणं इध पंसुकूलं, तं सीलमस्साति **पंसुकूलिको**।

**तीहि कारणेहि लूखं वेदितब्बं** अग्घफस्सवण्णपरिहानितो अपंसुकूलम्पि, को पन वादो पंसुकूलन्ति अधिप्पायो। **थूलदीघसुत्तकेनाति** थूलेन ओलम्बमानेन दीघसुत्तकेन। **वण्णेनाति** एत्थ फस्सेनपि परिहायतीति वत्तब्बं। तज्हि तत्थ खरफस्सम्पि होतियेवाति। कस्मा पन पाळियं आरज्जिकादिग्गहणेन चत्तारोव धुतगुणा वुत्ताति? पधानत्ता, तग्गहणेनेव च

इतो परेसम्पि सुखपरिभोगताय गहणसम्भवतो। यो हि आरज्जिको पन्तसेनासनो, तस्स अब्भोकासिक-  
रुक्खमूलिक-नेसज्जिक-यथासन्थतिक-सोसानिकङ्गानि सुपरिपूरानि। यो च पिण्डपातिको सपदानचारी च, तस्स  
पत्तपिण्डिकखलुपच्छाभक्तिकएकासनिकङ्गानि। यो पन पंसुकूलिको, तस्स तेचीवरिकङ्गं सुपरिहरमेवाति। पधानत्ता हि  
भगवतापि “कदाहं नन्दं पस्सेय्यं, आरज्जं पंसुकूलिक”न्तिआदिना (सं० नि० २.२४२; नेत्ति० १००) तत्थ तत्थ  
आरज्जिकादयो एव गहन्ति। **एत्तका**ति पाळियं आगतानं परिच्छिज्ज गहणमेतं, न एत्तका सब्बेपि एकस्स एकंसतो  
सम्भवन्ति, नापि एत्तकायेव पापधम्मा पहातब्बा। न हि मक्खपळासादीनं अप्पहीनभावेपि **सब्रह्मचारी नेव सक्करोन्ति...**  
**पे०... न पूजेन्तीति।**

तमत्थन्ति “यस्स कस्सची”तिआदिना वुत्तमत्थं। **उपमाय पाकटं करोन्तो**ति अन्वयतो ब्यतिरेकतो च उदाहरणेन  
विभावेन्तो। **अहिकुणपादीनं अतिपटिकूलजिगुच्छनीयता** अतिविय दुग्गन्धताय। सा च अहीनं तिखिणकोपताय,  
कुक्कुरमनुस्सानं ओदनकुम्मासूपचयताय सरीरस्स होतीति वदन्ति। **इमेसन्ति** अहिआदीनं। **वड्ढेत्वा**ति उपरूपरि खिपनेन  
रचितं कत्वा। तं पन वड्ढितं तेन च भाजनं पूरितं होतीति आह “**वड्ढेत्वा परिपूरेत्वा**”ति। जनस्स दस्सनयोग्यं दस्सनीयं  
**जज्जं**, तं परमपरिसुद्धं मनोहरज्ज्व होतीति आह “**चोक्खचोक्ख**”न्ति। अभिनवनिविट्ठा महामाता **वधुका**। सा पन  
पुत्तलाभयोग्यतं उपादाय मङ्गलवचनेन “**जनी**”ति वुच्चति, तस्सा निय्यमानं पण्णाकारं जनिया हरतीति **जज्जं**।  
**उभयत्था**ति अत्थद्वये। **पुनरुत्तन्ति** आमेटितवचनमाह। न मनापं एतस्साति अमनापो, तस्स भावो **अमनापता**, तथापवत्तो  
चित्तुप्पादोति आह “**अमनापं इदन्ति...पे०... अधिवचन**”न्ति। बुद्धवेसत्ता लिङ्गस्स **परिसुद्धकंसपातिसदिसका**।  
**कुणपरचनं विय** इच्छावचरेहि सन्तानस्स भरितभावो। सो पन तेसं अप्पहीनतायाति आह “**इच्छावचरानं**  
**अप्पहान**”न्ति।

६२. “तेन गामन्तविहारं अनुगणहाती”ति वत्तब्बे “**आरज्जिकत्त**”न्ति पन पोत्थके लिखितं। न हि सुक्कपक्खे  
पाळियं आरज्जिकगहणं अत्थि, सति च इच्छावचरप्पहाने गामन्तविहारो एकन्तेन न पटिक्खितत्तब्बो, इच्छितत्तब्बोव  
तादिसानं उत्तरिमनुस्सधम्मपटिच्छादनतो। तथा हि वक्खति “**अप्पिच्छतासमुट्ठानेही**”तिआदि। **सालिवरभत्तरचनं विय**  
**इच्छावचरप्पहानं** मनुज्जभावतो तित्तिहेतुतो च।

६३. मं तन्ति च उपयोगवचनं पटि-सद्वयोगेन, अत्थो पन सम्पदानमेवाति आह “**मय्हं तुह**”न्ति च। “**समये**”ति  
भुम्मत्थे “**समय**”न्ति **उपयोगवचनं**। गिज्झकूटपण्डवइसिगिलिवेभारवेपुल्लपब्बतानं वसेन **समन्ततो गिरिपरिक्खेपेन**।  
**राजगहेति समीपत्थे भुम्मवचनन्ति** आह “**तं निस्साय विहरामी**”ति।

**पुराणयानकारपुत्तो**ति पुराणे पब्बजिततो पुब्बे यानकारपुत्तो तथापज्जातो। **जिम्हन्ति** गोमुत्तकुटिलं। तेनाह  
“**सप्पगतमगगसदिस**”न्ति। **सो**ति पण्डुपुत्तो। **इतरो**ति समिति। **चिन्तितट्टानमेवाति** चिन्तितचिन्तितट्टानमेव तच्छति,  
तज्ज खो न तस्स चित्तानुसारेन, अथ खो अत्तनो सुत्तानुसारेन तच्छन्तो यानकारपुत्तो। **चित्तन्ति** अत्तनो चित्तेन मम चित्तं  
जानित्वा विय।

“न सद्भाय पब्बजितो”ति इमिनाव कम्मफलसद्भाय अभावो नेसं पकासितोति आह “**अस्सद्धाति बुद्धधम्मसङ्गेसु**  
**सद्धाविरहिता**”ति। पब्बजितानं जीविका अत्थो एतेसन्ति **जीविकत्था**। तेनाह “**इणभयादीही**”तिआदि। **केराटिकं**  
वुच्चति साठेय्यं। सठानं गुणवाणिजकानं कम्मं साठेय्यन्ति आह “**साठेय्यज्ही**”तिआदि। तुच्छसभावेन मानो नळो वियाति  
नळो, मानसङ्घातो उग्गतो नळो एतेसन्ति **उन्नळा**। तेनाह “**उड्डिततुच्छमाना**”ति। लहुकताय वा **चपला**। फरुसवचनताय

**खरवचना ।** तिरच्छानकथाबहुलताय निरर्थकवचनपलापिनो । असंवृतकम्मद्वाराति इदं कम्मद्वारादीनं असंवृतभावो उप्पत्तिद्वारानं असंवृतताय एव होतीति कत्वा वुत्तं । अथ वा छसु इन्द्रियेसूति निमित्ते भुम्मं, छसु इन्द्रियेसु निमित्तभूतेसु असंवृतकम्मद्वाराति अत्थो । या मत्ताति भोजने अयुत्तपरियेसन-अयुत्तपटिग्गहण-अयुत्तपरिभोगे वज्जेत्वा युत्तपरियेसन-युत्तपटिग्गहण-युत्तपरिभोगसङ्घाता या मत्ता अप्पमत्तेहि जानितब्बा । तेनाह “युत्तता”ति । जागरेति रत्तिन्दिवं आवरणियेहि धम्मेहि चित्तपरिसोधनसङ्घाते जागरे । तेसं जागरिताय अधिसीलसिक्खाय गारवरहितानं इतरसिक्खासु पतिट्ठा एव नत्थीति दस्सेन्तो “सिक्खापदेसु बहुलगारवा न होन्ती”ति वत्वा तमेव गारवाभावं सरूपेन विभावेन्तो “आपत्तिवीतिकमबहुला”ति आह ।

पकतियापि सिद्धाय रतनत्तयसद्धाय कम्मफलसद्धाय च सद्धा । पिवन्ति मज्जे यथा तं द्रवभूतं अमत्तं लद्धा । घसन्ति मज्जे यथा तं बहलपिण्डिकसुधाभोजनं लद्धा । अत्तमनवाचं निच्छारेन्ता “साधु साधू”ति । तमेव पन साधुकारं हृदये ठपेत्वा अब्भनुमोदन्ता । एत्थ च अत्तमनवाचानिच्छारणं पिवनसदिसं कत्वा वुत्तं बहिद्धाभावतो, मनसा अब्भनुमोदनं पन अब्भन्तरभावतो घसनसदिसं वुत्तं । सङ्घादनज्झोहरणज्झि घसनन्ति । रस्सज्ज एकवचनं होतीति आह “रस्से सति सारिपुत्तस्स उपरि होती”ति । दीघज्ज बहुवचनं होतीति आह “दीघे सति सब्रह्मचारीन”न्ति । “उपरि होती”ति आनेत्वा सम्बन्धो । आलसियव्यसनादीहीति आलसियेन वा जातिव्यसनादीहि वा । “महानागाति वुच्चन्ती”ति वत्वा तत्थ कारणं विभावेन्तो “तत्रा”तिआदिमाह । तत्थ “न गच्छन्तीति नागा, न आगच्छन्तीति नागा, न आगुं करोन्तीति नागा”ति यो विविधो वचनत्थो इच्छितो, तं विचारेत्वा दस्सेतुं “छन्दादीही”तिआदि वुत्तं, तं पन जेय्यावबोधाय वचनतो अप्पमत्तकारणं ।

सयमेव आगुं न करोति सब्बथा मग्गेन पहीनआगुत्ता । सो कामयोगादिके सब्बसंयोगे दसविधसंयोजनप्पभेदानि च सब्बबन्धनानि विसज्ज जहित्वा सब्बत्थ यक्खादीसु, सब्बेसु वा भवेसु केनचि सङ्गेन न सज्जति तीहि च विमुत्तीहि विमुत्तो, ततो एव इट्ठादीसु तादिभावप्पत्तिया तादि, सो वुत्तलक्खणेन तत्थत्ता तंसभावत्ता नागो पवुच्चतेति अत्थो वेदितब्बो । तेनाह “एवमेत्थ अत्थो वेदितब्बो”ति । अज्जेहि खीणासवनागेहि अग्गसावकत्ता गुणविसेसयोगतो पुज्जतरा च पासंसतरा च । समं अनुमोदिसुन्ति अज्जमज्जस्स सुभासिततो सम्पटिच्छनेन समप्पवत्तमोदताय समं सदिसं अब्भनुमोदिसु । तं पन समनुमोदनं “तत्था”तिआदिना पाळिवसेनेव दस्सेति ।

सम्पुतिपरमत्थदेसनाकथावण्णना निट्ठिता ।

अनङ्गणसुत्तवण्णनाय लीनत्थप्पकासना समत्ता ।

## ६. आकङ्खेय्यसुत्तवण्णना

६४. सम्पन्नन्ति परिपुण्णं, समन्ततो पन्नं पत्तन्ति सम्पन्नं । तेनाह “इदं परिपुण्णसम्पन्नं नामा”ति । नन्ति “सुवा”ति वुत्तं सुवगणं । सम्पन्नोति सम्मदेव पन्नो गतो उपगतो । तेनाह “समन्नागतो”ति । सम्पन्नन्ति सम्पत्तियुत्तं । सा पनेत्थ रससम्पत्ति अधिप्पेता सामज्जजोतनाय विसेसे अवट्टानतो । तेनाह “सेय्यथापि खुद्दमधुं अनेळक”न्ति, निदोसन्ति अत्थो । तेन वुत्तं “इदं मधुरसम्पन्नं नामा”ति । सीलस्स अनवसेससमादानेन अखण्डादिभावापत्तिया च परिपुण्णसीला । समादानतो पट्टाय अच्छिन्दनतो सीलसमङ्गिनो । समादानतो हि अच्छन्तविरोधिधम्मानुप्पत्तिया सीलसमङ्गिता वेदितब्बा, चेतनादीनं पन सीलनलक्खणानं धम्मानं पवत्तिक्खणे वत्तब्बमेव नत्थि । विसुद्धिमग्गे (विसुद्धि० १.९) वुत्ता, तस्मा तत्थ



वुत्तनयेनेव वित्थारकथा वेदितब्बाति अधिप्पायो।

**खेत्तपारिपूरीति** निस्सितपारिपूरिया निस्सयपारिपूरिमाह निस्सितकम्मविपत्तिसम्पत्तिविसयत्ता यथा “मञ्चा उक्कुट्ठिं करोन्ती”ति। तथा हि खेत्तेन खण्डपूतिआदिदोसो वुत्तो। **खेत्तं खण्डं होतीति** अपरिपूरं होति सस्सपारिपूरिया अभावतो। तेनेवाह “**सस्सं न उट्ठेती**”ति। पादमत्तस्सपि अनेकम्बणफलनतो **महप्फलं होति**। किसलयपलालादिबहुताय **महानिसंसं। एवमेवन्ति** यथा खित्तं बीजं खण्डादिचतुदोसवसेन अपरिपुण्णं होति, तदभावेन च परिपुण्णं, एवं सीलं खण्डादिचतुदोसवसेन अपरिपुण्णं होति, तदभावेन च परिपुण्णन्ति, चतुदोसतदभावसामञ्जमेव निदस्सननिदस्सितब्बविपत्तिसम्पत्तीसु दस्सेति। **महप्फलं होति** विपाकफलेन। **महानिसंसन्ति** विपुलानिसंसं। स्वायं आनिसंसो इध पाळियं नानप्पकारेन वित्थारीयति।

**एत्तावता किराति** (अ० नि० टी० २.२.३७; अ० नि० टी० ३.१०.७१-७४) **किर-**सद्दो अरुचिसूचनत्थो। तेनेत्थ आचरियवादस्स अत्तनो अरुच्चनभावं दीपेति। **सम्पन्नसीलाति** अनामद्विसेसं सामञ्जतो सीलसङ्खेपेन गहितं। तच्च चतुब्बिधन्ति आचरियत्थेरो “**चतुपारिसुद्धिसीलं उद्दिसित्वा**”ति आह। **तत्थाति** चतुपारिसुद्धिसीले। **जेट्टकसीलन्ति** (सं० नि० टी० ३.५.४१२) पधानसीलं। **उभयत्थाति** उद्देसनिद्देसे। इध निद्देसे विय उद्देसेपि **पातिमोक्खसंवरो भगवता वुत्तो** “सम्पन्नसीला”ति वुत्तत्ताति अधिप्पायो। सीलग्गहणज्झि पाळियं पातिमोक्खसंवरवसेन आगतं। तेनाह “**पातिमोक्खसंवरोयेवा**”तिआदि। तत्थ अवधारणेन इतरेसं तिण्णं एकदेसेन पातिमोक्खन्तो गधभावं दीपेति। तथा हि अनोलोकि योलोकने आजीवहेतु छसिक्खापदवीतिककमे गिलानपच्चयस्स अपच्चवेक्खितपरिभोगे च आपत्ति विहिताति। **तीणीति** इन्द्रियसंवरसीलादीनि। **सीलन्ति वुत्तद्धानं नाम अत्थीति** सीलपरियायेन तेसं कत्थचि सुत्ते गहितद्धानं नाम किं अत्थि यथा पातिमोक्खसंवरोति आचरियस्स सम्मुखत्ता अपटिक्खपन्तोव उपचारेन पुच्छन्तो विय वदति। तेनाह “**अननुजानन्तो**”ति। **छद्धाररक्खामत्तकमेवाति** तस्स सल्लहुकभावमाह चित्ताधिद्धानमत्तेन पटिपाकतिकभावापत्तितो। इतरद्वयेपि एसेव नयो। **पच्चयुप्पत्तिमत्तकन्ति** फलेन हेतुं दस्सेति। उप्पादनहेतुका हि पच्चयानं उप्पत्ति। **इदमत्थन्ति** इदं पयोजनं इमस्स पच्चयस्स परिभुज्जनेति अधिप्पायो। **निप्परियायेनाति** इमिना इन्द्रियसंवरादीनि तीणि पधानस्स सीलस्स परिवारवसेन पवत्तिया परियायसीलानि नामाति दस्सेति।

इदानी पातिमोक्खसंवरस्सेव पधानभावं ब्यतिरेकतो अन्वयतो च उपमाय विभावेतुं “**यस्सा**”तिआदिमाह। तत्थ सोति पातिमोक्खसंवरः। **सेसानीति** इन्द्रियसंवरादीनि। **तस्सेवाति** “सम्पन्नसीला”ति एत्थ यं सीलं वुत्तं, तस्सेव। **सम्पन्नपातिमोक्खाति** एत्थ पातिमोक्खग्गहणेन **वेवचनं वत्वा तं वित्थारेत्वा...पे०... आदिमाह**। यथा अञ्जथापि “इध भिक्खु सीलवा होती”ति (महानि० १९९) पुगलाधिद्धानाय देसनाय उद्दिट्ठं सीलं “पातिमोक्खसंवरसंवुतो विहरती”ति (विभ० ५०८; महानि० १९९) निद्दिट्ठं।

**पातिमोक्खसंवरसंवुताति** यो नं पाति रक्खति, तं मोक्खेति मोचेति आपायिकादीहि दुक्खेहीति “पातिमोक्ख”न्ति लद्धनामेन सिक्खापदसीलेन पिहितकायवचीद्वारा। ते पन यस्मा एवंभूता तेन समन्नागता नाम होन्ति, तस्मा वुत्तं “**पातिमोक्खसंवरेन समन्नागता**”ति।

अपरो नयो (उदा० अट्ठ० ३१; इतिवु० अट्ठ० ९७) — किलेसानं बलवभावतो, पापकिरियाय सुकरभावतो, पुज्जकिरियाय च दुक्करभावतो बहुक्खत्तुं अपायेसु पतनसीलोति पाती, पुथुज्जनो। अनिच्चताय वा भवादीसु कम्मवेगक्खित्तो घटीयन्तं विय अनवट्ठानेन परिब्भमनतो गमनसीलोति पाती, मरणवसेन वा तम्हि तम्हि सत्तनिकाये

अत्तभावस्स पातनसीलोति पाती, सत्तसन्तानो, चित्तमेव वा, तं पातिं संसारदुक्खतो मोक्खेतीति **पातिमोक्खं** । चित्तस्स हि विमोक्खेन सत्तो विमुत्तोति वुच्चति । वुत्तञ्जि “चित्तवोदाना विसुज्झन्ती”ति, “अनुपादाय आसवेहि चित्तं विमुत्त”न्ति (महाव० २८) च ।

अथ वा अविज्जादिना हेतुना संसारे पतति गच्छति पवत्ततीति पाती । “अविज्जानीवरणानं सत्तानं तण्हासंयोजनानं सन्धावतं संसरत”न्ति (सं० नि० २.१२५) हि वुत्तं । तस्स पातिनो सत्तस्स तण्हादिसंकिलेसत्तयतो मोक्खो एतेनाति **पातिमोक्खो** । “कण्ठेकालो”तिआदीनं विय समाससिद्धि वेदितब्बा ।

अथ वा पातेति विनिपातेति दुक्खेति पाति, चित्तं । वुत्तञ्जि “चित्तेन नीयति लोको, चित्तेन परिकस्सती”ति (सं० नि० १.६२) । तस्स पातिनो मोक्खो एतेनाति **पातिमोक्खो** । पतति वा एतेन अपायदुक्खे संसारदुक्खे चाति पाती, तण्हादिसंकिलेसो । वुत्तञ्जि “तण्हा जनेति पुरिसं (सं० नि० १.५७), तण्हादुतियो पुरिसो”ति (इतिवु० १५, १०५; अ० नि० ४.९) च आदि । ततो पातितो मोक्खोति **पातिमोक्खो** ।

अथ वा पतति एत्थाति पाती, छ अज्झत्तिकबाहिरानि आयतनानि । वुत्तञ्जि “छसु लोको समुप्पन्नो, छसु कुब्बति सन्थव”न्ति (सं० नि० १.७०; सु० नि० १७१) । ततो अज्झत्तिकबाहिरायतनसङ्घाततो पातितो मोक्खोति **पातिमोक्खो** । अथ वा पातो विनिपातो अस्स अत्थीति पाती, संसारो । ततो मोक्खोति **पातिमोक्खो** । अथ वा सब्बलोकाधिपतिभावतो धम्मिस्सरो भगवा “पती”ति वुच्चति, मुच्चति एतेनाति मोक्खो, पतिनो मोक्खो तेन पज्जत्तताति पातिमोक्खो । पातिमोक्खो एव **पातिमोक्खो** । सब्बगुणानं वा मूलभावतो उत्तमद्वेन पति च सो यथावुत्तत्थेन मोक्खो चाति पातिमोक्खो । पातिमोक्खो एव **पातिमोक्खो** । तथा हि वुत्तं “पातिमोक्खन्तिआदिमेतं मुखमेतं पमुखमेतं”न्ति (महाव० १३५) वित्थारो ।

अथ वा प-इति पकारे, **अतीति** अच्चन्तत्थे निपातो, तस्मा पकारेहि अच्चन्तं मोक्खेतीति **पातिमोक्खो** । इदञ्जि सीलं सयं तदङ्गवसेन, समाधिसहितं पज्जासहितञ्च विक्खम्भनवसेन, समुच्छेदवसेन च अच्चन्तं मोक्खेति मोचेतीति **पातिमोक्खो** । पति पति मोक्खोति वा पातिमोक्खो, तम्हा तम्हा वीतिक्कमदोसतो पच्चेकं मोक्खोति अत्थो । पातिमोक्खो एव **पातिमोक्खो** । मोक्खो वा निब्बानं, तस्स मोक्खस्स पतिबिम्बभूतोति पातिमोक्खो । सीलसंवरो हि निब्बेधभागियो सूरियस्स अरुणुग्गमनं विय निब्बानस्स उदयभूतो तप्पटिभागो विय होति यथारहं किलेसनिब्बापनतोति पातिमोक्खो । पातिमोक्खोयेव **पातिमोक्खो** । अथ वा मोक्खं पति वत्तति मोक्खाभिमुखन्ति वा पातिमोक्खं । पातिमोक्खमेव **पातिमोक्खन्ति** एवमेत्थ पातिमोक्खसदस्स अत्थो वेदितब्बो ।

**आचारगोचरसम्पन्ना**ति कायिकवाचसिकअवीतिक्कमसङ्घातेन आचारेन चेव नवेसियगोचरतादिसङ्घातेन गोचरेन च सम्पन्ना, सम्पन्नआचारगोचराति अत्थो । **अप्पमत्तेसूति** अतिपरित्तकेसु अनापत्तिगमनीयेसु, दुक्कटदुब्भासितमत्तेसूति अपरे । **वज्जेसूति** गारय्हेसु । ते पन एकन्ततो अकुसलसभावा होन्तीति आह “अकुसलधम्मेषू”ति । **भयदस्सिनोति** भयतो दस्सनसीला, परमाणुमत्तम्पि वज्जं सिनेरुप्पमाणं विय कत्वा भायनसीला । **सम्मा आदियित्वा**ति सम्मदेव सक्कच्चं सब्बसो च आदियित्वा । **सिक्खापदेसूति** निद्धारणे भुम्मन्ति समुदायतो अवयवनिद्धारणं दस्सेन्तो “सिक्खापदेसु तं तं सिक्खापदं समादियित्वा सिक्खथा”ति अत्थमाह । सिक्खापदमेव हि समादातब्बं सिक्खितब्बञ्चाति अधिप्पायो । यं किञ्चि सिक्खाकोट्टासेसूति सिक्खाकोट्टासेसु मूलपज्जत्तिअनुपज्जत्तिसब्बत्थपज्जत्तिपदेसपज्जत्तिआदिभेदं यं किञ्चि सिक्खितब्बं पटिपज्जितब्बं पूरेतब्बं सीलं । तं पन द्वारवसेन दुविधमेवाति आह “कायिकं वाचसिकञ्चा”ति । इमस्मिं अत्थविकप्पे **सिक्खापदेसूति** आधारे भुम्मं

सिक्खाभागेसु कस्सचि विसुं अग्गहणतो। तेनाह “तं सब्ब”न्ति।

**६५. कस्मा आरद्धन्ति** (अ० नि० टी० ३.१०.७१-७४) देसनाय कारणपुच्छा। **सीलानिसंसदस्सनत्थन्ति** पयोजननिद्वेसो। को अत्थो क्व अत्थो क्व निपातिताति? नयिदमेवं दट्ठब्बं। **सीलानिसंसदस्सनत्थन्ति** हि एत्थ ब्यतिरेकतो यं सीलानिसंसस्स अदस्सनं, तं इमिस्सा देसनाय कारणन्ति कस्मा आरद्धन्ति विनेय्यानं सीलानिसंसस्स अदस्सनतोति अत्थतो आपन्नो एव होतीति। तेनाह “**सचेपी**”तिआदि। **सीलानिसंसदस्सनत्थन्ति** पन इमस्स अत्थं विवरितुं “**तेस**”न्तिआदि वुत्तं। **आनिसंसो**ति उदयो। “सीलवा सीलसम्पन्नो कायस्स भेदा परं मरणा सुगतिं सगगलोकं उपपज्जती”तिआदीसु (दी० नि० २.१५०; ३.३१६; अ० नि० ५.२१३; महाव० २८५) पन विपाकफलम्पि “**आनिसंसो**”ति वुत्तं। **को विसेसो**ति को फलविसेसो। **का वट्ठी**ति को अब्भुदयो। विज्जमानोपि गुणो याथावतो विभावितो एव अभिरुचिं उप्पादेति, न अविभावितो, तस्मा एकन्ततो आनिसंसकित्तनं इच्छितब्बमेवाति दस्सेतुं **विसकण्टकवाणिजो** उदाहटो।

तत्थ **गुळो** नाम उच्छुरसं पचित्वा चुण्णादीहि मिस्सित्वा सम्पिण्डने पिण्डीभूतं। **फाणितं** अपिण्डितं द्रवीभूतं। **खण्डं** भिज्जनक्खमं। **सक्खरा** नाम फलिकसदिसा। **सक्खरादीनि**ति आदि-सद्देन मच्छण्डिकानं सङ्गहो। तस्मिं काले गुळादीसु विसकण्टकवोहारो अपच्यन्तदेसे पचुरोति “**पच्यन्तगामं गन्त्वा**”ति वुत्तं। **दारके च पलापेसुं** “विसकण्टकं मा गणहन्तू”ति।

**पियो**ति पियायितब्बो। पियस्स नाम दस्सनं एकन्ततो अभिनन्दितब्बं होतीति आह “**वियचक्खूहि सम्पस्सितब्बो**”ति। पीतिसमुद्धानपसन्नसोम्मरूपपरिग्गहज्झि चक्खु “पियचक्खू”ति वुच्चति। **तेसन्ति** सब्रह्मचारीनं। **मनवट्ठनको**ति पीतिमनस्स परिव्रूहनतो उपरुपरि पीतिचित्तस्स उप्पादको। **गरुट्टानियो**ति गरुकरणस्स ठानभूतो। **जानं जानाती**ति जाणेन जानितब्बं जानाति। यथा वा अज्जे अजानन्तापि जानन्ता विय पवत्तन्ति, न एवमयं, अयं पन जानन्तो एव जानाति। **पस्सं पस्सती**ति दस्सनभूतेन पज्जाचक्खुना पस्सितब्बं पस्सति, पस्सन्तो एव वा पस्सति। **एवं सम्भावनीयो**ति एवं विज्जुताय पण्डितभावेन सम्भावेतब्बो।

**सीलेस्वेवस्स परिपूरकारी**ति सीलेसु परिपूरकारी एव भवेय्याति एवं उत्तरपदावधारणं दट्ठब्बं। एवज्झि इमिना पदेन उपरिसिक्खाद्वयं अनिवत्तितमेव होति। यथा पन सीलेसु परिपूरकारी नाम होति, तं फलेन दस्सेतुं “**अज्झत्त**”न्तिआदि वुत्तं। विपस्सनाधिद्धानसमाधिसंवत्तनिकताय हि इध सीलस्स पारिपूरी, न केवलं अखण्डादिभावमत्तं। तेनाह “यानि खो पन तानि अखण्डानि...पे... समाधिसंवत्तनिकानी”ति। एवज्ज कत्वा उपरि सिक्खाद्वयं सीलस्स सम्भारभावेन गहितन्ति सीलस्सेवेत्थ पधानग्गहणं सिद्धं होति। तथा हि चित्तेकगतासङ्खारपरिग्गहानं सीलस्सानुरक्खणभावं वक्खति। यं पन वक्खति “सिक्खत्तयदेसना जाता”ति (म० नि० अट्ठ० १.६५), तं इतरासम्पि सिक्खानं इध गहिततामत्तं सन्धाय वुत्तं, न पधानभावेन गहिततं। यदि एवं कथं सीलस्स अप्पमत्तकतावचनं। वुत्तज्हेतं “अप्पमत्तकं खो पनेतं, भिक्खवे, ओरमत्तक”न्ति (दी० नि० १.७)। तं पृथुज्जनगोचरं सन्धाय वुत्तं। तथा हि तत्थ न निष्पदेसतो सीलं विभत्तं, एवं कत्वा तत्थ सीलमत्तकन्ति मत्तग्गहणं समत्थितन्ति दट्ठब्बं। **अनूनेना**ति अखण्डादिभावेन, कस्सचि वा अहापनेन उपपन्नेन। **आकारेना**ति करणेन सम्पादनेन। **चित्तसमथे**ति चित्तसमाधाने। **युत्तो**ति अवियुत्तो पसुतो। यो सब्बेन सब्बं ज्ञानभावनं अननुयुत्तो, सो तं बहि नीहरति नाम। यो आरभित्वा अन्तरा सङ्कोचं आपज्जति, सो तं विनासेति नाम। यो पन ईदिसो अहुत्वा ज्ञानं उपसम्पज्ज विहरति, सो **अनिराकतज्ज्ञानो**ति दस्सेन्तो “**बहि अनीहटज्ज्ञानो**”तिआदिमाह।

अनिच्चस्स तेभूमकधम्मस्स, अनिच्चन्ति वा अनुपस्सना **अनिच्चानुपस्सना**। तथा **दुक्खानुपस्सना**

**अनत्तानुपस्सना** च । तस्सेव निब्बिन्दनाकारेण पवत्ता अनुपस्सना **निब्बिदानुपस्सना** । विरज्जनाकारेण पवत्ता अनुपस्सना **विरागानुपस्सना** । निरोधस्स अनुपस्सना **निरोधानुपस्सना** । पटिनिस्सज्जनवसेन पवत्ता अनुपस्सना **पटिनिस्सग्गानुपस्सना** । सुज्जागारगतो भिक्खु तत्थ लद्धकायविवेकताय समथविपस्सनावसेन चित्तविवेकं परिब्रूहेन्तो यथानुसिद्धं पटिपत्तिया लोकं सासनञ्च अत्तनो विसेसाधिगमद्वानभूतं सुज्जागारञ्च उपसोभयमानो गुणविसेसाधिद्वानभावापादनेन विज्जूनं अत्थतो तं ब्रूहेन्तो नाम होतीति वुत्तं “**ब्रूहेता सुज्जागारान**”न्ति । तेनाह “**एत्थ चा**”तिआदि । अयमेव सुज्जागारानुब्रूहनविज्जुप्पसत्थानं भाजनं, न सेनासनपटिद्वापनन्ति दस्सेन्तो आह “**एकभूमकादि... पे०... ददुब्बो**”ति । **सुज्जागारगहणेन** चेत्थ अरज्जरुक्खमूलादि सब्बं पधानानुयोगक्खमं सेनासनं गहितन्ति ददुब्बं ।

**तण्हाविचरितदेसना**ति “अज्झत्तिकस्स उपादाया”ति (विभ० ९३७) आदिनयप्पवत्तं तण्हाविचरितसुत्तं । **तण्हापदद्वानत्ता**ति तण्हासन्निस्सयत्ता । न हि तण्हाविरहिता मानदिद्विपवत्ति अत्थि । **मानदिद्वियो ओसरित्वा**ति दस्सेतब्बताय मानदिद्वियो ओगाहेत्वाति अत्थो । गहणत्थमेव हि देसेतब्बधम्मस्स देसनाय ओसरणं । **तण्हामानदिद्वियो पपञ्चत्तयं** सत्तसन्तानस्स संसारे पपञ्चनतो अनुप्पबन्धनवसेन वित्थारणतो । **सीलपदद्वानत्ता**ति सीलाधिद्वानत्ता ।

अधिचित्तसिक्खा वुत्ताति आनेत्वा सम्बन्धो । विपस्सनावसेन सुज्जागारवड्ढनेति योजना । **द्वेपि सिक्खा**ति अधिचित्ताधिपज्जासिक्खा । **सङ्गहेत्वा**ति अधिसीलसिक्खाय सङ्घि सङ्गहेत्वा वुत्ता । यदि एवमयं सिक्खत्तयदेसना जाताति सिक्खत्तयानिसंसप्पकासनी सियाति अनुयोगं सन्धायाह “**एत्थ चा**”तिआदि । तत्थ यं वत्तब्बं, तं हेट्ठा वुत्तमेव । इन्द्रियसंवरो विय पातिमोक्खसंवरस्स चतुपारिसुद्धिसीलस्स आरक्खभूता चित्तेकग्गता विपस्सना च इध गहिताति तदुभयं अप्पधानं, सीलमेव पन पधानभावेन गहितन्ति वेदितब्बं । तेनाह “**सीलानुरक्खिका एवा**”तिआदि ।

**बलवतरसुखन्ति** समुप्पन्नब्याधिदुक्खतो बलवतरं, तं अभिभवितुं समत्थं ज्ञानसुखं उप्पज्जति । **बलवममत्तं होति**, तेन दब्बहअत्तसिनेहेन विलुत्तहदयो कुसलधम्मे छड्ढेन्तो **सो तथारूपेसु... पे०... पोसेता** होति । **बलवममत्तं वा सिनेहो न होति** “सुद्धो सङ्खारपुज्जो”ति याथावदस्सनेन अहंकारममंकाराभावतो । दुब्बिक्खभये खुदाभिभवं सन्धायाह “**सचेपिस्स अन्तानि बहि निक्खमन्ती**”ति । ब्याधिभयं सन्धायाह “उस्सुस्सति विसुस्सनी”ति । आदि-सद्देन गहितं चोरभयं सन्धायाह “**खण्डाखण्डिको वा**”ति । **उभयस्सा**ति समथविपस्सनाद्वयस्स । एत्थ च “अज्झत्तं चेतो... पे०... सुज्जागारान”न्ति इमेहि विसेसनिब्बेधभागियभावापादनेन सीलं रक्खितुं समत्था एव चित्तेकग्गताविपस्सना गहिता । यस्मा परतो ज्ञानविमोक्खफलाभिज्जाणअधिद्वानभावो सीलस्स उद्धटो, तस्मा तस्स भिय्योपि सम्भारभूता एव चित्तेकग्गता विपस्सना तत्थ तत्थ गहिताति वेदितब्बा ।

**सीलादीति आदि-**सद्देन यथावुत्तचित्तेकग्गताविपस्सना सङ्गण्हाति, सीलस्स वा मूलकारणभूतं सब्बं कम्मस्सकतज्जाणञ्च सङ्गण्हाति कम्मपथसम्मादिद्विं वा । सीलज्झि तदज्जम्पि पुज्जकिरियावत्थु तेनेव परिसोधितं महप्फलं होति महानिसंसन्ति । **लाभी अस्सन्ति** लाभा साय संवरणसीलपरिपूरणं पाळियं आगतं किमीदिसं भगवा अनुजानातीति? न भगवा सभावेन ईदिसं अनुजानाति, महाकारुणिकताय पन पुग्गलज्झासयेन एवं वुत्तन्ति दस्सेन्तो “**न चेत्था**”तिआदिमाह । तत्थ **घासेसनं छिन्नकथो न** वाचं पयुत्तं भणेति छिन्नकथो मूगो विय हुत्वा ओभासपरिकथानिमित्तविज्जत्तिपयुत्तं घासेसनं वाचं न भणे न कथेय्याति अत्थो । **पुग्गलज्झासयवसेना**ति सङ्खेपतो वुत्तमत्थं विवरन्तो “**येसज्ही**”तिआदिमाह । रसो सभावभूतो आनिसंसो **रसानिसंसो** ।

**पच्चयदानकारा**ति चीवरादिपच्चयवसेन दानकारा । “**देवानं वा**”ति वुत्तवचनं पाकटीकातुमाह

“देवापी”तिआदि। “पञ्चिमे गहपतयो आनिसंसा”तिआदीसु (दी० नि० २.१५०) अनिसंससद्दो फलपरियायोपि होतीति आह “उभयमेतं अत्थतो एक”न्ति।

सस्सुससुरा च तप्पक्खिका च सस्सुससुरपक्खिका। ते जातियोनिसम्बन्धेन आवाहविवाहसम्बन्धवसेन सम्बन्धा जाता। सालोहिताति योनिसम्बन्धवसेन। एकलोहितसम्बद्धाति एकेन समानेन लोहितसम्बन्धेन सम्बद्धा। पेच्चभावं गताति पेतूपपत्तिवसेन निब्बत्तिं उपगता। ते पन यस्मा इध कतकालकिरिया कालेन कतजीवितुपच्छेदा होन्ति, तस्मा वुत्तं “कालकता”ति। पसन्नचित्ताति पसन्नचित्तको। कालकतो पिता वा माता वा पेतयोनिं उपपन्नोति अधिकारतो विज्जायतीति वुत्तं “महानिसंसमेव होती”ति, तस्स तथा सीलसम्पन्नताति अधिप्पायो। अरियभावे पन सति वत्तब्बमेव नत्थि। तेनाह “अनेकानि कप्पसतसहस्सानी”तिआदि। बहुकारन्ति बहुपकारं। उपसङ्कमनन्ति अभिवादनादिवसेन उपगमनं। पयिरुपासनन्ति उपट्ठानन्ति।

६६. अज्झोत्थरिताति मद्धिता। उक्कण्ठाति रिज्चना अनभिरति अननुयोगो। सीलवा भिक्खु अत्तनो सीलखण्डभयेन समाहितो विपस्सको च पच्चयघातेन अरतिया रतिया च सहिता अभिभविताव होतीति आह “सीलादिगुणयुत्तेनेवा”तिआदि।

चित्तुत्रासो भायतीति भयं। आरम्मणं भायति एतस्माति भयं। पुरिमवारसदिसत्ता वुत्तनयमेवाति अतिदिसित्वापि पुन तं दस्सेतुं “सीलादिगुणयुत्तो ही”तिआदि वुत्तं। थेरस्स हेट्ठा निसिन्नत्ता देवताय दारका सकभावेन सण्ठातुं सुखेन वत्तितुं असक्कोन्ता असमत्था।

अधिकं चेतोति अभिचेतो, उपचारज्झानचित्तं। तस्स पन अधिकता पाकतिककामावचरचित्तेहि सुन्दरताय सपटिपक्खतो विसुद्धिया चाति आह “अभिककन्तं विसुद्धिचित्त”न्ति। अधिचित्तन्ति समाधिमाह, सो च उपचारसमाधि दट्ठब्बो। विवेकजं पीतिसुखं, समाधिजं पीतिसुखं, अपीतिजं ज्ञानसुखं, सतिपारिसुद्धिजं ज्ञानसुखन्ति चतुब्बिधम्पि ज्ञानसुखं पटिपक्खतो निक्खन्ततं उपादाय “नेक्खम्मसुख”न्ति वुच्चतीति आह “नेक्खम्मसुखं विन्दन्ती”ति। इच्छितिच्छित्तक्खणे समापज्जितुं समत्थोति इमिना तेसु ज्ञानेसु समापज्जनवसीभावमाह, “निकामलाभी”ति पन वचनतो आवज्जनाधिट्ठानपच्चवेक्खणवसियोपि वुत्ता एवाति वेदितब्बा। सुखेनेव पच्चनीकधम्मे विक्खम्भेत्वाति एतेन तेसं ज्ञानसुखिप्पाभिज्जतज्च दस्सेति। विपुलानन्ति वेपुल्लं पापितानं। ज्ञानानं विपुलता नाम सुभावितभावेन चिरतरप्पत्ति, सा च परिच्छेदानुरूपाव इच्छितब्बाति “विपुलान”न्ति वत्त्वा “यथापरिच्छेदेयेव वुट्ठातुं समत्थोति वुत्तं होती”ति आह। परिच्छेदकालज्हि अप्पत्त्वाव वुट्ठहन्तो अकसिरलाभी न होति यावदिच्छकं पवत्तेतुं असमत्थत्ता। इदानीं तेयेव यथावुत्ते समापज्जनादिवसीभावे व्यतिरेकवसेन विभावेतुं “एकच्चो ही”तिआदि वुत्तं। तत्थ लाभीयेव होतीति इदं पटिलद्धमत्तस्स ज्ञानस्स वसेन वुत्तं। तथाति इच्छितिच्छित्तक्खणे। पारिबन्धिकेति वसीभावस्स पच्चनीकधम्मे। ज्ञानाधिगमस्स पन पच्चनीकधम्मा पगेव विक्खम्भिता, अज्जथा ज्ञानाधिगमो एव न सिया। किच्चेन विक्खम्भेतीति किच्चेन विसोधेति। कामादीनवपच्चवेक्खणादीहि कामच्छन्दादीनं विय अज्जेसम्पि समाधिपारिबन्धिकानं दूरसमुस्सारणं इध विक्खम्भनं विसोधनज्चाति वेदितब्बं। नाळिकायन्तन्ति कालमाननाळिकायन्तं आह।

विसेसेन रूपावचरचतुत्थज्झानं सब्बसो वसीभावापादितं अभिज्जापादकन्ति अधिप्पायेनाह “अभिज्जापादके ज्ञाने वुत्ते”ति। अरूपज्झानम्पि पन अधिट्ठानताय पादकमेव चुट्ठसथा चित्तपरिदमनेन विना तदभावतो। “एवमभिज्जापादके रूपावचरज्झाने वुत्ते रूपावचरताय किज्चापि अभिज्ज्ञानं लोकियवारो आगतो”ति अयज्हेत्थ अधिप्पायो। नन्ति

अभिज्जावारं । चत्तारि...पे०... अरियमग्गा सीलानं आनिसंसो सम्पन्नसीलस्सेव लाभतो । परियादियित्वाति गहेत्वा ।

**अङ्गसन्ततायाति** नीवरणादीनं पच्चनीकधम्मानं सुदूरतरभावेन ज्ञानज्ञानं वूपसन्तताय, निब्बुतसब्बदरथपरिळाहतायाति अत्थो, यतो तेसं ज्ञानानं पणीततरादिभावो । **आरम्मणसन्ततायाति** रूपपटिघादिविगमनेन सण्हसुखुमादिभावप्पत्तसन्तभावेन । यदग्गेन हि नेसं भावनाभिसमयसब्भावितसण्हसुखुमाकारानि आरम्मणानि सन्तानि, तदग्गेन ज्ञानज्ञानं सन्तता वेदितब्बा । आरम्मणसन्तताय सन्तता लोकुत्तरधम्ममारम्मणाहि पच्चवेक्खणाहि दीपेतब्बा । विमुत्ता विसेसेन मुत्ता । ये हि ज्ञानधम्मा तथापवत्तपुब्बभागभावनाहि तब्बिसेसताय सातिसयं पटिपक्खधम्मेहि विमुत्तिवसेन पवत्तन्ति, ततो एव तथाविमुत्तताय पितु अङ्गे विस्सट्ठअङ्गपच्चङ्गो विय कुमारो निरासङ्कभावेन आरम्मणे अधिमुत्ता च पवत्तन्ति, ते विमोक्खाति वुच्चन्ति । तेनाह “**विमोक्खाति पच्चनीकधम्मेहि विमुत्तता आरम्मणे च अधिमुत्तता**”ति । यदिपि आरम्मणसमतिक्कमवसेन पत्तब्बानि आरुप्पानि, न अङ्गातिक्कमवसेन, तथापि यस्मा आरम्मणे अविरत्तस्स ज्ञानसमतिक्कमो न होति, समतिक्कन्तेसु च ज्ञानेसु आरम्मणं समतिक्कन्तमेव होति, तस्मा आरम्मणसमतिक्कमं अवत्वा “**रूपावचरज्झाने अतिक्कमित्वा**”ति इच्चेव वुत्तं । **अतिक्कम्म** रूपेति पाळियं “सम्पादेतब्बा, पस्सितब्बा”ति वा किञ्चि पदं इच्छितब्बं, असुतपरिकप्पनेन पन पयोजनं नत्थीति “**सन्ताति पदसम्बन्धो**”ति वुत्तं । एवञ्च कत्वा तेन विरागभावेन तेसं सन्तताति अयम्पि अत्थो विभावितो होति । रूपज्झानादीनं विय नत्थि एतेसं आरम्मणभूतं वा फलभूतं वा रूपन्ति अरूपा । अरूपा एव **आरुप्पा** । तेनाह “**आरम्मणतो च विपाकतो च रूपविरहिता**”ति । नामकायेनाति सहजातनामसमूहेन ।

**६७. संयोजेन्तीति** बन्धन्ति । केहीति आह “**खन्धगती**”तिआदि । असमुच्छिन्नरागादिकस्स हि खन्धादीनं आयतिं खन्धादीहि सम्बन्धो, समुच्छिन्नरागादिकस्स पन तं नत्थि कतानम्पि कम्मानं असमत्थभावापत्तितोति । रागादीनं अन्वयतो च संयोजनद्वो सिद्धोति आह “**खन्धगति...पे०... वुच्चन्ती**”ति । **परिक्खयेनाति** समुच्छेदेन सब्बसो आयतिं अनुप्पज्जनेन । पटिपक्खधम्मानं अनवसेसतो सवनतो पीळनतो **सोतो**, अरियमग्गोति आह “**सोतोति च मग्गस्सेतं अधिवचन**”न्ति । तं सोतं आदितो पन्नो अधिगच्छीति **सोतापन्नो**, अट्ठमको । तेनाह “**तंसमङ्गीपुगलस्सा**”ति, पठममग्गक्खणे पुगलस्साति अधिप्पायो । इध पन **पन्न**-सद्वो “फलसच्छिकिरियाय पटिपन्नो”तिआदीसु (अ० नि० ८.५९) विय वत्तमानकालिकोति आह “**मग्गेन फलस्स नामं दिन्न**”न्ति । अभीतकालिकत्ते पन सरसतोव नामलाभो सिया । विरूपं सदुक्खं सउपायासं निपातेतीति **विनिपातो**, अपायदुक्खे खिपनको । **धम्मो**ति सभावो । तेनाह “**अत्तान**”न्तिआदि । **कस्मा**ति अविनिपातधम्मताय कारणं पुच्छति । अपायं गमेन्तीति अपायगमनीया । सम्बुज्झतीति **सम्बोधि**, अरियमग्गो । सो पन पठममग्गस्स अधिगतत्ता अवसिद्धो एव अधिगन्धब्बभावेन इच्छितब्बोति आह “**उपरिमग्गत्तय**”न्ति ।

**वण्णभणनत्थं वुत्तानि**, न पहातब्बानीति अधिप्पायो । ओळारिकानं रागादीनं समुच्छिन्दनवसेन पवत्तमानो दुतियमग्गो अवसिद्धानं तेसं तनुभावापत्तिया उप्पन्नो नाम होतीति वुत्तं “**रागदोसमोहानं तनुत्ता**”ति । **अधिच्चुप्पत्तियाति** कदाचि करहचि उप्पज्जनेन । **परियुट्ठानमन्दतायाति** समुदाचारमुदुताय । **अभिण्हं न उप्पज्जन्ति** तज्जस्स अयोनिमोमनसिकारस्स अनिबद्धभावतो । **मन्दमन्दा उप्पज्जन्ति** विपल्लासानं तप्पच्चयानञ्च मोहमानादीनं मुदुतरभावतो । **बहलाव उप्पज्जन्ति** वत्थुपटिसेवनतोति अधिप्पायो । तेनाह “**तथा ही**”तिआदि ।

सकिं आगमनधम्मोति पटिसन्धिवसेन सकिंयेव आगमनसभावो । एकवारंयेव...पे०... आगन्त्वाति इमिना पञ्चसु सकदागामीसु चत्तारो वज्जेत्वा एकोयेव गहितोति दस्सेन्तो “योपि ही”ति आदिमाह । तत्थ खायं पञ्चमको सकदागामी “इध मग्गं भावेत्वा देवलोके निब्बत्तो, तत्थ यावतायुकं ठत्वा पुन इधूपपज्जित्वा परिनिब्बायती”ति वुत्तो, तस्स एकबीजिना सद्धिं किं नानाकरणन्ति? एकबीजिस्स एका पटिसन्धि, सकदागामिस्स द्वे पटिसन्धियोति इदं तेसं नानाकरणं । यस्स हि सोतापन्नस्स एकंयेव खन्धबीजं, न एकं अत्तभावग्गहणं, सो एकबीजीति ।

हेट्ठाति “अमहग्गतभूमिय”न्ति हेट्ठा सम्बन्धनेन । हेट्ठाभागस्स हिताति हेट्ठाभागिया, तेसं । तानीति ओरब्भागियसंयोजनानि । कामावचरे निब्बत्तितयेव अज्झत्तं संयोजनत्ता । तथा हेस दूरतोपि आवत्तिधम्मो एवाति दस्सेतुं गिलबळिसमच्छादयो उपमाभावेन वुत्ता । ओपपातिकोति इमिना गम्भवासदुक्खाभावमाह । तत्थ परिनिब्बायीति इमिना सेसदुक्खाभावं । तत्थ परिनिब्बानता चस्स कामलोके खन्धबीजस्स अपुनारोहवसेनेवाति दस्सेतुं “अनावत्तिधम्मो”ति वुत्तं ।

६८. केवलाति लोकियाभिज्जाहि असम्मिस्सा । लोकियपञ्चाभिज्जायोपि सीलानं आनिसंसो तदविनाभावतो । तापि दस्सेतुं आकङ्खेय्य चे...पे०... एवमादिमाहाति योजना । आसवानं अनवसेसप्पहानतो अरहत्तमग्गोयेव विसेसतो “आसवक्खयो”ति वत्तब्बतं अरहतीति वुत्तं “आसवक्खये कथिते”ति, अज्जथा सब्बापि छळभिज्जा आसवक्खयो एवाति । इमेसं गुणानन्ति लोकियाभिज्जानं । यथा पुरिसस्स मुण्डितं सीसं सिखाविरहितत्ता न सोभति, एवं देसनाय सीसभूतापि अग्गमग्गकथा लोकियाभिज्जारहिता न सोभतीति आह “अयं कथा मुण्डाभिज्जाकथा नाम भवेय्या”ति । इद्धिविकुब्बनाति इद्धि च विकुब्बना च । विकुब्बनग्गहणेन चेत्य विकुब्बनिद्धिमाह, इद्धिग्गहणेन तदज्जं सब्बज्ज अभिज्जाकिच्चं । युत्तद्धानेयेवाति लोकियाभिज्जानं निब्बत्तनस्स विय देसनाय युत्तद्धानेयेव । एतेन न केवलं देसनक्कमेनेवायं देसना, अथ खो पटिपत्तिक्कमेनपीति दस्सेति । विसुद्धिमग्गे (विसुद्धि० २.३६९) वुत्ता, तस्मा तत्थ वुत्तनयेनेव वेदितब्बाति अधिप्पायो ।

६९. आसवानं खयाति हेट्ठिमग्गेन खेपितावसिद्धानं आसवानं अरहत्तमग्गेन समुच्छिन्दनतो । यस्मा अरहत्तमग्गो न केवलं आसवेयेव खेपेति, अथ खो अवसिद्धे सब्बकिलेसेपि, तस्मा आह “सब्बकिलेसानं खया”ति । लक्खणमत्तज्हेत्थ आसवग्गहणं, आसवानं आरम्मणभावस्सपि अनुपगमनतो अनासवं । यस्मा पन तत्थ आसवानं लेसोपि नत्थि, तस्मा वुत्तं “आसवविरहित”न्ति । समाधि वुत्तो चेतोसीसेन यथा “चित्तं पञ्चज्ज भावय”न्ति (सं० नि० १.२३, १९२; पेटको० २२; मि० प० २.१.९) अधिप्पायो । रागतो विमुत्तत्ता अविज्जाय विमुत्तत्ताति इदं उजुविपच्चनीकपटिप्पस्सद्धिदस्सनं दट्ठब्बं, न तदज्जेसं पापधम्मानं अप्पटिप्पस्सद्धत्ता । इदानि तमेव समाधिपज्जानं रागाविज्जापटिपक्खतं आगमेन दस्सेतुं “वुत्तं चेत”न्ति आदि वुत्तं । समथफलन्ति समथस्स फलं लोकियसमथभावनाय हि विपस्सनागताय आहितफलस्स लोकुत्तरसमथस्स सरिक्खकफलो चेतोविमुत्ति । विपस्सनाफलन्ति एत्थापि एसेव नयो । अत्तनोयेवाति सुतमयजाणादिना विय परपच्चयतं नयग्गाहज्ज मुज्चित्वा परतोघोसानुगतभावनाधिगमभूतताय अत्तनोयेव पज्जाय पच्चक्खं कत्वा सयम्भुजाणभूतायाति अधिप्पायो । तेनाह “अपरप्पच्चयेन जत्वा”ति ।

सब्बम्पि तन्ति सब्बम्पि सत्तरसविधं तं यथावुत्तं सीलानिसंसं । यथा आनिसंसवन्ते सम्मदेव सम्पादिते तदानिसंसा दस्सिता एव होन्ति तदायत्तभावतो, एवं आनिसंसपधानयोग्यभावेन दस्सिते तदानिसंसा दस्सिता एव होन्तीति आह “सम्पिण्डेत्वा दस्सेन्तो”ति । वुत्तस्सेव अत्थस्स पुनवचनं निगमनन्ति वुत्तं “निगमनं आहा”ति । पुब्बेति देसनारम्भे ।

एवं वुत्तन्ति “सम्पन्नसीला”ति एवमादिना आकारेण वुत्तं। इदं सव्वम्पीति इदं “सम्पन्नसीला”ति आदिकं सव्वम्पि वचनं। एतं पटिच्चाति एतं सम्पन्नसीलस्स भिक्खुनो यथावुत्तसत्तरसविधानिसंसभागितं सन्धाय वुत्तं। इदमेव हि “इति यं तं वुत्तं, इदमेतं पटिच्च वुत्त”न्ति वचनं सन्धाय “सव्वम्पि तं सीलानिसंसं सम्पिण्डेत्वा दस्सेन्तो”ति वुत्तं। एत्थआदितो छहि आनिसंसेहि परित्तभूमिका सम्पत्ति गहिता, तदन्तरं पच्चहि लोकियाभिज्जाहि च महग्गतभूमिका, इतरेहि लोकुत्तरभूमिकाति एवं चतुभूमिकसम्पदानिसंससीलं नामेतं महन्तं महानुभावं, तस्मा तंसम्पादने सक्कच्चकारिता अप्पमत्तेन भवितव्वं।

आकङ्खेय्यसुत्तवण्णनाय लीनत्थप्पकासना समत्ता।

### ७. वत्थसुत्तवण्णना

७०. छादेतव्वं ठानं वसति पटिच्छादेतीति वत्थं। यं समानं विय न सव्वसो मिनोति, मानस्स पन समीपे, तं उपमानं। उपमीयति एतायाति उपमा, उपमाय बोधकवचनं उपमावचनं। कत्थचि सुत्ते। अत्थन्ति उपमियत्थं। पठमं उपमं वत्वा तदनन्तरं अत्थं वत्वा पुन उपमं वदन्तो “उपमाय अत्थं परिवारेत्वा दस्सेती”ति वुत्तो। अत्थेन उपमं परिवारेत्वाति एत्थापि एसेव नयो। इदानि ते चत्तारोपि पकारे सुत्ते आगतनयेनेव दस्सेन्तो “सेय्यथापिस्सु, भिक्खवे”ति आदिमाह। तत्थ द्वे अगाराति द्वे पटिविस्सकधरा। सद्दाराति सम्मुखद्वारा।

स्वायन्ति सो अयं एवं उपमादस्सनवसेनपि नानानयेनपि धम्मदेसको भगवा। एकच्चानं वेनेय्यानं अत्थस्स सुखावबोधो पठमं उपमादस्सने हेतु, एवं पठमं अत्थदस्सने, उपमाय अत्थपरिवारणे, अत्थेन उपमापरिवारणे चा”ति इममत्थं दस्सेति “एस नयो सव्वत्था”ति इमिना। धम्मधातुयाति सव्वञ्जुतञ्जाणस्स। तज्झि धम्मधातुपरियापन्नत्ता यथावुत्तधम्मे च सव्वेपि जेय्यधम्मे च पदहति यथासभावतो बुज्झति बोधेति चाति धातु, धीयन्ति वा धम्मा एताय सव्वाकारतो जायन्ति जापियन्ति चाति धम्मधातु। तस्सा पन सुद्धु सच्चसम्पटिवेधवसेन लद्धत्ता सुप्पटिविद्धत्ताति, यदग्गेन वा जेय्यं ताय सुप्पटिविद्धं, तदग्गेन सापिस्स सुप्पटिविद्धा एवाति आह “सुप्पटिविद्धत्ता”ति।

पकतिपरियोदातस्स चित्तस्स आगन्तुकेहि उपक्विलेसेहि उपक्विलिद्धभावदस्सनत्थं संकिलिद्धवत्थदस्सनन्ति कत्वा वुत्तं “पकतिपरिसुद्धं वत्थ”न्ति। रजादिनाति एत्थरजो नाम रेणु। आदि-सद्देन अणुतज्जारिधूमादिकं वत्थस्स अपरिसुद्धिकारणं सङ्गण्हाति। सव्वसो किलिस्सति विनस्सति विसुद्धि एतेनाति संकिलेसो, तेन संकिलेसेन पंसुरजादिना संकिलिद्धं वण्णविनासनेन विदूसितं। मलं मसि। जल्लिका वुच्चति लोणपटलादि छविया उपरि ठितं सरीरमलं। आदिसद्देन सरीरजल्लमेव अस्सुखेळसिङ्गाणिकादिकं तदव्वमलं सङ्गण्हाति। गहितत्ताति परियोनन्धनवसेन गहितत्ता। रजन्ति सत्ता तेनाति रङ्गं, रङ्गमेव रङ्गजातं यथा कोपमेव कोपजातं। उपनामेय्याति पक्खिपेय्य। नीलकत्थायाति नीलवण्णत्थाय। पलासनीलादिकेति आदि-सद्देन काळसामादिं सङ्गण्हाति। हल्लिद्धिकुधसेलादिके पीतकरङ्गे। लाखापत्तङ्गरसादिके लोहितकरङ्गे। महारजनलोदकन्दुलादिके मन्दरत्तरङ्गे। दुद्धु रजितवण्णं अपभस्सरं। तेनाह “अपरिसुद्धवण्णमेवस्सा”ति। ईदिसन्ति दुरत्तवण्णं। तस्मिं वत्थे रङ्गजातं सयं सुपरिसुद्धं समानं किस्स हेतु केन रत्तवण्णं अपरिसुद्धं होतीति रङ्गजातस्स निदोसतं वदति। तेनाह “यस्मा पना”ति आदि।

संकिलेसपक्खं दस्सेन्तेन असंकिलिद्धमेव वत्थं उदाहरितव्वन्ति पाकटोयमत्थो, संकिलिद्धवत्थनिदस्सनेन पन “सिया नु खो अज्जोपि कोचि विसेसो”ति अधिप्पायेन पुच्छति “कस्मा पना”ति आदिना। इतरो अत्थविसेसोति दस्सेन्तो



“वायाममहफलदस्सनत्थ”न्तिआदिमाह । एत्थ च संकिलिद्वचित्तविसोधनविधाने संकिलिद्ववत्थं निदस्सतब्बन्ति पटिज्जा, वायाममहफलदस्सनत्थन्ति हेतुअत्थो । यथा हीतिआदि अन्वयत्थो । न तत्थ जातिकाळके वियातिआदि व्यतिरेकत्थो । सदिसूदाहरणं पन मलग्गहितकंसपातिआदि दट्ठब्बं । एवं चित्तम्पीतिआदि ओपम्मत्थस्स उपमेय्यउपनयनं । तत्थ पकतियाति अकित्तिमेन सभावेन । तन्ति चित्तं । सामज्जग्गहणज्चेतं चित्तभावाविसेसतो । तेनाह “सकलेपी”ति । पण्डरमेव न संकिलिद्वं संकिलेसेहि असमन्नागतभावतो । ननु किरियामयचित्तेहि विपाकसन्ताने विसेसाधानं लब्धति, अज्जथा कतविनासा कतब्भागमा आपज्जेय्युं? किज्जापि लब्धति, तस्स संकिलेसो वट्ठुपनिस्सयो, असुद्धि वा न होति, असंकिलेसो विवट्ठुपनिस्सयो, विसुद्धि वा न होति एव । उपक्किलिद्वन्ति पनेतं उपक्किलेसनारहस्स चित्तस्स वसेन वुत्तं, न विपाकपबन्धस्स । तेनाह “पभस्सरमिदं भिक्खवे चित्त”न्ति, “पण्डरमेवा”ति च । तज्ज खोति पन सकसन्ततिपरियापन्नताय नेसं केवलं एकत्तनयवसेन वुत्तं, न विपाकधम्मानं किलेसासमङ्गिभावतो । अथ वा उपक्किलिद्वन्ति इमिना उपक्किलेसहेतु तत्थ विज्जमानं विसेसाधानमाह, न “संकिलिद्व धम्मा”तिआदीसु (ध० स० ७७.दुकमातिका) विय तंसमङ्गितन्ति दट्ठब्बं । विसोध्यमानन्ति विपस्सनापज्जाय अनुक्कमेन सब्बुपक्किलेसेहि विमोचियमानं । सक्का अग्गमग्गक्खणे पभस्सरतरं कातुं, यतो न पुन उपक्किलिस्सति । एवन्तिआदि वुत्तस्सेवत्थस्स निगमनं ।

दुट्ठगतिपरिपूरणवसेन पटिपज्जनं पटिपत्ति । सा एव किलेसदरथपरिळाहादिवसेन उपायासदुक्खा, कुच्छिता वा गति पवत्ति, दुग्गतिहेतूति वा दुग्गति, दुग्गतिया पन पटिपत्तिया गन्धब्बतो, तस्सा वा निष्फन्नभावतो कुच्छितो, दुक्खा च गतीति दुग्गति । संकिलिद्वचित्तोति इदं तस्सा पटिपत्तिया दुग्गतिभावदस्सनत्थं, न विसेसनत्थं । न हि असंकिलिद्वचित्तस्स पाणघातादिवसेन पवत्ति । संकिलिद्वचित्तोति लाभासाय सब्बसो किलिद्वचित्तो । दूतेय्यपहिणगमनन्ति दूतेय्यं वुच्चति दुत्तकम्मं, गिहीनं पण्णं वा सासनं वा गहेत्वा तत्थ तत्थ गमनं, पहिणगमनं घराघरं पेसितस्स खुद्दकगमनं, दूतेय्यगमनं पहिणगमनज्ज गच्छति । वेज्जकम्मन्ति अननुज्जाते ठाने लाभासाय गहट्ठानं भेसज्जं करोति । सङ्गभेदकथा परतो आगमिस्सति । वेळुदानादीहीति वेळुदानपत्तदानपुप्फदानादीहि मिच्छाजीवेन जीविकं कप्पेति । सकलम्पीति “अत्थि अनाचारो, अत्थि अगोचरो”तिआदिना विभङ्गे (विभ० ५१३, ५१४) आगतं सब्बम्पि अनाचारं अगोचरज्ज चरणवसेन परिपूरेति ।

“निरयम्पि ...पे०... पेत्तिविसयम्पि गच्छती”ति वत्वा तत्थ पेत्तिविसयगमनं दस्सेन्तो “समणयक्खो नाम होती”तिआदिमाह ।

सुक्कपक्खे परिसुद्धन्ति सब्बसो विसुद्धं असंकिलिद्वं । परिसुद्धत्ता एव परियोदातं, पभस्सरन्ति अत्थो । सुरत्तवण्णमेवस्साति सुट्ठु रत्तवण्णमेव अस्स । परिसुद्धवण्णमेवस्साति नीलवण्णोपिस्स परिसुद्धो च भवेय्याति एवमादिं सन्धायाह “कण्हपक्खे वुत्तपच्चनीकेनेव वेदितब्बा”ति । रङ्गजातन्तिआदि पन तत्थ वुत्तवसेनेव वेदितब्बं । पटिपत्तिसुगतिआदीसु यं वत्तब्बं, तं पटिपत्तिदुग्गतिआदीसु वुत्तविपरियायेन वेदितब्बं । परिसुद्धचित्तोति सुद्धासयो । दस कुसलकम्मपथे परिपूरेतीति इदं कण्हपक्खे “दस अकुसलकम्मपथे परिपूरेती”ति वुत्तस्स पटिपक्खदस्सनवसेन वुत्तं । यथा हि तत्थ अभिज्झाव्यापादमिच्छादिट्ठिग्गहणेन कम्मपथसंसन्दनयेन कम्मपथं अप्पत्ताय च अगारियस्स तथारूपाय मिच्छापटिपत्तिया सङ्गहो इच्छितो, एवं इधापि अनभिज्झाअव्यापादसम्मादिट्ठिग्गहणेन अलोभादोसामोहवसेन पवत्ता अगारियस्स सम्मापटिपत्ति सङ्गहिताति दट्ठब्बं, न कम्मपथप्पत्तावाति । मनुस्समहन्तन्ति जातिरूपभोगाधिपतेय्यादिवसेन मनुस्सेसु महन्तभावं । दसहि ठानेहि अज्जेसं देवानं अभिभवो देवमहन्तता । पटिपत्ति सुगतिया भाजियमानता

“अनागामिमगं भावेती”ति तथा अनागामिभावनं पापेत्वा ठपिता । गहितगहणेन सुखानुभवद्वानस्स अधिपेतत्ता तदभावतो असज्जिभवं अनादियन्तो “दससु वा ब्रह्मभवनेसू”तिआदिमाह ।

७१. सकभण्डे छन्दरागो अभिज्झायनट्टेन अभिज्झा, अभिज्झायनाति अत्थो । परभण्डे छन्दरागो विसमं लुब्धतीति विसमलोभो । एवमपि अभिज्झाविसमलोभानं विसेसो होतीति दस्सेन्तो “अथ वा”तिआदिमाह । तत्थ अत्तनो सन्तकं तंसदिसञ्च युत्तट्टानं । यं याचितं, अप्पकसिरेन वा सक्का लब्धं, तं पत्तट्टानं । परदारगरुदाराति अयुत्तट्टानं । यं अपत्थनियं, यस्स वा पत्थनाय ब्यसनं आपज्जति, तं अप्पत्तट्टानं । थेरोति महासङ्गरक्खितत्थेरो, येन अट्टकथा पोत्थकं आरोपिता । सो हि अन्तेवासिकेसु साकच्छन्तेसु एवमाह । सोपि इमस्मिंयेव सुत्ते विनिब्भोगो न लब्धति चित्तसंकिलेसस्स अधिपेतत्ता । तेनाह “युत्ते वा”तिआदि । अयोनिमोमनसिकारवसेन उप्पज्जनतो सम्पत्ति आयतिञ्च दुक्खस्सेव उप्पादनतो न कोचि लोभो अविसमो नाम । अभिज्झायनट्टेनाति यस्स कस्सचि आरम्भणस्स युत्तस्स अयुत्तस्स अप्पत्तस्स च अभिज्झायनवसेन अभिपत्थनावसेन च पवत्ता तण्हा अभिज्झाति लोभतो निब्बिसेसन्ति दस्सेति । तेनाह “एकत्थमेतं व्यञ्जनमेव नान”न्ति । दूसेतीति सभावसन्तं असंकिलेसं विनासेति अविबुद्धं करोति । तेनाह “ओभासितुं न देती”ति । “इमे सत्ता उच्छिज्जन्तु विनस्सन्तू”ति सत्तेसु ब्यापज्जनाकारप्पवत्तिया ब्यापादो नवविधआघातवत्थुसम्भवो वुत्तो । कोधो पन सङ्घारेसुपि पवत्तनतो दसविधआघातवत्थुसम्भवो वुत्तो । उभयमपि पटिघमेव, पवत्तनानत्ततो भिन्दित्वा वुत्तो । कुज्जनवसेनेव चित्तपरियोनन्धनो “अक्कोच्छि मं अवधि म”न्तिआदिना ।

सुट्ठु कतं करणं सुकतं, तस्स पुब्बकारितालक्खणस्स गुणस्स विनासनो उदकपुञ्छनिया विय सरीरानुगतं उदकं पुञ्छन्तो मक्खो । तथा हि सो परेसं गुणानं मक्खनट्टेन “मक्खो”ति वुच्चति । इदानी अनगारियस्स वातिआदिना सङ्घेपेन वुत्तत्थं वित्थारेन दस्सेतुं “अनगारियोपी”तिआदि वुत्तं । निसिन्नकथापरिकथादिवसेन धम्मस्स कथा धम्मकथानयो, एकत्तादिधम्मनीति एव वा । पकरणं सत्त पकरणानि, तत्थ कोसल्लं धम्मकथानयपकरणकोसल्लं । आदि-सट्ठेन विनयक्कमे चतूसु महानिकायेसु च कोसल्लं सङ्गहति । अचिक्कीकतोति चिक्कीकाररहितो । यथा चायन्ति इमिना यथायं मक्खो चित्तं दूसेति, एवं पळासोपि चित्तं दूसेति, तस्मा उपक्किलेसोति दस्सेति । अनियता गति नियामोक्कमनाभावतो । आदि-सट्ठेन “रत्तञ्जू चिरपब्बजिते पुगगले अज्झोत्थरित्वा ‘त्वमपि इमस्मिं सासने पब्बजितो, अहमपि पब्बजितो, त्वमपि सीलमत्ते ठितो अहम्पी’ति” एवमादीनं सङ्गहो । युगगाहगाहीति “तव वा मम वा को विसेसो”ति असमपि समं कत्वा समधुरगाहगणहनको । खीयना उसूयना । अत्तनो सम्पत्तिया निगूहनं तस्स परेहि साधारणभावासहनेन होतीति “परेहि साधारणभावं असहमानं”इच्चेव वुत्तं । कारणे हि गहिते फलमपि गहितमेव होतीति । अज्जथा अत्तनो पवेदनकपुगगलो केराटिको, “नेकतिकवाणिजो”तिपि वदन्ति । सप्पमुखा मच्छवाला एका मच्छजाति आयतनमच्छो । तेनाह “आयतनमच्छो नामा”तिआदि । बद्धचरोति अन्तेवासी ।

सब्बसो अमद्वितसभावेन वा तभरितभत्तसदिसस्स थद्धभावस्स अनोनमितदण्डसदिसताय पग्गहितसिरअनिवातवुत्तिकारस्स च करणतो वा तभरित...पे०... करणो । तदुत्तरिकरणोति यं येन कतं दुच्चरितं वा सुचरितं वा, तदुत्तरि, तस्स द्विगुणं वा करणो । अत्तनो मण्डनादिअत्थं परेन कतं अलङ्कारादिं । परियापुणाति वा कथेति वा अत्तनो बलानुरूपं । कामं निकायद्वयगगहणादिवसेन पवत्तो सेवितब्बमानो एव, तथापिस्स संकिलेसपक्खत्ता वुत्तं “मानं अनिस्साया”ति ।

उण्णतिवसेनाति “सेय्योहमस्मी”तिआदिना चित्तस्स पग्गहणवसेन । पुब्बे केनचि अत्तानं सदिसं कत्वा पच्छा ततो

अधिकतो दहनतो उप्पज्जनको अतिमानो । मदग्गहणाकारो जातिआदिं पटिच्च मज्जनाकारो, सोपि अत्थतो मानो एव । पमादो तथापवत्तो चित्तुप्पादो ।

तस्मा लोभमादिं कत्वा दस्सेतीति लोभस्स आदितो गहणे कारणं विभावेतुकामो पुच्छति । पठमुप्पत्तितोति तत्थ भवे सब्बपठमं उप्पज्जनतो । सत्तानज्झि यथाधिगतं ज्ञानादिविसेसं आरब्भ पच्चवेक्खणा विय यथालब्धं उपपत्तिभवं आरब्भ निकन्ति एव । तेनाह “सब्बसत्तान”न्तिआदि । यथासम्भवं इतरेति इतरे ब्यापादादयो यथापच्चयं उप्पज्जन्ति, लोभस्स विय आदितो असुकस्स अनन्तरं असुकोति वा न नेसं नियमो अत्थीति अत्थो । किं पन एते सोळसेव चित्तस्स उपक्विकलेसा, उदाहु अज्जेपि सन्तीति अनुयोगं सन्धाय अज्जेपि सन्तीति दस्सेन्तो “न च एते”तिआदिमाह । यदि एवं कस्मा एतका एव इध वुत्ताति । नयदस्सनवसेनाति दस्सेन्तो आह “एतेन पन... पे०... वेदितब्बा”ति । तेन थिनमिद्धउद्धच्चकुक्कुच्च-विचिकिच्छा-अत्तुक्कंसन-परवब्भनछम्भितत्ता- भीरुकता-अहिरिकानोत्तप्प-अत्तिच्छता-पापिच्छता-महिच्छतादयो सङ्गहिताति वेदितब्बं ।

७२. संकिलेसं दस्सेत्वाति संकिलिट्ठवत्तनिदस्सनेन सङ्खेपेन वुत्तं संकिलेसं विभागेन दस्सेत्वा । वोदानं दस्सेन्तोति एत्थापि एसेव नयो । एवं जानित्वाति “अभिज्झा विसमलोभो एकन्तेनेव चित्तस्स उप्पक्विकलेसो”ति सभावतो समुदयतो निरोधतो निरोधूपायतो च पुब्बभागपज्जाय चेव हेट्ठिमग्गद्वयपज्जाय च जानित्वा । पज्जहतीति एत्थ अच्चन्तप्पहानमेव अधिप्पेतन्ति दस्सेन्तो “समुच्छेदप्पहानवसेन अरियमग्गेन पज्जहती”ति आह । अरियमग्गेनाति अनागामिमग्गेन । तेन हि पहानं इध सब्बवारेसु अधिप्पेतं । किलेसपटिपाटि इध किलेसानं देसनाक्कमो । मग्गपटिपाटिपन चतुन्नं अरियमग्गानं देसनाक्कमोपि ताय देसनाय पटिपज्जनक्कमोपि ताय पटिपत्तिया उप्पत्तिक्कमोपि । तत्थ ये ये किलेसा येन येन मग्गेन पहीयन्ति, मग्गपटिपाटिं अनोलोकेत्वा तेसं तेसं किलेसानं तेन तेन मग्गेन पहानदस्सनं किलेसपटिपाटि न किलेसानं उप्पत्तिक्कमो इध देसनाक्कमो चाति दस्सेन्तो “अभिज्झा विसमलोभो”तिआदिमाह । येन येन पन मग्गेन ये ये किलेसा पहीयन्ति मग्गानुपुब्बिया, तेन तेन मग्गेन तेसं तेसं किलेसानं पहानदस्सनं मग्गपटिपाटिया पहानदस्सनन्ति दस्सेन्तो “सोतापत्तिमग्गेना”तिआदिमाह ।

इमस्मिं पन ठानेति “स खो सो, भिक्खवे, भिक्खू”तिआदिना आगतो इमस्मिं पहानवारे । इमे किलेसाति इमे यथावुत्ता किलेसा । सोतापत्तिमग्गवज्झा वा होन्तु सेसमग्गवज्झा वाहेट्ठा दस्सितमग्गपटिपाटिवसेन । तत्थ पन ये ततियमग्गवज्झा, तेसं अनागामिमग्गेनेव पहाने वत्तब्बं नत्थि, येसं पनेत्थ हेट्ठिमग्गवज्झानं इध सङ्गहे कारणं पच्छा वत्तुकामेन अग्गमग्गवज्झानं अनादियित्वा कस्मा ततियमग्गवज्झानमेव गहणं कतन्ति आह “अयमेत्थ पवेणिमग्गागतो सम्भवो”ति, अयं इमस्स सुत्तस्स एतस्मिं ठाने आचरियपवेणिया कथामग्गो ततो आगतो अत्थसम्भवो अत्थतत्त्वन्ति अत्थो । तत्थ हेट्ठिमग्गवज्झानं इध सङ्गहे कारणं पच्छा वत्तुकामो अग्गमग्गवज्झानं अग्गहणे युत्तिं दस्सेन्तो “सो चा”तिआदिमाह । तेनाति चतुत्थमग्गेन । सेसानन्ति ब्यापादादीनं । येपीति मक्खादिके सन्धायहाह । तंसमुट्ठापकचित्तानन्ति तेसं मक्खादीनं समुट्ठापकचित्तुप्पादानं । तत्थ मक्ख-पळास-इस्सा-मच्छरिय-समुट्ठापकं पटिघद्वयचित्तं, विसेसतो पच्चकामगुणलोभेन सठो मायावी च होति, पच्चकामगुणिकरागो च अनागामिमग्गेनेव निरवसेसतो पहीयति, तस्मा वुत्तं “तंसमुट्ठापकचित्तानं अप्पहीनत्ता”ति । तेषि सुप्पहीना होन्तीति सम्बन्धो । तन्ति पठममग्गेनेव पहानं पुब्बापरेन न सन्धियति “यथोधि खो”ति एत्थ ओधिवचनस्स मग्गतयवाचकत्ता । रतनत्तये अवेच्चप्पसादो नाम अरियकन्तसीलं विय सोतापन्नस्स अङ्गानि, ते च पहानतो पच्छा निहिट्ठा, तस्मा इध वुत्तप्पहानं विक्खम्भनपहानमेवाति केचि वदन्ति । तेसं इच्छामत्तमेव यथावुत्तपहानस्सेव वसेन अवेच्चप्पसादानं ओधिसो पहानस्स विभावितत्ता, स्वायमत्थो हेट्ठा युत्तितोपि

पकासितोयेव ।

७४. एकमेकेन पदेन योजेतब्बं, यतो एकमेकस्सपि उपक्किलेसस्स सभावादितो दस्सन् नित्थानमुखं होति, तथा चेव हेट्ठा संवण्णितं । अनागामिमग्गवसेन पहानं वत्वा पसादस्स उद्धटत्ता वुत्तं “अनागामिमग्गेन लोक्कत्तरप्पसादो आगतो”ति । यदि एवं कस्मा “लोकियो उप्पज्जती”ति वुत्तन्ति? “इतिपि सो भगवा”ति आदिनयप्पवत्तस्स लोकियत्ता । निब्बानारम्मणो एव हि लोक्कत्तरो पसादो । “इतिपि सो भगवा”ति आदिवचनेन लोकियं, अवेच्चप्पसादवचनेन लोक्कत्तरन्ति लोकियलोक्कत्तरमिस्सकं पसादं दस्सेन्तो । अवेच्च रतनत्तयगुणे याथावतो जत्वा पसादो अवेच्चप्पसादो । सो पन यस्मा मग्गेनागतत्ता केनचि अकम्पनियो अप्पधंसियो च होति, तस्मा वुत्तं “अचलेन अच्युतेना”ति । तत्थ लोक्कत्तरो सब्बसो बुद्धगुणादीसु सम्मोहं विद्धंसेन्तो तत्थ किच्चतो पवत्तति, इतरो आरम्मणवसेन ते आरम्भ । तं विधिन्ति तं तस्स उप्पन्नप्पकारं । अनुस्सतिट्ठानानीति अनुस्सतिकम्मट्ठानानि ।

७५. सोमनस्सादीति आदि-सद्देन जाणादीनि सङ्गहति । चोरानं अभिण्हं सञ्चरणट्ठानताय पच्चन्तग्गहणं । पच्चवेक्खतोति “असुकस्मिञ्च ठाने इमे चिमे चोरा एवञ्च एवञ्च विनासिता”ति पच्चवेक्खतो रज्जो विय ।

यो यो ओधि यथोधि । यथा-सद्दो ब्यापनिच्छायं, खो सद्दो अवधारणेति दस्सेन्तो “सकसकओधिवसेन चत्तमेव होती”ति आदिमाह । तेन “वन्त”न्ति आदीसुपि अवधारेतब्बन्ति दस्सेति । सकसकओधिवसेनाति सङ्खेपतो वुत्तमत्थं विवरितुं “द्वे ओधी”ति आदि आरब्धं । तत्थ यंमग्गवज्झाति येन मग्गेन अनवसेसतो पहातब्बा । अनवसेसप्पहानवसेन हि तंतंमग्गवज्झानं किलेसानं तदज्जमग्गवज्झेहि असम्मिस्सता, अज्जथा ये सकसकओधिवसेन उपरिमग्गवज्झा, ते हेट्ठिमग्गेहि पहीनापायगमनीयादिसभावा एव तेहि पहीयन्तीति पहानवसेन सम्मिस्सा सियुं । तेन तेयेव पहीना होन्तीति एत्थापि एसेव नयो । तत्तुत्तरिपीति ततो पहाननिमित्तसोमनस्सुप्पत्तितो उद्धम्पि । पटिपक्खेसु ओधिसो पवत्तिकिच्चत्ता ओधीति हेट्ठा तयो मग्गा वुच्चन्ति । ते हीति आदि वुत्तस्सेवत्थस्स विवरणं । इमस्स भिक्खुनोति अनागामिं सन्धायाह । तेन वुत्तं “हेट्ठामग्गतयेन चत्त”न्ति ।

केचि चत्तम्पि गणहन्ति, नयिदमेवन्ति दस्सनत्थं “वन्त”न्ति वुत्तं । न हि यं येन वन्तं, सो पुन तं आदियति । तेनाह “अनादियनभावदस्सनवसेना”ति । वन्तम्पि किञ्चि ससन्ततिलगं सिया, नयिदमेवन्ति दस्सनत्थं “मुत्त”न्ति वुत्तं । तेनाह “सन्ततितो विनिमोचनवसेना”ति । मुत्तम्पि किञ्चि मुत्तबन्धना विय फलं कुहिञ्चि तिट्ठति, न एवमिदन्ति दस्सनत्थं “पहीन”न्ति वुत्तं । तेनाह “क्वचि अनवट्ठानदस्सनवसेना”ति । यथा किञ्चि दुन्निस्सट्ठं पुन आदाय सम्मदेव निस्सट्ठं पटिनिस्सट्ठन्ति वुच्चति, एवं विपस्सनाय निस्सट्ठं आदिन्नसदिसं मग्गेन पहीनं पटिनिस्सट्ठं नाम होतीति दस्सनत्थं “पटिनिस्सट्ठ”न्ति वुत्तं । तेनाह “आदिन्नपुब्बस्स पटिनिस्सग्गदस्सनवसेना”ति । न कापुरिसेन विय परम्मुखेन निस्सट्ठं, अथ खो अभिमुखेनेव निस्सट्ठन्ति दस्सनत्थं “पटिनिस्सट्ठ”न्ति वुत्तं । तेनाह “पटिमुखं वा”ति आदि । उपगन्तब्बतोति अत्तनो हितसुखं पच्चासीसन्तेन एकन्तेन अधिगन्तब्बतो । धारणतोति तंसमङ्गीनं अपायपाततो सन्धारणेन । गन्थो “वेदो”ति वुच्चति “विदन्ति एतेना”ति, वेदेहि जाणेहि गतो पटिपन्नोति वेदगू । अभिजज्जाति जानेय्य । वेदजाताति उप्पन्नसोमनस्सा । जाणं “वेदो”ति वुच्चति “वेदितब्बं वेदेती”ति । सोमनस्सं “वेदो”ति वुच्चति आरम्मणरसं विन्दति अनुभवतीति ।

उप्पन्नन्ति अवेच्चप्पसादं निस्साय उप्पन्नं । वुत्तप्पकारमेव वेदन्ति “सोमनस्सं सोमनस्समयजाणज्वा”ति एवं वुत्तप्पकारमेव । अत्थवेदन्ति अत्थे हेतुफले वेदं । धम्मवेदन्ति धम्मे हेतुम्हि वेदं । तेनाह “अवेच्चप्पसादस्स

हेतु'न्तिआदि। इध धम्मत्थसद्दा हेतुफलपरियायाति इममत्थं पाळिया एव दस्सेतुं “वुत्तज्जेत”न्तिआदि वुत्तं। तमेव अत्थञ्च धम्मञ्चाति अत्थो धम्मोति च वुत्तं अवेच्चप्पसादनिमित्तं यथावुत्तं किलेसप्पहानञ्च। अत्थधम्मानिसंसभूतं वेदन्ति यथावुत्तअत्थधम्मानिसंसभूतं सोमनस्समयजाणसङ्घातं वेदञ्च। पामोज्जन्ति तरुणपीतिं आह। पच्चवेक्खणाकारप्पवत्तेनाति एतेन पच्चवेक्खणा एवेत्थ अनवज्जसभावताय धम्मोति वुत्तोति दट्ठब्बं। पीति जायतीति परप्पच्चयं बलवपीतिमाह। पीणितमनस्साति पस्सद्दिआवहेहि उळारेहि पीतिवेगेहि तित्तचित्तस्स। कायोति नामकायो। वूपसन्तदरथोति किलेसपरिळाहानं दूरीभावेन सुट्ठु उपसन्तदरथो। पच्चवेक्खणहेतुकं चित्तस्स समाधानं इध अधिप्पेतन्ति आह “अप्पितं विय अचलं तिट्ठती”ति।

७६. कामं “बुद्धे अवेच्चप्पसादेन समन्नागतोमिहि, धम्मे सङ्गे अवेच्चप्पसादेन समन्नागतोमिहि”ति इदम्पि तस्सा पच्चवेक्खणाय पवत्तिआकारपकासनमेव, इदं पन विसेसतो रतनत्तये उप्पन्नसोमनस्सादिप्पकासनपदं। “यथोधि खो पना”ति इदम्पि सविसेसं पच्चवेक्खणाकारप्पकासनपदन्ति अधिप्पायेन “इदानि यथोधि...पे... पकासेत्वा”ति वुत्तं। चत्तारोपि पन वारा पच्चवेक्खणाकारप्पकासनवसेन चेव सोमनस्सादिआनिसंसदस्सनवसेन च वुत्ताति सक्का विज्जातुं उभयत्थापि उभयस्स वुत्तत्ता। यदिपि अरियमग्गो एकचित्तक्खणिको न पुन उप्पज्जति, पटिपक्खस्स पन तेन सुप्पहीनत्ता तंसमङ्गी अपरिहानधम्मो तंसीलादिभावेनेव वुच्चतीति आह “तस्स अनागामिमग्गसम्पयुत्तं सीलक्खन्धं दस्सेती”तिआदि। “एवंधम्मा ते भगवन्तो अहेसु”न्तिआदीसु (दी० नि० २.१३; म० नि० ३.१९७-१९८; सं० नि० ५.३७८) विय इध धम्म-सद्दो समाधिपरियायोति आह “समाधिक्खन्धं पज्जाक्खन्धञ्च दस्सेती”ति। तथा हि सो सम्पयुत्तधम्मे एकारम्मणे अविक्खिपमाने अविप्पकिण्णे अविषटे कत्वा समं, सम्मा च आदहन्तो तथा ते धारेतीति च वत्तब्बतं अरहतीति धम्मोति च वुच्चति। अनेकरूपानन्ति अनेकप्पकारानं। अन्तरायो नाम अप्पटिलद्धस्स वा अलब्भनवसेन, पटिलद्धस्स वा परिहानवसेन, तदुभयम्पि इध नत्थीति दस्सेन्तो “मग्गस्स वा”तिआदिमाह। नेवस्स तं होति अन्तरायायाति तस्स अनागामिनो पिण्डपातभोजनं नेव होति अन्तरायाय उक्कंसगताय पच्चवेक्खणाय पच्चवेक्खित्वा परिभुज्जनतो। तज्जस्सा उक्कंसगमनं हतपटिपक्खत्ताति दस्सेन्तो “मग्गेन विसुद्धचित्तत्ता”ति आह।

एत्थाति एतस्मिं अन्तरायाभावे। एतदेव विसुद्धचित्तमेव कारणं। एत्थ च “नेवस्स तं होति अन्तरायाया”ति इमिना हेट्ठा वुत्तप्पहानं अनागामिमग्गेनेवाति सिद्धं होति। अनागामिनो हि सब्बसो कामरागो पहीनो होति, रसतण्हाय अभावतो तादिसपिण्डपातपरिभोगो अग्गमग्गाधिगमे कथञ्चिपि अन्तरायाय न होतीति। “सेय्यथापि, भिक्खवे, वत्थ”न्ति वदन्तो भगवाआदिमिहि अत्तना उपनीतवत्थूपमं अनुसन्धेति। उदकस्स अच्छभावो पङ्कसेवालपणकादिमलाभावेन पसन्नताय, तब्बिपरियायतो बहलताति आह “अच्छन्ति विप्पसन्न”न्ति। वण्णनिभाय विगतसंकिलेसताय समुज्जलनं पभस्सरताय वत्थस्स, तं परियोदातन्ति वत्तब्बतं लभतीति आह “परियोदातं पभस्सरताया”ति। उक्कं बन्धेय्याति अङ्गारकपल्लं यथा दारुघटिकङ्गारादिकेन न भिज्जति, एवं तनुमत्तिकालेपादिना बन्धेय्य। मेघपटलतो वेरम्भवातधारासङ्घट्टनतो विज्जुता विय केवलं वातधारासङ्घट्टनजनिता पभा उक्कापभा, सा पन यस्मा द्विन्नं वातधारानं वेगसम्भूतसङ्घट्टनहेतुका, तस्मा कारणवसेन “वातवेगो उक्का”ति वुत्तं।

७७. यथानुसन्धिवसेनातिआदिमिहि उट्ठितदेसनाय अनुरूपा अनुसन्धि यथानुसन्धि, तस्सा वसेन। व्यतिरेकदस्सनं विय हि साधेतब्बस्स आदिमिहि उट्ठितदेसनाय पटिपक्खदस्सनम्पि अनुरूपदेसनाव सम्मदेव पतिट्ठापनभावतो, यथा तं आवत्तहारयोजनायं विसभागधम्मावत्तन्ति दट्ठब्बं। “यथानुसन्धिवसेन देसना आगता”ति सङ्केपतो वुत्तमत्थं वित्थारेन्तो तप्पसङ्गेन इतरेपि अनुसन्धी दस्सेतुं “तयो ही”तिआदिमाह। बहिद्धाति बाहिरेसु वत्थूसु। असति परितस्सनाति

तण्हादिद्विपरितस्सनाभावो । **विस्सज्जितसुत्तवसेना**ति “इध भिक्खु एकच्चस्सा”ति आदिना (म० नि० १.२४२) विस्सज्जितसुत्तवसेन । **येन धम्मेना**ति सीलादिवोदानधम्मेसु अक्खन्तियादिसंकिलेसधम्मेसु च येन येन धम्मेन । **छ अभिज्जा आगता**ति इमिना “अनुरूपधम्मवसेन वा”ति वुत्तविकप्पं दस्सेति, सेसेहि “पटिपक्खवसेन वा”ति वुत्तविकप्पं । अक्खन्तिया हि ककचूपमोवादो (म० नि० १.२२२) पटिपक्खो, तथा दिट्ठिया “नेतं मम, नेसोहमस्मि, न मेसो अत्ता”ति एवं पटिभागा सुज्जताकारेन । सेसद्वयेपि एसेव नयो । “चित्ते संकिलिद्धे दुग्गति पाटिकङ्का”ति (म० नि० १.७०) हेट्ठा किलेसदेसना आगता । **सब्बो**ति अनवसेसो । **सब्बाकारेना**ति आदीनवानिसंसपच्चवेक्खणपुग्गलदोसजाननादिना सब्बप्पकारेन ।

७८. “मेत्ता भावेतब्बा ब्यापादस्स पहानाया”ति आदिवचनतो (अ० नि० ९.१) मेत्तादयो ब्यापादविहेसारतिरागानं पटिपक्खा । यस्मा “सो अत्थी”ति आदिना भगवता अनागामिनो अग्गमग्गाधिगमनं चतुसच्चकम्मट्ठानं मत्थकं पापेत्वा कथितं, तस्मा तं दस्सेन्तो “**इदानीस्सा**”ति आदिमाह ।

**ब्रह्मविहारधम्मे**ति ब्रह्मविहारे चेव ब्रह्मविहारसहगतधम्मे च । तेनाह “**नामवसेना**”ति । ववत्थपेत्वाति आनेत्वा सम्बन्धितब्बं । नामन्तिपि हि ईदिसेसु ठानेसु चत्तारो अरूपिनो खन्धा वुच्चन्ति । **इमिना नयेना**ति एतेन भूतनिस्सितानं सेसुपादायधम्मानं सब्बेसम्पि पहातब्बतण्हावज्जानं तेभूमकधम्मानं परिग्गहविधिं उल्लिङ्गेति । सभावतो विज्जमानं तं अत्तपच्चक्खं कत्वा जाणेन याथावतो पटिविज्झियमानतं उपादाय “अत्थि इद”न्ति यथाववत्थापितं नामरूपं । तेनेवाह “**एत्तावतानेन दुक्खसच्चववत्थानं कतं होती**”ति । सावधारणज्वेतं वचनं, लोकसमज्जासिद्धं सत्तइत्थिपुरिसादि विय, इतो बाहिरकपरिकप्पितं पकतिआदि द्रव्यादि जीवादि कायादि विय च न परमत्थतो नत्थि, अत्थेवाति वुत्तं होति । **पजानाती**ति पुब्बभागे ताव लक्खणरसादिवसेन चेव पटिग्गहविभागवसेन च पकारतो जानाति, अपरभागे पन परिज्जाभिसमयवसेन पटिविज्झन्तो जानाति । एकन्तहीना नाम अकुसलधम्मा सम्पति आयतिज्च दुक्खमूलत्ता, तत्थापि विसेसतो तण्हाति आह “**दुक्खस्स समुदयं पटिविज्झन्तो अत्थि हीनन्ति पजानाती**”ति । अत्तनो पच्चयेहि पधानभावं नीतत्ता पणीतन्ति इमिना अत्थेन अरियमग्गोव “पणीत”न्ति वुच्चतीति आह “**पहानुपायं विचिनन्तो अत्थि पणीतन्ति पजानाती**”ति । “उत्तमट्ठेन च पणीत”न्ति वुच्चमाने निरोधसच्चस्सपि सङ्गहो सिया, तस्स पन पदन्तरेन सङ्गहितत्ता वुत्तनयेनेवेत्थ अत्थो वेदितब्बो । अप्पमज्जामुखेन विपस्सनाभिनिवेसस्सेव कतत्ता “**ब्रह्मविहारसज्जागतस्सा**”ति वुत्तं । “सब्बस्सपि तेभूमकस्स सज्जागतस्सा”ति वत्तुं वट्ठतियेव । न चेत्थ असङ्गहो तस्सापि सज्जाय आगतभावतो । लोकं उत्तरित्वा समतिक्कमित्वा निस्सरित्वा विसंयुत्तं हुत्वा ठितत्ता वुत्तं “**उत्तरि निस्सरणं निब्बानं**”न्ति ।

**चतूहि आकारेही**ति “अत्थि हीन”न्ति आदीहि चतूहि पकारेहि । अन्वयजाणताय अनुबोधभूताय विपस्सनापज्जाय जाननत्थो धम्मजाणताय पटिवेधभूताय मग्गपज्जाय दस्सनत्थो सभावसिद्धोति दस्सेन्तो “**विपस्सनापज्जाय चत्तारि सच्चानि जाननतो मग्गपज्जाय पस्सतो**”ति वुत्तं । **भयभेरवे वुत्तनयेनेवा**ति भयभेरवसुत्तवण्णनायं अत्तना वुत्तअत्थवचनत्थपाठेन इध पाठस्स सदिसत्ता अतिदिसन्तो “**कामासवापि...पे०... पजानाती**”ति आह । एत्थ च यस्मा “कामासवापि चित्तं विमुच्चति...पे०... अविज्जासवापि चित्तं विमुच्चती”ति “**खीणा जाती**”ति आदीनि वदता भगवता चतुत्थमग्गो निद्विद्धो, तस्मा यं हेट्ठा **अट्ठकथायं** वुत्तं “सो च उपरि चतुत्थमग्गस्सेव निद्विद्धत्ता युज्जती”ति, तं सुवुत्तमेवाति दट्ठब्बं ।

तस्स **चोदनत्थाया**ति तस्स ब्राह्मणस्स भगवा अत्तनो चोदनत्थाय “पुच्छ मं त्वं ब्राह्मण यदेत्थ तया

मनसाभिसमीहित”न्ति चोदनाय, ओकासदानत्थायाति अधिप्पायो। देसनासन्निस्सयो ब्राह्मणस्स तथारूपो एत्थ अज्झासयोपि नत्थीति यथावुत्तअनुसन्धित्तयविनिमुत्तत्ता “**पाटियेक्कं अनुसन्धिं आहा**”ति वुत्तं। चित्तगतत्ता **अब्भन्तरेन। किलेसवुट्टानसिनानेनाति** किलेसमलपवाहनेन रागपरिळाहादिवूपसमकरेन च अट्ठङ्गिकअरियमग्गसलिलसिनानेन।

**७९. धम्मसभामण्डपं** तावदेव उपगतत्ता बाहुका नदितो **आगतं विय मज्जमानो**। अरियफलमदनचुण्णादयो तेलसिनेहस्स विवेचनेन। लूखभावो लोकं, तं एतस्सा अत्थीति लोकाति सम्मता। **लोक्खसम्मत्तगहणेन** “तथा सा नदी लोके पाकटा”ति एवं पवत्तं अत्तनो मिच्छागाहं दीपेति। तेनाह “**विसुद्धभावं देतीति एवं सम्मता**”ति। पापपवाहनेन सम्परायिकादिसम्पत्तिआवहतो लोकस्स हिता **लोक्या**। लोक्याति सम्मताति सब्बं पुरिमसदिसं। तेनाह “**सेट्ठं लोकं गमयतीति एवं सम्मता**”ति। **पुज्जसम्मताति** पुज्जभवफलनिब्बत्तनेन सत्तानं पुननेन विसोधनेन पुज्जाति सम्मता। तदत्थदीपनत्थमेवाति तस्सा पुब्बे आगतदेसनाय अत्थदीपनत्थमेव। वुत्तस्सेवत्थस्स पुन दीपनं किमत्थियन्ति आह “**गाथारुचिकान**”न्ति। चुण्णिकवचनं असम्भावेन्ता तथा च वुत्ते अत्थमबुज्जनका पज्जवचनं सम्भावेन्ता तथा च वुत्ते बुज्जनका गाथारुचिका। **विसेसत्थदीपनत्थन्ति** विसिट्ठदीपनत्थं, पुरिमदेसनाय अज्जदीपनत्थन्ति अत्थो।

“गच्छति पन भवं गोतमो बाहुकं नदिं सिनायितु”न्ति (म० नि० १.७८) हेट्ठा वुत्तत्ता **बाहुकन्ति इदमेव एत्थ तदत्थदीपकं। सेसानि** अधिकक्कादिवचनानि ततो विसिट्ठस्स अत्थस्स बोधनतो **विसेसत्थदीपकानि**। कस्मा पनेत्थ भगवता ब्राह्मणेन अवुत्तानि अधिकक्कादीनि गहितानीति आह “**यथेव ही**”तिआदि। कक्कन्ति न्हानपिण्डं अधिप्पेतं, न्हयित्वा अधिकं कक्कं एत्थ गणहन्तीति **अधिकक्कं**। तेनाह “**न्हानसम्भारवसेना**”तिआदि। **मण्डलवापिसण्ठानन्ति** वट्टपोक्खरणीसण्ठानं। **नदियोति** विसुं नदियो, न अधिकक्कादीनि विय तित्थमत्तं।

**तीहि पदेहीति** सुन्दरिकापयागबाहुकापदेहि। **चत्तारीति** अधिकक्कादीनि चत्तारि। **वुत्तानेव होन्तीति** लोकसम्मतालक्खणेन एकलक्खणता ब्राह्मणस्स अधिप्पायेन, परमत्थतो पन पापपवाहलक्खणेन एकलक्खणत्ता। तेनाह “**तस्मा**”तिआदि। **किञ्चि पापसुद्धिं न करोन्तियेव। न हि नं सोधयेति** नं पुगलं न सोधये। **वेरकिब्बिसभावं अप्पत्ता** नाम कम्मपथभावं अप्पत्ता। तेनाह “**खुद्दकेही**”ति।

**पटिहनन्तोति** अयुत्तभावदस्सनेन तं दिट्ठिं पटिबाहन्तो। तत्थायं पटिबाहनविधि यथा यं किञ्चि उदकोरोहनं न पापपवाहनं, एवं यो कोचि नक्खत्तयोगो पापहेतूनं पटिपक्खाभावतो। यज्झि विनासेति, सो तस्स पटिपक्खो। यथा आलोको अन्धकारस्स विज्जा च अविज्जाय, न एवं उदकोरोहनं नक्खत्तयोगो वा पापहेतूनं लोभादीनं पटिपक्खो, तस्मा निट्ठमेत्थ गन्तब्बं “**न उदकोरोहनादि पापपवाहन**”न्ति। **निच्चं फग्गुनीनक्खत्तन्ति** सुद्धसीलादिकस्स सब्बकालं मङ्गलदिवसो एवाति अधिप्पायो। **इतरोति** सीलादिवसेन असुद्धो। **निच्चमेव उपोसथो** अरियुपोसथेन उपवुत्थभावतो। **सुद्धस्साति** परिसुद्धमनोसमाचारस्स। **सुचिकम्मस्साति** परिसुद्धकायवचीसमाचारस्स। तेनाह “**निक्किलेसताया**”तिआदि। **कुसलूपसज्झितन्ति** अनवज्जभाववूपगतं। **वतसमादानन्ति** धुतधम्मसमादानादि **सम्पन्नमेव होति**, नास्स विपत्ति अत्थीति अत्थो। **मम सासनेयेव सिनाहि**, यदि अच्चन्तमेव सुद्धिं इच्छसीति अधिप्पायो। तेनाह “**सचे**”तिआदि। **खेमतन्ति** खेमभावं। यथा सब्बभूतानि तपवसेन खेमप्पत्तानि अभयप्पत्तानि होन्ति, एवं करोहीति तं हेट्ठा दस्सितं मेत्तादिभावनं ब्राह्मणस्स सङ्खेपेन उपदिसन्तेनस्स एकच्चसमाधिसम्पदा तदविनाभाविनी पज्जासम्पदा च दस्सिताति दट्ठब्बं। तेनाह “**मनोद्वारसुद्धि दस्सिता**”ति।

तस्स पन सम्पदाद्वयस्स निस्सयभूतं सीलसम्पदं दस्सेतुं “सचे मुसा न भणसी”तिआदि वुत्तं। एत्थ च यथा “सचे मुसा न भणसी”तिआदिना मुसावाद-पाणातिपात-अदिन्नादान-पटिविरतिवचनेन अवसेसकायवचीदुच्चरितविरतीपि वुत्ता एव होति लक्खणहारनयेन, एवं “सद्दहानो अमच्छरी”ति सद्दादिधनसम्पदानियोजनेनेव अवसेसअरियधनसम्पदानियोजनम्पि सिद्धमेव होतीति सद्दादयो विमुत्तिपरिपाचनीयधम्मा ब्राह्मणस्स पकासिता एवाति वेदितब्बा। तेनेवाह “इमाय एव पटिपत्तिया किलेससुद्धी”ति। गया सम्मततरा बाहुकादीहिपीति अधिष्पायो।

८०. एकोति असहायो, एसा पनस्स असहायता एकीभावेनाति। न हिस्स ताव तण्हादुतियता विगता। तेनेवाह “न चिरस्सेवा”तिआदि। एकग्गहणेनेव कायेन वूपकट्टता वुत्ताति आह “वूपकट्टो चित्तविवेकेना”ति। तेन “दिवा चङ्कमेन निसज्जाया”तिआदिना (म० नि० १.४२३; ३.७५; विभ० ५१९; महानि० १६१) आगतं जागरियानुयोगमाह। तथाभूतस्स चस्स एकादसहि अग्गीहि आदिस्ते तयो भवे पस्सतो यथा पमादस्स लेसोपि नाहोसि, एवं कम्मट्ठानं ब्रूहेन्तो सम्मदेव पदहति। कत्थचि सङ्खारगते अनपेक्खचित्तो निब्बानाधिमुत्तो एव विहासीति दस्सेतुं “अप्पमत्तो”तिआदि वुत्तं। खीणा जातीतिआदीसु यं वत्तब्बं, तं हेट्ठा वुत्तमेव। सेसं सुविज्जेय्यमेव।

वत्थसुत्तवण्णनाय लीनत्थप्पकासना समत्ता।

## ८. सल्लेखसुत्तवण्णना

८१. “चुन्दो”ति तस्स महाथेरस्स नामं, पूजावसेन पन महाचुन्दोति वुच्चति यथा “महामोगल्लानो”ति। अत्तनो वा चुन्दं नाम भागिनेय्यत्थेरं उपादाय आयस्मतो सारिपुत्तत्थेरस्स भाता अयं महाथेरो “महाचुन्दो”ति पज्जायित्थ यथा “महापन्थको”ति। सायन्हसमयन्ति भुम्मत्थे एकं उपयोगवचनन्ति आह “सायन्हकाले”ति। न हेत्थ अच्चन्त संयोगो सम्भवतीति। सत्तसङ्खारेहीति सद्भिविहारिकअन्तेवासिकउपासकादिसत्तेहि चेव रूपारम्मणादिसङ्खारेहि च। पटिनिवत्तित्वाति अपसक्कित्वा। निलीयनन्ति विवेचनं कायचित्तेहि ततो विवित्तता। एकीभावोति हि कायविवेकमाह, पविवेकोति चित्तविवेकं। ततो वुट्ठितोति ततो दुविधविवेकतो भवङ्गुप्पत्तिया, सब्रह्मचारीहि समागमेन च अपेतो। अभिवादापेत्वाति अभिवादं कारेत्वा। एवन्ति यथावुत्तअभिवादवसेन। पग्गयाति उन्नामेत्वा। अनुपच्छिन्नभवमूलानं ताव एवं अभिवादो होतु, उच्छिन्नभवमूलानं किमत्थियोति आह “एतं आचिण्णं तथागतान”न्ति। तेन न तथागता सम्परायिकंयेव सत्तानं सुखं आसीसन्ति, अथ खो दिट्ठधम्मिकम्पीति दट्ठब्बं। कस्मा एवं तथागता अभिवदन्तीति तत्थ कारणमाह “सुखकामा ही”तिआदि। पुथुकायाति बहू सत्तकाया। यक्खाति देवा। ते हि पूजनीयताय “यक्खा”ति वुच्चन्ति। अभिवदन्तीति आसीसितमेवत्थं जाणकरुणाहि अभिमुखं कत्वा वदन्ति।

याति अनियमतो गहिता नियमतो दस्सेन्तो “इमा”ति आह। इमाति च आसन्नपच्चक्खवचनन्ति आह “अभिमुखं करोन्तो विया”ति, तं तं दिट्ठिगतिकं चित्तगतं सम्मुखा विय करोन्तोति अत्थो। दिट्ठियोति पुरिमपदलोपेन पाळियं वुत्तन्ति दस्सेन्तो “मिच्छादिट्ठियो”ति आह। सत्तेसु दिट्ठिगतचित्तुप्पादेसु उप्पज्जमाना, सत्तेसु वा विसयभूतेसु आरब्भ उप्पज्जमाना “सत्तेसु पातुभवन्ती”ति वुत्ता। अत्तवादेनाति अत्तानं आरब्भ पवत्तेन वचनेन। पटिसंयुत्ताति “अत्थि अत्ता”ति गाहे गाहणे च विसयभावेन पटिसंयुत्ता। दिट्ठिगतिकेन दिट्ठिं गाहन्तेहि गहणे गाहापणे च दिट्ठि दिट्ठिवादस्स विसयोति तेन पटिसंयुत्ता नाम होति। “अत्थि अत्ता”ति एवं पवत्ता दिट्ठि इध अत्तवादपटिसंयुत्ता, न तस्सा विसयभूतो अत्ता। सा च विसयभावतो तथापवत्तेन वादेन पटिसंयुत्ता। लोकवादप्पटिसंयुत्ताति एत्थापि एसेव नयो। वीसति भवन्ति ततो परं अत्तवादवत्थुनो अभावा। पच्चपि हि उपादानक्खन्धे पच्चेकं “अत्ता”ति ते च अत्तनो निस्सयभावेन गणहतो एतासं दिट्ठिनं



सम्भवो, तब्बिनिमुत्तो पनायं विसयो अत्तग्गहणाकारो च नत्थीति । **सस्सतो अत्ता च लोको चाति** रूपादीसु अज्जतरं “अत्ता”ति, “लोको”ति वा गहेत्वा तं सस्सतो सब्बकालभावी निच्चो धुवोति । यथाह “रूपी अत्ता चेव लोको च सस्सतो चाति अत्तानज्ज लोकज्ज पज्जपेती”तिआदि । **सस्सतो**तिआदीसु पठमो सस्सतवादवसेन अत्तग्गाहो, दुतियो उच्छेदवादवसेन, ततियो एकच्चसस्सतवादवसेन, चतुत्थो तक्कीवादवसेन पवत्तो, अमराविकखेपवसेन वा पवत्तो अत्तग्गाहो । **अन्तवाति** अत्तनो परिच्छेदतावसेन । **अनन्तवाति** अपरिच्छेदतावसेन । **अन्तवा च अनन्तवा चाति** तदुभयवसेन, इतरो तक्कीवादवसेन पवत्तो अत्तग्गाहो । एवं पवत्तत्ता अट्ठु होन्तीति योजना ।

**आदिमेवाति** आदिमनसिकारमेव । तं पन सरूपतो दस्सेन्तो “**विपस्सनामिस्सकपठममनसिकारमेवा**”ति आह । **अप्पत्वापि सोतापत्तिमग्गन्ति** इमिना अवधारणेन निवत्तितं दस्सेति । नामरूपपरिच्छेदतो पभुति याव उदयब्बयदस्सनं, अयं इध आदिमनसिकारोति अधिप्पेतो पज्जाभावनाय आरम्भभावतो । उदयब्बयानुपस्सनासहितताय चस्स **विपस्सनामिस्सकता** वचनं । **एवन्ति** इमस्स अत्थवचनं “**एत्तकेनेव उपायेना**”ति, यथावुत्तआदिमनसिकारेनाति अत्थो । **एतासन्ति** यथावुत्तानं अत्तवादलोकवादपटिसंयुत्तानं दिट्ठीनं । कामज्ज तासं तेन तदङ्गवसेन पहानं होतियेव, तं पन नाधिप्पेतं, तस्मा समुच्छेदवसेन पहानं पटिनिस्सग्गो च होतीति पुच्छति । सब्बसो समुच्छिन्नसंयोजनताय **अनधिमानिकोपि समानो** । “अरियधम्मो अधिगतो”ति मानो अधिमानो, सो येसं अत्थि ते **अधिमानिका**, तेसं उदयब्बयजाणाधिगमेन अधिमानुप्पत्ति तदवसानो च मनसिकारोति अधिप्पेतो । तेन दिट्ठीनं पहानं न होतीति कथापनत्थं अयं पुच्छति आह “**अधिमानप्पहानत्थं पुच्छती**”ति । “आदिमेव नु खो...पे... पटिनिस्सग्गो होती”ति अनभिसमेतावी विय वदन्तो अधिमाने ठितो विय होतीति आह “**अधिमानिको विय हुत्वा**”ति । **सोति** थेरो । **तेसं अत्थायाति** तेसं अत्तनो अन्तेवासिकानं भगवता एतस्स मिच्छागाहस्स विवेचनत्थाय । थेरो किर धम्मसेनापति विय सद्धिं अत्तनो अन्तेवासिकेहि भगवन्तं उपसङ्गमि ।

**८२. यत्थाति** विसये भुमं । दिट्ठीनज्जि आरम्मणनिदस्सनमेतन्ति । यस्मा दिट्ठीनं अनुसयनभूमिपि समुदाचरणट्टानम्पि खन्था एव, तस्मा आह “**यत्थ चेता दिट्ठियो उप्पज्जन्ती तिआदि पज्चक्खन्थे सन्धाय वुत्त**”न्ति । **रूपं अभिनिविस्साति** “इदं रूपं मम अत्ता”ति दिट्ठाभिनिवेसवसेन अभिनिविसित्वा आरम्भ । अभिनिविसमाना एव हि दिट्ठि नं आरम्मणं कत्वा उप्पज्जति । “**सो अत्ता**”तिआदीसु यदिदं चक्खादिसङ्गहं रूपं, सहबुद्धिनिबन्धनताय **सो मे अत्ता**, सुखासुखं एत्थ लोकियतीति **सो लोको** । “**सो**एवाहं **पेच्च** परलोके **भविस्सामीति** तथाभावेन **निच्चो**, थिरभावेन **धुवो**, सब्बदाभाविताय **सस्सतो**, निब्बिकारताय **अविपरिणामधम्मो**ति अत्थो । यदि पज्चक्खन्थे सन्धाय वुत्तं, कथमेकवचनन्ति आह “**आरम्मणवसेना**”तिआदि । नाना करीयति एतेनाति **नानाकरणं**, विसेसो । **जातिवसेनाति** उप्पत्तिवसेन । ये हि अनिब्बत्तपुब्बा समानावत्था, ते उप्पादसङ्घातविकारसमङ्गिताय उप्पज्जन्तीति समज्जं लभन्ति । तेनाह “**जातिवसेना**”तिआदि । **पुनप्पुनं आसेविताति** अनादिमति संसारे अपरापरुप्पत्तिया लब्धासेवना । एतेन किलेसानं भावनट्टेन अनुसयत्थं विसेसेति । **थामगताति** थामभावं उपगता । एतेन अनुसये सभावतो दस्सेति । **थामगमनन्ति** च कामरागादीनं अनज्जसाधारणो सभावो । तथा हि वुत्तं “**थामगतो अनुसये पजहती**”ति (पटि० म० ३.२१) । **अप्पटिविनीताति** समुच्छेदविनयवसेन न पटिविनीता । अप्पहीना हि थामगता किलेसा अनुसेन्तीति वुच्चन्ति । एतेन तेसं कारणलाभे सति उप्पज्जनारहतं दस्सेति । **समुदाचरन्तीति** अभिभवन्ति । एतेन तेसं वीतिक्कमप्पत्ततं दस्सेति । **उप्पज्जन्तीति** पन इमिनाव परियुट्टानावत्था दस्सिता ।

तं पज्चक्खन्थप्पभेदं आरम्मणन्ति यं तं “यत्थ चेता दिट्ठियो उप्पज्जन्ती”तिआदिना वुत्तं

रूपुपादानखन्धादिपञ्चकखन्धपभेदं दिट्ठीनं आरम्भणं । एतं मय्हं न होतीति एतं खन्धपञ्चकं मय्हं सन्तकं न होती मम किञ्चनपलिबोधभावेन गहेतब्बताय अभावतो । तेनस्स परमत्थतो तण्हावत्थुभावं पटिक्खिपति तावकालिकादिभावतो । अहम्पि एसो न अस्मीति एसो पञ्चकखन्धपभेदो अहम्पि न अस्मि, अहन्ति सो गहेतब्बो न होतीति अत्थो । एतेनस्स मानवत्थुभावं पटिक्खिपति अनिच्चदुक्खजेगुच्छादिभावतो । एसो मे अत्तापि न होती अत्तसभावस्स तत्थ अभावतो ममञ्चस्स किञ्चनपलिबोधभावेन गहेतब्बताय अभावतो ।

तण्हाव ममन्ति गण्हाति एतेनाति तण्हागाहो । तं गण्हन्तोति तं उप्पादेन्तो । तेनाह “तण्हापपञ्चं गण्हाती”ति । पपञ्चेति सन्तानं वित्थारेन्तो सत्ते संसारे चिरायतीति पपञ्चो । यथा वुत्तपभेदन्ति अट्टसततण्हाविचरितपभेदं । तण्हापपञ्चं पटिक्खिपति खन्धपञ्चकस्स तण्हावत्थुकाभावविभावनेनाति अधिप्पायो । परतो पदद्वयेपि एसेव नयो । दिट्ठेकट्ठाति दिट्ठिया पहानेकट्ठा । तेन तेसं पठममग्गवज्झतं दस्सेति । सहजेकट्ठा पन दिट्ठिया तण्हा एव, न मानो, सा च खो अपायगमनीया । यथा अत्थीति येन अनिच्चदुक्खासुभानत्ताकारेन अत्थि, तथा पस्सन्तो यथाभूतं पस्सति नाम । तेनाह “खन्धपञ्चकज्ही”तिआदि । एतेनेव आकारेनाति रूप्पनादिअनिच्चादिआकारेनेव । गय्हमानम्पि अप्पहीनविपल्लासेहि । तेनाकारेनाति “एतं मम”न्तिआदिआकारेन । नेवत्थि यथाभूतदस्सनविपल्लासानं तदभावतो । सुट्ठु पस्सन्तस्साति यथा पुन तथा न पस्सितब्बं, एवं सुट्ठु सातिसयं पस्सन्तस्स ।

न आदिमनसिकारेनेव दिट्ठिप्पहानं होती, अधिमानिकानं पन अधिमानमत्तमेतं दस्सनं । मग्गेनेव तं होतीति इममत्थं विभावेन्तो “सोतापत्तिमग्गेन दिट्ठिप्पहानं दस्सेत्वा”ति आह । विभजन्तोति अधिमानिकानं ज्ञानानि असल्लेखभावेन विभजन्तो । बालपुत्थुज्जनानं नेव उप्पज्जति अकारकभावतो । न अरियसावकानं पहीनाधिमानपच्चयत्ता । न अट्ठाननियोजको सप्पायकम्मट्ठानेयेव नियोजनतो ।

थेरो “यदत्थं सङ्गो पक्कोसति, सो अत्थो तत्थ वासीनं आगतागतानं इध इज्झती”ति तं उदिकखन्तो सङ्गेन यावततियं पहितोपि न गतो न अगारवेन । तेनाह “किमेत”न्तिआदि । पण्डितो हि तत्थ अत्तनो किच्चमेव करोतीति अज्जतरं वुट्ठपब्बजितं पाहेसि । किमेतन्ति सङ्गस्स आणाय अकरणं नाम किमेतन्ति करणे आदरं दीपेन्तो एवमाह । सट्ठिवस्सातीतोति अप्पत्ते पत्तसज्जी एव सट्ठिवस्सातीतो । यस्मा पेसला पेसलेहि सट्ठि संसन्दन्ति समानाधिमुत्तिताय, तस्मा थेरो “साधावुसो”ति वत्वा हत्थिमापनादिं सब्बं अकासि ।

तादिसोवाति अनन्तरं वुत्तत्थेरसदिसोव अप्पत्ते पत्तसज्जी एव सट्ठिवस्सातीतोति अत्थो । पदुमगुम्बन्ति कमलसण्डं । पासादं पाविसि विस्सट्ठं ओलोकनेनस्स पुत्थुज्जनभावो अत्तनाव पज्जायिस्सतीति । तिस्समहाविहारे किर थेरा भिक्खू तदा “सकचित्तं पसीदती”ति वचनं पूजेन्ता कालस्सेव चेतियङ्गणं सम्मज्जित्वा एत्तकारम्मणमेव बुद्धारम्मणपीति उप्पादेत्वा दिवसे दिवसे तथा करोन्ति । तेन वुत्तं “तस्मिञ्च समये”तिआदि । “धम्मदिन्न, इध पत्तचीवरं ठपेती”ति वत्तापि पटिसन्थारवसेन किञ्चि पुच्छितापि नाहोसि । गुणं जानातीति निमुज्जनादीसु विवरदानादिना गुणं जानाति विय । तुम्हे पन न जानित्थ आगन्तुकवत्तस्सपि अकरणतो । सत्थुआणाविलङ्घिनी कीदिसी सा सङ्गस्स कतिका? कतिका च नाम सिक्खापदाविरोधेन अनुवत्तेतब्बा, एत्तकम्पि अजानन्तोहि मे संवासो नत्थीति आकासे अब्भुक्कमि ।

यं तस्स एवमस्स सल्लेखेन विहरामीति यो “पठमज्झानं उपसम्पज्ज विहरेय्या”ति वुत्तो, तस्स भिक्खुनो यं “पठमज्झानसङ्घातं पटिपत्तिविधानं किलेसे सल्लेखति, तेन सल्लेखेन अहं विहरामी”ति अधिमानवसेन एवमस्स एवं भवेय्य ठानमेतं विज्जतीति एवमेत्थ सम्बन्धो वेदितब्बो । तं न युज्जतीति तं अधिमानिकस्स “यथाविभङ्गं पठमज्झानं

सल्लेखो”ति परिवितक्कितं न युज्जति युत्तं न होति । तेनाह “न ही”तिआदि । तत्थ सम्मा सब्बसो च किलेसे लिखतीति **सल्लेखो**, अरियमग्गो । तदुपायविपस्सना **सल्लेखपटिपदा** । यं पन ज्ञानं विपस्सनापादकं, तम्पि ज्ञानं परियायेन मग्गपादकं होतियेव । तेनाह “**अविपस्सनापादकत्ता**”तिआदि ।

**ज्ञानधम्मवसेना**ति वितक्कादिपञ्चकज्ज्ञानधम्मवसेन । चित्तुप्पादवसेन अनेकवारं पवत्तमानम्पि ज्ञानं एकावज्जनताय एकवीथिपरियापन्नत्ता एका समापत्ति एवाति “**पुनप्पुनं समापत्तिवसेना**”ति वुत्तं । चत्तारि अरूपज्ज्ञानानि यथासकं एकेकस्मिंयेव आरम्मणे पवत्तन्तीति आह “**आरम्मणभेदाभावतो**”ति ।  
**पुरिमकारणद्वयवसेनेवा**ति “ज्ञानधम्मवसेन, पुनप्पुनं समापत्तिवसेना”ति पुब्बे वुत्तप्पकारकारणद्वयवसेनेव ।

तेसं अरूपज्ज्ञानानं किलेसपरिळाहाभावेन **निब्बुतानि** अङ्गानि, भावनाविसेसवसेन **सुखुमानि** आरम्मणानि । **तस्मा तानीति** तेसं वसेन तानि ज्ञानानि सन्तानि, तस्मा “**सन्ता एते विहारा**”ति वुत्तं । **तेसं चतुन्नम्पीति** चतुन्नम्पि तेसं अरूपज्ज्ञानानं ।

**८३. सोति** अधिमानिको भिक्खु, अज्जो वा इतो बाहिरको तापसपरिब्बाजकादिको न हि सम्मसति । तत्थ अधिमानिको अप्पत्ते पत्तसज्जिताय न सम्मसति, इतरो अविसयताय । **यत्थाति** यस्मिं सल्लेखवत्थुस्मिं, अविहिंसकतादीहि **चतुचत्तालीसाय आकारेहि** ।

अट्ठ समापत्तियो नाम किलेसानं विक्खम्भनवसेन पवत्ता उत्तरुत्तरि सन्तपणीता धम्मा, न तथा लोकिया अविहिंसादयो । तत्थ कथं अविहिंसादयो एव सल्लेखभावेन वुत्ता, न इतराति इममत्थं विभावेन्तो चोदको “**कस्मा पना**”तिआदिमाह । इतरो कामं समापत्तियो सन्तपणीतसभावा, वट्टपादकताय पन किलेसानं सल्लेखपटिपदा न होन्ति, अविहिंसादयो पन विवट्टपादका सल्लेखपटिपदाति इममत्थं विभावेन्तो “**लोकुत्तरपादकत्ता**”तिआदिमाह । इमिनायेव अट्ठसमापत्तीहि अविहिंसादीनं विसेसदीपकेन सुत्तेन यथा महप्फलतरं होति, तं पकारजातं वेदितब्बं । इदज्झि दक्खिण्येयतरताय दक्खिणाय महप्फलतरतं सन्धाय वुत्तन्ति सम्बन्धो । ननु तत्थ “सोतापत्तिफलसच्छिकिरियाय पटिपन्नो”ति आगतं, न “सरणगतो”ति चोदनं सन्धयाह “**सरणगमनतो पट्टाया**”तिआदि । वुत्तज्जेतं **अट्ठकथायं** (म० नि० अट्ठ० ३.३७९) “हेट्ठिमकोटिया तिसरणं गतो उपासकोपि सोतापत्तिफलसच्छिकिरियाय पटिपन्नो नामा”ति । यो हि वट्टदुक्खं समतिक्कमितुकामो पसन्नचित्तो रतनत्तयं सरणं गच्छति, तस्स तं अधिसीलादीनं उपनिस्सयो हुत्वा अनुक्कमेन दस्सनमग्गाधिगमाय संवत्तेय्याति ।

**विहिंसादिवत्थुन्ति** यदेतं विहिंसादीनं वत्थुं वदाम, इमस्मिं विहिंसादिवत्थुस्मिं । **अन्तमिच्छादिट्ठिञ्च मिच्छत्तानं आदिमिच्छादिट्ठिञ्चाति** इदं देसनाक्कमं सन्धाय वुत्तं । **मिस्सेत्वाति** मिच्छादिट्ठिभावसामज्जेन एकज्झं कत्वा । **तथाति** इमिना यथा कम्मपथमिच्छत्तानं अन्ते आदिमि च वुत्तमिच्छादिट्ठिं मिस्सेत्वा एकज्झं वुत्तं, तथा तेसं अन्ते वुत्तसम्मादिट्ठीति इममत्थं उपसंहरति ।

**पाणन्ति** वोहारतो सत्तं, परमत्थतो जीवितिन्द्रियं । **अतिपातेन्ति** सरसेनेव पतनसभावं अतिच्च अन्तरा एव पातेन्ति, अतिक्कम्म वा सत्थादीहि अभिभवित्वा पातेन्ति । **अदिन्नन्ति** परसन्तकं । **आदियन्तीति** गणहन्ति । **सल्लेखतीति** समं लेखति, पजहतीति अत्थो । कम्मपथकथा एसाति “**अत्थभज्जनक**”न्ति वुत्तं । पियसुज्जकरणतो **पिसुणा**, पिसति परे सत्ते हिंसतीति वा **पिसुणा** । **फरुसाति** लूखा, निडुराति अत्थो । **निरत्थकन्ति** अत्थरहितं अत्तनो परेसज्ज हितविनिमुत्तं ।

मिच्छाति विपरीता निच्चादिवसेन पवत्तिया । पापिकाति लामिका । एकन्ताकुसलताय विञ्जूहि बुद्धादीहि गरहिता । नत्थि दिन्नन्ति आदिवत्थुकायाति दसवत्थुकमिच्छादिट्ठिमाह । नत्थिकभावाभिनिवेसनवसेन कम्मपथप्पत्तियेवस्सा कम्मपथपरियापन्नता । “रूपं अत्ता”तिआदिनयप्पवत्ता अत्तदिट्ठि मगन्तरायकरत्ता अनिय्यानिकदिट्ठि । अनिय्यानिकत्ता एव हिस्सा मिच्छत्तपरियापन्नता । सम्माति अविपरीता, ततो एव सोभना सुन्दरा, बुद्धादीहि पसत्थत्ता विञ्जुप्पसत्था । सेसमेत्थ मिच्छादिट्ठियं वुत्तनयेन वेदितब्बं ।

असुभादीसु सुभादिआकारगगणतो अयाथावअनिय्यानिका अयोनिस्सो उप्पत्तिया । अकुसलाति अयाथावाअनिय्यानिका अकुसला सङ्कप्पा । एस नयोति इमिना “अयाथावा अनिय्यानिका अकुसला वाचा”तिआदिना तत्थ तत्थ अयाथावादित्थं अतिदिसति । वाचाति चेतना अधिप्पेता, तथा कम्मन्ताजीवासति च । येभ्य्येन अतीतानुस्सरणवसेन पवत्तितो “अतीतं चिन्तयतो”ति वुत्तं । तथा हि लोके एवं वदन्ति “यं मे पहूतं धनं अहोसि, तं पमादवसेन पन बहुं खीण”न्ति । सतिपतिरूपकेनाति “चिरकतम्पि चिरभासितम्पि सरिता”ति एवं वुत्तसतुप्पत्तिपतिरूपकेन । उप्पत्तिन्ति चित्तुप्पत्तिं । तथापवत्तचित्तुप्पादो हि मिच्छासति । सा पन कोधवसेन वा “अक्कोच्छि मं अवधि म”न्तिआदिना (ध० प० ३) उपनय्हन्तस्स, रागवसेन वा “यानिस्स तानि पुब्बे मातुगामेन सद्धिं हसितलपितकीळितानि अनुस्सरती”ति (अ० नि० ७.५०) वुत्तनयेन सुभतो अनुस्सरन्तस्स, दिट्ठिवसेन वा “सो खो पन मे अत्तो निच्चो धुवो”तिआदिना मिच्छाअभिनिविसन्तस्साति एवमादिना नयेन पवत्ततीति वेदितब्बा ।

उपायचिन्तावसेनाति खिप्पजालकुमिनादुहलादिउपकरणसंविधानादीसु युत्तिचिन्तनादिवसेन पापं कत्वा विप्पटिसारनिमित्तं, “सुकतं मया”ति पामोज्जनिमित्तं कत्वा पच्चवेक्खणाकारेण मोहो अज्जाणं । तत्थ पन “असिवे सिवा”ति वोहारो विय जाणवोहारो । मिच्छासभावत्ता पन मिच्छाजाणत्वेव वुच्चति । एकूनवीसतिभेदं पच्चवेक्खणजाणं सम्मा पेक्खितत्ता सम्माजाणं वुच्चति, इतरं पन झानादिपच्चवेक्खणजाणं सम्मादिट्ठियाव सङ्गहति । रूपारूपसमापत्तिलाभितामत्तेन वट्टतो अविमुत्तायेव समाना “विमुत्ता मय”न्ति एवंसज्जिनो । पकतिपुरिसन्तरजाणसङ्गातायं, गुणवियुत्तस्स अत्तनो सकत्तनि अवट्टानसङ्गातायं, अत्तनो महाब्रह्मना सलोकता तस्स समीपतासंयुज्जनसङ्गातायं वा अविमुत्तियं विमुत्तिसज्जिनो । एकन्ताकुसलताय हीनत्ता पापिका । अयाथावताय विपरीता । यथावुत्तेनाति “अविमुत्तायेव समाना”ति वुत्तप्पकारेण । “मयमेत्थ सम्मादिट्ठि भविस्सामा”तिआदीसु फलसम्मादिट्ठिआदीनिपि मगसम्मादिट्ठिआदिपक्खिकानेवाति अधिप्पायेन “फलसम्पयुत्तानि... पे०... वेदितब्बा”ति वुत्तं । सब्बेपि पन फलधम्मे विमुत्तिकखन्धसङ्गहतो “विमुत्ती”ति वुच्चमाने न कोचि विरोधो । एत्थ सम्माविमुत्तिसङ्गाते सल्लेखवत्थुम्हि ।

यदि नीवरणवसेन वुत्तानि, तस्मा तीणेव वुत्तानीति आह “अभिज्झालू”तिआदि । परियुट्टानप्पत्ता थिनमिद्धपरियुट्ठिता । यस्स धम्मस्स अत्थिताय उद्धता नाम होन्ति, सो धम्मो उद्धच्चन्ति आह “उद्धच्चेन समन्नागताति उद्धता”ति । विचिनन्ताति धम्मोति वा अधम्मोति वा आदिना यं किञ्चि सभावं विनिच्छिनन्ता । उपनाहनसीलाति परस्स अत्तनो चित्ते अनुबन्धनसीला । इस्सन्तीति उसूयन्ति । सठयन्तीति सठा अज्जथा अत्तानं अज्जथा पवेदनका । ते पन यस्मा न यथाभूतवादिनो, तस्मा आह “न सम्मा भासन्तीति वुत्तं होती”ति । वुत्तपच्चनीकनयेनाति “न कोधना अक्कोधना”तिआदिना वुत्तअत्थपटिपक्खनयेन ।

दुक्खं वचो एतेसु विप्पटिकूलगगाहिताय विपच्चनीकगाहेसूति दुब्बचा । ते पन वचनक्खमा न होन्तीति आह “वत्तुं

दुक्खा”तिआदि । हीनाचारताय दुक्खस्स वा सम्पापकताय पापका । असद्धम्मवसेनाति असप्पुरिसधम्मवसेन । अत्तना विसेसितब्बवसेन कायविज्जत्तिआदीनं कायकम्मद्वारादिभावो विय अस्सद्धियादिअसद्धम्मसमन्नागमेनअसतं असप्पुरिसानं धम्मानन्ति तानियेव अस्सद्धियादीनि असद्धम्मा नाम, तेसं वसेनाह “सद्धा एतेसं नत्थी”ति यथा तं “दुप्पज्जा”ति । सुत्तगेय्यादि अप्पं सुत्तं एतेसन्ति अप्पस्सुता, सुत्तेन अनुपपन्ना । नत्थीति गहेतब्बन्ति इमिना अभावत्थो अयं अप्प-सद्धो “अप्पडंसमकसवातातपसरीसपसम्फस्सान”न्तिआदीसु (अ० नि० १०.११) वियाति दस्सेति । सम्पापटिपत्तिया अनारम्भनतो कुच्छिता गारय्हा सीदन्ति ओसीदन्ति संकिलेसपक्खेति कुसीता द-कारस्स त-कारं कत्वा । अकुसलानं धम्मानं पहाणाय कुसलानं धम्मानं उपसम्पदाय आरद्धं पग्गहितं वीरियं एतेसन्ति आरद्धवीरिया । अनुप्पादनेन मुट्ठा नट्ठा सति एतेसन्ति मुट्ठस्सती । दुट्ठाति दूसिता । दुप्पज्जा नाम दूसितभावो पटिपक्खेन विनासितभावोति आह “नट्ठपज्जाति वुत्तं होती”ति । हेट्ठा सम्पादिट्ठिग्गहणेन कम्मस्सकतापज्जाय मग्गसम्पादिट्ठिया च गहितत्ता सुब्बचकल्याणमित्ततापरिवाराहि इध सद्धादीहि विपस्सनासम्भारस्स उद्धटत्ता च वुत्तं “इध विपस्सनापज्जा वेदितब्बा”ति । तेनाह “विपस्सनासम्भारो ही”तिआदि । युत्तिं अनपेक्खित्वापि अयमत्थो गहेतब्बोति दस्सेन्तो आह “पोराणानं आणा”ति ।

लोकुत्तरगुणानं अन्तरायकरन्ति लोकुत्तरगुणानं अधिगमस्स अन्तरायकरं । सन्दिट्ठिन्ति सं अत्तनो दिट्ठिं, यं वा तं वा अत्तना यथागहितदिट्ठिन्ति अत्थो । सभावं अतिक्कमित्वा परतो आमसनतो परामासी । दळ्हग्गाहीति “इदमेव सच्च”न्ति थिरग्गाहग्गाही । पटिनिस्सग्गीति पटिनिस्सज्जनको । कुम्भोवाति यथा कच्छपो अत्तनो पादादिके अङ्गे केनचि घट्टितो सब्बानि अङ्गानि अत्तनो कपालेयेव समोदहति, न बहि नीहरति, एवमयम्पि “न सुन्दरो तव गाहो, छुट्ठेहि न”न्ति वुत्तो तं न विस्सज्जेति । अन्तोयेव अत्तनो हृदये एव ठपेत्वा तं वदति । कुम्भीलग्गाहन्ति संसुमारग्गाहं । गणहन्तीति यथा संसुमारा गहितं न विस्सज्जेन्ति, एवं गणहन्ति ।

८४. एवं चतुचत्तालीसाय आकारेहीति अविहिंसनादीहि चतुअधिकचत्तालीसप्पकारेहि । कस्मा पनेत्थ अविहिंसा आदितो वुत्ता? सब्बगुणानं मूलभावतो । अविहिंसाति हि करुणायेतं अधिवचनं, सा च विसेसतो सीलस्स मूलकारणं परूपघातलक्खणा दुस्सील्या ओरमापनतो । यथा हि पाणातिपातो परूपघातलक्खणो, तथा परेसं सापतेय्यावहरणं, सत्तिप्पहारतोपि धनस्सावहारो गरुतरोति । तथा अब्रह्मचरियं गम्भधारणादिदुक्खावहनतो, परदारातिक्कमे पन वत्तब्बमेव नत्थि । परेसं विसंवादनभेदनमम्मघट्टनानं परूपघातभावो पाकटो एव, सम्फप्पलापो अत्थग्गाहापनतो अनत्थुप्पादनतो, अभिज्झा अदिन्नादानादिहेतुतो, ब्यापादो पाणातिपातादिहेतुतो, मिच्छादिट्ठि सब्बानत्थहेतुतो परूपघातलक्खणा, मिच्छादिट्ठि धम्मिकपटिज्जोपि पाणातिपातादीनि करोति, परे च तत्थ नियोजेति, किमङ्गं पन इतरे । विहिंसलक्खणा दुस्सील्या ओरमा अविहिंसलक्खणा विसेसतो सीलस्स बलवकारणं । सीलपदट्ठानो च समाधि, समाधिपदट्ठाना च पज्जाति सब्बगुणानं मूलभूता अविहिंसा । अपिच उळारज्झासयानं निसम्मकारीनं धीरानं उत्तमपुरिसानं सीलं विय समाधिपज्जापि परेसं हितसुखावहाव सम्पज्जन्तीति एवम्पि करुणा सब्बगुणानं मूलन्ति सा आदितो वुत्ता ।

ततो परं विसेसतो “अविहिंसासमुट्ठाना इमे धम्मा”ति दस्सनत्थं कुसलकम्मपथधम्मा गहिता । ततो इदं गुणानं मूलभूतं सीलं, एत्थ पतिट्ठितेन इमे धम्मा उप्पादेतब्बाति दस्सनत्थं अट्ठ सम्मत्ता गहिता । तेसं विसोधनाय पटिपन्नस्स आदितो एवं होतीति दस्सनत्थं नीवरणविवेको गहितो, आदितो नीवरणद्वयस्स अग्गहणे गहितागहितकारणं अट्ठकथाय वुत्तमेव । कोधस्स पन ब्यापादतो भेदो वत्थसुत्तवण्णनायं (म० नि० अट्ठ० १.७१) वुत्तनयेनेव वेदितब्बो । कोधादिप्पहानेन चेत्थ सल्लेखसिद्धीति दस्सनत्थं ततो उपक्किलेसविसुद्धि गहिता । सा च सुब्बचकल्याणमित्तअप्पमत्तताहि सिज्जतीति

दस्सनत्थं पकिण्णका गहिता । सम्पन्नसोवचस्सतादिगुणस्स इमे धम्मा पारिपूरिं गच्छन्ति, विपस्सनं परिव्रूहेत्वा अरियमग्गाधिगमाय संवत्तन्तीति दस्सनत्थं सद्धम्मा गहिता । एवंभूतस्स अयं मिच्छागाहो लोकुत्तरगुणाधिगमस्स अन्तरायकरो, तस्मा सो दूरतो वज्जेतब्बो, एवं यथावुत्ताय सम्मापटिपत्तिया अरियमग्गं अधिगच्छन्तो सल्लेखं मत्थकं पापेतीति दस्सनत्थं “सन्दिट्ठिपरामासी”तिआदि वुत्तन्ति एवमेतेसं चतुचत्तालीसाय सल्लेखाकारानं गहणपयोजनं अनुपुब्बी च वेदितब्बा । पयोगतो सल्लेखपटिपदं पटिपज्जितुं असक्कोन्तानं चित्तुप्पादोपि बहूपकारोति आह “चित्तुप्पादस्सपि बहूपकारतं दस्सेतु”न्ति ।

**कुसलेसु धम्मेसूति** अविहिंसादीसु यथावुत्तअनवज्जधम्मेसु । **अनुविधियनाति** चित्तुप्पादस्स कायवाचाहि अनुविधाना । **तेसं धम्मानन्ति** अविहिंसादिधम्मानं, तेसं वा चित्तुप्पादवसेन पवत्तधम्मानं । इदानी यथावुत्तधम्मं वित्थारतो दस्सेतुं “**कस्मा पना**”तिआदि आरब्धं । सरणगमनं वाचाय विज्जापेतुं असक्कोन्तस्स वसेन वुत्तं “**कायेन वा**”ति । “सीलं कायेन समादियती”ति एत्थापि एसेव नयो । एत्थ च तथा तथा पवत्तसल्लहुककामावचरकुसलचित्तुप्पत्तिं उपादाय तथारूपकुसलकायवचीकम्मानं बहूपकारता वुत्ताति न सभावतो चित्तुप्पादस्स बहूपकारतं जायतीति दट्ठब्बं ।

**८५. हिताधिगमायाति** दिट्ठधम्मिकादिहितसम्पत्तिया, अरियमग्गाधिगमाय एव वा । अरियमग्गो हि एकन्तहितत्ता हितो नाम । परिवज्जनवसेन कमनं पवत्ति परिकमनन्ति आह “**परिकमनाय परिवज्जनत्थाया**”ति । सम्मादस्सनुपायसंविधानेन **अविहिंसा पटियत्ता** सम्मासम्बुद्धेन । **सुखेनेवाति** अकिच्छेनेव । एतेनेव **उपायेनाति** एतेनेव अविहिंसापदे वुत्तेन विधिना । **सब्बपदानीति** सेसानि तेचत्तालीस पदानि ।

**८६. अकुसला** पटिसन्धिअजनका नाम उद्धच्चसहगतचित्तुप्पादधम्मा अज्जेपि पवत्तिविपाकमत्तदायिनो, **दिन्नाय पटिसन्धिया विपाकजनका**, पच्चयवेकल्लेन विपच्चित्तुं अलद्धोकासा अहोसिकम्मादयो वा **अजनका** । **जातिवसेनाति** अकुसलजातिवसेन । **अधोभागङ्गमनीयाति** अपायगमनीया । **एवंनामाति** नामग्गहणेन सभावं उपलक्खेति सति पच्चयसमवाये तंसभावानतिवत्तनतो । तेनाह “**विपाककाले अनिट्ठाकन्तविपाकत्ता**”ति । वुत्तनयेनेव कुसलपक्खो वेदितब्बो । अयं पन विसेसो, इध पटिसन्धिअजनका अभिज्जासहगतधम्मा, सेसं वुत्तसदिसमेव । **सब्बे अकुसलाति** एत्थ विहिंसमेकं ठपेत्वा इतरे सब्बे अकुसला उपमाभूता । विहिंसा हि उपमेय्यं । **सब्बे कुसलाति** एत्थापि एसेव नयो । **एतेनेव उपायेनाति** यथा विहिंसानं उपमेय्यता, तदवसेसानं कुसलाकुसलानं उपमाभावो वुत्तो, इमिना नयेन अकुसलं पाणातिपातादिअकुसलेन इतरेन, कुसलज्च पाणातिपातापटिविरतिआदिकुसलेन इतरेन उपमेतब्बं ।

**८७. परिनिब्बापनेति** किलेसपरिळाहवूपसमने । परितो लिम्पनट्टेन पलिपं वुच्चति महाकदमं, तं पन एकन्ततो गम्भीरम्पि होतीति “**गम्भीरकदमे निमुग्गो**”ति वुत्तं । पलिपं विय **पलिपन्ति पज्च कामगुणा वुच्चन्ति**, तस्मा **एवं** इदानी वुच्चमानेन उपमोपमेय्यसंसन्दननयेन **एत्थ** इमस्मिं ठाने **अत्थयोजना वेदितब्बा** । **न हि तं कारणन्ति** एत्थ कारणं नाम हत्थस्स वा पादस्स वा अपलिपन्नभावो, सो पन नत्थि । एस नयो उपमेय्येपि ।

**तत्थ सिया** कस्सचि परिवितक्को “भगवतो देसनानुभावेन भिक्खुआदयो कथेन्ती”ति । “**भगवायेव हि तत्थ उद्धरती**”ति वत्वा उपमाय तदत्थं विभावेतुं “**रज्जो**”तिआदि वुत्तं । पुथुज्जना तावतिट्ठन्तु, सावकसिखाप्पत्तविसेसानम्पि अरियानं देसना सत्थुयेव देसनाति दस्सेतुं “**किज्जापी**”तिआदिमाह । तथा हि तेहि देसितसुत्तानि बुद्धवचनमेव, तेसं देसनाय लद्धविसेसापि अरिया बुद्धपुत्तायेवाति ।

अनिब्बिसतायाति अनिब्बिसेवनताय । असिक्खितविनयतायाति पञ्चन्नं विनयानं सादरं असिक्खितभावेन । ते पन विनया तित्सस्सन् सिक्खानं सिक्खापनेन होतीति आह “तित्सो सिक्खा सिक्खापेस्सती”ति । किं पन तन्ति? “ठानमेतं विज्जती”ति एत्थ वुत्तं किं पन ठानन्ति आह “अपलिपपलिपन्नत्त”न्तिआदि । यस्मा पाळियं “सो वत चुन्दा”तिआदिना सामञ्जस्यं उपमाभावेन गहेत्वा विसेसत्थो उपमेय्यभावेन वुत्तो, तस्मा तमत्थं “एवमत्थो वेदितब्बो”तिआदिना साधारणतो वत्त्वा पुन असाधारणतो विवरन्तो “किं वुत्तं होती”तिआदिमाह । परस्स विहिंसाचेतनं निब्बापेस्सतीति इदं यो अविहिंसासङ्घातं सम्पापटिपत्तिं दिस्वा दिट्ठानुगतिं आपज्जन्तो धम्मदेसनाय परो अविहिंसको होति, तादिसं सन्धाय वुत्तं । आदेसनहि तस्स वचनन्ति । तेनाह “अयं या एसा विहिंसकस्सा”ति । पुब्बे विहिंसकस्स मिच्छापटिपज्जन्तस्स । विहिंसापहानाय मग्गं भावयतोतिआदिना अत्तनो एव अविहिंसाय विहिंसापरिनिब्बानाय संवत्तनमाह । तेनाह “परिनिब्बुतो विया”तिआदि । सब्बपदेसूति “पाणातिपातिस्सा”तिआदिना आगतेसु तेचत्तालीसाय पदेसु ।

८८. एवन्ति देसिताकारपरामसनं । तस्साति सल्लेखस्स । “अत्थि ख्वेस ब्राह्मण, परियायो”तिआदीसु (अ० नि० ८.११; पारा० ३-१०) विय परियाय-सदो कारणत्थोति आह “सल्लेखकारण”न्ति । तेसं वसेनाति सल्लेखानं वसेन । मेत्ताय उपसंहरणवसेन हितं एसन्तेन । करुणाय वसेन अनुकम्पमानेन । परिग्गहेत्वाति परितो गहेत्वा, परित्वाति अत्थो । परिच्चाति परितो इत्वा, समन्ततो फरित्वा इच्चेव अत्थो । मा पमज्जित्थाति “झायथा”ति वुत्तसमथविपस्सनानं अज्जाणेन, अज्जेन वा केनचि पमादकारणेन मा पमादं आपज्जित्थ । निव्यानिकसासने हि अकत्तब्बकरणम्पि पमादोति । विपत्तिकालेति सत्तअसप्पायादिविपत्तियुत्तकाले । यथावुत्ता पञ्च परियाया अज्जेपि सब्बे सासनगुणा इधेव सङ्गहं गच्छन्तीति आह “झायथ, मा पमादत्थाति तुम्हाकं अनुसासनी”ति ।

सल्लेखसुत्तवण्णनाय लीनत्थप्पकासना समत्ता ।

## ९. सम्मादिट्ठिसुत्तवण्णना

८९. कथेतुकम्यतापुच्छा एवाति अवधारणेन इतरा चतस्सो पुच्छा निवत्तेति इतरासं असम्भवतो, तत्थ यथापुच्छितस्स अत्थस्स विस्सज्जनतो च “अयं सम्मादिट्ठी”ति याथावतो अजानन्तापि पुथुज्जना बाहिरकतापसादयो अत्तनो समानसीले ठितं सम्मादिट्ठीति वदन्ति । अनुस्सवादिवसेनापीति अनुस्सवाकारपरिवितक्कदिट्ठिनिज्झानक्खन्तिवसेनपि । यथासमङ्गिताकारस्स अत्थस्स एवमेतन्ति निज्झानक्खमापनतो एकन्ततो याथावग्गाहो होतीति आह “अत्तपच्चक्खेनपी”ति, याथावतो लक्खणस्स पटिविद्धत्ता अत्तनो पच्चक्खभावेनाति अत्थो । बहुन्नं वचनं उपादायाति इमिना सासने लोके च निरुळ्हाताय अयं आमेटितपयोगोति सासनस्स निरुळ्हाताय च सम्पसादं उपादायपि तदुभयिको आमेटितपयोगो दट्ठब्बो । अत्थन्ति वचनत्थं । लक्खणन्ति सभावं । उपादायाति गहेत्वा । सोभनायाति सुन्दराय । पसत्थायाति पसंसाय । तेसु पुरिमेन धम्मानं यथासभावबोधसङ्घातं सम्मादिट्ठिसभावं दस्सेति । तेन हि सा सब्बधम्मे अभिभवित्वा सोभति । दुतियेन सम्पयुत्तधम्मेसु परिणायिकभावं । तेन हि सा सम्पयुत्तधम्मे जाणमये विय तंसमङ्गिनञ्च पुग्गलं जाणपिण्डं विय करोति, तस्स “पण्डितो निपुणो छेको विज्जू विभावी”तिआदिना दिसासु पसंसा पत्थरति ।

कम्मस्सकताजाणन्ति कम्मं सको एतस्साति कम्मस्सको, तस्स भावो कम्मस्सकता, तत्थ जाणं “इदं कम्मं सत्तानं सकं, इदं नो सकं”न्ति एवं जाननजाणं । सच्चानुलोमिकजाणन्ति अरियसच्चानं पटिवेधस्स अनुलोमतो सच्चानुलोमिकं

जाणं, विपस्सनाजाणं । नो सच्चानुलोमिकायाति बाहिरको सच्चानुलोमिकाय सम्मादिट्ठिया नो सम्मादिट्ठि सब्बेन सब्बं तस्स अभावतो । तत्थ कारणमाह “अत्तदिट्ठिपरामासकत्ता”ति । कम्मस्स कतादिट्ठि पन बाहिरकस्स अत्तदिट्ठिं अनुरुज्झन्ती पवत्तति “अत्थि दिन्न”न्ति आदिनयपवत्तितो । सासनिको द्वीहिपीति सासनिको पुथुज्जनो कम्मस्सकताजाणादीहि द्वीहिपि सम्मादिट्ठि । ओक्कन्तसम्मत्तनियामत्ता “सेक्खो नियताया”ति वुत्तं । असेक्खाय सम्मादिट्ठिया सम्मादिट्ठीति आनेत्वा सम्बन्धितब्बं । तीसुपि पुग्गलेसु सेक्खो इध सम्मादिट्ठीति अधिप्पेतोति दस्सेन्तो “नियताय निय्यानिकाया”ति आदिमाह ।

इदानि यथावुत्तमत्थं पाळिया विभावेतुं “तेनेवाहा”ति आदि वुत्तं । अन्तद्वयन्ति “सस्सतं, उच्छेदं, कामसुखं, अत्तकिलमथ”न्ति एतं अन्तद्वयं । लीनुद्धच्चपतिट्ठानायूहनन्तद्वयस्स अनुपगमनं अत्थसिद्धमेव । उजुभावेनाति उजुसभावेन मग्गेन, मज्झिमाय पटिपत्तियाति अत्थो । धम्मे पसादग्गहणेन सत्थरि सङ्गे च पसादोपि गहितोयेव होतीति “धम्मे”इच्चेव वुत्तो तदविनाभावतो । यस्मा एस नियताय सम्मादिट्ठिया समन्नागतो सम्मादिट्ठीति अधिप्पेतो, तच्च वट्टतो निय्यानं विवट्ठाधिगमेन होतीति आह “आगतो इमं सद्धम्म”न्ति । निब्बानज्झि सन्तो सदा विज्जमानो धम्मोति कत्वा सद्धम्मोति इमं फलेहि असाधारणेन परियायेन वत्तब्बतं लभति । तयिदमस्स आगमं सच्छिकिरियाभिसमयो, सो च पहानाभिसमयादीहि सहेव इध इज्झतीति दस्सेन्तो “सब्बदिट्ठिगहनानी”ति आदिमाह । तत्थ सब्बदिट्ठिगहनानि विनिब्बेठेन्तो सब्बकिलेसे पजहन्तोति पदद्वयेन पन पहानाभिसमयमाह, जातिसंसारा निक्खमन्तोति इमिना परिज्जाभिसमयं । समतिक्कमत्थो हि परिज्जत्थो । पटिपत्तिं परिनिट्ठपेन्तोति इमिना भावनाभिसमयन्ति दट्ठब्बं ।

कालपरिच्छेदवचनन्ति परिच्छिज्जतीति परिच्छेदो, कालो एव परिच्छेदो कालपरिच्छेदो, यो सो अकुसलपजाननादिना परिच्छिन्नो मग्गवुट्ठानकालो मग्गक्खणो, तस्स वचनन्ति अत्थो । तेनाह “यस्मिं काले”ति । अकुसलज्जाति च-सद्धो समुच्चयत्थो । तेन वक्खमानं अकुसलमूलादिं समुच्चिनोति । दसाकुसलकम्मपथन्ति कुतोयं विसेसो, यावता अनिद्धारितविसेसं अकुसलं गहितन्ति? न सामज्जजोतनाय विसेसे अवट्ठानतो । किं वा इमाय युत्तिचिन्ताय, यस्मा पठमवारेन उद्देसवसेन देसितस्स अत्थस्स वित्थारदेसना दुतियवारो । तेनेवाह “कतमं पनावुसो”ति आदि । यस्मा लोकुत्तरा सम्मादिट्ठि इध अधिप्पेता, तस्मा निरोधारम्मणाय पजाननाय मग्गपज्जाय किच्चवसेन सम्मोहतो “इदं दुक्ख”न्ति दसअकुसलकम्मपथं पटिविज्झन्तो “अकुसलं पजानाती”ति वुच्चतीति अत्थो । तस्साति अकुसलकम्मपथसङ्घातस्स दुक्खस्स । तेनेव पकारेनाति “निरोधारम्मणाय पजाननाय किच्चवसेना”ति वुत्तप्पकारेन ।

कुसलन्ति एत्थायं वचनत्थो — कुच्छित्ते पापधम्मे सलयति चलयति कम्पेतीति कुसलं, कुच्छित्तेन वा आकारेन सयन्तीति कुसा, पापका धम्मा । ते कुसे लुनाति छिन्दतीति कुसलं । कुच्छित्तानं वा सानतो तनुकरणतो जाणं कुसं नाम, तेन लातब्बं गहेतब्बं पवत्तेतब्बन्ति कुसलं । यथा वा कुसो उभयभागगतं हत्थपदेसं लुनाति, एवमिदं उप्पन्नानुप्पन्नवसेन उभयभागगतं संकिलेसपक्खं लुनाति छिन्दति, तस्मा कुसो विय लुनातीति कुसलं । कुच्छित्तानं वा सावज्जधम्मानं सलनतो संवरणतो कुसलं । कुसलधम्मवसेन हि अकुसला मनच्छट्ठेसु द्वारेसु अप्पवत्तिया संवुता होन्ति । कुच्छित्ते वा पापधम्मे सलयति गमेति अपनेतीति कुसलं । कुच्छित्तानं वा पाणातिपातादीनं सानतो निसानतो तेजनतो कुसा, दोसलोभादयो । सादीनववसेन चेतनाय तिक्खभावप्पत्तिया पाणातिपातादीनं महासावज्जता । ते कुसे लुनाति छिन्दतीति कुसलं । कुच्छित्तानं वा सानतो अन्तकरणतो विनासनतो कुसानि, पुज्जकिरियवसेन पवत्तानि सद्धादीनि इन्द्रियाणि । तेहि लातब्बं पवत्तेतब्बन्ति कुसलं । “कु”इति वा भूमि वुच्चति, अधिट्ठानभावेन तंसदिसस्स अत्तनो निस्सयभूतस्स रूपारूपपबन्धस्स सम्पति



आयतिज्च अनुदहेन विनासनतो कुं ससन्तीति कुसा, रागादयो । ते विय अत्तनो निस्सयस्स लवनतो छिन्दनतो **कुसलं** । पयोगसम्पादिता हि कुसलधम्मा अच्चन्तमेव रूपारूपधम्मे अप्पवत्तिकरणेन समुच्छिन्दन्ति । कुसलस्स मूलन्ति **कुसलमूलं**, सुप्पतिट्ठितभावसाधनेन कुसलस्स पतिट्ठा निदानन्ति अत्थो । **अकुसलमूलन्ति** एत्थापि एसेव नयो ।

**अकुसलन्ति** पन न कुसलं अकुसलं, कुसलधम्मानं पटिपक्खवसेन अकुसलन्ति पदस्स अत्थो वेदितब्बो । एवञ्चि आरोग्यानवज्जसुखविपाककोसल्लसम्भूतद्वेन कुसलं वुच्चतीति । यथा यं धम्मजातं न अरोगं न अवज्जं न सुखविपाकं न च कोसल्लसम्भूतं, तं अकुसलन्ति अयमत्थो दस्सितो होति । एवं यं न कुच्छित्तानं सलनसभावं, न कुसेन, कुसेहि वा पवत्तेतब्बं, न च कुसो विय लवनकं, तं अकुसलं नामाति अयम्पि अत्थो दस्सितोति वेदितब्बो । **वत्थुपजाननाति** दुक्खादिवत्थुनो पजानना पटिवेधो । तथा बुज्जनकपुग्गलानं अज्झासयवसेन देसना पवत्ताति आह “**अकुसलादिपजाननेनापी**”ति । तेनेव च संखित्तेन देसना पवत्ता । भावनामनसिकारो पन “सब्बं भिक्खवे अभिज्जेय्य”न्ति (सं० नि० ४.४६; पटि० म० १.३) वचनतो अनवसेसतो रूपारूपधम्मानं परिग्गहवसेनेव पवत्तति । तेनाह “**देसनायेवा**”ति आदि । तत्थ **मनसिकारपटिवेधो**ति पुब्बभागे पवत्तविपस्सनामनसिकारो अरियमग्गपटिवेधो च । कस्सचि अकोपनतो वित्थारवसेनेव वुत्तं विपस्सनं अनुयुज्जन्ता मग्गं पटिविज्जन्तापि वित्थारनयेनेव पटिविज्जन्तीति अत्थो विसुद्धिक्कमस्स अभावतो ।

**भिक्खू**ति महाविहारे धम्मसङ्गीतिवसेन पच्चनिकायमण्डले निसिन्नभिक्खू । **थेरो**ति तत्थ सङ्घत्थेरोति वदन्ति । वत्थसुत्तवण्णनायं वुत्तनयेन पन महासङ्घरक्खितत्थेरस्स अन्तेवासिकभिक्खू सन्थाय “**आहंसू**”ति वुत्तं । **थेरो**ति पन महासङ्घरक्खितत्थेरो । सो हि इमस्मिं मज्झिमनिकाये तं तं विनिच्छयं कथेसि । **रासितो**ति पिण्डतो, एकज्जन्ति अत्थो ।

### अकुसलकम्मपथवण्णना

**अकोसल्लपवत्तियाति** कोसल्लपटिपक्खतो अकोसल्लं वुच्चति अज्जाणं, ततो पवत्तनतो, अकोसल्लसम्भूतत्ताति अत्थो । जाणपटिपक्खो अज्जाणं मित्तपटिपक्खो अमित्तो विय कुसलपटिपक्खो अकुसलं कुसलेन पहातब्बत्ता, न पन कुसलानं पहायतत्ता । कुसलमेव हि पयोगसम्पादितं अकुसलं पजहति । सह अवज्जेहि लोभादीहि वत्ततीति **सावज्जं** । दुक्खो अनिट्ठो चतुक्खन्ध-सङ्घातो विपाको एतस्साति **दुक्खविपाकं** । तत्थ सावज्जवचनेन अकुसलानं पवत्तिदुक्खतं दस्सेति, दुक्खविपाकवचनेन विपाकदुक्खतं । पुरिमज्जि पवत्तिसम्भववसेन अकुसलस्स लक्खणवचनं, पच्छिमं तालन्तरे विपाकुप्पादनसमत्थतावसेन । तथा पुरिमेन अकुसलस्स अविबुद्धसभावतं दस्सेति, पच्छिमेन अविबुद्धविपाकतं । पुरिमेन अकुसलं कुसलसभावतो निवत्तेति, पच्छिमेन अब्याकतसभावतो सविपाकत्तदीपकत्ता पच्छिमस्स । पुरिमेन वा अवज्जवन्ततादस्सनतो किच्चद्वेन रसेन अनत्थजननरसतं दस्सेति, पच्छिमेन सम्पत्तिअत्थेन अनिट्ठविपाकरसतं । पुरिमेन च उपट्ठानाकारद्वेन पच्चुपट्ठानेन संकिलेसपच्चुपट्ठानतं, पच्छिमेन फलद्वेन दुक्खविपाकपच्चुपट्ठानतं । पुरिमेन च अर्योनिमनसिकारं अकुसलस्स पदट्ठानं पकासेति । ततो हि तं सावज्जं जातं, पच्छिमेन अकुसलस्स अज्जेसं पदट्ठानभावं विभावेति । तज्जि दुक्खविपाकस्स कारणन्ति । **संकिलिद्वन्ति** संकिलेसेहि समन्नागतं, दसहि किलेसवत्थूहि विबाधितं, उपतापितं वा तेहि विदूसितं मलीनकतज्जाति अत्थो । इदज्जस्स दुक्खविपाकतज्जाति अत्थे इदज्ज दुक्खविपाकतं अपच्चक्खताय असद्वहन्तानं पच्चक्खतो आदीनवदस्सनेन संवेजनत्थं वुत्तं । **साधारणा** सब्बस्सपि अकुसलस्स ।

सरसेनेव (ध० स० मूलटी० १) पतनसभावस्स अन्तरा एव अतीव पातनं **अतिपातो**, सणिकं पतितुं अदत्त्वा सीधं पातनन्ति अत्थो । अतिक्कम्मवा सत्थादीहि अभिभवित्वा पातनं **अतिपातो** । पयोगवत्थुमहन्ततादीहि **महासावज्जता** तेहि

पच्येहि उप्पज्जमानाय चेतनाय बलवभावतो । एकस्स हि पयोगस्स सहसा निष्फादनवसेन सकिच्चसाधिकाय बहुक्खत्तुं पवत्तजवनेहि लब्धासेवनाय च सन्निट्ठापकचेतनाय वसेन पयोगस्स महन्तभावो । सतिपि कदाचि खुद्दके चेव महन्ते च पाणे पयोगस्स समभावे महन्तं हनन्तस्स चेतना तिब्बाकारा उप्पज्जतीति वत्थुस्स महन्तभावो । इति उभयम्पेतं चेतनाय बलवभावेनेव होतीति । यथावुत्तपच्यपरियायेपि तंतंपच्येहि चेतनाय बलवताय एव महासावज्जभावो वेदितब्बो । पयोगवत्थुआदिपच्ययानज्झि अमहत्तेपि हन्तब्बस्स गुणवन्तताय महासावज्जता, तब्बिपरियायेन अप्पसावज्जता च वत्थुस्स महत्तामहत्तेसु विय दट्ठब्बा । किलेसानं उपक्कमानं द्विन्नज्च मुदुताय तिब्बताय च अप्पसावज्जता महासावज्जतापि योजेतब्बा । पाणो पाणसज्जिता वधकचित्तज्च पुब्बभागियापि होन्ति, उपक्कमो वधकचेतनासमुट्ठापितो । पज्च सम्भारा हि पाणातिपातचेतनाति सा पज्चसम्भारविनिमुत्ता दट्ठब्बा । अयज्च विचारो अदिन्नादानादीसुपि यथारहं वत्तब्बो । विज्झनपहरणादिवसेन सहत्थेननिब्बत्तो **साहत्थिको**, आणापनवसेन पवत्तो **आणत्तिको**, उसुसत्तियन्तपासाणादिनिस्सज्जनवसेन पवत्तो **निस्सगगियो**, अदुहलसज्जनादिवसेन पवत्तो **थावरो**, आथब्बणिकादीनं विय मन्तपरिजप्पनवसेन पवत्तो **विज्जामयो**, कम्मविपाकजिद्धिमयो **इद्धिमयो** दाठाकोटनादीनि विय ।

यदि “मम इद”न्ति परेन परिगगहितं अदिन्नं, उत्तानसेय्यकदारकसन्तके कथं तस्स परिगगहसज्जाय एव अभावतोति आह “**यत्थ परो**”तिआदि । परो नाम विज्जू वा अविज्जू वा अत्थि तस्स वत्थुस्स सामिको । अविज्जूपि हि विज्जूकाले यथाकामं करोन्तो **अदण्डारहो**ति । मन्तपरिजप्पनेन परसन्तकहरणं विज्जामयो, विना मन्तेन परसन्तकस्स कायवचीपयोगेहि परिकट्टुनं तादिसेनिद्धिवसेन इद्धिमयो पयोगोति अदिन्नादाने **छ पयोगा साहत्थिकादयो** वुत्ता । **यथानुरूपन्ति** एत्थ साहत्थिको ताव पज्चन्नम्पि अवहारानं वसेन पवत्तति, तथा आणत्तियो निस्सगगियो च । थावरो थेय्यावहारपसंहावहारपटिच्छन्नावहारवसेन । तथा सेसापीति दट्ठब्बं ।

**मेथुनसमाचारे**सूति सदारासन्तोस-परदारगमनवसेन दुविधेसु मेथुनसमाचारेसु । अयमेवहि भेदो इधाधिप्पेतो । **गोत्तरक्खिता** सगोत्तेहि रक्खिता । **धम्मरक्खिता** सहधम्मिकेहि रक्खिता । **सारक्खा** ससामिका । यस्सा गमने रज्जा दण्डो ठपितो, सा **सपरिदण्डा** । भरियभावत्थं धनेन कीता **धनक्कीता** । छन्देन वसन्ती **छन्दवासिनी** । भोगत्थं वसन्ती भोगवासिनी । पटत्थं वसन्ती **पटवासिनी** । उदकपत्तं आमसित्वा गहिता **ओदपत्तकिनी** । चुम्बटकं अपनेत्वा गहिता **ओभटचुम्बटा** । करमरानीता **धजाहता** । तट्ठणिका **मुहुत्तिका** । अभिभवित्वा वीतिक्कमे मिच्छाचारो महासावज्जो, न तथा द्विन्नं समानछन्दताय । अभिभवित्वा वीतिक्कमने सतिपि मग्गेनमग्गपटिपत्तिअधिवासने पुरिमुप्पन्नसेवनाभिसन्धिपयोगाभावतो मिच्छाचारो न होति अभिभुय्यमानस्साति वदन्ति । सेवनाचित्ते सति पयोगाभावो अप्पमाणं येभुय्येन इत्थिया सेवनापयोगस्स अभावतो । तथा सति पुरेतरं सेवनाचित्तस्स उपट्टानेपि तस्सा मिच्छाचारो न सिया, तथा पुरिसस्सपि सेवनापयोगाभावेति, तस्मा अत्तनो रुचिया पवत्तितस्स वसेन तयो, बलक्कारेन पवत्तितस्स वसेन तयोति सब्बेपि अग्गहितग्गहणेन **चत्तारो सम्भारा**ति वुत्तन्ति वेदितब्बं ।

**अत्थभज्जको**ति कम्मपथवसेन वुत्तं । कम्मपथकथा हेसाति । **अस्सा**ति विसंवादकस्स । मुसा वदति एतेनाति **चेतना मुसावादो**, इमस्मिं पक्खे अतथाकारेन वत्थुनो विज्जापनपयोगो मुसा, तंसमुट्ठापिका चेतनामुसावादोति वुत्तत्ता ततो अज्जथा वत्तुं “**अपरो नयो**”तिआदि वुत्तं । **अत्तनो सन्तकं अदातुकामताया**तिआदि मुसावादसामज्जेन वुत्तं । हसाधिप्पायेनपि विसंवादनपुरक्खारस्स मुसावादो । **परस्सा**ति विसंवादनवसेन विज्जापेतब्बस्स । **सो**ति मुसावादपयोगो ।

**सुज्जभावन्ति** पीतिविरहितताय रिक्तभावं । फरुससदताय **नेव कण्णसुखा** । अत्थविपन्नताय **न हृदयसुखा** ।

संकलिदुचित्तस्साति दोसेन, लोभेन वा दूसितचित्तस्स ।

**एकन्तफरुसा चेतना**ति एतेन दुदुचित्ततयेव विभावेति, दुदुचित्तता चस्स अमरणाधिप्पायवसेन ददुब्बा । सति हि मरणाधिप्पाये अत्थसिद्धि, तदभावे पाणातिपातव्यापादा सियुन्ति । यं पटिच्च फरुसवाचा पयुज्जति, तस्स सम्मुखाव सीसं एति । परम्मुखापि सीसं एति एवाति अपरे । तत्थायं अधिप्पायो युत्तो सिया — सम्मुखा पयोगे अगारवादीनं बलवभावतो सिया चेतना बलवती, परस्स च तदत्थविज्जापनं, न तथा असम्मुखाति । यथा च अक्कोसिते मते आळहने कता खमापना उपवादन्तरायं निवत्तेति, एवं परम्मुखा पयुत्ता फरुसवाचा होतियेवाति सक्का विज्जातुं । **तस्साति** एकन्तफरुसचेतनाय एव फरुसवाचाभावस्स आविभावत्थं । **मम्मच्छेदको** सवनफरुसतायाति अधिप्पायो । **चित्तसण्हाताय फरुसवाचा न होति** कम्मपथाप्पत्तत्ता, कम्मभावं पन न सक्का वारेतुं । एवं अन्वयवसेन चेतनाफरुसताय फरुसवाचं साधेत्वा इदानी तमेव व्यतिरेकवसेन साधेतुं “**वचनसण्हाताया**”तिआदि वुत्तं । **एसाति** फरुसवाचा । कम्मपथभावं अप्पत्ता **अप्पसावज्जा**, इतरा **महासावज्जा** । तथा किलेसानं मुदुतिब्बताभेदेहि सब्बं पुरिमसदिसं ।

**आसेवनं** बहुलीकरणं । यं उद्दिस्स पवत्तितो, तेन अग्गहिते **अप्पसावज्जो**, गहिते **महासावज्जो** कम्मपथप्पत्तितो । यो कोचि पन सम्फप्पलापो द्वीहि सम्भारेहि सिज्झति । किलेसानं मुदुतिब्बतावसेनपि अप्पसावज्जमहासावज्जता वेदितब्बा ।

**अत्तनो परिणामनं** चित्तेनेवाति वेदितब्बं । **हितसुखं व्यापादयतीति** यो तं उप्पादेति, तस्स हितसुखं विनासेति । **अहो वताति** इमिना अच्चन्तविनासचिन्तनं दीपेति । एवं हिस्स दारुणपवत्तिया कम्मपथप्पत्ति । **यथाभुच्चगहणाभावेनाति** याथावगाहस्स अभावेन अनिच्चादिसभावस्स निच्चादितो गहणेन । **मिच्छा पस्सतीति** वितथं पस्सति । **सम्फप्पलापो वियाति** इमिना आसेवनस्स मन्दताय अप्पसावज्जतं, महन्तताय महासावज्जतं दस्सेति । **गहिताकारविपरीतताति** मिच्छादिद्विया गहिताकारस्स विपरीतभावो । **वत्थुनोति** तस्सा अयथाभूतसभावमाह । **तथाभावेनाति** गहिताकारेनेव तस्स दिद्विगतिकस्स, **तस्स** वा वत्थुनो **उपट्टानं** एवमेतं, न इतो अज्जथाति ।

**धम्मतोति** सभावतो । **कोट्टासतोति** फस्सपञ्चमकादीसु चित्तङ्गकोट्टासेसु यं कोट्टासा होन्ति, ततोति अत्थो । **चेतनाधम्माति** चेतनासभावा ।

**पटिपाटिया सत्ताति** एत्थ ननु चेतना अभिधम्मे कम्मपथेसु न वुत्ताति पटिपाटिया सत्तन्नं कम्मपथभावो न युत्तोति? न, अवचनस्स अज्जहेतुकत्ता । न हि तत्थ चेतनाय अकम्मपथत्ता कम्मपथरासिम्हि अवचनं, कदाचि पन कम्मपथो होति, न सब्बदाति कम्मपथभावस्स अनियतत्ता अवचनं । यदा पन कम्मपथो होति, तदा कम्मपथरासिसङ्गहो न निवारितो । एत्थाह — यदि चेतनाय सब्बदा कम्मपथभावाभावतो अनियतो कम्मपथभावोति कम्मपथरासिम्हि अवचनं, ननु अभिज्झादीनं कम्मपथभावं अप्पत्तानं अत्थिताय अनियतो कम्मपथभावोति तेसम्पि कम्मपथरासिम्हि अवचनं आपज्जतीति? नापज्जति कम्मपथतातंसभागताहि तेसं तत्थ वुत्तत्ता । यदि एवं चेतनापि तत्थ वत्तब्बा सिया? सच्चमेतं, सा पन पाणातिपातादिकाति पाकटो, तस्सा कम्मपथभावोति न वुत्ता सिया । चेतनाय हि — “चेतनाहं, भिक्खवे, कम्मं वदामि (अ० नि० ६.६३; कथा० ५.३९), तिविधा, भिक्खवे, कायसज्चेतना अकुसलं कायकम्म”न्तिआदिवचनतो (कथा० ५.३९) कम्मभावो पाकटो, कम्मयेव च सुगतिदुग्गतीनं तत्थ उप्पज्जनकसुखदुक्खानञ्च पथभावेन पवत्तं कम्मपथोति वुच्चतीति पाकटो तस्सा कम्मपथभावो, अभिज्झादीनं पन चेतनासमीहनभावेन सुचरितदुच्चरितभावो चेतनाजनितपिट्ठिवट्टकभावेन सुगतिदुग्गतितदुप्पज्जनकसुखदुक्खानं पथभावो चाति न तथा पाकटो कम्मपथभावोति तेयेव तेन सभावेन दस्सेतुं **अभिधम्मे** चेतना कम्मपथरासिभावेन न वुत्ता, अतथाजातियकत्ता वा चेतना तेहि सद्धिं न वुत्ताति ददुब्बं । **मूलं पत्वाति**

मूलदेसनं पत्वा, मूलसभावेसु धम्मेसु वुच्चमानेसूति अत्थो ।

**अदिन्नादानं सत्तारम्मणन्ति** इदं “पञ्च सिक्खापदा परित्तारम्मणा एव वा”ति इमाय पञ्चपुच्छकपाळिया विरुज्झति । यज्हि पाणातिपातादिदुस्सील्यस्स आरम्मणं, तदेव तं वेरमणिया आरम्मणं । वीतिक्कमितब्बवत्थुतो एव हि विरतीति । **सत्तारम्मणन्ति** वा सत्तसङ्घातं सङ्घारारम्मणमेव उपादाय वुत्तन्ति नायं विरोधो । तथा हि वुत्तं **सम्मोहविनोदनियं** (विभ० अट्ठ० ७१४) “यानि सिक्खापदानि एत्थ सत्तारम्मणानीति वुत्तानि, तानि यस्मा सत्तोति सङ्ख्यं गतं सङ्घारमेव आरम्मणं करोन्ती”ति । विसभागवत्थुनो “इत्थी, पुरिसो”ति गहेतब्बतो **सत्तारम्मणोति एके** । “एको दिट्ठो, द्वे सुता”ति आदिना सम्फप्पलपने **दिट्ठसुतमुतविज्जातवसेन** । तथा **अभिज्झाति** एत्थ तथा-सद्दो “दिट्ठसुतमुतविज्जातवसेना”ति इदम्पि उपसंहरति, न सत्तसङ्घारारम्मणतं एव दस्सनादिवसेन अभिज्झायनतो । “नत्थि सत्ता ओपपातिका”ति पवत्तमानापि **मिच्छादिट्ठि** तेभूमकधम्मविसयावाति अधिप्पायेनस्सा **सङ्घारारम्मणता** वुत्ता । कथं पन मिच्छादिट्ठिया सब्बे तेभूमकधम्मा आरम्मणं होन्तीति? साधारणतो । “नत्थि सुकतदुक्कटानं कम्मानं फलं विपाको”ति हि पवत्तमानाय अत्थतो रूपारुपावचरधम्मापि गहिता एव होन्तीति ।

सुखबहुलताय राजानो हसमानापि “चोरं घातेथा”ति वदन्ति, हासो पन तेसं अज्जविसयोति आह “**सन्निट्ठापक... पे०... होती**”ति ।

**केसज्जीति** सहजातानं अदिन्नादानादीनं । **सम्पयुत्तपभावकट्टेनाति** सम्पयुत्तो हुत्वा उप्पादकट्टेन । **केसज्जीति** असहजातानं । **उपनिस्सयपच्चयट्टेनाति** एतेन मूलट्टेन लोभस्स उपकारतं निवत्तेति । सुप्पतिट्ठितभावसाधनट्टो हि मूलट्टो, सो च हेतुपच्चयताअविनाभावी, तेन चेत्य मूलमिव मूलन्ति गहेतब्बं, निप्परियायतो पन पुब्बे “केसज्जी”ति वुत्तानं सहजातानं मूलभावो वेदितब्बो । **रत्तो खोति** आदिना सुत्तपदेनपि पाणातिपातादीनं अकुसलानं लोभस्स मूलकारणतं विभावेति, न मूलट्टेनुपकारत्थं अविसेसतो तेसं हेतुपच्चयत्ताभावतो ।

अकुसलकम्मपथवण्णना निट्ठिता ।

### कुसलकम्मपथवण्णना

वेरन्ति पाणातिपातादिपापधम्मं । सो हि वेरहेतुताय “वेर”न्ति वुच्चति, तं **मणति** “मयि इध ठिताय कथमागच्छसी”ति तज्जेन्ती विय निवारेतीति **वेरमणी** । तेनाह “**पजहती**”ति । “**विरमणी**”ति वत्तब्बे निरुत्तिनयेन एव-कारं कत्वा एवं वुत्तं । **विभङ्गे** (विभ० ७०३, ७०४) एव निद्विसनवसेन एवं वुत्ता । असमादिन्नसीलस्स सम्पत्ततो यथाउपट्ठितवीतिक्कमितब्बवत्थुतो विरति **सम्पत्तविरति**, समादानवसेन उप्पन्ना विरति **समादानविरति**, समादानवसेन उप्पन्ना विरति **समादानविरति**, किलेसानं समुच्छिन्दनवसेन पवत्ताविरति **समुच्छेदविरति** ।

जीवमानससस्स मंसरुधिरसम्मिस्सताय **अल्लससमंसं** । **मुज्जि** सब्बत्थ समकरुणताय । **सच्चं वत्वा** “एतेन सच्चवज्जेन मय्हं मातु रोगो सम्मतू”ति **अधिट्ठासि** ।

**महासप्पोति** अजगरो । **मुज्जित्वा** **अगमासि** सीलतेजेन ।

कोसल्लं वुच्चति जाणं, कोसल्लेन, कोसल्लतो वा **पवत्तिया** उपगमनतो । **कुच्छितसयनतोति** कुच्छितेनाकारेन

सयनतो अनुसयनतो, पवत्तनतो वा । “वेरमणिकुसला”ति वत्तब्बापि पुच्छानुरूपं विस्सज्जनन्ति “कुसला”ति न वुत्ता, “कुसल”न्त्वेव वुत्ता ।

कामञ्चेत्थ पाळियं विरतियोव आगता, सिक्खापदविभङ्गे (विभ० ७०४) पन चेतनापि आहरित्वा दीपिताति तदुभयम्पि गणहन्तो “चेतनापि वट्टन्ति विरतियोपी”ति आह ।

**अनभिज्झा हि मूलं पत्वा** कम्मपथकोट्टासं पत्वा अनभिज्झाति वुत्तधम्मो मूलतो अलोभो कुसलमूलं होतीति एवमत्थो दट्टब्बो । सेसपदद्वयेपि एसेव नयो ।

दुस्सील्यारम्मणा तदारम्मणा जीवितिन्द्रियादिआरम्मणा कथं दुस्सील्यानि पजहन्तीति तं दस्सेतुं “**यथा पना**”तिआदि वुत्तं ।

**अनभिज्झा ... पे० ... विरमन्तस्साति** अभिज्झं पजहन्तस्साति अत्थो । न हि मनोदुच्चरिततो विरति अत्थि अनभिज्झादीहेव तप्पहानसिद्धितो । **तेसु अलोभोति** आदीसु यं वत्तब्बं, तं अकुसलमूलेसु वुत्तनयेनेव वेदितब्बं ।

**अप्पनावारन्ति** निगमनवारं । **एकेन नयेनाति** वेदनादिवसेन अरूपमुखेनेव अनेकविधेसु विपस्सनाकम्मट्टानेसु एकेन कम्मट्टाननयेन । “**ठपेत्वा अभिज्झं नव अकुसलकम्मपथा**”ति वत्तब्बं । **दसाति** वा इदं “कुसलकम्मपथा”ति इमिना सम्बन्धितब्बं “अकुसलकम्मपथा च दस कुसलकम्मपथा चा”ति । “ठपेत्वा अभिज्झ”न्ति हि इमिनाव अकुसलकम्मपथानं नवभावो वुत्तो होति । अथ वा **दसाति** इदं उभयथापि सम्बन्धितब्बं । अभिज्झा हि पहातब्बापि सति परिज्जेय्यतं नातिवत्ततीति । तथा हि वुत्तं “रूपतण्हा पियरूपं सातरूप”न्तिआदि, तस्मा सा ताथ परिज्जेय्यताय दुक्खसच्चोपि सङ्गहं लभतेव, पहातब्बं पन उपादाय “ठपेत्वा अभिज्झ”न्ति वुत्तं । तेनेवाह “**परियायेन पन सब्बेपि कम्मपथा दुक्खसच्च**”न्ति । अभिज्झालोभानं पवत्तिआकारसिद्धभेदं उपादाय “**इमे द्वे धम्मा**”ति वुत्तं । सुत्तन्तनयेन तण्हा “समुदयसच्च”न्ति वुत्ताति आह “**निप्परियायेन समुदयसच्च**”न्ति । **अप्पवत्तीति** अप्पवत्तिनिमित्तमाह यथा “रागक्खयो दोसक्खयो”ति (सं० नि० ४.३१४) । सप्पच्चयताय सङ्खतसभावे दुक्खसच्चे गहिते अप्पच्चयताय असङ्खतं निरोधसच्चं पटिपक्खतो आवत्तति, एकन्तसावज्जे आचयगामिलक्खणे समुदयसच्चे गहिते सावज्जा विगमनं अपचयगामिलक्खणं मग्गसच्चं पटिपक्खतो आवत्ततीति द्वे आवत्तहारवसेन वेदितब्बानीति वुत्तं । तेनेवाह **नेत्तियं** (नेत्ति० ४.निद्देसवार) —

“एकम्हि पदट्टाने, परियेसति सेसकं पदट्टानं ।

आवत्तति पटिपक्खे, आवत्तो नाम सो हारो”ति ॥

**सब्बाकारेनाति** कामरागरूपरागादिसब्बप्पकारेहि, सब्बतो वा अपायगमनीयादिआकारतो, तत्थ किञ्चिपि अनवसेसेत्वा वा । **सब्बाकारेनेवाति** सब्बाकारतो । **नीहरित्वाति** अपनेत्वा, समुच्छिन्दित्वाइच्चेव अत्थो । **कञ्चि धम्मं अनवकारीकरित्वाति** रूपवेदनादीसु कञ्चि एकधम्मम्पि अविनिब्भोगं कत्वा, एकेकतो अगगहेत्वा समूहतोव गहेत्वाति अत्थो । **अस्मीति** अहमस्मीति मानग्गाहवसेन । सो पन यस्मा पञ्चक्खन्धे निरवसेसतो गण्हाति, तस्मा वुत्तं “**समूहग्गहणाकारेना**”ति । यस्मा चेत्थ अगगमग्गचित्तं वुच्चति, तस्मा आह “**दिट्ठिसदिसं मानानुसय**”न्ति । “यं रूपं तं अह”न्तिआदिना यथा दिट्ठि रूपादिं “अहमस्मी”ति गणहन्ती पवत्तति, एवं मानोपि “सेय्योहमस्मी”तिआदिनाति आह

“मानानुसयो अस्मीति पवत्तत्ता दिट्ठिसदिसो”ति । परिच्छेदकरोति ओसानपरिच्छेदकरो इतो परं दुक्खस्साभावकरणतो । कम्मपथदेसनायाति कम्मपथमुखेन पवत्तचतुसच्चदेसनाय । मनसिकारप्पटिवेधवसेनाति विपस्सनामनसिकारमग्गप्पटिवेधवसेन ।

कुसलकम्मपथवारवण्णना निट्ठिता ।

### आहारवारवण्णना

१०. आहरतीति (सं० नि० टी० २.२.११) आनेति, उप्पादेति उपत्थम्भेति चाति अत्थो । निब्बत्ताति पसुता । ततो पट्टाय हि लोके जातवोहारो । पटिसन्धिगहणतो पन पट्टाय याव मातुकुच्छितो निक्खमनं, ताव सम्भवेसिनो । एस ताव गम्भसेय्यकेसु भूतसम्भवेसिविभागो, इतरेसु पन पठमचित्तादिवसेन वुत्तो । सम्भव-सद्दो चेत्थ गम्भसेय्यकानं वसेन पसूतिपरियायो, इतरेसं वसेन उप्पत्तिपरियायो । पठमचित्तपठमइरियापथक्खणेषु हि ते सम्भवं उप्पत्तिं एसन्ति उपगच्छन्ति नाम, न ताव भूता उप्पत्तिया न सुप्पत्तिट्ठितत्ता । भूतायेव सब्बसो भवेसनाय समुच्छिन्नत्ता । न पुन भविस्सन्तीति अवधारणेन निवत्तितमत्थं दस्सेति, “यो च कालघसो भूतो”तिआदीसु (जा० १.२.१९०) भूत-सद्दस्स खीणासववाचिता दट्ठब्बा । वा-सद्दो चेत्थ सम्पिण्डनत्थो “अग्निना वा उदकेन वा”तिआदीसु (उदा० ७६) विय ।

यथासकं पच्चयभावेन अत्तभावस्स पट्टपनमेवेत्थआहारेहि कातब्बअनुगहोति अधिप्पायेनाह “वचनभेदो... पे०... एकोयेवा”ति । सत्तस्स उप्पन्नधम्मानन्ति सत्तस्ससन्ताने उप्पन्नधम्मानं । यथा “वस्ससतं तिट्ठती”ति वुत्ते अनुप्पबन्धवसेन पवत्ततीति वुत्तं होति, एवं ठितियाति अनुप्पबन्धवसेन पवत्तियाति अत्थो, सा पन अविच्छेदोति आह “अविच्छेदाया”ति । अनुप्पबन्धधम्मपत्तिया सत्तसन्तानो अनुगहितो नाम होतीति आह “अनुप्पन्नानं उप्पादाया”ति । एतानीति ठितिअनुगहपदानि । उभयत्थ दट्ठब्बानि, न यथासङ्ख्यं ।

वत्थुगता ओजा वत्थु विय तेन सद्धिं आहरितब्बतं गच्छतीति वुत्तं “अज्झोहरितब्बतो आहारो”ति । निब्बत्तितओजं पन सन्धाय “कबळीकाराहारो ओजट्ठमकरूपानि आहरती”ति वक्खति । ओळारिकता अप्पोजताय, न वत्थुनो थूलताय, कथिनताय वा, तस्मा यस्मिं वत्थुस्मिं परित्ता ओजा होति, तं ओळारिकं । सप्पादयो दुक्खुप्पादकताय ओळारिकावेदितब्बा । विसाणादीनं तिवस्सछड्डितानं पूतिभूतता मुदुकताति वदन्ति, तरच्छखेळतेमिकताय पन तथाभूतानं तेसं मुदुकता । धम्मसभावो हेस । ससानं आहारो सुखुमो तरुणतिणसस्सखादनतो । सकुणानं आहारो सुखुमो तिणबीजादिखादनतो । पच्चन्तवासीनं सुखुमो, तेसज्झि साकपण्णसुक्खकुरपदुमपत्तम्पि आहारोति । तेसं परनिम्मितवसवत्तीनं । सुखुमोत्वेवाति न किञ्चि उपादाय, अथ खो सुखुमो इच्चेव निट्ठं पत्तो ततो परं सुखुमस्स अभावतो ।

वत्थुवसेन पनेत्थ आहारस्स ओळारिकसुखुमता वुत्ता, सा चस्स अप्पोजमहोजताहि वेदितब्बाति दस्सेतुं “एत्थ चा”तिआदि वुत्तं । परिस्समन्ति खुदावसेन उप्पन्नं सरीरखेदं । विनोदेतीति वत्थु तस्स विनोदनमत्तं करोति । न पन सक्कोति पालेतुन्ति सरीरं यापेतुं नप्पहोति निस्सारत्ता । न सक्कोति परिस्समं विनोदेतुं आमासयस्स अपूरणतो ।

छब्बिधोपीति इमिना कस्सचिपि फस्सस्स अनवसेसितब्बतमाह । आहारस्सदेसनाक्कमेनेवेत्थ फस्सादीनं दुतियादिता, न अज्जेन कारणेनाति आह “देसनानयो एवा”तिआदि । मनसो सज्चेतना, न सत्तस्साति दस्सनत्थं

मनोगहणं यथा “चित्तस्स ठिति (ध० स० ११), चेतोविमुत्ति चा”ति (म० नि० १.६९) आह “मनोसज्जेतनाति चेतना एवा”ति । चित्तन्ति यं किञ्चि चित्तं, न विपाकविज्जाणमेव ।

पुब्बे “आहारन्ति पच्चय”न्ति वुत्ता “यदि पच्चयद्वो आहारद्वो”तिआदिना चोदेति । अथ कस्मा इमेयेव चत्तारो वुत्ताति अथ कस्मा चत्तारोव वुत्ता, इमे एव च वुत्ताति योजना । विसेसपच्चयत्ताति एतेन यथा अज्जे पच्चयधम्मा अत्तनो पच्चयुप्पन्नस्स पच्चयाव होन्ति, इमे पन तथा च होन्ति अज्जथा चाति समानेपि पच्चयत्ते अतिरेकपच्चया होन्ति, तस्मा आहाराति वुत्ताति इममत्थं दस्सेति । इदानीं तं अतिरेकपच्चयत्तं दस्सेतुं “विसेसपच्चयो ही”तिआदि आरब्धं । विसेसपच्चयो रूपकायस्स कबलीकारो आहारो उपत्थम्भकभावतो । तेनाह अट्ठकथायं (विसुद्धि० २.७०८; पट्ठा० अट्ठ० पच्चयुद्देसवण्णना) “रूपारूपानं उपत्थम्भकत्तेन उपकारका चत्तारो आहारा आहारपच्चयो”ति । उपत्थम्भकत्तज्झि सतिपि जनकत्ते अरूपीनं आहारानं आहारजरूपसमुद्वापकरूपाहारस्स च होति, असति पन उपत्थम्भकत्ते आहारानं जनकत्तं नत्थीति उपत्थम्भकत्तं पधानं । जनयमानोपि हि आहारो अविच्छेदवसेन उपत्थम्भयमानो एव जनेतीति उपत्थम्भकभावो एव आहारभावो । वेदनाय फस्सो विसेसपच्चयो । “फस्सपच्चया वेदना”ति हि वुत्तं । “सङ्खारपच्चया विज्जाण”न्ति (उदा० १; म० नि० ३.१२६) वचनतो विज्जाणस्समनोसज्जेतना । “चेतना तिविधं भवं जनेती”ति हि वुत्तं । “विज्जाणपच्चया नामरूप”न्ति पन वचनतो नामरूपस्स विज्जाणं विसेसपच्चया । न हि ओक्कन्तिविज्जाणाभावे नामरूपस्स अत्तसम्भवो । यथाह “विज्जाणञ्च हि, आनन्द, मातुकुच्छिस्मिं न ओक्कमिस्सथ, अपि नु खो नामरूपं मातुकुच्छिस्मिं समुच्चिस्सथा”तिआदि (दी० नि० २.११५) । वुत्तमेवत्थं सुत्तेन साधेतुं “यथाहा”तिआदि वुत्तं ।

एवं यदिपि पच्चयद्वो आहारद्वो, विसेसपच्चयताय पन इमे एव आहाराति वुत्ताति तं नेसं विसेसपच्चयत्तं अविभागतो दस्सेत्वा इदानीं विभागतो दस्सेतुं “को पनेत्था”तिआदि आरब्धं । मुखे ठपितमत्तोयेव असङ्खादितो, तत्तकेनपि अब्भन्तरस्स आहारस्स पच्चयो होति एव । तेनाह “अट्ठ रूपानि समुद्वापेती”ति । सुखवेदनाय हितो सुखवेदनियो । सब्बथापीति चक्खुसम्फस्सादिवसेन । यत्तका फस्सस्स पकारभेदा, तेसं वसेन सब्बप्पकारोपि फस्साहारो । यथारहं तिस्सो वेदना आहरति, अनाहारको नत्थि ।

सब्बथापीति इधापि फस्साहारे वुत्तनयानुसारेण अत्थो वेदितब्बो । तिसन्ततिवसेनाति कायदसकं भावदसकं वत्थुदसकन्ति तिविधसन्ततिवसेन । सहजातादिपच्चयनयेनाति सहजातादिपच्चयविधिना । पटिसन्धिविज्जाणज्झि अत्तना सहजातनामस्स सहजातअज्जमज्जनिस्सयविपाकिन्द्रियसम्पयुत्तअत्थिअविगतपच्चयेहि पच्चयो होन्तोयेव आहारपच्चयताय तं आहारेती वुत्तं, सहजातरूपेसु पन वत्थुनो सम्पयुत्तपच्चयं ठपेत्वा विप्पयुत्तपच्चयेन, सेसरूपस्स अज्जमज्जपच्चयञ्च ठपेत्वा वुत्तनयेनेवयोजना कातब्बा । तानीति नपुंसकनिद्देशो अनपुंसकानम्पि नपुंसकेहि सह वचनतो ।

सासवा कुसलाकुसलचेतनाव वुत्ता । विसेसपच्चयभावदस्सनं हेतन्ति । तेनाह “अविसेसेन पना”तिआदि । पटिसन्धिविज्जाणमेव वुत्तन्ति एत्थापि एसेव नयो । यथा तस्स तस्स फलस्स विसेसतो पच्चयताय एतेसं आहारद्वो, एवं अविसेसतोपीति दस्सन्तेन “अविसेसेन पना”तिआदि वुत्तं । तत्थ तंसम्पयुत्ततंसमुद्धानधम्मानन्ति तेहि फस्सादीहि सम्पयुत्तधम्मानञ्चेव तंसमुद्धानरूपधम्मानञ्च । तत्थ सम्पयुत्तगहणं यथारहतो दट्ठब्बं, समुद्धानगहणं पन अविसेसतो ।

उपत्थम्भेन्तो आहारकिच्चं साधेतीति उपत्थम्भेन्तोयेव रूपं समुद्वापेति, ओजद्वमकरूपसमुद्वापनेनेव पनस्स उपत्थम्भनकिच्चसिद्धि । फुसन्तोयेवाति फुसनकिच्चं करोन्तो एव । आयूहमानावाति चेतयमाना एव अभिसन्दहन्ती एव ।

विजानन्तमेवाति उपपत्तिपरिकप्पनवसेन विजानन्तमेव आहारकिच्चं साधेतीति योजना । सेसपदद्वयेपि एसेव नयो । आहारकिच्चसाधनञ्च तेसं वेदनादिउप्पत्तिहेतुताय अत्तभावस्स पवत्तनमेव ।

कायट्टुपनेनाति कस्मा वुत्तं? ननु कम्मजादिरूपं कम्मादिनाव पवत्ततीति चोदनं सन्धायाह “कम्मजनितोपी”तिआदि । उपादिन्नरूपसन्ततिया उपत्थम्भनेनेव उतुचित्तजरूपसन्ततीनम्पि उपत्थम्भनसिद्धि होतीति “द्विन्नं रूपसन्ततीन”न्ति वुत्तं । उपत्थम्भनमेव सन्धाय “अनुपालको हुत्वा”ति च वुत्तं । रूपकायस्स ठितिहेतुता हि यापना अनुपालना ।

सुखादिवत्थुभूतन्ति सुखादीनं पवत्तिट्ठानभूतं । आरम्मणम्पि हि वसति एत्थ आरम्मणकरणवसेन तदारम्पणा धम्माति वत्थूति वुच्चति । फुसन्तोयेवाति इदं फस्सस्स फुसनसभावत्ता वुत्तं । न हि धम्मानं सभावेन विना पवत्ति अत्थि । वेदनापवत्तिया विना सत्तानं सन्धावनता नत्थीति आह “सुखादि...पे०... होती”ति, न चेत्थ सज्जीभवकथायं असज्जीभवो दस्सेतब्बो, तस्सापि वा कारणभूतवेदनापवत्तिवसेनेव ठितिया हेतुनो अब्यापिता । तथा हि “मनोसज्जेतना...पे०... भवमूलनिष्पादनतो सत्तानं ठितिया होती”ति वुत्ता, ततो एव “विज्जाणं विजानन्तमेवाति उपपत्तिपरिकप्पनवसेन विजानन्तमेवा”ति वुत्तोवायमत्थोति ।

चत्तारि भयानि दट्टब्बानि आदीनवविभावनतो । निकन्तीति निकामना । रसतण्हं सन्धाय वदति । सा हि कबळीकारे आहारे बलवती । तेनेव तत्थ अवधारणं कतं । भायति एतस्माति भयं, निकन्तियेवभयं महानत्थहेतुतो । उपगमनं विसयिन्द्रियविज्जाणेषु विसयविज्जाणेषु एव च सङ्गतिवसेन पवत्ति, तं वेदनादिउप्पत्तिहेतुताय “भय”न्ति वुत्तं । अवधारणे पयोजनं वुत्तनयमेव । सेसद्वयेपि एसेवनयो । आयूहनं अभिसन्दहनं, संविधानन्तिपि वदन्ति । तं भवूपपत्तिहेतुताय “भय”न्ति वुत्तं । अभिनिपातो तत्थ तत्थ भवे पटिसन्धिगहणवसेन निब्बत्ति । सो भवूपपत्तिहेतुकानं सब्बेसं अनत्थानं मूलकारणत्ता “भय”न्ति वुत्तो । इदानि निकन्तिआदीनं सप्पटिभयतं वित्थारतो दस्सेतुं “किंकारणा”तिआदि आरब्धं । तत्थ निकन्तिं कत्वाति आलयं जनेत्वा, तण्हं उप्पादेत्वाति अत्थो ।

फस्स उपगच्छन्ताति चक्खुसम्फस्सादिभेदं फस्सं पवत्तेन्ता । फस्सस्सादिनोति कायसम्फस्सवसेन फोट्टब्बसङ्घातस्स फस्सस्स अस्सादनसीला । कायसम्फस्सवसेन हि सत्तानं फोट्टब्बतण्हा पवत्ततीति दस्सेतुं फस्साहारादीनवदस्सने फोट्टब्बारम्पणं उद्धटं “परेसं रक्खितगोपितेसू”तिआदिना । फस्सस्सादिनोति वा फस्साहारस्सादिनोति अत्थो । सति हि फस्साहारे सत्तानं फस्सारम्पणे अस्सादो, नासतीति । तेनाह “फस्सस्सादमूलक”न्तिआदि ।

जातिनिमित्तस्स भयस्स अभिनिपातसभावेन गहितत्ता “तम्मूलक”न्ति वुत्तं, कम्मायूहननिमित्तन्ति अत्थो ।

अभिनिपततीति अभिनिब्बत्ति । पठमाभिनिब्बत्ति हि सत्तानं तत्थ तत्थ अङ्गारकासुसदिसे भवे अभिनिपातसदिसीति । तम्मूलकत्ताति नामरूपनिब्बत्तिमूलकत्ता ।

तत्राति तासु उपमासु । भूतमत्थं कत्वाति न परिकप्पितमत्थं, अथ खो भूतं भूतपुब्बं अत्थं कत्वा । पाथेय्यहत्थेसु गच्छन्तेसु पाथेय्यं, गच्छन्तं विय होतीति वुत्तं “गन्त्वा पाथेय्यं निट्ठासी”ति । गन्त्वाति वागमनहेतूति अत्थो । खुप्पिपासातुरताय घनच्छायं रुक्खं उपगन्तुं असमत्था विरळहच्छायायं निसीदिसु । न दानि सक्का तं मया कातुं



अतिदुब्बलभावतो । परिक्खलितगतितरुणदारको खुप्पिपासाभिभूतो च, तस्मा गच्छन्तोयेव मतो ।

**सजातिमंसतायाति** (सं० नि० टी० २.२.६३) समानजातिमंसताय, मनुस्समंसतायाति अत्थो । यं मनुस्समंसं, तज्जि लोके जिगुच्छनीयत्ता पटिकूलं । तथा हि तं विज्जूहि वज्जितं, मनुस्समंसंसेसुपि जातिमंसं अयुत्तपरिभोगताय पटिकूलं, तत्थापि पुत्तमंसं, तत्थापि पियपुत्तमंसं, तत्थापि तरुणमंसं, तत्थापि आमकमंसं, तत्थापि अगोरसाभिसङ्घृतं, तत्थापि अलोणं, तत्थापि अधूपितन्ति एवं हेट्ठिमतो उत्तरुत्तरस्स पटिकूलतरभावकारणता दट्ठब्बा । **पुत्तमंससदिसन्ति** पटिकूलताउपट्ठापनेन पुत्तमंससदिसं कत्वा पस्सति । **तत्थ निकन्तिं परियादियतीति** अरियमग्गेन आहारे सापेक्खं खेपेति ।

**सा गावीति** “सेय्यथापि भिक्खवे गावी”ति (सं० नि० २.६३) एवं सुत्ते वुत्तगावी । **उद्दालेत्वाति** उप्पाटेत्वा । **निस्साय तिट्ठतीति** पटिच्चपच्चयं कत्वा पवत्तति । दुक्खदुक्खतादिवसेन तिण्णम्पि वेदयितानं दुक्खभावं सन्धायाह “वेदयितदुक्खस्सा”ति ।

साधुसम्मतापि गति विपरिणामसङ्खारदुक्खतावसेन किलेसदुक्खवसेन च महापरिळाहायेवाति वुत्तं “**महापरिळाहट्ठेन तयो भवा**”ति । **यथा उपकट्टका द्वे पुरिसा**, एवं कुसलाकुसलवसेन द्वे मनोसज्चेतना । यथा मनोसज्चेतना न पवत्तति, तथा पटिपज्जन्तो तत्थ निकन्तिं परियादियतीति वेदितब्बो ।

सत्तिसतेन हता **एव** उपमा सत्तिसतहतूपमा, तस्सं **सत्तिसतहतूपमायं** । तं सत्तिसतं । **अस्स** पुरिसस्स । **पतितोकासेति** पुरिमसत्तीहि पतितत्पदेसे । **दुक्खस्स पमाणं नत्थि** अनेकस्स अपरापरं उप्पज्जनतो । **खन्धजननन्ति** खन्धानं अपरापरुप्पादो, पठमाभिनिब्बत्ति पन पटिसन्धि एव । **आगुचारी पुरिसो विय पटिसन्धिविज्जाणं** नानप्पकारदुक्खुप्पादसन्निस्सयतो, तेहि च दुक्खेहि उपगन्तव्वतो । सम्पयुत्तधम्मनं पमुखभावेन पवत्तिया “**विज्जाणस्स दुक्खुप्पादोति** वुत्ता । तथा हि वुत्तं “मनोपुब्बङ्गमा धम्मा”ति (ध० प० १, २) यथा विज्जाणं आर्यातिं पटिसन्धिवसेन न पवत्तति, एवं करणं तत्थ निकन्तिपरियादानं दट्ठब्बं ।

**परिज्जातं वत्थूति** दुक्खसच्चमाह । **पच्चकामगुणिको रागोति** पच्चकामगुणारम्मणो रागो । **परिज्जातो होतीति** परिच्छिज्ज जाननेन समतिक्कन्तो होति । रसतण्हाय हि सम्मदेव विगताय रूपतण्हादयोपि विगतायेव होन्ति । तथा च सति कामरागसंयोजनं समुच्छिन्नमेव होति, एवं करणं तत्थ निकन्तिपरियादानं दट्ठब्बं । परिज्जाभिसमये हि सिद्धे पहानाभिसमयो सिद्धो एवाति । पहीने च कामरागसंयोजने ओरम्भागियसंयोजनानं लेसोपि नावसिस्सतीति दस्सेन्तो आह “**नत्थि तं संयोजनं**”न्तिआदि । तेन कबळीकाराहारपरिज्जा अनागामितं पापेतीति दस्सेति । सेसाहारपरिज्जा पन अरहत्तनिट्ठा एवाति दस्सेन्तो “**फस्से भिक्खवे**”तिआदिमाह । तत्थ **तिस्सो तण्हाति** कामतण्हा रूपतण्हा अरूपतण्हाति इमा तिस्सो तण्हा ।

“**पुरिमतण्हासमुदया**”ति सङ्खेपतो वुत्तमत्थं वित्थारतो दस्सेतुं “**कथं**”न्तिआदि आरब्धं । तत्थ **तण्हापच्चयनिब्बत्ताति** तण्हापच्चया निब्बत्ता । पटिसन्धिकखणे पुरिमतण्हासमुदया आहारानं समुदयदस्सनेनेव पवत्तिकखणेपि उपादिन्नकआहारसमुदयो दस्सितो होतीति तं अनामसित्वा अनुपादिन्नकानं तण्हासमुदयं दस्सेतुं “**यस्मा पना**”तिआदि वुत्तं । **इथाति** इमस्मिं सुत्ते **मिस्सित्वा कथिता** अविसेसितत्ता । **सहजाततण्हापच्चयनिब्बत्तोति** एत्थ **सहजातगहणं** असहजाततण्हापच्चयनिब्बत्तोपि अनुपादिन्नकआहारो लब्धतीति दस्सनत्थं । सो पन

असहजाततण्हापच्चयनिब्बत्ततासामञ्जेनपि यथावुत्तउपादिन्नकाहारेन संसयं जनेय्याति न उद्धटो, न च एतं कारणं “रागं उपनिस्साय दोमनस्सं उपपज्जती”ति वचनतो, तण्होपनिस्सयपटिघचित्तसमुद्धानाय च ओजाय वसेन अनुपादिन्नकआहारस्स लब्धनतो। कथं पन तण्हा ओजाय उपनिस्सयपच्चयो; न हि पट्टाने कत्थचि रूपस्स उपनिस्सयपच्चयो वुत्तो अत्थीति। नायं विरोधो “यस्मिं सति यं होति, सो तस्स उपनिस्सयो”ति सुत्तन्तनयस्स अधिपेतत्ता यथावुत्तत्थसम्भवतो। तेनेवाह “इमिस्सा...पे०... तण्हाय निरोधेना”ति।

कारणे सब्बसो निरुद्धे फलम्पि सब्बसो निरुज्झतीति आह “आहारनिरोधो पज्जायती”ति। आहारानं दुक्खसच्चैकदेसत्ता आहारग्गहणं दुक्खसच्चग्गहणमेव होतीति आह “इध चत्तारिपि सच्चानि सरूपेनेव वुत्तानी”ति। सच्चदेसना दुक्खादीनं यावदेव परिज्जेय्यादिभावसन्दस्सनत्था, तस्मा जरामरणादीसु परिज्जेय्यादिभावो असम्मोहतो सल्लक्खेतब्बोति दस्सेन्तो “सब्बत्थ असम्मूहन्तेन सच्चानि उद्धरितब्बानी”ति आह।

आहारवारवण्णना निड्ढिता।

### सच्चवारवण्णना

११. येन येन परियायेन व्याकरोतीति येन येन दुक्खादिजरामरणादिपरियायेन अरियसच्चानि सङ्खेपतो च वित्थारतो च कथेति। दुक्खन्ति दुक्खसच्चं दुक्खं, न दुक्खमत्तं।

सच्चवारवण्णना निड्ढिता।

### जरामरणवारवण्णना

१२. तेसं तेसन्ति व्यापनिच्छावसेनायं निद्वेसो कतो, तस्मा यथा “गामो गामो रमणीयो”ति वुत्ते रमणीयताय तादिसा सब्बेपि गामा सङ्गहं गच्छन्ति, एवं “तेसं तेसं सत्तानं जाती”ति वुत्ते जातिसङ्घातविकारवसेन सब्बेपि सत्ता सङ्गहं गच्छन्ति। तेनाह “सङ्खेपतो अनेकेसं सत्तानं साधारणनिद्वेसो”ति।

गतिजातिवसेनाति (सं० नि० टी० २.१.२) पञ्चगतिवसेन, तत्थापि एकेकाय गतिया खत्तियादिभुम्मदेवादिहत्थिआदिजातिवसेन च। निकिय्यन्ति सत्ता एत्थ, एतेन वाति निकायो, गोत्तचरणादिविभागो। जराय सभावो नाम वयोहानि, तस्मा जराति वयोहानिसङ्घातस्स सभावस्स निद्वेसो, पाकटजरावसेन निद्वेसो खण्डिच्चादिवसेन गहणतो। जीरणमेव जीरणता, जीरन्तस्स वा आकारो ता-सद्देन वुत्तो। तेनाह “अयं आकारनिद्वेसो”ति। दन्तादीनं वसेन खण्डं जातं एतस्साति खण्डितो, पुगलो। तस्स भावो खण्डिच्चं। पलितं एतस्स अत्थीति पलितो, तस्स भावो पालिच्चं। वलि तचो एतस्साति वलित्तचो, तस्स भावो वलित्तचता। इमे खण्डिच्चादयो जरा। विकारानं दस्सनवसेनाति विपत्तिदस्सनवसेन। वातस्साति महतो वातक्खन्धस्स। खण्डिच्चादिवसेन गतमग्गो पाकटो, तस्मा खण्डिच्चादिग्गहणं जराय किच्चनिद्वेसोति वुत्तन्ति दस्सेति। न च खण्डिच्चादीनेव जराति कललकालतो पभुति पुरिमरूपानं जरापत्तक्खणे उपपज्जमानानि पच्छिमरूपानि परिपक्करूपानुरूपानि परिणतपरिणतानि उपपज्जन्तीति अनुक्कमेन सुपरिणतरूपानं परिपाककाले उपपज्जमानानि खण्डिच्चादिसभावानि उपपज्जन्ति, तानि उदकादिमग्गेसु तिणरुक्खसंभग्गतादयो विय परिपाकगतमग्गसङ्घातेसु परिपक्करूपेसु उपपन्नानि “जराय गतो मग्गो”इच्चेव वुत्तानि, न जराति।

पकतियाति फलविपच्यनपकतिया, जराय वा पापुणितब्बं फलमेवपकति, ताय जरा दीपिता । सुप्पसन्नानीति सुट्ठु पसन्नानि । तमेव सुप्पसन्नतं किच्चतो दस्सेतुं “सुखुमम्पी”तिआदि वुत्तं । तिक्खविसदता हि तेसं इन्द्रियानं सुप्पसन्नता । आलुळितानीति आकुलानि । अविसदानीति अब्यत्तानि ।

कामं रूपधम्मेसुपि खणिकजरा दुरुपलक्खिता पटिच्छन्नाव, सा पन यस्मा सन्तानवसेन पवत्तिया परिव्यत्ताव होतीति “पाकटजरा”इच्चेव वुत्ता । अवीचि निरन्तरा जरा अवीचिजरा सति सन्ताने सत्तानं अनुप्पबन्धतो । ततो अज्जेसूति मन्ददसकादीसु पुब्बदसकादिपरिच्छेदतो अज्जेसु यथावुत्तेसु । अन्तरन्तराति तेसु एव वुत्तप्पकारेसु पुरिमदसकादितो पच्छिमदसकादीनं अन्तरन्तरा । वण्णविसेसादीनन्ति वण्णविसेससण्ठानविसेससम्फस्सविसेसादीनं ।

वचनकवसेनाति क-कारेन हि पदं वड्ढेत्वा वुत्तं, तस्मा चवनं चुतीति वुत्तं होति । तं पन एकचतुपञ्चवोकारभवेसु चुतिया अविसेसतो गहणन्ति आह “एकचतुपञ्चक्खन्धानं सामज्जवचन”न्ति । चवनकवसेनाति वा चवनकस्स पुग्गलस्स वसेनाति अत्थो । चवनमेव चवनताति आह “भाववचनेना”ति । लक्खणनिदस्सनन्ति वयसङ्घातस्स लक्खणस्स निदस्सनं । चवन्तस्स वा आकारो ता-सद्देन वुत्तो “चवनता”ति । भिज्जनं भेदोति वुत्तं “चुतिक्खन्धानं भङ्गुप्पत्तिपरिदीपन”न्ति । यथा भिन्नस्स घटस्स केनचि परियायेन घनघटभावेन ठानं नत्थि, एवं भिन्नानं खन्धानन्ति चवनं अन्तरहितं नामाति आह “अन्तरधानन्ति...पे०... परिदीपन”न्ति । यो मच्चूति वुच्चति भेदो, यच्च मरणं पाणचागो, तदुभयं एकज्झं कत्वा वुत्तं “मच्चु मरण”न्ति एवं वा एत्थ अत्थो दट्ठब्बो । कालस्स अन्तकस्स किरियाति या लोके वुच्चति, सा चुति, मरणन्ति अत्थो । चवनकालो एव वा अनतिककमनीयत्ता विसेसेन कालोति वुत्तोति तस्स किरिया अत्थतो चुतिक्खन्धानं भेदप्पत्तियेव । “चुति चवनता”तिआदिना पुब्बे वोहारमिस्सकेन निद्दिट्ठं ।

इदानी निब्बत्तितपरमत्थनयेनेव निद्देसोति दस्सेतुं “परमत्थेन दीपेतु”न्ति वुत्तं । “चवनकवसेना”तिआदिना हि पुग्गलवसेन च वोहाराधिष्ठाना संवण्णना कता । न किञ्चि कळेवरं निक्खिपकि ओपपातिकानं चुतिक्खन्धानं अन्तरधानमेवहोति, ततो परं उतुसमुद्धानरूपसन्तति न पवत्तति । “जातिसमुदया”तिआदीसु यं वत्तब्बं, तं “तण्हासमुदया”तिआदीसु वुत्तनयनेव सक्का विज्जातुन्ति न वुत्तं ।

जरामरणवारवण्णना निद्धिता ।

### जातिवारवण्णना

१३. जायनट्टेनातिआदि आयतनवसेन योनिवसेन च द्वीहि द्वीहि पदेहि सब्बसत्ते परियादियित्वा जातिं दस्सेतुं वुत्तं । सम्मोहविनोदनियं (विभ० अट्ठ० १९१) पन “जायमानकवसेन जाति, सज्जायनवसेन सज्जाती”ति वुत्तत्ता तत्थ एकेकेनेव पदेन सब्बसत्ते परियादियित्वा जातिं दस्सेतीति दट्ठब्बं । सम्पुण्णा जाति सज्जातीति कत्वा “सा परिपुण्णायतनवसेन युत्ता”ति वुत्तं । एतेनेव केवलं जातिसद्देन वुत्ताय जातिया अपरिपुण्णायतनता दट्ठब्बा । अभिव्यत्ता निब्बत्ति अभिनिब्बत्ति, पाकटा निब्बत्तीति अत्थो । “तेसं तेसं सत्तानं...पे०... अभिनिब्बत्ती”ति सत्तवसेन पवत्तत्ता वोहारदेसना ।

तत्र तत्राति एत्थ चतुवोकारभवे द्विन्नं, एकवोकारभवे द्विन्नं, सेसरूपधातुयं पटिसन्धिक्खणे उप्पज्जमानानं पञ्चन्नं, कामधातुयं विकलाविकलिन्द्रियवसेन सत्तन्नं नवन्नं दसन्नं, पुन दसन्नं, एकादसन्नञ्च आयतनानं वसेन सङ्गहो

वेदितब्बो । यदिपि चुतिक्खन्धा अनन्तरानं पटिसन्धिकधम्मनं अनन्तरादिना पच्चया होन्ति, ये पन समुदया अजनका, ते एत्थ उपपत्तिभवोति अधिप्पेता । जनको एव भवोति अधिप्पेतोति दस्सेन्तो “**जातिया पच्चयभूतो कम्मभवो वेदितब्बो**”ति आह ।

जातिवारवण्णना निड्डिता ।

### भववारवण्णना

१४. भावनभवनट्टेन भवो दुविधो । तत्थ कम्मभवो “भवति एतस्मा उपपत्तिभवो”ति भावनट्टेन **भवो** । **अट्टकथायं** पन उपपत्तिभवं “भवतीति भवो”ति वत्त्वा तस्स कारणत्ता कम्मं फलूपचारेण भवोति अयमत्थो वुत्तो, उभयत्थापि उपपत्तिभवहेतुभावेनेत्थ कम्मस्स कम्मभवपरियायोति दस्सितं होति । **सब्बथापीति** भावनभवनकुसलाकुसलउपपत्तिसम्पत्तिभवहीनपणीतादिना सब्बप्पकारेणपि । **कामभवोति वुत्तं** कामतण्हाहेतुकतो कामतण्हाय आरम्भणभावतो च । रूपभवूपगकम्मं रूपभवो, तथा अरूपभवूपगकम्मं अरूपभवो, तंतंनिब्बत्तक्खन्धा रूपारूपपत्तिभवा, रूपारूपभवभावो पन तेसं “कामभवो”ति एत्थ वुत्तनयेनेव वेदितब्बो ।

भववारवण्णना निड्डिता ।

### उपादानवारवण्णना

१५. **उपादानन्ति** चतुब्बिधम्पि उपादानं । यथा हि कामस्सादवसेन, भवस्सादवसेन वा तंतंसुगतिभवूपगं कम्मं करोन्तस्स कामुपादानं, एवं उच्छेदादिमिच्छाभिनिवेसवसेनाति चत्तारिपि उपादानानि यथारहं तस्स तस्स कुसलकम्मभवस्स उपनिस्सयवसेनेव पच्चया होन्ति, अकुसलकम्मभवस्स असहजातस्स अनन्तरस्स उपनिस्सयवसेनपि आरम्भणवसेनपि । सहजातस्स कामुपादानं सहजात-अज्जमज्ज-निस्सय-सम्पयुत्त-अत्थि-अविगत-हेतु-वसेन सत्तथा, सेसउपादानानि तत्थ हेतुपच्चयभावं पहाय मग्गपच्चयं पक्खिपित्वा सत्तधाव पच्चया होन्ति । अनन्तरस्स पन अनन्तरसमनन्तरअनन्तरूपनिस्सयनत्थिविगतासेवनवसेन पच्चया होन्ति । तस्सिदम्पि **सहजातादीति आदि-सद्वेन** सङ्गहितन्ति दट्ठब्बं । **वत्थुकामं उपादियति** चित्तं, पुग्गलो वा **एतेनाति** अत्थो । **तन्ति वत्थुकामं** । कामेतीति कामो च सो उपादियतीति उपादानञ्चाति योजना । **वुत्तनयेनाति अभिधम्मे** वुत्तनयेन ।

**सस्सतो अत्ताति** इदं पुरिमदिट्ठिं उपादियमानं उत्तरदिट्ठिं निदस्सेतुं वुत्तं । यथा एसा दिट्ठि दळ्हीकरणवसेन पुरिमं पुरिमं उत्तरा उत्तरा उपादियति, एवं “नत्थि दिन्न”न्तिआदिकापीति । **अत्तग्गहणं** पन अत्तवादुपादानन्ति नयिदं दिट्ठुपादानदस्सनन्ति दट्ठब्बं । **लोको चाति** अत्तग्गहणविनिमुत्तगहणं दिट्ठुपादानभूतं इध पुरिमदिट्ठिउत्तरदिट्ठिवचनेहि वुत्तन्ति वेदितब्बं । **सब्बदिट्ठिगतस्स** “दिट्ठुपादान”न्ति **एतं अधिवचनं** “सब्बापि दिट्ठि दिट्ठुपादान”न्ति वचनतो ।

**सीलब्बतं उपादियन्तीति** सीलब्बतं “सुद्धिमग्गो”ति उपादियन्ति । **एतेन** मिच्छाभिनिवेसेन । **सयं वा तं** मिच्छाभिनिवेससहगतं । सीलब्बतसहचरणतो **सीलब्बतञ्च तं** दळ्हग्गाहभावतो **उपादानञ्चाति सीलब्बतुपादानं** । **एवं सुद्धीति अभिनिवेसतोति** एवं गोसीलगोवतादिचरणेन संसारसुद्धीति अभिनिवेसभावतो । एतेन तं सहचरणतो अभिनिवेसस्स तंसद्धारहतं दस्सेति ।

वदन्तीति “अत्थि मे अत्ता”ति आदिना वोहरन्ति । एतेन दिट्ठिगतेन । अत्तवादमत्तमेवाति अत्ताति वाचामत्तमेव । एतेन वाचावत्थुमत्तमेतं, यदिदं बाहिरकपरिकप्पितो अत्ताति दस्सेति ।

तण्हा कामुपादानस्साति एत्थ “तत्थ कतमं कामुपादानं? यो कामेसु कामच्छन्दो कामरागो कामनन्दी कामतण्हा कामस्नेहो कामपरिळाहो काममुच्छा कामज्झोसानं । इदं वुच्चति कामुपादानं”न्ति वचनतो तण्हादळहत्तं कामुपादानं । तण्हादळहत्तन्ति च पुरिमतण्हाउपनिस्सयपच्चयतो दळहभूता उत्तरतण्हा एव । केचि पनाहु —

“अप्पत्तविसयपत्थना तण्हा अन्धकारे चोरस्सहत्थप्पसारणं विय, सम्पत्तविसयग्गहणं उपादानं तस्सेव भण्डग्गहणं विया”ति । अप्पिच्छसन्तुट्ठिपटिपक्खा एते धम्मा परियेसनारक्खदुक्खमूलानि, तस्मा वुत्तलक्खणा तण्हा वुत्तलक्खणस्सेव उपादानस्स अनानन्तरस्स उपनिस्सयवसेन पच्चयो, आरम्भणादिवसेनपि पच्चयो होतियेव, अनन्तरादीनं पन अनन्तरादिवसेन पच्चयो । सब्बस्सपि हि लोभस्स तण्हापरियायोपि कामुपादानपरियायोपि लब्भतेवाति । अवसेसानन्ति दिट्ठुपादानादीनं । सहजातादिवसेनाति सहजातानं सहजातादिवसेन, असहजातानं अनन्तरउपनिस्सयादिवसेनाति सब्बं हेट्ठा वुत्तनयेनेव वेदितब्बं ।

उपादानवारवण्णना निट्ठिता ।

### तण्हावारवण्णना

१६. “चक्खुसम्फस्सो”ति आदि फस्सस्स मातितो नामं विय पुत्तस्स वत्थुतो तस्स निस्सयभावेन उप्पत्तिहेतुत्ता, आरम्भणं पन केवलं उप्पत्तिहेतूति वुत्तं “सेट्ठि...पे... नाम”न्ति । कामरागभावेनाति वत्थुकामस्स रज्जनवसेन । रूपं अस्सादेन्तीति रुपारम्भणं तण्हाभिनन्दनावसेन अभिरममाना एव अस्सादेन्ती । निच्चन्ति आदिना दिट्ठाभिनन्दनामुखेन रूपं अभिरमन्ती । पेच्च न भविस्सतीति भिज्जित्वा न होति पुन अनुप्पज्जनतो । तथा सदक्कण्हादयोपीति यथा रूपतण्हा कामरागभावेन सस्सतरागवसेन उच्छेदरागवसेनाति च पवत्तिया तिस्रो तण्हा, तथा सदतण्हा गन्धरसफोटुब्बधम्मतण्हापि । तण्हाविचरितानीति तण्हासमुदाचारा, समुदाचारवसेन पवत्ततण्हाति अत्थो ।

अज्झत्तिकस्सुपादायाति (विभ० अट्ठ० ९७३; सं० नि० टी० २.२.२) अज्झत्तिकं खन्धपञ्चकं उपादाय । उपयोगत्थे हि इदं सामिवचनं । अस्मीति होतीति यदेतं अज्झत्तं खन्धपञ्चकं उपादाय तण्हामानदिट्ठिवसेन समूहगाहतो अस्मीति एवं होति, तस्मिं सतीति अत्थो । इत्थस्मीति होतीति खत्तियादीसु “इदंपकारो अहं”न्ति एवं तण्हामानदिट्ठिवसेन होतीति इदमेत्थ अनुपनिधाय गहणं । एवमादिनाति आदि-सद्देन “एवंस्मीति, अज्जथास्मीति, भविस्सन्ति, इत्थं भविस्सन्ति, एवं भविस्सन्ति, अज्जथा भविस्सन्ति, असस्मीति, सतस्मीति, सियन्ति, इत्थं सियन्ति, एवं सियन्ति, अज्जथा सियन्ति, अपाहं सियन्ति, अपाहं इत्थं सियन्ति, अपाहं एवं सियन्ति, अपाहं अज्जथा सिय”न्ति (विभ० ९७३) इमेसं तण्हाविचरितानं गहणं । तत्थ एवंस्मीति इदं समतो उपनिधाय गहणं, यथा अयं खत्तियो, यथा अयं ब्राह्मणो, एवं अहम्पीति अत्थो । अज्जथास्मीति इदं असमणो उपनिधाय गहणं, यथा अयं खत्तियो, यथा अयं ब्राह्मणो, ततो अज्जथा अहं हीनो वा अधिको वाति अत्थो । इति इमानि पुब्बे वुत्तानि द्वेति एतानि पच्चुप्पन्नवसेन चत्तारि तण्हाविचरितानि । भविस्सन्ति आदीनि पन चत्तारि अनागतवसेन वुत्तानि । तेसं पुरिमचतुक्के वुत्तनयेनेव अत्थो वेदितब्बो । असस्मीति असतीति असं । निच्चस्सेतं अधिवचनं, तस्मा सस्सतो अस्मीति अत्थो । सतस्मीति सीदतीति सतं । अनिच्चस्सेतं अधिवचनं, तस्मा असस्सतो अस्मीति अत्थो । इति इमानि द्वे सस्सतुच्छेदवसेन वुत्तानि । इतो परानि सियन्ति आदीनि चत्तारि संसयपरिवितक्कवसेन

वृत्तानि, तानि पुरिमचतुक्के वृत्तनयेन अत्थतो वेदितब्बानि । अपाहं सियन्तिआदीनि चत्तारि “अपि नामाहं भवेय्य”न्ति एवं पत्थनाकप्पनवसेन वृत्तानि, तानि पुरिमचतुक्के वृत्तनयेनेव वेदितब्बानि ।

एत्थ च सस्सतुच्छेदवसेन वृत्ता द्वे दिट्ठिसीसा नाम, अस्मि, भविस्सं, सियं, अपाहं सियन्ति एते पन चत्तारो सुद्धसीसा एव, “इत्थस्मी”तिआदयो तयो तयोति द्वादस सीसमूलका नाम । एवमेतानि द्वे दिट्ठिसीसा, चत्तारो सुद्धसीसा, द्वादस सीसमूलकाति अज्झत्तिकस्सुपादाय अट्टारस्स तण्हाविचरितानि वेदितब्बानि ।

**बाहिरस्सुपादायाति** बाहिरं खन्धपञ्चकं उपादाय । इदम्पि हि उपयोगत्थे सामिवचनं । **इमिनाति** इमिना रूपेण वा... पे०... विज्जाणेन वाति एवं रूपादीसु एकमेव “अहं”न्ति, इतरं किञ्चनपलिबोधभावेन गहेत्वा तण्हादिवसेन “अस्मी”ति अभिनिविसति, “इमिना”ति अयमेत्थ विसेसो । **अस्मीति** इमिना खगगेण वा छत्तेन वा अभिसेकेन वा “खत्तियोहमस्मी”ति अभिनिविसति । **बाहिररूपादिनिस्सितानीति** बाहिरानि परसन्ततिपरियापन्नानि रूपवेदनादीनि निस्सितानि । **अट्टारसाति** इमिना “अस्मी”तिआदिनयप्पवत्तानि अट्टारस, तानि पुब्बे वृत्तनयेनेव वेदितब्बानि । “इमिना”ति हि अयमेवेत्थ विसेसो, तस्मा “द्वे दिट्ठिसीसा”तिआदिना वृत्तनयेनेव निद्धारेत्वा वेदितब्बा । उभयं पन एकज्झं कत्वा आह “छत्तिंसा”ति ।

**निद्वेसत्थेनाति** “छयिमे आवुसो तण्हाकाया”तिआदिनिद्वेसपाळिया अत्थवचनेन । **निद्वेसवित्थाराति** तस्स च निद्वेसस्स अट्टसततण्हाविचरितवसेन वित्थारेण । **वित्थारस्स च पुन सङ्गहतोति** द्वीहि आकारेहि वित्थारितस्स अट्टारसतण्हाविचरितपभेदस्स छळेव तिस्सोयेवाति च पुन सङ्गहणतो च ।

**विपाकवेदना अधिप्पेता** विसेसतो अत्तानं अस्सादेतब्बतो । तमेव हिस्सा अस्सादेतब्बतं पकासेतुं “कथं”न्तिआदि वृत्तं । **अस्सादनेनाति** अभिरतिया । **ममायन्ताति** धनायन्ता । **चित्तकारादीनन्ति आदि-**सद्देन इट्ठवण्णारम्मणदायकानं सङ्गहो । **सिप्पसन्दस्सनकादीनन्ति आदि-**सद्देन वेज्जादीनं सङ्गहो । वेज्जा हि रसायतनोजावसेन तदुपत्थम्भितवसेन च धम्मारम्मणस्स दायका । स्वायं **आदि-**सद्दो “वीणावादकादी”तिआदिना पच्चेकञ्च योजेतब्बो, **पुत्तं ममायन्ताति** पुत्तं सम्पियायन्ता । पुत्तो विय चेत्थ वेदना दट्ठब्बा, सप्पायसप्पिखीरादीनि विय वेदनाय पच्चयभूतानि इट्ठरूपादिआरम्मणानि, धाति विय रूपादिछळारम्मणदायका चित्तकारादयो दट्ठब्बा ।

तण्हावारवण्णना निट्ठिता ।

### वेदनावारवण्णना

९७. चक्खुसम्फस्सजा एव वेदना अतीतादिभेदभिन्ना रासिवसेन एकज्झं गहेत्वा एको वेदनाकायो यथा वेदनाक्खन्धो, एवं सोतसम्फस्सजादिकाति पाळियं “छयिमे आवुसो वेदनाकाया”ति वृत्तन्ति आह “**वेदनाकायाति वेदनासमूहा**”ति । चक्खुसम्फस्सतो जाता **चक्खुसम्फस्सजा वेदना** । सा पन उपादिन्नापि अनुपादिन्नापि, तदुभयस्सपि सङ्गहन्तेन अत्थवण्णनाय कतत्ता आह “अयं तावेत्थ सब्बसङ्गाहिककथा”ति । इदानि “विपाकविधि अयं”न्ति उपादिन्नयेव गणहन्तो “**विपाकवसेना**”तिआदिमाह । **मनोद्वारे मनोविज्जाणधातुसम्पयुत्ताति** तदारम्मणमनोविज्जाणधातुसम्पयुत्ता ।

**अवसेसानन्ति** सम्पटिच्छनादिवेदनानं । **उपनिस्सयादीति आदि-**सद्देन अनन्तरादीनं सङ्गहो दट्ठब्बो । अनन्तरानज्झि अनन्तरादिवसेन, इतरेसं उपनिस्सयवसेन फस्सो पच्चयो होति, मनोद्वारे पन तदारम्मणवेदनानं मनोसम्फस्सो

उपनिस्सयवसेन पच्चयो । **अद्वारिकानन्ति** द्वाररहितानं । न हि पटिसन्धिआदिवेदनानं किञ्चि द्वारं अत्थि ।  
**सहजातमनोसम्फस्ससमुदयाति** एतेनस्स तासं सहजातकोटिया पच्चयभावमाह ।

वेदनावारवण्णना निट्ठिता ।

### फस्सवारवण्णना

९८. चक्खुं निस्साय उप्पन्नो सम्फस्सो **चक्खुसम्फस्सो** । पञ्चवत्थुकाति चक्खादिपञ्चवत्थुका  
चक्खादिपञ्चवत्थुसन्निस्सया । “उपादिन्नकथा एसो”ति **बावीसति**गगहणं, पवत्तिकथाभावतो **लोकिय**गगहणं ।  
**विपाकमनसम्पयुत्तफस्साति** विपाकमनोविज्जाणसम्पयुत्ता फस्सा । पच्चयुप्पन्नेन विय पच्चयेनपि उपादिन्नकेनेव  
भवितव्वन्ति “**छन्नं चक्खादीनं आयतनानं**”न्ति वुत्तं ।

फस्सवारवण्णना निट्ठिता ।

### सळायतनवारवण्णना

९९. निदस्सनमत्तज्चेतं, तस्मा यथा एत्थ अरूपलोकापेक्खाय छट्ठायतनञ्च सळायतनञ्च सळायतनन्ति एकसेसो  
इच्छितव्वो, एवं येसं पच्चयुप्पन्नो उपादिन्नो, पच्चयो पन अनुपादिन्नोतिपि इच्छितव्वो । तेसं मतेन बाहिरायतनवसेनपि  
एकसेसो वेदितव्वो “छट्ठायतनञ्च सळायतनञ्च सळायतनञ्च सळायतनं”न्ति । विसुद्धिमग्गोपि इमस्स आगमस्स  
अत्थसंवण्णनाति आह “**विसुद्धिमग्गे...पे०... वुत्तनयमेवा**”ति । एस नयो अज्जत्थापि विसुद्धिमग्गगगहणे ।

सळायतनवारवण्णना निट्ठिता ।

### नामरूपवारवण्णना

१००. **नमनलक्खणन्ति** आरम्मणाभिमुखं नमनसभावं तेन विना अपवत्तनतो । **रुप्पनं**  
सीतादिविरोधिपच्चयसन्निपाते विसदिसुप्पत्ति । इमे पन **तयोति**आदिना सब्बचित्तुप्पादसाधारणवसेनेव  
तंसङ्खारक्खन्धगगहणं, तस्मा ये यत्थ असाधारणा, तेपि अत्थतो गहितायेवाति दस्सेति ।

**उपादियित्वाति** पच्चये कत्वा । पच्चयकरणमेव हि पच्चयुप्पन्नस्स पच्चयभूतधम्मानं उपादियनं । समूहसम्बन्धे  
सामिवचनं एतन्ति “**समूहत्थे एतं सामिवचनं**”न्ति वुत्तं तेन विना सम्बन्धस्स अभावतो । **तेनाति** तस्मा । **तं सब्बम्पीति**  
तं भूतुपादायपभेदं सब्बम्पि सत्तवीसतिविधं । **यस्स नामस्साति** चतुवोकारभवे नामस्स । **विज्जाणम्पि** तप्परियापन्नमेव  
वेदितव्वं । **रूपस्साति** एकवोकारभवे रूपस्स । **विज्जाणं** पन पञ्चवोकारभवे सङ्खारविज्जाणमेव । **यस्स** पञ्चवोकारभवे  
नामरूपस्स । **तस्स वसेनाति** सहजातस्स सहजातादिवसेन, अनन्तरस्स अनन्तरादिवसेन, इतरस्स उपनिस्सयादिवसेन  
तस्स नामस्स यथारहं तस्स तस्स विज्जाणस्स पच्चयभावो वेदितव्वो ।

नामरूपवारवण्णना निट्ठिता ।

### विज्जाणवारवण्णना

**१०१. तेभूमकविपाकगहणे** कारणं हेट्ठा वुत्तमेव । **सङ्खारो यस्स विज्जाणस्साति** एत्थ अट्ठविधोपि कामावचरपुज्जाभिसङ्खारो सोळसविधस्स कामावचरविपाकविज्जाणस्स, पञ्चविधोपि रूपावचरपुज्जाभिसङ्खारो पञ्चविधस्स रूपावचरविपाकविज्जाणस्स, द्वादसविधोपि अपुज्जाभिसङ्खारो सत्तविधस्स अकुसलविपाकविज्जाणस्स, चतुब्बिधोपि आनेज्जाभिसङ्खारो चतुब्बिधस्स अरूपावचरविपाकविज्जाणस्स यथारहं पटिसन्धिपवत्तीसु कम्मपच्चयेन चेव उपनिस्सयपच्चयेन च पच्चयो होति । अयमेत्थ सङ्खेपो, वित्थारो पन **विसुद्धिमग्गे** (विसुद्धि० २.६२०) वुत्तनयेन वेदितब्बो ।

विज्जाणवारवण्णना निट्ठिता ।

### सङ्खारवारवण्णना

**१०२. अभिसङ्खरणलक्खणोति** अभिसञ्चेतयितसभावो, आयूहनलक्खणोति अत्थो । **चोपनवसेनाति** कायविज्जत्तिसङ्ख्वातचोपनवसेन । तेन पञ्चद्वारिकचेतना पटिक्खिपति । **वचनभेदवसेनाति** वाचानिच्छारणवसेन । वचीविज्जत्तिसमुद्वापनवसेनाति अत्थो । यथावुत्ता वीसति, नव महग्गतकुसलचेतना चाति **एकूनतिस मनोसञ्चेतना** । **“कुसलानं उपनिस्सयवसेना”**ति वुत्तं, एकच्चानं आरम्मणवसेनपीति वत्तब्बं । **सहजातादिवसेनाति** सहजात-अज्जमज्ज-निस्सय-सम्पयुत्त-अत्थि-अविगतहेतुवसेन, अनन्तरानं अनन्तरसमनन्तरअनन्तरूपनिस्सयनत्थिविगतासेवनसेन पच्चयो । **अपि-**सद्देन उपनिस्सयं सङ्गहति ।

सङ्खारवारवण्णना निट्ठिता ।

### अविज्जावारवण्णना

**१०३. “दुक्खसच्चेअज्जाण”**न्ति सङ्खेपतो वुत्तमत्थं विवरितुं **“तत्था”**तिआदि आरब्धं । तन्ति अज्जाणं । सतिपि पहातब्बत्ते परिज्जेय्यत्तवसेन **अन्तोगधं** । **दुक्खसच्चच्चस्साति** वत्थुसङ्ख्वातं सम्पयुत्तखन्धसङ्ख्वातञ्च दुक्खसच्चं अस्स अज्जाणस्स । तं हिस्स निस्सयपच्चयो होति । **तस्साति** दुक्खसच्चस्स । **याथावलक्खणपटिवेधनिवारणेनाति** सङ्खत्तअविपरीतसभावपटिविज्झनस्स निवारणेन । एतेनस्स परिज्जाभिसमयसङ्ख्वातस्स अरियमग्गपटिवेधस्स विबन्धकभावमाह । **जाणप्पवत्तियाति** “इदं दुक्खं, एत्तकं दुक्खं”न्ति अनुबुज्झनाकाराय पुब्बभागजाणप्पवत्तिया । **एत्थाति** दुक्खसच्चे । **अप्पदानेनाति** अविस्सज्जनेन । एतेनस्सा अनुबोधजाणस्सपि विबन्धकतमाह ।

**तीहि कारणेहि वेदितब्बं** अन्तोगधाभावतो । इध सम्पयुत्तखन्धवसेनेव वत्थुतो समुदये अज्जाणं दट्ठब्बं । **एकेनेवाति** इतरं कारणत्तयं पटिक्खिपति । यदिपि अज्जाणं निरोधमग्गे आरम्मणं न करोति, कुतो तदन्तोगधतब्बत्थुता, ते पन जानितुकामस्स तप्पटिच्छादनवसेन अनिरोधमग्गेसु निरोधमग्गाहहेतुतावसेन च पवत्तमानं **“निरोधे पटिपदायञ्च अज्जाण”**न्ति वुच्चति । तेनाह **“पटिच्छादनतो”**तिआदि । तस्सत्थो वुत्तोयेव । **गम्भीरत्ताति** सभावेनेव गम्भीरत्ता । अगाधअपतिट्ठाभावेन तं विसयस्स जाणस्स उप्पादेतुं असक्कुणेय्यत्ता **दुद्धसं** । **पुरिमं पन** सच्चद्वयं । **वज्जनीयट्ठेनाति** वज्जकभावेन अयाथावभावेन उपट्ठानतो **दुद्धसत्ता गम्भीरं**, न सभावतो, तस्मा तं विसयं अज्जाणं उप्पज्जति । **तत्थाति** तस्मिं पुरिमसच्चद्वये अनिच्चादिसभावलक्खणस्स दुद्धसत्ता एव निच्चादिविपल्लासवसेन पवत्तति अज्जाणन्ति आनेत्वा सम्बन्धितब्बं ।

इदानीं निद्देसविभागेनपि अविज्जाय सच्चेषु पवत्तिविभागं दस्सेतुं **“अपिचा”**तिआदि वुत्तं । तत्थ **दुक्खेति** एत्तकेन



भुम्मनिद्वेसेन । सङ्गहतोति परिज्जेय्यताय दुक्खेन सङ्गहेतव्वतो । तेन निद्वारणत्थं दस्सेति । दुक्खस्मिञ्चि अविज्जा निद्वारीयति, न अज्जस्मिं । वत्थुतोति आधारत्थं । दुक्खसन्निस्सया हि अविज्जा । आरम्भणतोति विसयत्थं तं आरम्भ पवत्तनतो । किच्चतोति व्यापनत्थं छादनवसेन तं व्यापेत्वा पवत्तनतो । इमिना नयेन सेसेसुपि अत्थो वेदितव्वो । अविसेसतोति विसेसाभावतो, वुत्तनयेन दुक्खादीसु पवत्तिआकारविसेसं अगगहेत्वाति अत्थो । सभावतोति सरसलक्खणतो । चतुन्नम्पि सच्चानं अजाननसभावा हि अविज्जा । कामरागभवरागा कामासवभवासवाति आह “सहजातादिवसेना”ति । ननु अविज्जा एव अविज्जासवो, सो कथं अविज्जाय पच्चयोति आह “पुब्बुप्पन्ना”तिआदि ।

अविज्जावारवण्णना निड्डिता ।

### आसववारवण्णना

१०४. आसववारे आसव-सद्वत्थो आसवविचारो च हेट्ठा वुत्तोयेव । कस्मा पनायं वारो वुत्तो, ननु अविज्जादिकाव पटिच्चसमुप्पाददेसनाति चोदनं सन्धाय “अयं वारो”तिआदि आरब्धं । पटिच्चसमुप्पादपदेसूति पटिच्चसमुप्पादकोट्टासेसु । द्वादसकोट्टासा हि सत्थु पटिच्चसमुप्पाददेसना । तस्सापि पच्चयदस्सनवसेनाति नायं कापिलानं मूलपकति विय अप्पच्चया, अथ खो सप्पच्चयाति अविज्जायपि पच्चयदस्सनवसेन । आसवसमुदयेनाति अतीतभवे आसवानं समुदयेन एतरहि अविज्जाय समुदयो, एतरहि अविज्जाय समुदयेन अनागते आसवसमुदयोति एवं आसवाविज्जानं पच्चयपच्चयुप्पन्नकभावेन अपरापरं पवत्तमानं आदिकोटिअभावेनेव तन्निमित्तस्स संसारस्स आदिकोटिअभावतो अनमतग्गतासिद्धि वेदितव्वो ।

द्वत्तिस ठानानीति द्वत्तिस सच्चप्पटिवेधकारणानि, द्वत्तिस वा चतुसच्चकम्मट्टानानि । इमम्हा सम्मादिट्ठिसुत्ताति याय अरियसावको सम्मादिट्ठि नाम होति, सा अरिया सम्मादिट्ठि एत्थ वुत्ताति सम्मादिट्ठिसुत्तं, इतो सम्मादिट्ठिसुत्ततो ।

चतुसच्चपरियायेहीति चतुसच्चाधिगमकारणेहि । अरहत्तपरियायेहीति “सो सब्बसो रागानुसयं पहाया”तिआदिना अरहत्ताधिगमकारणेहि । तेनाह “चतुसट्ठिया कारणेही”ति ।

आसववारवण्णना निड्डिता ।

सम्मादिट्ठिसुत्तवण्णनाय लीनत्थप्पकासना समत्ता ।

### १०. सतिपट्टानसुत्तवण्णना

१०५. जानपदिनोति (दी० नि० टी० २.९५) जनपदवन्तो, जनपदस्स वा इस्सरा राजकुमारा । गोत्तवसेन कुरू नाम । तेसं निवासो यदि एको जनपदो, कथं बहुवचनन्ति आह “रुळ्हीसद्देना”ति । अक्खरचिन्तका हि ईदिसेसु ठानेसु युत्ते विय सलिङ्गवचनानि (पाणिनि १.२५१) इच्छन्ति, अयमेत्थ रुळ्ही यथा अज्जत्थापि “अङ्गेसु विहरति, मल्लेसु विहरती”ति च । तव्विसेसने पन जनपद-सद्दे जाति-सद्दे एकवचनमेव । अट्ठकथाचरिया पनाति पन-सद्दो विसेसत्थजोतनो । तेन पुथुअत्थविसयताय एवं तं बहुवचनन्ति “बहुके पना”तिआदिना वक्खमानं विसेसं दीपेति । सुत्वाति मन्धातुमहाराजस्स आनुभावदस्सनानुसारेण परम्परागतं कथं सुत्वा । अनुसंयायन्तेनाति अनुविचरन्तेन । एतेसं ठानन्ति चन्दिमसूरियमुखेन चातुमहाराजिकभवनमाह । तेनाह “तत्थ अगमासी”तिआदि । सोति मन्धातुमहाराजा । तन्ति चातुमहाराजिकरज्जं ।

गहेत्वाति सम्पटिच्छित्वा । पुन पुच्छि परिणायकरतनं । दोवारिकभूमियं तिष्ठन्ति सुधम्माय देवसभाय देवपुरस्स च चतूसु द्वारेसु आरक्खाय अधिकतत्ता । दिब्बरुक्खसहस्सपटिमण्डितन्ति इदं “चित्तलतावन”न्तिआदीसुपि योजेतब्बं ।

पथवियं पतिट्ठासीति भस्सित्वा पथविया आसन्ने ठाने अट्ठासि, ठत्वा च नचिरस्सेव अन्तरधायि तेनत्तभावेन रज्जो चक्कवत्तिस्सरियस्स अभावतो । “चिरतरं कालं ठत्वा”ति अपरे । देवभावो पातुरहोसि देवलोके पवत्तिविपाकदायिनो अपरापरियायवेदनीयस्स कम्मस्स कतोकासत्ता । अवयवे सिद्धो विसेसो समुदायस्स विसेसको होतीति एकम्पि रट्ठं बहुवचनेन वोहरीयति ।

द-कारेण अत्थं वण्णयन्ति निरुत्तिनयेन । कम्मासोति कम्मासपादो वुच्चति उत्तरपदलोपेन यथा “रूपभवो रूप”न्ति । कथं पन सो कम्मासपादोति आह “तस्स किरा”तिआदि । दमितोति एत्थ कीदिसं दमनं अधिप्पेतन्ति आह “पोरिसादभावतो पटिसेधितो”ति । इमे पन थेराति मज्झिमभाणके वदति, ते पन चूळकम्मासदम्मं सन्धाय तथा वदन्ति । यक्खिनिपुत्तो हि कम्मासपादो अलीनसत्तुकुमारकाले बोधिसत्तेन तत्थ दमितो, सुतसोमकाले पन बाराणसिराजा पोरिसादभावपटिसेधनेन यत्थ दमितो, तं महाकम्मासदम्मं नाम । पुत्तोति वत्वा अत्रजोति वचनं ओरसपुत्तभावदस्सनत्थं ।

येहि आवसितपदेसो कुरुरट्ठन्ति नामं लभि, ते उत्तरकुरुतो आगता मनुस्सा तत्थ रक्खितनियामेनेव पञ्च सीलानि रक्खिंसु, तेसं दिट्ठानुगतिया पच्छिमा जनताति, सो देसधम्मवसेन अविच्छेदतो वत्तमानो कुरुवत्तधम्माति पज्जायित्थ, अयञ्च अत्थो कुरुधम्मजातकेन (जा० १.३.७६-७८) दीपेतब्बो । सो अपरभागे यत्थ पठमं संकिलिट्ठो जातो, तं दस्सेतुं “कुरुरट्ठवासीन”न्तिआदि वुत्तं । यत्थ भगवतो वसनोकासो कोचि विहारो न होति, तत्थ केवलं गोचरगामकित्तनं निदानकथाय पकति, यथा तंसक्केसु विहरति देवदहं नाम सक्कानं निगमोति इममत्थं दस्सेन्तो “अवसनोकासतो”तिआदिमाह ।

### उद्देसवारकथावण्णना

१०६. कस्मा भगवा इमं सुत्तमभासीति असाधारणसमुद्धानं पुच्छति, साधारणं पन पाकटन्ति अनामट्ठं, तेन सुत्तनिक्खेपो पुच्छितोति कत्वा इतरो “कुरुरट्ठवासीन”न्तिआदिना अपरज्झासयोयं सुत्तनिक्खेपोति दस्सेति । एतेन बाहिरसमुद्धानं विभावितन्ति दट्ठब्बं । अज्झत्तिकं पन असाधारणञ्च मूलपरियायसुत्तादिटीकायं वुत्तनयेनेव वेदितब्बं । कुरुरट्ठं किर (दी० नि० टी० २.३७३) तदा तन्निवासीनं सत्तानं येभुय्येन योनिमनसिकारवन्तताय पुब्बे च कतपुञ्जताबलेन उतुआदिसम्पन्नमेव अहोसि । तेन वुत्तं “उतुपच्चयादिसम्पन्नत्ता”ति । आदि-सद्देन भोजनादिसम्पत्तिं सङ्गण्हाति । केचि पन “पुब्बे कुरुवत्तधम्मानुद्धानवासनाय उत्तरकुरु विय येभुय्येन उतुआदिसम्पन्नमेव होन्तं भगवतो काले सातिसयं उतुसप्पायादियुत्तं तं रट्ठं अहोसी”ति वदन्ति । चित्तसरीरकल्लतायाति चित्तस्स सरीरस्स च अरोगताय । अनुगहितपज्जाबलाति लद्धुपकारजाणानुभावा, अनु अनु वा आचिण्णपज्जातेजा । एकवीसतिया ठानेसूति कायानुपस्सनावसेन चुट्टससुठानेसु, वेदनानुपस्सनावसेन एकस्मिं ठाने, तथा चित्तानुपस्सनावसेन, धम्मानुपस्सनावसेन पञ्चसु ठानेसूति एवं एकवीसतिया ठानेसु । कम्मट्ठानं अरहत्ते पक्खिपित्वाति चतुसच्चकम्मट्ठानं यथा अरहत्तं पापेति, एवं देसनावसेन अरहत्ते पक्खिपित्वा । सुवण्णचङ्कोटकसुवण्णमञ्जूसासु पक्खित्तानि सुमनचम्पकादिनानापुष्फानि मणिपुत्तादिसत्तरतनानि च यथा भाजनसम्पत्तिया सविसेसं सोभन्ति, किच्चकरानि च होन्ति मनुज्जाभावतो, एवं सीलदस्सनादिसम्पत्तिया भाजनविसेसभूताय कुरुरट्ठवासिपरिसाय देसिता च भगवतो अयं देसना भिय्योसोमत्ताय सोभति, किच्चकारी च होतीति इममत्थं दस्सेति “यथा हि पुरिसो”तिआदिना । एत्थाति कुरुरट्ठे ।

**पकतियाति** सरसतो, इमिस्सा सतिपट्टानसुत्तदेसनाय पुब्बेपीति अधिप्पायो। **अनुयुत्ता विहरन्ति** सत्थु देसनानुसारतोति अधिप्पायो। **विस्सट्ठअत्तभावनाति** अनिच्चादिवसेन किस्मिञ्च योनिसोमनसिकारे चित्तं अनियोजेत्वा रूपादिआरम्भणे अभिरतिवसेन विस्सट्ठचित्तेन **भवितुं न वट्ठति**, पमादविहारं पहाय अप्पमत्तेन भवितव्वन्ति अधिप्पायो।

**एकायनोति** एत्थ **अयन-**सद्दो मग्गपरियायो। न केवलमयनमेव, अथ खो अज्जेपि बहू मग्गपरियायाति पदुद्धारं करोन्तो **“मग्गस्स ही”**तिआदि वत्त्वा यदि मग्गपरियायो अयन-सद्दो, कस्मा पुन मग्गोति वुत्तन्ति चोदनं सन्धायाह **“तस्मा”**तिआदि। तत्थ एकमग्गोति एको एव मग्गो। न हि निब्बानगामी मग्गो अज्जो अत्थीति। ननु सतिपट्टानं इध **“मग्गो”**ति अधिप्पेतं, तदज्जे च बहू मग्गधम्मा अत्थीति? सच्चं अत्थि, ते पन सतिपट्टानग्गहणेनेव गहिता तदविनाभावतो। तथा हि जाणवीरियादयो निद्देसे गहिता। उद्देसे पन सतिया एव गहणं वेनेय्यज्झासयवसेनाति दट्ठब्बं। **न द्वेधापथभूतोति** इमिना इमस्स मग्गस्स अनेकमग्गताभावं विय अनिब्बानगामिभावाभावञ्च दस्सेति। **एकेनाति** असहायेन। असहायता च दुविधा अत्तदुतियताभावेन वा, या **“वूपकट्टकायता”**ति वुच्चति, तण्हादुतियताभावेन वा, या **“पविवित्तचित्तता”**ति वुच्चति। तेनाह **“वूपकट्टेन पविवित्तचित्तेना”**ति। सेट्ठोपि लोके **“एको”**ति वुच्चति **“याव परे एकतो करोसी”**तिआदीसूति आह **“एकस्साति सेट्ठस्सा”**ति। यदि संसारतो निस्सरणट्ठो अयनट्ठो अज्जेसम्पि उपनिस्सयसम्पन्नानं साधारणो कथं भगवतोति आह **“किञ्चापी”**तिआदि। **इमस्मिं खोति** एत्थ **खो-**सद्दो अवधारणे, तस्मा इमस्मिं येवाति अत्थो। **देसनाभेदोयेव हेसो**, यदिदं मग्गोति वा अयनोति वा। तेनाह **“अत्थो पनेको”**ति।

**नानामुखभावनानयप्पवत्तोति** कायानुपस्सनादिमुखेन तत्थापि आनापानादिमुखेन भावनानयेन पवत्तो। **एकायनन्ति** एकगामिनं, निब्बानगामिनन्ति अत्थो। निब्बानज्हि अदुतियत्ता सेट्ठत्ता च **“एक”**न्ति वुच्चति। यथाह **“एकज्हि सच्चं न दुतीयमत्थी”**ति (सु० नि० ८९०) **“यावता, भिक्खवे, धम्मा सङ्गता वा असङ्गता वा, विरागो तेसं अग्गमक्खायती”**ति (अ० नि० ४.३४; इतिवु० ९०) च। खयो एव अन्तोति खयन्तो, जातिया खयन्तं दिट्ठवाति **जातिखयन्तदस्सी**। अविभागेन सब्बेपि सत्ते हितेन अनुकम्पतीति **हितानुकम्पी**। **अतरिंसूति** तरिंसु। **पुब्बेति** पुरिमका बुद्धा, **पुब्बे** वा अतीतकाले।

तन्ति तं तेसं वचनं, तं वा किरियावुत्तिवाचकत्तं न युज्जति। न हि सङ्खेय्यप्पधानताय सत्तवाचिनो एक-सद्दस्स किरियावुत्तिवाचकता अत्थि। **“सकिम्पि उद्धं गच्छेय्या”**तिआदीसु (अ० नि० ७.७२) विय **“सकिं अयनो”**ति इमिना **व्यज्जनेन भवितव्वं**। **एवं अत्थं योजेत्वाति** एवं पदत्थं योजेत्वा। **उभयथापीति** पुरिमनयेन पच्छिमनयेन च। **न युज्जति** इधाधिप्पेतमग्गस्स अनेकवारं पवत्तिसम्भावतो। तेनाह **“कस्मा”**तिआदि। **अनेकवारम्पि अयतीति** पुरिमनयस्स, अनेकञ्चस्स अयनं **होतीति** पच्छिमनयस्स च पटिक्खेपो।

**इमस्मिं पदेति** **“एकायनो अयं भिक्खवे मग्गो”**ति इमस्मिं वाक्ये, इमस्मिं वा **“पुब्बभागमग्गो लोकुत्तरमग्गो”**ति संसयट्ठाने। **मिस्सकमग्गोति** लोकियेन मिस्सको लोकुत्तरमग्गो। विसुद्धिआदीनं निप्परियायहेतुं सङ्गणहन्तो आचरियत्थेरो **“मिस्सकमग्गो”**ति आह, इतरो परियायहेतु इधाधिप्पेतोति **“पुब्बभागमग्गो”**ति।

**सद्दं सुत्वावाति** **“कालो, भन्ते, धम्मस्सवनाया”**ति कालारोचनसद्दं सुत्वा। **एवं उक्खिपित्वाति**। एवं **“मधुरं इमं कुहिं छट्टेमा”**ति अछट्टेन्ता उच्छुभारं विय पग्गहेत्वा न विचरन्ति। **आलुळेतीति** विलुळितो आकुलो होतीति अत्थो। **एकायनमग्गो वुच्चति पुब्बभागसतिपट्टानमग्गोति**। एत्तावता इधाधिप्पेतत्थे सिद्धे तस्सेव अलङ्कारत्थं सो पन यस्स पुब्बभागमग्गो, तं दस्सेतुं **“मग्गानट्ठङ्गिको”**तिआदिका गाथापि पटिसम्भिमामग्गतोव आनेत्वा ठपिता।

निब्बानगमनद्वेनाति निब्बानं गच्छति अधिगच्छति एतेनाति निब्बानगमनं, सो एव अविपरीतसभावताय अत्थो, तेन निब्बानगमनद्वेन, निब्बानाधिगमुपायतायाति अत्थो। **मग्गनीयद्वेनाति** गवेसितब्बताय, “**गमनीयद्वेना**”ति वा पाठो, उपगन्तब्बताति अत्थो। **रागादीहीति**। इमिना रागदोसमोहानयेव गहणं “रागो मलं, दोसो मलं, मोहो मलं”न्ति (विभ० ९२४) वचनतो। “अभिज्झाविसमलोभादीही”ति पन इमिना सब्बेसम्पि उपक्किलेसानं सङ्गणहनत्थं ते विसुं उद्धटा। **सत्तानं विसुद्धियाति** वुत्तस्स अत्थस्स एकन्तिकतं दस्सेन्तो “**तथा ही**”तिआदिमाह। कामं “विसुद्धिया”ति सामज्जजोतना, चित्तविसुद्धि एव पनेत्थ अधिप्पेताति दस्सेतुं “**रूपमलवसेन पना**”तिआदि वुत्तं। न केवलं **अट्टकथावचनमेव**, अथ खो इदमेत्थ आहच्चभासितन्ति दस्सेन्तो “**तथा ही**”तिआदिमाह।

सा पनायं चित्तविसुद्धि सिज्झमाना यस्मा सोकादीनं अनुप्पादाय संवत्तति, तस्मा वुत्तं “**सोकपरिदेवानं समतिक्कमाया**”तिआदि। तत्थ सोचनं जातिव्यसनादिनिमित्तं चेतसो सन्तापो अन्तोनिज्झानं **सोको**। जातिव्यसनादिनिमित्तमेव सोकाधिकताय “कहं, एकपुत्तक, कहं, एकपुत्तका”ति परिदेववसेन लपनं **परिदेवो**, आयतिं अनुप्पज्जनं इध **समतिक्कमो**ति आह “**पहानाया**”ति। तं पनस्स समतिक्कमावहतं निदस्सनवसेन दस्सेन्तो “**अयं ही**”तिआदिमाह।

तत्थ यं **पुब्बे तं विसोधेहीति** अतीतेसु खन्धेसु तण्हासंकिलेसविसोधनं वुत्तं। **पच्छाति** परतो। तेति तुय्हं। **माहूति** मा अहु। **किञ्चनन्ति** रागादिकिञ्चनं। एतेन अनागतेसु खन्धेसु संकिलेसविसोधनं वुत्तं। **मज्झेति** तदुभयवेमज्जे। **नो चे गहेस्ससीति** न उपादियिस्ससि चे। एतेन पच्चुप्पन्ने खन्धपबन्धे उपादानप्पवत्ति वुत्ता। **उपसन्तो चरिस्ससीति** एवं अद्धत्तयगतसंकिलेसविसोधने सति निब्बुतसब्बपरिळाहताय उपसन्तो हुत्वा विहरिस्ससीति अरहत्तनिकूटेन गाथं निट्ठपेसि। तेनाह “**इमं गाथं**”न्तिआदि।

**पुत्ताति** ओरसा, अज्जेपि वा ये केचि। **पिताति** जनको। **बन्धवाति** जातका। अयज्हेत्थ अत्थो – पुत्ता वा पिता वा बन्धवा वा **अन्तकेन** मच्चुना **अधिपन्नस्स** अभिभूतस्स मरणतो ताणाय न होन्ति, तस्मा **नत्थि जातीसु ताणताति**। न हि जातीनं वसेन मरणतो आरक्खा अत्थि, तस्मा पटाचारे “उभो पुत्ता कालकता”तिआदिना (अप० थेरी २.२.४९८) मा निरत्थकं परिदेवि, धम्मयेव पन याथावतो पस्साति अधिप्पायो।

**सोतापत्तिफले पतिट्ठिताति** यथानुलोमं पवत्तिताय सामुक्कंसिकाय धम्मदेसनाय परियोसाने सहस्सनयपटिमण्डिते सोतापत्तिफले पतिट्ठिहि। कथं पनायं सतिपट्टानमग्गवसेन सोतापत्तिफले पतिट्ठासीति आह “**यस्मा पना**”तिआदि। न हि चतुसच्चकम्मट्टानकथाय विना सावकानं अरियमग्गाधिगमो अत्थि। “**इमं गाथं सुत्वा**”ति पन इदं सोकविनोदनवसेन पवत्तिताय गाथाय पठमं सुतत्ता वुत्तं। एस नयो इतरगाथायपि। **भावनाति** पज्जाभावना। सा हि इधाधिप्पेता। **तस्माति** यस्मा रूपादीनं अनिच्चादितो अनुपस्सनापि सतिपट्टानभावना, तस्मा। **तेपीति** सन्ततिमहामत्तपटाचारा।

**पज्जसते चोरेति** सतसतचोरपरिवारे पज्ज चोरे पटिपाटिया पेसेसि। ते अरज्जं पविसित्वा थेरं परियेसन्ता अनुक्कमेन थेरस्स समीपे समागच्छिंसु। तेनाह “**ते गन्त्वा थेरं परिवारेत्वा निसीदिसू**”ति। वेदनं विक्खम्भेत्वा पीतिपामोज्जं उप्पज्जीति सम्बन्धो। थेरस्स हि सीलं पच्चवेक्खतो सुपरिसुद्धं सीलं निस्साय उळारं पीतिपामोज्जं उप्पज्जमानं ऊरुट्ठिभेदजनितं दुक्खवेदनं विक्खम्भेसि। **पादानीति** पादे। **सज्जपेस्सामीति** सज्जन्ति करिस्सामि। **अट्ठियामीति** जिगुच्छामि। **हरायामीति** लज्जामि। **विपस्सिसन्ति** सम्मसिं।

**पचलायन्तानन्ति** पचलायनं निदं उपगतानं । **वतसम्पन्नो**ति धुतचरणसम्पन्नो । **पमादन्ति** पचलायनं सन्धायाह । **ओरुद्धमानसो**ति उपरुद्धअधिचित्तो । **पञ्जरस्मिन्ति** सरीरे । सरीरज्जि न्हारुसम्बन्धअट्टिसङ्घातताय इध “पञ्जर”न्ति वुत्तं ।

पीतवण्णाय पटाकाय परिहरणतो मल्लयुद्धचित्तकताय च **पीतमल्लो** । **तीसु रज्जेसूति** पण्डुचोळगोळरज्जेसु । मल्ला सीहळदीपे सक्कारसम्मानं लभन्तीति **तम्बपणिदीपं आगम्म** । **तंयेव अङ्कुसं कत्वा**ति “रूपादयो ‘ममा’ति न गहेतब्बा”ति न तुम्हाकवग्गेन (सं० नि० ३.३३-३४) पकासितमत्थं अत्तनो चित्तमत्तहत्थिनो अङ्कुसं कत्वा । **जण्णुकेहि चङ्कमति** “निसिन्ने निद्वाय अवसरो होती”ति । **व्याकरित्वा**ति अत्तनो वीरियारम्भस्स सफलतापवेदनमुखेन सब्रह्मचारीनं उस्साहं जनेन्तो अज्जं व्याकरित्वा । **भासितन्ति** वचनं । कस्स पन तन्ति आह “**बुद्धसेट्ठस्स, सब्बलोकगवादिनो**”ति । न **तुम्हाकन्ति**आदि तस्स पवत्तिआकारदस्सनं । तयिदं मे सङ्खारानं अच्चन्तवूपसमकारणन्ति दस्सेन्तो “**अनिच्चा वता**”ति गाथं आहरि । तेन इदानाहं सङ्खारानं खणे खणे भङ्गसङ्घातस्स रोगस्स अभावेन अरोगो परिनिब्बुतोति दस्सेति ।

**अस्साति** सक्कस्स । **उपपत्तीति** देवूपपत्ति । **पुनपाकतिकाव अहोसि** सक्कभावेनेव उपपन्नत्ता । **सुब्रह्माति** एवं नामो । अच्छरानं निरयूपपत्तिं दिस्वा ततो पभुति सततं पवत्तमानं अत्तनो चित्तुत्रासं सन्धायाह “**निच्चं उत्रस्तमिदं चित्तं**”न्तिआदि । तत्थ **उत्रस्तन्ति** सन्तस्तं भीतं । **उब्बिग्गन्ति** संविग्गं । **उत्रस्तन्ति** वा संविग्गं । **उब्बिग्गन्ति** भयवसेन सह कायेन सज्जलितं । **अनुप्पन्नेसूति** अनागतेसु । **किच्चेसूति** दुक्खेसु । निमित्तत्थे भुम्मवचनं, भावीदुक्खपवत्तिनिमित्तन्ति अत्थो । **उप्पतितेसूति** उप्पन्नेसु किच्चेसूति योजना, तदा अत्तनो परिवारस्स उप्पन्नदुक्खनिमित्तन्ति अधिप्पायो ।

**बोज्झाति** बोधितो, अरियमग्गतोति अत्थो । **अज्जत्राति** च पदं अपेक्खित्वा निस्सक्कवचनं, तस्मा बोधिं ठपेत्वाति अत्थो । एस नयो सेसेसुपि । **तपसाति** तपोकम्मतो । तेन मग्गाधिगमस्स उपायभूतं धुतङ्गसेवनादिसल्लेखपटिपदं दस्सेति । **इन्द्रियसंवराति** मनच्छट्ठानं इन्द्रियानं संवरणतो । एतेन सतिसंवरसीसेन सब्बम्पि संवरसीलं, लक्खणहारनयेन वा सब्बम्पि चतुपारिसुद्धिसीलं दस्सेति । **सब्बनिस्सग्गाति** सब्बुपधिनिस्सज्जनतो सब्बकिलेसप्पहानतो । किलेसेसु हि निस्सट्ठेसु कम्मवट्ठं विपाकवट्ठञ्च निस्सट्ठमेव होतीति । **सोत्थिन्ति** खेमं अनुपदवतं ।

जायति निच्छयेन कमति निब्बानं, तं वा जायति पटिविज्झीयति एतेनाति **जायो**, अरियमग्गोति आह “**जायो वुच्चति अरियो अट्ठङ्गिको मग्गो**”ति । **तण्हावानविरहितत्ताति** तण्हासङ्घातवानविवित्तत्ता । तण्हा हि खन्धेहि खन्धं, कम्मुना वा फलं, सत्तेहि वा दुक्खं विनति संसिब्बतीति वानन्ति वुच्चति । तयिदं नत्थि एत्थ वानं, न वा एतस्मिं अधिगते पुग्गलस्स वानन्ति **निब्बानं**, असङ्घता धातु । परपच्चयेन विना पच्चक्खकरणं सच्छिकिरियाति आह “**अत्तपच्चक्खताया**”ति ।

ननु “**विसुद्धिया**”ति चित्तविसुद्धिया अधिप्पेतत्ता विसुद्धिगहणेनेवेत्थ सोकसमतिक्कमादयोपि गहिता एव होन्ति, ते पुन कस्मा गहिताति अनुयोगं सन्धाय “**तत्थ किञ्चापी**”तिआदि वुत्तं । **सासनयुत्तिकोविदेति** सच्चपटिच्चसमुप्पादादिलक्खणायं धम्मनीतियं छेके । **तं तं अत्थं जापेतीति** ये ये बोधनेय्यपुग्गला सङ्खेपवित्थारादिवसेन यथा यथा बोधेतब्बा, अत्तनो देसनाविलासेन भगवा ते ते तथा तथा बोधेन्तो तं तमत्थं जापेति । **तं तं पाकटं कत्वा दस्सेन्तोति** अत्थापत्तिं अगणेन्तो तं तं अत्थं पाकटं कत्वा दस्सेन्तो । न हि सम्मासम्बुद्धा अत्थापत्तिजापकादिसाधनीयवचनाति । **संवत्ततीति** जायति, होतीति अत्थो । यस्मा अनतिक्कन्तसोकपरिदेवस्स न कदाचि चित्तविसुद्धि अत्थि सोकपरिदेवसमतिक्कममुखेनेव चित्तविसुद्धिया इज्जनतो, तस्मा आह “**सोकपरिदेवानं समतिक्कमेन होती**”ति । यस्मा पन दोमनस्सपच्चयेहि दुक्खधम्मेहि पुट्ठं पुथुज्जनं सोकादयो अभिभवन्ति, परिज्जातेसु च

तेसु ते न होन्ति, तस्मा वुत्तं “सोकपरिदेवानं समतिक्कमो दुक्खदोमनस्सानं अत्थङ्गमेना”ति । जायस्साति अग्गमग्गस्स ततियमग्गस्स च । तदधिगमेन हि यथाक्कमं दुक्खदोमनस्सानं अत्थङ्गमो । सच्छिकिरियाभिसमयसहभावीपि इतराभिसमयो तदविनाभावतो सच्छिकिरियाभिसमयहेतुको विय वुत्तो “जायस्साधिगमो निब्बानस्स सच्छिकिरियाया”ति । फलजाणेन वा पच्चक्खकरणं सन्धाय वुत्तं “निब्बानस्स सच्छिकिरियाया”ति । सम्पदानवचनञ्चेतं दट्ठब्बं ।

वण्णभणनन्ति पसंसावचनं । तयिदं न इधेव, अथ खो अज्जत्थापि सत्था अकासियेवाति दस्सेन्तो “यथेव ही”ति आदिमाह । तत्थ आदिमिह कल्याणं, आदि वा कल्याणं एतस्साति आदिकल्याणं । सेसपदद्वयेपि एसेव नयो । अत्थ सम्पत्तिया सात्थं । व्यज्जनसम्पत्तिया सब्यज्जनं । सीलादिपञ्चधम्मक्खन्धपारिपूरितो उपनेतब्बस्स अभावा च केवलपरिपुण्णं । निरुपक्विकलेसतो अपनेतब्बस्स अभावा च परिसुद्धं । सेट्ठचरियभावतो सासनं ब्रह्मचरियं मग्गब्रह्मचरियञ्च वो पकासेस्सामीति अयमेत्थ सद्धेपो, वित्थारो पन विसुद्धिमग्गे (विसुद्धि० १.१४७) वुत्तनयेन वेदितब्बो । अरियवंसाति अरियानं बुद्धादीनं वंसा पवेणियो । अग्गज्जाति “अग्गा”ति जानितब्बा सब्बवंसेहि सेट्ठभावतो । रत्तज्जाति “चिररत्ता”ति जानितब्बा । वंसज्जाति “बुद्धादीनं वंसा”ति जानितब्बा । पोराणाति पुरातना अनधुनातनत्ता । असंकिण्णाति अविक्किण्णा अनपनीता । असंकिण्णपुब्बाति “किं इमेही”ति अरियेहि न अपनीतपुब्बा । न संकीयन्तीति इदानिपि तेहि न अपनीयन्ति । न संकीयिस्सन्तीति अनागतेपि तेहि न अपनीयिस्सन्ति । अप्पटिकुट्टा...पे०... विज्जूहीति ये लोके विज्जू समणब्राह्मणा, तेहि अपच्चक्खता अनिन्दिता, अगारहिताति अत्थो । विसुद्धियाति आदीहीति विसुद्धिआदिदीपनेहि । पदेहीति वाक्येहि, विसुद्धिअत्थतादिभेदभिन्नेहि वा धम्मकोट्टासेहि ।

उपह्वेति अनत्थे । विसुद्धिन्ति विसुज्जनं संकिलेसप्पहानं । वाचुगतकरणं उग्गहो । परियापुणनं परिचयो । अत्थस्स हृदये ठपनं धारणं । परिवत्तनं वाचनं । गन्धारकोति गन्धारदेसे उप्पन्नो । प्होन्तीति सक्कोन्ति अनिय्यानमग्गाति मिच्छामग्गा, मिच्छत्तनियतानियतमग्गापि वा । सुवण्णन्ति कूटसुवण्णम्पि वुच्चति । पणीति काचमणिपि । मुत्ताति वेळुजापि । पवाळन्ति पल्लवोपि वुच्चतीति रत्तजम्बुनदादिपदेहि ते विसेसिता ।

न ततो हेट्ठाति (सं० नि० टी० २.५.३६७; दी० नि० टी० २.३७३) इधाधिप्पेतकायादीनं वेदनादिसभावत्ताभावा, कायवेदनाचित्तविमुत्तस्स तेभूमकधम्मस्स विसुं विपल्लासवत्थन्तरभावेन गहितत्ता च हेट्ठागहणेसु विपल्लासवत्थूनं अनिट्ठानं सन्धाय वुत्तं, पञ्चमस्स पन विपल्लासवत्थुनो अभावा “न उद्ध”न्ति आह । आरम्भणविभागेन हेत्थ सतिपट्टानविभागोति । तयो सतिपट्टानाति सतिपट्टानसदस्स अत्थुद्धारदस्सनं, न इध पाळियं वुत्तस्स सतिपट्टानसदस्स अत्थदस्सनन्ति । आदीसु हि सतिगोचरोति एत्थ आदि-सद्देन “फस्ससमुदया वेदनानं समुदयो, नामरूपसमुदया चित्तस्स समुदयो, मनसिकारसमुदया धम्मानं समुदयो”ति सतिपट्टानाति वुत्तानं सतिगोचरानं पकासके सुत्तपदेसे सङ्गण्हाति । एवं पटिसम्भिदापाळियम्पि (पटि० म० ३.३४) अवसेसपाळिप्पदेसदस्सनत्थो आदि-सद्दो दट्ठब्बो । सतिया पट्टानन्ति सतिया पतिट्ठातब्बट्टानं । दानादीनि सतिया करोन्तस्स रूपादीनि कसिणादीनि च सतिया ठानं होन्तीति तंनिवारणत्थमाह “पधानं ठान”न्ति । प-सद्दो हि इध “पणीता धम्मा”ति आदीसु (ध० स० १४ तिकमातिका) विय पधानत्थदीपकोति अधिप्पायो ।

अरियोति अरियं सब्बसत्तसेट्ठं सम्मासम्बुद्धमाह । एत्थाति एतस्मिं सळायतनविभङ्गसुत्ते (म० नि० ३.३११) । सुत्तेकदेसेन हि सुत्तं दस्सेति । तत्थ हि —

“तयो सतिपट्टाना यदरियो...पे०... मरहतीति इति खो पनेतं वुत्तं, किञ्चेतं पटिच्च वुत्तं । इध, भिक्खवे, सत्था

सावकानं धम्मं देसेति अनुकम्पको हितेसी अनुकम्पं उपादाय “इदं वो हिताय इदं वो सुखाया”ति । तस्स सावका न सुस्सूसन्ति, न सोतं ओदहन्ति, न अज्जा चित्तं उपट्ठपेन्ति, वोक्कम्म च सत्थुसासना वत्तन्ति । तत्र, भिक्खवे, तथागतो न चेव अनत्तमनो होति, न च अनत्तमनतं पटिसंवेदेति, अनवस्सुतो च विहरति सतो सम्पजानो । इदं, भिक्खवे, पठमं सतिपट्ठानं, यदरियो...पे०... अरहति ।

पुन चपरं, भिक्खवे, सत्था...पे०... इदं वो सुखायाति । तस्स एकच्चे सावका न सुस्सूसन्ति...पे०... वत्तन्ति । एकच्चे सावका सुस्सूसन्ति...पे०... न च वोक्कम्म सत्थुसासना वत्तन्ति । तत्र, भिक्खवे, तथागतो न चेव अनत्तमनो होति, न च अनत्तमनतं पटिसंवेदेति, न चेव अत्तमनो होति, न च अत्तमनतं पटिसंवेदेति । अनत्तमनतञ्च अत्तमनतञ्च तदुभयं अभिनिवज्जेत्वा उपेक्खतो विहरति सतो सम्पजानो । इदं वुच्चति, भिक्खवे, दुतियं सतिपट्ठानं...पे०... अरहति ।

पुन चपरं...पे०... सुखायाति । तस्स सावका सुस्सूसन्ति...पे०... वत्तन्ति । तत्र, भिक्खवे, तथागतो अत्तमनो चेव होति, अत्तमनतञ्च पटिसंवेदेति, अनवस्सुतो च विहरति सतो सम्पजानो । इदं वुच्चति, भिक्खवे, ततियं सतिपट्ठानं...पे०... अरहती”ति (म० नि० ३.३११) —

एवं पटिधानुनयेहि अनवस्सुतता, निच्चं उपट्ठितस्सतिताय तदुभयवीतिवत्तता “सतिपट्ठान”न्ति वुत्ता । बुद्धानंयेव हि निच्चं उपट्ठितस्सतिता होति आवेणिकधम्मभावतो, न पच्चेकबुद्धादीनं । प-सद्दो आरम्भं जोतेति, आरम्भो च पवत्तीति कत्वा आह “पवत्तयितव्वतोति अत्थो”ति । सतिया करणभूताय पट्ठानं पट्ठपेतव्वं सतिपट्ठानं । अन-सद्दो हि बहुलवचनेन कम्मत्थोपि होतीति ।

तथास्स कत्तुअत्थोपि लब्धतीति “पतिट्ठातीति पट्ठान”न्ति वुत्तं । तत्थ प-सद्दो भूसत्थविसिद्धं पक्खन्धनं दीपेतीति “ओक्कन्तित्वा पक्खन्दित्वा पवत्ततीति अत्थो”ति आह । पुन भावत्थं सति-सद्दं पट्ठान-सद्दञ्च वण्णेन्तो “अथ वा”तिआदिमाह । तेन पुरिमविकप्पे सति-सद्दो पट्ठान-सद्दो च कत्थुअत्थोति विज्जायति । सरणट्ठेनाति चिरकतस्स चिरभासितस्स च अनुस्सरणट्ठेन । इदन्ति यं “सतियेव सतिपट्ठान”न्ति वुत्तं, इदं इध इमस्मिं सुत्तपदेसे अधिप्पेतं ।

यदि एवन्ति यदि सति एव सतिपट्ठानं, सति नाम एको धम्मो, एवं सन्ते कस्मा “सतिपट्ठाना”ति बहुवचनन्ति आह “सतिबहुत्ता”तिआदि । यदि बहुका एता सतियो, अथ कस्मा “मग्गो”ति एकवचनन्ति योजना । मग्गट्ठेनाति निय्यानट्ठेन । निय्यानिको हि मग्गधम्मो, तेनेव निय्यानिकभावेन एकत्तुपगतो एकन्ततो निब्बानं गच्छति, अत्थिकेहि च तदत्थं मग्गीयतीति अत्तनाव पुब्बे वुत्तं पच्चाहरति “वुत्तञ्चेत”न्ति । तत्थ चतस्सोपि चेताति कायानुपस्सनादिवसेन चतुब्बिधापि च एता सतियो । अपरभागेति अरियमग्गक्खणे । किच्चं साधयमानाति पुब्बभागे कायादीसु आरम्मणेषु सुभसज्जादिविधमनेन विसुं विसुं पवत्तित्वा मग्गक्खणे सकिंयेव तत्थ चतुब्बिधस्सपि विपल्लासस्स समुच्छेदवसेन पहानकिच्चं साधयमाना आरम्मणकरणवसेन निब्बानं गच्छन्ति । चतुब्बिधकिच्चसाधनेनेव हेत्थ बहुवचननिद्देशो । एवञ्च सतीति मग्गट्ठेन एकत्तं उपादाय “मग्गो”ति एकवचनेन आरम्मणभेदेन चतुब्बिधतं उपादाय “चत्तारो”ति च वत्तव्वताय सतिविज्जमानत्ता । वचनानुसन्धिना “एकायनो अय”न्तिआदिका देसना सानुसन्धिकाव, न अननुसन्धिकाति अधिप्पायो । वुत्तमेवत्थं निदस्सनेन पटिपादेतुं “मारसेनप्पमद्दन्”न्ति सुत्तपदं (सं० नि० ५.२२४) आनेत्वा “यथा”तिआदिना निदस्सनं संसन्देति । तस्मातिआदि निगमनं ।

विसेसतो कायो च वेदना च अस्सादस्सकारणन्ति तप्पहानत्थं तेसु तण्हावत्थूसु ओळारिकसुखुमेसु असुभदुक्खभावदस्सनानि मन्दतिक्खपज्जेहि तण्हाचरितेहि सुकरानीति तानि तेसं “विसुद्धिमग्गो”ति वुत्तानि तथा “निच्चं अत्ता”ति अभिनिवेसवत्थुताय दिट्ठिया विसेसकारणेसु चित्तधम्मसेसु अनिच्चानत्तादस्सनानि सरागादिवसेन सज्जाफस्सादिवसेन नीवरणादिवसेन च नातिप्पभेदअतिप्पभेदगतेसु तेसु तप्पहानत्थं मन्दतिक्खपज्जानं दिट्ठिचरितानं सुकरानीति तेसं तानि “विसुद्धिमग्गो”ति वुत्तानि । एत्थ च यथा चित्तधम्मनम्मि तण्हाय वत्थुभावो सम्भवति, तथा कायवेदनानम्मि दिट्ठियाति सतिपि नेसं चतुन्नम्मि तण्हादिट्ठिया वत्थुभावे यो यस्स सातिसयपच्चयो, तंदस्सनत्थं विसेसग्गहणं कतन्ति दट्ठब्बं । तिक्खपज्जसमथयानिको ओळारिकारम्मणं परिग्गण्हन्तो तत्थ अट्ठत्वा ज्ञानं समापज्जित्वा वुट्ठाय वेदनं परिग्गण्हातीति वुत्तं । “ओळारिकारम्मणे असण्ठहनतो”ति । विपस्सनायानिकस्स पन सुखुमे चित्ते धम्मसेसु च चित्तं पक्खन्दतीति चित्तधम्मनुपस्सनानं मन्दतिक्खपज्जाविपस्सनायानिकानं विसुद्धिमग्गता वुत्ता ।

तेसं तत्थाति एत्थ तत्थ-सदस्स “पहानत्थ”न्ति एतेन योजना । परतो तेसं तत्थाति एत्थापि एसेवनयो । पज्ज कामगुणा सविसेसा काये लब्धन्तीति विसेसेन कायो कामोघस्स वत्थु, भवेसु सुखग्गहणवसेन भवस्सादो होति भवोघस्स वेदना वत्थु, सन्ततिघनगहणवसेन विसेसतो चित्ते अत्ताभिनिवेसो होतीति दिट्ठोघस्स चित्तं वत्थु, धम्मसेसु विनिब्भोगस्स दुक्करत्ता धम्मनं धम्ममत्ताय दुप्पटिविज्झत्ता सम्मोहो होतीति अविज्जोघस्स धम्मा वत्थु, तस्मा तेसं पहानत्थं चत्तारोव वुत्ता ।

यदग्गेन च कायो कामोघस्स वत्थु, तदग्गेन अभिज्झाकायगन्थस्स वत्थु, दुक्खाय वेदनाय पटिघानुसयो अनुसेतीति दुक्खदुक्खविपरिणामदुक्खसङ्खारदुक्खभूता वेदना विसेसेन ब्यापादकायगन्थस्स वत्थु, चित्ते निच्चग्गहणवसेन सस्सतस्स अत्तनो सीलेन सुद्धीतिआदि परामसनं होतीति सीलब्बतपरामासस्स चित्तं वत्थु, नामरूपपरिच्छेदेन भूतं भूततो अपस्सन्तस्स भवविभवदिट्ठिसङ्खातो इदं सच्चाभिनिवेसो होतीति तस्स धम्मा वत्थु, सुखवेदनास्सादवसेन परलोकनिरपेक्खो “नत्थि दिन्न”न्तिआदिकं परामासं उप्पादेतीति दिट्ठुपादानस्स वेदना वत्थु सन्ततिघनगहणवसेन सरागादिचित्ते सम्मोहो होतीति मोहागतिया चित्तं वत्थु, धम्मसभावानवबोधेन भयं होतीति भयागतिया धम्मा वत्थु । ये पनेत्थ अवुत्ता, तेसं वुत्तनयेन वत्थुभावो योजेतब्बो । तथा हि ओघेसु वुत्तनया एव योगासवेसुपि योजना अत्थतो अभिन्नत्ता । तथा पठमोघततियचतुत्थगन्थयोजनाय वुत्तनया एव कायचित्तधम्मनं इतरूपादानवत्थुता योजना, तथा कामोघब्यापादकायगन्थयोजनाय वुत्तनया एव कायवेदनानं छन्दोसागति वत्थुता योजना वा ।

“आहारसमुदया कायसमुदयो, फस्ससमुदया वेदनासमुदयो, (सं० नि० ५.४०८) सङ्खारपच्चया विज्जाणं, विज्जाणपच्चया नामरूप”न्ति (म० नि० ३.१२६; उदा० १; विभ० २२५) वचनतो कायादीनं समुदयभूता कबळीकाराहारफस्समनोसज्जेतनाविज्जाणाहारा कायादिपरिजाननेन परिज्जाता होन्तीति आह “चतुब्बिधाहारपरिज्जत्थ”न्ति पकरणनयोति नेत्तिपकरणवसेन सुत्तन्तसंवण्णनानयो ।

सरणवसेनाति कायादीनं कुसलादिधम्मनञ्च उपधारणवसेन । सरन्ति गच्छन्ति निब्बानं एतायाति सतीति इमस्मिं अत्थे एकत्ते एकसभावे निब्बाने समोसरणं समागमो एकत्तसमोसरणं । एतदेव हि दस्सेतुं “यथा ही”तिआदि वुत्तं । एकनिब्बानपवेसहेतुभूता वा समानता एको सतिपट्टानस्स भावो एकत्तं, तत्थ समोसरणं तंसभागता एकत्तसमोसरणं । एकनिब्बानपवेसहेतुभावं पन दस्सेतुं “यथा ही”तिआदिमाह । एतस्मिं अत्थे सरणेकत्तसमोसरणानि सहेव सतिपट्टानेकभावस्स कारणत्थेन वुत्तानीति दट्ठब्बानि, पुरिमस्मिं विसुं । सरणवसेनाति वा “गमनवसेना”ति अत्थे सति



तदेव गमनं समोसरणन्ति, समोसरणे वा सतिसद्वत्थवसेन अवुच्चमाने धारणताव सतीति सतिसद्वत्थन्तराभावा पुरिमं सतिभावस्स कारणं, पच्छिमं एकभावस्साति निब्बानसमोसरणेपि सहितानेव तानि सतिपट्टानेकभावस्स कारणानि वुत्तानि होन्ति । **चुट्सविधेन, नवविधेन, सोळसविधेन, पञ्चविधेनाति** इदं उपरि पाळियं (म० नि० १.१०७) आगतानं आनापानपब्बादीनं वसेन वुत्तं, तेसं पन अन्तरभेदवसेन तदनुगतभेदवसेन च भावनाय अनेकविधता लब्धतियेव । चतूसु दिसासु उट्टानकभण्डसदिसता कायानुपस्सनादितंतंसतिपट्टानभावनानुभावस्स दट्ठब्बा ।

“गोचरे, भिक्खवे, चरथ सके पेत्तिके विसये”तिआदिवचनतो (दी० नि० ३.८०; सं० नि० ५.३७२) भिक्खुगोचरा एते धम्मा, यदिदं कायानुपस्सनादयो । तत्थ यस्मा कायानुपस्सनादिपटिपत्तिया भिक्खु होति, तस्मा “कायानुपस्सी विहरती”तिआदिना भिक्खुं दस्सेति, भिक्खुमिह तं नियमतोति आह “**पटिपत्तिया भिक्खुभावदस्सनतो**”ति । सत्थु चरियानुविधायकत्ता सकलसासनसम्पटिग्गाहकत्ता च **सब्बप्पकाराय अनुसासनिया भाजनभावो** ।

**समं चरेय्याति** कायादिविसमचरियं पहाय कायादीहि समं चरेय्य । रागादिवूपसमेन सन्तो । इन्द्रियदमेन दन्तो । चतुमग्नियामेन नियतो । सेट्ठचरिताय ब्रह्मचारी । कायदण्डादिओरोपनेन निधाय दण्डं । अरियभावे ठितो सो एवरूपो बाहितपापसमितपापभिन्नकिलेसताहि **ब्राह्मणो समणो भिक्खू**ति वेदितब्बो ।

“अयञ्चेव कायो बहिद्धो च नामरूप”न्तिआदीसु (दी० नि० टी० २.३७३) खन्धपञ्चकं, “सुखञ्च कायेन पटिसंवेदेती”तिआदीसु (म० नि० १.२७१, २८७; पारा० ११) नामकायो कायोति वुच्चतीति ततो विसेसनत्थं “**कायेति रूपकाये**”ति आह ।

**असम्मिस्सतोति** “वेदनादयोपि एत्थ सिता एत्थ पटिबद्धा”ति काये वेदनादिअनुपस्सनापसङ्गेपि आपन्ने ततो असम्मिस्सतोति अत्थो । समूहविसयताय चस्स काय-सद्वत्थ समुदायुपादानताय च असुभाकारस्स “काये”ति एकवचनं, तथा आरम्भणादिविभागेन अनेकभेदभिन्नमि चित्तं चित्तभावसामञ्जेन एकज्झं गहेत्वा “चित्ते”ति एकवचनं, वेदना पन सुखादिभेदभिन्ना विसुं विसुं अनुपस्सितब्बाति दस्सेन्तेन “वेदनासू”ति बहुवचनेन वुत्ता, तथेव च निद्वेसो पवत्तितो, धम्मा च परोपण्णासभेदा अनुपस्सितब्बाकारेन च अनेकभेदा एवाति तेपि बहुवचनवसेनेव वुत्ता । अवयवीगाह-समञ्जातिधावन-सारादानाभिनिवेसनिसेधनत्थं कायं अङ्गपच्चङ्गेहि, तानि च केसादीहि, केसादिके च भूतुपादायरूपेहि विनिम्भुज्जन्तो “**तथा न काये**”तिआदिमाह । पासादादिनगरावयवसमूहे अवयवीवादिनोपि अवयवीगाहं न करोन्ति, नगरं नाम कोचि अत्थो अत्थीति पन केसज्चि समञ्जातिधावनं सियाति इत्थिपुरिसादिसमञ्जातिधावने नगरनिदस्सनं वुत्तं । अङ्गपच्चङ्गसमूहो, केसलोमादिसमूहो भूतुपादायसमूहो च यथावुत्तसमूहे तब्बिनिमुत्तो कायोपि नाम कोचि नत्थि, पगेव इत्थिआदयोति आह “**कायो वा...पे०... दिस्सती**”ति । **कोचि धम्मो**ति इमिना सत्तजीवादिं पटिक्खिपति, अवयवी पन कायपटिक्खेपेनेव पटिक्खित्तोति । यदि एवं कथं कायादिसञ्जाभिधानानीतिआह “**यथावुत्त...पे०... करोन्ती**”ति ।

**यं पस्सति** इत्थिं पुरिसं वा । ननु चक्खुना इत्थिपुरिसदस्सनं नत्थीति? सच्चमेतं, “इत्थिं पस्सामि, पुरिसं पस्सामी”ति पन पवत्तसञ्जाय वसेन “यं पस्सती”ति वुत्तं । मिच्छादस्सनेन वा दिट्ठिया **यं पस्सति, न तं दिट्ठं, तं** रूपायतनं न होतीति अत्थो विपरीतग्गाहवसेन मिच्छापरिकप्पितरूपत्ता । अथ वा तं केसादिभूतुपादायसमूहसङ्घातं दिट्ठं न होति अचक्खुविज्जाणविज्जेय्यत्ता, दिट्ठं वा तं न होति । **यं दिट्ठं तं न पस्सतीति** यं रूपायतनं केसादिभूतुपादायसमूहसङ्घातं दिट्ठं, तं पञ्चाचक्खुना भूततो न पस्सतीति अत्थो । **अपस्सं बज्झते**ति इमं अत्तभावं यथाभूतं पञ्चाचक्खुना अपस्सन्तो “एतं मम, एसोहमस्मि, एसो मे अत्तो”ति किलेसबन्धनेन बज्झति ।

न अञ्जधम्मानुपस्सीति न अञ्जसभावानुपस्सी, असुभादितो अञ्जाकारानुपस्सी न होतीति अत्थो । किं वुत्तं होतीति आदिना तमेवत्थं पाकटं करोति । पथवीकायन्ति केसादिकोद्धासपथविं धम्मसमूहत्ता “कायो”ति वदति, लक्खणपथविमेव वा अनेकप्पभेदं सकलसरीरगतं पुब्बापरियभावेन च पवत्तमानं समूहवसेन गहेत्वा “कायो”ति वदति । आपोकायन्ति आदीसुपि एसेव नयो ।

एवं गहेतब्बस्साति “अहं मम”न्ति एवं अत्तत्तनियभावेन अन्धबालेहि गहेतब्बस्स । इदानि सत्तन्नं अनुपस्सनाकारानम्पि वसेन कायानुपस्सनं दस्सेतुं “अपिचा”ति आदि आरब्धं । तत्थ अनिच्चतो अनुपस्सतीति चतुसमुद्धानिककायं “अनिच्च”न्ति अनुपस्सति, एवं पस्सन्तो एवं चस्स अनिच्चाकारम्पि अनुपस्सतीति वुच्चति । तथाभूतस्स चस्स निच्चग्गाहस्स लेसोपि न होतीति वुत्तं “नो निच्चतो”ति तथाहेस “निच्चसञ्जं पजहती”ति (पटि० म० ३.३५) वुत्तो । एत्थ च “अनिच्चतो एव अनुपस्सती”ति एव-कारो लुत्तनिद्धितोति तेन निवत्तितमत्थं दस्सेतुं “नो निच्चतो”ति वुत्तं । न चेत्थ दुक्खतो अनुपस्सनादिनिवत्तनमासङ्कितब्बं पटियोगीनिवत्तनपरत्ता एव-कारस्स, उपरिदेसनारुहत्ता च तासं ।

दुक्खतो अनुपस्सतीति आदीसुपि एसेव नयो । अयं पन विसेसो — अनिच्चस्स दुक्खत्ता तमेव कायं दुक्खतो अनुपस्सति, दुक्खस्स अनत्तत्ता अनत्ततो अनुपस्सति । यस्मा पन यं अनिच्चं दुक्खं अनत्ता, तं अनभिनन्दितब्बं, न तत्थ रज्जितब्बं, तस्मा वुत्तं “निब्बिन्दति नो नन्दति, विरज्जति नो रज्जती”ति । सो एवं अरज्जन्तो रागं निरोधेति नो समुदेति, समुदयं न करोतीति अत्थो । एवं पटिपन्नो च पटिनिस्सज्जति नो आदियति । अयञ्चि अनिच्चादि अनुपस्सना तदङ्गवसेन सङ्घिं कायतन्निस्सयखन्धाभिसङ्गारेहि किलेसानं परिच्चजनतो, सङ्घतदोसदस्सनेन तब्बिपरीते निब्बाने तन्निन्नताय पक्खन्दनतो “परिच्चागपटिनिस्सगो चेव पक्खन्दनपटिनिस्सगो चा”ति वुच्चति, तस्मा ताय समन्नागतो भिक्खु वुत्तनयेन किलेसे च परिच्चजति, निब्बाने च पक्खन्दति, तथाभूतो च निब्बत्तनवसेन किलेसे न आदियति, नापि अदोसदस्सितावसेन सङ्घतारम्मणं । तेन वुत्तं “पटिनिस्सज्जति नो आदियती”ति । इदानिस्स ताहि अनुपस्सनाहि येसं धम्मानं पहानं होति, तं दस्सेतुं “सो तं अनिच्चतो अनुपस्सन्तो निच्चसञ्जं पजहती”ति । तत्थ निच्चसञ्जन्ति “सङ्घारा निच्चा”ति एवं पवत्तविपरीतसञ्जं । दिट्ठिचित्तविपल्लासपहानमुखेनेव सञ्जाविपल्लासप्पहानन्ति सञ्जागहणं, सञ्जासीसेन वा तेसम्पि गहणं दट्ठब्बं । नन्दन्ति सप्पीतिकतण्हं । सेसं वुत्तनयेमेव ।

विहरतीति इमिना कायानुपस्सनासमङ्गिनो इरियापथविहारो वुत्तोति आह “इरियती”ति इरियापथं पवत्तेतीति अत्थो । आरम्मणकरणवसेन अभिव्यापनतो “तीसु भवेसू”ति वुत्तं, उप्पज्जनवसेन पन किलेसा परित्तभूमका एवाति । यदिपि किलेसानं पहानं आतापनन्ति तं सम्मादिट्ठिआदीनम्पि अत्थेव, आताप-सद्दो पन वीरियेयेव निरुहोति वुत्तं “वीरियस्सेतं नाम”न्ति । अथ वा पटिपक्खपहाने सम्पयुत्तधम्मानं अब्भुस्सहनवसेन पवत्तमानस्स वीरियस्स सातिसयं तदातापनन्ति वीरियमेव तथा वुच्चति, न अञ्जे धम्मा । आतापीति चायमीकारो पसंसाय, अतिसयस्स वा दीपकोति आतापीगहणेन सम्मप्पधानसमङ्गितं दस्सेति । सम्मा, समन्ततो, सामञ्च पजानन्तो सम्पजानो, असम्मिस्सतो ववत्थाने अञ्जधम्मानुपस्सिताभावेन सम्मा अविपरीतं, सब्बाकारपजाननेन समन्ततो, उपरूपरि विसेसावहभावेन पवत्तिया सयं पजानन्तोति अत्थो । यदि पञ्जाय अनुपस्सति, कथं सतिपट्टानताति आह “न ही”ति आदि । सब्बत्थिकन्ति सब्बत्थ भवं सब्बत्थ लीने उद्धते च चित्ते इच्छितब्बत्ता, सब्बे वा लीने उद्धते च भावेतब्बा बोज्झङ्गा अत्थिका एतायाति सब्बत्थिका । सतिया लद्धूपकाराय एव पञ्जाय एत्थ यथावुत्ते काये कम्मट्टानिको भिक्खु कायानुपस्सी विहरति । अन्तोसङ्केपो अन्तो ओलीयनो, कोसज्जन्ति अत्थो । उपायपरिग्गहेति एत्थ सीलविसोधनादि गणनादि उग्गहकोसल्लादि च उपायो,

तब्बिपरियायतो **अनुपायो** वेदितब्बो । यस्मा च उपट्ठितस्सति यथावुत्तउपायं न परिच्चजति, अनुपायञ्च न उपादियति, तस्मा वुत्तं “**मुट्ठस्सति...पे०... असमत्थो होती**”ति । तेनाति उपायानुपायानं परिग्गहपरिवज्जनेसु अपरिच्चागापरिग्गहेसु च असमत्थभावेन **अस्स** योगिनो ।

यस्मा सतियेवेत्थ सतिपट्ठानं वुत्ता, तस्मास्स सम्पयुत्ता धम्मा वीरियादयो अङ्गन्ति आह “**सम्पयोगङ्गञ्चस्स दस्सेत्वा**”ति । अङ्ग-सद्दो चेत्थ कारणपरियायो दट्ठब्बो, सतिग्गहणेनेव चेत्थ समाधिस्सति गहणं दट्ठब्बं तस्सा समाधिक्खन्धे सङ्गहितत्ता । यस्मा वा सतिसीसेनायं देसना । न हि केवलाय सतिया किलेसप्पहानं होति, निब्बानाधिगमो वा, न च केवला सति पवत्तति, तस्मास्स ज्ञानदेसनायं सवितक्कादिवचनस्स विय सम्पयोगङ्गदस्सनताति अङ्ग-सदस्स अवयवपरियायता दट्ठब्बा । **पहानङ्गन्ति** “विचिच्चेव कामेही”तिआदीसु (दी० नि० १.२२६; म० नि० १.२७१, २८७; सं० नि० २.१५२; अ० नि० ४.१२३; पारा० ११) विय पहातब्बङ्गं दस्सेतुं । यस्मा एत्थ लोकियमग्गो अधिप्पेतो, न लोकुत्तरमग्गो, तस्मा पुब्बभागियमेव विनयं दस्सेन्तो “**तदङ्गविनयेन वा विक्खम्भनविनयेन वा**”ति आह । तेसं धम्मानन्ति वेदनादिधम्मानं । तेसज्झि तत्थ अनधिप्पेतत्ता “**अत्थुद्धारनयेनेतं वुत्तं**”न्ति वुत्तं ।

अविसेसेन द्वीहिपि नीवरणप्पहानं वुत्तन्ति कत्वा पुन एकेकेन वुत्तं पहानविसेसं दस्सेतुं “**विसेसेना**”ति आह । अथ वा “विनेय्य नीवरणानी”ति अवत्वा अभिज्झादोमनस्सवचनस्स पयोजनं दस्सेन्तो “**विसेसेना**”तिआदिमाह । कायानुपस्सनाभावनाय हि उजुविपच्चनीकानं अनुरोधादीनं पहानं दस्सनं एतस्स पयोजनन्ति । **कायसम्पत्तिमूलकस्साति** रूप-बल-योब्बनारोग्यादि-सरीरसम्पदा-निमित्तस्स । वुत्तविपरियायतो **कायविपत्तिमूलको विरोधो** वेदितब्बो । **कायभावनायाति** कायानुपस्सनाभावनाय । सा हि इध “कायभावना”ति अधिप्पेता । तेनाति अनुरोधादिप्पहानवचनेन । **योगानुभावो** हीतिआदि वुत्तस्सेवत्थस्स पाकटकरणं ।

**सतिसम्पजज्जेनाति** अतिसम्पजज्जग्गहणेन । **सब्बत्थिककम्मट्ठानन्ति** बुद्धानुस्सति मेत्ता मरणस्सति असुभभावना च । इदज्झि चतुक्कं योगिना परिहरियमानं “सब्बत्थिककम्मट्ठान”न्ति वुच्चति अतिसम्पजज्जबलेन अविच्छिन्नस्स तस्स परिहरितब्बत्ता, **सतिया वा समथो वुत्तो** तस्सा समाद्धिक्खन्धेन सङ्गहितत्ता ।

तेनाति सदत्थं अनादियित्वा भावत्थस्सेव विभजनवसेन पवत्तेन विभङ्गपाठेन सह । **अट्ठकथानयोति** सदत्थस्सपि विवरणवसेन यथारहं वुत्तो अत्थसंवण्णनानयो । **यथा संसन्दतीति** यथा अत्थतो अधिप्पायतो च अविलोमेन्तो अज्जदत्थु संसन्दति समेति, एवं वेदितब्बो ।

**वेदनादीनं पुन वचनेति** एत्थ निस्सयपच्चयभाववसेन चित्तधम्मानं वेदनासन्निस्सितत्ता पञ्चवोकारभवे अरूपधम्मानं रूपपटिबद्धवुत्तितो च वेदनाय कायादिअनुपस्सनापसङ्गेपि आपन्ने तदसम्मिस्सतो ववत्थानदस्सनत्थं घनविनिब्भोगादिदस्सनत्थञ्च दुतियवेदनागहणं । तेन न वेदनायं कायानुपस्सी, चित्तधम्मानुपस्सी वा, अथ खो वेदनानुपस्सीयेवाति वेदनासङ्घाते वत्थुस्मिं वेदनानुपस्सनाकारस्सेव दस्सनेन असम्मिस्सतो ववत्थानं दस्सितं होति । तथा “यस्मिं समये सुखा वेदना, न तस्मिं समये दुक्खा अदुक्खमसुखा वा वेदना । यस्मिं वा पन समये दुक्खा अदुक्खमसुखा वा वेदना, न तस्मिं समये इतरा वेदना”ति वेदनाभावसामञ्जे अट्ठत्वा तं तं वेदनं विनिब्भुजित्वा दस्सनेन घनविनिब्भोगो धुवभावविवेको दस्सितो होति । तेन तासं खणमत्तावट्ठानदस्सनेन अनिच्चताय ततो एव दुक्खताय अनत्तताय च दस्सनं विभावितं होति । **घनविनिब्भोगादीति आदि-**सद्देन अयम्पि अत्थो वेदितब्बो । अयज्झि वेदनायं वेदनानुपस्सीयेव, न अज्जधम्मानुपस्सी । किं वुत्तं होति — यथा नाम बालो अमणिसभावेपि उदकबुब्बुळके मणिआकारानुपस्सी होति, न

एवमयं ठितिरमणीयेपि वेदयिते, पगेव इतरस्मिं मनुज्जाकारानुपस्सी, अथ खो खणभङ्गुरताय अवसवत्तिताय किलेसासुचिपगघरणताय च अनिच्चअनत्तअसुभाकारानुपस्सी, विपरिणामदुक्खताय सङ्खारदुक्खताय च विसेसतो दुक्खानुपस्सीयेवाति वुत्तं होति । एवं चित्तधम्मसेसुपि यथारहं पुन वचने पयोजनं वत्तब्बं । “**केवलं पनिधा**”तिआदिना इध ‘एत्तकं वेदितब्ब’न्ति वेदितब्बपरिच्छेदं दस्सेति । **एस नयोति** इमिना यथा चित्तं धम्मा च अनुपस्सितब्बा, तथा तानि अनुपस्सन्तो “चित्ते चित्तानुपस्सी, धम्मसेसु धम्मानुपस्सी”ति वेदितब्बोति इममत्थं अतिदिसति ।

**यो सुखं दुक्खतो** अद्वाति यो भिक्खु सुखवेदनं विपरिणामदुक्खताय “दुक्ख”न्ति पज्जाचक्खुना अद्दक्खि । **दुक्खमद्दक्खि सल्लतोति** दुक्खवेदनं पीळाजननतो अन्तोतुदनतो दुन्नीहरणतो च सल्लन्ति अद्दक्खि पस्सि । **अदुक्खमसुखन्ति** उपेक्खावेदनं । **सन्तन्ति** सुखदुक्खानि विय अनोळारिकताय पच्चयवसेन वूपसन्तसभावताय च सन्तं । **अनिच्चतोति** हुत्वा अभावतो उदयव्यवन्ततो तावकालिकतोनिच्चपटिक्खेपतो च “अनिच्च”न्ति यो अद्दक्खि । **स वे सम्मद्दसो भिक्खु** एकंसेन परिब्यत्तं वा वेदनाय सम्मा पस्सनकोति अत्थो ।

**दुक्खातिपीति** सङ्खारदुक्खताय दुक्खा इतिपि । **सब्बं तं दुक्खस्मिन्ति** सब्बं तं वेदयितं दुक्खस्मिं अन्तोगधं परियापन्नं वदामि सङ्खारदुक्खतानतिवत्तनतो । **सुखदुक्खतोपि चाति** सुखादीनं ठितिविपरिणामज्जाणसुखताय विपरिणामठितिअज्जाणदुक्खताय च वुत्तत्ता तिस्सोपि सुखतो, तिस्सोपि च दुक्खतो अनुपस्सितब्बाति अत्थो । रूपादि-**आरम्मणछन्दादि-अधिपति-जाणादि-सहजात-** कामावचरादि-**भूमि**नानत्तभेदानं कुसलाकुसल-तंविपाककिरिया-नानत्तादिभेदानञ्च, आदि-सद्देन सङ्खारिकासङ्खारिकस-वत्थुकावत्थुकादि-नानत्तभेदानञ्च वसेनाति योजेतब्बं । **सुज्जतधम्मस्साति** “धम्मा होन्ती”तिआदिना (ध० स० १२१) सुज्जतवारे आगतसुज्जतसभावस्स वसेन । “**कामञ्चेत्था**”तिआदिना पुब्बे पहीनत्ता पुन पहानं न वत्तब्बन्ति चोदनं दस्सेति, मग्गचित्तक्खणे वा एकत्थ पहीनं सब्बत्थ पहीनमेव होतीति विसुं विसुं न वत्तब्बन्ति । तत्थ पुरिमाय चोदनाय नानापुग्गलपरिहारो, पच्छिमाय नानाचित्तक्खणिकपरिहारो । लोकियभावनाय हि काये पहीनं न वेदनादीसु पहीनं होति यदिपि न पवत्तेय्य, न पटिपक्खभावनाय तत्थ सा अभिज्झादोमनस्सस्स अप्पवत्ति होतीति पुन तप्पहानं वत्तब्बमेवाति । **एकत्थ पहीनं सेसेसुपि पहीनं होतीति** मग्गसतिपट्टानभावनं, लोकियभावनाय वा सब्बत्थ अप्पवत्तिमत्तं सन्धाय वुत्तं । “पञ्चपि खन्धा लोको”ति हि विभङ्गे (विभ० ३६२, ३६४, ३६६, ३७३) चतूसुपि ठानेसु वुत्तन्ति ।

उद्देसवारवण्णनाय लीनत्थप्पकासना समत्ता ।

### कायानुपस्सनावण्णना

### आनापानपब्बवण्णना

**१०७.** बाहिरकेसुपि इतो एकदेसस्स सम्भवतो सब्बप्पकारगगहणं कतं “**सब्बप्पकारकायानुपस्सनानिब्वत्तकस्सा**”ति । तेन ये इमे आनापानपब्बादिवसेन आगता चुद्दसप्पकारा, तदन्तोगधा च अज्झत्तादिअनुपस्सना पकारा, तथा **कायगतासतिसुत्ते** (म० नि० ३.१५४) वुत्ता केसादिवण्णसण्ठानकसिणारम्मणचतुक्कज्झानप्पकारा, लोकियादिप्पकारा च, ते सब्बेपि अनवसेसतो सङ्गण्हाति । इमे च पकारा इमस्मियेव सासने, न इतो बहिद्वाति वुत्तं “**सब्बप्पकार...पे०... पटिसेधनो चा**”ति । तत्थ **तथाभावपटिसेधनोति** सब्बप्पकारकायानुपस्सनानिब्वत्तकस्स पुग्गलस्स अज्जसासनस्स निस्सयभावपटिसेधनो । एतेन “इध, भिक्खवे”ति एत्थ

इध-सद्वो अन्तोगधएवसद्वत्थोति दस्सेति । सन्ति हि एकपदानिपि सावधारणानि यथा “वायुभक्खो”ति (दी० नि० टी० २.३७४) । तेनाह “इधेव समणो”तिआदि । परिपुण्णसमणकरणधम्मो हि सो, यो सब्बप्पकारकायानुपस्सनानिब्वत्तको । परप्पवादाति परेसं अज्जतित्थियानं नानप्पकारा वादा तित्थायतनानि ।

अरज्जादिकस्सेव भावनानुरूपसेनासनतं दस्सेतुं “इमस्स ही”तिआदि वुत्तं । दुद्धमो दमथं अनुपगतो गोणो कूटगोणो । दोहनकाले यथा थनेहि अनवसेसतो खीरं न पग्घरति, एवं दोहपटिबन्धिनी कूटधेनु । रूपसद्वादिके पटिच्च उपपज्जनकअस्सादो रूपारम्मणादिरसो । पुब्बे आचिण्णारम्मणन्ति पब्बज्जातो पुब्बे, अनादिमति वा संसारे परिचितारम्मणं ।

निबन्धेय्याति बन्धेय्य । सतियाति सम्मदेव कम्मट्ठानस्स सल्लक्खणवसेन पवत्ताय सतिया । आरम्मणेति कम्मट्ठानारम्मणे । दळ्हन्ति थिरं, यथा सतोकारिस्स उपचारप्पनाभेदो समाधि इज्झति, तथा थामगतं कत्वाति अत्थो ।

विसेसाधिगमदिट्ठधम्मसुखविहारपदट्ठानन्ति सब्बेसं बुद्धानं, एकच्चानं पच्चेकबुद्धानं, बुद्धसावकानञ्च विसेसाधिगमस्स, अज्जेन कम्मट्ठानेन अधिगतविसेसानं दिट्ठधम्मसुखविहारस्स च पदट्ठानभूतं । वत्थुविज्जाचरियो विय भगवा योगीनं अनुरूपनिवासट्ठानुपदिसनतो । भिक्खु दीपिसदिसो अरज्जे एकाकी विहरित्वा पटिपक्खनिम्मथनेन इच्छितत्थसाधनतो । फलमुत्तमन्ति सामज्जफलं सन्धायाह । परक्कमजवयोग्गभूमिन्ति भावनुस्साहजवस्स योग्गकरणभूमिभूतं ।

अस्सासपस्सासानं वसेन सिक्खतोति अस्सासपस्सासानं दीघरस्सतापजानन-सब्बकायपटिसंवेदन-ओळारिकोळारिकपटिप्पस्सम्भनवसेन भावनानुयोगं सिक्खतो, तथाभूतो वा हुत्वा तिस्सो सिक्खा पवत्तयतो । अस्सासपस्सासनिमित्तेति अस्सासपस्साससन्निस्सयेन उपट्ठितपटिभागनिमित्ते । अस्सासपस्सासे परिग्गणहाति रूपमुखेन विपस्सनं अभिनिविसन्तो, यो “अस्सासपस्सासकम्मिको”ति वुत्तो । ज्ञानङ्गानि परिग्गणहाति अरूपमुखेन विपस्सनं अभिनिविसन्तो । वत्थु नाम करजकायो चित्तचेतसिकानं पवत्तिट्ठानभावतो । अज्जो सत्तो वा पुग्गलो वा नत्थीति विसुद्धदिट्ठि “तयिदं धम्ममत्तं न अहेतुकं, नापि इस्सरदिविसमहेतुकं, अथ खो अविज्जादीहि एव सहेतुकं”न्ति अद्धत्तयेपि कङ्कावितरणेन वितिण्णकङ्को “यं किञ्चि रूपं”न्तिआदिना (म० नि० १.३६१; म० नि० २.११३; म० नि० ३.८६; अ० नि० ४.१८१; पटि० म० १.४८) कलापसम्मसनवसेन तिलक्खणं आरोपेत्वा उदयब्बयानुपस्सनादिवसेन विपस्सनं वड्ढेन्तो अनुक्कमेन मग्गपटिपाटिया ।

परस्स वा अस्सासपस्सासकायेति इदं सम्मसनचारवसेनायं पाळि पवत्ताति कत्वा वुत्तं, समथवसेन पन परस्स अस्सासपस्सासकाये अप्पनानिमित्तुप्पत्ति एव नत्थीति । इदं उभयं न लब्भतीति “अज्झत्तं, बहिद्धा”ति च वुत्तं इदं धम्मद्वयघटितं एकतो आरम्मणभावेन न लब्भति ।

समुदेति एतस्माति समुदयो, सो एव कारणट्ठेन धम्मोति समुदयधम्मो, अस्सासपस्सासानं पवत्तिहेतुकरजकायादि । तस्स अनुपस्सनसीलो समुदयधम्मानुपस्सी । तं पन समुदयधम्मं उपमामुखेन दस्सेन्तो “यथा नामा”तिआदिमाह । तत्थ भस्तन्ति रुत्ति । गग्गरनाळिन्ति उक्कापनाळि । तेति करजकायादिके । यथा अस्सासपस्सासकायो करजकायादिसम्बन्धी फलभावेन, एवं तेपि अस्सासपस्सासकायसम्बन्धिनो हेतुभावेनाति “समुदयधम्मा कायस्मि”न्ति वत्तब्बतं लभन्तीति वुत्तं “समुदय...पे०... वुच्चती”ति । पकतिवाची वा धम्म-सद्वो “जातिधम्मान”न्तिआदीसु (म० नि० १.१३१; म० नि० ३.३७३;

पटि० म० १.३३) वियाति कायस्स पच्चयसमवाये उप्पज्जनपकतिकानुपस्सी “समुदयधम्मानुपस्सी”ति वुत्तो । तेनाह — “करजकायज्जा”तिआदि । एवञ्च कत्वा कायस्मिन्ति भुम्मवचनञ्च समत्थितं होति । वयधम्मानुपस्सीति एत्थ अहेतुकत्तेपि विनासस्स येसं हेतुधम्मानं अभावे यं न होति, तदभावो तस्स अभावस्स होतु विय वोहरीयतीति उपचारतो करजकायादिअभावो अस्सासपस्सासकायस्स वयकारणं वुत्तो । तेनाह “यथा भस्ताया”तिआदि । अयं तावेत्थ पठमविकप्पवसेन अत्थविभावना । दुतियविकप्पवसेन पन उपचारेन विनायेव अत्थो वेदितब्बो । अज्झत्तबहिद्धानुपस्सना विय भिन्नवत्थुविसयताय समुदयवयधम्मानुपस्सनापि एककाले न लब्धतीति आह “कालेन समुदयं कालेन वयं अनुपस्सन्तो”ति ।

अत्थि कायोति एव-सद्दो लुत्तनिद्धिद्वोति “कायोव अत्थी”ति वत्वा अवधारणेन निवत्थितं दस्सेन्तो “न सत्तो”तिआदिमाह । तस्सत्थो — यो रूपादीसु सत्तविसत्तताय परेसञ्च सज्जापनट्टेन, सत्त्वगुणयोगतो वा “सत्तो”ति परेहि परिकप्पितो । तस्स सत्तनिकायस्स पूरणतो च चवनुपपज्जनधम्मताय गलनतो च “पुग्गलो”ति । थीयति संहज्जति एत्थ गम्भोति “इत्थी”ति । पुरि पुरे भागे सेति पवत्ततीति “पुरिसो”ति । आहितो अहंमानो एत्थाति “अत्ता”ति, अत्तनो सन्तकभावेन “अत्तनिय”न्ति । परो न होतीति कत्वा “अह”न्ति, मम सन्तकन्ति कत्वा “मम”न्ति । वुत्तप्पकारविनिमुत्तो अज्जोति कत्वा “कोची”ति, तस्स सन्तकभावेन “कस्सची”ति परिकप्पेतब्बो कोचि नत्थि, केवलं कायो एव अत्थीति अत्तत्तनियसुज्जतमेव कायस्स विभावेति । एवन्ति “कायोव अत्थी”तिआदिना वुत्तप्पकारेन । जाणपमाणत्थायाति कायानुपस्सनाजाणपरं पमाणं पापनत्थाय । सतिपमाणत्थायाति कायपरिग्गाहिकसतिपवत्तं सतिपरं पमाणं पापनत्थाय । इमस्स हि वुत्तनयेन “अत्थि कायो”ति अपरापरुप्पत्तिवसेन पच्चुपट्ठिता सति भिय्योसो मत्ताय तत्थ जाणस्स सतिया च परिब्रूहनाय होति । तेनाह “सतिसम्पज्जानं वड्ढत्थाया”ति ।

इमिस्सा भावनाय तण्हादिद्विगाहानं उजुपटिपक्खत्ता वुत्तं “तण्हा...पे०... विहरती”ति । तथाभूतो च लोके किञ्चि “अह”न्ति वा “मम”न्ति वा गहेतब्बं न पस्सति, कुतो गण्हेय्य । तेनाह “न च किञ्ची”तिआदि । एवम्पीति एत्थ पि-सद्दो हेट्ठा निद्धिद्वस्स तादिसस्स अत्थस्स अभावतो अवुत्तसमुच्चयत्थोति दस्सेन्तो “उपरि अत्थं उपादाया”ति आह । “एव”न्ति पन निद्धिद्वकारस्स पच्चामसनं निगमनवसेन कतन्ति आह “इमिना पन...पे०... दस्सेती”ति । पुब्बभागसतिपट्टानस्स इधाधिप्पेतत्ता वुत्तं “सति दुक्खसच्च”न्ति । सा पन सति यस्मिं अत्तभावे, तस्स समुट्ठापिका तण्हा तस्सापि समुट्ठापिका एव नाम होति तदभावे अभावतोति आह “तस्सा समुट्ठापिका पुरिमतण्हा”ति । अप्पवत्तीति अप्पवत्तिनिमित्तं, न पवत्तति एत्थाति वा अप्पवत्ति । चतुसच्चवसेनाति चतुसच्चकम्मट्टानवसेन । उस्सविकत्वाति विसुद्धिपरम्पराय आरुहित्वा, भावनं उपरि नेत्वाति अत्थो । निय्यानमुखन्ति वड्ढदुक्खतो निस्सरणूपायो ।

आनापानपब्बवण्णना निद्धिता ।

### इरियापथपब्बवण्णना

१०८. इरियापथवसेनाति इरियनं इरिया, किरिया, इध पन कायिकपयोगो वेदितब्बो । इरियानं पथो पवत्तिमग्गोति इरियापथो, गमनादिसरीरावत्था । गच्छन्तो वा हि सत्तो कायेन कत्तब्बकिरियं करेय्य ठितो वा निसिन्नो वा निपन्नो वाति । तेसं वसेन, इरियापथविभागेनाति अत्थो । पुन चपरन्ति पुन च अपरं, यथावुत्तआनापानकम्मट्टानतो भिय्योपि अज्जं कायानुपस्सनाकम्मट्टानं कथेमि, सुणाथाति वा अधिप्पायो । गच्छन्तो वातिआदि गमनादिमत्तजाननस्स गमनादिगतविसेसजाननस्स च साधारणवचनं । तत्थ गमनादिमत्तजाननं इध नाधिप्पेतं, गमनादिगतविसेसजाननं पन

अधिपेतन्ति तं विभजित्वा दस्सेतुं “तत्थ काम”न्तिआदि वुत्तं। सत्तूपलब्धिन्ति सत्तो अत्थीति उपलब्धिं सत्तग्गाहं न जहति न परिच्चजति “अहं गच्छामि, मम गमन”न्ति गाहसम्भावतो। ततो एव अत्तसज्जं “अत्थि अत्ता कारको वेदको”ति एवं पवत्तं विपरीतसज्जं न उग्घाटेति नापनेति अपटिपक्खभावतो, अननब्रूहनतो वा। एवं भूतस्स चस्स कुतो कम्मट्टानादिभावोति आह “कम्मट्टानं वा सत्तिपट्टानभावना वा न होती”ति। इमस्स पनातिआदिसुक्कपक्खस्स वुत्तविपरियायेन अत्थो वेदितब्बो। तमेव हि अत्थं विवरितुं “इदं ही”तिआदि वुत्तं। तत्थ को गच्छतीति गमनकिरियाय कत्तुपुच्छा, सा कत्तुभावविसिद्धुअत्तपटिक्खेपत्था धम्ममत्तस्सेव गमनसिद्धिदस्सनतो। कस्स गमनन्ति अकत्तुताविसिद्धुअत्तग्गाहपटिक्खेपत्था। किंकारणाति पन पटिक्खित्तकत्तुकाय गमनकिरियाय अविपरीतकारणपुच्छा “गमनन्ति अत्ता मनसा संयुज्जति, मनो इन्द्रियेहि, इन्द्रियानि अत्तेही”ति एवमादिगमनकारणपटिक्खेपनतो। तेनाह “तत्था”तिआदि।

न कोचि सत्तो वा पुग्गलो वा गच्छति धम्ममत्तस्सेव गमनसिद्धितो तब्बिनिमुत्तस्स च कस्सचि अभावतो। इदानी धम्ममत्तस्सेव गमनसिद्धिं दस्सेतुं “चित्तकिरियवायोधातुविष्कारेणा”तिआदि वुत्तं। तत्थ चित्तकिरिया च सा वायोधातुया विष्कारो विष्फन्दनज्वाति चित्तकिरियवायोधातुविष्कारो, तेन। एत्थ च चित्तकिरियग्गहणेन अनिन्द्रियबद्धवायोधातुविष्कारं निवत्तेति, वायोधातुविष्कारग्गहणेन चेतनावचीविज्जत्तिभेदं चित्तकिरियं निवत्तेति, उभयेन पन कायविज्जत्तिं विभावेति। “गच्छती”ति वत्वा यथा पवत्तमाने काये “गच्छती”ति वोहारो होति, तं दस्सेतुं “तस्मा”तिआदि वुत्तं। तन्ति गन्तुकामतावसेन पवत्तचित्तं। वायं जनेतीति वायोधातुअधिकं रूपकलापं जनेति, अधिकता चेत्थ सामत्थियतो, न पमाणतो। गमनचित्तसमुद्धितं सहजातरूपकायस्स थम्भनसन्धारणचलनानं पच्चयभूतेन आकारविसेसेन पवत्तमानं वायोधातुं सन्धायाह “वायो विज्जत्तिं जनेती”ति। अधिप्पायसहभावी हि विकारो विज्जत्ति, यथावुत्तअधिकभावेनेव च वायोगहणं, न वायोधातुया एव जनकभावतो, अज्जथा विज्जत्तिया उपादायरूपभावो दुरुपपादो सिया। पुरतो अभिनीहारो पुरतोभागेन कायस्स पवत्तनं, यो “अभिवक्कमो”ति वुच्चति।

“एसेव नयो”ति अतिदेसवसेन सङ्खेपतो वत्वा तमेवत्थं विवरितुं “तत्रापि ही”तिआदि वुत्तं। कोटितो पट्टायाति हेट्टिमकोटितो पट्टाय। उस्सितभावोति उब्बिद्धभावो।

एवं पजानतोति एवं चित्तकिरियवायोधातुविष्कारेनेव गमनादिभावो होतीति पजानतो तस्स एवं पजाननाय निच्छयगमनत्थं “एवं होती”ति विचारणा वुच्चति लोके यथाभूतं अजानन्तेहि मिच्छाभिनिवेसवसेन, लोकवोहारवसेन वा। अत्थि पनाति अत्तनो एव वीमंसनवसेन पुच्छावचनं। नत्थीति निच्छयवसेन सत्तस्स पटिक्खेपवचनं। यथा पनातिआदि तस्सेवत्थस्स उपमाय विभावनं।

नावा मालुतवेगेनाति यथा अचेतना नावा वातवेगेन देसन्तरं याति, यथा च अचेतनो तेजनं कण्डो जियावेगेन देसन्तरं याति, तथा अचेतनो कायो वाताहतो यथावुत्तवायुना नीतो देसन्तरं यातीति एवं उपमासंसन्दनं वेदितब्बं। सचे पन कोचि वदेय्य “यथा नावाय तेजनस्स च पेल्लकस्स पुरिसस्स वसेन देसन्तरगमनं, एवं कायस्सापी”ति, होतु, एवं इच्छितोवायमत्थो। यथा हि नावा तेजनानं संहतलक्खणस्सेव पुरिसस्स वसेन गमनं, न असंहतलक्खणस्स, एवं कायस्सापीति का नो हानि, भिय्योपि धम्ममत्तताव पतिट्ठं लभति, न पुरिसवादो। तेनाह “यन्तं सुत्तवसेना”तिआदि।

तत्थ पयुत्तन्ति हेट्टा वुत्तनयेन गमनादिकिरियावसेन पयोजितं। ठातीति तिट्ठति। एत्थाति इमस्मिं लोके। विना हेतुपच्चयेति गन्तुकामताचित्त-तंसमुट्टान-वायोधातु-आदिहेतुपच्चयेहि विना। तिट्ठेति तिट्ठेय्य। वजेति वजेय्य गच्छेय्य को

नामाति सम्बन्धो । पटिक्खेपत्थो चेत्थ किं-सद्दोति हेतुपच्चयविरहेन ठानगमनपटिक्खेपमुखेन सब्बायपि धम्मप्पवत्तिया पच्चयाधीनवुत्तिताविभावेनेन अत्तसुज्जता विय अनिच्चदुक्खतापि विभाविताति दट्ठब्बा ।

**पणिहितोति** यथा यथा पच्चयेहि पकारतो निहितो ठपितो । **सब्बसङ्गाहिकवचनन्ति** सब्बेसं चतुन्नम्पि इरियापथानं सङ्गणहनवचनं, पुब्बे विसुं विसुं इरियापथानं वुत्तत्ता इदं तेसं एकज्झं गहेत्वा वचनन्ति अत्थो । पुरिमनयो वा इरियापथप्पधानो वुत्तोति तत्थ कायो अप्पधानो अनुनिप्फादीति इध कायं पधानं अप्पधानञ्च इरियापथं अनुनिप्फादं कत्वा दस्सेतुं दुतियनयो वुत्तोति एवम्पेत्थ द्विन्नं नयानं विसेसो वेदितब्बो । **ठितोति** पवत्तो ।

इरियापथपरिगणहनम्पि इरियापथवतो कायस्सेव परिगणहनं तस्स अवत्थाविसेसभावतोति वुत्तं “**इरियापथपरिगहणेन काये कायानुपस्सी विहरती**”ति । तेनेवेत्थ रूपक्खन्धवसेनेव समुदयादयो उद्भटा । एस नयो सेसवारेसुपि । **आदिनाति** एत्थ **आदि-**सद्देन यथा “तण्हासमुदया कम्मसमुदया आहारसमुदया”ति निब्बत्तिलक्खणं पस्सन्तोपि रूपक्खन्धस्स उदयं पस्सतीति इमे चत्तारो आहारा सङ्गहन्ति, एवं “अविज्जानिरोधा रूपनिरोधा”ति आदयोपि पञ्च आकारा सङ्गहिताति दट्ठब्बो । सेसं वुत्तनयमेव ।

इरियापथपब्बवण्णना निड्ढिता ।

### चतुसम्पज्जपब्बवण्णना

**१०९. चतुसम्पज्जवसेनाति** (दी० नि० टी० १.२८४; सं० नि० ५.३६८; दी० नि० अभि० टी० २.२१४) समन्ततो पकारेहि, पकट्टं वा सविसेसं जानातीति सम्पजानो, सम्पजानस्स भावो **सम्पज्जं**, तथापवत्तं जाणं । चत्तारि सम्पज्जानि समाहटानि **चतुसम्पज्जं**, तस्स वसेन । अभिक्कमनं **अभिक्कन्तन्ति** आह “**अभिक्कन्तं वुच्चति गमनं**”न्ति । तथा पटिक्कमनं **पटिक्कन्तन्ति** आह “**पटिक्कन्तं वुच्चति निवत्तनं**”न्ति । **निवत्तनन्ति** च निवत्तिमत्तं, निवत्तित्वा पन गमनं गमनमेव । **अभिहरन्तोति** गमनवसेन कायं उपनेन्तो ।

सम्मा पजाननं सम्पजानं, तेन अत्तना कातब्बस्स करणसीलो **सम्पजानकारीति** आह “**सम्पज्जेन सब्बकिच्चकारी**”ति । सम्पजानसद्दस्स सम्पज्जपरियायता पुब्बे वुत्तायेव । **सम्पज्जं करोतेवाति** अभिक्कन्तादीसु असम्मोहं उप्पादेति एव । सम्पजानस्स वा कारो एतस्स अत्थीति **सम्पजानकारी** । धम्मतो वड्डिसङ्घातेन सह अत्थेन पवत्ततीति सात्थकं, अभिक्कन्तादि । सात्थकस्स सम्पजाननं **सात्थकसम्पज्जं** । सप्पायस्स अत्तनो उपकारावहस्स हितस्स सम्पजाननं **सप्पायसम्पज्जं** अभिक्कमादीसु भिक्खाचारगोचरे, अज्जत्थापि च पवत्तेसु अविजहिते कम्मट्ठानसङ्घाते गोचरे सम्पज्जं **गोचरसम्पज्जं** । अभिक्कमादीसु असम्मुहमेव सम्पज्जं **असम्मोहसम्पज्जं** । **परिगण्हित्वाति** पटिसङ्घाय ।

**तस्मिन्ति** सात्थकसम्पज्जवसेन परिगण्हितअत्थे । अत्थो नाम धम्मतो वड्ढीति यं सात्थकन्ति अधिप्पेतं गमनं, तं सप्पायमेवाति सिया कस्सचि आसङ्काति तन्निवत्तनत्थं “**चेतियदस्सनं तावा**”तिआदि आरब्धं । **चित्तकम्मरूपकानि वियाति** चित्तकम्मकतपटिमायो विय, यन्तपयोगेन वा विचित्तकम्मपटिमायो विय । **असमपेक्खनं** गेहसितअज्जाणुपेक्खावसेन आरम्मणस्स अयोनिस्सो गहणं । यं सन्धाय वुत्तं “चक्खुना रूपं दिस्वा उप्पज्जति उपेक्खा बालस्स मूळहस्स पुथुज्जनस्सा”तिआदि (म० नि० ३.३०८) । हत्थिआदिसम्मद्देन **जीवितन्तराया**,



विसभारूपदस्सनादिना ब्रह्मचरियन्तरायो ।

पब्बजितदिवसतो पट्टाय भिक्खून् अनुवत्तनकथा आचिण्णा, अननुवत्तनकथा पन तस्सा दुतिया नाम होतीति आह “द्वे कथा नाम न कथितपुब्बा”ति ।

एवन्ति “सचे पना”तिआदिकं सब्बम्पि वुत्ताकारं पच्चासति, न “पुरिसस्स मातुगामासुभ”न्तिआदिकं वुच्चमानं । योगकम्मस्स पवत्तिट्ठानताय भावनाय आरम्भणं कम्मट्ठानन्ति वुच्चतीति आह “कम्मट्ठानसङ्घातं गोचर”न्ति । उग्गहेत्वाति यथा उग्गहनिमित्तं उप्पज्जति, एवं उग्गहकोसल्लस्स सम्पादनवसेन उग्गहेत्वा । हरतीति कम्मट्ठानं पवत्तेति, याव पिण्डपातपटिक्कमा अनुयुज्जतीति अत्थो । न पच्चाहरतीति आहारूपभोगतो याव दिवाट्ठानुपसङ्कमना कम्मट्ठानं न पटिनेति ।

सरीरपरिकम्मन्ति मुखधोवनादिसरीरपटिजगनं । द्वे तयो पल्लङ्केति द्वे तयो निसज्जावारे, द्वे तीणि उण्हासनानि । तेनाह “उसुमं गाहापेन्तो”ति । कम्मट्ठानसीसेनेवाति कम्मट्ठानगोनेव, कम्मट्ठानं पधानं कत्वा एवाति अत्थो । तेन “पत्तोपि अचेतनो”तिआदिना (म० नि० अट्ठ० १.१०९) वक्खमानं कम्मट्ठानं, यथापरिहरियमानं वा अविजहिताति दस्सेति । “परिभोगचेतियतो सरीरचेतियं गरुतर”न्ति कत्वा “चेतियं वन्दित्वा”ति पुब्बकालकिरियावसेन वुत्तं । तथा हि अट्ठकथायं (विभ० अट्ठ० ८०९; म० नि० अट्ठ० ३.१२८; अ० नि० अट्ठ० १.१.२७५) “चेतियं बाधयमाना बोधिसाखा हरितब्बा”ति वुत्ता ।

जनसङ्गहत्थन्ति “मयि अकथेन्ते एतेसं को कथेस्सती”ति धम्मानुग्गहेन जनसङ्गहत्थं । तस्माति । यस्मा “धम्मकथा नाम कथेतब्बायेवा”ति अट्ठकथाचरिया वदन्ति, यस्मा च धम्मकथा कम्मट्ठानविनिमुत्ता नाम नत्थि, तस्मा । अनुमोदनं कत्वाति एत्थापि “कम्मट्ठानसीसेनेवा”ति आनेत्वा सम्बन्धो । सम्पत्तपरिच्छेदेनेवाति “परिचितो अपरिचितो”तिआदिविभागं अकत्वा सम्पत्तकोटियाव । भयेति परचक्कादिभये ।

कम्मजतेजोति गहणिं सन्धायाह । कम्मट्ठानवीथिं नारोहति खुदापरिस्समेन किलन्तकायत्ता समाधानाभावतो । अवसेसट्ठानेति यागुया अग्गहितट्ठाने । पोङ्गानुपोङ्गन्ति कम्मट्ठानुपट्ठानस्स अविच्छेददस्सनवचनमेतं, यथा पोङ्गानुपोङ्गपवत्ताय सरपटिपाटिया अविच्छेदो, एवमेतस्सापीति ।

निक्खित्तधुरो भावनानुयोगे । वत्तपटिपत्तिया अपूरणेन सब्बवत्थानि भिन्दित्वा । “कामे अवीतरागो होति, काये अवीतरागो, रूपे अवीतरागो, यावदत्थं उदरावदेहकं भुज्जित्वा सेय्यसुखं पस्ससुखं मिद्धसुखं अनुयुत्तो विहरति, अज्जरं देवनिकायं पणिधाय ब्रह्मचरियं चरती”ति (दी० नि० ३.३२०; म० नि० १.१८६) एवं वुत्त पञ्चविधचेतोखिलविनिबन्धचित्तो । चरित्वाति पवत्तित्वा ।

अत्तकामाति अत्तनो हितसुखं इच्छन्ता, धम्मच्छन्दवन्तोति अत्थो । धम्मोति हि हितं, तन्निमित्तकञ्च सुखन्ति । अथ वा विज्जूनं निब्बिसेसत्ता अत्तभावपरियापन्नत्ता च अत्ता नाम धम्मो, तं कामेन्ति इच्छन्तीति अत्तकामा । उसभं नाम वीसति यट्ठियो । ताय सज्जायाति ताय पासाणसज्जाय, एत्तकं ठानं आगताति जानन्ताति अधिप्पायो । सोयेव नयोति “अयं भिक्खू”तिआदिको यो ठाने वुत्तो, सो एव निसज्जायपि नयो । पच्छतो आगच्छन्तानं छिन्नभत्तभावभयेनपि योनिसोमनसिकारं परिब्रूहेति ।

**बहापधानं पूजेस्सामीति** अम्हाकं अत्थाय लोकनाथेन छ वस्सानि कतं दुक्करचरियं एवाहं यथासत्ति पूजेस्सामीति । पटिपत्तिपूजा हि सत्थुपूजा, न आमिसपूजा । **ठानचङ्कमनमेवाति** अधिद्धातब्बइरियापथवसेन वुत्तं, न भोजनादिकालेसु अवस्सं कत्तब्बनिसज्जाय पटिक्खेपवसेन ।

वीथिं ओतरित्वा इतो चितो च अनोलोकेत्वा पठममेव वीथियो सल्लक्खेतब्बाति आह **“वीथियो सल्लक्खेत्वा”**ति । यं सन्धाय वुच्चति **“पासादिकेन अभिक्कन्तेना”**ति, तं दस्सेतुं **“तत्थ चा”**तिआदि वुत्तं ।

पच्चेकबोधिं सच्छिकरोति, यदि उपनिस्सयसम्पन्नो होतीति सम्बन्धो । एवं सब्बत्थ इतो परेसुपि । तत्थ पच्चेकबोधिया उपनिस्सयसम्पदा कप्पानं द्वे असङ्ख्येय्यानि सतसहस्सज्च तज्जं पुज्जजाणसम्भरणं, सावकबोधियं अग्गसावकानं एकं असङ्ख्येय्यं कप्पसतसहस्सज्च, महासावकानं कप्पसतसहस्समेव, इतरेसं अतीतासु जातीसु विवट्टसन्निस्सयवसेन निब्बत्तितं निब्बेधभागियं कुसलं । **बाहियो दारुचीरियो**ति बहि विसये सज्जातसंवट्ठताय बाहियो, दारुचीरपरिहरणेन दारुचीरियोति च समज्जातो । सो हि आयस्मा —

**“तस्मा तिह ते, बाहिय, एवं सिक्खितब्बं दिट्ठे दिट्ठमत्तं भविस्सति, सुते... मुते... विज्जाते विज्जातमत्तं भविस्सती”**ति । यतो खो ते, बाहिय, दिट्ठे दिट्ठमत्तं भविस्सति, सुते... मुते... विज्जाते विज्जातमत्तं भविस्सति, ततो त्वं, बाहिय, न तेन । यतो त्वं, बाहिय, न तेन, ततो त्वं, बाहिय, न तत्थ । यतो त्वं, बाहिय, न तत्थ, ततो त्वं, बाहिय, नेविध न हुरं न उभयमन्तरेन, एसेवन्तो दुक्खस्सा”ति (उदा० १०) — एत्तकाय देसनाय अरहत्तं सच्छाकासि ।

तन्ति असम्मुहं । एवन्ति इदानि वुच्चमानाकारेन वेदितब्बं । **अत्ता अभिक्कमतीति** इमिना अन्धपुथुज्जनस्स दिट्ठिग्गाहवसेन अभिक्कमे सम्मुहं दस्सेति, अहं **अभिक्कमामीति** पन इमिना मानग्गाहवसेन, तदुभयं पन तण्हाय विना न होतीति तण्हाग्गाहवसेनपि सम्मुहं दस्सितमेव होति । **“तथा असम्मुहन्तो”**ति वत्वा तं असम्मुहं येन घनविनिब्भोगेन होति, तं दस्सेन्तो **“अभिक्कमामी”**तिआदिमाह । तत्थ यस्मा वायोधातुया अनुगता तेजोधातु उद्धरणस्स पच्चयो । उद्धरणगतिका हि तेजोधातूति उद्धरणे वायोधातुया तस्सा अनुगतभावो, तस्मा इमासं द्विन्नमेत्थ सामत्थियतो अधिमत्तता, इतरासज्च ओमत्तताति दस्सेन्तो **“एकेक...पे०... बलवतियो”**ति आह । यस्मा पन तेजोधातुया अनुगता वायोधातु अतिहरणवीतिहरणानं पच्चयो । तिरियगतिकाय हि वायोधातुया अतिहरणवीतिहरणेसु सातिसयो ब्यापारोति तेजोधातुया तस्सा अनुगतभावो, तस्मा इमासं द्विन्नमेत्थ सामत्थियतो अधिमत्तता, इतरासज्च ओमत्तताति दस्सेन्तो **“तथा अतिहरणवीतिहरणेसू”**ति आह । सतिपि अनुगमनानुगन्तब्बताविसेसे तेजोधातु-वायोधातु-भावमत्तं सन्धाय **तथा-**सद्दग्गहणं । तत्थ अक्कन्तट्ठानतो पादस्स उक्खिपनं **उद्धरणं**, ठितट्ठानं अतिक्कमित्वा पुरतो हरणं **अतिहरणं** खाणुआदिपरिहरणत्थं, पतिट्ठितपादघट्टनपरिहरणत्थं वा पस्सेन हरणं **वीतिहरणं**, याव पतिट्ठितपादो, ताव आहरणं **अतिहरणं**, ततो परं हरणं **वीतिहरणन्ति** अयं वा एतेसं विसेसो ।

यस्मा पथवीधातुया अनुगता आपोधातु वोस्सज्जनस्स पच्चयो । गरुतरसभावा हि आपोधातूति वोस्सज्जने पथवीधातुया तस्सा अनुगतभावो, तस्मा तासं द्विन्नमेत्थ सामत्थियतो अधिमत्तता, इतरासज्च ओमत्तताति दस्सेन्तो आह **“वोस्सज्जने...पे०... बलवतियो”**ति । यस्मा पन आपोधातुया अनुगता पथवीधातु सन्निक्खेपनस्स पच्चयो, पतिट्ठाभावे विय पतिट्ठापनेपि तस्सा सातिसयकिच्चत्ता आपोधातुया तस्सा अनुगतभावो, तथा घट्टनकिरियाय पथवीधातुया वसेन सन्निरुम्भनस्स सिज्जनतो तत्थापि पथवीधातुया आपोधातुअनुगतभावो, तस्मा वुत्तं **“तथा**

सन्निक्रमेपनसन्निरुम्भनेसू'ति । तत्थाति तस्मिं अभिक्कमने, तेसु वा वुत्तेसु उद्धरणादीसु छसु कोट्टासेसु । उद्धरणेति उद्धरणक्खणे । रूपारूपधम्माति उद्धरणाकारेण पवत्ता रूपधम्मा, तंसमुट्ठापका अरूपधम्मा च अतिहरणं न पापुणन्ति खणमत्तावट्ठानतो । तत्थ तत्थेवाति यत्थ यत्थ उप्पन्ना, तत्थ तत्थेव । न हि धम्मानं देसन्तरसङ्कमनं अत्थि । पब्बं पब्बन्तिआदि उद्धरणादिकोट्टासे सन्धाय वुत्तं, तं सभागसन्ततिवसेन वुत्तन्ति वेदितब्बं । अतिइत्तरो हि रूपधम्मानम्पि पवत्तिक्रवणो गमनस्सादानं देवपुत्तानं हेट्ठुपरियेन पटिमुखं धावन्तानं सिरसि पादे च बद्धधुरधारासमागमतोपि सीघतरो । यथा तिलानं भज्जियमानानं पटपटायनेन भेदो लक्खीयति, एवं सङ्खत्तधम्मानं उप्पादेनाति दस्सनत्थं “पटपटायन्ता”ति वुत्तं । उप्पन्ना हि एकन्ततो भिज्जन्तीति ।

सद्धिं रूपेनाति इदं तस्स तस्स चित्तस्स निरोधेन सद्धिं निरुज्झनकरूपधम्मानं वसेन वुत्तं, यं ततो सत्तरसमचित्तस्स उप्पादक्खणे उप्पन्नं । अज्जथा यदि रूपारूपधम्मा समानक्खणा सियुं, “रूपं गरुपरिणामं दन्धनिरोध”न्तिआदिवचनेहि (विभ० अट्ठ० २६) विरोधो सिया, तथा “नाहं, भिक्खवे, अज्जं एकधम्मम्पि समनुपस्सामि, यं एवं लहुपरिवत्तं, यथयिदं चित्त”न्ति एवमादिपाळिया (अ० नि० १.४८) । चित्तचेतसिका हि सारम्मणसभावा यथाबलं अत्तनो आरम्मणपच्चयभूतमत्थं विभावेन्तो एव उप्पज्जन्तीति तेसं तंसभावनिष्फत्तिअनन्तरं निरोधो, रूपधम्मा पन अनारम्मणा पकासेतब्बा, एवं तेसं पकासेतब्बभावनिवत्ति सोळसहि चित्तेहि होतीति तद्धुणायुकता तेसं इच्छिता, लहुविज्जाणविसयसङ्गतिमत्तपच्चयताय तिण्णं खन्धानं, विसयसङ्गतिमत्तताय च विज्जाणस्स लहुपरिवत्तिता, दन्धमहाभूतपच्चयताय रूपधम्मानं दन्धपरिवत्तिता, नानाधातुया यथाभूतजाणं खो पन तथागतस्सेव, तेन च पुरेजातपच्चयो रूपधम्मोव वुत्तो, पच्छाजातपच्चयो च तस्सेवाति रूपारूपधम्मानं समानक्खणता न युज्जतेव, तस्मा वुत्तनयेनेवेत्थ अत्थो वेदितब्बो ।

अज्जं उप्पज्जते चित्तं, अज्जं चित्तं निरुज्झतीति यं पुरिमुप्पन्नं चित्तं, तं अज्जं, तं पन निरुज्झन्तं अपरस्स अनन्तरादिपच्चयभावेनेव निरुज्झतीति ततो लद्धपच्चयं अज्जं उप्पज्जते चित्तं । यदि एवं तेसं अन्तरो लब्धेय्याति नोति आह “अवीचिअनुसम्बन्धो”ति, यथा वीचि अन्तरो न लब्धति, तदेवेतन्ति अविसेसविदु मज्जन्ति, एवं अनु अनु सम्बन्धो चित्तसन्तानो रूपसन्तानो च नदीसोतोव नदियं उदकप्पवाहो विय वत्तति ।

अभिमुखं लोकितां आलोकितन्ति आह “पुरतोपेक्खन”न्ति । यस्मा यंदिसाभिमुखो गच्छति तिट्ठति निसीदति वा, तदभिमुखं पेक्खनं आलोकितां, तस्मा तदनुगतं विदिसालोकनं विलोकितन्ति आह “विलोकितं नाम अनुदिसापेक्खन”न्ति । सम्मज्जनपरिभण्डादिकरणे ओलोकितास्स, उल्लोकहरणादीसु उल्लोकितास्स, पच्छतो आगच्छन्तपरिस्सयस्स परिवज्जनादीसु अपलोकितास्स सिया सम्भवोति आह “इमिना वा मुखेन सब्बानिपि तानि गहितानेवा”ति ।

कायसक्खिन्ति कायेन सच्छिकतवन्तं, पच्चक्खकारिनन्ति अत्थो । सो हि आयस्मा विपस्सनाकाले एव “यमेवाहं इन्द्रियेसु अगुत्तद्वारतं निस्साय सासने अनभिरतिआदिविप्पकारं पत्तो, तमेव सुट्ठु निग्गण्हिस्सामी”ति उस्साहजातो बलवहिरोत्तप्पो, तत्थ च कताधिकारत्ता इन्द्रियसंवरे उक्कंसपारमिप्पत्तो, तेनेव नं सत्था “एतदग्गं, भिक्खवे, मम सावकानं भिक्खून् इन्द्रियेसु गुत्तद्वारानं यदिदं नन्दो”ति (अ० नि० १.२३५) एतदग्गे ठपेसि ।

सात्थकता च सप्पायता च आलोकिताविलोकितस्स वेदितब्बा । तस्माति “कम्मट्ठानाविजहनस्सेव गोचरसम्पज्जभावतो”ति वुत्तमेवत्थं हेतुभावेन पच्चासति । अत्तनो कम्मट्ठानवसेनेव आलोकनविलोकनं कातब्बं,

खन्धादिकम्मट्टाना अज्जो उपायो न गवेसितब्बोति अधिप्पायो । आलोकितादिसमज्जापि यस्मा धम्ममत्तस्सेव पवत्तिविसेसो, तस्मा तस्स याथावतो जाननं असम्मोहसम्पजज्जन्ति दस्सेतुं “अब्भन्तरे”तिआदि वुत्तं ।

“पठमजवनेपि ...पे०... न होती”ति इदं पञ्चद्वारविज्जाणवीथियं “इत्थी पुरिसो”ति रज्जनादीनं अभावं सन्धाय वुत्तं । तत्थ हि आवज्जनवोड्डब्बनानं अयोनिस्सो आवज्जनवोड्डब्बनवसेन इद्वे इत्थिरूपादिमिह लोभो, अनिद्वे च पटिघो उप्पज्जति, मनोद्वारे पन “इत्थी पुरिसो”ति रज्जनादि होति, तस्स पञ्चद्वारजवनं मूलं, यथावुत्तं वा सब्बं भवङ्गादि, एवं मनोद्वारजवनस्स मूलवसेन मूलपरिज्जा वुत्ता । आगन्तुकतावकालिकता पन पञ्चद्वारजवनस्सेव अपुब्बभाववसेन इत्तरभाववसेन च वुत्ता । हेट्ठुपरियवसेन भिज्जित्वा पतितेसूति हेट्ठिमस्स उपरिमस्स च अपरापरं भङ्गप्पत्तिमाह । तन्ति जवनं । तस्स न युत्तन्ति सम्बन्धो । आगन्तुको अब्भागतो । उदयब्बयपरिच्छिन्नो तावतको कालो एतेसन्ति तावकालिकानि ।

एतं असम्मोहसम्पजज्जं । तत्थाति पञ्चक्खन्धवसेन आलोकनविलोकने पज्जायमाने तब्बिनिमुत्तो को एको आलोकेति, को विलोकेति । उपनिस्सयपच्चयोति इदं सुत्तन्तनयेन परियायतो वुत्तं । सहजातपच्चयोति निदस्सनमत्तमेतं अज्जमज्ज-सम्पयुत्त-अत्थिअविगतादिपच्चयानमपि लब्धनतो ।

मणिसप्पो नाम एका सप्पजातीति वदन्ति । लळनन्ति कम्पनन्ति वदन्ति, लीळाकरणं वा लळनं ।

उण्हपकतिको परिळाहबहुलो । सीलस्स विदूसनेन अहितावहत्ता मिच्छाजीववसेन उप्पन्नं असप्पायं । चीवरमपि अचेतनन्तिआदिना चीवरस्स विय “कायोपि अचेतनो”ति कायस्स अत्तसुज्जताविभावेन “अब्भन्तरे”तिआदिना वुत्तमेवत्थं विभावेन्तो इतरीतरसन्तोसस्स कारणं दस्सेति । तेनाह “तस्मा”तिआदि । चतुपञ्चगण्ठिकाहतीति आहतचतुपञ्चगण्ठिको, चतुपञ्चगण्ठिकाहि वा हतसोभो ।

अट्ठविधोपि अत्थोति अट्ठविधोपि पयोजनविसेसो । पथवीसन्धारकजलस्स तंसन्धारकवायुना विय परिभुत्तस्स आहारस्स वायोधातुनाव आसये अवट्टानन्ति आह “वायोधातुवसेनेव तिट्ठती”ति । अतिहरतीति याव मुखा अभिहरति । वीतिहरतीति ततो याव कुच्छि, ताव हरति । अतिहरतीति वा मुखद्वारं अतिक्कामेन्तो हरति । वीतिहरतीति कुच्छिगतं पस्सतो हरति । परिवत्तेतीति अपरापरं चारेति । एत्थ च आहारस्स धारणपरिवत्तनसंचुण्णनविसोसनानि पथवीधातुसहिता एव वायोधातु करोति, न केवलाति तानि पथवीधातुयापि किच्चभावेन वुत्तानि । अल्लत्तज्ज अनुपालेतीति वायुआदीहि अतिसोसनं यथा न होति, तथा अनुपालेति अल्लआदीहि अतिसोसनं यथा न होति, तथा अनुपालेति अल्लभावं । तेजोधातूति गहणीसङ्घाता तेजोधातु । सा हि अन्तो पविट्ठं आहारं परिपाचेति । अज्जसो होतीति आहारस्स पवेसनादीनं मग्गो होति । आभुजतीति परियेसनज्झोहरणजिण्णाजिण्णतादिं आवज्जेति, विजानातीति अत्थो । तंतंविजानननिष्फादकोयेव हि पयोगो “सम्मापयोगो”ति वुत्तो । येन हि पयोगेन परियेसनादि निष्फज्जति, सो तब्बिसयविजाननमपि निष्फादेति नाम तदविनाभावतो । अथ वा सम्मापयोगं सम्मापटिपत्तिं अन्वाय आगम्म आभुजति समन्नाहरति । आभोगपुब्बको हि सब्बोपि विज्जाणव्यापारोति तथा वुत्तं ।

गमनतोति भिक्खाचारवसेन गोचरगामं उद्दिस्स गमनतो । परियेसनतोति गोचरगामे भिक्खत्थं आहिण्डनतो । परिभोगतोति आहारस्स परिभुज्जनतो । आसयतोति पित्तादिआसयतो । आसयति एत्थ एकज्झं पवत्तमानोपि कम्मबलवत्थितो हुत्वा मरियादवसेन अज्जमज्जं असङ्करतो सयति तिट्ठति पवत्ततीति आसयो, आमासयस्स उपरि

तिट्ठनको पित्तादिको । मरियादत्थो हि अयमाकारो । निधेति यथाभुत्तो आहारो निचितो हुत्वा तिट्ठति एत्थाति निधानं, आमामस्यो । ततो **निधानतो** । **अपरिपक्वतो**ति गहणीसङ्घातेन कम्मजतेजेन अविपक्वतो । **परिपक्वतो**ति यथाभुत्तस्स आहारस्स विपक्वभावतो । **फलतो**ति निष्फत्तितो । **निस्सन्दतो**ति इतो चितो च विस्सन्दनतो । **सम्पक्खनतो**ति सब्बसो मक्खनतो । अयमेत्थ सङ्खेपो, वित्थारो पन **विसुद्धिमग्गसंवण्णनाय** (विसुद्धि० महाटी० १.२९४) गहेतब्बो ।

**अज्जे च रोगा** कण्णसूलभगन्दरादयो । **अट्टाने**ति मनुस्सामनुस्सपरिगहिते अयुत्ते ठाने खेतदेवायतनादिके । **निस्सट्ठत्ता नेव अत्तनो** कस्सचि अनिस्सज्जितत्ता जिगुच्छनीयत्ता च **न परस्स** । **उदकतुम्बतो**ति वेळुनाळिआदिउदकभाजनतो । तन्ति छड्ढितउदकं ।

**अट्टानइरियापथा** चिरप्पवत्तिका दीघकालिका इरियापथा । **मज्झिमा** भिक्खाचरणादिवसेन पवत्ता । **चुण्णिगइरियापथा** विहारे अज्जत्थापि इतो चितो च परिवत्तनादिवसेन पवत्ताति वदन्ति । “गतेति गमने”ति पुब्बे अभिक्कमपटिक्कमग्गहणेन गमनेनपि पुरतो पच्छतो च कायस्स अतिहरणं वुत्तन्ति इध गमनमेव गहितन्ति केचि ।

यस्मा महासीवत्थेरवादे अनन्तरे अनन्तरे इरियापथे पवत्तरूपारूपधम्मानं तत्थ तत्थेव निरोधदस्सनवसेन सम्पजानकारिता गहिता, इदज्जेत्थ सम्पजज्जविपस्सनाचारवसेन आगतं, तस्मा वुत्तं “**तयिदं महासीवत्थेरेन वुत्तं असम्मोहधुरं इमस्मिं सतिपट्टानभुत्ते अधिप्पेत**”न्ति । **सामज्जफले** (दी० नि० १.२१४; दी० नि० अट्ठ० १.२१४; दी० नि० टी० १.२१४) **पन सब्बम्पि चतुब्बिधं सम्पजज्जं लब्धति** यावदेव सामज्जफलविसेसदस्सनपरत्ता तस्सा देसनाय । **सतिसम्पयुत्तस्सेवा**ति इदं यथा सम्पजज्जकिच्चस्स पधानता, एवं सतिकिच्चस्सापीति दस्सनत्थं, न सतिया सत्भावमत्तदस्सनत्थं । न हि कदाचि सतिरहिता जाणप्पवत्ति अत्थि । **एतानि पदानी**ति सम्पजज्जपदानि । **विभत्तानेवा**ति विसुं विभत्तानेव । इमिनापि सम्पजज्जस्स विय सतियापि पधानतयेव विभावेति ।

अपरो नयो — एको भिक्खु गच्छन्तो अज्जं चिन्तेन्तो अज्जं वितक्केन्तो गच्छति, एको कम्मट्ठानं अविस्सज्जेत्वाव गच्छति, तथा एको तिट्ठन्तो निसीदन्तो सयन्तो अज्जं चिन्तेन्तो अज्जं वितक्केन्तो सयति, एको कम्मट्ठानं अविस्सज्जेत्वाव सयति, एत्थकेन पन न पाकटं होतीति चङ्कमनेन दीपेन्ति । यो हि भिक्खु चङ्कमनं ओतरित्वा चङ्कमनकोटियं ठितो परिगण्हाति “पाचीनचङ्कमनकोटियं पवत्ता रूपारूपधम्मा पच्छिमचङ्कमनकोटिं अप्पत्वा एत्थेव निरुद्धा, पच्छिमचङ्कमनकोटियं पवत्तापि पाचीनचङ्कमनकोटिं अप्पत्वा एत्थेव निरुद्धा, चङ्कमनमज्जे पवत्ता उभो कोटियो अप्पत्वा एत्थेव निरुद्धा, चङ्कमे पवत्ता रूपारूपधम्मा ठानं अप्पत्वा एत्थेव निरुद्धा, ठाने पवत्ता निसज्जं, निसज्जाय पवत्ता सयनं अप्पत्वा एत्थेवनिरुद्धा”ति, एवं परिगणहन्तो परिगणहन्तोयेव चित्तं भवङ्गं ओतारेति, उट्ठहन्तो कम्मट्ठानं गहेत्वाव उट्ठति, अयं भिक्खु **गतादीसु सम्पजानकारी** नाम होति, एवम्पि सुत्ते कम्मट्ठानं अविभूतं होति, तस्मा यो भिक्खु याव सक्कोति, ताव चङ्कमित्वा ठत्वा निसीदित्वा सयमानो एवं परिगणहेत्वा सयति “कायो अचेतनो, मज्जो अचेतनो, कायो न जानाति “अहं मज्जे सयितो”ति, मज्जो न जानाति “मयि कायो सयितो”ति, अचेतनो कायो अचेतने मज्जे सयितो”ति, एवं परिगणहन्तोयेव चित्तं भवङ्गं ओतारेति, पबुज्झन्तो कम्मट्ठानं गहेत्वाव पबुज्झति, अयं **सुत्ते सम्पजानकारी** नाम होतीति ।

कायादिकिरियानिब्वत्तनेन तम्मयत्ता आवज्जनकिरियासमुट्ठितत्ता च जवनं, सब्बम्पि वा छद्धारप्पवत्तं किरियामयपवत्तं नाम, तस्मिं सति जागरितं नाम होतीति परिगणहन्तो **जागरिते सम्पजानकारी** नाम । अपिच रत्तिन्दिवं छ कोट्ठासे कत्वा पज्ज कोट्ठासे जग्गन्तोपि **जागरिते सम्पजानकारी** नाम होति । विमुत्तायतनसीसेन धम्मं देसेन्तोपि बात्तिसतिरच्छानकथं पहाय दसकथावत्थुनिस्सितं सप्पायकथं कथेन्तोपि **भासिते सम्पजानकारी** नाम । अट्ठतिंसाय

आरम्भणेसु चित्तरुचियं मनसिकारं पवत्तेनोपि दुतियं ज्ञानं समापन्नोपि तुण्हीभावे सम्पजानकारी नाम । दुतियज्झि ज्ञानं वचीसङ्खारविरहतो विसेसतो तुण्हीभावो नाम । रूपधम्मस्सेव पवत्तिआकारविसेसा अभिक्कमादयोति वुत्तं “रूपक्खन्धस्सेव समुदयो च वयो च नीहरितब्बो”ति । सेसं वुत्तनयमेव ।

चतुसम्पजज्जपब्बवण्णना निड्डिता ।

### पटिकूलमनसिकारपब्बवण्णना

११०. पटिकूलमनसिकारवसेनाति (दी० नि० टी० २.३७७) जिगुच्छनीयताय । पटिकूलमेव पटिकूलं यो पटिकूलसभावो पटिकूलाकारो, तस्स मनसिकरणवसेन । अन्तरेनपि हि भाववाचिनं सद्दं भावत्थो विज्जायति यथा “पटस्स सुक्क”न्ति । यस्मा विसुद्धिमग्गे (विसुद्धि० १.१८२-१८३) वुत्तं, तस्मा तत्थ तंसंवण्णनायज्ज वुत्तनयेन वेदितब्बं । वत्थादीहि पसिब्बकाकारेण बन्धित्वा कतं आवटनं पुतोळि । विभूताकारोति पण्णत्तिं समतिक्कमित्वा असुभभावस्स उपड्डिताकारो । इति-सदस्स आकारत्थतं दस्सेन्तो “एव”न्ति वत्था तं कारणं सरूपतो दस्सेन्तो “केसादिपरिग्गहणेना”ति आह ।

पटिकूलमनसिकारपब्बवण्णना निड्डिता ।

### धातुमनसिकारपब्बवण्णना

१११. धातुमनसिकारवसेनाति पथवीधातुआदिका चतस्सो धातुयो आरब्ध पवत्तभावनामनसिकारवसेन, चतुधातुववत्थानवसेनाति अत्थो । धातुमनसिकारो धातुकम्मट्ठानं चतुधातुववत्थानन्ति हि अत्थतो एकं । गोघातकोति जीविकत्थाय गुन्नं घातको । अन्तेवासिकोति कम्मकरणवसेन तस्स समीपवासी । ठित-सद्वो “ठितो वा”तिआदीसु (दी० नि० १.२६३; अ० नि० ५.२८) ठानसङ्घातइरियापथसमङ्गिताय, ठा-सदस्स वा गतिविनिवत्तिअत्थताय अज्जत्थ ठपेत्वा गमनं सेसइरियापथसमङ्गिताय बोधको, इध पन यथा तथा रूपकायस्स पवत्तिआकारबोधको अधिप्पेतोति आह “चतुन्नं इरियापथानं येन केनचि आकारेण ठितत्ता यथाठित”न्ति । तत्थ आकारेनाति ठानादिना रूपकायस्स पवत्तिआकारेण । ठानादयो हि इरियापथसङ्घाताय कायिककिरियाय पथो पवत्तिमग्गोति “इरियापथो”ति वुच्चन्ति । यथाठितन्ति यथापवत्तं । यथावुत्तट्ठानमेवेत्थ “पणिधानं”न्ति अधिप्पेतन्ति आह “यथाठितत्ता च यथापणिहित”न्ति । ठितन्ति वा कायस्स ठानसङ्घातइरियापथसमायोगपरिदीपनं । पणिहितन्ति तदज्जइरियापथसमायोगपरिदीपनं । ठितन्ति वा कायसङ्घातानं रूपधम्मानं तस्मिं तस्मिं खणे सकिच्चवसेन अवट्टानपरिदीपनं । पणिहितन्ति पच्चयकिच्चवसेन तेहि तेहि पच्चयेहि पकारतो निहितं पणिहितन्ति एवम्पेत्थ अत्थो वेदितब्बो । पच्चवेक्खतीति पति पति अवेक्खति, जाणचक्खुना विनिब्भुजित्वा विसुं विसुं पस्सति ।

इदानी वुत्तमेवत्थं भावत्थविभावनवसेन दस्सेतुं “यथा गोघातकस्सा”तिआदि वुत्तं । तत्थ पोसेन्तस्साति मंसूपचयपरिबूहनाय कुण्डकभत्तकप्पासट्ठिआदीहि संवट्ठेन्तस्स । वधितं मतन्ति हिंसितं हुत्वा मतं । मतन्ति च मतमत्तं । तेनेवाह “तावदेवा”ति । गावीति सज्जा न अन्तरधायति यानि अङ्गपच्चङ्गानि यथासन्निविट्ठानि उपादाय गावीसमज्जा मतमत्तायपि गाविया, तेसं तंसन्निवेसस्स अविनट्टत्ता । विलीयन्ति भिज्जन्ति विभुज्जन्तीति बीला भागा व-कारस्स ब-कारं, इ-कारस्स ई-कारं कत्वा । बीलसोति बीलं बीलं कत्वा । विभजित्वाति अट्टिसङ्घाटतो मंसं विवेचेत्वा, ततो वा

विवेचितमंसं भागसो कत्वा । तेनेवाह “मंससज्जा पवत्तती”ति । पब्बजितस्सपि अपरिग्गहितकम्मट्टानस्स । घनविनिब्भोगन्ति सन्ततिसमूहकिच्चघनानं विनिब्भुजनं विवेचनं । धातुसो पच्चवेक्खतोति घनविनिब्भोगकरणेन धातुं धातुं पथवीआदिधातुं विसुं विसुं कत्वा पच्चवेक्खन्तस्स । सत्तसज्जाति अत्तानुदिट्ठिवसेन पवत्ता सज्जाति वदन्ति, वोहारवसेन पवत्तसत्तसज्जायपि तदा अन्तरधानं युत्तमेव याथावतो घनविनिब्भोगस्स सम्पादनतो । एवज्झि सति यथावुत्तओपम्मत्थेन उपमेय्यत्थो अज्जदत्थु संसन्दति समेति । तेनेवाह “धातुवसेनेव चित्तं सन्तिट्ठती”ति । दक्खोति छेको तंतंसमज्जाय कुसलो, यथाजाते सूनस्मिं नङ्गुट्ठखुरविसाणादिवन्ते अट्ठिमंसादिअवयवसमुदाये अविभक्ते गावीसमज्जा, न विभक्ते, विभक्ते पन अट्ठिमंसादिअवयवसमज्जाति जाननको । चतुमहापथो विय चतुइरियापथोति गाविया ठितचतुमहापथो विय कायस्स पवत्तिमग्गभूतो चतुब्बिधो इरियापथो । यस्मा विसुद्धिमग्गे (विसुद्धि० १.३०६) वित्थारिता, तस्मा तत्थ तंसंवण्णनायज्ज (विसुद्धि० महाटी० १.३०६) वुत्तनयेनेव वेदितब्बा ।

धातुमनसिकारपब्बवण्णना निट्ठिता ।

### नवसिवथिकपब्बवण्णना

११२. सिवथिकाय अपविद्धउद्धुमातकादिपटिसंयुत्तानं ओधिसो पवत्तानं कथानं तदभिधेय्यानज्ज उद्धुमातकादिअसुभभागानं सिवथिकपब्बानीति सङ्गीतिकारेहि गहितसमज्जा । तेनाह “सिवथिकपब्बेहि विभजितु”न्ति । उद्धं जीवितपरियादानाति जीवितक्खयतो उपरि मरणतो परं । समुग्गतेनाति उट्ठितेन । उद्धुमातत्ताति उद्धं उद्धं धुमातत्ता सूनत्ता । सेतरत्तेहि विपरिभिन्नं विमिस्सितं नीलं विनीलं, पुरिमवण्णविपरिणामभूतं वा नीलंविनीलं, विनीलमेव विनीलकन्ति क-कारेन पदवट्ठनमाह अनत्थन्तरतो यथा “पीतकं लोहितक”न्ति (ध० स० ६१६) । पटिकूलकत्ताति जिगुच्छनीयत्ता । कुच्छितं विनीलं विनीलकन्ति कुच्छनत्थो वा अयं क-कारोति दस्सेतुं वुत्तं यथा “पापको कित्तिसद्धो अब्भुग्गच्छती”ति (दी० नि० ३.३१६; अ० नि० ५.२१३; महाव० २८५) । परिभिन्नट्ठानेहि काककङ्कादीहि । विस्सन्दमानं पुब्बन्ति विस्सवन्तं पुब्बं, तहं तहं पग्घरन्तपुब्बन्ति अत्थो । तथाभावन्ति विस्सन्दमानपुब्बभावं ।

सो भिक्खूति यो “पस्सेय्य सरीरं सिवथिकाय छट्ठित”न्ति वुत्तो, सो भिक्खु । उपसंहरति सदिसतं । अयम्पि खोतिआदि उपसंहरणाकारदस्सनं । आयूति रूपजीवितिन्द्रियं, अरूपजीवितिन्द्रियं पनेत्थ विज्जाणगतिकमेव । उस्माति कम्मजतेजो । एवंपूतिकसभावोति एवं अतिविय पूतिकसभावो, न आयुआदीनं अविगमे विय मत्तसोति अधिप्पायो । एदिसो भविस्सतीति एवंभावीति आह “एवंउद्धुमातादिभेदो भविस्सती”ति ।

लुज्जित्वा लुज्जित्वाति उप्पाटेत्वा उप्पाटेत्वा । सेसावसेसमंसलोहितयुत्तन्ति सब्बसो अखादितत्ता तहं तहं सेसेन अप्पावसेसेन मंसलोहितेन युत्तं । अज्जेन हत्थट्ठिकन्ति अविसेसेन हत्थट्ठिकानं विप्पकिण्णता जोतिताति अनवसेसतो तेसं विप्पकिण्णतं दस्सेन्तो “चतुसट्ठिभेदम्पी”तिआदिमाह । तेरोवस्सिकानीति तिरोवस्सं गतानि । तानि पन संवच्छरं वीतिवत्तानि होन्तीति आह “अतिक्कन्तसंवच्छरानी”ति । पुराणताय घनभावविगमेन विचुण्णता इध पूतिभावोति सो यथा होति, तं दस्सेन्तो “अब्भोकासे”तिआदिमाह । खज्जमानतादिवसेन दुतियसिवथिकपब्बादीनं ववत्थितत्था वुत्तं “खज्जमानादीनं वसेन योजना कातब्बा”ति ।

नवसिवथिकपब्बवण्णना निट्ठिता ।

इमानेव द्वेति अवधारणेन अप्पनाकम्मट्ठानं तत्थ नियमेति अज्जपब्बेसु तदभावतो । यतो हि एव-कारो, ततो अज्जत्थ नियमेति, तेन पब्बद्वयस्स विपस्सनाकम्मट्ठानतापि अप्पटिसिद्धाति दट्ठब्बा अनिच्चादिदस्सनतो । सङ्खारेसु आदीनवविभावनानि सिवथिकपब्बानीति आह “सिवथिकानं आदीनवानुपस्सनावसेन वुत्तत्ता”ति । इरियापथपब्बादीनं अनप्पनावहता पाकटा एवाति “सेसानि द्वादसापी”ति वुत्तं । यं पनेत्थ अत्थतो अविभत्तं, तं सुविज्जेय्यमेवाति ।

कायानुपस्सनावण्णना निट्ठिता ।

### वेदनानुपस्सनावण्णना

११३. सुखं वेदनन्ति एत्थ सुखयतीति सुखा, सम्पयुत्तधम्मे कायञ्च लद्धस्सादे करोतीति अत्थो । सुट्ठु वा खादति, खनति वा कायिकं चेतसिकञ्च आबाधन्ति सुखा । सुकरं ओकासदानं एतिस्साति सुखाति अपरे । वेदयति आरम्मणरसं अनुभवतीति वेदना । वेदयमानोति अनुभवमानो । कामन्तिआदीसु यं वत्तब्बं, तं इरियापथपब्बे वुत्तमेव । सम्पजानस्स वेदियनं सम्पजानवेदियनं ।

“वोहारमत्तं होती”ति एतेन “सुखं वेदनं वेदयमानो सुखं वेदनं वेदयामी”ति इदं वोहारमत्तन्ति दस्सेति । वत्थुआरम्मणाति रूपादिआरम्मणा । रूपादिआरम्मणज्झि वेदनाय पवत्तिट्ठानताय “वत्थू”ति अधिप्पेतं । अस्साति भवेय्य । धम्मविनिमुत्तस्स अज्जस्स कत्तु अभावतो धम्मस्सेव कत्तुभावं दस्सेन्तो “वेदनाव वेदयती”ति आह । नित्युनन्तोति । बलवतो वेदनावेगस्स निरोधने आदीनवं दिस्वा तस्स अवसरदानवसेन नित्युनन्तो । वीरियसमतं योजेत्वाति अधिवासनवीरियस्स अधिमत्तत्ता तस्स हापनवसेन समाधिना समरसतापादनेन वीरियसमतं योजेत्वा । सह पटिसम्भिदाहीति लोकुत्तरपटिसम्भिदाहि सह । लोकियानम्पि वा सति उप्पत्तिकाले तत्थ समत्थतं सन्धायाह “सह पटिसम्भिदाही”ति । समसीसीति वारसमसीसी हुत्वा, पच्चवेक्खणवारस्स अनन्तरवारे परिनिब्बायीति अत्थो ।

यथा च सुखं, एवं दुक्खन्ति यथा “सुखं वेदयती”तिआदिना सम्पजानवेदियनं सन्धाय वुत्तं, एवं दुक्खम्पि । तत्थ दुक्खयतीति दुक्खा, सम्पयुत्तधम्मे कायञ्च पीळेति विबाधतीति अत्थो । दुट्ठु वा खादति, खनति वा कायिकं चेतसिकञ्च सातन्ति दुक्खा । दुक्करं ओकासदानं एतिस्साति दुक्खाति अपरे । अरूपकम्मट्ठानन्ति अरूपपरिगहं, अरूपधम्ममुखेन विपस्सनाभिनिवेसन्ति अत्थो । रूपकम्मट्ठानेन पन समथाभिनिवेसोपि सङ्गहति, विपस्सनाभिनिवेसो पन इधाधिप्पेतोति दस्सेन्तो आह । “रूपपरिगहो अरूपपरिगहोतिपि एतदेव वुच्चती”ति । चतुधातुववत्थानं कथेसीति एत्थापि “येभूय्येना”ति पदं आनेत्वा सम्बन्धितब्बं । तदुभयन्ति चतुधातुववत्थानस्स सङ्खेपवित्थारद्वयमाह । सङ्खेपमनसिकारवसेन महासतिपट्ठाने, वित्थारमनसिकारवसेन राहुलोवाद- (म० नि० २.११५-११७) धातुविभङ्गादीसु (विभ० १७४-१७५) ।

येभूय्यगहणेन तदज्जधम्मवसेनपि अरूपकम्मट्ठानकथाय अत्थिता दीपिताति तं विभागेन दस्सेतुं “तिविधो ही”तिआदि वुत्तं । तत्थ अभिनिवेसोति अनुप्पवेसो, आरम्भोति अत्थो । आरम्भे एव हि अयं विभागो, सम्मसनं पन अनवसेसतोव धम्मे परिगगहेत्वा वत्तति । परिगगहिते रूपकम्मट्ठानेति इदं रूपमुखेन विपस्सनाभिनिवेसं सन्धाय वुत्तं, अरूपमुखेन पन विपस्सनाभिनिवेसो येभूय्येन समथयानिकस्स इच्छितब्बो, सो च पठमं ज्ञानङ्गानि परिगगहेत्वा ततो परं सेसधम्मे परिगगण्हाति । पठमाभिनिपातोति सब्बे चेतसिका चित्तायत्ता चित्तकिरियभावेन वुच्चन्तीति फस्सो चित्तस्स पठमाभिनिपातो वुत्तो, उप्पन्नफस्सो पुगगलो, चित्तचेतसिकरासि वा आरम्मणेन फुट्ठो फस्ससहजाताय वेदनाय तंसमकालमेव वेदेति, फस्सो पन ओभासस्स विय पदीपो वेदनादीनं पच्चयविसेसो होतीति पुरिमकालो विय वुच्चति, या



तस्स आरम्मणाभिनरोपनलक्खणता वुच्चति । **फुसन्तो**ति आरम्मणस्स फुसनाकारेन । अयञ्चि अरूपधम्मता एकदेसेन अनल्लीयमानोपि रूपं विय चक्खु, सद्दो विय च सोतं चित्तं आरम्मणञ्च फुसन्तो विय सङ्घट्टेन्तो विय च पवत्तति । तथाहेस “सङ्घट्टनरसो”ति वुच्चति ।

**आरम्मणं अनुभवन्तीति** इस्सरवताय विसविताय सामिभावेन आरम्मणरसं अनुभवन्ती । फस्सादीनञ्चि सम्पयुत्तधम्मनं आरम्मणे एकदेसेनेव पवत्ति फुसनादिमत्तभावतो, वेदनाय पन इट्ठाकारसम्भोगादिवसेन पवत्तनतो आरम्मणे निष्पदेसतो पवत्ति । फुसनादिभावेन हि आरम्मणगगहणं एकदेसानुभवनं, वेदयिताभावेन गहणं यथाकामं सब्बानुभवनं एवसभावानेव तानि गहणानीति न वेदनाय विय फस्सादीनम्पि यथासकं किच्चकरणेन सामिभावानुभवनं चोदेतब्बं । **विजानन्ति** परिच्छिन्दनवसेन विसेसतो जानन्तं । विज्जाणञ्चि मिनितब्बवत्थुं नाळिया मिनन्तो पुरिसो विय आरम्मणं परिच्छिज्ज विभावेनं पवत्तति, न सज्जा विय सज्जाननमत्तं हुत्वा । तथा हि अनेन कदाचि लक्खणत्तयविभावनापि होति । इमेसं पन फस्सादीनं तस्स तस्स पाकटभावो पच्चयविसेससिद्धस्स पुब्बाभोगस्स वसेन वेदितब्बा ।

एवं तस्स तस्सेव पाकटभावेपि “सब्बं, भिक्खवे, अभिज्जेय्य”न्ति (सं० नि० ४.४६; पटि० म० १.३) “सब्बञ्च खो, भिक्खवे, अभिजान”न्ति (सं० नि० ४.२६) च एवमादिवचनतो सब्बे सम्मसनुपगा धम्मा परिगगहेतब्बाति दस्सेन्तो “**तत्थ यस्सा**”तिआदिमाह । तत्थ **फस्सपञ्चमकेयेवाति** अवधारणं तदन्तो गधत्ता तग्गहणेनेव गहितत्ता चतुन्नं अरूपक्खन्धानं । फस्सपञ्चमकगहणञ्चि तस्स सब्बचित्तुप्पादसाधारणभावतो, तत्थ च फस्सचेतनागहणेन सब्बसङ्खारक्खन्धधम्मसङ्गहो चेतनापधानत्ता तेसं । तथा हि सुत्तन्तभाजनीये **सङ्खारक्खन्धविभङ्गे** (विभ० १२) “चक्खुसम्फस्सजा चेतना”तिआदिना चेतनाव विभत्ता, इतरे पन खन्धा सरूपेनेव गहिता ।

**वत्थुं निस्सिताति** एत्थ वत्थु-सद्दो करजकायविसयोति कथमिदं विज्जायतीति आह “**यं सन्धाय वुत्त**”न्तिआदि । कत्थ पन वुत्तं? **सामञ्जफले । सोति** करजकायो । **पञ्चक्खन्धविनिमुत्तं नामरूपं नत्थीति** इदं अधिकारवसेन वुत्तं । अज्जथा हि खन्धविनिमुत्तम्पि नामं अत्थेवाति । **अविज्जादिहेतुकाति** अविज्जातण्हुपादानादिहेतुका । **विपस्सनापटिपाटिया...पे०... विचरतीति** इमिना बलवविपस्सनं वत्त्वा पुन तस्स उस्सुक्कापनं विसेसाधिगमनञ्च दस्सेन्तो “**सो**”तिआदिमाह ।

**इधाति** इमिस्सं दुतियसतिपट्टानदेसनायं, तस्सा पन वेदनानुपस्सनावसेन कथेतब्बत्ता **भगवा वेदनावसेन कथेसि** । यथावुत्तेसु च तीसु कम्मट्टानाभिनिवेसेसु वेदनावसेन कम्मट्टानाभिनिवेसो सुकरो वेदनानं विभूतभावतोति दस्सेतुं “**फस्सवसेन ही**”तिआदि वुत्तं । **न पाकटं होतीति** इदं तादिसे पुगले सन्धाय वुत्तं, येसं आदितो वेदनाव विभूततरा हुत्वा उपट्ठाति । एवञ्चि यं वुत्तं “फस्सो पाकटो होति, विज्जाणं पाकटं होती”ति, तं अविरोधितं होति । **वेदनानं उप्पत्तिपाकटतायाति** च इदं सुखदुक्खवेदनानं वसेन वुत्तं । तासञ्चि पवत्ति ओळारिका, न इतराय । तदुभयगगहणमुखेन वा गहेतब्बत्ता इतरायपि पवत्ति विज्जूनं पाकटा एवाति “**वेदनान**”न्ति अविसेसगगहणं दट्ठब्बं । **यदा सुखं उप्पज्जतीति**आदि सुखवेदनाय पाकटभावविभावनं । **नेव तस्मिं समये दुक्खं वेदनं वेदेतीति** तस्मिं सुखवेदनासमङ्गिसमये नेव दुक्खं वेदनं वेदेति निरुद्धत्ता, अनुप्पन्नत्ता च यथाक्कमं अतीतानागतानं, पच्चुप्पन्नाय पन असम्भवो वुत्तोयेव । सकिच्चक्खणमत्तावट्टानतो **अनिच्चा** । समेच्चसम्भुय्य पच्चयेहि कतत्ता **सङ्घता** । वत्थारम्मणादिपच्चयं पटिच्च उप्पन्नत्ता **पटिच्चसमुप्पन्ना** । खयवयपलुज्जननिरुज्जनपकतिताय **खयधम्मा...पे०... निरोधधम्माति** दट्ठब्बा ।

किलेसेहि आमसितब्बतो आमिसं नाम पञ्च कामगुणा, आरम्भणकरणवसेन सह आमिसेहीति **आमिसा** । तेनाह “**पञ्चकामगुणामिसनिस्सिता**”ति । इतो परन्ति “अत्थि वेदना”ति एवमादिपाळिं सन्धायाह “**कायानुपस्सनायं वुत्तनयमेवा**”ति ।

वेदनानुपस्सनावण्णना निड्ढिता ।

### चित्तानुपस्सनावण्णना

११४. सम्पयोगवसेन (दी० नि० टी० २.३८१) पवत्तमानेन सह रागेनाति **सरागं** । तेनाह “**लोभसहगतं**”न्ति । **वीतरागन्ति** । एत्थ कामं सरागपदपटियोगिना वीतरागवसेन भवितब्बं, सम्मसनचारस्स पन इधाधिप्पेतत्ता तेभूमकस्सेव गहणन्ति “**लोकियकुसलाब्बाकतं**”न्ति वत्त्वा “इदं पना”तिआदिना तमेव अधिप्पायं विवरति । सेसानि द्वे दोसमूलानि, द्वे मोहमूलानीति **चत्तारि अकुसलचित्तानि** । तेसज्झि रागेन सम्पयोगाभावतो नत्थेव सरागता, तन्निमित्तकताय पन सिया तंसहिततालेसोति नत्थेव वीतरागतापीति दुक्कविनिमुत्तता एवेत्थ लब्भतीति आह “**नेव पुरिमपदं, न पच्छिमपदं भजन्ती**”ति । यदि एवं पदेसिकं पजाननं आपज्जतीति? नापज्जति दुक्कन्तरपरियापन्नत्ता तेसं । अकुसलमूलेसु सह मोहेनेव वत्ततीति **समोहन्ति** आह “**विचिकिच्छासहगतञ्चेव उद्धच्चसहगतञ्चा**”ति । यस्मा चेत्थ सहेव मोहेनाति समोहन्ति पुरिमपदावधारणम्पि लब्भतियेव, तस्मा वुत्तं “**यस्मा पना**”तिआदि । यथा पन अतिमूळहताय पाटिपुग्गलिकनयेन सविसेसं मोहवन्तताय मोमूहचित्तन्ति वत्तब्बतो विचिकिच्छुद्धच्चसहगतद्वयं विसेसतो “**समोहं**”न्ति वुच्चति, न तथा सेसाकुसलचित्तानीति “**वट्टन्तियेवा**”ति वुत्तं । सम्पयोगवसेन थिनमिद्धेन अनुपतितं अनुगतन्ति थिनमिद्धानुपतितं पञ्चविधं ससङ्कारिकाकुसलचित्तं **सङ्कुटितचित्तं** । **सङ्कुटितचित्तं नाम** आरम्भणे सङ्कोचनवसेन पवत्तनतो । पच्चयविसेसवसेन थामजातेन उद्धच्चेन सहगतं पवत्तं संसट्टन्ति **उद्धच्चसहगतं**, अज्जथा सब्बम्पि अकुसलचित्तं उद्धच्चसहगतमेवाति । **पसट्चित्तं नाम** सातिसयं विक्खेपवसेन पवत्तनतो ।

किलेसविक्रम्भनसमत्थताय विपुलफलताय दीघसन्तानताय च महन्तभावं गतं, महन्तेहि वा उळारच्छन्दादीहि गतं पटिपन्नन्ति **महग्गतं** । तं पन रूपारूपभूमिकं ततो महन्तस्स लोके अभावतो । तेनाह “**रूपारूपावचरं**”न्ति । तस्स चेत्थ पटियोगी परित्तमेवाति आह “**अमहग्गतन्ति कामावचरं**”न्ति । अत्तानं उत्तरितुं समत्थेहि सह उत्तरेहीति **सउत्तरं**, तप्पटिपक्खेन **अनुत्तरं**, तदुभयं उपादाय वेदितब्बन्ति आह “**सउत्तरन्ति कामावचरं**”न्तिआदि । पटिपक्खविक्रम्भनसमत्थेन समाधिना सम्मदेव आहितं **समाहितं** । तेनाह “**यस्सा**”तिआदि । **यस्साति** यस्स चित्तस्स । यथावुत्तेन समाधिना न समाहितन्ति **असमाहितं** । तेनाह “**उभयसमाधिरहितं**”न्ति । तदङ्गविमुत्तिया **विमुत्तं**, कामावचरं कुसलं । विक्रम्भनविमुत्तिया **विमुत्तं**, महग्गतन्ति तदुभयं सन्धायाह “**तदङ्गविक्रम्भनविमुत्तीहि विमुत्तं**”न्ति । यत्थ तदुभयविमुत्ति नत्थि, तं उभयविमुत्तिरहितन्ति गच्छमाने लोकुत्तरचित्तेपि सिया आसङ्काति तन्निवत्तनत्थं “**समुच्छेद... पे०... ओकासोव नत्थी**”ति आह । ओकासाभावो च सम्मसनचारस्स अधिप्पेतत्ता वेदितब्बो । यं पनेत्थ अत्थतो अविभत्तं, तं हेट्ठा वुत्तनयमेवाति ।

चित्तानुपस्सनावण्णना निड्ढिता ।

### धम्मानुपस्सनावण्णना

## नीवरणपब्बवण्णना

११५. पहातब्बादिधम्मविभागदस्सनवसेन पञ्चधा धम्मानुपस्सना निद्विद्वति अयमत्थो पाळितो एव विज्जायतीति तमत्थं उल्लिङ्गेन्तो “**पञ्चविधेन धम्मानुपस्सनं कथेतु**”न्ति वुत्तं । यदि एवं कस्मा नीवरणादिवसेनेव निद्विद्वन्ति? वेनेय्यज्झासयतो । येसज्हि वेनेय्यानं पहातब्बधम्मेषु पठमं नीवरणानि विभागेन वत्तब्बानि, तेसं वसेनेत्थ भगवता पठमं नीवरणेषु धम्मानुपस्सना कथिता । तथा हि कायानुपस्सनापि समथपुब्बङ्गमा देसिता, ततो परिज्जेय्येषु खन्धेषु आयतनेसु, भावेतब्बेषु बोज्झङ्गेषु परिज्जेयादिविभागेषु सच्चेसु च उत्तरा देसना देसिता, तस्मा चेत्थ समथभावनापि यावदेव विपस्सनत्थं इच्छिता, विपस्सनापधाना विपस्सनाबहुला च सतिपट्ठानदेसनाति तस्सा विपस्सनाभिनिवेसविभागेन देसितभावं विभावेन्तो “**अपिचा**”तिआदिमाह । तत्थ खन्धायतनदुक्खसच्चवसेन मिस्सकपरिग्गहकथनं दट्ठब्बं । **सज्जासङ्खारक्खन्धपरिग्गहम्पीति पि-**सद्देन सकलपञ्चुपादानक्खन्धपरिग्गहं सम्पिण्डेति इतरेसं तदन्तो गधत्ता । “कण्हसुक्कानं युगन्धता नत्थी”ति पजाननकाले अभावा “**अभिण्हसमुदाचारवसेना**”ति वुत्तं । यथाति येनाकारेन । सो पन “कामच्छन्दस्स उप्पादो होती”ति वुत्तत्ता कामच्छन्दस्स कारणाकारोव, अत्थतो कारणमेवाति आह “**येन कारणेना**”ति । **च-**सद्दो वक्खमानत्थसमुच्चयत्थो ।

तत्थाति “यथा चा”तिआदिना वुत्तपदे । **सुभम्पीति** कामच्छन्दोपि । सो हि अत्तनो गहणाकारेन “**सुभ**”न्ति वुच्चति, तेनाकारेन पवत्तनकस्स अज्जस्स कामच्छन्दस्स निमित्तत्ता “**सुभनिमित्त**”न्ति च । इट्ठं, इट्ठाकारेन वा गय्हमानं रूपादि **सुभारम्मणं** । आकङ्खितस्स हितसुखस्स अनुपायभूतो मनसिकारो **अनुपायमनसिकारो** । तन्ति अयोनिसोमनसिकारं । तत्थाति निष्फादेतब्बे आरम्मणभूते च दुविधेपि सुभनिमित्ते । **आहारोति** पच्चयो ।

**असुभम्पीति** असुभज्झानमि उत्तरपदलोपेन । तं पन दससु अविज्जाणकासुभेषु, केसादीसु च पवत्तं दट्ठब्बं । केसादीसु हि सज्जा असुभसज्जाति **गिरिमानन्दसुत्ते** (अ० नि० १०.६०) वुत्ताति । एत्थ च चतुब्बिधस्स अयोनिसोमनसिकारस्स योनिसोमनसिकारस्स च गहणं निरवसेसदस्सनत्थं कतन्ति दट्ठब्बं । तेसु पन असुभे “**सुभ**”न्ति, “**असुभ**”न्ति च मनसिकारो इधाधिप्पेतो, तदनुकूलत्ता वा इतरेपीति ।

एकादससु (अ० नि० टी० १.१.१६) असुभेषु पटिकूलाकारस्स उग्गण्हनं, यथा वा तत्थ उग्गहनिमित्तं उप्पज्जति, तथा पटिपत्ति **असुभनिमित्तस्स उग्गहो** । उपचारप्पनावहाय असुभभावनाय अनुयुज्जनं **असुभभावनानुयोगो** । भोजने मत्तज्जुनो थिनमिद्धाभिभवाभावा ओतारं अलभमानो कामच्छन्दो पहीयतीति वदन्ति । भोजननिस्सितं पन आहारे पटिकूलसज्जं, तब्बिपरिणामस्स, तदाधारस्स, तस्स च उदरियभूतस्स असुभतादस्सनं, कायस्स आहारद्वितिकतादस्सनज्ज यो सम्मदेव जानाति, सो विसेसतो **भोजने मत्तज्जू** नाम, तस्स च कामच्छन्दो पहीयतेव । **असुभकम्मिकतिस्सत्थेरो** दन्तद्विदस्सावी । **अभिधम्मपरियायेन** (ध० स० ११५९, १५०३) सब्बोपि लोभो कामच्छन्दनीवरणन्ति आह “**अरहत्तमग्गेना**”ति ।

**पटिघमि** पुरिमुप्पन्नं **पटिघनिमित्तं** परतो उप्पज्जनकपटिघस्स कारणन्ति कत्वा । मेज्जति हितफरणवसेन सिनिह्दतीति मित्तो, तस्मिं मित्ते भवा, मित्तस्स वा एसाति मेत्ता, तस्सा **मेत्ताय** ।

मेत्तायनस्स सत्तेसु हितफरणस्स उप्पादनं पवत्तनं **मेत्तानिमित्तस्स उग्गहो** । ओधिसकअनोधिसकदिसाफरणानन्ति अत्तअतिपियसहायमज्झत्तवेरीवसेन ओधिसकता, सीमासम्भेदे कते अनोधिसकता, एकादिदिसाफरणवसेन दिसाफरणता

मेत्ताय उग्गहणे वेदितब्बा । विहाररच्छागामादिवसेन वा ओधिसकदिसाफरणं, विहारादिउद्देसरहितं पुरत्थिमादिसावसेन अनोधिसकदिसाफरणन्ति एवं वा द्विधा उग्गहणं सन्धाय “ओधिसकअनोधिसकदिसाफरणान”न्ति वुत्तं । उग्गहो च याव उपचारा दट्टब्बो, उग्गहिताय आसेवना भावना । तत्थ “सब्बे सत्ता, पाणा, भूता, पुग्गला, अत्तभावपरियापन्ना”ति एतेसं वसेन पञ्चविधा, एकेकस्मिं “अवेरा होन्तु, अब्यापज्जा, अनीघा, सुखी अत्तानं परिहरन्तू”ति चतुधा पवत्तितो वीसतिविधा अनोधिसकफरणा मेत्ता, “सब्बा इत्थियो, पुरिसा, अरिया, अनरिया, देवा, मनुस्सा, विनिपातिका”ति सत्तोधिकरणवसेन पवत्ता सत्तविधा अट्टवीसतिविधा वा, दसहि दिसाहि दिसोधिकरणवसेन पवत्ता दसविधा च, एकेकाय वा दिसाय सत्तादिइत्थादिअवेरादिभेदेन असीताधिकचतुसतप्पभेदा च ओधिभोफरणा वेदितब्बा ।

येन अयोनिमोमनसिकारेण अरतिआदिकानि उप्पज्जन्ति, सो अरतिआदीसु अयोनिमोमनसिकारो, तेन । निष्पादेतब्बे हि इदं भुम्मं । एस नयो इतो परेसुपि । उक्कण्ठिता पन्तसेनासनेसु अधिकुसलेसु धम्मेषु च उप्पज्जनभाविरज्जना । कायविनामनाति कायस्स विरूपेनाकारेण नामना ।

कुसलधम्मसम्पटिपत्तिया पट्टपनसभावताय, तप्पटिपक्खानं विसोसनसभावताय च आरम्भधातुआदितो पवत्तवीरियन्ति आह “पठमारम्भवीरिय”न्ति । यस्मा पठमारम्भमत्तस्स कोसज्जविधमनं थामगमनञ्च नत्थि, तस्मा वुत्तं “कोसज्जतो निक्खन्तताय ततो बलवतर”न्ति । यस्मा पन अपरापरुप्पत्तिया लद्धासेवनं उपरुपरिविसेसं आवहन्तं अतिविय थामगतमेव होति, तस्मा वुत्तं “परं परं ठानं अक्कमनतो ततोपि बलवतर”न्ति ।

अतिभोजने निमित्तग्गाहोति अतिभोजने थिनमिद्धस्स निमित्तग्गाहो, “एत्तके भुत्ते थिनमिद्धस्स कारणं होति, एत्तके न होती”ति थिनमिद्धस्स कारणाकारणग्गाहो होतीति अत्थो । दिवा सूरियालोकन्ति दिवा गहितनिमित्तं सूरियालोकं रत्तियं मनसिकरोन्तस्सपीति एवमेत्थ अत्थो वेदितब्बो । धुतङ्गानं वीरियनिस्सितत्ता वुत्तं “धुतङ्गनिस्सितसप्पायकथायपी”ति ।

कुक्कुच्चम्पि कताकतानुसोचनवसेन पवत्तमानं चेतसो अवूपसमावहताय उद्धच्चेन समानलक्खणमेवाति “अवूपसमो नाम अवूपसन्ताकारो, उद्धच्चकुक्कुच्चमेवेतं अत्थतो”ति वुत्तं ।

बहुस्सुतस्स गन्थतो अत्थतो च सुत्तादीनि विचारेन्तस्स अत्थवेदादिपटिलाभसम्भावतो विक्खेपो न होति, यथाविधिपटिपत्तिया यथानुरूपपटिकारप्पवत्तिया च कताकतानुसोचनञ्च न होतीति “बाहुसच्चेनपि...पे०... उद्धच्चकुक्कुच्चं पहीयती”ति आह । यदग्गेन बाहुसच्चेन उद्धच्चकुक्कुच्चं पहीयति, तदग्गेन परिपुच्छकताविनयपकतज्जुताहिपि तं पहीयतीति दट्टब्बं । बुद्धसेविता च बुद्धसीलितं आवहतीति चेतसो वूपसमकरत्ता उद्धच्चकुक्कुच्चपहानकारी वुत्ता । बुद्धत्तं पन अनपेक्खित्वा विनयधरा कुक्कुच्चविनोदका कल्याणमिता वुत्ताति दट्टब्बा । विक्खेपो च भिक्खुनो येभ्य्येन कुक्कुच्चहेतुको होतीति “कप्पियाकप्पियपरिपुच्छामहुलस्सा”तिआदिना विनयनयेनेव परिपुच्छकतादयो निहिट्ठा । पहीने उद्धच्चकुक्कुच्चेति निद्धारणे भुम्मं । कुक्कुच्चस्स दोमनस्ससहगतत्ता अनागामिग्गेन आयतिं अनुप्पादो वुत्तो ।

तिट्ठति पवत्तति एत्थाति ठानीया, विचिकिच्छाय ठानीया विचिकिच्छाट्टानीया, विचिकिच्छाय कारणभूता धम्मा । तिट्ठतीति वा ठानीया, विचिकिच्छा ठानीया एतिस्साति विचिकिच्छाट्टानीया, अत्थतो विचिकिच्छा एव । सा हि पुरिमुप्पन्ना परतो उप्पज्जनकविचिकिच्छाय सभागहेतुताय असाधारणं ।

कुसलाकुसलाति कोसल्लसम्भूतद्वेन कुसला, तप्पटिपक्खतो अकुसला । ये अकुसला, ते सावज्जा असेवितब्बा हीना च । ये कुसला, ते अनवज्जा सेवितब्बा पणीता च । कुसलापि वा हीनेहि छन्दादीहि आरब्धा हीना, पणीतेहि पणीता । कण्हाति काळका, चित्तस्स अपभस्सरभावकरणा । सुक्काति ओदाता, चित्तस्स पभस्सरभावकरणा । कण्हाभिजातिहेतुतो वा कण्हा, सुक्काभिजातिहेतुतो सुक्का । ते एव सप्पटिभागा । कण्हा हि उजुविपच्चनीकताय सुक्केहि सप्पटिभागा, तथा सुक्कापि इतरेहि । अथ वा कण्हसुक्का च सप्पटिभागा च कण्हसुक्कसप्पटिभागा । सुखा हि वेदना दुक्खायवेदनाय सप्पटिभागा, दुक्खा च वेदना सुखाय वेदनाय सप्पटिभागाति ।

कामं बाहुसच्चपरिपुच्छकताहि अट्ठवत्थुकापि विचिकिच्छा पहीयति, तथापि रतनत्तयविचिकिच्छामूलिका सेसविचिकिच्छाति कत्वा आह “तीणि रतनानि आरब्भा”ति । रतनत्तयगुणावबोधे हि “सत्थरि कङ्कती”ति (ध० स० १००८, ११२३, ११६७, १२४१, १२६३, १२७०; विभ० ९१५) आदिविचिकिच्छाय असम्भवोति । विनये पकतञ्जुता “सिक्खाय कङ्कती”ति (ध० स० १००८, ११२३, ११६७, १२४१, १२६३, १२७०; विभ० ९१५) वुत्ताय विचिकिच्छाय पहानं करोतीति आह “विनये चिण्णवसीभावस्सपी”ति । ओकप्पनीयसद्भासङ्घातअधिमोक्खबहुलस्साति सद्देय्यवत्थुनो अनुपविसनसद्भासङ्घातअधिमोक्खेन अधिमुच्चनबहुलस्स । अधिमुच्चनञ्च अधिमोक्खुप्पादनमेवाति दट्ठब्बं । सद्भाय वा निन्नपोणता अधिमुत्ति अधिमोक्खो ।

सुभनिमित्तअसुभनिमित्तादीसूति “सुभनिमित्तादीसु असुभनिमित्तादीसू”ति आदि-सद्दो पच्चेकं योजेतब्बो । तत्थ पठमेन आदि-सद्देन पटिघनिमित्तादीनं सङ्गहो, दुतियेन मेत्ताचेतोविमुत्तिआदीनं । सेसमेत्थ यं वत्तब्बं, तं वुत्तनयमेवाति ।

नीवरणपब्बवण्णना निट्ठिता ।

### खन्धपब्बवण्णना

११६. उपादानेहि आरम्भणकरणादिवसेन उपादातब्बा वा खन्धा उपादानकखन्दा । इति रूपन्ति एत्थ इति-सद्दो इदं-सद्देन समानत्थोति अधिप्पायेनाह “इदं रूप”न्ति । तयिदं सरूपतो अनवसेसपरियादानं होतीति आह — “एत्तकं रूपं, न इतो परं रूपं अत्थी”ति । इतीति वा पकारत्थे निपातो, तस्मा “इति रूप”न्ति इमिना भूतुपादादिवसेन यत्तको रूपस्स भेदो, तेन सद्धिं रूपं अनवसेसतो परियादित्वा दस्सेति । सभावतोति रूपनसभावतो चक्खादिवण्णादिसभावतो च । वेदनादीसुपीति एत्थ “अयं वेदना, एत्तका वेदना, न इतो परं वेदना अत्थीति सभावतो वेदनं पजानाती”तिआदिना, सभावतोति च अनुभवनसभावतो सातादिसभावतो चाति एवमादिना योजेतब्बं ।

खन्धपब्बवण्णना निट्ठिता ।

### आयतनपब्बवण्णना

११७. छसु अज्झत्तिकवाहिरेसूति (दी० नि० टी० २.३८४) “छसु अज्झत्तिकेसु छसु बाहिरेसु”ति “छसू”ति पदं पच्चेकं योजेतब्बं । कस्मा पनेतानि उभयानि छळेव वुत्तानि? छविज्जाणकायुप्पत्तिद्वारारम्भणववत्थानतो । चक्खुविज्जाणवीथिया परियापन्नस्स हि विज्जाणकायस्स चक्खायतनमेव उप्पत्तिद्वारं, रूपायतनमेव च आरम्भणं, तथा इतरानि इतरेसं, छट्ठस्स पन भवङ्गमनसङ्घातो मनायतनेकदेसो उप्पत्तिद्वारं, असाधारणञ्च धम्मायतनं आरम्भणं । चक्खतीति चक्खु, रूपं अस्सादेति विभावेति चाति अत्थो । सुणातीति सोतं । घायतीति घानं । जीवितनिमित्तताय रसो

जीवितं, तं जीवितमव्यायतीति जिह्वा । कुच्छित्तानं सासवधम्मानं आयो उप्पत्तिदेसोति कायो । मुनाति आरम्मणं विजानातीति मनो । रूपयति वण्णविकारं आपज्जमानं हृदयङ्गतभावं पकासेतीति रूपं । सप्पति अत्तनो पच्चयेहि हरीयति सोतविज्जेय्यभावं गमीयतीति सद्दो । गन्धयति अत्तनो वत्थुं सूचेतीति गन्धो । रसन्ति तं सत्ता अस्सादेन्तीति रसो । फुसीयतीति फोडुब्बं । अत्तनो लक्खणं धारेन्तीति धम्मा । सब्बानि पन आयानं तननादिअत्थेन आयतनानि । अयमेत्थ सङ्खेपो, वित्थारो पन विसुद्धिमग्गे (विसुद्धिं २.५१०-५१२) तंसंवण्णनाय (विसुद्धिं महाटी २.५१०) च वुत्तनयेन वेदितब्बो ।

**चक्खुञ्च पजानातीति** एत्थ चक्खु नाम पसादचक्खु, न ससम्भारचक्खु, नापि दिब्बचक्खुआदिकन्ति आह “चक्खुपसाद”न्ति । यं सन्धाय वुत्तं “यं चक्खु चतुन्नं महाभूतानं उपादाय पसादो”ति (ध० स० ५९६-५९९) । च-सद्दो वक्खमानत्थसमुच्चयत्थो । याथावसरसलक्खणवसेनाति अविपरीतस्स अत्तनो रसस्स चेव लक्खणस्स च वसेन, रूपेसु आविज्जनकिच्चस्स चेव रूपाभिघातारहभूतपसादलक्खणस्स च वसेनाति अत्थो । “चक्खुञ्च पटिच्च रूपे चा”तिआदीसु (म० नि० १.२०४, ४००; ३.४२१, ४२५-४२६; सं० नि० २.४३-४५; ४.५४-५५; कथा० ४६५, ४६७) समुदितानियेव रूपायतनानि चक्खुविज्जाणुप्पत्तिहेतु, न विसुं विसुन्ति इमस्स अत्थस्स दस्सनत्थं “रूपे चा”ति पुथुवचनगहणं, तां एव च देसनागतिया कामं इधापि “रूपे च पजानाती”ति वुत्तं, रूपभावसामञ्जेन पन सब्बं एकज्झं गहेत्वा “बहिद्धा चतुसमुद्धानिकरूपञ्चा”ति एकवचनवसेन अत्थो वुत्तो । सरसलक्खणवसेनाति चक्खुविज्जाणस्स विसयभावकिच्चस्स चेव चक्खुपटिहननलक्खणस्स च वसेनाति योजेतब्बं ।

**उभयं पटिच्चाति** चक्खुं उपनिस्सयपच्चयवसेन पच्चयभूतं, रूपे आरम्मणाधिपतिआरम्मणूपनिस्सयवसेन पच्चयभूते च पटिच्च । कामञ्चायं सुत्तन्तसंवण्णना, निप्परियायकथा नाम अभिधम्मसन्निस्सिता एवाति अभिधम्मनयेनेव संयोजनानि दस्सेन्तो “कामराग...पे०... अविज्जासंयोजन”न्ति आह । तत्थ कामेसु रागो, कामो च सो रागो चाति कामरागो, सो एव बन्धनद्वेन संयोजनं । अयज्हि यस्स संविज्जति, तं पुगलं वट्टस्मिं संयोजेति बन्धति, इति दुक्खेन सत्तं, भवादिके वा भवन्तरादीहि, कम्मुना वा विपाकं संयोजेति बन्धतीति संयोजनं । एवं पटिघसंयोजनादीनम्पि यथारहं अत्थो वत्तब्बो । सरसलक्खणवसेनाति एत्थ पन सत्तस्स वट्टतो अनिस्सज्जनसङ्घातस्स अत्तनो किच्चस्स चेव यथावुत्तबन्धनसङ्घातस्स लक्खणस्स च वसेनाति योजेतब्बं ।

भवस्साद-दिट्ठिस्साद-निवत्तनत्थं कामस्सादगहणं । अस्सादयतोति अभिरमन्तस्स । अभिनन्दतोति सप्पीतिकतण्हावसेन नन्दन्तस्स । पदद्वयेनपि बलवतो कामरागस्स पच्चयभूता कामरागुप्पत्ति वुत्ता । एस नयो सेसेसुपि । एतं आरम्मणन्ति एतं एवंसुखुमं एवंदुब्बिभागं आरम्मणं । निच्चं धुवन्ति एतं निदस्सनमत्तं, “उच्छिज्जिस्सति विनस्सिस्सतीति गणहतो”ति एवमादीनम्पि सङ्गहो इच्छितब्बो । भवं पत्थेन्तस्साति “ईदिसे सम्पत्तिभवे यस्मा अम्हाकं इदं इट्ठारम्मणं सुलभं जातं, तस्मा आयतिम्पि सम्पत्तिभवो भवेय्या”ति भवं निकामेन्तस्स । एवरूपं सक्का लद्धुन्ति योजना । उसूयतोति उसूयं इस्सं उप्पादयतो । अज्जस्स मच्छरायतोति अज्जेन असाधारणभावकरणेन मच्छरियं करोतो । सब्बेहेव यथावुत्तेहि नवहि संयोजनेहि ।

**तज्ज कारणन्ति** सुभनिमित्तपटिघनिमित्तादिविभावं इट्ठानिट्ठादिरूपारम्मणञ्चेव तज्जायोनिसोमनसिकारञ्चाति तस्स तस्स संयोजनस्स कारणं । अविक्खम्भितअसमूहतभूमिलद्धुप्पन्नत्तं सन्धाय “अप्पहीनद्वेन उप्पन्नस्सा”ति वुत्तं । वत्तमानुप्पन्नता समुदाचारगहणेनेव गहिता । येन कारणेनाति येन विपस्सनासमथभावनासङ्घातेन कारणेन । तज्हि तस्स

तदङ्गवसेन चेव विक्खम्भनवसेन च प्हानकारणं। इस्सामच्छरियानं अपायगमनीयताय पठममग्गवज्झता वुत्ता। यदि एवं “तिण्णं संयोजनानं परिकखया सोतापन्नो होती”ति (अ० नि० ४.२४१) सुत्तपदं कथन्ति? तं सुत्तन्तपरियायेन वुत्तं। यथानुलोमसासनज्झि सुत्तन्तदेसना, अयं पन अभिधम्मनयेन संवण्णनाति नायं दोसो। **ओळारिकस्साति** थूलस्स, यतो अभिण्हसमुप्पत्तिपरियुट्ठानतिव्वताव होति। **अणुसहगतस्साति** वुत्तप्पकारओळारिकाभावेन अणुभावं सुखुमभावं गतस्स। उद्धच्चसंयोजनस्सपेत्थ अनुप्पादो वुत्तोयेव यथावुत्तसंयोजनेहि अविनाभावतो। सोतादीनं सभावसरसलक्खणवसेन पजानना, तप्पच्चयानं संयोजनानं उप्पादादिपजानना च वुत्तनयेनेव वेदितव्वति दस्सेन्तो “**एसेव नयो**”ति अतिदिसति।

**अत्तनो वा धम्मेसूति** अत्तनो अज्झत्तिकायतनधम्मेसु, अत्तनो उभयधम्मेसु वा। इमस्मिं पक्खे **अज्झत्तिकायतनपरिग्गहणेनाति** अज्झत्तिकायतनपरिग्गहनमुखेनाति अत्थो, एवञ्च अनवसेसतो सपरसन्तानेसु आयतनानं परिग्गहो सिद्धो होति। **परस्स वा धम्मेसूति** एत्थापि एसेव नयो। **रूपायतनस्साति** अट्ठेकादसपभेदरूपसभावस्स आयतनस्स। रूपक्खन्धे वुत्तनयेन नीहरितव्वति आनेत्वा सम्बन्धितव्वं। **सेसक्खन्धेसूति** वेदनासज्जासङ्खारक्खन्धेसु। **वुत्तनयेनाति** इमिना अतिदेसेन रूपक्खन्धे आहारसमुदयाति, विज्जाणक्खन्धे नामरूपसमुदयाति, सेसक्खन्धेसु फस्ससमुदयाति इमं विसेसं विभावेति, इतरं पन सब्बत्थ समानन्ति। खन्धपब्बे विय आयतनपब्बेपि लोकुत्तरनिवत्तनं पाळियं गहितं नत्थीति आह “**लोकुत्तरधम्मा न गहेतव्वी**”ति।

आयतनपब्बवण्णना निड्ढिता।

### बोज्झङ्गपब्बवण्णना

**११८. बुज्जनकसत्तस्साति** किलेसनिद्वाय पटिबुज्जनकसत्तस्स, अरियसच्चानं वा पटिविज्जनकसत्तस्स। **अङ्गेसूति** कारणेसु, अवयवेसु वा। उदयव्वयजाणुप्पादतो पट्टाय सम्बोधिपटिपदायं ठितो नाम होतीति आह “**आरद्धविपस्सकतो पट्टाय योगावचरोति सम्बोधी**”ति।

“**सतिसम्बोज्झङ्गद्वानीया**”ति पदस्स अत्थो “विचिकिच्छद्वानीया”ति एत्थ वुत्तनयेन वेदितव्वो। तन्ति योनिसोमनसिकारं। **तत्थाति** सतियं। निष्फादेतव्वे चेतं भुम्मं।

सति च सम्पजज्जञ्च **सतिसम्पजज्जं** (दी० नि० टी० २.३८५; सं० नि० टी० २.५.२३२; अ० नि० टी० १.१.४१८)। अथ वा सतिपधानं अभिक्कन्तादिसात्थकभावपरिग्गहनजाणं **सतिसम्पजज्जं**। तं सब्बत्थ सतोकारिभावावहत्ता सतिसम्बोज्झङ्गस्स उप्पादाय होति। यथा पच्चनीकधम्मानं प्हानं अनुरूपधम्मसेवना च अनुप्पन्नानं कुसलानं धम्मानं उप्पादाय होति, एवं सतिरहितपुग्गलविवज्झना, सतोकारीपुग्गलसेवना, तत्थ च युत्तपयुत्तता सतिसम्बोज्झङ्गस्स उप्पादाय होतीति इममत्थं दस्सेति “**सतिसम्पजज्जं**”न्तिआदिना।

धम्मानं, धम्मेसु वा विचयो धम्मविचयो, सो एव सम्बोज्झङ्गो, तस्स **धम्मविचयसम्बोज्झङ्गस्स**। “**कुसलाकुसला धम्मा**”तिआदीसु यं वत्तव्वं, तं हेट्ठा वुत्तमेव। तत्थ **योनिसोमनसिकारबहुलीकारोति** कुसलादीसु तंतंसभावसरसलक्खणादिकस्स याथावतो अवबुज्जनवसेन उप्पन्नो जाणसम्पयुत्तचित्तुप्पादो। सो हि अविपरीतमनसिकारताय “योनिसोमनसिकारो”ति वुत्तो, तदाभोगताय आवज्जनापि तग्गतिकाव, तस्स अभिण्हपवत्तनं बहुलीकारो। **भिय्योभावायाति** पुनप्पुनभावाय। **वेपुल्लायाति** विपुलभावाय। **परिपूरियाति** परिबूहनाय।

**परिपुच्छकता**ति परियोगाहेत्वा पुच्छकभावो । आचरिये पयिरुपासित्वा पञ्चपि निकाये सह अट्टकथाय परियोगाहेत्वा यं यं तत्थ गण्ठिद्वानभूतं, तं तं “इदं भन्ते कथं, इमस्स को अत्थो”ति खन्धायतनादिअत्थं पुच्छन्तस्स धम्मविचयसम्बोज्झङ्गो उप्पज्जति । तेनाह “**खन्धधातु...पे०... बहुलता**”ति ।

**वत्थुविसदकिरिया**ति एत्थ चित्तचेतसिकानं पवत्तिद्वानभावतो सरीरं, तप्पटिबद्धानि चीवरादीनि च इध “वत्थूनी”ति अधिप्पेतानि । तानि यथा चित्तस्स सुखावहानि होन्ति, तथा करणं तेसं विसदभावकरणं । तेन वुत्तं “**अज्झत्तिकबाहिरान**”न्तिआदि । **उस्सन्नदोसन्ति** वातादिउस्सन्नदोसं । **सेदमलमक्खितन्ति** सेदेन च व जल्लिकासङ्गातेन सरीरमलेन च मक्खितं । **च-सद्देन** अज्जम्पि सरीरस्स पीळावहं सङ्गण्हाति । **सेनासनं वाति वा-सद्देन** पत्तादीनं सङ्गहो दट्ठब्बो । **अविसदे** सति, विसयभूते वा । कथं भावनमनुयुत्तस्स तानि विसयो? अन्तरन्तरा पवत्तनकचित्तुप्पादवसेनेवं वुत्तं । ते हि चित्तुप्पादा चित्तेकगताय अपरिसुद्धभावाय संवत्तन्ति । **चित्तचेतसिकेसु** निस्सयादिपच्चयभूतेसु । **जाणम्पीति पि-**सद्दो सम्पिण्डनत्थो । तेन न केवलं तं वत्थुयेव, अथ खो तस्मिं अपरिसुद्धे जाणम्पि अपरिसुद्धं होतीति निस्सयापरिसुद्धिया तंनिस्सितापरिसुद्धि विय विसयस्स अपरिसुद्धताय विसयीनं अपरिसुद्धि दस्सेति ।

**समभावकरणन्ति** किच्चतो अनूनाधिकभावकरणं । यथापच्चयं सद्देय्यवत्थुस्मिं अधिमोक्खकिच्चस्स पटुतरभावेन पज्जाय अविस्दताय वीरियादीनञ्च सिथिलतादिना **सद्धिन्द्रियं बलवं** होति । तेनाह “**इतरानि मन्दानी**”ति । ततोति तस्मा सद्धिन्द्रियस्स बलवभावतो इतरेसञ्च मन्दत्ता । कोसज्जपक्खे पतितुं अदत्त्वा सम्पयुत्तधम्मानं पग्गण्हनं अनुबलप्पदानं पग्गहो, पग्गहोव किच्चं **पग्गहकिच्चं** । “कातुं न सक्कोती”ति आनेत्वा सम्बन्धितब्बं । आरम्भणं उपगन्त्वा ठानं, अनिस्सज्जनं वा **उपट्टानं** । विक्खेपपटिपक्खो, येन वा सम्पयुत्ता अविक्खित्ता होन्ति, सो **अविक्खेपो** । रूपगतं विय चक्खुना येन याथावतो विसयसभावं पस्सति, तं **दस्सनकिच्चं कातुं न सक्कोति** बलवता सद्धिन्द्रियेन अभिभूतत्ता । सहजातधम्मेसु इन्दुं कारेन्तानं सहपवत्तमानानं धम्मानं एकरसतावसेनेव अत्थसिद्धि, न अज्जथा ।

**तस्माति** वुत्तमेवत्थं कारणभावेन पच्चामसति । तन्ति सद्धिन्द्रियं । **धम्मसभावपच्चवेक्खणेनाति** यस्स सद्देय्यवत्थुनो उळारतादिगुणे अधिमुच्चनस्स सातिसयप्पवत्तिया सद्धिन्द्रियं बलवं जातं, तस्स पच्चयपच्चयुप्पन्नतादिविभागतो याथावतो वीमंसनेन । एवज्झि एवंधम्मतानयेन सभावसरसतो परिगग्हमाने सविष्फारो अधिमोक्खो न होति “अयं इमेसं धम्मानं सभावो”ति परिजाननवसेन पज्जाब्बापारस्स सातिसयत्ता । धुरियधम्मेसु हि यथा सद्भाय बलवभावे पज्जाय मन्दभावो होति, एवं पज्जाय बलवभावे सद्भाय मन्दभावो होति । तेन वुत्तं “**तं धम्मसभावपच्चवेक्खणेन...पे०... हापेतब्ब**”न्ति । **तथा अमनसिकारेनाति** येनाकारेन भावनमनुयुज्जन्तस्स सद्धिन्द्रियं बलवं जातं, तेनाकारेन भावनाय अननुयुज्जनतोति वुत्तं होति । इध दुविधेन सद्धिन्द्रियस्स बलवभावो अत्तनो वा पच्चयविसेसवसेन किच्चुत्तरियतो वीरियादीनं वा मन्दकिच्चताय । तत्थ पठमविकप्पे हापनविधि दस्सितो, दुतियविकप्पे पन यथा मनसिकरोतो वीरियादीनं मन्दकिच्चताय सद्धिन्द्रियं बलवं जातं, तथा अमनसिकारेन, वीरियादीनं पटुकिच्चभावावहेन मनसिकारेन सद्धिन्द्रियं तेहि समरसं करोन्तेन हापेतब्बं । इमिना नयेन सेसिन्द्रियेसुपि हापनविधि वेदितब्बो ।

**वक्कलित्थेरवत्थूति** सो हि आयस्मा सद्भाधिमत्ताय कताधिकारो सत्थु रूपकायदस्सनपसुतो एव हुत्वा विहरन्तो सत्थारा “किं ते, वक्कलि, इमिना पूतिकायेन दिट्ठेन, यो खो, वक्कलि, धम्मं पस्सति, सो मं पस्सती”तिआदिना (सं० नि०



३.८७) ओवदित्वा कम्मट्टाने नियोजितोपि तं अननुयुञ्जन्तो पणामितो अत्तानं विनिपातेतुं पपातट्टानं अभिरुहि । अथ नं सत्था यथानिसिन्नोव ओभासगिस्सज्जनेन अत्थानं दस्सेत्वा —

“पामोज्जबहुलो भिक्खु, पसन्नो बुद्धसासने ।

अधिगच्छे पदं सन्तं, सङ्खारूपसमं सुखं”न्ति ॥ (ध० प० ३८१) ।

गाथं वत्वा “एहिवक्कली”ति आह । सो तेन अमतेनेव अभिसित्तो हट्टुट्टो हुत्वा विपस्सनं पट्टपेसि, सद्भाय पन बलवभावतो विपस्सनावीथिं न ओतरति । तं जत्वा भगवा तस्स इन्द्रियसमत्तपटिपादनाय कम्मट्टानं सोधेत्वा अदासि । सो सत्थारा दिन्ननयेन विपस्सनं उस्सुक्कापेत्वा मग्गपटिपाटिया अरहत्तं पापुणि । तेन वुत्तं “वक्कलित्थेरवत्थु चेत्य निदस्सन”न्ति ।

इतरकिच्चभेदन्ति उपट्टानादिकिच्चविसेसं । पस्सद्धादीति आदि-सद्देन समाधिउपेक्खासम्बोज्झङ्गानं सङ्गहो । हापेतब्बन्ति यथा सद्धिन्द्रियस्स बलवभावो धम्मसभावपच्चवेक्खणेन हायति, एवं वीरियिन्द्रियस्स अधिमत्तता पस्सद्धिआदिभावनाय हायति समाधिपक्खियत्ता तस्सा । तथाहि सा समाधिन्द्रियस्स अधिमत्ततं कोसज्जपाततो रक्खन्ती वीरियादिभावना विय वीरियिन्द्रियस्स अधिमत्ततं उद्धच्चपाततो रक्खन्ती एकंसतो हापेति । तेन वुत्तं “पस्सद्धादिभावनाय हापेतब्ब”न्ति । सोणत्थेरस्स वत्थूति सुखुमालसोणत्थेरस्स वत्थु । सो हि आयस्मा, सत्थु, सन्तिके कम्मट्टानं गहेत्वा सीतवने विहरन्तो “मम सरीरं सुखुमालं, न च सक्का सुखेनेव सुखं अधिगन्तुं, कायं किलमेत्वापि समणधम्मो कातब्बो”ति ठानचङ्कममेव अधिद्वाय पधानमनुयुञ्जन्तो पादतलेसु फोटेसु उट्ठितेसुपि वेदनं अज्झुपेक्खित्वा दळ्ळवीरियं करोन्तो अच्चारद्धवीरियताय विसेसं निब्बत्तेतुं नासक्खि । सत्था तत्थ गन्त्वा वीणूपमोवादेन ओवदित्वा वीरियसमतायोजनविधिं दस्सेन्तो कम्मट्टानं सोधेत्वा गिज्झकूटं गतो । थेरोपि सत्थारा दिन्ननयेन वीरियसमतं योजेत्वा भावेन्तो विपस्सनं उस्सुक्कापेत्वा अरहत्ते पतिट्ठासि । तेन वुत्तं “सोणत्थेरस्स वत्थु दस्सेतब्ब”न्ति । सेसेसुपीति सतिसमाधिपज्जिन्द्रियेसुपि ।

समतन्ति सद्भापज्जानं अज्जमज्जं अनूनाधिकभावं, तथा समाधिवीरियानं । यथा हि सद्भापज्जानं विसुं विसुं धुरियधम्मभूतानं किच्चतो अज्जमज्जानातिवत्तनं विसेसतो इच्छितब्बं, यतो नेसं समधुरताय अप्पना सम्पज्जति, एवं समाधिवीरियानं कोसज्जुद्धच्चपक्खिकानं समरसताय सति अज्जमज्जूपत्थम्भनतो सम्पयुत्तधम्मनं अन्तद्वयपाताभावेन सम्मदेव अप्पना इज्झतीति । बलवसद्धोतिआदि वुत्तस्सेवत्थस्स ब्यतिरेकमुखेन समत्थनं । तस्सत्थो — यो बलवतिया सद्भाय समन्नागतो अविस्सदजाणो, सो मुधापसन्नो होति, न अवेच्चप्पसन्नो । तथा हि सो अवत्थुस्मिं पसीदति सेय्यथापि तित्थियसावका । केराटिकपक्खन्ति साठेय्यपक्खं भजति । सद्भाहीनाय पज्जाय अतिधावन्तो “देय्यवत्थुपरिच्चागेन विना चित्तुप्पादमत्तेनपि दानमयं पुज्जं होती”तिआदीनि परिकप्पेति हेतुपतिरूपकेहि वज्जितो, एवंभूतो च सुक्खतक्कविलुत्तचित्तो पण्डितानं वचनं नादियति, सज्जन्ति न गच्छति । तेनाह “भेसज्जसमुट्ठितो विय रोगो अतेकिच्छो होती”ति । यथा चेत्य सद्भापज्जानं अज्जमज्जं समभावो अत्थावहो, अनत्थावहो विसमभावो, एवं समाधिवीरियानं अज्जमज्जं अविकखेपावहो समभावो, इतरो विकखेपावहो चाति । कोसज्जं अधिभवति, तेन अप्पनं न पापुणातीति अधिप्पायो । उद्धच्चं अधिभवतीति एत्थापि एसेव नयो । तदुभयन्ति सद्भापज्जाद्वयं समाधिवीरियद्वयञ्च । समं कातब्बन्ति समरसं कातब्बं ।

समाधिकम्मिकस्साति समथकम्मट्टानिकस्स । एवन्ति एवं सन्ते, सद्भाय थोकं बलवभावे सतीति अत्थो ।

सद्वहन्तीति “पथवीति मनसिकारमत्तेन कथं ज्ञानुपत्ती”ति अचिन्तेत्वा “अद्धा सम्मासम्बुद्धेन वृत्तविधिं इज्झिस्सती”ति सद्वहन्तो सद्धं जनेन्तो । ओकप्पेन्तोति आरम्भणं अनुपविसित्वा विय अधिमुच्चनवसेन अवकप्पेन्तो पक्खन्दन्तो । एकगता बलवती वट्टति समाधिपधानत्ता ज्ञानस्स । उभिन्नन्ति समाधिपज्जानं । समाधिकम्मिक्कस्स समाधिनो अधिमत्तताय पज्जाय अधिमत्ततापि इच्छितब्बाति आह “समतायपी”ति, समभावेनपीति अत्थो । अप्पनाति लोकियअप्पना । तथा हि “होतियेवा”ति सासङ्कं वदति । लोकुत्तरप्पना पन तेसं समभावेनेव इच्छिता । यथाह “समथविपस्सनं युगनद्धं भावेती”ति (अ० नि० ४.१७; पटि० म० २.५) । यदि विसेसतो सद्धापज्जानं समाधिवीरियानञ्च समता इच्छिता, कथं सतीति आह “सति पन सब्बत्थ बलवती वट्टती”ति । सब्बत्थाति लीनुद्धच्चपक्खिकेसु पञ्चसु इन्द्रियेसु । उद्धच्चपक्खिकेकदेसे गणहन्तो “सद्धावीरियपज्जान”न्ति आह । अज्जथा पीति च गहेतब्बा सिया । तथा हि “कोसज्जपक्खिकेन समाधिना”इच्चेव वृत्तं, न “पस्सद्विस्समाधिउपेक्खाही”ति । साति सति । सब्बेसु राजकम्मेसु नियुत्तो सब्बकम्मिको । तेनाति तेना सब्बत्थ इच्छितब्बत्थेन कारणेन । आह अट्टकथायं । सब्बत्थ नियुत्ता सब्बत्थिका, सब्बेन वा लीनुद्धच्चपक्खियेन बोज्झङ्गेन अत्थेतब्बा सब्बत्थिया, सब्बत्थियाव सब्बत्थिका । चित्तन्ति कुसलचित्तं । तस्स हि सति पटिसरणं परायणं अप्पत्तस्स पत्तिया अनधिगतस्स अधिगमाय । तेनाह “आरक्खपच्चुपट्टाना”तिआदि ।

खन्धादिभेदे अनोगाळहपज्जानन्ति परियत्तिबाहुसच्चवसेनपि खन्धायतनादीसु अप्पत्तिट्ठितबुद्धीनं । बहुस्सुतसेवना हि सुतमयजाणावहा । तरुणविपस्सनासमङ्गीपि भावनामयजाणे ठितत्ता एकंसतो पज्जवा एव नाम होतीति आह “समपज्जास...पे०... पुग्गलसेवना”ति । जेय्यधम्मस्स गम्भीरभाववसेन तप्परिच्छेदकजाणस्स गम्भीरभावगगणन्ति आह “गम्भीरेसु खन्धादीसु पवत्ताय गम्भीरपज्जाया”ति । तज्हि जेय्यं तादिसाय पज्जाय चरितब्बतो गम्भीरजाणचरियं, तस्सा वा पज्जाय तत्थ पभेदतो पवत्ति गम्भीरजाणचरिया, तस्सा पच्चवेक्खणाति आह “गम्भीरपज्जाय पभेदपच्चवेक्खणा”ति । यथा सतिवेपुल्लप्पत्तो नाम अरहा एव, एवं सो एव पज्जावेपुल्लप्पत्तोपीति आह “अरहत्तमग्गेन भावनापारिपूरी होती”ति । वीरियादीसुपि एसेव नयो ।

“तत्तं अयोखिलं हत्थे गमेन्ती”तिआदिना (म० नि० ३.२५०, २६७; अ० नि० ३.३६) पञ्चविधबन्धनकम्मकारणं निरये निब्बत्तसत्तस्स येभ्युयेन सब्बपठमं करोन्तीति देवदूतसुत्तादीसु तस्सा आदितो वृत्तत्ता च आह “पञ्चविधबन्धनकम्मकारणतो पट्टाया”ति । सकटवाहनादिकालेति आदि-सद्देन तदज्जं मनुस्सेहि तिरच्छानेहि च विबाधियमानकालं सङ्गण्हाति । एकं बुद्धन्तरन्ति इदं अपरापरं पेटेसुयेव उप्पज्जनकसत्तवसेन वृत्तं, एकच्चानं वा पेतानं एकच्चतिरच्छानानं विय तथा दीघायुकभावतो । तथा हि काळो नागराजा चतुन्नं बुद्धानं अधिगतरूपदस्सनो ।

एवं आनिसंसदस्साविनोति वीरियायत्तो एव सब्बो लोकुत्तरो लोकियो च विसेसाधिगमोति एवं वीरिये आनिसंसदस्सनसीलस्स । गमनवीथिन्ति सपुब्बभागं निब्बानगामिनिं अरियमग्गपटिपदं । सा हि भिक्खुनो वट्टनिस्सरणाय गन्तब्बा पटिपज्जितब्बा पटिपदाति कत्वा गमनवीथि नाम । कायदळ्हीबहुलोति यथा तथा कायस्स दळ्हीकम्मपसुतो । पिण्डन्ति रट्टपिण्डं । पच्चयदायकानं अत्तनि कारस्स अत्तनो सम्मापटिपत्तिया महप्फलभावस्स करणेन पिण्डस्स भिक्खाय पटिपूजना पिण्डापचायनं ।

नीहरन्तीति पत्तत्थविकतो नीहरन्तो । तं सद्धं सुत्वाति तं उपासिकाय वचनं पण्णसालद्वारे ठितोव पज्जाभिज्जताय दिब्बसोतेन सुत्वा । मनुस्ससम्पत्ति दिब्बसम्पत्ति अन्ते निब्बानसम्पत्तीति तिस्सो सम्पत्तियो । दातुं सक्खिस्ससीति “तयि कतेन दानमयेन वेय्यावच्चमयेन च पुज्जकम्मेन खेत्तविसेसभावूपगमनेन अपरापरं देवमनुस्ससम्पत्तियो अन्ते

निब्बानसम्पत्तिञ्च दातुं सखिस्ससी’ति थेरो अत्तानं पुच्छति । **सितं करोन्तो**वाति “अकिच्छेनेव मया वट्टदुक्खं समतिक्कन्त’”न्ति पच्चवेक्खणावसाने सज्जातपामोज्जवसेन सितं करोन्तो एव ।

**विष्पटिपन्नन्ति** जातिधम्मकुलधम्मादिलङ्घनेन असम्मापटिपन्नं । **एवं** यथा असम्मापटिपन्नो पुत्तो ताय एव असम्मापटिपत्तिया कुलसन्तानतो बाहिरो हुत्वा पितु सन्तिका दायज्जस्स न भागी, एवं **कुसीतोपि** तेनेव कुसीतभावेन असम्मापटिपन्नो सत्थु सन्तिका लद्धब्बअरियधनदायज्जस्स न भागी । **आरद्धवीरियोव लभति** सम्मापटिपज्जनतो । उप्पज्जति वीरियसम्बोज्झङ्गोति योजना । एवं सब्बत्थ ।

**महाति** सीलादीहि गुणेहि महन्तो विपुलो अनज्जसाधारणो । तं पनस्स गुणमहत्तं दससहस्सिलोकधातुकम्पनेन लोके पाकटन्ति दस्सेन्तो “**सत्थुनो ही**”तिआदिमाह ।

यस्मा सत्थुसासने पब्बजितस्स पब्बज्जुपगमेन सक्कपुत्तियभावो सम्पजायति, तस्मा बुद्धपुत्तभावं दस्सेन्तो “**असम्भिन्नाया**”तिआदिमाह ।

अलसानं भावनाय नाममत्तम्पि अजानन्तानं कायदळ्हीबहुलानं यावदत्थं भुज्जित्वा सेय्यसुखादिअनुयुज्जनकानं तिरच्छानकधिकानं पुगलानं दूरतो वज्जना **कुसीतपुगगलपरिवज्जना** । “दिवसं चङ्कमेन निसज्जाया”तिआदिना (म० नि० १.४२३; ३.७५; सं० नि० ४.१२०; अ० नि० ३.१६; विभ० ५१९; महानि० १६१) भावनारम्भवसेन आरद्धवीरियानं दळ्हपरक्कमानं कालेन कालं उपसङ्कमना **आरद्धवीरियपुगगलसेवना** । तेनाह — “**कुच्छिं पूरेत्वा**”तिआदि । **विसुद्धिमग्गे** पन जातिमहत्तपच्चवेक्खणा सब्रह्मचारिमहत्तपच्चवेक्खणाति इदं द्वयं न गहितं, थिनमिद्धविनोदनता सम्मप्पधानपच्चवेक्खणताति इदं द्वयं गहितं । तत्थ आनिसंसदस्साविताय एव सम्मप्पधानपच्चवेक्खणा गहिता होति लोकियलोकुत्तरविसेसाधिगमस्स वीरियायत्ततादस्सनभावतो । थिनमिद्धविनोदनं तदधिमुत्तताय एव गहितं, वीरियुप्पादने युत्तप्पयुत्तस्स थिनमिद्धविनोदनं अत्थसिद्धमेव । तत्थ थिनमिद्धविनोदन-कुसीतपुगगलपरिवज्जन-आरद्धवीरियपुगगलसेवन-तदधिमुत्तता पटिपक्खविधमनपच्चयूपसंहारवसेन, अपायपच्चवेक्खणादयो समुत्तेजनवसेन वीरियसम्बोज्झङ्गस्स उप्पादका दट्ठब्बा ।

पुरिमुप्पन्ना पीति परतो उप्पज्जनकपीतिया कारणभावतो “**पीतियेव पीतिसम्बोज्झङ्गट्टानीया धम्मा**”ति वुत्ता, तस्सा पन बहुसो पवत्तिया पुथुत्तं उपादाय बहुवचननिद्देशो, यथा सा उप्पज्जति, एवं पटिपत्ति, तस्सा **उप्पादकमनसिकारो** ।

बुद्धानुस्सतिया उपचारसमाधिनिवृत्ता वुत्तं “**याव उपचारा**”ति । **सकलसरीरं फरमानो**ति पीतिसमुद्धानेहि पणीतरूपेहि सकलसरीरं फरमानो । धम्मगुणे अनुस्सरन्तस्सपि याव उपचारा सकलसरीरं फरमानो पीतिसम्बोज्झङ्गो उप्पज्जतीति । एवं सेसअनुस्सतीसु पसादनीयसुत्तन्तपच्चवेक्खणायञ्च योजेतब्बं तस्सापि विमुत्तायतनभावेन तग्गतिकत्ता । **समापत्तिया...पे०... समुदाचरन्तीति** इदञ्च उपसमानुस्सतिदस्सनं । सङ्खारानज्झि सप्पदेसवूपसमेपि निप्पदेसवूपसमे विय तथा पज्जाय पवत्तितो भावनामनसिकारो किलेसविक्खम्भनसमत्थो हुत्वा उपचारसमाधिं आवहन्तो तथारूपपीतिसोमनस्ससमन्नागतो पीतिसम्बोज्झङ्गस्स उप्पादाय होतीति । पसादनीयेसु ठानेसु पसादसिनेहाभावेन थुससमहदयता लूखता, सा तत्थ आदरगारवाकरणेन विज्जायतीति आह “**असक्कच्चकिरियाय संसूचितलूखभावे**”ति ।

कायचित्तदरथवूपसमलक्खणा पस्सद्धि एव पस्सद्धिसम्बोज्झङ्गो, तस्स पस्सद्धिसम्बोज्झङ्गस्स ।

**पणीतभोजनसेवनताति** पणीतसप्पायभोजनसेवनता । **उतुइरियापथसुखग्गहणेन** सप्पायउतुइरियापथग्गहणं दट्ठब्बं । तज्झि तिविधं सप्पायं सेवियमानं कायस्स कल्लतापादनवसेन चित्तस्स कल्लतं आवहन्तं दुविधायपि पस्सद्धिया कारणं होति । अहेतुकं सत्तेसु लब्धमानं सुखं दुक्खन्ति अयमेको अन्तो, इस्सरादिविसमहेतुकन्ति पन अयं दुतियो, एते उभो अन्ते अनुपगम्म यथासकं कम्मुना होतीति अयं मज्झिमा पटिपत्ति । मज्झत्तो पयोगो यस्स होति मज्झत्तपयोगो, तस्स भावो **मज्झत्तपयोगता** । अयज्झि पहाय सारद्धकायतं पस्सद्धकायताय कारणं होन्ती पस्सद्धिद्वयं आवहति, एतेनेव सारद्धकायपुगलपरिवज्जनपस्सद्धकायपुगलवसेनानं तदावहनता संवण्णिताति दट्ठब्बं ।

यथासमाहिताकारसल्लक्खणवसेन गच्छमानो पुरिमुप्पन्नो समथो एव **समथनिमित्तं** । नानारम्मणे परिब्भमनेन विविधं अगं एतस्साति ब्यग्गो, विक्खेपो । तथा हि सो अनवट्ठानरसो भन्ततापच्चुपट्ठानो च वुत्तो । एकगताभावतो ब्यग्गपटिपक्खोति **अव्यग्गो**, समाधि । सो एव निमित्तन्ति पुब्बे विय वत्तब्बं । तेनाह “**अविक्खेपट्ठेन च अव्यग्गनिमित्तं**”ति ।

वत्थुविसदकिरिया इन्द्रियसमत्तपटिपादना च पज्जावहा वुत्ता, समाधानावहापि ता होन्ति समाधानावहावेनेव पज्जावहाभावतोति वुत्तं “**वत्थुविसद...पे... वेदितब्बा**”ति ।

करणभावनाकोसल्लानं अविनाभावतो, रक्खणकोसल्लस्स च तम्मूलकत्ता “**निमित्तकुसलता नाम कसिणनिमित्तस्स उग्गहणकुसलता**”इच्चेव वुत्तं । **कसिणनिमित्तस्साति** च निदस्सनमत्तं दट्ठब्बं । असुभनिमित्तस्सादिकस्सपि हि यस्स कस्सचि ज्ञानुप्पत्तिनिमित्तस्स उग्गहणकोसल्लं निमित्तकुसलता एवाति ।

**अतिसिथिलवीरियतादीहीति आदि-**सद्देन पज्जापयोगमन्दतं पमोदवेकल्लज्च सङ्गहन्ति । **तस्स पग्गहणन्ति** तस्स लीनस्स चित्तस्स धम्मविचयसम्बोज्झङ्गादिसमुट्ठापनेन लयापत्तितो समुद्धरणं । वुत्तज्हेतं भगवता —

“यस्मिज्च खो, भिक्खवे, समये लीनं चित्तं होति, कालो तस्मिं समये धम्मविचयसम्बोज्झङ्गस्स भावनाय, कालो वीरियसम्बोज्झङ्गस्स भावनाय, कालो पीतिसम्बोज्झङ्गस्स भावनाय । तं किस्स हेतु? लीनं, भिक्खवे, चित्तं, तं एतेहि धम्मेहि सुसमुट्ठापयं होति । सेय्यथापि, भिक्खवे, पुरिसो परित्तं अग्गिं उज्जालेतुकामो अस्स, सो तत्थ सुक्खानि चेव तिणानि पक्खिपेय्य, सुक्खानि च गोमयानि पक्खिपेय्य, सुक्खानि च कट्टानि पक्खिपेय्य, मुखवातज्च ददेय्य, न च पंसुकेन ओकिरेय्य, भब्बो नु खो सो पुरिसो परित्तं अग्गिं उज्जालेतुन्ति? एवं सन्ते”ति (सं० नि० ५.२३४) ।

एत्थ च यथासकं आहारवसेन धम्मविचयसम्बोज्झङ्गादीनं भावना समुट्ठापनाति वेदितब्बं, सा अनन्तरं विभाविता एव ।

**अच्चारद्धवीरियतादीहीति आदि-**सद्देन पज्जापयोगबलवतं पमोदुप्पिलावनज्च सङ्गहन्ति । **तस्स निग्गहणन्ति** तस्स उद्धतचित्तस्स समाधिसम्बोज्झङ्गादिसमुट्ठापनेन उद्धतापत्तितो निसेधनं । वुत्तम्पि चेतं भगवता —

“यस्मिज्च खो, भिक्खवे, समये उद्धतं चित्तं होति, कालो तस्मिं समये पस्सद्धिसम्बोज्झङ्गस्स भावनाय,

कालो समाधिसम्बोज्झङ्गस्स भावनाय, कालो उपेक्खासम्बोज्झङ्गस्स भावनाय । तं किस्स हेतु? उद्धतं, भिक्खवे, चित्तं, तं एतेहि धम्मोहि सुवूपसमयं होति । सेय्यथापि, भिक्खवे, पुरिसो महन्तं अग्गिक्खन्धं निब्बापेतुकामो अस्स, सो तत्थ अल्लानि चेव तिणानि...पे०... पंसुकेन च ओकिरेय्य, भब्बो नु खो सो पुरिसो महन्तं अग्गिक्खन्धं निब्बापेतुन्ति? एवं भन्ते”ति (सं० नि० ५.२३४) ।

एत्थापि यथासकं आहारवसेन पस्सद्विसम्बोज्झङ्गादीनं भावना समुद्रापनाति वेदितब्बा । तत्थ पस्सद्विसम्बोज्झङ्गस्स भावना वुत्ता एव, समाधिसम्बोज्झङ्गस्स वुच्चमाना, इतरस्स अनन्तरं वक्खति ।

**पञ्चापयोगमन्दतायाति** पञ्चाब्यापारस्स अप्पभावेन । यथा हि दानं अलोभप्पधानं, सीलं अदोसप्पधानं, एवं भावना अमोहप्पधाना । तत्थ यदा पञ्चा न बलवती होति, तदा भावना पुब्बेनापरं विसेसावहा न होति, अनभिसङ्खतो विय आहारो पुरिसस्स योगिनो चित्तस्स अभिरुचिं न जनेति, तेन तं निरस्सादं होति, तथा भावनाय सम्मदेव अवीथिपटिपत्तिया उपसमसुखं न विन्दति, तेनापि चित्तं निरस्सादं होति । तेन वुत्तं **“पञ्चापयोग...पे०... निरस्सादं होती”**ति । तस्स संवेगुप्पादनं पसादुप्पादनञ्च तिकिच्छन्ति तं दस्सेन्तो **“अट्ठ संवेगवत्थूनी”**ति आदिमाह । तत्थ जातिजराब्याधिमरणानि यथारहं सुगतियं दुग्गतियञ्च होन्तीति तदञ्जमेव पञ्चविधबन्धनादि-खुप्पिपासादि-अञ्जमञ्जविबाधनादिहेतुकं अपायदुक्खं दट्ठब्बं, तयिदं सब्बं तेसं तेसं सत्तानं पच्चुप्पन्नभवनिस्सितं गहितन्ति अतीते अनागते च काले वट्टमूलकदुक्खानि विसुं गहितानि । ये पन सत्ता आहारूपजीविनो, तत्थ च उट्टानफलूपजीविनो, तेसं अञ्जेहि असाधारणं जीविकदुक्खं अट्ठमं संवेगवत्थु गहितन्ति दट्ठब्बं । **अयं वुच्चति समये सम्पहंसनताति** अयं सम्पहंसितब्बसमये वुत्तनयेन तेन संवेजनवसेन चेव पसादुप्पादनवसेन च सम्मदेव पहंसना, संवेगजननपुब्बकपसादुप्पादनेन भावनाचित्तस्स तोसनाति अत्थो ।

**सम्मापटिपत्तिं आगम्माति** लीनुद्धच्चविरहेन समथवीथिपटिपत्तिया च सम्मा अविस्समं सम्मदेव भावनापटिपत्तिं आगम्म । **अलीनन्ति** आदीसु कोसज्जपक्खियानं धम्मनं अनधिमत्तताय **अलीनं**, उद्धच्चपक्खियानं अनधिमत्तताय **अनुद्धतं**, पञ्चापयोगसत्तिया उपसमसुखाधिगमेन च **अनिरस्सादं**, ततो एव **आरम्मणे समप्पवत्तं समथवीथिपटिपन्नञ्च** । तत्थ अलीनताय **पग्गहे**, अनुद्धतताय **निग्गहे**, अनिरस्सादताय **सम्पहंसने न ब्यापारं आपज्जति**, अलीनानुद्धतताहि आरम्मणे समप्पवत्तं, अनिरस्सादताय समथवीथिपटिपन्नं । समप्पवत्तिया वा **अलीनं अनुद्धतं**, समथवीथिपटिपत्तिया **अनिरस्सादन्ति** दट्ठब्बं । **अयं वुच्चति समये अञ्जुपेक्खनताति** अयं अञ्जुपेक्खितब्बसमये भावनाचित्तस्स पग्गहनिग्गहसम्पहंसनेसु ब्यावटतासङ्घातं पटिपक्खं अभिभुय्य पेक्खना वुच्चति ।

पटिपक्खविक्रम्भनतो विपस्सनाय अधिट्टानभावूपगमनतो च उपचारज्झानम्पि समादानकिच्चनिष्पत्तिया पुग्गलस्स समाहितभावसाधनमेवाति तत्थ समधुरभावेनाह **“उपचारं वा अप्पनं वा”**ति ।

**उपेक्खासम्बोज्झङ्गानीया धम्माति** एत्थ यं वत्तब्बं, तं हेट्ठा वुत्तानुसारेण वेदितब्बं ।

अनुरोधविरोधविप्पहानवसेन मज्झत्तभावो उपेक्खासम्बोज्झङ्गस्स कारणं तस्मिं सति सिज्जनतो, असति च असिज्जनतो, सो च मज्झत्तभावो विसयवसेन दुविधोति आह **“सत्तमज्झत्तता सङ्खारमज्झत्तता”**ति । तदुभये च विरुज्जनं पस्सद्विसम्बोज्झङ्गभावनाय एव दूरीकतन्ति अनुरुज्जनस्सेव पहानविधिं दस्सेन्तेन **“सत्तमज्झत्तता”**ति आदि वुत्तं । तेनेवाह **“सत्तसङ्खारकेलायनपुग्गलपरिवज्जनता”**ति । उपेक्खाय हि विसेसतो रागो पटिपक्खो । तथा चाह

“उपेक्खा रागबहुलस्स विसुद्धिमग्गो”ति (विसुद्धि० १.२६९)।

द्वीहाकारेहीति कम्मस्सकतापच्चवेक्खणं अत्तसुज्जतापच्चवेक्खणन्ति इमेहि द्वीहि कारणेहि। द्वीहेवाति अवधारणं सङ्ख्यासमानताय। **अस्सामिकभावो** अनत्तनियता। सति हि अत्तनि तस्स किञ्चनभावेन चीवरं अञ्जञ्च किञ्चि अत्तनियं नाम सिया, सो पन कोचि नत्थेवाति अधिप्पायो। **अनद्धनियन्ति** न अद्धानक्खमं, न चिरट्ठायि इत्तरं अनिच्चन्ति अत्थो। **तावकालिकन्ति** तस्सेव वेवचनं।

**ममायतीति** ममत्तं करोति, “मम”न्ति तण्हाय परिग्गह्ढ तिट्ठति। **धनायन्ताति** धनं द्रव्यं करोन्ता।

अयं सतिपट्ठानदेसना पुब्बभागमग्गवसेन देसिताति पुब्बभागियबोज्झङ्गे सन्धायाह “**बोज्झङ्गपरिग्गाहिका सति दुक्खसच्च**”न्ति।

बोज्झङ्गपब्बवण्णना निट्ठिता।

### चतुसच्चपब्बवण्णना

**११९. यथासभावतोति** अविपरीतसभावतो बाधनलक्खणतो, यो यो वा सभावो **यथासभावो**, ततो, रुप्पनादिकक्खळादिसभावतोति अत्थो। **जनिकं समुट्ठापिकन्ति** पवत्तलक्खणस्स दुक्खस्स जनिकं निमित्तलक्खणस्स समुट्ठापिकं। **पुरिमतण्हन्ति** दुक्खनिब्बत्तितो पुरेतरसिद्धं तण्हं।

ससन्ततिपरियापन्नानं दुक्खसमुदयानं अप्पवत्तिभावेन परिग्गह्ढमानो निरोधोपि ससन्ततिपरियापन्नो विय होतीति कत्वा वुत्तं “**अत्तनो वा चत्तारि सच्चानी**”ति। **परस्स वाति** एत्थापि एसेव नयो। तेनाह भगवा — “इमस्मियेव ब्याममत्ते कळेवरे ससज्जिम्हि समनके लोकञ्च पञ्जपेमि, लोकसमुदयञ्च पञ्जपेमि, लोकनिरोधञ्च पञ्जपेमि, लोकनिरोधगामिनिपटिपदञ्च पञ्जपेमी”ति (सं० नि० १.१०७)। कथं पन आदिकम्पिको निरोधसच्चानि परिग्गण्हातीति? अनुस्सवादिसिद्धमाकारं परिग्गण्हाति, एवञ्च कत्वा लोकुत्तरबोज्झङ्गे उद्दिस्सपि परिग्गहो न विरुज्झति। **यथासम्भवतोति** सम्भवानुरूपं, ठपेत्वा निरोधसच्चं सेससच्चवसेन समुदयवया वेदितब्बाति अत्थो।

चतुसच्चपब्बवण्णना निट्ठिता।

“अट्ठिकसङ्खलिकं समंस”न्तिआदिका सत्त सिवथिका अट्ठिककम्मट्ठानताय इतरासं उद्धुमातकादीनं सभावेनेवाति नवन्नं सिवथिकानं अप्पनाकम्मट्ठानता वुत्ता। **द्वेयेवाति** “आनापानं, द्वत्तिसाकारो”ति इमानि द्वेयेव। **अभिनिवेसोति** विपस्सनाभिनिवेसो, सो पन सम्मसनीयधम्मो परिग्गहो। इरियापथा आलोकितादयो च रूपधम्मनं अवत्थाविसेसमत्तताय न सम्मसनुपगा विज्जत्तिआदयो विय। नीवरणबोज्झङ्गा आदितो न परिग्गहेतब्बाति वुत्तं “**इरियापथ...पे०... न जायती**”ति। केसादिअपदेसेन तदुपादानधम्मा विय इरियापथादिअपदेसेन तदवत्था रूपधम्मा परिग्गहन्ति, नीवरणादिमुखेन च तं सम्पयुत्ता तंनिस्सयधम्माति अधिप्पायेन महासीवत्थेरो “**इरियापथादीसुपि अभिनिवेसो जायती**”ति आह। **अत्थि नु खो मेति**आदि पन सभावतो इरियापथादीनं आदिकम्पिकस्स अनिच्छितभावदस्सनं। अपरिज्जापुब्बिका हि परिज्जाति।

१३७. कामं “इध, भिक्खवे, भिक्खू”तिआदिना उद्देसनिद्देसेसु तत्थ तत्थ भिक्खुग्गहणं कतं, तं पटिपत्तिया भिक्खुभावदस्सनत्थं, देसना पन सब्बसाधारणाति दस्सेतुं “यो हि कोचि, भिक्खवे”इच्चेव वुत्तं, न भिक्खुयेवाति दस्सेन्तो “यो हि कोचि, भिक्खु वा”तिआदिमाह । दस्सनमग्गेन जातमरियादं अनतिक्कमित्वा जानन्ती सिखाप्पत्ता अग्गमग्गपज्जा अज्जा नाम, तस्स फलभावतो अग्गफलम्पीति आह “अज्जाति अरहत्त”न्ति । अप्पतरेपि काले सासनस्स नित्थानिकभावं दस्सेन्तोति योजना ।

१३८. नित्थानेन्तोति निगमेन्तो ।

पपञ्चसूदनिया मज्झिमनिकायट्ठकथाय

सतिपट्टानसुत्तवण्णनाय लीनत्थप्पकासना समत्ता ।

निट्ठिता च मूलपरियायवग्गवण्णना ।

पठमो भागो निट्ठितो ।

॥ नमो तस्स भगवतो अरहतो सम्मासम्बुद्धस्स ॥

## मज्झिमनिकाये

### मूलपण्णास-टीका

(दुतियो भागो)

#### २. सीहनादवग्गो

##### १. चूळसीहनादसुत्तवण्णना

१३९. सुत्तदेसनावत्थुसङ्घातस्स अत्थस्स उप्पत्ति अट्ठप्पत्ति, सा तस्स अत्थीति अट्ठप्पत्तिकोति वुत्तोवायमत्थो । लाभसक्कारपच्चयाति लाभसक्कारनिमित्तं, भगवतो सङ्घस्स च उप्पन्नलाभसक्कारहेतु, अत्तनो वा लाभसक्कारुप्पादनहेतु । तिथियपरिदेवितेति तिथियानं “किं भो समणोयेव गोतमो समणो”तिआदिना विप्पलपनिमित्तं । “महालाभसक्कारो उप्पज्जी”ति वत्त्वा समन्तपासादिकत्थं तस्स उप्पत्तिकारणं दस्सेन्तो “चतुप्पमाणिको ही”तिआदिमाह । चत्तारि पमाणानि चतुप्पमाणानि, चतुप्पमाणानि एतस्स अत्थीति चतुप्पमाणिको । लोकोयेव सङ्गम्म समागम्म वसनट्ठेन लोकसन्निवासो, सत्तकायोति अत्थो । पमिनाति उळारतादिविसेसं एतेनाति पमाणं (अ० नि० टी० २.४.६५) रूपं रूपकायो पमाणं एतस्साति रूपप्पमाणो । ततो एव रूपे पसन्नोति रूपप्पसन्नो । सेसपदेसुपि एसेव नयो । घोसोति पवत्तथुतिघोसो (अ० नि० टी० २.४.६५) । लूखन्ति पच्चयलूखता । धम्मोति सीलादयो गुणधम्मा अधिप्पेता ।

तेसं पुग्गलानं । आरोहन्ति उच्चतं । सा च खो तस्मिं तस्मिं काले पमाणयुत्ता दट्ठब्बा । परिणाहन्ति नातिकिसनातिथूलतावसेन मितपरिणाहं । सण्ठानन्ति तेसं तेसं अङ्गपच्चङ्गानं सुसण्ठिततं । पारिपूरिन्ति सब्बेसं सरीरावयवानं परिपुण्णतं अवेकल्लतं । तत्थ पमाणं गहेत्वाति तस्मिं रूपे रूपसम्पत्तियं पमाणभावं उपादाय । पसादं जनेतीति अधिमोक्खं उप्पादेति ।

परवण्णनायाति “अमुको एदिसो च एदिसो चा”ति यसगुणवचनेन । परथोमनायाति सम्मुखाव परस्स सिलाघुप्पादनेन अभित्थवनेन । परपसंसनायाति परम्मुखा परस्स गुणसंकित्तनेन । परवण्णहारिकायाति परम्परवण्णहारिकाय परम्पराय परस्स कित्तिसद्वृत्तसंहारेन । तत्थाति तस्मिं थुतिघोसे ।

चीवरलूखन्ति थूलजिण्णबहुतुन्नकतादिं चीवरस्स लूखभावं । पत्तलूखन्ति अनेकगन्थिकाहतादिं पत्तस्स लूखभावं । विविधं वा दुक्करकारिकन्ति थुतङ्गसेवनादिवसेन पवत्तं नानाविधं दुक्करचरियं ।

सीलं वा पस्सित्वाति सीलपारिपूरिवसेन विसुद्धं कायवचीसुचरितं जाणचक्खुना पस्सित्वा । ज्ञानादिअधिगमसिद्धं समाधिं वा । विपस्सनाभिज्जासङ्घातं पज्जं वा ।

भगवतो सरीरं दिस्वाति सम्बन्धो । रूपप्पमाणोपि सम्मासम्बुद्धेयेव पसीदति अपरिमितकालसमुपचितपुञ्जानुभावनिष्फन्नाय सब्बसो अनवज्जाय सब्बाकारपरिपुण्णावयवाय रूपकायसम्पत्तिया समन्तपासादिकत्ता, यस्सा रुचिरभावो विसुद्धे विगतवलाहके देवे पुण्णमासियं परिपुण्णकलाभागमण्डलं चन्दमण्डलं अभिभवित्वा अतिरोचति, पभस्सरभावो सरदसमयं संवद्धितदिगुणतेजकिरणजालसमुज्जलं सूरियमण्डलं अभिभवति, सोम्मकिरणरससमुज्जलभावेहि तदुभयेहि अभिभुय्य वत्तमानं एकस्मिं खणे दससहस्सिलोकधातुं विज्जोतनसमत्थं महाब्रह्मणो पभासमुदयं अभिविहच्च भासते तपते विरोचति च ।

सतिपि अङ्गपरिच्चागादीनं दानपारमिभावे परिच्चागविसेसभावदस्सनत्थज्जेव सुदुक्करभावदस्सनत्थज्ज अङ्गपरिच्चागादिगहणं, तत्थापि च अङ्गपरिच्चागतो विसुं नयनपरिच्चागगहणं, परिच्चागभावसामज्जेपि रज्जपरिच्चागतो पुत्तदारपरिच्चागगहणज्ज कतं । आदिना नयेनाति आदि-सद्देन पुब्बयोगपुब्बचरियादिहेतुसम्पत्तिया, “इतिपि सो भगवा”तिआदिना (दी० नि० १.१५७, २५५) वुत्ताय फलसम्पत्तिया, “सो धम्मं देसेती”तिआदिना (दी० नि० १.२५५) वुत्ताय सत्तुपकारकिरियाय च सङ्गहो दट्ठब्बो । सम्मासम्बुद्धेयेव पसीदति यथावुत्तगुणानं अनज्जसाधारणभावतो अच्छरियब्भुतभावतो च । सेसेसुपि एसेव नयो ।

“चीवरलूखं दिस्वा”ति वत्त्वा तं दस्सेतुं “सचे भगवा”तिआदि वुत्तं । साणपंसुकूलचीवरेनाति मतकळेवरं पलिवेठेत्वा छड्डितेन तुम्बमत्ते किमी पप्फोटेत्वा गहितेन साणपंसुकूलचीवरेन । भारियन्ति गरुकं, दुक्करन्ति अत्थो । वधुयुवतीमज्झिमिथिवसेन, बालयोब्बनपुराणवसेन वा तिविधनाटकता । हरेणुयूसं मण्डलकलायरसो । “यापेस्सति नामा”ति नाम-सद्वं आनेत्वा सम्बन्धो । नाम-सद्वयोगेन हि अनागतकालस्स विय पयोगो, यापेति इच्चेव अत्थो । अप्पाणकन्ति निरस्सासं निरोधितस्सासपस्सासं ।

समाधिगुणन्ति साधारणतो वुत्तमत्थं विवरति ज्ञानादिगहणेन । मानदब्बनिम्मदनेन निब्बिसेवनभावापादनम्पि दमनमेवाति वुत्तं “पाथिकपुत्तदमनादीनी”ति । आदि-सद्देन सच्चकाळवकवकदमनादीनं सङ्गहो । बावेरुन्ति एवंनामकं



विसयं । **सरसम्पन्नो**ति अट्टङ्गसमन्नागतेन सरेन समन्नागतो । तेन ब्रह्मस्सरताकरवीकभाणितादस्सनेन लक्खणहारनयेन अवसेसलक्खणपारिपूरिं विय तदविनाभावतो बुद्धानं देसनाविलासञ्च विभावेति ।

**हतप्पभाति** बुद्धानुभावेन विगततेजा । **काळपक्खूपमे**ति सत्तानं ब्यामोहन्धकाराभिभवेन काळपक्खरत्तूपमे । **सूरिये**ति सूरिये उदयित्वा ओभासेन्तेति अधिप्पायो ।

**सिङ्गाटके**ति तिकोणरच्छायं । **चतुक्के**ति सन्धियं । **परिदेवन्ती**ति अनुत्थुननवसेन विप्पलपन्ति । सोकाधिककतो हि वचीपलापो परिदेवो । **लोके उप्पज्जमानेयेव उप्पन्ना**ति अत्तनो दिट्ठिवादस्स पुरातनभावं दीपेन्ति ।

**सेसपदेसुपी**ति “इध दुतियो समणो”ति आदीसु सेसवारेसुपि (अ० नि० टी० २.४.२४१-२४२) यथा हि “विविच्चेव कामेही”ति (पारा० ११; दी० नि० १.२२६; सं० नि० २.१५२; अ० नि० ४.१२३) एत्थ कतो नियमो “विविच्च अकुसलेही”ति (पारा० ११; दी० नि० १.२२६; सं० नि० २.१५२; अ० नि० ४.१२३) एत्थापि कतोयेव होति सावधारणस्सेव अत्थस्स इच्छितब्बत्ता, एवमिधापीति । तेनाह “**दुतियादयोपी**”ति आदि । सामञ्जसफलाधिगमवसेन निष्परियायतो समणभावोति तेसं वसेनेत्थ चत्तारो समणा देसिताति तमत्थं सुत्तन्तरेन समत्थेतुं “**तेनेवाहा**”ति आदि वुत्तं । पटिपत्तिक्कमेन देसनावक्कमेन च सकदागामिआदीनं दुतियादिता वुत्ताति सोतापन्नस्स पठमता अवुत्तसिद्धाति न चोदिता । **फलट्ठकसमणाव अधिप्पेता** समितपापसमणगगहणतो । कस्मा पनेत्थ **महापरिनिब्बाने** विय मग्गट्ठा तदत्थाय पटिपन्ना च न गहिताति? वेनेय्यज्झासयतो । तत्थ हि मग्गाधिगमत्थाय विपस्सनापि इतो बहिद्धा नत्थि, कुतो मग्गफलानीति दस्सेन्तेन भगवता “जायस्स धम्मस्स पदेसवत्ती, इतो बहिद्धा समणोपि नत्थी”ति वुत्तं । इध पन निट्ठानप्पत्तमेव तंतंसमणभावं गणहन्तेन फलट्ठकसमणाव गहिता “मग्गट्ठतो फलट्ठो सविसेसं दक्खिणेय्यो”ति । स्वायमत्थो द्वीसु सुत्तेसु देसनाभेदेनेव विज्जायतीति ।

**रित्ता**ति विविक्ता । **तुच्छा**ति निस्सारा पटिपन्नकसाराभावतो । पवदन्ति एतेहीति **पवादा**, दिट्ठिगतिकानं नानादिट्ठिदीपका समयाति आह “**चत्तारो सस्सतवादा**”ति आदि । तत्थ यं वत्तब्बं, तं परतो आगमिस्सति । तेति यथावुत्तसमणा । **एत्था**ति “परप्पवादा”ति वुत्ते बाहिरकसमये ।

यन्ति यस्मिं । भुम्मत्थे हि इदं पच्चत्तवचनं । जायो वुच्चति सह विपस्सनाय अरियमग्गो । तेन हि निब्बानं जायति गम्मति पटिविज्झतीति । सो एव निब्बानसम्पापकहेतुताय धम्मोति आह “**जायस्स धम्मस्सा**”ति ।

**तेसं परप्पवादसासनानं अखेत्तता खेत्तता च अरियमग्गस्स** अभावभावा सुपरिसुद्धस्स सीलस्स सुपरिसुद्धाय समथविपस्सनाय **अभावतो सावतो च** । तदुभयञ्च दुरक्खातस्वाक्खातभावहेतुकं, सो च असम्मासम्बुद्धसम्मासम्बुद्धपवेदिततायाति पराजिकाय सत्थु विपत्तिहेतुताय सासनस्स अनिय्यानभावोति दस्सेति ।

इदानीं यथावुत्तमत्थं परियायतो च पाळिया च समत्थेतुं “**तेनाह भगवा**”ति आदिना पाळिं दस्सेत्वा उपमापदेसेन तत्थ सुत्तं विभावेन्तो “**यस्मा**”ति आदिमाह । तत्थ यस्मा एकच्चानं विसेसतो सीहानं पुरिमं पादद्वयं हत्थकिच्चम्पि करोति, तस्मा आह “**सुरत्तहत्थपादो**”ति । **सीहस्स केसा** नाम केसरायतना खन्धलोमा । **गोचरियहत्थिकुलं** नाम पकतिहत्थिकुलं, यं “**कालावक**”न्तिपि वुच्चति । **घोटको** नाम अस्सखळुङ्को । सिनेरुपरिभण्डे सिम्बलिरुक्खेहि सञ्छादितो पञ्जासयोजनो दहो सिम्बलिदहो, तं परिवारेत्वा महन्तं सिम्बलिवनं, तं सन्धायाह “**सिम्बलिदहवने**”ति ।

अञ्जतित्थावासभूमियं इमेसु समणेषु एकच्चो न उप्पज्जति, ईदिसो पनेत्थ विकप्पो नत्थि, सब्बेन सब्बं न उप्पज्जन्तेवाति दस्सेन्तो “**एकसमणोपी**”ति आह । **अरियमग्गपरिक्खते**ति अरियमग्गुप्पत्तिया अभिसङ्खते, यदा सासनिकानं सम्मापटिपत्तिया अरियमग्गो दिब्बति, तदाति अत्थो ।

**सम्मा**ति सुट्ठु । सुट्ठु नदनं नाम हेतुयुत्तं सुट्ठु कत्वा कथनन्ति आह “**हेतुना**”ति । सो च हेतु अविपरीतो एव इच्छितब्बोति आह “**नयेना**”ति, जायेनाति अत्थो । एवंभूतो च सो यथाधिप्पेतत्थं करोति साधेतीति दस्सेन्तो आह “**कारणेना**”ति । यदि तिरच्छानसीहस्स नादो सब्बतिरच्छानएकच्चमनुस्सामनुस्सनादतो सेट्ठत्ता सेट्ठनादो, किमङ्गं पन तथागतसीहनादोति आह “**सीहनादन्ति सेट्ठनाद**”न्ति । यदि तिरच्छानसीहनादस्स सेट्ठनादता निब्भयताय अप्पटिसत्तुताय इच्छिता, तथागतसीहनादस्सेव अयमत्थो सातिसयोति आह “**अभीतनादं अप्पटिनाद**”न्ति । इदानिस्स सेट्ठनादभावं कारणेन पटिपादेन्तो “**इमेसज्ही**”ति आदिमाह । तेन “**सम्मा**”ति वुत्तमत्थं समर्थेति । तत्थ **अत्थिताया**ति इमिना सीहनादस्स उत्तमत्थतं दस्सेति । भूतट्ठो हि उत्तमट्ठो । ताय एव भूतट्ठुताय अभीतनादताति दस्सेन्तो “**इमे समणा...पे०... नाम होती**”ति आह । अभूतज्झि वदतो कुतोचि भयं वा आसङ्का वा सियाति “**इधेवा**”ति नियमस्स अविपरीततं दस्सेन्तो “**अम्हाकम्पि...पे०... अप्पटिनादो नाम होती**”ति आह । यज्झि अञ्जत्थापि अत्थि, तं इधेवाति अवधारेतुं न युत्तन्ति ।

**१४०. खो**ति अवधारणे । तेन विज्जति एवाति दस्सेति । यन्ति करणत्थे पच्चत्तन्ति आह “**येन कारणेना**”ति । **तित्थं नाम द्वासट्ठि दिट्ठियो** तब्बिनिमुत्तस्स कस्सचि दिट्ठिविप्फन्दितस्स अभावतो । पारगमनसङ्घातं तरणं दिट्ठिगतिकानं (अ० नि० टी० २.३.६२) तत्थ तत्थेव अपरापरं उम्मुज्जननिमुज्जनवसेन पिलवनन्ति आह “**तरन्ति उप्पलवन्ती**”ति । **उप्पादेता**ति पूरणादिको । तित्थे जाताति **तित्थिया**, यथावुत्तं वा दिट्ठिगतसङ्घातं तित्थं एतेसं अत्थीति तित्थिका, तित्थिका एव **तित्थिया** । अस्ससन्ति एत्थ, एतेनाति वा **अस्सासो**, अवस्सयो ।

पकतत्थनिद्देशो यं-तं-सद्दोति तस्स “**भगवता**”ति आदीहि पदेहि समानाधिकरणभावेन वुत्तस्स येन अभिसम्बुद्धभावेन भगवा पकतो सत्थुभावेन अधिगतो सुपाकटो च, तं अभिसम्बुद्धभावं सद्धिं आगमनपटिपदाय अत्थभावेन दस्सेन्तो “**यो सो...पे०... अभिसम्बुद्धो**”ति आह । सतिपि जाणदस्सनसद्धानं इध पज्जावेवचनभावे तेन तेन विसेसेन नेसं सविसये विसेसप्पवत्तिदस्सनत्थं (सारत्थ० टी० परिवार ३.१) असाधारणविसेसवसेन विज्जात्तयवसेन विज्जाभिज्जानावरणवसेन सब्बज्जुतज्जाणमंसचक्खुवसेन पटिवेधदेसनाजाणवसेन च ते योजेत्वा दस्सेन्तो “**तेसं तेस**”न्ति आदिमाह । तत्थ **आसयानुसयं जानता** आसयानुसयजाणेन, **सब्बं जेय्यधम्मं पस्सता** सब्बज्जुतानावरणजाणेहि । **पुब्बेनिवासादीही**ति पुब्बेनिवासआसवक्खयजाणेहि । अनज्जसाधारणपुज्जानुभावनिब्बत्तो अनुत्तरजाणाधिगमलद्धपुरावत्तको च भगवतो रूपकायो अतिक्कम्मेव देवानं देवानुभावं वत्ततीति आह “**सब्बसत्तानं...पे०... पस्सता**”ति । **पटिवेधपज्जाया**ति मग्गपज्जाय । ताय हि सब्बसो जेय्यधम्मेषु सम्मोहस्स विधमितत्ता पच्छा पवत्तजाननं तस्स जाननं विय वुच्चति ।

**अरीनन्ति** किलेसारीनं, पञ्चविधमारानं वा सासनपच्चत्थिकानं वा अञ्जतित्थियानं, तेसं हननं पाटिहारियेहि अभिभवनं अप्पटिभानताकरणं अज्झुपेक्खनं वा । **केसिविनयसुत्तज्जेत्थ** (अ० नि० ४.१११) निदस्सनं । तथा च ठानाट्ठानादीनि वा **जानता**, यथाकम्मुपगे सत्ते **पस्सता**, सवासनानमासवानं खीणत्ता **अरहता**, अभिज्जेय्यादिभेदे धम्मे अभिज्जेय्यादितो अविपरीतावबोधेन **सम्मासम्बुद्धेन** । अथ वा तीसु कालेषु अप्पटिहतजाणताय **जानता**, कायकम्मादीनं जाणानुपरिवत्तनेन निसम्मकारिताय **पस्सता**, रवादीनम्पि (सारत्थ० टी० परिवार ३.१) अभावसाधिकाय पहानसम्पदाय **अरहता**, छन्दादीनं अहानिहेतुभूताय अक्खयपटिभानसाधिकाय सब्बज्जुताय **सम्मासम्बुद्धेन** । एवं

दसबलअट्टारसावेणिकबुद्धधम्मवसेनपि योजना वेदितब्बा । येति चतुरो धम्मे । अत्तनीति अम्हेसु । न राजराजमहामत्तादीसु उपत्थम्भं सम्पस्समाना, न कायबलं सम्पस्समानाति योजना ।

**उप्पन्नपसादो**ति अवेच्चप्पसादं वदति । वक्खति हि “चत्तारि सोतापन्नस्स अङ्गानि कथितानी”ति (म० नि० अट्ठ० १.१४०) । कामं असेक्खापि असेक्खाय समसिक्खताय सहधम्मिका एव, चिण्णब्रह्मचरियताय पन सहधम्मं चरन्तीति न वत्तब्बाति असेक्खवारो न गहितो । **सब्बेपेते**ति एते यथावुत्ता भिक्खुआदयो सोतापन्नादयो च पुथुज्जना अरिया चाति सब्बेपि एते तंतंसिक्खाहि समानधम्मत्ता सहधम्मत्ता “**सहधम्मिका**”ति वुच्चन्ति । इदानीं निब्बत्तिअरियधम्मवसेनेव सहधम्मिके दस्सेन्तो “**अपिचा**”तिआदिमाह । **मग्गदस्सनम्ही**ति परिज्जाभिसमयादिवसेन सच्चपटिवेधेन “नव मग्गङ्गानि, अट्ठ बोज्झङ्गानी”तिआदिना विवादो नत्थि । **एकधम्मचारिताया**ति समानधम्मचारिताय । न हि पटिविद्धसच्चानं “मया धम्मो सुदिट्ठो, तथा दुद्धिट्ठो”तिआदिना विवादो अत्थि । दिट्ठिसीलसामञ्जेन सङ्घाता हि ते उत्तमपुरिसा । **इमिना**ति “सहधम्मिका खो पना”तिआदिवचनेन । तत्थ **पियमनापग्गहणेन** सीलेसु परिपूरकारितापदेसेन एकदेसेन गहितं सङ्घसुप्पटिपत्तिं परिपुण्णं कत्वा दस्सेति । ये हि सम्पन्नसीला सुविसुद्धदस्सना, ते विज्जूनं पिया मनापाति । **एत्तावता**ति “अत्थि खो नो आवुसो”तिआदिनयप्पवत्तेन रतनत्तयपसादजोतनेन **अक्खाता** तेसु तेसु सुत्तपदेसेसु ।

**१४१. सत्थरि पसादो**ति पसादग्गहणेन “भगवता”तिआदिना वा पसादनीया धम्मा गहिता । तेन बुद्धसुबुद्धतं दस्सेति, तथा “**धम्मे पसादो**”ति इमिना धम्मसुधम्मतं, इतरेण सङ्घसुप्पटिपन्नतं । येन चित्तेन अज्जत्थ अनुपलब्धमानेन सासनेयेव समणो इतो बहिद्भा नत्थीति अयमत्थो, सम्मदेव, पतिट्ठापितोति वेदितब्बं । तत्रायं योजना — यस्मा सम्मासम्बुद्धो अम्हाकं सत्था, तस्मा अत्थि खो नो, आवुसो, सत्थरि पसादो, सम्मासम्बुद्धत्ता चस्स स्वाखातो धम्मोति अत्थि धम्मे पसादो, ततो एव च अत्थि सीलेसु परिपूरकारिताति सहधम्मिका...पे०... पब्बजिता चाति एवमेत्थ सत्थरि पसादेन धम्मे पसादो, तेन सङ्घसुप्पटिपत्तीति अयञ्च नयो लेसेनपि परप्पवादेसु नत्थीति इधेव समणो...पे०... समणेहि अज्जेहीति ।

पटिविद्धसच्चानं पहीनानुरोधानं गेहस्सितपेमस्स असम्भवो एवाति “**इदानी**”ति वुत्तं । यदि एवं “उपज्जायेन, भिक्खवे, सद्धिविहारिकम्हि पुत्तपेमं उपट्ठपेतब्बं”तिआदिवचनं (महाव० ६५) कथन्ति? नयिदं गेहस्सितपेमं सन्धाय वुत्तं, तंसदिसत्ता पन पेममुखेन वुत्तो मेत्तास्सेहो । न हि भगवा भिक्खू संकिलेसे नियोजेति । **एवरूपं पेमं सन्धाया**ति पसादावहगुणावहतो पूरणादीसु भत्ति पसादो न होति, पसादपतिरूपका पन लोभपवत्तीति दट्ठब्बा । **थेरो**ति महासङ्घरक्खितत्थेरो । येन **अट्ठकथा** पोत्थकं आरोपिता । **एकोव सत्था** अनज्जसाधारणगुणत्ता, अज्जत्था अनच्छरियत्ता सत्थुलक्खणमेव न परिपूरेय्य । **विसुं कत्वा**ति अज्जेहि विवेचेत्वा अत्तनो आवेणिकं कत्वा । “अम्हाकं सत्था”ति ब्यावदन्तानं अज्जेसं सत्था न होतीति अत्थतो आपन्नमेव होति, तथा च पदेसवत्तिनिं तस्स सत्थुत्तं पटिजानन्ता परिपुण्णलक्खणसत्थुत्तं इच्छन्तानम्पि ततो विरुद्धा सत्थुभावपरियेसनेन पराजिता होन्ति । **परियत्तिधम्मे**ति अधिकब्रह्मगुणसुत्तगेय्यादिप्पभेदसमये । तत्थ **अजसील...पे०... कुक्कुरसीलादीसू**ति इदं येभुय्येन अज्जतित्थियानं तादिसं वतसमादानसम्भावतो वुत्तं, **आदि**-सद्देन यमनियमचातुयामसंवरादीनं सङ्गहोति । **अधिप्पयासो**ति अधिकं पयसति पयुज्जति एतेनाति अधिप्पयासो, सविसेसं अधिकत्तब्बकिरिया (अ० नि० टी० २.३.११७) । तेनाह “**अधिकप्पयोगो**”ति ।

**तस्स पसादस्स परियोसानभूता**ति तस्स सत्थरि धम्मे च पसादस्स निट्ठानभूता । **निट्ठा**ति मोक्खो । समयवादीनज्झि तस्मिं तस्मिं समये तदुपदेसके च पसादो यावदेव मोक्खाधिगमनट्ठो । दिट्ठिगतिका तथा तथा अत्तनो लद्धिवसेन निट्ठं

परिकल्पेन्ति येवाति आह “निदुं अपञ्चपेन्तो नाम नत्थी”ति । ब्राह्मणानन्ति ब्राह्मणवादीनं । तेसं एकच्चे ब्रह्मना सलोकता निदुति वदन्ति, एकच्चे तस्स समीपता, एकच्चे तेन संयोगो निदुति वदन्ति । तत्थ ये सलोकतावादिनो समीपतावादिनो च, ते द्वेधावादिनो, इतरे अद्वेधावादिनो । सब्बेपि ते अत्थतो ब्रह्मलोकपत्तिरयंवेव निदुसज्जिनो । तत्थ हि नेसं निच्चाभिनिवेशो यथा तं बकस्स ब्रह्मनो । तेन वुत्तं “ब्रह्मलोको निदु”ति । ब्रह्मलोकोति पठमज्ज्ञानभूमि । महातापसानन्ति वेखनसादितापसानं । महाब्रह्मा विय पठमज्ज्ञानभूमियं आभस्सरेसु एको सब्बसेट्ठो नत्थीति “आभस्सरा”ति पुथुवचनं । परिब्बाजकानन्ति सज्जयादिपरिब्बाजकानं । अन्तो च मनो च एतस्स नत्थीति अनन्तमानसो । आजीवकानज्हि सब्बदाभावतो अनन्तो, सुखदुक्खादिसमतिक्कमनतो अमानसो । इमिना अट्ठहि लोकधम्मोहि उपक्किलिडुचित्तं दस्सेति ।

पपञ्चे यं वत्तब्बं, तं हेट्ठा वुत्तमेव । तण्हादिद्वियोव अधिप्पेता ममङ्कारअहङ्कारविगमस्स अधिप्पेतत्ता । यथा पञ्चसु ठानेसु एकोव किलेसो लोभो आगतो, एवं द्वीसु ठानेसु तयो किलेसा आगता “दोसो मोहो दिट्ठी”ति । “सदोसस्सा”ति हि वुत्तद्वाने पटिघं अकुसलमूलं गहितं, “पटिविरुद्धस्सा”ति विरोधो, “समोहस्सा”ति मोहो अकुसलमूलं, “अविदुसुनो”ति मत्थं, असम्पज्जं वा, “सउपादानस्सा”ति “नत्थि दिन्न”न्तिआदिना नयेन गहणं, “पपञ्चारामस्सा”ति पपञ्चुप्पत्तिवसेन ।

आकारतोति पवत्तिआकारतो । पदन्तरेण रागविसेसस्स वुच्चमानत्ताआदितो वुत्तं सरागवचनं ओळारिकं रागविसयन्ति आह “पञ्चकामगुणिकरागवसेना”ति । गहणवसेनाति दळ्ळगगहणवसेन । “अनुरुद्धपटिविरुद्धस्सा”ति एकपदवसेन पाळियं आगतत्ता एकज्झं पदुद्धारो कतो । तत्थ पन “अनुरुद्धस्सा”ति सुभवसेनाति एवमत्थो वत्तब्बो । न हि पटिविरुद्धं सुभवसेन होति । पपञ्चुप्पत्तिदस्सनवसेनाति किलेसकम्मविपाकानं अपरापरुप्पत्तिपच्चयताय संसारस्स पपञ्चनं पपञ्चो, तस्स उप्पत्तिहेतुभावदस्सनवसेन । तण्हा हि भवुप्पत्तिया विसेसपच्चयो । तण्हापच्चया उपादानदस्सनवसेनाति तण्हापच्चयस्स उपादानस्स दस्सनवसेन, यदवत्था तण्हा उपादानस्स पच्चयो, तदवत्थादस्सनवसेन । फलेन हि हेतुविसेसकित्तनमेतन्ति । एवं विद्धंसेथाति कामरागभवतण्हादिवसेन लोभं कस्मा एवं विप्पकिरेथ । तण्हाकरणवसेनाति तण्हायनकरणवसेन सुभाकारगगहणवसेन । सुभन्ति हि आरम्माणे पवत्तो रागो “सुभ”न्ति वुत्तो ।

१४२. वदन्ति एतेनाति वादो, दिट्ठिवादो । दिट्ठिवसेन हि “सस्सतो अत्ता च लोको च, असस्सतो अत्ता च लोको च”ति च दिट्ठिगतिका पञ्चपेन्ति । तेनाह “द्वेमा, भिक्खवे, दिट्ठियो”ति (म० नि० १.१४२) । तण्हारहिताय दिट्ठिया अभावतो तण्हावसेनेव च अत्तनो सस्सतभावाभिनिवेशोति कत्वा वुत्तं “तण्हादिट्ठिवसेना”ति । अल्लीनाति निस्सिता । उपगताति अविस्सज्जनवसेन एकभावमिव गता । अज्झोसिताति ताय दिट्ठिया गिलित्वा परिनिदुपिता विय तदन्तो गथा । तेनाह “अनुपविट्ठा”ति । यथा गहट्ठानं कामज्झोसानं विवादमूलं, एवं पब्बजितानं दिट्ठज्झोसानन्ति आह “विभवदिट्ठिया ते पटिविरुद्धा”ति । दिट्ठिविरोधेन हि दिट्ठिगतिकविरोधो ।

खणिकसमुदयो उप्पादक्खणोति आह “दिट्ठिनं निब्बत्ती”ति । दिट्ठिनिब्बत्तिगहणेनेव चेत्य यथा दिट्ठिनं पटिच्चसमुप्पन्नता विभाविता, एवं दिट्ठिवत्थुनोपीति उभयेसम्पि अनिच्चता दुक्खता अनत्तता च विभाविताति दट्ठब्बं । यानि पटिसम्भिदानयेन (पटि० म० १.१२२) “पच्चयसमुदयो अट्ठ ठानानी”ति वुत्तानि, तानि दस्सेन्तो “खन्धापी”तिआदिमाह । तत्थ खन्धापि दिट्ठिद्वानं आरम्माणेन “रूपं अत्ततो समनुपस्सती”तिआदिवचनतो (सं० नि०

३.८१; ४.३४५)। **अविज्जापि दिट्ठिद्वानं** उपनिस्सयादिवसेन पच्चयभावतो। यथाह — “अस्सुतवा, भिक्खवे, पुथुज्जनो अरियानं अदस्सावी अरियधम्मस्स अकोविदो”तिआदि (म० नि० १.२, ४६१; सं० नि० ३.१, ७)। **फस्सोपि दिट्ठिद्वानं**। यथा चाह “तदपि फस्सपच्चया (दी० नि० १.११८-१३०), फुस्स फुस्स पटिसंवेदियन्ती”ति (दी० नि० १.१४४) च। **सज्जापि दिट्ठिद्वानं**। वुत्तज्हेतं “सज्जानिदाना हि पपञ्चसङ्गाति (सु० नि० ८८०), पथविं पथवितो सज्जत्वा”ति (म० नि० १.२) च आदि। **वितक्कोपि दिट्ठिद्वानं**। वुत्तम्पि चेत् “तक्कञ्च दिट्ठीसु पकप्पयित्वा, सच्चं मुसाति द्वयधम्ममाहू”ति (सु० नि० ८९२; महानि० १२१) “तक्की होति वीमंसी”ति (दी० नि० १.३४) च आदि। **अयोनिमनसिकारोपि दिट्ठिद्वानं**। यथाह भगवा “तस्सेव अयोनिमनसिकरोतो छन्नं दिट्ठीनं अज्जतरा दिट्ठि उप्पज्जति, अत्थि मे अत्ताति अस्स सच्चतो थेततो दिट्ठि उप्पज्जती”तिआदि (म० नि० १.१९)। समुट्ठाति एतेनाति समुट्ठानं, तस्स भावो **समुट्ठानट्ठो**, तेन। **खणिकत्थङ्गमो** खणिकनिरोधो। **पच्चयत्थङ्गमो** अविज्जादीनं अच्चन्तनिरोधो। सो पन येन होति, तं दस्सेन्तो “**सोतापत्तिमग्गो**”ति आह। चत्तारो हि अरियमग्गा यथारहं तस्स तस्स सङ्खारगतस्स अच्चन्तनिरोधहेतु, खणिकनिरोधो पन अहेतुको।

**आनिसंसन्ति** उदयं। सो पन दिट्ठधम्मिकसम्परायिकवसेन दुविधो। तत्थ सम्परायिको दुग्गतिपरिकिलेसतायआदीनवपक्खिको एवाति इतरं दस्सेन्तो “**यं सन्धाया**”तिआदिमाह। **आदीनवम्पि** दिट्ठधम्मिकमेव दस्सेन्तो “**दिट्ठिग्गहणमूलकं उपद्व**”न्तिआदिमाह। **सोति**आदीनवो। **आदीनन्ति आदि-**सद्देन नगियानसनसङ्कटिवतादीनं सङ्गहो। निस्सरति एतेनाति निस्सरणन्ति वुच्चमाने दस्सनमग्गो एव दिट्ठीनं निस्सरणं सिया, तस्स पन अत्थङ्गमपरियायेन गहितत्ता सब्बसङ्खतनिस्सटं निब्बानं दिट्ठीहिपि निस्सटन्ति कत्वा वुत्तं “**दिट्ठीनं निस्सरणं नाम निब्बानं**”न्ति। **इमिनाति**आदीसु वत्तब्बं अनुयोगवत्ते वुत्तनयमेव।

**१४३. दिट्ठिच्छेदनं दस्सेन्तोति** सब्बुपादानपरिज्जादस्सनेन सब्बसो दिट्ठीनं समुच्छेदविधिं दस्सेन्तो। **वुत्तायेवाति** —

“उपादानानि चत्तारि, तानि अत्थविभागतो।

धम्मसङ्खेपवित्थारा, कमतो च विभावये”ति॥ (विसुद्धि० २.६४५) —

गाथं उद्दिसित्वा अत्थविभागादिवसेन वुत्तायेव। कामं इतो बाहिरकानं “इमानि उपादानानि एत्तकानि चत्तारि, न इतो भिय्यो”ति ईदिसं जाणं नत्थि, केवलं पन केचि “कामा पहातब्बा”ति वदन्ति, केचि “नत्थि परो लोकोति च, मिच्छा”ति वदन्ति, अपरे “सीलब्बतेन सुद्धीति च, मिच्छा”ति वदन्ति, अत्तदिट्ठिया पन मिच्छाभावं सब्बसो न जानन्ति एव। यत्तकं पन जानन्ति, तस्सपि अच्चन्तप्पहानं न जानन्ति, तथापि सब्बस्स परिज्जेय्यस्स परिज्जेय्यं पज्जपेमइच्चेव तिट्ठन्ति। एवंभूतानं पन नेसं तत्थ यादिसी पटिपत्ति, तं दस्सेन्तो सत्था “**सन्ति, भिक्खवे**”तिआदिमाह। तत्थ **सन्तीति** संविज्जन्ति। तेन तेसं दिट्ठिगतिकानं विज्जमानताय अविच्छेदतं दस्सेति। **एकेति** एकच्चे। **समणब्राह्मणाति** पब्बज्जुपगमनेन समणा, जातिमत्तेन च ब्राह्मणा। **सब्बेसन्ति** अनवसेसानं उपादानानं **समतक्कमं** पहानं। **सम्मा न पज्जपेन्तीति** येसं पज्जपेन्ति, तेसम्पि सम्मा परिज्जं न पज्जपेन्ति। इदानीं तं अत्थं वित्थारतो दस्सेतुं “**केची**”तिआदि वुत्तं। तत्थ होतिक-कुटीचक-बहूदक-हंस-परमहंस-काजक-तिदण्ड-मोनवत-सेव-पारुपक-पञ्चमरत्तिक-सोमकारक-मुगब्बत-चरबाक-तापस-निगन्था-जीवक-इसि-पारायनिक-पञ्चातपिक-कापिल-काणाद-संसारमोचक-अग्गिभत्तिक-मगवतिक-गोवतिक-कुक्कुरवतिक-कामण्डलुक-वग्गुलिवतिक-एकसाटक-ओदकसुद्धिक-सरीरसन्तापक-सीलसुद्धिक-ज्ञानसुद्धिक-चतुब्बिध-सस्सतवादादयो छन्नवुत्ति तण्हापासेन डंसनतो, अरियधम्मस्स वा विबाधनतो **पासण्डा**। **वत्थुपटिसेवनं**

कामन्ति व्यापारस्स वत्थुनो पटिसेवनसङ्घातं कामं । **थेय्येन सेवन्तीति** पटिहत्थआदिसमञ्जाय लोकस्स वचनवसेन सेवन्ति । **तीणि कारणानीति** “नत्थि दिन्न”न्तिआदिनयप्पवत्तानि दिट्ठिविसेसभूतानि वट्टकारणानि ।

**अत्थसल्लापिकाति** अत्थस्स सल्लापिका, द्विन्नं अधिप्पेतत्थसल्लापविभाविनीति अधिप्पायो । द्विन्नज्झि वचनं सल्लापो । तेनाह “**पथवी किरा**”तिआदि ।

यो तित्थियानं अत्तनो सत्थरि धम्मे सहधम्मिकेसु च पसादो वुत्तो, तस्स अनायतनगतत्ता अप्पसादकभावदस्सनं पसादपच्छेदो । तथापवत्तो वादो **पसादपच्छेदवादो** वुत्तो । **एवरूपेति** ईदिसे वुत्तनयेन किलेसानं अनुपसमसंवत्तनिके । **धम्मेति** धम्मपतिरूपके । **विनयेति** विनयपतिरूपके । तित्थिया हि कोहज्जे ठत्वा लोकं वज्जेन्ता धम्मं कथेमाति “सत्तिमे काया अकटा अकटविधा”तिआदिना (दी० नि० १.१७४) यं किञ्चि कथेत्वा तथा “विनयं पज्जपेमा”ति गोसीलवग्गुलिवतादीनि पज्जपेत्वा तादिसं सावके सिक्खापेत्वा “धम्मविनयो”ति कथेन्ति, तं सन्धायेतं वुत्तं “धम्मविनये”ति । तेनाह “**उभयेनपि अनिय्यानिकं सासनं दस्सेती**”ति । परित्तम्पि नाम पुज्जं कातुकामं मच्छेरमलाभिभूतताय निवारन्तस्स अन्तरायं तस्स करोतो दिट्ठेव धम्मे विज्जूहि गरहितब्बता सम्पराये च दुग्गति पाटिकङ्का, किमङ्गं पन सकलवट्टदुक्खनिस्सरणावहे जिनचक्के पहारदायिनो तित्थकरस्स तदोवादकरस्स चाति इममत्थं दस्सेन्तो “**अनिय्यानिकसासनमहि ही**”तिआदिमाह । यथा सो पसादो सम्पराये न सम्मग्गतो अत्तनो पवत्तिवसेनाति दस्सेन्तो “**कञ्चि कालं गन्त्वापि पच्छा विनस्सति येवा**”ति आह, अवेच्चप्पसादो विय अच्चन्तिको न होतीति अत्थो ।

**सम्पज्जमाना** यथाविधिपटिपत्तिया **तिरच्छानयोनिं आवहति** । कम्मसरिक्खकेन हि विपाकेनेव भवितब्बं । **सब्बम्पि कारणभेदन्ति** सब्बम्पि यथावुत्तं तित्थकरानं सावकानं अपायदुक्खावहं मिच्छापटिपत्तिसङ्घातं कारणविसेसं । **सो पनेस** पसादो न निय्याति मिच्छत्तपक्खिकत्ता सुरापीतसिङ्गाले पसादो विय । सुरं परिस्सावेत्वा छट्ठितकसटं **सुराजल्लिकं** । ब्राह्मणा नाम धनलुब्धाति अधिप्पायेनाह “**इमं वज्जेस्सामी**”ति । **कंससताति** कहापणसता ।

**१४४. तस्साति** पसादस्स । सब्बोपि लोभो कामुपादानन्तेव वुच्चतीति आह “**अरहत्तमग्गेन कामुपादानस्स पहानपरिज्ज**”न्ति । **एवरूपेति** ईदिसे सब्बसो किलेसानं उपसमसंवत्तनिके । यथानुसिद्धं पटिपज्जमानानं अपायेसु अपतनवसेन धारणद्वेन **धम्मे** । सब्बसो विनयनद्वेन **विनये** । तत्थ भवदुक्खनिस्सरणाय संवत्तने ।

**नमस्समानो अट्ठासि** द्वे असङ्ख्येय्यानि पच्चेकबोधिपारमीनं पूरणेन तत्थ बुद्धसासने परिचयेन च भगवति पसन्नचित्तताय च । “**उलूका**”त्यादिगाथा रुक्खदेवताय भासिता । **कालुट्ठितन्ति** सायन्हकाले दिवाविहारतो उट्ठितं । **दुग्गतेसो न गच्छतीति** दुग्गतिं एसो न गमिस्सति । **मोरजिको** मुरजवादको । **महाभेरिवादकवत्थु**आदीनिपि सितपातुकरणं आदिं कत्वा वित्थारेतब्बानि ।

**परमत्थेति** लोकुत्तरधम्मे । **किं पन वत्तब्बन्ति** धम्मेपि परमत्थे निमित्तं गहेत्वा सुणन्तानं । **सामणेरवत्थूति** पब्बजितदिवसेयेव सप्पेन दट्ठो हुत्वा कालं कत्वा देवलोकं उपपन्नसामणेरवत्थु ।

**खीरोदनन्ति** खीरेन सद्धिं सम्मिस्सं ओदनं । **तिम्बरुसकन्ति** तिन्दुकफलं । तिपुससदिसा एका वल्लिजाति तिम्बरुसं, तस्स फलं तिम्बरुसकन्ति च वदन्ति । **कक्कारिकन्ति** खुद्दकएलाळुकं । महातिपुसन्ति च वदन्ति । **वल्लिपक्कन्ति** खुद्दकतिपुसवल्लिया फलं । **हत्थपतापकन्ति** मन्दामुखि । **अम्बकज्जिकन्ति** अम्बिलकज्जिकं । खळयागुन्तिपि वदन्ति ।

दोणिनिम्मज्जनिन्ति सतेलं तिलपिज्जाकं । विधुपनन्ति चतुरस्सबीजनिं । तालवण्टन्ति तालपत्तेहि कतमण्डलबीजनिं । मोरहत्थन्ति मोरपिज्जेहि कतं मकसबीजनिं ।

वुत्तनयानुसारेनेवाति यस्मा इधापि यथावुत्तं सब्बम्पि कारणभेदं एकतो कत्वा दस्सेन्तो सत्था “तं किस्स हेतू”न्तिआदिमाह, तस्मा तत्थ अनिय्यानिकसासने वुत्तनयस्स अनुस्सरणवसेन योजेत्वा वेदितब्बं ।

१४५. परिज्जन्ति पहानपरिज्जं । तेसं पच्चयं दस्सेतुन्ति उपादानानं परिज्जा नाम पहानपरिज्जा । तेसं अच्चन्तनिरोधो अधिप्पेतो, सो च पच्चयनिरोधेन होतीति तेसं पच्चयं मूलकारणतो पभुति दस्सेतुं । अयन्ति इदानि वुच्चमानो एत्थ “इमे चा”तिआदिपाठे “किं निदाना”तिआदिसमासपदानं अत्थो । सब्बपदेसूति “तण्हासमुदया”तिआदीसु सब्बेसु पदेसु । इमिना एव च सब्बगहणेन “फस्सनिदाना”तिआदीनम्पि पदानं सङ्गहो दट्ठब्बो । इमे अज्जतित्थिया उपादानानम्पि समुदयं न जानन्ति, कुतो निरोधं, तथागतो पन तेसं तप्पच्चयपच्चयानम्पि समुदयज्ज अत्थङ्गमज्ज याथावतो जानाति, तस्मा — “इधेव, भिक्खवे, समणो... पे... सुज्जा परप्पवादा समणेभि अज्जेही”ति (म० नि० १.१३९) यथारद्धसीहनादं मत्थकं पापेत्वा दस्सेन्तो “इमे च, भिक्खवे, चत्तारो उपादाना”तिआदिना (म० नि० १.१४५) नयेन देसनं पटिच्चसमुप्पादमुखेन ओतारेन्तो वट्ठं दस्सेत्वा “यतो च खो”तिआदिना विवट्ठं दस्सेन्तो अरहत्तेन देसनाय कूटं गण्हि, तमत्थं दस्सेन्तो “यस्मा पन भगवा”तिआदिमाह । तं सुविज्जेय्यमेव ।

चूळसीहनादसुत्तवण्णनाय लीनत्थप्पकासना समत्ता ।

## २. महासीहनादसुत्तवण्णना

### वेसालीनगरवण्णना

१४६. अपरापरन्ति पुनप्पुनं । विसालीभूततायाति गावुत्तन्तरं गावुत्तन्तरं पुथुभूतताय । तत्राति तस्सं विसालीभूततायं । छट्ठितमत्तेति विस्सट्ठमत्ते । ऊमिभयादीहीति ऊमिकुम्भीलआवट्टसंसुकाभयेहि । उदकप्पवाहेनागतस्सपि च उस्मा न विगच्छति, उस्मा च नाम ईदिसस्स सविज्जाणकताय भवेय्याति “सिया गब्भो”ति चिन्तेसि । तथा हीतिआदि तत्थ कारणचिन्ता । पुज्जवन्तताय दुग्गन्धं नाहोसि, सउसुमताय पूतिकभावो । दारकानं पुज्जूपनिस्सयतो अङ्गुट्टकतो चस्स खीरं निब्बन्ति, खीरभत्तज्ज लभि । चरिमकभवे बोधिसत्ते कुच्छिगते बोधिसत्तमातु विय उदरच्छविया अच्छविप्पसन्नताय निच्छवि वियाति कत्वा आह “निच्छवी अहेसु”न्ति । तेसन्ति द्विन्नं दारकानं । मातापितरोति पोसकमातापितरो । अभिसिञ्चित्वा राजानं अकंसु रज्जसम्पत्तिया दायकस्स कम्मस्स कतत्ता, असम्भिन्ने एव राजकुले उप्पन्नत्ता च । कुमारस्स पुज्जानुभावसज्जोदिता देवताधिगगहिताति केचि ।

पुरस्स अपरेति पुरस्स अपरदिसाय गावुत्तमत्ते ठाने जीवकम्बवनं विय सपाकारमन्दिरके । अचिरपक्कन्तोति एत्थ न देसन्तरपक्कमनं अधिप्पेतं, अथ खो सासनतो अपक्कमनन्ति दस्सेन्तो “विब्भमित्वा”तिआदिमाह । तेनेवाह “इमस्मा धम्मविनया”ति । परिसतीति परिसायं, जनसमूहेति अत्थो । जनसमूहगतो पन “परिसमज्जे”ति वुत्तो । भावनामनसिकारेन विना पकतियाव मनुस्सेहि निब्बत्तेतब्बो धम्मोति मनुस्सधम्मो, मनुस्सत्तभावावहो वा धम्मो मनुस्सधम्मो, अनुळारं परित्तकुसलं । यं असतिपि बुद्धप्पादे वत्तति, यज्ज सन्धायाह “हीनेन ब्रह्मचरियेन, खत्तिये उपपज्जती”ति । “अम्हाकं बुद्धो”ति बुद्धे ममत्तकारिनो बुद्धमामका । सेसपदद्वयेपि एसेव नयो ।

## उत्तरिमनुस्सधम्मादिवण्णना

अलं अरियाय अरियभावायाति **अलमरियो**, रूपायतनं जानाति चक्खुविज्जाणं विय पस्सति चाति **जाणदस्सनं**, दिब्बचक्खु। सम्मसनुपगे च पन धम्मे लक्खणत्तयञ्च तथा जानाति पस्सति चाति **जाणदस्सनं**, विपस्सना। निब्बानं, चत्तारि वा सच्चानि असम्मोहपटिवेधतो जानाति पस्सति चाति **जाणदस्सनं**, मग्गो। फलं पन निब्बानवसेनेव योजेतब्बं। पच्चवेक्खणा मग्गाधिगतस्स अत्थस्स पच्चक्खतो जाननट्ठेन **जाणदस्सनं**, सब्बञ्जुता अनावरणताय समन्तचक्खुताय च **जाणदस्सनं**। **लोकुत्तरमग्गो अधिप्पेतो**, तस्मिञ्च पटिसिद्धे सब्बेसम्पि बुद्धगुणानं असम्भवोति अधिप्पायो। तेनाह “तज्जि सो भगवतो पटिसेधेती”ति।

**सुखुमं धम्मन्तरं** नाम ज्ञानविपस्सनादिकं आचरियानुग्गहेन **गहितं नाम नत्थि**। **तक्कपरियाहतन्ति** “इति भविस्सति, एवं भविस्सती”ति तंतंदस्सेतब्बमत्थतक्कनेन वितक्कनमत्तेन परितो आहतं परिवर्तितं कत्वा। तेनाह “तक्केत्वा”तिआदि। **लोकियपञ्जं अनुजानाति** उपनिसिन्नपरिसाय अनुकूलधम्मकथनतोति अधिप्पायो। तेनाह “**समणो गोतमो**”तिआदि। पटिभातीति पटिभानं, “इति वक्खामी”ति एवंपवत्तं कथनचित्तं, ततो पटिभानतो जाननं पटिभानं, आगमाभावतो सयमेव उपट्ठितत्ता **सयंपटिभानं**। तेनाह “**इमिनास्स धम्मेसु पच्चक्खभावं पटिबाहती**”ति। **सुफुसितन्ति** निब्बिवरं। अफुसितत्ते हि सुखेन वचीघोसो न निच्छरति। **दन्तावरणन्ति** ओट्टद्वयं। जिक्खापि थद्धताय सुखेन वचीघोसो न निच्छरतीति आह “**मुदुका जिक्खा**”ति। करवीकरुतमञ्जुताय **मधुरो सरो**। एलं वुच्चति दोसो, एलं गळतीति एलगळा, न एलगळा **अनेलगळा**, निदोसा, न रुज्झतीति अत्थो। सब्बमेतं रज्जनस्सेव कारणं दस्सेन्तो वदति।

**पञ्च धम्माति** गम्भीरजाणचरियभूतानं खन्धादीनं उग्गहण-सवन-धारण-परिचय-योनिमोमनसिकारे सन्धायाह। **तक्करस्स सम्मा दुक्खक्खयायाति** एत्थ **सम्मा**-सद्दो उभयत्थापि योजेतब्बो “सम्मा तक्करस्स सम्मा दुक्खक्खयाया”ति। यो हि सम्मा धम्मं पटिपज्जति, तस्सेव सम्मा दुक्खक्खयो होति। यो पन वुत्तनयेन तक्करो, तस्स निव्यानं अत्थतो धम्मस्सेव निव्यानन्ति आह “**सो धम्मो...पे०... निव्याति गच्छती**”ति।

**१४७. कोधनोति** कुज्झनसीलो। यस्मा पन सुनक्खतो कोधवसेन कुरुरो फरुसवचनो च, तस्मा आह “**कोधनोति चण्डो फरुसो चा**”ति। तस्मिं अत्तभावे मग्गफलानं उपनिस्सयो नत्थीति तस्मिं अत्तभावे उपपज्जनारहानं मग्गफलानं उपनिस्सयो नत्थि। तं बुद्धा “**मोघपुरिसो**”ति वदन्ति यथा तं सुदिन्नलाळुदायिआदिके। **उपनिस्सये सतिपि तस्मिं खणे मग्गे वा फले वा असति** “**मोघपुरिसो**”ति वदन्ति यथा तं धनियूपसेनत्थेरादिके। समुच्छिन्नोपनिस्सये पन वत्तब्बमेव नत्थि। यथा “मक्खलि मोघपुरिसो मनुस्सखिप्पं मज्जे”ति (अ० नि० १.३११) तथा सुनक्खतोपीति आह “**इमस्स पना**”तिआदि। अस्साति एतेन। कत्तरि हिदं सामिवचनं। **कोधेनाति** कोधहेतुना।

**भगवतोति** सम्पदानवचनं कुद्धपदापेक्खाय। **पुब्बेति** भिक्खुकाले। **सदं सोतुकामोति** सो किर दिब्बचक्खुना तावतिंसभवने देवतानं रूपं पस्सन्तो ओट्टचलनं पस्सति, न पन सदं सुणाति, तस्मा तासं सदं सोतुकामो अहोसि। तेन वुत्तं “**सदं सोतुकामो...पे०... पुच्छी**”ति। सो च अतीते एकं सीलवन्तं भिक्खुं कण्णसक्खलियं पहरित्वा बधिरमकासि, तस्मा परिकम्मं करोन्तोपि अभब्बोव दिब्बसोताधिगमाय। तं सन्धाय वुत्तं “**उपनिस्सयो नत्थीति जत्वा परिकम्मं न कथेसी**”ति। **चिन्तेसीति** अत्तनो मिच्छापरिवितक्कितेन अयोनिसो उम्मुज्जन्तो चिन्तेसि।

निव्यानिकत्तावबोधनतो अभेदोपचारेन “**देसनाधम्मो निव्यानिको**”ति वुत्तो। निव्यानो वा अरियमग्गो बोधेतब्बो



एतस्स अत्थीति निव्यानिको देसनाधम्मो। अत्तनि अत्थितं दस्सेति किच्चसिद्धिदस्सनेन तत्थ तत्थ पाकटीकतत्ता, न पटिज्जामत्तेन। तथा हि यथापराधं तंतंसिक्खापदपञ्जत्तिया यथाधम्मं वेनेय्यज्झासयानुरूपञ्च अविपरीतधम्मदेसनाय देवमनुस्सेहि यथाभिसङ्खत्तपज्जानं तदज्झासयानुकूलं ठानसो विस्सज्जनेन च भगवतो सब्बत्थ अप्पटिहतजाणचारभावेन सब्बज्जुतज्जाणं विज्जूनं पाकटं, तथा तत्थ तत्थ यमकपाटिहारियकरणादीसु इद्धिविधजाणादीनीति। तेनाह “मय्हज्जा”तिआदि। अन्वेति यथागहितसङ्केतस्स अनुगमनवसेन एति जानातीति अन्वयो। तेनाह “अनुबुज्जतीति अत्थो”ति। सङ्केतानुगमनज्जेत्थ “यथापराधं तंतंसिक्खापदपञ्जत्तिया”तिआदिना वुत्तनयमेव। एवं योजना वेदितब्बाति यथा सब्बज्जुतज्जाणेन योजना कता, एवं “एवरूपमि नाम मय्हं इद्धिविधजाणसङ्घातं उत्तरिमनुस्सधम्म”न्तिआदिना तत्थ तत्थ योजना वेदितब्बा।

उत्तरिमनुस्सधम्मादिवण्णना निट्ठिता।

### दसबलजाणवण्णना

१४८. यदिपि आदितो अभिज्जात्तयवसेन देसनाय आगतत्ता चेतोपरियजाणानन्तरं उपरि तिस्सो अभिज्जा वत्तब्बा सियुन्ति वत्तब्बं सिया, अत्थतो पन विज्जात्तयं यथावुत्तअभिज्जात्तयमेवाति कत्वा “तिस्सो विज्जा वत्तब्बा सियु”न्ति वुत्तं। कस्मा पनेत्थ “तासु वुत्तासु उपरि दसबलजाणं न परिपूरती”ति वुत्तं, ननु इमानि जाणानि सेसाभिज्जा विय अत्तनो विसयस्स अभिजाननट्ठं उपादाय अभिज्जासु वत्तब्बानि, अकम्पियट्ठं पन उपत्थम्भनट्ठञ्च उपादाय बलजाणेषु यथा सम्मासतिआदयो इन्द्रियबलबोज्झङ्गमगङ्गेसूति? नयिदमेवं। तत्थ हि धम्मानं धम्मकिच्चविसेसविभावनपराय देसनाय वुत्तं, इध पन सत्थु गुणविसेसविभावनपराय देसनाय तथा वत्तुं न सक्का अत्थतो अनज्जत्ता, एकच्चानं पुत्थुज्जनानं एवं चित्तं उप्पज्जेय्य “किमिदं भगवा हेट्ठा वुत्तगुणे पुनपि गणहन्तो गुणाधिकदस्सनं करोती”ति। तस्मा सुवुत्तमेतं “उपरि दसबलजाणं न परिपूरती”ति।

अज्जेहि असाधारणानीति कस्मा वुत्तं (अ० नि० टी० ३.१०.२१), ननु चेतानि सावकानमि एकच्चानं उप्पज्जन्तीति? कामं उप्पज्जन्ति, यादिसानि पन बुद्धानं ठानाट्ठानजाणादीनि, न तादिसानि तदज्जेसं कदाचिपि उप्पज्जन्तीति अज्जेहि असाधारणानीति। तेनाह “तथागतस्सेव बलानी”ति। इममेव हि यथावुत्तलेसं अपेक्खित्वा तदभावतो आसयानुसयजाणादीसु एव असाधारणगुणसमज्जा निरुळ्हा। कामं जाणबलानं जाणसम्भारो विसेसपच्चयो, पुज्जसम्भारोपि पन नेसं पच्चयो एव, जाणसम्भारस्सपि वा पुज्जसम्भारभावतो “पुज्जुस्सयसम्पत्तिया आगतानी”ति वुत्तं।

पकतिहत्थिकुलन्ति (सं० नि० २.२२) गिरिचरनदीचरवनचरादिप्पभेदा गोचरियकालावकनामा सब्बापि बलेन पाकतिका हत्थिजाति। दसन्नं पुरिसानन्ति थाममज्झिमानं दसन्नं पुरिसानं। एकस्स तथागतस्स कायबलन्ति आनेत्वा सम्बन्धो। एकस्साति च तथा हेट्ठाकथायं आगतत्ता देसनासोतेन वुत्तं। नारायनसङ्घातबलन्ति एत्थ नारा वुच्चन्ति रस्मियो, ता बहू नानाविधा इतो उप्पज्जन्तीति नारायनं, वजिरं, तस्मा नारायनसङ्घातबलन्ति वजिरसङ्घातबलन्ति अत्थो। जाणबलं पन पाळियं आगतमेव, न कायबलं विय अट्ठकथारुळ्हमेवाति अधिप्पायो। “संयुत्तके आगतानि तेसत्तति जाणानि सत्तसत्तति जाणानी”ति वुत्तं (विभ० मूलटी० ७६०), तत्थ पन निदानवग्गे सत्तसत्तति आगतानि चतुचत्तारीसज्च, तेसत्तति पन पटिसम्भिदामग्गे (पटि० म० १.७३ मातिका) सुतमयादीनि आगतानि दिस्सन्ति, न संयुत्तके। अज्जानिपीति एतेन जाणवत्थुविभङ्गे एककादिवसेन वुत्तानि, अज्जत्थ च “पुब्बन्ते जाण”न्तिआदिना (ध० स० १०७६) ब्रह्मजालादीसु

(दी० नि० १.३६) च “तयिदं तथागतो पजानाति, इमानि दिट्ठिद्वानानि एवं गहितानी”ति आदिना वुत्तानि अनेकानि जाणप्पभेदानि सङ्गण्हाति । याथावपटिवेधतो सयञ्च अकम्पियं पुगलञ्च तंसमङ्गिं नेय्येसु अधिबलं करोतीति आह “अकम्पियद्वेन उपत्थम्भनद्वेन चा”ति ।

उसभस्स इदन्ति आसभं, (अ० नि० टी० २.४.८) सेट्ठं ठानं । सब्बज्जुतपटिजाननवसेन अभिमुखं गच्छन्ति, अट्ठ वा परिसा उपसङ्कमन्तीति आसभा, पुब्बबुद्धा । इदं पनाति बुद्धानं ठानं सब्बज्जुतमेव वदति । तिट्ठमानोवाति अवदन्तोपि (सं० नि० टी० २.२.२२) तिट्ठमानोव पटिजानाति नामाति अत्थो । उपगच्छतीति अनुजानाति ।

अट्ठसु परिसासूति “अभिजानामि खो पनाहं, सारिपुत्त, अनेकसतं खत्तियपरिसं...पे०... तत्र वत मं भयं वा सारज्जं वा ओक्कमिस्सतीति निमित्तमेतं, सारिपुत्त, न समनुपस्सामी”ति (म० नि० १.१५१) वुत्तासु अट्ठसु परिसासु । अभीतनादं नदतीति परतो दस्सितजाणयोगेन दसबलोहन्ति अभीतनादं नदति । सीहनादसुत्तेन खन्धवग्गे (सं० नि० ३.७८) आगतेन ।

“देवमनुस्सानं चतुचक्कं वत्तती”ति (अ० नि० ४.३१) सुत्तसेसेन सप्पुरिसूपस्सयादीनं फलसम्पत्तिपवत्ति, पुरिमसप्पुरिसूपस्सयादिं उपनिस्साय पच्छिमसप्पुरिसूपस्सयादीनं सम्पत्तिपवत्ति वा वुत्ताति आदि-सद्देन तत्थ च चक्क-सद्वस्स गहणं वेदितब्बं । विचक्कसण्ठाना असनि एव असनिविचक्कं । उरचक्कादीसूति आदि-सद्देन आणासमूहादीसुपि चक्क-सद्वस्स पवत्ति वेदितब्बा । “सङ्गभेदं करिस्साम चक्कभेद”न्ति आदीसु (पारा० ४०९; चूळव० ३४३) हि आणा “चक्क”न्ति वुत्ता, “देवचक्कं असुरचक्क”न्ति आदीसु (अ० नि० टी० २.४.८) समूहोति । पटिवेधनिट्ठत्ता अरहत्तमग्गाजाणं पटिवेधोति “फलक्खणे उप्पन्नं नामा”ति वुत्तं । तेन पटिलद्धस्सपि देसनाजाणस्स किच्चनिप्फत्ति परस्स बुद्धानमत्तेन होतीति “अज्जातकोण्डज्जस्स सोतापत्ति...पे०... फलक्खणे पवत्तं नामा”ति वुत्तं । ततो परं पन याव परिनिब्बाना देसनाजाणप्पवत्ति तस्सेव पवत्तितस्स धम्मचक्कस्स ठानन्ति वेदितब्बं पवत्तितचक्कस्स चक्कवत्तिनो चक्करतनस्स ठानं विय ।

“तिट्ठती”ति वुत्तं, किं भूमियं पुरिसो विय? नोति आह “तदायत्तवुत्तिताया”ति । ठानन्ति चेत्थ अत्तलाभो धरमानता च, न गतिनिवत्तीति आह “उप्पज्जति चेव पवत्तति चा”ति । यत्थ पनेतं दसबलजाणं वित्थारितं, तं दस्सेन्तो “अभिधम्मे पना”ति आदिमाह । सेसेसुपि एसेव नयो ।

समादियन्तीति समादानानि, तानि पन समादियित्वा कतानि होन्तीति आह “समादियित्वा कतान”न्ति । कम्ममेव वा कम्मसमादानन्ति एतेन समादानसद्वस्स अपुब्बत्थाभावं दस्सेति मुत्तगतसद्दे गतसद्वस्स विय । गतीति निरयादिगतियो । उपधीति अत्तभावो । कालोति कम्मस्स विपच्चनारहकालो । पयोगोति विपाकुप्पत्तिया पच्चयभूता किरिया ।

अगतिगामिनिन्ति निब्बानगामिनिं । वक्खति हि “निब्बानञ्चाहं, सारिपुत्त, पजानामि निब्बानगामिञ्च मग्गं निब्बानगामिनिञ्च पटिपद”न्ति (म० नि० १.१५३) । बहूसुपि मनुस्सेसु एकमेव पाणं घातेन्तेसु कामं सब्बेसं चेतना तस्सेवेकस्स जीवितिन्द्रियारम्माणा, तं पन कम्मं तेसं नानाकारं । तेसु (विभ० अट्ठ० ८११) हि एको आदरेण छन्दजातो करोति, एको “एहि त्वम्पि करोही”ति परेहि निष्पीळितो करोति, एको समानच्छन्दो विय हुत्वा अप्पटिबाहमानो विचरति । तेसु एको तेनेव कम्मेन निरये निब्बत्तति, एको तिरच्छानयोनियं, एको पेत्तिविसये । तं तथागतो आयूहनक्खणे एव — “इमिना नीहारेन आयूहितत्ता एस निरये निब्बत्तिस्सति, एस तिरच्छानयोनियं, एस पेत्तिविसये”ति जानाति । निरये

निब्बत्तमानम्पि — “एस महानिरये निब्बत्तिस्सति, एस उस्सदनिरये”ति जानाति । तिरच्छानयोनियं निब्बत्तमानम्पि — “एस अपादको भविस्सति, एस द्विपादको, एस चतुष्पदो, एस बहुष्पदो”ति जानाति । पेत्तिविसये निब्बत्तमानम्पि — “एस निज्झामतण्हको भविस्सति, एस खुप्पिपासिको, एस परदत्तूपजीवी”ति जानाति । तेसु च कम्मेसु — “इदं कम्मं पटिसन्धिमाकड्डिस्सति, इदं अज्जेन दिन्नाय पटिसन्धिया उपधिवेपक्कं भविस्सती”ति जानाति ।

तथा सकलगामवासिकेसु एकतो पिण्डपातं ददमानेसु कामं सब्बेसम्पि चेतना पिण्डपातारम्मणाव, तं पन कम्मं तेसं नानाकारं । तेसु हि एको आदरेन करोतीति सेसं पुरिमसदिसं, तस्मा तेसु केचि देवलोके निब्बत्तन्ति, केचि मनुस्सलोके, तं तथागतो आयूहनक्खणेयेव जानाति — “इमिना नीहारेन आयूहितत्ता एस मनुस्सलोके निब्बत्तिस्सति, एस देवलोके, तत्थापि एस खत्तियकुले, एस ब्राह्मणकुले, एस वेस्सकुले, एस सुद्धकुले, एस परनिम्मितवसवत्तीसु, एस निम्मानरतीसु, एस तुसितेसु, एस यामेसु, एस तावतिंसेसु, एस चातुमहाराजिकेसु, एस भुम्मदेवेसू”तिआदिना तत्थ तत्थ हीनपणीतसुवण्णदुब्बण्णअप्पपरिवारमहापरिवारतादिभेदं तं तं विसेसं आयूहनक्खणेयेव जानाति ।

तथा विपस्सनं पट्टपेन्तेसुयेव — “इमिना नीहारेन एस किञ्चि सल्लक्खेतुं न सक्खिस्सति, एस महाभूतमत्तमेव ववत्थपेस्सति, एस रूपपरिग्गहेयेव ठस्सति, एस अरूपपरिग्गहेयेव, एस नामरूपपरिग्गहेयेव, एस पच्चयपरिग्गहे एव, एस लक्खणारम्मणिकविपस्सनाय एव, एस पठमफलेयेव, एस दुतियफले एव, एस ततियफले एव, एस अरहत्तं पापुणिस्सती”ति जानाति । कसिणपरिकम्मं करोन्तेसुपि — “इमस्स परिकम्ममत्तमेव भविस्सति, एस निमित्तं उप्पादेस्सति, एस अप्पनं एव पापुणिस्सति, एस ज्ञानं पादकं कत्वा विपस्सनं पट्टपेत्वा अरहत्तं गणिहस्सती”ति जानाति । तेनाह “इमस्स चेतना”तिआदि ।

कामनतो, कामेतब्बतो, कामपटिसंयुत्ततो च कामो धातु **कामधातु** । आदि-सद्देन ब्यापादधातु-रूपधातु-आदीनं सङ्गहो । **विलक्खणतायाति** विसदिससभावताय । **खन्थायतनधातुलोकन्ति** अनेकधातुं नानाधातुं खन्धलोकं आयतनलोकं धातुलोकं यथाभूतं पजानातीति योजना । “अयं रूपक्खन्धो नाम...पे०... अयं विज्जाणक्खन्धो नाम । तेसुपि एकविधेन रूपक्खन्धो, एकादसविधेन रूपक्खन्धो (विभ० ३३) । एकविधेन वेदनाक्खन्धो, बहुविधेन वेदनाक्खन्धो (विभ० ३४-६१) । एकविधेन सज्जाक्खन्धो, बहुविधेन सज्जाक्खन्धो (विभ० ६२-९१) । एकविधेन सङ्खारक्खन्धो, बहुविधेन सङ्खारक्खन्धो (विभ० ९२-१२०) । एकविधेन विज्जाणक्खन्धो, बहुविधेन विज्जाणक्खन्धो”ति (विभ० १२१-१४९) एवं ताव खन्धलोकस्स, “इदं चक्खायतनं नाम...पे०... इदं धम्मायतनं नाम । तत्थ दसायतना कामावचरा, द्वे चातुभूमका”तिआदिना (विभ० १५६-१७१) आयतनलोकस्स, “अयं चक्खुधातु नाम...पे०... अयं मनोविज्जाणधातु नाम, तत्थ सोळस धातुयो कामावचरा, द्वे चातुभूमका”तिआदिना (विभ० १७२-१८८) धातुलोकस्स अनेकसभावं नानासभावञ्च पजानाति । न केवलं उपादिन्नकसङ्खारलोकस्सेव, अथ खो अनुपादिन्नकसङ्खारलोकस्सपि — “इमाय नाम धातुया उस्सन्नत्ता इमस्स रुक्खस्स खन्धो सेतो, इमस्स काळो, इमस्स मट्ठो, इमस्स सकण्टको, इमस्स बहलत्तचो, इमस्स तनुत्तचो, इमस्स पत्तं वण्णसण्ठानादिवसेन एवरूपं, इमस्स पुप्फं नीलं पीतं लोहितं ओदातं सुगन्धं दुग्गन्धं, इमस्स फलं खुद्दकं महन्तं दीघं रस्सं वट्ठं सुसण्ठानं दुस्सण्ठानं मुदुकं फरुसं सुगन्धं दुग्गन्धं मधुरं तित्तकं कटुकं अम्बिलं कसावं, इमस्स कण्टको तिखिणो कुण्ठो उजुको कुटिलो तम्बो काळो ओदातो होती”तिआदिना पजानाति । सब्बज्जुबुद्धादीनं एव हि एतं बलं, न अज्जेसं ।

**नानाधिमुत्तिकतन्ति** नानाअज्झासयतं । अधिमुत्ति नाम अज्झासयधातु अज्झासयसभावो । सो पन

हीनपणीततासामञ्जेन पाळियं द्विधाव वुत्तोपि हीनपणीतादिभेदेन अनेकविधोति आह “हीनादीहि अधिमुत्तीहि नानाधिमुत्तिकभाव”न्ति । तत्थ तत्थ ये ये सत्ता यंयंअधिमुत्तिका, ते ते तंतदधिमुत्तिके एव सेवन्ति भजन्ति पयिरुपासन्ति धातुसभागतो । यथा गूथादीनं धातुसभावो एसो, यं गूथादीहि एव संसन्दन्ति समेन्ति, एवं (पुग्गलानं अज्झासयस्सेवेस सभावो, यं) (विभ० मूलटी० ८१३) हीनज्झासया दुस्सीलादीहि एव संसन्दन्ति समेन्ति, सम्पन्नसीलादयो च सम्पन्नसीलादीहेव । तं नेसं नानाधिमुत्तिकतं भगवा यथाभूतं पजानातीति ।

**वुद्धिञ्च हानिञ्चाति** पच्चयविसेसेन सामत्थियतो अधिकतं अनधिकतञ्च । इन्द्रियपरोपरियत्तजाणनिद्वेसे (विभ० ८१४; पटि० म० १.११३) “आसयं जानाति अनुसयं जानाती”ति आसयादिजाननं कस्मा निद्विद्वन्ति? आसयजाननादिना येहि इन्द्रियेहि परोपरेहि सत्ता कल्याणपापासयादिका होन्ति, तेसं जाननस्स विभावनतो । एवञ्च कत्वा इन्द्रियपरोपरियत्तआसयानुसयजाणानं विसुं असाधारणता, इन्द्रियपरोपरियत्तनानाधिमुत्तिकाजाणानं विसुं बलता च सिद्धा होति । तत्थ आसयन्ति यत्थ सत्ता निवसन्ति, तं तेसं निवासद्वानं दिट्ठिगतं वा यथाभूतजाणं वा **आसयो । अनुसयो** अप्पहीनभावेन थामगतो किलेसो । तं पन भगवा सत्तानं आसयं जानन्तो तेसं तेसं दिट्ठिगतानं, विपस्सनामग्गजाणानञ्च अप्पवत्तिक्खणेपि जानाति । वुत्तं हेतं —

“कामं सेवन्तंयेव भगवा जानाति ‘अयं पुग्गलो कामगरुको कामासयो कामाधिमुत्तो’ति । कामं सेवन्तञ्जेव जानाति ‘अयं पुग्गलो नेक्खम्मगरुको नेक्खम्मासयो नेक्खम्माधिमुत्तो’ति । नेक्खम्मं सेवन्तञ्जेव जानाति । ब्यापादं, अब्यापादं, थिनमिद्धं, आलोकसञ्जं सेवन्तंयेव जानाति ‘अयं पुग्गलो थिनमिद्धगरुको थिनमिद्धासयो थिनमिद्धाधिमुत्तो’ति” (पटि० म० १.११३) ।

**पठमादीनं चतुन्नं ज्ञानानन्ति** रूपावचरानं पठमादीनं पच्चनीकझापनद्वेन आरम्मणूपनिज्झानद्वेन च ज्ञानानं । चतुक्कनयेन हेतं वुत्तं । **अट्टन्नं विमोक्खानन्ति** एत्थ पटिपाटिया सत्त अप्पितप्पितक्खणे पच्चनीकधम्मोहि विमुच्चनतो आरम्मणे च अधिमुच्चनतो विमोक्खा नाम, अट्टमो पन सब्बसो सज्जावेदयितोहि विमुत्तत्ता अपगमविमोक्खो नाम । चतुक्कनयपच्चकनयेसु पठमज्ञानसमाधि सवितक्कसविचारो नाम, पच्चकनये दुतियज्झानसमाधि अवितक्कविचारमत्तो, नयद्वयेपि उपरि तीसु ज्ञानेसु समाधि अवितक्कअविचारो, समापत्तीसु पटिपाटिया अट्टन्नं समाधीतिपि नामं, समापत्तीतिपि चित्तेकग्गतासब्भावतो, निरोधसमापत्तिया तदभावतो न समाधीति नामं । **हानभागियधम्मन्ति** अप्पगुणेहि पठमज्झानादीहि वुद्धितस्स सज्जामनसिकारानं कामादिअनुपक्खन्दनं । **विसेसभागियधम्मन्ति** पगुणेहि पठमज्झानादीहि वुद्धितस्स सज्जामनसिकारानं दुतियज्झानादिपक्खन्दनं । इति सज्जामनसिकारानं कामादिदुतियज्झानादिपक्खन्दनानि हानभागियविसेसभागियधम्माति दस्सितानि, तेहि पन ज्ञानानं तंसभावता धम्म-सद्वेन वुत्ता । **तस्माति** वुत्तमेवत्थं हेतुभावेन पच्चामसति । **वोदानन्ति** पगुणतासङ्घातं वोदानं । तज्हि पठमज्झानादीहि वुद्धित्वा दुतियज्झानादिअधिगमस्स पच्चयत्ता “**वुट्ठान**”न्ति वुत्तं । ये (अ० नि० टी० ३.१०.२१) पन “निरोधतो फलसमापत्तिया वुट्ठानन्ति पाळि नत्थी”ति वदन्ति, ते “निरोधा वुट्ठहन्तस्स नेवसज्जानासज्जायतनं फलसमापत्तिया अनन्तरपच्चयेन पच्चयो”ति इमाय **पाळिया** (पट्टा० १.१.४१७) पटिसेधेतब्बा । यो समापत्तिलाभी समानो एव “**न लभामह**”न्ति, कम्मद्वानं समानं एव “**न कम्मद्वान**”न्ति सज्जी होति, सो सम्पत्तियेव समानं “**विपत्ती**”ति पच्चयेतीति वेदितब्बो ।

**१४९. अप्पनन्ति निगमनं । न तथा दट्ठब्बन्ति** यथा परवादिना वुत्तं, तथा न दट्ठब्बं । **सकसककिच्चमेव जानातीति** ठानाद्वानजाननादिं सकं सकंयेव किच्चं कातुं जानाति, यथासकमेव विसयं पटिविज्झतीति अत्थो । **तप्पीति** तेहि

दसबलजाणेहि जानितब्बम्पि । **कम्मन्तरविपाकन्तरमेवा**ति कम्मन्तरस्सविपाकन्तरमेव जानाति, चेतनाचेतनासम्पयुत्तधम्मे निरयादिनिब्बानगामिनिपटिपदाभूते कम्मन्ति गहेत्वा आह “**कम्मपरिच्छेदमेवा**”ति । धातुनानत्तञ्च धातुनानत्तकारणञ्च **धातुनानत्तकारण**न्ति एकदेससरूपेकसेसो दट्ठब्बो । तज्झि जाणं तदुभयम्पि जानाति, “इमाय नाम धातुया उस्सन्नत्ता”तिआदिना (विभ० अट्ठ० ८१२) तथा चेव संवण्णितं । **सच्चपरिच्छेदमेवा**ति परिज्जाभिसमयादिवसेन सच्चानं परिच्छिन्दनमेव । **अप्पेतुं न सक्कोति** अट्ठमनवमबलानि विय तंसदिसं इद्धिविधजाणं विय **विकुब्बितुं** । एतेनस्स बलसदिसतञ्च निवारेति । झानादिजाणं विय वा **अप्पेतुं विकुब्बितुञ्च** । यदिपि हि “झानादिपच्चवेक्खणाजाणं सत्तमबल”न्ति तस्स सवितक्कसविचारता वुत्ता, तथापि “झानादीहि विना पच्चवेक्खणा नत्थी”ति झानादिसहगतं जाणं तदन्तोगधं कत्वा एवं वुत्तन्ति वेदितब्बं । अथ वा सब्बञ्जुतञ्जाणं झानादिकिच्चं विय न सब्बं बलकिच्चं कातुं सक्कोतीति दस्सेतुं “**झानं हुत्वा अप्पेतुं न सक्कोति इद्धि हुत्वा विकुब्बितुं न सक्कोती**”ति वुत्तं, न पन कस्सचि बलस्स झानइद्धिभावतोति दट्ठब्बं । एवं किच्चविसेसवसेनपि दसबलजाणसब्बञ्जुतञ्जाणानं विसेसं दस्सेत्वा इदानि वितक्कत्तिकभूमन्तरवसेनपि तं दस्सेतुं “**अपिचा**”तिआदि वुत्तं । **पटिपाटिया**तिआदितो पट्टाय पटिपाटिया ।

अनुपदवण्णनं कत्वा वेदितब्बानीति सम्बन्धो । किलेसावरणं नियतमिच्छादिट्ठि, किलेसावरणस्स अभावो आसवक्खयाधिगमस्स ठानं, तब्भावो अट्ठानं, अनधिगमस्स पन तदुभयं यथाक्कमं अट्ठानञ्च ठानञ्चाति तत्थ कारणं दस्सेन्तो “**लोकिय...पे०... दस्सनतो चा**”ति आह । तत्थ लोकियसम्मादिट्ठिया ठिति आसवक्खयाधिगमस्स ठानं किलेसावरणाभावस्स कारणत्ता । सा हि तस्मिं सति न होति, असति च होति । एतेन तस्सा अट्ठितिया तस्स अट्ठानता वुत्ता एव । **नेसं** वेनेय्यसत्तानं । **धातुवेमत्तदस्सनतो**ति कामधातुआदीनं पवत्तिभेददस्सनतो । यदग्गेन धातुवेमत्तं जानाति, तदग्गेन चरियाविसेसम्पि जानाति । **धातुवेमत्तदस्सनतो**ति वा धम्मधातुवेमत्तदस्सनतो । सब्बापि हि चरिया धम्मधातुपरियापन्ना एवाति । **पयोगं अनादियित्वापि** सन्ततिमहामत्तादीनं (ध० प० १४२) विय । **दिब्बचक्खुजाणानुभावतो पत्तब्बेना**ति एत्थ दिब्बचक्खुना परस्स हृदयवत्थुसन्निस्सयलोहितवण्णदस्सनमुखेन तदा पवत्तमानचित्तजाननत्थं परिकम्मकरणं नाम सावकानं, तञ्च खो आदिकम्मिकानं, यतो दिब्बचक्खुआनुभावतो चेतोपरियजाणस्स पत्तब्बता सिया, बुद्धानं पन यदिपि आसवक्खयजाणाधिगमतो पगेव दिब्बचक्खुजाणाधिगमो, तथापि तथा परिकम्मकरणं नत्थि विज्जात्तयसिद्धिया सिज्जनतो । सेसाभिज्जात्तये चेतोपरियजाणं दिब्बचक्खुजाणाधिगमेन पत्तन्ति च वत्तब्बतं लभतीति तथा वुत्तन्ति दट्ठब्बं ।

**पुन एवरूपिं वाचं न वक्खामी**ति चित्तं उप्पादेन्तो तं वाचं पजहति नाम । वाचाय पन सो अत्थो पाकटो होतीति “**वदन्तो**”ति वुत्तं । **दिट्ठिं न गण्हिस्सामी**ति दिट्ठिग्गाहपटिक्खेपो । दिट्ठिया अनुप्पादनं पजहनमेवाति आह “**पजहन्तो**”ति । सो अरियूपवादी **निरये ठपितोयेव**, नास्स निरयूपपत्तिया कोचि विबन्धो एकंसिको अयमत्थोति अधिप्पायो ।

**अस्सा**ति एकंसिकभावस्स । सिक्खाहि सीलसमाधिपज्जाहि, तदत्थाय विपस्सनाय च विना अज्जाराधनस्स असम्भवतो “**लोकियलोकुत्तरा सीलसमाधिपज्जा वेदितब्बा**”ति वत्वा पुन आसन्नतरे सीलादिके दस्सेन्तो “**लोकुत्तरवसेनेव विनिवत्तेतुम्पि वट्ठती**”ति आह, तस्मा अग्गमग्गपरियापन्ना सीलादयो वेदितब्बा । अग्गमग्गट्ठस्स हि दिट्ठेव धम्मे एकंसिका अज्जाराधना, इतरेसं अनेकंसिकाति । सम्पज्जनं **सम्पदा**, निप्फत्तीति अत्थो, तस्मा **एवंसम्पदन्ति** एवंअविरज्जनकनिप्फत्तिकन्ति वुत्तं होति । तेनाह “**इमम्पि कारणं**”न्तिआदि । तत्थ **कारण**न्ति युत्ति । तत्रायं युत्तिनिद्धारणा “निरयूपगो अरियूपवादी तदादायस्स अविज्जमानतो सेय्यथापि मिच्छादिट्ठी”ति । एत्थ च “तं वाचं

अप्पहाया’तिआदिवचनेन तदादायस्स अप्पहानेन च अरियूपवादो अन्तरायिको अनत्थावहो च, पहानेन पन अच्चयं देसेत्वा खमापनेन अनन्तरायिको अत्थावहो च यथा तं वुड्ढिता देसिता च आपत्तीति दस्सेति ।

दसबलजाणवण्णना निड्डिता ।

### चतुवेसारज्जजाणवण्णना

१५०. ब्यामोहभयवसेन (अ० नि० टी० २.४.८) सरणपरियेसनं सारज्जनं सारदो, ब्यामोहभयं, विगतो सारदो एतस्साति विसारदो, तस्स भावो **वेसारज्जं** । तं पन जाणसम्पदं पहानसम्पदं देसनाविसेससम्पदं खेमं निस्साय पवत्तं चतुब्बिधं पच्चवेक्खणजाणं । तेनाह “**चतूसु ठानेसू**”तिआदि । **दस्सितधम्मेषू**ति वुत्तधम्मेषु । वचनमत्तमेव हि तेसं, न पन दस्सनं तादिसस्सेव धम्मस्स अभावतो । भगवता एव वा “इमे धम्मा अनभिसम्बुद्धा”ति परस्स वचनवसेन **दस्सितधम्मेषु** । “धम्मपटिसम्भिता”तिआदीसु (विभ० ७१८) विय **धम्म**-सद्दो हेतुपरियायोति आह “**सहधम्मेनाति सहेतुना**”ति । हेतूति च उपपत्तिसाधनहेतु वेदितब्बो, न कारको सम्पापको च । **अप्पमाणन्ति** अनिदस्सनं । निदस्सनज्झि अन्वयतो ब्यतिरेकतो पमाणङ्गताय “पमाण”न्ति वुच्चति । **निमित्तन्ति** चोदनाय कारणं । तत्थ चोदको चोदनं करोतीति **कारणं**, धम्मो चोदनं करोति एतेनाति **कारणं** । तेनाह “**पुग्गलोपी**”तिआदि । **खेमन्ति** केनचि अप्पटिबन्धियभावेन अनुपदुत्तं ।

अन्तरायो एतेसं अत्थि, अन्तरायेवा युत्ताति **अन्तरायिका** । एवंभूता पन ते यस्मा अन्तरायकरा नाम होन्ति, तस्मा आह “**अन्तरायं करोन्तीति अन्तरायिका**”ति । असज्जिच्च वीतिक्कमो न तथा सावज्जोति कत्वा वुत्तं “**सज्जिच्च वीतिक्कन्ता**”ति । **सत्त आपत्तिक्खन्धा**तिआदि निदस्सनमत्तं इतरेसम्पि चतुन्नं “अन्तरायिका”ति वुत्तधम्मानं तब्भावे ब्यभिचाराभावतो । **इध पन मेथुनधम्मो अधिप्पेतोति** इदं अट्ठप्पत्तिवसेन वुत्तं **अरिट्टसिक्खापदं** (पाचि० ४१७-४२२) विय । यस्मा तद्धणम्मि कामेषु (अ० नि० टी० २.४.८) आदीनवं दिस्वा विरत्तो (अ० नि० टी० २.४.८) होति चे, विसेसं अधिगच्छति, न कामेषु आसत्तो, तस्मा वुत्तं “**मेथुनं...पे०... अन्तरायो होती**”ति । तत्थ **यस्स कस्सचीति** न केवलं पब्बजितस्सेव, अथ खो यस्स कस्सचि । तथा हि वुत्तं “मेथुनमनुयुत्तस्स, मुस्सतेवापि सासन”न्ति । **तस्मिं अनिय्यानिकधम्मे**ति तस्मिं परेन परिकप्पितअनिय्यानिकधम्मनिमित्तं । निमित्तत्थे हि इदं कम्मसंयोगे भुम्मं ।

चतुवेसारज्जजाणवण्णना निड्डिता ।

### अट्ठपरिसवण्णना

१५१. पुरिसस्स सूरतरभावो नाम सङ्गामे पाकटो होति, न गेहे निसिन्नकाले, एवं वेसारज्जजाणस्स आनुभावो पण्डितपरिसासु यत्थ कत्थचीति दस्सेन्तो “**वेसारज्जजाणस्स बलदस्सनत्थ**”न्ति आह । **सन्निपतित्वा निसिन्नट्टानन्ति** ठानसीसेन सन्निपतितखत्तियपरिसमेव दस्सेति । **एसेव नयो सब्बत्था**ति अतिदेसेन आविभावितमत्थं दस्सेतुं “**मारकायिकानं**”न्तिआदि वुत्तं सदिसत्थविसयत्ता अतिदेसस्स । यथा हि खत्तियानं समूहो खत्तियपरिसाति अयमत्थो लब्धति, न एवं “मारपरिसा”ति एत्थ, मारस्स परिसाति पन मारपरिसाति अयमत्थो अधिप्पेतो । तेनाह “**मारकायिकानं... पे०... न मारानं**”न्ति । **मारकायिकानन्ति** मारपक्खियानं । **उग्गट्टानदस्सनवसेनाति** सारज्जितब्बट्टानदस्सनवसेन, एवं उग्गा खत्तिया अत्तनो पुज्जतेजेनाति अधिप्पायो । **ब्राह्मणा तीसु वेदेसूति** इदं इतरेसं अविषयदस्सनवसेन वुत्तं । वेदे

सज्जायन्तापि हि खत्तिया वेस्सा च तदत्थविचारणाय येभुय्येन असमत्था एवाति । कस्मा पनेत्थ यामादिपरिसा न गहिताति? भुसं कामाभिगिद्धताय योनिमोमनसिकारविरहतो । यामादयो हि उळारुळारे कामे पटिसेवन्ता तत्थाभिगिद्धताय धम्मस्सवनाय सभावेन चित्तम्पि न उप्पादेन्ति, महाबोधिसत्तानं पन बुद्धानञ्च आनुभावेन आकट्टियमाना कदाचि तेसं पयिरुपासनादीनि करोन्ति तादिसे महासमये । तेनेव हि विमानवत्थुदेसनापि तन्निमित्ता बहुला नाहोसि । मनुस्सानं वसेनायं कता ।

परचक्कवाळेसु च मनुस्सानं विसेसाधिगमो नत्थीति पुच्छति “**किं पन भगवा अज्जानि चक्कवाळानिपि गच्छती**”ति । इतरो यदिपि तेसं अरियधम्माधिगमो नत्थि, वासनाय पन तत्थ गन्त्वा धम्मं देसेतीति दस्सेन्तो “**आमगच्छती**”ति आह । **केयूरं** नानाविधरतनपरिसिब्बितसुवण्णजालविनद्धं भुजाभरणं । **अङ्गदं** नानागन्धगन्धितं, केवलं वा सुवण्णमयं बाहुवलयं । **छिन्नस्सराति** द्विधाभूतस्सरा (दी० नि० टी० २.१७२) **गग्गरस्सराति** गग्गरिकाय विय गग्गरायमानखरस्सरा (दी० नि० टी० २.१७२; अ० नि० टी० ३.८.६९) । **भासन्तरन्ति** तेसं भासं (दी० नि० टी० २.१७२; अ० नि० टी० ३.८.६९) सन्थायाह । “**वीमंसा उप्पज्जती**”ति सङ्खेपतो वुत्तं विवरितुं “**इदं वुत्तं होती**”तिआदि वुत्तं ।

**सङ्गम्माति** समागन्त्वा । आदितो लापो **आलापो**, वचनपटिवचनवसेन समं लापो **सल्लापो** । सम्मा, समज्जा वा कथा संकथा, संकथाव **साकच्छा** ।

अट्टपरिसवण्णना निट्ठिता ।

### चतुर्योनिवण्णना

**१५२.** यवन्ति ताय सत्ता अमिस्सितापि समानजातिताय मिस्सिता विय होन्तीति **योनि** । सा पन अत्थतो अण्डादिउप्पत्तिट्ठानविसिद्धो खन्धानं भागसो पवत्तिविसेसोति आह “**खन्धकोट्टासो योनि नामा**”ति । **अण्डे जाताति** पठमाय जातिया वसेन वुत्तं, दुतियाय पन अण्डतो, अण्डे वा भिज्जमाने जाताति एवमत्थो वेदितब्बो । तेनाह “**अभिनिब्भिज्ज जायन्ती**”ति । **विनाति** एतेहि अण्डादीहि बाहिरपच्चयेहि विना । **उप्पतित्वा वियाति** उप्पज्जनवसेन पतित्वा विय । बाहिरपच्चयनिरपेक्खत्तायेव वा उपपत्तने साधुकारिनो उपपातिका, ते एव इध **ओपपातिकाति** वुत्ता । **आदि-**सद्देन गब्भमले निब्बत्तमहापदुमकुमारादीनं सङ्गहो । निज्झामतण्हिकपेतानं निच्चं दुक्खातुरताय कामसेवना नत्थि, तस्मा ते गब्भसेय्यका न होन्ति, जालवन्तताय न तासं कुच्छियं गब्भो सण्ठाति, तस्मा ते ओपपातिकायेव संसेदजत्तायपि असम्भवतो । **नेरयिका वियाति** निदस्सनापदेसेन तेसम्पि ओपपातिकत्तं दीपेति । **अवसेसाति** निज्झामतण्हिकनेरयिके ठपेत्वा अवसेसा विनिपातिका । यक्खानं चातुमहाराजिकताय ओपपातिकभावे एव आपन्ने तं निवत्तेतुं “**एवं यक्खापी**”ति वुत्तं । तथा हि ते न भुम्मदेवा न च विनिपातिकाति ।

चतुर्योनिवण्णना निट्ठिता ।

### पञ्चगतिवण्णना

**१५३.** **गन्तब्बाति** उपपज्जितब्बा । यथा हि कम्मभवो परमत्थतो असतिपि कारके पच्चयसामगगिया सिद्धो तंसमङ्गिना सन्तानलक्खणेन सत्तेन कतोति वोहरीयति, तथा उपपत्तिभवलक्खणा गतियो परमत्थतो असतिपि गमके तंतंकम्मवसेन येसं तानि कम्मनि, तेहि गन्तब्बाति वोहरीयन्तीति । एवं सदत्थतो गतिं दस्सेत्वा अत्थुद्धारनयेनपि तं दस्सेतुं

“अपिचा”तिआदि वुत्तं । येसु निरयादिभेदेसु उपपत्तिभवेसु गति-सद्दो निरूळ्हो, ततो अज्जत्थापि गतिसद्वपवत्ति अत्थि, तं एकेन गति-सद्देन विसेसेत्वा आह “गतिगती”ति यथा “दुक्खदुक्खं, (सं० नि० ४.३२७) रूपरूप”न्ति (विसुद्धिं २.४४९) च । उप्पादावत्थाय गमनं उपगमनन्ति “निब्बत्तिगती”ति वुत्ता । गतिन्ति चित्तगतिं । तेनाह “अज्झासयगति नामा”ति, अज्झासयपवत्तीति अत्थो । तदट्ठकथायं (म० नि० अट्ठ० २.५०३) पन “गतिन्ति निष्फत्ति”न्ति अत्थो वुत्तो । ब्रह्मनिमन्तनसुत्ते (म० नि० १.५०३) हि अयं पाळीति । जुतिन्ति आनुभावं । विभवोति विनासो । सो हि विगमोति अत्थेन गति । तेनेव निब्बानं अरहतो गतीति (परि० ३३९) अनुपादिसेसनिब्बानं अरहतो गति विगमो विभवोति अनेकत्थत्ता धातूनं । द्वेयेव गतियोति द्वेव निष्फत्तियोति अत्थोति आह “अयं निष्फत्तिगति नामा”ति ।

यस्स उप्पज्जति, तं ब्रूहेन्तो एव उप्पज्जतीति अयो, सुखं । नत्थि एत्थ अयोति निरयो । ततो एव रमितब्बं अस्सादेतब्बं तत्थ नत्थीति दस्सेन्तो आह “निरतिअत्थेन निरस्सादट्ठेन निरयो”ति । तिरियं अज्जिताति देवमनुस्सादयो विय उळ्ळं दीघा अहुत्वा तिरियं दीघाभि अत्थो । पकट्टतो सुखतो अयनं अपगमो पेच्चभावो, तं पेच्चभावं पत्तानं विसयोति पेतयोनिमेव वदति । मनसो उस्सन्नत्ताति सतिसूरभावब्रह्मचरिययोग्यतादिगुणवसेन उपचितमानसताय उक्कट्टगुणचित्ततायाति अत्तो । अयं पनत्थो निप्परियायतो जम्बुदीपवासीवसेन वेदितब्बो । यथाह — “तीहि, भिक्खवे, ठानेहि जम्बुदीपिका मनुस्सा उत्तरकुरुके मनुस्से अधिगण्हन्ति देवे च तावतिंसे । कतमेहि तीहि? सूरा सतिमन्तो इध ब्रह्मचरियवासो”ति (अ० नि० ९.२१) । तेहि पन समानरूपादिताय सद्धिं परित्तदीपवासीहि इतरमहादीपवासिनोपि मनुस्सातेव पज्जायिंसु । लोकिया पन “मनुनो अपच्चभावेन मनुस्सा”ति वदन्ति । अयमेत्थ सद्धेपो, वित्थारो पन परमत्थदीपनियं विमानवत्थुसंवण्णनायं (वि० व० अट्ठ० ३) वुत्तनयेन गहेतब्बो । आनुभावेहीति देवानुभावसद्धातेहि इद्धिविसेसेहि । तत्थ कामा देवा कामगुणेहि चेव इद्धिविसेसेहि च इतरे इद्धिविसेसेहेव दिब्बन्ति कीळन्ति जोतन्ति, सरणन्ति वा गम्मन्ति, अभित्थवियन्तीति वा देवाति ।

तिरच्छानयोनिज्वातिआदीसूति एत्थ तिरच्छानयोनिपेत्तिविसयगहणेन खन्धानं एव गहणं तेसं तादिसस्स परिच्छिन्नस्स ओकासस्स अभावतो । यत्थ वा ते अरज्जसमुद्दपव्वतादिके निबद्धवासं वसन्ति, तादिसस्स ठानस्स वसेन ओकासोपि गहेतब्बो । निरयूपगादीहि सत्तेहि मगितव्वतो मग्गो पटिपज्जितव्वा पटिपदा चाति तं तं कम्ममेव वुत्तन्ति आह “उभयेनपी”तिआदि । यथा च पटिपन्नोति इमिना तस्स कम्मस्स कतूपचिताकारमाह । एत्थ च निरयगामिज्ज मग्गं निरयगामिनिज्ज पटिपदन्ति इमिना साधारणतो निरयसंवत्तनियं कम्मं वत्वा पुन तं तं सन्तानपतितताय असाधारणतं दस्सेतुं “यथापटिपन्नो”तिआदि वुत्तन्ति दट्ठव्वं । विनिपतन्तीति विवसा, विरूपं वा निपतन्ति । कस्मा पनेत्थ पज्जगतिपरिच्छेदकजाणं दस्सेन्तो भगवा “निब्बानज्वाह”न्तिआदिमाहाति अनुयोगं सन्धायाह “इदं पना”तिआदि । न हि भगवा अत्तनो बुद्धसुबुद्धतं विभावेन्तो सावसेसं कत्वा देसनं देसेति ।

पज्जगतिवण्णना निट्ठिता ।

जाणपवत्ताकारवण्णना

१५४. जाणपवत्ताकारन्ति जाणस्स पवत्तिआकारं, जाणस्स वा पवत्तिपकारं । एकन्तदुक्खाति एकन्तेन दुक्खा अच्चन्तदुक्खा । ता पन सब्बकालं दुक्खा सुखालयेनपि असम्मिस्साति दस्सेन्तो आह “निच्चदुक्खा निरन्तरदुक्खा”ति । बहलाति अतनुका, महन्ताति अत्थो । तिब्बाति वा तिखिणा । खराति कक्खळा । कटुकाति वा अनिट्ठा । कस्सति खणीयतीति कासु, आवाटो । कसीयति चीयतीति कासु, रासि । फुनन्तीति द्वीहि हत्थेहि अङ्गारानि उक्खिपित्वा पटिवातं



ओफुनन्ति, तेन तेसं सकलसरीरं डहति । तेनाह “परिदङ्गता”ति । पुरिसप्पमाणं पोरिसं । एकपथेनेवाति एकमग्गभूतेनेव । अनुक्कमनीयेनाति उक्कमितुं अपक्कमितुं असक्कुण्येन ।

ननु च दिब्बचक्खुजाणं पच्चुप्पन्नवण्णारम्मणं, तेन कथं रूपन्तरसमङ्गं निरये निब्बत्तसत्तं “अयं सो”ति जानातीति चोदनं सन्धायाह “तत्थ किञ्चापी”तिआदि । यथाकम्मूपगजाणेन “अयं सो”ति सल्लक्खेति, तस्स पन दिब्बचक्खुआनुभावेन पत्तब्बता “दिब्बचक्खुबलं नाम एतन्ति वुत्तं ।

पुरिमनयेनेवाति “गूथकूपो विय तिरच्छानयोनि दट्ठब्बा”तिआदिना अङ्गारकासुपमायं वुत्तनयेनेव । दुक्खा वेदना बहुला एतासूति दुक्खबहुला । बहलपत्तपलासोति अविरळतनुविपुलपण्णो । सुखपरिभोगं महापासादं दस्सेतुं “दीघपासादो”ति वुत्तं चतुरस्सपासादादीनं खुद्दकत्ता । उण्णामयअत्थरणेनाति उण्णामयलोहितअत्थरणेन । उत्तरं उपरिभागं छादेतीति उत्तरच्छदो, वितानं । तं पन लोहितवितानं इधाधिप्पेतन्ति “रत्तवितानेना”ति वुत्तं ।

अपरभागयोजनाति पाळियं “अपरेन समयेना”ति वुत्तस्स अपरभागस्स योजना । सा पन एकदेसेन पुरिमभागे वुत्ते एव सुविज्जेय्या होतीति “यथा सो”तिआदिमाह । मग्गारुळहमेवाति मग्गं उपगतमत्तमेव ।

नियमाभावाति “दिब्बचक्खुनाव पस्सती”ति नियमस्स अभावा । “दिब्बचक्खुनापि पस्सिस्सती”ति इदं न अनुत्तरसुखानुभवनस्स दिब्बचक्खुगोचरत्ता वुत्तं, अनागतस्स पन तस्स दिब्बचक्खुपरिभण्डभूतेन अनागतंसजाणेन दस्सनमेवाति कारणूपचारेन वुत्तं । पाळियं पन “चेतसा चेतो परिच्च पजानामि”च्चेव वुत्तं । “अत्थतो पन नाना होती”ति सङ्खेपतो वुत्तमत्थं विवरितुं “देवलोकसुखं ही”तिआदिं वत्वा यथादस्सितउपमाहिपि अयमत्थो पाकटो एवाति दस्सेन्तो “उपमायम्पी”तिआदिमाह । गोत्रभुजाणुप्पादतो पट्टाय निरोधं पस्सित्वा उप्पन्नमग्गफलपच्चवेक्खणवसेन चैव परतो फलसमापत्तिसमापज्जनवसेन च अरियसावको निरोधे सयितो विय होति तदपस्सयेनेव पवत्तनतोति आह “निरोधसयनवरगत”न्ति । तेनाह “निब्बाना... पे०... पस्सती”ति ।

जाणपवत्ताकारवण्णना निट्ठिता ।

दुक्करकारिकादिसुद्धिवण्णना

१५५. पुच्छानुसन्धिआदिअनुसन्धित्तयतो अज्जत्ता “पाटियेक्कं अनुसन्धिवसेना”ति वुत्तं । न केवलं “दुक्करकारिकाय सुद्धि होती”ति एवंलद्धिको एव, अथ खो दुक्करचारीसु अभिप्पसन्नोति दस्सेतुं “अपिचा”तिआदि वुत्तं । चतुक्कुण्डिकोति द्वीहि पादेहि हत्थेहीति चतूहि अङ्गेहि कुण्डनको आहिण्डनको । छमानिकिण्णन्ति भूमियं खित्तं । भक्खसन्ति आहारं ।

मच्छरियमलादिपापधम्मविगमनतो मेत्तादिगुणानुब्रूहनतो च ब्रह्मं सेट्ठं चरियन्ति ब्रह्मचरियं, दानं । तथा हि तं भगवता पण्डितपज्जत्तं वुत्तं । एवं सेसेसुपि यथारहं ब्रह्मचरियपरियायो निद्धारेत्वा वत्तब्बो । किन्ति कीदिसं । वतन्ति समादिन्नवतं । सुचिण्णस्साति सुट्ठु चिण्णस्स पुज्जस्स । इद्धीति आनुभावो । जुतीति वत्थाभरणोभाससमुज्जला सरीरप्पभा । बलवीरियूपपत्तीति कायबलेन चैव उस्साहेन च समन्नागमो ।

तेन पाणि कामददोति तेन अद्धिकानं उपगच्छन्तानं हत्थं पसारेत्वा असहसेट्ठिनो दानद्वानदस्सनमयेन पुज्जेन

इदानीं मयं हत्थो कप्परुक्खो विय कामददो इच्छित्तिच्छित्तदायी, कामददो होन्तो च मधुस्सवो इडुवत्थुविस्सज्जनको जातो । तेन मे ब्रह्मचरियेनाति तेन मम यथावुत्तकायवेय्यावटियकम्मसङ्घातेन सेट्ठचरियेन । पुज्जन्ति पुज्जफलं । तम्पि हि पुज्जसभावतो, उत्तरपदलोपेन वा “एवमिदं पुज्जं पवड्ढती”ति आदीसु (दी० नि० ३.८०) “पुज्ज”न्ति वुच्चति ।

पज्ज सिक्खापदानि समाहटानि पज्जसिक्खापदं यथा “तिभवं, तिसकट”न्ति च । ब्रह्मचरियस्मिन्ति धम्मदेसनाय । सा हि विनेय्यानं ब्रह्मभावावहनतो ब्रह्मं सेट्ठं चरियं, ब्रह्मनो वा भगवतो वाचसिकं चरियन्ति “ब्रह्मचरिय”न्ति वुच्चति ।

सहस्सं मच्चुहायिनन्ति सहस्समत्ता अरहत्तसमधिगमेन मच्चुविसयातिक्कमेन मच्चुपहायिनो जाता । ब्रह्मचारी भविस्सामाति एत्थ येन ब्रह्मचरियेन ते ब्रह्मचारिनोति वुच्चन्ति, तं ब्रह्मचरियं निद्वारेत्वा आह “मेथुनविरति ब्रह्मचरियन्ति वुत्ता”ति ।

नातिक्कमामाति न अतिचराम अगमनीयट्टानेपि इतरत्थापि न वीतिक्कमाम । तेनाह “अज्जत्र ताहि ब्रह्मचरियं चरामा”ति । अम्हन्ति अम्हाकं ।

अत्तदमनवसेनाति यथापटिज्जं अरहन्तानं अनुकरणाकारेण पवत्तचित्तदमनवसेन, मनच्छट्टानं इन्द्रियानं दमनेनाति अत्थो । सिखापत्तसेट्ठचरियताय अरियमग्गो ब्रह्मचरियं । ब्रह्मं सेट्ठं चरति एतेनाति ब्रह्मचरियं, सत्थुसासनं ।

अतरमानानन्ति न तरमानानं देसकालं उदिक्खन्तानं । फलासाव समिज्जतीति सुदुल्लभफलेपि आसा सम्पापयोगमन्वाय समिज्जति एव । विपक्कब्रह्मचरियोस्मीति विसेसेन निप्फन्नपणीतज्झासयो परिपुण्णउळारमनोरथो । सो हि सेट्ठमनोसमाचारताय ब्रह्मचरियपरियायेन वुत्तो ।

इदमेव सुत्तं आगतट्टानन्ति अधिप्पायो तेपिटके बुद्धवचने इदमेव सुत्तपदं “वीरियं ब्रह्मचरिय”न्ति आगतट्टानन्ति अत्थो । वीरियज्झि तस्मिं विसये उत्तमं परमुक्कंसगतं तादिसचरियाहेतु चाति ब्रह्मचरियन्ति इध वुत्तं । चतुरङ्गसमन्नागतन्ति चतुब्बिधदुक्करकिरियाय साधकस्स चतुब्बिधस्स अत्तनो पवत्तिआकारस्स वसेन चतुरङ्गसमन्नागतं ।

कोचि छिन्नभिन्नपटपिलोतिकधरो दसन्त्युत्तस्स वत्थस्स अभावतो निच्चेलोति वत्तब्बतं लभेय्याति तं निवत्तेन्तो आह “नग्गो”ति । एवं अकासिं, एवम्पि सत्तपीळा मा अहोसीति अधिप्पायो । यथा “अभिहटं न सादियामी”ति आदि (म० नि० १.१५५) भिक्खापरियेसने उक्कट्टुचारितादस्सनं, एवं “नएहि भद्वन्तिकादिभावोपी”ति गहेतब्बं । पुरिसन्तरगतायाति पुरिससमीपगताय । संकित्तीयन्ति एतायाति संकित्ति, गामवासिआदीहि समुदायवसेन करियमानकिरिया । इध पन भत्तसंकित्ति अधिप्पेताति आह “संकित्तेत्वा कतभत्तेसू”ति । ददन्ति तायाति दत्ति । एकाहं अन्तरभूतं एतस्स अत्थीति एकाहिकं । एस नयो सेसपदेसुपि । एकाहवारेनाति एकाहिकवारेन । “एकाहिक”न्ति आदिना वुत्तविधिमेव पटिपाटिया पवत्तभावं दस्सेतुं पुन वुत्तं । तेनाह “इति एवरूप”न्ति आदि ।

एरकतिणादीनि वाति एरकतिणादीनि गत्थित्वा कतनिवासनानि छवदुस्सानि, निहीनदुस्सानीति अत्थो । तन्तावुतानन्ति तन्तं पसारेत्वा वीतानं । पकतिकण्टकेति सलाककण्टके ।

१५६. नेकवस्सगणसज्जातन्ति अनेकवस्ससमूहसज्जातं । ननु च इदमेव “सायततियकम्पि

उदकोरोहनानुयोगमनुयुक्तो”ति वुत्तं, “नेकवस्सगणिकं रजोजल्लं काये सन्निचित”न्ति च, तदुभयं एकस्मिं कथं सम्भवतीति आह “इदं अत्तनो रजोजल्लकवतसमादानकालं सन्धाय वदती”ति । एतेनेव “अचेलको होमी”ति वुत्तअचेलकपटिज्जा, “साणानिपि धारेमी”तिआदिना वुत्तछन्नकपटिज्जा, तत्थापि साण-मसाण-छवदुस्सादि-निवत्थ-पटिज्जा च अविरुद्धाति दट्ठब्बा तस्मिं तस्मिं काले तथा तथा पटिपन्नत्ता । तेति अचेलका । सङ्गातन्ति सब्बसो घातं । तेनाह “वध”न्ति । सीलवा नाम नत्थि “अनभिसन्धिकम्पि पापं होती”ति एवं लद्धिकत्ता । सीलं अधिद्वयाति इदं पटिक्कमनकिरियं सन्धाय वुत्तं ।

पासण्डपरिग्गहणत्थायाति पासण्डेसु असारसारभाववीमंसनत्थाय । तं पब्बज्जन्ति आजीवकपब्बज्जं । विकटभोजनेति विकटभोजने विरूपभोजने । तेनाह “अपकतिभोजने”ति ।

१५७. भिसनकतस्मिन्ति भावसाधनभावी इदं पदन्ति आह “भिसनकतस्मिं भिसनककिरियाया”ति । “भिसनकतस्मि”न्ति वत्तब्बे एकस्स त-कारस्स लोपो दट्ठब्बो । येभुय्यग्गहणं लोमवन्तवसेनपि योजेतब्बं, न लोमवसेनाति आह “बहुतरानं वा”तिआदि ।

सु-सद्दे उ-कारस्स ओ-कारं कत्वा पाळियं “सोतत्तो”ति वुत्तन्ति तदत्थं विवरन्तो “सुतत्तो”ति आह । सुट्ठु अवतत्तोति वा सोतत्तो । सोसिन्नोति एत्थापि एसेव नयो । सुद्धिवसनत्थायाति संसारसुद्धिगवेसनत्थाय ।

विहारस्मिन्ति पच्चत्ते भुम्मवचनन्ति आह “विहारो एव हि ‘विहारस्मि’न्ति वुत्तो”ति । तेनेव चाति तेनेव विभत्तिविपल्लासवसेन । एवं अत्थोति अयं एवं लिङ्गविपल्लासवसेन अत्थो वेदितब्बो । दुक्खप्पत्तोति आनेत्वा सम्बन्धो । सब्बत्थाति सुखदुक्खे लाभालाभादिके च । तुलितोति तुलासदिसो ।

दुक्करकारिकादिसुद्धिवण्णना निट्ठिता ।

### आहारसुद्धिवण्णना

१५८. सुज्झितुन्ति संसारतो सुज्झितुं ।

१५९. आसीतिकपब्बानीति आसीतिकपिट्ठिपब्बानि, “काळपब्बानी”ति वदन्ति । पब्बानं मज्झे । उन्नतुन्नतानीति मंसे मिलाते द्विन्नं सन्धीनं अन्तरे वातेनुद्धुमातधमनीजालताय उन्नतानि उन्नतानीति । आनिसदन्ति आनिसदट्ठानं । निसिन्नट्ठानन्ति पंसूहि, वालिकाहि वा निचितं निसिन्नट्ठानं । सरपोद्धेनाति सरस्स पोद्धप्पदेसेन, सरपोद्धेसज्जितेन वा मग्गेन । अक्कन्तन्ति अक्कन्तट्ठानं । तक्कगोळिकसदिसानं, सरीरघंसनत्थं कत कुरुविन्दगोळिकानं वा आवळि वट्टनाहारो । वंसतोति पिट्ठिवंसतो । मण्डलेति भित्तिपादानं मत्थके ठपितमण्डलके सीसग्गेन पतिट्ठहन्ति । न एवं फासुळियोति यथा यथा वुत्तगोपानसियो पपता तिट्ठन्ति, न एवं बोधिसत्तस्स फासुकापि पपता ठिता ।

ओक्खायिकाति अवक्खायिका, हेट्ठा हुत्वा निन्नभावेन पज्जायमाना । एवरूपाति यथावुत्तरूपा, निन्नतराति अत्थो । याव पिट्ठिकण्टकं अल्लीना होतीति मय्हं उदरच्छवि याव पिट्ठिकण्टकं, ताव तं आहच्च ठितत्ता अल्लीना होती उदरियस्स परिकखयेन अन्तानञ्च सुट्ठुमिलातताय । भारियभारियाति गरुतरा । सहउदरच्छविं पिट्ठिकण्टकं, सहपिट्ठिकण्टकं उदरच्छविन्ति योजना । नेव निक्खमति आहारसन्निस्सयआपोधातुया सब्बसो विसुक्खत्ता ।

पूतिमूलानीति लोममूलानं परिव्रूहणके मंसे लोहिते च परिक्रवीणे तानि सुखानि ठानतो भट्टानि अभावेनेव “पूतिमूलानी”ति वृत्तानि । तेनाह “तस्स पना”तिआदि ।

अधिगताति इदानी अधिगता । यथा एतरहि विपस्सनापज्जाय अधिगतताति इमिना किञ्चापि महाबोधिसत्ता परिपाकगतजाणा वसीभूतज्झानाभिज्जा विपस्सनाय परिकम्पं करोन्ति, यथा च नेसं चरिमभवे विपस्सनाचारो, न तथा तदाति दस्सेति । एतदेवाति यं येन वुत्तं अत्थजातं, एतदेव एत्थ एतस्मिं पाठपदेसे युत्तं पुब्बेनापरं अविरुज्जनतो । इतरथाति भिक्खूहि वुत्तप्पकारेन अननुरूपो सिया “इमिस्सा”ति वृत्ताय अज्जत्ते ।

आहारसुद्धिवण्णना निट्ठिता ।

### संसारसुद्धिआदिवण्णना

१६०. संसारेनाति अपरापरं चवनुपपज्जनवसेन भवेसु संसरणेन । यं सन्धाय वुत्तं —

“खन्धानज्ज पटिपाटि, धातुआयतनान च ।

अब्बोच्छिन्नं वत्तमाना, संसारोति पवुच्चती”ति ॥ (विसुद्धिं २.६१९; दी० नि० अट्ठ० २.९५; सं० नि० अट्ठ० २.२.६०; अ० नि० अट्ठ० २.४.१९९; ध० स० अट्ठ० निदानकथा; विभ० अट्ठ० २२६; सु० नि० अट्ठ० २.५२३; उदा० अट्ठ० ३९; इतिवु० अट्ठ० १४, ५८; थेरगा० अट्ठ० १.६७, ९९; बु० वं० अट्ठ० ५८; चूळनि० अट्ठ० ६; पटि० म० अट्ठ० २.१.११७; विसुद्धिं महाटी० १.१२७; अ० नि० टी० २.४.९; सारत्थं टी० १.१) ।

बहुकन्ति बहुकालं बहुक्खत्तुं । उपपज्जित्वाति तत्थ तत्थ भवे निब्बत्तित्वा । आवासेनाति तस्मिं तस्मिं सत्तावासे आवसनेन निब्बत्तित्वा जीवनेन । खन्धायेव वुत्ता तेसंयेव पवत्तिविसेसस्स तेन तेन परियायेन वुत्तत्ता । बहुयागेति अजसूकरगोमाख्यादिके बहुविधे महायज्जे । बहुअग्गीति वाचापेय्यादिवसेन अन्तमसो पाकयज्जादिवसेन च बहुकेपि अग्गी परिचरणेन ।

१६१. बालदारकोपि “दहरो”ति वुच्चतीति ततो विसेसनत्थं “युवा”ति वुत्तं । अतिक्कन्तपठमवया सत्ता सभावेन पलितसिरा होन्तीति पठमवये ठितभावं दस्सेतुं “सुसुकाळकेसो”ति वुत्तं । जराजिण्णोति जराय जिण्णो, न अकालिकेन जराय अभिभूतो । उक्कंसगतबुद्धताय वुद्धो । तेनाह “वड्ढित्वा ठितअङ्गपच्चङ्गो”ति, आरोहपरिणाहवसेन वुद्धिरहितोति अत्थो । जातिमहल्लकोति जातिया महल्लको, न भोगपरिवारादीहीति अत्थो । अद्धगतोति एत्थ अद्ध-सद्वो दीघकालवाचीति आह “बहुअद्धानं गतो”ति । वयोतिआदिपदलोपेनायं निद्देसोति आह “पच्छिमवय”न्ति ।

पदसतम्पि...पे०... समत्थताति पदसतम्पि पदसहस्सम्पि सोतपथमागच्छन्तमेव उग्गहणसमत्थता परिगगहेतुं समत्थता । अयज्ज गतिया व्यापारोति सक्का विज्जातुं गहणमत्तभावतो । तदेवाति पदसतम्पि पदसहस्सम्पि । आधारणं अपिलापनवसेन हृदये धारणं । उपनिबन्धनं यथा न पमुट्ठं होति, तथा उपेच्च अपरापरं निबन्धनं । अयं पन सतिया व्यापारोति सक्का विज्जातुं । पाळियज्ज “परमाय गतिया च सतिया च धितिया चा”ति वुत्तं, परतो च “एवं अधिमत्तगतिमन्तो”ति वुत्तं । समत्थवीरियं धिति नामाति विसिद्धविसयं दस्सेन्तो यथावुत्तसतिसमायोगं तस्स दीपेति । तस्साति यथावुत्तगतिसतिधितोहि सुभधातवचीपरिचितस्स परियत्तिधम्मस्स आगमवसेन अत्थदस्सनसमत्थता युत्तिवसेन कारणदस्सनसमत्थता ।

दळ्हं (अ० नि० टी० ३.९.३८) थिरं धनु एतस्साति दळ्हधन्वा, सो एव इध “दळ्हधम्मा”ति वुत्तो । पटिसत्तुविधमनत्थं धनुं गण्हातीति धनुग्गहो, सो एव उसुं सरं असति खिपतीति इस्सासोति आह “धनुं गहेत्वा ठितो इस्सासो”ति । द्विसहस्सपलं लोहादिभारं वहितुं समत्थं द्विसहस्सथामं । तेनाह “द्विसहस्सथामं नामा”तिआदि । दण्डेति धनुदण्डे । याव कण्डप्पमाणाति दीघतो यत्तकं कण्डस्स पमाणं, तत्तके धनुदण्डे उक्खित्तमत्ते आरोपितो चेव होति जियादण्डो, सो च भारो पथवितो मुच्चति, एवं इदं “द्विसहस्सथामं नाम धनूति दट्ठब्बं । उग्गहितसिप्पोति उग्गहितधनुसिप्पो । कतहत्थोति थिरतरं लक्खेसु अविरज्जनसरक्खेपो । ईदिसो पन तत्थ वसीभूतो कतहत्थो नाम होतीति आह “चिण्णवसीभावो”ति । कतं राजकुलादीसु उपेच्च असनं एतेन सो कतूपासनोति आह “राजकुलादीसु दस्सितसिप्पो”ति । एवं कतन्ति एवं अन्तोसुसिरकरणादिना सल्लहुकं कतं ।

ओलोकेतीति उदिकखति । एवं सन्तेपि तेसं वारो पज्जायतीति तेसं भिक्खूनं “अयं पठमं पुच्छति, अयं दुतिय”न्तिआदिना पुच्छनवारो तादिसस्स पज्जवतो पज्जायति सुखुमस्स अन्तरस्स लब्धनतो । बुद्धानं पन वारोति ईदिसे ठाने बुद्धानं देसनावारो अज्जेसं नपज्जायनतो बुद्धानयेव पज्जायति । इदानी तमेव पज्जायनतं युत्तितो दस्सेन्तो “विदत्थिचतुरङ्गुलछाय”न्तिआदिमाह । अच्छरासङ्घाटमत्ते खणे अनेक-कोटिसहस्स-चित्तपवत्तिसम्भवतो “विदत्थिचतुरङ्गुलछायं अतिक्कमनतो पुरेतरंयेव भगवा...पे०... कथेती”ति वत्त्वा ततो लहुतरापि सत्थु देसनापवत्ति अत्थेवाति दस्सेन्तो “तिट्ठन्तु वा ताव एते”तिआदिमाह । इदानी तत्थ कारणं दस्सेतुं “कस्मा”तिआदि वुत्तं । सोळस पदानि कथेतीति एतेन लोकियजनस्स एकपदुच्चारणक्खणे भगवा अट्ठवीससतपदानि कथेतीति दस्सेति । इदानी तस्सपि कारणं दस्सेतुं “कस्मा”तिआदि वुत्तं ।

धम्मोति पाळि । पज्जति अत्थो एतेनाति पदं, तदत्थो । अत्थं व्यज्जेतीति व्यज्जनं, अक्खरं । तज्झि पदवाक्यक्खरभावेहि परिच्छिज्जमानं तं तं अत्थं व्यज्जेति पकासेति । तेनाह “धम्मपदव्यज्जनन्ति पाळिया पदव्यज्जनं, तस्स तस्स अत्थस्स व्यज्जनकं अक्खर”न्ति । एतेन अपरापरेहि पदव्यज्जनेहि सुचिरमपि कालं कथेन्तस्स तथागतस्स न कदाचि तेसं परियादानं अत्थीति दस्सेति । पज्जं व्याकरोन्ति एतेनाति पज्जव्याकरणं, तथापवत्तपटिभानं । अपरिक्खयपटिभाना हि बुद्धा भगवन्तो, यतो वुत्तं “नत्थि धम्मदेसनाय हानी”ति (दी० नि० टी० ३.१४१, ३०५; विभ० मूलटी० १.सुत्तन्तभाजनीयवण्णना) । तेनाह “इमिना किं दस्सेती”तिआदि । तथा आसन्नपरिनिब्बानस्सपि भगवतो देसनाय इतराय च विसेसातावोति पठमबुद्धवचनमपि मज्झिमबुद्धवचनमपि पच्छिमबुद्धवचनमपि सदिसमेव । आसीतिकवस्सतो परं पज्जमो आयुकोट्टासो ।

१६२. कामज्चेत्थ भगवता नागसमालत्थेरस्स अच्छरियअब्भुतपवेदनमुखेन अत्तनो लोमानं हट्ठभावस्स पवेदितत्ता “लोमहंसनपरियायो”ति नामं गहितं, तथापि सब्बज्जुतज्जाणादि-अनज्जसाधारणजाणानुभाव-विभावनादिवसेन सोळससमूहतो सीहनादस्स नदनेन देसनाय पवत्तितत्ता “महासीहनादो”त्वेव सङ्गीतिकारमहात्थेरेहि नामं ठपितन्ति दट्ठब्बं ।

महासीहनादसुत्तवण्णनाय लीनत्थप्पकासना समत्ता ।

### ३. महादुक्खक्खन्धसुत्तवण्णना

१६३. ततो परन्ति तिण्णं जनानं उपरि सङ्घो चतुवग्गकरणीयादिकम्मेहि पटिकम्मप्पत्तत्ता । गामं गतोति वुच्चति गामं उद्दिस्स गतत्ता, एवं सावत्थिं पविसितुं विहारतो निक्खन्ता “पविसिंसू”ति वुत्ता । परिज्जन्ति पहानपरिज्जं । सा हि

समतिककमो, न इतरा। **रूपवेदनासुपीति** “रूपानं परिज्जं, वेदनानं परिज्जं”न्ति एत्थापि। कामं सब्बेसं तित्थियानं कामादिपरिज्जापज्जापनहेतुभूतो समयो नत्थि, येसं पन अत्थि, ते उपादाय “**सकसमयं जानन्ता**”ति वुत्तं। “यतो यतो खो भो अयं भिक्खु विविच्चेव कामेहि...पे०... पठमं ज्ञानं उपसम्पज्ज विहरति, एत्तावता खो भो कामानं परिज्जा होती”ति एवं सरूपतो पठमज्ज्ञानं विभावेतुं असक्कोन्तापि केवलं अच्चन्तप्पहानसज्जाय **कामानं परिज्जं पज्जपेय्यं पठमज्ज्ञानं वदमाना**। तं किस्स हेतु? तादिसस्स आगमाधिगमस्साभावतो। **रूपवेदनापरिज्जासुपि** एसेव नयो। **वुच्चेथाति** वुच्चेय्य। **दुतियपदेपीति** “अनुसासनिया वा अनुसासनि”न्ति एवं वुत्तवाक्येपि। ते किर भिक्खू।

**१६५. न चेव सम्पायिस्सन्तीति** न चेव सम्मदेव पकारेहि गमेस्सन्ति जापेस्सन्ति। तेनाह “**सम्पादेत्वा कथेतुं न सक्खिस्सन्ती**”ति। यस्मा अविसये पज्जो पुच्छितो होति, तस्मा आपज्जिस्सन्तीति योजना। **सदेवकेति** अरूपदेवगगहणं। ते हि लोकियदेवेहि दीघायुकतादिना उक्कट्टा। **समारकेति** कामावचरदेवगगहणं। **सब्रह्मकेति** रूपावचरब्रह्मगगहणं। **सस्समणब्राह्मणियाति** एत्थ **समणगगहणेन** पब्बजिते, **ब्राह्मणगगहणेन** जातिब्राह्मणे, पुन **देवगगहणेन** सम्मुतिदेवे, **मनुस्सगगहणेन** अवसिद्धमनुस्सकायं परियादियति। **लोकपजागगहणेन** पन पयोजनं अट्ठकथायं दस्सितमेव। **अज्जथा आराधनं नाम नत्थीति** इमिना कामरूपवेदनासु अस्सादादीनं याथावतो अवबोधो एव इतो बाहिरकानं नत्थि, कुतो पवेदनाति दस्सेति।

**१६६. चित्ताराधनन्ति** याथावपवेदनेन परेसं चित्तस्स परितोसनं। **बन्धनट्टेन गुणाति** कामरागसंयोजनस्स पच्चयभावेन वत्थुकामेसुपि बन्धनट्टो वुत्तो, कोट्टासट्टो वा गुणट्टो दट्टब्बो। **तरयन्तीति** तरमाना यन्ति गच्छन्ति। अतीतादिभिन्नपठमादिवया एव चित्तता रासिभावेन वयोगुणाति गहिताति आह “**रासट्टो गुणट्टो**”ति। **चक्खुविज्जेय्याति** वा चक्खुविज्जाणतं द्वारिकविज्जाणेहि विजानितब्बा। **सोतविज्जेय्याति** आदीसुपि एसेव नयो। **इट्टारम्मणभूताति** सभावेनेव इट्टारम्मणजातिका, इट्टारम्मणभावं वा पत्ता। **कमनीयाति** कामेतब्बा। **मनवट्टुनकाति** मनोहरा। एतेन परिकप्पनतोपि इट्टभावं गण्हाति। **पियजातिकाति** पियायितब्बसभावा। **कामूपसंहिताति** कामरागेन उपेच्च सन्धानिया सम्बद्धा (अ० नि० टी० ३.६.६३) कातब्बाति आह “**आरम्मणं कत्वा**”ति।

**१६७. सज्जं ठपेत्वाति** “इमस्मिं अङ्गुलिकादिपब्बे गहिते सतं होति, इमस्मिं सहस्स”न्ति आदिना सज्जाणं कत्वा गणना। **अच्छिद्दगणनाति** “एकं द्वे”ति आदिना नवन्तविधिना निरन्तरगणना। **पिण्डगणनाति** सङ्कलनपटुप्पादनादिना पिण्डित्वा गणना। तेनाह “**खेत्तं ओलोकेत्वा**”ति आदि। कसनं **कसीति** कसिगगहणेन सब्बो कसिपटिबद्धो जीविकूपायो गहितोति आह “**कसीति कसिकम्म**”न्ति। **जङ्घवणिज्जाति** जङ्घसत्थवसेन वणिज्जं आह, **थलवणिज्जाति** सकटसत्थवसेन। **आदि-सद्देन** नावापणादिवसेन वोहारं। **वणिप्पथोति** वणिजमगो, दानगगहणवसेन संवोहारोति अत्थो। उसूनं असनकम्मं **इस्सत्तं**, धनुसिप्पेन जीविका, इध पन इस्सत्तं वियाति **इस्सत्तं**, सब्बआवुधजीविकाति आह “**आवुधं गहेत्वा उपट्टानकम्म**”न्ति। पोरोहिच्चावचकम्मादि **राजकम्मं**। **आदि-सद्देन** रथसिप्पखत्तविज्जासिप्पादि-वुत्तावसेसं महासिप्पं खुट्ठकसिप्पज्ज सङ्गण्हाति। **सीतस्स पुरक्खतोति** सीतस्स पुरतो कतो। यो हि सीतकाले जीविकाहेतु सीतलपदेसं पक्खन्दति, सो वाळमिगादीहि विय सीतेन परिपातियमानो तेन पुरतो कतो विय होति। तेनाह “**सीतेन बाधियमानो**”ति। **उण्हस्स पुरक्खतोति** एत्थापि एसेव नयो। **सरित्त्वाति** संसप्पित्वा। **घट्टियमानोति** हिंसियमानो बाधियमानो। आबाधनं **आबाधो**, पीळाति अत्थो। **कामहेतुन्ति** वा भावनपुंसकनिद्देसो यथा “विसमं चन्दिमसूरिया परिवत्तन्ती”ति (अ० नि० ४.७०)। तथा सेसपदद्वयेपि। तेनेवाह “**कामानमेव हेतू**”ति। **कामानं हेतूति** एत्थ पुरिमपदावधारणमयुत्तं तदज्जपच्चयपटिकखेपापत्तितो, तथा उत्तरपदावधारणं कामानं कदाचि अहेतुभावस्सपि सम्भवतो,

तस्मा “उप्पज्जतिथेवा”ति वुत्तं ।

उट्ठहतीति इमिना उट्ठानवीरियं वुत्तन्ति आह “आजीवसमुट्ठापकवीरियेना”ति । तं वीरियन्ति आजीविकसमुट्ठापकवीरियं । पुब्बेनापरं घटेन्तस्साति आरम्भतो पट्टाय निरन्तरं पवत्तेन्तस्स । चित्ते उप्पन्नबलवसोकेन सोचतीति चित्तसन्तापेन अन्तो निज्झायति । काये उप्पन्नदुक्खेनाति तस्सेव सोकस्स वसेन काये उप्पन्नदुक्खेन । सोकुद्धेसेन तं तं विप्पलपेन्तो वा परिदेवति । उरं ताळेत्वाति वक्खप्पदेसं पहरित्वा । “मोघ”न्तिआदि परिदेवनाकारदस्सनज्जेव सम्मोहापज्जनाकारदस्सनज्ज । मेति वत्वा पुन नोति पुथुवचनं अत्तनो उभयथापि वोहरितब्बतो, ब्यामूळहवचनं वा सोकवसेन ।

१६८. इध कामग्गहणेन विसेसतो वत्थुकामा गहिताति कामादिग्गहणं कतं, नानन्तरियताय पन किलेसकामोपि गहितो एव । असिचम्मन्ति एत्थ चम्मग्गहणेन न केवलं चम्ममयस्स, चम्मपरिसिब्बितस्सेव वा गहणं, अथ खो सब्बस्सपि आवुधबाधकस्स गहणन्ति दस्सेन्तो “खेटकफलकादीनी”ति आह । आदि-सद्देन सरादिसङ्गहो । धनुकलापं सन्नद्धित्वाति धनुज्जेव खुरप्पतूणिज्ज सन्नद्धित्वा, धनुदण्डस्स जियाय तथाभावकरणादिपि (अ० नि० टी० ३.५.७६) धनुनो सन्नद्धनन्ति । द्विन्नं सेनानं ब्यूहसंविधानेन वा उभतोब्यूळं । विज्जोतलन्तेसूति निसितपीतफलताय विज्जोतनवसेन परिवत्तमानेसु ।

पाकारसमीपातिसङ्खारताय पाकारपादा उपकारियो, या “उट्ठापा”ति वुच्चन्ति । सतदन्तेनाति अनेकसतदन्तकेन, यस्स तिखिणदन्तानि अनेकसतानि मूलानि होन्ति । अतिभारताय दसवीसमत्तापि जना उक्खिपितुं न सक्कोन्ति, यन्तवसेन पन उक्खिपित्वा बन्धित्वा ठपेन्ति । तेनाह “अट्टदन्ताकारेना”तिआदि । ओमदन्तीति ओट्टपेन्ति ।

१६९. सन्धिम्मि छिन्दन्ति चोरिकाय जीवितुकामा । निल्लोपन्ति निस्सेसविलोपं, एकं परित्तं गामं परिवारेत्वा तत्थ किञ्चिपि गय्हूपगं असेसेत्वा करमरग्गहणं । तेनाह “महाविलोप”न्ति । पन्थदुहनकम्मं अटविमग्गे ठत्वा अद्धिकानं विलुम्पनं । पहारसाधनत्थं (अ० नि० टी० २.२.१) दण्डप्पहारस्स सुखसिद्धिअत्थं । कज्जितो निब्बत्तं कज्जियं, आरनालं । यं “बिलङ्ग”न्तिपि वुच्चति, तं यत्थ सिञ्चति, सा कज्जियउक्खलिका । बिलङ्गथालिकसदिसकरणं बिलङ्गथालियं । सीसकपालं उप्पाटेत्वाति अयोगुळपवेसनप्पमाणं छिदं कत्वा । सङ्खमुण्डकम्मकारणन्ति सङ्खं विय मुण्डकम्मकारणं ।

राहुमुखकम्मकारणन्ति राहुमुखगत-सूरियसदिस-कम्मकारणं । जोतिमालिकन्ति जोतिमालवन्तं कम्मकारणं । हत्थपज्जोतिकन्ति हत्थपज्जोतनकम्मकारणं । एकवत्तकम्मकारणन्ति एकवत्तसदिसे सरीरतो बद्धे उप्पाटनकम्मकारणं । चीरकवासिककम्मकारणन्ति सरीरतो उप्पाटितबद्धचीरकाहि निवासापनकम्मकारणं । तं करोन्ता यथा गीवतो पट्टाय बद्धे कन्तित्वा कटियमेव ठपेन्ति, एवं गोप्फकतो पट्टाय कन्तित्वा कटियमेव ठपेन्ति । अट्टकथायं पन “कटितो पट्टाय कन्तित्वा गोप्फकेसु ठपेन्ती”ति वुत्तं । एण्येय्यकम्मकारणन्ति एणीमिगसदिसकम्मकारणं । अयवलयाणि दत्त्वाति अयवलयाणि पटिमुज्जित्वा । अयसूलानि कोट्टेन्तीति कप्परजण्णुककोटीसु अयसूलानि पवेसेन्ति । न्ति तं तथाकतकम्मकारणं सत्तं ।

बळिसमंसिकन्ति बळिसेहि मंसुप्पाटनकम्मकारणं । कहापणिकन्ति कहापणमत्तसो छिन्दनकम्मकारणं । कोट्टेन्तीति छिन्दन्ति । खारापतच्छिकन्ति तच्छेत्वा खारावसिञ्चनकम्मकारणं । पलिघपरिवत्तिकन्ति पलिघस्स विय परिवत्तनकम्मकारणं । एकाबद्धं करोन्ति अयसूलस्स कोट्टेनेन । पलालपीठकन्ति पलालपीठस्स विय सरीरस्स

संवेल्लनकम्मकारणं । कारणिकाति घातनकारका । पलालवट्टिं विय कत्वाति यथा पलालपीठं करोन्ता पलालवट्टिं कत्वा संवेल्लनवसेन नं (अ० नि० टी० २.२.१) वेठेन्ति, एवं करोन्तीति अत्थो । छातकेहीति बुभुक्खितेहि कोलेय्यकसुनखेहि । बलवन्तो हि ते जवयोग्गा सूरा च होन्ति । कम्मवसेन सम्परेति एत्थाति सम्परायो, परलोको । तत्थ भवोति सम्परायिको ।

१७०. छन्दरागो विनीयति चेव पहीयति च एत्थाति निब्बानं छन्दरागविनयो छन्दरागप्पहानञ्चाति । तेनाह “निब्बानञ्ही”ति । तत्थ आगम्माति इदं यो छन्दरागं विनेति पजहति, तस्स आरम्भणं सन्धाय वुत्तं । तीहि परिञ्जाहीति इमिना जाततीरणपरिञ्जाहि परिजानिस्सन्तीति नेतं ठानं विज्जति । को पन वादो पहानपरिञ्जायाति दस्सेति? तथभावायाति परिजाननकभावाय ।

१७१. अपरित्तेनाति अहीनेन । विपुलेनाति महता । यदि वण्णसम्पत्तिदस्सनत्थं, वण्णदसकं कस्मा न गहितन्ति आह “मातुगामस्स ही”तिआदि । भोजनसम्पदादीनं अलाभेपीति दस्सनत्थं “दुग्गतकुले निब्बत्तस्सपी”ति वुत्तं । थोकं थोकं वण्णायतनं पसीदति मंसस्स परिवूहनतो थनमंसानि वड्डन्ति जायन्ति । वण्णेति हृदयङ्गतभावं पकासेन्तो विय होतीति वण्णो । सो एव सामग्गोपभोगादिना निभातीति निभा । तेनाह “वण्णनिभाति वण्णोयेवा”ति ।

भोग्गन्ति अतिविय वड्डताय भोग्गं । तादिसं पन सरीरं भग्गं विय होतीति आह “भग्ग”न्ति । तेनाह “इमिनापिस्स वड्डभावमेव दीपेती”ति । दन्तानं छिन्नभिन्नताय एकच्चां पतनेन च खण्डितदन्तं । केसानं सेतवण्णताय पलितन्ति आह “पण्डरकेस”न्ति । केसानं मत्तसो सियने खल्लाटवोहारोति बहुसो सियनं सन्धायाह “महाखल्लाटसीस”न्ति । वस्ससतिककाले उपपज्जनतिलकानि सन्धायाह “तिलकाहतगत्त”न्ति । तानि पन कानिचि सेतानि होन्ति कानिचि काळानीति आह “सेतकाळतिलकेही”ति । ब्याधिकन्ति सञ्चातब्याधिं । बाळहगिलानन्ति मारणन्ति कगेलज्जेन गिलानं ।

१७३. तस्मिं समयेति तस्मिं ज्ञानं उपसम्पज्ज विहरणसमये । न चेतेतीति न अभिसन्दहति । ब्याबाधनट्टेन ब्याबाधो, ब्याबाधोव ब्याबज्झं, नत्थि एत्थ ब्याबज्झन्ति अब्याबज्झं, दुक्खरहितं । तेनाह “निदुक्खमेवा”ति ।

१७४. अनिच्चादिआकारोति अनिच्चाकारो दुक्खाकारो विपरिणामाकारो चलादिआकारो च ।

महादुक्खक्खन्धसुत्तवण्णनाय लीनत्थप्पकासना समत्ता ।

#### ४. चूळदुक्खक्खन्धसुत्तवण्णना

१७५. सक्केसूति एत्थ यं वत्तब्बं, तं सतिपट्टानसुत्तवण्णनायं वुत्तनयेनेव वेदितब्बन्ति तं एकदेसेन दस्सेन्तो “सो ही”ति आह । तत्थ येन राजकुमारा सक्क्या नाम जाता, यतो तेसं निवासट्टानताय जनपदो तथा वुच्चति, तं वत्तब्बन्ति आह “सक्क्यानं पन उप्पत्ति अम्बट्टसुत्ते आगतावा”ति । कपिलवत्थूति वुत्तं पुरिमसञ्जावसेन ।

नानप्पकारकन्ति “लोभधम्मा”ति बहुवचनस्स निमित्तं वदति । लोभो हि तेन तेन अवत्थाविसेसेन पवत्तिआकारभेदेन “छन्दो रागोत्तण्हा आसत्ति अपेक्खा”तिआदिना अनेकप्पभेदो, लुब्भनलक्खणेन पन “लोभो”त्वेव वुच्चति । तेनाह “नानप्पकारकं लोभंयेवा”ति । तथा “दोसो पटिघो कोधो उपनाहो विरोधो”तिआदिना, “मुहंनं



असमपेक्खनं अपच्चवेक्खणा दुम्मेज्झं बाल्यं”न्तिआदिना (ध० स० ३९०) च दोसमोहानं नानप्पकारतं सन्धायाह “इतरेसुपि द्वीसु एसेव नयो”ति। परियादियित्वाति परितो सब्बसो आदाय। गहेत्वाति अयमेत्थ अत्थोति आह “गहणे आगत”न्ति। परियादियतीति परिकखीणोति। दी-सद्वज्झि सद्विदू खयत्थं वदन्ति।

एकदाति आमोडितलोपेन निद्वेसोति आह “एकेकस्मिं काले”ति। लोभदोसमोहाति पठममग्गेन पहीनावसेसा लोभदोसमोहा। निरवसेसा पहीयन्ति, अज्जथा दुतियमग्गेन किं कतं सियाति अधिप्पायो। समुदाचारप्पत्तं पन दिस्वा “अप्पहीनं मे अत्थी”तिपि जानाति। एवं कथं निरवसेसप्पहानसज्जाति आह “अप्पहीनकं...पे०... सज्जी होती”ति। एवं पठममग्गेनेव समुच्छिन्नसंसयस्स “को सु नाम मे धम्मो अज्जत्तं अप्पहीनोति एवं सन्धेहो कथं उप्पज्जती”ति वत्वा “पण्णत्तिया अकोविदत्ता”ति कारणमाह। विनयकुक्कुच्चं विय हि पण्णत्तियं अकुसलताय अरियानम्पि कत्थचि विमतिमत्तं उप्पज्जति यथा तं सब्बसो अप्पहीनसम्मोहानन्ति। अत्तनो अविसेसये अनभिजाननं पण्णत्तिकोसल्लेन किमेत्थ पयोजनं, पच्चवेक्खणामत्तेन अयमत्थो सिज्झतीति दस्सेन्तो “किं तस्स पच्चवेक्खणा नत्थी”ति आह। इतरों “नत्थी”ति न सक्का वत्तुन्ति कत्वा “अत्थी”ति वत्वा तत्थ लब्भमानविभागं दस्सेन्तो “सा पना”तिआदिमाह। तत्थ साति पच्चवेक्खणा। सब्बेसन्ति सब्बेसं अरियानं। यथा परिपुण्णा न होति, न एवं सब्बसो न होतीति आह “इमासु पना”तिआदि।

१७६. अज्झत्तन्ति नियकज्झत्तं अधिप्पेतन्ति आह “तव सन्ताने”ति। अप्पहीनोति अनवसेसतो अप्पहीनो। दुविधेति वत्थुकामकिलेसकामे। किलेसकामोपि हि यदग्गेन अस्सादीयति, तदग्गेन परिभुज्जीयति।

१७७. अस्सादीयतीति अस्सादो, सुखं। अप्पो अप्पमत्तको अस्सादो एतेसूति अप्पस्सादा। तेनाह “परित्तसुखा”ति। परियेसनदुक्खादिहेतुकं दिट्ठधम्मिकं तत्थ दुच्चरितचरणेन सम्परायिकञ्च दुक्खमेत्थ कामेसु बहुकन्ति बहुदुक्खा। बहुपायासाति बहुपरिक्किलेसा। ते पन परिक्किलेसा वक्खमाननयेन बहूयेवेत्थ दिट्ठधम्मिकापीति आह “दिट्ठधम्मिक... पे०... बहू”ति। ते च परिक्किलेसा यस्मा तंसमङ्गिनो हितपटिपत्तिया अन्तरायकरा इध चेव परलोके च आदीनवकारणञ्च पवत्तन्ति, तस्मा वुत्तं “दिट्ठधम्मिक...पे०... बहू”ति। एवं चेपीति एवं “अप्पस्सादा कामा”तिआदिना आकारेन। नयेनाति धम्मेन। कारणेनाति युत्तिया। सुट्ठु दिट्ठं होतीति सम्बन्धो। विपस्सनापज्जायाति अरियमग्गपज्जाय। सा चत्तारिपि सच्चानि विसेसतो पस्सतीति विपस्सनाति अधिप्पेता। तेनाह “हेट्ठामग्गद्वयजाणेनाति अत्थो”ति। पीतिसुखन्ति पीतिसुखवन्तं ज्ञानद्वयं। द्वे मग्गेति हेट्ठामग्गे। आवट्टनसीलो आभुजनसीलो न होतीति अनावट्टी नेव होति सब्बसो अप्पहीनकामरागछन्दो। तेनाह “कस्मा”तिआदि। ओरोधनाटका पजहनपज्जाति आदीनवानुपस्सनाजाणमाह।

१७९. अस्सादोपि कथितो, “अप्पस्सादा”ति हि इमिना यावतको कामेसु अस्सादो, तं सब्बं अनवसेसतो परिगहेत्वा चस्स परित्तभावो दस्सितोति आदीनवोपि कथितो सङ्खेपेनेव सेसस्सआदीनवस्स दस्सितत्ता। तं कथेतुन्ति तं निस्सरणं “एकन्तसुखपटिसंवेदी”ति इमिना कथेतुं। इमेहि अन्तेहीति “पज्जिमे, महानाम, कामगुणा”तिआदिना कामगुणदस्सनमुखेन कामसुखल्लिकानुयोगं “उब्भट्टका होन्ति आसनपटिक्खित्ता”तिआदिना अत्तकिलमथानुयोगञ्च दस्सेत्वा इमेहि द्वीहि अन्तेहि मुत्तं मम सासनन्ति, फलसमापत्तिपरियोसानत्ता सासनसम्पत्तिया “उपरिफलसमापत्तिसीसेन सकलसासनं दस्सेतु”न्ति आह। गिज्झसदिसो कूटोति मज्झेपदलोपीसमासो यथा “साकपत्थिवो”ति (पाणिनि० २.१.६०)। दुतिये पनेत्थ गिज्झवन्तताय गिज्झा कूटे एतस्साति गिज्झकूटो। उद्धंयेव तिट्ठनका निसज्जाय वुट्ठितकालतो पट्ठाय एकट्ठानेनेव तिट्ठनका। तेनाह “अनिसिन्ना”ति। निगण्ठस्साति नाटपुत्तस्स। नत्थि एतस्स परिसेसन्ति अपरिसेसं। एवं

सङ्घाभवचनमत्तमस्साति आह “अपरिसेससङ्घात”न्ति । निच्चट्टेन सतत-सद्धेन अभिण्हप्पवत्ति जोतिता सियाति “समित”न्ति वुत्तं । तेन निरन्तरप्पवत्तिं दस्सेतीति एवं वा एत्थ अत्थो दट्ठब्बो ।

१८०. यं करोति, तं जानातीति दुक्खस्स निज्जरणखेपनं नाम विज्जूनं किच्चं, विज्जूना च पुरिसेन कताकतं जानितब्बं, तस्मा तुम्हेहि पुराणानं कम्मानं ब्यन्तिभावं करोन्तेहि पठमं ताव एत्तकानि पुराणानि कम्मानीति जानितब्बानि, ततो “एत्तकं कालं कतेन तपसा एत्तकानि तानि ब्यन्तिकतानि, इदानि एत्तकानि कातब्बानी”तिआदिना अयं विधि पुरिसेन विय अत्तना कातब्बकिच्चं परिच्छिन्दितब्बन्ति दस्सेति । तेनाह “तुम्हेहिपि तथा जातब्बं सिया”ति । सुद्धन्तन्ति सुद्धकोट्टासं, आयतिं अनवस्सवसिद्धं कम्मक्खयं, ततो वा दुक्खक्खयन्ति अत्थो । सुद्धन्तं पत्तो अत्थीति पुच्छतीति इमिना अकुसलानं पहानं, कुसलानं भावना च सब्बेन सब्बं निगण्ठसमये नत्थि सब्बसो विसुद्धिभावनाय अभावतो, तस्मा कुतो दुक्खक्खयस्स सम्भवोति दस्सेति ।

एवं अजाननभावे सतीति “अहुवम्हेव मय”न्तिआदिना वुत्तप्पकारस्स अजानने सति, तस्मिं तुम्हेहि अज्जायमानेति अत्थो । लुद्धाति घोरा । ते पन यस्मा कायवाचाहि निहीनमेव करोन्ति, तस्मा वुत्तं “लुद्धाचारा”ति । लोहितपाणित्वेव वुच्चति तज्जाकिरियाचरणतो । मागविककेवट्टचोरघातकादयो मागविकादयो । कक्खळकम्माति फरुसकम्मा । ते निगण्ठेसु पब्बजन्तीति पुब्बे महादुक्खसंवत्तनियकम्मस्स कतत्ता हि तुम्हे एतरहि ईदिसं महादुक्खं पच्चनुभवथाति दस्सेति ।

वादेति दिट्ठियं, समयेति अत्थो । सुखेन सुखन्ति एत्थ सुखेनाति पटिपत्तिसुखेन, सुखाय पटिपत्तियाति अत्थो । सुखन्ति विमोक्खसुखं, इध लोके सुखं अधिगच्छन्ता कसिर्वणिज्जादिदुक्खपटिपत्तियाव अधिगच्छन्ति, एवं मोक्खसुखम्पीति अधिप्पायो । सरीरावयवसम्पत्तियापि बिम्बिनो सारोति बिम्बिसारो । ते निगण्ठा...पे०... सन्धाय वदन्ति, न पन भगवतो अच्चन्तसन्तपणीतं निब्बानसुखपटिवेदनं जानन्ति । सहसाति रवा । अप्पटिसङ्घाति न पटिसङ्घाय अविचारेत्वा । तेनाह “साहसं कत्वा”तिआदि ।

अज्जाहि वेदनाहि अवोमिस्सं एकन्तं सुखं एकन्तसुखं, तस्स पटिसंवेदी । तेनाह “निरन्तरसुखपटिसंवेदी”ति । कथापतिट्ठापनत्थन्ति “एकन्तसुखपटिसंवेदी”ति एवं आरद्धकथाय पतिट्ठापनत्थं । राजवारेति राजानं उद्दिस्स आगतदेसनावारे । सुखं पुच्छितुं होतीति “यदि सत्त रत्तिन्दिवानि नप्पहोति, किं छ रत्तिन्दिवानि प्होती”तिआदिना पुच्छनसुखं होति । “अहं खो”तिआदिना पवत्तो सुद्धवारो सुद्धनिस्सन्दस्स फलसमापत्तिसुखस्स वसेन आगतत्ता । अनच्छरियं होति, सत्त रत्तिन्दिवानि प्होन्तस्स एकस्मिं रत्तिन्दिवे किं वत्तब्बन्ति । उत्तानत्थमेव वुत्तनयत्ता सुविज्जेय्यत्ता ।

चूळदुक्खक्खन्थसुत्तवण्णनाय लीनत्थप्पकासना समत्ता ।

#### ५. अनुमानसुत्तवण्णना

१८१. वुत्तानुसारेनाति “कुरुसु, सक्केसू”ति च एत्थ वुत्तनयानुसारेन, “भग्गा नाम जानपदिनो राजकुमारा”तिआदिना नयेन वचनत्थो वेदितब्बोति अत्थो । वत्थुपरिग्गहदिवसेति नगरमापनत्थं वत्थुविज्जाचरियेन नगरट्ठानस्स परिग्गहनदिवसे । अथाति पच्छा । नगरे निम्मितीति तत्थ अनन्तरायेन नगरे मापिते । तमेव सुसुमारगिरणं सुभनिमित्तं कत्वा “सुसुमारगिरि”त्वेवस्स नामं अकंसु । सुसुमारसण्ठानत्ता सुसुमारो नाम एको गिरि, सो तस्स नगरस्स

समीपे, तस्मा तं सुसुमारगिरि एतस्स अत्थीति “सुसुमारगिरी”ति वुच्चतीति केचि । भेसकळाति वुच्चति घम्मण्डगच्छं, केचि “सेतरुक्ख”न्ति वदन्ति, तेसं बहुलताय पन तं वनं भेसकळावनन्तेव पञ्जायित्थ । भेसो नाम एको यक्खो अयुत्तकारी, तस्स ततो गळितट्टानताय तं वनं भेसगळावनं नाम जातन्ति केचि । अभयदिन्नट्टाने जातं विरूळ्हं, संबद्धान्ति अत्थो ।

इच्छापेतीति यं किञ्चि अत्तनि गरहितब्बं वत्तुं सब्रह्मचारीनं इच्छं उप्पादेति, तदत्थाय तेसं अत्तानं विस्सज्जेतीति अत्थो । पठमं दिन्नो हितूपदेसो ओवादो, अपरापरं दिन्नो अनुसासनी । पच्चुप्पन्नातीतविसयो वा ओवादो, अनागतविसयो अनुसासनी । ओतिण्णवत्थुको ओवादो, इतरो अनुसासनी । सो चाति एवं पवारेता सो भिक्खु । दुक्खं वचो एतस्मिं विप्पटिकूलग्गाहे विपच्चनीकसाते अनादरे पुग्गलेति दुब्बचो । तेनाह “दुक्खेन वत्तब्बो”ति । उपरि आगतेहीति “पापिच्छो होती”ति आदिना (म० नि० १.१८१) आगतेहि सोळसहि पापधम्मोहि । पकारेहि आवहं पदक्खिणं, ततो पदक्खिणतो गहणसीलो पदक्खिणग्गाही, न पदक्खिणग्गाही अप्पदक्खिणग्गाही । वामतोति अपसब्बतो, वुत्तविपरियायतोति अधिप्पायो ।

असन्तसम्भावनपत्थनानन्ति असन्तेहि अविज्जमानेहि गुणेहि सम्भावनस्स पत्थनाभूतानं । पटि-सद्दो पच्चत्तिकपरियायो, फरणं वायमनं इध तथावट्टानन्ति आह “पटिप्फरतीति पटिविरुद्धो पच्चनीको हुत्वा तिट्ठीती”ति । अपसादेतीति खिपेति तज्जेति । तथाभूतो च परं घट्टेन्तो नाम होतीति आह “घट्टेती”ति । पटिआरोपेतीति यादिसेन वुत्तो, तस्स पटिभागभूतं दोसं चोदकस्स उपरि आरोपेति ।

पटिचरतीति (अ० नि० टी० २.३.६८) पटिच्छादनवसेन चरति पवत्तति, पटिच्छादनत्थो एव वा चरति-सद्दो अनेकत्थत्ता धातूनन्ति आह “पटिच्छादेती”ति । अज्जेनज्जन्ति पटिच्छादनाकारदस्सनन्ति आह “अज्जेन कारणेना”ति आदि । तत्थ अज्जं कारणं वचनं वाति यं चोदकेन चुदितकस्स दोसविभावनं कारणं, वचनं वा वुत्तं, ततो अज्जेनेव कारणेन, वचनेन वा पटिच्छादेति । कारणेनाति चोदनाय अमूलिकभावदीपनिया युत्तिया । वचनेनाति तदत्थबोधनेन । को आपन्नोति आदिना चोदनं अविस्सज्जेत्वा विक्खेपापज्जनं अज्जेनज्जं पटिचरणन्ति दस्सेति, बहिद्भा कथाअपनामनं विस्सज्जेत्वाति अयमेव तेसं विसेसो । तेनाह “इत्थन्नाम”न्ति आदि ।

अपदीयन्ति दोसा एतेन रक्खीयन्ति, लूयन्ति, छिज्जन्तीति वा अपदानं, (अ० नि० टी० २.३.२) सत्तानं सम्मा, मिच्छा वा पवत्तपयोगो । तेनाह “अत्तनो चरियाया”ति ।

१८३. अनुमिनितब्बन्ति अनु अनु मिनितब्बो जानितब्बो । अत्तानं अनुमिनितब्बन्ति च इदं पच्चत्ते उपयोगवचनं । तेनाह “अनुमिनितब्बो तुलेतब्बो तीरेतब्बो”ति । अत्तानं अनुमिनितब्बन्ति वा अत्तनि अनुमानजाणं पवत्तेतब्बं । तत्रायं नयो — अप्पियभावावहा मयि पवत्ता पापिच्छता पापिच्छाभावतो परस्मिं पवत्तपापिच्छता विय । एस नयो सेसधम्मेषुपि । अपरो नयो — सब्रह्मचारीनं पियभावं इच्छन्तेन पापिच्छता पहातब्बा सीलविसुद्धिहेतुभावतो अत्तुक्कंसनादिप्पहानं विय । सेसधम्मेषुपि एसेव नयो ।

१८४. पच्चवेक्खितब्बोति “न पापिच्छो भविस्सामि, न पापिकानं इच्छानं वसं गतो”ति आदिना पति पति दिवसस्स तिक्खत्तुं वा जाणचक्खुना अवेक्खितब्बं, जाणं पवत्तेतब्बन्ति अत्थो । पापिच्छतादीनं पहानं पति अवेक्खितब्बं, अयज्ज अत्थो तब्ब-सद्दस्स भावत्थतावसेन वेदितब्बो, कम्मत्थतावसेन पन अट्ठकथायं “अत्तान”न्ति पच्चत्ते उपयोगवचनं कत्वा

वुत्तं । **सिक्खन्तेनाति** तिस्सोपि सिक्खा सिक्खन्तेन । तेनाह “**कुसलेसु धम्मेषू**”ति ।

**तिलकन्ति** काळतिलसेततिलादितिलकं । **सब्बप्पहानन्ति** सब्बप्पकारप्पहानं । **फले आगतेति** फले उप्पन्ने । **निब्बाने आगतेति** निब्बानस्स अधिगतत्ता । **भिक्षुपातिमोक्खन्ति** “सो समणो, स भिक्षू”ति एवं वुत्तभिक्षूनां पातिमोक्खं, न उपसम्पन्नानं एव न पब्बजितानं एवाति दट्ठब्बं । यस्मा चिदं भिक्षुपातिमोक्खं, तस्मा वुत्तं “**इदं दिवसस्स तिक्खत्तु**”न्तिआदि । **अपच्चवेक्खितुं न वट्टति** अत्तविसुद्धिया एकन्तहेतुभावतो ।

अनुमानसुत्तवण्णनाय लीनत्थप्पकासना समत्ता ।

#### ६. चेतोखिलसुत्तवण्णना

१८५. चेतो तेहि खिलयति थद्धभावं आपज्जतीति **चेतोखिला** । तेनाह “**चित्तस्स थद्धभावा**”ति । यस्मा तेहि उप्पन्नेहि चित्तं उक्लापीजातं ठानं विय अमनुज्जं खेतं विय च खाणुकनिचितं अमहप्फलं होति । तेन वुत्तं “**कचवरभावा खाणुकभावा**”ति । “चित्तस्सा”ति आनेत्वा सम्बन्धितब्बं । **चित्तं बन्धित्वाति** तण्हापवत्तिभावतो कुसलचारस्स अवसरचजनवसेन चित्तं बद्धं विय समोरोधेत्वा । तेनाह “**मुट्ठियं कत्वा विय गणहन्ती**”ति । सदत्थतो पन चेतो विरूपं निबन्धीयति संयमीयति एतेहीति **चेतसो विनिबन्धा** यस्स चतुब्बिधं सीलं अखण्डादिभावप्पत्तिया सुपरिसुद्धं विसेसभागियत्ता अप्पकसिरेनेव मग्गफलावहं महासङ्गरक्खितत्थेरस्स विय, सो तादिसेन सीलेन इमस्मिं धम्मविनये वुद्धिं आपज्जिस्सतीति आह “**सीलेन वुद्धि**”न्ति । यस्स पन अरियमग्गो उप्पज्जन्तो विरूळ्हमूलो विय पादपो सुप्पतिट्ठितो, सो सासने विरूळ्हि आपन्नोति आह “**मग्गेन विरूळ्हि**”न्ति । यो सब्बसो किलेसनिब्बानप्पत्तो, सो अरहा सीलादिधम्मक्खन्धपारिपूरिया सतिवेपुल्लप्पत्तो होतीति आह “**निब्बानेन वेपुल्ल**”न्ति । दुतियविकप्पे अत्थो वुत्तनयानुसारेन वेदितब्बो ।

बुद्धानं धम्मकायो विय रूपकायोपि अनज्जसाधारणताय अनुत्तरगुणाधिद्वानताय च अपच्चक्खकारीनं संसयवत्थु होतियेवाति “**सरीरे वा गुणे वा कङ्कती**”ति वुत्तं । तत्थ यथा महापुरिसलक्खणेन अनुब्यज्जनादयो रूपकायगुणा गहिता एव होन्ति अविनाभावतोति “**द्वत्तिसवरलक्खणप्पटिमण्डित**”मिच्चेव वुत्तं, एवं अनावरणजाणेन सब्बेपि अनन्तापरिमेय्यभेदा धम्मकायगुणा गहिता एव होन्तीति **सब्बज्जुतज्जाणग्गहणमेव** कतं नानन्तरियभावतोति दट्ठब्बं । **कङ्कती** “अहो वत ते गुणा न भवेय्युं, भवेय्युं वा”ति पत्थनुप्पादनवसेन कङ्कति । पुरिमो हि विपरीतज्झासयो, इतरो यथाभूतजाणज्झासयो । **विचिनन्तोति** विचयभूताय पज्जाय ते विवेचेतुकामो तदभावतो किच्छं दुक्खं आपज्जति, किच्छप्पत्ति च तत्थ निच्छेतुं असमत्थतायेवाति आह “**विनिच्छेतुं न सक्कोती**”ति । विगता चिकिच्छाति **विचिकिच्छा** । **अधिमोक्खं न पटिलभतीति** “एवमेत”न्ति ओकप्पनवसेन गुणेषु विनिच्छयं नाधिगच्छति । **ओतरित्वाति** जाणेन अनुपविसित्वा । **पसीदितुन्ति** “पसन्नरूपधम्मकायगुणेहि भगवा”ति पसीदितुं । **अनाविलो** अकालुस्सो होतुं **न सक्कोति** । “कङ्कती”ति इमिना दुब्बला विमति वुत्ता, “विचिकिच्छती”ति इमिना मज्झिमा, “नाधिमुच्चती”ति इमिना बलवती, “न सम्पसीदती”ति इमिना तिविधायपि विमतिया वसेन उप्पन्नचित्तकालुस्सियं वुत्तन्ति दट्ठब्बं ।

**आतप्पायाति**आदितो तपति सन्तपति किलेसेति **आतप्पं**, आरम्भधातु, तदत्थाय । **अनुयोगायाति** यथा संकिलेसधम्मानं अवसरो न होति, एवं अनु अनु युज्जनं **अनुयोगो**, निक्कमधातु, तदत्थाय । तेनाह “**पुनप्पुनं योगाया**”ति । **सातच्चायाति** यथा उपरूपरि विसेसाधिगमो होति, तथा सततस्स निरन्तरपवत्तस्स अनुयोगस्स भावो

**सातच्चं**, परक्कमधातु, तदत्थाय । **पधानायाति** सन्तमेवं तिविधधातुसंवट्ठितानुभावं सब्बकिलेसविद्धंसनसमत्थं पधानसङ्घातं वीरियं, तदत्थाय । एत्थ च आतप्पाय चित्तं न नमति यथावुत्तकङ्खावसेन, पगेव अनुयोगादिअत्थन्ति दस्सेतुं चत्तारिपि पदानि गहितानि, अनवसेसविसेसदस्सनत्थं वा । केचि पन “आतप्पवेवचनानेव अनुयोगादिपदानी”ति वदन्ति । एत्तावता भगवा सत्थरि कङ्खाय चित्तस्स थद्धकचवरखाणुकभावेन अकुसलभावादिआपादनतो चेतोखिलभावं दस्सेति । सेसेसुपि एसेव नयो ।

सिक्खाग्गहणेन पटिपत्तिसद्धम्मस्स गहितत्ता वुत्तं “**परियत्तिधम्मे च पटिवेधधम्मे चा**”ति । परियत्तिधम्मे यत्थ कङ्खाय सम्भवो, तं दस्सेतुं “**चतुरासीति धम्मक्खन्धसहस्सानी**”तिआदि वुत्तं । तयिदं निदस्सनमत्तं दट्ठब्बं परम्पराय पटिवेधावहभावादिवसेनपि एकच्चानं तत्थ संसयुप्पत्तितो । यथा च पटिवेधे कङ्खा वुत्ता, एवं अधिगमधम्मपि पवत्ततीति वेदितब्बा । तथा हि एकच्चे “कसिणादिभावनाय झानानि इज्झन्ती”ति वदन्ति । “कसिणनिस्सन्दो आरुप्पाति, मेत्तादिनिस्सन्दो चतुत्थब्रह्मविहारो”ति एवमादिना कङ्खितियेवाति । एत्थ च नवलोकुत्तरेसु पज्जत्तियंयेव कङ्खापवत्ति वेदितब्बा असंकिलेसिकत्ता लोकुत्तरधम्मानं ।

**एवरूपन्ति** एदिसं सुप्पटिपत्ति-उजुप्पटिपत्ति-जायप्पटिपत्ति-सामीचिप्पटिपत्ति-सङ्घातं सम्मापटिपदं । **अधिशीलसिक्खा**दयो लोकुत्तरधम्मस्स अनुधम्मभूता वेदितब्बा । एवज्झि मग्गफलसिक्खाहि इमासं विसेसो सिद्धो होति । तथा हि वुत्तं “सिक्खाग्गहणेन पटिपत्तिसद्धम्मस्स गहितत्ता”ति । एत्थ च यथा विचिकिच्छा वत्थुत्तयस्स सिक्खाय च गुणेसु अनधिमुच्चनअसम्पसीदनवसेन अप्पटिपत्तिभावतो चित्तस्स थद्धभावो आसप्पनपरिसप्पनवसेन पवत्तिया कचवरखाणुकभावो च, एवं सब्रह्मचारीसु आघातचण्डिकादिवसेन चित्तस्स थद्धभावो च उपहननविरुज्झनादिवसेन कचवरखाणुकभावो च वेदितब्बो । अरियसङ्गविसया विचिकिच्छा, पुग्गलविसया काचि नत्थीति सङ्गविसयाव गहिता, सासनिकवसेन चायं चेतोखिलदेसनाति सब्रह्मचारीविसयोव कोपो गहितो ।

**१८६.** यथा वत्थुकामो, एवं किलेसकामोपि अस्सादनीयो एवाति “**किलेसकामेपी**”ति वुत्तं । तेनाह भगवा “रूपतण्हा लोके पियरूपं सातरूपं, एत्थेसा तण्हा उप्पज्जमाना उप्पज्जति, एत्थ निविसमाना निविसती”तिआदि (दी० नि० २.४००; म० नि० १.१३३; विभ० २०३) । **कामनिद्वेसे** (महानि० १) सब्बेपि तेभूमका धम्मा कामनीयट्ठेन “**कामा**”ति वुत्ता, बलवकामरागवत्थुभूतायेवेत्थ कामग्गहणेन गहिताति । विनिबद्धवत्थुभावेन यथा विसुं अत्तनो कायो गहितो, तथा परेसं तथारूपा रूपधम्मा समूहट्ठेनाति आह “**रूपेति बहिद्धारूपे**”ति । यथा हि पज्चकामगुणिको रागो झानादिविसेसाधिगमस्स विनिबद्धाय संवत्तति, एवं अत्तनो काये अपेक्खा बहिद्धा च सकपरिक्खारजातिमित्तादीसु अपेक्खाति । केचि पनेत्थ “रूपेति रूपज्झाने”तिआदिना पपज्जेन्ति । तदयुत्तं झानाधिगमविनिबद्धानं सीलस्स च संकिलेसभूतानं चेतोविनिबद्धभावेन गहितत्ता ।

**यावदत्थन्ति** याव अत्थेति अभिकङ्खति, ताव । तेनाह “**यत्तकं इच्छति, तत्तकं**”न्ति । न्ति यावदत्थं उदरपूरं भुत्तं । **अवदेहनतो** पूरणतो । **सेय्यसुखन्ति** सेय्यं पटिच्च उप्पज्जनकसुखं । **पस्ससुखन्ति** पस्सानं सम्परिवत्तनेन उप्पज्जनकसुखं । **निद्दासुखन्ति** निद्दायनेन उप्पज्जनकसुखं ।

**सीलेनाति**आदि पत्थनाकारदस्सनं । **वतसमादानन्ति** धुतङ्गादिवतानुष्ठानं । **तपोति** वीरियारम्भो । सो हि किलेसानं तपनट्ठेन निग्गणहनट्ठेन **तपचरणन्ति** वुत्तं ।

१८९. छन्दं निस्सायाति छन्दं धुरं, छन्दं जेटुकं, छन्दं पुब्बङ्गमं कत्वा पवत्तिवसेन छन्दं निस्साय । जेटुकट्टेन पधानभूता, पधानभावं वा पत्ताति पधानभूता । तेहि धम्महीति छन्दनिस्सयेन पवत्तसमाधिना चेव “पधानसङ्कारो”ति वुत्तवीरियेन च । उपेतन्ति सम्पयुत्तं । इज्झनट्टेन इद्धि, निष्फत्तिअत्थेन पटिलाभट्टेन चाति अत्थो, तस्सा इद्धिया पादं पादकं पदट्टानभूतं । अथ वा इज्झन्ति ताय इद्धा वुद्धा उक्कंसगता होन्तीति इद्धि, साव उपरिविसेसानं अधिट्टानभावतो पादो । तेनाह “इद्धिभूतं वा पादन्ति इद्धिपाद”न्ति । सेसेसुपीति वीरियिद्धिपादादीसुपि । अस्साति इद्धिपादस्स । अत्थो दीपितोति दीपनत्थं कतं, तस्मा विसुद्धिमगगसंवण्णनायं (विसुद्धि० महाटी० २.३६९) तस्स अत्थविचारो गहेतब्बो । इद्धिपादानं समाधिपधानत्ता वुत्तं “विक्खम्भनप्पहानं कथित”न्ति । तेसं तेसं कुसलधम्मनं अनुप्पन्नानं उप्पादनकिरियाय उप्पन्नानं परिबूहनकिरियाय उस्सहनतो उस्सोळ्ही, थामप्पत्ता परक्कमधातु । सा पन चतुन्नं इद्धिपादानं विसेसपच्चयभूता ते उपादाय “पच्चमी”ति वुत्ता, सा च यस्मा समथविपस्सनाभावनासु तत्थ चआदिमज्झपरियोसानेसु साधेतब्बं वीरियं, तस्मा आह “उस्सोळ्हीति सब्बत्थ कत्तब्बवीरियं दस्सेती”ति । पुब्बभागियसमथविपस्सनासाधनं पहातब्बधम्मविभागेन भिन्दित्वा आह “पच्च चेतोखिलप्पहानानि पच्च विनिबन्धप्पहानानी”ति । भब्बोति युत्तो अरहति निष्फत्तिया । जाणेनाति मगगजाणेन । किलेसभेदायाति किलेसानं समुच्छिन्दनाय । खेमस्साति अनुपदवस्स ।

सम्भावनत्थेति (सारत्थ० टी० १.११; अ० नि० टी० ३.७.७१) “अपि नामेवं सिया”ति विकप्पनत्थो सम्भावनत्थो । एवं हीति एवं एकमेव सङ्ख्यं अवत्वा अपराय सङ्ख्याय सद्धि वचनं लोके सिलिट्ठवचनं होति यथा “द्वे वा तीणि वा उदकफुसितानी”ति । सम्मा अधिसयितानीति पादादीहि अत्तना नेसं किञ्चि उपघातं अकरोन्तिया बहिवातादिपरिस्सयपरिहरणत्थं सम्मदेव उपरि सयितानि । उतुं गाहापेन्तियाति तेसं अल्लसिनेहपरियादानत्थं अत्तनो कायुस्मावसेन उतुं गण्हापेन्तिया । तेनाह “उस्मीकतानी”ति । सम्मा परिभावितानीति सम्मदेव सब्बसो कुक्कुटवासनाय वासितानि । तेनाह “कुक्कुटगन्धं गाहापितानी”ति । अयञ्च कुक्कुटगन्धपरिभावना सम्माअधिसयनसम्मापरिसेदननिष्फत्तिया “अनुनिष्कादी”ति (सारत्थ० टी० १.११) दट्टब्बा । तेहि पन सद्धियेव इज्झनतो वुत्तं “तिविधकिरियाकरणेना”ति । किञ्चापि न एवं “अहो वतिमे”तिआदिना इच्छा उप्पज्जेय्य, कारणस्स पन सम्पादितत्ता अथ खो भब्बाव अभिनिब्भिज्जितुन्ति योजना । कस्मा भब्बाति आह “ते हि यस्मा ताया”तिआदि । एत्थ यथा कपालस्स तनुता आलोकस्स अन्तो पज्जायमानस्स कारणं, तथा कपालस्स तनुताय नखसिखामुखतुण्डकानं खरताय च अल्लसिनेहस्स परियादानं कारणवचनन्ति दट्टब्बं, तस्माति आलोकस्स अन्तो पज्जायमानतो, सयञ्च परिपाकगतत्ता ।

ओपम्मसम्पटिपादनन्ति ओपम्मत्थस्स उपमेय्येन सम्मदेव पटिपादनं । अत्थेनाति उपमेय्यत्थेन । यथा कुक्कुटिया अण्डेसु तिविधकिरियाय करणं कुक्कुटच्छापकानं अण्डकोसतो निक्खमनस्स मूलकारणं, एवं भिक्खुनो उस्सोळ्हीपन्नरसानि अङ्गानि अविज्जण्डकोसतो निक्खमनस्स मूलकारणन्ति आह “तस्सा कुक्कुटिया...पे०... समन्नागतभावो”ति । पटिच्छादनसामञ्जेन अविज्जाय अण्डकोससदिसताय बलवविपस्सनावसेन अविज्जण्डकोसस्स तनुभावो, विपस्सनाजाणस्स परिणामकालो वुट्टानगामिनिभावापत्ति, तदा च सा मगगजाणगम्भं धारेन्ती विय होतीति आह “गम्भगगहणकालो”ति । अभिज्जापक्खेति लोकियाभिज्जापक्खे । लोकुत्तराभिज्जा हि अविज्जण्डकोसं पदालिकाति । गाथाय अविज्जण्डकोसं पहरतीति देसनाविलासेन विनेय्यसन्तानगतं अविज्जण्डकोसं घट्टेति, यथाठाने ठातुं न देति ।

पटिसङ्खानप्पहानन्ति तदङ्गप्पहानपुब्बकं विक्खम्भनप्पहानं । पुब्बभागिया इद्धिपादा पाळियं गहिताति “इद्धिपादेहि विक्खम्भनप्पहान”न्ति वुत्तं । “उस्सोळ्हीपन्नरसङ्गसमन्नागतो भिक्खु भब्बो अभिनिब्भिदाया”तिआदिवचनतो (म० नि०

१.१८९) लोकोत्तरिद्विपादा पन सम्बोधगगहणेनेव गहिता । **मग्गे आगते**ति उस्सोळ्हीपन्नरसङ्गसमन्नागतस्स भिक्खुनो विपस्सनं उस्सुक्कापयतो मग्गे आगते उप्पन्ने, पाळियं वा अभिनिब्भिदासम्बोधगगहणेहि **मग्गे आगते** । **फले आगते**ति एत्थापि वुत्तनयेन अत्थो वेदितब्बो । निब्बानस्स पन पाळियं अनागतत्ता निस्सरणप्पहानं न गहितं । सेसं सुविज्जेय्यमेव ।

चेतोखिलसुत्तवण्णनाय लीनत्थप्पकासना समत्ता ।

### ७. वनपत्थपरियायसुत्तवण्णना

१९०. वनीयति विवेककामेहि भजीयति, वनुते वा ते अत्तसम्पत्तिया वसनत्थाय याचन्तो विय होतीति वनं, पतिट्ठन्ति एत्थ विवेककामा यथाधिप्पेतविसेसाधिगमेनाति पत्थं, वनेसु पत्थं गहनट्टाने सेनासनं **वनपत्थं** । परियायति अत्तनो फलं परिगहेत्वा वत्ततीति **परियायो**, कारणन्ति आह “**वनपत्थपरियायन्ति वनपत्थकारणं**”न्ति । वनपत्थज्झि तं उपनिस्साय विहरतो उपनिस्सयकारणं । तेनाह “वनपत्थं उपनिस्साय विहरती”ति । परियायति देसेतब्बमत्थं पतिट्ठपेतीति **परियायो**, देसना । वनपत्थं आरब्ध पवत्ता देसना **वनपत्थदेसना**, तं, उभयत्थापि वनपत्थगगहणं लक्खणमत्तं गामादीनम्पेत्य कारणभावस्स, देसनाय विसयभावस्स च लब्धमानत्ता ।

१९१. निस्सायाति अपस्साय, विवेकवासस्स अपस्सयं कत्वाति अत्थो । **न उपट्ठातीति** आदीहि तस्मिं वनपत्थे सेनासनसप्पायाभावं, उतुपुगगलधम्मस्सवनसप्पायाभावम्पि वा दस्सेति । **जीवितसम्भाराति** (अ० नि० टी० ३.९.६) जीवितप्पवत्तिया सम्भारा पच्चया । **समुदानेतब्बाति** सम्मा जायेन अनवज्जउज्झाचरियादिना उद्धं उद्धं आनेतब्बा पापुणितब्बा । ते पन तथा समुदानिता समाहटा नाम होन्तीति आह “**समाहरितब्बा**”ति । **दुक्खेन उप्पज्जन्तीति** सुलभुप्पादा न होन्ति । एतेन भोजनसप्पायादिअभावं दस्सेति । **रत्तिभागं वा दिवसभागं वाति** भुम्मत्ये उपयोगवचनन्ति आह “**रत्तिकोट्ठासे वा दिवसकोट्ठासे वा**”ति । **रत्तियेव पक्कमितब्बं** समणधम्मस्स तत्थ अनिप्फज्जनतो ।

१९२-३. **सङ्घापीति** “यदत्थमहं पब्बजितो, न मेतं इध निप्फज्जति, चीवरादि पन समुदागच्छति, नाहं तदत्थं पब्बजितो, किं मे इध वासेना”ति पटिसङ्घायपि । अनन्तरवारे **सङ्घापीति** “यदत्थमहं पब्बजितो, तं मे इध निप्फज्जति, चीवरादि पन न समुदागच्छति, नाहं तदत्थं पब्बजितो”ति पटिसङ्घायपीति अत्थो । तेनाह “**समणधम्मस्स निप्फज्जनभावं जानित्वा**”ति ।

१९५-७. **सो पुगगलो अनापुच्छा पक्कमितब्बं, नानुबन्धितब्बो**ति “सो पुगगलो”ति पदस्स “नानुबन्धितब्बो”ति इमिना सम्बन्धो । यस्स येन हि सम्बन्धो, दूरट्ठेनपि सो भवति । **तं पुगगलन्ति** “सो पुगगलो”ति पच्चत्तवचनं उपयोगवसेन परिणामेत्वा तं पुगगलं अनापुच्छा पक्कमितब्बन्ति अत्थो । अत्थवसेन हि विभत्तिविपरिणामोति । **तं आपुच्छा पक्कमितब्बन्ति** एत्थापि एसेव नयो । **आपुच्छा पक्कमितब्बन्ति** च कतज्जुतकतवेदिताय नियोजनं ।

१९८. **एवरूपो**ति यं निस्साय भिक्खुनो गुणेहि वुद्धियेव पाटिकङ्का, पच्चयेहि च न परिस्समो, एवरूपो दण्डकम्मादीहि निगणहाति चेपि, न परिच्चजितब्बोति दस्सेति “**सचेपी**”ति आदिना ।

वनपत्थपरियायसुत्तवण्णनाय लीनत्थप्पकासना समत्ता ।

### ८. मधुपिण्डिकसुत्तवण्णना

**१९९. जातिवन्ति** सयंजातं वनं । तेनाह “अरोपिम”न्ति । **पटिसल्लानत्थायाति** एकीभावत्थाय, पुथुत्तारम्मणतो वा चित्तं पटिनिवत्तेत्वा अच्चन्तसन्ते निब्बाने फलसमापत्तिवसेन अल्लीयापनत्थं । दण्डो पाणिम्हि अस्साति **दण्डपाणि** । यथा सो “दण्डपाणी”ति वुच्चति, तं दस्सेतुं “अयज्ही”तिआदि वुत्तं । **दण्डवित्ततायाति** दण्डे सोण्डताय । सो हि दण्डपसुतो दण्डसिप्पे च सुकुसलो तत्थ पाकटो पज्जातो, तस्मा दण्डं गहेत्वाव विचरति । **जङ्गाकिलमथविनोदनत्थन्ति** राजसभाय चिरनिसज्जाय उप्पन्नजङ्गापरिस्समस्स अपनयनत्थं । **अधिच्चनिकखमनोति** यादिच्छकनिकखमनो, न अभिण्हनिकखमनो । **ओलुब्भाति** सन्निरुम्भित्वा ठितो । यथा सो “ओलुब्भा”ति वुत्तो, तं दस्सेतुं “गोपालकदारको विया”तिआदि वुत्तं ।

**२००. वदन्ति** एतेनाति **वादो**, दिट्ठीति आह “किं वादीति, किं दिट्ठिको”ति? **किमक्खायीति** किमाचिकखको, कीदिसधम्मकथो? **अचिक्कीकारेनाति** अनादरेन । तथापुच्छने कारणं दस्सेन्तो “कस्मा”तिआदिमाह । **नस्सतेतन्ति** नस्सतु एतं कुलं ।

**अत्थं न जानातीति** अत्थं चे एकदेसेन जानेय्य, तं मिच्छा गहेत्वा पटिप्परित्वापि तिट्ठेय्य । तस्स दीघरत्तं अहिताय दुक्खायाति तदस्स अत्थाजाननं भगवता इच्छितं । **विग्गाहिककथन्ति** विग्गाहकथं, सारम्भकथन्ति अत्थो । ननु भगवता सद्धिं लोके पुथू समणब्राह्मणा नानावादा सन्तीति चोदनं सन्धायाह “तथागतो ही”तिआदि । **न विवदति** विवादहेतुकानं कामदिट्ठिज्जोसानानं मग्गेनेव समुग्धातितत्ता, तदभावतो पन **लोको तथागतेन विवदति** । धम्मवादी यथाभूतवादी धम्मवादीहि न विवदति तेसं विवदितुकामताय एव अभावतो, अधम्मवादी पन तिणायपि नमज्जमानो तेहि किञ्चि विवदति । तेनाह “न, भिक्खवे, धम्मवादी केनचि लोकस्मिं विवदती”ति (सं० नि० ३.९४) । अधम्मवादी पन असमुच्छिन्नविवादहेतुकत्ता विवदतेव । तथा चाह “अधम्मवादीव खो, भिक्खवे, विवदती”ति ।

**यथा च पनाति** एत्थ **यथा-सद्वो** “यथा च अनुप्पन्नस्स कामच्छन्दस्स उप्पादो होति, तच्च पजानाती”तिआदीसु (अ० नि० ३.१२२) विय कारणत्थोति आह “**येन कारणेना**”ति । कारणाकारो वा इध यथा-सद्वेन वुत्तो, सो पन अत्थतो कारणमेवाति वुत्तं “**येन कारणेना**”ति । “इदं कथं इदं कथं”ति पवत्तनतो कथंकथा, विचिकिच्छा । सा यस्स नत्थि, सो अकथंकथी, तं **अकथंकथिं** । विप्पटिसारकुक्कुच्चं भगवता अनागामिमग्गेनेव छिन्नं, हत्थपादकुक्कुच्चं अगमग्गेन आवेणिकधम्माधिगमतो । अपरापरं उप्पज्जनकभवो “**भवाभवो**”ति इधाधिप्पेतोति आह “**पुनप्पुनब्भवे**”ति । संवरासंवरो फलाफलं विय खुद्दकमहन्तो भवो “**भवाभवो**”ति वुत्तोति आह “**हीनपणीते वा भवे**”ति । भवो वुट्ठिप्पत्तो “**अभवो**”ति वुच्चति यथा “असेक्खा धम्मा”ति (ध० सं० ११.तिकमातिका) । **किलेससज्जाति** कामसज्जादिके वदति । किलेसा एव वा सज्जानामेन वुत्ता “सज्जा पहाय अमतं एव पापुणाती”तिआदीसु विय । **अत्तनो खीणासवभावं दीपेतीति** इमिनाव परेसज्ज तथत्ताय धम्मं देसेतीति अयम्पि अत्थो विभावितोति दट्ठब्बं । **नीहरित्वा कीळापेत्वाति** नीहरित्वा चेव कीळापेत्वा च, नीहरणवसेन वा कीळापेत्वा । **तिविसाखन्ति** तिभङ्गभाकुटि विय नलाटे जातत्ता **नलाटिकं** ।

**२०१. किन्ति नु खोति** किं कारणेनाति अत्थो । **अनुसन्धिं गहेत्वाति** पुच्छानुसन्धिं उट्ठपेत्वा । **यतोनिदानन्ति** यंनिदानं, यंकारणाति वुत्तं होति । पुरिमपदे हि विभत्ति अलोपं कत्वा निद्वेसो, छअज्झत्तिकबाहिरायतनादिनिदानन्ति अयमेव अत्थो । सङ्खायन्ति सङ्खाभावेन जायन्तीति **सङ्खाति** आह “**सङ्खाति कोट्टासा**”ति । कामज्जेत्थ मानोपि पपज्जो, अभिनन्दनसभावे एव पन गणहन्तो “**तण्हामानदिट्ठिपपज्जसम्पयुत्ता**”ति आह । तथा हि वक्खति “अभिनन्दितब्ब”न्तिआदि । **समुदाचरन्तीति** सब्बसो उट्ठं उट्ठं परियादाय पवत्तन्ति । मरियादत्थो हि अयमाकारो, तेन च योगेन **पुरिसन्ति** उपयोगवचनं यथा “तथागतं, भिक्खवे, अरहन्तं सम्मासम्बुद्धं द्वे वितक्का समुदाचरन्ती”ति (इतिवु० ३८)



। तण्हादयो च यथासकं पवत्तिआकारं अविलङ्घन्तियो आसेवनवसेन उपरूपरि पवत्तन्ति । तथा हि ता “पपञ्चसङ्का”ति वुत्ता ।

**कारणेति** पवत्तिपच्चये । **एकायतनम्पि ...पे०... नत्थीति** चक्खायतनादि एकम्पि आयतनं अभिनन्दितब्बं अभिवदितब्बं अज्झोसितब्बञ्च नत्थि चे, ननु नत्थि एव, कस्मा “नत्थि चे”ति वुत्तन्ति? सच्चं नत्थि, अप्पहीनाभिनन्दनाभिवदनअज्झोसानानं पन पुथुज्जनानं अभिनन्दितब्बादिप्पकारानि आयतनानि होन्तीति तेसं न सक्का नत्थीति वत्तु, पहीनाभिनन्दनादीनं पन सब्बथा नत्थीति “नत्थि चे”ति वुत्तं । **अहं ममन्ति अभिनन्दितब्बन्ति** दिट्ठाभिनन्दनाय “अहं”न्ति तण्हाभिनन्दनाय “मम”न्ति रोचेतब्बं । **अभिवदितब्बन्ति** अभिनिविसनसमुट्ठापनवसेन वत्तब्बं । तेनाह “अहं ममन्ति वत्तब्ब”न्ति । **अज्झोसित्वाति** दिट्ठि तण्हा वत्थुं अनुपविसित्वा गाहद्वयं अनञ्जसाधारणं विय कत्वा । तेनाह “गिलित्वा परिनिट्ठपेत्वा”ति । **एतेनाति** “एत्थ चे नत्थी”तिआदिवचनेन । **एत्थाति** आयतनेसु । तण्हादीनं अवत्थुभावदस्सनमुखेन **तण्हादीनंयेव अप्पवत्तिं** किलेसपरिनिब्बानं कथितन्ति । तेनाह भगवा “**एसेवन्तो**”तिआदि, अयमेव अभिनन्दनादीनं नत्थिभावकरो मग्गो, तप्पटिप्पस्सद्धिभूतं फलं, तंनिस्सरणं वा निब्बानं रागानुसयादीनं अन्तो अवसानं अप्पवत्तीति अत्थो । तेनाह “अयं ...पे०... अन्तो”ति । **सब्बत्थाति** “एसेवन्तो पटिधानुसयानं”तिआदीसु सब्बपदेसु ।

**आदियतीति** पहारदानादिवसेन गय्हति । **मत्थकप्पत्तं कलहन्ति** भण्डनादिमत्ते अट्टत्वा मुखसत्तीहि वितुदनादिवसेन मत्थकप्पत्तं कलहं । याय करोतीति सम्बन्धो । सेसपदेसुपि एसेव नयो । विरुद्धगाहवसेन **नानागाहमत्तं**, तथा विरुद्धवादवसेन **नानावादमत्तं** । **एवं पवत्तन्ति** गरुकातब्बेसुपि गारवं अकत्वा “तुवं तुवं”न्ति एवं पवत्तं सारम्भकथं, याय चेतनाय यं करोति, सा तुवं तुवं । **निस्सायाति** पटिच्च, निस्सयादिपच्चये कत्वाति अत्थो । किलेसानं उप्पत्तिनिमित्तता ताव आयतनानं होतु तब्भावे भावतो, निरोधनिमित्तता पन कथं । न हेत्थ लोकुत्तरधम्मानं सङ्गहो लोकियानंयेव अधिप्पेतत्ताति चोदनं सन्धायाह “**निरुज्झमानापी**”तिआदि । नाममत्तेन निमित्ततं सन्धाय वुत्तोति दस्सेन्तो “**यत्थुप्पन्ना, तत्थेव निरुद्धा होन्ती**”ति वत्वा तमत्थं सुत्तन्तरेन साधेन्तो “**स्वायमत्थो**”तिआदिमाह ।

तत्थ **समुदयसच्चपज्हेनाति** महासतिपट्टाने समुदयसच्चनिद्वेसेन । सो हि “**कत्थ उप्पज्जमाना**”तिआदिना पुच्छावसेन पवत्तत्ता पज्हेति वुत्तो । ननु तत्थ तण्हाय उप्पत्तिनिरोधा वुत्ता, न सब्बकिलेसानन्ति ईदिसी चोदना अनवकासाति दस्सेन्तो “**यथेव चा**”तिआदिमाह । **लद्धवोहारेति** इमिना रागादीनं अप्पवत्तिनिमित्तताय अन्तोति समञ्जा निब्बानस्साति दस्सेति । एतेनेव अभिनन्दनादीनं अभावोति च इदं संवण्णितन्ति दट्ठब्बं । कथं पन सब्बसङ्कतविनिस्सटे निब्बाने अकुसलधम्मानं निरोधसम्भवोति आह “**यज्झि यत्थ नत्थि, तं तत्थ निरुद्धं नाम होती**”ति । खायं अप्पवत्तियं निरोधवोहारो वुत्तो, स्वायमत्थो निरोधपज्हेन दीपेतब्बो । न हि तत्थ उप्पज्जित्वा निरुद्धा वितक्कविचारा पटिप्पस्सद्भाति वुत्ता, अथ खो अप्पवत्ता एवाति ।

**२०३. एवंसम्पदन्ति** एवंसम्पज्जनकं एवं पस्सितब्बं इदं मम अज्झेसनं । तेनाह “**ईदिसन्ति अत्थो**”ति । **जानं जानातीति** (अ० नि० टी० ३.१०.११३-११६) सब्बञ्जुतज्जाणेन जानितब्बं सब्बं जानाति । उक्कट्टनिद्वेसेन हि अविसेसगहणेन च “जान”न्ति इमिना निरवसेसं जेय्यजातं परिगणहातीति तब्बिसयाय जाननकिरियाय सब्बञ्जुतज्जाणमेव करणं भवितुं युत्तं । अथ वा पकरणवसेन “भगवा”ति सदन्तरसन्निधानेन चायमत्थो विभावेतब्बो । **पस्सितब्बमेव पस्सतीति** दिब्बचक्खु-पज्जाचक्खु-धम्मचक्खु-बुद्धचक्खु-समन्तचक्खु-सङ्गातेहि जाणचक्खूहि पस्सितब्बं

पस्सति एव । अथ वा जानं जानातीति यथा अज्जे सविपल्लासा कामरूपपरिज्जावादिनो जानन्तापि विपल्लासवसेन जानन्ति, न एवं भगवा । भगवा पन पहीनविपल्लासत्ता जानन्तो जानाति एव, दिट्ठिदस्सनस्स च अभावा पस्सन्तो पस्सतियेवाति अत्थो । **दस्सनपरिणायकट्टेना**ति यथा चक्खु सत्तानं दस्सनत्थं परिणेति, एवं लोकस्स याथावदस्सनसाधनतो दस्सनकिच्चपरिणायकट्टेन **चक्खुभूतो**, पज्जाचक्खुमयत्ता वा सयम्भुजाणेन पज्जाचक्खुं भूतो पत्तोति वा **चक्खुभूतो** । **जाणभूतो**ति एतस्स च एवमेव अत्थो दट्ठब्बो । **धम्मा वा** बोधिपक्खिया तेहि उप्पन्नत्ता लोकस्स च तदुप्पादनतो, अनज्जसाधारणं वा धम्मं पत्तोति **धम्मभूतो** । **ब्रह्मा** वुच्चति मग्गो तेन उप्पन्नत्ता लोकस्स च तदुप्पादनत्ता, तज्ज सयम्भुजाणेन पत्तोति **ब्रह्मभूतो** । चतुसच्चधम्मं वदतीति **वत्ता** । चिरं सच्चपटिवेधं पवत्तेन्तो वदतीति **पवत्ता** । **अत्थं नीहरित्वा**ति दुक्खादिअत्थं तत्थापि पीठनादिअत्थं उद्धरित्वा । परमत्थं वा निब्बानं पापयिता, अमतसच्छिकिरियं सत्तेसु उप्पादेन्तो अमतं ददातीति **अमतस्स दाता** । बोधिपक्खियधम्मानं तदायत्तभावतो **धम्मस्सामी** ।

२०४. सो वा उद्देशो अत्तनोपि होतीति थेरो “**यं खो नो**”ति आह । सब्बलोकसाधारणा हि बुद्धानं देसनाति । इदानी येहि द्वारारम्मणेहि पुरिसं पपज्जसज्जासङ्गा समुदाचरन्ति, तानि ताव दस्सेन्तो पपज्जसज्जासङ्गा दस्सेतुं येन सळायतनविभङ्गेन निद्देशो कतो, तस्स अत्थं दस्सेतुं “**चक्खुज्जा**”तिआदि आरब्धं । तत्थ **निस्सयभावेना**ति निस्सयपच्चयभावेन । निस्सयपच्चयो च पसादचक्खुयेव होति, न चुहससम्भारं, चतुचत्तालीससम्भारं वा ससम्भारचक्खुन्ति आह “**चक्खुपसादज्ज पटिच्चा**”ति । **आरम्मणभावेना**ति आरम्मणपच्चयभावेन । आरम्मणपच्चयो च चतुसमुद्धानिकरूपेसु यं किञ्चि होतीति आह “**चतुसमुद्धानिकरूपे च पटिच्चा**”ति ।

एत्थ चक्खु एकम्पि विज्जाणस्स पच्चयो होति, रूपायतनं पन अनेकमेव संहतन्ति इमस्स विसेसस्स दस्सनत्थं निस्सयभावेन “**चक्खुपसादज्ज आरम्मणभावेन चतुसमुद्धानिकरूपे चा**”ति वचनभेदो कतो । किं पन कारणं चक्खु एकम्पि विज्जाणस्स पच्चयो होति, रूपं पन अनेकमेवाति? पच्चयभावविसेसतो । चक्खु हि चक्खुविज्जाणस्स निस्सयपुरेजातइन्द्रियविषयुत्तपच्चयेहि पच्चयो होन्तं अत्थिभावेनेव होति तस्मिं सति तस्स भावतो, असति अभावतो, यतो तं अत्थिअविगतपच्चयेहिस्स पच्चयो होतीति वुच्चति, तन्निस्सितता चस्स न एकदेसेन अल्लीयनवसेन इच्छितब्बा अरूपभावतो । अथ खो गरुराजादीसु सिस्सरजपुरिसादीनं विय तप्पटिबद्धवुत्तिताय, इतरे पन पच्चया तेन तेन विसेसेन वेदितब्बा ।

सचायं पच्चयभावो न एकस्मिं न सम्भवतीति एकम्पि चक्खु चक्खुविज्जाणस्स पच्चयो होतीति दस्सेतुं पाळियं “**चक्खुज्जावुसो, पटिच्चा**”ति एकवचनवसेन वुत्तं । रूपं पन यदिपि चक्खु विय पुरेजातअत्थि-अविगतपच्चयेहि पच्चयो होति पुरेतरं उप्पन्नं हुत्वा विज्जमानक्खणे एव उपकारकत्ता तथापि अनेकमेव संहतं हुत्वा पच्चयो होति आरम्मणभावतो । यज्झि पच्चयधम्मं सभावभूतं, परिकप्पिताकारमत्तं वा विज्जाणं विभावेन्तं पवत्तति, तदज्जेसज्ज सतिपि पच्चयभावे सो तस्स सारम्मणसभावताय यं किञ्चि अनालम्भित्वा पवत्तितुं असमत्थस्स ओलुब्धपवत्तिकारणभावेन आलम्बनीयतो आरम्मणं नाम, तस्स यस्मा यथा तथा सभावूपलब्धि विज्जाणस्स आरम्मणपच्चयलाभो, तस्मा चक्खुविज्जाणं रूपं आरब्ध पवत्तमानं तस्स सभावं विभावेन्तमेव पवत्तति । सा चस्स इन्द्रियाधीनवुत्तिकस्स आरम्मणसभावूपलब्धि न एकद्विकलापगतवण्णवसेन होति, नापि कतिपयकलापगतवण्णवसेन, अथ खो आभोगानुरूपं आपाथगतवण्णवसेनाति अनेकमेव रूपं संहच्चकारिताय विज्जाणस्स पच्चयो होतीति दस्सेन्तो “**रूपे च उप्पज्जति चक्खुविज्जाण**”न्ति बहुवचनवसेनाह ।

यं पन पट्टाने (पट्टा० १.१.२ पच्चयनिद्देस) “रूपायतनं चक्खुविज्जाणधातुया तंसम्पयुत्तकानञ्च धम्मनं आरम्भणपच्चयेन पच्चयो”ति वुत्तं, तं यादिसं रूपायतनं चक्खुविज्जाणस्स आरम्भणपच्चयो, तादिसं सन्धाय वुत्तं । कीदिसं पन तन्ति? समुदितन्ति पाकटोयमत्थो । एवञ्च कत्वा यदेके वदन्ति “आयतनसल्लक्खणवसेन चक्खुविज्जाणादयो सल्लक्खणविसया, न द्रव्यसल्लक्खणवसेना”ति, तम्पि सुवुत्तमेव होति । न चेत्थ समुदायारम्भणता आसङ्कितब्बा समुदायाभोगस्सेव अभावतो, समुदिता पन वण्णधम्मा आरम्भणपच्चया होन्ति । कथं पन पच्चेकं असमत्था समुदिता आरम्भणपच्चया होन्ति । न हि पच्चेकं दट्ठं असक्कोन्ता अन्धा समुदिता पस्सन्तीति? नयिदमेकन्तिकं विसुं विसुं असमत्थानम्पि सिविकावहनादीसु समत्थताय दस्सनतो । केसादीनञ्च यस्मिं ठाने ठितानं पच्चेकं वण्णं गहेतुं न सक्का, तस्मिंयेव ठाने समुदितानं तं गहेतुं सक्काति भिय्योपि तेसं संहच्चकारिता परिव्यत्ता । एतेन किं चक्खुविज्जाणस्स परमाणुरूपं आरम्भणं, उदाहु तंसमुदायोतिआदिका चोदना पटिक्खित्ताति वेदितब्बा । “सोतञ्च, आवुसो, पटिच्चा”तिआदीसुपि इमिना नयेन अत्थो वेदितब्बो । चक्खुविज्जाणं नामाति चक्खुनिस्सितरूपविजाननलक्खणं चक्खुविज्जाणं नाम उप्पज्जति ।

तिण्णं सङ्गतियाति चक्खु, रूपं, चक्खुविज्जाणन्ति इमेसं तिण्णं सङ्गतिया समोधानेन । फस्सो नामाति अरूपधम्मोपि समानो आरम्भणे फुसनाकारेनेव पवत्तनतो फुसनलक्खणो फस्सो नाम धम्मो उप्पज्जति । सहजातादिवसेनाति चक्खुविज्जाणसम्पयुत्ताय सहजातअञ्जमज्जादिवसेन, अनन्तराय अनन्तरादिवसेन, इतराय उपनिस्सयवसेन पच्चयभावतो फस्सपच्चया फस्सकारणा वेदना उप्पज्जति । अनुभवनसमकालमेव आरम्भणस्स सज्जाननं होतीति “ताय वेदनाय यं आरम्भणं वेदेति, तदेव सज्जा सज्जानाती”ति वुत्तं । चक्खुद्वारिका धम्मा इधाधिप्पेताति तदनुसारेण पन अपरापरुप्पन्नानं वेदनादीनं गहणे सति, यन्ति वा कारणवचनं, यस्मा आरम्भणं वेदेति, तस्मा तं सज्जानातीति अत्थो । न हि असति वेदयिते कदाचि सज्जुप्पत्ति अत्थि । सेसपदेसुपि एसेव नयो । सज्जाय हि यथासज्जातं विज्जमानं, अविज्जमानं वा आरम्भणं वितक्कवसेन परिकप्पेति, यथापरिकप्पितञ्च तं दिट्ठितण्हामानमज्जनाहि मज्जमानो पपञ्चेतीति वुत्तो । तेनेवाह “पथविं पथवितो सज्जाना”ति, “पथविं पथवितो सज्जत्वा पथविं मज्जती”तिआदि (म० नि० १.२), “तक्कञ्च दिट्ठीसु पकप्पयित्वा, सच्चं मुसाति द्वयधम्ममाहू”ति (सु० नि० ८९२; महानि० १२१) च । बलप्पत्तपपञ्चवसेनेवायमत्थवण्णना कता, अट्ठकथायं पन परिदुब्बलवसेन ।

चक्खुरूपादीहि कारणेहीति चक्खुविज्जाणफस्सवेदनासज्जावितक्केहि कारणभूतेहि । अकारणभूतानम्पि तेसं अत्थिताय कारणगगहणं । परिज्जाता हि ते अकारणं । तेनाह “अपरिज्जातकारण”न्ति । तीहिपि परिज्जाहि अपरिज्जातवत्थुकं । अभिभवन्तीति अज्झोत्थरन्ति । सहजाता होन्तीति एत्थ “चक्खुसम्फस्सपच्चया वेदनाक्खन्धो अत्थि कुसलो”तिआदिवचनतो वेदनासज्जा असहजातापि गहेतब्बा । यदि एवन्ति “पपञ्चेती”ति एत्थ यदि पञ्चद्वारजवनसहजाता पपञ्चसङ्घा अधिप्पेता तासं पच्चुप्पन्नविसयत्ता, कस्मा अतीतानागतगगहणं कतन्ति चोदेति । इतरो “तथा उप्पज्जनतो”तिआदिना परिहरति । तत्थ तथा उप्पज्जनतोति यथा वत्तमानकाले, एवं अतीतकाले अनागतकाले च चक्खुद्वारे पपञ्चसङ्घानं उप्पज्जनतो अतीतानागतगगहणं कतं, न अतीतेसु, अनागतेसु वा चक्खुरूपेसु चक्खुद्वारिकानं तासं उप्पज्जनतो ।

मनज्जावुसो, पटिच्चाति एत्थ दुविधं मनं केवलं भवङ्गं, सावज्जनं वा । दुविधा हि कथा । उप्पत्तिद्वारकथायं द्विक्खत्तुं चलितं भवङ्गं मनोद्वारं नाम, चक्खादि विय रूपादिना येन तं घट्टितं तत्थ उपरि विज्जाणुप्पत्तिया द्वारभावतो । पच्चयकथायं सावज्जनभवङ्गं, “मनोसम्फस्सपच्चया अत्थि कुसलो”तिआदीसु हि सावज्जनमनोसम्फस्सो इच्छितो, न

भवङ्गमनोसम्फस्सो असम्भवतो । तत्थ पठमनयं सन्धायाह “मनन्ति भवङ्गचित्त”न्ति । धम्ममेति तेभूमकधम्मरम्मणन्ति इमिना सभावधम्मेषु एव किलेसुप्पत्तीति केचि, तदयुत्तं तदुपादानायपि पञ्जत्तिया धम्मरम्मणताय वुत्तता । इध पन तेभूमकापि धम्मा लब्धन्तीति दस्सनत्थं “तेभूमकधम्मरम्मण”न्ति वुत्तं, न पञ्जत्तिया अनारम्मणत्ता । एवञ्चेतं सम्पटिच्छितब्बं, अञ्जथा अकुसलचित्तुप्पादा अनारम्मणा नाम सियुं । उप्पत्तिद्वारकथायं चक्खुविज्जाणादि विय आवज्जनम्पि द्वारपक्खिकमेवाति वुत्तं “मनोविज्जाणन्ति आवज्जनं वा”ति । पच्चयकथायं पन आवज्जनं गहितन्ति “जवनं वा”ति वुत्तं । नयद्वये धम्मानं सहजातविभागं दस्सेतुं “आवज्जने गहिते”तिआदि वुत्तं । युत्तमेवाति निप्परियायतो युत्तमेव ।

सो याव न पच्चयपटिवेधो सम्भवति, ताव पञ्जत्तिमुखेनेव सभावधम्मा पञ्जायन्ति पच्चेकं अपञ्जापनेति आह “फस्सो नाम एको धम्मो उप्पज्जती”ति । एवं फस्सपञ्जत्ति पञ्जपेस्सतीति पञ्जपेत्वा तब्बिसयदस्सनं जाणं उप्पादेस्सति । इमस्मिं सति इदं होतीति इमस्मिं चक्खुआदिके पच्चये सति इदं फस्सादिकं पच्चयुप्पन्नं होति । द्वादसायतनवसेनाति द्वादसन्नं आयतनानं वसेन आगतेन पटिच्चसमुप्पादनयवसेन । द्वादसायतनपटिक्खेपवसेनाति “इमस्मिं असति इदं न होती”ति पच्चयाभावपच्चयुप्पन्नाभावदस्सनक्कमे द्वादसन्नं आयतनानं पटिक्खेपवसेन ।

सावकेन पज्जो कथितोति अयं पज्जो सावकेन कथितो, इति इमिना कारणेन मा निक्कङ्खा अहुवत्थ । अथ वा संखित्तेन वुत्तमत्थं वित्थारेन विभजन्तेन एतदग्गे ठपितेन महासावकेन पज्जो कथितोति इमिना कारणेन एतस्मिं पज्जे मा निक्कङ्खा अहुवत्थ, हेरज्जिके सति कहापणं सयं निच्छिनन्ता विय अहुत्वा भगवतो एव सन्तिके निक्कङ्खा होथ ।

२०५. आकरोन्ति फलं ताय ताय मरियादाय निब्बत्तेतीति आकारा, कारणानि । पाटियेक्ककारणेहीति छन्नं द्वारानं वसेन विसुं विसुं पपञ्चकारणस्स निद्विद्वत्ता वुत्तं । अथ वा यदिपि यत्तकेहि धम्मोहि यं फलं निब्बत्तति, तेसं समुदितानयेव कारणभावो सामगियाव फलुप्पत्तितो, तथापि पच्चेकं तस्स कारणमेवाति कत्वा वुत्तं “पाटियेक्ककारणेही”ति । पदेहीति नामादिपदेहि चेव तंसमुदायभूतेहि वाक्येहि च । तेनाह “अक्खरसम्पिण्डनेही”ति । अक्खरानियेव हि अत्थेसु यथावच्चं पदवाक्यभावेन परिच्छिज्जन्ति । ब्यज्जनेहीति अत्थस्स अभिब्यज्जनतो ब्यज्जनसज्जितेहि वण्णेहि । तानि पन यस्मा परियायस्स अक्खरणतो “अक्खरानी”ति वुच्चन्ति, तस्मा आह “अक्खरेही”ति । एत्थ च इमेहि आकारेहि इमेहि पदब्यज्जनेहि पपञ्चसमुदाचारस्स वट्टस्स च विवट्टस्स च दस्सनअत्थो विभत्तोति योजना । पण्डिच्चेनाति पञ्जाय । “कित्तावता नु खो, भन्ते, पण्डितो होति? यतो खो भिक्खु धातुकुसलो च होती”ति (म० नि० ३.१२४) आदिसुत्तपदवसेन पण्डितलक्खणं दस्सेन्तो “चतूहि वा कारणेही”तिआदिमाह । सच्चपटिवेधवसेन पण्डिच्चं दस्सितन्ति पटिसम्भिदावसेन महापञ्जतं दस्सेतुं “महन्ते अत्थे”तिआदि वुत्तं ।

गुळपूवन्ति गुळे मिस्सित्वा कतपूवं । बद्धसत्तुगुळकन्ति मधुसक्खराहि पिण्डीकतं सत्तुपिण्डं । असेचित्तब्बकं मधुआदिना पगेव तेहि समयोजितब्बत्ता । चिन्तकजातिकोति धम्मचिन्ताय चिन्तकसभावो । सब्बज्जुतज्जाणेनेवस्साति सब्बज्जुतज्जाणेनेव अस्स सुत्तस्स गुणं परिच्छिन्दापेत्वा नामं गणहापेस्सामि ।

मधुपिण्डिकसुत्तवण्णनाय लीनत्थप्पकासना समत्ता ।

## ९. द्वेधावितक्कसुत्तवण्णना

२०६. द्वे द्वे भागेति द्वे द्वे कोट्टासे कत्वा । कामञ्चेत्थ “इमं एकं भागमकासिं, इमं दुतियभागमकासिं”न्ति वचनतो सब्बेपि वितक्का संकिलेसवोदानविभागेन द्वेव भागा कता, अपरापरुप्पत्तिया पनेतेसं अभिण्हाचारं उपादाय पाळियं “द्विधा कत्वा”ति आमेडितवचनन्ति “द्वे द्वे भागे कत्वा”ति आमेडितवचनवसेनेव वुत्तो । अथ वा भागद्वयस्स सप्पटिभागताय तत्थ यं यं द्वयम्पि खो उज्जुविपच्चनीकं, तं तं विसुं विसुं गहेतुकामो भगवा आह “द्विधा कत्वा वितक्के विहरेय्य”न्ति । एवं पन चिन्तेत्वा तत्थ मिच्छावितक्कानं सम्मावितक्कानञ्च अनवसेसं असङ्करतो च गहितभावं दस्सेन्तो “इमं एकं भागमकासिं, इमं दुतियभागमकासिं”न्ति अवोच । कामपटिसंयुत्तोति कामरागसङ्घातेन कामेन सम्पयुत्तो, कामेन पटिबद्धो वा । सेसेसुपि एसेव नयो । अयं पन विसेसो — ब्यापज्जति चित्तं एतेनाति ब्यापादो, दोसो । विहिंसति एताय सत्ते, विहिंसनं वा तेसं एतन्ति विहिंसा, परेसं विहेठनाकारेन पवत्तस्स करुणापटिपक्खस्स पापधम्मस्सेतं अधिवचनं । अज्झत्तन्ति अज्झत्तधम्मारम्मणमाह । बहिद्धाति बाहिरधम्मारम्मणं । ओळारिकोति बहलकामरागादिपटिसंयुत्तो । तब्बिपरियायेन सुखुमो । वितक्को अकुसलपक्खिकोयेवाति इमिना वितक्कभावसामञ्जेन तत्थापि अकुसलभावसामञ्जेन एकभागकरणं, न एकचित्तुप्पादपरियापन्नतादिवसेनाति दस्सेति ।

नेक्खम्मं वुच्चति लोभातिक्कन्तत्ता पठमज्झानं, सब्बाकुसलेहि निक्खन्तत्ता सब्बं कुसलं । इध पन कामवितक्कपटिपक्खस्स अधिप्पेतत्ता आह “कामेहि निस्सटो नेक्खम्मपटिसंयुत्तो वितक्को”ति । सोति नेक्खम्मवितक्को । याव पठमज्झानाति पठमसमन्नाहारतो पट्टाय याव पठमज्झानं एत्थुप्पन्नो वितक्को नेक्खम्मवितक्कोयेव । पठमज्झानन्ति च इदं ततो परं वितक्काभावतो वुत्तं । न ब्यापज्जति चित्तं एतेन, ब्यापादस्स वा पटिपक्खोति अब्यापादो, मेत्तापुब्बभागो मेत्ताभावनारम्भो । न विहिंसन्ति एताय, विहिंसाय वा पटिपक्खोति अविहिंसा, करुणापुब्बभागो करुणाभावनारम्भो ।

महाबोधिसत्तानं महाभिनिक्खमनं निक्खन्तकालतो पट्टाय लब्धावसरा सम्मासङ्कप्पा उपरूपरि सविसेसं पवत्तन्तीति आह “छब्बस्सानि...पे०... पवत्तिसू”ति । जाणस्स अपरिपक्कत्ता पुब्बवासनावसेन सतिसम्मोसतो कदाचि मिच्छावितक्कलेसोपि होतियेवाति तं दस्सेतुं “सतिसम्मोसेन...पे०... तिडुन्ती”ति आह । यथा निच्चपिहितेपि गेहे कदाचि वातपाने विवटमत्ते लब्धावसरो वातो अन्तो पविसेय्य, एवं गुत्तिन्द्रियेपि बोधिसत्तसन्ताने सतिसम्मोसवसेन लब्धावसरो अकुसलवितक्को उप्पज्जि, उप्पन्नो च कुसलवारं पच्छिन्दित्वा अट्टासि, अथ महासत्तो तंमुहुत्तुप्पन्नमेव पटिविनोदेत्वा तेसं आयतिं अनुप्पादाय “इमे मिच्छावितक्का, इमे सम्मावितक्का”ति याथावतो ते परिच्छिन्दित्वा मिच्छावितक्कानं अवसरं अदेन्तो सम्मावितक्के परिवट्ठेसि । तेन वुत्तं “मय्हं इमे”तिआदि ।

२०७. पमादो नाम सतिविप्पवासोति आह “अप्पमत्तस्साति सतिया अविप्पवासे ठितस्सा”ति । आतापवीरियवन्तस्साति किलेसानं निग्गण्हनवीरियवतो । पेसितचित्तस्साति भवविमोक्खाय विस्सट्ठचित्तस्स काये च जीविते च निरपेक्खस्स । “एवं पटिपाकतिको जातो”ति अत्तनो अत्तभावं निस्साय पवत्तं सोमनस्साकारं गेहस्सितसोमनस्सपक्खिकं अकासि, पज्जामहन्तताय सुखुमदस्सिता ।

अपरिज्जायं ठितस्साति न परिज्जायं ठितस्स, अपरिग्गहितपरिज्जस्साति अत्थो । वितक्को...पे०... एतानि तीणि नामानि लभतीति तादिसस्स उप्पन्नो मिच्छावितक्को यथारहं अत्तब्याबाधको उभयब्याबाधको च न होतीति न वत्तब्बो तं सभावानतिवत्तनतोति अधिप्पायो । अनुप्पन्नानुप्पादउप्पन्नपरिहानिनिमित्तताय पज्जं निरोधेतीति पज्जानिरोधिको । तेनाह “अनुप्पन्नाया”तिआदि । नत्थिभावं गच्छतीति पटिसङ्घानबलेन विक्खम्भनप्पहानमाह । निरुज्जतीतिआदीहिपि तदेव

वदति । विगतन्तन्तिआदीहि पन समूलं उद्धटं विय तदा अप्पवत्तनकं अकासिन्ति वदति ।

२०८. चित्तविपरिणामभावो चित्तस्स अज्जथत्तं पकतिचित्तविगमो । अनेकगताकारो विक्खेपो । तत्थ वितक्केन चित्तं विहज्जमानं विय होतीति आह “तं गहेत्वा विहिंसावितक्कं अकासी”ति । कारुज्जन्ति परदुक्खनिमित्तं चित्तखेदं वदति । तेनेवाह — “परदुक्खे सति साधूनं मनं कम्पेतीति करुणा”ति (म० नि० टी० १.१; सं० नि० टी० १.१.१) । न्ति करुणायनवसेन पवत्तचित्तपकम्पनं सन्धाय “उप्पज्जति विहिंसावितक्को”ति आह, न सत्तेसु विहिंसा पवत्ततीति अधिप्पायो ।

तेन तेन चस्साकारेनाति येन येन आकारेन भिक्खुना अनुवितक्कितं अनुविचारितं, तेन तेन आकारेनस्स चेतसो नति होति । तेनेवाह “कामवितक्कादीसू”तिआदि । पहासीति कालविपल्लासेन वुत्तन्ति आह “पजहती”ति । पहानं पनस्स सिद्धमेव पटिपक्खस्स सिद्धत्ताति दस्सेतुं “पहासी”ति वुत्तं यथा “असामिभोगे गामिकाआदीयंसू”ति । बहुलमकासीति एत्थापि एसेव नयो । एवमेवं नमतीति कामवितक्कसम्पयोगाकारमेव होति, कामवितक्कसम्पयुत्ताकारेन वा परिणमति । कसनं किट्ठं, कसीति अत्थो, तन्निब्बत्तता पन कारणूपचारेन सस्सं “किट्ठ”न्ति वुत्तन्ति आह “सस्ससम्बाधे”ति । चत्तारि भयानीति वधबन्धजानिगरहानि । उपइवन्ति अनत्थुप्पादभावं । लामकन्ति निहीनभावं । धन्धेसूति अत्तनो खन्धेसु । ओतारन्ति अनुप्पवेसं किलेसानं । संकिलेसतो विसुज्जनं विसुद्धि, सा एव वोदानन्ति आह “वोदानपक्खन्ति इदं तस्सेव वेवचन”न्ति ।

२०९. सब्बकुसलं नेक्खम्मं सब्बाकुसलपटिपक्खताय ततो निस्सटत्ता । निब्बानमेव नेक्खम्मं सब्बकिलेसतो सब्बसङ्खततो च निस्सटत्ता । किट्ठसम्बाधं विय रूपादिआरम्भणं पमादे सति अनत्थुप्पत्तिट्ठानभावतो । कूटगावो विय कूटचित्तं दुद्धमभावतो । पण्डितगोपालको विय बोधिसत्तो उपायकोसल्लयोगतो । चतुब्बिधभयं विय मिच्छावितक्का सप्पटिभयभावतो । पज्जाय वुद्धि एतस्स अत्थीति पज्जावुद्धिको । विहज्जति चित्तं एतेनाति विघातो, चेतोदुक्खं, तप्पक्खिको विघातपक्खिको, न विघातपक्खिकोति अविघातपक्खिको । निब्बानसंवत्तनिको निब्बानवहो । उग्घातीयेय्याति उद्धतं सिया विक्खित्तज्ज भवेय्याति अत्थो । सण्ठपेमीति सम्मदेव पट्टपेमि । यथा पन ठपितं सण्ठपितं नाम होति, तं दस्सेतुं “सन्निसीदापेमी”तिआदि वुत्तं । सन्निसीदापेमीति समाधिपटिपक्खे किलेसे सन्निसीदापेन्तो चित्तं गोचरज्जत्ते सन्निसीदापेमि । अब्यग्गभावापादकेन एकगं करोमि, यथा आरम्भणे सुट्ठु अप्पितं होति, एवं सम्मा सम्मदेव आदहामि समाहितं करोमि, यस्मा तथासमाहितं चित्तं सुट्ठु आरम्भणे आरोपितं नाम होति, न ततो परिपतति, तस्मा वुत्तं “सुट्ठु आरोपेमीति अत्थो”ति । मा उग्घातीयित्ताति मा हज्जित्थ, मा ऊहतं अत्थाति अत्थो ।

२१०. सोयेव...पे०... वुत्तोति इमिना किज्चापि एकंयेव कुसलवितक्कं मग्गक्खणे विय तिविधत्तसम्भवतो तिविधनामिकं कत्वा दस्सितं विय होति, न खो पनेतं एवं दट्ठब्बं । पबन्धपवत्तज्जि उपादाय एकत्तनयेन “सोयेव ब्यापादपच्चनीकट्ठेना”तिआदि वुत्तं । एकजातियेसु हि कुसलचित्तेसु उप्पन्नो वितक्को समानाकारताय सो एवाति वत्तब्बतं लभति यथा “सा एव तित्तिरी, तानि एव ओसधानी”ति (सं० नि० टी० २.२.१९) । न हि तदा महापुरिसस्स असुभमेत्ताकरुणासन्निस्सया ते वितक्का एवं वुत्ताति ।

समापत्तिं निस्सायाति समापत्तिं समापज्जित्वा, ततो वुट्ठहित्वाति अत्थो । विपस्सनापि तरुणाति योजना । कायो किलमति समथविपस्सनानं तरुणताय भावनाय पुब्बेनापरं विसेसस्स अलब्भमानत्ता । तेनाह “चित्तं हज्जति विहज्जती”ति । विपस्सनाय बहूपकारा समापत्ति, तथा हि वुत्तं — “समाधिं, भिक्खवे, भावेथ, समाहितो यथाभूतं

जानाति पस्सती”ति (सं० नि० ३.५; ४.९९; ५.१०७१) ।

यथा विस्समट्ठानं योधानं परिस्समं विनोदेति, तथा परिस्समविनोदनत्थं फलकेहि कातब्बं विस्समट्ठानं फलककोट्टको, समापत्तिया पन विपस्सना बहुकारतरा समाधिपरिपन्थकानं, सब्बेसम्पि वा किलेसानं विमथनेन दुब्बलभावापज्जनतो । तेनाह “विपस्सना थामजाता समापत्तिम्पि रक्खति, थामजातं करोती”ति । ननु चेवं इतरीतरसन्निस्सयदोसो आपज्जतीति? नयिदमेकन्तिकं, इतरीतरसन्निस्सयापि किच्चसिद्धि लोके लब्धतीति दस्सेतुं “यथा ही”तिआदि वुत्तं ।

गामन्तं आहटेसूति गामसमीपं उपनीतेसु । एतागावोति सति उप्पादनमत्तमेव कातब्बं यथा गावो रक्खितब्बा, तदभावतो । तदाति समथविपस्सनानं थामजातकाले । अनुपस्सनानं लहुं लहुं उप्पत्तिं सन्धाय “एकप्पहारेनेव आरुळ्होव होती”ति वुत्तं, कमेनेव पन अनुपस्सनापटिपाटिं आरोहति ।

२१५. एवं भगवा अत्तनो अप्पमादपटिपदं, ताय च लद्धं अनज्जसाधारणं विसेसं दस्सेन्तो हेतुसम्पत्तिया सद्धिं फलसम्पत्तिं दस्सेत्वा इदानि सत्तूपकारसम्पत्तिं दस्सेतुं “सेय्यथापी”तिआदिमाहाति एवं एत्थ अनुसन्धि वेदितब्बा । अरज्जलक्खणयोगगमत्तेन अरज्जं । महावनताय पवनं । पवद्धज्जि वनं पवनं । चतूहि योगेहीति जिघच्छापिपासाभयपटिपत्तिसङ्घातयोगेहि । खेमं अनुपद्वतं । सुवत्थिं अनुपद्वतं आवहतीति सोवत्थिको । पीतिं कुट्ठिं गमेति उपनेतीति पीतिगमनीयो । पीतं पानतित्थं गच्छतीति पीतगमनीयो । साखादीहीति कण्टकसाखाकण्टकलतावनेहि । अनासयगामिताय उदकसन्निरुद्धोपि अमग्गो वुत्तो, इतरानि अपीतिगमनीयतायपि । आदि-सद्धेन गहनं परिग्गण्हाति । ओकेमिगलुद्धकस्स गोचरे चरतीति ओकचरो, दीपकमिगो । अरज्जे मिगे दिस्वा तेहि सद्धिं पलायेय्याति दीघरज्जुबन्धनं ।

इध वसन्तीति मिगानं आसयं वदति, ततो आसयतो इमिना मग्गेन निक्खमन्ति । एत्थ चरन्तीति एतस्मिं ठाने गोचरं गण्हन्ति । एत्थ पिवन्तीति एतस्मिं निपानतित्थे उदकं पिवन्ति । इमिना मग्गेन पविसन्तीति इमिना मग्गेन निपानतित्थं पविसन्ति । मग्गं पिधायाति पकतिमग्गं पिदहित्वा । न ताव किञ्चि करोति अनवसेसे वनमिगे घातेतुकामो ।

अविज्जाय अज्जाणा हुत्वाति अविज्जाय निवुत्तत्ता जाणरहिता हुत्वा, नन्दीरागेन उपनीता रूपारम्मणादीनि आबन्धित्वा । पलोभनतो ओकचरं नन्दीरागोति । ब्यामोहनतो ओकचारिकं अविज्जाति कत्वा दस्सेति । तेसन्ति ओकचरोकचारिकानं । साखाभङ्गेनाति तादिसेन लूखतरगन्धेन साखाभङ्गेन । मनुस्सगन्धं अपनेत्वा तस्स साखाभङ्गस्स गन्धेन । सम्मत्तोति सम्मज्जितो ब्यामुज्जो ।

बुद्धानं खेममग्गविचरणं कुम्मग्गपिधानज्ज सब्बलोकसाधारणम्पि अत्थतो वेनेय्यपुग्गलापेक्खमेवाति दस्सेन्तो “अज्जातकोण्डज्जादीनं भब्बपुग्गलान”न्ति आह । ऊहतोति समूहतो नीहतोति आह “द्वेधा छेत्वा पातितो”ति । नासिताति अदस्सनं गमिताति आह “सब्बेन सब्बं समुग्घाटिता”ति । हितूपचारन्ति सत्तानं हितचरियं ।

द्वेधावितक्कसुत्तवण्णनाय लीनत्थप्पकासना समत्ता ।

## १०. वितक्कसण्ठानसुत्तवण्णना

२१६. दसकुसलकम्मपथवसेनाति इदं निदस्सनमत्तं दट्ठब्बं वट्टपादकसमापत्तिचित्तस्सपि इध अधिचित्तभावेन

अनिच्छित्ता । तेनाह “विपस्सनापादकअट्टसमापत्तिचित्त”न्ति । अथ वा अनुत्तरिमनुस्सधम्मसङ्ग्रहितमेव केवलं “पकतिचित्त”न्ति वत्तब्बन्ति दस्सेन्तो “दसकुसलकम्मपथवसेन उप्पन्नं चित्तं चित्तमेवा”ति वत्त्वा यदेत्थ अधिचित्तन्ति अधिप्पेतं, तं तदेव दस्सेन्तो “विपस्सनापादकअट्टसमापत्तिचित्त”न्ति आह । इतरस्स पनेत्थ विधि न पटिसेधेतीति दट्ठब्बं । विपस्सनाय सम्पयुत्तं अधिचित्तन्ति केचि । अनुयुत्तेनाति अनुप्पन्नस्स उप्पादनवसेन, उप्पन्नस्स परिबूहनवसेन अनु अनु युत्तेन । मूलकम्मट्टानन्ति पारिहारिकम्मट्टानं । गहेत्वा विहरन्तोति भावनं अनुयुज्जन्तो । भावनाय अप्पनं अप्पत्तोपि अधिचित्तमनुयुत्तोयेव तदत्थेपि तंसद्वोहारतो ।

येहि फलं नाम यथा उप्पज्जनट्टाने पकप्पियमानं विय होति, तानि निमित्तानि । तेनाह “कारणानी”ति । कालेन कालन्ति एत्थ कालेनाति भुम्मत्थे करणवचनन्ति आह “समये समये”ति । ननु च...पे०... निरन्तरं मनसि कातब्बन्ति कस्मा वुत्तं, ननु च भावनाय वीथिपटिपन्नत्ता अब्बुदनीहरणविधिं दस्सेन्तेन भगवता “पञ्च निमित्तानि कालेन कालं मनसि कातब्बानी”ति अयं देसना आरब्धाति? “अधिचित्तमनुयुत्तेना”ति वुत्तत्ता अविच्छेदवसेन भावनाय युत्तप्पयुत्तो अधिचित्तमनुयुत्तो नामाति चोदकस्स अधिप्पायो । इतरो भावनं अनुयुज्जन्तस्स आदिकम्मिकस्स कदाचि भावनुपक्विकलेसा उप्पज्जेय्युं, ततो चित्तस्स विसोधनत्थाय यथाकालं इमानि निमित्तानि मनसि कातब्बानीति “कालेन काल”न्ति सत्था अवोचाति दस्सेन्तो “पाळियज्ही”ति आदिमाह । तत्थ इमानि पाळियं आगतानि पञ्च निमित्तानि । अब्बुदन्ति उपद्वं ।

छन्दसहगता रागसम्पयुत्ताति तण्हाछन्दसहगता कामरागसम्पयुत्ता । इट्ठानिट्ठअसमपेक्खितेसूति इट्ठेसु पियेसु, अनिट्ठेसु अप्पियेसु, असमं असम्मा पेक्खितेसु । असमपेक्खन्ति गेहस्सितअज्जाणुपेक्खावसेन आरम्मणस्स अयोनिशो गहणं । यं सन्धाय वुत्तं — “चक्खुना रूपं दिस्वा उपेक्खा बालस्स मूळहस्स पुत्थुज्जनस्सा”ति आदि (म० नि० ३.३०८) । ते परिवितक्का । ततो निमित्ततो अज्जन्ति ततो छन्दूपसंहितादिअकुसलवितक्कुप्पत्तिकारणतो अज्जं नवं निमित्तं । “मनसिकरोतो”ति हि वुत्तं, तस्मा आरम्मणं, तादिसो पुरिमुप्पन्नो चित्तप्पवत्तिआकारो वा निमित्तं । कुसलनिस्सितं निमित्तन्ति कुसलचित्तप्पवत्तिकारणं मनसि कातब्बं चित्ते ठपेतब्बं, भावनावसेन चिन्तेतब्बं, चित्तसन्ताने वा सङ्कमितब्बं । असुभज्जि असुभनिमित्तन्ति । सङ्खारेसु उप्पन्ने छन्दूपसंहिते वितक्केति आनेत्वा सम्बन्धितब्बं । एवं “दोसूपसज्जिते”ति आदीसु यथारहं तं तं पदं आनेत्वा सम्बन्धितब्बं । यत्थ कत्थचीति “सत्तेसु सङ्खारेसू”ति यत्थ कत्थचि । पञ्चधम्मूपनिस्सयोति पञ्चविधो धम्मूपसंहितो उपनिस्सयो ।

एवं “छन्दूपसज्जिते”ति आदिना सङ्खेपतो वुत्तमत्थं वित्थारतो दस्सेतुं “इमस्स हत्था वा सोभना”ति आदि आरब्धं । तत्थ “असुभतो उपसंहारितब्ब”न्ति वत्त्वा उपसंहारणाकारस्स दस्सनं “किम्हि सारत्तोसी”ति । छविरागेनाति छविरागताय काळसामादिवण्णनिभाय । कुफळपूरितोति पक्केहि कुणपफलेहि पुण्णो । “कलिफलपूरितो”ति वा पाठो ।

अस्सामिकतावकालिकभाववसेनाति इदं पत्तं अनुक्कमेन वण्णविकारज्जेव जिण्णभावज्ज पत्त्वा छिद्वावछिद्दं भिन्नं वा हुत्वा कपालनिट्ठं भविस्सति । इदं चीवरं अनुपुब्बेन वण्णविकारं जिण्णतज्ज उपगन्त्वा पादपुज्जनचोळकं हुत्वा यट्ठिकोटिया छड्ढनीयं भविस्सति । सचे पन नेसं सामिको भवेय्य, न नेसं एवं विनस्सितुं ददेय्याति एवं अस्सामिकभाववसेन, “अनद्धनियं इदं तावकालिक”न्ति एवं तावकालिकभाववसेन च मनसिकरोतो ।

आघातविनय...पे०... भावेतब्बाति — “पज्जिमे, भिक्खवे, आघातपटिविनया । यत्थ हि भिक्खुनो उप्पन्नो आघातो सब्बसो पटिविनेतब्बो”ति आदिना नयेन आगतस्स आघातविनयसुत्तस्स (अ० नि० ५.१६१) चेव ककचूपमोवाद(म०



नि० १.२२२-२३३) **छवालातूपमादीनञ्च** (इतिवु० ९१) वसेन आघातं पटिविनोदेत्वा मेत्ता भावेतब्बा ।

**गरुसंवासो**ति गरुं उपनिस्साय वासो । **उद्देसो**ति परियत्तिधम्मस्स उद्दिसापनञ्चेव उद्दिसनञ्च । **उद्दिट्ठपरिपुच्छन्ति** यथाउग्गहितस्स धम्मस्स अत्थपरिपुच्छा । **पञ्च धम्मूपनिस्सायाति** गरुसंवासादिके पञ्च धम्मे पटिच्च । **मोहधातू**ति मोहो ।

**उपनिस्सितब्बा**ति उपनिस्सयितब्बा, अयमेव वा पाठो । **यत्तप्पटियत्तो**ति यत्तो च गामप्पवेसनापुच्छाकरणेसु उस्सुक्कं आपन्नो सज्जितो च होतीति अत्थो । **अथस्स मोहो पहीयतीति** अस्स भिक्खुनो एवं तत्थ युत्तप्पयुत्तस्स पच्छा सो मोहो विगच्छति । **एवम्पीति** एवं उद्देसे अप्पमज्जनेनपि । पुन **एवम्पीति** अत्थपरिपुच्छाय कङ्कविनोदनेपि । **तेसु तेसु ठानेसु अत्थो पाकटो होतीति** सुय्यमानस्स धम्मस्स तेसु तेसु पदेसु “इध सीलं कथितं, इध समाधि, इध पज्जा”ति सो सो अत्थो विभूतो होति । इदं चक्खुरूपालोकादि **इमस्स** चक्खुविज्जाणस्स **कारणं**, **इदं** सालिबीजभूमिसलिलादि **इमस्स** सालिअङ्कुरस्स **कारणं** । **इदं न कारणन्ति** तदेव चक्खुरूपालोकादि सोतविज्जाणस्स, तदेव सालिबीजादि कुदुसकङ्कुरस्स न कारणन्ति ठानाट्टानविनिच्छये छेको होति ।

**आरम्मणेसू**ति कम्मट्टानेसु । **इमे वितक्का**ति कामवितक्कादयो । सब्बे कुसला धम्मा सब्बाकुसलपटिपक्खाति कत्वा “पहीयन्ती”ति वत्तब्बे न सब्बे सब्बेसं उजुविपच्चनीकभूताति “पहीयन्ति एवा”ति सासङ्कं वदति । तेनाह “**इमानी**”तिआदि ।

**कुसलनिस्सितन्ति** कुसलेन निस्सितं निस्सयितब्बं । **कुसलस्स पच्चयभूतन्ति** तस्सेव वेवचनं, कुसलुप्पत्तिकारणं यथावुत्तअसुभनिमित्तादिमेव वदति । **सारफलके**ति चन्दनमये सारफलके । **विसमाणिन्ति** विसमाकारेन तत्थ ठितं आणिं । **हनेय्याति** पहरेय्य निक्खामेय्य ।

**२१७. अट्ठो**ति आतुरो, दुग्गन्धबाधताय पीळितो । **दुक्खितो**ति सज्जातदुक्खो । **इमिनापि कारणेनाति** अकोसल्लसम्भूतताय कुसलपटिपक्खताय गेहस्सितरोगेन सरोगताय च **एते अकुसला** विज्जुगरहितब्बताय जिगुच्छनीयताय च **सावज्जा** अनिट्ठफलताय निरस्सादसंवत्तनियताय च **दुक्खविपाका**ति एवं तेन तेन कारणेन अकुसलादिभावं **उपपरिक्खतो** ।

“आतुरं असुचिं पूर्तिं, पस्स नन्दे समुस्सयं ।

उग्घरन्तं पग्घरन्तं, बालानं अभिनन्दितं”न्ति ॥ (अप० थेरी २.४.१५७) —

एवमादि **कायविच्छन्दनीयकथादीहि** वा । **आदि-सद्देन** —

“तस्सेव तेन पापियो, यो कुद्धं पटिकुज्झति ।

कुद्धं अप्पटिकुज्झन्तो, सङ्गामं जेति दुज्जय”न्ति ॥ (थेरगा० ४४२) —

एवमादि पटिघवूपसमनकथादिकापि सङ्गण्हाति ।

**२१८. न सरणं असति**, अननुस्सरणं । **अमनसिकरणं अमनसिकारो** । **कम्मट्टानं गहेत्वा निसीदितब्बन्ति**

कम्मट्टानमनसिकारेनेव निसीदितब्बं । उग्गहितो धम्मकथापबन्धोति कम्मट्टानस्स उपकारो धम्मकथापबन्धो । मुट्ठिपोत्थकोति मुट्ठिप्पमाणो पारिहारियपोत्थको । समन्नानेत्तेनाति समन्नाहरन्तेन । ओकासो न होति आरद्धस्स परियोसापेतब्बतो । आरद्धस्स अन्तगमनं अनारम्भोवाति थेरवादो । तस्साति उपज्झायस्स । पब्भारसोधनं कायकम्मं, आरभन्तो एव वितक्कनिग्गणहनत्थं संयुत्तनिकायसज्झायनं वचीकम्मं, दस्सनकिच्चपुब्बकम्मकरणत्थं तेजोकोसिणपरिकम्मन्ति तीणि कम्मनि आचिनोति । थेरो तस्स आसयं कसिणञ्च सविसेसं जानित्वा “इमस्मिं विहारे”तिआदिमवोच । तेनस्स यथाधिप्पायं सब्बं सम्पादितं । असतिपब्बं नाम असतिया वितक्कनिग्गणविभावनतो ।

२१९. वितक्कमूलभेदं पब्बन्ति वितक्कमूलस्स तम्मूलस्स च भेदविभावनं वितक्कमूलभेदं पब्बं । वितक्कं सङ्खरोतीति वितक्कसङ्खारो, वितक्कपच्चयो सुभनिमित्तादीसुपि सुभादिना अयोनिमोमनसिकारो । सो पन वितक्कसङ्खारो संतिट्ठति एत्थाति वितक्कसङ्खारसण्ठानं, असुभे सुभन्तिआदि सज्जाविपल्लासो । तेनाह “वितक्कानं मूलञ्च मूलमूलञ्च मनसि कातब्ब”न्ति । वितक्कानं मूलमूलं गच्छन्तस्साति उपपरिक्खनवसेन मिच्छावितक्कानं मूलं उपत्तिकारणं जाणगतिया गच्छन्तस्स । याथावतो जानन्तस्स पुब्बे विय वितक्का अभिण्हं नप्पवत्तन्तीति आह “वितक्कचारो सिथिलो होती”ति । तस्मिं सिथिलीभूते मत्थकं गच्छन्तेति वुत्तनयेन वितक्कचारो सिथिलभूतो, तस्मिं वितक्कानं मूलगमने अनुक्कमेन थिरभावप्पत्तिया मत्थकं गच्छन्ते । वितक्का सब्बसो निरुज्झन्तीति मिच्छावितक्का सब्बोपि गच्छन्ति न समुदाचरन्ति, भावनापारिपूरिया वा अनवसेसा पहीयन्ति ।

कण्णमूले पतितन्ति ससकस्स कण्णसमीपे कण्णसक्खलिं पहरन्तं विय उपपतितं । तस्स किर ससकस्स हेट्ठा महामूसिकाहि खतमहावाटं उमङ्गसदिसं अहोसि, तेनस्स पातेन महासद्धो अहोसि । पलायिसु “पथवी उद्रीयती”ति । मूलमूलं गन्त्वा अनुविज्जेय्यन्ति “पथवी भिज्जती”ति यत्थायं ससो उट्ठितो, तत्थ गन्त्वा तस्स मूलकारणं यंनून वीमंसेय्यं । पथविया भिज्जनट्टानं गते “को जानाति, किं भविस्सती”ति ससो “न सक्कोमि सामी”ति आह । आधिपच्चवतो हि याचनं सण्हमुदुकं । दुहुभायतीति दुहुभाति सद्धं करोति । अनुरवदस्सनज्हेतं । भदन्तेति मिगराजस्स पियसमुदाचारो, मिगराज, भदं ते अत्थूति अत्थो । किमेतन्ति किं एतं, किं तस्स मूलकारणं? दुहुभन्ति इदम्पि तस्स अनुरवदस्सनमेव । एवन्ति यथा ससकस्स महापथवीभेदनं रवनाय मिच्छागाहसमुट्टानं अमूलं, एवं वितक्कचारोपि सज्जाविपल्लाससमुट्टानो अमूलो । तेनाह “वितक्कानं”न्तिआदि ।

२२०. अभिदन्तन्ति अभिभवनदन्तं, उपरिदन्तन्ति अत्थो । तेनाह “उपरिदन्त”न्ति । सो हि इतरं मुसलं विय उदुक्खलं विसेसतो कस्सचि खादनकाले अभिभुय्य वत्तति । कुसलचित्तेनाति बलवसम्मासङ्कप्पसम्पयुत्तेन । अकुसलचित्तन्ति कामवितक्कादिसहितं अकुसलचित्तं । अभिनिग्गणिहतब्बन्ति यथा तस्स आयतिं समुदाचारो न होति, एवं अभिभवित्वा निग्गहेतब्बं, अनुप्पत्तिधम्मता आपादेतब्बाति अत्थो । के च तुम्हे सतिपि चिरकालभावनाय एवं अदुब्बला को चाहं मम सन्तिके लद्धप्पतिट्ठे विय ठितेपि इदनेव अप्पतिट्ठे करोन्तो इति एवं अभिभवित्वा । तं पन अभिभवनाकारं दस्सेन्तो “कामं तचो चा”तिआदिना चतुरङ्गसमन्नागतवीरियपग्गणहनमाह । अत्थदीपिकन्ति एकन्ततो वितक्कनिग्गणहनत्थजोतकं । उपमन्ति “सेय्यथापि, भिक्खवे, बलवा पुरिसो”तिआदिकं उपमं ।

२२१. परियादानभाजनीयन्ति यं तं आदितो “अधिचित्तमनुयुत्तेन भिक्खुना पञ्च निमित्तानि कालेन कालं मनसि कातब्बानी”ति निट्ठित्ठं, तत्थ तस्स निमित्तस्स मनसिकरणकालपरियादानस्स वसेन विभजनं । निगमनं वा एतं, यदिदं “यतो खो, भिक्खवे”तिआदि । यथावुत्तस्स हि अत्थस्स पुन वचनं निगमनन्ति । तथापटिपन्नस्स वा

वसीभावविसुद्धिदस्सनत्थं “यतो खो, भिक्खवे”तिआदि वुत्तं। सत्थाचरियोति धनुब्बेदाचरियो। यथा हि ससनतो असत्थम्पि सत्थग्गहणेनेव सङ्गहति, एवं धनुसिप्पम्पि धनुब्बेदपरियापन्नमेवाति।

परियायति परिवितक्केतीति **परियायो**। वारोति आह “वितक्कवारपथेसू”ति, वितक्कानं वारेन पवत्तनमग्गेसु। **चिण्णवसीति** आसेवितवसी। **पगुणवसीति** सुभावितवसी। सम्मावितक्कंयेव यथिच्छितं तथावितक्कनतो, इतरस्स पनस्स सेतुघातोयेवाति।

वितक्कसण्ठानसुत्तवण्णनाय लीनत्थप्पकासना समत्ता।

निट्ठिता च सीहनादवग्गवण्णना।

### ३. ओपम्मवग्गो

#### १. ककचूपमसुत्तवण्णना

२२२. मोळिन्ति केसरचनं। वेहायसन्ति आकासे। रतनचङ्कोटवरेनाति रतनसिलामयवरचङ्कोटकेन सहस्सनेत्तो सिरसा पटिग्गहि। “सुवण्णचङ्कोटकवरेना”तिपि (बु० वं० अट्ठ० २३ दूरेनिदानकथा; जा० अट्ठ० १.२ अविदूरेनिदानकथा) पाठो।

साति मोळि। मोळि एतस्स अत्थीति मोळिको, मोळिको एव **मोळियो**। **फग्गुनोति** पन नामं। **सङ्घाति** समञ्जा। वेलीयति खणमुहुत्तादिवसेन उपदिसीयतीति **वेला**, कालोति आह “तायं वेलायं...पे०... अयं कालवेला नामा”ति। वेलयति परिच्छेदवसेन तिट्ठतीति **वेला**, सीमा। वेलयति संकिलेसपक्खं चालयतीति **वेला**, सीलं। अनतिक्कमनट्ठोपि चस्स संकिलेसधम्मनिमित्तं अचलनमेव। विञ्जुपुरिसाभावे छपञ्चवाचामत्तं **ओवादे पमाणं नाम**। **दवसहगतं कत्वाति** कीळासहितं कत्वा।

**मिस्सीभूतोति** अननुलोमिकसंसग्गवसेन मिस्सीभूतो। “**अवण्णं भासती**”ति सङ्खेपतो वुत्तं विवरितुं “तापनपचनकोट्टनादीनी”तिआदि वुत्तं। **अधिकरणम्पि करोतीति** एत्थ यथा सो अधिकरणाय परिसक्कति, तंदस्सनं “**इमेसं भिक्खून**”न्तिआदि। **अधिकरणं आकट्ठतीति** अधिकरणं उद्दिस्स ते भिक्खू आकट्ठति, अधिकरणं वा तेसु उप्पादेन्तो आकट्ठति। **उद्देसपदं वाति** पदसो उद्देसमत्तं वा। **नेव पियकम्यतायाति** नेव अत्तनि सत्थुनो पियभावकामताय। **न भेदाधिप्पायेनाति** न सत्थुनो तेन भिक्खुना भेदाधिप्पायेन। **अत्थकामतायाति** मोळियफग्गुनस्स हितकामताय।

२२४. **अवण्णभासनेति** भिक्खुनीनं अगुणकथने। छन्दादीनं वत्थुभावतो कामगुणा गेहं विय गेहं, ते च ते सिता निस्सिताति **गेहस्सिताति** वुत्ता। तण्हाछन्दापि तासं कत्तुकामतापीति उभयेपि **तण्हाछन्दा**, **पटिघछन्दा** पन तेसं कत्तुकामता एव। फलिकमणि विय पकतिपभस्सरस्स चित्तसन्तानस्स उपसङ्गो विय विपरिणामकारणं रागादयोति आह “**रत्तम्पि चित्तं विपरिणतं**”न्तिआदि। **हितानुकम्पीति** करुणाय पच्चुपट्ठापनमाह। “यस्सन्तरतो न सन्ति कोपा”तिआदीसु (उदा० २०) विय **अन्तर-सदो** चित्तपरियायोति आह “**दोसन्तरोति दोसचित्तो**”ति।

२२५. दुब्बचताय ओवादं असम्पटिच्छन्तो चित्तेनेव **पटिविरुद्धो अट्टासि**। **गण्हंसु** चित्तं, हदयगाहिनिं

पटिपज्जिंसूति अत्थो । **पूरयिंसु** अज्झासयन्ति अत्थो । **एकस्मिं समये** पठमबोधियं । एकासनं भोजनस्स **एकासनभोजनं**, एकवेलायमेव भोजनं । तच्च खो पुब्बण्हे एवाति आह “**एकं पुरेभत्तभोजनं**”न्तिआदि । सत्तक्खत्तुं भुत्तभोजनमपि इमस्मिं सुत्ते एकासनभोजनन्तेव अधिप्पेतं, न एकासनिकताय एकाय एव निसज्जाय भोजनं । “अप्पडंस... पे०... सम्फस्स”न्तिआदीसु विय **अप्प**-सद्दो अभावत्थोति आह “**निराबाधत्तं, निहुक्खत्तं**”न्ति । पधानादिवसेन सल्लहुकं अकिच्छं उट्ठानं **सल्लहुकउट्ठानं** । न **एकप्पहारेनाति** न एकवारेन, न एकस्मियेव कालेति अधिप्पायो । द्वे **भोजनानीति** “अपरण्हे रत्तिय”न्ति कालवसेन द्वे भोजनानि । **पच्च गुणेति** अप्पाबाधादिके पच्च आनिसंसे । **सतुप्पादकरणीयमत्तमेवाति** सतुप्पादमत्तकरणीयमेव, निवारेतब्बस्स पुनप्पुनं समादपनच्च नाहोसि ।

**मण्डभूमीति** ओजवन्तभूमि, यत्थ परिसिञ्चनेन विना सस्सानि किट्ठानि सम्पज्जन्ति । युगे योजेतब्बानि योग्गानि, तेसं आचरियो **योग्गाचरियो**, तेसं सिक्खापनको । गामणिहत्थिआदयोपि “योग्गा”ति वुच्चन्तीति आह पाळियं “**अस्सदम्मसारथी**”ति । चतूसु मग्गेसु येन येन मग्गेन इच्छति । जवसमगादिभेदासु गतीसु यं यं गतिं । तं तं मग्गं **आरुळ्हाव** ओतिण्णायेव । **नेव वारेतब्बा** रस्मिविनिग्गण्हेनेन । न **विज्झितब्बा** पतोदलट्ठिया । **गमनमेवाति** इमे युत्ता मम इच्छानुरूपं मन्दं गच्छन्ति, समं गच्छन्ति, सीधं गच्छन्तीति खुरेसु निमित्तग्गहणं पट्टपेत्वा सारथिना तेसं गमनमेव पस्सितब्बं होति, न तत्थ नियोजनं । **तेहिपि** भिक्खूहि । **पजहिंसु** पजहितब्बं । **सालदूसनाति** सालरुक्खविसनासका । **अज्जा च वल्लियो** सालरुक्खे विनन्धित्वा ठिता । **बहि नीहरणेनाति** सालवनतो बहि छडुनेन । **सुसण्ठिताति** सण्ठानसम्पन्ना, **मरियादं बन्धित्वाति** आलवालसम्पादनवसेन मरियादं बन्धित्वा । **किपिल्लपुटकं** तम्बकिपिल्लकपुटकं । **सुक्खदण्डकहरणं** आलवालब्धन्तरा ।

२२६. विदेहरट्ठे जातसंवड्ढताय **वेदेहिका** । पण्डा वुच्चति पज्जा, ताय इता गता पवत्ताति **पण्डिता** । **गहपतानीति** गेहसामिनी । **सोरच्चेनाति** संयमेन । **निवातवुत्तीति** पणिपातकारी । **निब्बुताति** निब्बुतदुच्चरितपरिळाहा । **उट्ठाहिकाति** उट्ठानवीरियवती । **किब्बिसाति** कुरुरा ।

२२७. एवं **अक्खन्तिया दोसं दस्सेत्वाति** “गुणवन्तो”ति लोके पत्थट्ठकित्तिसद्धानमपि अक्खन्तिनिमित्तं अयसुप्पत्तिगुणपरिहानिआदिं अक्खमतायआदीनवं पकासेत्वा । **वचनपथेति** वचनमग्गे युत्तकालादिके । सण्हाभावोपि हि वचनस्स पवत्तिआकारोति कत्वा “वचनपथो” त्वेव वुत्तो । **तेसंयेव** कालादीनं । मेत्ता एतस्स अत्थीति मेत्तं, उप्पन्नं मेत्तचित्तं एतेसन्ति **उप्पन्नमेत्तचित्ता** । पुन “कालेन वा, भिक्खवे”तिआदि (परि० ३६२, ३६३) पाळि धम्मसभावदस्सनवसेन पवत्ता “परं चोदनावसेन वदन्ता नाम इमेहि आकारेहि वदन्ती”ति । **अधिमुञ्चित्वाति** अभिरतिवसेन तस्मिं पुग्गले भावनाचित्तं मुञ्चित्वा विस्सज्जेत्वा । सो पुग्गलो आरम्मणं एतस्साति **तदारम्मणं**, मेत्तचित्तं । यदि एवं पदेसविसयं तं कथं निप्पदेसविसयं विय होतीति चोदेन्तो “**कथं तदारम्मणं सब्बावन्तं लोकं करोती**”ति आह, इतरो “**पच्च वचनपथे**”तिआदिना परिहरति । इध **तदारम्मणज्वाति** तस्सेव मेत्तचित्तस्स आरम्मणं कत्वाति पाळियं वचनसेसो दट्ठब्बो । तेनाह “**पुन तस्सेवा**”तिआदि । सब्बा सत्तकायसङ्काता पजा एतस्स अत्थीति **सब्बावन्तोति** इममत्थं दस्सेन्तो “**सब्बावन्तं**”न्ति आह । **विपुलेनाति** महाजनारम्मणेन । महन्तपरियायो हि विपुल-सद्दो, महत्तज्जेत्थ बहुकभावो । तेनाह “**अनेकसत्तारम्मणेना**”ति । तच्च **पुग्गलन्ति** पच्च वचनपथे गहेत्वा आगतपुग्गलं । **चित्तस्साति** मेत्तासहगतचित्तस्स । एत्थ च मेत्तासहगतेन चेतसा विहरिस्सामाति सम्बन्धो । तत्थ कथन्ति आह “**तच्च पुग्गलं सब्बज्ज लोकं तस्स चित्तस्स आरम्मणं कत्वा अधिमुच्चित्वा**”ति ।

**२२८. तदत्थदीपिकन्ति** या मेत्तं चेतोविमुत्तिं सम्मदेव भावेत्वा ठितस्स निब्बिकारतो केनचि विकारं न आपादेतब्बता, तदत्थजोतिकं । **अपथविन्ति** पथवी न होतीति अपथवी । **निप्पथविन्ति** सब्बेन सब्बं पथवीभावाभावं । **तिरियं पन अपरिच्छिन्ना**ति कस्मा वुत्तं, ननु चक्कवाळपब्बतेहि तं तं चक्कवाळं परिच्छिन्दति? न, तदञ्जचक्कवाळपथविया एकाबद्धभावतो । तिण्णहि चक्कानं अन्तरसदिसे तिण्णं तिण्णं लोकधातूनं अन्तरेयेव पथवी नत्थि लोकन्तरनिरयभावतो । चक्कवाळपब्बतन्तरेहि सम्बद्धावने पथवी एकाबद्धाव । विवट्टुकाले हि सण्ठहमानापि पथवी यथासण्ठितपथविया एकाबद्धाव सण्ठहति । तेनाह “**तिरियं पन अपरिच्छिन्ना**”ति । इमिनाव गम्भीरभावेन वुत्तपरिमाणतो परं नत्थीति दीपितं होति ।

**२२९. हलिदीति** हलिद्विवण्णं अधिप्पेतन्ति आह “**यं किञ्चि पीतकवण्ण**”न्ति । वण्णसङ्घातं रूपं अस्स अत्थीति रूपी, न रूपीति **अरूपीति** आह “**अरूपो**”ति । तेनेवाह “**सनिदस्सनभावपटिक्खेपतो**”ति ।

**२३०. पञ्च योजनसतानीति** हिमवन्ततो समुद्वं पविट्टुगानवसेन वुत्तं, न अनोत्तदहमुखतो । अञ्जा नदियो उपादाय लब्धमानं गम्भीरतं अप्पमेय्यउदकतञ्च गहेत्वा “**गम्भीरा अप्पमेय्या**”ति वुत्तं । **अट्टकथायं** पन तिणुक्काय तापेतब्बताभावदस्सनपरमेतन्ति वुत्तं “**एतेन पयोगेना**”तिआदि ।

**२३१. तूलिनी विय तूलिनीति** आह “**सिम्बलितूललतातूलसमाना**”ति । सस्सरन्ति एवंपवत्तो सद्दो **सस्सरसद्दो** । अनुरवदस्सनज्हेतं । तथा **भम्भरसद्दो** । सब्बमेतं मेत्ताविहारिनो चित्तस्स दूसेतुं असक्कुण्येय्यभावदस्सनपरं । अयज्हेत्थ सङ्खेपत्थो — यथा महापथवी केनचि पुरिसेन अपथविं कातुं न सक्का, यथा आकासे किञ्चि रूपं पट्टपेतुं न सक्का, यथा गङ्गाय उदकं तिणुक्काय तापेतुं न सक्का, यथा च बिळारभस्तं थद्धं फरुसञ्च सम्फस्सं कातुं न सक्का, एवमेवं मेत्ताय चेतोविमुत्तिया आसेविताय भाविताय बहुलीकताय पञ्च वचनपथे गहेत्वा आगतपुरिसेन केनचि परियायेन चित्तस्स अञ्जथत्तं कातुं न सक्काति ।

**२३२. ओचरकाति** परूपघातवसेन हीनकम्मकारिनो । तेनाह “**नीचकम्मकारका**”ति । **अनधिवासनेनाति** अक्खमनेन । **मय्हं ओवादकरो न होतीति** परमिह अनत्थकारिमिह चित्तपदोसनेन आघातुप्पादनेन मम सासने सम्मापटिपज्जमानो नाम न होति ।

**२३३. अणुन्ति** अप्पकं तनु परित्तकं । थूलन्ति महन्तं ओळारिकं । वचनपथस्स पन अधिप्पेतत्ता तं सावज्जविभागेन गहेतब्बन्ति आह “**अप्पसावज्जं वा महासावज्जं वा**”ति । खन्तिया इदं भारियं न होतीति अवोचुं “**अनधि...पे०... पस्सामा**”ति । दीघरत्तन्ति चिरकालं, अच्चन्तमेवाति अत्थो । अच्चन्तञ्च हितसुखं नाम अञ्जाधिगमेनेवाति आह “**अरहत्तेन कूटं गणहन्तो**”ति ।

ककचूपमसुत्तवण्णनाय लीनत्थप्पकासना समत्ता ।

## २. अलगहूपमसुत्तवण्णना

**२३४. बाधयिंसूति** (सारत्थ० टी० पाचित्तिय ३.४१७) हनिंसु । तंतंसम्पत्तिया विबन्धनवसेन सत्तसन्तानस्स अन्तरे वेमज्जे एति आगच्छतीति अन्तरायो, दिट्ठधम्मिकादिअनत्थो, अनतिक्कमनट्ठेन तस्मिं अन्तराये नियुत्ता, अन्तरायं वा फलं अरहन्ति, अन्तरायस्स वा करणसीलाति **अन्तरायिका** । तेनाह “**अन्तरायं करोन्तीति अन्तरायिका**”ति ।

**आनन्तरियधम्मा**ति आनन्तरियसभावचेतनाधम्मा । तत्रायं वचनत्थो — चुतिअनन्तरफलं अनन्तरं नाम, तस्मिं अनन्तरे नियुत्ता, तन्निब्वत्तनेन अनन्तरकरणसीला, अनन्तरपयोजनाति वा आनन्तरिका, ते एव **आनन्तरिया**ति वुत्ता । कम्मनि एव अन्तरायिकाति **कम्मन्तरायिका** । **मोक्खस्सेव अन्तरायं करोति, न सग्गस्स** मिच्छाचारलक्खणाभावतो । न हि भिक्खुनिया धम्मरक्खितभावो अत्थि । पाकतिकभिक्खुनीवसेन चेतं वुत्तं, अरियाय पन पवत्तं अपायसंवत्तनियमेव । नन्दमाणवको चेत्थ निदस्सनं । उभिन्नं समानच्छन्दतावसेन वा असग्गन्तरायिकता, मोक्खन्तरायिकता पन मोक्खत्थपटिपत्तिया विदूसनतो, अभिभवित्वा पन पवत्तियं सग्गन्तरायिकतापि न सक्का निवारेतुन्ति । अहेतुकदिट्ठिअकिरियदिट्ठिनत्थिकदिट्ठियोव नियतभावं पत्ता **नियतमिच्छादिट्ठिधम्मा** । **पटिसन्धिधम्मा**ति पटिसन्धिचित्तुप्पादमाह । पण्डकादिग्गहणज्वेत्थ निदस्सनमत्तं सब्बायपि अहेतुकपटिसन्धिया विपाकन्तरायिकभावतो । या हि अरिये उपवदति, सा चेतना **अरियूपवादधम्मा** । **ततो परन्ति** खमापनतो उपरि । यं पनेत्थ वत्तब्बं, तं महासीहनादस्स लीनत्थपकासने वुत्तमेव । **याव भिक्खुभावं पटिजानाति** पाराजिकं आपन्नो । **न वुट्ठाति** सेसं गरुकापत्तिं । **न देसेति** लहुकापत्तिं ।

**अयं भिक्खु** अरिट्ठो । **रसेन रसं संसन्दित्वा**ति अनवज्जेन पच्चयपरिभुज्जनरसेन सावज्जं कामगुणपरिभोगरसं समानेत्वा । **उपनेन्तो विया**ति बन्धनं उपनेन्तो विय । “घटेन्तो विया”तिपि पाठो । **उपसंहरन्तो विया**ति सदिसत्तं उपसंहरन्तो विय एकन्तसावज्जे अनवज्जभावपक्खेपेन । **पापकन्ति** लामकट्टेन दुग्गतिसम्पापनट्टेन च पापकं । सेतुकरणवसेन **महासमुदं बन्धन्तेन विय** । **सब्बज्जुतज्जाणेन** “सावज्ज”न्ति दिट्ठं “अनवज्ज”न्ति गहणेन तेन **पटिविरुज्झन्तो** । एकन्ततो अनन्तरायिकन्ति गहणेन **वेसारज्जजाणं पटिबाहन्तो** । कामकण्टकेहि अरियमग्गसम्मापटिपत्ति न उपक्किलिस्सतीति वदन्तो “**अरियमग्गे खाणुकण्टकादीनि पक्खिपन्तो**”ति वुत्तो । पठमपाराजिकसिक्खापदसङ्घाते, “अब्रह्मचरियं पहाया”ति (दी० नि० १.८, १९४) आदिदेसनासङ्घाते च **आणाचक्के** ।

पुच्छमाना **समनुयुज्जन्ति नाम** । पुच्छा हि अनुयोगोति । तेनाधिगताय लब्धिया अनुवज्जनत्थं पच्चनुभासनेन पुन पटिजानापनं पतिट्ठापनं, तं पनस्स आदाय समादापनं विय होतीति आह “**समनुगाहन्ति नामा**”ति । तस्सा पन लब्धिया अनुयुज्जिताय वुच्चमानम्पि कारणं कारणपतिरूपकमेवाति तस्स पुच्छनं **समनुभासनं** । **अनुदहनट्टेन** अनुपायपटिपत्तिया सम्पत्ति आयतिज्व अनुदहनट्टेन । **महाभितापनट्टेन** अनवट्ठितसभावताय । **इत्तरपच्चुपट्टानट्टेन** मुहुत्तरमणीयताय । **तावकालिकट्टेन** परेहि अभिभवनीयताय । **सब्बङ्गपच्चङ्गपलिभज्जनट्टेन** छेदनभेदनादिअधिकरणभावेन । उग्घाटसदिसताय **अधिकुट्टनट्टेन** । अवणे वणं उप्पादेत्वा अन्तो अनुपविसनसभावताय **विनिविज्झनट्टेन** । दिट्ठधम्मिकसम्परायिकअनत्थनिमित्तताय **सासङ्कसप्पटिभयट्टेन** । **दिट्ठिथामेनाति** तस्सा दिट्ठिया थामगतभावेन । **दिट्ठिपरामासेनाति** दिट्ठिसङ्घातपरामसनेन । दिट्ठियेव हि धम्मसभावं अतिक्कमित्वा परतो आमसनेन परामासो । **अभिनिविस्साति** तण्हाभिनिवेसपुब्बङ्गमेन दिट्ठाभिनिवेसेन “इदमेवेत्थ तथ”न्ति अभिनिविसित्वा । **यस्मा हि** अभिनिवेसनं तत्थ अभिनिविट्ठं नाम होति । तस्मा आह “**अधिट्ठित्वा**”ति ।

**२३५. नत्थीति वत्तुकामोपीति** अत्तनो लब्धिं निगुहेतुकामताय अवजानितुकामोपि । **सम्पटिच्छति** पटिजानाति । **द्वे कथाति** विसंवादनकथं सन्धाय वदति । अभूतकथा हि पुब्बे पवत्ता भूतकथाय वसेन द्वे कथाति वुच्चति ।

**२३६. कस्स खो नामाति** इमिना सत्था “न मम तुय्हं तादिसस्स अत्थाय धम्मदेसना नाम भूतपुब्बा”ति दस्सेति । तेनाह “**खत्तियस्स वा**”तिआदि ।

जाणमया उस्मा एतस्स अत्थीति उस्मी, तथारूपेहि पच्चयेहि अनुस्मीकतो तस्मिं अत्तभावे पटिवेधगम्भोअपि उस्मीकतोति विकतभावतो पज्जाबीजमस्स इमस्मिं धम्मविनये अपि नु अत्थीति भगवा भिक्खू पुच्छति । ते पटिक्खपन्ता वदन्ति ठानगतेन दुच्चरितेन जाणुपहतभावं सम्पस्सन्ता । नित्तेजभूतोति नित्तेजं भूतो तेजोहानिप्पत्तो । ततो एव भिक्खूनम्मि सम्मुखा ओलोकेतुं असमत्थताय पत्तक्खन्धो अधोमुखो । सहधम्मिकं किञ्चि वत्तुं अविशहनतो अप्पटिभानो । सम्पत्तूपगन्ति सम्पत्तिआवहं । पटिप्पस्सम्भेन्तोति पटिसेधेन्तो ।

२३७. अन्तरायकरलद्धिया सभावविभावेनेन परिसं सोधेति । निस्सारेति नीहरति अविबुद्धदिट्ठिताय । कस्सचि बुद्धानुभावं अजानन्तस्स । तस्स हि एवं भवेय्य “सहसा कथित”न्ति । न हि कदाचि बुद्धानं सहसा किरिया नाम अत्थि । अस्साति “कस्सची”ति वुत्तभिक्खुस्स । सुत्वापि तुण्हीभावं आपज्जेय्याति अथापि सियाति सम्बन्धो । तं सब्बन्ति “सचे ही”तिआदिना वुत्तं सब्बं परिकप्पनं । न करिस्सन्तीति परिसाय लद्धिं सोधेतीति सम्बन्धो । लद्धिं पकासेन्तोति महासावज्जतावसेन पकासेन्तो । सज्जावितक्केहीति सुभनिमित्तानुब्यञ्जनग्गाहादिवसेन पवत्तेहि सज्जावितक्केहि । तेनाह “किलेसकामसम्पयुत्तेही”ति । मेथुनसमाचारन्ति इदं अधिकारवसेन वुत्तं । तदज्जम्पि पन — “अपिच खो मातुगामस्स उच्छादनं परिमदनं नहापनं सम्बाहनं सादियती”तिआदिना (अ० नि० ७.५०) आगतं विसभागवत्थुविसयं आमिसपरिभोगं । “अज्जत्रेव कामेहि अज्जत्र कामसज्जाहि अज्जत्र कामवितक्केहि समाचरिस्सती”ति नेतं ठानं विज्जति ।

२३८. योनिसो पच्चवेक्खणेन नत्थि एत्थ छन्दरागोति निच्छन्दरागो, तं निच्छन्दरागं । कदाचि उपोसथिकभावेन समादिन्नसीलापि होन्ति कदाचि नोति अनिबद्धसीलानं गहट्टानं । सीलसमादानभावतो अन्तरायकरं । वत्थुकामानं सच्छन्दरागपरिभोगज्ज । अपच्चवेक्खणेन भिक्खूनं आवरणकरं । पच्चयानं सच्छन्दरागपरिभोगज्ज । अयं अरिद्धो दुग्गहिताय परियत्तिया वसेन अम्हे चेव अब्भाचिक्खति, अत्तानज्ज खनति, बहुज्ज अपुज्जं पसवतीति एवं सज्जा मा होन्तूति दुग्गहिताय परियत्तिया दोसं दस्सेन्तो आह । उग्गणहन्तीति सज्झायन्ति चेव वाचुग्गतं करोन्ता धारेन्ति चाति अत्थो ।

सुत्तन्तिआदिना नवप्पभेदम्मि परियत्तिधम्मं परियादियति । कथं सुत्तं नवप्पभेदं? सगाथकज्झि सुत्तं गेय्यं, निग्गाथकं सुत्तं वेय्याकरणं, तदुभयविनिमुत्तज्ज सुत्तं उदानादिविसेससज्जाविरहितं नत्थि, यं सुत्तङ्गं सिया, मङ्गलसुत्तादीनज्ज सुत्तङ्गसङ्गहो न सिया गाथाभावतो धम्मपदादीनं विय, गेय्यङ्गसङ्गहो वा सिया सगाथकत्ता सगाथावग्गस्स विय, तथा उभतोविभङ्गादीसु सगाथकप्पदेसानन्ति? वुच्चते —

सुत्तन्ति सामज्जविधि, विसेसविधयो परे ।

सनिमित्ता निरूळहत्ता, सहताज्जेन नज्जतो ॥ (दी० नि० टी० १.निदानकथावण्णना; अ० नि० टी० २.४.६;

सारत्थं टी० १.बाहिरनिदानकथा) ।

सब्बस्सपि हि बुद्धवचनस्स सुत्तन्ति अयं सामज्जविधि । तेनेवाह आयस्मा महाकच्चानो नेत्तियं (नेत्ति० १.सङ्गहवार) “नवविधसुत्तन्तपरियेद्धी”ति । “एत्तकं तस्स भगवतो सुत्तागतं सुत्तपरियापन्नं (पाचि० ६५५, १२४२), सकवादे पज्ज सुत्तसतानी”ति (ध० स० अट्ठ० निदानकथा; कथा० अट्ठ० निदानकथा) एवमादि च एतस्स अत्थस्स साधकं । तदेकदेसेसु पन गेय्यादयो विसेसविधयो तेन तेन निमित्तेन पतिट्ठिता । तथा हि गेय्यस्स सगाथकत्तं तब्भाविनिमित्तं । लोकेपि हि ससिलोकं सगाथकं वा चुण्णिगन्थं “गेय्य”न्ति वदन्ति । गाथाविरहे पन सति पुच्छं कत्वा विस्सज्जनभावो वेय्याकरणस्स

तद्भावनिमित्तं। पुच्छाविस्सज्जनज्झि “ब्याकरण”न्ति वुच्चति, ब्याकरणमेव वेय्याकरणं।

एवं सन्ते सगाथकादीनम्पि पुच्छं कत्वा विस्सज्जनवसेन पवत्तानं वेय्याकरणभावो आपज्जतीति? नापज्जति गेय्यादिसज्जानं अनोकासभावतो, “गाथाविरहे सती”ति विसेसितत्ता च। तथा हि धम्मपदादीसु केवलं गाथाबन्धेसु, सगाथकत्तेपि सोमनस्सजाणमयिकगाथायुत्तेसु, “वुत्तज्जेत”न्ति (इतिवु० १) आदिवचनसम्बन्धेसु, अब्भुतधम्मपटिसंयुत्तेसु च सुत्तविसेसेसु यथाक्कमं गाथा-उदान-इतिवुत्तक-अब्भुतधम्म-सज्जा पतिट्ठिता, तथा सतिपि गाथाबन्धभावे भगवतो अतीतासु जातीसु चरियानुभावप्पकासकेसु जातकसज्जा, सतिपि पज्जविस्सज्जनभावे सगाथकत्ते च केसुचि सुत्तन्तेसु वेदस्स लभापनतो वेदल्लसज्जा पतिट्ठिताति एवं तेन तेन सगाथकत्तादिना निमित्तेन तेसु तेसु सुत्तविसेसेसु गेय्यादिसज्जा पतिट्ठिताति विसेसविधयो सुत्तङ्गतो परे गेय्यादयो। यं पनेत्थ गेय्यङ्गादिनिमित्तरहितं, तं सुत्तङ्गं विसेससज्जापरिहारेण सामज्जसज्जाय पवत्तनतोति। ननु च सगाथकं सुत्तं गेय्यं, निग्गाथकं सुत्तं वेय्याकरणन्ति सुत्तङ्गं न सम्भवतीति चोदना तदवत्था एवाति? न तदवत्था सोधितत्ता। सोधितज्झि पुब्बे “गाथाविरहे सति पुच्छाविस्सज्जनभावो वेय्याकरणस्स तद्भावनिमित्त”न्ति।

यच्च वुत्तं “गाथाभावतो मङ्गलसुत्तादीनं सुत्तङ्गसङ्गहो न सिया”ति (खु० पा० ५.१; सु० नि० २६१), तं न, **निरुळ्हता**। निरुळ्हो हि मङ्गलसुत्तादीनं सुत्तभावो। न हि तानि धम्मपदबुद्धवंसादयो विय गाथाभावेन पज्जातानि, किन्तु सुत्तभावेनेव। तेनेव हि **अट्ठकथायं** “सुत्तनामक”न्ति नामगगहणं कतं। यं पन वुत्तं “सगाथकत्ता गेय्यङ्गसङ्गहो सिया”ति, तदपि नत्थि, यस्मा **सहताज्जेन**। सह गाथाहीति हि सगाथकं, सहभावो च नाम अत्थतो अज्जेन होति, न च मङ्गलसुत्तादीसु गाथाविनिमुत्तो कोचि सुत्तपदेसो अत्थि, यो “सह गाथाही”ति वुच्चेय्य, न च समुदायो नाम कोचि अत्थि। यदपि वुत्तं “उभतोविभङ्गादीसु सगाथकप्पदेसानं गेय्यङ्गसङ्गहो सिया”ति, तदपि **न अज्जतो**। अज्जा एव हि ता गाथा जातकादिपरियापन्नत्ता, अतो न ताहि उभतोविभङ्गादीनं गेय्यङ्गभावोति। एवं सुत्तादीनं अङ्गानं अज्जमज्जसङ्कराभावो वेदितब्बो।

**अत्थत्थन्ति** अत्थभूतं यथाभूतं अत्थं। अनत्थम्पि केचि विपल्लासवसेन “अत्थो”ति गणहन्तीति “अत्थत्थ”न्ति विसेसेत्वा वुत्तं। **कारणत्थन्ति** कारणभूतं अत्थं, सीलं समाधिस्स कारणं, समाधि विपस्सनायाति एवं तस्स तस्स कारणभूतं अत्थं। तेनाह “**इमस्मिं ठाने सील**”न्तिआदि। तेनेतं दस्सेति — इमस्मिं ठाने सीलं कथितं, तच्च यावदेव समाधत्थं, समाधि विपस्सनत्थो, विपस्सना मग्गत्था, मग्गो फलत्थो, वट्ठं कथितं यावदेव विवट्ठाधिगमत्थन्ति जानितुं न सक्कोन्तीति। एवं पाळियं “अत्थ”न्ति इमिना भासितत्थपयोजनत्थानं गहितता वेदितब्बा। **न परिगणहन्तीति** न विचारेन्ति, निज्झानपज्जाक्खमा न होन्ति, निज्झायित्वा पज्जाय रोचेत्वा गहेतब्बा न होन्तीति अधिप्पायो। **इति** एवं एताय परियत्तिया **वादप्पमोक्खानिसंसा** अत्तनो उपरि परेहि आरोपितवादस्स निग्गहस्स मोक्खपयोजना हुत्वा धम्मं परियापुणन्ति। **वादप्पमोक्खो** वा निन्दापमोक्खो। **यस्स चाति** यस्स च सीलादिपूरणेन पत्तब्बस्स, मग्गस्स वा तदधिगमेन पत्तब्बस्स, फलस्स वा तदधिगमेन पत्तब्बस्स, अनुपादाविमोक्खस्स वा अत्थाय। **धम्मं परियापुणन्ति**, जायेन परियापुणन्तीति अधिप्पायो। **नानुभोन्ति** न विन्दन्ति। **तेसं ते धम्मा दुग्गहिता** उपारम्भमानदप्पमक्खपळासादिहेतुभावेन दीघरत्तं अहिताय दुक्खाय संवत्तन्ति।

**२३९.** अलं परियत्तो गदो अस्साति **अलगद्दो** अनुनासिकलोपं द-कारागमज्ज कत्वा। वट्ठदुक्खकन्तारतो नित्थरणत्थाय परियत्ति **नित्थरणपरियत्ति**। भण्डागारे नियुत्तो भण्डागारिको, भण्डागारिको विय भण्डागारिको,



धम्मरतनानुपालको । अञ्जं अत्थं अनपेक्खित्वा भण्डागारिकस्सेव सतो परियत्ति **भण्डागारिकपरियत्ति** ।  
 “वंसानुरक्खकोवा”ति अवधारणं सीहावलोकनजायेन **तन्तिधारकोव पवेणिपालकोवा**ति पुरिमपदद्वयेपि योजेतब्बं ।

यदि तन्तिधारणादिअत्थं बुद्धवचनस्स परियापुणनं भण्डागारिकपरियत्ति, कस्मा “खीणासवस्सा”ति विसेसेत्वा वुत्तं, ननु एकच्चस्स पुथुज्जनस्सपि अयं नयो लब्धतीति अनुयोगं सन्धायाह “**यो पना**”तिआदि । **अत्तनो ठानेति** नित्थरणद्वाने । कामं पुथुज्जनो “पवेणिं पालेस्सामी”ति अज्झासयेन परियापुणाति । अत्तनो पन भवकन्तारतो अनित्तिण्णत्ता तस्स सा परियत्ति नित्थरणपरियत्ति एव नाम होतीति अधिप्पायो । तेनाह “**पुथुज्जनस्सा**”तिआदि ।

**निज्झानं खमन्ती**ति निज्झानपञ्जं खमन्ति । तत्थ तत्थ आगते सीलादिधम्मे निज्झायित्वा पञ्जाय रोचेत्वा याथावतो गहेतब्बा होन्ति । तेनाह “**इध सील**”न्तिआदि । न केवलं सुगहितं परियत्तिं निस्साय मग्गभावनाफलसच्छिकिरिया, परवादनिग्गहसकवादपतिट्ठापनादीनिपि इज्झन्तीति दस्सेतुं “**परवादे**”तिआदि वुत्तं । तेनाह “उप्पन्नं परप्पवादं सहधम्ममेन सुनिग्गहं निग्गहित्वा”तिआदि (दी० नि० २.२६८) । **इच्छितिच्छित्तद्वानन्ति** दिट्ठिविनिवेठनादिवसेन इच्छितं इच्छितं पाळिपदेसं । **मोचेतुन्ति** अपनेतुं । अहिताय दुक्खाय असंवत्तनम्पि तदभावे उप्पज्जनकहितसुखस्स कारणमेव तस्मिं सति भावतोति । सुगहितअलगदस्सपि हिताय सुखाय संवत्तनता दट्ठब्बा ।

२४०. उत्तरन्ति एतेनाति उत्तरो, सिनन्ति बन्धन्तीति सेतु, उत्तरो च सो सेतु चाति **उत्तरसेतु** । कूलं परतीरं वहति पापेतीति **कुल्लं** । **कलापं कत्वा बद्धो**ति वेळुनळादीहि कलापवसेन बद्धो । **अणुन्ति** इदं अट्ठसमापत्तिआरम्भणं सञ्जोजनं सन्धाय वदति । **थूलन्ति** इतरं । **दिट्ठिन्ति** यथाभूतदस्सनं, विपस्सनन्ति अत्थो । **एवं परिसुद्धं एवं परियोदातन्ति** तेभूमकेसु धम्मेषु जातं “नेतं मम, नेसोहमस्मि, न मेसो अत्ता”ति, एवं तण्हादिट्ठिसंकिलेसाभावेन सब्बसो विसुद्धं, परिसुद्धत्ता एव परियोदातं । **न अल्लीयेथा**ति निकन्तिवसेन न निस्सयेथ । **न केलायेथा**ति न ममायेथ । **न धनायेथा**ति धनं द्रव्यं न कयिराथ । **उभयत्था**ति समथे विपस्सनाय च ।

**असद्धम्मे**तिआदीसु असतं हीनज्झासयानं धम्मोति **असद्धम्मो** । गामवासीनं धम्मोति **गामधम्मो** । किलेसानं वस्सनसभावताय **वसलधम्मो** । किलेसेहि दूसितत्ता थूलत्ता च **दुट्ठुल्लो** । उदकसुद्धिपरियोसानताय **ओदकन्तिको** । “धम्मपि वो पहातब्बा”ति **इमिनापि ओवादेन** भिक्खू उट्ठिस्स कथेन्तोपि **अरिदुंयेव निग्गण्हाति** ।

२४१. **तिविधग्गाहवसेना**ति तण्हामानदिट्ठिग्गाहवसेन । यदि एवं “**अहं ममाति गण्हाती**”ति गाहद्वयमेव कस्मा वुत्तन्ति? नयिदमेवं तत्थापि गाहत्तयस्सेव वुत्तत्ता । “अह”न्ति हि इमिना मानदिट्ठिग्गाहा वुत्ता “अहमस्मी”ति गाहसामञ्जतो । **दिट्ठिपि दिट्ठिद्वानं** पुरिमुप्पन्नाय दिट्ठिया उत्तरदिट्ठिया सक्कायदिट्ठिया सस्सतदिट्ठिया च कारणभावतो । **आरम्भणं** पञ्च खन्धा, रूपारम्भणादीनि च । **दिट्ठिया पच्चयो** अविज्जा-फस्स-सञ्जा-वितक्क-अयोनिमोमनसिकार-पापमित्तपरतोघोसादिको दिट्ठिया उपनिस्सयादिपच्चयो । वुत्तज्हेतं **पटिसम्भिदायं** (पटि० म० १.१२४) “कतमानि अट्ठ दिट्ठिद्वानानि अविज्जापि फस्सोपि सञ्जापि वितक्कोपि अयोनिमोमनसिकारोपि पापमित्तोपि परतोघोसोपि दिट्ठिद्वान”न्तिआदि । **रूपारम्भणा**ति रूपनसभावधम्मारम्भणा । **रूपं पन अत्ताति न वत्तब्बं** इध “रूपं अत्ततो समनुपस्सती”ति (सं० नि० ३.८१, ३४५) इमस्स गाहस्स अनधिप्पेतत्ता । सो हि “यम्पि तं दिट्ठिद्वान”न्तिआदिना परतो वुच्चति । इध पन “रूपवन्तं अत्तानं समनुपस्सति, अत्तनि रूपं, रूपस्मिं अत्तान”न्ति इमे तयो गाहा अधिप्पेताति केचि, तदयुत्तं । यस्मा रूपं अत्ता न होति, अत्तग्गाहस्स पन आलम्बनं होति, अत्तसभावेयेव वा रूपादिधम्मे आरब्ध अत्तदिट्ठि उप्पज्जति, न अत्तानं तस्स परमत्थतो अनुपलब्धनतो, तस्मा रूपादिआरम्भणाव अत्तदिट्ठीति कत्वा वुत्तं, रूपं पन

“अत्ता”ति न वत्तब्बन्ति अयमेत्थ अत्थो । “यम्पि तं दिट्ठिद्वान”न्तिआदिना पन विपस्सनापटिविपस्सना विय दिट्ठिअनुपस्सना नाम दस्सिता ।

गन्धरसफोटुब्बायतनानं सम्पत्तगाहिन्द्रियविसयताय पत्वा गहेतब्बता । तज्झि तस्स अत्तनो विसयं परिभुत्वा सम्बन्धं हुत्वा गण्हाति । अवसेसानि सत्तायतनानि विज्जातं नाम मनसा विज्जातब्बतो । अज्जथा इतरेसम्पि विज्जातता सिया । पत्तन्ति अधिगतं । परियेसितन्ति गवेसितं । अनुविचरितन्ति चिन्तितं । तेनाह “मनसा”ति । एत्थ च पत्तपरियेसनानं अपटिक्खेपस्स, विसुं, एकज्झं पटिक्खेपस्स च वसेन चतुक्कोटिकं दस्सेत्वा पत्तपरियेसितेहि अनुविचरितस्स भेदं दस्सेतुं “लोकस्मिञ्ही”तिआदि वुत्तं । परियेसित्वा पत्तं पठमं चेतसा पच्छा कायेन पत्तत्ता पत्तं नाम । परियेसित्वा नोपत्तं परियेसितं नाम केवलं परियेसितभावतो । अपरियेसित्वा पत्तञ्च नोपत्तञ्च मनसा अनुविचरितब्बतो मनसानुविचरितं नाम ।

अयञ्च विकप्पो आकुलो वियाति “अथ वा”तिआदि वुत्तं । पत्तट्टेनाति पत्तभावेन पत्ततासामज्जेन । अपरियेसित्वा नोपत्तं मनसानुविचरितं नाम पत्तिया परियेसनाय च अभावतो । सब्बं वा एतन्ति “परियेसित्वा पत्तम्पी”तिआदिना वुत्तं चतुब्बिधम्पि । इमिनाति “यम्पि तं दिट्ठिद्वान”न्तिआदिवचनेन । विज्जाणारम्मणा तण्हामानदिट्ठियो कथिता पारिसेसजायेन । एवं पारिसेसजायपरिग्गहे किं पयोजनन्ति आह “देसनाविलासेना”तिआदि । येसं विनेय्यानं देसेतब्बधम्मस्स सरूपं अनामसित्वा आरम्मणकिच्च-सम्पयुत्तधम्म-फलविसेसादि-पकारन्तरविभावनेन पटिवेधो होति, तेसं तप्पकारभेदेहि धम्महि, येसं पन येन एकेनेव पकारेन सरूपेनेव वा विभावने कते पटिवेधो होति, तेसं तं वत्वा धम्मिस्सरत्ता तदज्जं निरवसेसाकारविभावनञ्च देसनाविलासो । तेनाह “दिट्ठादिआरम्मणवसेन विज्जाणं दस्सित”न्ति ।

दिट्ठिद्वानन्ति दिट्ठि एव दिट्ठिद्वानं, तं हेट्ठा वुत्तनयमेव । यं रूपं एसा दिट्ठि “लोको च अत्ता चा”ति गण्हाति । तं रूपं सन्धाय “सो लोको सो अत्ता”ति वचनं वुत्तन्ति योजना । सो पेच्च भविस्सामीति उद्धमाघातनिकवादवसेनायं दिट्ठीति आह “सो अहं परलोकं गन्त्वा निच्चो भविस्सामी”तिआदि । धुवोति थिरो । सस्सतोति सब्बदाभावी । अविपरिणामधम्मोति जराय मरणेन च अविपरिणामेतब्बसभावो, निब्बिकारोति अत्थो । तम्पि दस्सनन्ति तम्पि तथावुत्तं दिट्ठिदस्सनं अत्तानं विय तण्हादिट्ठिग्गाहविसेसेन गण्हाति । तेनाह “एतं ममा”तिआदि । दिट्ठारम्मणाति दिट्ठिविसया । कथं पन दिट्ठि दिट्ठिविसया होतीति आह “विपस्सनाया”तिआदि । पटिविपस्सनाकालेति यमकतो सम्मसनादिकालं सन्धायाह । तत्थ अक्खरचिन्तकानं सद्दे विय, वेदज्झायीनं वेदसत्थे विय च दिट्ठियं दिट्ठिगतिकानं दिट्ठिग्गाहप्पवत्ति दट्ठब्बा ।

समनुपस्सतीति पदस्स च तस्सो समनुपस्सना अत्थोति योजना । तेन समनुपस्सना नाम चतुब्बिधाति दस्सेति । तत्थ जाणं ताव समविसमं सम्मा याथावतो अनुपस्सतीति समनुपस्सना । इतरा पन संकिलेसवसेन अनु अनु पस्सन्तीति समनुपस्सना । यदि एवं होतु ताव दिट्ठिसमनुपस्सना मिच्छादस्सनभावतो, कथं तण्हामानाति? तण्हायपि सत्तानं पापकरणे उपायदस्सनवसेन पज्जापतिरूपिका पवत्ति लब्भतेव, याय वज्जननिकतिसाचियोगा सम्भवन्ति । मानोपि सेय्यादिना दस्सनवसेनेव तथा अत्तानं ऊहतीति तण्हामानानं समनुपस्सनापतिरूपिका पवत्ति लब्भतीति दट्ठब्बं । अविज्जमानेति “एतं ममा”ति एवं गहेतब्बे तण्हावत्थुस्मिं अज्झत्तखन्धपञ्चके अनुपलब्भमाने विनट्टे । न परितस्सति भयपरित्तासतण्हापरित्तासानं मग्गेन समुग्धातितत्ता ।

२४२. चतूहि कारणेहीति “असति न परितस्सती”ति वुत्तम्पि इतरेहि तीहि सह गहेत्वा वुत्तं । चतूहि कारणेहीति

चतुक्कोटिकसुज्जताकथनस्स कारणेहि । **बहिद्धा असतीति** बाहिरे वत्थुस्मिं अविज्जमाने । सा पनस्स अविज्जमानता लद्धविनासेन वा अलद्धालाभेन वाति पाळियं — “अहु वत मे, तं वत मे नत्थि, सिया वत मे, तं वताहं न लभामी”ति वुत्तन्ति तदुभयं परिक्रारवसेन विभजित्वा तत्थ परितस्सनं दस्सेतुं “**बहिद्धा परिक्रारविनासे**”तिआदि वुत्तं । तत्थ **यानं** “रथो वय्ह”न्ति एवमादि । **वाहनं** हत्थिअस्सादि ।

**येहि किलेसेहीति** येहि असन्तपत्थनादीहि किलेसेहि । **एवं भवेय्याति** एवं “अहु वत मे”तिआदिना चोदनादि भवेय्य । **दिट्ठिद्वानाधिद्वानपरियुद्वानाभिनिवेसानुसयानन्ति** एत्थ अपरापरं पवत्तासु दिट्ठीसु या परतो उप्पन्ना दिट्ठियो, तासं पुरिमुप्पन्ना दिट्ठियो कारणद्वेन **दिट्ठिद्वानानि** । अधिकरणद्वेन **दिट्ठाधिद्वानानि**, परियुद्वानप्पत्तिया सब्बापि **दिट्ठिपरियुद्वानानि** । “इदमेव सच्चं मोघमज्ज”न्ति (म० नि० २.२०२, ४२७; ३.२७-२९; उदा० ५५; महानि० २०; नेत्ति० ५९) पवत्तिया **अभिनिवेसा** । अप्पहीनभावेन सन्ताने सयन्तीति **अनुसयाति** एवं दिट्ठिद्वानादीनं पदानं विभागो वेदितब्बो । तण्हादीहि कम्पनियताय सब्बसङ्खाराव इज्जितानीति **सब्बसङ्खारइज्जितानि** । सेसपदद्वयेपि एसेव नयो । उपधीयति एत्थ दुक्खन्ति उपधि, खन्धाव उपधि **खन्धूपधि** । एस नयो सेसेसुपि । तदेव च आगम्म तण्हा खीयति विरज्जति निरुज्जतीति योजना । **उच्छिज्जिस्सामि नामस्सूति**आदीसु निपातमत्तं, संसये वा । **तासो**ति अत्तनियाभावं पटिच्च तण्हापरित्तासो चेव भयपरित्तासो च । तेनाह “**तासो हेसो**”तिआदि । **नो चस्सं, नो च मे सियाति** “अह”न्ति किर कोचि नो चस्सं, “मे”ति च किञ्चि नो सियाति । तासप्पतीकारदस्सनज्हेतं ।

**२४३. एत्तावताति** “एवं वुत्ते”तिआदिना, पुच्छानुसन्धिवसेन पवत्ताय “छयिमानि, भिक्खवे, दिट्ठिद्वानानी”तिआदिना (म० नि० १.२४१) वा । सापि हि अज्झत्तखन्धविनासे परितस्सनकं दस्सेत्वा अपरितस्सनकं दस्सेन्ती पवत्ताति तस्सनकस्स सुज्जतादस्सनं अकिच्चसाधकम्पि सुज्जतादस्सनमेवाति इमेसं वसेन “**चतुक्कोटिका सुज्जता कथिता**”ति वुत्तं । **बहिद्धा परिक्रारन्ति** बाहिरं सविज्जाणकं अविज्जाणकञ्च सत्तोपकरणं । तज्हि जीवितवुत्तिया परिक्रारकद्वेन “परिक्रारो”ति वुत्तं । **परिग्गहं नाम कत्वाति** “मम इद”न्ति परिग्गहेतब्बताय परिग्गहितं नाम कत्वा । सब्बोपि दिट्ठिग्गाहो “अत्ता निच्चो धुवो सस्सतो, अत्ता उच्छिज्जति विनस्सती”तिआदिना अत्तदिट्ठिसन्निस्सयोयेवाति वुत्तं “**सक्कायदिट्ठिपमुखा द्वासट्ठिदिट्ठियो**”ति । अयाथावग्गाहिना अभिनिवेसनपज्जापनानं उपत्थम्भभावतो दिट्ठि एव निस्सयोति **दिट्ठिनिस्सयो** । **परिग्गणहेय्याति** निच्चादिविसेसयुत्तं कत्वा परिग्गणहेय्य । किमेवं परिग्गहेतुं सक्कुणेय्य? **सब्बत्थाति** “तं, भिक्खवे, अत्तवादुपादानं उपादियेथ, तं, भिक्खवे, दिट्ठिनिस्सयं निस्सयेथा”ति एतेसुपि ।

**२४४. अत्तनि वा सतीति** यस्स अत्तनो सन्तकभावेन किञ्चि अत्तनियन्ति वुच्चेय्य, तस्मिं अत्तनि सति, सो एव पन अत्ता परमत्थतो नत्थीति अधिप्पायो । सक्का हि वत्तुं बाहिरकपरिकप्पितो अत्ता “परमत्थो”ति? सिया खन्धपञ्चकं जेय्यसभावत्ता यथा तं घटो, यदि पन तदज्जं नाम किञ्चि अभविस्स, न तं नियमतो विपरीतं सियाति? न च सो परमत्थतो अत्थि पमाणेहि अनुपलब्धमानत्ता तुरङ्गमविसाणं वियाति । **अत्तनिये वा परिक्रारे सतीति** “इदं नाम अत्तनो सन्तक”न्ति तस्स किञ्चनभावेन निच्छिते किस्मिज्जि वत्थुस्मिं सति । अत्तनो इदन्ति हि अत्तनियन्ति । **अहन्ति सतीति** “अहं नामाय”न्ति अहंकारवत्थुभूते परमत्थतो निद्धारितसरूपे किस्मिज्जि सति तस्स सन्तकभावेन ममाति किञ्चि गहेतुं युत्तं भवेय्य । **ममाति सति** “अह”न्ति एत्थापि एसेव नयो । इति परमत्थतो अत्तनो अनुपलब्धमानत्ता अत्तनियं किञ्चि परमत्थतो नत्थेवाति सब्बसङ्खारानं अनत्तताय अनत्तनियतं, अनत्तनियताय च अनत्तकतं दस्सेति । **भूततोति** भूतत्थतो । **तथतोति** तथसभावतो । **थिरतोति** ठितसभावतो निब्बिकारतो ।

यस्मा हत्वा न होतीति यस्मा पुब्बे असन्तं पच्चयसमवायेन हत्वा उप्पज्जित्वा पुन भङ्गुपगमेन न होती, तस्मा न निच्चन्ति अनिच्चं, अधुवन्ति अत्थो। ततो एव उप्पादवयववत्तितोति उप्पज्जनवसेन निरुज्जनवसेन च पवत्तनतो। सभावविगमो इध विपरिणामो, खणिकता तावकालिकता, निच्चसभावाभावो एव निच्चपटिक्खेपो। अनिच्चधम्मा हि तेनेव अत्तनो अनिच्चभावेन अत्थतो निच्चतं पटिक्खपन्ति नाम। तथा हि वुत्तं “न निच्चन्ति अनिच्च”न्ति। उप्पादजराभङ्गवसेन रूपस्स निरन्तरबाधताति पटिपीळनाकारेनस्स दुक्खता। सन्तापो दुक्खदुक्खतादिवसेन सन्तापनं परिदहनं, ततो एवस्स दुस्सहताय दुक्खमता। तिस्सन्नं दुक्खतानं संसारदुक्खस्स च अधिद्धानताय दुक्खवत्थुकता। सुखसभावाभावो एव सुखपटिक्खेपो। विपरिणामधम्मन्ति जराय मरणेन च विपरिणमनसभावं। यस्मा इदं रूपं पच्चयसमवायेन उप्पादं, उप्पादानन्तरं जरं पत्वा अवस्समेव भिज्जति, भिन्नञ्च भिन्नमेव, नास्स कस्सचि सङ्गमोति भवन्तरानुपगमनसङ्गातेन सङ्गमाभावेन विपरिणामधम्मतं पाकटं कातुं “भवसङ्गन्ति उपगमनसभाव”न्ति वुत्तं। पकतिभावविजहनं सभावविगमो निरुज्जनमेव। न्ति अनिच्चं दुक्खं विपरिणामधम्मं रूपं। इमिनाति “नो हेतं, भन्ते”ति रूपस्स तण्हादिग्गाहानं वत्थुभावपटिक्खेपेन। रूपज्झि उप्पन्नं ठितिं मा पापुणातु, ठितिप्पत्तं मा जीरतु, जरप्पत्तं मा भिज्जतु, उदयब्बयेहि मा किलमियतूति न एत्थ कस्सचि वसीभावो अत्थि, स्वायमस्स अवसवत्तनट्ठो अनत्ततासल्लक्खणस्स कारणं होतीति आह “अवसवत्तनाकारेन रूपं, भन्ते, अनत्ताति पटिजानन्ती”ति। निवासिकारकवेदकअधिद्वायकविरहेन ततो सुज्जता सुज्जट्ठो, सामिभूतस्स कस्सचि अभावो अस्सामिकट्ठो, यथावुत्तवसवत्तिभावाभावो अनिस्सरट्ठो, परपरिकप्पितअत्तसभावाभावो एव अत्तपटिक्खेपट्ठो।

यस्मा अनिच्चलक्खणेन विय दुक्खलक्खणं, तदुभयेन अनत्तलक्खणं सुविज्जापयं, न केवलं, तस्मा तदुभयेनेत्थ अनत्तलक्खणविभावानं कतन्ति दस्सेन्तो “भगवा ही”तिआदिमाह। तत्थ अनिच्चवसेनाति अनिच्चतावसेन। दुक्खवसेनाति दुक्खतावसेन। न उपपज्जतीति न युज्जति। तमेव अयुज्जमानतं दस्सेतुं “चक्खुस्स उप्पादोपी”तिआदि वुत्तं। यस्मा अत्तवादी अत्तानं निच्चं पज्जपेति, चक्खुं पन अनिच्चं, तस्मा चक्खु विय अत्तापि अनिच्चो आपन्नो। तेनाह “यस्स खो पना”तिआदि। तत्थ वेतीति विगच्छति निरुज्जति। इति चक्खु अनत्ताति चक्खुस्स उदयब्बयवन्तताय अनिच्चता, अत्तनो च अत्तवादिना अनिच्चताय अनिच्छितत्ता चक्खु अनत्ता।

कामं अनत्तलक्खणसुत्ते (सं० नि० ३.५९; महाव० २०) — “यस्मा च खो, भिक्खवे, रूपं अनत्ता, तस्मा रूपं आबाधाय संवत्तती”ति रूपस्स अनत्तताय दुक्खता विभाविता विय दिस्सति, तथापि “यस्मा रूपं आबाधाय संवत्तति, तस्मा अनत्ता”ति पाकटताय साबाधताय रूपस्स अत्तसाराभावो विभावितो, ततो एव च “न लब्धति रूपे एवं मे रूपं होतु, एवं मे रूपं मा अहोसी”ति रूपे कस्सचि अनिस्सरता, तस्स च अवसवत्तनाकारो दस्सितोति आह “दुक्खवसेन अनत्ततं दस्सेती”ति। यदनिच्चं तं दुक्खन्ति यं वत्थु अनिच्चं, तं दुक्खं उदयब्बयपटिपीळितत्ता, यं पन निच्चं तदभावतो, तं सुखं यथा तं निब्बानन्ति अधिप्पायो। यं तन्ति कारणनिद्देशोवायं, यस्मा रूपं अनिच्चं, तं तस्माति अत्थो। यं दुक्खं तदनत्ताति एत्थ वुत्तनयेनेव अत्थो वेदितब्बो। अनिच्चन्ति इमिना घटादि विय पच्चयुप्पन्नत्ता रूपं अनिच्चन्ति इममत्थं दस्सेति। इमिनाव नयेन “अनत्ता”ति वत्तुं लब्धमानेपि “अनत्ता”ति वत्ता नाम नत्थि। एवं दुक्खन्ति वदन्तीति एत्थापि यथारहं वत्तब्बं “अक्खिसूलादिविकारप्पत्तकाले विय पच्चयुप्पन्नत्ता दुक्खं रूप”न्तिआदिना। दुद्दसं दुप्पज्जापनं। तथा हि सरभङ्गादयोपि सत्थारो नादसंसु, कुतो पज्जापना। तयिदं अनत्तलक्खणं।

तस्मातिहातिआदिना तियद्भगतरूपं लक्खणत्तयं आरोपेत्वा वुत्तन्ति आह “एतरहि अज्जदापी”ति। तं पन यादिसं तादिसम्पि तथा वुत्तन्ति अज्जत्तादिविसेसोपि वत्तब्बो। पि-सद्देन वा तस्सापि सङ्गहो दट्ठब्बो।

२४५. उक्कण्ठतीति नाभिरमति । अज्जत्थ “निब्बिदा”ति बलवविपस्सना वुच्चति, सानुलोमा पन सङ्खारुपेक्खा “वुट्ठानगामिनी”ति, सा इध कथं निब्बिदा नाम जाताति आह “वुट्ठानगामिनिविपस्सनाय ही”तिआदि । इमिना सिखापत्तनिब्बेदताय वुट्ठानगामिनी इध निब्बिदानामेन वुत्ताति दस्सेति ।

“सो अनुपुब्बेन सज्जगं फुसती”ति (दी० नि० १.४१४, ४१५) वत्वा “सज्जा खो पोट्टपाद पठमं उप्पज्जति, पच्छा जाण”न्ति (दी० नि० १.४१६) वुत्तत्ता सज्जगन्ति वुत्ता लोकियासु पहानसज्जासु सिखापत्तभावतो । धम्मट्ठितिजाणन्ति वुत्ता इदप्पच्चयतादस्सनस्स मत्थकप्पत्तीति कत्वा । ततो परज्झि असङ्खतारम्मणं जाणं होति । तेनाह — “पुब्बे खो सुसिम धम्मट्ठितिजाणं, पच्छा निब्बाने जाण”न्ति (सं० नि० २.७०) । पारिसुद्धिपधानियङ्गन्ति वुत्ता मग्गाधिगमस्स परिपन्थभूतसब्बसंकिलेसविसुद्धि पधानिकस्स योगिनो, पधानभावनाय वा जातं अङ्गन्ति कत्वा । पटिपदाजाणदस्सनविसुद्धीति वुत्ता परमुक्कंसगतपटिपदाजाणदस्सनविसुद्धिभावतो । अतम्मयतन्ति एत्थ तम्मयता नाम तण्हा, कामतण्हादीसु ताय ताय निब्बत्तत्ता तम्मयं नाम तेभूमिकप्पवत्तं, तस्स भावोति कत्वा । तस्सा तण्हाय परियादानतो वुट्ठानगामिनिविपस्सना अतम्मयताति वुच्चति । निस्सायाति तं अतम्मयतं पच्चयं कत्वा । आगम्माति तस्सेव वेवचनं । नानत्ताति नानासभावा बहू अनेकप्पकारा । नानत्तसिताति नानारम्मणानिस्सिता रूपादिविसया । एकत्ताति एकसभावा । एकत्तसिताति एकंयेव आरम्मणं निस्सिता । तं निस्सायाति तं एकत्तसितं उपेक्खं पच्चयं कत्वा । एतिस्साति एतिस्सा उपेक्खाय । पहानं होतीति अज्जाणुपेक्खतो पभुति सब्बं उपेक्खं पजहित्वा ठितस्स “अतम्मयता”ति वुत्ताय वुट्ठानगामिनिविपस्सनाय अरूपावचरसमापत्तिउपेक्खाय विपस्सनपेक्खाय च पहानं होतीति परियादानन्ति वुत्ताति । सब्बसङ्खारगतस्स मुञ्चितुकम्यतापटिसङ्खानस्स सिखापत्तभावतो वुट्ठानगामिनी मुञ्चितुकम्यता पटिसङ्खानन्ति च वुत्ता । मुदुमज्झादिवसेन पवत्तिआकारमत्तं, अत्थतो एकत्था मुञ्चितुकम्यतादयो, ब्यज्जनमेव नानं । द्वीहि नामेहीति गोत्रभु, वोदानन्ति इमेहि द्वीहि नामेहि ।

विरागोति मग्गो, अच्चन्तमेव विरज्जति एतेनाति विरागो, तेन । मग्गेन हेतुभूतेन । विमुच्चतीति पटिप्पस्सद्धिविमुत्तिवसेन विमुच्चति । तेनाह “फलं कथित”न्ति ।

महाखीणासवोति पसंसावचनं यथा “महाराजा”ति । तथा हि तं पसंसन्तो सत्था “अयं वुच्चति, भिक्खवे, भिक्खु उक्खित्तपलिघो इतिपी”तिआदिमाहाति । तदत्थं विवरितुं “इदानि तस्सा”तिआदि वुत्तं । यथाभूतेहीति याथावतो भूतेहि । दुरुक्खिपनट्टेनाति पचुरजनेहि उक्खिपितुं असक्कुण्येयभावेन । निब्बाननगरप्पवेसे विबन्धनेन पलिघो वियाति पलिघोति वुच्चति । मत्थकच्छिन्नो तालो पत्तफलादीनं अनङ्गतो तालावत्थु असिवे “सिवा”ति समज्जा विय । तेनाह “सीसच्छिन्नतालो विय कता”ति । पुनब्भवस्स करणसीलो, पुनब्भवं वा फलं अरहतीति पोनोभविको । एवंभूतो पन पुनब्भवं देति नामाति आह “पुनब्भवदायको”ति । पुनब्भवखन्धानं पच्चयोति इमिना जातिसंसारोति फलूपचारेन कारणं वुत्तन्ति दस्सेति । परिक्खाति वुच्चति सन्तानस्स परिक्खिपनतो । संकिण्णत्ताति सब्बसो किण्णत्ता विनासितत्ता । गम्भीरानुगतट्टेनाति गम्भीरं अनुपविट्टट्टेन । लुञ्चित्वाति उद्धरित्वा । एतानीति कामरागसज्जोजनादीनि । अग्गळाति वुच्चन्ति अवधारणट्टेन । अग्गमग्गेन पतितो मानद्धजो एतस्साति पतितमानद्धजो । इतरभारोरोपनस्स पुरिमपदेहि पकासितत्ता “मानभारस्सेव ओरोपितत्ता पन्नभारोति अधिप्पेतो”ति वुत्तं । मानसंयोगेनेव विसंयुत्तत्ताति एत्थापि एसेव नयो । पज्जपि खन्धे अविसेसतो अस्मीति गहेत्वा पवत्तमानो “अस्मिमानो”ति अधिप्पेतोति वुत्तं “रूपे अस्मीति मानो”तिआदि ।

नगरद्वारस्स परिस्सयपटिबाहनत्थञ्चेव सोभनत्थञ्च उभोसु पस्सेसु एसिकत्थम्भे निखणित्वा ठपेन्तीति आह “नगरद्वारे उस्सापिते एसिकत्थम्भे”ति । पाकारविद्धंसनेनेव परिक्खाय भूमिसमकरणं होतीति आह “पाकारं भिन्दन्तो परिक्खं संकिरित्वा”ति । एवन्तिआदि उपमासंसन्दनं । सन्तो संविज्जमानो कायो धम्मसमूहोति सक्कायो, उपादानक्खन्धपञ्चकं । द्वत्तिस कम्मकारणा दुक्खक्खन्धे आगता । अक्खिरोगसीसरोगादयो अट्टनवुत्ति रोगा । राजभयादीनि पञ्चवीसति महाभयानि ।

२४६. अनधिगमनीयविज्जाणतन्ति “इदं नाम निस्साय इमिना नाम आकारेण पवत्तती”ति एवं दुविज्जेय्यचित्तं । अन्वेसन्ति पच्चत्ते एकवचनन्ति आह “अन्वेसन्तो”ति । सत्तोपि तथागतोति वुच्चति “तथागतो परं मरणा”ति आदीसु (दी० नि० १.६५) विय । सत्तो हि यथेको कम्मकिलेसेहि इत्थत्तं आगतो, तथा अपरोपि आगतोति “तथागतो”ति वुच्चति । उत्तमपुग्गलोति भगवन्तं सन्धाय वदति । खीणासवोपीति यो कोचि खीणासवोपि “तथागतो”ति अधिप्पेत्तो । सोपि हि यथेको चतुसु सतिपट्टानेसु सूपट्ठितचित्तो सत्त बोझङ्गे यथाभूतं भावेत्वा अनुत्तरं अरहत्तं आगतो अधिगतो, तथा अपरोपि आगतोति “तथागतो”ति वुच्चति । असंविज्जमानोति परमत्थतो अनुपलब्धनीयो । अविन्देय्योति न विन्दितब्बो, दुविज्जेय्योति अत्थो ।

तथागतो सत्तो पुग्गलोति न पञ्जपेमि परमत्थतो सत्तस्सेव अभावतोति अधिप्पायो । किं पञ्जपेस्सामि पञ्जत्तिउपादानस्सपि धरमानकस्स अभावतो । “अनुप्पादो खेमं, अनुप्पत्ति खेम”न्ति आदिना असङ्कुताय धातुया पक्खन्धनवसेन पवत्तं अगगफलसमापत्तिअत्थं विपस्सनाचित्तं वा ।

तुच्छाति करणे निस्सक्कवचनन्ति आह “तुच्छकेना”ति । विनयतीति विनयो, सो एव वेनयिको । तथा मन्ति तथाभूतं मं । परमत्थतो विज्जमानस्स हि सत्तस्स अभावं वदन्तो सत्तविनासपञ्जापको च नाम सिया, अहं पन परमत्थतो अविज्जमानं तं “नत्थी”ति वदामि । यथा च लोको वोहरति, तथेव तं वोहरामि, तथाभूतं मं ये समणब्राह्मणा “वेनयिको समणो गोतमो”ति वदन्ता असता तुच्छा मुसा अभूतेन अब्भाचिक्खन्तीति योजना । अप्पटिसन्धिकस्स खीणासवस्स चरिमचित्तं निरुपादानतो अनुपादानो विय जातवेदो परिनिब्बुतं इदं नाम निस्सितन्ति न पञ्जायतीति वदन्तो किमेत्तावता उच्छेदवादी भवेय्य, नाहं कदाचिपि अत्थि, नापि कोचि अत्थीति वदामि । एवं सन्ते किं निस्साय ते मोघपुरिसा सतो सत्तस्स नाम उच्छेदं विनासं विभवं पञ्जपेतीति वदन्ता असता...पे०... अब्भाचिक्खन्तीति अयमेत्थ अधिप्पायो ।

महाबोधिमण्डमीति बोधिमण्डगहणेन सत्तसत्ताहमाह । तेन धम्मचक्कपवत्तनतो (सं० नि० ५.१०८१; महाव० १३; पटि० म० २.३०) पुब्बे वुत्तं तन्तिदेसनं वदति । चतुसच्चमेव पञ्जपेमीति एतेन सच्चविमुत्ता सत्थुदेसना नत्थीति दस्सेति । एत्थ च — “पुब्बे चेव एतरहि च दुक्खञ्चेव पञ्जपेमि दुक्खस्स च निरोध”न्ति वदन्तो भगवा नाहं कदाचिपि “अत्ता उच्छिज्जति, विनस्सती”ति वा, “अत्ता नाम कोचि अत्थी”ति वा वदामि । एवं सन्ते किं निस्साय ते मोघपुरिसा “सतो सत्तस्स उच्छेदं विनासं विभवं पञ्जपेती”ति असता तुच्छेन अब्भाचिक्खन्तीति दस्सेति । परेति अमामका, मम ओवादस्स अभाजनभूताति अत्थोति आह “सच्चानि...पे०... असमत्थपुग्गला”ति । अधिप्पायेनाति इमिना तेसं अधिप्पायमत्तं, रोसनविहेसनानि पन तथागतस्स आकासस्स विलिखनं विय न सम्भवन्तियेवाति दस्सेति । आहनति चित्तन्ति आघातो । अप्पतीता होन्ति एतेनाति अप्पच्चयो । चित्तं न अभिराधयतीति अनभिरद्धि । अतुट्ठीति तुट्ठिपटिपक्खो तथापवत्तो चित्तुप्पादो, कोधो एव वा ।

परेति अज्जे एकच्चे । आनन्दन्ति पमोदन्ति एतेनाति आनन्दो, पीतिया एवेतं अधिवचनं । सोभनमनता सोमनस्सं,

चेतसिकसुखस्सेतं अधिवचनं । उप्पिलति पुरिमावत्थाय भिज्जति विसेसं आपज्जतीति उप्पिलं, तदेव उप्पिलावितं, तस्स भावो **उप्पिलावितत्तं** । याय उप्पन्नाय कायचित्तं वातपूरितभत्ता विय उद्धुमायनाकारप्पत्तं होति, तस्सा गेहस्सिताय ओदगियपीतिया एतं अधिवचनं । **सच्चानि पटिविज्झितुं असमत्थाति** दुक्खमेव उप्पज्जति निरुज्झति च, न अज्जो सत्तो नाम अत्थीति एवं जानितुं असमत्था “अत्ता नाम अत्थी”ति एवंदिट्ठिनो अप्पहीनविपल्लासा । उत्तमं पसादनीयट्ठानं **तथागतम्पि अक्कोसन्ति**, किमङ्गं पन भिक्खूति अधिप्पायो ।

**२४७.** अनत्तनियेपि खन्धपञ्चके मिच्छागाहवसेन अत्तनियसज्जाय पवत्तस्स छन्दरागस्स पहानं । **अम्हाकं नेव अत्ताति** यस्मा रूपवेदनादियेव अत्तगाहवत्थु तब्बिनिमुत्तस्स लोभनेय्यस्स अभावतो । एतं तिणकट्टुसाखापलासं न अम्हाकं रूपं, न विज्जाणं, तस्मा अम्हाकं नेव अत्ताति योजना । अज्झत्तिकस्स वत्थुनो नेव अत्ताति पटिक्खित्तत्ता बाहिरवत्थु अत्तनियभावेन पटिक्खित्तं होतीति आह “**अम्हाकं चीवरादिपरिक्खारोपि न होती**”ति । **खन्धपञ्चकंयेवाति** बाहिरवत्थुं निदस्सनं कत्वा खन्धपञ्चकंयेव **न तुम्हाकन्ति पजहापेति** । **न उप्पाटेत्वा कन्दं विय** । **न लुञ्चित्वा वा केसे वियाति** । इमिना रूपादीनं नाममुखेन पहानं इच्छन्ति । उल्लिङ्गितमत्थं **छन्दरागविनयेन पजहापेतीति** सरूपतो दस्सेति ।

**२४८.** “तं किं मज्जथ, भिक्खवे, रूपं निच्चं वा”तिआदि देसना **तिपरिवट्टुं** । **याव इमं ठानन्ति** “एवं स्वाक्खातो”ति यावायं पाळिपदेसो । सुविज्जेय्यभावेन अक्खातत्तापि **स्वाक्खातोति** आह “**सुकथितत्ता एव उत्तानो विवटो पकासितो**”ति । तिरियं विदारणेन **छिन्नं**, दीघसो फालनेन **भिन्नं**, ततो एव तत्थ तत्थ सिब्बितगण्ठिकतजिण्णवत्थं पिलोतिका, तदभावतो **छिन्नपिलोतिको**, पिलोतिकरहितोति अत्थो । इरियापथ-सण्ठपनअविज्जमानज्ञान-विपस्सनानि छिन्नाय अविज्जमानाय पटिपत्तिया सिब्बनगण्ठिकरणसदिसानि, तादिसं इध नत्थीति आह “**न हेत्थ...पे०... अत्थी**”ति । **पतिट्ठातुं न लभतीति** पेसलेहि सद्धिं संवासवसेनपि पतिट्ठातुं न लभति, विसेसाधिगमवसेन पन वत्तब्बमेव नत्थि ।

**कारण्डवं निद्धमत्थाति** विपन्नसीलताय कचवरभूतं पुग्लं कचवरमिव निरपेक्खा अपनेथ । **कसम्बुज्चापकस्सत्थाति** कसटभूतज्ज नं खत्तियादीनं मज्झगतं सम्भिन्नं पग्घरितकुट्टं चण्डालं विय अपकस्सथ निक्कट्ठथ । किं कारणं? सङ्घारामो नाम सीलवन्तानं कतो, न दुस्सीलानं, यतो एतदेव । **ततो पलापे वाहेथ, अस्समणे समणमानिनेति** यथा पलापा अन्तोसाररहिता अतण्डुला बहि थुसेन वीहि विय दिस्सन्ति, एवं पापभिक्खू अन्तोसीलरहितापि बहि कासावादिपरिक्खारेन भिक्खू विय दिस्सन्ति, तस्मा “पलापा”ति वुच्चन्ति, ते पलापे वाहेथ ओधुनाथ विधमथ । परमत्थतो अस्समणे वेसमत्तेन समणमानिने एवं **निद्धमित्वान...पे०... पतिस्सताति** । तत्थ **कप्पयद्धोति** कप्पेथ, करोथाति वुत्तं होति । **पतिस्सताति** पति पति सता सम्पजानन्ता सुट्ठु पजानन्ता । **पतिस्सता वा सप्पतिस्सा** अज्जमज्जं सगारवा । अथेवं सुट्ठा सुट्ठेहि संवासं कप्पेन्ता दिट्ठिसीलसामज्जेन **समग्गा** । अनुक्कमेन परिपाकगतपज्जताय **निपका** । सब्बस्सेविमस्स दुक्खवट्टस्स **अन्तं करिस्सथ**, परिनिब्बानं पापुणिस्सत्थाति अत्थो ।

**वट्टं तेसं नत्थि पज्जापनाय** सब्बसो समुच्छिन्नवट्टमूलकत्ता ।

धम्मं अनुस्सरन्ति, धम्मस्स वा अनुस्सरणसीलाति **धम्मानुसारिनो** । एवं **सद्धानुसारिनोपि** वेदितब्बा । **पटिपन्नस्साति** पटिपज्जमानस्स, सोतापत्तिमग्गट्ठोपि अधिप्पेतो । **अधिमत्तन्ति** बलवं । **पज्जावाहीति** पज्जं वाहेति, पज्जा वा इमं पुग्लं वहतीति पज्जावाहीतिपि वदन्ति । **पज्जापुब्बङ्गमन्ति** पज्जं पुरेचारिकं कत्वा । **अयं वुच्चतीति** अयं एवरूपो पुग्लो पज्जासङ्घातेन धम्मेन सरति अनुस्सरतीति **धम्मानुसारी** । **सद्धानुवाहीति** सद्धं वाहेति, सद्धा वा इमं पुग्लं वहतीति

सद्धावाहीतिपि वदन्ति । सद्धापुब्बङ्गमन्ति सद्धं पुरेचारिकं कत्वा । अयं वुच्चतीति अयं एवरूपो पुग्गलो सद्धाय सरति अनुस्सरतीति सद्धानुसारी । सद्धामत्तन्ति “इतिपि सो भगवा”तिआदिना बुद्धसुबुद्धताय सद्वहनमत्तं । मत्त-सद्धेन अवेच्चप्पसादं निवत्तेति । पेममत्तन्ति यथावुत्तसद्धानुसारेण उप्पन्नं तुट्ठिमत्तं । सिनेहोति केचि । एवं विपस्सनं पट्टपेत्वा निसिन्नानन्ति कलापसम्मसनादिवसेन आरद्धविपस्सनानं । एका सद्धाति विपस्सनानुसारेण स्वाक्खातधम्मता सिद्धा, ततो एव एका सेट्ठा उळारा सद्धा उप्पज्जति । एकं पेमन्ति एत्थापि एसेव नयो । सग्गे ठपिता विय होन्तीति तेसं सद्धापेमानं सग्गसंवत्तनियताय अब्यभिचारीभावमाह । चूलसोतापन्नोति वदन्ति एकदेसेन सच्चानुबोधे ठितत्ता । सेसं सुविज्जेय्यमेव ।

अलगदूपमसुत्तवण्णनाय लीनत्थप्पकासना समत्ता ।

### ३. वम्मिकसुत्तवण्णना

२४९. पियवचनन्ति पियसमुदाचारो । विज्जुजातिका हि परं पियेन समुदाचरन्ता “भव”न्ति वा, “देवानं पियो”ति वा, “आयस्मा”ति वा समुदाचरन्ति, तस्मा सम्मुखा सम्बोधनवसेन “आवुसो”ति, तिरोक्खं “आयस्मा”ति अयम्पि समुदाचारो । महाकस्सपउरुवेलकस्सपादयो अज्जेपि कस्सपनामका अत्थीति “कतरस्स कस्सपस्सा”ति पुच्छन्ति । रज्जाति कोसलरज्जा । “सज्जानिंसू”ति सद्धेपतो वुत्तमत्थं विवरितुं “अयं पना”तिआदि आरद्धं । अस्साति कुमारकस्सपस्स, “सज्जानिंसू”ति वुत्तसज्जाननस्स वा । पुज्जानि करोन्तोति कप्पसतसहस्सं देवेसु च मनुस्सेसु च निब्बत्तित्वा दानादीनि पुज्जानि भावेन्तो । ओसक्कन्तेति परिहायमाने । पठमन्ति कुमारिकाकाले । सत्था उपालित्थेरं पटिच्छापेसि तं अधिकरणं विनयकम्मेनेवस्सा भिक्खुनिया पब्बज्जाय अरोगभावं ।

पज्जत्तिविभावनाति “अन्धवन”न्त्वेव पज्जायमानस्स विभावना । ओलीयतीति सङ्कुचति सणिकं वत्तति । भाणकोति सरभाणको । यं अत्थि, तं गहेत्वाति इदानीं परियेसितब्बट्ठानं नत्थि, यथागतं पन यं अत्थि, तं गहेत्वा । बलवगुणेति अधिमत्तगुणे । कस्सपभगवतो काले निरुळ्हसमज्जावसेन वचनसन्ततिया अविच्छेदेन च इमस्मिम्पि बुद्धुप्पादे तं “अन्धवन”न्त्वेव पज्जायित्थ, उपरूपरिवट्ठमानाय पथविया उपरि रुक्खगच्छादीसु सज्जायन्तेसुपीति । सेक्खपटिपदन्ति सेक्खभावावहं विसुद्धिपटिपत्तिं ।

अज्जतर-सद्धो अपाकटे विय पाकटेपि वत्तति एक-सद्धेन समानत्थत्ताति दस्सेतुं “अभिजानाती”तिआदि वुत्तं । भयभेरवदस्सितम्पि अभिक्कन्त-सद्धस्स अत्थुद्धारं इध दस्सेन्तो एवं हेट्ठा तत्थ तत्थ कता अत्थसंवण्णना परतो तस्मिं तस्मिं सुत्तपदेसे यथारहं वत्तब्बाति नयदस्सनं करोति । कज्जनसन्निभत्तचता सुवण्णवण्णग्गहणेन गहिताति अधिप्पायेनाह “छविय”न्ति । छविगता पन वण्णधातु एव “सुवण्णवण्णो”ति एत्थ वण्णग्गहणेन गहिताति अपरे । वण्णीयति कित्तीयति उग्घोसनन्ति वण्णो, थुति । वण्णीयति असङ्करतो ववत्थपीयतीति वण्णो, कुलवग्गो । वण्णीयति फलं एतेन यथासभावतो विभावीयतीति वण्णो, कारणं । वण्णनं दीघरस्सादिवसेन सण्ठहनन्ति वण्णो, सण्ठानं । वण्णीयति अणुमहन्तादिवसेन पमीयतीति वण्णो, पमाणं । वण्णेति विकारमापज्जमानं हृदयङ्गतभावं पकासेतीति वण्णो, रूपायतनं । एवं तेन तेन पवत्तिनिमित्तेन वण्ण-सद्धस्स तस्मिं तस्मिं अत्थे पवत्ति वेदितब्बा ।

अनवसेसत्तं सकलता केवलता । केवलकप्पाति एत्थ केचि ईसं असमत्ता केवला केवलकप्पाति वदन्ति, एवं सति अनवसेसत्थो एव केवल-सद्धो सिया । अनत्थन्तरेण पन कप्प-सद्धेन पदवट्ठनं कत्वा केवला एव केवलकप्पा । तथा वा



कप्पनीयत्ता पञ्जपेतब्बत्ता केवलकप्पा । **येभुय्यता** बहुलभावो । **अब्बामिस्सता** विजातियेन असङ्करो सुद्धता । **अनतिरेकता** तंमत्तता विसेसाभावो । **केवलकप्पन्ति** केवलं दब्बं कत्वाति अत्थो । केवलं वुच्चति निब्बानं सब्बसङ्गतविवित्तता । तेनाह “**विसंयोगादिअनेकत्थो**”ति । केवलं एतस्स अधिगतं अत्थीति **केवली**, सच्छिकतनिरोधो खीणासवो ।

**कप्प-सद्दो** पनायं सउपसग्गो अनुपसग्गो चाति अधिप्पायेन ओकप्पनीयपदे लब्धमानं ओकप्पसद्दमत्तं निदस्सेति, अज्जथा कप्प-सद्दस्स अत्थुद्दारे ओकप्पनीयपदं अनिदस्सनमेव सिया । **समणकप्पेहीति** विनयसिद्धेहि समणवोहारेहि । **निच्चकप्पन्ति** निच्चकालं । **पञ्जत्तीति** नामं । नामज्हेतं तस्स आयस्मतो, यदिदं कप्पोति । **कप्पितकेसमस्सूति** कत्तरिकाय छेदितकेसमस्सु । **द्वङ्गुलकप्पोति** मज्झन्हिकवेलाय वीतिक्कन्ताय द्वङ्गुलताविकप्पो । **लेसोति** अपदेसो । अनवसेसं फरितुं समत्थस्सपि ओभासस्स केनचि कारणेन एकदेसफरणम्पि सिया, अयं पन सब्बसोव फरीति दस्सेतुं समन्तत्थो कप्प-सद्दो गहितोति आह “**अनवसेसं समन्ततो**”ति ।

**समणसज्जासमुदाचारेनाति** “अहं समणो”ति एवं उप्पन्नसज्जासमुद्धितेन समुदाचारेन, तन्निमित्तेन वा तब्बोहारेन । **पुब्बयोगेति** पुब्बयोगकथायं । **पपञ्चो एसाति** एसो तुम्हेसु आगतेसु यथापवत्तो पटिसन्थारो कथासमुदाचारो च अम्हाकं पपञ्चो । एत्तकम्पि अकत्वा समणधम्ममेव करोमाति अधिप्पायो ।

**अरियभूमिं पत्तोति** अनागामिफलं अधिगतो । पक्कुसातिकुलपुत्तं सन्धाय वदति । **विभजित्वाति** विभागं कत्वा । **तुरितालपनवसेनाति** तुरितं आलपनवसेन । तेन दुल्लभो अयं समणो, तस्मा सीघमस्स पज्जो कथेतब्बो, इमिना च सीघं गन्त्वा सत्था पुच्छितब्बोति तुरितं आलपीति दस्सेति । “**यथा वा**”तिआदिना पन वचनालङ्कारवसेन द्विक्खत्तुं आलपति । **एवमाहाति** “**भिक्षु भिक्षू**”ति एवं द्विक्खत्तुं अवोच ।

वम्मिकपरियायेन करजकायं पच्चक्खं कत्वा दस्सेन्ती देवता “**अयं वम्मिको**”ति आह । ताय पन भावत्थस्स अभासितत्ता सद्दत्थमेव दस्सेन्तो “**पुरतो ठितं...पे०... अयन्ति आहा**”ति अवोच । सेसेसुपि एसेव नयो । **मण्डूकन्ति** थलमण्डूकं । सो हि उद्दुमायिकाति वुच्चति, न उदकमण्डूको । तस्स निवासतो वातो मा खो बाधयित्थाति “**उपरिवाततो अपगम्मा**”ति वुत्तं । कथं पनायं देवता इमिना नीहारेन इमे पज्जे थेरस्स आचिक्खीति? केचि ताव आहु — यथासुतमत्थं उपमाभावेन गहेत्वा अत्तनो पटिभानेन उपमेय्यत्थं मनसा चिन्तेत्वा तं भगवाव इमस्स आचिक्खिस्सति । सा च देसना अत्थाय हिताय सुखाय होतीति “अयं वम्मिको”तिआदिना उपमावसेनेव पन्नरस पज्जे थेरस्स आचिक्खि । कस्सपसम्मासम्बुद्धकाले किर बाराणसियं एको सेट्ठि अट्ठो महद्दनो महन्तं निधानं निदहित्वा पलिघादिआकारानि कानिचिपि लङ्गानि तत्थ ठपेसि । सो मरणकाले अत्तनो सहायस्स ब्राह्मणस्स आरोचेसि — “इमस्मिं ठाने मया निधानं निदहितं, तं मम पुत्तस्स विज्जुतं पत्तस्स दस्सेती”ति वत्वा कालमकासि । ब्राह्मणो सहायकपुत्तस्स विज्जुतं पत्तकाले तं ठानं दस्सेसि । सो निखनित्वा सब्बपच्छा नागं पस्सि, नागो अत्तनो पुत्तं दिस्वा “सुखेनेव धनं गण्हतू”ति अपगच्छि । स्वायमत्थो तदा लोके पाकटो जातो । अयं पन देवता तदा बाराणसियं गहपतिकुले निब्बत्तित्वा विज्जुतं पत्तो सत्थरि परिनिब्बुते उरं दत्वा सासने पब्बजितो पज्जहि सहायकभिक्षूहि सद्धिं समणधम्ममकासि । ये सन्धाय वुत्तं “पज्ज भिक्षू निस्सेणिं बन्धित्वा”तिआदि । तेन वुत्तं “यथासुतमत्थं उपमाभावेन गहेत्वा”तिआदि । अपरे पन “देवता अत्तनो पटिभानेन इमे पज्जे एवं अभिसङ्गुरित्वा थेरस्स आचिक्खी”ति वदन्ति । **देवपुत्ते निस्सक्कं** देवपुत्तपज्जत्ता तस्स अत्थस्स ।

२५१. चतूहि महाभूतेहि निब्बत्तोति **चातुमहाभूतिको** । तेनाह “**चतुमहाभूतमयस्सा**”ति । **वमति** उगिरन्तो विय

होतीति अत्थो। **वन्तको**ति उच्छङ्कुको। **वन्तुस्सयो**ति उपचिकाहि वन्तस्स मत्तिकापिण्डस्स उस्सयभूतो। **वन्तसिनेहसम्बद्धो**ति वन्तेन खेळसिनेहेन सम्पिण्डितो। **असुचिकलिमलं वमती**ति एत्थ मुखादीहि पाणकानं निग्गमनतो पाणके वमतीति अयम्पि अत्थो लब्भतेव। **अरियेहि वन्तको**ति कायभावसामञ्जेन वुत्तं। दुक्खसच्चपरिञ्जाय वा सव्वस्सपि तेभूमकधम्मजातस्स परिञ्जातत्ता सव्वोपि कायो अरियेहि छन्दरागप्पहानेन वन्तो एव। तं **सव्वन्ति** येहि तीहि अट्टिसतेहि उस्सितो, येहि न्हारूहि सम्बद्धो, येहि मंसेहि अवलित्तो, येन अल्लचम्मेन परियोनद्धो, याय छविया रज्जितो, तं अट्टिआदिसव्वं अच्चन्तमेव जिगुच्छित्वा विरत्ततायवन्तमेव। “**यथा चा**”ति आदिना वत्तव्वोपमतोपि वम्मिको विय वम्मिकोति इममत्थं दस्सेति।

सम्भवति एतस्माति सम्भवो, मातापेत्तिको सम्भवो एतस्साति **मातापेत्तिकसम्भवो**। तस्स। उपचियति एतेनाति उपचयो ओदनकुम्मासं उपचयो एतस्साति **ओदनकुम्मासूपचयो**। तस्स। अधुवसभावताय **अनिच्चधम्मस्स**, सेदगूथ-पित्त-सेम्हादि-धातुक्खोभ-गरुभावदुग्गन्धानं विनोदनाय **उच्छादेतव्वधम्मस्स**, परितो सम्बाहनेन **परिमदितव्वधम्मस्स**, खणे खणे भिज्जनसभावताय **भेदनधम्मस्स**, ततो एव विकिरणसभावताय **विद्धंसनधम्मस्साति** धम्म-सद्दो पच्चेकं योजेतव्वो। **तनुविलेपनेनाति** कायावलेपनेन उच्छादनविलेपनेन। **अङ्गपच्चङ्गाबाधविनोदनत्थायाति** तादिससमुद्धान-सरीरविकारविगमाय। यस्मा सुक्कसोणितं आहारो, उच्छादनं परिमदनञ्च यथारहं उप्पादस्स, वुड्डिया च पच्चयो, तस्मा आह “**मातापेत्तिक...पे०... कथितो**”ति। **उच्चावचभावो**ति यथारहं योजेतव्वो — ओदनकुम्मासूपचय-उच्छादनपरिमदनगहणेहि **उच्चभावो, वड्ढी**। मातापेत्तिकसम्भवगहणेन **समुदयो**। इतरेहि **अवचभावो, परिहानि, अत्थङ्गमो** पकासितो। अङ्गपच्चङ्गानं सण्ठपनम्पि हि वट्टपच्चयत्ता वट्टन्ति।

**कोधो** धूमोति एत्थ धूमपरियायेन कोधस्स वुत्तत्ता धूम-सद्दो कोधे वत्ततीति वुत्तं “**धूमो विय धूमो**”ति। **भस्मनीति भस्मं**। **मोसवज्जन्ति** मुसावादो। धूमो एव **धूमायितं**। इच्छा धूमायितं एतस्साति **इच्छाधूमायिता**, पजा। इच्छाधूमायितसदस्स तण्हाय वुत्ति वुत्तनयो एव। **धूमायन्तो**ति वितक्कसन्तापेन संतप्पेन्तो, वितक्केन्तोति अत्थो। **पलिपो**ति दुक्करमहाकदमं। **तिमूलन्ति** तीहि मूलेहि पतिट्ठितं विय अचलं पवत्तन्ति वुत्तं। **रजो च धूमो च मया पकासिता**ति रजसभावकरणेन “**रजो**”ति च धूमसभावकरणेन “**धूमो**”ति च मया पकासिता। **पकतिधूमो** विय अग्गिस्स किलेसग्गिजालस्स पज्जाणभावतो। **धम्मदेसनाधूमो** जाणगिसन्धीपनस्स पुब्बङ्गमभावतो। **अयं रत्तिं धूमायनाति** या दिवा कत्तव्वकम्मन्ते उट्ठिस्स रत्तियं अनुवितक्कना, अयं रत्तिं धूमायना।

**सत्तन्नं धम्मानन्ति** इदं सुत्ते (चूलनि० मेत्तगूमाणवपुच्छानिद्देस २८) आगतनयेन वुत्तं। सुत्तञ्च तथा आराधनवेनेय्यज्झासयवसेन। तदेकट्टताय वा तदञ्जकिलेसानं। **सुन्दरपज्जो**ति जाततीरणपहानपरिञ्जाय पज्जाय सुन्दरपज्जो।

एतन्ति “**सत्थ**”न्ति एतं **अधिवचनं** संकिलेसधम्मानं ससनतो समुच्छिन्दनतो। न्ति वीरियं। **पज्जागतिकमेव** पज्जाय हितस्सेव अधिप्पेतत्ता। लोकियाय पज्जाय आरम्भकाले लोकियवीरियं गहेतव्वं, लोकुत्तराय पज्जाय पवत्तिक्खणे लोकुत्तरवीरियं गहेतव्वन्ति योजना। **अत्थदीपनाति** उपमेय्यत्थदीपनी उपमा।

**गामतो**ति अत्तनो वसनगामतो। **मन्ते**ति आथव्वनमन्ते। ते हि ब्राह्मणा अरञ्जे एव वाचेन्ति “**मा अञ्जे अस्सोसु**”न्ति। **तथा अकासी**ति चत्तारो कोट्टासे अकासि। एवमेत्थ वम्मिकपज्जहस्सेव वसेन उपमा आगता, सेसानं वसेन हेट्ठा वुत्तनयेन वेदितव्वा।

लङ्गनद्वेन निवारणद्वेन लङ्गी, पलिघो । **जाणमुखे**ति विपस्सनाजाणवीथियं । **पतती**ति पवत्तति । **कम्मट्टानउग्गहपरिपुच्छावसेना**ति चतुसच्चकम्मट्टानस्स उग्गहनेन तस्स अत्थपरिपुच्छावसेन चेव विपस्सनासङ्घात-  
अत्थविनिच्छय-परिपुच्छावसेन च । सब्बसो जातुं इच्छा हि परिपुच्छा । विपस्सना च अनिच्चादितो सब्बतेभूमकधम्मनं  
जातुं इच्छति । एवं विपस्सनावसेन अविज्जापहानमाह, उपरिकत्तब्बसम्भावतो न ताव मग्गवसेन ।

**वल्लिअन्तरे** वाति वा-सद्दो पंसुअन्तरे वा मत्तिकन्तरे वाति अवुत्तविकप्पत्थो । **चित्ताविलमत्तकोवा**ति  
चित्तक्खोभमत्तकोव । **अनिग्गहितो**ति पटिसङ्खानबलेन अनिवारितो । **मुखविकुलनं** मुखसङ्कोचो । **हनुसञ्चोपनं पापेति**  
अन्तो जप्पनावत्थायं । **दिसा विलोकनं पापेति** यत्थ बाधेतब्बो ठितो, तंदस्सनत्थं निवारकपरिवारणत्थं ।  
**दण्डसत्थाभिनिपातन्ति** दण्डसत्थानं परस्स उपरि निपातनावत्थं । येन कोधेन अनिग्गहितेन मातादिकं अघातेतब्बं  
उग्घातेत्वा “अयुत्तं वत मया कतं”न्ति अत्तानम्पि हनति, तं सन्धायेतं वुत्तं “**परघातनम्पि अत्तघातनम्पि पापेती**”ति ।  
येन वा परस्स हज्जमानस्स वसेन घातकोपि घातनं पापुणाति, तादिसस्स वसेनायमत्थो वेदितब्बो । कोधसामञ्जेन हेतं वुत्तं  
“**परं घातेत्वा अत्तानं घातेती**”ति । **परमुस्सदगतो**ति परमुक्कंसगतो । दळ्हं परिस्सयमावहताय कोधोव कोधूपायासो ।  
तेनाह “**बलवप्पत्तो**”तिआदि ।

**द्वेधापथसमा** होति अप्पटिपत्तिहेतुभावतो ।

**कुसलधम्मो न तिट्ठति** नीवरणेहि निवारितपरमत्ता । समथपुब्बङ्गमं विपस्सनं भावयतो पठमं समथेन  
नीवरणविकखम्भनं होति, विपस्सना पन तदङ्गवसेनेव तानि नीहरतीति वुत्तं “**विकखम्भनतदङ्गवसेना**”ति ।

“कुम्भोव अङ्गानि सके कपाले”तिआदीसु (सं० नि० १.१७) कुम्भस्स अङ्गभावेन विसेसतो पादसीसानि एव  
वुच्चन्तीति आह “**पञ्चेव अङ्गानि होन्ती**”ति । विपस्सनाचारस्स वुच्चमानत्ता अधिकारतो सम्मसनीयानमेव धम्मनं इध  
गहणन्ति “**सब्बेपि सङ्घता धम्मा**”ति विसेसं कत्वाव वुत्तं । तेनाह भगवा “पञ्चन्नेतं उपादानक्खन्धानं अधिवचनं”न्ति ।

सुनन्ति कोट्टन्ति एत्थाति **सूना**, अधिकुट्टनन्ति आह “**सूनाय उपरी**”ति । **असिना**ति मंसकन्तनेन । **घातियमाना**ति  
हज्जमाना विबाधियमाना । **वत्थुकामानं उपरि कत्वा**ति वत्थुकामेसु ठपेत्वा ते अच्चाधानं कत्वा । **कन्तिता**ति छिन्दिता ।  
**कोट्टिता**ति बिलसो विभजिता । **छन्दरागप्पहानन्ति** छन्दरागस्स विकखम्भनप्पहानं ।

**सम्मत्ता**ति मुच्छिता सम्मूळहा । **नन्दीरागं उपगम्म वट्टं वट्टेन्ती**ति सम्मूळहत्ता एवआदीनवं अपस्सन्ता नन्दीरागस्स  
आरम्मणं उपगन्त्वा तं परिब्रूहेन्ति । **नन्दीरागबद्धा**ति नन्दीरागे लगत्ता तेन बद्धा । **वट्टे लग्गन्ती**ति तेभूमके वट्टे सज्जन्ति ।  
तत्थ सज्जत्ता एव **दुक्खं पत्वापि न उक्कण्ठन्ति** न निब्बिन्दन्ति । इध अनवसेसप्पहानं अधिप्पेतन्ति आह  
“**चतुत्थमग्गेन नन्दीरागप्पहानं कथितं**”न्ति ।

**अनङ्गणसुत्ते** (म० नि० अट्ठ० १.६३) **पकासितो एव** “छन्दादीहि न गच्छन्ती”तिआदिना । “**बुद्धो सो  
भगवा**”तिआदि “नमो करोही”ति (म० नि० १.२४९, २५१) वुत्तनमक्कारस्स करणाकारदस्सनं । **बोधाया**ति  
चतुसच्चसम्बोधाया । तथा दमथसमथतरणपरिनिब्बानानि अरियमग्गवसेन वेदितब्बानि । समथपरिनिब्बानानि पन  
अनुपादिसेसवसेनपि योजेतब्बानि । **कम्मट्टानं अहोसी**ति विपस्सनाकम्मट्टानं अहोसि । **एतस्स पज्हस्सा**ति एतस्स  
पन्नरसमस्स पज्हस्स अत्थो । एवं इतरेसुपि वत्तब्बं विपस्सनाकम्मट्टानं खीणासवगुणेहि मत्थकं पापेन्तो यथानुसन्धिनाव

देसनं निट्ठपेसि, न पुच्छितानुसन्धिनाति अधिप्पायो। ननु च पुच्छावसेनायं देसना आरद्धाति? सच्चं आरद्धा, एवं पन “पुच्छावसिको निक्खेपो”ति वत्तब्बं, न “पुच्छानुसन्धिवसेन निट्ठपिता”ति। अन्तरपुच्छावसेन देसनाय अपरिवत्तितत्ता आरम्भानुरूपमेव पन देसना निट्ठपिता।

वम्मिकसुत्तवण्णनाय लीनत्थप्पकासना समत्ता।

#### ४. रथविनीतसुत्तवण्णना

२५२. महागोविन्देन परिग्गहितताकित्तनं तदा मगधराजेन परिग्गहितूपलक्खणं। तस्स हि सो पुरोहितो। महागोविन्दोति पुरातनो एको मगधराजाति केचि। गय्हतीति गहो, राजूनं गहो **राजगहं**। नगर-सद्दापेक्खाय नपुंसकनिद्देशो। **अज्जेपेत्थ पकारेति** राजूहि दिस्वा सम्मा पतिट्ठापितत्ता तेसं गहं गेहभूतन्तिपि **राजगहं**। आरक्खसम्पत्तिआदिना अनत्थुप्पत्तिहेतुताय उपगतानं पटिराजूनं गहं गहभूतन्तिपि **राजगहं**, आरामरामणीयकादीहि राजते, निवाससुखतादिना सत्तेहि ममत्तवसेन गय्हति, परिग्गय्हतीति वा **राजगहन्ति** एवमादिके पकारे। **बुद्धकाले च चक्कवत्तिकाले चाति** इदं येभ्यवसेन वुत्तं। **वेळूहि परिक्खित्तं अहोसि**, न पन केवलं कट्टकपवनमेव। रज्जो उय्यानकाले पतिट्ठापितअट्टालकवसेन **अट्टालकयुत्तं**।

जननं जाति, जातिया भूमि जातिभूमं, जायि वा महाबोधिसत्तो एत्थाभि जाति, सा एव भूमीति जातिभूमं, सा इमेसं निवासोति **जातिभूमकाति** आह “**जातिभूमकाति जातिभूमिवासिनो**”ति। कस्स पनायं जातिभूमीति आह “**तं खो पना**”तिआदि। तेन अनज्जसाधारणाय जातिया अधिप्पेतत्ता सदेवके लोके सुपाकटभावतो विसेसनेन विनापि विसिट्ठविसयोव इध जाति-सद्दो विज्जायतीति दस्सेति। तेनाह “**सब्बज्जुबोधिसत्तस्स जातट्ठानसाकियजनपदो**”ति। तत्थपि कपिलवत्थुसन्निस्सयो पदेसोति आह “**कपिलवत्थाहारो**”ति।

#### गरुधम्मभाववण्णना

**साकियमण्डलस्साति** साकियराजसमूहस्स। दसन्नं अप्पिच्छकथादीनं वत्थु दसकथावत्थु, अप्पिच्छतादि। तत्थ सुप्पतिट्ठितताय तस्स लाभी **दसकथावत्थुलाभी**। तत्थाति दसकथावत्थुस्मिं।

गरुकरणीयताय धम्मो गरु एतस्साति धम्मगरु, तस्स भावो **धम्मगरुता**, ताय। “**अज्झासयेन वेदितब्बो**”ति वत्त्वा न केवलं अज्झासयेनेव, अथ खो कायवचीपयोगेहिपि वेदितब्बोति दस्सेन्तो “**धम्मगरुतायेव ही**”तिआदिमाह। **तियामरत्तिं धम्मकथं कत्वाति** एत्थ “कुम्भकारस्स निवेसने तियामरत्तिं वसन्तो धम्मकथं कत्वा”ति एवं वचनसेसवसेन अत्थो वेदितब्बो। अज्जथा यथालाभवसेन अत्थे गय्हमाने तियामरत्तिं धम्मकथा कताति आपज्जति, न च तं अत्थि। वक्खति हि “**बहुदेव रत्तिन्ति दियड्डयाममत्त**”न्ति। दसबलादिगुणविसेसा विय धम्मगारवहेतुका परहितपटिपत्तिपि सब्बबुद्धानं मज्जे भिन्नसुवण्णं विय सदिसा एवाति इमस्स भगवतो धम्मगारवकित्तने “**कस्सपोपि भगवा**”तिआदिना कस्सपभगवतो धम्मगारवं दस्सेति।

**चारिकं निक्खमीति** जनपदचारिकं चरितुं निक्खमि। जनपदचारिकाय अकाले निक्खन्तत्ता कोसलराजादयो वारेतुं आरभिसु। पवारेत्वा हि चरणं बुद्धाचिण्णं। पुण्णाय सम्मापटिपत्तिं पच्चासीसन्तो भगवा “**किं मे करिस्ससी**”ति आह।

अनहातोवाति धम्मसवनुस्सुक्केन सायन्हे बुद्धाचिण्णं न्हानं अकत्वाव । अत्तहितपरहितपटिपत्तीसु एकस्सा द्विन्नञ्च अत्थितासिद्धा चतुब्बिधता पटिपत्तिकता एव नाम होतीति वुत्तं “पटिपन्नको च नाम...पे०... चतुब्बिधो होती”ति । पटिक्खेपपुब्बकोपि हि पटिपन्नो अत्थतो पटिपन्नत्थो एवाति । कामं अत्तहिताय पटिपन्नो ताव सम्मापटिपत्तिया सासनं सोभति, न पन सासनं वड्ढेति अप्पोस्सुक्कभावतो, न च कारुणिकस्स भगवतो सब्बथा मनोरथं पूरेति । तथा हि भगवा पठमबोधियं एकसट्ठिया च अरहन्तेसु जातेसु — “चरथ, भिक्खवे, बहुजनहिताया”तिआदिना (दी० नि० २.८६-८८; महाव० ३२) भिक्खू परहितपटिपत्तियं नियोजेसि । तेन वुत्तं “एवरूपं भिक्खुं भगवा न पुच्छति, कस्मा? न मय्हं सासनस्स वुड्ढिपक्खे ठितो”ति ।

समुदायो अप्पकेन ऊनोपि अनूनो विय होतीति बाकुलत्थेरं चतुत्थरासितो बहि कत्वापि “असीतिमहाथेरा विया”ति वुत्तं । असीतिमहाथेरसमज्जा वा अवयवेपि अट्ठसमापत्तिसामज्जा विय दट्ठब्बा । ईदिसे ठाने बहूनं एकतो कथनं महता कण्ठेन च कथनं सत्थु चित्ताराधनमेवाति तेहि भिक्खूहि तथा पटिपन्नन्ति दस्सेन्तो “ते भिक्खू मेघसदं सुत्वा”तिआदिमाह । गुणसम्भावनायाति वक्खमानगुणहेतुकाय सम्भावनाय सम्भावितो, न येन केनचि किच्चसमत्थतादिना ।

गरुधम्मभाववण्णना निड्ढिता ।

### अप्पिच्छतादिवण्णना

अप्प-सद्वस्स परित्तपरियायतं मनसि कत्वा आह “व्यज्जनं सावसेसं विया”ति । तेनाह “न हि तस्सा”तिआदि । अप्प-सद्वो पनेत्थ अभावत्थोति सक्का विज्जातुं “अप्पाबाधतञ्च सज्जानामी”तिआदीसु (म० नि० १.२२५; २.१३४) विय ।

अत्रिच्छता नाम (अ० नि० टी० १.१.६३) अत्र अत्र इच्छाति कत्वा । असन्तगुणसम्भावनताति अत्तनि अविज्जमानं गुणानं विज्जमानानं विय परेसं पकासना । सद्धोति मं जनो जानातूति वत्तपटिपत्तिकारकविसेसलाभीति जानातु “वत्तपटिपत्तिआपाथकज्झायिता”ति एवमादिना । सन्तगुणसम्भावनाति इच्छाचारे ठत्वा अत्तनि विज्जमानसीलधुतधम्मादिगुणविभावना । तादिसस्स हि पटिग्गहणे अमत्तज्जुतापि होति ।

गणहन्तोयेव उम्मुज्जि अज्जेसं अजानन्तानंयेवाति अधिप्पायो ।

अप्पिच्छतापधानं पुग्गलाधिद्वानेन चतुब्बिधं इच्छापभेदं दस्सेत्वा पुनपि पुग्गलाधिद्वानेन चतुब्बिधं इच्छापभेदं दस्सेन्तो “अपरोपि चतुब्बिधो अप्पिच्छो”तिआदिमाह । दायकस्स वसन्ति दायकस्स चित्तवसं । देय्यधम्मस्स वसन्ति देय्यधम्मस्स अप्पबहुभावं । अत्तनो थामन्ति अत्तनो यापनमत्तकथामं ।

एकभिक्खुपि न अज्जासि सोसानिकवत्ते सम्मदेव वुत्तित्ता । अब्बोकिण्णन्ति अविच्छेदं । दुतियो मं न जानेय्याति दुतियो सहायभूतोपि यथा मं जानितुं न सक्कुणेय्य, तथा सट्ठि वस्सानि निरन्तरं सुसाने वसामि, तस्मा अहं अहो सोसानिकुत्तमो ।

धम्मकथाय जनतं खोभेत्वाति लोमहंसनसाधुकारदानचेलुक्खेपादिवसेन सन्निपतितं इतरञ्च “कथं नु खो अय्यस्स

सन्तिकेव धम्मं सोस्सामा’ति कोलाहलवसेन महाजनं खोभेत्वा । गतोति “अयं सो, तेन रत्तियं धम्मकथा कता’ति जाननभयेन परियत्तिअप्पिच्छताय परिवेणं गतो ।

तयो कुलपुत्ता वियाति पाचीनवंसदाये समग्गवासं वुत्था तयो कुलपुत्ता विय । पहायाति पुब्बभागे तदङ्गादिवसेन पच्छा अग्गमग्गेनेव पजहित्वा ।

अप्पिच्छतादिवण्णना निट्ठिता ।

### द्वादसविधसन्तोसवण्णना

पकतिदुब्बलादीनं गरुचीवरादीनि नफासुभावावहानि सरीरखेदावहानि च होन्तीति पयोजनवसेन नअत्रिच्छतादिवसेन तानि परिवत्तेत्वा लहुकचीवरपरिभोगो न सन्तोसविरोधीति आह “लहुकेन यापेन्तोपि सन्तुट्ठोव होती’ति । महग्घचीवरं, बहूनि वा चीवरानि लभित्वापि तानि विस्सज्जेत्वा तदञ्जस्स गहणं यथासारुप्पनये ठितत्ता न सन्तोसविरोधीति आह “तेसं...पे०... धारेन्तोपि सन्तुट्ठोव होती’ति । एवं सेसपच्चयेसुपि यथाबलयथासारुप्पसन्तोसनिद्वेसेसु अपिसद्दग्गहणे अधिप्पायो वेदितब्बो । यथासारुप्पसन्तोसोयेव अग्गो अलोभज्झासयस्स उक्कंसनतो ।

द्वादसविधसन्तोसवण्णना निट्ठिता ।

### तिविधपविवेकवण्णना

एकोति एकाकी । गच्छतीति चुण्णिकइरियापथवसेन वुत्तं । चरतीति विहारतो बहि सञ्चारवसेन, विहरतीति दिवाविहारादिवसेन । कायविवेकोति च नेक्खम्माधिमुत्तस्स भावनानुयोगवसेन विवेकट्ठकायता, न ज्ञानविवेकमत्तं । तेनाह “नेक्खम्माभिरतान’न्ति । परिसुद्धचित्तानन्ति नीवरणादिसंकिलेसतो विसुद्धचित्तानं । परमवोदानप्पत्तानन्ति वितक्कादितंतंज्ञानपटिपक्खविगमेन परमं उत्तमं वोदानं पत्तानं । निरुपधीनन्ति किलेसुपधिआदीनं विगमेन निरुपधीनं ।

तिविधपविवेकवण्णना निट्ठिता ।

### पञ्चविधसंसग्गवण्णना

संसीदति एतेनाति संसग्गो, रागो । सवनहेतुको, सवनवसेन वा पवत्तो संसग्गो सवनसंसग्गो । एस नयो सेसेसुपि । कायसंसग्गो पन कायपरामासो । इत्थी वाति वधू, युवती वा । सन्धानेतुन्ति पुब्बेनापरं घटेतुं । सोतविज्जाणवीथिवसेनाति इदं मूलभूतं सवनं सन्धाय वुत्तं, तस्स पिट्ठिवत्तकमनोद्वारिकजवनवीथीसु उप्पन्नोपि रागो सवनसंसग्गोयेव । दस्सनसंसग्गोपि एसेव नयो । अनित्थिगन्धबोधिसत्तो परेहि कथियमानवसेन पवत्तसवनसंसग्गस्स निदस्सनं । तिस्सदहरो अत्तना सुय्यमानवसेन । तत्थ पठमं जातके वेदितब्बन्ति इतरं दस्सेन्तो “दहरो किरा’तिआदिमाह । कामरागेन विद्धोति रागसल्लेन हृदये अप्पितो अन्तो अनुविद्धो ।

सोति दस्सनसंसग्गो । एवं वेदितब्बोति वत्थुवसेन पाकटं करोति । तस्मिं किर गामे येभ्य्येन इत्थियो अभिरूपा दस्सनीया पासादिका, तस्मा थेरो “सचे अन्तोगामे न चरिस्ससी’ति आह । कालस्सेव पविट्ठत्ता यागुं अदासि, तस्मा

यागुमेव गहेत्वा गच्छन्तं “निवत्तथ, भन्ते, भिक्खं गण्हाही”ति आहंसु। याचित्वाति “न मयं, भन्ते, भिक्खं दातुकामा निवत्तेम, अपिच इदं भन्ते कारण”न्ति याचित्वा।

आदितो लपनं आलापो, वचनपटिवचनवसेन पवत्तो लापो सल्लापो। भिक्खुनियति इदं निदस्सनमत्तं। याय कायचिपि इत्थिया सन्तकपरिभोगवसेन उप्पन्नरागोपि सम्भोगसंसग्गोव।

पञ्चविधसंसग्गवण्णना निड्डिता।

### गाहगाहकादिवण्णना

भिक्खुनो भिक्खूहि कायपरामासो कायसम्बाहनादिवसेन। कायसंसग्गन्ति कायपरामाससंसग्गं। गाहगाहकोति गण्हनकानं गण्हनकोति अत्थो। गाहमुत्तकोति अयोनिस्सो आमिसेहि सङ्गण्हनकेहि सयं मुच्चनको। मुत्तगाहकोति यथावुत्तसङ्गहतो मुत्तानं सङ्गण्हनको। मुत्तमुत्तकोति मुच्चनकेहि सयमिप्पि मुच्चनको। गहणवसेन सङ्गण्हनवसेन। उपसङ्कमन्ति ततो किञ्चि लोकामिसं पच्चासीसन्ता, न दक्खिण्येवसेन। भिक्खुपक्खे गहणवसेनाति पच्चयलाभाय सङ्गण्हनवसेनाति योजेतब्बं। वुत्तनयेनाति “आमिसेना”तिआदिना वुत्तनयेन।

ठानन्ति अत्तनो ठानावत्थं। पापुणितुं न देति उप्पन्नमेव तं पटिसङ्खानबलेन नीहरन्तो विक्खम्भेति। तेनाह “मन्तेना”तिआदि। यथा जीवितुकामो पुरिसो कण्हसप्पेन, अमिस्सेन वा सह न संवसति, एवं खणमत्तमिप्पि किलेसेहि सह न संवसतीति अत्थो।

चतुपारिसुद्धिसीलं लोकियं लोकुत्तरञ्च। तथा समाधिपि। विपस्सनाय पादका विपस्सनापादकाति अट्टसमापत्तिग्गहणेन यथा लोकियसमाधि गहितो, एवं विपस्सनापादका एतेसन्ति विपस्सनापादकाति अट्टसमापत्तिग्गहणेनेव लोकुत्तरो समाधि गहितो। यथा हि चत्तारि रूपज्झानानि अधिद्वानं कत्वा पवत्तो मग्गसमाधि विपस्सनापादको, एवं चत्तारि अरूपज्झानानि अधिद्वानं कत्वा पवत्तोपि। समापत्तिपरियायो पन पुब्बवोहारेन वेदितब्बो। पटिपक्खसमुच्छेदनेन सम्मा आपज्जनतो वा यथा “सोतापत्तिमग्गो”ति। एवमेत्थ सीलसमाधीनमिप्पि मिस्सकभावो वेदितब्बो, न पञ्जाय एव। विमुत्तीति अरियफलन्ति वुत्तं “विमुत्तिसम्पन्नो”ति वुत्तत्ता। तज्झि निप्फादनट्ठेन सम्पादेतब्बं, न निब्बानन्ति।

एत्थ च अप्पिच्छताय लद्धपच्चयेन परितुस्सति, सन्तुड्डताय लद्धा ते अगधितो अमुच्छितोआदीनवदस्सी निस्सरणपज्जो परिभुज्जति, एवंभूतो च कत्थचि अलग्गमानसताय पविवेकं परिबूहेन्तो केनचि असंसद्दो विहरति गहट्ठेन वा पब्बजितेन वा। सो एवं अज्झासयसम्पन्नो वीरियं आरभति अप्पत्तस्स पत्तिया, अनधिगमस्स अधिगमाय। आरभन्तो च यथासमादिन्नं अत्तनो सीलं पच्चवेक्खति, तस्स सीलस्स सुपरिसुद्धतं निस्साय उप्पज्जति अविप्पटिसारो, अयमस्स सीलसम्पदा। तस्स अविप्पटिसारमूलकेहि पामोज्जपीतिपस्सद्दिमुखेहि सम्मा बूहितं चित्तं सम्मदेव समाधियति, अयमस्स समाधिसम्पदा। ततो यथाभूतं जानं पस्सं निब्बिन्दति, निब्बिन्दं विरज्जति, विरागा विमुच्चति, अयमस्स पञ्जासम्पदा। विमुत्तचित्तता पनस्स विमुत्तिसम्पदा, ततो विमुत्तितो जाणदस्सनन्ति एतेसं दसन्नं कथावत्थूनं अनुपुब्बी वेदितब्बा। तस्स यो दसहि कथावत्थूहि समन्नागमो, अयं अत्तहिताय पटिपत्ति। या नेसं परेसं संकित्तनं, अयं परहिताय पटिपत्ति। तासु पुरिमा जाणपुब्बङ्गमा जाणसम्पयुत्ता च, इतरा करुणापुब्बङ्गमा करुणासम्पयुत्ता चाति सब्बं जाणकरुणाकण्डं वत्तब्बं।

दसहि कथावत्थूहि करणभूतेहि भिक्खून् ओवादं देति, “भिक्खुना नाम अत्रिच्छतादिके दूरतो वज्जेत्वा सम्मदेव अपिच्छेन भवितब्ब”न्तिआदिना तं तं कथावत्थुं भिक्खून् उपदिसतीति अत्थो। उपदिसन्तो हि तानि “तेहि भिक्खू ओवदती”ति वुत्तो। ओवदतियेव सरूपदस्सनमत्तेन। सुखुमं अत्थं परिवत्तेत्वाति एवम्पि अपिच्छता होति एवम्पीति अपिच्छतादिवसेन अपरापरं अपिच्छतावुत्तिं दस्सेत्वा तत्थ सुखुमनिपुणं अपिच्छतासङ्घातं अत्थं जानापेतुं न सक्कोति। विज्जापेतीति यथावुत्तेहि विसेसेहि विज्जापेति। कारणन्ति येन कारणेन अपिच्छता इज्झति, तं पन “महिच्छतादीसु एते दोसा, अपिच्छताय अयमानिसंसो”तिआदीनवानिसंसदस्सनं दट्ठब्बं। सम्मा हेतुना अपिच्छतं दस्सेतीति सन्दस्सको। गाहेतुन्ति यथा गणहति, तथा कातुं, तत्थ पट्टपेतुन्ति अत्थो। उस्साहजननवसेनाति यथा तं समादानं निच्चलं होति, एवं उस्सोळ्हिया उप्पादनवसेन सम्मदेव उत्तेजेतीति समुत्तेजको। उस्साहजातेति अपिच्छताय जातुस्साहे। वण्णं वत्वा तत्थ सम्पत्तिं आयतिज्ज लब्भमानगुणं कित्तेत्वा सम्पहंसेति सम्मदेव पकारेहि तोसेतीति सम्पहंसको। एवं सन्तुट्ठिआदीसु यथारहं योजना कातब्बा।

गाहगाहकादिवण्णना निड्ठिता।

### पञ्चलाभवण्णना

२५३. सत्थु सम्मुखा एवं वण्णो अब्भुगतोति। इमिना तस्स वण्णस्स यथाभूतगुणसमुद्धितं दस्सेति। मन्दमन्दो वियाति अति विय अछेको विय। अबलबलो वियाति अति विय अबलो विय। भाकुटिकभाकुटिको वियाति अति विय दुम्मुखो विय। अनुमस्साति अनुमसित्वा, दस कथावत्थूनि सरूपतो विसेसतो च अनुपरिग्गहेत्वाति अत्थो। परिग्गण्हनं पन नेसं अनुपविसनं विय होतीति वुत्तं “अनुपविसित्वा”ति। सब्रह्मचारीहि वण्णभासनं एको लाभोति योजना। एवं सेसेसुपि। पत्थयमानो एवमाह धम्मगरुतायाति अधिप्पायो।

पञ्चलाभवण्णना निड्ठिता।

### चारिकादिवण्णना

२५४. अभिरमनं अभिरतं, तदेव अनुनासिकलोपं अकत्वा वुत्तं “अभिरन्त”न्ति। भावनपुंसकज्जेतं। अनभिरति नाम नत्थि, अभिरमित्वा चिरविहारोपि नत्थि सम्मदेव परिज्जातवत्थुकत्ता। सब्बसहा हि बुद्धा भगवन्तो असह्यलाभिनो।

पुब्बे धम्मगरुताकित्तनपसङ्गेन गहितं अग्गहितज्ज महाकस्सपपच्चुग्गमनादिं एकदेसेन दस्सेत्वा वनवासितिस्ससामणेरस्स वत्थुं वित्थारेत्वा जनपदचारिकं कथेतुं “भगवा ही”तिआदि आरब्धं। आकासगामीहि सद्धिं गन्तुकामो “छळभिज्जानं आरोचेही”ति आह। सङ्घकम्मेन सिज्झमानापि उपसम्पदा सत्थु आणावसेनेव सिज्झनतो “बुद्धदायज्जं ते दस्सामी”ति वुत्तन्ति वदन्ति। अपरे “अपरिपुण्णवीसतिवस्सस्सेव तस्स उपसम्पदं अनुजानन्तो सत्था ‘बुद्धदायज्जं ते दस्सामी’ति अवोचा”ति वदन्ति। उपसम्पादेत्वाति धम्मसेनापतिना उपज्झायेन उपसम्पादेत्वा।

नवयोजनसतिकं मज्झिमदेसपरियापन्नमेव, ततो परं नाधिप्पेतं दन्धतावसेन गमनतो। समन्ताति गतगतट्ठानस्स चतूसु पस्सेसु। अज्जेनपि कारणेनाति भिक्खून् समथविपस्सनातरुणभावतो अज्जेनपि मज्झिममण्डले वेनेय्यानं जाणपरिपाकादिकारणेन निक्खमति, अन्तोमण्डलं ओतरति। सत्तहि वातिआदि “एकं मासं वा”तिआदिना



वुत्तानुक्कमेन योजेतब्बं ।

सरीरफासुकत्थायाति एकस्मिंयेव ठाने निबद्धवासेन उस्सन्नधातुकस्स सरीरस्स विरेचनेन फासुभावत्थाय ।  
अट्ठप्पत्तिकालाभिकङ्खनत्थायाति अग्गिक्खन्धूपमसुत्तं (अ० नि० ७.७२) मघदेवजातकादिदेसनानं (जा० १.१.९) विय  
धम्मदेसनाय अट्ठप्पत्तिकालस्स आकङ्खनेन । सुरापानसिक्खापदपञ्जापने (पाचि० ३२६) विय सिक्खापदपञ्जापनत्थाय ।  
बोधनेय्यसत्ते अङ्गुलिमालादिके बोधनत्थाय । निबद्धवासञ्च पुग्गलं उद्दिस्स चारिका निबद्धचारिका ।

२५५. अपरिग्गहभावं कत्थचि अलग्गभावं दस्सेत्तुं “यूथं पहाय...पे०... मत्तहत्थी विया”ति वुत्तं ।  
असहायकिच्चोति सहायकिच्चरहितो सीहो विय । तेनस्स एकविहारितं तेजवन्ततञ्च दस्सेति । तदा पन कायविवेको न  
सक्का लब्धुन्ति इदमेत्थ कारणं दट्ठब्बं । बहूहीतिआदि पन सभावदस्सनवसेन वुत्तं । थेरस्स परिसा सुविनीता  
चिण्णगरुवासा गरुनो इच्छानुरूपमेव वत्तति ।

वुत्तकारणयुत्ते अद्धानगमने चारिकानं वोहारो सासने निरुळ्होति आह “किञ्चापी”तिआदि । केनचिदेव निमित्तेन  
किस्मिञ्चि अत्थे पवत्ताय सञ्जाय तन्निमित्तरहितेपि अज्जस्मिं पवत्ति रुळ्ही नाम । विजितमारत्ता सङ्गामविजयमहायोधो  
विय । अज्जं सेवित्वाति “मम आगतभावं सत्थु आरोचेही”ति आरोचनत्थं अज्जं भिक्खुं सेवित्वा ।

भगवा धम्मं देसेन्तो तंतंपुग्गलज्झासयानुरूपं तदनुच्छविकमेव धम्मिं कथं करोतीति दस्सेन्तो  
“चूळगोसिङ्गसुत्ते”तिआदिमाह । तत्थ सामगिरसानिसंसन्ति “कच्चि पन वो, अनुरुद्धा, समग्गा  
सम्मोदमाना”तिआदिना (म० नि० १.३२६) सामगिरसानिसंसं कथेसि । आवसथानिसंसन्ति “सीतं उण्हं  
पटिहनती”तिआदिना (चूळव० २९५, ३१५) आवसथपटिसंयुत्तं आनिसंसं । सतिपटिलाभिकन्ति जोतिपालत्थेरे लामकं  
ठानं ओतिण्णमत्ते महाबोधिपल्लङ्के पन सब्बज्जुतं पटिविज्झितुं पत्थनं कत्वा पारमियो पूरेन्तो आगतो । तादिसस्स नाम  
पमादविहारो न युत्तोति यथा कस्सपो भगवा बोधिसत्तस्स सतिं पटिलभितुं धम्मिं कथं कथेसि, तथा अयं भगवा तमेव  
पुब्बेनिवासपटिसंयुत्तकथं भिक्खूनं घटिकारसुत्तं (म० नि० २.२८२) कथेसि । चत्तारो धम्मुद्देसेति — “उपनीयति लोको  
अद्भुवो, अताणो लोको अनभिस्सरो, अस्सको लोको सब्बं पहाय गमनीयं, ऊनो लोको अतित्तो तण्हादासो चा”ति (म०  
नि० २.३०५) इमे चत्तारो धम्मुद्देसे कथेसि । कामज्चेते धम्मुद्देसा रट्टपालसुत्ते (म० नि० २.३०४) आयस्मता रट्टपालत्थेरेन  
रज्जो कोरब्बस्स कथिता, ते पन भगवतो एव आहरित्वा थेरेन तत्थ कथिताति वुत्तं “रट्टपालसुत्ते”तिआदि । तथा हि वुत्तं  
सुत्ते — “अत्थि खो, महाराज, तेन भगवता जानता पस्सता अरहता सम्मासम्बुद्धेन चत्तारो धम्मुद्देसा उद्दिट्ठा”तिआदि (म०  
नि० २.३०५) पानकानिसंसकथन्ति “अग्गिहुत्तं मुखं यज्जा”तिआदिना (म० नि० २.४००; सु० नि० ५७३) अनुमोदनं  
वत्त्वा पुन पकिण्णककथावसेन पानकपटिसंयुत्तं आनिसंसकथं कथेसि । एकीभावे आनिसंसं कथेसि, यं सन्धाय वुत्तं  
“अथ खो भगवा आयस्मन्तं भगुं धम्मिया कथाय सन्दस्सेसी”तिआदि (म० नि० ३.२३८) । अनन्तनयन्ति  
अपरिमाणदेसनानयं अप्पिच्छतादिपटिसंयुत्तं धम्मिं कथं । तेनाह “पुण्ण, अयम्पि अप्पिच्छकथायेवा”तिआदि बहूहि  
परियायेहि नानानयं देसेति । कथं तथा देसितं थेरो अज्जासीति आह “पटिसम्भिदापत्तस्स...पे०... अहोसी”ति ।

चारिकादिवण्णना निट्ठिता ।

सत्तविसुद्धिपज्जवण्णना

**२५६. ततो पट्टायाति ।** यदा जातिभूमका भिक्खू सत्थु सम्मुखा थेरस्स वण्णं भासिंसु, ततो पट्टाय । सीसानुलोकी हुत्वा पिड्डितो पिड्डितो अनुबन्धनं थेरेन समागमे आदरवसेन कतन्ति दट्ठब्बं । तथा हि वुत्तं पाठे “अप्पेव नामा”तिआदि, “तरमानरूपो”ति च । यं पन वुत्तं **अट्ठकथायं “एकस्मिं ठाने निलीन”**न्तिआदि, तं अकारणं । न हि धम्मसेनापति तस्स थेरस्स निसिन्नद्वानं अभिज्जाजाणेन जानितुं न सक्कोति । “कच्चि नु खो मं अदिस्वाव गमिस्सती”ति अयम्पि चिन्ता आदरवसेनेवाति युत्तं । न हि सत्थारं दट्ठं आगतो सावको अपि आयस्मा अज्जातकोण्डज्जो सत्थुकप्पं धम्मसेनापतिं तत्थ वसन्तं अदिस्वाव गच्छनको नाम अत्थि । **दिवाविहारन्ति सम्पदाने उपयोगवचनन्ति** आह **“दिवाविहारत्थाया”**ति ।

**२५७. पुरिमकथायाति पठमालापे । अप्पतिट्ठितायाति नप्पवत्तिताय । पच्छिमकथा न जायतीति पच्छा** वत्तब्बकथाय अवसरो न होति । **सत्त विसुद्धियो पुच्छि** दिट्ठसंसन्दनवसेन । **जाणदस्सनविसुद्धि** नाम अरियमग्गो । यस्मा ततो उत्तरिम्पि पत्तब्बं अत्थेव, तस्मा **“चतुपारिसुद्धिसीलादीसु ठितस्सपि ब्रह्मचरियवासो मत्थकं न पापुणाती”**ति वुत्तं । **तस्माति ब्रह्मचरियवासस्स मत्थकं अप्पत्तत्ता । सब्बं पटिक्खिपीति सत्तमम्पि पज्जं पटिक्खिपि**, इतरेसु वत्तब्बमेव नत्थि ।

**अप्पच्चयपरिनिब्बानन्ति** अनुपादिसेसनिब्बानमाह । इदानीं पकारन्तरेनपि अनुपादापरिनिब्बानं दस्सेतुं **“द्वेधा”**तिआदि वुत्तं । तत्थ **गहणूपादानन्ति** दळ्हग्गहणभूतं उपादानं । तेनाह **“कामुपादानादिक”**न्ति । **पच्चयूपादानन्ति** यं किञ्चि पच्चयमाह । सो हि अत्तनो फलं उपादियति उपादानवसेन गणहतीति **उपादानन्ति** वुच्चति । तेनाह **“पच्चयूपादानं नाम...पे०... पच्चया”**ति । **“अनुपादाय आसवेहि चित्तं विमुच्चती”**ति वचनतो (महाव० २८, ३०) **अरहत्तफलं अनुपादापरिनिब्बानन्ति कथेन्ति । न च उपादानसम्पयुत्तन्ति** उपादानेहि एतं न सहितं नापि उपादानेहि सह पवत्ति हुत्वा । **न च कच्चि धम्मं उपादियतीति** कस्सचि धम्मस्स आरम्मणकरणवसेन न उपादियति । **परिनिब्बुतन्तेति** अगमग्गेन कातब्बकिलेसपरिनिब्बानपरियोसानन्ते जातत्ता । **अमतधातुमेव अनुपादापरिनिब्बानं कथेन्ति**, कथेन्तानञ्च यथा तस्स कोचि पच्चयो नाम नत्थि, एवं अधिगतोपि यथा कोचि पच्चयो नाम न होति, तथा परिनिब्बानं अपच्चयपरिनिब्बानन्ति दस्सेन्तो **“अयं अन्तो”**तिआदिमाह । **पुन पुच्छं आरभि** अनुपादापरिनिब्बानं सरूपतो पतिट्ठापेतुकामो ।

**२५८. सब्बपरिवत्तेसूति** सब्बेसु पज्जपरिवत्तनेसु, पज्जवारेसूति अत्थो । **सगहणधम्ममेवाति** “एतं ममा”तिआदिना गणहतीति गहणं, सह गहणेनाति सगहणं, उपादानियन्ति अत्थो । विवट्टसन्निस्सितस्स अभावतो वट्टमेव अनुगतोति **वट्टानुगतो** । तेनाह **“चतुपारिसुद्धिसीलमत्तस्सपि अभावतो”**ति । यो पन चतुब्बिधे विवट्टपनिस्सये सीले ठितो, सोपि **“अज्जत्र इमेहि धम्मेही”**ति वत्तब्बतं अरहति ।

सत्तविसुद्धिपज्जवण्णना निट्ठिता ।

### सत्तरथविनीतवण्णना

**२५९. निस्सक्कवचनमेतं** “याव हेट्ठिमसोपानकळेवरा”तिआदीसु विय । **अत्थोति** पयोजनं । चित्तविसुद्धि हेत्थ सीलविसुद्धि पयोजेति तस्स तदत्थत्ता । **सीलविसुद्धिकिच्चं कतं नाम होति** समाधिसंवत्तनतो । समाधिसंवत्तनिका हि सीलविसुद्धि नाम । **सब्बपदेसूति** “चित्तविसुद्धि यावदेव दिट्ठिविसुद्धत्था”तिआदीसु सब्बपदेसु, दिट्ठिविसुद्धियं ठितस्स चित्तविसुद्धिकिच्चं कतं नाम होतीतिआदिना योजेतब्बं ।

सावत्थिनगरं विय सक्कायनगरं अतिक्कमितब्बत्ता । साकेतनगरं विय निब्बाननगरं पापुणितब्बत्ता ।  
 अच्चायिकस्स किच्चस्स उप्पादकालो विय नवमेनेव खणेन पत्तब्बस्स अभिसमयकिच्चस्स उपादकालो । यथा रज्जो  
 सत्तमेन रथविनीतेन साकेते अन्तेपुरद्वारे ओरुळ्हस्स न ताव किच्चं निट्ठितं नाम होति, संविधातब्बसंविधानं  
 जातिमित्तगणपरिवुत्तस्स सुरसभोजनपरिभोगे निट्ठितं नाम सिया, एवमेतं जाणदस्सनविसुद्धिया किलेसे खेपेत्वा तेसंयेव  
 पटिप्पस्सद्विपहानसाधकअरियफलसमङ्गिकाले अभिसमयकिच्चं निट्ठितं नाम होति । तेनाह “योगिनो...पे०... कालो  
 दट्ठब्बो”ति । तत्थ परोपण्णास कुसलधम्मा नाम चित्तुप्पादपरियापन्ना फस्सादयो परोपण्णास अनवज्जधम्मा ।  
 निरोधसयनेति निब्बानसयने ।

“विसुद्धियो”ति वा “कथावत्थूनी”ति वा अत्थतो एकं, ब्यज्जनमेव नानन्ति तेसं अत्थतो अनज्जभावं दस्सेतुं  
 “इती”ति आरब्धं । आयस्मा पुण्णो दस कथावत्थूनि विस्सज्जेसीति सत्त विसुद्धियो नाम विस्सज्जन्तोपि दस  
 कथावत्थूनि विस्सज्जेसि तेसं अत्थतो अनज्जत्ता । एतेनेव धम्मसेनापति सारिपुत्तत्थेरो सत्त विसुद्धियो पुच्छन्तो दस  
 कथावत्थूनि पुच्छीति अयम्पि अत्थो वुत्तोवाति वेदितब्बो । न्ति पज्हं । किं जानित्वा पुच्छीति विसुद्धिपरियायेन  
 कथावत्थूनि पुच्छामीति किं जानित्वा पुच्छि । दसकथावत्थुलाभिनं थेरं विसुद्धियो पुच्छन्तो पुच्छितद्धानेयेव पुच्छनेन किं  
 तित्थकुसलो वा पन हुत्वा विसयस्मिं पुच्छि, उदाहु पानीयत्थिकमतित्थेहि छिन्नतटेहि पातेन्तो विय अतित्थकुसलो हुत्वा  
 अपुच्छितब्बद्धाने अविसयस्मिं पुच्छीति योजना । इमिना नयेन विस्सज्जनपक्खेपि अत्थयोजना वेदितब्बा । यदत्थमस्स  
 विचारणा आरब्धा, तं दस्सेन्तेन “तित्थकुसलो हुत्वा”तिआदिं वत्वा विसुद्धिकथावत्थूनं अत्थतो अनज्जत्तेपि अयं  
 विसेसो वेदितब्बोति दस्सेतुं “यं ही”तिआदि वुत्तं । तदमिनाति यं “संखित्तं, वित्थिण्ण”न्ति च वुत्तं, तं इमिना इदानी  
 वुच्चमानेन नयेन विधिना वेदितब्बं ।

एका सीलविसुद्धीति विसुद्धीसु विसुं एका सीलविसुद्धि । दससु कथावत्थूसु चत्तारि कथावत्थूनि हुत्वा आगता  
 अप्पिच्छतादीहि विना सीलविसुद्धिया असम्भवतो । अप्पिच्छकथातिआदीसु कथासीसेन दसकथावत्थु गहितं ।  
 कथेतब्बत्ता वा वत्थु कथावत्थूति वुत्तं । एवञ्च उपकारतो, सभावतो वा चतुन्नं कथावत्थूनं सीलविसुद्धिसङ्गहो दट्ठब्बो ।  
 तिण्णं कथावत्थूनं चित्तविसुद्धिसङ्गहेपि एसेव नयो । पञ्च विसुद्धियोति नामरूपपरिच्छेदो दिट्ठिविसुद्धि,  
 सप्पच्चयनामरूपदस्सनं कङ्खावितरणविसुद्धि, विपस्सनुपक्किलेसे पहाय उप्पन्नं विपस्सनाजाणं  
 मग्गामग्गजाणदस्सनविसुद्धि, उदयब्बयजाणादि नवविधजाणं पटिपदाजाणदस्सनविसुद्धि, अरियमग्गजाणं  
 जाणदस्सनविसुद्धीति इमा पञ्च विसुद्धियो ।

सत्तरथविनीतवण्णना निट्ठिता ।

२६०. सम्मोदितुन्ति अनन्तरं वुच्चमानेन सम्मोदितुं । अट्ठानपरिकप्पेनाति अकारणस्स वत्थुनो परिकप्पनेन तदा  
 असम्भवन्तं अत्थं परिकप्पेत्वा वचनेन । अभिण्हदस्सनस्साति निच्चदस्सनस्स, नियतदस्सनस्साति अत्थो ।

उक्खिपीति गुणतो कथितभावेन उक्कंसेति । थेरस्साति आयस्मतो पुण्णत्थेरस्स । इमस्मिं ठाने इमस्मिं कारणे  
 एकपदेनेव सावकविसये अनज्जसाधारणगुणाविकरणनिमित्तं । इदानी तमेवत्थं पाकटतरं कातुं “अमच्चञ्ही”तिआदि  
 वुत्तं । अपचायमानोति पूजयन्तो ।

“अनुमस्स अनुमस्स पुच्छिता”ति वुत्तत्ता विचारणवसेनाह “किं पन पज्हस्स पुच्छनं भारियं उदाहु

**विस्सज्जन**”न्ति । **सहेतुकं कत्वा**ति युत्तायुत्तं कत्वा । **सकारणन्ति** तस्सेव वेवचनं । **पुच्छनम्पी**ति एवं सहधम्ममेन पुच्छितब्बमत्थं सयं सम्पादेत्वा पुच्छनम्पि भारियं दुक्करं । **विस्सज्जनम्पी**ति सहधम्ममेन विस्सज्जनम्पि दुक्करं । एवञ्चि विस्सज्जेन्तो विञ्चूनं चित्तं आराधेतीति । **यथानुसन्धिनाव देसना निट्ठिता**आदितो सपरिक्खारं सीलं, मज्झे समाधिं, अन्ते वसीभावप्पत्तं पज्जं दस्सेत्वा देसनाय निट्ठापितत्ताति ।

रथविनीतसुत्तवण्णनाय लीनत्थप्पकासना समत्ता ।

#### ५. निवापसुत्तवण्णना

**२६१.** निवप्पतीति निवापो, निवापं वत्तेति, निवापभोजनं वा एतस्साति **नेवापिको**, निवापेन मिगे पलोभेत्वा गण्हनकमागविको । **तिणबीजानी**ति निवापतिणबीजानि । **वप्पन्ति** सस्सं विय वपितब्बट्टेन वप्पं । “मयं विय अज्जे के ईदिसं लभिस्सन्ती”ति **मानमदं आपज्जिस्सन्ति** । **विस्सट्ठसतिभावन्ति** अनुस्सङ्कितपरिसङ्कितभावं । तिरच्छाना हि विजातियबलवतिरच्छानवसनट्टानेसु सासङ्का उब्बिगहदया अप्पमत्ता होन्ति विसेसतो मागविकादिमनुस्सूपचारे, रसतण्हाय पन बद्धा पमादं आपज्जस्सन्ति । निवपति एत्थाति **निवापो**, निवापभूमि निवापट्टानं । तेनाह “**निवापट्टाने**”ति । “यथाकामकरणीया”ति वुत्तमत्थं विवरितुं “**एकं किरा**”तिआदि वुत्तं । तत्थ **नीवारवनं विया**ति नीवारस्स समूहो विय । **नीवारो** नाम अरज्जे सयंजातवीहिजाति । **मेघमाला विया**ति मेघघटा विय । **एकग्घनन्ति** एकज्झं विय अविरट्ठं । **पक्कमन्ती**ति आसङ्कपरिसङ्का हुत्वा पक्कमन्ति । **कण्णे चालयमाना**ति अनासङ्कन्तानं पट्टाकारदस्सनं । **मण्डलगुम्बन्ति** मण्डलकाकारेण ठितं गुम्बं ।

**२६२.** **कप्पेत्वा**ति उपमाभावेन परिकप्पेत्वा । मिगे अत्तनो वसे वत्तापनं **वसीभावो** । सो एव इज्झनट्टेन **इद्धि**, पभावनट्टेन **आनुभावो** ।

**२६३.** भयेन भोगतोति भयेन सह सभयं निवापपरिभोगतो । **बलवीरियन्ति** कायबलज्च उट्टानवीरियज्च । अट्टकथायं पन बलमेव वीरियं । **बलन्ति** च सरीरबलं, तज्च अत्थतो मनसिकारमग्गेहि अपरापरं सञ्चरणकवातोति वुत्तं “**अपरापरं सञ्चरणवायोधातू**”ति ।

**२६४.** **सिक्खितकेराटिका**ति परिचितसाठेय्या, वज्चकाति अत्थो । **इद्धिमन्तो विय** आनुभाववन्तो विय । पचुरज्जेहि परभूता जाताति **परजना**, महाभूता । तेनाह “**यक्खा**”ति । **समन्ता सप्पदेसन्ति** समन्ततो पदेसवन्तं विपुलोकाससन्निवासट्टानं । तस्स पन सप्पदेसता महाओकासतायाति वुत्तं “**महन्तं ओकास**”न्ति ।

**२६५.** **घट्टेस्सन्ती**ति “सभयसमुट्टान”न्ति सज्जादानवसेन चित्तं चेतेस्सन्ति, तासेस्सन्तीति अत्थो । **परिच्चजिस्सन्ती**ति निब्बिसिस्सन्ति । **महल्लको**ति जातिया महल्लको जिण्णो । **दुब्बलो**ति ब्याधिवसेन, पकतिया वा बलविरहितो ।

**२६७.** निवापसदिसताय **निवापोति वा** । लोकपरियापन्नं हुत्वा किलेसेहि आमसितब्बताय **लोकामिसानीति वा** । वट्टे आमिसभूतत्ता **वट्टामिसभूतानं** । **वसं वत्तेतीति** कामगुणेहि कामगुणे गिद्धे सत्ते तस्सेव गोधस्स वसेन अत्तनो वसे वत्तेतीति । तेनाह —

“अन्तलिक्खचरो पासो, ख्वायं चरति मानसो ।

तेन तं बाधयिस्सामि, न मे समण मोक्खसी”ति ॥ (सं० नि० १.१५१; महाव० ३३) ।

अयन्ति पठममिगजातूपमा । वानपत्थस्स सतोव पपञ्चपरदत्तिकादिसपुत्तदारनिकखमनं सन्धायाह  
“सपुत्तभरियपब्बज्जाया”ति ।

२६८. कामतो चित्तस्स विमुत्ति इध चेतोविमुत्तीति अधिप्पेताति आह “चेतोविमुत्ति नाम... पे०...  
उप्पन्नअज्झासयो”ति । कामे विस्सज्जेत्वा पुन तत्थ निमुग्गताय दुतियसमणब्राह्मणा दुतियमिगजातूपमा वुत्ता ।

२६९. ततियसमणब्राह्मणा यथापरिच्चत्ते कामे परिच्चजित्वा एवं ठिता, न दुतिया विय तत्थ निमुग्गाति अधिप्पायेन  
“किं पन ते अकंसू”ति पुच्छति । इतरे कामं उजुकं कामगुणेषु न निमुग्गा, परियायेन पन निमुग्गा दिट्ठिजालेन च  
अज्झोत्थटाति दस्सेन्तो “गामनिगमजनपदराजधानियो”ति आदिमाह । दिट्ठिजालम्पि तण्हाजालानुगतमेवाति आह  
“मारस्स पापिमतो दिट्ठिजालेन परिक्खपित्वा”ति ।

२७१. खन्धकिलेसाभिसङ्खारमारा वा इध मारग्गहणेन गहिताति दट्ठब्बं । अक्खीनि भिन्दि दट्ठं  
असमत्थभावापादनेन । तेनाह “विपस्सनापादकज्झान”न्ति आदि । किञ्चापि मारो यं किञ्चि ज्ञानं समापन्नस्सपि  
भिक्खुनो चित्तं इमं नाम आरम्भणं निस्साय वत्ततीति न जानाति, इधाधिप्पेतस्स पन भिक्खुनो वसेन  
“विपस्सनापादकज्झान”न्ति वुत्तं । तेनेव परियायेनाति “न मारस्स अक्खीनि भिन्दी”ति एवमादिना यथावुत्तपरियायेन ।  
अदस्सनं गतोति एत्थापि एसेव नयो । चक्खुस्स पदं पतिट्ठाति च इध आरम्भणं अधिप्पेतं तं परिग्गह पवत्तनतोति आह  
“अप्पतिट्ठं निरारम्भण”न्ति । सोति मारो । दिस्वाति दस्सनहेतु । यस्मा मग्गेन चतुसच्चदस्सनहेतु आसवा न परिक्खीणा ।  
फलक्खणे हि ते खीणाति वुच्चन्तीति ।

लोकेति सत्तलोके सङ्खारलोके च । सत्तविसत्तभावेनाति लग्गभावेन चेव सविसेसं आसत्तभावेन च । अथ  
वाति आदिना निद्देसनयवसेन (महानि० ३, चूळनि० मेत्तगूमाणवपुच्छानिद्देस २२, २३; चूळनि० खग्गविसाणसुत्तनिद्देस  
१२४) विसत्तिकापदं निद्दिसति । विसताति वित्थटा रूपादीसु तेभूमकधम्मेषु ब्यापनवसेन विसटाति पुरिमवचनमेव  
तकारस्स टकारं कत्वा वुत्तं । विसालाति विपुला । विसक्कतीति परिसक्कति सहति । रत्तो हि रागवत्थुना पादेन  
तालियमानोपि सहति । ओसक्कनं, विप्फन्दनं वा विसक्कनन्तिपि वदन्ति । विसंहरतीति यथा तथा कामेषु आनिसंसं  
दस्सेन्ती विविधेहि आकारेहि नेक्खम्माभिमुखप्पवत्तितो चित्तं संहरति सङ्घिपति, विसं वा दुक्खं, तं हरति उपनेतीति अत्थो ।  
विसंवादिकाति अनिच्चादिं निच्चादितो गण्हापेन्ती विसंवादिका होति । दुक्खनिब्बत्तकस्स कम्मस्स हेतुभावतो विसमूला,  
विसं वा दुक्खदुक्खादिभूता वेदना मूलं एतिस्साति विसमूला । दुक्खसमुदयत्ता विसं फलं एतिस्साति विसफला । तण्हाय  
रूपादिकस्स दुक्खस्सेव परिभोगो होति, न अमतस्साति सा “विसपरिभोगा”ति वुत्ता । सब्बत्थ निरुत्तिवसेन सद्वसिद्धि  
वेदितब्बा । यो पनेत्थ पधानो अत्थो, तं दस्सेतुं पुन “विसाला वा पना”ति आदि वुत्तं । नित्तिण्णो उत्तिण्णोति  
उपसग्गवसेन पदं वड्ढितं । निरवसेसतो वा तिण्णो नित्तिण्णो । तेन तेन मग्गेन उद्धमुद्धं तिण्णो उत्तिण्णो । यं पनेत्थ अत्थतो  
अविभत्तं, तं सुविज्जेय्यमेव ।

निवापसुत्तवण्णनाय लीनत्थप्पकासना समत्ता ।

## ६. पासरासिसुत्तवण्णना

२७२. साधुमयन्ति एत्थ साधु-सद्दो आयाचनत्थो, न “साधावुसो”तिआदीसु (सं० नि० १.२४६; सु० नि० १८२) विय अभिनन्दनादिअत्थोति आह “आयाचन्ता”ति। तेनाह पाळियं “लभेय्यामा”तिआदि वुत्तं। न सक्कोन्ति, कस्मा? बुद्धा हि गरू होन्ति, परमगरू उत्तमं गारवट्ठानं, न यथा तथा उपसङ्कमनीया। तेनाह “एकचारिको सीहो”तिआदि।

“पाकटकिरियाया”ति सङ्खेपेन वुत्तं विवरितुं “यं ही”तिआदि वुत्तं। भगवा सब्बकालं किमेवमकासीति? न सब्बकालमेवमकासि। यदा पन अकासि, तं दस्सेतुं “भगवा पठमबोधिय”न्तिआदि वुत्तं। मनुस्सत्तभावेति इमिना पुरिसत्तभावं उल्लिङ्गेति। धनपरिच्चागो कतो नाम नत्थि भगवतो धरमानकालेति अधिप्पायो।

मालाकचवरन्ति मिलातमालाकचवरं। रजोजल्लं न उपलिम्पति अच्छतरछविभावतो। वुत्तज्जेतं “सुखुमत्ता छविया काये रजोजल्लं न लिम्पती”ति। यदि एवं कस्मा भगवा नहायतीति आह “उतुग्गहणत्थ”न्ति।

विहारोति जेतवनविहारो। वीसतिउसभं गावुतस्स चतुत्थो भागोति वदन्ति। कदाचीति कस्मिञ्चि बुद्धुप्पादे। अचलमेवाति अपरिवत्तमेव अनञ्जभावतो, मञ्चानं पन अप्पमहन्तताहि पादानं पतिट्ठितट्ठानस्स हानिवट्ठियो होन्तियेव।

यन्तनाळिकाहि परिपुण्णसुवण्णरसधाराहि। न्हानवत्तन्ति “पब्बजितेन नाम एवं न्हायितब्ब”न्ति न्हानचारित्तं दस्सेत्वा। यस्मा भगवतो सरीरं सुधन्तचामीकरसमानवण्णं सुपरिसोधितपवाळरुचिरकरचरणावरं सुविसुद्धनीलरतनावळिसदिसकेसतनुरुहं, तस्मा तहं तहं विनिस्सतजातिहिङ्गुलकरसूपसोभितं उपरि महग्घरतनावळिसञ्छादितं जङ्गममिव कनकगिरिसिखरं विरोचित्थ। तस्मिञ्च समये दसबलस्स सरीरतो निक्खमित्वा छब्बण्णरस्मियो समन्ततो असीतिहत्थप्पमाणे पदेसे आधावन्ती विधावन्ती रतनावळिरतनदाम-रतनचुण्ण-विप्पकिण्णं विय, पसारितरतनचित्तकञ्चनपट्टमिव, आसिञ्चमानलाखारसधारा-चित्तमिव, उक्कासतनिपातसमाकुलमिव, निरन्तरं विप्पकिण्ण-कणिकार-किङ्किणिक-पुप्फमिव, वायुवेगसमुद्धत-चिनपिट्टचुण्ण-रञ्जितमिव, इन्दधनु-विज्जुलता-वितानसन्थतमिव, गगनतलं तं ठानं पवनञ्च सम्मा फरन्ति। तेन वुत्तं “वण्णभूमि नामेसा”तिआदि। अत्थन्ति उपमेय्यत्थं। उपमायोति “ईदिसो च होती”ति यथारहं तदनुच्छविका उपमा। कारणानीति उपमुपमेय्यसम्बन्धविभावनानि कारणानि। पूरेत्वाति वण्णनं परिपुण्णं कत्वा। थामो वेदितब्बो “अतित्थे पक्खन्दो”ति अवत्तब्बत्ता।

२७३. कणिकाति सरीरगतबिन्दुकतानि मण्डलानि। परिक्खारभण्डन्ति उत्तरासङ्गं सङ्घाटिञ्च सन्धाय वदति। किं पनायं नयो बुद्धानम्पि सरीरे होतीति? न होति, वत्तदस्सनत्थं पनेतं कतन्ति दस्सेतुं “बुद्धानं पना”तिआदि वुत्तं। गमनवसेन कायस्साभिनीहरणं गमनाभिहारो। यथाधिप्पायावत्तनं अधिप्पायकोपनं।

अञ्जतराय पारमियाति नेक्खम्मपारमिया। वीरियपारमियाति अपरे। महाभिनिक्खमनस्साति महन्तस्स चरिमभवे अभिनिक्खमनस्स। तज्झि महन्तं भोगक्खन्धं महन्तञ्च जातिपरिवट्ठं महन्तञ्च चक्कवत्तिसिरिं पजहित्वा सदेवकस्स लोकस्स समारकस्स च अचिन्तेय्यापरिमेय्यभेदस्स महतो अत्थाय हिताय सुखाय पवत्तत्ता महनीयताय च महन्तं अभिनिक्खमनन्ति वुच्चति।

पुरिमोति “कतमाय नु कथाय सन्निसिन्ना भवथा”ति एवं वुत्तअत्थो। का च पन वोति एत्थ च-सद्दो ब्यतिरेके। तेन यथापुच्छिताय कथाय वक्खमानं विप्पकतभावं जोतेति। पन-सद्दो वचनालङ्कारे। याय हि कथाय ते भिक्खू सन्निसिन्ना, सा

एव अन्तराकथाभूता विप्पकता विसेसेन पुन पुच्छीयति । अञ्जाति अन्तरा-सदस्स अत्थमाह । अञ्जत्थो हि अयं अन्तरा-सदो “भूमन्तरं (ध० स० अट्ठ० निदानकथा) समयन्तरं”न्तिआदीसु विय, अन्तराति वा वेमज्जेति अत्थो । दसकथावत्थुनिस्सिताति “किं सीलं नाम, कथञ्च पूरेतब्बं, कानि चस्स संकिलेसवोदानानी”तिआदिना अप्पिच्छादिनिस्सिता सीलादिनिस्सिता च कथा । अरियोति निद्वोसो । अथ वा अत्थकामेहि अरणीयोति अरियो, अरियानं अयन्ति वा अरियोति । भावनामनसिकारवसेन तुण्ही भवन्ति, न एकच्चबाहिरकपब्बजिता विय मूगब्बतसमादानेन । दुतियज्झानम्पि अरियो तुण्हीभावो वचीसङ्खारपहानतो । मूलकम्मट्टानन्ति पारिहारिय कम्मट्टानम्पि । ज्ञानन्ति दुतियज्झानं ।

२७४. “सन्निपतितानं वो, भिक्खवे, द्वय”न्ति (म० नि० १.२७३; उदा० १२, २८, २९) अट्ठप्पत्तिवसेन देसना पवत्ताति तस्सा उपरिदेसनाय सम्बन्धं दस्सेतुं “द्वेमा, भिक्खवे, परियेसनाति को अनुसन्धी”ति अनुसन्धिं पुच्छति । अयं तुम्हाकं परियेसनाति या महाभिनिक्खमनपटिबद्धा धम्मी कथा, सा तुम्हाकं धम्मपरियेसना धम्मविचारणा अरियपरियेसना नाम । अपायमग्गन्ति अनत्थावहं मग्गं । उद्देसानुक्कमं भिन्दित्वाति उद्देसानुपुब्बिं लङ्घित्वा । धम्म-सदो “अमोसधम्मं निब्बान”न्तिआदीसु विय पकतिपरियायो । जायनसभावोति जायनपकतिकोति अत्थो । सेसपदेसुपि एसेव नयो ।

सब्बत्थाति यथा “पुत्तभरिय”न्ति द्वन्दसमासवसेन एकत्तं, एस नयो सब्बत्थ “दासिदास”न्तिआदीसु सब्बपदेसु । परतो विकारं अनापज्जित्वा सब्बदा जातरूपमेव होतीति जातरूपं, सुवण्णं । धवलसभावताय रज्जीयतीति रजतं, रूपियं । इध पन सुवण्णं ठपेत्वा यं किञ्चि उपभोगपरिभोगारहं रजतंतेव गहितं । उपधीयति एत्थ दुक्खन्ति उपधयो । चुतीसङ्घातं मरणन्ति एकभवपरियापन्नं खन्धनिरोधसङ्घातं मरणमाह । खणिकनिरोधो पन खणे खणे । तेनाह “सत्तानं विया”ति । संकिलिस्सतीति दूसविसेन विय अत्तानं दूसिस्सति । तेनाह भगवा — “पज्जिमे, भिक्खवे, जातरूपस्स उपक्किलेसा अयो लोह”न्तिआदि (अ० नि० ५.२३) । मलं गहेत्वाति येहि सहयोगतो मलिनं होति, तेसं मलिनभावपच्चयानं वसेन मलं गहेत्वा । जीरणतो जराधम्मवारे जातरूपं गहितन्ति योजना । ये पन जातिधम्मवारेपि जातरूपं न पठन्ति, तेसं इतरेसं विय जीरणधम्मवारे सरूपतो अनागतम्पि उपधिग्गहणेन गहितमेवाति दट्ठब्बं । परिग्गहे ठितानं पन वसेन वुच्चमाने अपाकटानम्पि जातिजरामरणानं वसेन योजना लब्धतेव । जातरूपसीसेन चेत्य सब्बस्सपि अनिन्द्रियबद्धस्स गहणं दट्ठब्बं, पुत्तभरियादिग्गहणेन विय मित्तामच्चादिग्गहणं ।

२७५. अरियेहि परियेसना, अरियानं परियेसनाति वा अरियपरियेसनाति समासद्वयं दस्सेति “अयं, भिक्खवे”तिआदिना ।

२७६. मूलतो पट्टायाति यं महाभिनिक्खमनस्स मूलभावेसुआदीनवदस्सनं, ततो पट्टाय । यस्मा ते भिक्खू तत्थ महाभिनिक्खमनकथाय सन्निसिन्ना, सा च नेसं अन्तराकथा विप्पकता, तस्मा भगवा तेसं मूलतो पट्टाय महाभिनिक्खमनकथं कथेतुं आरभि । अहम्पि पुब्बेति विसेसवचनं अपरिपक्कजाणेन सयं चरिमभवे तीसु पासादेसु तिविधनाटकपरिवारस्स दिब्बसम्पत्तिसदिसाय महासम्पत्तिया अनुभवनं, अभिनिक्खमित्वा पधानपदहनवसेन अत्तकिलमथानुयोगञ्च सन्धायाह । अनरियपरियेसनं परियेसिन्ति एत्थापि एसेव नयो । पञ्चवग्गियापीति यथासकं गिहिभोगं अनुयुत्ता तं पहाय पब्बजित्वा अत्तकिलमथानुयोगे ठिता सत्थु धम्मचक्कपवत्तनदेसनाय (सं० नि० ५.१०८१; महाव० १३; पटि० म० २.३०) तम्पि पहाय अरियपरियेसनं परियेसिंसूति ।

२७७. कामं दहर-सदो “दहरं कुमारं मन्दं उत्तानसेय्यक”न्ति (म० नि० १.४९६) एत्थ बालदारके आगतो, “भद्रेन योब्वनेन समन्नागतो”ति पन वक्खमानत्ता युवावत्था इध दहर-सद्वेन वुत्ताति आह “तरुणोव समानो”ति । पठमवयेन एकूनतिसवयत्ता । जातिया हि याव तेत्तिसवया पठमवयो । अनादरत्थे सामिवचनं यथा “देवदत्तस्स रुदन्तस्स पब्बजी”ति । कामं अस्सुमुच्चनं रोदनं, तं अस्सुमुखानन्ति इमिना पकासितं, तं पन वत्वा “रुदन्तान”न्ति वचनं बलवसोकसमुद्धानं आरोदनवत्थुं पकासेतीति आह “कन्दित्वा रोदमानान”न्ति । किं कुसलन्ति गवेसमानोति किन्ति सब्बसो अवज्जरहितं एकन्त नित्थानिकं परियेसमानो । वरपदन्ति वट्टदुक्खनिस्सरणत्थिकेहि एकन्तेन वरणीयट्टेन वरं, पज्जितब्बट्टेन पदं । तुङ्गसरीरताय दीघो, पिङ्गलचक्खुताय पिङ्गलोति दीघपिङ्गलो । धम्मोति विनयो, समयोति अत्थो । सुत्वाव उग्गणिहन्ति तेन वुच्चमानस्स सवनमत्तेनेव उग्गणिं वाचुग्गतं अकासिं ।

पटिलपनमत्तकेनाति पुन लपनमत्तकेन । जानातीति जाणो, जाणोति वादो जाणवादो, तं जाणवादं । “वदामी”ति आगतत्ता अट्ठकथायं “जानामी”ति उत्तमपुरिसवसेन अत्थो वुत्तो । अज्जेपि बहूति अज्जेपि बहू मम तथाभावं जानन्ता “अयं इमं धम्मं जानाती”ति, “अकम्पनीयताय थिरो”ति वा एवं वदन्ति । लाभीति अज्जासीति धम्मस्स उद्दिसनेन महापज्जताय “अयं अत्तना गतमग्गं पवेदेति, न अनुस्सुतिको”ति अज्जासि । अस्साति बोधिसत्तस्स । एतदहोसीति एतं “न खो आळारो कालामो”तिआदि मनसि अहोसि, चिन्तेसीति अत्थो ।

हेट्ठिमसमापत्तीहि विना उपरिमसमापत्तीनं सम्पादनस्स असम्भवतो “सत्त समापत्तियो मं जानापेसी”ति आह । पयोगं करेय्यन्ति भावनं अनुयुज्जेय्यन्ति अत्थो । एवमाहाति एवं “अहं, आवुसो”तिआदिमाह, सत्तन्नं समापत्तीनं अधिगमं पच्चज्जासीति अत्थो ।

अनुसूयकोति अनिस्सुकी । तेन महापुरिसे पसादं पवेदेसि । बोधिसत्तस्स ता समापत्तियो निब्बत्तेत्वा ठितस्स पुरिमजातिपरिचयेन जाणस्स च महन्तताय तासं गति च अभिसम्परायो च उपट्ठासि । तेन “वट्टपरियापन्ना एवेता”ति निच्छयो उदपादि । तेनाह “नायं धम्मो निब्बिदाया”तिआदि । एकच्चानं विरागभावनासमतिक्कमावहोपि नेव तेसम्पि अच्चन्ताय समतिक्कमावहो, सयज्च वट्टपरियापन्नोयेव, तस्मा नेव वट्टे निब्बिन्दनत्थाय, यदग्गेन न निब्बिदाय, तदग्गेन न विरज्जनत्थाय, रागादीनं पापधम्मानं न निरुज्झनत्थाय, न उपसमत्थाय, तस्मा तं अभिज्जेय्यधम्मं न अभिजाननत्थाय... पे०... संवत्ततीति योजना ।

यावदेव आकिञ्चज्जायतनुपपत्तियाति सत्तसु समापत्तीसु उक्कट्ठं गहेत्वा वदति । उट्ठाय समुट्ठाय अचुतिधम्मं परियेसितुं युत्तत्ता तज्च अनतिक्कन्तजातिधम्ममेवाति महासत्तो पजहतीति आह “यज्च ठानं पापेती”तिआदि । ततो पट्ठायाति यदा समापत्तिधम्मस्स गतिज्च अभिसम्परायज्च अब्भज्जासि, ततो पट्ठाया । मक्खिकावसेनाति भोजनस्स मक्खिकामिस्सतावसेन । मनं न उप्पादेति भुज्जितुन्ति अधिप्पायो । महन्तेन उस्साहेनाति इदं कतिपाहं तत्थ भावनानुयोगमत्तं सन्धाय वुत्तं, न अज्जेसं विय कसिणपरिकम्मादिकरणं । न हि अन्तिमभविकबोधिसत्तानं समापत्तिनिब्बत्तने भारियं नाम । अनलङ्करित्वाति अनु अनु अलंकत्वा पुनप्पुनं “इमिना न किञ्चि पयोजन”न्ति कत्वा ।

२७८. वाचाय उग्गहितमत्तोवाति एत्थ पुब्बे वुत्तनयानुसारेण अत्थो वेदितब्बो ।

२७९. महावेला विय महावेला, विपुलवालिकपुज्जताय महन्तो वेलातटो वियाति अत्थो । तेनाह “महावालिकरासीति अत्थो”ति । उरु मरु सिकता वालुका वण्णु वालिकाति इमे सद्वा समानत्था, ब्यज्जनमेव नानं ।



सेना निगच्छि निविसि एत्थाति **सेनानिगमो**, सेनाय निविट्टुट्ठानं । **सेनानिगामो**ति पन अयं समज्जा अपरकालिका । गोचरगामनिदस्सनज्जेतं । **उपरिसुत्तस्मिन्ति** महासच्चकसुत्ते । **इध पन बोधिपल्लङ्को अधिप्पेतो** अरियपरियेसनाय वुच्चमानत्ता ।

२८०. “जाणदस्सन”न्ति च एकज्झं गहितपदद्वयविसयविसेसस्स अनामट्टत्ता “मे”ति च गहितत्ता अनवसेसजेय्यावबोधनसमत्थमेव जाणविसेसं बोधेति, न जाणमत्तं, न दस्सनमत्तन्ति आह “**सब्बधम्मदस्सनसमत्थज्ज मे सब्बज्जुतज्जाणं उदपादी**”ति । **अकुप्पतायाति** विमोक्खन्तताय सब्बसो पटिपक्खधम्मोहि असङ्खोभनीयताय । तेनाह “**रागादीहि न कुप्पती**”ति । आरम्मणसन्ततायपि तदारम्मणानं अत्थि विसेसो यथा तं “**आनेज्जविहारे**”ति आह “**अकुप्पारम्मणताय चा**”ति । **पच्चवेक्खणजाणम्पीति** न केवलं सब्बज्जुतज्जाणमेव, अथ खो यथाधिगते पटिवेधसद्धम्मे एकूनवीसतिविधपच्चवेक्खणजाणम्पि ।

२८१. **पटिविद्धोति** (दी० नि० टी० २.६४; सं० नि० टी० १.१.१७२; सारत्थ० टी० महावग्ग ३.७) सयम्भुजाणेन “इदं दुक्खं”न्तिआदिना पटिमुखं निब्बिज्जनवसेन पत्तो, यथाभूतं अवबुद्धोति अत्थो । **गम्भीरोति** महासमुद्धो विय मकसतुण्डसूचिया अज्जत्र समुपचितपरिपक्वजाणसम्भारेहि अज्जेसं जाणेन अलब्भनेय्यपटिडो । तेनाह “**उत्तानभावपटिक्खेपवचनमेत**”न्ति । यो अलब्भनेय्यपटिडो, सो ओगाहितुमसक्कुणेय्यताय सरूपतो च पस्सितुं न सक्काति आह “**गम्भीरत्ताव दुदसो**”ति । **दुक्खेन दट्टब्बोति** किच्छेन केनचिदेव दट्टब्बो । यं पन दट्टमेव न सक्का, तस्स ओगाहेत्वा अनु अनु बुज्झने कथा एव नत्थीति आह “**दुदसत्ताव दुरनुबोधो**”ति । **दुक्खेन अवबुज्झितब्बो** अवबोधस्स दुक्करभावतो । इमस्मिं ठाने — “तं किं मज्जथ, भिक्खवे, कतमं नु खो दुक्करतरं वा दुरभिसम्भवतरं वा”ति **सुत्तपदं** (सं० नि० ५.१११५) वत्तब्बं । सन्तारम्मणताय वा **सन्तो** । निब्बुतसब्बपरिळाहताय **निब्बुतो** । पधानभावं नीतोति वा **पणीतो** । अतित्तिकरट्टेन **अतप्पको** सादुरसभोजनं विय । एत्थ च निरोधसच्चं सन्तं आरम्मणन्ति **सन्तारम्मणं**, मगगसच्चं सन्तं सन्तारम्मणज्जाति **सन्तारम्मणं** । अनुपसन्तसभावानं किलेसानं सङ्खारानज्ज अभावतो निब्बुतसब्बपरिळाहताय सन्तपणीतभावेनेव च असेचनकताय अतप्पकता दट्टब्बा । तेनाह “**इदं द्वयं लोकुत्तरमेव सन्धाय वुत्त**”न्ति । उत्तमजाणविसयत्ता **न तक्केन अवचरितब्बो**, ततो एव निपुणजाणगोचरताय च **सण्हो** । सुखुमसभावत्ता च **निपुणो**, बालानं अविशयत्ता पण्डितेहि एव वेदितब्बोति **पण्डितवेदनीयो** । आलीयन्ति अभिरमितब्बट्टेन सेवीयन्तीति **आलया**, पच्च कामगुणा । आलयन्ति अल्लीयन्ती अभिरमणवसेन सेवन्तीति **आलया**, तण्हाविचरितानि । **रमन्तीति** रतिं विन्दन्ति कीळन्ति लळन्ति । **आलयरताति** आलयनिरता ।

**ठानं सन्धायाति** ठान-सद्वं सन्धाय । अत्थतो पन **ठानन्ति** च पटिच्चसमुप्पादो एव अधिप्पेतो । तिड्ढति फलं तदायत्तवुत्तितायाति **ठानं**, सङ्खारादीनं पच्चयभूता अविज्जादयो । इमेसं सङ्खारादीनं पच्चयाति इदप्पच्चया, अविज्जादयोव । इदप्पच्चया एव **इदप्पच्चयता** यथा “देवो एव देवता”ति, इदप्पच्चयानं वा अविज्जादीनं अत्तनो फलं पति पच्चयभावो उप्पादनसमत्थता **इदप्पच्चयता** । तेन समत्थपच्चयलक्खणो पटिच्चसमुप्पादो दस्सितो होति । पटिच्च समुप्पज्जति फलं एतस्माति **पटिच्चसमुप्पादो** । पदद्वयेनपि धम्मानं पच्चयट्टो एव विभावितो । तेनाह “**सङ्खारादिपच्चयानं एतं अधिवचन**”न्ति । अयमेत्थ सङ्खेपो, वित्थारो पन **विसुद्धिमगगसंवण्णनायं** (विसुद्धि० महाटी० २.५७२-५७३) वुत्तनयेन वेदितब्बो ।

**सब्बसङ्खारसमथोतिआदि सब्बन्ति** सब्बसङ्खारसमथादिसद्दाभिधेय्यं सब्बं अत्थतो **निब्बानमेव** । इदानि तस्स

निब्बानभावं दस्सेतुं “यस्मा ही”तिआदि वुत्तं । न्ति निब्बानं । आगम्माति पटिच्च अरियमग्गस्स आरम्माणपच्चयभावहेतु । सम्मन्तीति अप्पटिसन्धिकूपसमवसेन सम्मन्ति । तथा सन्ता सविसेसं उपसन्ता नाम होन्तीति आह “वूपसम्मन्ती”ति । एतेन “सब्बे सङ्खारा सम्मन्ति एत्थाति सब्बसङ्खारसमथो, निब्बान”न्ति दस्सेति । सब्बसङ्खारतविसंयुत्ते च निब्बाने सब्बसङ्खारवूपसमपरियायो हेट्ठा वुत्तनयेनेव वेदितब्बो । सेसपदेसुपि एसेव नयो । पटिनिस्सट्ठाति समुच्छेदवसेन परिच्चत्ता होन्ति । सब्बा तण्हाति अट्ठसतप्पभेदा सब्बापि तण्हा । सब्बे किलेसरागाति कामरागरूपरागादिभेदा सब्बेपि किलेसभूता रागा, सब्बेपि वा किलेसा इध “किलेसरागा”ति वेदितब्बा, न लोभविसेसा एव चित्तस्स विपरिणतभावापादनतो । यथाह “रत्तम्पि चित्तं विपरिणतं, दुट्ठम्पि चित्तं विपरिणतं, मूळ्हम्पि चित्तं विपरिणत”न्ति (पारा० २७१) । विरज्जन्तीति पलुज्जन्ति ।

चिरनिसज्जाचिरभासनेहि पिट्ठिआगिलायनतालुगलसोसादिवसेन कायकिलमथो चेव कायविहेसा च वेदितब्बा । सा च खो देसनाय अत्थं अजानन्तानं वसेन वुत्ता, जानन्तानं पन देसनाय कायपरिस्समोपि सत्थु अपरिस्समोव । तेनाह भगवा — “न च मं धम्माधिकरणं विहेसेसी”ति (उदा० १०) । तेनेवाह “या अजानन्तानं देसना नाम, सो मम किलमथो अस्सा”ति । उभयन्ति चित्तकिलमथो चेव चित्तविहेसा चाति उभयम्पेतं बुद्धानं नत्थि बोधिमूलेयेव समुच्छिन्नत्ता ।

अनुब्रूहं सम्पिण्डनं । सोति “अपिस्सू”ति निपातो । मन्ति पटि-सद्वयोगेन सामिअत्थे उपयोगवचनन्ति आह “ममा”ति । वुद्धिप्पत्ता वा अच्छरिया अनच्छरिया । वुद्धिअत्थोपि हि अ-कारो होति यथा “असेक्खा धम्मा”ति (ध० स० ११.तिकमातिका) । कप्पानं सतसहस्सं चत्तारि च असङ्ख्येय्यानि सदेवकस्स लोकस्स धम्मसंविभागकरणत्थमेव पारमियो पूरेत्वा इदानी अधिगतधम्मरज्जस्स तत्थ अप्पोस्सुक्कतापत्तिदीपनता, गाथात्थस्स अच्छरियता, तस्स वुद्धिप्पत्ति चाति वेदितब्बं । अत्थद्वारेन हि गाथानं अनच्छरियता । गोचरा अहेसुन्ति उपट्ठहेसुं । उपट्ठानञ्च वितक्केतब्बताति आह “परिवितक्कयितब्बतं पापुणिंसू”ति ।

यदि सुखापटिपदाव, कथं किच्छताति आह “पारमीपूरणकाले पना”तिआदि । एवमादीनि दुप्परिच्चजानि देन्तस्स । ह-इति वा “ब्यत्त”न्ति एतस्मिं अत्थे निपातो । एकंसत्थेति केचि । ह ब्यत्तं, एकंसेन वा अलं निप्पयोजनं एवं किच्छेन अधिगतस्स धम्मस्स देसितन्ति योजना । हलन्ति वा “अल”न्ति इमिना समानत्थं पदं “हलन्ति वदामी”तिआदीसु (दी० नि० टी० २.६५; सं० नि० टी० १.१.१७२) विय । रागदोसपरिफुट्ठेहीति फुट्ठविसेन विय सप्पेन रागेन दोसेन च सम्फुट्ठेहि अभिभूतेहि । रागदोसानुगतेहीति रागेन च दोसेन च अनुबन्धेहि ।

कामरागरत्ता भवरागरत्ता च नीवरणेहि निवुतताय, दिट्ठिरागरत्ता विपरीताभिनिवेसेन । न दक्खन्तीति याथावतो धम्मं न पटिविज्झिस्सन्ति । एवं गाहापेतुन्ति “अनिच्च”न्तिआदिना सभावेन याथावतो धम्मं जानापेतुं । रागदोसपरेततापि नेसं सम्मूळ्हावेनेवाति आह “तमोखन्धेन आवुटा”ति ।

२८२. धम्मदेसनाय अप्पोस्सुक्कतापत्तिया कारणं विभावेतुं “कस्मा पना”तिआदिना सयमेव चोदनं समुट्ठापेति । तत्थ अज्जातवेसेनाति इमस्स भगवतो सावकभावूपगमनेन अज्जातरूपेन । तापसवेसेनाति केचि । सो पन अरहत्ताधिगमेनेव विगच्छेय्य । तिविधं कारणं अप्पोस्सुक्कतापत्तिया पटिपक्खस्स बलवभावो, धम्मस्स गम्भीरता, तत्थ च सातिसयं गारवन्ति, त दस्सेतुं “तस्स ही”तिआदि आरब्धं । (तत्थ पटिपक्खा नाम रागादयो किलेसा सम्मापटिपत्तिया अन्तरायकरत्ता । तेसं बलवभावतो चिरपरिभावनाय सत्तसन्तानतो दुब्बिसोध्यताय ते सत्ते मत्तहत्थिनो विय दुब्बलपुरिसं अधिभवित्वा अज्झोत्थरित्वा अनयव्यसनं आपादेन्ता अनेकसतयोजनायामवित्थारं सुनिचितं घनसन्निवेसं कण्टकदुग्गम्पि

अधिसेन्ति । दूरप्पभेददुच्छेज्जताहि दुब्बिसोधियतं पन दस्सेतुं “अथस्सा”तिआदि वुत्तं । तत्थ च अन्तो अमट्ठताय कज्जियपुण्णा लाबु । चिरपारिवासिकताय तक्कभरिता चाटि । स्नेहतित्तदुब्बलभावेन वसापीतपिलोतिका । तेलमिस्सितताय अज्जनमक्खितहत्थो दुब्बिसोधनीया वुत्ता, हीनूपमा चेता रूपपबन्धभावतो अचिरकालिकत्ता च मलीनताय, किलेससंकिलेसो एव पन दुब्बिसोधनीयतरो अनादिकालिकत्ता अनुसयितत्ता च । तेनाह “अतिसंकिलिट्ठा”ति । यथा च दुब्बिसोधनीयतरताय, एवं गम्भीरदुद्धसदुरनुबोधानम्पि वुत्तउपमा हीनूपमाव) ।

पटिपक्खविगमनेन गम्भीरोपि धम्मो सुपाकटो भवेय्य । पटिपक्खविगमनं पन सम्मापटिपत्तिपटिबद्धं, सा सद्धम्मस्सवनाधीना । तं सत्थरि धम्मे च पसादायत्तं, सो गरुट्ठानियानं अज्झेसनहेतुकोति पनाळिकाय सत्तानं धम्मसम्पटिपत्तिया ब्रह्मयाचनानिमित्तन्ति तं दस्सेन्तो “अपिचा”तिआदिमाह ।

उपक्विलेसभूतं अप्पं रागादिरजं एतस्साति अप्परजं, अप्परजं अक्खि पज्जाचक्खु येसं ते तंसभावाति कत्वा अप्परजक्खजातिकाति अयमत्थो विभावितो “पज्जामये”तिआदिना । अप्पं रागादिरजं येसं तंसभावा अप्परजक्खजातिकाति एवम्पि सद्धत्थो सम्भवति । दानादिदसपुज्जकिरियवत्थूनि सरणगमनपरहितपरिणामनेहि सद्धिं (द्वादस होन्तीति) “द्वादसपुज्जकिरियवसेना”ति वुत्तं ।

रागादिमलेन समलेहि पूरणादीहि छहि सत्थारेहि सत्थुपटिज्जेहि कब्बरचनावसेन चिन्ताकविआदिभावे ठत्वा तक्कपरियाहतं वीमंसानुचरितं सयंपटिभानं चिन्तितो । ते किर बुद्धकोलाहलानुस्सवेन सज्जातकुतूहलं लोकं वज्जेत्वा कोहज्जे ठत्वा सब्बज्जुतं पटिजानन्ता यं किज्चि अधम्मंयेव धम्मोति दीपेसुं । तेनाह “ते हि पुरेतरं उप्पज्जित्वा”तिआदि । अपापुरेत्तन्ति एतं कस्सपस्स भगवतो सासनन्तरधानतो पभुति पिहितं निब्बाननगरस्स महाद्वारं अरियमगं सद्धम्मदेसनाहत्थेन अपापुर विवर ।

सेलपब्बतो उच्चो होति थिरो च, न पंसुपब्बतो मिस्सकपब्बतो चाति आह “सेले यथा पब्बतमुद्धनी”ति । धम्ममयं पासादन्ति लोकुत्तरधम्ममाह । सो हि सब्बसो पसादावहो, सब्बधम्मे अतिक्कम्म अब्भुगतट्ठेन पासादसदिसो च । पज्जापरियायो वा इध धम्म-सद्धो । सा हि अब्भुगतट्ठेन “पासादो”ति अभिधम्मे (ध० स० अट्ठ० १६) निद्धिडा । तथा चाह

“पज्जापासादमारुह, असोको सोकिनिं पजं ।

पब्बतट्ठोव भूमट्ठे, धीरो बाले अवेक्खती”ति ॥ (ध० प० २८) ।

उट्ठेहीति वा धम्मदेसनाय अप्पोस्सुक्कतासङ्घातसङ्कोचापत्तितो किलासुभावतो उट्ठह ।

२८३. गरुट्ठानियं पयिरुपासित्वा गरुतरं पयोजनं उट्ठिस्स अभिपत्थना अज्झेसना, सापि अत्थतो याचनाव होतीति आह “अज्झेसनन्ति याचन”न्ति । पदेसविसयं जाणदस्सनं अहुत्वा बुद्धानंयेव आवेणिकभावतो इदं जाणद्वयं “बुद्धचक्खू”ति वुच्चतीति आह “इमेसज्झि द्विन्नं जाणानं बुद्धचक्खूति नाम”न्ति । तिण्णं मग्गजाणानन्ति हेट्ठिमानं तिण्णं मग्गजाणानं “धम्मचक्खू”ति नामं चतुसच्चधम्मदस्सनमत्तभावतो । यतो तानि जाणानि विज्जूपमभावेन वुत्तानि, अगमग्गजाणं पन जाणकिच्चस्स सिखाप्पत्तिया न दस्सनमत्तं होतीति “धम्मचक्खू”ति न वुच्चति, ततो तं वजिरूपमभावेन वुत्तं । वुत्तनयेनाति “अप्परजक्खा”ति एत्थ वुत्तनयेन । यस्मा मन्दकिलेसा “अप्परजक्खा”ति वुत्ता,

तस्मा बहलकिलेसा “महारजक्खा”ति वेदितव्वा । पटिपक्खविधमनसमत्थताय तिव्खानि सूरानि विसदानि, वुत्तविपरियायेन मुदूनि । सद्धादयो आकाराति सद्धहनादिप्पकारे वदति । सुन्दराति कल्याणा । सम्मोहविनोदनियं (विभ० अट्ठ० ८१४) पन “येसं आसयादयो कोट्टासा सुन्दरा, ते स्वाकारा, विपरीता द्वाकारा”ति वुत्तं, तं इमाय अत्थवण्णनाय अज्जदत्थु संसन्दति समेतीति दट्ठब्बं । कारणं नाम पच्चयाकारो, सच्चानि वा ।

अयं पनेत्थ पाळीति एत्थ अप्परजक्खादिपदानं अत्थविभावने अयं तस्सत्थस्स विभावनी पाळि । सद्धादीनं विमुत्तिपरिपाचकधम्मानं बलवभावो तप्पटिपक्खानं पापधम्मानं दुब्बलभावेनेव होति, तेसज्ज बलवभावो सद्धादीनं दुब्बलभावेनाति विमुत्तिपरिपाचकधम्मानं अत्थितानत्थितावसेन अप्परजक्खमहारजक्खतादयो पाळियं विभजित्वा दस्सिता । खन्धादयो एव लुज्जनपलुज्जनट्टेन लोको । सम्पत्तिभवभूतो लोको सम्पत्तिभवलोको, सुगतिसङ्घातो उपपत्तिभवो । सम्पत्ति सम्भवति एतेनाति सम्पत्तिसम्भवलोको । सुगतिसंवत्तनियो कम्मभवो । दुग्गति सङ्घातउपपत्तिभवदुग्गति संवत्तनियकम्मभवा विपत्तिभवलोकविपत्तिसम्भवलोका ।

पुन एककदुकादिवसेन लोकं विभजित्वा दस्सेतुं “एको लोको”ति आदि वुत्तं । आहारादयो विय हि आहारट्टितिका सङ्घारा लुज्जनपलुज्जनट्टेन लोकोति । एत्थ एको लोको सब्बे सत्ता आहारट्टितिकाति यायं पुग्गलाधिष्ठानाय कथाय सब्बसङ्घारानं पच्चयायत्तवुत्ति, ताय सब्बे सङ्घारा एकोव लोको एकविधो पकारन्तरस्स अभावतो । द्वे लोकाति आदीसुपि इमिना नयेन अत्थो वेदितव्वो । नामग्गहणेन चेत्य निब्बानस्स अग्गहणं तस्स अलोकसभावत्ता । ननु च आहारट्टितिकाति एत्थ पच्चयायत्तवुत्तिताय मग्गफलानम्पि लोकता आपज्जतीति? नापज्जति परिज्जेय्यानं दुक्खसच्चधम्मानं इध “लोको”ति अधिप्पेतत्ता । अथ वा न लुज्जति न पलुज्जतीति यो गहितो तथा न होति, सो लोकोति तं-ग्गहरहितानं लोकुत्तरानं नत्थि लोकता । उपादानानं आरम्भणभूता खन्धा उपादानक्खन्धा । दसायतनानीति दस रूपायतनानि । सेसमेत्थ सुविज्जेय्यमेव ।

विवट्टज्झासयस्स अधिप्पेतत्ता तस्स च सब्बं तेभूमककम्मं गरहितव्वं वज्जितव्वज्ज हुत्वा उपट्ठातीति वुत्तं “सब्बे अभिसङ्घारा वज्जं, सब्बे भवगामिकम्मा वज्ज”न्ति । अप्परजक्खमहारजक्खादीसु पज्जसु दुकेसु एकेकस्मिं दस दस कत्वा “पज्जासाय आकारेहि इमानि पज्जिन्द्रियानि जानाती”ति वुत्तं । अथ वा अन्वयतो ब्यतिरेकतो च सद्धादीनं इन्द्रियानं परोपरियत्तं जानातीति कत्वा तथा वुत्तं । एत्थ च अप्परजक्खादिभब्बादिवसेन आवज्जेन्तस्स भगवतो ते सत्ता पुज्जपुज्जाव हुत्वा उपट्ठहन्ति, न एकेका ।

उप्पलानि एत्थ सन्तीति उप्पलिनी, गच्छोपि जलासयोपि, इध पन जलासयो अधिप्पेतोति आह “उप्पलवने”ति । यानि उदकस्स अन्तो निमुग्गानेव हुत्वा पुसन्ति वट्ठन्ति, तानि अन्तोनिमुग्गपोसीनि । दीपितानीति अट्ठकथायं पकासितानि, इधेव वा “अज्जानिपी”ति आदिना भासितानि ।

उग्घटितज्जूति उग्घटितं नाम जाणुग्घटनं, जाणे उग्घटितमत्ते एव जानातीति अत्थो । विपज्जितं वित्थारितमेव अत्थं जानातीति विपज्जितज्जू । उद्देसादीहि नेतव्वोति नेय्यो । सह उदाहटवेलायाति उदाहारे उदाहटमत्तेयेव । धम्माभिसमयोति चतुसच्चधम्मस्स जाणेन सद्धिं अभिसमयो । अयं वुच्चतीति अयं “चत्तारो सतिपट्ठाना”ति आदिना नयेन संखित्तेन मातिकाय ठपियमानाय देसनानुसारेण जाणं पेसेत्वा अरहत्तं गणितुं समत्थो पुग्गलो “उग्घटितज्जू”ति वुच्चति । अयं वुच्चतीति अयं संखित्तेन मातिकं ठपेत्वा वित्थारेण अत्थे विभजियमाने अरहत्तं पापुणितुं समत्थो पुग्गलो “विपज्जितज्जू”ति वुच्चति । उद्देसतोति उद्देसहेतु, उद्दिसन्तस्स, उद्दिसापेन्तस्स वाति अत्थो । परिपुच्छतोति अत्थं

परिपुच्छन्तस्स । अनुपुब्बेन धम्माभिसमयो होतीति अनुक्कमेन अरहत्तप्पत्ति होति । न ताय जातिया धम्माभिसमयो होतीति तेन अत्तभावेन मग्गं वा फलं वा अन्तमसो झानं वा विपस्सनं वा निब्बत्तेतुं न सक्कोति । अयं वुच्चति पुग्गलो पदपरमोति अयं पुग्गलो व्यञ्जनपदमेव परमं अस्साति पदपरमोति वुच्चति ।

कम्मावरणेनाति (विभ० अट्ठ० ८२६) पञ्चविधेन आनन्तरियकम्मेन । विपाकावरणेनाति अहेतुकपटिसन्धिया । यस्मा पन दुहेतुकानम्पि अरियमग्गपटिवेधो नत्थि, तस्मा दुहेतुका पटिसन्धिपि “विपाकावरणमेवा”ति वेदितब्बा । किलेसावरणेनाति नियतमिच्छादिट्ठिया । अस्सद्धाति बुद्धादीसु सद्धारहिता । अच्छन्दिकाति कत्तुकम्पताकुसलच्छन्दरहिता । उत्तरकुरुका मनुस्सा अच्छन्दिकट्ठानं पविट्ठा । दुप्पञ्जाति भवङ्गपञ्जाय परिहीना । भवङ्गपञ्जाय पन परिपुण्णायपि यस्स भवङ्गं लोकुत्तरस्स पच्चयो न होति, सोपि दुप्पञ्जो एव नाम । अभब्बा नियामं ओक्कमितुं कुसलेसु धम्मेसु सम्मत्तन्ति कुसलेसु धम्मेसु सम्मत्तनियामसङ्घातं मग्गं ओक्कमितुं अधिगन्तुं अभब्बा । न कम्मावरणेनातिआदीनि वुत्तविपरियायेन वेदितब्बानि ।

निब्बानस्स द्वारं पविसनमग्गो । विवरित्वा ठपितो महाकरुणूपनिस्सयेन सयम्भुजाणेन अधिगतत्ता । सद्धं पमुञ्चन्तूति अत्तनो सद्धं पवेसेन्तु, सद्धहनाकारं उपट्टपेन्तूति अत्थो । सुखेन अकिच्छेन पवत्तनीयताय सुप्पवत्तितं । न भासिं न भासिस्सामीति चिन्तेसिं ।

२८४. धम्मं देसेस्सामीति एवं पवत्तितधम्मदेसनापटिसंयुत्तस्स वितक्कस्स सत्तमसत्ताहतो परं अट्टमसत्ताहेयेव उपपन्नत्ता वुत्तं “अट्टमे सत्ताहे”ति । न इतरसत्ताहानि विय पटिनियतकिच्चलक्खितस्स अट्टमसत्ताहस्स नाम पवत्तितस्स सत्तावा ।

विवटन्ति देवताविग्गहेन विवटअङ्गपच्चङ्गनिद्दाय जनानं पाकटं विप्पकारन्ति अत्थो । “बुद्धत्तं अनधिगन्त्वा न पच्चागमिस्सामी”ति उपपन्नवितक्कातिसयहेतुकेन पथवीपरिवत्तनचेतियं नाम दस्सेत्वा । साकियकोलियमल्लरज्जवसेन तीणि रज्जानि । रुक्खमूलेति निग्रोधमूले । वत्त्वा पक्कामि, पक्कमन्तिया चस्सा महासत्तो आकारं दस्सेसि सुवण्णथालगहणाय, सा “तुम्हाकं तं परिच्चत्तमेवा”ति पक्कामि ।

दिवाविहारं कत्वाति नानासमापत्तियो समापज्जनेन दिवाविहारं विहरित्वा । “कामं तचो च न्हारु च, अट्ठि च अवसिस्सतु, उपसुस्सतु सरीरे मंसलोहित”न्तिआदिना सुत्ते (म० नि० २.१८४; सं० नि० २.२३७; अ० नि० २.५; ८.१३; महानि० १७, १९६) आगतनयेन चतुरङ्गवीरियं अधिट्ठित्वा ।

नवयोजनन्ति उब्बेधतो वुत्तं, पुथुलतो द्वादसयोजना, दीघतो याव चक्कवाळा आयताति वदन्ति । अज्झोत्थरन्तो उपसङ्कमित्वा — “उट्ठेहि सो, सिद्धत्थ, अहं इमस्स पल्लङ्कस्स अनुच्छविको”ति वत्त्वा तत्थ सक्खिं ओतारेन्तो अत्तनो परिसं निद्विसि । एकप्पहारेनेव — “अयमेव अनुच्छविको, अयमेव अनुच्छविको”ति कोलाहलमकासि, तं सुत्त्वा महासत्तो... पे०... हत्थं पसारेलि । यं सन्धाय वुत्तं —

“अचेतनायं पथवी, अविज्जाय सुखं दुखं ।

सापि दानबला मद्धं, सत्तक्खत्तुं पक्कमत्था”ति ॥ (चरिया० १.१२४) ।

पुब्बेनिवासजाणं विसोधेत्वाति आनेत्वा सम्बन्धो सीहावलोकनजायेन । **वट्टविवट्टं सम्मसित्वाति** चतुसच्चमनसिकारं सन्धायाह । **इमस्स पल्लङ्कस्स अत्थायाति** पल्लङ्कसीसेन अधिगतविसेसं दस्सेति । तत्थ हि सिखाप्पत्तविमुत्तिसुखं अविजहन्तो अन्तरन्तरा च पटिच्चसमुप्पादङ्गं मनसिकरोन्तो एकपल्लङ्केन निसीदि । **एकच्चानन्ति** या अधिगतमग्गा सच्छिकतनिरोधा एकदेसेन च बुद्धगुणे जानन्ति, ता ठपेत्वा तदञ्जेसं देवतानं । **अञ्जेपि बुद्धत्तकराति** विसाखापुण्णमतो पट्टाय रत्तिन्दिवं एवं निच्चसमाहितभावहेतुकानं बुद्धगुणानं उपरि अञ्जेपि बुद्धत्तसाधका, “अयं बुद्धो”ति बुद्धभावस्स परेसं विभावना धम्मा किं नु खो अत्थीति योजना ।

**अनिमिसेहीति** धम्मपीतिविष्कारवसेन पसादविकसितनिच्चलताय निमेषरहितेहि । **रतनचङ्कमेति** देवताहि मापिते रतनमयचङ्कमे । रतनभूतानं सत्तन्नं पकरणानं तत्थ च अनन्तनयस्स धम्मरतनस्स सम्मसनेन तं ठानं **रतनघरचेतियं नाम जातन्तिपि** वदन्ति । **एवन्ति** वक्खमानाकारेन । छब्बण्णानं रस्मीनं दन्तेहि निक्खमनतो **छदन्तनागकुलं वियाति** निदस्सनं वुत्तं ।

**हेट्टा लोहपासादप्पमाणोति** नवभूमकस्स सब्बपठमस्स लोहपासादस्स हेट्टा लोहपासादप्पमाणो । **खन्धकटुकथायं** (महाव० अट्ठ० ५) पन तत्थ “भण्डागारगब्भप्पमाण”न्ति वुत्तं ।

**पच्चग्घेति** अभिनवे । पच्चवेकं महग्घताय **पच्चग्घेति** केचि, तं न सुन्दरं । न हि बुद्धा भगवन्तो महग्घं पटिग्गण्हन्ति परिभुज्जन्ति वा । **पिण्डपातन्ति** एत्थ मन्थज्ज मधुपिण्डिकज्ज सन्धाय वदति । **अयं वितक्कोति** — “कस्स नु खो अहं पठमं धम्मं देसेय्य”न्ति अयं परिवितक्को ।

**पण्डिच्चेनाति** समापत्तिपटिलाभसंसिद्धेन अधिगमबाहुसच्चसङ्घातेन पण्डितभावेन । **वेय्यत्तियेनाति** समापत्तिपटिलाभपच्चयेन पारिहारियपज्जासङ्घातेन व्यक्तभावेन । **मेधावीति** तिहेतुकपटिसन्धिपज्जासङ्घाताय तंतंइतिकत्तब्बतापज्जासङ्घाताय च मेधाय समन्नागतोति एवम्पेत्य अत्थो दट्टब्बो । **महाजानियोति** महापरिहानिको । **आगमनपादापि नत्थीति** इदं पठमं वत्तब्बं, अथाहं तत्थ गच्छेय्यं, गन्त्वा देसियमानं धम्मम्पिस्स सोतुं सोतपसादोपि नत्थीति योजना । किं पन भगवता अत्तनो बुद्धानुभावेन ते धम्मं जापेतुं न सक्काति? आम, न सक्का । न हि परतो घोसं अन्तरेन सावकानं धम्माभिसमयो सम्भवति, अज्जथा इतरपच्चयरहितस्सपि धम्माभिसमयेन भवितब्बं, न च तं अत्थि । वुत्तहेतं — “द्वेमे, भिक्खवे, पच्चया सम्मादिट्ठिया उप्पादाय परतो च घोसो अज्झत्तज्ज योनिसोमनसिकारो”ति (अ० नि० २.१२७) । पाळियं रामस्सेव समापत्तिलाभिता आगता, न उदकस्स, तं तस्स बोधिसत्तेन समागतकालवसेन वुत्तं । सो हि पुब्बेपि तत्थ युत्तप्पयुत्तो विहरन्तो महापुरिसेन खिप्पज्जेव समापत्तीनं निब्बत्तितभावं सुत्वा संवेगजातो महासत्ते ततो निब्बिज्ज पक्कन्ते घटेन्तो वायमन्तो नचिरस्सेव अट्ठ समापत्तियो निब्बत्तेसि । तेन वुत्तं “**नेवसज्जानासज्जायतने निब्बत्तोति अदसा**”ति । एते अट्ठ ब्राह्मणाति सम्बन्धो । **छळङ्गवाति** छळङ्गविदुनो । **मन्तन्ति** मन्तपदं । “निज्झायित्वा”ति वचनसेसो, मन्तेत्वाति अत्थो । **वियाकरिंसूति** कथेसुं ।

**यथामन्तपदन्ति** लक्खणमन्तसङ्घातवेदवचनानुरूपं । **गताति** पटिपन्ना । “द्वेव गतियो भवन्ति अनज्जा”ति (दी० नि० २.३३; ३.१९९-२००; म० नि० २.३८४, ३९८) वुत्तनियामेन निच्छिनितुं असक्कोन्ता ब्राह्मणा वुत्तमेव पटिपज्जिंसु, न महापुरिसस्स बुद्धभावप्पत्तिं पच्चासीसिंसु । **इमे पन** कोण्डज्जादयो **पज्ज** “एकंसतो बुद्धो भविस्सती”ति जातनिच्छयत्ता मन्तपदं अतिक्कन्ता । **पुण्णपत्तन्ति** तुट्ठिदानं । **निब्बितक्काति** निब्बिकप्पा, न द्वेधा तक्का ।

वप्पकालेति वपनकाले । वपनत्थं बीजानि नीहरणन्तेन तत्थ अगं गहेत्वा दानं बीजगदानं नाम । लायनग्गादीसुपि एसेव नयो । धञ्जफलस्स नातिपरिणतकाले पुथुककाले । लायनेति सस्सलायने । यथा लूनं हत्थकं कत्वा वेणिवसेन बन्धनं वेणिकरणं । वेणियो पन पुरिसभारवसेन बन्धनं कलापो । खले कलापानं ठपनदिवसे अगं गहेत्वा दानं खलगं । मदित्वा वीहीनं रासिकरणदिवसे अगं गहेत्वा दानं भण्डगं । कोट्टागारे धञ्जस्स पक्खिपनदिवसे दानं कोट्टगं । उद्धरित्वाति खलतो धञ्जस्स उद्धरित्वा । नवन्नं अगगदानानं दिन्नत्ताति इदं तस्स रत्तञ्जूनं अगगभावत्थाय कताभिनीहारानुरूपं पवत्तितसावकपारमिया चिण्णन्ते पवत्तितत्ता वुत्तं । तिण्णम्पि हि बोधिसत्तानं तंतंपारमिया सिखाप्पत्तकाले पवत्तितं पुज्जं अपुज्जं वा गरुतरविपाकमेव होति, धम्मस्स च सब्बपठमं सच्छिकिरियाय विना कथं रत्तञ्जूनं अगगभावसिद्धीति । बहुकारा खो इमे पच्चवगियाति इदं पन उपकारानुस्सरणमत्तकमेव परिचयवसेन आळारुदकानुस्सरणं विय ।

२८५. विवरेति मज्जे । तेनाह “तिगावुत्तन्तरे ठाने”ति । अयोजियमाने उपयोगवचनं न पापुणाति सामिवचनस्स पसङ्गे अन्तरा-सहयोगेन उपयोगवचनस्स इच्छितत्ता । तेनाह “अन्तरासद्देन पन युत्तत्ता उपयोगवचनं कत”न्ति ।

सब्बं तेभूमकधम्मं अभिभवित्वा परिज्जाभिसमयवसेन अतिक्कमित्वा । चतुभूमकधम्मं अनवसेसं जेय्यं सब्बसो जेय्यावरणस्स पहीनत्ता सब्बञ्जुतज्जाणेन अवेदिं । रज्जनदुस्सनमुहनादिना किलेसेन । अप्पहातब्बम्पि कुसलाब्बाकतं तप्पटिबद्धकिलेसमथनेन पहीनत्ता न होतीति आह “सब्बं तेभूमकधम्मं जहित्वा ठितो”ति । आरम्मणतोति आरम्मणकरणवसेन ।

किञ्चापि लोकीयधम्मानम्पि यादिसो लोकनाथस्स अधिगमो, न तादिसो अधिगमो परूपदेसो अत्थि, लोकुत्तरधम्मे पनस्स लेसोपि नत्थीति आह “लोकुत्तरधम्मे मय्हं आचरियो नाम नत्थी”ति । पटिभागपुग्गलोति सीलादीहि गुणेहि पटिनिधिभूतो पुग्गलो । सहेतुनाति सहधम्मेन सपाटिहीरकताय । नयेनाति अभिजाननतादिविधिना । चत्तारि सच्चानीति इदं तब्बिनिमुत्तस्स जेय्यस्स अभावतो वुत्तं । सयं बुद्धोति सयमेव सयम्भुजाणेन बुद्धो । विगतपरिळाहताय सीतिभूतो । ततो एव निब्बुतो । आहञ्छन्ति आहनिस्सामि । वेनेय्यानं अमताधिगमाय उग्घोसनादिं कत्वा सत्थु धम्मदेसना अमतदुन्दुभीति वुत्ता ।

अनन्तजाणो जितकिलेसोति अनन्तजिनो । एवम्पि नाम भवेय्याति एवंविधे नाम रूपरतने ईदिसेन जाणेन भवितव्वन्ति अधिप्पायो । अयं हिस्स पब्बज्जाय पच्चयो जातो, कताधिकारो चेस । तथा हि भगवा तेन समागमत्थं पदसाव तं मगं पटिपज्जि ।

कोट्टाससम्पन्नाति अङ्गपच्चङ्गसङ्घातअवयवसम्पन्ना । अट्टीयतीति अट्टो होति, दोमनस्सं आपज्जतीति अत्थो ।

अविहं उपपन्नासेति अविहेसु निब्बत्ता । विमुत्ताति अगगफलविमुत्तिया विमुत्ता । ते हित्वा मानुसं देहं, दिब्बयोगं उपज्झगुन्ति ते उपका दयो मानुसं अत्तभावं जहित्वा ओरम्भागियसंयोजनप्पहानेन अविहेसु निब्बत्तमत्ताव अगगमग्गाधिगमेन दिब्बयोगं उद्धम्भागियसंयोजनं समतिक्कमिंसु ।

२८६. सण्ठपेसुन्ति “नेव अभिवादेतब्बो”तिआदिना (महाव० १२) सण्ठं किरियाकारं अकंसु । तेनाह “कतिकं अकंसू”ति । पधानतोति पुब्बे अनुट्ठितदुक्करचरणतो । पभावितन्ति वाचासमुद्धानं, वचीनिच्छारणन्ति अत्थो । “अयं न

किञ्चि विसेसं अधिगमिस्सती”ति अनुक्कण्ठनत्थं । “मयं यत्थ कत्थचि गमिस्सामा”ति मा वितक्कयित्थ । ओभासोति विपस्सनोभासो । निमित्तन्ति कम्मट्ठाननिमित्तं । एकपदेनेवाति एकवचनेनेव । “अनेन पुब्बेपि न किञ्चि मिच्छा वुत्तपुब्ब”न्ति सतिं लभित्वा । यथाभूतवादीति उप्पन्नगारवा ।

अन्तोविहारेयेव अहोसि दहरकुमारो विय तेहि भिक्खूहि परिहरितो । मलेति संकिलेसे । गामतो भिक्खूहि नीहटं उपनीतं भत्तं एतस्साति नीहटभत्तो, तेन नीहटभत्तेन भगवता । एत्तकं कथामग्गन्ति — “द्वेमा, भिक्खवे, परियेसना”ति आरभित्वा याव — “नत्थि दानि पुनब्भवो”ति पदं, एत्तकं देसनामग्गं । कामज्जेत्थ — “तुम्हेपि ममज्जेव पञ्चवगियानज्ज मग्गं आरुळ्हा, अरियपरियेसना तुम्हाकं परियेसना”ति अट्ठकथावचनं । तेन पन — “सो खो अहं, भिक्खवे, अत्तना जातिधम्मो समानो...पे०... असंकिलिट्ठं अनुत्तरं योगक्खेमं निब्बानं अज्झगमन्ति, अथ खो, भिक्खवे, पञ्चवगिया भिक्खू मया एवं ओवदियमाना...पे०... अनुत्तरं योगक्खेमं निब्बानं अज्झगमंसु...पे०... नत्थि दानि पुनब्भवो”ति इमस्सेव सुत्तपदस्स अत्थो विभावितोति कत्वा वुत्तं “भगवा यं पुब्बे अवच तुम्हेपि ममज्जेव पञ्चवगियानज्ज मग्गं आरुळ्हा, अरियपरियेसना तुम्हाकं परियेसनाति । इमं एकमेव अनुसन्धिं दस्सेन्तो आहरी”ति ।

२८७. अनगारियानम्पीति पब्बजितानम्पि । पञ्चकामगुणवसेन अनरियपरियेसना होति गधितादिभावेन परिभुञ्जनतो । मिच्छाजीववसेनपि अनरियपरियेसना होतीति ततो विसेसनत्थं “पञ्चकामगुणवसेना”ति वुत्तं सच्छन्दरागपरिभोगस्स अधिप्पेतत्ता । इदानीं चतूसु पच्चयेसु कामगुणे निद्वारेतुं “तत्था”तिआदि वुत्तं । परिभोगरसोति परिभोगपच्चयपीतिसोमनस्सं । अयं पन रससमानतावसेन गहणं उपादाय “रसो”ति वुत्तो, न सभावतो । सभावेन गहणं उपादाय पीतिसोमनस्सं धम्मरम्मणं सिया, न रसारम्मणं । अप्पच्चवेक्खणपरिभोगोति पच्चवेक्खणरहितो परिभोगो, इदमत्थितं अनिस्साय गधितादिभावेन परिभोगोति अत्थो । गधिताति तण्हाय बद्धा । मुच्छिताति मुच्छं मोहं पमादं आपन्ना । अज्झोगाळ्हाति अधिओगाळ्हा, तं तं आरम्मणं अनुपविसित्वा ठिता । आदीनवं अपस्सन्ताति सच्छन्दरागपरिभोगे दोसं अजानन्ता । अपच्चवेक्खितपरिभोगहेतुआदीनवं निस्सरति अतिक्कमति एतेनाति निस्सरणं, पच्चवेक्खणजाणं ।

पासरासिन्ति पाससमुदायं । लुट्ठको हि पासं ओड्ढेन्तो न एकंयेव, न च एकस्मिंयेव ठाने ओड्ढेति, अथ खो तंतंमिगानं आगमनमग्गं सल्लक्खेत्वा तत्थ तत्थ ओड्ढेन्तो बहूयेव ओड्ढेति, तस्मा ते चित्तेन एकतो गहेत्वा “पासरासी”ति वुत्तं । वागुरस्स वा पासपदेसानं बहुभावतो “पासरासी”ति वुत्तं ।

पासरासिसुत्तवण्णनाय लीनत्थप्पकासना समत्ता ।

## ७. चूळहत्थिपदोपमसुत्तवण्णना

२८८. सेतपरिवारोति सेतपटिच्छदो, सेतवण्णालङ्कारोति अत्थो । पुब्बे पन “सेतालङ्कारा”ति अस्सालङ्कारो गहितो, इध चक्कपञ्जरकुब्बरादिरथावयवेसु कातब्बालङ्कारो । एवं वुत्तेनाति एवं “सेताय सुद”न्तिआदिना पकारेन संयुत्तमहावग्गे (सं० नि० ५.४) वुत्तेन । नातिमहा युद्धमण्डले सञ्चारसुखत्थं । योधो सारथीति द्विन्नं, पहरणदायकेन सद्धिं तिण्णं वा ।

नगरं पदक्खिणं करोति नगरसोभनत्थं । इदं किर तस्स ब्राह्मणस्स जाणुस्सोणिट्ठानन्तरं जातिसिद्धं परम्परागतं



चारित्तं । तेनाह “इतो एतकेहि दिवसेही”तिआदि । चारित्तवसेन नगरवासिनोपि तथा तथा पटिपज्जन्ति । पुज्जवादिमङ्गलकथने नियुक्ता **माङ्गलिका** । सुवत्थिपत्तनाय **सोवत्थिका** । आदि-सद्देन वन्दीआदीनं सङ्गहो । **यससिरिसम्पत्तिया**ति यससम्पत्तिया सिरिसम्पत्तिया च, परिवारसम्पत्तिया चेव विभवसोभासम्पत्तिया चाति अत्थो ।

**नगराभिमुखो पायासि** अत्तनो भिक्खाचारवेलाय । **पण्डितो मज्जे**ति एत्थ **मज्जे**ति इदं “मज्जती”ति इमिना समानत्थं निपातपदं । तस्स इति-सदं आनेत्वा अत्थं दस्सेन्तो “**पण्डितोति मज्जती**”ति आह । अनुमतिपुच्छावसेन चेतं वुत्तं । तेनेवाह “**उदाहु नो**”ति । “तं किं मज्जति भवं वच्छायनो समणस्स गोतमस्स पज्जावेय्यत्तियं”न्ति हि वुत्तमेवत्थं पुन गण्हन्तो “**पण्डितो मज्जे**”ति आह । तस्मा वुत्तं “**भवं वच्छायनो, समणं गोतमं पण्डितोति मज्जति, उदाहु नो**”ति, यथा ते खमेय्य, तथा नं कथेहीति अधिप्पायो ।

**अहं को नाम**, मम अविसयो एसोति दस्सेति । **को चाति** हेतुनिस्सक्के पच्चत्तवचनन्ति आह “**कुतो चा**”ति । तथा चाह “**केन कारणेन जानिस्सामी**”ति, येन कारणेन समणस्स गोतमस्स पज्जावेय्यत्तियं जानेय्यं, तं कारणं मयि नत्थीति अधिप्पायो । **बुद्धोयेव भवेय्य**, अबुद्धस्स सब्बथा बुद्धजाणानुभावं जानितुं न सक्काति । वुत्तज्हेतं — “अप्पमत्तकं खो पनेतं, भिक्खवे, ओरमत्तकं सीलमत्तकं, येन पुथुज्जनो तथागतस्स वण्णं वदमानो वदेय्य (दी० नि० १.७), अत्थि, भिक्खवे, अज्जेव धम्मा गम्भीरा दुद्दसा दुरनुबोधा ...पे०... येहि तथागतस्स यथाभुच्चं वण्णं सम्मा वदमानो वदेय्या”ति (दी० नि० १.२८) च । **एत्थाति** “सोपि नूनस्स तादिसोवा”ति एतस्मिं पदे । **पसत्थ पसत्थोति** पसत्थेहि अत्तनो गुणेहेव सो पसत्थो, न तस्स किञ्चिना, पसंसासभावेनेव पासंसोति अत्थो । तेनाह “**सब्बगुणान**”न्तिआदि । **मणिरतनन्ति** चक्कवत्तिनो मणिरतनं । सदेवके लोके पासंसानम्पि पासंसोति दस्सेतुं “**पसत्थेहि वा**”ति दुतियविकप्पो गहितो ।

अरणीयतो अत्थो, सो एव वसतीति वसोति **अत्थवसो**, तस्स तस्स पयोगस्स आनिसंसभूतं फलन्ति आह “**अत्थवसन्ति अत्थानिसंस**”न्ति । अत्थो वा वुत्तलक्खणो वसो एतस्साति **अत्थवसो**, कारणं । **नागवनवासिकोति** हत्थिनागानं विचरणवने तेसं गहणत्थं वसनको । **अनुगगहितसिप्पोति** असिक्खितहत्थिसिप्पो आयतवित्थतस्स पदमत्तस्स दस्सनेन “महा वत, भो नागो”ति निट्ठागमनतो । **परतो पन** भगवता वुत्तट्ठाने । **उगगहितसिप्पो पुरिसो नागवनिकोति** आगतो आयतवित्थतस्स पदस्स उच्चस्स च निसेवितस्स ब्यभिचारभावं जत्वा तत्तकेन निट्ठं अगन्त्वा महाहत्थिं दिस्वाव निट्ठागमनतो । जाणं पज्जति एत्थाति **जाणपदानि**, खत्तियपण्डितादीनं धम्मविनये विनीतत्ता विनयेहि अधिगतज्झानादीनि । तानि हि तथागतगन्धहत्थिनो देसनाजाणेन अवकन्तट्ठानानि । **चत्तारीति** पन विनेय्यानं इध खत्तियपण्डितादिवसेन चतुब्बिधानंयेव गहितत्ता ।

२८९. पुगगलेसु पज्जाय च निपुणता पण्डितसमज्जा निपुणत्थस्स दस्सनसमत्थतावसेनेवाति आह “**सुखुमअत्थन्तरपटिविज्जनसमत्थे**”ति । **कत**-सद्दो इध निष्फन्नपरियायो । परे पवदन्ति एत्थ, एतेनाति **परप्पवादो**, परसमयो । परेहि पवदनं **परप्पवादो**, विग्गाहिककथाय परवादमदनं । तदुभयम्पि एकतो कत्वा पाळियं वुत्तन्ति आह “**विज्जातपरप्पवादे चेव परेहि सद्धिं कतवादपरिचये चा**”ति, परसमयेसु परवादमदनेसु च निष्फन्नेति अत्थो । **वालवेधिरूपेति** वालवेधिपतिरूपे । तेनाह “**वालवेधियनुगगहसदिसे**”ति । **वालन्ति** अनेकथा भिन्नस्स वालस्स अंसुसङ्घातं वालं । **भिन्दन्ता वियाति** घटादिं सविग्गहं मुगगरादिना भिन्दन्ता विय, दिट्ठिगतानि एकंसतो भिन्दन्ताति अधिप्पायो । “अत्थं गुहं पटिच्छन्नं कत्वा पुच्छिस्सामा”ति सङ्घत्तं पदपज्जं पुच्छन्तीति दस्सेतुं “**दुपदम्पी**”तिआदि वुत्तं । वदन्ति एतेनाति **वादो**, दोसो । पुच्छीयतीति **पज्जो**, अत्थो । पुच्छति एतेनाति **पज्जो**, सद्दो । तदुभयं एकतो गहेत्वा आह

“एवरूपे पञ्हे”तिआदि । “एवं पुच्छेय्य, एवं विस्सज्जेय्या”ति च पुच्छाविस्सज्जनानं सिखावगमनं दस्सेति । सेय्योति उत्तमो, परमो लाभोति अधिप्पायो ।

एवं अत्तनो वादविधमनभयेनपि परे भगवन्तं पञ्हं पुच्छितुं न विसहन्तीति वत्वा इदानीं वादविधमनेन विनापि न विसहन्ति एवाति दस्सेतुं “अपिचा”तिआदि आरब्धं । चित्तं पसीदति परे अत्तनो अत्तभावमपि विस्सत्थं निव्यादेतुकामा होन्ति ओधिसकमेत्ताफरणसदिसत्ता तस्स मेत्तायनस्स । दस्सनसम्पन्नाति दट्ठब्बताय सम्पन्ना दस्सनानुत्तरियभावतो, अतिविय दस्सनीयाति अत्थो ।

सरणगमनवसेन सावकाति लोकियसरणगमनेन सावका, लोकुत्तरसरणगमनेन पन सावकत्तं परतो आगमिस्सति, तच्च पब्बजितवसेन वुच्चति, इध गहट्ठवसेन, उभयत्थापि सरणगमनेन सावकत्तं वेदितव्वं । ते हि परलोकवज्जभयदस्साविनो कुलपुत्ता, आचारकुलपुत्तापि तादिसा भवन्ति । थोकेनाति इमिना “मनं अनस्सामा”ति पदस्सत्थं वदति ।

२९०. उदाहरीयति उब्बेगपीतिवसेनाति, तथा वा उदाहरणं उदानं । तेनाह “उदाहारं उदाहरी”ति । अस्स धम्मस्साति अस्स पटिपत्तिसद्धम्मपुब्बकस्स पटिवेधसद्धम्मस्स । सोति हत्थिपदोपमो हत्थिपदोपमभावेन वुच्चमानो धम्मो । एत्तावताति एत्तकेन परिब्बाजकेन वुत्तकथामग्गमत्तेन । कामं तेन वुत्तकथामग्गेनपि हत्थिपदोपमभावेन वुच्चमानो धम्मो परिपुण्णोव अरहत्तं पापेत्वा पवेदितत्ता, सो च खो सङ्खेपतो, न वित्थारतोति आह “न एत्तावता वित्थारेन परिपूरो होती”ति । यदि यथा वित्थारेन हत्थिपदोपमो परिपूरो होति, तथा देसना आरब्धा, अथ कस्मा कुसलोति न वुत्तोति चोदना ।

२९१. आयामतोपीति पि-सद्देन उब्बेधेनपि रस्साति दस्सेति । नीचकाया हि ता होन्ति । उच्चाति उच्चका । निसेवनं, निसेवति एत्थाति वा निसेवितं । निसेवनञ्चेत्थ कण्डुयितविनोदनत्थं घंसनं । तेनाह “खन्धप्पदेसे घंसितट्ठान”न्ति । उच्चाति अनीचा, उब्बेधवन्तियोति अत्थो । काळारिकाति विरळदन्ता, विसङ्गतदन्ताति अत्थो । तेनाह “दन्तान”न्तिआदि । कळारतायाति विरळताय । आरज्जितानीति रज्जितानि, विलिखितानीति अत्थो । कणेरुतायाति कुटुमलसण्ठानताय । अयं वाति एत्थ वा-सद्दो संसयितनिच्छयत्थो यथा अज्जत्थापि “अयं वा इमेसं समणब्राह्मणानं सब्बबालो सब्बमूळ्हो”तिआदीसु (दी० नि० १.१८१) ।

नागवनं वियाति महाहत्थिनो वामनिकादीनञ्च पददस्सनट्ठानभूतं नागवनं विय । आदितो पट्टाय याव नीवरणप्पहाना धम्मदेसना तथागतस्स बाहिरपरिब्बाजकादीनञ्च पददस्सनभावतो । आदितो पट्टायाति च “तं सुणाही”ति पदतो पट्टाय । कुसलो नागवनिको विय योगावचरो परियेसनवसेन पमाणग्गहणतो । मत्थके ठत्वाति इमस्स सुत्तस्स परियोसाने ठत्वा । इमस्मिम्पि ठानेति “एवमेव खो ब्राह्मणा”तिआदिना उपमेय्यस्स अत्थस्स उपज्जासनट्ठानेपि ।

स्वायन्ति (दी० नि० टी० १.१९०) इध-सद्दमत्तं गणहाति, न यथाविसेसितव्वं इध-सद्दं । तथा हि वक्खति “कत्थचि पदपूरणमत्तमेवा”ति । लोकं उपादाय वुच्चति लोक-सद्देन समानाधिकरणभावेन वुत्तत्ता । सेसपदद्वये पन सद्दन्तरसन्निधानमत्तेन तं तं उपादाय वुत्तता दट्ठब्बा । ओकासन्ति कज्जि पदेसं इन्दसालगुहाय अधिप्पेतत्ता । पदपूरणमत्तमेव ओकासापदिसनस्सपि असम्भवतो ।

तथागत-सद्वादीनं अत्थविसेसो मूलपरियायद्वकथा(म० नि० अट्ट० १.१२) विसुद्धिमग्गसंवण्णनासु वुत्तो एव । तथागतस्स सत्तनिकायन्तो गधताय “इध पन सत्तलोको अधिप्येतो”ति वत्त्वा तत्थायं यस्मिं सत्तनिकाये, यस्मिञ्च ओकासे उप्पज्जति, तं दस्सेतुं “सत्तलोके उप्पज्जमानोपि चा”ति आदि वुत्तं । तत्थ इमस्मिंयेव चक्कवाळेति इमिस्सा एव लोकधातुया । “अट्टानमेतं, भिक्खवे, अनवकासो, यं एकिस्सा लोकधातुया द्वे अरहन्तो सम्मासम्बुद्धो अपुब्बं अचरिमं उप्पज्जेय्यु”न्ति (दी० नि० ३.१६१; म० नि० ३.१२९; अ० नि० १.२७८; नेत्ति० ५७; मि० प० ५.१.१) एत्थ जातिखेत्तभूता दससहस्सिलोकधातु “एकिस्सा लोकधातुया”ति वुत्ता । इध पन इमंयेव लोकधातुं सन्धाय “इमस्मिंयेव चक्कवाळे”ति वुत्तं । तिस्सो हि सङ्गीतियो आरुळ्हे तेपिटके बुद्धवचने विसयखेत्तं आणाखेत्तं जातिखेत्तन्ति तिविधे खेत्ते ठपेत्वा इमं चक्कवाळं अज्जस्मिं चक्कवाळे बुद्धा उप्पज्जन्तीति सुत्तं नत्थि, न उप्पज्जन्तीति पन अत्थि । कथं? “न मे आचरियो अत्थि, सदिसो मे न विज्जति (म० नि० १.२८५; २.३४१; महाव० ११; कथा० ४०५; मि० प० ४.५.११), एकोहि सम्मासम्बुद्धो”ति (म० नि० १.२८५; २.३४१; कथा० ४०५; महाव० ११) एवमादीनि इमिस्सा लोकधातुया ठत्वा वदन्तेन भगवता — “किं पनावुसो, सारिपुत्त, अत्थेतरहि अज्जो समणो वा ब्राह्मणो वा भगवता समसमो सम्बोधिंयन्ति एवं पुट्ठाहं, भन्ते, नोति वदेय्य”न्ति वत्त्वा तस्स कारणं दस्सेतुं — “अट्टानमेतं अनवकासो, यं एकिस्सा लोकधातुया द्वे अरहन्तो सम्मासम्बुद्धा”ति इमं सुत्तं दस्सेन्तेन धम्मसेनापतिना च बुद्धानं उप्पत्तिट्टानभूतं इमं लोकधातुं ठपेत्वा अज्जत्थ अनुप्पत्ति वुत्ता होतीति ।

सुजातायाति आदिना वुत्तेसु चतूसु विकप्पेसु पठमो विकप्पो बुद्धभावाय आसन्नतरपटिपत्तिदस्सनवसेन वुत्तो । आसन्नतराय हि पटिपत्तियं ठितो “उप्पज्जती”ति वुच्चति उप्पादस्स एकन्तिकत्ता, पगेव पटिपत्तिया मत्थके ठितो । दुतियो बुद्धभावावहपब्बज्जतो पट्टाय आसन्नपटिपत्तिदस्सनवसेन, ततियो बुद्धकरधम्मपारिपूरितो पट्टाय बुद्धभावाय पटिपत्तिदस्सनवसेन । न हि महासत्तानं तुसितभवूपपत्तितो पट्टाय बोधिसम्भारसम्भरणं नाम अत्थि । चतुत्थो बुद्धकरधम्मसमारम्भतो पट्टाय । बोधिया नियतभावापत्तितो पभुति हि विज्जूहि “बुद्धो उप्पज्जती”ति वत्तुं सक्का उप्पादस्स एकन्तिकत्ता, यथा पन “तिट्ठन्ति पब्बता, सन्दन्ति नदियो”ति तिट्ठनसन्दनकिरियानं अविच्छेदमुपादाय वत्तमानपयोगो, एवं उप्पादत्थाय पटिपज्जनकिरियाय अविच्छेदमुपादाय चतूसु विकप्पेसु “उप्पज्जति नामा”ति वुत्तं । सब्बपठमं उप्पन्नभावन्ति सब्बेहि उपरि वुच्चमानेहि विसेसेहि पठमं तथागतस्स उप्पन्नतासङ्घातं अत्थिताविसेसं ।

सो भगवाति (अ० नि० टी० २.३.६४) यो “तथागतो अरह”न्ति आदिना कित्तिगुणो, सो भगवा । इमं लोकन्ति नयिदं महाजनस्स सम्मुखामत्तं लोकं सन्धाय वुत्तं, अथ खो अनवसेसं परियादायाति दस्सेतुं “सदेवक”न्ति आदि वुत्तं । तेनाह “इदानी वत्तब्बं निदस्सेती”ति । पजातत्ताति यथासकं कम्मकिलेसेहि निब्बत्तत्ता । पज्चकामावचरदेवगगहणं पारिसेसजायेन इतरेसं पदन्तरेहि सङ्गहितत्ता । सदेवकन्ति च अवयवेन विग्गहो समुदायो समासत्थो । छट्ठकामावचरदेवगगहणं पच्चासत्तिजायेन । तत्थ हि सो जातो तन्निवासी च । ब्रह्मकायिकादिब्रह्मगगहणन्ति एत्थापि एसेव नयो । पच्चत्थिकपच्चामित्तसमणब्राह्मणगगहणन्ति निदस्सनमत्तमेतं अपच्चत्थिकानं असमिताबाहितपापानञ्च समणब्राह्मणानं सस्समणब्राह्मणिवचनेन गहितत्ता । कामं “सदेवक”न्ति आदिविसेसनानं वसेन सत्तविसयो लोक-सद्दोति विज्जायति तुल्ययोगविसयत्ता तेसं, “सलोमको सपक्खको”ति आदीसु पन अतुल्ययोगेपि अयं समासो लब्धतीति व्यभिचारदस्सनतो पजागहणन्ति आह “पजावचनेन सत्तलोकगगहण”न्ति ।

अरूपिनो सत्ता अत्तनो आनेज्जविहारेन विहरन्ता “दिब्बन्तीति देवा”ति इमं निब्बचनं लभन्तीति आह “सदेवकगगहणेन अरूपावचरदेवलोको गहितो”ति । तेनेवाह “आकासानज्वायतनूपगानं देवानं सहब्यत”न्ति (अ०

नि० ३.११७)। **समारकगहणेन छकामावचरदेवलोको गहितो** तस्स सविसेसं मारस्स वसे वत्तनतो। **रूपी ब्रह्मलोको गहितो** अरूपीब्रह्मलोकस्स विसुं गहितत्ता। **चतुपरिसवसेनाति** खत्तियादिचतुपरिसवसेन। इतरा पन चतस्सो परिसा समारकादिगहणेन गहिता एवाति। **अवसेससब्बसत्तलोको** नागगरुळादिभेदो।

एत्तावता भागसो लोकं गहेत्वा योजनं दस्सेत्वा इदानी तेन तेन विसेसेन अभागसोव लोकं गहेत्वा योजनं दस्सेतुं “**अपिचेत्था**”तिआदि वुत्तं। तत्थ **उक्कट्टुपरिच्छेदतो**ति उक्कंसगभिविजाननेन। पञ्चसु हि गतीसु देवलोकोव सेट्ठो। तत्थापि अरूपिनो “दूरसमुस्सारितकिलेसदुक्खताय, सन्तपणीतआनेज्जविहारसमङ्गिताय, अतिविय दीघायुक्ताया”ति एवमादीहि विसेसेहि अतिविय इतरेहि उक्कट्टा। **ब्रह्मा महानुभावो**तिआदिं दससहस्सियं महाब्रह्मनो वसेन वदति। “उक्कट्टुपरिच्छेदतो”ति हि वुत्तं। **अनुत्तरन्ति** सेट्ठं नवलोकुत्तरं। **भावानुक्कमो** भाववसेन परेसं अज्झासयवसेन “सदेवक”न्तिआदीनं पदानं अनुक्कमो। **तीहाकारेही**ति देवमारब्रह्मसहिततासङ्घातेहि तीहि पकारेहि। **तीसु पदेसूति** “सदेवक”न्तिआदीसु तीसु पदेसु। **तेन तेनाकारेनाति** सदेवकत्तादिना तेन तेन पकारेन। तेधातुकमेव परियादिन्नन्ति पोराणा पनाहूति योजना।

**अभिज्जाति** य-कारलोपेनायं निद्देशो, अभिजानित्वाति अयमेत्थ अत्थोति आह “**अभिज्जाय, अधिकेन जाणेन जत्वा**”ति। **अनुमानादिपटिक्खेपो**ति अनुमानउपमानअत्थापत्तिआदिपटिक्खेपो एकप्पमाणत्ता। सब्बत्थ अप्पटिहतजाणाचारताय हि सब्बपच्चक्खा बुद्धा भगवन्तो। **अनुत्तरं विवेकसुखन्ति** फलसमापत्तिसुखं। तेन वीतिमिस्सापि कदाचि भगवतो धम्मदेसना होतीति आह “**हित्वापी**”ति। भगवा हि धम्मं देसेन्तो यस्मिं खणे परिसा साधुकारं वा देति, यथासुतं वा धम्मं पच्चवेक्खति, तं खणं पुब्बभागेन परिच्छिन्दित्वा फलसमापत्तिं समापज्जति, यथापरिच्छेदज्ज समापत्तितो वुट्ठाय ठितट्ठानतो पट्ठाय धम्मं देसेति।

देसकायत्तेन आणादिविधिना अतिसज्जनं पबोधनं **देसनाति** सा परियत्तिधम्मवसेन वेदितब्बाति आह “**देसनाय ताव चतुप्पदिकायपि गाथाया**”तिआदि। सासितब्बपुग्गलगतेन यथापराधादिसासितब्बभावेन अनुसासनं तदङ्गविनयादिवसेन विनयनं **सासनन्ति** तं पटिपत्तिधम्मवसेन वेदितब्बन्ति आह “**सीलसमाधिविपस्सना**”तिआदि। **कुसलानन्ति** मग्गकुसलानं, **कुसलानन्ति** वा अनवज्जानं। तेन फलधम्मानम्पि सङ्गहो सिद्धो होति। **आदिभावो** सीलदिट्ठीनं तम्मूलकत्ता उत्तरिमनुस्सधम्मानं। तस्मिं तस्मिं अत्थे कथावधिसद्वप्पबन्धो गाथावसेन सुत्तवसेन च ववत्थितो परियत्तिधम्मो, यो इधेव “देसना”ति वुत्तो। तस्स पन अत्थो विसेसेन सीलादि एवाति आह “**भगवा हि धम्मं देसेन्तो... पे०... निब्बानं दस्सेती**”ति। तत्थ **सीलं दस्सेत्वा**ति सीलगहणेन ससम्भारं सीलं गहितं। तथा मग्गगहणेन ससम्भारो मग्गोति तदुभयेन अनवसेसतो परियत्तिअत्थं परियादियति। **तेनाति** सीलादिदस्सनेन। अत्थवसेन हि इध देसनाय आदिकल्याणादिभावो अधिप्पेतो। **कथिकसण्ठितीति** कथिकस्स सण्ठानं कथनवसेन समवट्ठानं।

**न सो सात्थं देसेति** निय्यानत्थविरहतो तस्सा देसनाय। **एकव्यञ्जनादियुत्ता वाति** सिथिलादिभेदेसु व्यञ्जनेसु एकप्पकारेनेव, द्विप्पकारेनेव वा व्यञ्जनेन युत्ता वा दमिळभासा विय। सब्बत्थ निरोट्ठं कत्वा वत्तब्बताय **सब्बनिरोट्ठव्यञ्जना वा** किरातभासा विय। सब्बत्थेव विस्सज्जनीययुत्तताय **सब्बविस्सट्ठव्यञ्जना वा** यवनभासा विय। सब्बत्थेव सानुसारताय **सब्बनिग्गहितव्यञ्जना वा** पारसिकादिमिलक्खभासा विय। सब्बापेसा एकदेसव्यञ्जनवसेनेव पवत्तिया अपरिपुण्णव्यञ्जनाति कत्वा “**अव्यञ्जना**”ति वुत्ता। **अमक्खेत्वा**ति अपलिच्छेत्वा अविनासेत्वा, अहापेत्वाति वा अत्थो।

भगवा यमत्थं जापेतुं एकगाथमपि एकवाक्यमपि देसेति, तमत्थं तां देसनाय सब्बसो परिपुण्णमेव कत्वा देसेति, एवं सब्बत्थाति आह “एकदेसनापि अपरिपुण्णा नत्थी”ति । उल्लुम्पनसभावसण्ठितेनाति संकिलेसपक्खतो वट्टदुक्खतो च उद्धरणसभावावट्टितेन चित्तेन । तस्माति यस्मा सिक्खात्तयसङ्गहं सकलं सासनं इध “ब्रह्मचरिय”न्ति अधिप्पेतं, तस्मा । ब्रह्मचरियन्ति इमिना समानाधिकरणानि सब्बपदानि योजेत्वा अत्थं दस्सेन्तो “सो धम्मं देसेति...पे०... पकासेतीति एवमेत्थ अत्थो दट्ठब्बो”ति आह ।

दूरसमुस्सारितमानस्सेव सासने सम्पापटिपत्ति सम्भवति, न मान जातिकस्साति आह “निहतमानत्ता”ति । उस्सन्नत्ताति बहुलभावतो । भोगारोग्यादिवत्थुका मदा सुप्पहेय्या होन्ति निमित्तस्स अनवट्टानतो न तथा कुलविज्जामदाति खत्तियब्राह्मणकुलीनानं पब्बजितानमपि जातिविज्जा निस्साय मानजप्पनं दुप्पजहन्ति आह “येभुय्येन हि...पे०... मानं करोन्ती”ति । विजातितायाति निहीनजातिताय । पतिट्ठातुं न सक्कोन्तीति सुविसुद्धिं कत्वा सीलं रक्खितुं न सक्कोन्ति । सीलवसेन हि सासने पतिट्ठाति । पतिट्ठातुन्ति वा सच्चपटिवेधेन लोकुत्तराय पतिट्ठाय पतिट्ठातुं । येभुय्येन हि उपनिस्सयसम्पन्ना सुजाता एव होन्ति, न दुज्जाता ।

परिसुद्धन्ति रागादीनं अच्चन्तमेव प्हानदीपनतो निरुपक्विलेसताय सब्बसो विसुद्धं । सद्धं पटिलभतीति पोथुज्जनिकसद्धावसेन सद्वहति । विज्जुजातिकानज्झि धम्मसम्पत्तिगहणपुब्बिका सद्धासिद्धि धम्मपमाणधम्मप्पसन्नभावतो । जायम्पतिका वसन्तीति कामं “जायम्पतिका”ति वुत्ते घरसामिकघरसामिनिवसेन द्विन्नयेव गहणं विज्जायति । यस्स पन पुरिसस्स अनेका पजापतियो होन्ति, तत्थ किं वत्तब्बं? एकायपि तां वासो सम्बाधोति दस्सनत्थं “द्वे”ति वुत्तं । रागादिना सकिञ्चनट्टेन, खेतवत्थुआदिना सपलिबोधट्टेन । रागरजादीनं आगमनपथतापि उप्पज्जनट्टानता एवाति द्वेपि वण्णना एकत्था, व्यज्जनमेव नानं । अलग्गनट्टेनाति असज्जनट्टेन अप्पटिबद्धभावेन । एवं अकुसलकुसलप्पवत्तीनं ठानभावेन घरावासपब्बज्जानं सम्बाधब्भोकासतं दस्सेत्वा इदानीं कुसलप्पवत्तिया एव अट्टानठानभावेन तेसं तं दस्सेतुं “अपिचा”तिआदि वुत्तं ।

सङ्खेपकथाति विसुं विसुं पदुद्धारं अकत्वा सङ्खेपतो अत्थवण्णना । एकमपि दिवसन्ति एकदिवसमत्तमपि । अखण्डं कत्वाति दुक्कटमत्तस्सपि अनापज्जनेन अखण्डितं कत्वा । किलेसमलेन अमलीनन्ति तण्हासंकिलेसादिवसेन असंकिलिट्ठं कत्वा । परिदहित्वाति निवासेत्वा चेव पारुपित्वा च । अगारवासो अगारं उत्तरपदलोपेन, तस्स वट्ठिआवहं अगारस्स हितं । भोगक्खन्थोति भोगरासि भोगसमुदायो । आबन्धनट्टेनाति “पुत्तो नत्ता”तिआदिना पेमवसेन सपरिच्छेदं सम्बन्धनट्टेन । “अम्हाकमेते”ति जायन्तीति जाती । पितामहपितुपुत्तादिवसेन परिवत्तनट्टेन परिवट्ठो ।

२९२. सामज्जवाचीपि सिक्खा-सद्दो साजीव-सद्दसन्निधानतो उपरि वुच्चमानविसेसापेक्खाय च विसेसनिविट्ठोव होतीति वुत्तं “या भिक्खूनं अधिसीलसङ्घाता सिक्खा”ति । सिक्खितब्बट्टेन सिक्खा । सह आजीवन्ति एत्थाति साजीवो । सिक्खनभावेनाति सिक्खाय साजीवे च सिक्खनभावेन । सिक्खं परिपूरेन्तोति सीलसंवरं परिपूरेन्तो । साजीवज्ज्य अवीतिक्कमन्तोति — “नामकायो पदकायो निरुत्तिकायो व्यज्जनकायो”ति (पारा० अट्ठ० ३९) वुत्तसिक्खापदं भगवतो वचनं अवीतिक्कमन्तो हुत्वाति अत्थो । इदमेव च द्वयं “सिक्खन”न्ति वुत्तं । तत्थ साजीवानतिक्कमो सिक्खापारिपूरिया पच्चयो । ततो हि याव मग्गा सिक्खापारिपूरी होतीति ।

पजहित्वाति समादानवसेन परिच्चजित्वा । पहीनकालतो पट्ठाय...पे०... विरतोवाति एतेन प्हानस्स विरतिया च समानकालतं दस्सेति । यदि एवं “पहाया”ति कथं पुरिमकालनिद्वेसोति? तथा गहेतब्बतं उपादाय । धम्मानज्झि

पच्चयपच्चयुप्पन्नभावे अपेक्खिते सहजातानम्पि पच्चयपच्चयुप्पन्नभावेन गहणं पुरिमपच्छिमभावेनेव होतीति गहणपवत्तिआकारवसेन पच्चयभूतेसु हिरोत्तप्पजाणादीसु पहानकिरियाय पुरिमकालवोहारो, पच्चयुप्पन्नासु च विरतीसु विरमणकिरियाय अपरकालवोहारो च होतीति “पहाय पटिविरतो होती”ति वुत्तं । **पहायाति** वा समादानकालवसेन वुत्तं, पच्छा वीतिक्कमितब्बवत्थुसमायोगवसेन **पटिविरतोति** । **पहायाति** वा —

“निहन्त्वान तमोखन्धं, उदितोयं दिवाकरो ।

वण्णपभाय भासेति, ओभासेत्वा समुगतो”ति च ॥ (विसुद्धि० महाटी० २.५७८) —

एवमादीसु विय समानकालवसेन वेदितब्बो । अथ वा पाणो अतिपातीयति एतेनाति **पाणातिपातो**, पाणघातहेतुभूतो अहिरिकानोत्तप्पदोसमोहविहिं सादिको चेतनापधानो संकिलेसधम्मो, तं समादानवसेन पहाय । **ततो...पे०... विरतोव होतीति** अवधारणेन तस्सा विरतिया कालादिवसेन अपरियन्ततं दस्सेति । यथा हि अज्जे समादिन्नविरतिकापि अनवट्टितचित्ताय लाभजीविकादिहेतु समादानं भिन्दन्तेव, न एवमयं । अयं पन पहीनकालतो पट्टाय ओरतो विरतोति । **अदिन्नादानं पहायाति** आदीसुपि इमिना नयेन अत्थो वेदितब्बो ।

दण्डनं दण्डनिपातनं **दण्डो** । मुग्गरादिपहरणविसेसोपि इध पहरणविसेसोति अधिप्पेतो । तेनाह “**ठपेत्वा दण्डं सब्बम्पि अवसेसं उपकरणं**”न्ति । दण्डनसङ्घातस्स परविहेठनस्स परिवज्जितभावदीपनत्थं दण्डसत्थानं निक्खेपवचनन्ति आह “**परूपघातत्थाया**”तिआदि । **विहिंसनभावतोति** विबाधनभावतो । **लज्जीति** एत्थ वुत्तलज्जाय ओत्तप्पम्पि वुत्तन्ति दट्ठब्बं । न हि पापजिगुच्छनपापुत्तासरहितं, पापभयं वा अलज्जनं अत्थि । यस्स वा धम्मगरुताय धम्मस्स च अत्ताधीनत्ता अत्ताधिपतिभूता लज्जाकिच्चकारी, तस्स लोकाधिपतिभूतं ओत्तप्पं किच्चकरन्ति वत्तब्बमेव नत्थीति “लज्जी”इच्चेव वुत्तं । **दयं मेत्तचित्तं आपन्नोति** कस्मा वुत्तं, ननु **दया**-सद्दो “अदयापन्नो”तिआदीसु करुणाय वत्ततीति? सच्चमेतं, अयं पन दया-सद्दो अनुरक्खणत्थं अन्तोनीतं कत्वा पवत्तमानो मेत्ताय च करुणाय च पवत्ततीति इध मेत्ताय पवत्तमानो वुत्तो । मिज्जति सिनिह्णीतीति मेत्ता, सा एतस्स अत्थीति मेत्तं, मेत्तं चित्तं एतस्स अत्थीति मेत्तचित्तो, तस्स भावो **मेत्तचित्ता**, मेत्ताइच्चेव अत्थो ।

**सब्बपाणभूतहितानुकम्पीति** एतेन तस्सा विरतिया सत्तवसेन अपरियन्ततं दस्सेति । **पाणभूतेति** पाणजाते । **अनुकम्पकोति** करुणायनको । यस्मा पन मेत्ता करुणाय विसेसपच्चयो होति, तस्मा वुत्तं “**ताय एव दयापन्नताया**”ति । एवं येहि धम्मोहि पाणातिपाता विरति सम्पज्जति, तेहि लज्जामेत्ताकरुणाधम्मोहि समङ्गिभावो दस्सितो, सङ्घि पिट्ठिवट्ठकधम्मोहीति दट्ठब्बं । एत्थाह — कस्मा “पाणातिपातं पहाया”ति एकवचननिद्देशो कतो, ननु निरवसेसानं पाणानं अतिपाततो विरति इधाधिप्पेता? तथा हि वुत्तं “सब्बपाणभूतहितानुकम्पी विहरती”ति । तेनेव हि **अट्टकथायं** “सब्बे पाणभूते हितेन अनुकम्पको”ति पुथुवचननिद्देशोति? सच्चमेतं, पाणभावसामज्जवसेन पनेत्थ पाळियं आदितो एकवचननिद्देशो कतो, सब्बसद्दसन्निधानेन पुथुत्तं विज्जायमानमेवाति सामज्जनिद्देशं अकत्वा भेदवचनिच्छावसेन दस्सेतुं **अट्टकथायं** बहुवचनवसेन अत्थो वुत्तो । किञ्च भिय्यो — सामज्जतो संवरसमादानं, तब्बिसेसतो संवरभेदोति इमस्स विसेसस्स दस्सनत्थं अयं वचनभेदो कतोति वेदितब्बं । **विहरतीति** वुत्तप्पकारो हुत्वा एकस्मिं इरियापथे उप्पन्नं दुक्खं अज्जेन इरियापथेन विच्छिन्दित्वा अत्तभावं हरति पवत्तेतीति अत्थो । तेनाह “**इरियति पालेती**”ति ।

न केवलं कायवचीपयोगवसेन आदानमेव, अथ खो आकङ्खपिस्स परिच्चत्तवत्थुविसयावाति दस्सेतुं “**चित्तेनपी**”तिआदि वुत्तं । थेनेति थेय्यं करोतीति **थेनो**, चोरो । **सुचिभूतेनाति** एत्थ सुचिभावो अधिकारतो

सदन्तरसन्निधानतो च थेय्यसंकिलेसविरमणन्ति आह “अथेनत्तायेव सुचिभूतेना”ति । कामञ्चेत्थ “लज्जी दयापन्नो”तिआदि न वुत्तं, अधिकारवसेन पन अत्थतो वा वुत्तमेवाति वेदितब्बं । यथा हि लज्जादयो पाणातिपातपहानस्स विसेसपच्चयो, एवं अदिन्नादानपहानस्सपीति, तस्मा सापि पाळि आनेत्वा वत्तब्बा । एस नयो इतो परेसुपि । अथ वा सुचिभूतेनाति एतेन हिरोत्तप्पादीहि समन्नागमो, अहिरिकादीनञ्च पहानं वुत्तमेवाति “लज्जी”तिआदि न वुत्तन्ति दट्ठब्बं ।

असेट्टुचरियन्ति असेट्टानं चरियं, असेट्टं वा चरियं । मिथुनानं वुत्ताकारेन सदिसभूतानं अयन्ति मिथुनो, यथावुत्तो दुराचारो । आराचारी मेथुनाति एतेन — “इध ब्राह्मण, एकच्चो...पे... न हेव खो मातुगामेन सद्धिं द्वयंद्वयसमापत्तिं समापज्जति, अपिच खो मातुगामस्स उच्छादनपरिमहनन्हापनसम्बाहनं सादियति, सो तदस्सादेति, तं निकामेति, तेन च वित्तिं आपज्जती”तिआदिना (अ० नि० ७.५०) वुत्ता सत्तविधमेथुनसंयोगापि पटिविरति दस्सिताति दट्ठब्बं ।

सच्चेन सच्चन्ति पुरिमेन वचीसच्चेन पच्छिमं वचीसच्चं सन्दहति असच्चेन अनन्तरिकत्ता । तेनाह “यो ही”तिआदि । हलिद्विरागो विय न थिरकतो होतीति एत्थ कथाय अनवड्डितभावेन हलिद्विरागसदिसता वेदितब्बा, न पुग्गलस्स । पासाणलेखा वियाति एत्थापि एसेव नयो । सद्धा अयति पवत्तति एत्थाति सद्धायो, सद्धायो एव सद्धायिको यथा “वेनयिको”ति (म० नि० १.२४६; अ० नि० ८.११; पारा० ८), सद्धाय वा अयितब्बो सद्धायिको, सद्धेय्योति अत्थो । वत्तब्बतं आपज्जतिविसंवादनतोति अधिप्पायो ।

अनुप्पदाताति (दी० नि० टी० १.९; अ० नि० टी० २.४.१९८) अनुबलप्पदाता, अनुवत्तनवसेन वा पदाता । कस्स पन अनुवत्तनं पदानञ्चाति? “सहितान”न्ति वुत्तत्ता सन्धानस्साति विज्जायति । तेनाह “सन्धानानुप्पदाता”ति । यस्मा पन अनुवत्तनवसेन सन्धानस्स पदानं आधानं, रक्खणं वा दळ्हीकरणं होति । तेन वुत्तं “द्वे जने समग्गे दिस्वा”तिआदि । आरमन्ति एत्थाति आरामो, रमितब्बट्ठानं । यस्मा पन आ-कारेण विनापि अयमत्थो लब्धति, तस्मा वुत्तं “समगगरामोतिपि पाळि, अयमेवेत्थ अत्थो”ति ।

एत्थाति —

“नेलङ्गो सेतपच्छादो, एकारो वत्तती रथो ।

अनीघं पस्स आयन्तं, छिन्नसोतं अबन्धन”न्ति ॥ (सं० नि० ४.३४७; उदा० ६५; पेटको० २५; दी० नि० टी० १.९) —

इमिस्सा गाथाय । सीलञ्हेत्थ “नेलङ्ग”न्ति वुत्तं । तेनेवाह — चित्तो गहपति, “नेलङ्गन्ति खो, भन्ते, सीलानमेतं अधिवचन”न्ति (सं० नि० ४.३४७; दी० नि० टी० १.९) । सुकुमाराति अफरुसताय मुदुका । पुरस्स एसाति एत्थ पुर-सद्धो तन्निवासीवाचको दट्ठब्बो “गामो आगतो”तिआदीसु (दी० नि० टी० १.९) विय । तेनेवाह “नगरवासीन”न्ति । मनं अप्पायति वट्ठेतीति मनापा । तेन वुत्तं “चित्तवुद्धिकरा”ति ।

कालवादीतिआदि सम्फप्पलापापटिविरतस्स पटिपत्तिदस्सनं । अत्थसंहितापि हि वाचा अयुत्तकालपयोगेन अत्थावहा न सियाति अनत्थविज्जापनवाचं अनुलोमेति, तस्मा सम्फप्पलापं पजहन्तेन अकालवादिता परिहरितब्बाति वुत्तं “कालवादी”ति । काले वदन्तेनपि उभयानत्थसाधनतो अभूतं परिवज्जेतब्बन्ति आह “भूतवादी”ति । भूतञ्च वदन्तेन यं इधलोक-परलोक-हितसम्पादकं, तदेव वत्तब्बन्ति दस्सेतुं “अत्थवादी”ति वुत्तं । अत्थं वदन्तेनपि

लोकियधम्मसन्निस्सितमेव अवत्वा लोकुत्तरधम्मसन्निस्सितं कत्वा वत्तब्बन्ति दस्सनत्थं “**धम्मवादी**”ति वुत्तं । यथा च अत्थो लोकुत्तरधम्मसन्निस्सितो होति, तंदस्सनत्थं “**विनयवादी**”ति वुत्तं । पञ्चन्नज्झि संवरविनयानं, पञ्चन्नज्घ पहानविनयानं वसेन वुच्चमानो अत्थो निब्बानाधिगमहेतुभावतो लोकुत्तरधम्मसन्निस्सितो होतीति । एवं गुणविसेसयुत्तोव अत्थो वुच्चमानो देसनाकोसल्ले सति सोभति, किच्चकरो च होति, न अज्जथाति दस्सेतुं “**निधानवतिं वाचं भासिता**”ति वुत्तं । इदानीं तं देसनाकोसल्लं विभावेतुं “**कालेना**”तिआदिमाह । पुच्छादिवसेन हि ओतिण्णवाचावत्थुस्मिं एकंसादिब्याकरणविभागं सल्लक्खेत्वा ठपनाहेतुउदाहरणं संसन्दनादिं तंतंकालानुरूपं विभावेन्तिया परिमितपरिच्छिन्नरूपाय विपुलतर-गम्भीरोदार-परमत्थ-वित्थारसङ्गाहिकाय कथाय जाणबलानुरूपं परे याथावतो धम्मे पतिट्ठापेन्तो “देसनाकुसलो”ति वुच्चतीति एवमेत्थ अत्थयोजना वेदितब्बा ।

**२९३.** एवं पटिपाटिया सत्त मूलसिक्खापदानि विभावेत्वा सतिपि

अभिज्झादिपहानइन्द्रियसंवरसतिसम्पजज्जजागरियानुयोगादिके उत्तरदेसनायं विभावेतुं तं परिहरित्वा आचारसीलस्सेव विभजनवसेन पाळि पवत्ताति तदत्थं विवरितुं “**बीजगामभूतगामसमारम्भा**”तिआदि वुत्तं । तत्थ बीजानं गामो समूहो **बीजगामो** । भूतानं जातानं निब्बत्तानं रुक्खगच्छलतादीनं समूहो **भूतगामो** । ननु च रुक्खादयो चित्तरहितताय न जीवा, चित्तरहितता च परिप्फन्दाभावतो छिन्ने विरुहनतो विसदिसजातिकभावतो चतुर्योनिअपरियापन्नतो च वेदितब्बा, वुट्ठि पन पवाळसिलालवणानम्पि विज्जतीति न तेसं जीवभावे कारणं, विसयग्गहणज्घ नेसं परिकप्पनामत्तं सुपनं विय चिञ्चादेनं, तथा दोहळादयो, तत्थ कस्मा बीजगामभूतगामसमारम्भा पटिविरति इच्छिताति? समणसारुप्पतो तन्निवासिसत्तानुरक्खणतो च । तेनेवाह — “जीवसज्जिनो हि मोघपुरिस मनुस्सा रुक्खस्मि”न्तिआदि (पाचि० ८९) ।

मूलमेव बीजं **मूलबीजं**, मूलबीजं एतस्सातिपि **मूलबीजं** । सेसेसुपि एसेव नयो । **फळुबीजन्ति** पब्बबीजं ।

पच्चयन्तरसमवाये सदिसफलुप्पत्तिया विसेसकारणभावतो विरुहणसमत्थे सारफले निरुळ्हो बीजसद्दो तदत्थसंसिद्धिया मूलादीसुपि केसुचि पवत्ततीति मूलादितो निवत्तनत्थं एकेन बीज-सद्देन विसेसेत्वा वुत्तं “**बीजबीज**”न्ति “रूपरूपं (विसुद्धि० २.४४९), दुक्खदुक्खं”न्ति (सं० नि० ४.३२७; ५.१६५; नेत्ति० ११) च यथा । कस्मा पनेत्थ बीजगामभूतगामं उद्धरित्वा बीजगामो एव निद्दिट्ठोति? न खो पनेतं एवं दट्ठब्बं, ननु अवोचुम्ह — “मूलमेव बीजं मूलबीजं, मूलबीजं एतस्सातिपि मूलबीजं”न्ति । तत्थ पुरिमेन बीजगामो निद्दिट्ठो, दुतियेन भूतगामो, दुविधोपेस मूलबीजज्घ मूलबीजज्घ **मूलबीजन्ति** सामज्जनिद्देसेन, एकसेसनयेन वा उद्दिट्ठोति वेदितब्बो । तेनेवाह “**पञ्चविधस्सा**”तिआदि । **नीलतिणरुक्खादिकस्साति** अल्लतिणस्स चेव अल्लरुक्खादिकस्स च । **आदि-**सद्देन ओसधिगच्छलतादीनं सङ्गहो ।

एकं भत्तं एकभत्तं, तं अस्स अत्थीति **एकभत्तिको** । सो पन रत्तिभोजनेनपि सियाति तन्निवत्तनत्थं आह “**रत्तूपरतो**”ति । एवम्पि अपरण्हभोजीपि सिया एकभत्तिकोति तन्निवत्तनत्थं “**विरतो विकालभोजना**”ति वुत्तं । अरुणुगमनकालतो पट्टाय याव मज्झन्हिका अयं बुद्धादीनं अरियानं आचिण्णसमाचिण्णो भोजनस्स कालो नाम, तदज्जो **विकालो** । अट्ठकथायं पन दुतियपदेन रत्तिभोजनस्स पटिक्खित्ता “**अतिक्कन्ते मज्झन्हिके याव सूरियत्थङ्गमना भोजनं विकालभोजनं नामा**”ति वुत्तं ।

“सब्बपापस्स अकरण”न्तिआदिनयप्पवत्तं (दी० नि० २.९०; ध० प० १८३; नेत्ति० ३०, ५०, ११६, १२४) भगवतो सासनं अच्चन्तरागुप्पत्तिया नच्चादिदस्सनं न अनुलोमेतीति आह “**सासनस्स अननुलोमत्ता**”ति । अत्तना पयोजियमानं, परेहि पयोजापियमानज्घ नच्चं नच्चभावसामज्जेन पाळियं एकेनेव **नच्च-**सद्देन गहितं, तथा गीतवादित-सद्देन चाति आह



“नच्चननच्चापनादिवसेना”ति । आदि-सद्देन गायनगायापनवादनवादापनानि सङ्गृह्णन्ति । दस्सनेन चेत्य सवनम्पि सङ्गहितं विरूपेकसेसनयेन । यथासकं विसयस्स आलोचनसभावताय वा पञ्चन्नं विज्जाणानं सवनकिरियायपि दस्सनसङ्केपसम्भावतो “दस्सना”इच्चेव वुत्तं । तेनाह “पञ्चहि विज्जाणेहि न कञ्चि धम्मं पटिविजानाति अज्जत्र अभिनिपातमत्ता”ति । अविसूकभूतस्स गीतस्स सवनं कदाचि वट्टतीति आह “विसूकभूता दस्सना”ति । तथा हि वुत्तं परमत्थजोतिकायं खुद्दकट्टकथायं (खुं पा० अट्ट० २.पच्छिमपञ्चसिक्खापदवण्णना) “धम्मूपसंहितं गीतं वट्टति, गीतूपसंहितो धम्मो न वट्टती”ति । यं किञ्चीति गन्थितं वा अगन्थितं वा यं किञ्चि पुप्फं । गन्धजातन्ति गन्धजातिकं । तस्सपि “यं किञ्ची”ति वचनतो पिसितस्स अपिसितस्सपि यस्स कस्सचि विलेपनादि न वट्टतीति दस्सेति ।

उच्चाति उच्च-सद्देन समानत्थं एकं सद्दन्तरं । सेति एत्थाति सयनं । उच्चासयनं महासयनञ्च समणसारुप्परहितं अधिप्पेतन्ति आह “पमाणातिक्कन्तं अकप्पियत्थरण”न्ति । आसनञ्चेत्थ सयनेनेव सङ्गहितन्ति दट्टब्बं । यस्मा पन आधारे पटिक्खित्ते तदाधारा किरिया पटिक्खित्ताव होति, तस्मा “उच्चासयनमहासयना”इच्चेव वुत्तं, अत्थतो पन तदुपभोगभूतनिसज्जानिपज्जनेहि विरति दस्सिताति दट्टब्बं । अथ वा उच्चासयनमहासयनञ्च उच्चासयनमहासयनञ्च उच्चासयनमहासयनन्ति एतस्मिं अत्थे एकसेसेन अयं निदेसो कतो यथा “नामरूपपच्चया सळायतन”न्ति (म० नि० ३.१२६; सं० नि० २.१; उदा० १), आसनकिरियापुब्बकत्ता वा सयनकिरियाय सयनगहणेन आसनम्पि गहितन्ति वेदितब्बं ।

दारुमासकोति ये वोहारं गच्छन्तीति इति-सद्देन एवंपकारे दस्सेति । अज्जेहि गाहापने उपनिक्खित्तसादियने च पटिगगहणत्थो लब्धतीति आह “नेव नं उग्गण्हाति, न उग्गण्हापेति, न उपनिक्खित्तं सादियती”ति । अथ वा तिविधं पटिगगहणं कायेन वाचाय मनसाति । तत्थ कायेन पटिगगहणं उग्गण्हनं, वाचाय पटिगगहणं उग्गहापनं, मनसा पटिगगहणं सादियनन्ति तिविधम्पि पटिगगहणं एकज्झं गहेत्वा “पटिगगहणा”ति वुत्तन्ति आह “नेव नं उग्गण्हाती”तिआदि । एस नयो आमकधज्जपटिगगहणातिआदीसुपि । नीवारादिउपधज्जस्स सालिआदिमूलधज्जन्तो गधत्ता वुत्तं “सत्तविधस्सा”ति । “अनुजानामि, भिक्खवे, पञ्च वसानि भेसज्जानि अच्छवसं मच्छवसं सुसुकावसं सुकरवसं गद्रभवस”न्ति (महाव० २६२) वुत्तत्ता इदं ओदिस्स अनुज्जातं नाम, तस्स पन “काले पटिगगहित”न्ति (महाव० २६२) वुत्तत्ता पटिगगहणं वट्टति । सति पच्चयेति आह “अज्जत्र ओदिस्स अनुज्जाता”ति ।

सरूपेन वज्जनं रूपकूटं, पतिरूपेन वज्जनाति अत्थो । अङ्गेन अत्तनो सरीरावयवेन वज्जनं अङ्गकूटं । गहणवसेन वज्जनं गहणकूटं । पटिच्छन्नं कत्वा वज्जनं पटिच्छन्नकूटं । अक्कमतीति निप्पीळेति, पुब्बभागे अक्कमतीति सम्बन्धो ।

हदयन्ति नाळिआदीनं मानभाजनानं अब्भन्तरं । तिलादीनं नाळिआदीहि मिननकाले उस्सापितसिखायेव सिखा । सिखाभेदो तस्साहापनं ।

केचीति सारसमासाचरिया, उत्तरविहारवासिनो च । वधोति मुट्ठिपहारकसाताळनादीहि विहेसनं, विबाधनन्ति अत्थो । विहेठनत्थोपि हि वध-सद्दो दिस्सति “अत्तानंवधित्वा वधित्वा रोदती”तिआदीसु (पाचि० ८७९, ८८१) । यथा हि अपरिगगहभावसामज्जे सतिपि पब्बजितेहि अप्पटिगगहितब्बवत्थुविभागसन्दस्सनत्थं इत्थिकुमारिदासिदासादयो विभागेन वुत्ता । एवं परस्स हरणभावतो अदिन्नादानभावसामज्जे सतिपि तुलाकूटादयो अदिन्नादानविसेसभावदस्सनत्थं विभागेन वुत्ता, न एवं पाणातिपातपरियायस्स वधस्स पुन गहणे पयोजनं अत्थि, तत्थ सयंकारो, इध परंकारोति च न सक्का वत्तुं “कायवचीपयोगसमुट्ठापिका चेतना छप्पयोगा”ति वचनतो । तस्मा यथावुत्तो एवेत्थ अत्थो युत्तो । अट्टकथायं पन “वधोति मारण”न्ति वुत्तं, तम्पि पोथनमेव सन्धायाति च सक्का विज्जातुं मारण-सद्दस्सपि विहिंसने दिस्सनतो ।

२९४. चीवरपिण्डपातानं यथाक्कमं कायकुच्छिपरिहरणमत्तजोतनायं अविसेसतो अट्टन्नं परिक्खारानं अन्तरे तप्पयोजनता सम्भवतीति दस्सेन्तो “ते सब्बेपी”तिआदिमाह । एतेपीति नवपरिक्खारिकादयोपि अप्पिच्छाव सन्तुट्ठाव । न हि तत्थकेन महिच्छता, असन्तुट्ठिता वा होतीति ।

चतूसु दिसासु सुखं विहरति, ततो एव सुखविहारट्टानभूता चतस्सो दिसा अस्स सन्तीति वा चातुदिसो । तत्थ चायं सत्ते वा सङ्खारे वा भयेन न पटिहज्जतीति अप्पटिघो । द्वादसविधस्स सन्तोसस्स वसेन सन्तुस्सनको सन्तुस्समानो । इतरीतरेनाति उच्चावचेन । परिस्सयानं बाहिरानं सीहब्यग्धादीनं, अब्भन्तरानञ्च कामच्छन्दादीनं कायचित्तुपद्वानं अभिभवनतो परिस्सयानं सहिता । थद्धभावकरभयाभावेन अच्छम्भी । एको असहायो । ततो एव खग्गमिगसिङ्गसदिसताय खग्गविसाणकप्पो चरेय्याति अत्थो ।

छिन्नपक्खो, असज्जातपक्खो वा सकुणो गन्तुं न सक्कोतीति “पक्खी सकुणो”ति पक्खि-सद्देन विसेसेत्वा सकुणो पाळियं वुत्तोति आह “पक्खयुत्तो सकुणो”ति । यस्स सन्निधिकारपरिभोगो किञ्चि ठपेतब्बं सापेक्खाय ठपनञ्च नत्थि, तादिसो अयं भिक्खूति दस्सेन्तो “अयं पनेत्थ सङ्केपत्थो”तिआदिमाह । अरियन्ति अपेन्ति ततो दोसा, तेहि वा आरकाति अरियोति आह “अरियेनाति निदोसेना”ति । अज्झत्तन्ति अत्तनि । निदोससुखन्ति निरामिससुखं किलेसवज्जरहितत्ता ।

२९५. यथावुत्ते सीलसंवरे पतिट्ठितस्सेव इन्द्रियसंवरो इच्छितब्बो तदधिट्टानतो, तस्स च परिपालकभावतोति वुत्तं “सो इमिना अरियेन सीलक्खन्धेन समन्नागतो भिक्खू”ति । सेसपदेसूति “न निमित्तगाही होती”तिआदीसु पदेसु । यस्मा विसुद्धिमग्गे (विसुद्धि० १.१५) वुत्तं, तस्मा तस्स लीनत्थप्पकासिनियं संवण्णनायं (विसुद्धि० महाटी० १.१५) वुत्तनयेनेव वेदितब्बं । रूपादीसु निमित्तादिग्गाहपरिवज्जनलक्खणत्ता इन्द्रियसंवरस्स किलेसेहि अनवसित्तसुखता अविकिण्णसुखता चस्स वुत्ता ।

२९६. पच्चयसम्पत्तिन्ति पच्चयपारिपूरिं । इमे चत्तारोति सीलसंवरो सन्तोसो इन्द्रियसंवरो सतिसम्पज्जन्ति इमे चत्तारो अरज्जवासस्स सम्भारा । तिरच्छानगतेहि वत्तब्बतं आपज्जति इसिसिङ्गस्स पितुआदयो विय । वनचरकेहीति वनचरकमातुगामेहि । भेरवसद्वं सावेन्ति, तावता अपलायन्तानं हत्थेहि सीसं...पे०... करोन्ति । पण्णत्तिवीतिक्कमसङ्कातं काळकं वा । मिच्छावितक्कसङ्कातं तिलकं वा । तन्ति पीतिं विभूतभावेन उपट्टानतो खयतो सम्मसन्तो ।

विवित्तन्ति जनविवित्तं । तेनाह “सुज्ज”न्ति । सा च विवित्तता निस्सदभावेन लक्खितब्बाति आह “अप्पसद्वं अप्पनिग्घोस”न्ति । आवसथभूतं सेनासनं विहरितब्बट्टेन विहारसेनासनं । मसारकादि मज्जपीठं तत्थ अत्थरितब्बं भिसिउपधानञ्च मज्जपीठसम्बन्धितो मज्जपीठसेनासनं । चिमिलिकादि भूमियं सन्थरितब्बताय सन्थतसेनासनं । रुक्खमूलादि पटिक्कमितब्बट्टानं चङ्कमनादीनं ओकासभावतो ओकाससेनासनं ।

“अनुच्छविकं दस्सेन्तो”ति वत्त्वा तमेव अनुच्छविकभावं विभावेतुं “तत्थ ही”तिआदि वुत्तं । अच्छन्नन्ति इट्ठकछदनादिना अन्तमसो रुक्खसाखाहिपि न छन्नं ।

भत्तस्स पच्छतोति भत्तभुज्जनस्स पच्छतो । ऊरुबद्धासनन्ति ऊरूनं अधोबन्धनवसेन निसज्जं । हेट्ठिमकायस्स अनुजुकट्टपनं निसज्जावचनेनेव बोधितन्ति । उजुं कायन्ति एत्थ काय-सद्दो उपरिमकायविसयोति आह “उपरिमं सरीरं उजुकं ठपेत्वा”ति । तं पन उजुकट्टपनं सरूपतो पयोजनतो च दस्सेतुं “अट्टारसा”तिआदि वुत्तं । न पणमन्तीति न

ओणमन्ति । न परिपततीति न विगच्छति, वीथिं न विलङ्घेति । ततो एव पुब्बेनापरं विसेसप्पत्तिया कम्मट्ठानं बुद्धिं फातिं उपगच्छति । मुखसमीपेति मुखस्स समीपे नासिकगगे वा उत्तरोद्वे वा । इध परि-सद्दो अभि-सद्देन समानत्थोति आह “कम्मट्ठानाभिमुखं”न्ति, बहिद्वा पुत्थुत्तारम्मणतो निवारेत्वा कम्मट्ठानयेव पुरक्खत्वाति अत्थो । परीति परिग्गहट्ठो “परिणायिका”ति आदीसु (ध० स० १६) विय । नित्यानट्ठो पटिपक्खतो निग्गमनट्ठो, तस्मा परिग्गहितनित्यानसतिन्ति सब्बथा गहितासम्मोसं परिच्चत्तसम्मोसं सतिं कत्वा, परमं सतिनेपक्कं उपट्ठपेत्वाति अत्थो ।

विक्खम्भनवसेनाति एत्थ विक्खम्भनं अनुप्पादनं अप्पवत्तनं न पटिपक्खेन सुप्पहीनता । पहीनत्ताति च पहीनसदिसतं सन्धाय वुत्तं ज्ञानस्स अनधिगतता । तथापि नयिदं चक्खुविज्जाणं विय सभावतो विगताभिज्झं, अथ खो भावनावसेन । तेनाह “न चक्खुविज्जाणसदिसेना”ति । एसेव नयोति यथा चक्खुविज्जाणं सभावेन विगताभिज्झं अब्यापन्नञ्च, न भावनाय विक्खम्भितत्ता, न एवमिदं । इदं पन चित्तं भावनाय परिसोधितत्ता अब्यापन्नं विगतथिनमिद्धं अनुद्धतं निब्बिचिकिच्छञ्चाति अत्थो । इदं उभयन्ति सतिसम्पज्जमाह ।

२९७. उच्छिन्दित्वा पातेन्तीति एत्थ उच्छिन्दनं पातनञ्च तासं पज्जानं अनुप्पन्नानं उप्पज्जितुं अप्पदानमेव । इति महग्गतानुत्तरपज्जानं एकच्चाय च परित्तपज्जाय अनुप्पत्तिहेतुभूता नीवरणा धम्मा इतराय च समत्थतं विहनन्तियेवाति पज्जाय दुब्बलीकरणा वुत्ता । इदम्पि पठमज्झानं वेनेय्यसन्ताने पतिट्ठापियमानं जाणं पज्जति एत्थाति जाणपदं । जाणं वळज्जेति एत्थाति जाणवळज्जं ।

२९९. न ताव निट्ठं गतो बाहिरकानं जाणेन अक्कन्तट्ठानानिपि सियुन्ति । यदि एवं अनज्जसाधारणे मग्गजाणपदे कथं न निट्ठङ्गतोति आह “मग्गक्खणेपी”ति आदि । तीसु रतनेसु निट्ठं गतो होतीति बुद्धसुबुद्धतं धम्मसुधम्मतं सङ्गसुप्पटिपत्तितञ्च आरब्ध जाणेन निट्ठं निच्छयं उपगतो होति । कामञ्चेत्थ पठममग्गेनेव सब्बसो विचिकिच्छाय पहीनत्ता सब्बस्सपि अरियसावकस्स कङ्का वा विमति वा नत्थि, तत्थ पन यथा पज्जावेपुल्लप्पत्तस्स अरहतो सविसये जाणं सविसेसं ओगाहति, न तथा अनागामिआदीनन्ति रतनत्तये सातिसयं जाणनिच्छयगमनं सन्धाय “अग्गमग्गवसेन तत्थनिट्ठागमनं वुत्तं”न्ति वुत्तं । यं पनेत्थ अविभत्तं, तं सुविज्जेय्यमेवाति ।

चूळहत्थिपदोपमसुत्तवण्णनाय लीनत्थप्पकासना समत्ता ।

## ८. महाहत्थिपदोपमसुत्तवण्णना

३००. जङ्गलानन्ति एत्थ यो निपिच्छलेन अमुदुको निरुदकताय थद्धलूखभूमिप्पदेसो, सो “जङ्गलो”ति वुच्चति । तब्बहुलताय पन इध सब्बो भूमिप्पदेसो जङ्गलो, तस्मिं जङ्गले जाता, भवाति वा जङ्गला, तेसं जङ्गलानं । एवज्झि नदीचरानम्पि हत्थीनं सङ्गहो कतो होति । समोधातब्बानं विय हि समोधायकानम्पि जङ्गलगहणेन गहेतब्बतो । पथवीतलचारीनन्ति इमिना जलचारिनो न निवत्तेति अदिस्समानपादत्ता । पाणानन्ति साधारणवचनम्पि “पदजातानी”ति सद्दन्तरसन्निधानेन विसेसनिविट्ठमेव होतीति आह “सपादकपाणान”न्ति । “मुत्तगत”न्ति आदीसु (म० नि० २.११९; अ० नि० ९.११) गत-सद्दो अनत्थन्तरो विय, जात-सद्दो अनत्थन्तरोति आह “पदजातानीति पदानी”ति । समोधानन्ति समवरोधं, अन्तोगमं वा । महन्तत्तेनाति विपुलभावेन ।

कुसला धम्माति अनवज्जसुखविपाका धम्मा, न अनवज्जमत्तधम्मा । कुसलत्तिके आगतनयेन हि इध कुसला धम्मा

गहेतब्बा, न बाहितिकसुत्ते आगतनयेन । **चतुब्बिधो सङ्गहो**ति कस्मा वुत्तं, ननु एकविधोवेत्थ सङ्गहो अधिप्पेतोति? न, अत्थं अग्गहेत्वा अनिद्धारितत्थस्स सद्दस्सेव गहितत्ता । सङ्गह-सद्दो ताव अत्तनो अत्थवसेन चतुब्बिधोति अयञ्हेत्थ अत्थो । अत्थोपि वा अनिद्धारितविसेसो सामञ्जेन गहेतब्बतं पत्तो “सङ्गहं गच्छती”ति एत्थ सङ्गह-सद्देन वचनीयतं गतोति न कोचि दोसो, निद्धारिते विसेसे तस्स एकविधता सिया, न ततो पुब्बेति । **सजातिसङ्गहो**ति समानजातिया, समानजातिकानं वा सङ्गहो । धातुकथावण्णनायं पन “**जातिसङ्गहो**”इच्चेव वुत्तं, तं जाति-सद्दस्स सापेक्खसद्दत्ता जातिया सङ्गहोति वुत्ते अत्तनो जातियाति विज्जायति सम्बन्धारहस्स अज्जस्स अवुत्तत्ताति कत्वा वुत्तं । इध पन **रूपकण्डवण्णनायं** (ध० स० अट्ठ० ५९४) विय पाकटं कत्वा दस्सेतुं “**सजातिसङ्गहो**”इच्चेव वुत्तं । सज्जायन्ति एत्थाति सज्जाति, सज्जातिया सङ्गहो **सज्जातिसङ्गहो**, सज्जातिदेसवसेन सङ्गहोति अत्थो । “सब्बे रथिका”ति वुत्ते सब्बे रथयोधा रथेन युज्जनकिरियाय एकसङ्गहोति । “सब्बे धनुग्गहा”ति वुत्ते सब्बे इस्सासा धनुना विज्जनकिरियाय एकसङ्गहोति आह “**एवं किरियवसेन सङ्गहो**”ति । **रूपक्खन्धेन सङ्गहितन्ति** रूपक्खन्धेन एकसङ्गहं रूपक्खन्धोतेव गणितं, गहणं गतन्ति अत्थो ।

**दियड्डमेव सच्चं भजति** मग्गसच्चदुक्खसच्चेकदेसभावतो । सच्चेकदेसन्तो गधम्पि सच्चन्तो गधमेव होतीति आह “**सच्चानं अन्तो गधत्ता**”ति । इदानि तमत्थं सासनतो च लोकतो च उपमं आह रित्वा दीपेतुं “**यथा ही**”ति आदि वुत्तं । तत्थ साधिकमिदं, भिक्खवे, **दियड्डसिक्खापदसन्ति** इदं यस्मिं काले तं सुत्तं देसितं, तदा पज्जत्तसिक्खापदवसेन वुत्तं, ततो परं पन साधिकानि द्वेसतानि सिक्खापदानीति । **सिक्खानं अन्तो गधत्ता** अधिशीलसिक्खाय । एत्थ च “शीलं सिक्खन्तोपि तिस्सो सिक्खा सिक्खती”ति विसमोयं उपज्जासो । तत्थ हि यो पहातब्बं पजहति, संवरितब्बतो संवरं आपज्जति, अयमस्स **अधिशीलसिक्खा** । यो तत्थ चेतसो अविक्खेपो, अयमस्स **अधिचित्तसिक्खा** । या तत्थ वीमंसा, अयमस्स **अधिपज्जासिक्खा** । इति सो कुलपुत्तो सरूपतो लब्भमाना एव तिस्सो सिक्खा सिक्खतीति दीपितो, न सिक्खानं अन्तो गधतामत्तेन । तेनाह **अट्ठकथायं** “यो तथाभूतस्स संवरो, अयमेत्थ अधिशीलसिक्खा, यो तथाभूतस्स समाधि, अयमेत्थ अधिचित्तसिक्खा, या तथाभूतस्स पज्जा, अयं अधिपज्जासिक्खा । इमा तिस्सो सिक्खा तस्मिं आरम्भणे ताव सतिया तेन मनसिकारेण सिक्खति आसेवति भावेति बहुलीकरोती”ति । इध पन सच्चानं अन्तो गधत्ता सच्च-सद्दाभिधेय्यतामत्तेन चतूसु सच्चेसु गणनन्तो गधा होन्तीति? न, तत्थापि हि निप्परियायतो अधिशीलसिक्खाव लब्भति, इतरा परियायतोति कत्वा “**सिक्खानं अन्तो गधत्ता**”ति वुत्तं ।

**चतूसु अरियसच्चेसु सङ्गहं गच्छन्तीति** च ततो अमुच्चित्वा तस्सेव अन्तो गधतं सन्धाय वुत्तं । एवञ्च कत्वा “यथा च एकस्स हत्थिपदस्सा”ति आदिना दस्सिता हत्थिपदोपमा समत्थिता दट्ठब्बा । **एकस्मिम्पि द्वीसुपि तीसुपि सच्चेसु गणनं गता धम्मा**ति इदं न कुसलत्तिकवसेनेव वेदितब्बं, अथ खो तिकदुकेसु यथारहं लब्भमानपदवसेन वेदितब्बं । तत्थ एकस्मिं सच्चे गणनं गतो धम्मो असङ्खतधम्मो दट्ठब्बो, द्वीसु सच्चेसु गणनं गता कुसला धम्मा, तथा अकुसला धम्मा, अब्याकता च धम्मा, तीसु सच्चेसु गणनं गता सङ्खता धम्मा, एवं अज्जेसम्पि तिकदुकपदानं वसेन अयमत्थो यथारहं विभजित्वा वत्तब्बो । तेनाह “**एकस्मिम्पि...पे०... गताव होन्ती**”ति । एकदेसो हि समुदायन्तो गधत्ता विसेसो विय सामञ्जेन समूहेन सङ्गहं लभति । तेनाह “**सच्चानं अन्तो गधत्ता**”ति । **देसनानुक्कमो**ति अरियसच्चानि उद्दिसित्वा दुक्खसच्चनिद्देसवसेन पज्चन्नं उपादानक्खन्धानं विभजनं । तत्थ च रूपक्खन्धनिद्देसवसेन आदितो अज्झत्तिकाय पथवीधातुया विभजनन्ति । अयं इमिस्सा देसनाय अनुक्कमो ।

३०१. तं पनेतं उपमाहि विभावेतुं “**यथा ही**”ति आदि वुत्तं । तत्थ **सुजातन्ति** सुन्दरं, सुसण्ठितं सुपरिणतज्जाति

अधिष्णायो। पेसियोति विलीवे। मुदुभावतो कुच्छिभागं आदाय। इतरे च चत्तारो कोट्टासेति पञ्चधा भिन्नकोट्टासेसु इतरे च चत्तारो कोट्टासे। इतरे च तयो कोट्टासेति आदितो चतुधा भिन्नकोट्टासेसु इतरे च तयो कोट्टासे।

राजपुत्तूपमायाति रज्जो जेट्टपुत्तउपमाय। न्ति पिळन्धनं। उरे वायामजनितअरियजातिया ओरसो। मुखतो जातोति मुखतो निग्गतधम्मदेसनाय जातो, बुद्धानं वा धम्मकायस्स मुखभूतअरियधम्मतो जातो। ततो एव धम्मजो धम्मनिम्मितो। सत्थु धम्मदायादस्सेव गहितत्ता धम्मदायादो। तेनाह “नो आमिसदायादो”ति। न्ति “भगवतो पुत्तो”ति आदिवचनं। महापञ्जतादिगुणेहि सातिसयं अनुपुब्बभावे ठितत्ता सम्मा यथाभूतं वदमानो वत्तुं सक्कोन्तो वदेय्य।

अकुतोभयं निब्बानं निब्बानगामिनिञ्च। रागरजादीनं विगमेन विगतरजं धम्मं देसेन्तं सुगतं सम्मासम्बुद्धं भिक्खूनं परोसहस्सं पयिरुपासतीति योजना।

“सेवेथ भजथा”ति वत्ता तत्थ कारणमाह “पण्डिता भिक्खू अनुग्गाहका”ति। पण्डितापि समाना न अप्पस्सुता, अथ खो ओवादानुसासनीहि अनुग्गाहकाति पुरिमा उपमा थेरस्सेव वसेन उदाहटा, दुतिया पन भगवतो भिक्खुसङ्घस्सपि वसेन उदाहटा।

३०२. अज्झत्तिकाति सत्तसन्तानपरियापन्ना। अज्झत्तं पच्चत्तन्ति पदद्वयेनपि तंतं पाटिपुगगलिकधम्मा वुच्चन्तीति आह “उभयम्पेतं नियकाधिवचनमेवा”ति। ससन्ततिपरियापन्नताय पन अत्ताति गहेतब्बभावूपगमनवसेन अत्तानं अधिकिच्च उद्दिस्स पवत्तं अज्झत्तं, तंतंसत्तसन्तानपरियापन्नताय पच्चत्तं। तेनाह अट्टकथायं (विसुद्धि० १.३०७) “अत्तनि पवत्तत्ता अज्झत्तं, अत्तानं पटिच्च पटिच्च पवत्तत्ता पच्चत्त”न्ति। कक्खळन्ति कथिनं। यस्मा तं थद्धभावेन सहजातानं पतिट्ठा होति, तस्मा “थद्ध”न्ति वुत्तं। खरिगतन्ति खरसभावसेसु गतं तप्परियापन्नं, खरसभावमेवाति अत्थो। यस्मा पन खरसभावं फरुसाकारेण उपट्ठानतो फरुसाकारं होति, तस्मा वुत्तं “फरुस”न्ति। उपादिन्नं नाम सरीरट्टकं। तत्थ यं कम्मसमुट्ठानं, तं निप्परियायतो “उपादिन्न”न्ति वुच्चति, इतरं अनुपादिन्नं। तदुभयम्पि इध तण्हादीहि आदिन्नगहितपरामट्टवसेन उपादिन्नमेवाति दस्सेतुं “सरीरट्टकञ्ही”ति आदि वुत्तं। तत्थ आदिन्नन्ति अभिनिविट्ठं। ममन्ति गहितं। अहन्ति परामट्ठं। धातुकम्मट्टानिकस्साति चतुधातुववत्थानवसेन धातुकम्मट्टानं परिहरन्तस्स। एत्थाति एतस्मिं धातुकम्मट्टाने। तीसु कोट्टासेसूति तिप्पकारेसु कोट्टासेसु। न हि ते तयो चत्तारो कोट्टासा।

वुत्तप्पकाराति “केसा लोमा”ति आदिना वुत्तप्पकारा। नानासभावतोति सतिपि कक्खळभावसामञ्जे ससम्भारविभत्तितो पन केसादिसङ्घातगतनानासभावतो। आलयोति अपेक्खा। निकन्तीति निकामना। पत्थनाति तण्हापत्थना। परियुट्ठानन्ति तण्हापरियुट्ठानं। गहणन्ति कामुपादानं। परामासोति परतो आमसना मिच्छाभिनिवेसो। न बलवा आलयादि। यदि एवं कस्मा विभङ्गे बाहिरापि पथवीधातु वित्थारेनेव विभत्ताति? यथाधम्मदेसनत्ता तत्थ वित्थारेनेव देसना पवत्ता, यथानुलोमदेसनत्ता पनेत्थ वुत्तनयेन देसना संखित्ता।

योजेत्वा दस्सेतीति एकज्झं कत्वा दस्सेति। साति अज्झत्तिका पथवीधातु। सुखपरिग्गहो होति “न मे सो अत्ता”ति। सिद्धे हि अनत्तलक्खणे दुक्खलक्खणं अनिच्चलक्खणञ्च सिद्धमेव होति सङ्कतधम्मेसु तदविनाभावतोति। विसूकायतीति विसूकं विरूपकिरियं पवत्तेति। सा पन अत्थतो विप्फन्दनमेवाति आह “विप्फन्दती”ति। अस्साति अज्झत्तिकाय पथवीधातुया। अचेतनाभावो पाकटो होति धातुमत्तताय दस्सनतो। तं उभयम्पीति तं पथवीधातुद्वयम्पि।

ततो विसेसतरेनाति ततो बाहिरमहापथवितो विसेसवन्ततरेन, लहुतरेनाति अत्थो । **कुप्पतीति** लुप्पति । **विलीयमानाति** पकतिउदके लोणं विय विलयं गच्छन्ती । **उदकानुगताति** उदकं अनुगता उदकगतिका । तेनाह “**उदकमेव होती**”ति । अभावो **एव अभावता**, न भवतीति वा अभावो, तथासभावो धम्मो । तस्स भावो **अभावता** । वयो विनासो धम्मो सभावो एतस्साति वयधम्मो, तस्स भावो **वयधम्मता**, अत्थतो खयो एव । सेसपदेसुपि एसेव नयो । तेनाह “**सब्बेहिपि इमेहि पदेहि अनिच्चलक्खणमेव वुत्त**”न्ति । विद्धंसनभावस्स पन पवेदितब्बत्ता कामं अनिच्चलक्खणमेव वुत्तं सरूपतो, इतरानिपि अत्थतो वुत्तानेवाति दस्सेन्तो आह “**यं पना**”तिआदि ।

मत्तं खणमत्तं तिट्ठतीति मत्तट्ठो, अप्पमत्तट्ठो **मत्तट्ठको**, अतिइत्तरखणिकोति अत्थो । तेनाह “**परित्तिट्ठितिकस्सा**”ति । **तिट्ठिपरित्तितायाति** एकचित्तपवत्तिमत्तताठानलक्खणस्स इतरभावेन । एकस्स चित्तस्स पवत्तिक्खणमत्तेनेव हि सत्तानं परमत्थतो जीवनक्खणो परिच्छिन्नो । तेनाह “**अयं ही**”तिआदि ।

**जीवितन्ति** जीवितिन्द्रियं । **सुखदुक्खाति** सुखदुक्खा वेदना । उपेखापि हि सुखदुक्खास्वेव अन्तोगथा इट्ठानिट्ठभावतो । **अत्तभावोति** जीवितवेदनाविज्जाणानि ठपेत्वा अवसिट्ठधम्मा वुत्ता । **केवलाति** अत्तनिच्चभावेन अवोमिस्सा । **एकचित्तसमायुत्ताति** एकेन चित्तेन सहिता एकचित्तक्खणिका । **लहुसो वत्तते खणोति** ताय एव एकक्खणिकताय लहुको अतिइत्तरो जीवितादीनं खणो वत्तति वीतिवत्ततीति अत्थो । **इदन्ति** गाथावचनं ।

यस्मा सत्तानं जीवितं अस्सासपस्सासानं अपरापरसञ्चरणं लभमानमेव पवत्तति, न अलभमानं, तस्मा **अस्सासपस्सासूपनिबद्धं** । तथा महाभूतानं समवुत्तितं लभमानमेव पवत्तति । पथवीधातुया हि आपोधातुआदीनं वा अज्जतरपकोपेन बलसम्पन्नोपि पुरिसो पत्थद्धकायो वा, अतिसारादिवसेन किलिन्नपूतिकायो वा, महाडाहपरेतो वा, सञ्छिज्जमानसन्धिबन्धनो वा हुत्वा जीवितक्खयं पापुणाति । कबळीकाराहारानं युत्तकाले लभन्तस्सेव जीवितं पवत्तति, अलभन्तस्स परिक्खयं गच्छति, विज्जाणे पवत्तमानेयेव च जीवितं पवत्तति, न तस्मिं अप्पवत्तमाने । **जीवितन्ति** एत्थ **इति**-सद्देन इरियापथूपनिबद्धतासीतुण्हूपनिबद्धतादीनं सङ्गहो । चतुन्नज्झि इरियापथानं समवुत्तितं लभमानमेव जीवितं पवत्तति, अज्जतरस्स पन अधिमत्तताय आयुसङ्गारा उपच्छिज्जन्ति, सीतुण्हानम्पि समवुत्तितं लभमानमेव पवत्तति, अतिसीतेन पन अतिउण्हेन वा अभिभूतस्स विपज्जतीति ।

**तण्हुपादिन्नस्साति** इमिना हि पच्चयुप्पन्नताकित्तनेन सरसपभङ्गुतयेव विभावेति । दुक्खानुपस्सनाय तण्हाग्गाहस्स अनिच्चानुपस्सनाय मानग्गाहस्स अनत्तानुपस्सनाय दिट्ठिग्गाहस्स उज्जुविपच्चनीकभावतो एकंसेनेव तीहि अनुपस्सनाहि गाहापि विगच्छन्तीति आह “**नोतेव होती**”ति । **एकंयेव आगतं** बाहिराय पथवीधातुया अन्तरधानदस्सनपवत्तजोतनाय ।

**परिग्गहन्ति** धातुपरिग्गहणं । **पट्टपेन्तोति** आरभन्तो देसेन्तो । सोतद्वारे बलं दस्सेतीति योजना । कम्मट्ठानिकस्स बलदस्सनापदेसेन कम्मट्ठानस्स आनुभावं दस्सेति । **वाचाय घट्टनमेव वुत्तं** सोतद्वारे बलदस्सनभावतो । **बलन्ति** च बाहिराय विय अज्झत्तिकायापि पथवीधातुया अचेतनाभावदस्सनेन रुक्खस्स विय अक्कोसन्तेपि पहरन्तेपि निब्बिकारता । **सम्पतिवत्तमानुप्पन्नभावेनाति** तदा पच्चुप्पन्नभावेन । **समुदाचारुप्पन्नभावेनाति** आपाथगते तस्मिं अनिट्ठे सद्धारम्मणे आरम्मणकरणसङ्घातउपपत्तिवसेन सोतद्वारे जवनवेदना दुक्खाति वचनतो । तथा हि “**उपनिस्सयवसेना**”ति वुत्तं । **वेदनादयोपीति** “वेदना अनिच्चा”ति एत्थ वुत्तवेदना चेव सज्जादयो च । ते हि फस्सेन समानभूमिका न पुब्बे वुत्तवेदना । **धातुसङ्घातमेव आरम्मणन्ति** यथापरिग्गहितं पथवीधातुसङ्घातमेव विसयं । **पक्खन्दतीति** विपस्सनाचित्तं अनिच्चन्तिपि दुक्खन्तिपि अनत्तातिपि सम्मसनवसेन अनुपविसति । एतेन बहिद्धाविकखेपाभावमाह, **पसीदतीति** पन इमिना कम्मट्ठानस्स

वीथिपटिपन्नतं। सन्तिद्वुतीति इमिना उपरूपरि विसेसावहभावेन अवत्थानं पटिपक्खाभिभवेन निच्चलभावतो। विमुच्चतीति इमिना तण्हामानदिट्ठिगाहतो विसेसेन मुच्चनं। अट्ठकथायं पन समुद्धानवसेन अत्थो वुत्तो “अधिमोक्खं लभती”ति। सोतद्वारमिह आरम्मणे आपाथगतेति इदं मूलपरिज्जाय मूलदस्सनं। सोतद्वारेहि आवज्जनवोडुब्बनानं अयोनिस्सो आवज्जयतो वोडुब्बनवसेन इट्ठे आरम्मणे लोभो, अनिट्ठे च पटिघो उप्पज्जति, मनोद्वारे पन “इत्थी, पुरिसो”ति रज्जनादि होति, तस्स पञ्चद्वारजवनं मूलं, सब्बं वा भवङ्गादि। एवं मनोद्वारजवनस्स मूलवसेन परिज्जा। आगन्तुकतावकालिकपरिज्जा पन पञ्चद्वारजवनस्सेव अपुब्बभाववसेन इतरभाववसेन च वेदितब्बा। अयमेत्थ सङ्खेपो, वित्थारो पन सतिपट्टानसंवण्णनायं वुत्तो एव।

याथावतो धातूनं परिगणहनवसेन कतपरिगहस्सपि अनादिकालभावनावसेन अयोनिस्सो आवज्जनं सचेपि उप्पज्जति। वोडुब्बनं पत्वाति वोडुब्बनकिच्चतं पत्वा। एकं द्वे वारे आसेवनं लभित्वा, न आसेवनपच्चयं। न हि उपेक्खासहगताहेतुकचित्तं आसेवनपच्चयभूतं अत्थि। यदि सिया, पट्टाने कुसलत्तिके पटिच्चवारादीसु “न मग्गपच्चया आसेवने द्वे, आसेवनपच्चया न मग्गे द्वे”ति च वत्तब्बं सिया, “न मग्गपच्चया आसेवने एकं (पट्टा० १.१.२२१), आसेवनपच्चया न मग्गे एक”न्ति (पट्टा० १.१.१५२) च पन वुत्तं। एकं द्वे वारेति एत्थ च एकग्गहणं वचनसिलिट्ठताय वसेन वुत्तं। न हि दुतिये मोघवारे एकवारमेव वोडुब्बनं पवत्तति। द्विखत्तुं वा तस्स पवत्तिं सन्धाय एकवारग्गहणं, तिक्खत्तुं पवत्तिं सन्धाय द्वेवारग्गहणं। तत्थ दुतियं ततियञ्च पवत्तमानं लद्धासेवनं विय होति। यस्मा पन “वोडुब्बनं पत्वा एकं द्वे वारेआसेवनं लभित्वा चित्तं भवङ्गमेव ओतरती”ति इदं दुतियमोघवारवसेन वुत्तं भवेय्य। सो च आरम्मणदुब्बलताय एव होतीति अभिधम्मट्ठकथायं नियमितो। इध पन तिक्खानुपस्सनानुभावेन अकुसलुप्पत्तिया असम्भववसेन अयोनिस्सोव आवज्जतो अयोनिस्सो ववत्थानं सिया, न योनिस्सो, तस्मिञ्च पवत्ते महति अतिमहति वा आरम्मणे जवनं न उप्पज्जेय्याति अयमत्थो विचारेत्वा गहेतब्बो।

एतस्सेव वा सतिपि दुविधतापरिकप्पने सो च यदि अनुलोमे वेदनत्तिके पटिच्चवारादीसु “आसेवनपच्चया न मग्गे द्वे, न मग्गपच्चया आसेवने द्वे”ति च वुत्तं सिया, (लभ्येय्य), न च वुत्तं। यदि पन वोडुब्बनमि आसेवनपच्चयो सिया, कुसलाकुसलानमि सिया। न हि आसेवनपच्चयं लद्धं युत्तस्स आसेवनपच्चयतापि धम्मो आसेवनपच्चयो होतीति अवुत्तो अत्थि, वोडुब्बनस्स पन कुसलाकुसलानं आसेवनपच्चयभावो अवुत्तो — “कुसलं धम्मं पटिच्च कुसलो धम्मो उप्पज्जति नासेवनपच्चया। अकुसलं...पे... नासेवनपच्चया”ति (पट्टा० १.१.९३-९४) वचनतो पटिक्खित्तो च। अथापि सिया असमानवेदनानं वसेनेव वुत्तन्ति च, एवमपि यथा — “आवज्जना कुसलानं खन्धानं अकुसलानं खन्धानं अनन्तरपच्चयेन पच्चयो”ति (पट्टा० १.१.४१७) वुत्तं, एवं “आसेवनपच्चयेन पच्चयो”तिपि वत्तब्बं सिया। तं जातिभेदा न वुत्तन्ति चे? भूमिभिन्नस्स कामावचरस्स रूपावचरादीनं आसेवनपच्चयभावो विय जातिभिन्नस्सपि भवेय्याति वत्तब्बो एव सिया, अभिन्नजातिकस्स च वसेन यथा — “आवज्जना सहेतुकानं खन्धानं अनन्तरपच्चयेन पच्चयो”ति वुत्तं, एवं “आसेवनपच्चयेन पच्चयो”तिपि वत्तब्बं सिया, न च वुत्तं। तस्मा वेदनात्तिकेपि “आसेवनपच्चया न मग्गे एकं, न मग्गपच्चया आसेवने एक”न्ति एवं गणनाय निद्वारियमानाय वोडुब्बनस्स आसेवनपच्चयत्तस्स अभावा अयं मोघवारो उपपरिक्खित्वा गहेतब्बो।

वोडुब्बनं पन वीथिविपाकसन्ततिया आवट्टनतो आवज्जना, ततो विसदिसस्स जवनस्स करणतो मनसिकारोति च वत्तब्बतं लभ्येय्य, एवञ्च कत्वा पट्टाने “वोडुब्बनं कुसलानं खन्धानं अनन्तरपच्चयेन पच्चयो”तिआदि न वुत्तं, “आवज्जना”इच्चेव (पट्टा० १.१.४१७) वुत्तं, तमि वोडुब्बनतो परं चतुन्नं पञ्चन्नं वा जवनानं आरम्मणपुरेजातं भवितुं

असक्कोत्तं रूपादिं आरम्भ पवत्तमानं वोढुब्बनं जवनद्वाने ठत्वा भवङ्गं ओतरति । **जवनद्वाने ठत्वाति** च जवनस्स उप्पज्जनद्वाने द्विक्खत्तुं पवत्तित्वाति अत्थो, न जवनभावेनाति । **आसेवनं लभित्वाति** चेत्थ आसेवनं विय आसेवनन्ति वुत्तोवायमत्थो । विष्फारिकत्ता चस्स द्विक्खत्तुं वा तिक्खत्तुं वा पवत्तियेव चेत्थ आसेवनसदिसता । विष्फारिकताय हि विज्जत्तिसमुद्घापकता चस्स वुच्चति । विष्फारिकम्पि जवनं विय अनेकक्खत्तुं अप्पवत्तिया असुप्पतिट्ठितताय च न निप्परियायतो आसेवनभावेन वत्ततीति न इमस्स आसेवनत्थं वुत्तं । **अट्टकथायं** पन फलचित्तेसु मग्गपरियायो विय परियायवसेन वुत्तं ।

अयन्ति “सचेपी”तिआदिना वुत्तो एकवारम्पि रागादीनं अनुप्पादनवसेन विपस्सनाय कम्मं करोन्तो योगावचरो । **कोटिप्पत्तोति** मत्थकं पत्तो । पटिपक्खेहि अनभिभूतत्ता विसदविपस्सनाजाणताय **तिक्खविपस्सको** । **आरम्मणं परिग्गहितमेव होति** “एवं मे जवनं जवित”न्ति सारम्मणस्स जवनस्स हुत्वा अभावववत्थापनस्स कम्मद्वानभावतो, तथा आवज्जनवसेन वा तं आरम्मणं विस्सज्जेत्वा तावदेव मूलकम्मद्वानभूतं आरम्मणं परिग्गहितमेव होति । **दुतियस्स पन वसेनाति** “अपरस्स रागादिवसेन एकवारं जवनं जवती”तिआदिना वुत्तस्स नातितिक्खविपस्सकस्स वसेन “तस्स धातारम्मणमेव चित्तं पक्खन्दती”तिआदिना इमस्मिं सुत्ते आगतत्ता । “तमेनं उपधिपहानाय पटिपन्नं उपधिपटिनिस्सग्गाय कदाचि करहचि सतिसम्मोसा उपधिपटिसंयुत्ता सरसङ्कप्पा समुदाचरन्ति । दन्धो उदायि सतुप्पादो, अथ खो नं खिप्पमेव पजहति विनोदेति ब्यन्तीकरोति अनभावं गमेती”ति **लट्टुकिकोपमे** । तस्स हि **अट्टकथायं** “सोतापन्नादयो ताव पजहन्तु, पुथुज्जनो कथं पजहती”ति चोदनं पट्टपेत्वा “आरद्धविपस्सको हि सतिसम्मोसेन सहसा किलेसे उप्पन्ने ‘मादिसस्स नाम भिक्खुनो किलेसो उप्पन्नो’ति संवेगं कत्वा वीरियं पग्गह्य विपस्सनं वट्ठेत्वा मग्गेन किलेसे समुग्घातेति, इति सो पजहति नामा”ति अत्थो वुत्तो । तेन वुत्तं — “तस्स धातारम्मणमेव चित्तं पक्खन्दतीतिआदिना इमस्मिं सुत्ते आगतत्ता”तिआदि । **इन्द्रियभावने च मज्झिमस्स वसेन अयमत्थो वेदितब्बो** ।

**परिग्गहवसेनाति** धातुपरिग्गहवसेन । मम्मच्छेदनादिवसेन पवत्तअक्कोसनादिं अनिट्ठं आरम्मणं पत्वा **सोतद्वारे किलमति** पुग्गलो, तथा पोथनपहरणादिकं अनिट्ठं आरम्मणं पत्वा **कायद्वारे किलमति** ।

**समुदाचरन्तीति** सब्बसो उद्धं आचरन्ति । तयिदं अमनापेहि समुदाचरणं नाम पोथनपहरणादिवसेन उपक्कमनमेवाति आह “**उपक्कमन्ती**”ति, बाधन्तीति अत्थो । **तथासभावोति** यथा पाणिप्पहारादीहि घट्टितमत्तो विकारं आपज्जति, तथासभावो । “उभतोदण्डकेन चेपि, भिक्खवे, ककचेना”तिआदिना (म० नि० १.२३२) ओवाददानं नाम अनज्जसाधारणं बुद्धानंयेव आवेणिकन्ति आह “**वुत्तं खो पनेतं भगवताति अनुस्सरन्तोपि...पे०... ककचूपमोवादं अनुस्सरन्तोपी**”ति वुत्तं । तस्सपि परियत्तिधम्मभावतोति केचि । यं पन ककचोकन्तकेसुपि मनुस्सेसु अप्पदुस्सनं निब्बिकारं, तं सत्थुसासनं अनुस्सरन्तोपि सम्मापटिपत्तिलक्खणं धम्मं अनुस्सरतियेवाति एवं वा एत्थ अत्थो वेदितब्बो । **भिक्खुनो गुणन्ति** अरियधम्माधिगमनसिद्धं गुणमाह । सो च सब्बेसम्पि अरियानं गुणोति तं अनुस्सरन्तोपि सङ्गं अनुस्सरति एवाति वुत्तं ।

**विपस्सनुपेक्खा अधिप्पेता**, तस्मा उपेक्खा कुसलनिस्सिता न सण्ठातीति विपस्सनावसेन सब्बस्मिम्पि सङ्खारगते अज्झुपेक्खनं न लभतीति अत्थो । **छळङ्गुपेक्खाति** छळङ्गुपेक्खा विय छळङ्गुपेक्खा इट्ठानिट्ठेसु निब्बिकारतासामज्जेन । तेनाह “**सा पनेसा**”तिआदि । **छळङ्गुपेक्खाठाने ठपेति** “लाभा वत मे, सुलद्धं वत मे”तिआदिना अत्तमनतं आपज्जन्तो ।

**३०३. आपोगतन्ति** आबन्धनवसेन आपो, तदेव आपोसभावं गतत्ता आपोगतं, सभावेनेव आपोभावं वा पत्तन्ति अत्थो । यस्मा पन सो आपोभावसङ्घातो अल्लयूसभावो ससम्भारपथवीससम्भारउदकादिगते सब्बस्मिम्पि आपस्मिं



विज्जति, तस्मा वुत्तं “सब्बआपेसु गतं अल्लयूसभावलक्खण”न्ति, द्रवभावलक्खणन्ति अत्थो। “पकुप्पती”ति पाकतिकपकोपं सन्धायाह “ओघवसेन वड्ढती”ति। तेनाह “अयमस्स पाकतिको पकोपो”ति। इतरं पन दस्सेतुं “आपोसंवट्टकाले पना”तिआदि वुत्तं। ओगच्छन्तीति एत्थ ओगमनन्ति परियादानं अधिप्पेतं, न अधोगमनमत्तन्ति आह “उद्धने...पे०... पापुणन्ती”ति।

३०४. सब्बतेजेसु गतन्ति इन्धनादिवसेन अनेकभेदेसु सब्बेसु तेजोकोट्टासेसु गतं पवत्तं। यथा पीति एव पीतिगतं, एवं तेजो एव तेजोगतं, तेजनवसेन पवत्तिमत्तन्ति अत्थो। एवं आपोगतं, वायोगतञ्च वेदितब्बन्ति आह “पुरिमे”तिआदि। एकाहिकजरादिभावेनाति एकाहिकादिजराभेदेन। उसुमजातोति उस्माभिभूतो। जीरतीति जिण्णो होति। तेजोधातुवसेन लब्धमाना इमस्मिं काये जरापवत्ति पाकटजरावसेन वेदितब्बाति दस्सेतुं “इन्द्रियवेकल्लत्त”न्तिआदि वुत्तं। वलिपलितादिभावन्ति वलितपलितभावं, अङ्गपच्चङ्गानं सिथिलभावञ्च। कुप्पितेनाति खुभितेन। सतक्खत्तुं तापेत्वा तापेत्वा सीतूदके पक्खित्वा उद्धटसप्पि सतधोतसप्पीति वदन्ति। सरीरे पकतिउसुमं अतिक्कमित्वा उण्णभावो सन्तापो, सरीरस्स दहनवसेन पवत्तो महादाहो परिदाहोति अयमेव तेसं विसेसो। असितन्ति सुत्तं। खायितन्ति खादितं। सायितन्ति अस्सादितं। सम्मा परिपाकं गच्छतीति समवेपाकिनिया गहणिया वसेन वुत्तं। असम्मापरिपाकोपि विसमपाकिनिया गहणिया वसेन वेदितब्बो। रसादिभावेनाति रसरुधिरमंसमेदन्हारुअट्ठिअट्ठिमिज्जसुक्कभावेन। विवेकन्ति पुथुभावं अज्जमज्जं विसदिसभावं। असितादिभेदस्स आहारस्स परिणामे रसो होति, तं पटिच्च रसधातु उप्पज्जतीति अत्थो। एवं रसस्स परिणामे “रुधिर”न्तिआदिना सब्बं नेतब्बं।

हरितन्ति हरितमेव, अन्त-सदेन पदवड्ढनं कतं यथा “वनन्तं सुत्तन्त”न्ति। चम्मनिल्लेखनं चम्मं लिखित्वा छड्डितकसटं।

३०५. उग्गारहक्कारादीति एत्थ आदि-सदेन उद्देकखीपनादिपवत्तकवातानं सङ्गहो दड्ढब्बो। उच्चारपस्सावादीति आदि-सदेन पित्तसेम्हलसिकादिनीहरणवातस्स चेव उसुमवातस्स च सङ्गहो वेदितब्बो। यदिपि कुच्छि-सद्दो उदरपरियायो, कोट्ट-सद्देन पन अब्भन्तरस्स वुच्चमानत्ता तदवसिद्दो उदरपदेसो इध कुच्छि-सद्देन वुच्चतीति आह “कुच्छिसया वाताति अन्तानं बहिवाता”ति। समिज्जनपसारणादीनीति आदि-सदेन आलोकनविलोकनउद्धरणदिका सब्बा कायिककिरिया सङ्गहिता। अवसवति उदकं एतस्माति ओस्सवनं, छदनन्तो। इधाति इमस्मिं ठाने।

३०६. निस्सत्तभावन्ति अनत्तकतं। यथादस्सिता हि चतस्सो धातुयो अनत्तनियं केवलं धातुमत्ता निस्सत्तनिज्जीवाति इममत्थं दस्सेति। परिवारितोति परिवारितभावेन ठितो परिवुतो। तेनाह “एतानी”तिआदि, कट्टादीनि सन्निवेसविसेसवसेन ठपितानीति अधिप्पायो। अज्जथा अगारसमज्जाय भावतो। तेनाह “कट्टादीसु पना”तिआदि। यदत्थं पाळियं “सेय्यथापि, आवुसो”तिआदि आरद्धं, तमत्थं पाकटं कत्वा दस्सेतुं “यथा कट्टादीनी”तिआदि वुत्तं।

कामं हेट्ठा “मत्तडुकस्स कायस्सा”तिआदिना (म० नि० १.३०२) अविभागेन एकदेसेन च उपादारूपमि कथितं, तथा वेदनादयो खन्धभावेन परिगगहेत्वा न कथिता, तथा तण्हापि समुदयसच्चभावेन। इतरानि पन सच्चानि सब्बेन सब्बं न कथितानि। तेनेवाह “हेट्ठा...पे०... न कथितानी”ति। चक्खुपसादे निरुद्धेति चक्खुपसादे विनट्ठे। उपहतेति पुब्बकिमिआदीहि उपहृते। पलिबुद्धेति पुब्बादिउप्पत्तिया विना पटिच्छादिते। तज्जोति तस्सानुरूपो, चक्खुविज्जाणुप्पत्तिया अनुरूपोति अत्थो। चक्खुस्स रूपारम्भणे आपाथगते उप्पज्जनमनसिकारो हृदयसन्निस्सयोपि चक्खुम्हि सति होति, असति

न होतीति क्त्वा “चक्खुं पटिच्च उप्पज्जनमनसिकारो”ति वुत्तो। भवङ्गावट्टनं तस्स यथा आरम्भणपच्चये, एवं पसादपच्चयेपि होतीति वुत्तं “चक्खुञ्च रूपे च पटिच्चा”ति। न्ति चक्खुद्वारे किरियमनोधातुचित्तं। अज्जविहितस्साति अज्जारम्भणपसुतस्स। तदनुरूपस्साति तेसं चक्खुरूपतदाभोगानं अनुरूपस्स।

**चत्तारि सच्चानि दस्सेति** सरूपतो अत्थापत्तितो चाति अधिप्पायो। तप्पकारो भूतो, तप्पकारं वा पत्तो तथाभूतो, तस्स, यथा चक्खुविज्जाणं उप्पज्जति, तादिसस्स पच्चयाकारसमवेतस्साति अत्थो। **तिसमुद्धानरूपन्ति** उतुकम्माहारसमुद्धानरूपं। इदञ्च सतिपि तदा भवङ्गावट्टनचित्तसमुद्धानरूपे केवलं चक्खुविज्जाणसमुद्घितरूपस्स अभावमत्तं गहेत्वा वुत्तं। **सङ्गहं गच्छतीति** नगरं विय रज्जे रूपक्खन्धे सङ्गहेतव्वतं गहेतव्वतं गच्छति। “तथाभूतस्सा”ति वुत्तत्ता वेदनादयो चक्खुविज्जाणसम्पयुत्ताव, विज्जाणमि चक्खुविज्जाणमेव। **सङ्खाराति चेतनाव वुत्ता** चेतनापधानत्ता सङ्खारक्खन्धस्साति अधिप्पायो। तत्थ पन फस्सजीवितन्द्रियमनसिकारचित्तद्वितियोपि सङ्खारक्खन्धधम्माव। **एकतो सङ्गहो** “पच्चक्खन्धा”ति एकतो गणना। **समागमोति** यथासकं पच्चयवसेन समोधानं। **समवायोति** अज्जमज्जस्स पच्चयभावेन समवेतताय समुदितभावो।

पच्चयुप्पन्नधम्मो पटिच्च समुप्पज्जति एतस्माति **पटिच्चसमुप्पादो**, पच्चयाकारो। पच्चयधम्मे पस्सन्तोपि पच्चयुप्पन्नधम्मे पस्सति, ते पस्सन्तोपि पच्चयधम्मे पस्सतीति वुत्तं “यो पटिच्चसमुप्पाद”न्तिआदि। **छन्दकरणवसेनाति** तण्हायनवसेन। **आलयकरणवसेनाति** अपेक्खाकरणवसेन। **अनुनयकरणवसेनाति** अनुरज्जनवसेन। **अज्झोगाहित्वाति** आरम्भणं अनुपविसित्वा विय गिलित्वा विय निट्ठपेत्वा विय दळ्हगगहणवसेन। **छन्दरागो** विनयति पहीयति एत्थाति **छन्दरागविनयो छन्दरागपहानज्वाति** वुच्चति निब्बानं। **आहरित्वाति** पाळियं सरूपतो अनागतमि अत्थतो आनेत्वा सङ्गणहनवसेन गहेतव्वं। आहरणविधिं पन दस्सेन्तो “या इमेसू”तिआदिमाह। **इमेसु तीसु ठानेसूति** यथावुत्तेसु सुखदुक्खादीसु तीसु अभिसमयट्ठानेसु। **दिट्ठीति** परिज्जाभिसमयादिवसेन पवत्ता सम्मादिट्ठि याथावदस्सनं। एवं सङ्कप्पादयोपि यथारहं वेदितव्वा। **भावनापटिवेधोति** भावनावसेन पटिवेधो, न आरम्भणकरणमत्तेन। **अयं मग्गोति** अयं चतुन्नं अरियसच्चानं पटिविज्जनवसेन पवत्तो अट्ठङ्गिको मग्गो। **एत्तावतापीति** एवं एकस्मिं चक्खुद्वारे वत्थु परिग्गहमुखेनपि चतुसच्चक्कम्मट्ठानस्स मत्थकं पापनेन बहं विपुलं परिपुण्णमेव **भगवतो सासनं कतं** अनुदितं होति।

उप्पज्जित्वा निरुद्धमेव भवङ्गचित्तं आवज्जनचित्तस्स पच्चयो भवतीति वुत्तं “तं निरुद्धम्पी”ति। **मन्दथामगतमेवाति** महति या निदाय अभिभूतस्स वसेन वुत्तं, कपिमिद्धपरेतस्स पन भवङ्गचित्तं कदाचि आवज्जनस्स पच्चयो भवेय्याति। **भवङ्गसमयेनेवाति** भवङ्गस्सेव पवत्तनसमयेन पगुणज्झानपगुणक्कम्मट्ठानपगुणगन्धेसु तेसं पगुणभावेनेव आभोगेन विनापि मनसिकारो पवत्तति। तथा हि पगुणं गन्थं पगुणभावेनेव निरन्तरं विय अज्झयमाने अज्जविहितताय “एत्तको गन्थो गतो, एत्तको अवसिट्ठो”ति सल्लक्खणा न होति। **चतुसमुद्धानम्पीति** सब्बं चतुसमुद्धानरूपं, न पुब्बे विय तिसमुद्धानमेवाति अधिप्पायो। पुब्बङ्गमत्ता ओळारिकत्ता च फस्सचेतनाव सङ्खारक्खन्धोति गहिता, न अज्जेसं अभावा। **एकदेसमेव सम्मसन्तोति** यथाउद्दिट्ठं अत्थं हेट्ठा अनवसेसतो अनिदिसित्वा एकदेसमेव निदिसनवसेन देसनाय आमसन्तो। **इमस्मिं ठानेति** यथाउद्दिट्ठस्स अत्थस्स “अज्झत्तिकज्जेव, आवुसो, चक्खु”न्तिआदिना (म० नि० १.३०६) छद्वारवसेन निदिसनट्ठाने। **हेट्ठा परिहीनदेसनन्ति** — “यं उपादारूपं चत्तारो अरूपिनो खन्धा उपरि तीणि अरियसच्चानी”ति निदिसवसेन परिहीनं अत्थजातं सब्बं। **तंतंद्वारवसेनाति** चक्खुद्वारादिकं तंतंद्वारवसेन। चतुसच्चवसेन आरद्धा देसना चतुसच्चवेनेव परियोसापिताति आह “यथानुसन्धिनाव सुत्तन्तं

निद्रुपेसी”ति ।

महाहत्थिपदोपमसुत्तवण्णनाय लीनत्थप्पकासना समत्ता ।

## ९. महासारोपमसुत्तवण्णना

३०७. नचिरपक्कन्तेति न चिरं पक्कन्ते, पक्कन्तस्स सतो न चिरस्सेव । सलिलङ्गेनेवाति मुण्डियकासायग्गहणादिना अत्तनो पुरिमलिलङ्गेनेव । पाटियेक्के जातेति विपन्नाचारदिट्ठिताय पकासनीयकम्मकरणतो परं अज्जतिथियसदिसे विसुं भूते । कुलपुत्तोति जातिमत्तेन कुलपुत्तो । असम्भिन्नायाति सम्भेदरहिताय, जातिसङ्करविरहितायाति अत्तो । जातिसीसेन इध जातिवत्थुकं दुक्खं वुत्तन्ति आह “ओतिण्णोति यस्स जाति अन्तो अनुपविट्ठो”ति । जातो हि सत्तो जातकालतो पट्ठाय जातिनिमित्तेन दुक्खेन अन्तो अनुपविट्ठो विय विबाधीयति । जरायातिआदीसुपि एसेव नयो । चत्तारो पच्चया लब्धन्तीति लाभा, चतुन्नं पच्चयानं लब्धमानानं सुकतभावो सुट्ठु अभिसङ्कतभावो । वण्णभणनन्ति गुणकित्तनं । अपज्जाताति सम्भावनावसेन न पज्जाता । लाभादिनिब्बत्तियाभावदस्सनज्हेतं । तेनाह “घासच्छादनमत्तम्पि न लभन्ती”ति । अप्पेसक्खाति अप्पानुभावा । सा पन अप्पेसक्खता अधिपतेय्यसम्पत्तिया च परिवारसम्पत्तिया च अभावेन पाकटा होति । तत्थ परिवारसम्पत्तिया अभावं दस्सेन्तो “अप्पपरिवारा”ति आह ।

सारेनपि केचि अजाननेन अज्जालाभेन वा असारभूतम्पि कत्तब्बं करोन्तीति ततो विसेसनत्थं “सारेन सारकरणीय”न्ति वुत्तन्ति तं दस्सेन्तो “अक्खचक्कयुगनङ्गलादिक”न्ति आह । ब्रह्मचरियस्साति सिक्खात्तयसङ्गहस्स सासनब्रह्मचरियस्स । महारुक्खस्स मग्गफलसारस्स जाणदस्सनफेग्गुक्कस्स समाधितचस्स सीलपपटिकस्स चच्चलसभावा संसप्पचारीति च चत्तारो पच्चया साखापलासं नाम । तेनेवाति लाभसक्कारसिलोकनिब्बत्तनेनेव । सारो मे पत्तोति इमस्मिं सासने अधिगन्तब्बसारो नाम इमिना लाभादिनिब्बत्तनेन अनुप्पत्तोति वोसानं निट्ठितकिच्चं आपन्नो ।

३१०. जाणदस्सनन्ति जाणभूतं दस्सनं विसयस्स सच्छिक्करणवसेन पवत्तं अभिज्जाजाणं । सुखुमं रूपन्ति देवादीनं, अज्जम्पि वा सुखुमसभावं रूपं । तेनाह “अन्तमसो...पे०... विहरन्ती”ति, दिब्बचक्खु हि इध उक्कट्टुनिदेसेन “जाणदस्सन”न्ति गहितं ।

३११. असमयविमोक्खं आराधेतीति एत्थ अधिप्पेतं असमयविमोक्खं पाळिया एव दस्सेतुं “कतमो असमयविमोक्खो”तिआदि वुत्तं । अट्टन्नज्झि समापज्जनसमयोपि अत्थि असमयोपि, मग्गविमोक्खेन पन विमुच्चनस्स समयो वा असमयो वा नत्थि । यस्स सद्धा बलवती, विपस्सना च आरद्धा, तस्स गच्छन्तस्स तिट्ठन्तस्स निसीदन्तस्स भुज्जन्तस्स च मग्गफलपटिवेधो नाम न होतीति न वत्तब्बं, इति मग्गविमोक्खेन विमुच्चन्तस्स समयो वा असमयो वा नत्थीति सो असमयविमोक्खो । तेनाह “लोकियसमापत्तियो ही”तिआदि ।

न कुप्पति, न नस्सतीति अकुप्पा, कदाचिपि अपरिहानसभावा । सब्बसंकिलेसेहि पटिप्पस्सद्धिवसेन चेतसो विमुत्तीति चेतोविमुत्ति । तेनाह “अरहत्तफलविमुत्ती”ति । अयमत्थो पयोजनं एतस्साति एतदत्थं, सासनब्रह्मचरियं, तस्स एसा परमकोटि । यथारद्धस्स सारोपमेन फलेन देसना निद्रुपिताति आह “यथानुसन्धिनाव देसनं निद्रुपेसी”ति । यं पनेत्थ अत्थतो अविभत्तं, तं सुविज्जेय्यमेव ।

महासारोपमसुत्तवण्णनाय लीनत्थप्पकासना समत्ता ।

## १०. चूळसारोपमसुत्तवण्णना

३१२. पिङ्गलधातुकोति पिङ्गलसभावो पिङ्गलच्छविको, पिङ्गलक्खोति वा अत्थो । पब्बजितसमूहसङ्घातो सङ्घो, न सीलादिगुणेहि सङ्गहितब्बभावेन । सङ्घो एतेसं अत्थि परिवारभूतोति सङ्घिनो । स्वेवाति सो एव पब्बजितसमूहसङ्घातो । आचारसिक्खापनवसेनाति अत्तना परिकप्पितअचेलवतादिआचारसिक्खापनवसेन । पज्जाताति यथासकं समादिन्नवतवसेन चेव विज्जातलद्धिवसेन च पज्जाता । लद्धिकराति तस्सा मिच्छादिट्ठिया उप्पादका । बहुजनस्साति पुथुजनस्स । तस्स पन आगमसम्पदापि नाम नत्थि, कुतो अधिगमोति एकंसतो अन्धपुथुज्जनो एवाति आह “अस्सुतवतो अन्धबालपुथुज्जनस्सा”ति । न हि विज्जू अप्पसादनीये पसीदन्ति । मङ्गलेसु कातब्बदासकिच्चकरो दासो मङ्गलदासो ।

तन्तावुतानन्ति तन्ते पसारेत्वा वीतानं । गण्ठनकिलेसोति संसारे बन्धनकिलेसो । एवं वादितायाति एवं पटिज्जताय, एवं दिट्ठिताय वा । निव्यानिकाति निव्यानगतिसप्पाटिहीरका अनुपारम्भभूतत्ताति अधिप्पायो । नो चे निव्यानिकाति आनेत्वा योजना । तेसं सब्बज्जुपटिज्जाय अभूतत्ता तस्सा अभूतभावकथनेन तस्स ब्राह्मणस्स न काचि अत्थसिद्धीति आह “नेसं अनिव्यानिकभावकथनेन अत्थाभावतो”ति ।

३१८. निहीनलोकामिसे लीनो अज्झासयो एतस्स, न पन निब्बानेति । लीनज्झासयो । सासनं सिथिलं कत्वा गण्हाति सिक्खाय न तिब्बगारवत्ता ।

३२३. हेट्ठाति अनन्तरातीतसुत्ते महासारोपमे । पठमज्झानादिधम्मा विपस्सनापादकाति विपस्सनाय पदट्ठानभूता । इधाति इमस्मिं चूळसारोपमे आगता । निरोधपादकाति अनागामिनो, अरहन्तो वा निरोधसमापत्तिं समापज्जितुं समत्था । तस्माति निरोधपादकत्ता । पठमज्झानादिधम्मा जाणदस्सनतो उत्तरितराति वेदितब्बा ।

चूळसारोपमसुत्तवण्णनाय लीनत्थप्पकासना समत्ता ।

निट्ठिता च ओपम्मवग्गवण्णना ।

## ४. महायमकवग्गो

### १. चूळगोसिङ्गसुत्तवण्णना

३२५. जातीनं (अ० नि० टी० ३.६.१९) निवासट्ठानभूतो गामो जातिको, सो एव नातिको । सो किर गामो येसं सन्तको, तेसं पुब्बपुरिसेन अत्तनो जातीनं साधारणभावेन निवेसितो, तेन “नातिको”ति पज्जायित्थ । अथ पच्छा तत्थ द्वीहि दायादेहि द्विधा विभजित्वा परिभुत्तो । तेनाह “द्विन्नं चूळपित्तमहापित्तपुत्तानं द्वे गामा”ति । गिज्जका वुच्चन्ति इट्ठका, गिज्जकाहियेव कतो आवसथो गिज्जकावसथो । तस्मिं किर पदेसे मत्तिका सक्खरमरुम्बवालिकादीहि असम्मिस्सा अकठिना सण्हा सुखुमा, ताय कतानि कुलालभाजनानिपि सिलामयानि विय दळ्हानि, तस्मा ते उपासका ताय मत्तिकाय दीघपुथुलइट्ठका कारेत्वा ताहि ठपेत्वा द्वारबाहवातपानकवाटतुलायो सेसं सब्बं दब्बसम्भारेन विना इट्ठकाहि एव पासादं कारेसुं । तेनाह “इट्ठकाहेवा”तिआदि ।

गोसिङ्गसालवनदायन्ति गोसिङ्गसालवनन्ति लद्धनामं रक्खितं अरज्जं । जेट्ठकरुक्खस्साति वनप्पतिभूतस्स

सालरुक्खस्स । **सामगिरसन्ति** समग्गभावादिगुणं विवेकसुखं । **उपरिपण्णासके** उपक्विकलेससुत्ते (म० नि० ३.२३७-२३८) पृथुज्जनकालो कथितो, **इध** चूळगोसिङ्गसुत्ते **खीणासवकालो** कथितो । कतकिच्चापि हि ते महाथेरा अत्तनो दिट्ठधम्मसुखविहारं परेसं दिट्ठानुगतिं आपज्जनञ्च सम्पस्सन्ता परमञ्च विवेकं अनुब्रूहन्ता सामगिरसं अनुभवमाना तत्थ विहरन्ति । **तदाति** तस्मिं उपक्विकलेससुत्तदेसनाकाले । तेति अनुरुद्धप्पमुखा कुलपुत्ता । **लद्धस्सादाति** विपस्सनाय वीथिपटिपत्तिया अधिगतस्सादा । विपस्सना हि पुब्बेनापरं विसेसं आवहन्ती पवत्तमाना सातिसयं पीतिसोमनस्सं आवहति । तेनाह भगवा —

“यतो यतो सम्मसति, खन्धानं उदयब्बयं ।

लभति पीतिपामोज्जं, अमतं तं विजानत”न्ति ॥ (ध० प० ३७४) ।

**लद्धपतिट्ठा** मग्गफलाधिगमनेन । सति हि मग्गफलाधिगमे सासने पतिट्ठा लद्धा नाम होति, नो अज्जथा ।

कामं सारिपुत्तमोग्गल्लानापि महासावकपरियापन्नाव, अग्गसावकभावेन पन नेसं विसेसदस्सनत्थं “**धम्मसेनापतिमहामोग्गल्लानत्थेरेसु वा**”ति विसुं गहणं । सतिपि हि सामज्जयोगे विसेसवन्तो विसुं गहन्ति यथा “ब्राह्मणा आगता, वासिट्ठोपि आगतो”ति । तेसु पन विसुं गहितेसुपि “**असीतिमहासावकेसू**”ति **असीति**गहणं अप्पकं ऊनमधिकं वा गणनुपगं न होतीति । **अन्तमसोति** इदं धम्मभण्डागारिकस्स उपट्ठाकभावेन आसन्नचारिताय वुत्तं । **अनीकाति** हत्थानीका, हत्थानीकतो हत्थिसमूहतोति अत्थो । काळसीहो येभ्य्येन यूथचरोति कत्वा वुत्तं “**यूथा निस्सटो काळसीहो विया**”ति । केसरी पन एकचरोव । **वातच्छिन्नो वलाहको वियाति** वातच्छिन्नो पब्बतकूटप्पमाणो वलाहकच्छेदो विय । **तेसं पग्गणहनतोति** यथा नाम जिघच्छितस्स भोजने, पिपासितस्स पानीये, सीतेन फुट्ठस्स उण्हे, उण्हेन फुट्ठस्स सीते, दुक्खितस्स सुखे अभिरुचि उप्पज्जति, एवमेवं भगवतो कोसम्बके भिक्खू अज्जमज्जं विवादापन्ने दिस्वा अपरे समग्गावासं वसन्ते आवज्जितस्स इमे तयो कुलपुत्ता आपाथं आगमिंसु, अथ ने पग्गणितुकामो उपसङ्कमि, एवायं पटिपत्तिअनुक्कमेन कोसम्बकानं भिक्खूनां विनयनुपायो होतीति । तेनाह “तेसं पग्गणहनतो”ति । एतेनेव **पच्छिमजनतं अनुकम्पनतोति** इदम्पि कारणं एकदेसेन संवण्णितन्ति दट्ठब्बं । **उक्कंसित्वाति** यथाभूतेहि गुणेहि सम्पहंसनेन विसेसेत्वा विसिट्ठे कत्वा पसंसावसेन चेतं आमोडितवचनं ।

तं **अरज्जं रक्खति** वनसामिना आणत्तो । रक्खितगोपितं वनसण्डं, न महावनादि विय अपरिग्गहितं । सीलादिप्पभेदाय अत्तत्थाय पटिपन्ना **अत्तकामा**, न अपरिच्चत्तसिनेहाति आह “**अत्तनो हितं कामयमाना**”ति । तेनाह “**यो ही**”तिआदि । **भिन्देय्याति** विनासेय्य ।

**दुब्बलमनुस्साति** पज्जाय दुब्बला अविद्वसुनो मनुस्सा । **तानीति** अभिजातिआदीसु उप्पन्नपाटिहारियानि । **चीवरगब्भेन पटिच्छादेत्वाति** चीवरसङ्घाते ओवरके निगूहित्वा विय । न हि चीवरपारुपनमत्तेन बुद्धानुभावो पटिच्छन्नो होति । “मा सुध कोचिमं बुद्धानुभावं अज्जासी”ति पन तथारूपेन इद्धानिअसङ्घारेण तं छादेत्वा गतो भगवा तथा वुत्तो । तेनाह “**अज्जातकवेसेन अगमासी**”ति ।

**अभिक्कमथाति** पदं अभिमुखभावेन विधिमुखेन वदतीति आह “**इतो आगच्छथा**”ति । बुद्धानं कायो नाम सुविसुद्धजातिमणि विय सोभनो, किञ्चि मलं अपनेतब्बं नत्थि, किमत्थं भगवा पादे पक्खालेसीति आह “**बुद्धान**”न्तिआदि ।

३२६. **अनुरुद्धा**ति वा एकसेसनयेन वुत्तं विरूपेकसेसस्सपि इच्छितब्बत्ता, एवञ्च कत्वा बहुवचननिद्देशोपि समत्थितो होति । **इरियापथो खमती**ति सरीरस्स लहुद्धानताय चतुब्बिधोपि इरियापथो सुखप्पवत्तिको । **जीवितं यापेती**ति यापनालक्खणं जीवितं इमं सरीरयन्तं यापेति सुखेन पवत्तेति । **उळुङ्कयागुं वा कटच्छुभिक्षं वा**ति इदं मकरवुत्तिया मिस्सकभत्तेन यापनं वत्तन्ति कत्वा वुत्तं । तेनाह “**भिक्षाचारवत्तं पुच्छती**”ति ।

**अञ्जमञ्जं संसन्दती**ति सतिपि उभयेसं कलापानं परमत्थतो भेदे पचुरजनेहि दुविज्जेय्यनानत्तं खीरोदकसम्मोदितं अच्चन्तमेव संसट्ठं विय हुत्वा तिट्ठति । तेनाह “**विसुं न होति, एकत्तं विय उपेती**”ति । पियभावदीपनानि चक्खूनि **पियचक्खूनि** । पियायति, पियायितब्बोति वा **पियोति** । समग्गवासस्स यं एकन्तकारणं, तं पुच्छन्तो भगवा “**यथा कथं पना**”तिआदिमाहाति “**कथन्ति कारणपुच्छा**”ति वुत्तं । यो नेसं मेत्तासहितानयेव कम्मादीनं अञ्जमञ्जस्मिं पच्चुपट्टानाकारो, तं सन्धाय “**कथ**”न्ति पुच्छा । तथा हि परतो “**एवं खो मयं, भन्ते**”तिआदिना थरेहि विस्सज्जनं कथितं ।

मित्तं एतस्स अत्थीति **मेत्तं**, कायकम्मं । **आवी**ति पकासं । **रहो**ति अप्पकासं । यज्झि उद्दिस्स मेत्तं कायकम्मं पच्चुपट्टपेति, तं तस्स सम्मुखा चे, पकासं होति, परम्मुखा चे, अप्पकासं । तेनाह “**आवि चेव रहो चाति सम्मुखा चेव परम्मुखा चा**”ति । **इतरानी**ति परम्मुखा कायवचीकम्मानि । “**तत्था**”तिआदिना सङ्खेपतो वुत्तमत्थं विवरितुं “**यं ही**”तिआदि वुत्तं । सम्मज्जनादिवसेन **पटिज्जितब्बयुत्तं ठानं वा** । **तथेवा**ति यथा सम्मुखा कते मेत्ताकायकम्मे वुत्तं, तथेव । “**कच्चि खमनीय**”न्ति एवमादिका कथा **सम्मोदनीयकथा** । यथा परेहि सद्धिं अत्तनो छिदं न होति, तथा पटिसन्धारवसेन पवत्ता कथा **पटिसन्धारकथा** । “**अहो तदा थरेन मय्हं दिन्नो ओवादो, दिन्ना अनुसासनी**”ति एवं कालन्तरे सरितब्बयुत्ता, छसारणीयपटिसंयुत्ता वा कथा **सारणीयकथा** । सुत्तपदं निक्खिपित्वा तस्स अत्थनिद्देशवसेन सीलादिधम्मपटिसंयुत्ता कथा **धम्मीकथा** । सरेन सुत्तस्स उच्चारणं **सरभज्जं** । पज्जहस्स जातुं इच्छितस्स अत्थस्स पुच्छनं **पज्जपुच्छनं** । तस्स यथापुच्छितस्सआदिसनं **पज्जविस्सज्जनं** । **एवं समन्नाहरतो**ति एवं मनसिकरोतो, एवं मेत्तं उपसंहरतोति अत्थो ।

एकतो कातुं न सक्का, तस्मा **नाना** । **हितट्ठेना**ति अत्तनो विय अञ्जमञ्जस्स हितभावेन । **निरन्तरट्ठेना**ति अन्तराभावेन भेदाभावेन । **अविग्गहट्ठेना**ति अविरोधभावेन । **समग्गट्ठेना**ति सहितभावेन । **परिभण्डं कत्वा**ति बहलतनुमत्तिकालेपेहि लिम्पेत्वा । **चीवरं वा धोवन्ती**ति अत्तनो चीवरं वा धोवन्ति । **परिभण्डं वा**ति अत्तनो पण्णसालाय परिभण्डं वा करोन्ति ।

३२७. **पटिविरुद्धा** एवाति एत्थापि “**येभ्य्येना**”ति पदं आनेत्वा सम्बन्धितब्बं । **तेसं अप्पमादलक्खणन्ति** तेसं अप्पमज्जनसभावं । **कच्चि पन वो अनुरुद्धा समग्गा**ति एत्थापि **वो**ति निपातमत्तं, पच्चत्तवचनं वा, कच्चि तुम्हेति एवमत्थो वेदितब्बो । **समुग्गपातिन्ति** समुग्गपुटसदिसं पातिं ।

पण्णसालायं अन्तो बहि च सम्मज्जनेन सोधितङ्गणता **वत्तपटिपत्ति** । **पटिविसमत्तमेवा**ति अत्तनो यापनपटिविसमत्तमेव । **ओसापेत्वा**ति पक्खिपित्वा । **पमाणमेवा**ति अत्तनो यापनपमाणमेव । **वुत्तनयेन जहित्वा**ति पाळियं वुत्तनयेन जहित्वा ।

**हत्थेन हत्थं संसिब्बन्ता**ति अत्तनो हत्थेन इतरस्स हत्थं दळ्ळहग्गहणवसेन बन्धन्ता । विलङ्घेति देसन्तरं पापेति एतेनाति विलङ्घको, हत्थो । हत्थो एव विलङ्घको हत्थविलङ्घको, तेन **हत्थविलङ्घकेन** ।

तं अखण्डं कत्वाति तं तीसुपि दिवसेसु धम्मस्सवनं पवत्तनवसेन अखण्डिकं कत्वा । एतन्ति “पञ्चाहिकं खो पना”ति आदिवचनं । पञ्चमे पञ्चमे अहनि भवतीति पञ्चाहिकं । भगवता पुच्छितेन अनुरुद्धत्थेरेन । पमादट्टानेसुयेवाति अञ्जेसं पमादट्टानेसुयेव । “पमादट्टानेसुयेवा”ति वुत्तमेवत्थं पाकटतरं कातुं “अञ्जेसञ्ही”ति आदि वुत्तं । पपञ्चकरणट्टानानीति कथापपञ्चस्स करणट्टानानि विस्सट्ठकथापवत्तनेन कम्मट्टाने पमज्जनट्टानानि । तत्थापि “मयं, भन्ते, कम्मट्टानविरुद्धं न पटिपज्जामा”ति सिखाप्पत्तं अत्तनो अप्पमादलक्खणं थेरो दस्सेति । एत्तकं ठानं मुञ्चित्वाति पन इदं तदा विहारसमापत्तीनं वळज्जाभावेन वुत्तं ।

३२८. ज्ञानस्स अधिप्पेतत्ता “अलमरियजाणदस्सनविसेसो”इच्चेव वुत्तं । अत्तनो सम्मापटिपन्नताय सत्थु चित्ताराधनत्थं तस्स च विसेसाधिगमस्स सत्थु पच्चक्खभावतो थेरो “किञ्चि नो सिया, भन्ते”ति आह । यावदेवाति यत्तकं कालं एकं दिवसभागं वा सकलरत्तिं वा याव सत्त वा दिवसे ।

३२९. समतिक्कमायाति सम्मदेव अतिक्कमनाय । सति हि उपरि विसेसाधिगमे हेट्ठिमज्झानं समतिक्कन्तं नाम होति पटिप्पस्सद्धि च । तेनाह “पटिप्पस्सद्धिया”ति । जाणदस्सनविसेसोति कारणूपचारेन वुत्तोति वेदितब्बो । वेदयितसुखतोति वेदनासहितज्झानसुखतो वा फलसुखतो वा । अवेदयितसुखन्ति निब्बानसुखं विय वेदनारहितं सुखं । अवेदयितसुखन्ति च निदस्सनमत्तमेतं, तं पन अफस्सं असञ्जं अचेतनन्ति सब्बचित्तचेतसिकरहितमेव । ततो च सतिपि रूपधम्मप्पवत्तियं तस्स अचेतनत्ता सब्बसो सङ्खारदुक्खविरहितताय सन्ततरा पणीततरा च निरोधसमापत्तीति वुच्चते । तेनाह “अवेदयितसुखं सन्ततरं पणीततरं होती”ति । तेन वुत्तं “इमम्हा चा”ति आदि ।

३३०. सामगिरसानिसंसमेव नेसं भगवा कथेसि अज्झासयानुकूलत्ता तस्स । अनुसावेत्वाति अनुपगमनवसेन सम्मदेव आरोचेत्वा । “अनुसंसावेत्वा”ति वा पाठो, सो एवत्थो । ततो पटिनिवत्तित्वाति एतरहि भगवतो एकविहारे अज्झासयोति सत्थु मनं गणहन्ता “इधेव तिट्ठथा”ति विस्सज्जितट्टानतो निवत्तित्वा । पब्बज्जादीनीति आदि-सद्देन उपसम्पदा-विसुद्धि-धुतकम्मट्टानानुयोग-ज्ञानविमोक्ख-समापत्ति-जाणदस्सन-मग्गभावना-फलसच्छिकिरियादिके सङ्गण्हाति । अधिगन्त्वापीति पि-सद्देन यथाधिगतानम्पि । अत्तनो गुणकथाय अट्ठियमानाति भगवन्तं निस्साय अधिगन्त्वापि धम्माधिकरणं सत्थुविहेसाभावदीपने भगवतो पाकटगुणानं कथाय अट्ठियमानापीति योजना । देवताति तंतंसमापत्तिलाभिनियो देवता । मुखं मे सज्जन्ति मुखं मे कथने समत्थं, कथने योग्यन्ति अत्थो ।

३३१. एवं आगतोति एवं आटानाटियसुत्ते आगतो । पलिवेठेन्तेति चोदेन्ते । मच्छरायन्तीति अत्तनो गुणानं भगवतोपि आरोचनं असहमाना मच्छरायन्तीति सो चिन्तेतीति कत्वा वुत्तं ।

०१ तेसं लाभाति तेसं वज्जिराजूनं वज्जिरट्ठवासीनञ्च मनुस्सत्तं, पतिरूपदेसवासादिको, भगवतो तिण्णञ्च कुलपुत्तानं दस्सनवन्दनदानधम्मस्सवनादयो लाभा । सुलद्धा लाभाति योजना । पसन्नचित्तं अनुस्सरेय्याति तं कुलज्हेतं सीलादिगुणे चित्तं पसादेत्वा अनुस्सरेय्य । वुत्तं तेसं “अनुस्सरणम्पाहं, भिक्खवे, तेसं भिक्खूनं बहूपकारं वदामी”ति (इतिवु० १०४; सं० नि० ५.१८४) ।

चूळगोसिङ्गसुत्तवण्णनाय लीनत्थप्पकासना समत्ता ।

## २. महागोसिङ्गसुत्तवण्णना

**३३२. कोचिदेवाति** गोसिङ्गसालवनसामन्ततो निविट्टेसु यो कोचि गामो गोचरगामो भविस्सति, तस्मा अनिबद्धभावतो गोचरगामो न गहितो, वसनट्टानमेव परिदीपितं, ततो एव अरञ्जनिदानकं नामेतं । **सब्बत्थाति** देवल्लोके मनुस्सलोके च । **थिरकारकेहीति** सासने थिरभावकारकेहि । **सवनन्ते जातत्ताति** चतुसच्चगम्भस्स धम्मस्सवनस्स परियोसाने अरियाय जातिया जातत्ता । यथा पटिवेधबाहुसच्चं इज्झति, तथा धम्मस्स सवनतो सावका । **सूरियो विय** भासुरगुणरंसिताय मोहन्धकारविधमनतो । **चन्दो विय** रमणीयमनोहरसीतलगुणताय किलेसपरिळाहवूपसमतो । **सागरो विय** गम्भीरथिरविपुलानेकगुणताय ठितधम्मसभावतो । गुणमहन्तताय थेरस्स अभिज्जातता, गुणमहन्तता च सुत्तेसु आगतनयेनेव जातब्बाति तं वित्थारतो दस्सेतुं “**न केवल**”न्तिआदि वुत्तं । **सीहनादसुत्तन्ति** मज्झिमनिकाये आगतं महासीहनादसुत्तं (म० नि० १.१४६) । **थेरपज्जसुत्तन्ति** सुत्तनिपाते अट्ठकवग्गे आगतं **सारिपुत्तसुत्तं** (सु० नि० ९६१-९८१) । **थेरसीहनादसुत्तन्ति** इमस्स च थेरस्स जनपदचारिकाय सत्थु सम्मुखा **सीहनादसुत्तं** । **अभिनिक्खमनन्ति** थेरस्सेव महता जातिपरिवट्टेन महता च भोगपरिवट्टेन सह घरावासपरिच्चागो अभिनिक्खमनं । एस नयो इतो परेसुपि । **यदिदन्ति** निपातो, यो अयन्ति अत्थो ।

**महापज्जे भिक्खू गहेत्वाति** आयस्मतो किर सारिपुत्तत्थेरस्स परिवारभिक्खूपि महापज्जा एव अहेसुं । धातुसो हि सत्ता संसन्दन्ति । **सयं इद्धिमाति** आदीसुपि एसेव नयो । अयं पनत्थो **धातुसंयुत्तेन** (सं० नि० २.९९) दीपेतब्बो — गिज्झकूटपब्बते गिलानसेय्याय निसिन्नो भगवा आरक्खत्थाय परिवारेत्वा वसन्तेसु सारिपुत्तमोगल्लानादीसु एकमेकं अत्तनो परिसाय सद्धिं चङ्कमन्तं वोलोकेत्वा भिक्खू आमन्तेसि — “पस्सथ नो तुम्हे, भिक्खवे, सारिपुत्तं सम्बहुलेहि भिक्खूहि सद्धिं चङ्कमन्तन्ति । एवं, भन्ते । सब्बे खो एते, भिक्खवे, भिक्खू महापज्जा”ति सब्बं वित्थारेतब्बं ।

**वनन्तेति** उपवनन्ते । **मेघवण्णायाति** नीलाभाय । समुद्दकुच्छितो उग्गच्छन्तस्स विय उपट्टानं सन्धाय वुत्तं । चक्कवाळपब्बतमत्थकसमीपे आभाफरणवसेन पवत्तिया “**पाचीनचक्कवाळपब्बतमत्थके**”ति वुत्तं, न चक्कवाळपब्बतमत्थके चन्दमण्डलस्स विचरणतो । तथा सति लोकन्तरिकनिरयेसुपि चन्दिमसूरियानं आभा फरेय्य । उब्बेधवसेन हि चक्कवाळपब्बतस्स वेमज्झतो चन्दिमसूरिया विचरन्ति । सालकुसुमपभानं अतिरत्तताय वुत्तं “**लाखारसेन सिञ्चमानं विया**”ति । **उपगायमाना वियाति** पयिरुपासनवसेन उपेच्च गायमाना विय । **काय नु खो अज्ज रतियाति** अज्ज ज्ञानसमापत्तिरतिया एव नु खो, उदाहु धम्मसाकच्छारतिया धम्मदेसनारतियाति चिन्तेसि ।

**द्वे चन्दमण्डलानि विय** परमसोभगपत्ताय कन्तिया । **द्वे सूरियमण्डलानि विय** अतिविय सुविसुद्धसमुज्जलाय गुणविभूतिया । **द्वे छदन्तनागराजानो विय** महानुभावताय । **द्वे सीहा विय** तेजुस्सदताय । **द्वे ब्यग्धा विय** अनोलीनवृत्तताय । **सब्बपालिफुल्लमेवाति** सब्बमेव समन्ततो विकसितं ।

**३३३. कथा उपचरति** पवत्तति एत्थाति कथाउपचारो, सवनूपचारो पदेसो, तं **कथाउपचारं** । रमणीयमेव **रामणेय्यकं** । **उज्जङ्गलेति** लूखपदेसे कठिनपदेसे । दोसेहि इता अपगताति **दोसिना** त-कारस्स न-कारं कत्वा । **दिब्बा मज्जे गन्धाति** देवल्लोके गन्धा विय । दिवि भवाति **दिब्बा** । **द्वे थेराति** सारिपुत्तत्थेरआनन्दत्थेरा । आनन्दत्थेरो ताव ममायतु अखीणासवभावतो, सारिपुत्तत्थेरो कथन्ति? न इदं ममायनं गेहस्सितपेमवसेन, अथ खो गुणभत्तिवसेनाति नायं दोसो ।

अनुमतिया पुच्छा **अनुमतिपुच्छा**, अनुमतिगहणत्थं पुच्छनं । तत्थ यस्मा अधम्मिकम्पि वुद्धस्स अनुमतिं इतरो पटिक्खिपितुं न लभति, तेन सा अनुजानितब्बाव होति, तस्मा सङ्खुद्दकतो पट्टाय अनुमति पुच्छितब्बा । तेनाह “**अनुमतिपुच्छा नामेसा**”तिआदि । **खुद्दकतो पट्टायाति** कणिट्ठतो पट्टाय । पटिभाति उपट्टातीति पटिभानं, यथाधिप्पेतो



अथो, तं पटिभानं। सिखाप्पत्ता वेपुल्लप्पत्ता न भविस्सति पदेसजाणे ठितेहि भासितत्ता। सिखाप्पत्ता वेपुल्लप्पत्ता भविस्सति सब्बज्जुतज्जाणेन संसन्दितत्ता। वुत्तमेवत्थं उपमाय विभावेतुं “यथा ही”तिआदि वुत्तं। तत्थ पच्चत्थिका अट्टियन्ति दुक्खायन्ति एतेनाति अट्टो, विनिच्छित्तब्बवोहारो। गामभोजकन्ति यस्मिं गामे सो उप्पन्नो, तं गामभोजकं। जनपदभोजकन्ति यस्मिं जनपदे सो उप्पन्नो, तं जनपदभोजकं। महाविनिच्छयअमच्चन्ति यस्मिं रज्जे सो जनपदो, तस्स राजधानियं महाविनिच्छयअमच्चं। सेनापतिन्ति यस्स रज्जो सो अमच्चो, तस्स सेनापतिं। तथा उपराजन्ति। इदं पनेत्थ पकतिचारित्तवसेन वुत्तं उपमेय्यत्थानुरूपतोति दट्टुब्बं। अपरापरं न सज्जरति विनिच्छयनारहेन विनिच्छित्तभावतो।

पकट्टानं (अ० नि० टी० २.४.२२) उक्कट्टानं सीलादिअत्थानं बोधनतो, सभावनिरुत्तिवसेन बुद्धादीहि भासितत्ता च पकट्टानं वचनप्पबन्धानं आळीति पाळि, परियत्तिधम्मो। पुरिमस्स अत्थस्स पच्छिमेन अत्थेन अनुसन्धानं अनुसन्धि। अत्थमुखेन पन पाळिपदेसानम्पि अनुसन्धि होतियेव, सो च पुब्बापरानुसन्धि-पुच्छानुसन्धि-अज्झासयानुसन्धि-यत्थानुसन्धिवसेन चतुब्बिधो। तंतंदेसनानं पन पुब्बापरसंसन्दनं पुब्बापरं। पाळिवसेन अनुसन्धिवसेन पुब्बापरवसेनाति पच्चेकं योजेतब्बं। उग्गहितन्ति ब्यज्जनसो अत्थसो च उद्धं उद्धं गहितं, परियापुणनवसेन चेव परिपुच्छावसेन च हदयेन गहितन्ति अत्थो। वट्टदुक्खनिस्सरणत्थिकेहि सोतब्बतो सुत्तं, परियत्तिधम्मो, तं धारेतीति सुत्तधरो। यो हि सुत्तधरो, सुत्तं तस्मिं पतिट्ठितं होति सुप्पतिट्ठितं, तस्मा वुत्तं “सुत्तस्स आधारभूतो”ति। तेनाह “यस्स ही”तिआदि। एकपदं एकक्खरम्पि अविनट्ठं हुत्वा सन्निचीयतीति सन्निचयो, सुत्तं सन्निचयो एतस्मिन्ति सुत्तसन्निचयो। अज्झोसायाति अनुपविसित्वा। तिट्ठतीति न मुस्सति।

ठिता पगुणाति पगुणा वाचुग्गता। निच्चलितन्ति अपरिवत्तितं। संसन्दित्वाति अज्जेहि संसन्दित्वा। समनुग्गाहित्वाति परिपुच्छावसेन अत्थं ओगाहेत्वा। पबन्धस्स विबन्धाभावतो गङ्गासोतसदिसं, “भवङ्गसोतसदिसं”न्ति वा पाठो, अकित्तिमं सुखप्पवत्तीति अत्थो। सुत्तेकदेसस्स सुत्तस्स च वचसा परिचयो इध नाधिप्पेतो, वग्गादिवसेन पन अधिप्पेतोति आह “सुत्तदसक...पे०... सज्झायिता”ति, “दस सुत्तानि गतानि, दस वग्गागता”तिआदिना सल्लक्खेत्वा वाचाय सज्झायिताति अत्थो। मनसा अनु अनु पेक्खिता भागसो निज्झायिता चिन्तिता मनसानुपेक्खिता। रूपगतं विय पज्जायतीति रूपगतं विय चक्खुस्स विभूतं हुत्वा पज्जायति। सुप्पटिविद्धाति निज्जटं निग्गुम्बं कत्वा सुट्ठु याथावतो पटिविद्धा।

पज्जति अत्थो जायति एतेनाति पदं, तदेव अत्थं ब्यज्जेतीति ब्यज्जनन्ति आह “पदमेव अत्थस्स ब्यज्जनतो पदब्यज्जन”न्ति। अक्खरपारिपूरिया पदब्यज्जनस्स परिमण्डलता, सा पन पारिपूरी एवं वेदितब्बाति आह “दसविधब्यज्जनबुद्धियो अपरिहापेत्वा”ति। अज्जं उपारम्भकरन्ति यथानिक्खित्तसुत्ततो अज्जं तस्स अननुलोमकं सुत्तं आहरति। तदत्थं ओतारेतीति तस्स आहटसुत्तस्सेव अत्थं विचारेति। तस्स कथा अपरिमण्डला नाम होति अत्थस्स अपरिपुण्णभावतो। यथानिक्खित्तस्स सुत्तस्स अत्थसंवण्णनावसेनेव सुत्तन्तरम्पि आनेन्तो बहि एकपदम्पि न गच्छति नाम। अमक्खेन्तोति अविनासेन्तो। तं तं अत्थं सुट्ठु ववत्थितं कत्वा दस्सेन्तो तुलिकाय परिच्छिन्दन्तो विय। गम्भीरतरमत्थं गमेन्तो गम्भीरमातिकाय उदकं पेसेन्तो विय। उत्तानमातिकाय हि मरियादं ओत्थरित्वा उदकं अज्जथा गच्छेय्य। एकंयेव पदं अनेकेहि परियायेहि पुनप्पुनं संवण्णेन्तो पदं कोट्टेन्तो सिन्धवाजानीयो विय। सो हि वग्गिताय गतिया पदे पदं कोट्टेन्तो गच्छति। कथामग्गेन तस्स कथा परिमण्डला नाम होति धम्मतो अत्थतो अनुसन्धितो पुब्बापरतो आचरियुग्गहतोति सब्बसो परिपुण्णभावतो।

अनुष्यबन्धेहीति विस्सट्ठेहि आसज्जमानेहि । नातिसीधं नातिसणिकं निरन्तरं एकरसञ्च कत्वा परिसाय अज्झासयानुरूपं धम्मं कथेन्तो विस्सट्ठाय कथाय कथेति नाम, न अज्जथाति दस्सेन्तो “यो भिक्खू”तिआदिमाह । अरणिं मन्थेन्तो विय, उण्हखादनीयं खादन्तो वियाति सीधं सीधं कथनस्स उदाहरणं, गहितं गहितमेवातिआदि लङ्घेत्वा कथनस्स । पुराणपण्णन्तरेसु हि परिपातियमानगोधा कदाचि दिस्सति, एवमेकच्चस्स अत्थवण्णना कत्थचि न दिस्सति । ओहायाति ठपेत्वा । योपीतिआदिना एकरूपेन कथाय अकथनं दस्सेति । पेतग्गि निज्झामतण्हिकपेतस्स मुखतो निच्छरणकअग्गि । वित्थायतीति अप्पटितानतमापज्जति । केनचि रोगेन दुक्खं पत्तो विय नित्थुनन्तो । कन्दन्तो वियाति उक्कुट्ठिं करोन्तो विय । अप्पबन्धा नाम होति सुखेन अप्पवत्तभावतो । आचरियेहि दिन्ननये ठितोति आचरियुग्गहं अमुज्जन्तो, यथा च आचरिया तं तं सुत्तं संवण्णेसुं, तेनेव नयेन संवण्णेन्तोति अत्थो । अच्छिन्नधारं कत्वाति “नातिसीधं नातिसणिक”न्तिआदिना हेट्ठा वुत्तनयेन अविच्छिन्नं कथापबन्धं कत्वा । अनुसयसमुग्धातायाति इमिना तस्सा कथाय अरहत्तपरियोसानतं दस्सेति । एवरूपेनाति नयिदं एकवचनं तत्तकवसेन गहेतब्बं, अथ खो लक्खणे पवत्तन्ति दस्सेन्तो “तथारूपेनेव भिक्खुसतेन भिक्खुसहस्सेन वा”ति वुत्तं । पल्लङ्केनाति पल्लङ्कपदेसेन, पल्लङ्कासनन्तेनाति अत्थो । इमिना नयेनाति वारन्तरसाधारणं अत्थं अतिदिसति, असाधारणं पन वक्खतेवाति ।

३३४. आरमति एतेनाति आरामो ।

३३५. धुवसेवनन्ति नियतसेवितं । पासादपरिवेणेति पासादङ्गणे । नाभिया पतिट्ठितानन्ति नाभिया भूमियं पतिट्ठितानं । अरन्तरानीति अरविवरानि तंतंअरानं वेमज्झट्टानानि ।

३३६. समादिन्नअरज्जधुतङ्गो आरज्जिको, न अरज्जवासमत्तेन ।

३३७. न ओसादेन्तीति न अवसादेन्ति, न अवसादनापेक्खा अज्जमज्जं पज्जं पुच्छन्तीति अत्थो । पवत्तिनीति पगुणा ।

३३८. लोकुत्तरा विहारसमापत्ति नाम थेरस्स अरहत्तफलसमापत्तियो, परियायतो पन निरोधसमापत्तिपि वेदितब्बा ।

३३९. साधुकारो आनन्दत्थेरस्स दिन्नो । तेनाह भगवा “यथा तं आनन्दोव सम्मा ब्याकरमानो ब्याकरेय्या”तिआदि । सम्माति सुट्ठु, यथाअज्झासयन्ति अधिप्पायो । येन हि यं यथाचित्तं कथितं, तं सम्मा कथितं नाम होति । सम्पत्तवसेन हि यथाकारी तथावादी सोभति । तेनाह “अत्तनो अनुच्छविकमेवा”तिआदि । बहुस्सुतो भिक्खु तत्थ तत्थ सुत्ते सीलादीनं आगतट्टाने तेसं सुविदितत्ता यथानुसिद्धं पटिपज्जमानो तानि परिपूरेतीति आह “सीलस्स आगतट्टाने”तिआदि । मग्गादिपसवनाय विपस्सनागब्भं गण्हापेत्वा परिपाकं गमेत्वाति अत्थो ।

३४०. “एसेव नयो”ति अतिदेसवसेन सङ्खेपतो वुत्तमत्थं विवरन्तो “आयस्मा हि रेवतो”तिआदिमाह ।

३४२. अपरेपि नानप्पकारे किलेसेति अपरेपि नानप्पकारे दोसमोहादिकिलेसे । धुनित्वाति विधमेत्वा ।

३४३. आयस्मा महामोग्गल्लानो एवं ब्याकासीति सम्बन्धो । सकलम्पि चक्खुविज्जाणवीथिगतं चित्तं चक्खुविज्जाणन्ति अगगहेत्वा चक्खुसन्निस्सितमेव पन विज्जाणं चक्खुविज्जाणं, तदनन्तरं सम्पटिच्छनं, तदनन्तरं सन्तीरणन्तिआदिना सण्हं सुखुमं अतिइत्तरखणवन्तं चित्तन्तरं चित्तनानत्तं । खन्धादीनञ्च नानत्तसङ्घातं खन्धन्तरादि ।

पथवीकसिणे पठमज्झानं समापज्जित्वा तथेव ततियं ज्ञानन्ति आदिना आरम्भणं अनुक्कमित्वा ज्ञानस्सेव एकन्तरिकभावेन उक्कमनं **ज्ञानोक्कन्तिकं** नाम । पथवीकसिणे पठमं ज्ञानं समापज्जित्वा पुन तदेव तेजोक्कसिणेति आदिना ज्ञानं अनुक्कमित्वा आरम्भणस्सेव एकन्तरिकभावेन उक्कमनं **आरम्भणोक्कन्तिकं** नाम । “पठमज्झानं पञ्चङ्गिक”न्ति आदिना याव नेवसज्जानासज्जायतनं दुवङ्गिकन्ति ज्ञानङ्गमत्तस्सेव ववत्थापनं **अङ्गववत्थानं** । “इदं पथवीकसिणं...पे०... इदं ओदातकसिणं”न्ति आरम्भणमत्तस्सेव ववत्थापनं **आरम्भणववत्थानं** । पथवीकसिणे पठमं ज्ञानं समापज्जित्वा तथेव इतरेसम्पि समापज्जनं **अङ्गसङ्कन्ति** । पथवीकसिणे पठमं ज्ञानं समापज्जित्वा तदेव आपोक्कसिणेति एवं सब्बकसिणेषु एकस्सेव ज्ञानस्स समापज्जनं **आरम्भणसङ्कन्ति** । **एकतोवड्डुनं उभतोवड्डुनन्ति** इदं खन्धादिदेसनायं लब्धति । अभिधम्मभाजनीये हि वेदनाक्खन्धं भाजेन्तो भगवा तिके गहेत्वा दुकेसु पक्खिपि, दुके गहेत्वा तिकेसु पक्खिपि, इदं **एकतोवड्डुनं** । तिके च दुके च उभतोवड्डुननीहारेण कथेसि, इदं **उभतोवड्डुनं** । एवं सेसखन्धेषु धातायतनादीसु च यथारहं **विभङ्गप्पकरणे** (विभ० ३२-३३; १५५-१५६, १८३-१८४) अभिधम्मभाजनीये आगतनयेन वेदितब्बं । तेनाह “**आभिधम्मिकधम्मकथिकस्सेव पाकटं**”न्ति । खन्धादीसु सभावधम्मेषु तीसु लक्खणेषु पञ्चत्तियं समयन्तरेसु च कोसल्लाभावतो अयं सकवादो अयं परवादोति न जानाति । ततो एव सकवादं...पे०... धम्मन्तरं विसंवादेति । खन्धादीसु पन कुसलताय आभिधम्मिको सकवादं...पे०... न विसंवादेति ।

**३४४. चित्तं अत्तनो वसे वत्तेतुं सक्कोति** पटिसङ्खानभावनाबलेहि परिगणहनसमत्थत्ता । इदानीं तमत्थं व्यतिरेकतो अन्वयतो च विभावेतुं “**दुप्पज्जो ही**”ति आदिमाह । तत्थ **सब्बानस्साति** सब्बानि अस्स । **विसेवितविप्फन्दितानीति** किलेसविसूकायिकानि चेव दुच्चरितविप्फन्दितानि च । **भज्जित्वाति** मदित्वा । **बहीति** कम्मट्टानतो बहि पृथुत्तारम्भणे ।

**३४५. परियायेनाति** एत्थ **परियाय-**सद्दो “अत्थि ख्वेस, ब्राह्मण, परियायो”ति आदीसु (अ० नि० ८.११; पारा० ३-९) विय कारणत्थोति आह “**सोभनकारणं अत्थी**”ति । यदि भगवा — “इध, सारिपुत्त, भिक्खु पच्छाभत्तं पिण्डपातपटिक्कन्तो”ति आदिना अत्तनो महाबोधिपल्लङ्कं सन्धायाह, एवं सन्ते सम्मासम्बुद्धेहेव सङ्घारामो सोभेतब्बो, न अज्जेहीति आपन्नन्ति आह “**अपिच पच्छिमं जनतं**”न्ति आदि । निब्बानत्थाय पटिपत्तिसारं एतस्साति पटिपत्तिसारो, तं **पटिपत्तिसारं** । **निप्परियायेनेवाति** केनचि परियायेन लेसेन विना मुख्येन नयेनेव । यो “अरहत्तं अप्पत्वा न वुट्ठहिस्सामी”ति दब्धसमादानं कत्वा निसिन्नो तं अधिगन्त्वाव उट्ठहति । एवरूपेण इदं गोसिङ्गसालवनं सोभति, सासने सब्बारम्भानं तदत्थत्ताति अत्थो । आसवक्खयावहं पटिपत्तिं आरभित्वा आसवक्खयेनेव देसनाय परियोसापितत्ता यथानुसन्धिनाव देसनं निट्टपेसीति ।

महागोसिङ्गसुत्तवण्णनाय लीनत्थप्पकासना समत्ता ।

### ३. महागोपालकसुत्तवण्णना

**३४६. तत्थाति** गोपालकसुत्ते । **तिस्सो कथाति** (अ० नि० टी० ३.११.१७) तिस्सो अट्ठकथा, तिविधा सुत्तस्स अत्थवण्णनाति अत्थो । एकेकं पदं नाळं मूलं एतिस्साति एवंसज्जिता **एकनाळिका**, एकेकं वा पदं नाळं अत्थनिग्गमनमग्गो एतिस्साति **एकनाळिका** । तेनाह “**एकेकपदस्स अत्थकथनं**”न्ति । चत्तारो अंसा भागा अत्थसल्लक्खणूपाया एतिस्साति **चतुरस्सा** । तेनाह “**चतुक्कं बन्धित्वा कथनं**”न्ति । नियमतो निसिन्नस्स आरद्धस्स वत्तो संवत्तो एतिस्सा अत्थीति **निसिन्नवत्तिका**, यथारद्धस्स अत्थस्स विसुं विसुं परियोसापिकाति अत्थो । तेनाह “**पण्डितं गोपालकं दस्सेत्वा**”ति आदि । **एकेकपदस्साति** पिण्डत्थदस्सनवसेन बहुन्नं पदानं एकज्झं अत्थं अकथेत्वा

एकमेकस्स पदस्स अत्थवण्णना । अयं सब्बत्थेव लब्भति । **चतुक्कं बन्धित्वा**ति कण्हपक्खे उपमूपमेय्यद्वयं, तथा सुक्कपक्खेति इदं चतुक्कं योजेत्वा । अयं ईदिसेसु एव सुत्तेसु लब्भति । **परियोसानगमनन्ति** केचि ताव आहु — “कण्हपक्खे उपमं दस्सेत्वा उपमा च नाम यावदेव उपमेय्यसम्पटिदानत्थाति उपमेय्यत्थं आहरित्वा संकिलेसपक्खनिद्वेसो च वोदानपक्खविभावनत्थायाति सुक्कपक्खम्पि उपमूपमेय्यविभागेन आहरित्वा सुत्तत्थस्स परियोसापन”न्ति । कण्हपक्खे उपमेय्यं दस्सेत्वा परियोसानगमनादीसुपि एसेव नयो । अपरे पन “कण्हपक्खे सुक्कपक्खे च तंतं उपमूपमेय्यत्थानं विसुं विसुं परियोसापेत्वाव कथनं परियोसानगमन”न्ति वदन्ति । **अयन्ति** निसिन्नवत्तिका । **इधा**ति इमस्मिं गोपालकसुत्ते । **सब्बाचरियानं आचिण्णा**ति सब्बेहिपि पुब्बाचरियेहि आचरिता संवण्णिता, तथा चेव पाळि पवत्ताति ।

अङ्गीयन्ति अवयवभावेन जायन्तीति **अङ्गानि**, भागा । तानि पनेत्थ यस्मा सावज्जसभावानि, तस्मा आह “**अङ्गेहीति अगुणकोट्टासेही**”ति । **गोमण्डलन्ति** गोसमूहं । **परिहरितुन्ति** रक्खितुं । तं पन परिहरणं परिग्गहेत्वा विचरणन्ति आह “**परिग्गहेत्वा विचरितु**”न्ति । **वड्ढिन्ति** गुन्नं बहुभावं बहुगोरसतासङ्कातं परिवुद्धिं । “**एत्तकमिदं**”न्ति रूपीयतीति **रूपं**, परिमानपरिच्छेदोपि सरीररूपम्पीति आह “**गणनतो वा वण्णतो वा**”ति । **न परियेसति** विनट्टभावस्सेव अजाननतो । **नीलाति** एत्थ इति-सद्दो आदिअत्थो । तेन सेतसबलादिवण्णं सङ्गण्हाति ।

**धनुसत्तिसूलादीति** एत्थ इस्सासाचरियानं गावीसु कतं **धनुलक्खणं** । कुमारभत्तिगणानं गावीसु कतं **सत्तिलक्खणं** । इस्सरभत्तिगणानं गावीसु कतं **सूललक्खणन्ति** योजना । **आदि-**सद्देन रामवासुदेवगणादीनं गावीसु कतं फरसुचक्कादिलक्खणं सङ्गण्हाति ।

**नीलमक्खिकाति** पिङ्गलमक्खिका, खुद्दमक्खिका एव वा । सटति रुजति एतायाति साटिका, संवद्धा साटिकाति **आसाटिका** । तेनाह “**वड्ढन्ती**”तिआदि ।

**वाकेनाति** वाकपत्तेन । **चीरकेनाति** पिलोतिकेन । **अन्तोवस्सेति** वस्सकालस्स अब्भन्तरे । **निग्गाहन्ति** सुसुमारादिग्गाहरहितं । **पीतन्ति** पानीयस्स पीतभावं । सीहव्यग्धादिपरिस्सयेन **सासङ्को सप्पटिभयो** ।

पञ्च अहानि भूतानि एतस्साति पञ्चाहितो, सो एव वारोति **पञ्चाहिकवारो** । एवं **सत्ताहिकवारोति** वेदितब्बो । **चिण्णट्टानन्ति** चरितट्टानं गोचरगहितट्टानं ।

**पितुट्टानन्ति** पितरा कातब्बट्टानं, पितरा कातब्बकरणन्ति अत्थो । **यथारुचिं गहेत्वा गच्छन्तीति** गुन्नं रुचिअनुरूपं गोचरभूमियं वा नदिपारं वा गहेत्वा गच्छन्ति । **गोभत्तन्ति** कप्पासट्टिकादिमिस्सं गोभुज्जितब्बं भत्तं, भत्तग्गहणेनेव यागुपि गहिता ।

३४७. “**द्वीहाकारेही**”ति वुत्तं आकारद्वयं दस्सेतुं “**गणनतो वा समुट्टानतो वा**”ति वुत्तं । एवं **पाळियं आगताति** “उपचयो सन्तती”ति जातिं द्विधा भिन्दित्वा हृदयवत्थुं अगहेत्वा “दस आयतनानि पञ्चदस सुखुमरूपानी”ति एवं रूपकण्डपाळियं (ध० स० ६५१-६५५) आगता । **पञ्चवीसति रूपकोट्टासाति** सलक्खणतो अज्जमज्जसङ्कराभावतो रूपभागा । **रूपकोट्टासाति** वा विसुं विसुं अप्पवत्तित्वा कलापभावेनेव पवत्तनतो रूपकलापा । **कोट्टासाति** च अंसा, अवयवाति अत्थो । **कोट्टन्ति** वा सरीरं, तस्स अंसा केसादयो कोट्टासाति अज्जेपि अवयवा कोट्टासा विय **कोट्टासा** । **सेय्यथापीति** उपमासंसन्दनं । तत्थ **रूपं परिग्गहेत्वाति** यथावुत्तं रूपं सलक्खणतो जाणेन परिग्गण्हित्वा । **अरूपं**

ववत्थपेत्वाति तं रूपं निस्साय आरम्भणञ्च कत्वा पवत्तमाने वेदनादिके चत्तारो खन्धे “अरूप”न्ति ववत्थपेत्वा ।  
**रूपारूपं परिग्गहेत्वा**ति पुन तत्थ यं रूपनलक्खणं, तं रूपं, तदज्जं अरूपं, उभयविनिमुत्तं किञ्चि नत्थि अत्ता वा  
 अत्तनियं वाति एवं रूपारूपं परिग्गहेत्वा । तदुभयञ्च अविज्जादिना पच्चयेन सप्पच्चयन्ति **पच्चयं सल्लक्खेत्वा**  
 अनिच्चादिलक्खणं **आरोपेत्वा** यो कलापसम्मसनादिकमेन कम्मट्ठानं मत्थकं पापेतुं न सक्कोति, सो न वड्ढतीति  
 योजना ।

**एत्तकं रूपं एकसमुट्ठानन्ति** चक्खायतनं, सोतघानजिह्वाकायायतनं इत्थिन्द्रियं पुरिसिन्द्रियं जीवितिन्द्रियन्ति अट्ठविधं  
 कम्मवसेन, कायविज्जति वचीविज्जतीति इदं द्वयं चित्तवसेनाति एत्तकं रूपं एकसमुट्ठानं । सहायतनमेकं उत्तुचित्तवसेन  
**द्विसमुट्ठानं** । रूपस्स लहुता मुदुता कम्मज्जताति एत्तकं रूपं उत्तुचित्ताहारवसेन **तिसमुट्ठानं** । रूपगन्धरसफोटुब्बायतनं  
 आकासधातु आपोधातु कबळीकारो आहारोति एत्तकं रूपं उत्तुचित्ताहारकम्मवसेन **चतुसमुट्ठानं** । उपचयो सन्तति जरता  
 रूपस्स अनिच्चताति **एत्तकं रूपं न कुतोचि समुट्ठातीति न जानाति । समुट्ठानतो रूपं अजानन्तो**ति आदीसु वत्तब्बं  
 “गणनतो रूपं अजानन्तो”ति आदेसु वुत्तनयेनेव वेदितब्बं ।

**कम्मलक्खणो**ति अत्तना कतं दुच्चरितकम्मं लक्खणं एतस्साति कम्मलक्खणो, बालो । वुत्तज्हेतं — “तीणिमानि,  
 भिक्खवे, बालस्स बाललक्खणानि । कतमानि तीणि? दुच्चिन्तितचिन्ती होति, दुब्भासितभासी, दुक्कटकम्मकारी । इमानि  
 खो...पे... लक्खणानी”ति (अ० नि० ३.२; नेत्ति० ११६) । अत्तना कतं सुचरितकम्मं लक्खणं एतस्साति **कम्मलक्खणो**,  
 पण्डितो । वुत्तम्पि चेतं — “तीणिमानि, भिक्खवे, पण्डितस्स पण्डितलक्खणानि । कतमानि तीणि? सुचिन्तितचिन्ती होति,  
 सुभासितभासी, सुकतकम्मकारी । इमानि खो...पे... पण्डितलक्खणानी”ति (म० नि० ३.२५३; अ० नि० ३.३; नेत्ति०  
 ११६) । तेनाह “**कुसलाकुसलं कम्मं पण्डितमाललक्खणं**”न्ति । **बाले वज्जेत्वा पण्डिते न सेवतीति** यं बालपुग्गले  
 वज्जेत्वा पण्डितसेवनं अत्थकामेन कातब्बं, तं न करोति । तथाभूतस्स अयमादीनवोति दस्सेतुं पुन “**बाले**  
**वज्जेत्वा**”ति आदि वुत्तं । तत्थ यं भगवता “इदं वो कप्पती”ति अनुज्जातं, तदनुलोमज्जे, तं **कप्पियं** । यं “इदं वो न  
 कप्पती”ति पटिक्खितं, तदनुलोमज्जे, तं **अकप्पियं** । यं कोसल्लसम्भूतं, तं **कुसलं**, तप्पटिपक्खं **अकुसलं** । तदेव  
**सावज्जं, कुसलं अनवज्जं** । आपत्तितो आदितो द्वे आपत्तिकखन्धा **गरुकं**, तदज्जं **लहुकं** । धम्मतो महासावज्जं **गरुकं**,  
 अप्पसावज्जं **लहुकं** । सप्पटिकारं **सतेकिच्चं**, अप्पटिकारं **अतेकिच्छं** । धम्मतानुगतं **कारणं**, इतरं **अकारणं** । तं  
**अजानन्तो**ति कप्पियाकप्पियं गरुकलहुकं सतेकिच्छातेकिच्छं अजानन्तो सुविसुद्धं कत्वा सीलं रक्खितुं न सक्कोति,  
 कुसलाकुसलं सावज्जानवज्जं कारणाकारणं अजानन्तो खन्धादीसु अकुसलताय रूपारूपपरिग्गहम्पि कातुं न सक्कोति,  
 कुतो तस्स कम्मट्ठानं गहेत्वा वड्ढना । तेनाह “**कम्मट्ठानं गहेत्वा वड्ढेतुं न सक्कोती**”ति ।

गोवणसदिसे अत्तभावे उप्पज्जित्वा तत्थ दुक्खुप्पत्तिहेतुतो मिच्छावितक्का आसाटिका वियाति **आसाटिका**ति आह  
 “**अकुसलवितक्कं आसाटिकं अहारेत्वा**”ति ।

“गणडोति खो, भिक्खवे, पच्चन्नेतं उपादानक्खन्धानं अधिवचन”न्ति वचनतो (अ० नि० ८.५६) छहि वणमुखेहि  
 विस्सन्दमानयूसो गण्डो विय पिलोतिकखण्डेन छहि द्वारेहि विस्सन्दमानकिलेसासुचि अत्तभाववणो सतिसंवरेन  
 पिदहितब्बो, अयं पन एवं न करोतीति आह “**यथा सो गोपालको वणं न पटिच्छादेति, एवं संवरं न सम्पादेती**”ति ।

यथा धूमो इन्धनं निस्साय उप्पज्जमानो सण्हो सुखुमो तं तं विवरं अनुपविस्स ब्यापेन्तो सत्तानं डंसमकसादिपरिस्सयं  
 विनोदेति, अग्गिजालसमुट्ठानस्स पुब्बङ्गमो होति, एवं धम्मदेसनाजाणस्स इन्धनभूतं रूपारूपधम्मजातं निस्साय

उपपज्जमाना सण्हा सुखुमा तं तं खन्धन्तरं आयतनन्तरञ्च अनुपविस्स व्यापेति, सत्तानं मिच्छावितक्कादिपरिस्सयं विनोदेति, जाणगिजालसमुद्धानस्स पुब्बङ्गमोति धूमो वियाति धूमोति आह “गोपालको धूमं विय धम्मदेसनाधूमं न करोती”ति । अत्तनो सन्तिकं उपगन्त्वा निसिन्नस्स कातब्बा तदनुच्छविका धम्मकथा उपनिसिन्नकथा । कतस्स दानादिपुज्जस्स अनुमोदनकथा अनुमोदना । ततोति धम्मकथादीनं अकरणतो । “बहुस्सुतो गुणवा”ति न जानन्तीति कस्मा वुत्तं, ननु अत्तनो जानापनत्थं धम्मकथादि न कातब्बमेवाति? सच्चं, न कातब्बमेव, सुद्धासयेन पन धम्मे कथिते तस्स गुणजाननतं सन्धायेतं वुत्तं । तेनाह भगवा —

“नाभासमानं जानन्ति, मिस्सं बालेहि पण्डितं ।

भासये जोतये धम्मं, पग्गण्हे इसिनं धजं”न्ति ॥ (सं० नि० २.२४१) ।

तरन्ति एत्थाति तित्थं, नदीतळाकादीनं नहानादिअत्थं ओतरणद्धानं । यथा पन तं उदकेन ओतिण्णसत्तानं सरीरमलं पवाहेति, परिस्समं विनोदेति, विसुद्धिं उप्पादेति, एवं बहुस्सुता अत्तनो समीपं ओतिण्णसत्तानं धम्मूदकेन चित्तमलं पवाहेन्ति, परिस्समं विनोदेन्ति, विसुद्धिं उप्पादेन्ति, तस्मा ते तित्थं वियाति तित्थं । तेनाह “तित्थभूते बहुस्सुतभिकखू”ति । व्यञ्जनं कथं रोपेतब्बन्ति, भन्ते, इदं व्यञ्जनं अयं सद्दो कथं इमस्मिं अत्थे रोपेतब्बो, केन पकारेन इमस्स अत्थस्स वाचको जातो । “निरूपेतब्ब”न्ति वा पाठो, निरूपेतब्बं अयं सभावनिरुत्ति कथमेत्थ निरुळ्हाति अधिप्पायो । इमस्स भासितस्स को अत्थोति सद्दत्थं पुच्छति । इमस्मिं ठानेति इमस्मिं पाळिपदेसे । पाळि किं वदेतीति भावत्थं पुच्छति । अत्थो किं दीपेतीति भावत्थं वा सङ्केतत्थं वा । न परिपुच्छतीति विमतच्छेदनपुच्छावसेन सब्बसो पुच्छं न करोति । न परिपुच्छतीति परि परि अत्तनो जातुं इच्छं न आचिक्खति न विभावेति । तेनाह “न जानापेती”ति । तेति बहुस्सुतभिकखू । विवरणं नाम अत्थस्स विभजित्वा कथनन्ति आह “भाजेत्वा न दस्सेन्ती”ति । अनुत्तानीकतन्ति जाणेन अपाकटीकतं गुय्हुं पटिच्छन्नं । न उत्तानीकरोन्तीति सिनेरुमूलकं वालिकं उद्धरन्तो विय पथवीसन्धारोदकं विवरित्वा दस्सेन्तो विय च उत्तानं न करोन्ति । एवं यस्स धम्मस्स वसेन बहुस्सुता “तित्थ”न्ति वुत्ता परियायतो, इदानी तमेव धम्मं निपरियायतो तित्थन्ति दस्सेतुं “यथा चा”तिआदि वुत्तं । धम्मो हि तरन्ति एतेन निब्बानं नाम तळाकन्ति “तित्थ”न्ति वुच्चति । तेनाह भगवा सुमेधभूतो —

“एवं किलेसमलधोवं, विज्जन्ते अमतन्तळे ।

न गवेसति तं तळाकं, न दोसो अमतन्तळे”ति ॥ (बु० वं० २.१४) ।

धम्मस्सेव निब्बानस्सोतरणतित्थभूतस्स ओतरणपकारं अजानन्तो “धम्मतित्थं न जानाती”ति वुत्तो ।

पीतापीतन्ति गोगणे पीतं अपीतञ्च गोरूपं न जानाति न विन्दति । अविन्दन्तो हि न लभतीति वुत्तो । “आनिसंसं न विन्दती”ति वत्वा तस्स अविन्दनाकारं दस्सेन्तो “धम्मस्सवनगं गन्त्वा”तिआदिमाह ।

अयं लोकुत्तरोति पदं सन्धायाह “अरिय”न्ति । पच्चासत्तिजायेन अनन्तरविधिप्पटिसेधो वा, अरिय-सद्दो वा निद्दोसपरियायो दट्ठब्बो । अट्ठङ्गिकन्ति च विसुं एकज्झञ्च अट्ठङ्गिकं उपादाय गहेतब्बं, अट्ठङ्गता बाहुल्लतो च । एवञ्च कत्वा सत्तङ्गस्सपि अरियमग्गस्स सङ्गहो सिद्धो होति ।

चत्तारो सतिपट्टानेतिआदीसु अविसेसेन सतिपट्टाना वुत्ता । तत्थ कायवेदनाचित्तधम्माम्मणा सतिपट्टाना लोकिया,

तत्थ सम्मोहविद्धंसनवसेन पवत्ता निब्बानारम्मणा लोकुत्तराति एवं इमे लोकिया, इमे लोकुत्तराति यथाभूतं न पजानाति ।

अनवसेसं दुहतीति पटिग्गहणे मत्तं अजानन्तो किस्मिञ्चि दायके सद्भाहानिया किस्मिञ्चि पच्चयहानिया अनवसेसं दुहति । वाचाय अभिहारो वाचाभिहारो । पच्चयानं अभिहारो पच्चयाभिहारो ।

इमे अम्हेसु गरुचित्तीकारं न करोन्तीति इमिना नवकानं भिक्खून् धम्मसम्पटिपत्तिया अभावं दस्सेति आचरियुपज्झायेसु पितुपेमस्स अनुपट्ठापनतो । तेन च सिक्खागारवताभावदीपनेन सङ्गहस्स अभाजनभावं, तेन थेरानं तेसु अनुग्गहाभावं । न हि सीलादिगुणेहि सासने थिरभावप्पत्ता अननुग्गहेतब्बे सब्रह्मचारी अनुग्गणहन्ति, निरत्थकं वा अनुग्गहं करोन्ति । तेनाह “नवके भिक्खू”ति । धम्मकथाबन्धन्ति पवेणिआगतं पकिण्णकधम्मकथामग्गं । सच्चसत्तपटिसन्धिपच्चयाकारपटिसंयुत्तं सुज्जतादीपनं गुद्दहन्थं । वुत्तविपल्लासवसेनाति “न रूपज्जू”तिआदीसु वुत्तस्स पटिसेधस्स पटिक्खेपवसेन अग्गहणवसेन । योजेत्वाति “रूपज्जू होतीति गणनातो वा वण्णतो वा रूपं जानाती”तिआदिना, “तस्स गोगणोपि न परिहायति, पच्चगोरसपरिभोगतोपि न परिबाहिरो होती”तिआदिना च अत्थं योजेत्वा । वेदितब्बोति तस्मिं तस्मिं पदेसे यथारहं अत्थो वेदितब्बो ।

महागोपालकसुत्तवण्णनाय लीनत्थप्पकासना समत्ता ।

#### ४. चूळगोपालकसुत्तवण्णना

३५०. चेलुक्काहीति चेलमयाहि उक्काहि । उक्कभूतानि चेलानि एत्थाति उक्कचेला, नगरं । सब्बा गङ्गा पाकटा हुत्वा पज्जायतीति पकतिचक्खुस्स पाकटा हुत्वा उपट्ठाति, दिब्बचक्खुस्स पन समन्तचक्खुस्स वा यत्थ कत्थचि निसिन्नस्सपि भगवतो पाकटा हुत्वा पज्जायतेव । सोत्थीति अनुपट्ठवो । वड्डीति अपरिहानि । आरोग्यन्ति अरोगता आबाधाभावो ।

मगधो जनपदो निवासो एतस्साति मागधो, मागधोव मागधिको । पज्जाय नाम दुट्ठभावो नत्थि एकन्तानवज्जताय, तस्मा दु-सद्धो अभाववाची “दुस्सीलो”तिआदीसु विय, जाति-सद्धो च सभावत्थोति आह “निप्पज्जसभावो”ति । -सद्धो आरम्भत्थोति आह “पतारेसीति तारेतुं आरभी”ति परतीरं गावीनं अप्पत्तता । सुविदेहानन्ति सुन्दरविदेहानं । विदेहरट्ठं किर भूमिभागदस्सनसम्पत्तिया च वनरामण्येयकादिना च सुन्दरं । आमण्डलिकं करित्वाति आवत्ते पतिता तेमण्डलाकारेन परिब्भमित्वा । कतिपयापि गावियो असेसेत्वा नदीसोतेन वूळहत्ता वुत्तं “अवड्ढिं विनासं पापुणिसू”ति । कतिपयासुपि हि अवसिद्धासु गावीसु अनुक्कमेनपि सिया गोगणस्स वड्डीति । विस्समट्टानन्ति परिस्समविनोदनट्टानं । तित्था भट्टाति गहेतुं असमत्थताय तित्थं अप्पत्ता । अरोगो नाम नाहोसीति लोममत्तम्पि असेसेत्वा सब्बा गावियो नदीसोते विनट्ठाति अत्थो ।

येसु खन्धायतनधातूसु इध लोकसमज्जा, ते अजानन्ता “अकुसला इमस्स लोकस्सा”ति वुत्ताति आह “इधलोके खन्धधातायतनेसु अकुसला अछेका”ति । अयमेव नयो “अकुसला परस्स लोकस्सा”ति एत्थापीति आह “परलोकेपि एसेव नयो”ति । मारो एत्थ धीयतीति मारधेय्यं । मारोति चेत्थ किलेसमारो वेदितब्बो । खन्धाभिसङ्खारा हि तस्स पवत्तनभावेन गहिता, मच्चुमारो विसुं गहितो एव, किलेसमारवसेनेव च देवपुत्तमारस्स कामभवे आधिपच्चन्ति । तेसन्ति ये

इधलोकादीसु अछेका, तेसं । ते पन उक्कट्टुनिद्देसेन दस्सेन्तो आह “इमिना छ सत्थारो दस्सिता”ति ।

३५१. बलवगावोति बलवन्ते गोरूपे । ते पन दम्मंतं उपगतगोणा चव धेनुयो चाति आह “दन्तगोणे चव धेनुयो चा”ति । अविजातगावोति न विजातगावियो । वच्छकेति खुदकवच्छे । अप्पत्थो हि अयं क-सदो । तेनाह “तरुणवच्छके”ति । किंसाबलकेति दुब्बले ।

३५२. मारस्स तण्हासोतं छेत्वाति खन्धमारसम्बन्धीतण्हासङ्कातं सोतं समुच्छिन्दित्वा । तयो कोट्टासे खेपेत्वा ठिताति अनागामिनो सन्धायाह । सब्बवारेसूति सकदागामिसोतापन्नअट्टमकवारेसु । तत्थ पन यथाक्कमं चतुमग्गवज्झानं किलेसानं द्वे कोट्टासे खेपेत्वा ठिता, एककोट्टासं खेपेत्वा ठिता, पठमं कोट्टासं खेपेन्तोति वत्तब्बं । धम्मं अनुस्सरन्ति, धम्मस्स वा अनुस्सरणसीलाति धम्मानुसारिनो । धम्मोति चेत्थ पज्जा अधिप्पेता । सद्धं अनुस्सरन्ति, सद्धाय वा अनुस्सरणसीलाति सद्धानुसारिनो ।

जानताति एत्थ जाननकिरियाविसयस्स अविसेसितत्ता अधिकारवसेन अनवसेसजेय्यविसेसा अधिप्पेताति आह “सब्बधम्मे जानन्तेना”ति । अन्तोसारविरहतो अब्भुग्गतट्ठेन च नळो वियाति नळो, मानोति आह “विगतमाननळं कत”न्ति । खेमं पत्थेथाति एत्थ चतूहि योगेहि अनुपद्वत्ता “खेम”न्ति अरहत्तं अधिप्पेतं । पत्थना च छन्दपत्थना, न तण्हापत्थनाति आह “कत्तुकम्यताछन्देन अरहत्तं पत्थेथा”ति । पत्तायेव नाम तस्स पत्तिया न कोचि अन्तरायो । सोत्थिना पारगमनं उद्विस्स देसनं आरभित्वा खेमपत्तिया देसनाय परियोसापितत्ता यथानुसन्धिनाव देसनं निट्ठापेसीति ।

चूळगोपालकसुत्तवण्णनाय लीनत्थप्पकासना समत्ता ।

#### ५. चूळसच्चकसुत्तवण्णना

३५३. हंसवट्टकच्छन्नेनाति हंसवट्टकपटिच्छन्नेन, हंसमण्डलाकारेनाति अत्थो ।

वदन्ति एतेनाति वादो, मग्गो । किं वदन्ति? उत्तरं । वादानं सतानि वादसतानि । “निगण्ठो पञ्चवादसतानि, निगण्ठी पञ्चवादसतानी”ति एवं निगण्ठो च निगण्ठी च पञ्च पञ्च वादसतानि उग्गहेत्वा विचरन्ता । किरियतो ते पुच्छिसु, लिङ्गतो पन निगण्ठभावो जातो । तेनाह “अहं वादं आरोपेस्सामी”ति ।

जग्गन्तो सम्मज्जनादिवसेन । दिवातरन्ति अतिदिवं । “कस्स पुच्छा, कस्स विस्सज्जनं होतू”ति परिब्बाजिकाहि वुत्ते थेरो आह “पुच्छा नाम अम्हाकं पत्ता”ति । पुच्छा वादानं पुब्बपक्खो, यस्मा तुम्हे वादपसुता वादाभिरता धजं पग्गह विचरथ, तस्मा वादानं पुब्बपक्खो अम्हाकं पत्तो, एवं सन्तेपि तुम्हाकं मातुगामभावतो पुब्बपक्खं देमाति आह “तुम्हे पन मातुगामा नाम पठमं पुच्छथा”ति । ता परिब्बाजिका एकेका अट्टतेय्यसतवादमग्गं पुच्छन्तियो वादसहस्सं पुच्छिसु । यथा निसितस्स खग्गस्स कुमुदनाळच्छेदने किमत्थि भारियं, एवं पटिसम्भिदाप्पत्तस्स सावकेसु पञ्चवन्तानं अग्गभावे ठितस्स धम्मसेनापितनो पुथुज्जनपरिकप्पितपज्हविस्सज्जने किमत्थि भारियं । तेनाह “थेरो खग्गेना”तिआदि । तत्थ निज्जटं निगण्ठिं कत्वाति यथा ता पुन तत्थ जटं गण्ठिं कातुं न विसहन्ति, तथा विजटेत्वा कथेसि । अयं थेरो चतुरङ्गसमन्नागते अन्धकारे सहस्सवट्टिकं दीपेन्तो विय अज्जेसं अविसये अन्धकारभूते पज्हे पुच्छितमत्तेयेव विस्सज्जेसीति थेरस्स पज्जावेय्यत्तियं दिस्वा सयज्च अन्तिमभविकताय कोहज्जे ठातुं असक्कोन्तियो “एत्तकमेव, भन्ते, मयं जानामा”ति आहंसु । थेरस्स विसयन्ति थेरस्स पज्जाविसयं ।



नेव अन्तं न कोटिं अद्वसंसूति एकन्ति वत्तब्बस्स बहुभावतो तस्सा पुच्छाय अत्थो एवमन्तो एवमवसानकोटीति न पस्सिंसु न जानिंसु । थेरो तासं अज्झासयं ओलोकेन्तो पब्बज्जारुचिं दिस्वा आह “इदानीं किं करिस्सथा”ति? उत्तरितरपज्जोति वादमग्गपरिचयेन मेधाविताय च यादिसा तासं पज्जा, ततो उत्तरितरपज्जो ।

कथामग्गोति वादमग्गो । तस्मा तेहि तेहि परप्पवादादीहि भस्सं वादमग्गं पकारेहि वदेतीति भस्सप्पवादको । पण्डितवादोति अहं पण्डितो निपुणो बहुस्सुतोति एवंवादी । यं यं नक्खत्ताचारेण आदिसतीति नक्खत्तगतिया कालजाणेन “असुकदिवसे चन्दग्गाहो भविस्सति, सूरियग्गाहो भविस्सती”तिआदिना यं यं आदेसं भणति । साधुलब्धिको जाणसम्पत्तिया सुन्दरो । आरोपितोति पटिज्जाहेतुनिदस्सनादिदोसं उपरि आरोपितो वादो स्वरोपितो । दोसपदं आरोपेन्तेन वादिना परवादिमिहि अभिभुय्य तस्स धातुक्खोभोपि सिया, चित्तविकखेपेन येन दोसो तेन सङ्कप्पितो सम्पवेधितोति । थूणन्ति सरीरं खोभितन्ति कत्वा । थूणन्ति हि लोहितपित्तसेम्हानं अधिवचनं सब्बङ्गसरीरधारणतो । अपिच थूणपदो नाम अत्थि कथामग्गो वादमग्गं गणहन्तानं । सच्चको पन कोहज्जे ठत्वा अत्तनो वादप्पभेदवसेन परे विम्हापेन्तो “थूणं चेपाह”न्तिआदिमाह । सावकानं विनयं नाम सिक्खापदं, तज्ज धम्मदेसना होतीति एसा एव चस्स अनुसासनीति विनयनादिमुखेन सम्मासम्बुद्धस्स मतं सासनं पुच्छन्तो सच्चको “कथं पन, भो, अस्सजी”तिआदिमाह । अथस्स थेरो “लक्खणत्तयकथा नाम अनज्जसाधारणा बुद्धावेणिका धम्मदेसना, तत्र च मया अनिच्चकथाय समुट्ठापिताय तं असहन्तो सच्चको तुच्छमानेन पटपटायन्तो कुरुमानो लिच्छवी गहेत्वा भगवतो सन्तिकं आगमिस्सति, अथस्स भगवा वादं महित्वा अनिच्चन्ति पतिट्ठपेन्तो धम्मं कथेस्सति, तदा भविस्सति विजहितवादो सम्मापटिपत्तिया पतिट्ठितो”ति चिन्तेत्वा अनिच्चानत्तलक्खणपटिसंयुतं भगवतो अनुसासनं दस्सेन्तो “एवं, भो, अग्गिवेस्सना”तिआदिमाह ।

कस्मा पनेत्थ दुक्खलक्खणं अग्गहितन्ति आह “थेरो पना”तिआदि । “उपारम्भस्स ओकासो होती”ति सङ्घेपतो वुत्तं विवरितुं “मग्गफलानी”तिआदि वुत्तं । तत्थ परियायेनाति सङ्खारदुक्खतापरियायेन । अयन्ति सच्चको । नयिदं तुम्हाकं सासनं नामाति यत्थ तुम्हे अवट्ठिता, इदं तुम्हाकं सब्बज्जुसासनं नाम न होति दुक्खतो अनिस्सरणत्ता, अथ खो महाआघातनं नामेतं, महादुक्खनिहिट्ठत्ता पन निरयुस्सदो नाम उस्सदनिरयो नाम, तस्मा नत्ति नाम तुम्हाकं सुखासा । उट्ठायुट्ठायति उस्सुक्कं कत्वा, दुक्खमेव जीरापेन्ता सब्बसो दुक्खमेव अनुभवन्ता, आहिण्डथ विचरथाति । सब्बमिदं तस्स मिच्छापरिकप्पितमेव । कस्मा? दुक्खसच्चूपसज्जितायेव हेत्थ निप्परियायकथा नाम । तस्स हि परिज्जत्थं भगवति ब्रह्मचरियं वुस्सति । मग्गफलानि सङ्खारभावेन “यदनिच्चं, तं दुक्ख”न्ति परियायतो दुक्खं, न निप्परियायतो । तेनाह “तस्मा”तिआदि । सोतुं अयुत्तं मिच्छावादत्ताति अधिप्पायो ।

३५४. सह अत्थानुसासनं अगारन्ति सन्धागारं, राजकुलानं सन्थापनअगारन्तिपि सन्धागारं, तस्मिं सन्धागारेति अत्थो । एकस्मिं काले तादिसे काले राजकिच्चानं सन्थानमेत्थ विचारेन्तीति सन्धागारं, तस्मिं सन्धागारेतिपि अत्थो । पतिट्ठितन्ति “अनिच्चं अनत्ता”ति च पटिज्जातं । इदानीं पिट्ठिं परिवत्तेन्तोति भगवतो नलाटं अनोलोकेत्वा विमुखभावं आपज्जन्तो । सुराघरेति सुरासम्पादकगेहे । पिट्ठकिलज्जन्ति पिट्ठपनकिळज्जं । वालन्ति चङ्गवारं । साणसाटककरणत्थन्ति साणसाटकं करोन्ति एतेनाति साणसाटककरणं, सुत्तं, तदत्थं । साणवाका एतेसु सन्तीति साणवाका, साणदण्डा । ते गहेत्वा साणानं धोवनसदिसं कीळितजातं यथा “उट्ठालपुप्फभज्जिका, साणभज्जिका”ति च । किं सो भवमानोति कीदिसो हुत्वा सो भवमानो, किं होन्तो लोके अग्गपुग्गलस्स सम्मासम्बुद्धस्स वादारोपनं नाम ततो उत्तरितरसूरगुणो एव यक्खादिभावेन सो भवमानो अभिसम्भुणेय्य । अयं पन अप्पानुभावताय पिसाचरूपो किं एत्तकं कालं निद्दायन्तो अज्ज पबुज्झित्वा एवं वदतीति अधिप्पायो । तेनाह “किं यक्खो”तिआदि ।

**३५५. महामज्झनिकसमयेति** महति मज्झनिककाले, गगनमज्झे सूरियगतवेलाय । **दिवापधानिका** पधानानुयुज्जका । **वत्तं दस्सेत्वा**ति पच्छाभत्तं दिवाविहारूपगमनतो पुब्बे कातब्बवत्तं दस्सेत्वा पटिपज्जित्वा । **भगवन्तं दस्सेन्तो**ति भगवति गारवबहुमानं विभावेन्तो उभो हत्थे कमलमकुलाकारे कत्वा उक्खिप्प भगवन्तं दस्सेन्तो ।

तं **सन्धाया**ति तं अपरिच्छिन्नगणनं सन्धाय एवं “महति या लिच्छविपरिसाया”ति वुत्तं । किं सीसेन भूमिं पहरन्तेनेव वन्दना कता होति? **केराटिका**ति सठा । **मोचेन्ता**ति भिक्खादानतो मोचेन्ता । **अवक्खित्तमत्तिकापिण्डो विया**ति हेट्ठाखित्तमत्तिकापिण्डो विय । **यत्थ कत्थची**ति अत्तनो अनुरूपं वचनं असल्लपेन्तो यत्थ कत्थचि ।

**३५६.** दिस्सति “इदं इमस्स फलं”न्ति अपदिस्सति एतेनाति **देसो**, कारणं, तदेव तस्स पवत्तिट्ठानताय ओकासोति आह “**कज्जिदेव देसन्ति कज्जि ओकासं किज्जि कारणं**”न्ति । ओकासो ठानन्ति च कारणं वुच्चति “अट्ठानमेतं अनवकासो”ति आदीसु (दी० नि० ३.१६१; म० नि० ३.१२८-१३१; अ० नि० १.२६८-२९५; विभ० ८०९) । **यदाकङ्खसीति न वदन्ति** अनवसेसधम्मविसयत्ता पटिज्जाय । **तुम्हन्ति तुम्हाकं । यक्ख...पे०... परिब्बाजकानन्ति** एत्थ “पुच्छावुसो, यदाकङ्खसी”ति आदीनि (सं० नि० १.२४६; सु० नि० आळवकसुत्त) पुच्छावचनानि यथाक्कमं योजेतब्बानि ।

**जत्वा सयं लोकमिमं परज्जा**ति इदं महासत्तो निरयं सगगज्ज तेसं पच्चक्खतो दस्सेत्वा आह ।

तग्घ ते **अहमक्खिस्सं**, **यथापि कुसलो तथा**ति यथा पकारेन सुकुसलो सब्बज्जू जानाति कथेति, तथा अहं कथेस्सामि । तस्स पन कारणं अकारणज्ज अविजानन्तो राजानं करोतु वा मा वा, अहं पन ते अक्खिस्सामीति आह “**राजा च खो...पे०... न वा**”ति ।

**कथितनियामेनेव कथेन्तो**ति तेपरिवट्टकथाय दुक्खलक्खणम्पेस कथेस्सति, इध पन अज्जथा सावकेन अस्सजिना कथितं, अज्जथा समणेन गोतमेनाति वचनोकासपरिहरणत्थं दुक्खलक्खणं अनामसित्वा थरेन कथितनियामेनेव अनिच्चानत्तलक्खणमेव कथेन्तेन भगवता — “रूपं अनत्ता याव विज्जाणं अनत्ता”ति वुत्ते सच्चको तं असम्पटिच्छन्तो उपमाय अत्थजापने उपमापमाणं यथा “गो विय गवयो”ति अत्तानं उपमेय्यं कत्वा उपमापमाणेन पतिट्ठापेतुकामो आह “**उपमा मं, भो गोतम, पटिभाती**”ति, उपमं ते करिस्सामि, उपमायपिधेक्कच्चे विज्जू पुरिसा भासितस्स अत्थं आजानन्तीति अधिप्पायो । भगवा उपमासतेन, अज्जेन वापि पमाणेन तव अत्ता पतिट्ठापेतुं न लब्भा अत्तनो विय पमाणस्सपि अनुपलब्धनतोति आह “**पटिभातु तं अग्गिवेस्सना**”ति । यथा हि अत्ता नाम कोचि परमत्थतो न उपलब्धति एकंसेन अनुपलब्धितो, एवस्स जापकपुग्गलं पमाणम्पि न उपलब्धति । तेनाह “**आहर तं उपमं विस्सत्थो**”ति, न तेन तव अत्तवादो पतिट्ठं लभतीति अधिप्पायो ।

यं दिट्ठं कायिकं वा पुज्जापुज्जं पुरिसपुग्गले उपलब्धति, तेन विज्जायति **रूपत्तायं पुरिसपुग्गलो**, तथा यं दिट्ठं सुखदुक्खपटिसंवेदनं पुरिसपुग्गले उपलब्धति, यं दिट्ठं नीलादिसज्जाननं, यं दिट्ठं रज्जनदुस्सनादि, यं दिट्ठं आरम्मणपटिविजाननं पुरिसपुग्गले उपलब्धति, तेन विज्जायति **विज्जाणत्तायं पुरिसपुग्गलो**ति । एवं रूपादिलक्खणो अत्ता तत्थ तत्थ काये कल्याणपापकानं कम्मानं विपाकं सुखदुक्खं पटिसंवेदेति, एवज्जेतं सम्पटिच्छित्तब्बं, अज्जथा कम्मफलसम्बन्धो न युज्जेय्याति इममत्थं दस्सेन्तो “**इमिना किं दीपेती**”ति आदिमाह । तत्थ तेति सत्ता । **पतिट्ठाया**ति निस्साय । “रूपत्तायं पुरिसपुग्गलो”ति आदिना रूपादिधम्मे “अत्ता”ति वत्वा पुन “रूपे पतिट्ठाया”ति आदिं वदन्तो अयं निगण्ठो अत्तनो वादं भिन्दति पतिट्ठानस्स, पतिट्ठायकस्स च अभेददीपनतो । रूपादयो वेदनादिसभावा अत्ता तन्निस्सयेन

पुञ्जादिकिरियासमुपलब्धितो इध यं निस्साय पुञ्जादिकिरिया समुपलब्धति, ते रूपादयो सत्तसज्जिता अत्तसभावा दिट्ठा यथा तं देवतादीसु, ये पन सत्तसज्जिता ततो अज्जे असत्तसभावा दिट्ठा यथा तं कट्ठकलिङ्गरादीसूति एवं साधेतब्बं अत्थं सहेतुं कत्वा दस्सेन्तो निगण्ठो निदस्सनं आनेसीति आह “**अतिविय सकारणं कत्वा उपमं आहरी**”ति । तस्स पन “**बलकरणीया**”ति वुत्तपुरिसप्पयोगा विय बीजगामभूतगामापि सजीवा एवाति लब्धीति ते सदिसूदाहरणभावेन वुत्ताति दट्ठब्बं । सचे पन ये जीवस्स आधारणभावेन सहितेन पवत्तेतब्बभावेन सल्लक्खेतब्बा, ते सजीवाति इच्छिता, न केवलेन पवत्तेतब्बभावेन । एवं सति “**बलकरणीया कम्मन्ता**”ति वदन्तेन विसदिसूदाहरणभावेन उपनीतन्ति दट्ठब्बं ।

**समत्थो नाम नत्थि** अत्तवादभज्जनस्स अनत्ततापटिप्पापनस्स च सुगतावेणिकत्ता । यं पनेतरहि सासनिका यथासत्ति तदुभयं करोन्ति, तं बुद्धेहि दिन्ननये ठत्वा तेसं देसनानुसारतो । **निवत्तेत्वा**ति नीहरित्वा, विसुं कत्वाति अत्थो । **सकलं वेसालिन्ति** सब्बवेसालिवासिनं जनं निस्सयूपचारेन निस्सितं वदति यथा “**गामो आगतो**”ति । **संवट्ठित्वा**ति सम्पिण्डित्वा, एकज्जं गहेत्वाति अत्थो ।

**३५७. पतिट्ठपेत्वा**ति यथा तं वादं न अवजानाति, एवं पटिज्जं कारेत्वाति अत्थो । **घाति**-सद्दो हिंसनत्थो, ततो च सद्दविदू अरहत्यं ताय-सद्दं उप्पादेत्वा घातेतायन्ति रूपसिद्धिं इच्छन्तीति आह “**घातारह**”न्ति । **जापेतायन्ति** आदीसुपि एसेव नयो । **वत्तितुज्ज मरहती**ति म-कारो पदसन्धिकरो । **विसेसेत्वा दीपेती**ति “**वत्तति**”इच्चेव अवत्वा “**वत्तितुज्ज मरहती**”ति दुतियेन पदेन भगवता वुत्तं विसेसेत्वा दीपेति ।

**पासादिकं अभिरूपन्ति** अभिमतरूपसम्पन्नं सब्बावयवं । ततो एव सुसज्जितं सब्बकालं सुट्ठु सज्जिताकारमेव । **एवंविधन्ति** यादिसं सन्धाय वुत्तं, तं दस्सेति “**दुब्बण्ण**”न्ति आदिना । **इमस्मिं ठानेति** “**वत्तति** ते तस्मिं रूपे वसो”ति एतस्मिं कारणगगहणे । कारणज्हेतं भगवता गहितं “**वत्तति...पे०... मा अहोसी**”ति । तेनेतं दस्सेति रूपं अनत्ता अवसवत्तनतो, यज्जि वसे न वत्तति, तं अनत्तकमेव दिट्ठं यथा तं सम्पत्ति । **वादन्ति** दोसं निगगहं आरोपेस्सति । **सत्तथा मुद्धा फलती**ति सहधम्मिकसाकच्छाहि तथागते, पुच्छन्ते अब्याकरणेन विहेसाय कयिरमानत्ता ततिये वारे धम्मतावसेन विहेसकस्स सत्तथा मुद्धा फलति यथा तं सब्बज्जुपटिज्जाय भगवतो सम्मुखभावूपगमने । वजिरपाणि पन कस्मा ठितो होतीति? भगवा विय अनुकम्पमानो महन्तं भयानकं रूपं मापेत्वा तासेत्वा इमं दिट्ठिं विस्सज्जापेमीति तस्स पुरतो आकासे वजिरं आहरन्तो तिट्ठति, न मुद्धं फालेतुकामो । न हि भगवतो पुरतो कस्सचि अनत्थो नाम होति । यस्मा पन भगवा एकंसतो सहधम्मिकमेव पज्जं पुच्छति, तस्मा **अट्ठकथायं “पुच्छिते”**इच्चेव वुत्तं ।

**आदित्तन्ति** दिप्पमानं । **अक्खिनासादीनीति आदि**-सद्देन एळकसीससदिसकेसमस्सु आदीनं सङ्गण्हाति । “**दिट्ठिविस्सज्जापनत्थ**”न्ति वत्वा नयिदं यदिच्छावसेन आगमनं, अथ खो आदितो महाब्रह्मानं पुरतो कत्वा अत्तना कतपटिज्जावसेनाति दस्सेन्तो “**अपिचा**”ति आदिमाह । न्ति वजिरपाणिं । तं सच्चकस्स पटिज्जाय परिवत्तनकारणं । **अज्जेपि नु खो**ति आदि सच्चकस्स वीमंसकभावदस्सनं । अवीमंसकेन हि तं दिस्वा महायक्खोति वदेय्य, तेनस्स असारुप्पं सिया, अयं पन अज्जेसं अभीतभावं उपधारेत्वा “**अद्धामे यक्खं न पस्सन्ति, तस्मा मय्हमेव भयं उप्पन्न**”न्ति तीरेत्वा युत्तप्पत्तवसेन पटिपज्जि ।

**३५८. उपधारेत्वा**ति ब्याकातब्बमत्थं सल्लक्खेतवा । **एसेव नयो**ति सङ्खारविज्जाणेसुपि सज्जाय विय नयोति अत्थो । **वुत्तविपरियायेनाति** “**अकुसला दुक्खा वेदना मा अहोसि, अकुसला दोमनस्ससम्पयुत्ता सज्जा मा अहोसी**”ति आदिना नयेन अत्थो वेदितब्बो । **सप्पदट्ठविसन्ति** सब्बसत्तानं सप्पदट्ठाने सरीरपदेसे पतितं विसं । **अल्लीनोति**

संसिलिद्धो । उपगतोति न अपगतो । अज्झोसितोति गिलित्वा परिनिद्धपेत्वा ठितो । परितो जानेय्याति समन्ततो सब्बसो किञ्चिपि असेसेत्वा जानेय्य । परिक्खेपेत्वाति आयति अनुपत्तिधम्मतापादनवसेन सब्बसो खेपेत्वा । तथाभूतो चस्स खयवयं उपनेति नामाति आह “खयं वयं अनुप्पादं उपनेत्वा”ति ।

३५९. अत्तनो वादस्स असारभावतो, यथापरिकप्पितस्स वा सारस्स अभावतो अन्तोसारविरहितो रित्तो । विप्पकारन्ति दिट्ठिया सीलाचारस्स च वसेन विरूपतं सापराधतं सावज्जतं तेसं उपरि आरोपेत्वा । सिन्नपत्तोति तनुकपत्तो । विफारितन्ति विफाळितं ।

असारकरुक्खपरिचितोति पलासादिअसाररुक्खकोट्टने कतपरिचयो । थद्धभावन्ति विपक्कभावं, तिक्खभावन्ति अत्थो । नत्थीति सदा नत्थीति न वत्तब्बं । परिसतीति चतुपरिसमज्झे । तथा हि “गण्ठिकं पटिमुज्जित्वा पटिच्छन्नसरीरा”ति वुत्तं । यन्तारुळहस्स वियाति व्याकरणत्थं वायमयन्तं आरुळहस्स विय ।

३६०. दिट्ठिविसूकानीति दिट्ठिकिञ्चकानि । दिट्ठिसञ्चरितानीति दिट्ठिताळनानि । दिट्ठिविप्फन्दितानीति दिट्ठिइज्जितानि । तेसं अधिप्पायं जत्वाति तेसं लिच्छविकुमारानं इज्जितेनेव अज्झासयं जानित्वा । तेनाह “इमे”तिआदि ।

३६१. यस्मिं अधिगते पुग्गलो सत्थुसासने विसारदो होति परेहि असंहारियो, तं जाणं विसारदस्स भावोति कत्वा वेसारज्जन्ति आह “वेसारज्जप्पत्तोति जाणप्पत्तो”ति । ततो एवमस्स न परो पच्चेतब्बो एतस्स अत्थीति अपरप्पच्चयो । न परो पत्तियो सद्वहातब्बो एतस्स अत्थीति अपरप्पत्तियो । कामं सच्चको सेक्खभूमि असेक्खभूमीति इदं सासनवोहारं न जानाति । पस्सतीति पन दस्सनकिरियाय विप्पकतभावस्स वुत्तत्ता “न एत्तावता भिक्खुकिच्चं परियोसित”न्ति अज्जासि, तस्मा पुन “कित्तावता पना”ति पुच्छं आरभि । तेन वुत्तं “पस्सतीति वुत्तत्ता”तिआदि ।

यथाभूतं पस्सतीति दस्सनं, विसिद्धेन अनुत्तरियं, दस्सनमेव अनुत्तरियन्ति दस्सनानुत्तरियं, दस्सनेसु वा अनुत्तरियं दस्सनानुत्तरियं । लोकीयपज्जाति चेत्थ विपस्सनापज्जा वेदितब्बा । सा हि सब्बलोकीयपज्जाहि विसिद्धेन “अनुत्तरा”ति वुत्ता । लोकीयपटिपदानुत्तरियेसुपि एसेव नयो । इदानीं निप्परियायतोव तिविधम्पि अनुत्तरियं दस्सेतुं “सुद्धलोकुत्तरमेवा”तिआदि वुत्तं । सतिपि सब्बेसम्पि लोकोत्तरधम्मनं अनुत्तरभावे उक्कट्टनिद्देसेन अगमगगपज्जा ततो उत्तरितरस्स अभावतो दस्सनानुत्तरियं । तेनाह “अरहत्तमगगसम्मादिट्ठी”ति । सेसानि मगगङ्गानीति सेसानि अरहत्तमगगङ्गानि । तानि हि मत्थकप्पत्तानि निब्बानगामिनी पटिपदाति । अगगफलविमुत्तीति अगमगगस्स फलविमुत्ति अरहत्तफलं । खीणासवस्साति सब्बसो खीयमानासवस्स । निब्बानदस्सनन्ति अगमगगसम्मादिट्ठिया सच्छिकिरियाभिसमयमाह । तत्थ मगगङ्गानीति अट्ठ मगगङ्गानि । चतुसच्चन्तो गधत्ता सब्बस्स जेय्यधम्मस्स “चत्तारि सच्चानि बुद्धो”ति वुत्तं । सच्चानुगतसम्मोहविद्धंसनेनेव हि भगवतो सब्बसो जेय्यावरणप्पहानं । निब्बिसेवनोति निरुद्धकिलेसविसेवनो ।

३६२. धंसीति अनुद्धंसनसीला । अनुपहतन्ति अविक्खितं । सकलन्ति अनूनं । कायङ्गन्ति कायमेव अङ्गन्ति वदन्ति, कायसङ्घातं अङ्गं सीसादिअवयवन्ति अत्थो । तथा “होतु, साधू”ति एवमिदं वाचाय अवयवो वाचङ्गन्ति ।

३६३. आहरन्तीति अभिहरन्ति । पुज्जन्ति पुज्जफलसङ्घातो आनुभावो । पुज्जफलम्पि हि उत्तरपदलोपेन “पुज्ज”न्ति वुच्चति — “कुसलानं, भिक्खवे, धम्मनं समादानहेतु एवमिदं पुज्जं पवट्ठती”तिआदीसु (दी० नि० ३.८०) । तेनाह

“आयतिं विपाकक्खन्धा”ति। पुज्जमहीति महति पुज्जफलविभूति सेतच्छत्तमकुटचामरादि। तेन वुत्तं “विपाकक्खन्धानंयेव परिवारो”ति। लिच्छवीहि पेसितेन खादनीयभोजनीयेन समणो गोतमो ससावकसङ्घो मया परिविसितो, तस्मा लिच्छवीनमेव तं पुज्जं होतीति। तेनाह “तं दायकानं सुखाय होतू”ति। यस्मा पन भगवतो भिक्खुसङ्घस्स च सच्चकेन दानं दिन्नं, न लिच्छवीहि, तस्मा भगवा सच्चकस्स सतिं परिवत्तेन्तो “यं खो”तिआदिमाह। तेन वुत्तं “इति भगवा”तिआदि। निगण्ठस्स मतेन विनायेवाति सच्चकस्स चित्तेन विना एव तस्स दक्खिणं खेत्तगतं कत्वा दस्सेति। तेनाह “अत्तनो दिन्नं दक्खिणं...पे... निय्यातेसी”ति।

चूळसच्चकसुत्तवण्णनाय लीनत्थप्पकासना समत्ता।

#### ६. महासच्चकसुत्तवण्णना

३६४. एकं समयं भगवा वेसालियं विहरतीति इमिना तदा भगवतो वेसालियं निवासपरिच्छिन्नो पुब्बण्हादिभेदो सब्बो समयो साधारणतो गहितो, तथा तेन खो पन समयेनाति च इमिना। पुब्बण्हसमयन्ति पन इमिना तब्बिसेसो, यो भिक्खाचारत्थाय पच्चवेक्खणकालो। अटुकथायं पन “तीहि पदेहि एकोव समयो वुत्तो”ति वुत्तं विसेसस्स सामञ्जन्तो गधत्ता। मुखधोवनस्स पुब्बकालकिरियाभावसामञ्जतो वुत्तं “मुखं धोवित्वा”ति। मुखं धोवित्वा एव हि वासधुरो चे, वेलं सल्लक्खेत्वा यथाचिण्णं भावनानुयोगं, गन्थधुरो चे, गन्थपरिचये कतिपये निसज्जवारे अनुयुज्जित्वा पत्तचीवरं आदाय वितक्कमाळं उपगच्छति।

कारणं युत्तं, अनुच्छविकन्ति अत्थो। पुब्बे यथाचिन्तितं पज्जं अपुच्छित्वा अज्जं पुच्छन्तो मगं ठपेत्वा उम्मगतो परिवत्तेन्तो विय होतीति आह “पस्सेन ताव परिहरन्तो”ति।

३६५. ऊरुक्खम्भोपि नाम भविस्सतीति एत्थ नाम-सद्दो विम्वयत्थोति कत्वा वुत्तं “विम्वयत्थवसेना”तिआदि। “अन्धो नाम पब्बतं अभिरुहिस्सती”तिआदीसु विय विम्वयवाचीसद्वयोगेन हि “भविस्सती”ति अनागतवचनं। कायन्वयन्ति कायानुगतं। “अयम्पि खो कायो एवंधम्मो एवंभावी एवंअनतीतो”तिआदिना (दी० नि० २.३७९; म० नि० १.११२; म० नि० ३.१५४) कायस्स असुभानिच्चादिताय अनुपस्सना कायभावनाति आह “कायभावनाति पन विपस्सना वुच्चती”ति। अनागतरूपन्ति अभीते अत्थे अनागतसद्धारोपनं अनागतप्पयोगो न समेति। अत्थोपीति “ऊरुक्खम्भोपि नाम भविस्सती”ति वुत्तअत्थोपि न समेति। अयन्ति अत्तकिलमथानुयोगो। तेसन्ति निगण्ठानं।

३६६. अत्तनो अधिप्पेतकायभावनं वित्थारेन्तो वित्थारतो दस्सेन्तो ये तं अनुयुत्ता, ते नामगोत्ततो विभावेन्तो “नन्दो वच्छो”तिआदिमाह। किलिडुत्तपानन्ति कायस्स किलेसनतपानं पुगलानं। जातमेदन्ति मेदभावापत्तिवसेन उप्पन्नमेदं। पुरिमं पहायाति कालपरिच्छेदेन अनाहारअप्पाहारतादिवसेन कायस्स अपचिननं खेदनं परिच्चजित्वा। कायभावना पन न पज्जायतीति नियमं परमत्थतो कायभावनापि तव जाणेन न जायति, सेसतोपि न दिस्सति।

३६७. इमस्मिं पन ठानेति “कायभावनम्पि खो त्वं, अग्गिवेस्सन, न अज्जासि, कुतो पन त्वं चित्तभावनं जानिस्ससी”ति इमस्मिं ठाने। तथा “यो त्वं एवं ओळारिकं दुब्बलं कायभावनं न जानासि, सो त्वं कुतो सन्तसुखुमं चित्तभावनं जानिस्ससी”ति एतस्मिं अत्थवण्णनाठाने। अबुद्धवचनं नामेतं पदन्ति कायभावनासज्जितविपस्सनातो चित्तभावना सन्ता, विपस्सना पन पादकज्झानतो ओळारिका चेव दुब्बला चाति अयज्ज एतस्स पदस्स अत्थो।

“अबुद्धवचनं नामेतं वचनं सिया”ति वत्वा थेरो पक्कमितुं आरभति । अथ नं महासीवत्थेरो “विपस्सना नामेसा न आदितो सुबूहिता बलवती तिक्खा विसदा होति, तस्मा तरुणवसेनायमत्थो वेदितब्बो”ति दस्सेन्तो “**दिस्सति, भिक्खवे**”ति सुत्तपदं (सं० नि० २.६२) आहरि । तत्थ **आदानन्ति** पटिसन्धि । **निक्खेपनन्ति** चुति । **ओळारिकन्ति** अरूपधम्महि दुट्ठुल्लभावत्ता ओळारिकं । **कायन्ति** चतुसन्ततिरूपसमूहभूतं कायं । **ओळारिकन्ति** भावनपुंसकनिद्देशो, ओळारिकाकारेणाति अत्थो । तेनेव वुत्तं “**आदानमि निक्खेपनम्पी**”ति ।

**३६८. सुखसारागेन समन्नागतोति** सुखवेदनाय बलवतररागेन समङ्गीभूतो । **पट्टाने पटिसिद्धा** अवचनेनेव । **तस्माति** सुखे ठिते एव दुक्खस्सानुप्पज्जनतो । **एवं वुत्तन्ति** “सुखाय वेदनाय निरोधा उप्पज्जति दुक्खा वेदना”ति एवं वुत्तं, न अनन्तराव उप्पज्जनतो । **खेपेत्वाति** कुसलानि खेपेत्वा । **गणिहत्वा** अत्तनो एव ओकासं गहेत्वा । **उभतोपक्खं हुत्वाति** “कदाचि सुखवेदना, कदाचि दुक्खवेदना”ति पक्खद्वयवसेनपि वेदना चित्तस्स परियादाय होति यथाक्कमं अभावितकायस्स अभावितचित्तस्स ।

**३६९. विपस्सना च सुखस्स पच्चनीकाति** सुखविपस्सकस्स आदिकम्मिकस्स महाभूतपरिग्गहादिकाले बहि चित्तचारं निसेधेत्वा कम्मट्टाने एव सतिं संहरन्तस्स अलद्धस्सादं कायसुखं न विन्दति, सम्बाधे वजे सन्निरुद्धो गोगणो विय विहज्जति विप्फन्दति, अच्चासन्नहेतुकञ्च सरीरे दुक्खं उप्पज्जतेव । तेन वुत्तं “**दुक्खस्स आसन्ना**”ति । तेनाह “**विपस्सनं पट्टपेत्वा**”ति आदि । **अट्टाने गच्छन्ते गच्छन्तेति** महाभूतपरिग्गहादिवसेन काले गच्छन्ते । **तत्थ तत्थाति** तस्मिं तस्मिं सरीरपदेसे । **दुक्खं दूरापगतं होति** समापत्तिबलेन विक्खम्भितत्ता अप्पनाभावतो । **अनप्पकं विपुलं । सुखन्ति** ज्ञानसुखं । **ओक्कमतीति** ज्ञानसमुट्ठानपणीतरूपवसेन रूपकायं अनुपविसति, नामकायोक्कमने वत्तब्बमेव नत्थि । कायपस्सद्विकम्मिकस्सपि सम्मसनभावना पट्टपेत्वा निसिन्नस्स कस्सचि आदितोव कायकिलमथचित्तुपघातापि सम्भवन्ति, समाधिस्स पन अपच्चनीकत्ता सिनिद्धभावतो च न सुखविपस्सना विय सुखस्स विपच्चनीको, अनुक्कमेन च दुक्खं विक्खम्भेतीति आह “**यथा समाधी**”ति । यथा समाधि, विपस्सनाय पनेतं नत्थीति आह “**न च तथा विपस्सना**”ति । तेन वुत्तन्ति यस्मा विपस्सना सुखस्स पच्चनीका, सा च कायभावना, तेन वुत्तं “**उप्पन्नापि सुखा वेदना चित्तं न परियादाय तिट्ठति, भावितत्ता कायस्सा**”ति । तथा यस्मा समाधि दुक्खस्स पच्चनीको, सो च चित्तभावना, तेन वुत्तं “**उप्पन्नापि दुक्खा वेदना चित्तं न परियादाय तिट्ठति, भावितत्ता चित्तस्सा**”ति योजना ।

**३७०. गुणे घट्टेत्वाति** अपदेसेन विना समीपमेव नेत्वा । तं वत मम चित्तं उप्पन्ना सुखा वेदना परियादाय ठस्सतीति नेतं ठानं विज्जतीति योजना ।

**३७१. किं न भविस्सति,** सुखापि दुक्खापि वेदना यथापच्चयं उप्पज्जतेवाति अत्थो । **तमत्थन्ति** सुखदुक्खवेदनानं उप्पत्तिया अत्तनो चित्तस्स अनभिभवनीयतासङ्घातं अत्थं । **तत्थ** ताव पासरासिसुत्ते **बोधिपल्लङ्के निसज्जा** “तत्थेव निसीदि”न्ति वुत्ता । **इध** महासच्चकसुत्ते **दुक्करकारिकाय** दुक्करचरणे **निसज्जा** “तत्थेव निसीदि”न्ति वुत्ता ।

**३७४. छन्दकरणवसेनाति** तण्हायनवसेनाति अत्थो । **सिनेहकरणवसेनाति** सिनेहनवसेन । **मुच्छाकरणवसेनाति** मोहनवसेन पमादापादनेन । **विपासाकरणवसेनाति** पातुकम्यतावसेन । **अनुदहनवसेनाति** रागगिना अनुदहनवसेन । **लोकुत्तरमग्गवेवचनमेव** वट्टनिससरणस्स अधिप्पेतत्ता ।

अल्लग्गहणेन किलेसानं असमुच्छिन्नभावं दस्सेति, सस्नेहग्गहणेन अविक्खम्भितभावं, उदके पक्खित्तभावग्गहणेन

समुदाचारावत्थं, उदुम्बरकट्टुगहणेन अत्तभावस्स असारकत्तं। **इमिनाव नयेनाति** “अल्लं उदुम्बरकट्टु”न्ति आदिना वुत्तनयेन। **सपुत्तभरियपब्बज्जायाति** पुत्तभरियेहि सद्धिं कतपरिब्बाजकपब्बज्जावसेन वेदितब्बा। कुटीचकबहूदकहंस-परमहंसादिभेदा **ब्राह्मणपब्बज्जा**।

**३७६.** कुतोपि इमस्स आपोसिनेहो नत्थीति **कोळापं**। तेनाह “**छिन्नसिनेहं निरापं**”न्ति। **कोळन्ति** वा सुखकलिङ्गरं वुच्चति, कोळं कोळभावं आपन्नन्ति **कोळापं**। पटिपन्नस्स उपक्कममहत्तनिस्सितता पकतिया किलेसेहि अनभिभूतताय। **अतिन्नता** पटिपक्खभावनाय। तथा हि सुखकोळापभावो, आरका उदका थले निक्खित्तभावो च निदस्सितो। **ओपक्कमिकाहीति** किलेसअतिनिगण्हनुपक्कमप्पभवाहि। **वेदनाहीति** पटिपत्तिवेदनाहि। दुक्खा पटिपदा हि इधाधिप्पेता।

**३७७. किं पन न समत्थो**, यतो एवं परेहि चिन्तितुम्पि असक्कुण्यं दुक्करचरियं छब्बस्सानि अकासीति अधिप्पायो। **कत्वापि अकत्वापि समत्थो** कारणस्स निप्फन्नत्ता। “यथापि सब्बेसम्पि खो बोधिसत्तानं चरिमभवे अन्तमसो सत्ताहमत्तम्पि धम्मतावसेन दुक्करचरिया होतियेव, एवं भगवा समत्थो दुक्करचरियं कातुं, एवञ्च नं अकासि, न पन ताय बुद्धो जातो, अथ खो मज्झिमाय एव पटिपत्तिया”ति तस्सा ब्यतिरेकमुखेन सदेवकस्स लोकस्स बोधाय अमग्गभावदीपनत्थं, इमस्स पन भगवतो कम्मविपाकवसेन छब्बस्सानि दुक्करचरिया अहोसि। वुत्तज्हेतं —

“अवचाहं जोतिपालो, कस्सपं सुगतं तदा।  
कुतो नु बोधि मुण्डस्स, बोधि परमदुल्लभा॥

तेन कम्मविपाकेन, अचरिं दुक्करं बहुं।  
छब्बस्सानुरुवेलायं, ततो बोधिमुत्तमं॥

नाहं एतेन मग्गेन, पापुणिं बोधिमुत्तमं।  
कुमग्गेन गवेसिस्सं, पुब्बकम्मेन वारितो”ति॥

दुक्करचरियाय बोधाय अमग्गभावदस्सनत्थं दुक्करचरियं अकासीति केचि। अथ वा लोकनाथस्स अत्तनो परक्कमसम्पत्तिदस्सनत्थाय दुक्करचरिया। पणीताधिमुत्तिया हि परमुक्कंसगतभावतो अभिनीहारानुरूपं सम्बोध्यं तिब्बछन्दताय सिखाप्पत्तिया तदत्थं ईदिसम्पि नाम दुक्करचरियं अकासीति लोके अत्तनो वीरियानुभावं विभावेतुं — “सो च मे पच्छा पीतिसोमनस्सावहो भविस्सती”ति लोकनाथो दुक्करचरियं अकासि। तेनाह “**सदेवकस्स लोकस्सा**”ति आदि। तत्थ **वीरियनिम्मथनगुणो**ति वीरियस्स संवट्ठनसम्पादनगुणो। यथावुत्तमत्थं उपमाय विभावेतुं “**पासादे**”ति आदि वुत्तं। **सङ्गामे द्वे तयो सम्महारे**ति द्विक्खत्तुं तिक्खत्तुं वा परसेनाय पहारपयोगे। **पधानवीरियन्ति** सम्मप्पधानेहि आसेवनवीरियं, सब्बं वा पुब्बभागवीरियं।

**अभिदन्तन्ति** अभिभवनदन्तं, उपरिदन्तन्ति अत्थो। तेनाह “**उपरिदन्तं**”न्ति। सो हि इतरं मुसलं विय उदुक्खलं विसेसतो कस्सचि खादनकाले अभिभुय्य वत्तति। **कुसलचित्तेनाति** बलवसम्मासङ्कप्पयुत्तेन कुसलचित्तेन। **अकुसलचित्तन्ति** कामवितक्कादिसहितं अकुसलचित्तं। अकुसलचित्तस्स पवत्तितुं अप्पदानं **निग्गहो**। तंतंपटिक्खेपवसेन विनोदनं **अभिनिप्पीळनं**। वीरियतापेन विक्खम्भनं **अभिसन्तापनं**। **सदरथो**ति सपरिळाहो। **पधानेनाति** पदहनेन,

कायस्स किलमथुप्पादकेन वीरियेनाति अत्थो । विद्धस्साति तुदस्स । सतोति समानस्स ।

३७८. सीसवेठनन्ति सीसं रज्जुया बन्धित्वा दण्डकेन परिवत्तकवेठनं । अरहन्तो नाम एवरूपा होन्तीति इमिना यथायं, एवं विसज्जीभूतापि हुत्वा विहरन्तीति दस्सेति । तेनाह “मतकसदिसा”ति, वेदनाप्पत्ता विय होन्तीति अत्थो । सुपिनप्पटिग्गहणतो पट्टायाति पटिसन्धिग्गहणे सेतवारणसुपिनं पस्सित्वा ब्राह्मणेहि ब्याकतकालतो पट्टाय ।

३७९. धम्मसरीरस्स अरोगभावेन साधूति मरिसनियोति मारिसो, पियायनवचनमेतं । तेनाह “सम्पियायमाना”तिआदि । अजज्जितन्ति एवं अभुज्जितं भकारस्स जकारादेसं कत्वा । तेनाह “अभोजन”न्ति । एवं मा करित्थाति “लोमकूपेहि अज्झोहारेस्साम अनुप्पवेसेस्सामा”ति यथा तुम्हेहि वुत्तं, एवं मा करित्थ । कस्मा? यापेस्सामहन्ति अहज्ज यावदत्थं आहारमत्तं भुज्जन्तो यथा यापेस्सामि, एवं आहारं पटिसेविस्सामि ।

३८०-८१. एताव परमन्ति एतकं परमं, न इतो परं ओपक्कमिकदुक्खवेदनावेदियनं अत्थीति अत्थो । रज्जो गहेतब्बनङ्गलतो अज्जानि सन्धाय “एकेन ऊन”न्ति वुत्तं । तं सुवण्णपरिक्खत्तं, इतरानि रजतपरिक्खतानि । तेनाह “अमच्चा एकेनूनअट्टसतरजतनङ्गलानी”ति । आळारुदकसमागमे लद्धज्झानानि वट्टपादकानि, आनापानसमाधि पन कायगतासतिपरियापन्नत्ता सब्बेसज्ज बोधिसत्तानं विपस्सनापादकत्ता “बोधाय मग्गो”ति वुत्तो । बुज्जनत्थायाति चतुन्नं अरियसच्चानं, सब्बस्सेव वा जेय्यधम्मस्स अभिसम्बुज्जनाय । सतिया अनुस्सरणकविज्जाणं सतानुसारिविज्जाणं । कस्सा पन सतियाति तं दस्सेतुं “नयिद”न्तिआदि वुत्तं ।

३८२. पच्चुपट्टिताति तंतंवत्तकरणवसेन पतिउपट्टिता उपट्टायका । तेनाह “पण्णसाला”तिआदि । पच्चयबाहुल्लिकोति पच्चयानं बाहुल्लाय पटिपन्नो । आवत्तोति पुब्बे पच्चयगेधप्पहानाय पटिपन्नो, इदानी ततो पटिनिवत्तो । तेनाह “रसगिद्धो...पे०... आवत्तो”ति । धम्मनियामेनाति धम्मताय । तमेव धम्मत्तं दस्सेतुं “बोधिसत्तस्सा”तिआदिमाह । बाराणसिमेव तत्थापि च सब्बबुद्धानं अविजहितधम्मचक्कपवत्तनट्टानमेव अगमंसु । पच्चवगिया किर विसाखमासस्स अट्टमासियं गता । तेनाह “तेसु गतेसु अट्टमासं कायविवेकं लभित्वा”ति ।

३८७. “अद्धाभोतो गोतमस्स सावकाचित्तभावनानुयोगमनुयुत्ता विहरन्ति, नो कायभावन”न्ति इमं सन्धायाह “एकं पज्झं पुच्छि”न्ति । इमं धम्मदेसनन्ति “अभिजानामि खो पनाह”न्तिआदिकं धम्मदेसनं । असल्लीनो तण्हादिट्टिकिलेसानं समुच्छिन्नत्ता तेहि सब्बसो न लित्तो । अनुपलित्तोति तस्सेव वेवचनं तण्हानन्दिया अभावेन । गोचरज्झत्तमेवाति गोचरज्झत्तसज्जिते फलसमापत्तिया आरम्मणे, निब्बानेति अत्थो । यं सन्धाय पाळियं “पुरिमस्मिं समाधिनिमित्ते”ति वुत्तं सन्निसीदापेमीति फलसमापत्तिसमाधिना अच्चन्तसमादानवसेन चित्तं सम्मदेव निसीदापेमि । पुब्बाभोगेनाति समापज्जनतो पुब्बे पवत्तआभोगेन । परिच्छिन्दित्वाति समापज्जनक्खणं परिच्छिन्दित्वा । तेनाह “साधुकार...पे०... अविच्छिन्नेयेवा”ति । एवमस्स परिच्छिन्नकालसमापज्जनं यथापरिच्छिन्नकालं वुट्टानज्ज बुद्धानं न भारियं वसीभावस्स तथासुप्पगुणभावतोति दस्सेन्तो आह “बुद्धानं ही”तिआदि । धम्मसम्पटिग्गाहकानं अस्सासवारे वा । तदा हि देसियमानं धम्मं उपधारेतुं न सक्कोन्ति, तस्मा तस्मिं खणे देसितदेसना निरत्थका सिया । न हि बुद्धानं निरत्थका किरिया अत्थि ।

ओकप्पनीयमेतन्ति “तस्सा एव कथाया”तिआदिना वुत्तं अतिविय अच्छरियगतं अट्टुप्पत्तिं सुत्वा ईदिसी पटिपत्ति सम्मासम्बुद्धस्सेव होतीति उपवादवसेन वदति, न सभावेन । तेनाह “सत्थरि पसादमत्तप्पि न उप्पन्न”न्ति । कायदरथोति पच्चयविसेसवसेन रूपकायस्स परिस्समाकारो । उपादिन्नकेति इन्द्रियबद्धे । अनुपादिन्नकेति



अनिन्द्रियबद्धे । **विकसन्ति** सूरियरस्मिसम्फस्सेन । तदभावेन **मकुलानि** होन्ति । **केसञ्च** तित्तिनिकादिरुक्खानं । **पतिलीयन्ति** निस्सरूपधम्मअविष्कारिकताय । अरूपधम्मताय पञ्चविज्जाणानञ्चेव किरियामयविज्जाणानञ्च अप्पवत्तिसञ्जिता अविष्कारिकता होति, यत्थ निद्वासमञ्जा । तेनाह “**दरथवसेन भवङ्गसोतञ्च इध निद्वाति अधिप्पेत**”न्ति । तत्थ **दरथवसेनाति** दरथवसेनेव, न थिनमिद्धवसेनाति अवधारणं अवधारणफलञ्च निद्दारेतब्बं । तं **सन्धायाति** कायस्स दरथसङ्घातसरीरगिलानहेतुकं निदं सन्धाय । सरीरगिलानञ्च भगवतो नत्थीति न सक्का वत्तुं “पिट्ठि मे आगिलायती”ति (दी० नि० ३.३००; म० नि० २.२२; चूळव० ३४५) वचनतो । **सम्मोहविहारस्मिन्ति** पच्चत्ते एतं भुम्मवचनन्ति आह “**सम्मोहविहारोति वदन्ती**”ति, **सम्मोहविहारस्मिं** वा परियापन्नं एतं वदन्ति, यदिदं दिवा निद्दोक्कमनन्ति योजना ।

**३८९. उपनीतेहीति** दोसमगं निन्दापथं उपनीतेहि । **अभिनन्दित्वाति** सम्पियायित्वा । तेनाह “**चित्तेन सम्पटिच्छन्तो**”ति । **अनुमोदित्वाति** “साधु साधू”ति देसनाय थोमनवसेन अनुमोदित्वा । तेनाह “**वाचायपि पसंसन्तो**”ति । **सम्पत्ते कालेति** पब्बज्जायोगे काले अनुप्पत्ते ।

**गणं विनोदेत्वाति** गणं अपनेत्वा गणपलिबोधं छिन्दित्वा । **पपञ्चन्ति** अवसेसकिलेसं । “**पुञ्जवा राजपूजितो**”ति वुत्तमत्थं विवरितुं “**तस्मिञ्चि काले**”तिआदि वुत्तं । छन्दवासहरणेन **उपोसथकम्मं करोन्तो** ।

सकलं रत्तिं बुद्धगुणानयेव कथितत्ता थेरस्स जाणं देसनाविभवञ्च विभावेन्तो आह “**एत्तकाव, भन्ते, बुद्धगुणा**”ति । इमाय, भन्ते, तुम्हाकं धम्मकथाय अनवसेसतो बुद्धगुणा कथिता विय जायन्ति, एवं सन्तोपि अनन्तापरिमेय्याव ते, किं इतो परेपि विज्जन्तेवाति थेरं तत्थ सीहनादं नदापेतुकामो आह “**उदाहु अज्जेपि अत्थी**”तिआदि । रज्जस्स पदेसिकत्ता, यथावुत्तसुभासितस्स च अनग्घत्ता वुत्तं “**अयं मे दुग्गतपण्णाकारो**”ति । **तियोजनसतिकन्ति** इदं परिक्खेपवसेन वुत्तं, तञ्च खो मनुस्सानं परिभोगवसेनाति दट्ठब्बं ।

महासच्चकसुत्तवण्णनाय लीनत्थप्पकासना समत्ता ।

### ७. चूळतण्हासङ्खयसुत्तवण्णना

**३९०. तत्राति** तस्मिं पुब्बाराममिगारमातुपासादानं अत्थविभावेन **अयं** इदानी वुच्चमाना **अनुपुब्बी कथा** । **मणीनन्ति** एत्थ पदुमरागमणीनं अधिप्पेतत्ता आह “**अज्जेहि चा**”ति । तेन इन्दनीलादिमणीनं सङ्गहो दट्ठब्बो । नीलपीतलोहितोदातमज्जिट्टपभस्सरकबरवण्णवसेन **सत्तवण्णेहि** ।

तण्हा सब्बसो खीयन्ति एत्थाति **तण्हासङ्खयो** (अ० नि० टी० ३.७.६१), तस्मिं । **तण्हासङ्खयेति** च विसये इदं भुम्मन्ति आह “**तं आरम्मणं कत्वा**”ति । **विमुत्तचित्ततायाति** सब्बसंकिलेसेहि विमुत्तचित्तताय । अपरभागपटिपदा नाम अरियसच्चाभिसमयो, सा सासनचारिगोचरा पच्चत्तं वेदितब्बतोति आह “**पुब्बभागप्पटिपदं संखित्तेन देसेथाति पुच्छती**”ति । अकुप्पधम्मताय खयवयसङ्घातं अन्तं अतीताति अच्चन्ता, सो एव अपरिहानसभावत्ता अच्चन्ता निद्वा एतस्साति **अच्चन्तनिद्दो** । तेनाह “**एकन्तनिद्दो सततनिद्दोति अत्थो**”ति । न हि पटिविद्धस्स लोक्कतर्धम्मस्स दस्सनं कुप्पनं नाम अत्थि । अच्चन्तमेव चतूहि योगेहि खेमो एतस्स अत्थीति **अच्चन्तयोगक्खेमी** । मग्गब्रह्मचारियस्स वुसितत्ता, तस्स च अपरिहानसभावत्ता अच्चन्तं ब्रह्मचारीति **अच्चन्तब्रह्मचारी** । तेनाह “**निच्चब्रह्मचारीति अत्थो**”ति ।

परियोसानन्ति ब्रह्मचरियस्स परियोसानं ।

वेगायतीति तुरितायति । **सल्लक्खेसी**ति चिन्तेसि, अत्तना यथा सुताय सत्थु देसनाय अनुस्सरणवसेन उपधारेसि । **अनुग्गणिहत्वा**वाति अत्थविनिच्छयवसेन अनुग्गहेत्वा एव । छसु द्वारेसु नियुत्ताति **छद्धारिका**, तेहि ।

**पञ्चक्खन्धा**ति पञ्चुपादानक्खन्धा । सक्कायसब्बज्झि सन्धाय इध “**सब्बे धम्मा**”ति वुत्तं विपस्सनाविसयस्स अधिप्पेतत्ता, तस्मा आयतनधातुयोपि तग्गतिका एव दट्ठब्बा । तेनाह भगवा “**नालं अभिनिवेसाया**”ति । **न युत्ता अभिनिवेसाय** “एतं मम, एसो मे अत्ता”ति अज्झोसानाय । “अलमेव निब्बिन्दितुं अलं विरज्जितुं”न्तिआदीसु (दी० नि० २.२७२; सं० नि० २.१२४-१२५, १२८, १३४, १४३) विय **अलं**-सद्दो युत्तत्थोपि होतीति आह “**न युत्ता**”ति । **सम्पज्जन्ती**ति भवन्ति । यदिपि “ततिया, चतुत्थी”ति इदं विसुद्धिद्वयं अभिज्जापज्जा, तस्सा पन सप्पच्चयनामरूपदस्सनभावतो, सति च पच्चयपरिग्गहे सप्पच्चयत्ता (नामरूपस्स अनिच्चता, अनिच्चं दुक्खं, दुक्खज्ज अनत्ताति अत्थतो) लक्खणत्तयं सुपाकटमेव होतीति आह “**अनिच्चं दुक्खं अनत्ताति जातपरिज्जाय अभिजानाती**”ति । **तथेव तीरणपरिज्जाया**ति इमिना अनिच्चादिभावेन नालं अभिनिवेसायाति नामरूपस्स उपसंहरति, न अभिज्जापज्जानं सम्भारधम्मानं । पुरिमाय हि अत्थतो आपन्नलक्खणत्तयं गण्हाति सल्लक्खणसल्लक्खणपरत्ता तस्सा, दुतियाय सरूपतो तस्सा लक्खणत्तयारोपनवसेन सम्मसनभावतो । एकचित्तक्खणिकताय अभिनिपातमत्तताय च **अप्पमत्तकम्पि** । रूपपरिग्गहस्स ओळारिकभावतो **अरूपपरिग्गहं दस्सेति** । दस्सेन्तो च वेदनाय आसन्नभावतो, विसेसतो सुखसारागिताय, भवस्सादगधितमानसताय च **सक्कस्स वेदनावसेन निब्बत्तेत्वा दस्सेति** ।

**उप्पादवयट्ठे**नाति उदयब्बयसभावेन उप्पज्जित्वा निरुज्जनेन । **अनिच्चा**ति अद्दु वा । अनिच्चलक्खणं अनिच्चता उदयवयता । **तस्मा**ति यस्मा पञ्चन्नं खन्धानं खयतो वयतो दस्सनजाणं अनिच्चानुपस्सना, तंसमङ्गी च पुगगलो अनिच्चानुपस्सी, तस्मा । **खयविरागो**ति खयसङ्घातो विरागो सङ्घारानं पलुज्जना । यं आगम्म सब्बसो सङ्घारेहि विरज्जना होति, तं निब्बानं **अच्चन्तविरागो** । **निरोधानुपस्सिम्हिपी**ति निरोधानुपस्सिपदेपि । “**एसेव नयो**”ति अभिदिसित्वा तं एकदेसेन विवरन्तो “**निरोधोपि हि...पे०... दुविधोयेवा**”ति आह । सब्बासवसंवरे वुत्तवोस्सग्गोव इध “**पटिनिस्सग्गो**”ति वुत्तोति दस्सेन्तो “**पटिनिस्सग्गो वुच्चति वोस्सग्गो**”तिआदिमाह । **परिच्चागवोस्सग्गो** विपस्सना । पक्खन्दनवसेन अप्पनतो **पक्खन्दनवोस्सग्गो** मग्गो अज्जस्स तदभावतो । **सो**ति मग्गो । **आरम्मणतो**ति किच्चसाधनवसेन आरम्मणकरणतो । एवज्झि मग्गतो अज्जेसं निब्बानारम्मणानं पक्खन्दनवोस्सग्गाभावो सिद्धो होति । परिच्चजनेन पक्खन्दनेन चाति **द्वीहिपि वा कारणेहि** । सब्बेसं खन्धानं वोस्सज्जनं तप्पटिबद्धसंकिलेसप्पहानेन दट्ठब्बं । **चित्तं पक्खन्दती**ति मग्गसम्पयुत्तं चित्तं सन्धायाह । **उभयम्पेतं** वोस्सज्जनं । **तदुभयसमङ्गी**ति विपस्सनासमङ्गी मग्गसमङ्गी च । “अनिच्चानुपस्सनाय निच्चसज्जं पजहती”तिआदिवचनतो (पटि० म० १.५२) यथा विपस्सनाय किलेसानं परिच्चागपटिनिस्सग्गो लब्धति, एवं आयतिं तेहि किलेसेहि उप्पादेतब्बखन्धानम्पि परिच्चागपटिनिस्सग्गो वत्तब्बो, पक्खन्दनपटिनिस्सग्गो पन मग्गे लब्धमानाय एकन्तकारणभूताय वुट्ठानगामिनिविपस्सनाय वसेन वेदितब्बो, मग्गे पन तदुभयम्पि जायागतमेव निप्परियायतोव लब्धमानत्ता । तेनाह “**तदुभयसमङ्गी पुगगलो**”तिआदि ।

पुच्छन्तस्स अज्झासयवसेन “न किञ्चि लोके उपादियती”ति एत्थ कामुपादानवसेन उपादियनं पटिक्खिपीयतीति आह “**तण्हावसेन न उपादियती**”ति । तण्हावसेन वा असति उपादियने दिट्ठिवसेन उपादियनं अनवकासमेवाति “**तण्हावसेन**”इच्चेव वुत्तं । **न परामसती**ति नादियति, दिट्ठिपरामासवसेन वा “निच्च”न्तिआदिना **न परामसति** ।

संखित्तेनेव खिप्पं कथेसीति तस्स अज्झासयवसेन पपञ्चं अकत्वा कथेसि ।

३९१. अभिसमागन्त्वाति अभिमुखजाणेन जेय्यं समागन्त्वा याथावतो विदित्वा । तेनाह “**जानित्वा**”ति ।  
**यथापरिसविज्जापकत्ताति** यथापरिसं धम्मसम्पटिग्गाहिकाय महितया, अप्पकाय वा परिसाय अनुरूपमेव विज्जापनतो ।  
**परियन्तं न निच्छरतीति** न पवत्तति । **मा निरत्थका अगमासीति** इदं धम्मतावसेन वुत्तं, न सत्थु अज्झासयवसेन ।  
 एकज्हेतं सत्थु वचीघोसस्स अट्ठसु अङ्गेसु, यदिदं परिसपरियन्तता । **छिद्विवरोकासोति** छिद्वभूतो, विवरभूतो वा  
 ओकासोपि नत्थि, भगवतो सद्दासवनकारणं वुत्तमेव । **तस्माति** यथावुत्तकारणतो ।

पञ्च अङ्गानि एतस्साति पञ्चङ्गं, पञ्चङ्गं एव **पञ्चङ्गिकं** । महतीआदि वीणाविसेसोपि आततमेवाति  
 “**चम्मपरियोनद्धेसू**”ति विसेसितं । **एकतलं** कुम्भथूणदद्वरादि । चम्मपरियोनद्धं हुत्वा तन्तिबद्धं **आततविततं** । तेनाह  
 “**तन्तिबद्धपणवादी**”ति । गोमुखीआदीनम्पि एत्थेव सङ्गहो दट्ठब्बो । **वंसादीति आदि-**सद्देन सङ्घसिङ्गादीनं सङ्गहो ।  
**सम्मादीति** सम्मताळकंसताळसिलासलाकताळादि । तत्थ **सम्मताळं** नाम दण्डमयताळं । **कंसताळं** लोहमयं । सिलाय  
 अयोपत्तेन च वादनताळं **सिलासलाकताळं** । **समप्पितोति** सम्मा अप्पितो उपेतो । तेनाह “**उपगतो**”ति । उपट्टानवसेन  
 पञ्चहि तूरियसतेहि उपेतो । एवंभूतो च यस्मा तेहि उपट्टितो समन्नागतो नाम होति, तस्मा वुत्तं “**समङ्गीभूतोति तस्सेव  
 वेवचन**”न्ति । **परिचारेतीति** परितो चारेति । कानि पन चारेति, कथं वा चारेतीति आह “**सम्पत्तिं...पे०... चारेती**”ति ।  
 तत्थ **ततो ततोति** तस्मिं तस्मिं वादिते तत्थ तत्थ च वादकजने । **अपनेत्वाति** वादकजने निसेधेत्वा । तेनाह “**निस्सद्धानि  
 कारापेत्वा**”ति । **देवचारिकं गच्छतियेव** देवतानं मनुस्सानञ्च अनुकम्पाय । स्वायमत्थो **विमानवत्थूहि** (वि० व० १)  
 दीपेतब्बो ।

३९२. अप्पेव सकेन करणीयेनाति मारिस, मोग्गल्लान, मयं सकेन करणीयेन अप्पेव बहुकिच्चापि न होम । **अपिच**  
**देवानंयेवाति** अपिच खो पन देवानंयेव तावतिंसानं करणीयेन विसेसतो बहुकिच्चाति अत्थयोजना । भुम्मट्टकदेवतानम्पि  
 केचि अट्टा सक्केन विनिच्छितब्बा होन्तीति आह “**पथवितो पट्टाया**”ति । **नियमेन्तोति** अवधारेन्तो । तं पन करणीयं  
 सरूपतो दस्सेतुं “**देवानं ही**”तिआदि वुत्तं । **तासन्ति** देवधीतुदेवपुत्तपादपरिचारिकानं । **मण्डनपसाधनकारिकाति**  
 मण्डनपसाधनसंविधायिका । **अट्टकरणं नत्थि** संसयस्सेव अभावतो ।

यन्ति सवनुग्गहणादिवसेन सुपरिचितम्पि यं अत्थजातं । **न दिस्सति**, पज्जाचक्खुनो सब्बसो न पटिभातीति अत्थो ।  
**केचीति** सारसमासाचरिया । **सोमनस्ससंवेगन्ति** सोमनस्ससमुट्ठानं संवेगं, न चित्तसन्तासं ।

**समुपब्यूळ्होति** युज्जनवसेन सहपतितो समोगाळ्हो । एवंभूतो च यस्मा समूहवसेन सम्पिण्डितो होति, तस्मा वुत्तं  
 “**सन्निपतितो रासिभूतो**”ति । **अनन्तरे अत्तभावेति** इदं दुतियं सक्कत्तभावं ततो अनन्तरातीतेन सक्कत्तभावेन  
 सक्कत्तभावसामञ्जतो एकमिव कत्वा गहणवसेन वुत्तं, अज्जथा “**ततिये अत्तभावे**”ति वत्तब्बं सिया । मघत्तभावो हि इतो  
 ततियोति । अथ वा यस्मिं अत्तभावे सो देवासुरसङ्गामो अहोसि, तस्स अनन्तरत्ता मघत्तभावस्स वुत्तं “**अनन्तरे  
 अत्तभावे**”ति । सत्तानं हितेसिताय मातापितु उपट्टानादिना चरियाहि **बोधिसत्तचरिया वियस्स चरिया अहोसि** । सत्त  
 वतपदानीति सत्त वतकोट्टासे ।

**महापानन्ति** महन्तं सुरापानं । **गण्डपानन्ति** गण्डसुरापानं, अधिमत्तपानन्ति अत्थो । **परिहरमानाति** परिवारेन्ता ।  
**वेदिकापादाति** सिनेरुस्स परियन्ते वेदिकापरिक्खेपा । **पञ्चसु ठानेसूति** पञ्चसु परिभण्डट्टानेसु नागसेनादीहि **आरक्खं**

ठपेसि।

३९३. रामण्यकन्ति रमणीयभावं। मसारगल्लत्थम्भेति कबरमणिमये थम्भे। सुवण्णादिमये घटकेति “रजतत्थम्भेसु सुवण्णमये, सुवण्णत्थम्भेसु रजतमये”ति आदिना सुवण्णादिमये घटके वाळरूपकानि च। पबाळ्हं मत्तोति पमत्तो। तेनाह “अतिविय मत्तो”ति। नाटकपरिवारेनाति अच्छरापरिवारेन।

अच्छरियब्भुतन्ति पदद्वयेनपि विम्हयनाकारोव वुत्तो, तस्मा सज्जातं अच्छरियब्भुतं विम्हयनाकारो एतेसन्ति सज्जातअच्छरियअब्भुता, तथा पवत्तचित्तुप्पादा। अच्छरियब्भुतहेतुका सज्जाता तुट्ठि एतेसन्ति सज्जाततुट्ठिनो। संविग्गन्ति सज्जातसंवेगं। स्वायं संवेगो यस्मा पुरिमावत्थाय चित्तस्स चलनं होति, तस्मा वुत्तं “चलित”न्ति।

३९४. तमं विनोदितन्ति पाटिहारियदस्सनेन “अहो थेरस्स इद्धानुभावो”ति सम्मापटिपत्तियं सज्जातबहुमानो, ईदिसं नाम सासनं लभित्वापि मयं निरत्थकेन भोगमदेन सम्मत्ता भवामाति योनिसो मनसिकारुप्पादनेन सम्मोहतमं विनोदितं विधिमितं। एतेति महाथेरो सक्को चाति ते द्वेपि समानब्रह्मचरियताय सब्रह्मचारिनो।

३९५. पज्जातानन्ति पाकटानं चातुमहाराज-सुयाम-सन्तुसित-परनिम्मितवसवत्तिमहाब्रह्मानं अज्जतरो, न येसं केसज्जीति अधिप्पायो। आरद्धधम्मवसेनेव परियोसापितत्ता यथानुसन्धिनाव निट्टपेसि।

चूळतण्हासङ्ख्यसुत्तवण्णनाय लीनत्थप्पकासना समत्ता।

#### ८. महातण्हासङ्ख्यसुत्तवण्णना

३९६. लद्धिमत्तन्ति मिच्छागाहमत्तं, न दिट्ठाभिनिवेसो। सस्सतदिट्ठीति निच्चाभिनिवेसो। सोति अरिड्डो भिक्खु। कथेत्वा समोधानेन्तन्ति योजना। समोधानेन्तन्ति च निगमेन्तन्ति अत्थो। तत्थ तत्थेवाति तेसु तेसु एव भवेसु निरुज्झन्ति, न भवन्तरं सङ्कमन्ति। विज्जाणं पन अभिन्नसभावं अनज्जन्ति अधिप्पायो। इधलोकतोति इमस्मा अत्तभावा। परलोकन्ति परभवसज्जितं अत्तभावं। सन्धावतीति निच्चताय केनचि असम्बद्धं विय गच्छति। तेन इधलोकतो परलोकगमनमाह। संसरतीति इमिना परलोकतो इधागमनं। सन्धावतीति वा भवन्तरसङ्कमनमाह। संसरतीति तत्थ तत्थ अपरापरसञ्चरणं।

“पच्चये सति भवती”ति आदिना विज्जाणस्स अन्वयतो ब्यतिरेकतो च पटिच्चसमुप्पन्नभावं दस्सेन्तो सस्सतभावं पटिक्खपति। बुद्धेन अकथितं कथेसीति इमिना “यं अभासितं अलपितं तथागतेन, तं भासितं लपितं तथागतेनाति दीपेती”ति (चूळव० ३५२, ३५३) इमस्मिं भेदकरवत्थुस्मिं सन्दिस्सतीति दस्सेति। जिनचक्के पहारं देतीति “तदेविदं विज्जाणं...पे०... अनज्ज”न्ति निच्चतं पटिजानन्तो — “सब्बे सङ्खारा अनिच्चा (ध० प० २७७), रूपं, भिक्खवे, अनिच्च”न्ति (सं० नि० ३.९३-९४) च आदिनयप्पवत्ते सत्थु धम्मचक्के खीलं उप्पादेन्तो पहारं देति। सब्बज्जुतज्जाणेन अनिच्चन्ति दिट्ठं पवेदितञ्च विज्जाणं निच्चन्ति पटिजानन्तो वेसारज्जजाणं पटिबाहति। सोतुकामं जनन्ति अरियधम्माधिगमस्स एकन्तउपायभूतं विपस्सनामगं सोतुकामं जनं निच्चग्गाहपग्गहनेन विसंवादेति। ततो एव अरियपथे अरियधम्मवीथियं तस्सा पटिक्खपनेन तिरियं निपतित्वा।

३९८. विज्जाणसीसेन अत्तना गहितं अत्तानं विभावेन्तो “व्यायं, भन्ते”ति आदिमाह। तत्थ वदो वेदेय्योति आदयो

सस्सतदिट्ठिया एव अभिनिवेसाकारा । वदतीति वदो, वचीकम्मस्स कारकोति अत्थो । इमिना हि कारकभावुपायिकसत्तानं हितसुखावबोधनसमत्थतं अत्तनो दस्सेति । वेदियोव वेदेय्यो, जानाति अनुभवति चाति अत्थो । ईदिसानज्झि पदानं बहुला कत्तुसाधनतं सद्दविदू मज्जन्ति । वेदयतीति तं तं अनुभवितब्बं अनुभवति । तहिं तहिन्ति तेसु तेसु भवयोनिगतिठितिसत्तावाससत्तनिकायेसु ।

३९९. तं वादं पग्गह्ठितत्ता सातिस्स छिन्नपच्चयता अविरोहधम्मता च वेदितब्बा । हेट्ठाति अलगद्दसुत्तसंवण्णनं (म० नि० अट्ठ० २.२३६-२३७) सन्धायाह । परतो हेट्ठाति वुत्तट्ठानेपि एसेव नयो । पाटियेक्को अनुसन्धीति तीहिपि अनुसन्धीहि अवोमिस्सो विसुंयेवेको अनुसन्धि । ननु चायम्पि सातिस्स अज्झासयवसेन पवत्तितत्ता अज्झासयानुसन्धियेवाति? न, निय्यानमुखेन अप्पवत्तत्ता । निय्यानज्झि पुरक्खत्वा पुच्छादिवसेन पवत्ता इतरा देसनापुच्छानुसन्धिआदयो । इध तदभावतो वुत्तं “पाटियेक्को अनुसन्धी”ति । परिसाय लद्धिं सोधेन्तोति यादिसी सातिस्स लद्धि, तदभावदस्सनवसेन परिसाय लद्धिं सोधेन्तो, परिसाय लद्धिसोधनेनेव साति गणतो निस्सारितो नाम जातो ।

४००. यं यदेवाति इदं यदिपि अविसेसतो पच्चयधम्मग्गहणं, “विज्जाणन्त्वेव सङ्ख्यं गच्छती”ति पन वुत्तत्ता तंतंविज्जाणस्स समज्जानिमित्तपच्चयजातं गहितन्ति दट्ठब्बं । तेन वुत्तं पाळियं — “चक्खुविज्जाणन्त्वेव सङ्ख्यं गच्छती”तिआदि । अथ वा तंतंद्वारनियतं इतरम्पि सब्बं तस्स तस्स विज्जाणस्स पच्चयजातं इध “यं यदेवा”ति गहितं, तत्थ पन यं असाधारणं, तेन समज्जाति “चक्खुविज्जाणन्त्वेवा”तिआदि वुत्तं । द्वारसङ्कन्तिया अभावन्ति विज्जाणस्स द्वारन्तरसङ्कमनस्स अभावं । स्वायं ओळारिकनयेन मन्दबुद्धीनं सुखावबोधनत्थं नयदस्सनवसेन वुत्तो । न हि कदाचि पच्चुप्पन्नं विज्जाणं विगच्छन्तं अनन्तरविज्जाणं सङ्कमति अनन्तरादिपच्चयालाभे तस्स अनुप्पज्जनतो ।

एवमेवाति यथा अग्गि उपादानं पटिच्च जलन्तो अनुपादानो तत्थेव निब्बायति, न कत्थचि सङ्कमति, एवमेव । “पच्चयवेकल्लेन तत्थेव निरुज्झती”ति कस्मा वुत्तं, न हेत्थ अनुप्पादनरोधो इच्छितो तादिसस्स निरोधस्स इध अनधिप्पेतत्ता, अथ खो खणनिरोधो, सो च साभाविकत्ता न पच्चयवेकल्लहेतुको? सच्चमेतं, तंतंद्वारिकस्स पन विज्जाणस्स द्वारन्तरं असङ्कमित्वा तत्थ तत्थेव निरुज्झनं इधाधिप्पेतं । येसज्च पच्चयानं वसेन द्वारन्तरिकविज्जाणेन भवितब्बं, तेसं तदभावतो पच्चयवेकल्लग्गहणं, तस्मा पच्चयवेकल्लेन न सोतादीनि सङ्कमित्वा सोतविज्जाणन्तिआदि सङ्ख्यं गच्छतीति योजना । एतेन यं विज्जाणं चक्खुरूपादिपच्चयसामगिया वसेन चक्खुविज्जाणसङ्ख्यं गच्छति, तत्थ तत्थेव निरुज्झति तावकालिकभावतो, तस्स पन सोतसद्दादिपच्चयाभावतो कुतो सोतविज्जाणादिसमज्जा, एवमप्पवत्तितो तस्स कुतो सङ्कमोति दस्सितं होति । विज्जाणप्पवत्तेति विज्जाणप्पवत्तियं । द्वारसङ्कन्तिमत्तन्ति द्वारन्तरसङ्कमनमत्तम्पि न वदामि तत्थ तत्थेव भिज्जनतो पच्चयस्स उप्पादवन्ततो सति च उप्पादे अवस्संभावी निरोधोति हुत्वा अभावट्ठेन अनिच्चता दीपिता होतीति ।

४०१. “पटिच्चसमुप्पन्नं विज्जाणं वुत्तं मया, अज्जत्र पच्चया नत्थि विज्जाणस्स सम्भवो”ति पाळिया अन्वयतो च ब्यतिरेकतो च विज्जाणस्स सङ्कतताव दस्सिताति आह “सप्पच्चयभावं दस्सेत्वा”ति । हेतुपच्चयेहि जातं निब्बत्तं “भूत”न्ति इधाधिप्पेतं, तं अत्थतो पच्चयखन्धा तब्बिनिमुत्तस्स सप्पच्चयस्स अभावतो, यज्च खन्धपच्चकं अत्तनो तेसज्च भिक्खूनं, तं “भूतमिद”न्ति भगवा अवोचाति आह “इदं खन्धपच्चक”न्ति । अत्तनो फलं आहरतीति आहारो, पच्चयो । सम्भवति एतस्माति सम्भवो, आहारो सम्भवो एतस्साति आहारसम्भवं । तेनाह “पच्चयसम्भव”न्ति । तस्स पच्चयस्स निरोधाति येन अविज्जादिना पच्चयेन खन्धपच्चकं सम्भवति, तस्स पच्चयस्स अनुप्पादनरोधा । खणनिरोधो पन

कारणनिरपेक्षो ।

नोस्सूति संसयजोतनो निपातोति आह “भूतं नु खो इदं, न नु खो भूत”न्ति । भूतमिदं नोस्सूति च इमिना खन्धपञ्चकमेव नु खो इदं, उदाहु अत्तत्तनियन्ति एवंजातिको संसयनाकारो गहितो । तदाहारसम्भवं नोस्सूति पन इमिना सहेतुकं नु खो इदं भूतं, उदाहु अहेतुकन्ति यथा अहेतुकभावापन्नो संसयनाकारो गहितो, एवं विसमहेतुकभावापन्नोपि संसयनाकारो गहितोति दट्ठब्बं । विसमहेतुनोपि परमत्थतो भूतस्स अहेतुकभावतो । विसमहेतुवादोपि परेहि परिकप्पितमत्तताय सभावनियतियदिच्छादिवादेहि समानयोगकखमोति । निरोधधम्मं नोस्सूति इमिना यथा अनिच्चं नु खो इदं भूतं, उदाहु निच्चन्ति अनिच्चतं पटिच्च संसयनाकारो गहितो, एवं दुक्खं नु खो, उदाहु न दुक्खं, अनत्ता नु खो, उदाहु न अनत्तातिपि संसयनाकारो गहितोयेवाति दट्ठब्बं अनिच्चस्स दुक्खभावादिवस्संभावतो, निच्चे च तदुभयाभावतो । याथावसरसलक्खणतोति अविपरीतसरसतो सलक्खणतो च, किच्चतो चेव सभावतो चाति अत्थो । विपस्सनाय अधिद्वानभूतापि पज्जा विपस्सना एवाति वुत्तं “विपस्सनापज्जाया”ति । सरसतोति च सभावतो । सलक्खणतोति सामज्जलक्खणतो । तेनाह “विपस्सनापज्जाय सम्मा पस्सन्तस्सा”ति । वुत्तनयेनेवाति “याथावसरसलक्खणतो”ति वुत्तनयेनेव । ये येति तस्सं परिसायं ये ये भिक्खू । सल्लक्खेसुन्ति सम्मदेव उपधारेसुं ।

तेहीति तेहि भिक्खूहि । तत्थाति तित्थं विपस्सनापज्जायं । नित्तण्हभावन्ति तण्हाभावं “एतं मम”न्ति तण्हाग्गाहस्स पहीनतं । एतेनपि भगवा “अहं, भिक्खवे, धम्मेसुपि तण्हापहानमेव वण्णेमि, साति पन मोघपुरिसो अत्तभावेपि तण्हासंवद्धानिं विपरीतदिट्ठिं पग्गय्ह तिट्ठती”ति सातिं निग्गण्हाति । सभावदस्सनेनाति धम्मानं अविपरीतसभावदस्सनेन । पच्चयदस्सनेनाति कारणदस्सनेन अनवसेसतो हेतुनो पच्चयस्स च दस्सनेन । अल्लीयेथाति तण्हादिट्ठिवसेन निस्सयेथ । तेनाह “तण्हादिट्ठीही”ति । केलायेथाति परिहरणकेळिया परिहरेय्याथ । तेनाह “कीळमाना विहरेय्याथा”ति । धनं विय इच्छन्ताति धनं विय द्रव्यं विय इच्छं तण्हं जनेन्ता । तेनाह “गेधं आपज्जेय्याथा”ति । ममत्तं उप्पादेय्याथाति “मममिद”न्ति तण्हादिट्ठिवसेन अभिनिवेसं जनेय्याथ । निकन्तिवसेनपि गहणत्थाय नो देसितो, तस्स वा सण्हसुखुमस्स विपस्सनाधम्मस्स गहणं नाम निकन्तिया एव सिया, न ओळारिकतण्हायाति वुत्तं “निकन्तिवसेना”ति ।

४०२. पटिच्च एतस्मा फलं एतीति पच्चयो, सब्बो कारणविसेसोति आह “खन्धानं पच्चयं दस्सेन्तो”ति । याव अविज्जा हि सब्बो नेसं कारणविसेसो इध दस्सितो । पुन आदितो पट्ठाया याव परियोसाना, अन्ततो पट्ठाया याव आदीति अनुलोमतो पटिलोमतो च वट्ठविट्ठदस्सनवसेन नानानयेहि पटिच्चसमुप्पादो दस्सितो, निच्चग्गाहस्स निमित्तभूतो किलेसोपि इध नत्थीति दीपेति । तम्पि वुत्तत्थमेवाति तम्पि “इमे च, भिक्खवे, चत्तारो आहारा”तिआदि याव “तण्हापभवा”ति पाळिपदं, ताव वुत्तत्थमेव सम्मादिट्ठिसुत्तवण्णनायं (म० नि० अट्ठ० १.८९) । सेसं पटिच्चसमुप्पादकथाभावतो विसुद्धिमग्गे (विसुद्धि० २.५७०) वित्थारितावाति इमिनाव सङ्गहितं ।

४०४. इमस्मिं सति इदं होतीतिआदीसु यं वत्तब्बं, तं परमत्थदीपनियं उदानट्ठकथायं (उदा० अट्ठ० १) वुत्तनयेनेव वेदितब्बं ।

४०७. पटिधावनाति पटिसरणं, पुब्बे अत्तनो आगतं अतीतं अद्धानं उद्दिस्स तण्हादिट्ठिवसेन पटिगमनन्ति अत्थो । ननु विचिकिच्छावसेन पाळियं पटिधावना आगताति? सच्चं आगता, सा पन तण्हादिट्ठिहेतुकाति “तण्हादिट्ठिवसेना”ति वुत्तं । तत्थाति तस्मिं यथाधिगते जाणदस्सने ।

निच्चलभावन्ति सुप्पतिट्ठितभावं, तिथियवादवातेहि अकम्पियभावञ्च । गरूति गरुणयुत्तो । भारिको पासाणच्छत्तसदिसो । अकामा अनुवत्तितब्बोति सद्भामत्तकेनेव अनुवत्तनमाह, न अवेच्चप्पसादेन । किच्चन्ति सत्थुकिच्चं । ब्राह्मणानन्ति जातिमन्तब्राह्मणानं । वतसमादानानीति मगवतादिवतसमादानानि । दिट्ठिकुतूहलानीति तंतंदिट्ठिगाहवसेन “इदं सच्चं, इदं सच्चं”न्तिआदिना गहेतब्बकुतूहलानि । एवं निस्सट्ठानीति यथा मया तुम्हाकं ओवादो दिन्नो, एवं निस्सट्ठानि वतादीनि तं अतिक्कमित्वा किं गणहेय्याथ । सयं जाणेन जातन्ति परनेय्यतं मुञ्चित्वा अत्तनो एव जाणेन याथावतो जातं । एवंभूतञ्च सयं पच्चक्खतो दिट्ठं नाम होतीति आह “सयं पञ्जाचक्खुना दिट्ठं”न्ति । सयं विभावितन्ति तेहि भिक्खूहि तस्स अत्थस्स पच्चत्तं विभूतभावं आपादितं । उपनीताति उपक्कमेन धम्मदेसनानुसारेण नीता । मयाति कत्तरि करणवचनं । धम्मेनाति कारणेन । एतं वचनन्ति एतं “सन्दिट्ठिको”तिआदिवचनं ।

४०८. तं सम्मोहट्ठानं अस्स लोकस्स । समोधानेनाति समागमेन । गब्भति अत्तभावभावेन वत्ततीति गब्भो, कललादिअवत्थो धम्मपबन्धो, तन्निस्सितत्ता पन सत्तसन्तानो “गब्भो”ति वुत्तो यथा “मञ्चा उक्कुट्ठिं करोन्ती”ति । तन्निस्सयभावतो मातुकुच्छि “गब्भो”ति वेदितब्बो, गब्भो वियाति वा । यथा हि निवासट्ठानताय सत्तानं ओवरको “गब्भो”ति वुच्चति, एवं गब्भसेय्यकानं याव अभिजाति निवासट्ठानताय मातुकुच्छि “गब्भो”ति वुत्तोति ।

यमेकरत्तिन्ति यस्सं एकरत्तियं । भुम्मत्थे हि इदं उपयोगवचनं, अच्चन्तसंयोगे वा । पठमन्ति सब्बपठमं पटिसन्धिक्खणे । गब्भेति मातुकुच्छियं । माणवोति सत्तो । येभुय्येन सत्ता रत्तियं पटिसन्धिं गणहन्तीति रत्तिगहणं । अब्भुट्ठितोवाति उट्ठितअब्भो विय, अभिमुखभावेन वा उट्ठितो एव मरणस्साति अधिप्पायो । सो यातीति सो माणवो याति पठमक्खणतो पट्टाय गच्छतेव । स गच्छं न निवत्ततीति सो एवं गच्छन्तो खणमत्तम्पि न निवत्तति, अञ्जदत्थु मरणमेव उपगच्छतीति गाथाय अत्थो ।

उतुसमयं सन्धाय वुत्तं, न लोकसमज्जातरजस्स लग्गनदिवसमत्तं । इदानि वुत्तमेवत्थं पाकटतरं कातुं “मातुगामस्स किर यस्मि”न्तिआदि वुत्तं । तत्थाति तस्मिं गब्भासये । सण्ठित्वाति निब्बत्तित्वा । भिज्जित्वाति अग्गहितगब्भा एव भिन्ना हुत्वा । अयज्हि तस्सा सभावो । वत्थु सुद्धं होतीति पग्घरितलोहितत्ता अनामयत्ता च गब्भासयो सुद्धो होति । सुद्धवत्थुत्ता ततो परं कतिपयदिवसानि खेत्तमेव होति गब्भसण्ठहनस्स परित्तस्स लोहितलेसस्स विज्जमानत्ता । सम्भवस्स पन कथं सभावोति आह “तस्मिं समये”तिआदि । इत्थिसन्तानेपि सुक्कधातु लब्धतेव । तेनाह “अङ्गपरामसनेनपि दारको निब्बत्तितयेवा”ति । यथा पारिकाय नाभिपरामसनेन सामस्स बोधिसत्तस्स, दिट्ठमङ्गलिकाय नाभिपरामसनेन मण्डब्यस्स निब्बत्ति । गन्धब्बोति गन्धनतो उप्पज्जनगतिया निमित्तुपट्टापनेन सूचनतो गन्धोति लब्धनामेन भवगामिकम्मुना अब्भति पवत्ततीति गन्धब्बो, तत्थ उप्पज्जनकसत्तो । तेनाह “ततूपगसत्तो”ति । कम्मयन्तयन्तितोति ततूपपत्तिआवहेन कम्मसङ्घातेन पेल्लनकयन्तेन तथत्ताय पेल्लितो उपनीतो । महन्तेन जीवितसंसयेनाति विजायनपरिक्किलेसेन “जीविस्सामि खो, न नु खो जीविस्सामि अहं वा, पुत्तो वा मे”ति एवं पवत्तेन जीवितसंसयेन विपुलेन गरुतरेन संसयेन । तं ठानन्ति थनप्पदेसमाह । कीळन्ति तेनाति कीळनं, कीळनमेव कीळनकं ।

४०९. सारज्जतीति सारत्तचित्तो होति । व्यापज्जतीति व्यापन्नचित्तो होति । काये केसादिद्वत्तिंसासुचिसमुदाये तंसभावारम्मणा सति कायसति । अनुपट्टपेत्वाति अनुप्पादेत्वा, यथासभावतो कायं अनुपधारेत्वाति अत्थो । परित्तचेतसोति किलेसेहि परितो खण्डितचित्तो । तेनाह “अकुसलचित्तो”ति । एते अकुसलधम्मा । निरुज्झन्तीति निरोधं पत्ता होन्ति । तण्हावसेन अभिनन्दतीति सप्पीतिकतण्हावसेन अभिमुखं हुत्वा नन्दति । अभिवदतीति तण्हावसेन तं तं

आरम्भणं अभिनिविस्स वदति । अज्झोसायाति अनज्जसाधारणं विय आरम्भणं तण्हावसेन अनुपविसित्वा । तेनाह “गिलित्वा परिनिदुपेत्वा”ति । दुक्खं कथं अभिनन्दतीति एत्थ दुक्खहेतुकं अभिनन्दन्तो दुक्खं अभिनन्दति नामाति दट्ठब्बं । अट्ठकथायं पन यावता यस्स दुक्खे दिट्ठितण्हा अभिनन्दना अप्पहीना, तावतायं दुक्खं अभिनन्दति नामाति दस्सेतुं “अहं दुक्खितो मम दुक्खन्ति गणहन्तो अभिनन्दति नामा”ति वुत्तं । तेन गाहद्वयहेतुका तत्थ अभिनन्दनाति दस्सेति । पुन एकवारन्ति पुनपि एकवारं । फलहेतुसन्धिहेतुफलसन्धिवसेन द्विसन्धी । “गम्भस्सावक्कन्ति होती”तिआदिना अत्थतो सरूपतो च एतरहि फलसङ्खेपस्स । सरूपेनेव च इतरद्वयस्स देसितत्ता आह “तिसङ्खेप”न्ति ।

४१०-४१४. समथयानिकस्स भिक्खुनो वेदनामुखेन सङ्खेपेनेव याव अरहत्ता कम्मट्ठानं इध कथितन्ति आह “संखित्तेन तण्हासङ्खयविमुत्तिं धारेथा”ति । “इमं तण्हासङ्खयविमुत्तिं”न्ति च भगवा यथादेसितं देसनं अवोचाति वुत्तं “इमं...पे०... विमुत्तिदेसन”न्ति । यदि एवं कथं देसना विमुत्तीति आह “देसना हि...पे०... विमुत्तीति वुत्ता”ति । यस्सा तण्हाय वसेन साति भिक्खु सस्सतग्गाहमहासङ्घाटपटिमुक्को, सा सब्बबुद्धानं देसना हत्थावलम्बमानेपि दुरुग्घाटिया जाताति आह “महातण्हाजालतण्हासङ्घाटपटिमुक्क”न्ति । महातण्हाजालेति महन्ते तण्हाजटे । तण्हासङ्घाटेति तण्हाय सङ्घाटे । तथाभूतो च तस्स अब्भन्तरे कतो नाम होतीति आह “अनुपविट्ठो अन्तोगधो”ति । सेसं सुविज्जेय्यमेव ।

महातण्हासङ्खयसुत्तवण्णनाय लीनत्थप्पकासना समत्ता ।

## ९. महाअस्सपुरसुत्तवण्णना

४१५. जानपदिनोति जनपदवन्तो, जनपदस्स वा इस्सरा राजकुमारा गोत्तवसेन अङ्गा नाम । तेसं निवासो यदि एको जनपदो, कथं बहुवचनन्ति आह “रुळ्हीसद्देना”ति । अक्खरचिन्तका हि ईदिसेसु ठानेसु युत्ते विय सलिङ्गवचनानि (पाणिनि १.२.५१) इच्छन्ति । अयमेत्थ रुळ्ही यथा “कुरुसु विहरति, मल्लेसु विहरती”ति च । तब्बिसेसने पन जनपदसद्दे जातिसद्दे एकवचनमेव । तेनाह “अङ्गेसु जनपदे”ति । अस्सा वुच्चन्ति पासाणानि, तानि सुन्दरानि तत्थ सन्तीति “अस्सपुर”न्ति सो निगमो वुत्तोति केची । अपरे पन आजानीयो अस्सो रज्जो तत्थ गहणं उपगतोति “अस्सपुर”न्ति वुत्तोति वदन्ति । किं तेहि, नाममेतं तस्स निगमस्स । यस्मा पन तत्थ भगवतो निबद्धवसनट्ठानं किञ्चि नाहोसि, तस्मा “तं गोचरगामं कत्वा विहरति”च्चेव वुत्तं । तथा हि पाळियं “अस्सपुरं नाम अङ्गानं निगमो”ति गोचरगामकित्तनमेव कतं ।

एवरूपेन सीलेनातिआदीसु सीलग्गहणेन वारित्तसीलमाह । तेन सम्मावाचाकम्मन्ताजीवे दस्सेति । आचारग्गहणेन चारित्तसीलं । तेन परिसुद्धं कायवचीसमाचारं । पटिपत्तिग्गहणेन समथविपस्सनामग्गफलसङ्गहं सम्मापटिपत्तिं । लज्जिनोति इमिना यथावुत्तसीलाचारमूलकारणं । पेसलाति इमिना पारिसुद्धिं । उळारगुणाति इमिना पटिपत्तिया पारिपूरिं । भिक्खुसङ्घस्सेव वण्णं कथेन्तीति इदं तेसं उपासकानं येभ्य्येन भिक्खूनं गुणकित्तनपसुतताय वुत्तं । ते पन सद्धम्मपि सम्मासम्बुद्धेपि अभिप्पसन्ना एव । तेनाह “बुद्धमामका धम्ममामका”ति । वत्थुत्तये हि एकस्मिं अभिप्पसन्ना इतरद्वये अभिप्पसन्ना एव तदविनाभावतो । पिण्डपातापचायनेति लक्खणवचनमेतं यथा “काकेहि सप्पि रक्खितब्ब”न्ति, तस्मा पच्चयपटिपूजनेति वुत्तं होति । पच्चयदायकानज्झि कारस्स अत्तनो सम्मापटिपत्तिया महप्फलभावस्स करणं इध “पिण्डपातापचायन”न्ति अधिप्पेतं ।

समणकरणाति समणभावकरा, समणभावस्स कारकाति अत्थो । ते पन एकन्ततो अत्तनो सन्ताने उप्पादिता वड्ढिता च होन्तीति आह “समादाय परिपूरिता”ति । समणग्गहणज्चेत्थ समणवसेन, न सामज्जमत्तेनाति आह



“समितपापसमण”न्ति । ब्राह्मणकरणाति एत्थापि वुत्तनयेनेवत्थो वेदितब्बो । ब्यञ्जनतो एव चायं भेदो, यदिदं समणब्राह्मणाति, न अत्थतो । **समणेन कत्तब्बधम्मा**ति समणधम्मे ठितेन सम्पादेतब्बधम्मा । यो हि हेट्टिमसिक्खासङ्घातसमणभावे सुप्पतिट्ठितो, तेन ये उपरिसिक्खासङ्घातसमणभावा सम्पादेतब्बा, तेसं वसेनेव वुत्तसमणेन कत्तब्बधम्मा वुत्ताति । तथा हि तेसं समणभाववहतं सन्धायाह “**तेपि च समणकरणा होन्तियेवा**”ति । इध पनाति महाअस्सपुरे । **हिरोत्तप्पादिवसेन देसना वित्थारिता**ति हिरोत्तप्प-परिसुद्धकायवचीमनोसमाचाराजीवइन्द्रियसंवर-भोजनेमत्तञ्जुत- जागरियानुयोगसतिसम्पजञ्ज-ज्ञानविज्जावसेन समणकरणधम्मदेसना वित्थारतो देसिता, न तिकनिपाते विय सङ्खेपतो । **फलगगहणेनेव विपाकफलं गहितं**, तं पन उक्कट्टुनिद्देसेन चतुब्बिधं सामञ्जफलं दट्ठब्बं । **आनिसंसंगहणेन** पियमनापतादिउद्रयो । **तस्सेव अत्थो**ति तस्सेव अवञ्चापदस्सेव अत्थनिद्देसो । “**यस्सा ही**”तिआदिना ब्यतिरेकवसेन अत्थं वदति । **एत्तकेन ठानेना**ति एत्तकेन पाळिपदेसेन । **हिरोत्तप्पादीनं** उपरि पाळियं वुच्चमानानं समणकरणधम्मानं । **वण्णं कथेसी**ति गुणं आनिसंसं अभसि । **सतिपट्टाने वुत्तनयेना**ति “अपिच वण्णभणनमेत”न्तिआदिना **सतिपट्टानवण्णनायं** (दी० नि० अट्ठ० २.३७३; म० नि० अट्ठ० १.१०६) वुत्तनयेन ।

४१६. यं **हिरीयती**ति येन धम्मेन हेतुभूतेन वा जिगुच्छति । करणे हेतं पच्चत्तवचनं । **यन्ति** वा लिङ्गविपल्लासेन वुत्तो, धम्मोति अत्थो । **हिरीयितब्बेना**ति उपयोगत्थे करणवचनं, हिरीयितब्बयुत्तकं कायदुच्चरितादित्ति अत्थो । **ओत्तप्पितब्बेना**ति एत्थापि एसेव नयो । अज्झत्तं नियकज्झत्तं जातिआदि समुट्ठानं एतिस्साति **अज्झत्तसमुट्ठाना हिरी**, बहिद्धा अत्ततो बहिभूतो परसत्तो समुट्ठानं एतिस्साति **बहिद्धासमुट्ठानं ओत्तप्पं** । अत्ताधिपतितो आगता **अत्ताधिपतेय्या**, अत्तानं अधिपतिं कत्वा पवत्ता । **लज्जासभावसण्ठिता**ति पापजिगुच्छनसभावट्टायिनी । सप्पतिस्सवलक्खणत्ता गरुना किस्मिञ्चि वुत्ते गारववसेन पतिस्सवनं पतिस्सवो, सह पतिस्सवेनाति **सप्पतिस्सवं**, पतिस्सवभूतं तंसभावञ्च यं किञ्चि गारवं । जातिआदिमहत्तापच्चवेक्खणेन उप्पज्जमाना च हिरी तत्थ गारववसेन पवत्ततीति सप्पतिस्सवलक्खणाति वुच्चति । **भयसभावसण्ठितन्ति** पापतो भायनसभावट्टायी, वज्जभीरुकभयदस्साविलक्खणत्ता वज्जं भायति तं भयतो पस्सतीति **वज्जभीरुकभयदस्सावी**, एवंसभावं ओत्तप्पं । अज्झत्तसमुट्ठानादिता च हिरोत्तप्पानं तत्थ तत्थ पाकटभावेनेव वुच्चति, न परेसं कदाचि अज्जमञ्जविप्पयोगा । न हि लज्जनं निब्भयं, पापभयं वा अलज्जनं होतीति । अयमेत्थ सङ्खेपो, वित्थारो पन **अट्ठसालिनियं** (ध० स० अट्ठ० १.बलरासिवण्णना) वुत्तनयेनेव वेदितब्बो । लोकमरियादस्स पालनतो **लोकपालधम्मा नाम** । **सुक्का**ति ओदाता पभस्सरभावकारका, सुक्काभिजातिहेतुताय वा **सुक्का** । **सम्भेदन्ति** आचारमरियादासङ्करं । देवभाववहा धम्माति **देवधम्मा** ।

**सुक्कधम्मसमाहिता**ति यथावुत्तसुक्कधम्मसमङ्गिनो । **सन्तो**ति वूपसन्तदोसा । **सप्पुरिसा**ति सन्तजना । सपरहितसाधका हि साधवो ।

अवयवविनिमुत्तस्स समुदायस्स अभावतो, अवयवेन च समुदायस्स अपदिसितब्बतो ओवादूपसम्पदावहओवादेकदेसो **ओवादूपसम्पदा**ति । इधाति इमस्मिं अस्सपुरे । **एते** हिरोत्तप्पधम्मा । **समणधम्मा नामाति दस्सिता** मूलभूतसमणभावकरा धम्माति कत्वा । तथा हि तेसं आदितो गहणं ।

यस्स अधिगमेन निप्परियायतो समणा नाम होन्ति, सो अरियमग्गो “समणस्स कम्मं पटिपदा”ति कत्वा सामञ्जं, तस्स पन फलभावतो, आरम्मणकरणवसेन अरणीयतो फलनिब्बानानि **सामञ्जत्थो** । रागं खेपेतीति **रागक्खयो**, अरियमग्गो । रागो खीयति एत्थाति **रागक्खयो**, निब्बानं । फलं पन कारणूपचारेन **रागक्खयो** दट्ठब्बो । **दोसक्खयो**

मोहक्खयोति एत्थापि एसेव नयो । सामञ्जभूतो अत्थो सामञ्जत्थो, मग्गो, सामञ्जस्स अत्थोति सामञ्जत्थो, फलन्ति आह “मग्गम्पि फलम्पि एकतो कत्वा सामञ्जत्थो कथितो”ति । तयिदं उक्कट्टनिद्देसेन वुत्तं । सीलादिपुब्बभागपटिपदापि हि इध “सामञ्जत्थो”ति गहिता । तेनेवाह “सति उत्तरिकरणीये”ति । पटिवेदयामीति पुनप्पुनं जापेमि ।

४१७. कम्मपथवसेनेवाति अकुसलकम्मपथभावेनेव, ततो तादिसम्पि अकुसलकम्मं भिक्खुस्स कातुं न युत्तन्ति दुट्ठुल्लभावेनेव ततो ओरमतीति अधिप्पायो । सिक्खापदबद्धेनाति सिक्खापदपञ्जापनेन । पानीयघटे वा पत्ते वा काकानं हत्थं वा दण्डं वा लेडुं वाति सब्बमिदं निदस्सनमत्तं दट्ठब्बं । यत्थ कत्थचि हि ठितानं अञ्जेसम्पि पाणीनं उट्ठापनादि सब्बं अनिट्ठकरणं इध अपरिसुद्धकायसमाचारभावेनेव सङ्गहितन्ति । उत्तानोति उद्धमुद्धं तनोतीति उत्तानो । एवंभूतो च केनचि अनुप्पादभूमियं सञ्जातसालकल्याणीखन्धो विय उपरूपरि उग्गतुग्गतो पाकटो च होतीति आह “उग्गतो पाकटो”ति । अनावटोति अनिवुतो । तेनाह “असञ्छन्नो”ति, नच्छादेतब्बोति अत्थो । एकसदिसो विसुद्धभावेन । अन्तरन्तरे छिद्दरहितो पुब्बेनापरं सम्पापटिपत्तिया सन्धानेन । संवुतो कायिकस्स संवरस्स अनुपक्विकलेसतो । तेनाह “किलेसानं द्वारं पिदहनेना”ति ।

४१८. एत्थ यथा लहुकतरं काकुट्ठापनादिकायकम्मं कायसमाचारस्स अपरिसुद्धभावावहं सल्लेखविकोपनतो, मिच्छावितक्कनमत्तञ्च मनोसमाचारस्स, एवं यं किञ्चि अनिय्यानकथाकथनमत्तं वचीसमाचारस्स अपरिसुद्धभावावहं सल्लेखविकोपनतो, न हसाधिप्पायेन मुसाकथनन्ति दट्ठब्बं । हसाधिप्पायेन हि मुसाकथनं सिक्खापदबद्धेनेव पटिक्खित्तन्ति ।

४२०. आजीवोपि एकच्चो कम्मपथवसेन वारितो लब्धति । सो पन अतिओळारिको कायवचीसमाचारवारेसु वुत्तनयो एवाति न गहितोति दट्ठब्बं । ये पन “तादिसो भिक्खूनं अयोग्यतो न गहितो”ति वदन्ति, तं मिच्छा तथा सति कायवचीसमाचारवारेपि तस्स अग्गहेतब्बभावापत्तितो । “खादथ पिवथा”ति पुच्छा अत्तनो खादितुकामतादीपनेन, परियायकथाभावतो पनेसा सल्लेखविकोपना जाता ।

४२२. अनेसनं पहाय धम्मेन समेन पच्चये परियेसन्तो परियेसनमत्तञ्जू नाम । दायकस्स देय्यधम्मस्स अत्तनो च पमाणञ्जुतापटिगणहन्तो पटिगगहणमत्तञ्जू नाम । योनिस्सो पच्चवेक्खित्वा परिभुञ्जन्तो परिभोगमत्तञ्जू नाम ।

४२३. एकस्मिं कोट्टासेति मज्झिमयामसज्जिते एकस्मिं कोट्टासे । “वामेन पस्सेन सेन्ती”ति एवं वुत्ता । दक्खिणपस्सेन सयानो नाम नत्थि दक्खिणहत्थस्स सरीरगगहणादिपयोगक्खमतो । पुरिसवसेन चेतं वुत्तं ।

तेजुस्सदत्ताति इमिना सीहस्स अभीरुकभावं दस्सेति । भीरुका हि सेसमिगा अत्तनो आसयं पविसित्वा सन्तासपुब्बकं यथा तथा सयन्ति, सीहो पन अभीरुकभावतो सतोकारी भिक्खु विय सति उपट्ठपेत्वाव सयति । तेनाह “द्वे पुरिमपादे”ति आदि । सेति अब्यावटभावेन पवत्तति एत्थाति सेय्या, चतुत्थज्झानमेव सेय्या । किं पन तं चतुत्थज्झानन्ति? आनापानचतुत्थज्झानं । तत्थ हि ठत्वा विपस्सनं वट्ठेत्वा भगवा अनुक्कमेन अग्गमग्गं अधिगतो तथागतो जातोति केचि, तयिदं पदट्ठानं नाम न सेय्या । अपरे पन “चतुत्थज्झानसमनन्तरा भगवा परिनिब्बायी”ति वुत्तपदं गहेत्वा “लोकि यचतुत्थज्झानसमापत्ति तथागतसेय्या”ति वदन्ति, तथा सति परिनिब्बानकालिका तथागतसेय्याति आपज्जति, न च भगवा चतुत्थज्झानं समापज्जनबहुलो विहासि, अग्गफलज्ञानं पनेत्थ “चतुत्थज्झान”न्ति अधिप्पेतं । तत्थ यथा सत्तानं

निदुपगमनलक्खणा सेय्या भवङ्गचित्तवारवसेन होति, तच्च तेसं पठमजातिसमन्वयं येभुय्यवुत्तिकं, एवं भगवतो अरियजातिसमन्वयं येभुय्यवुत्तिकं अगगफलभूतं चतुत्थज्झानं “तथागतसेय्या”ति वेदितब्बं। **सीहसेय्या**ति सेट्ठसेय्याति आह “**उत्तमसेय्या**”ति।

**४२६. विगतन्तानीति** इणमूलानि। तेसन्ति इणमूलानं। **परियन्तो**ति अवसेसो।

पवत्तिनिवारणेन **चतुइरियापथं छिन्दन्तो**। **आबाधतीति** पीळेति। **दुक्खितो**ति सज्जातदुक्खो। अप्पं बलं **बलमत्ता**। अप्पत्थो हि अयं **मत्ता**-सद्दो “मत्तासुखपरिच्चागा”ति आदीसु (ध० प० २९०) विय, बलवत्थो पन **मत्ता**-सद्दो अनत्थन्तरो। **सेसन्ति** “तस्स हि बन्धना मुत्तोम्हीति आवज्जयतो तदुभयं होती”ति आदिना वत्तब्बं सन्धायाह। **सब्बपदेसू**ति वुत्तावसिट्ठेसु सब्बपदेसु। येनकामं यथारुचि गच्छतीति **येनकामंगमो**ति अनुनासिकलोपं अकत्वा निद्देसो। भुजो अत्तनो यथासुखविनियोगो इस्सो इच्छितब्बो एत्थाति **भुजिस्सो**, सामिको। सो पन अपरसन्तकताय “**अत्तनो सन्तको**”ति वुत्तो। दुल्लभआपताय कं तारेन्ति एत्थाति **कन्तारो**ति आह “**निरुदकं दीघमग्ग**”न्ति।

**विनासेतीति** खादनदुब्बिनियोजनादीहि यथा इणमूलं किञ्चि न होति, तथा करोति। **यम्हि** रागवत्थुम्हि। **सो** पुगगलो। तेन रागवत्थुना, पुरिसो चे इत्थिया, इत्थी चे पुरिसेन। **इणं विय कामच्छन्दो दट्ठब्बो** पीळासमानतो।

**न विन्दतीति** न जानाति। **उपद्वेथा**ति सुखविहारस्स उपद्वं करोथ, विबाधेथाति अत्थो। **रोगो विय व्यापादो दट्ठब्बो** सुखभञ्जनसमानतो।

नानाविधहेतूपायालङ्कतताय खन्धायतनधातुपटिच्चसमुप्पादादिधम्मनीतिविचित्तताय च **विचित्तनये**। **धम्मस्सवने**ति धम्मकथायं। कथा हि सोतब्बट्ठेन “सवन”न्ति वुत्ता। एवमेत्थ सीलं विभत्तं, एवं झानाभिज्जा, एवं विपस्सनामग्गफलानीति **नेव तस्स धम्मस्सवनस्स आदिमज्झपरियोसानं जानाति**। उट्ठितेति निट्ठिते। **अहो कारणन्ति** तत्थ तत्थ पटिज्ज्ञानुरूपेन निक्खितसाधनवसेन गहितकारणं। **अहो उपमा**ति तस्सेव कारणस्स पतिट्ठापनवसेन अन्वयतो ब्यतिरेकतो च पतिट्ठं उदाहरणादि। **बन्धनागारं विय थिनमिद्धं दट्ठब्बं** दुक्खतो निय्यानस्स विबन्धनतो।

यस्मा कुक्कुच्चनीवरणं उद्धच्चरहितं नत्थि, यस्मा वा उद्धच्चकुक्कुच्चं समानकिच्चाहारपटिपक्खं, तस्मा कुक्कुच्चस्स विसयं दस्सेन्तो “**विनये अपकतञ्जुना**”ति आदिमाह। यथा हि उद्धच्चं सत्तस्स अवूपसमकरं, तथा कुक्कुच्चम्पि। यथापि उद्धच्चस्स जातिवितक्कादि आहारो, तथा कुक्कुच्चस्सपि। यथा च उद्धच्चस्स समथो पटिपक्खो, तथा कुक्कुच्चस्सपीति। **दासब्बं विय उद्धच्चकुक्कुच्चं दट्ठब्बं** असेरिभावापादनतो।

सोळसवत्थुका विचिकिच्छा अट्ठवत्थुकं विचिकिच्छं अनुपविट्ठाति आह “**अट्ठसु ठानेसु विचिकिच्छा**”ति। **विचिकिच्छन्तो**ति संसयन्तो। **अधिमुच्चित्वा**ति पत्तियायेत्वा। **गण्हितुन्ति** सद्धेय्यवत्थुं परिग्गहेतुं। अभिमुखं सप्पनं **आसप्पनं**, परितो सप्पनं **परिसप्पनं**। पदद्वयेनपि चित्तस्स अनिच्छनाकारमेव वदति। खेमन्तगामिमग्गं न परियोगाहति एतेनाति **अपरियोगाहनं**, उस्सङ्कितपरिसङ्कितभावेन छम्भितं होति चित्तं यस्स धम्मस्स वसेन, सो धम्मो **छम्भिततन्ति** विचिकिच्छनाकारमाह। तेनाह “**चित्तस्स उप्पादयमाना**”ति। **कन्तारद्धानमग्गो विया**ति सासङ्ककन्तारद्धानमग्गो विय **दट्ठब्बा** अप्पटिपत्तिहेतुभावतो।

नत्थि एत्थ इणन्ति अणणो, तस्स भावो **आणण्यं**, कस्सचि इणस्स अधारणं। **समिद्धकम्मन्तो**ति निष्फन्नजीविकप्पयोगो। परिबुन्धति उपरोधेतीति र-कारस्स ल-कारं कत्वा पलिबोधो, असेरिविहारो, तस्स मूलं कारणन्ति **पलिबोधमूलं**। **छ धम्मे भावेत्वा**ति असुभनिमित्तगाहादिके छ धम्मे उप्पादेत्वा वड्ढेत्वा। **छ धम्मे भावेत्वा**ति च मेत्तानिमित्तगाहादयो च तत्थ तत्थ छ धम्माति वुत्ताति वेदितब्बो। **पजहती**ति विक्खम्भनवसेन पजहति। तेनाह “**आचारपण्णत्तिआदीनि सिक्खापियमानो**”तिआदि। **परवत्थुम्ही**ति विसभागवत्थुस्मिं, परविसये वा। परविसया हेते भिक्खुनो, यदिदं पञ्च कामगुणा। **आणण्यमिव कामच्छन्दप्पहानं** आह पियवत्थुअभावावहतो।

आचारविपत्तिपटिबाहकानि सिक्खापदानि **आचारपण्णत्तिआदीनि**। **आरोग्यमिव व्यापादप्पहानं** आह कायचित्तानं फासुभावावहतो।

**बन्धना मोक्खमिव थिनमिद्धप्पहानं** आह चित्तस्स निग्गहितभावावहतो।

**भुजिस्सं विय उद्धच्चकुक्कुच्चप्पहानं** आह चित्तस्स सेरिभावावहतो।

**तिणं विया**ति तिणमिव कत्वा। **अगणेत्वा**ति अचिन्तेत्वा। **खेमन्तभूमिं विय विचिकिच्छापहानं** आह अनुस्सङ्कितापरिसङ्कितभावेन सम्मापटिपत्तिहेतुभावतो।

**४२७.** किरीयति (अ० नि० टी० ३.५.२८-२९) गब्भासये खिपीयतीति करो, सम्भवो, करतो जातोति **करजो**, मातापेत्तिकसम्भवोति अत्थो। मातुया हि सरीरसण्ठापनवसेन करतो जातोति **करजो**ति अपरे। उभयथापि **करजकायन्ति** चतुसन्ततिरूपमाह। **तेमेती**ति तिन्तं करोति। को पनेत्थ तिन्तभावोति आह “**स्नेहेती**”ति, पीतिस्नेहेन पीणनं करोतीति अत्थो। तेनाह “**सब्बत्थ पवत्तपीतिसुखं करोती**”ति। पीतिसमुद्धानपणीतरूपेहि सकलस्स करजकायस्स परिफुटताय चेत्थ तंसमुद्वापकपीतिसुखानं सब्बत्थ पवत्ति जोतिता। **परिसन्देती**तिआदीसुपि एसेव नयो। तत्थापि हि “**समन्ततो सन्देति** तेमेति स्नेहेति, सब्बत्थ पवत्तपीतिसुखं करोती”तिआदिना यथारहं अत्थो वेदितब्बो। **परिपूरेती**ति वायुना भस्तं विय इमं करजकायं पीतिसुखेन पूरेति। **समन्ततो फुसती**ति इमं करजकायं पीतिसुखेन फुसति। **सब्बावतो**ति अ-कारस्स आ-कारो कतो, सब्बावयववतोति अत्थोति आह “**सब्बकोट्टासवतो**”ति, मंसादिसब्बाभागवतोति अत्थो। **अफुटं नाम न होति** पीतिसुखसमुद्धानेहि रूपेहि सब्बत्थकमेव व्यापितत्ता। कातुज्चेव योजेतुज्च छेको सन्नेतुं पटिबलोति योजना। न्हाणीयचुण्णानं परिमद्दनवसेन पिण्डं करोन्तेन हत्थेन भाजनं निष्पीळेत्तब्बं होतीति आह “**सन्नेन्तस्स भिज्जती**”ति। **अनुगता**ति अनुपविट्ठा। **परिगता**ति परितो समन्ततो तिन्ता। तिन्तभावेनेव समं अन्तरं बाहिरज्ज एतिस्साति **सन्तरबाहिरा**। **सब्बत्थकमेवा**ति सब्बत्थेव। **न च पग्घरिणी** पमाणयुत्तस्सेव उदकस्स सित्तत्ता। एत्थ च न्हाणीयपिण्डं विय करजकायो, तं तेमेत्वा सम्पिण्डितपमाणयुत्तउदकं विय पठमज्झानसुखं दड्ढब्बं।

**४२८.** हेट्ठा उब्भिज्जित्वा उग्गच्छनउदकोति रहदस्स अधोथूलधारावसेन उब्भिज्ज उट्ठहनउदको। **अन्तोयेव उब्भिज्जनउदको**ति रहदस्स अब्भन्तरेयेव थूलधारा अहुत्वा उट्ठितउदकसिरामुखेहि उब्भिज्जनको। **आगमनमग्गो**ति नदीतळाककन्दरसरआदितो आगमनमग्गो।

**४२९.** उप्पलगच्छानि एत्थ सन्तीति **उप्पलिनी** (अ० नि० टी० ३.५.२८-२९), वारि। **अयमेत्थ विनिच्छयो**, तथा हि लोके रत्तक्खिको “**पुण्डरीकक्खो**”ति वुच्चति। केचि पन “**रत्तं पदुमं, सेतं पुण्डरीक**”न्ति वदन्ति। उप्पलादीनि विय

करजकायो, उदकं विय ततियज्ज्ञानसुखन्ति अयम्पि अत्थो “**पुरिमनयेना**”ति अतिदेसेनेव विभावितोति दट्ठब्बं ।

**४३०. निरुपक्विलेसदेना**ति रजोजल्लादिना अनुपक्विलिडुताय अमलीनभावेन । अमलीनम्पि किञ्चि वत्थु पभस्सरसभावं होतीति वुत्तं “**पभस्सरदेना**”ति । **उतुफरणन्ति** उण्हउतुफरणं । सब्बत्थकमेव ज्ञानसुखेन फुट्टो करजकायो यथा उतुना फुट्टवत्थसदिसोति आह “**वत्थं विय करजकायो**”ति । **तस्माति** “वत्थं विया”ति आदिना वुत्तमेवत्थं हेतुभावेन पच्चामसति, करजकायस्स वत्थसदिसत्ता चतुत्थज्ज्ञानसुखस्स च उतुफरणसदिसत्ताति अत्थो । सन्तसभावत्ता जाणुत्तरत्ता चेत्य उपेक्खापि सुखे सङ्गहिताति चतुत्थज्ज्ञानेपि सुखग्गहणं कतं । “परिसुद्धेन परियोदातेन फरित्वा निसिन्नो होती”ति वचनतो चतुत्थज्ज्ञानचित्तस्स वत्थसदिसत्ता वुत्ता । चतुत्थज्ज्ञानसमुद्धानरूपेहि भिक्खुनो कायस्स फुट्टभावं सन्धाय “**तंसमुद्धानरूपं उतुफरणं विया**”ति वुत्तं । पुरिसस्स कायो विय भिक्खुनो करजकायोति अयं पनत्थो पाकटोति न गहितो, गहितो एव वा “यथा हि कत्थचि...पे०... कायो फुट्टो होती”ति वुत्तत्ता ।

**४३१. पुब्बेनिवासजाणउपमायन्ति** पुब्बेनिवासजाणस्स दस्सितउपमायं । **तंदिवसंकतकिरियागहणं** पाकतिकसत्तस्सपि येभुय्येन पाकटा होतीति दस्सनत्थं । **तंदिवसगतगामत्तयग्गहणेनेव** महाभिनीहारेहि अज्जेसम्पि पुब्बेनिवासजाणलाभीनं तीसु भवेसु कता किरिया येभुय्येन पाकटा होतीति दीपितन्ति दट्ठब्बं ।

**४३२. सम्मुखद्वाराति** अज्जमज्जस्स अभिमुखद्वारा । **अपरापरं सज्जरन्ते**ति तंतंकिच्चवसेन इतो चितो च सज्जरन्ते । **इतो पन गेहा...पे०... पविसनवसेनपीति** इदं चुतूपपातजाणस्स विसयदस्सनवसेन वुत्तं । **द्विन्नं गेहानं अन्तरे ठत्वाति** द्विन्नं गेहद्वारानं सम्मुखद्वानभूते अन्तरवीथियं वेमज्जे ठत्वा । तेसु हि एकस्स चे पाचीनमुखद्वारं इतरस्स पच्छिममुखं, तस्स सम्मुखं उभिन्नं अन्तरवीथियं ठितस्स दक्खिणामुखस्स, उत्तरामुखस्स वा चक्खुमतो पुरिसस्स तत्थ पविसनकनिकखमनकपुरिसा यथा सुखेनेव पाकटा होन्ति, एवं दिब्बचक्खुजाणसमङ्गिनो चवनकउपपज्जनकपुरिसा । यथा पन तस्स पुरिसस्स अज्जेनेव खणेन पविसन्तस्स दस्सनं, अज्जेन निक्खमन्तस्स दस्सनं, एवं इमस्सपि अज्जेनेव खणेन चवमानस्स दस्सनं, अज्जेन उपपज्जमानस्स दस्सनन्ति दट्ठब्बं । जाणस्स पाकटाति आनेत्वा सम्बन्धो । **तस्साति** जाणस्स ।

**४३३. पब्बतसिखरं** येभुय्येन संखित्तं सङ्कुचितं होतीति इध पब्बतमत्थकं “**पब्बतसङ्केपो**”ति वुत्तं, पब्बतपरियापन्नो वा पदेसो **पब्बतसङ्केपो** । **अनाविलोति** अकालुस्सो । सा चस्स अनाविलता कदमाभावेन होतीति आह “**निक्कदमो**”ति । **ठितासुपि निसिन्नासुपि** गावीसु । **विज्जमानासूति** लब्धमानासु । **इतरा** ठितापि निसिन्नापि **चरन्तीति वुच्चन्ति** सहचरणजायेन । **तिट्ठन्तमेव**, न कदाचिपि चरन्तं । **द्वयन्ति** सिप्पिसम्मुकं मच्छगुम्बन्ति इमं उभयं **तिट्ठन्तन्ति वुत्तं**, चरन्तम्पीति अधिष्पायो । किं वा इमाय सहचरियाय, यथालाभग्गहणं पनेत्थ दट्ठब्बं । सक्खरकथलस्स हि वसेन “**तिट्ठन्तं**”न्ति, सिप्पिसम्बुकस्स मच्छगुम्बस्स च वसेन “**तिट्ठन्तम्पि, चरन्तम्पी**”ति योजना कातब्बा ।

**४३४. भिक्खूति** भिन्नकिलेसोति भिक्खु । सो हि परमत्थतो समणोतिनामको । तत्थ अरियमग्गेन सब्बसो पापानं समितावीति **समणो** । तेनाह “**समितपापत्ता**”ति । सेट्ठेन ब्रह्मा वुच्चति सम्मासम्बुद्धो, ततो आगतोति ब्रह्मा, अरियमग्गो, तं असम्मोहपटिवेधवसेन अज्जासीति **ब्राह्मणो** । तंसमङ्गिताय हिस्स पापानं बाहितभावो । तेनाह “**बाहितपापत्ता ब्राह्मणो**”ति । अट्ठङ्गिकेन अरियमग्गजलेन न्हातवा निद्धोतकिलेसोति **न्हातको** । **गतत्ताति** पहानाभिसमयवसेन पटिविद्धत्ता । तेनाह “**विदितत्ता**”ति । **निस्सुतत्ताति** समुच्छेदप्पहानवसेन सन्तानतो सब्बसो निहतत्ता । तेनाह “**अपहतत्ता**”ति, मरियादवसेन किलेसानं हिंसितत्ता अरियमग्गेहि ओधिसो सब्बसो किलेसानं समुच्छिन्नत्ताति अत्थो । तेनाह “**हतत्ता**”ति । **आरकत्ताति** सुप्पहीनताय विप्पकट्टभावतो । तेनाह “**दूरीभूतत्ता**”ति । उभयम्पि उभयत्थ योजेतब्बं —

किलेसानं आरकत्ता हतत्ता दूरीभूतत्ता च अरियो, तथा अरहन्ति । यं पनेत्थ अत्थतो न विभत्तं, तं उत्तानत्थत्ता सुविज्जेय्यमेव ।

महाअस्सपुरसुत्तवण्णनाय लीनत्थप्पकासना समत्ता ।

### १०. चूळअस्सपुरसुत्तवण्णना

४३५. पुरिमसदिसमेवाति “अस्सपुरवासीनं भिक्खुसङ्घे गारवबहुमानं निपच्चकारञ्च दिस्वा भिक्खू पिण्डपातापचायने नियोजेन्तो इदं सुत्तं अभासी”ति पुरिमसुत्ते महाअस्सपुरे (म० नि० अट्ठ० २.४१५) वुत्तसदिसमेव । **समणानं अनुच्छविकाति** समणानं समणभावस्स अनुच्छविका पतिरूपा । **समणानं अनुलोमप्पटिपदाति** समणानं सामञ्जसङ्घातस्स अरियमग्गस्स अनुकूलप्पटिपदा ।

४३६. एते धम्माति एते पाळियं आगता अभिज्झाब्यापादादयो पापधम्मा । **उप्पज्जमानाति** उप्पज्जमाना एव, पगेव सन्ताने भाविता । **मलिनेति** मलवन्ते किलिट्ठे । **मलग्गहितेति** गहितमले सज्जातमले । **समणमलाति** समणानं समणभावस्स मला । **दुस्सन्तीति** विपज्जन्ति विनस्सन्ति । **समणदोसाति** समणानं समणभावदूसना । **कसटेति** असारे । **निरोजेति** नित्तेजे । अयतो सुखतो अपेताति अपाया, निरयादयो, तं फलं अरहन्ति, तं पयोजनं वा एतेसन्ति **आपायिका** । **ठानानि** अभिज्झादयो । तेनाह “अपाये”तिआदि । कारणभावेन दुग्गतिपरियापन्नाय वेदनाय हितानीति **दुग्गतिवेदनियानि** । तेन वुत्तं “दुग्गतियं विपाकवेदनाय पच्चयान”न्ति । **तिखिणं अयन्ति** वेकन्तकसदिसं सारअयं । **अयेनाति** अयोधंसकेन । कोञ्चसकुणानं किर कुच्छियं निवुत्थं यं किञ्चि खरं तिखिणञ्च होति । तथा हि तेसं वच्चं अट्ठिम्पि पासाणम्पि विलीयापेति । तेन वुत्तं “कोञ्चसकुणे खादापेन्ती”ति । तं किर अयचुण्णं अग्गिनापि किच्छेन दहति, भेसज्जबलेन पन सुखेन दह्येय्य । तेन वुत्तं “सुसिक्खिता च नं अयकारा बहुहत्थकम्ममूलं लभित्वा करोन्ती”तिआदि । **अतितिखिणं होति**, अज्जतरं अयोबन्धनं फेग्गुदण्डं विय सुखेनेव छिन्दन्ति । ससबिळारचम्मेहि सङ्घटितट्ठेन **सङ्घाटीति** वुच्चति आवुधपरिच्छदोति आह “सङ्घाटियाति कोसिया”ति । **परियोनद्धन्ति** परितो ओनद्धं छादितं । **समन्ततो वेठितन्ति** सब्बसो पिहितं ।

४३७. रजोति आगन्तुकरजो । **जल्लन्ति** सरीरे उट्ठानकलोणादिमलं । रजोजल्लञ्च वतसमादानवसेन अनपनीतं एतस्स अत्थीति **रजोजल्लिको**, तस्स । तेनाह “रजोजल्लधारिनो”ति । **उदकं ओरोहन्तस्साति**आदीनमत्थो महासीहनादसुत्तवण्णनायं वुत्तोयेव । **सब्बमेतन्ति**आदीसु सब्बसोपि वतसमादानवसेनाति अधिप्पायो । यस्मा सब्बमेतं बाहिरसमयवसेनेव कथितं, तस्मा **सङ्घाटिकस्साति** पिलोतिकखण्डेहि सङ्घटितत्ता “सङ्घाटी”ति लद्धनामवत्थधारिनोति अत्थो । तथा हि पाळियं “सङ्घाटिकस्स”इच्चेव वुत्तं, न “भिक्खुनो”ति । तेनाह “इमस्मिं ही”तिआदि । कस्मा पनेत्थ भगवता सङ्घाटिकत्तादीनियेव वतसमादानानि पटिक्खित्तानीति? नयदस्सनमेतं अज्जेसम्पि पज्चातपमूगवतादीनं तप्पटिक्खेपेनेव पसिद्धितो । अपरे पन भणन्ति — “नाहं, भिक्खवे, सङ्घाटिकस्स सङ्घाटिधारणमत्तेन सामञ्जं वदामी”ति वुत्ते तत्थ निसिन्नो कोचि तित्थन्तरलद्धिको अचेलकत्तं नु खो कथन्ति चिन्तेसि, अपरे रजोजल्लकत्तं नु खो कथन्ति, एवं तं तं चिन्तेन्तानं अज्झासयवसेन भगवा इमानेव वतसमादानानि इध पटिक्खिपीति । **सङ्घाटिकन्ति** निवासनपारुपनवसेन सङ्घाटिवन्तं । तेनाह “सङ्घाटिकं वत्थ”न्तिआदि । अत्तनो रुचिया मित्तादयो **सङ्घाटिकं करेय्युं**, पच्छा विज्जुतं पत्तकाले सङ्घाटिकत्ते समादपेय्युं ।

४३८. अत्तानं विसुद्धन्तं पस्सति अभिज्झादीनं समुदाचाराभावतो । मग्गेन असमुच्छिन्नत्ता विसुद्धोति पन न वत्तब्बो । पामोज्जन्ति तरुणपीतिमाह । तस्स हि अत्तनो सम्मापटिपत्तिया किलेसानं विक्खम्भितत्ता चित्तस्स विसुद्धतं पस्सन्तस्स पामोज्जं जायति, तं तुट्ठाकारं । तेनाह “तुट्ठाकारो”ति । पीतीति पस्सद्भिआवहा बलवपीति । नामकायो पस्सम्भतीति इमिना उभयम्पि पस्सद्भि वदति । वेदियतीति अनुभवति विन्दति । इदानी तेन नीवरणेहि चित्तस्स विसोधनत्तं लद्धन्ति आह “अप्पनाप्पत्तं विय होती”ति । अज्जत्थ उट्ठिता अज्जं ठानं उपगताति एत्तकेन उपमाभावेन उच्चनीचतासामज्जेन हेट्ठा असद्धम्मानं पटिपक्खवसेन देसनाय परियोसापितत्ता वुत्तं “यथानुसन्धिना”ति । महासीहनादसुत्ते मग्गो पोक्खरणिआ उपमितो “सेय्यथापि, सारिपुत्त, पोक्खरणी”तिआदिं (म० नि० १.१५४) आरभित्वा उपमासंसन्दने “तथायं पुग्गलो पटिपन्नो, तथा च इरियति, तज्ज मग्गं समारुहो, यथा आसवानं खया”ति (म० नि० १.१५४) वुत्तत्ता । यथा हि पुरत्थिमादिदिसाहि आगता पुरिसा तं पोक्खरणिं आगम्म विसुद्धरूपकाया विगतपरिळाहा च होन्ति, एवं खत्तियादिकुलतो आगता तथागतप्पवेदितं धम्मविनयं सासनं आगम्म विसुद्धनामकाया विगतकिलेसपरिळाहा च होन्ति । तस्मा सब्बकिलेसानं समितत्ता परमत्थसमणो होतीति । सेसं सुविज्जेय्यमेव ।

चूळअस्सपुरसुत्तवण्णनाय लीनत्थप्पकासना समत्ता ।

निट्ठिता च महायमकवग्गवण्णना ।

## ५. चूळयमकवग्गो

### १. सालेय्यकसुत्तवण्णना

४३९. महाजनकाये सन्निपतितेति केचि “पहंसनविधिं दस्सेत्वा राजकुमारं हासेस्सामा”ति, केचि “तं कीळनं पस्सिस्सामा”ति एवं महाजनसमूहे सन्निपतिते । देवनटन्ति दिब्बगन्धब्बं । कुसलं कुसलन्ति वचनं उपादायाति “कच्चि कुसलं? आम कुसल”न्ति वचनपटिवचनवसेन पवत्तकुसलवादिताय ते मनुस्सा आदितो कुसलाति समज्जं लभिसु । तेसं कुसलानं इस्सराति राजकुमारा कोसला । कोसले जाता । तेसं निवासोति सब्बं पुब्बे वुत्तनयमेव । तेनाह “सो पदेसो कोसलाति वुच्चती”ति ।

चारिकं चरमानोति सामज्जवचनम्पि “महता...पे०... तदवसरी”ति वचनतो विसेसं निविट्ठमेवाति आह “अतुरितचारिकं चरमानो”ति । महताति गुणमहत्तेनपि सङ्ख्यामहत्तेनपि महता । तस्मिज्झि भिक्खुसमूहे केचि अधिसीलसिक्खावसेन सीलसम्पन्ना, तथा केचि सीलसमाधिसम्पन्ना, केचि सीलसमाधिपज्जासम्पन्नाति गुणमहत्तेनपि सो भिक्खुसमूहो महाति । तं अनामसित्वा सङ्ख्यामहत्तमेव दस्सेन्तो “सत्तं वा”तिआदिमाह । अज्जगामपटिबद्धजीविकावसेन समोसरन्ति एत्थाति समोसरणं, गामो निवासगामो । न्ति सालं ब्राह्मणगामं । विहारोति भगवतो विहरणट्ठानं । एत्थाति एतस्मिं सालेय्यकसुत्ते । अनियमितोति असुकस्मिं आरामे पब्बते रुक्खमूले वाति न नियमितो, सरूपगगहणवसेन न नियमित्वा वुत्तो । तस्माति अनियमितत्ता । अत्थापत्तिसिद्धमत्थं परिकप्पनवसेन दस्सेन्तो “वनसण्डो भविस्सती”ति आह, अट्ठा भवेय्याति अत्थो ।

उपलभिसूति (सारत्थ० टी० १.१.वेरज्जकण्डवण्णना; दी० नि० टी० १.२५५; अ० नि० टी० २.३.६४) सवनवसेन उपलभिसूति इममत्थं दस्सेन्तो “सोतद्वार...पे०... जानिंसू”ति आह । अवधारणफलत्ता सब्बम्पि वाक्यं

अन्तोगधावधारणन्ति आह “**पदपूरणमत्ते वा निपातो**”ति । अवधारणत्थेति पन इमिना इदुत्थावधारणत्थं खो-सद्गगहणन्ति दस्सेति । “अस्सोसु”न्ति पदं खो-सद्दे गहिते तेन फुल्लितमण्डितविभूसितं विय होन्तं पूरितं नाम होति, तेन च पुरिमपच्छिमपदानि संसिलिद्वानि होन्ति, न तस्मिं अगगहितेति आह “**पदपूरणेन व्यञ्जनसिलिद्वतामत्तमेवा**”ति । मत्त-सद्दो विसेसनिवत्तिअत्थो । तेनस्स अनत्थन्तरदीपनतं दस्सेति, एव-सद्देन पन व्यञ्जनसिलिद्वताय एकन्तिकतं । सालायं जाता संवड्ढका **सालेय्यका** यथा “कत्तेय्यका उब्भेय्यका”ति ।

**समितपापत्ता**ति अच्चन्तं अनवसेसतो सवासनं समितपापत्ता । एवञ्चि बाहिरकवीतरागसेक्खासेक्खपापसमनतो भगवतो पापसमनं विसेसितं होति । अनेकत्थत्ता निपातानं इध अनुस्सवत्थो अधिप्पेतोति आह “**खलूति अनुस्सवनत्थे निपातो**”ति । **आलपनमत्तन्ति** पियालापवचनं । पियसमुदाहारा हेते “भो”ति वा “आवुसो”ति वा “देवानंपिया”ति वा । **गोत्तवसेना**ति एत्थ तं तायतीति **गोत्तं** । गोतमोति हि पवत्तमानं अभिधानं बुद्धिञ्च एकंसिकविसयताय तायति रक्खतीति **गोतमगोत्तं** । यथा हि बुद्धि आरम्मणभूतेन अत्थेन विना न वत्तति, एवं अभिधानं अभिधेय्यभूतेन, तस्मा सो तानि तायति रक्खतीति वुच्चति । सो पन अत्थतो अञ्जकुलपरम्परासाधारणं तस्स कुलस्स आदिपुरिससमुदागतं तंकुलपरियापन्नसाधारणं सामञ्जरूपन्ति ददुब्बं । **उच्चाकुलपरिदीपनं** उदितोदितविपुलखत्तियकुलविभावनतो । सब्बखत्तियानञ्चि आदिभूतमहासम्मत्तमहाराजतो पट्टाय असम्भिन्नं उळारतमं सक्कराजकुलं । **केनचि पारिजुञ्जेना**ति जातिपारिजुञ्जभोगपारिजुञ्जादिना केनचिपि पारिजुञ्जेन परिहानिया **अनभिभूतो** अनज्झोत्थटो । तथा हि कदाचिपि तस्स कुलस्स तादिसपारिजुञ्जाभावो, अभिनिक्खमनकाले च ततो समिद्धतमभावो लोके पाकटो पञ्जातोति । **सक्ककुला पब्बजितो**ति इदं वचनं भगवतो **सद्धापब्बजितभावदीपनं** वुत्तं महन्तं जातिपरिवट्टं महन्तञ्च भोगक्खन्धं पहाय पब्बजितभावदीपनतो । एत्थ च **समणो**ति इमिना परिकक्खजनेहि भगवतो बहुमतभावो दस्सितो समितपापतादीपनतो, **गोतमो**ति इमिना लोकियजनेहि उळारतमकुलीनतादीपनतो ।

**अब्भुगतो**ति एत्थ **अभि-**सद्दो इत्थम्भूताख्याने, तंयोगतो पन “भवन्तं गोतम”न्ति उपयोगवचनं सामिअत्थेपि समानं इत्थम्भूतयोगदीपनतो “**इत्थम्भूताख्यानत्थे**”ति वुत्तं । तेनाह “**तस्स खो पन भोतो गोतमस्साति अत्थो**”ति । **कल्याणो**ति भद्दको । सा चस्स कल्याणता उळारविसयतायाति आह “**कल्याणगुणसमन्नागतो**”ति । तंविसयता हेत्थ समन्नागमो । **सेट्ठो**ति एत्थापि एसेव नयो यथा “भगवाति वचनं सेट्ठ”न्ति (पारा० अट्ठ० १.वेरञ्जकण्डवण्णना; विसुद्धि० १.१४२; उदा० अट्ठ० १; इतिवु० अट्ठ० निदानवण्णना; महानि० अट्ठ० ५०) । “भगवा अरह”न्तिआदिना गुणानं संकित्तनतो संसद्दनतो च कित्तिसद्दो वण्णोति आह “**कित्तियेवा**”ति । कित्तिपरियायोपि हि सद्द-सद्दो यथा तं “उळारसद्दा इसयो गुणवन्तो तपस्सिनो”ति । **थुत्तिघोसो**ति अभित्थवुदाहारो । **अज्झोत्थरित्वा**ति पटिपक्खाभावेन अनञ्जसाधारणताय च अभिभवित्वा ।

**सो भगवा**ति यो सो समत्तिस पारमियो पूरेत्वा सब्बकिलेसे भज्जित्वा अनुत्तरं सम्मासम्बोधिं अभिसम्बुद्धो देवानं अतिदेवो सक्कानं अतिसक्को ब्रह्मानं अतिब्रह्मा लोकनाथो भाग्यवन्ततादीहि कारणेहि भगवाति लद्धनामो, सो भगवा । “भगवा”ति हि इदं सत्थु नामकित्तनं । तथा हि वुत्तं “भगवाति नेतं नामं मातरा कत”न्तिआदि (महानि० १४९, १९८, २१०; चूळनि० अजितमाणवपुच्छानिद्देस २) । परतो पन “भगवा”ति गुणकित्तनमेव । एवं “अरह”न्तिआदीहि पदेहि ये सदेवके लोके अतिविय पञ्जाता बुद्धगुणा, ते नानप्पकारतो विभाविताति दस्सेतुं पच्चेकं इतिपि-सद्दो योजेतब्बोति आह “**इतिपि अरहं, इतिपि समासम्बुद्धो...पे०... इतिपि भगवा**”ति । “इतिपेतं भूतं, इतिपेतं तच्छ”न्तिआदीसु (दी० नि० १.६) विय हि इध **इति-**सद्दो आसन्नपच्चक्खकारणत्थो, **पि-**सद्दो सम्पिण्डनत्थो तेन तेसं गुणानं बहुभावदीपनतो । तानि



गुणसल्लक्खणकारणानि सद्धासम्पन्नानं विञ्जुजातिकानं पच्चक्खानि एवाति दस्सेन्तो “इमिना च इमिना च कारणेनाति वुत्तं होती”तिआदि । ततो विसुद्धिमग्गतो । तेसन्ति “अरह”न्तिआदीनं । वित्थारो अत्थनिद्देसो गहेतब्बो । ततो एव तंसंवण्णनायं (विसुद्धिं महाटी० १.१३०) वुत्तो “आरकाति अरहं सुविदूरभावतो, आरकाति अरहं आसन्नभावतो, रहितब्बस्स अभावतो, सयञ्च अरहितब्बतो, नत्थि एतस्स रहोगमनं गतीसु पच्चाजाति, पासंसभावतो वा अरह”न्तिआदिना “अरह”न्तिआदीनं पदानं अत्थो वित्थारतो वेदितब्बो ।

भवन्ति चेत्थ (विसुद्धिं महाटी० १.१३०; सारत्थं टी० १.वेरञ्जकण्डवण्णना) —

“सम्मा नप्पटिपज्जन्ति, ये निहीनासया नरा ।  
आरका तेहि भगवा, दूरे तेनारहं मतो ॥

ये सम्मा पटिपज्जन्ति, सुप्पणीताधिमुत्तिका ।  
भगवा तेहि आसन्नो, तेनापि अरहं जिनो ॥

पापधम्मा रहा नाम, साधूहि रहितब्बतो ।  
तेसं सुट्ठु पहीनत्ता, भगवा अरहं मतो ॥

ये सच्छिकतसद्धम्मा, अरिया सुद्धगोचरा ।  
न तेहि रहितो होति, नाथो तेनारहं मतो ॥

रहो वा गमनं यस्स, संसारे नत्थि सब्बसो ।  
पहीनजातिमरणो, अरहं सुगतो मतो ॥

गुणेहि सदिसो नत्थि, यस्मा लोके सदेवके ।  
तस्मा पासंसियत्तापि, अरहं द्विपदुत्तमो ॥

आरका मन्दबुद्धीनं, आसन्ना च विजानतं ।  
रहानं सुप्पहीनत्ता, विदूनमरहेय्यतो ।  
भवेसु च रहाभावा, पासंसा अरहं जिनो”ति ॥

सुन्दरन्ति भदकं । तञ्च पस्सन्तस्स हितसुखावहभावेन वेदितब्बन्ति आह “अत्थावहं सुखावह”न्ति । तत्थ अत्थावहन्ति दिट्ठधम्मिकसम्परायिकपरमत्थसञ्चितहितावहं । सुखावहन्ति तप्परियापन्नतिविधिसुखावहं । तथारूपानन्ति तादिसानं । यादिसेहि पन गुणेहि भगवा समन्नागतो, तेहि चतुप्पमाणिकस्स लोकस्स सब्बथापि अच्चन्ताय पसादनीयोति दस्सेतुं “अनेकेहिपी”तिआदि वुत्तं । तत्थ यथाभूत... पे०... अरहतन्ति इमिना धम्मप्पमाणानं लूखप्पमाणानं सत्तानं भगवतो पसादावहतमाह, इतरेन इतरेसं । दस्सनमत्तप्पि साधु होतीति एत्थ कोसियसकुणस्स वत्थु कथेतब्बं । एकं पदप्पि सोतुं लभिस्साम, साधुतरंयेव भविस्सतीति एत्थ मण्डूकदेवपुत्तवत्थु कथेतब्बं ।

इमिना नयेन अगारिकपुच्छा आगताति इदं येभ्य्यवसेन वुत्तं । येभ्य्येन हि अगारिका एवं पुच्छन्ति ।

अनगारिकपुच्छायपि एसेव नयो । यथा न सक्कोन्ति...पे०... विस्सज्जेन्तोति इमिना सत्थु तेसं ब्राह्मणगहपतिकानं निगण्हनविधिं दस्सेति । तेसज्हि संखित्तरुचिताय सङ्खेपदेसना, ताय अत्थं अजानन्ता वित्थारदेसनं आयाचन्ति, सा च नेसं संखित्तरुचिता पण्डितमानिताय, सो च मानो यथादेसितस्स अत्थस्स अजानन्ते अप्पतिट्ठो होति, इति भगवा तेसं माननिगहविधिं चिन्तेत्वा सङ्खेपेनेव पज्झं विस्सज्जेसि, न सब्बसो देसनाय असल्लल्लखणत्थं । तेनाह “**पण्डितमानिका ही**”तिआदि । **यस्मा मं तुम्हे याचथ**, संखित्तेन वुत्तमत्थं न जानित्थाति अधिप्पायो ।

४४०. “एकविधेन जाणवत्थु”न्तिआदीसु (विभ० ७५१) विय कोट्टासत्थो विध-सद्दो, सो च विभत्तिवचनविपल्लासं कत्वा पच्चत्ते करणवचनवसेन “**तिविध**”न्ति वुत्तो । अत्थो पन करणपुत्थुवचनवसेन दट्ठब्बोति आह “**तिविधन्ति तीहि कोट्टासेही**”ति । पकारत्थो वा विध-सद्दो, पकारत्थत्तायेव लब्भमानं अधम्मचरियाविसमचरियाभावसामञ्जं, कायद्वारिकभावसामञ्जं वा उपादाय एकत्तं नेत्वा “**तिविध**”न्ति वुत्तं । पकारभेदे पन अपेक्खिते “**तिविधा**”इच्चेव वुत्तं होति । **कायेनाति** एत्थ कायोति चोपनकायो अधिप्पेतो, सो च अधम्मचरियाय द्वारभूतो तेन विना तस्सा अप्पवत्तनतो । **कायेनाति** च हेतुम्हि करणवचनं । किञ्चापि हि अधम्मचरियासङ्घातचेतनासमुद्धाना सा विज्जति, न च सा पट्ठाने आगतेसु चतुवीसतिया पच्चयेसु एकेनपि पच्चयेन चेतनाय पच्चयो होति, तस्सा पन तथापवत्तमानाय कायकम्मसज्जिताय चेतनाय पवत्ति होतीति तेन द्वारेन लक्खितब्बभावतो तस्सा कारणं विय च सब्बोहारमत्तं होति । **कायद्वारेनाति** वा कायेन द्वारभूतेन कायद्वारभूतेनाति तं इत्थम्भूतलक्खणे करणवचनं । अधम्मं चरति एतायाति **अधम्मचरिया**, तथापवत्ता चेतना । **अधम्मोति** पन तंसमुद्धानो पयोगो दट्ठब्बो । धम्मतो अनपेताति धम्मा, न धम्माति अधम्मा, अधम्मा च सा चरिया चाति **अधम्मचरिया** । पच्चनीकसमनट्ठेन समं, समानं सदिसं युत्तन्ति वा समं, सुचरितं । समतो विगतं, विरुद्धं वा तस्साति विसमं, दुच्चरितं । सा एव विसमा चरियाति **विसमचरिया** । **सब्बेसु कण्हसुक्कपदेसूति** “चतुब्बिधं वाचाय अधम्मचरियाविसमचरिया होती”तिआदिना उद्देसनिद्देसवसेन आगतेसु सब्बेसु कण्हपदेसु — “तिविधं खो गहपतयो कायेन धम्मचरियासमचरिया होती”तिआदिना उद्देसनिद्देसवसेन आगतेसु सब्बेसु सुक्कपदेसु च ।

रोदेति कुरुरकम्मन्तताय परपटिबद्धे सत्ते अस्सूनि मोचेतीति रुद्धो, सो एव **लुद्धो** र-कारस्स ल-कारं कत्वा । **कक्खळोति** लुद्धो । **दारुणोति** फरुसो । **साहसिकोति** साहस्सकारी । **सचेपि न लिप्पन्ति** । **तथाविधो** परेसं घातनसीलो **लोहितपाणीत्वेव वुच्चति** यथा दानसीलो परेसं दानत्थं अधोतहत्थोपि “पयतपाणी”त्वेव वुच्चति । पहरणं पहारदानमत्तं हत्तं, पवुद्धं पहरणं परस्स मारणं **पहतन्ति** दस्सेन्तो “**हते**”तिआदिमाह । तत्थ **निविट्ठोति** अभिनिविट्ठो पसुतो ।

यस्स वसेन “परस्सा”ति सामिनिद्देसो, तं सापतेय्यं । यज्झि सामज्जतो गहितं, तं तेनेव सामिनिद्देसेन पकासितन्ति आह “**परस्स सन्तक**”न्ति । परस्सपरवित्तूपकरणन्ति वा एकमेवेतं समासपदं, यं किञ्चि परसन्तकं विसेसतो परस्स वित्तूपकरणं वाति अत्थो । **तेहि परेहीति** येसं सन्तकं, तेहि । यस्स वसेन पुरिसो “थेनो”ति वुच्चति, तं थेय्यन्ति आह “**अवहरणचित्तस्सेतं अधिवचन**”न्ति । **थेय्यसङ्घातेन**, न विस्सासतावकालिकादिवसेनाति अत्थो ।

**मते वाति** वा-सद्दो अवुत्तविकप्पत्थो । तेन पब्बजितादिभावं सङ्गहति । **एतेनुपायेनाति** यं मातरि मताय, नट्टाय वा पिता रक्खति, सा **पितुरक्खिता** । यं उभोसु असन्तेसु भाता रक्खति, सा **भातुरक्खिताति** एवमादिं सन्धायाह । **सभागकुलानीति** आवाहकिरियाय सभागानि कुलानि । दस्सुकविधिं वा उद्दिस्स **ठपितदण्डाराजादीहि** । **सम्मादिट्ठिसुत्ते** (म० नि० अट्ठ० १.८९) “असद्धम्माधिप्पायेन कायद्वारप्पवत्ता अगमनीयट्ठानवीतिक्कमचेतना”ति एवं **वुत्तमिच्छाचारलक्खणवसेन** ।

हत्थपादादिहेतूति हत्थपादादिभेदनहेतु । धनहेतूति धनस्स लाभहेतु जानिहेतु च । लाभोति घासच्छादनानि लब्धतीति लाभो । किञ्चिक्खन्ति किञ्चिमत्तकं आमिसजातं । तेनाह “यं वा”तिआदि । जानन्तोयेवाति मुसाभावं तस्स वत्थुनो अत्थि, तं जानन्तो एव ।

अण्डकाति वुच्चति रुक्खे अण्डसदिसा गण्ठियो । यथा थद्धा विसमा दुब्बिनीता च होन्ति, एवमेवं खुंसनवम्भनवसेन पवत्तवाचापि हि “अण्डका”ति वुत्ता । तेनाह “यथा सदोसे रुक्खे”तिआदि । कक्कसाति फरुसा एव, सो पनस्सा कक्कसभावो ब्यापादनिमित्तताय ततो पूतिकाति । तेनाह “यथा नामा”तिआदि । कटुकाति अनिद्धा । अमनापाति न मनवड्ढनी, ततो एव दोसजननी, चित्तसन्दोसुप्पत्तिकारिका । मम्मसूति घट्टनेन दुक्खुप्पत्तितो मम्मसदिसेसु जातिआदीसु । लग्गनकारीति एवं वदन्तस्स एवं वदामीति अत्थाधिप्पायेन लग्गनकारी, न ब्यञ्जनवसेन । कोधस्स आसन्ना तस्स कारणभावतो । सदोसवाचायाति अत्तनो समुट्ठापकदोसस्स वसेन सदोसवाचाय वेवचनानि ।

अकालेनाति अयुत्तकालेन । अकारणनिस्सितन्ति निष्फलं । फलहि कारणनिस्सितं नाम तदविनाभावतो । अकारणनिस्सितं निष्फलं, सम्फन्ति अत्थो । असभाववत्ताति अयाथाववादी । असंवरविनयपटिसंयुत्तस्साति संवरविनयरहितस्स, अत्तनो सुणन्तस्स च न संवरविनयावहस्स वत्ता । हृदयमञ्जूसायं निधेतुन्ति अहितसंहितत्ता चित्तं अनुप्पविसेत्वा निधेतुं । अयुत्तकालेति धम्मं कथेन्तेन यो अत्थो यस्मिं काले वत्तब्बो, ततो पुब्बे पच्छा तस्स अकालो, तस्मिं अयुत्तकाले वत्ता होति । अनपदेसन्ति भगवता असुकसुत्ते एवं वुत्तन्ति सुत्तापदेसविरहितं । अपरिच्छेदन्ति परिच्छेदरहितं । यथा पन वाचा परिच्छेदरहिता होति, तं दस्सेतुं “सुत्तं वा”तिआदि वुत्तं । उपलब्धन्ति अनुयोगं । बाहिरकथंयेवाति यं सुत्तं, जातकं वा निक्खित्तं, तस्स सरीरभूतं कथं अनामसित्वा ततो बहिभूतंयेव कथं । सम्पज्जित्वाति विरुद्धं आपज्जित्वा । पवेणिजातकावाति अनुजातपारोहमूलानियेव तिड्ढन्ति । आहरित्वाति निक्खित्तसुत्ततो अञ्जम्पि अनुयोगउपमावत्थुवसेन तदनुपयोगिनं आहरित्वा । जानापेतुन्ति एतदत्थमिदं वुत्तन्ति जानापेतुं यो सक्कोति । तस्स कथेतुन्ति तस्स तथारूपस्स धम्मकथिकस्स बहुम्पि कथेतुं वट्ठति । न अत्थनिस्सितन्ति अत्तनो परेसञ्च न हितावहं ।

अभिज्झायनं येभ्य्येन परसन्तकस्स दस्सनवसेन होतीति “अभिज्झाय ओलोकेता होती”ति वुत्तं । अभिज्झायन्तो वा अभिज्झायितं वत्थुं यत्थ कत्थचि ठितम्पि पच्चक्खतो पस्सन्तो विय अभिज्झायतीति वुत्तं “अभिज्झाय ओलोकेता होती”ति । कम्मपथभेदो न होति, केवलं लोभमत्तोव होति परिणामनवसेन अप्पवत्तत्ता । यथा पन कम्मपथभेदो होति, तं दस्सेतुं “यदा पना”तिआदि वुत्तं । परिणामेतीति अत्तनो सन्तकभावेन परिग्गय्ह नामेति ।

विपन्नचित्तोति ब्यापादेन विपत्तिं आपादितचित्तो । तेनाह “पूतिभूतचित्तो”ति । ब्यापादो हि विसं विय लोहितस्स चित्तं पूतिभावं जनेति । दोसेन दुट्ठचित्तसङ्कप्पोति विसेन विय सप्पिआदिकोपेन दूसितचित्तसङ्कप्पो । घातीयन्तूति हनीयन्तु । वधं पापुणन्तूति मरणं पापुणन्तु । मा वा अहेसुन्ति सब्बेन सब्बं न होन्तु । तेनाह “किञ्चिपि मा अहेसु”न्ति, अनवसेसविनासं पापुणन्तूति अत्थो । हञ्जन्तूति आदिचिन्तनेनेवाति एकन्ततो विनासचिन्ताय एव ।

मिच्छादिट्टिकोति अयोनिशो उप्पन्नदिट्टिको । सो च एकन्ततो कुसलपटिपक्खदिट्टिकोति आह “अकुसलदस्सनो”ति । विपल्लत्थदस्सनोति धम्मताय विपरियासग्गाही । नत्थि दिन्नन्ति देय्यधम्मसीसेन दानं वुत्तन्ति आह “दिन्नस्स फलाभावं सन्धाय वदती”ति । दिन्नं पन अन्नादिवत्थुं कथं पटिक्खपति । एस नयो “यिट्ठं हुत”न्ति एत्थापि । महायागोति सब्बसाधारणं महादानं । पहेणकसक्कारोति पाहुनकानं कत्तब्बसक्कारो । फलन्ति आनिसंसफलञ्च निस्सन्दफलञ्च । विपाकोति सदिसं फलं । परलोके ठितस्स अयं लोको नत्थीति परलोके ठितस्स कम्मुना लद्धब्बो अयं

लोको न होति । इधलोके ठितस्सपि परलोको नत्थीति इधलोके ठितस्स कम्मुना लद्धब्बो परलोको न होति । तत्थ कारणमाह “सब्बे तत्थ तत्थेव उच्छिज्जन्ती”ति । इमे सत्ता यत्थ यत्थ भवयोनिगतिआदीसु ठिता तत्थ तत्थेव उच्छिज्जन्ति निरुदयविनासवसेन विनस्सन्ति । फलाभाववसेनाति मातापितूसु सम्मापटिपत्तिमिच्छापटिपत्तीनं फलस्स अभाववसेन “नत्थि माता, नत्थि पिता”ति वदति, न मातापितूनं, नापि तेसु सम्मापटिपत्तिमिच्छापटिपत्तीनं अभाववसेन तेसं लोकपच्चक्खत्ता । बुब्बुळकस्स विय इमेसं सत्तानं उप्पादो नाम केवलोव, न चवित्वा आगमनपुब्बकोति दस्सनत्थं “नत्थि सत्ता ओपपातिका”ति वुत्तन्ति आह “चवित्वा उपपज्जनकसत्ता नाम नत्थीति वदती”ति । समणेन नाम याथावतो जानन्तेन कस्सचि किञ्चि अकथेत्वा सज्जतेन भवितब्बं, अज्जथा अहोपुरिसिका नाम सिया, किं परो परस्स करिस्सति, तथा अत्तनो सम्पादनस्स कस्सचि अवसरो एव नत्थि तत्थ तत्थेव उच्छिज्जनतोति आह “ये इमज्ज...पे०... पवेदेन्ती”ति । एत्तावताति “नत्थि दिन्न”न्तिआदिना व्यपदेसेन । दसवत्थुकाति पटिक्खिपितब्बानि दस वत्थूनि एतिस्साति दसवत्थुका ।

#### ४४१. अनभिज्झादयो हेट्ठा अत्थतो पकासितत्ता उत्तानत्थायेव ।

४४२. सह व्ययति गच्छतीति सहब्बो, सहवत्तनको, तस्स भावो सहव्यता, सहपवत्तीति आह “सहभावं उपगच्छेय्य”न्ति । ब्रह्मानं कायो समूहोति ब्रह्मकायो, तप्परियापन्नताय तत्थ गताति ब्रह्मकायिका । कामं चेताय सब्बस्सपि ब्रह्मनिकायस्स समज्जाय भवितब्बं, “आभान”न्तिआदिना पन दुतियज्झानभूमिकादीनं उपरि गहितत्ता गोबलीबद्धायेन तदवसेसानं अयं समज्जाति आह “ब्रह्मकायिकानं देवानन्ति पठमज्झानभूमिदेवान”न्ति । आभा नाम विसुं देवा नत्थि, परित्ताभादीनयेव पन आभावन्ततासामज्जेन एकज्झं गहेत्वा पवत्तं एतं अधिवचनं, यदिदं “आभा”ति यथा “ब्रह्मपारिसज्जब्रह्मपुरोहितमहाब्रह्मानं ब्रह्मकायिका”ति । परित्ताभानन्तिआदि पनाति आदि-सदेन अप्पमाणाभानं देवानं आभस्सरानं देवानन्ति इमं पाळिं सङ्गण्हाति । एकतो अगगहेत्वाति आभाति वा, एकत्तकायनानत्तसज्जाति वा एकतो अगगहेत्वा । तेसंयेवाति आभाति वुत्तदेवानंयेव । भेदतो गहणन्ति कारणस्स हीनादिभेदभिन्नतादस्सनवसेन परित्ताभादिगहणं । इति भगवा आसवक्खयं दस्सेत्वाति एवं भगवा धम्मचरियं, समचरियं, वट्टनिस्सितं सुगतिगामिपटिपदं, विवट्टनिस्सितं आसवक्खयगामिपटिपदं कत्वा तिभवभज्जनतो आसवक्खयं दस्सेत्वा अरहत्तनिकूटेन देसनं निट्टपेसि ।

इध ठत्वाति इमस्मिं धम्मचरियासमचरियाय निद्देसे ठत्वा । देवलोका समानेतब्बाति छब्बीसतिपि देवलोका समोधानेतब्बा । वीसति ब्रह्मलोकाति तंतंभवपरियापन्ननिकायवसेन वीसति ब्रह्मलोका, वीसति ब्रह्मनिकायाति अत्थो । दसकुसलकम्मपथेहीति यथारहं दसकुसलकम्मपथेहि कम्मूपनिस्सयपच्चयभूतेहि केवलं उपनिस्सयभूतेहि च निब्बत्ति दस्सिता ।

तिण्णं सुचरितानन्ति तिण्णं कामावचरसुचरितानं । कामावचरगहणज्चेत्थ मनोसुचरितापेक्खाय । विपाकेनेवाति इमिना विपाकुप्पादेनेव निब्बत्ति होति, न उपनिस्सयतामत्तेनाति दस्सेति । “उपनिस्सयवसेना”ति वुत्तमत्थं विवरितुं “दस कुसलकम्मपथा ही”तिआदि वुत्तं । दुतियादीनि भावेत्वातिआदीसुपि “सीले पतिट्ठाया”ति पदं आनेत्वा सम्बन्धितब्बं । कस्मा पनेत्थ “उपनिस्सयवसेना”ति वुत्तं, ननु पटिसम्भिदामग्गे (पटि० म० १.४१) — “पठमेन ज्ञानेन नीवरणानं पहानं सीलं, वेरमणि सीलं, चेतना सीलं, संवरो सीलं, अवीतिक्कमो सील”न्तिआदिना सब्बेसुपि ज्ञानेसु सीलं उद्धटन्ति तस्स वसेन उपरिदेवलोकानम्पि विपाकेन निब्बत्ति वत्तब्बाति? न, तस्स परिज्जाय देसनत्ता, परिज्जाय देसनता चस्स “यत्थ च

पहानं”न्ति आदिना **विसुद्धिमगगसंवणनायञ्च** (विसुद्धि० महाटी० २.८३७, ८३९) पकासिता एव । तथा हि इथापि “दस कुसलकम्मपथा हि सील”न्ति आदिना सीलस्स रूपारूपभवानं उपनिस्सयता विभाविता, न निब्बत्तकताय । कस्मा पनेत्थ भावनालक्खणाय धम्मचरियाय भवविसेसे विभजियमाने असञ्जभवो न गहितोति आह “**असञ्जभवो पन...पे०... न निद्विद्वो**”ति । बाहिरका हि अयथाभूतदस्सिताय असञ्जभवं भवविप्पमोक्खं मञ्जमाना तदुपगज्झानं भावेत्वा असञ्जेसु निब्बत्तन्ति । अयमेत्थ सङ्खेपो, यं पनेत्थ वत्तब्बं, तं **ब्रह्मजालदुक्कथायं तंसंवणनायञ्च** (दी० नि० अट्ठ० १.६८-७३; दी० नि० टी० १.६८-७३) वुत्तनयेनेव वेदितब्बं ।

सालेय्यकसुत्तवण्णनाय लीनत्थप्पकासना समत्ता ।

## २. वेरञ्जकसुत्तवण्णना

**४४४. वेरञ्जवासिनो**ति वेरञ्जगामवासिनो । केचि पन “विविधरट्ठवासिनो वेरञ्जका”ति एतमत्थं वदन्ति, तेसं मतेन “वेरञ्जका”ति पाळिया भवितव्वन्ति । **अनियमितकिच्चेना**ति “इमिना नामा”ति एवं न नियमितेन किच्चेन । **अयं विसेसो**ति अयं पुग्गलाधिट्ठानधम्माधिट्ठानकतो इमेसु द्वीसु सुत्तेसु देसनाय विसेसो, अत्थो पन देसनानयो च मज्झे भिन्नसुवण्णं विय अविसिद्वोति दस्सेति । कस्मा पन भगवा कत्थचि पुग्गलाधिट्ठानदेसनं देसेति, कत्थचि धम्माधिट्ठानन्ति? देसनाविलासतो वेनेय्यज्झासयतो च । देसनाविलासप्पत्ता हि बुद्धा भगवन्तो, ते यथारुचि कत्थचि पुग्गलाधिट्ठानं कत्वा, कत्थचि धम्माधिट्ठानं कत्वा धम्मं देसेन्ति । ये पन वेनेय्या सासनक्कमं अनोतिण्णा, तेसं पुग्गलाधिट्ठानदेसनं देसेन्ति । ये ओतिण्णा, तेसं धम्माधिट्ठानं । सम्मुतिसच्चविसया पुग्गलाधिट्ठाना, इतरा परमत्थसच्चविसया । पुरिमा करुणानुकूला, इतरा पञ्जानुकूला । सद्धानुसारिगोत्तानं वा पुरिमा । ते हि पुग्गलप्पमाणा, पच्छिमा धम्मानुसारीनं । सद्वाचरितताय वा लोकाधिपतीनं वसेन पुग्गलाधिट्ठाना, पञ्चाचरितताय धम्माधिपतीनं वसेन धम्माधिट्ठाना । पुरिमा च नेय्यत्था, पच्छिमा नीतत्था । इति भगवा तं तं विसेसं अवेक्खित्वा तत्थ तत्थ दुविधं देसनं देसेतीति वेदितव्वं ।

वेरञ्जकसुत्तवण्णनाय लीनत्थप्पकासना समत्ता ।

## ३. महावेदल्लसुत्तवण्णना

**४४९.** गरुभावो गारवं, पासाणच्छत्तं विय गरुकरणीयता । सह गारवेनाति सगारवो, गरुना किस्मिञ्चि वुत्ते गारववसेन पतिस्सवनं पतिस्सवो, सह पतिस्सवेन सप्पतिस्सवो, पतिस्सवभूतं तंसभागञ्च यं किञ्चि गरुकरणं । सगारवे सप्पतिस्सवचनं **सगारवसप्पतिस्सवचनं** । गरुकरणं वा गारवो, सगारवस्स सप्पतिस्सवचनं **सगारवसप्पतिस्सवचनं** । एतेन सभावेनेव सगारवस्स तथापवत्तं वचनन्ति दस्सेति । अञ्जत्थ दु-सद्वो गरहत्थोपि होति “दुक्खं दुप्पुत्तो”ति आदीसु विय, इध पन सो न सम्भवति कुच्छिताय पञ्जाय अभावतोति आह “**पञ्जाय दुट्ठं नाम नत्थी**”ति । “दुस्सीलो”ति आदीसु विय अभावत्थो दु-सद्वोति वुत्तं “**अप्पञ्जो निप्पञ्जोति अत्थो**”ति । **कित्तकेना**ति केन परिमाणेन । तं पन परिमाणं यस्मा परिमेय्यस्स अत्थस्स परिच्छिन्दनं होति, नु-सद्वो च पुच्छाय जोतको, तस्मा “**कित्तावता नु खोति कारणपरिच्छेदपुच्छा**”ति वत्वा “**कित्तकेन नु खो एवं वुच्चतीति अत्थो**”ति आह । “कारणपरिच्छेदपुच्छा”ति इमिना “कित्तावता”ति सामञ्जसो पुच्छाभावो दस्सितो, न विसेसतो, तस्स पुच्छाविसेसभावजापनत्थं महानिद्वेसे आगता सब्बाव पुच्छा अत्थुद्धारनयेन दस्सेति “**पुच्छा च नामा**”ति आदिना । अदिट्ठं जोतीयति एतायाति **अदिट्ठजोतना**, पुच्छा । **दिट्ठसंसन्दना** साकच्छावसेन विनिच्छयकरणं । विमति छिज्जति एतायाति **विमतिच्छेदना** । अनुमतिया पुच्छा

**अनुमतिपुच्छा** । “तं किं मज्जथ, भिक्खवे”ति आदिपुच्छाय हि “किं तुम्हाकं अनुमती”ति अनुमति पुच्छिता होति । कथेतुं कम्पताय पुच्छा कथेतुकम्पतापुच्छा ।

**लक्खणन्ति** जातुं इच्छितो यो कोचि सभावो । **अज्जातन्ति** येन केनचि जाणेन अज्जातभावं आह । **अदिट्ठन्ति** दस्सनभूतेन पच्चक्खं विय अदिट्ठतं । **अतुलितन्ति** “एत्तकं इदं”न्ति तुलनभूतेन अतुलिततं । **अतीरितन्ति** तीरणभूतेन अकतजाणकिरियासमापनतं । **अविभूतन्ति** जाणस्स अपाकटभावं । **अविभावितन्ति** जाणेन अपाकटीकतभावं । **इध** **दिट्ठसंसन्दनापुच्छा** अधिप्पेता, न अदिट्ठजोतना विमतिच्छेदना चाति ।

कथमयं अत्थो विज्जायतीति आह “**थेरो ही**”ति आदि । **सयं विनिच्छिनन्तो**ति सयमेव तेसं पज्झानं अत्थं विसेसेन निच्छिनन्तो । **इदं सुत्तन्ति** इदं पञ्चवीसतिपज्जपटिमण्डितसुत्तं, न यं किञ्चि अनवसेसेनेव मत्थकं पापेसीति । “सयमेव पज्जं समुद्वापेत्वा सयं विनिच्छिनन्तो”ति एत्थ चतुक्कोटिकं भवतीति दस्सेन्तो “**एकच्चो ही**”ति आदिमाह । **पज्जं समुद्वापेतुंयेव सक्कोतीति** पुच्छनविधियेव जानाति । **न निच्छेतुन्ति** निच्छेतुं न सक्कोति, विस्सज्जनविधिं न जानातीति अत्थो । **विसेसद्धानन्ति** अज्जेहि असदिसद्धानं । **थेरेन सदिसो**ति थेरेन सदिसो सावको नत्थि ।

**संसन्दित्वा**ति संयोजेत्वा समानं कत्वा, यथा तत्थ सब्बज्जुतज्जाणं पवत्तं, तथा तं अविलोमेत्वाति अत्थो । **लीळायन्तो**ति लीळं करोन्तो । धम्मकथिकताय अगगभावप्पत्तिया तत्थ अप्पटिहतजाणताय बुद्धलीळाय विय चतुन्नं परिसानं गमनं गणहन्तो धम्मकथं कथेति ।

**इतो वा एतो वा अनुक्कमित्वा**ति उगगहितकथामगतो यत्थ कत्थचि ईसकम्पि अनुक्कमित्वा उगगहितनियामेनेवाति अत्थो । तेनाह “**यट्ठिकोटि**”न्ति आदि । **एकपदिकन्ति** एकपदनिक्खेपमत्तं । **दण्डकसेतुन्ति** एकदण्डकमयं सेतुं । हेट्ठा च उपरि च सुत्तपदानं आहरणेन **तेपिटकं बुद्धवचनं हेट्ठपरियं करोन्तो** । जातस्सरसदिसज्ज गाथं, सुत्तपदं वा निक्खिपित्वा तत्थ नानाउपमाकारणानि आहरन्तो तानि च तेहि सुत्तपदेहि बोधेन्तो समुद्वापेन्तो “**जातस्सरे पञ्चवण्णानि कुसुमानि फुल्लापेन्तो विय सिनेरुमत्थके वट्टिसहस्सं जालेन्तो विया**”ति वुत्तो ।

**एकपदुद्धारेति** एकस्मिं पदुद्धारणक्खणे । पदवसेन **सट्ठि पदसतसहस्सानि** गाथावसेन **पन्नरस गाथासहस्सानि** । **आकट्ठित्वा गणहन्तो वियाति** पच्चेकं पुप्फानि अनोचिनित्वा वल्लिमेव आकट्ठित्वा एकज्झं पुप्फानि कत्वा गणहन्तो विय । तेनाह “**एकप्पहारेनेवा**”ति । **गतिमन्तानन्ति** अतिसयाय जाणगतिया युत्तानं । **धितिमन्तानन्ति** धारणबलेन युत्तानं ।

**अनन्तनयुस्सदन्ति** पच्चयुप्पन्नभासितत्थनिब्बानविपाककिरियादिवसेन अनन्तपभेदे विसये पवत्तिया अनन्तनयेहि उस्सन्नं उपचितं । चतुरोघनित्थरणत्थिकानं तित्थे ठपितनावा वियाति योजना । **सहस्सयुत्तआजज्जरथो**ति वेजयन्तरथं सन्धाय वदति ।

यस्मा पुच्छायं ब्यापनिच्छानयेन “**दुप्पज्जो दुप्पज्जो**”ति आमेडितवसेन वुत्तं, तस्मा धम्मसेनापति पुच्छितमत्थं विस्सज्जेन्तो पुच्छासभागेन “**नप्पजानाति नप्पजानाती**”ति आमेडितवसेनेवाह । तत्थ इति-सद्दो कारणत्थोति दस्सेन्तो “**यस्मा नप्पजानाति, तस्मा दुप्पज्जोति वुच्चती**”ति आह । **इदं दुक्खन्ति** इदं उपादानक्खन्धपञ्चकं दुक्खं अरियसच्चं । तज्ज खो रुप्पनं वेदियनं सज्जाननं अभिसङ्खरणं विजाननन्ति सङ्खेपतो **एत्तकं** । **इतो उद्धं** किञ्चि धम्मजातं दुक्खं अरियसच्चं नाम **नत्थीति याथावसरसलक्खणतो** पवत्तिक्कमतो चेव पीळनसङ्खत्तसन्तापविपरिणामलक्खणतो च

यथाभूतं अरियमग्गपज्जाय नप्पजानाति । अवसेसपच्चयसमागमे उदयति उप्पज्जति, स्वायं समुदयो संसारपवत्तिभावेनाति आह “पवत्तिदुक्खपभाविका”ति, दुक्खसच्चस्स उप्पादिकाति अत्थो । याथावसरसलक्खणतोति यथाभूतं अनुपच्छेदकरणरसतो चेव सम्पिण्डननिदानसंयोगपलिबोधलक्खणतो च ।

इदं नाम ठानं पत्वाति इदं नाम अप्पवत्तिकारणं आगम्म । निरुज्झतीति अनुप्पादननिरोधवसेन निरुज्झति, तेनाह “उभिन्नं अप्पवत्ती”ति । याथावसरसलक्खणतोति यथाभूतं अच्युतिरसतो चेव निस्सरणविवेकासङ्घतामतलक्खणतो च । अयं पटिपदाति अयं सम्मादिट्ठिआदिका समोधानलक्खणा पटिपज्जति एतायाति पटिपदा । दुक्खनिरोधं गच्छतीति दुक्खनिरोधं निब्बानं सच्छिकिरियाभिसमयवसेन गच्छति आरब्भ पवत्तति । याथावसरसलक्खणतोति यथाभूतं किलेसप्पहानकरणसरसतो चेव निव्यानहेतुदस्सनाधिपतेय्यलक्खणतो च नप्पजानाति । अनन्तरवारेति दुतियवारे । इमिनाव नयेनाति “इदं दुक्खं, एत्तकं दुक्खं”न्तिआदिना पठमवारे वुत्तनयेन । तत्थ हि दुप्पज्जनिद्वेसत्ता पजाननपटिक्खेपवसेन देसना आगता, इध पज्जवन्तनिद्वेसत्ता पजाननवसेनाति अयमेव विसेसो । एत्थाति दुतियवारे ।

सवनतोति कम्मट्ठानस्स सवनतो उग्गणहाति । गन्थसवनमुखेन हि तदत्थस्स उग्गहणं । ठपेत्वा तण्हन्तिआदि तस्स उग्गहणाकारनिदस्सनं । अभिनिविसतीति विपस्सनाभिनिवेसवसेन अभिनिविसति विपस्सनाकम्मट्ठानं पट्ठपेति । नो विवट्ठेति विवट्ठे अभिनिवेसो न होति अविशयत्ता । अयन्ति चतुसच्चकम्मट्ठानिको ।

पज्चक्खन्धाति पज्चुपादानक्खन्धा । खन्धवसेन विपस्सनाभिनिवेसस्स चक्खादिवसेन वेदनादिवसेन च सतिपि अनेकविधत्ते सुकरं सुविज्जेय्यन्ति चतुधातुमुखेन तं दस्सेतुं “धातुकम्मट्ठानवसेन ओतरित्वा”ति आह । रूपन्ति ववत्थपेतीति रूपनट्ठेन रूपन्ति असङ्करतो परिच्छिन्दति । तदारम्भणाति तं रूपं आरम्भणं कत्वा पवत्तनका । नामन्ति वेदनादिचतुक्कं नमनट्ठेन नामन्ति ववत्थापेति । यमकतालक्खन्धं भिन्दन्तो विय यमकं भिन्दित्वा “अरूपं, रूपज्जा”ति द्वेव इमे धम्मा, न एत्थ कोचि अत्ता वा अत्तनियं वाति नामरूपं ववत्थपेति परिच्छिन्दति परिग्गणहाति । एत्तावता दिट्ठिविसुद्धि दस्सिता । तं पनेतं नामरूपं न अहेतुकं । यस्मा सब्बं सब्बत्थ सब्बदा च नत्थि, तस्मा सहेतुकं । कीदसेन हेतुना? न इस्सरादिविसमहेतुना । यं पनेत्थ वत्तब्बं, तं विसुद्धिमग्गसंवण्णनायं (विसुद्धिं महाटी २.४४७) वुत्तनयेन गहेतब्बं । सहेतुकत्ता एव सपच्चयं । अविज्जादयोति अविज्जातण्हुपादानकम्माहारादयो । एवन्ति “तं पनेतं”न्तिआदिना वुत्तप्पकारेन अविज्जादिके पच्चये चेव रूपवेदनादिके पच्चयुप्पन्नधम्मे च ववत्थपेत्वा परिच्छिन्दित्वा परिग्गहेत्वा । वुत्तज्हेतं “अविज्जासमुदया रूपसमुदयो, तण्हासमुदया रूपसमुदयो”ति (पटि० म० १.५०) । एत्तावता कङ्खावितरणविसुद्धिं दस्सेति ।

हुत्वाति हेतुपच्चयसमवाये उप्पज्जित्वा । अभावट्ठेनाति तदनन्तरमेव विनस्सनट्ठेन । अनिच्चाति अनिच्चा अब्हुवा । अनिच्चलक्खणं आरोपेतीति तेसु पज्चसु खन्धेसु अनिच्चतासङ्घातं सामज्जलक्खणं निरोपेति । ततोति अनिच्चलक्खणारोपनतो परं, ततो वा अनिच्चभावतो । उदयब्बयप्पटिपीठनाकारेनाति उप्पादननिरोधेहि पति पति अभिक्खणं पीठनाकारेन हेतुना दुक्खा अनिट्ठा, दुक्खमा वा । अवसवत्तनाकारेनाति कस्सचि वसेन अवसवत्तनाकारेन । अनत्ताति न सयं अत्ता, नापि नेसं कोचि अत्ता अत्थीति अनत्ताति । तिलक्खणं आरोपेत्वाति एवं अनिच्चस्स दुक्खभावतो, दुक्खस्स च अनत्तभावतो खन्धपज्चके तिविधम्पि सामज्जलक्खणं आरोपेत्वा । सम्मसन्तोति उदयब्बयजाणुप्पत्तिया उप्पन्ने विपस्सनुपक्किलेसे पहाय मग्गामग्गं ववत्थपेत्वा उदयब्बयजाणादिविपस्सनापटिपाटिया सङ्खारे सम्मसन्तो गोत्रभुजाणानन्तरं लोकुत्तरमग्गं पापुणाति ।

एकपटिवेधेनाति एकेनेव जाणेन पटिविज्झनेन । **पटिवेधो** पटिघाताभावेन विसये निस्सङ्गचारसङ्घातं निब्बिज्झनं । **अभिसमयो** अविरज्झित्वा अधिगमनसङ्घातो अवबोधो । “इदं दुक्खं, एतं दुक्खं, न इतो भिय्यो”ति परिच्छिन्दित्वा याथावतो जाननमेव वुत्तनयेन पटिवेधोति **परिज्जापटिवेधो**, इदञ्च यथा जाणे पवत्ते पच्छा दुक्खस्स सरूपादिपरिच्छेदे सम्मोहो न होति, तथा पवत्तिं गहेत्वा वुत्तं, न पन मग्गजाणस्स “इदं दुक्खं”न्तिआदिना पवत्तनतो । तेनाह “**तस्मिञ्चस्स खणे**”तिआदि । पहीनस्स पुन अपहातब्बताय पकट्टं हानं चजनं समुच्छिन्दनं पहानं, पहानमेव वुत्तनयेन पटिवेधोति **पहानपटिवेधो** । अयम्पि येन किलेसेन अप्पहीयमानेन मग्गभावनाय न भवितब्बं, असति च मग्गभावनाय यो उप्पज्जेय्य, तस्स पदघातं करोन्तस्स अनुप्पत्तिधम्मत्तं आपादेन्तस्स जाणस्स तथापवत्तिया पटिघाताभावेन निस्सङ्गचारं उपादाय एवं वुत्तो । सच्छिकिरिया पच्चक्खकरणं अनुस्सवाकारपरिवितक्कादिके मुञ्चित्वाव सरूपतो आरम्मणकरणं “इदं त”न्ति याथावसभावतो गहणं, सा एव वुत्तनयेन पटिवेधोति **सच्छिकिरियापटिवेधो** । अयम्पि यस्स आवरणस्स असमुच्छिन्दनतो जाणं निरोधं आलम्बितुं न सक्कोति, तस्स समुच्छिन्दनतो तं सरूपतो विभावितमेव पवत्ततीति एवं वुत्तो ।

**भावना** उप्पादना वड्डना च । तत्थ पठममग्गे उप्पादनट्टेन भावना, दुतियादीसु वड्डनट्टेन, उभयत्थापि वा उभयं वेदितब्बं । पठममग्गोपि हि यथारहं वुट्ठानगामिनियं पवत्तं परिजाननादिं वड्डन्तो पवत्तोति तत्थापि वड्डनट्टेन भावनाति सक्का विज्जातुं । दुतियादीसुपि अप्पहीनकिलेसप्पहानतो पुग्गलन्तरसाधनतो च उप्पादनट्टेन भावना, सा एव वुत्तनयेन पटिवेधोति **भावनापटिवेधो** । अयम्पि यथा जाणे पवत्ते पच्छा मग्गधम्मनं सरूपपरिच्छेदे सम्मोहो न होति, तथा पवत्तिं गहेत्वा वुत्तो । तिड्डन्तु ताव यथाधिगता मग्गधम्मा, यथापवत्तेसु फलेसुपि अयं यथाधिगतसच्चधम्मेसु विय विगतसम्मोहोव होति सेक्खोपि समानो । तेन वुत्तं — “दिट्ठधम्मो पत्तधम्मो विदितधम्मो परियोगाळ्हधम्मो”ति (महाव० २७) । यथा चस्स धम्मा तासं जोतिता यथाधिगतसच्चधम्मावलम्बिनियो मग्गवीथितो परतो मग्गफलपहीनावसिड्डकिलेसनिब्बानानं पच्चवेक्खणा पवत्तन्ति । दुक्खसच्चधम्मा हि सक्कायदिट्ठिआदयो । अयञ्च अत्थवण्णना **परिज्जाभिसमयेनाति**आदीसुपि विभावेतब्बा । **किच्चतो**ति असम्मोहतो । **निरोधं आरम्मणतो**ति एत्थ “आरम्मणतोपी”ति पि-सद्दो लुत्तनिदिट्ठो दट्ठब्बो निरोधेपि असम्मोहपटिवेधस्स लब्भनतो । **एतस्साति** चतुसच्चकम्मट्टानिकस्स पुग्गलस्स ।

**पज्जवाति निदिट्ठो** निप्परियायतो पज्जवन्तताय इध अधिप्पेतत्ता । **पाळितो**ति धम्मतो । **अत्थतो**ति अट्ठकथातो । **अनुसन्धितो**ति तस्मिं तस्मिं सुत्ते तंतंअनुसन्धितो । **पुब्बापरतो**ति पुब्बेनापरस्स संसन्दनतो । सङ्गीतिक्कमेन चेत्य पुब्बापरता वेदितब्बा । तंतंदेसनायमेव वा पुब्बभागेन अपरभागस्स संसन्दनतो । **विज्जाणचरितो**ति विजाननचरितो वीमंसनचरितो तेपिटके बुद्धवचने विचारणाचारवेपुल्लतो । **पज्जवाति न वत्तब्बो** मग्गेनागताय पज्जाय अभावतो । **अज्ज** अज्जेव अरहत्तन्ति इत्तरं अतिखिप्पमेवाति अधिप्पायो । **पज्जवापक्खं भजति** सेक्खपरियायसम्भावतो । **सुत्ते पन पटिवेधोव कथितो** सच्चाभिसमयवसेन आगतत्ता ।

**एसाति** अनन्तरे वुत्तो अरियपुग्गलो । **कम्मकारकचित्तन्ति** भावनाकम्मस्स पवत्तनकचित्तं । **सुखवेदनम्पि विजानातीति** को वेदियति, कस्स वेदना, किंकारणा वेदना, सोपि कस्सचि अभावगहणमुखेन सुखं वेदनं सभावतो समुदयतो अत्थङ्गमतो अस्सादतो आदीनवतो च यथाभूतं परिच्छिन्दन्तो परिग्गणहन्तो सुखं वेदनं विजानाति नाम । सेसपदद्वयेपि एसेव नयो । यस्मा “**सतिपट्टाने**”ति इमिना सतिपट्टानकथं उपलक्खेति । ताय हि तदत्थो वेदितब्बो, तस्मा तंसंवण्णनायम्पि (दी० नि० टी० २.३८०) वुत्तनयेन तस्सत्थो वेदितब्बो । कामज्चेतं विज्जाणं वेदनातो अज्जम्पि आरम्मणं विजानाति, अनन्तरवारे पन रूपमुखेन विपस्सनाभिनिवेसस्स दस्सितत्ता इध अरूपमुखेन दस्सेतुं “सुखन्तिपि विजानाती”तिआदिना निदिट्ठं, पुच्छन्तस्स वा अज्झासयवसेन ।



संसद्वाति सम्पयुत्ता । तेनाह “**एकुप्पादादिलक्खणेन संयोगट्टेना**”ति । विसंसद्वाति विप्पयुत्ता । भिन्दित्वाति अज्जभूमिकस्स अज्जभूमिदस्सनेनेव विनासेत्वा, संभिन्दित्वा वा । **संसद्भावं पुच्छतीति** तंचित्तुप्पादपरियापन्नानं पञ्चविज्जाणानं संसद्भावं पुच्छति । यदि एवं कथं पुच्छाय अवसरो विसंसद्भावासङ्काय एव अभावतो? न, चित्तुप्पादन्तरगतानं मग्गपज्जामग्गविज्जाणानं विपस्सनापज्जाविपस्सनाविज्जाणानञ्च वोमिस्सकसंसद्भावस्स लब्भमानत्ता । **विनिवट्टेत्वाति** अज्जमज्जतो विवेचेत्वा । **नानाकरणं दस्सेतुं न सक्काति** इदं केवलं संसद्भावमेव सन्धाय वुत्तं, न सभावभेदं, सभावभेदतो पन नानाकरणं नेसं पाकटमेव । तेनाह “**आरम्मणतो वा वत्थुतो वा उप्पादतो वा निरोधतो वा**”ति । इदानि तमेव सभावभेदं विसयभेदेन सुट्ठु पाकटं कत्वा दस्सेतुं “**तेसं तेसं पना**”तिआदि वुत्तं । **विसयोति** पवत्तिट्ठानं इस्सरियभूमि, येन चित्तपज्जानं तत्थ तत्थ पुब्बङ्गमता वुच्चति ।

कामञ्च विपस्सनापि पज्जावसेनेव किच्चकारी, मग्गोपि विज्जाणसहितोव, न केवलो, यथा पन लोकियधम्मेषु चित्तं पधानं तत्थस्स धोरहभावेन पवत्तिसम्भावतो । तथा हि तं “**छद्वाराधिपति राजा**”ति (ध० प० अट्ठ० २.१८१) वुच्चति, एवं लोकोत्तरधम्मेषु पज्जा पधाना पटिपक्खविधमनस्स विसेसतो तदधीनत्ता । तथा हि मग्गधम्मे सम्मादिट्ठि एव पठमं गहिता । अयञ्च नेसं विसयवसेन पवत्तिभेदो, तथा च पज्जापनविधि न केवलं थेरेहेव दस्सितो, अपिच खो भगवतापि दस्सितोति विभावेन्तो “**सम्मासम्बुद्धोपी**”तिआदिमाह । यत्थ पज्जा न लब्भति, तत्थ चित्तवसेन पुच्छने वत्तब्बमेव नत्थि यथा “**किंचित्तो त्वं भिक्खू**”तिआदीसु (पारा० १३२-१३५) । यत्थ पन पज्जा लब्भति, तत्थापि चित्तवसेन जोतना होति यथा — “**अज्झत्तमेव चित्तं सण्ठपेति सन्निसादेति एकोदिं करोति समादहति (सं० नि० ४.३३२), यस्मिं समये कामावचरं कुसलं चित्तं उप्पन्नं होती**”तिआदीसु (ध० सं० १) । **अट्ठकथायं** पन लोकियधम्मेषु चित्तवसेन, लोकोत्तरधम्मेषु पज्जावसेन चोदनं व्यतिरेकमुखेन दस्सेतुं “**कतमा ते भिक्खु पज्जा अधिगता**”तिआदि वुत्तं । येभ्यवसेन चेतं वुत्तन्ति दट्ठब्बं । तथा हि कत्थचि लोकियधम्मा पज्जासीसेनपि निद्विसीयन्ति — “**पठमस्स ज्ञानस्स लाभिनो कामसहगता सज्जामनसिकारा समुदाचरन्ति हानभागिनी पज्जा**”तिआदीसु (पटि० म० १.१) । सज्जासीसेनपि — “**उद्धुमातकसज्जाति वा सेसरूपारूपसज्जाति वा इमे धम्मा एकत्था, उदाहु नानत्था**”तिआदीसु (पारा० अट्ठ० ४५.पदभाजनीयवण्णना) । तथा लोकोत्तरधम्मापि कत्थचि चित्तसीसेन निद्विसीयन्ति — “**यस्मिं समये लोकोत्तरं चित्तं भावेती**”ति (ध० सं० २७७), तथा फस्सादिसीसेनपि — “**यस्मिं समये लोकोत्तरं फस्सं भावेति, वेदनं सज्जं चेतनं भावेती**”तिआदीसु (ध० सं० २७७) ।

**चतूसु सोतापत्तियङ्गेषूति** सप्पुरिससेवना, सद्धम्मस्सवनं, योनिमोमनसिकारो, धम्मनुधम्मपटिपत्तीति इमेसु चतूसु सोतापत्तिमग्गस्स कारणेसु । कामं चेतेसु सतिआदयोपि धम्मा इच्छितब्बाव तेहि विना तेसं असम्भवतो, तथापि चेत्य सद्धा विसेसतो किच्चकारीति वेदितब्बा । सद्धो एव हि सप्पुरिसे पयिरुपासति, सद्धम्मं सुणाति, योनिमो च मनसि करोति, अरियमग्गस्स च अनुधम्मं पटिपज्जति, तस्मा वुत्तं “**एत्थ सद्धिन्द्रियं दट्ठब्बं**”न्ति । इमिना नयेन सेसिन्द्रियेषुपि अत्थो दट्ठब्बो । **चतूसु सम्मप्यधानेसूति** चतुब्बिधसम्मप्यधानभावनाय । **चतूसु सतिपट्टानेसूति**आदीसुपि एसेव नयो । एत्थ च सोतापत्तियङ्गेषु सद्धा विय सम्मप्यधानभावनाय वीरियं विय च सतिपट्टानभावनाय — “**सतिमा विनेय्य लोके अभिज्झादोमनस्स**”न्ति (दी० नि० २.३७३; म० नि० १.१०६; सं० नि० ५.३८४, ४०७) वचनतो पुब्बभागे किच्चतो सति अधिका इच्छितब्बा । एवं समाधिकम्मिकस्स समाधि, “**अरियसच्चभावना पज्जाभावना**”ति कत्वा तत्थ पज्जा पुब्बभागे अधिका इच्छितब्बाति पाकटोयमत्थो, अधिगमक्खणे पन समाधिपज्जानं विय सब्बेसम्पि इन्द्रियानं सद्धादीनं समरसताव इच्छितब्बा । तथा हि “**एत्थ सद्धिन्द्रियं**”न्तिआदिना तत्थ तत्थ एत्थग्गहणं कतं । एवन्ति यं ठानं, तं इन्द्रियसमत्तादिं पच्चामसति । **सविसयस्मिंयेवाति** अत्तनो अत्तनो विसये एव । **लोकियलोकोत्तरा धम्मा कथिताति** लोकियधम्मा लोकोत्तरधम्मा च तेन तेन पवत्तिविसेसेन कथिता । इदं वुत्तं होति — सद्धापञ्चमेसु इन्द्रियेषु सह पवत्तमानेसु तत्थ तत्थ

विसये सद्भादीनं किच्चाधिकताय तस्स तस्सेव दट्ठब्बता वुत्ता, न सब्बेसं । एवं अज्जेपि लोकियलोकुत्तरा धम्मा यथासकं विसये पवत्तिविसेसवसेन बोधिताति ।

इदानीं सद्भादीनं इन्द्रियानं तत्थ तत्थ अतिरेककिच्चतं उपमाय विभावेतुं “यथा ही”ति आदि वुत्तं । तत्रिदं उपमासंसन्दनं राजपञ्चमा सहाया विय विमुत्तिपरिपाचकानि पञ्चिन्द्रियानि । नेसं कीळनत्थं एकज्झं वीथिओतरणं विय इन्द्रियानं एकज्झं विपस्सनावीथिओतरणं । सहायेसु पठमादीनं यथासकगेहेव विचारणा विय सद्भादीनं सोतापत्तिअङ्गादीनि पत्वा पुब्बङ्गमता । सहायेसु इतरेसं तत्थ तत्थ तुण्हीभावो विय सेसिन्द्रियानं तत्थ तत्थ तदन्वयता । तस्स पुब्बङ्गमभूतस्स इन्द्रियस्स किच्चानुगतता । न हि तदा तेसं ससम्भारपथवीआदीसु आपादीनं विय किच्चं पाकटं होति, सद्भादीनंयेव पन किच्चं विभूतं हुत्वा तिड्ढति पुरेतरं तथापच्चयेहि चित्तसन्तानस्स अभिसङ्खत्तता । एत्थ च विपस्सनाकम्मिकस्स भावना विसेसतो पञ्जुत्तराति दस्सनत्थं राजानं निदस्सनं कत्वा पञ्चिन्द्रियं वुत्तं । इतीति आदि यथाधिगतस्स अत्थस्स निगमनं ।

**मग्गविज्जाणम्पीति** अरियमग्गसहगतं अपचयगामिविज्जाणम्पि । **तथेव तं विजानातीति** सच्चधम्मं “इदं दुक्खं”न्ति आदिना नयेनेव विजानाति एकचित्तुप्पादपरियापन्नता मग्गानुकूलता च । **यं विजानातीति** एत्थ विजाननपजाननानि विपस्सनाचित्तुप्पादपरियापन्नानि अधिप्पेतानि, न “यं पजानाती”ति एत्थ विय मग्गचित्तुप्पादपरियापन्नाति आह “यं सङ्खारगतं”न्ति आदि । **तथेवाति** “अनिच्चं”न्ति आदिना नयेन । एकचित्तुप्पादपरियापन्नता विपस्सनाभावतो च समानपच्चयेहि सह पवत्तिकता **एकुप्पादता**, ततो एव एकज्झं सहेव निरुज्झनं **एकनिरोधता**, एकंयेव वत्थुं निस्साय पवत्ति **एकवत्थुकता**, एकंयेव आरम्भणं आरम्भ पवत्ति **एकारम्भणता** । हेतुमिहे चेतं करणवचनं । तेन एकुप्पादादिताय संसट्ठभावं साधेति । अनवसेसपरियादानज्येतं, इतो तीहिपि सम्पयुत्तलक्खणं होतियेव ।

**मग्गपज्जं सन्धाय वुत्तं**, सा हि एकन्ततो भावेतब्बा, न परिज्जेय्या, पज्जाय पन भावेतब्बताय तंसम्पयुत्तधम्मापि तग्गतिकाव होन्तीति आह “तंसम्पयुत्तं पना”ति आदि । किज्चापि विपस्सनापज्जाय भावनावसेन पवत्तनतो तंसम्पयुत्तविज्जाणम्पि तथेव पवत्तति, तस्स पन परिज्जेय्यभावानतिवत्तनतो परिज्जेय्यता वुत्ता । तेनेवाह — “यम्पि तं धम्मट्ठित्तिजाणं, तम्पि खयधम्मं वयधम्मं विरागधम्मं निरोधधम्मं”न्ति ।

**४५०. एवं सन्तेपीति** वेदनाति एवं सामज्जगहणे सतिपि । **तेभूमिकसम्मसनचारवेदनावाति** भूमित्तयपरियापन्ना, ततो एव सम्मसनजाणस्स गोचरभूता वेदना एव अधिप्पेता सब्रह्मचारीनं उपकारावहभावेन देसनाय आरद्धता । तथा हि वुत्तं “चतुरोघनित्थरणत्थिकानं”न्ति आदि । एस नयो पज्जायपि । इध सुखादिसद्दा तदारम्भणविसयाति इममत्थं सुत्तेन साधेतुं “रूपज्ज ही”ति आदि वुत्तं । **एकन्तदुक्खन्ति** एकन्तेनेव अनिट्ठं, ततो एव दुक्खमताय दुक्खं । आरम्भणकरणवसेन दुक्खवेदनाय अनुपत्तितं, ओत्तिण्णज्जाति **दुक्खानुपत्तितं**, **दुक्खावक्कन्तं** । सुखेन अनवक्कन्तं अभविस्साति योजना । **नयिदन्ति** एत्थ **इदन्ति** निपातमत्तं । **सारज्जेय्युन्ति** सारागं उप्पादेय्युं । **सुखन्ति** सभावतो च इट्ठं । **सारागा संयुज्जन्तीति** बहलरागहेतु यथारहं दसहिपि संयोजनेहि संयुज्जन्ति । **संयोगा संकिलिस्सन्तीति** तथा संयुत्तताय तण्हासंकिलेसादिवसेन संकिलिस्सन्ति, विबाधीयन्ति उपतापीयन्ति चाति अत्थो । **आरम्भणन्ति** इट्ठं, अनिट्ठं, मज्झत्तज्ज आरम्भणं यथाक्कमं सुखं, दुक्खं, अदुक्खमसुखन्ति कथितं । एवं अविसेसेन पज्चपि खन्धे सुखादिआरम्भणभावेन दस्सेत्वा इदानीं वेदना एव सुखादिआरम्भणभावेन दस्सेत्तुं “अपिचा”ति आदि वुत्तं । पाकतिकपचुरजनवसेनायं कथिताति कत्वा “**पुरिमं सुखं वेदनं आरम्भणं कत्वा**”ति वुत्तं । विसेसलाभी पन अनागतम्पि सुखं वेदनं आरम्भणं करोतेव । **वुत्तमेतं** सतिपट्टानवण्णनायं (दी०

नि० अट्ट० २.३८०; म० नि० अट्ट० १.७९)। वेदनाय हि आरम्भणं वेदियन्तिया तंसमङ्गीपुग्गलो वेदेतीति वोहारमत्तं होति।

**सब्बसज्ज्यायाति** सब्बायपि चतुभूमिकसज्जाय। **सब्बत्थकसज्जायाति** सब्बस्मिं चित्तुप्पादे पवत्तनकसज्जाय। **वत्थे** वाति वा-सद्देन वण्णधातुं सङ्गण्हाति। **पापेन्तोति** भावनं उपचारं वा अप्पनं वा उपनेन्तो। **उप्पज्जनकसज्जापीति** “नीलं रूपं, रूपारम्भणं नील”न्ति उप्पज्जनकसज्जापि।

**असब्बसङ्गाहिकत्ताति** सब्बेसं वेदनासज्जाविज्जाणानं असङ्गहितत्ता। **तक्कगतन्ति** सुत्तकन्तनकतक्कम्हि, सुत्तवत्तनकतक्कम्हि वा वेठनवसेन ठितं। **परिवट्टकादिगतन्ति** सुत्तवेठनपरिवट्टकादिगतं। **विस्सट्टत्ताव न गहिता**, यदग्गेन पज्जा विज्जाणेन सङ्घि सम्पयोगं लभापिता, तदग्गेन वेदनासज्जाहिपि सम्पयोगं लभापिता एवाति। **तदेव सज्जानाति** संसट्टभावतो।

**सज्जानाति विजानातीति** एत्थ “पजानाती”ति पदं आनेत्वा वत्तब्बं पजाननवसेनपि विसेसस्स वक्खमानत्ता। **जानातीति** अयं सद्दो च लद्धतोयेवेत्थ अविसेसो, अत्थतो पन विसेसतो इच्छितब्बो। अनेकत्थत्ता हि धातूनं तेन आख्यातपदेन नामपदेन च वुत्तमत्थं उपसगगपदं जोतकभावेन विसेसेति, न वाचकभावेन। तेनाह “**तस्सपि जाननत्थे विसेसो वेदितब्बो**”ति। एतेन सज्जाविज्जाणपज्जापदानि अन्तोगधजाननत्थे यथासकं विसिद्धविसये च निट्ठानीति दस्सेति। तेनेवाह “**सज्जा ही**”तिआदि। **सज्जाननमत्तमेवाति** एत्थ मत्त-सद्देन विसेसनिवत्तिअत्थेन विजाननपजाननाकारे निवत्तेति, **एव-सद्देन** कदाचिपि इमिस्सा ते विसेसा नत्थेवाति अवधारेति। तेनेवाह “**अनिच्चं दुक्ख**”न्तिआदि। तत्थ विज्जाणकिच्चम्पि कातुं असक्कोन्ती सज्जा कुतो पज्जाकिच्चं करेय्याति “**लक्खणपटिवेधं पापेतुं न सक्कोति**”च्चेव वुत्तं, न वुत्तं “मग्गपातुभाव”न्ति।

आरम्भणे पवत्तमानं विज्जाणं न सज्जा विय नीलपीतादिमत्तसज्जाननवसेन पवत्तति, अथ खो तत्थ अज्जम्पि तादिसं विसेसं जानन्तमेव पवत्ततीति आह “**विज्जाण**”न्तिआदि। कथं पन विज्जाणं लक्खणपटिवेधं पापेतीति? पज्जाय दस्सितमग्गेन। लक्खणारम्भणिकविपस्सनाय हि अनेकवारं लक्खणानि पटिविज्झित्वा पवत्तमानाय पगुणभावतो परिचयवसेन जाणविप्पयुत्तचित्तेनपि विपस्सना सम्भवति, यथा तं पगुणस्स गन्थस्स अज्झयने तत्थ तत्थ गतापि वारा न उपधारीयन्ति। “**लक्खणपटिवेध**”न्ति च लक्खणानं आरम्भणकरणमत्तं सन्धाय वुत्तं, न पटिविज्जनं। **उस्सक्कित्वाति** उदयब्बयजाणादिजाणपटिपाटिया आरभित्वा। **मग्गपातुभावं पापेतुं न सक्कोति** असम्बोधसभावत्ता। **आरम्भणम्पि सज्जानाति** अवबुज्जनवसेनेव, न सज्जाननमत्तेन। तथा **लक्खणपटिवेधम्पि पापेति**, न विजाननमत्तेन, अत्तनो पन अज्जासाधारणेन आनुभावेन उस्सक्कित्वा मग्गपातुभावम्पि पापेति।

इदानीं यथावुत्तमत्थं उपमाय विभावेतुं “**यथा ही**”तिआदि वुत्तं। तत्थ **अजातबुद्धीति** असज्जातव्यवहारबुद्धिः। **उपभोगपरिभोगन्ति** उपभोगपरिभोगारहं, उपभोगपरिभोगवत्थूनं पटिलाभयोग्गन्ति अत्थो। **कूटोति** कहापणपतिरूपको तम्बकंसादिमयो। **छेकोति** महासारो। **कर्तोति** अट्टसारो। **सण्होति** मुदुजातिको समसारो। **इति-सद्दो** आदिअत्थो। तेन पादसारपरोपादसारअट्टसारादीनं सङ्गहो। **जानन्तो च पन नं रूपं दिस्वापि...पे... असुकाचरियेन कतोतिपि जानाति** तथा हेरज्जिकगन्थस्स सुग्गहितत्ता। **एवमेवन्ति**आदि उपमासंसन्दनं। सज्जाविभागं अकत्वा पिण्डवसेनेव आरम्भणस्स गहणतो दारकस्स कहापणदस्सनसदिसा वुत्ता। तथा हि सा यथाउपट्टितविसयपदट्टाना वुच्चति। विज्जाणं आरम्भणे एकच्चविसेसगहणसमत्थभावतो गामिकपुरिसकहापणदस्सनसदिसं वुत्तं। पज्जा पन आरम्भणे अनवसेसावबोधतो

हेरञ्जिककहापणदस्सनसदिसा वुत्ता । नेसन्ति सञ्जाविज्जाणपज्जानं । विसेसोति सभावविसेसो । दुप्पटिविज्झो पकतिपज्जाय । इमिनाव नेसं अच्चन्तसुखुमतं दस्सेति ।

**एकारम्मणे पवत्तमानानन्ति** एकस्मिंयेव आरम्मणे पवत्तमानानं । तेन अभिन्नविसयाभिन्नकालतादस्सनेन अविनिब्भोगवुत्तितं विभावेन्तो दुप्पटिविज्झतंयेव उल्लिङ्गेति । **ववत्थानन्ति** असङ्करतो ठपनं । **अयं फस्सो...पे०... इदं चित्तन्ति** निदस्सनमत्तमेतं । **इति-सद्दो** वा आदिअत्थो । तेन सेसधम्माम्पि सङ्गहो दट्ठब्बो । **इदन्ति** अरूपीनं धम्मनं ववत्थानकरणं । **ततोति** यं वुत्तं तिलतेलादिउद्धरणं, ततो । यदि दुक्करतरं, कथं तन्ति आह “**भगवा पना**”तिआदि ।

**४५१. निस्सटेनाति** निक्खन्तेन अतंसम्बन्धेन । **परिच्चत्तेनाति** परिच्चत्तसदिसेन पच्चयभावानुपगमनेन पच्चयुप्पन्नसम्बन्धाभावतो । **निस्सक्कवचनं** अपादानदीपनतो । **करणवचनं** कत्तुअत्थदीपनतो । कामावचरमनोविज्जाणं न नियमतो “इदं नाम पच्चद्वारिकासम्बन्धा”ति सक्का वत्तुं, रूपावचरविज्जाणं पन न तथाति, तस्सेव पच्चहि इन्द्रियेहि निस्सटता वुत्ताति आह “**रूपावचरचतुत्थज्ज्ञानचित्तेना**”ति । चतुत्थज्ज्ञानगहणं तस्सेव अरूपावचरस्स पदट्ठानभावतो । **परिसुद्धेनाति** विसेसतो असंकिलेसिकत्ताव । तज्हि विगतूपक्विकलेसताय विसेसतो परिसुद्धं । तेनाह “**निरुपक्विकलेसेना**”ति । **जानितब्बं नेय्यं**, सपरसन्तानेसु इदं अतिसयं जानितब्बतो बुज्झितब्बं बोधेतब्बं वाति अत्थो । **नेय्यन्ति** वा अत्तनो सन्ताने नेतब्बं पवत्तेतब्बन्ति अत्थो । तेनाह “**निब्बत्तेतुं सक्का होति । एत्थ ठितस्स हि सा इज्झती**”ति । **पाटियेक्कन्ति** विसुं विसुं, अनुपदधम्मवसेनाति अत्थो । **अभिनिवेसाभावतोति** विपस्सनाभिनिवेसस्स असम्भवतो । **कलापतो नयतोति** कलापसम्मसनसङ्घाततो नयविपस्सनतो । **भिक्खुनोति** सावकस्स । सावकस्सेव हि तत्र अनुपदधम्मविपस्सना न सम्भवति, न सत्थु । तेनाह “**तस्मा**”तिआदि । **विस्सज्जेसीति** तप्पटिबद्धछन्दरागप्पहानेन पजहति ।

**हत्थगतत्ताति** हत्थगतसदिसत्ता, आसन्नत्ताति अत्थो । यदा हि लोकनाथो बोधिमूले अपराजितपल्लङ्के निसिन्नो — “किच्छं वतायं लोको आपन्नो”तिआदिना (दी० नि० २.५७; सं० नि० २.४, १०) पटिच्चसमुप्पादमुखेन विपस्सनाभिनिवेसं कत्वा अधिगन्तब्बसब्बज्जुतज्जाणानुरूपं छत्तिसकोटिसहस्समुखेन महावजिराणं नाम महाबोधिसत्तसम्मसनं पवत्तेन्तो अनेकाकारसमापत्तिधम्मसम्मसने अनुपदमेव नेवसज्जानासज्जायतनधम्मोपि अपरापरं सम्मसि । तेनाह “**भगवा पना**”तिआदि । **परोपज्जासाति** द्वेपज्जासं । कामज्चेत्थ केचि धम्मा वेदनादयो फस्सपच्चमकादीसु वुत्तापि ज्ञानकोट्टासादीसुपि सङ्गहिता, तंतंपच्चयभावविसिद्धेन पन अत्थविसेसेन धम्मन्तरानि विय होन्तीति एवं वुत्तं । तथा हि लोकुत्तरचित्तुप्पादेसु नविन्द्रियता वुच्चति । **अङ्गुद्धारेनाति** तत्थ लब्धमानज्ञानङ्गबोज्झङ्गमगगङ्गानं उद्धरणेन । **अङ्ग-सद्दो** वा कोट्टासपरियायो, तस्मा **अङ्गुद्धारेनाति** फस्सपच्चमकादिकोट्टासानं समुद्धरणेन । **यावता सज्जासमापत्तियोति** यत्तका सज्जासहगता ज्ञानसमापत्तियो, ताहि वुट्ठाय अधिगन्धब्बत्ता तावतिका वेनेय्यानं **अज्जापटिवेथो** अरहत्तसमधिगमो ।

**दस्सनपरिणायकट्टेनाति** अन्धस्स यट्ठिकोटिं गहेत्वा मगगदेसको विय धम्मनं यथासभावदस्सनसङ्घातेन परिणायकभावेन । यथा वा सो तस्स चक्खुभूतो, एवं सत्तानं पज्जा । तेनाह “**चक्खुभूताय पज्जाया**”ति । समाधिसम्पयुत्ता पज्जा **समाधिपज्जा** । समाधि चेत्थ आरुप्पसमाधीति वदन्ति, सम्मसनपयोगो पन कोचि ज्ञानसमाधीति युत्तं । विपस्सनाभूता पज्जा **विपस्सनापज्जा** । समाधिपज्जाय अन्तोसमापत्तियं **किच्चतो पजानाति**, “समाहितो यथाभूतं पजानाती”ति पन वचनतो (सं० नि० ३.५; ४.९९-१००; ३.५.१०७१-१०७२; नेत्ति० ४०; मि० प० २.१.१४) **असम्मोहतो**

**पजानाति** । तत्थ **किच्चतो**ति गोचरज्झत्ते आरम्भणकरणकिच्चतो । **असम्मोहतो**ति सम्पयुत्तधम्मेषु सम्मोहविधमनतो यथा पीतिपटिसंवेदनादीसु । **किमत्थिया**ति किंपयोजनाति आह “**को एतिस्सा अत्थो**”ति । **अभिज्जेय्ये** **धम्मे**ति याथावसरसलक्खणावबोधवसेन अभिमुखं जेय्ये जानितब्बे खन्धायतनादिधम्मे । **अभिजानाती**ति सलक्खणतो सामञ्जलक्खणतो च अभिमुखं अविरज्जनवसेन जानाति । एतेन जातपरिज्जाब्यापारमाह । **परिज्जेय्ये**ति अनिच्चातिपि दुक्खातिपि अनत्तातिपि परिच्छिज्ज जानितब्बे । **परिजानाती**ति “यं किञ्चि रूपं...पे०... अनिच्चं खयट्ठेना”ति आदिना (पटि० म० १.४८) परिच्छिन्दित्वा जानाति । इमिना तीरणपरिज्जाब्यापारमाह । **पहातब्बे** **धम्मे**ति निच्चसज्जादिके याव अरहत्तमगगवज्झा सब्बे पापधम्मे । **पजहति** पकट्टतो जहति, विक्खम्भेति चेव समुच्छिन्दति चाति अत्थो । इमिना पहानपरिज्जाब्यापारमाह । सा पनेसा पज्जा लोकियापि तिप्पकारा लोकुत्तरापि, तासं विसेसं सयमेवाह । **किच्चतो**ति अभिजाननवसेन आरम्भणकिच्चतो । **असम्मोहतो**ति यथाबलं अभिज्जेय्यादीसु सम्मोहविधमनतो । निब्बानमारम्भणं कत्वा पवत्तनतो अभिज्जेय्यादीसु विगतसम्मोहतो एवाति आह “**लोकुत्तरा असम्मोहतो**”ति ।

४५२. कम्मस्सकता सम्मादिट्ठि च वट्ठनिस्सितत्ता इध नाधिप्पेता, विवट्ठकथा हेसाति वुत्तं “**विपस्सनासम्मादिट्ठिया च मग्गसम्मादिट्ठिया चा**”ति । **परतो घोसो**ति परतो सत्थुतो, सावकतो वा लब्भमानो धम्मघोसो । तेनाह “**सप्पायधम्मस्सवन**”न्ति । तज्झि सम्मादिट्ठिया पच्चयो भवितुं सक्कोति, न यो कोचि परतोघोसो । **उपायमनसिकारो**ति येन नामरूपपरिग्गहादि सिज्झति, तादिसो पथमनसिकारो । अयञ्च सम्मादिट्ठिया पच्चयोति नियमपक्खिको, न सब्बसंगाहकोति दस्सेन्तो “**पच्चेकबुद्धानं पना**”ति आदिमाह । **योनिमनसिकारस्मियेवा**ति अवधारणेन परतोघोसमेव निवत्तेति, न पदट्ठानविसेसं पटियोगीनिवत्तनत्थत्ता एव-सदस्स ।

**लब्धुपकारा**ति (अ० नि० टी० ३.५.२५) यथारहं निस्सयादिवसेन लब्धुपच्चया । विपस्सनासम्मादिट्ठिया अनुगहितभावेन गहितत्ता मग्गसम्मादिट्ठिसु च **अरहत्तमग्गसम्मादिट्ठि**, अनन्तरस्स हि विधि, पटिसेधो वा । अग्गफलसमाधिम्हि तप्परिक्खारधम्मेषुयेव च केवलो चेतोपरियायो निरुद्धोति **सम्मादिट्ठीति अरहत्तमग्गसम्मादिट्ठि** । **फलक्खणे**ति अनन्तरे कालन्तरे चाति दुविधे फलक्खणे । पटिप्पस्सद्विवसेन सब्बसंकिलेसेहि चेतो विमुच्चति एतायाति **चेतोविमुत्ति**, अग्गफलपज्जं ठपेत्वा अवसेसा फलधम्मा । तेनाह “**चेतोविमुत्ति फलं अस्साति । चेतोविमुत्तिसङ्घातं फलं आनिसंसो**”ति, सब्बसंकिलेसेहि चेतसो विमुच्चनसङ्घातं पटिप्पस्सम्भनसज्जितं पहानं फलं आनिसंसो चाति योजना । इध च चेतोविमुत्ति-सद्देन पहानमत्तं गहितं, पुब्बे पहायकधम्मा, अज्जथा फलधम्मा एव आनिसंसोति गहमाने पुनवचनं निरत्थकं सिया ।

**पज्जाविमुत्तिफलानिसंसा**ति एत्थापि एवमेव अत्थो वेदितब्बो । सम्मावाचाकम्मन्ताजीवा सीलसभावत्ता विसेसतो समाधिस्स उपकारा, तथा सम्मासङ्कप्पो ज्ञानसभावत्ता । तथा हि सो “अप्पना”ति निदिट्ठो । सम्मासतिसम्मावायामा पन समाधिपक्खिया एवाति आह “**अवसेसा धम्मा चेतोविमुत्तीति वेदितब्बा**”ति । **चतुपारिसुद्धिसीलन्ति** अरियमग्गाधिगमस्स पदट्ठानभूतं चतुपारिसुद्धिसीलं । **सुतादीसुपि** एसेव नयो । अत्तनो चित्तप्पवत्तिआरोचनवसेन सह कथनं संकथा, संकथाव **साकच्छा** । इध पन कम्मट्ठानपटिबद्धाति आह “**कम्मट्ठाने...पे०... कथा**”ति । तत्थ कम्मट्ठानस्स एकवारं वीथिया अप्पटिपज्जनं खलनं, अनेकवारं पक्खलनं, तदुभयस्स विच्छेदनीकथा **खलनपक्खलनछेदनकथा** । **पूरेन्तस्सा**ति विवट्ठनिस्सितं कत्वा पालेन्तस्स ब्रूहेन्तस्स च । **सुणन्तस्सा**ति “यथाउग्गहितकम्मट्ठानं फाति गमिस्सती”ति एवं सुणन्तस्स । तेनेव हि “**सप्पायधम्मस्सवन**”न्ति वुत्तं । **कम्मं करोन्तस्सा**ति भावनानुयोगकम्मं करोन्तस्स ।

पञ्चसुपि ठानेसु अन्त-सद्वो हेतुअत्थजोतनो दट्ठब्बो । एवञ्चि “यथा ही”तिआदिना वुच्चमाना अम्बुपमा च युज्जेय्य । उदककोट्टकन्ति आलवालं । थिरं कत्वा बन्धतीति असिथिलं दळ्हं नातिमहन्तं नातिखुद्दकं कत्वा योजेति । थिरं करोतीति उदकसिञ्चनकाले ततो ततो विस्सरित्वा उदकस्स अनिक्खमनत्थं आलवालं थिरतरं करोति । सुक्खदण्डकोति तस्सेव अम्बगच्छकस्स सुक्खो साखासीसको । किपिल्लिकपुटोति तम्बकिपिल्लिककुटजं । खणित्तिन्ति कुदालं । कोट्टकबन्धनं विय सीलं सम्मादिट्ठिया वट्ठनुपायस्स मूलभावतो । उदकसिञ्चनं विय धम्मस्सवनं भावनाय परिबूहनतो । मरियादाय थिरभावकरणं विय समथो यथावुत्तभावनाधिट्ठानाय सीलमरियादाय दळ्हभावापादनतो । समाहितस्स हि सीलं थिरतरं होति । समीपे वल्लिआदीनं हरणं विय कम्मट्टाने खलनपक्खलनच्छेदनं इज्झितब्बभावनाय विबन्धापनयनतो । मूलखणनं विय सत्तन्नं अनुपस्सनानं भावना तस्सा विबन्धस्स मूलकानं तण्हामानदिट्ठिनं पलिखणनतो । एत्थ च यस्मा सुपरिसुद्धसीलस्स कम्मट्टानं अनुयुज्जन्तस्स सप्पायधम्मस्सवनं इच्छितब्बं, ततो यथासुते अत्थे साकच्छासमापज्जनं, ततो कम्मट्टानविसोधनेन समथनिष्फत्ति, ततो समाहितस्स आरद्धविपस्सकस्स विपस्सनापारिपूरि । परिपुण्णविपस्सनो मग्गसम्मादिट्ठिं परिबूहेतीति एवमेतेसं अङ्गानं परम्पराय सम्मुखा च अनुगणहनतो अयमानुपुब्बी कथिताति वेदितब्बं ।

४५३. इध किं पुच्छतीति इध एवं अरहत्तफलं पापिताय देसनाय “कति पनावुसो, भवा”ति भवं पुच्छन्तो कीदिसं अनुसन्धिं उपादाय पुच्छतीति अत्थो । तेनेव हि “मूलमेव गतो अनुसन्धी”ति वत्वा अधिप्पायं पकासेन्तो “दुप्पज्जो”तिआदिमाह । दुप्पज्जोति हि इध अप्पटिविद्धसच्चो अधिप्पेतो, न जळो एव । कामभवोतिआदीसु कम्मोपपत्तिभेदतो दुविधोपि भवो अधिप्पेतोति दस्सेन्तो “कामभवूपगं कम्म”न्तिआदिमाह । तत्थ यं वत्तब्बं, तं विसुद्धिमग्गे तंसंवण्णनायं (विसुद्धिं २.६४७; विसुद्धिं महाटी २.६४६-६४७) वुत्तनयेन वेदितब्बं । पुनब्भवस्साति पुनप्पुनं अपरापरं भवनतो जायनतो पुनब्भवोति लद्धनामस्स वट्ठपबन्धस्स । तेनाह “इध वट्ठं पुच्छिस्सामी”ति । अभिनिब्बत्तीति भवयोनिगतिआदिवसेन निब्बत्ति । तहिं तहिं तस्मिं तस्मिं भवादिके । अभिनन्दनाति तण्हाअभिनन्दनहेतु । गमनागमनं होतीतिआदिना भवादीसु सत्तानं अपरापरं चुतिपटिसन्धियो दस्सेति । खयनिरोधेनाति अच्चन्तखयसङ्घातेन अनुप्पादनरोधेन । उभयमेतं न वत्तब्बं पहानाभिसमयभावनाभिसमयानं अच्चासन्नकालत्ता । वत्तब्बं तं हेतुफलधम्मूपचारवसेन । यथा हि पदीपुज्जलनहेतुको अन्धकारविगमो, एवं विज्जुप्पादहेतुको अविज्जानिरोधो, हेतुफलधम्मा च समानकालापि पुब्बापरकाला विय वोहरीयन्ति यथा — “चक्खुज्ज पटिच्च रूपे च उपपज्जति चक्खुविज्जाण”न्ति (मं नि १.२०४, ४००; मं नि ३.४२०, ४२५, ४२६; सं नि २.४३-४५; २.४.६०; कथा ४६५, ४६७) पच्चयपच्चयुप्पन्नकिरिया । गमनं उपच्छिज्जति इध कामभवे परिनिब्बानेन । आगमनं उपच्छिज्जति तत्थ रूपारूपेसु परिनिब्बानेन । गमनागमनं उपच्छिज्जति सब्बसो अपरापरुप्पत्तिया अभावतो ।

४५४. विवट्ठकथाय परतो जोतितं पठमं ज्ञानं विवट्ठं पत्वा ठितस्स उक्कट्टनिद्वेसेन उभतोभागविमुत्तस्स निरोधसाधकं विभावितुं युत्तन्ति आह “कतमं पनावुसोति इध किं पुच्छती”तिआदि । तथा हि अनन्तरं निरोधसमापज्जनकेन भिक्खुना जानितब्बानि पठमस्स ज्ञानस्स सम्पयोगपहानङ्गानि पुच्छितानि । अङ्गववत्थानन्ति ज्ञानङ्गववत्थानं । कोट्टासपरिच्छेदोति तत्थ लब्धमानफस्सपञ्चमकादिधम्मकोट्टासपरिच्छेदो जानितब्बो । इमस्मिं ज्ञाने एत्तका धम्मा संविज्जन्ति, एत्तका निरोधिताति जानितब्बं । उपकारानुपकारानि अङ्गानीति निरोधसमापत्तिया उपकारानि च अनुपकारानि च अङ्गानि । निरोधसमापत्तिया हि सोळसहि जाणचरियाहि नवहि समाधिचरियाहि च पत्तब्बत्ता तंतंजाणस्स समाधिचरियाहि समतिक्कमितब्बा धम्मा अनुपकारकङ्गानि, समतिक्कमका उपकारकङ्गानि । तेसज्हि वसेन यथानुपुब्बं उपसन्तुपसन्तओळारिकभावाय भवग्गसमापत्तिया सङ्घारावसेससुखुमतं पत्ता चित्तचेतसिका यथापरिच्छिन्नं

कालं निरुज्झन्ति, अप्पवत्तिं गच्छन्ति । तस्माति निरोधस्स । अनन्तरपच्चयन्ति अनन्तरपच्चयसदिसं । न हि निरोधस्स कोचि धम्मो अनन्तरपच्चयो नाम अत्थि । यज्झि तदा चित्तचेतसिकानं तथा निरुज्झनं, तं यथावुत्तपुब्बाभिसङ्खारहेतुकाय नेवसज्जानासज्जायतनसमापत्तिया अहोसीति सा तस्स अनन्तरपच्चयो विय होतीति तं वुत्तं । छ **समापत्तियो**ति सुत्तन्तनयेन वुत्तसुत्तन्तपिटकसंवण्णनाति कत्वा । “सत्त समापत्तियो”ति पन वत्तब्बं, अज्जथा इदं “चतुरङ्गिक”न्ति न वत्तब्बं सिया । नयं वा दस्सेत्वाति आदिअन्तदस्सनवसेन नयदस्सनं कत्वा ।

४५५. एवं निरोधस्स पादकं विभावेत्वा इदानी अन्तोनिरोधे अनुपबन्धभावतो पच्चन्नं पसादानं पच्चयपुच्छने पठमं ताव ते सरूपतो आवेणिकतो आवेणिकविसयतो पटिस्सरणतो च पुच्छनवसेन पाळि पवत्ताति दस्सेन्तो “**विज्जाणनिस्सये पच्च पसादे पुच्छन्तो**”ति आह । **गोचरविसयन्ति** एत्थ कामं तब्बहुलचारितापेक्खं गोचरग्गहणं, अनज्जत्थभावापेक्खं विसयग्गहणन्ति अत्थेव गोचरविसयभावानं विसेसो, विवरियमानं पन उभयम्पि आरम्मणसभावमेवाति आह “**गोचरभूतं विसयं**”न्ति । **एकेकस्साति** एको एकस्स, अज्जो अज्जस्साति अत्थो । अज्जत्थो हि अयं **एक**-सद्दो “इत्थेके अभिवदन्ती”तिआदीसु (म० नि० ३.२७) विय । **सचे** हीतिआदि अभूतपरिकप्पनवचनमेतं । तत्थ **समोधानेत्वाति** एकज्झं कत्वा । **विनापि मुखेनाति**आदिना अत्थसल्लापिकनिदस्सनं नाम दस्सेति । यथा विज्जाणाधिद्वितमेव चक्खु रूपं पस्सति, न केवलं, एवं चक्खुनिस्सयमेव विज्जाणं तं पस्सति, न इतरन्ति आह “**चक्खुपसादे उपनेही**”ति । तेन तेसं तत्थ संहच्चकारितं दस्सेति । **यदि वा नीलं यदि वा पीतकन्ति** इदं नीलपीतादिसभावजाननमत्तं सन्धायाह । **नीलं पीतकन्ति** पजाननं चक्खुविज्जाणस्स नत्थेव अविकप्पकभावतो । **एतेसं** चक्खुविज्जाणादीनं । निस्सयसीसेन निस्सितपुच्छा हेसा, एवज्झि विसयानुभवनचोदना समत्थिता होति । तेनाह “**चक्खुविज्जाणं ही**”तिआदि । यथासकं विसयं रज्जनादिवसेन अनुभवितुं असमत्थानि चक्खुविज्जाणादीनि, तत्थ समत्थतायेव च नत्थि, न किज्चि अत्थतो पटिसरन्तानि विय होन्तीति वुत्तं “**किं एतानि पटिसरन्ती**”ति । **जवनमनो पटिसरणन्ति** पच्चद्वारिकं इतरज्ज साधारणतो वत्वा पुन यायंस्स रज्जनादिपवत्तिया पटिसरणता, सा सविसेसा यत्थ लब्धति, तं दस्सेन्तो “**मनोद्वारिकजवनमनो वा**”ति आह । **एतस्मिं पन** द्वारेति चक्खुद्वारे जवनं रज्जति वा दुस्सति वा मुहति वा, यतो तत्थ अज्जाणादिअसंवरो पवत्तति ।

तत्राति तस्मिं जवनमनस्सेव पटिसरणभावे । **दुब्बलभोजकाति** हीनसामत्थिया राजभोग्गा । सेवकानं गणनाय योजितदिवसे लब्धमानकहापणो **युत्तिकहापणो** । अन्दुबन्धनेन बद्धस्स विस्सज्जनेन लब्धमानकहापणो **बन्धकहापणो** । किज्चि पहरन्ते मा पहरन्तूति पटिक्खिपतो दातब्बदण्डो **मापहारकहापणो** । सो सब्बोपि परित्तकेसु गामिकमनुस्सेसु तथा लब्धमानो एत्तको होतीति आह “**अट्टकहापणो वा**”तिआदि । **सतवत्थुकन्ति** सतकरीसवत्थुकं । एस नयो सेसपदद्वयेपि । तत्थातिआदि उपमासंसन्धनं, तं सुविज्जेय्यमेव ।

४५६. **अन्तोनिरोधस्मिं पच्च पसादेति** निरोधसमापन्नस्स पवत्तमाने पच्च पसादे । **किरियमयपवत्तस्मिन्ति** जवनादिकिरियानिब्वत्तकधम्मप्पवत्तियं । **बलवपच्चया** होन्तीति पच्छाजातविप्पयुत्तअत्थिअविगतपच्चयेहि पच्चया होन्ति, उपत्थम्भकभावेन बलवपच्चया होन्ति । **जीवितिन्द्रियं पटिच्चाति** इन्द्रियअत्थिअविगतपच्चयवसेन पच्चयभूतं जीवितिन्द्रियं पटिच्च पच्चविधोपि पसादो तिद्वति । **जीवितिन्द्रियेन विना न तिद्वति** जीवितिन्द्रियरहितस्स कम्मसमुद्धानरूपकलापस्स अभावतो । **तस्माति** यस्मा अनुपालनलक्खणेन जीवितेन अनुपालिता एव उस्मा पवत्तति, न तेन अननुपालिता, तस्मा उस्मा आयुं पटिच्च तिद्वति । **जालसिखं पटिच्च आभा पज्जायतीति** जालसिखासङ्घातभूतसङ्घातं सहेव पवत्तमानं निस्साय “आभा”ति लद्धनामा वण्णधातु “उज्जलति, अन्धकारं विधमति,

रूपगतानि च विदंसेतीति आदीहि पकारेहि जायति । तं आलोकं पटिच्चाति तं वृत्तप्पकारं आलोकं पच्चयं लभित्वा । जालसिखा पज्जायतीति “अप्पिका, महती, उज्जु, कुटिला”ति आदिना पाकटा होति ।

जालसिखा विय कम्मजतेजो निस्सयभावतो । आलोको विय जीवितिन्द्रियं तन्निस्सितभावतो । इदानीं उपमोपमितब्बानं सम्बन्धं दस्सेतुं “जालसिखा ही”ति आदि वृत्तं । आलोकं गहेत्वाव उप्पज्जतीति इमिना यथा जालसिखाय सहेव आलोको उप्पज्जति, एवं कम्मजुस्मना सहेव जीवितिन्द्रियं उप्पज्जतीति दस्सेति । जालसिखासन्निस्सयो तस्सा सतियेव होन्तो आलोको तां उप्पादितो विय होतीति आह “अत्तना जनितआलोकेनेवा”ति । उस्मा नामेत्य कम्मसमुद्धानां तेजोधातु तन्निस्सितज्य जीवितिन्द्रियं तदनुपालकज्जाति आह “कम्मजमहाभूतसम्भवेन जीवितिन्द्रियेन उस्माय अनुपालन”न्ति । न केवलं खण्डितिया एव, अथ खो पबन्धानुपच्छेदस्सपि जीवितिन्द्रियं कारणन्ति आह “वस्ससतप्पि कम्मजतेजपवत्तं पालेती”ति । उस्मा आयुनो पच्चयो होन्तो सेसभूतसहितो एव होतीति आह “महाभूतानी”ति । तथा आयुपि सहजातरूपं पालेन्तमेव उस्माय पच्चयो होतीति वृत्तं “महाभूतानि पालेती”ति ।

४५७. आयु एव इन्द्रियपच्चयादिवसेन सहजातधम्मानं अनुपालनवसेन सङ्खरगतो आयुसङ्खारो । बहुवचननिद्देशो पन अनेकसतसहस्सभेदेसु रूपकलापेसु पवत्तिया अनेकभेदन्ति कत्वा । आरम्भणरसं अनुभवन्तीति वेदनिया यथा “निय्यानिका”ति । तेनाह “वेदना धम्मावा”ति । सुखादिभेदभिन्नत्ता बहुवचननिद्देशो । इमेसं आयुसङ्खारवेदनानं एकन्तनिरोधं समापन्नस्स मरणेन भवितव्यं वेदनाय निरुद्धत्ता । आयुसङ्खारानं तथा अनिरुद्धत्ता निरोधस्स समापज्जनमेव न सिया, कुतो वुद्धानं । तेन वृत्तं पाळियं “ते च हावुसो”ति आदि । वुद्धानं पज्जायति सज्जावेदनादीनं उप्पत्तिया । इदानीं तमत्थं वित्थारतो उपमाय विभावेतुं “यो ही”ति आदि वृत्तं । उक्कण्ठित्वाति नानारम्भणापाततो निब्बिन्दित्वा । यथापरिच्छिन्नकालवसेनाति यथापरिच्छिन्ने काले सम्पत्ते । रूपजीवितिन्द्रियपच्चयाति इन्द्रियपच्चयभूता । जालापवत्तं विय अरूपधम्मा तेजुस्सदभावतो विसयोभासनतो च । उदकप्पहारो विय निरोधसमापत्तिया पुब्बाभिसङ्खारो । पिहितअङ्गारा विय रूपजीवितिन्द्रियं उस्मामत्तताय अनोभासनतो । यथापरिच्छिन्नकालागमनन्ति यथापरिच्छिन्नकालस्स उपगमनं । अनुरूपपत्तिवसेनेव रूपपवत्तिगहणं । इमं रूपकायं जहन्तीति इमस्मा रूपकाया कळेवरा विगच्छन्ति नप्पवत्तन्ति ।

कायेन सङ्खरीयन्तीति कायसङ्खारा तप्पटिबद्धवृत्तिताय । वाचं सङ्खरोन्तीति वचीसङ्खारा । वितक्केत्वा विचारेत्वा हि वाचं भिन्दति कथेति । चित्तेन सङ्खरीयन्तीति चित्तसङ्खारा तप्पटिबद्धवृत्तिता । चित्तसङ्खारनिरोधचोदनाय रूपनिरोधो विय चित्तनिरोधो अचोदितो तेसं ततो अज्जत्ताति न चित्तसम्पयुत्तनिरोधो एकन्तिको वितक्कादिनिरोधे तदभावतो । यं पन वृत्तं “वाचा अनिरुद्धा होती”ति, तम्पि न । वाचं सङ्खरोन्तीति हि वचीसङ्खारा, तेसु निरुद्धेसु कथं वाचाय अनिरोधो । चित्तं पन निरुद्धेसुपि चित्तसङ्खारेसु तेहि अनभिसङ्खतत्ता वितक्कादिनिरोधो विय पवत्तितयेवाति अयमेत्थ परस्स अधिप्पायो । आनन्तरियकम्मं कतं भवेत्थ, चित्तस्स अनिरुद्धत्ता तं निस्साय च रूपधम्मानं अनपगतत्ता ते जीवन्ति एव नामाति । व्यज्जने अभिनिवेसं अकत्वाति “चित्तसङ्खारा निरुद्धा”ति वचनतो तेव निरुद्धा, न चित्तन्ति एवं नेय्यत्थं सुत्तं “नीतत्थ”न्ति अभिनिवेसं अकत्वा । आचरियानं नये ठत्वाति परम्परागतानं आचरियानं अधिप्पाये ठत्वाति अत्थो । उपपरिक्खितब्बोति सुत्तन्तरागमतो सुत्तन्तरपदस्स अविपरीतो अत्थो वीमंसितब्बो । यथा हि “असज्जभवो”ति वचनतो “सज्जाव तत्थ नत्थि, इतरे पन चित्तचेतसिका सन्ती”ति अयमेत्थ अत्थो न गह्ति । यथा च “नेवसज्जानासज्जायतन”न्ति वचनतो “सज्जाव तत्थ तादिसी, न फस्सादयो”ति अयमेत्थ अत्थो न गह्ति सज्जासीसेन



देसनाति कत्वा, एवमिधापि “चित्तसङ्खारा निरुद्धा”ति, “सञ्जावेदयितनिरोधो”ति च देसनासीसमेव । सब्बेपि पन चित्तचेतसिका तत्थ निरुज्झन्तेवाति अयमेत्थ अविपरीतो अत्थो वेदितब्बो, तथापुब्बाभिसङ्खारेन सब्बेसंयेव चित्तचेतसिकानं तत्थ निरुज्झनतो । एतेन यं पुब्बे “अज्जत्ता, तदभावतो”ति च युत्तिवचनं, तदयुत्तं अधिप्पायानवबोधतोति दस्सितं होति । तेनाह “अत्थो हि पटिसरणं, न व्यज्जन”न्ति ।

**उपहतानीति** बाधितानि । **मक्खितानीति** धंसितानि । आरम्भणघट्टनाय इन्द्रियानं किलमथो चक्खुना भासुरूपसुखुमरजदस्सनेन विभावेतब्बो । तथा हि उण्हकाले पुरतो अग्गिम्हि जलन्ते खरस्सरे च पणवे आकोटिते अक्खीनि भेदानि विय न सहन्ति सोतानि “सिखरेन विय अभिहज्जन्ती”ति वत्तारो होन्ति ।

**४५८.** रूपावचरचतुत्थज्झानमेव रूपविरागभावनावसेन पवत्तं अरूपज्झानन्ति नेवसज्जानासज्जायतनं विस्सज्जेन्तो धम्मसेनापति “सुखस्स च पहाना”ति आदिना विस्सज्जेसि । अपगमनेन विगमेन पच्चया **अपगमनपच्चया** सुखादिप्पहानानि । **अधिगमपच्चया** पन कसिणेषु रूपावचरचतुत्थज्झानं हेट्ठिमा तयो च आरुप्पा । न हि सक्का तानि अनधिगन्त्वा नेवसज्जानासज्जायतनमधिगन्तुं । **निरोधतो वुट्ठानकफलसमापत्ति**न्ति निरोधतो वुट्ठानभूतं अनिच्चानुपस्सनासमुदागतफलसमापत्तिं । सा हि “अनिमिक्ता चेतोविमुत्ती”ति वुच्चति । यथा समथनिस्सन्दो अभिज्जा, मेत्ताकरुणामुदिताब्रह्मविहारनिस्सन्दो उपेक्खाब्रह्मविहारो, कसिणनिस्सन्दो आरुप्पा, समथविपस्सनानिस्सन्दो निरोधसमापत्ति, एवं विपस्सनाय निस्सन्दफलभूतं सामज्जफलन्ति आह “**विपस्सनानिस्सन्दाय फलसमापत्तिया**”ति । आरम्भणा नाम सारम्भणधम्मनं विसेसतो उप्पत्तिनिमित्तन्ति आह “**सब्बनिमित्तानन्ति रूपादीनं सब्बारम्भणान**”न्ति । नत्थि एत्थ किञ्चि सङ्खारनिमित्तन्ति **अनिमिक्ता**, असङ्कता धातूति आह “**सब्बनिमित्तापगताय निब्बानधातुया**”ति । **फलसमापत्तिसहजातं मनसिकारं सन्धायाह**, न आवज्जनमनसिकारं । न हेत्थ तस्स सम्भवो अनुलोमानन्तरं उप्पज्जनतो ।

**इमस्मिं ठानेति** इध वुत्तनिरोधस्स आदिमज्झपरियोसानानं गहितानं इमस्मिं परियोसानस्स गहितट्ठाने । **द्वीहि बलेहीति** समथविपस्सनाबलेहि । **तयो च सङ्खारानन्ति** कायसङ्खारादीनं तिण्णं सङ्खारानं । **सोळसहि जाणचरियाहीति** अनिच्चानुपस्सना, दुक्खा, अनत्ता, निब्बिदा, विरागा, निरोधा, पटिनिस्सग्गा, विवट्ठानुपस्सना, सोतापत्तिमग्गो...पे... अरहत्तफलसमापत्तीति इमाहि सोळसहि जाणचरियाहि । **नवहि समाधिचरियाहीति** पठमज्झानसमाधिआदीहि नवहि समाधिचरियाहि । यो यथावुत्तासु चरियासु पुगलस्स वसीभावो, सा **वसीभावतापज्जा** । अस्सा सा कथिताति योजना । **विनिच्छयकथाति** विनिच्छयवसेन पवत्ता **अट्ठकथा** कथिता । तस्मा **विसुद्धिमग्गे** (विसुद्धि० २.८६८-८६९) **तंसंवण्णनायज्ज** (विसुद्धि० महाटी० २.८६८) वुत्तनयेन वेदितब्बा ।

**वलज्जनसमापत्ति** अरियविहारवसेन विहरणसमापत्ति । **ठितियाति** एत्थ पबन्धट्ठिति अधिप्पेता, न खणट्ठिति । कस्मा? समापज्जनत्ता । तेनाह “**ठितियाति चिरट्ठितत्थ**”न्ति । **अब्धानपरिच्छेदोति** एत्तकं कालं समापत्तिया वीतिनामेस्सामीति पगेव कालपरिच्छेदो । **रूपादिनिमित्तवसेनाति** कम्मकम्मनिमित्तगतिनिमित्तेसु यथारहं लब्भमानरूपादिनिमित्तवसेन । तत्थ यस्मा कम्मनिमित्ते छब्बिधम्मि आरम्भणं लब्भति, तस्मा “**सब्बनिमित्तान**”न्ति वुत्तं, न सब्बेसं आरम्भणानं एकज्झं, एकन्ततो वा मनसिकातब्बतो । लक्खणवचनज्हेतं यथा “**दातब्बमेतं भेसज्जं, यदि मे ब्याधिता सियु**”न्ति ।

**४५९. नीलम्पि सज्जानातीति** आदिना नीलादिग्गहणमुखेन तंवण्णानं सत्तानं सज्जाननं अवेरादिभावमनसिकरणं

जोतितन्ति आह “एतस्मिञ्छि ठाने अप्पमाणा चेतोविमुत्ति कथिता”ति । एत्थ आकिञ्चज्जं कथितन्ति सम्बन्धो । “एत्थ सुञ्जता”ति, “एत्थ अनिमित्ता”ति एत्थापि एसेव नयो । न्ति “इध अज्जं अभिनवं नाम नत्थी”ति आदिना वुत्तं अत्थवचनं । एताति अप्पमाणचेतोविमुत्ति आदयो । एकनामकाति एकेकनामका, ये नानाव्यञ्जनाति अधिप्पेता । एको धम्मोति अरहत्तफलसमापत्ति । चतुनामकोति अप्पमाणचेतोविमुत्ति आदिनामको । एतन्ति एतमत्थं । अप्पमाणाति अनोधिसो, ओधिसोपि वा “एत्तका”ति अपरिमिता । असेसेत्वाति असुभसमापत्ति विय एकस्सेव अगगहणतो ।

किञ्चापि असुभनिमित्तारम्मणम्पि किञ्चनं होति, आरम्मणसङ्घट्टनस्स किञ्चनस्स असुभसमापत्तीनम्पि पटिभागनिमित्तसङ्घातं आरम्मणं सबिम्बं विय विग्गहं किञ्चनं हुत्वा उपट्ठाति, न तथा इमस्साति । ननु ब्रह्मविहारपठमारुप्पानम्पि पटिभागनिमित्तभूतं किञ्चि आरम्मणं नत्थीति? सच्चं नत्थि, अयं पन पठमारुप्पविज्जाणं विय न पटिभागनिमित्तभूतारम्मणताय एवं वुत्ता । अत्तेनाति अत्तना । भवति एतेन अत्ताति अभिधानं बुद्धि चाति भावो, अत्ता । भाव-सद्दोपि अत्तपरियायोति आह “भावपोसपुग्गलादिसङ्घातेना”ति । नेसं अप्पमाणसमाधिआदीनं चतुन्नं । “नानता पाकटावा”ति वुत्तं नानत्तं भूमितो आरम्मणतो च दस्सेतुं “अत्थो पना”ति आदि वुत्तं । परित्तादिभावेन अतीतादिभावेन अज्झत्तादिभावेन च न वत्तब्बं आरम्मणं एतिस्साति नवत्तब्बारम्मणा निब्बानारम्मणफलसमापत्तिभावतो ।

एत्तकोति रागादीहि संकिलिडुताय एत्तकप्पमाणो, उत्तानो परित्तचेतसोति अत्थो । निब्बानम्पि अप्पमाणमेव पमाणकरणानं अभावेनाति आनेत्वा सम्बन्धो । अकुप्पाति अरहत्तफलचेतोविमुत्ति पटिपक्खेहि अकोपनीयताय । किञ्चतीति कत्तरि पठितो धातु मद्दनत्थोति आह “किञ्चति मद्दती”ति । तस्स पयोगं दस्सेतुं “मनुस्सा किरा”ति आदि वुत्तं ।

समूहादिघनवसेन सकिच्चपरिच्छेदताय च सविग्गहा विय उपट्ठिता सङ्घारा निच्चादिग्गाहस्स वत्थुताय “निच्चनिमित्तं सुखादिनिमित्तं”न्ति च वुच्चति । विपस्सना पन तत्थ घनविनिब्भोगं करोन्ती निच्चादिग्गाहं विधमेन्ती “निमित्तं समुग्धातेती”ति वुत्ता घननिमित्तस्स आरम्मणभूतस्स अभावा । न गहिताति एकत्थपदनिद्देसे पाळियं कस्मा न गहिता? साति सुञ्जता चेतोविमुत्ति । सब्बत्थाति अप्पमाणाचेतोविमुत्ति आदिनिद्देसेसु । आरम्मणवसेनाति आरम्मणवसेनपि एकत्था, न केवलं सभावसरसतोव । इमिना परियायेनाति अप्पमाणतोति आदिना आरम्मणतो लद्धपरियायेन । अज्जस्मिं पन ठानेति आकिञ्चज्जादिसद्दपवत्तिहेतुतो अज्जेन हेतुना अप्पमाणातिसद्दप्पवत्तियं एतस्स चेतोविमुत्तिया होन्ति । एस नयो सेसेसुपि । इमिना परियायेनाति इमिना ताय ताय समज्जाय वोहरितब्बतापरियायेन । सच्चानं दस्सनमुखेन वट्टवसेन उट्ठितदेसनं अरहत्तेन कूटं गणहन्तो यथानुसन्धिनाव देसनं निट्टपेसि । यं पनेत्थ अत्थतो अविभत्तं, तं सुविज्जेय्यमेव ।

महावेदल्लसुत्तवण्णनाय लीनत्थप्पकासना समत्ता ।

#### ४. चूळवेदल्लसुत्तवण्णना

४६०. अयं देसना यस्मा पुच्छाविस्सज्जनवसेन पवत्ता, तस्मा पुच्छकविस्सज्जके पुच्छानिमित्तज्ज समुदायतो विभावेतुं “को पनाय”न्ति आदि वुत्तं । उपासकत्तन्ति अमग्गागतं उपासकत्तं । तेसन्ति एकादसनहुतानं । मग्गागतेन उपसमेन सन्तिन्द्रियो सन्तमानसो ।

“किं नु खो अज्ज भविस्सति अय्यपुत्तो”ति वीथिं ओलोकयमाना। ओलम्बनत्थन्ति तस्स हत्थावलम्बनत्थं पुब्बाचिण्णवसेन अत्तनो हत्थं पसारेसि। बहिद्वाति अत्तना अज्जं विसभागवत्थुं सन्धाय वदति। परिभेदकेनाति पेसुज्जवादिना।

अधिगमपिच्छताय “न पकासेतब्बो”ति चिन्तेसि। पुन तं अनुकम्पन्तो “सचे खो पनाह”न्तिआदिं चिन्तेसि। एसो धम्मोति एसो लोकुत्तरधम्मो। विवट्टं उद्दिस्स उपचितं निब्बेधभागियं कुसलं उपनिस्सयो। “यदि मे उपनिस्सयो अत्थि, सक्का एतं पटिलब्धुं। सचेपि नत्थि, आयतिं उपनिस्सयो भविस्सती”ति चिरकालपरिभाविताय घटे पदीपजाला विय अब्भन्तरे दिप्पमानाय हेतुसम्पत्तिया चोदियमाना आह “एवं सन्ते मय्हं पब्बज्जं अनुजानाथा”ति।

लाभसक्कारो उप्पज्जि सुचिरकालं कतूपचितपुज्जताय। अभिनीहारसम्पन्नत्ताति सुजातत्थेरस्स पदुमुत्तरस्स भगवतो अग्गसावकस्स निपच्चकारं कत्वा — “तुम्हेहि दिट्ठधम्मस्स भागी अस्स”न्ति निब्बेधभागियं दानं दत्वा कतपत्थनासङ्घातसम्पन्नाभिनीहारत्ता। नातिचिरं किलमित्थाति कम्मट्ठानं भावेन्ती विपस्सनाय परिपाकवसेन चिरं न किलमित्थ। वुत्तमेवत्थं विवरितुं “इतो पट्टाया”तिआदि वुत्तं। दुतियगमनेनाति पब्बाजनत्थं गमनतो दुतियगमनेन।

उपनेत्वाति पज्हस्स अत्थभावेन उपनेत्वा। सक्कायन्ति सकायं। उपनिक्खित्तं किञ्चि वत्थुं सम्पटिच्छमाना, विय सम्पटिच्छन्ती विय। एको एव पासो एतिस्साति एकपासका, गण्ठि। सा हि सुमोचिया, अनेकपासा पन दुम्मोचिया, एकपासगहणं विस्सज्जनस्स सुकरभावदस्सनत्थं। पटिसम्भिदाविसये ठत्वाति एतेन थेरिया पभिन्नपटिसम्भिदतं दस्सेति। पच्चयभूताति आरम्मणादिवसेन पच्चयभूता।

थेरिया विसेसाधिगमस्स अत्तनो अविसयताय विसाखो “न सक्का”तिआदिना चिन्तेसीति दट्ठब्बं। सच्चविनिब्भोगपज्हव्याकरणेनाति सच्चपरियापन्नस्स धम्मस्स दस्सनतो अज्जानज्जत्थनिद्धारणभेदनासङ्घातस्स विनिब्भोगपज्हस्स विस्सज्जनेन। द्वे सच्चानीति दुक्खसमुदयसच्चानि। पटिनिवत्तेत्वाति परिवत्तेत्वा। गण्ठिपज्हन्ति दुब्बिनिब्बेधताय गण्ठिभूतं पज्हं।

न तंयेव उपादानं ते पज्जुपादानक्खन्धेह एकदेसस्स समुदायताभावतो, समुदायस्स च एकदेसताभावतो। नापि अज्जत्र पज्जहि उपादानक्खन्धेहि उपादानं तस्स तदेकदेसभावतो। न हि एकदेसो समुदायविनिमुत्तो होति। यदि हि तज्जेवातिआदिना उभयपक्खेपि दोसं दस्सेति। रूपादिसभावम्पीति रूपवेदनासज्जाविज्जाणसभावम्पि, फस्सचेतनादिसभावम्पि उपादानं सिया। अज्जत्र सियाति पज्जहि उपादानक्खन्धेहि विसुंयेव उपादानं यदि सिया। परसमयेति निकायवादे। चित्तविप्पयुत्तो अनुसयोति निदस्सनमत्तमेतं निकायवादे चित्तसभावाभावविज्जाणादीनम्पि चित्तविप्पयुत्तभावपटिजाननतो। एवं व्याकासीति “न खो, आवुसो”तिआदिना खन्धगतछन्दरागभावेन व्याकासि। अत्थधम्मनिच्छयसम्भवतो असम्बन्धेन। तेसु कत्थचिपि असम्मुह्नतो अवित्थायन्तेन। पुच्छाविसये मोहन्धकारविगमनेन पदीपसहस्सं जालेन्तेन विय। सउपादानुपादानट्ठानं अनुत्तानताय पचुरजनस्स गूळ्हो। अग्गहितसङ्केतानं केसज्जि पटिच्छादितसदिसत्ता पटिच्छन्तो। तिलक्खणब्भाहतधम्मविसयताय तिलक्खणाहतो। गम्भीरजाणगोचरताय गम्भीरो। लद्धपतिट्ठा अरियसच्चसम्पटिवेधनतो। एवं दिट्ठधम्मादिभावतो वेसारज्जप्पत्ता। सब्बसो निवुत्थब्रह्मचरियताय तिण्णं भवानम्पि अपरभागे निब्बाने निवुत्थवतीति भवमत्थके ठिता।

४६१. “रूपं अत्ततो समनुपस्सती”ति पदुद्धारं कत्वा “इधेकच्चो”तिआदिना (पटि० म० १.१३०)

पटिसम्भिदापाठेन तदत्थं विवरति । तत्थ अत्ततो समनुपस्सतीति अत्ताति समनुपस्सति, अत्तभावेन समनुपस्सति । अहन्ति अत्तानं निदिसति । अहंबुद्धिनिबन्धनज्झि अत्तानं अत्तवादी पज्जपेति, तस्मा यं रूपं सो अहन्ति यदेतं मम रूपं नाम, सो अहन्ति वुच्चमानो मम अत्ता तं मम रूपन्ति रूपञ्च अत्तञ्च अद्वयं अनञ्जं समनुपस्सति । तथा पस्सतो च अत्ता विय रूपं, रूपं विय वा अत्ता अनिच्चोति आपन्नमेव । अच्चीति जालसिखा । सा चे वण्णो, चक्खुविज्जेय्याव सिया, न कायविज्जेय्या, वण्णोपि वा कायादिविज्जेय्यो अच्चिया अनञ्जत्ताति उपमेय्यं विय उपमापि दिट्ठिगतिकस्स अयुत्ताव । दिट्ठिपस्सनायाति मिच्छादिट्ठिसङ्घाताय पस्सनाय पस्सति, न तण्हामानपज्जानुपस्सनाय । अरूपं वेदनादिं अत्ताति गहेत्वा छायाय रुक्खाधीनताय छायावन्तं रुक्खं विय, रूपस्स सन्तकभावेन अत्ताधीनताय रूपवन्तं अत्तानं समनुपस्सति । पुष्पाधीनताय पुष्फस्मिं गन्धं विय आधेय्यभावेन अत्ताधीनताय रूपस्स अत्तनि रूपं समनुपस्सति । यथा करण्डो मणिनो आधारो, एवं रूपम्पि अत्तनो आधारोति कत्वा अत्तानं रूपस्मिं समनुपस्सति । एसेव नयोति इमिना अत्तनो वेदनादीहि अनञ्जत्तं तेसज्चाधारणतं निस्सिततञ्च यथावुत्तं अतिदिसति ।

अरूपं अत्ताति कथितं “वेदनावन्तं”न्तिआदीसु विय रूपेन वोमिस्सकताय अभावतो । रूपारूपमिस्सको अत्ता कथितो रूपेन सद्धिं सेसारूपधम्मानं अत्ताति गहितत्ता । उच्छेददिट्ठि कथिता रूपादीनं विनासदस्सनतो । तेनेवाह “रूपं अत्ताति यो वदेय्य, तं न उपपज्जति, अत्ता मे उपपज्जति च वेति चाति इच्चस्स एवमागतं होती”तिआदि । अवसेसेसूति पन्नरससु ठानेसु । सस्सतदिट्ठि कथिता रूपवन्तादिभावेन गहितस्स अनिद्धारितरूपत्ता ।

दिट्ठिगतिको यं वत्थुं अत्ताति समनुपस्सति, येभुय्येन तं निच्चं सुखन्ति च समनुपस्सतेव । सावको पन तप्पटिकखेपेन सब्बे धम्मा अनत्ताति सुदिट्ठत्ता रूपं अत्ताति न समनुपस्सति, तथाभूतो च अनिच्चं दुक्खं अनत्ताति समनुपस्सति, तथा वेदनादयोति दस्सेन्तो “न रूपं अत्ततो”तिआदिमाह । एवं भवदिट्ठिपि अविज्जाभवतण्हा विय वट्टस्स समुदयोयेवाति दिट्ठिकथायं “एत्तकेन गमनं होती”तिआदि । दिट्ठिप्पहानकथायञ्च “एत्तकेन गमनं न होती”तिआदि वुत्तं ।

४६२. हेट्ठा वुत्तमत्थमेव पुच्छितत्ता “थेरिया पटिपुच्छित्वा विस्सज्जेतब्बो”ति वत्त्वा पटिपुच्छनविधिं दस्सेतुं “उपासका”तिआदि वुत्तं । पटिपत्तिवसेनाति सक्कायनिरोधगामिनिपटिपदाभावेन । सङ्घातासङ्घातवसेन लोकियलोकुत्तरवसेन सङ्गहितासङ्गहितवसेनाति “वसेना”ति पदं पच्चेकं योजेतब्बं । तत्थ कामं असङ्घातो नाम मग्गो नत्थि, किं सङ्घातो, उदाहु असङ्घातोति पन पुच्छावसेन तथा वुत्तं? “अरियो”ति वचनेनेव मग्गस्स लोकुत्तरतो सिद्धा, सङ्गाहकखन्धपरियापन्नानं पन मग्गधम्मानम्पि सिया लोकियताति इध लोकियग्गहणं । किञ्चापि सङ्गहितपदमेव पाळियं आगतं, न असङ्गहितपदं, ये पन सङ्गाहकभावेन वुत्ता, ते सङ्गहिता न होन्तीति अट्ठकथायं असङ्गहितग्गहणं कतन्ति दट्ठब्बं । सङ्घातोतिआदीसु समेच्च सम्भुय्य पच्चयेहि कतोति सङ्घातो । तथाभूतो च तंसमङ्गिनो पुग्गलस्स पुब्बभागचेतनाति मय्हं मग्गो अट्ठङ्गिको होतु सत्तङ्गिको वाति चेतितभावेन चेतितो । सहजातचेतनायपि चेतितोव तस्सा सहकारीकारणभावतो, ततो एव पकप्पितो आयूहितो । पच्चयेहि निष्फादितत्ता कतो निब्बत्तितो च । समापज्जन्तेन अत्तनो सन्ताने सम्मदेव आपज्जन्तेन उप्पादेन्तेन । इति सत्तहिपि पदेहि पच्चयनिब्बत्तितयेव अरियमग्गस्स दस्सेति ।

असङ्गहितो खन्धानं पदेसो एतस्स अत्थीति मग्गो सप्पदेसो । नत्थि एतेसं पदेसाति खन्धा निप्पदेसा । पदिस्सति एतेन समुदायोति हि पदेसो, अवयवो । अयन्ति मग्गो । सप्पदेसत्ता एकदेसत्ता । निप्पदेसेहि समुदायभावतो निरवसेसपदेसेहि । यथा नगरं रज्जेकदेसभूतं तदन्तो गधत्ता रज्जेन सङ्गहितं, एवं अरियमग्गो खन्धत्तयेकदेसभूतो तदन्तो गधत्ता तीहि खन्धेहि सङ्गहितोति दस्सेति “नगरं विय रज्जेना”ति इमिना । सजातितोति समानजातिताय,

समानसभावता एवाति अत्यो । एत्थ च सीलखन्धो “नव कोटिसहस्सानी”ति आदिना (विसुद्धिं १.२०; अप० अट्ठ० २.५५.५५; पटि० म० अट्ठ० १.१.३७) वुत्तपभेदवसेन चैव सम्पत्तसमादानविरति आदिवसेन च गय्हमानो निष्पदेसो, मग्गसीलं पन आजीवट्ठमकमेव समुच्छेदविरतिमत्तमेवाति सप्पदेसं । समाधिखन्धो परित्तमहग्गतादिवसेन चैव उपचारप्पनासमाधिवसेन च अनेकभेदताय निष्पदेसो, मग्गसमाधि पन लोकुत्तरोव, अप्पनासमाधि एवाति सप्पदेसो । तथा पञ्चाखन्धो परित्तमहग्गतादिवसेन चैव सुतमयजाणादिवसेन च अनेकभेदताय निष्पदेसो, मग्गपञ्चा पन लोकुत्तराव, भावनामया एवाति सप्पदेसा । **अत्तनो धम्मतायाति** सहकारीकारणं अनपेक्खित्वा अत्तनो सभावेन अत्तनो बलेन **अप्पेतुं न सक्कोति** वीरियेन अनुपत्थम्भितं, सति या च अनुपट्ठितं । **पग्गहकिच्चन्ति** यथा कोसज्जपक्खे न पतिता चित्तद्विति, तथा पग्गहनकिच्चं । **अपिलापनकिच्चन्ति** यथा आरम्मणे न पिलवति, एवं अपिलापनकिच्चं ।

**एकतो जाताति** सहजाता । **पिट्ठिं दत्त्वा ओनतसहायो विय वायामो** समाधिस्स आरम्मणे अप्पनाय विसेसपच्चयभावतो । **अंसकूटं दत्त्वा ठितसहायो विय सति** समाधिस्स आरम्मणे दळ्हपवत्तिया पच्चयभावतो । **किरियतोति** उपकारकिरियतो ।

**आकोटेत्वाति** आरम्मणं आहनित्वा । तथा हि वितक्को “आहननरसो”ति, योगावचरो च “कम्मट्ठानं तक्काहतं वितक्कपरियाहतं करोती”ति वुच्चति । **इधापीति** सम्मादिट्ठिसङ्कप्पेसु । **किरियतोति** वुत्तप्पकारउपकारकिरियतो ।

सुभसुखादिनिमित्तगाहविधमनं **चतुकिच्चसाधनं** । **पच्चयत्तेनाति** सहजातादिपच्चयभावेन । **चतुकिच्चसाधनवसेनेवाति** इदं मग्गवीरियस्सेव गहितभावदस्सनं । तज्झि एकंयेव हुत्वा चतुकिच्चं यथावुत्तउपकारकसभावेन च परिवारट्ठेन परिकखारो होति । **मग्गसम्पयुत्तधम्मानन्ति** इमिना मग्गधम्मानम्पि गहणं, न तंसम्पयुत्तफस्सादीनयेव । **एकचित्तक्खणिकाति** मग्गचित्तुप्पादवसेन एकचित्तक्खणिका ।

**सत्तहि जाणेहीति** परमुक्कंसगतेहि सत्तहि जवनेहि सम्पयुत्तजाणेहि, सत्तहि वा अनुपस्सनाजाणेहि । आदितो सेवना **आसेवना**, ततो परं वट्ठना **भावना**, पुनप्पुनं करणं **बहुलीकम्मन्ति** अधिप्पायेनाह “**अज्जेन चित्तेना**”ति आदि । अधिप्पायवसेन निद्धारेत्वा गहेतब्बत्थं **सुत्तं नेय्यत्थं** । यथारुतवसेन गहेतब्बत्थं **नीतत्थं** । **एवं सन्तेति** यदि इदं सुत्तं नीतत्थं, आसेवनादि च विसुं विसुं चित्तेहि होति, एवं सन्ते । आसेवनादि नाम चित्तस्स अनेकवारं उप्पत्तिया होति, न एकवारमेवाति आह “**एकं चित्तं**”न्ति आदि । तत्रायं सङ्खेपत्थो — आसेवनावसेन पवत्तमानं चित्तं सुचिरम्पि कालं आसेवनावसेनेव पवत्तेय्य, तथा भावनाबहुलीकम्मवसेन पवत्तमानानिपि, न चेत्य एत्तकानेव चित्तानि आसेवनावसेन पवत्तन्ति, एत्तकानि भावनावसेन, बहुलीकम्मवसेनाति नियमो लब्भति । इति अनेकचित्तक्खणिकअरियमग्गं वदन्तस्स दुन्निवारियोवायं दोसो । यथा पन पुब्बभागेपि नानाचित्तेसु पवत्तपरिज्जादिकिच्चानं सम्मादिट्ठिआदीनं पटिवेधकाले यथारहं चतुकिच्चसाधनं, एकचित्तक्खणिका च पवत्ति, एवं विपस्सनाय पवत्ताभिसङ्खारवसेन आसेवनाभावनाबहुलीकम्मनि पटिवेधकाले एकचित्तक्खणिकानेव होन्तीति वदन्तानं आचरियानं न कोचि दोसो आसेवनादीहि कातब्बकिच्चस्स तदा एकचित्तक्खणेयेव सिज्जनतो । तेनाह “**एकचित्तक्खणिकावा**”ति आदि । **सचे सज्जानातीति** सचे सज्जन्ति गच्छति । **यागुं पिवाहीति** उय्योजेतब्बो धम्मसाकच्छाय अभव्वभावतोति अधिप्पायो ।

**४६३. पुज्जाभिसङ्खारादीसूति** आदि-सद्देन कायसज्जेतनादि लक्खणे कायसङ्खारादिकेपि सङ्गण्हाति, न अपुज्जानेज्जाभिसङ्खारे एव । **कायपटिबद्धत्ता कायेन सङ्खरीयति**, न कायसमुद्धानत्ता । चित्तसमुद्धाना हि ते धम्माति । **निब्बत्तीयतीति** च इदं काये सति सम्भावं, असति च अभावं सन्धाय वुत्तं । **वाचन्ति** वचीघोसं । **सङ्खरोतीति** जनेति । तेनाह

“निब्वत्तेती”ति । न हि तं वितक्कविचाररहितचित्तं वचीघोसं निब्वत्तेतुं सक्कोति । चित्तपटिबद्धत्ताति एतेन चित्तस्स निस्सयादिपच्चयभावो चित्तसङ्खारसङ्खारणन्ति दस्सेति । अज्जमज्जमिस्साति अत्थतो भिन्नापि कायसङ्खारादिवचनवचनीयभावेन अज्जमज्जमिस्सिता अभिन्ना विय, ततो एव आलुळिता संकिण्णा अविभूता अपाकटा दुद्दीपना दुविज्जापया । आदानगगहणमुञ्चनचोपनानीति यस्स कस्सचि कायेन आदातब्बस्स आदानसङ्कातं गहणं, विस्सज्जनसङ्कातं मुञ्चनं, यथातथाचलनसङ्कातं चोपनन्ति इमानि पापेत्वा साधेत्वा उप्पन्ना । कायतो पवत्ता सङ्खारा, कायेन सङ्खरीयन्तीति च कायसङ्खारात्वेव वुच्चन्ति । हनुसंचोपनन्ति हनुसज्जलनं । वचीभेदन्ति वाचानिच्छारणं । वाचं सङ्खरोन्तीति कत्वा इध वचीसङ्खारात्वेव वुच्चन्ति ।

४६४. समापज्जिस्सन्ति पदं निरोधस्स आसन्नानागतभावविसयं आसन्नं वज्जेत्वा दूरस्स गहणे पयोजनाभावतो । निरोधपादकस्स नेवसज्जानासज्जायतनचित्तस्स च गहणतो पट्टाय निरोधं समापज्जति नामाति अधिप्पायेन “पदद्वयेन नेवसज्जानासज्जायतनसमापत्तिकालो कथितो”ति वुत्तं । तथा चित्तं भावितं होतीति एत्थ अद्धानपरिच्छेदचित्तगहणं इतरेसं नानन्तरियभावतो । न हि बलद्वयजाणसमाधिचरियानं वसीभावापादनचित्तेहि विना अद्धानपरिच्छेदचित्तं अचित्तकभावाय होति ।

सेससङ्खारेहीति कायसङ्खारचित्तसङ्खारेहि । दूतियज्झानेयेव निरुज्झति अनुप्पत्तिनिरोधेन । इतरेसुपि एसेव नयो । वुट्ठहिस्सन्ति पदं वुट्ठहनस्स आसन्नानागतभावविसयं आसन्नं वज्जेत्वा दूरस्स गहणे पयोजनाभावतो । निरोधतो वुट्ठानस्स च चित्तुप्पादेन परिच्छिन्नत्ता ततो ओरमेवाति आह “पदद्वयेन अन्तोनिरोधकालो कथितो”ति । तथा चित्तं भावितं होतीति यथा यथापरिच्छिन्नकालमेव अचित्तकभावो, ततो परं सचित्तकभावो होति, तथा निरोधस्स परिकम्मचित्तं उप्पादितं होति ।

पटिसङ्काति पटिसङ्काय इदमेव कातब्बं जानित्वा अप्पवत्तिमत्तं । समापज्जन्तीति अचित्तकभावं सम्पदेव आपज्जन्ति । अथ कस्मा सत्ताहमेव समापज्जन्तीति? यथाकालपरिच्छेदकरणतो, तज्ज येभ्य्येन आहारूपजीवीनं सत्तानं उपादिन्नकपवत्तस्स एकदिवसं भुत्ताहारस्स सत्ताहमेव यापनतो ।

सब्बा फलसमापत्ति अस्सासपस्सासे न समुट्ठापेतीति इदं नत्थीति आह “समुट्ठापेती”ति । या पन न समुट्ठापेति, तं दस्सेन्तो “इमस्स पन...पे... न समुट्ठापेती”ति आह । तत्थ इमस्साति इध पाळियं वुत्तनिरोधसमापज्जनभिक्षुनो । तस्स पन फलसमापत्ति चतुत्थज्झानिकावाति नियमो नत्थीति आह “किं वा एतेना”तिआदि । अब्बोहारिकाति सुखुमत्तभावप्पत्तिया “अत्थी”ति वोहरितुं असक्कुण्य्याति केचि । निरोधस्स पन पादकभूताय चतुत्थज्झानादिसमाधिचरियाय वसेन अचतुत्थज्झानिकापि निरोधानन्तरफलसमापत्ति अस्सासपस्सासे न समुट्ठापेतीति अभावतो एव ते अब्बोहारिका वुत्ता । एवज्ज कत्वा सज्जीवत्थेरवत्थुम्हि आनीतसमापत्तिफलनिदस्सनम्पि सुट्ठु उपपज्जति । तेनाह “भवङ्गसमयेनेवेतं कथित”न्ति । किरियमयपवत्तवळज्जनकालेति एत्थ किरियमयपवत्तं कायवचीविज्जत्तिविप्फारो, तस्स वळज्जनकाले पवत्तनसमये । वाचं अभिसङ्कातुं न सक्कोन्ति अविज्जत्तिजनकत्ता तेसं वितक्कविचारानं ।

सगुणेनाति सरसेन, सभावेनाति अत्थो । सुज्जता नाम फलसमापत्ति रागादीहि सुज्जत्ता । तथा रागनिमित्तादीनं अभावा अनिमित्ता, रागपणिधिआदीनं अभावा अप्पणिहिताति आह “अनिमित्तअप्पणिहितेसुपि एसेव नयो”ति । अनिमित्तं अप्पणिहितज्ज निब्बानं आरम्भणं कत्वा उप्पन्नफलसमापत्तियं फस्सो अनिमित्तो फस्सो अप्पणिहितो फस्सो

नामाति इममत्थं “एसेव नयो”ति इमिना अतिदिसति ।

अत्तसुञ्जतादस्सनतो अनत्तानुपस्सना सुञ्जता, निच्चनिमित्तुग्घाटनतो अनिच्चानुपस्सना अनिमित्ता, सुखप्पणिधिपटिक्खेपतो दुक्खानुपस्सना अप्पणिहिताति आह — “सुञ्जता...पे०... विपस्सनापि वुच्चती”ति । अनिच्चतो वुट्ठातीति सङ्खारानं अनिच्चाकारग्गाहिनिया वुट्ठानगामिनिया परतो एकतोवुट्ठानउभतोवुट्ठानेहि निमित्तपवत्ततो वुट्ठाति । अनिच्चतो परिग्गहेत्वाति च इदं “न एकन्तिकं एवम्पि होती”ति कत्वा वुत्तं । एस नयो सेसेसुपि । अप्पणिहितविपस्सनाय मग्गोतिआदिना, सुञ्जतविपस्सनाय मग्गोतिआदिना च योजनं सन्धायाह “एसेव नयो”ति । विकप्पो आपज्जेय्य आगमनस्स ववत्थानस्स अभावेन अववत्थानकरत्ता । एवञ्चि तयो फस्सा फुसन्तीति एवं सगुणतो आरम्मणतो च नामलाभे सुञ्जतादिनामका तयो फस्सा फुसन्तीति अनियमवचनं । समेति युज्जति एकस्सेव फस्सस्स नामत्तययोगतो ।

सब्बसङ्खतविवित्तताय निब्बानं विवेको नाम उपधिविवेकोति कत्वा । निन्नता तप्पटिपक्खविमुखस्स तदभिमुखता । पोणता ओनमनं, पब्भारता ततो विस्सट्ठभावो ।

४६५. चक्खादितो रूपादीसु पवत्तरूपकायतो उप्पज्जनतो पञ्चद्वारिकं सुखं कायिकं नाम, मनोद्वारिकं चेतोफस्सजाताय चेतसिकं नाम । सभावनिद्देशो सुखयतीति कत्वा । मधुरभावदीपकन्ति इट्ठभावजोतनं । वेदयितभावदीपकन्ति वेदकभावविभावकं । वेदना एव हि परमत्थतो आरम्मणं वेदेति, आरम्मणं पन वेदितब्बन्ति । दुक्खन्ति सभावनिद्देशोति एवमादिअत्थवचनं सन्धायाह “एसेव नयो”ति । ठितिसुखाति ठितिया धरमानताय सुखा, न ठितिक्खणमत्तेन । तेनाह “अत्थिभावो सुख”न्ति । विपरिणामदुक्खाति विपरिणमनेन विगमनेन दुक्खा, न निरोधक्खणेन । तेनाह “नत्थिभावो दुक्ख”न्ति । अपरिञ्जातवत्थुकानञ्चि सुखवेदनुपरमो दुक्खतो उपट्ठाति । स्वायमत्थो पियविप्पयोगेन दीपेतब्बो । ठितिदुक्खा विपरिणामसुखाति एत्थापि एसेव नयो । तेनाह “अत्थिभावो दुक्खं, नत्थिभावो सुख”न्ति । दुक्खवेदनुपरमो हि सत्तानं सुखतो उपट्ठाति । एवञ्चि वदन्ति — “तस्स रोगस्स वूपसमेन अहो सुखं जात”न्ति । जाननभावोति याथावसभावतो अवबुज्जनं । अदुक्खमसुखञ्चि वेदनं जानन्तस्स सुखं होति तस्स सुखुमभावतो, यथा तदज्जे धम्मे सलक्खणतो सामञ्जलक्खणतो च सम्मदेव अवबोधो परमं सुखं । तेनेवाह —

“यतो यतो सम्मसति, खन्धानं उदयब्बयं ।

लभती पीतिपामोज्जं, अमतं तं विजानत”न्ति ॥ (ध० प० ३७४) ।

अजाननभावोति एत्थ वुत्तविपरियायेन अत्थो वेदितब्बो । दुक्खञ्चि सम्मोहविहारोति । अपरो नयो जाननभावोति जाननस्स जाणस्स सब्भावो । जाणसम्पयुत्ता हि जाणोपनिस्सया च अदुक्खमसुखा वेदना सुखा इट्ठाकारा । यथाह “इट्ठा चेव इट्ठफला चा”ति । अजाननभावो दुक्खन्ति एत्थ वुत्तविपरियायेन अत्थो वेदितब्बो ।

कतमो अनुसयो अनुसेतीति कामरागानुसयादीसु सत्तसु अनुसयेसु कतमो अनुसयो अनुसयवसेन पवत्तति? अप्पहीनभावेन हि सन्ताने अनुसयन्तीति अनुसया, अनुरूपं कारणं लभित्वा उप्पज्जन्तीति अत्थो । एतेन कारणलाभे सति उप्पज्जनारहता नेसं दस्सिता । अप्पहीना हि किलेसा कारणलाभे सति उप्पज्जन्ति । तेनाह “अप्पहीनट्ठेन सयितो विय होती”ति । ते च निप्परियायतो अनागता किलेसा दट्ठब्बा, अतीता पच्चुप्पन्ना च तंसभावत्ता तथा वुच्चन्ति । न हि धम्मानं कालभेदेन सभावभेदो अत्थि । यदि अप्पहीनट्ठो अनुसयट्ठो, ननु सब्बेपि किलेसा अप्पहीना अनुसया भवेय्युन्ति? न मयं

अप्पहीनतामत्तेन अनुसयट्ठं वदाम, अथ खो पन अप्पहीनट्ठेन थामगता किलेसा अनुसया। इदं थामगमनञ्च रागादीनमेव आवेणिको सभावो दट्ठब्बो, यतो अभिधम्मे — “थामगतं अनुसयं पजहती”ति वुत्तं। सोति रागानुसयो। **अप्पहीनो**ति अप्पहीनभावमुखेन अनुसयनट्ठमाह। सो च अपरिज्जातक्खन्धवत्थुतो, परिज्जातेसु पतिट्ठं न लभति। तेनाह “**न सब्बाय सुखाय वेदनाय सो अप्पहीनो**”ति। आरम्मणवसेन चायं अनुसयट्ठो अधिप्पेतो। तेनाह “**न सब्बं सुखं वेदनं आरब्भ उप्पज्जतीति अत्थो**”ति।

वत्थुवसेनपि पन अनुसयट्ठो वेदितब्बो, यो “**भूमिलद्ध**”न्ति वुच्चति। तेन हि **अट्ठकथायं** (विसुद्धि० २.८३४) वुत्तं —

“भूमीति विपस्सनाय आरम्मणभूता तेभूमका पञ्चक्खन्धा। भूमिलद्धं नाम तेसु खन्धेसु उप्पत्तिरहं किलेसजातं। तेन हि सा भूमिलद्धा नाम होति, तस्मा भूमिलद्धन्ति वुच्चति, सा च खो न आरम्मणवसेन। आरम्मणवसेन हि सब्बेपि अतीतानागते परिज्जातेपि च खीणासवानं खन्धे आरब्भ किलेसा उप्पज्जन्ति महाकच्चानउप्पलवण्णादीनं खन्धे आरब्भ सोरेय्यसेट्ठिनन्दमाणवकादीनं विय। यदि च तं भूमिलद्धं नाम सिया, तस्स अप्पहेय्यतो न कोचि भवमूलं पजहेय्य, वत्थुवसेन पन भूमिलद्धं वेदितब्बं। यत्थ यत्थ हि विपस्सनाय अपरिज्जाता खन्धा उप्पज्जन्ति, तत्थ तत्थ उप्पादतो पभुति तेसु वट्ठमूलं किलेसजातं अनुसेति। तं अप्पहीनट्ठेन भूमिलद्धन्ति वेदितब्ब”न्तिआदि।

**एस नयो सब्बत्था**ति इमिना “न सब्बाय दुक्खाय वेदनाय सो अप्पहीनो, न सब्बं दुक्खं वेदनं आरब्भ उप्पज्जती”तिआदिं अतिदिसति। तत्थ यं वत्तब्बं, तं वुत्तनयेनेव वेदितब्बं। “यो अनुसयो यत्थ अनुसेति, सो पहीयमानो तत्थ पहीनो नाम होती”ति तत्थ तत्थ पहानपुच्छा, तं सन्धायाह “**किं पहातब्बन्ति अयं पहानपुच्छा नामा**”ति।

**एकेनेव व्याकरणेना**ति “इधावुसो, विसाख, भिक्खु विविच्चेव कामेही”तिआदिना (म० नि० १.३७४) एकेनेव विस्सज्जेनेन। **द्वे पुच्छा**ति अनुसयपुच्छा पहानपुच्छाति द्वेपि पुच्छा विस्सज्जेसि। “रागं तेन पजहती”ति इदमेकं विस्सज्जनं, “न तत्थ रागानुसयो अनुसेती”ति इदमेकं विस्सज्जनं, पुच्छानुक्कमञ्चेत्थ अनादियित्वा पहानक्कमेन विस्सज्जना पवत्ता। “**द्वे पुच्छा विस्सज्जेसी**”ति सट्ठेपतो वुत्तमत्थं विवरितुं “**इधा**”तिआदि वुत्तं। तत्थ **तथाविकखम्भितमेव कत्वा**ति इमिना यो रागं विकखम्भेत्वा पुन उप्पज्जितुं अप्पदानतो तथाविकखम्भितमेव कत्वा मग्गेन समुग्धातेति, तस्स वसेन “रागं तेन पजहति, न तत्थ रागानुसयो अनुसेती”ति वत्तब्बन्ति दस्सेति। कामोघादीहि चतूहि ओघेहि संसारभवोघेनेव वा वेगसा वुहमानेसु सत्तेसु तं उत्तरित्वा पत्तब्बं, तस्स पन गाधभावतो **पतिट्ठानभूतं**। तेनाह भगवा — “तिण्णो पारङ्गतो थले तिट्ठति ब्राह्मणो”ति (सं० नि० ४.२३८; इतिवु० ६९; पु० प० १८७)।

सुज्जतादिभेदेन अनेकभेदत्ता पाळियं “अनुत्तरेसू”ति बहुवचननिद्देशोति “**अनुत्तरा विमोक्खा**”ति वत्त्वा पुन तेसं सब्बेसम्पि अरहत्तभावसामञ्जेन “**अरहत्ते**”ति वुत्तं। विसये चेतं भुम्मं। **पत्थनं पट्ठपेन्तस्सा**ति “अहो वताहं अरहत्तं लभेय्य”न्ति पत्थनं उपट्ठपेन्तस्स, पत्थेन्तस्साति अत्थो। **पट्ठपेन्तस्सा**ति चेत्य हेतुमिह अन्तसद्दो। कथं पन अरहत्तविसया पत्थना उप्पज्जतीति? न काचि अरहत्तं आरम्मणं कत्वा पत्थना उप्पज्जति अनधिगतत्ता अविसयभावतो। परिकप्पितरूपं पन तं उद्दिस्स पत्थना उप्पज्जति। “**उप्पज्जति पिहापच्चया**”ति वुत्तं परम्परपच्चयतं सन्धाय, उज्जुक्कं पन पच्चयभावो नत्थीति वुत्तं “**न पत्थनाय पट्ठपनमूलकं उप्पज्जती**”ति। **इदं पन सेवितब्बं दोमनस्सं** अकुसलप्पहानस्स कुसलाभिवुट्ठिया च निमित्तभावतो। तेनाह भगवा — “दोमनस्सम्पाहं, देवानमिन्द, दुविधेन वदामि सेवितब्बम्पि असेवितब्बम्पी”ति (दी० नि० २.३५९-३६२)। तीहि मासेहि सम्पज्जनका **तेमासिका**। सेसपदद्वयेपि एसेव नयो। **इमस्मिं** वारेति इमस्मिं पवारणवारे। **विसुद्धिपवारण**न्ति “परिसुद्धो अह”न्ति एवं पवत्तं विसुद्धिपवारणं। अरहन्तानमेव हेस



पवारणा ।

न कदाचि पहातब्बस्स पहायकता अत्थीति दस्सेन्तो “न दोमनस्सेन वा”तिआदिं वत्त्वा परियायेनेतं वुत्तं, तं विभावेन्तो “अयं पना”तिआदिमाह । यं पनेत्थ वत्तब्बं, तं परतो वित्थारेन आगमिस्सति । पटिपदं गहेत्वा पत्थनं कत्वा पत्थनं ठपेत्वा । पटिसञ्चिक्खतीति ओवादवसेन अत्तानं समुत्तेजेन्तो कथेति । सीलेन हीनद्वानन्ति अज्जेहि अरहत्ताय पटिपज्जन्तेहि सीलेन हीनद्वानं किं तुहं अत्थीति अधिप्पायो । सुपरिसुद्धन्ति अखण्डादिभावतो सुधोतजातिमणि विय सुद्ध परिसुद्धं । सुपगगहितन्ति कदाचिपि सङ्कोचाभावतो वीरियं सुद्ध पगगहितं । पज्जाति विपस्सनापज्जा पटिपक्खेहि अनधिभूतताय अकुण्ठा तिक्खविसदा सङ्कारानं सम्मसने सूरा हुत्वा वहति पवत्तति । परियायेनाति तस्स दोमनस्सस्स अरहत्तुपनिस्सयतापरियायेन । आरम्मणवसेन अनुसयनं इधाधिप्पेतन्ति आह “न तं आरब्ध उप्पज्जती”ति । अनुप्पज्जनमेत्थ पहानं नामाति वुत्तं “पहीनोव तत्थ पटिधानुसयोति अत्थो”ति । ततियज्झानेन विक्खम्भेतब्बा अविज्जा, सा एव अरियमग्गेन समुच्छिन्दीयतीति “अविज्जानुसयं विक्खम्भेत्वा”तिआदि वुत्तं, अनुसयसदिसताय वा । “रागानुसयं विक्खम्भेत्वा”ति एत्थापि एसेव नयो । चतुत्थज्झाने नानुसेति नाम तत्थ कातब्बकिच्चाकरणतो ।

४६६. तस्माति पच्चनीकत्ता सभावतो किच्चतो पच्चयतो चाति अधिप्पायो । विसभागपटिभागो कथितो “कण्हसुक्कसप्पटिभागा धम्मा”तिआदीसु विय । अन्धकाराति अन्धकारसदिसा अप्पका सभावतो । अविभूता अपाकटा अनोळारिकभावतो । ततो एव दुद्दीपना दुविज्जापना । तादिसावाति उपेक्खासदिसाव । यथा उपेक्खा सुखदुक्खानि विय न ओळारिका, एवं अविज्जा रागदोसा विय न ओळारिका । अथ खो अन्धकारा अविभूता दुद्दीपना दुविज्जापनाति अत्थो । सभागपटिभागो कथितो “पणिधि पटिघोसो”तिआदीसु विय । यत्तकेसु ठानेसूति दुक्खादीसु यत्तकेसु ठानेसु, यत्थ वा जेय्यद्वानेसु । विसभागपटिभागोति अन्धकारस्स विय आलोको विधातकपटिभागो । विज्जाति मग्गजाणं अधिप्पेतं, विमुत्तीति फलन्ति आह “उभोपेते धम्मा अनासवा”ति । अनासवद्वेनातिआदीसु पणीतद्वेनातिपि वत्तब्बं । सोपि हि विमुत्तिनिब्बानानं साधारणो, विमुत्तिया असङ्खतद्वेन निब्बानस्स विसभागतापि लब्भतेव । पज्जं अतिक्कमित्वा गतोसि, अपुच्छितब्बं पुच्छन्तोति अधिप्पायो । पज्जानं परिच्छेदपमाणं गहेतुं युत्तद्वाने अट्टत्वा ततो परं पुच्छन्तो नासक्खि पज्जानं परियन्तं गहेतुं । अप्पटिभागधम्मस्साति निप्परियायतो सभागपटिभागेन अप्पटिभागधम्मस्स । अनागतादिपरियायेन निब्बानस्स सभागपटिभागो वुत्तो, विसभागे च अत्थेव सङ्खतधम्मा, तस्मा निप्परियायतो किञ्चि सभागपटिभागं सन्धाय पुच्छतीति कत्वा “अच्चयासी”तिआदि वुत्तं । असङ्खतस्स हि अप्पटिद्वस्स एकन्तनिच्चस्स सतो निब्बानस्स कुतो निप्परियायेन सभागस्स सम्भवो । तेनाह “निब्बानं नामेत”न्तिआदि ।

विरद्धोति एत्थ सभागपटिभागं पुच्छिस्सामीति निच्छयाभावतो पुच्छितमत्थं विरज्झित्वाव पुच्छि, न अजानित्वाति अत्थो । एतेन हेट्ठा सब्बपुच्छा दिट्ठसंसन्दननयेन जानित्वाव पवत्ताति दीपितं होति । थेरी पन तं तं पुच्छितमत्थं सभावतो विभावेन्ती सत्थु देसनाजाणं अनुगन्त्वाव विस्सज्जेसि । निब्बानोगधन्ति निब्बानं ओगाहित्वा ठितं निब्बानन्तो गधं । तेनाह “निब्बानब्भन्तरं निब्बानं अनुपविट्ठु”न्ति । अस्साति ब्रह्मचरियस्स ।

४६७. पण्डिच्चेन समन्नागताति एत्थ वुत्तपण्डिच्चं दस्सेतुं “धातुकुसला”तिआदि वुत्तं । तेनेवाह — “कित्तावता नु खो, भन्ते, पण्डितो होति? यतो खो, आनन्द, भिक्खु धातुकुसलो च होति, आयतनकुसलो च पटिच्चसमुप्पादकुसलो च ठानाद्वानकुसलो च । एत्तावता नु खो, आनन्द, भिक्खु पण्डितो होती”ति (म० नि० ३.१२४) । पज्जामहत्तं नाम थेरिया असेक्खप्पटिसम्भिदप्पत्ताय पटिसम्भिदायो पूरेत्वा ठितताति तं दस्सेतुं “महन्ते अत्थे”तिआदि वुत्तं । राजयुत्तेहीति रज्जो

कम्मे नियुत्तपुरिसेहि । आहच्चवचनेनाति सत्थारा करणादीनि आहनित्वा पवत्तितवचनेन । यदेत्थ अत्थतो न विभत्तं, तं हेट्ठा वुत्तनयत्ता सुविज्जेय्यमेव ।

चूळवेदल्लसुत्तवण्णनाय लीनत्थप्पकासना समत्ता ।

#### ५. चूळधम्मसमादानसुत्तवण्णना

४६८. धम्मोति गहितगहणानीति धम्मो वा होतु इतरो वा, धम्मोति पग्गहितग्गाहप्पवत्ता चरियाव ।

आयूहनक्खणेति तस्स धम्मोति गहितस्स पवत्तनक्खणे । सुखन्ति अकिच्छं । तेनाह “सुकर”न्ति । दुक्खविपाकन्ति अनिदुफलविपच्चनं ।

४६९. यथा चक्खादीनं पञ्चन्नं इन्द्रियानं यथासकं विसयग्गहणं सभावसिद्धं, एवं मनसोपि । ते च विसया इट्ठाकारतो गहणे न कोचि दोसो, पुरिसत्तभावे न च ते दोसं पवत्तेन्तीति अयं तेसं समणब्राह्मणानं लद्धीति आह “वत्थुकामेसुपि किलेसकामेसुपि दोसो नत्थी”ति, अस्सादेत्वा विसयपरिभोगे नत्थि आदीनवो, तप्पच्चया न कोचि अन्तरायोति अधिप्पायो । पातब्बतं आपज्जन्तीति परिभुज्जनकतं उपगच्छन्ति । परिभोगत्थो हि अयं पा-सद्वो कत्तुसाधनो च तब्ब-सद्वो, यथारुचि परिभुज्जन्तीति अत्थो । किलेसकामोपि अस्सादियमानो वत्थुकामन्तोगधोयेव, किलेसकामवसेन पन नेसं अस्सादेतब्बताति आह “वत्थुकामेसु किलेसकामेन पातब्बत”न्ति । किलेसकामेनाति करणत्थे करणवचनं । पातब्बतं परिभुज्जितब्बतन्ति एत्थापि कत्तुवसेनेव अत्थो वेदितब्बो । मोळिं कत्वाति वेणिबन्धवसेन मोळिं कत्वा । तापसपरिब्बाजिकाहीति तापसपब्बज्जूपगताहि । परिज्जं पज्जपेन्तीति इदं “पहानमाहंसू”ति पदस्सेव वेवचनन्ति “पहानं समतिक्कमं पज्जपेन्ती”ति वुत्तं । तेन कामा नामेते अनिच्चा दुक्खा विपरिणामधम्माति याथावतो परिजाननं इध “पहान”न्ति अधिप्पेतं, न विनाभावमत्तन्ति दस्सेति । मालुवासिपाटिकाति मालुवाविदलं मालुवाफले पोट्टलिका । सन्तासं आपज्जेय्याति साले अधिवत्थदेवताय पवत्तिं गहेत्वा वुत्तं । तदा हि तस्सा एवं होति । कोविळारपत्तसदिसेहीति महाकोविळारपत्तसण्ठानेहि । सण्ठानवसेन हेतं वुत्तं, मालुवापत्ता पन कोविळारपत्तेहि महन्ततरानि चैव घनतरानि च होन्ति । विपुलबहुघनगरुपत्तताय महन्तं भारं जनेत्वा । साति मालुवालता । ओघनन्ति हेट्ठतो ओलम्बनहेतुभूतं घनभावं ।

अन्धवनसुभगवनग्गहणं तेसं अभिलक्खितभावतो । नाळिकेरादीसु तिणजातीसु । खादनुपलक्खणं उपचिकानं उट्ठनग्गहणन्ति आह “उट्ठेय्यु”न्ति । केळिं करोन्ती वियाति विलम्बनदी विय केळिं करोन्ती । इदानी अहं तं अज्झोत्थरिन्ति पमोदमाना विय इतो चितो च विप्फन्दमाना विलम्बन्ती । सम्फस्सोपि सुखो मुदुतलुणकोमलभावतो । दस्सनमि सुखं घनबहलपत्तसंहतताय । सोमनस्सजाताति पुब्बे अनुस्सववसेन भवनविनासभया सन्तासं आपज्जि, इदानी तस्सा सम्पत्तिदस्सनेन पलोभिता सोमनस्सजाता अहोसि ।

विट्ठिं करेय्याति आतानवितानवसेन जटेन्ती जालं करेय्य । तथाभूता च घनपत्तसञ्चन्ताय छत्तसदिसी होतीति आह “छत्ताकारेन तिट्ठेय्या”ति । सकलं रुक्खन्ति उपरि सब्बसाखापसाखं सब्बरुक्खं । भस्समानाति पलिवेठनवसेनेव ओतरमाना । याव मूला ओतिण्णसाखाहीति मालुवा भारेन ओनमित्वा रुक्खस्स याव मूला ओतिण्णसाखाहि पुन अभिरुहमाना । सब्बसाखाति हेट्ठा मज्झे उपरि चाति सब्बापि साखायो पलिवेठेन्ती । संसिब्बित्वा जालसन्तानकनियामेन जटेत्वा । एवं अपरापरं संसिब्बनेन अज्झोत्थरन्ती । सब्बसाखा हेट्ठा कत्वा सयं उपरि ठत्वा महाभारभावेन वाते वा वायन्ते देवे वा वस्सन्ते पदालेय्य । साखदुकविमानन्ति साखापटिबद्धं विमानं । यस्मा इध सत्थारा “सेय्यथापि,

भिक्षवे”तिआदिना भूतपुब्बमेव वत्थु उपमाभावेन आहटं, तस्मा “इदं पन विमान”न्तिआदि वुत्तं ।

**४७१. बहलरागसभावो**ति पच्चवेक्खणाहि नीहरितुं असक्कुणेय्यताय बलवा हुत्वा अभिभवनरागधातुको । **रागजन्ति** रागनिमित्तजातं । **दिट्ठे दिट्ठे आरम्मणे**ति दिट्ठे दिट्ठे विसभागारम्मणे । **निमित्तं गणहाती**ति किलेसुप्पत्तिया कारणभूतं अनुब्यञ्जनसो निमित्तं गणहाति, सिक्खागारवेन पन किलेसेहि निस्सितं मग्गं न पटिपज्जति, ततो एव आचरियुपज्जायेहि आणत्तं दण्डकम्मं करोतेव । तेनाह “**न त्वेव वीतिक्कमं करोती**”ति । **हत्थपरामासादीनी**ति – “एहि ताव तया वुत्तं मया वुत्तञ्च अमुत्र गन्त्वा वीमंसिस्सामा”तिआदिना हत्थग्गहणादीनि करोन्तो, न करुणामेत्तानिदानवसेन । **मोहजातिको**ति बहलमोहसभावो ।

**४७२. कम्मनियामेना**ति पुरिमजातिसिद्धेन लोभुस्सदतादिनियमितेन कम्मनियामेन । इदानीं तं लोभुस्सदतादिं विभागेन दस्सेतुं “**यस्स ही**”तिआदि आरब्धं । तत्थ **कम्मायूहनक्खणे**ति कम्मकरणवेलाय । **लोभो बलवा**ति तज्जाय सामगिया सामत्थियतो लोभो अधिको होति । **अलोभो मन्दो**ति तप्पटिपक्खो अलोभो दुब्बलो होति । कथं पनेते लोभालोभा अञ्जमञ्जं उज्जुविपच्चनीकभूता एकक्खणे पवत्तन्ति? न खो पनेतं एवं दट्ठब्बं “**एकक्खणे पवत्तन्ती**”ति, निकन्तिक्खणं पन आयूहनक्खणमेव कत्वा एवं वुत्तं । एस नयो सेसेसु । **परियादातु**न्ति अभिभवितुं न सक्कोति । यो हि “**एवंसुन्दरं एवंविपुलं एवंमहग्घञ्च न सक्का परस्स दातु**”न्तिआदिना अमुत्तचागतादिवसेन पवत्ताय चेतनाय सम्पयुत्तो अलोभो सम्मदेव लोभं परियादातुं न सक्कोति । दोसमोहानं अनुप्पत्तियं तादिसपच्चयलाभेनेव **अदोसामोहा बलवन्तो** । **तस्मा**ति लोभादोसामोहानं बलवभावतो अलोभदोसमोहानञ्च दुब्बलभावतोति वुत्तमेव कारणं पच्चामसति । **सो**ति तंसमङ्गी । **तेन कम्मेना**ति तेन लोभादिउपनिस्सयवता कुसलकम्मुना । **सुखसीलो**ति सखिलो । तमेवत्थं **अक्कोधनो**ति परियायेन वदति ।

**मन्दा अलोभादोसा** लोभदोसे परियादातुं न सक्कोन्ति, **अमोहो पन बलवा** मोहं परियादातुं सक्कोतीति एवं यथारहं पठमवारे वुत्तनयेनेव अतिदेसत्थो वेदितब्बो । **पुरिमनयेनेवा**ति पुब्बे वुत्तनयानुसारेन । **दुट्ठो**ति कोधनो । **दन्थो**ति मन्दमञ्जो । **सुखसीलको**ति सुखसीलो ।

एत्थ च लोभवसेन, दोसमोह-लोभदोस-लोभमोह-दोसमोह-लोभदोसमोहवसेनाति तयो एकका, तयो दुका, एको तिकोति लोभादिउस्सदवसेन अकुसलपक्खे एव सत्त वारा, तथा कुसलपक्खे अलोभादिउस्सदवसेनाति चुदस वारा लब्धन्ति । तत्थ अलोभदोसमोहा, अलोभादोसमोहा, अलोभदोसामोहा बलवन्तोति आगतेहि कुसलपक्खे ततियदुतियपठमवारेहि दोसुस्सदमोहुस्सददोसमोहुस्सदवारा गहिता एव होन्ति । तथा अकुसलपक्खे लोभादोसामोहा, लोभदोसामोहा, लोभादोसमोहा बलवन्तोति आगतेहि ततियदुतियपठमवारेहि अदोसुस्सदमोहुस्सददोसामोहुस्सदवारा गहिता एवाति अकुसलकुसलपक्खेसु तयो तयो वारे अन्तोगधे कत्वा अट्टेव वारा दस्सिता । ये पन उभयसम्मिस्सतावसेन लोभालोभुस्सदवारादयो अपरे एकूनपज्जास वारा कामं दस्सेतब्बा, तेसं असम्भवतो एव न दस्सिता । न हि “**एकस्मिं सन्ताने अन्तरेन अवत्थन्तरं लोभो च बलवा अलोभो चा**”तिआदि युज्जति । पटिपक्खवसेन वापि एतेसं बलवदुब्बलभावो सहजातधम्मवसेन वा । तत्थ लोभस्स ताव पटिपक्खवसेन अनभिभूतताय बलवभावो, तथा दोसमोहानं अदोसामोहेहि । अलोभादीनं पन लोभादिअनभिभवनतो । सब्बेसञ्च समानजातियसमधिभुय्य पवत्तिवसेन सहजातधम्मतो बलवभावो । तेन वुत्तं **अट्ठकथायं** (म० नि० अट्ठ० २.४७२) – “लोभो बलवा, अलोभो मन्दो । अदोसामोहा बलवन्तो, दोसमोहा मन्दा”तिआदि, सो च नेसं मन्दबलवभावो पुरिमूपनिस्सयतो तथा आसयस्स परिभावितताय वेदितब्बो । तेनेवाह

“कम्मनियामेना”ति । सेसं वुत्तनयत्ता सुविज्जेय्यमेवाति ।

चूळधम्मसमादानसुत्तवण्णनाय लीनत्थप्पकासना समत्ता ।

#### ६. महाधम्मसमादानसुत्तवण्णना

४७३. एवं इदानीं वुच्चमानाकारो कामो कामनं इच्छा एतेसन्ति **एवंकामा** । एवं छन्दो छन्दनं रोचनं अज्झासयो एतेसन्ति **एवंछन्दा** । अभिमुखं, अभिनिविस्स वा पकारेहि एति उपगच्छतीति अधिप्पायो, लद्धि । सा हि लद्धब्बवत्थुं अभिमुखं “एवमेत”न्ति अभिनिविस्सन्ती तेन तेन पकारेण उपगच्छति, हत्थगतं कत्वा तिड्ढति न विस्सज्जेति । एवं वुच्चमानाकारो अधिप्पायो एतेसन्ति **एवंअधिप्पाया** । भगवा मूलं कारणं एतेसं याथावतो अधिगमायाति **भगवंमूलका** । तेनाह “**भगवन्तज्झि निस्साय मयं इमे धम्मे आजानाम पटिविज्झामा**”ति । **अम्हाकं धम्माति** तेहि अत्तना अधिगन्तब्बताय वुत्तं । सेवितब्बानज्झि याथावतो अधिगमजाणानि अधिगच्छनकसम्बन्धीनि, तानि च सम्मासम्बुद्धमूलकानि अनज्जविसयत्ता । तेनाह “**पुब्बे कस्सपसम्बुद्धेना**”तिआदि । भगवा नेता तेसन्ति **भगवंनेत्तिका** । नेताति सेवितब्बधम्मे विनेय्यसन्तानं पापेता । **विनेताति** असेवितब्बधम्मे विनेय्यसन्तानतो अपनेता । तदङ्गविनयादिवसेन वा **विनेता** । **अनुनेताति** इमे धम्मा सेवितब्बा, इमे न सेवितब्बाति उभयसम्पापनापनयनत्थं पज्जपेता । तेनाह “**यथासभावतो**”तिआदि ।

पटिसरन्ति एत्थाति पटिसरणं, भगवा पटिसरणं एतेसन्ति **भगवंपटिसरणा** । पटिसरति सभावसम्पटिवेधवसेन पच्चेकमुपगच्छतीति वा पटिसरणं, भगवा पटिसरणं एतेसन्ति **भगवंपटिसरणा** । **पटिवेधवसेनाति** पटिविज्झितब्बतावसेन । असतिपि मुखे अत्थतो एवं वदन्तो विय होतीति आह “**फस्सो आगच्छति, अहं भगवा किं नामो**”ति । **पटिभातूति** एत्थ पटि-सद्वापेक्खाय “**भगवन्त**”न्ति उपयोगवचनं, अत्थो पन सामिवचनवसेनेव वेदितब्बोति दस्सेन्तो आह “**भगवतो**”ति **पटिभातूति** च भगवतो भागो होतु । भगवतो हि एस भागो, यदिदं धम्मस्स देसना, अम्हाकं पन भागो सवनन्ति अधिप्पायो । केचि पन **पटिभातूति** पदिस्सतूति अत्थं वदन्ति, जाणेन दिस्सतु, देसीयतूति वा अत्थो । **उपट्टातूति** च जाणस्स पच्चुपट्टातु ।

४७४. **निस्सयितब्बेति** अत्तनो सन्ताने उप्पादनवसेन अपस्सयितब्बे । ततियचतुत्थधम्मसमादानानि हि अपस्साय सत्तानं एतरहि आयतिज्ज सम्पत्तियो अभिवड्ढन्ति । **भजितब्बेति** तस्सेव वेवचनं । **सेवितब्बेति** वा सप्पुरिसुपस्सयसद्धम्मस्सवनयोनिमोमनसिकारे सन्धायाह । **भजितब्बेति** तप्पच्चये दानादिपुज्जधम्मे ।

४७५. **उप्पटिपाटिआकारेनाति** पठमं संकिलेसधम्मे दस्सेत्वा पच्छा वोदानधम्मदस्सनं सत्थु देसनापटिपाटि, यथा — “**वामं मुज्ज, दक्खिणं गण्हा**”ति (ध० स० अट्ठ० ४९८; विसुद्धि० महाटी० १.१४), तथा उप्पटिपाटिपकारेण, सा च खो पुरिमेसु द्वीसु धम्मसमादानेसु, पच्छिमेसु पन पटिपाटियाव मातिका पट्टपिता । **यथाधम्मरसेनेवाति** पहातब्बपहायकधम्मानं यथासभावेनेव । सभावो हि याथावतो रसितब्बतो जानितब्बतो “**रसो**”ति वुच्चति । पठमं पहातब्बधम्मे दस्सेत्वा तदनन्तरं “**इमे धम्मा एतेहि पहीयन्ती**”ति पहायकधम्मदस्सनं देसनानुपुब्बी । **गहणं** आदियनं अत्तनो सन्ताने उप्पादनं ।

४७६. वधदण्डादीहि भीतस्स उपसङ्कमने, मिच्छा चरित्वा तथा अपगमने च पुब्बापरचेतनानं वसेन मिच्छाचारो दुक्खवेदनो होति, तथा इस्सानिन्दादीहि उपहुतस्स अपरचेतनावसेन, एवं अभिज्झामिच्छादिद्वीसुपि यथारहं वेदितब्बं ।

तिस्सन्नमि चेतनानन्ति पुब्बापरसन्निट्ठापकचेतनानं । अदिन्नादानं मुसावादो पिसुणवाचा सम्फप्पलापोति इमेसं चतुन्नं सन्निट्ठापकचेतनानं सुखसम्पयुत्ता वा उपेक्खासम्पयुत्ता वाति अयं नयो इध अधिकतत्ता न उद्धटो । **दोमनस्समेव चेत्थ दुक्खन्ति** इदं पुब्बभागापरभागचेतनापि चेत्थ आसन्ना दोमनस्ससहगता एव होन्तीति कत्वा वुत्तं । अनासन्ना पन सन्धाय “**परियेद्विं वा आपज्जन्तस्सा**”तिआदि वुत्तं । तेनेव मिच्छाचाराभिज्झामिच्छादिद्वीनं पुब्बभागापरभागचेतना आसन्ना सन्निट्ठापकचेतनागतिकावाति दस्सितं होतीति दट्ठब्बं । **परियेद्विन्ति** मिच्छाचारादीसु वीतिक्कमितब्बवत्थुमालागन्धादिपरियेसनं । पाणातिपातादीसु मारेतब्बवत्थुआवुधादिपरियेसनं **आपज्जन्तस्स** । अकिच्छेनपि तेसं परियेसनं सम्भवतीति “**वट्ठितियेवा**”ति सासङ्कं वदति ।

**४७९. सुखवेदना होन्तीति** सुखवेदनापि होन्तीति अधिप्पायो । तासं चेतनानं असुखवेदनतापि लब्धतीति “**सुखवेदनापि होन्तियेवा**”ति सासङ्कवचनं । **सोमनस्समेव चेत्थ सुखन्ति** इदं पुब्बभागापरभागचेतनापि सोमनस्ससहगता एव होन्तीति कत्वा वुत्तं । तच्च खो मिच्छाचारवज्जानं छन्नं वसेन । मिच्छाचारस्स पन पुब्बापरभागस्स वसेन “**कायिकं सुखमि वट्ठितियेवाति** सासङ्कवचनं ।

**४८०.** दोसजपरिळाहवसेनस्स सिया कायिकमि दुक्खन्ति अधिप्पायेन “**सो गणहन्तोपि दुक्खितो**”ति वुत्तं । चेतोदुक्खमेव वा सन्धाय तस्स अपरापरुप्पत्तिदस्सनत्थं “**दुक्खितो दोमनस्सितो**”ति वुत्तं ।

**४८१. दससुपि पदेसूति** दससुपि कोट्टासेसु, वाक्येसु वा । उपेक्खासम्पयुत्ततापि सम्भवतीति “**सुखसम्पयुत्ता होन्तियेवा**”ति इध सासङ्कवचनं । पाणातिपाता पटिविरतस्स कायोपि सिया विगतदरथपरिळाहोति पाणातिपातावेरमणिआदिपच्चया कायिकपटिसंवेदनापि सम्भवतीति **सहापि सुखेनाति** एत्थ कायियसुखमि वट्ठितियेव ।

**४८२. तित्तकालाबूति** उपभुत्तस्स उम्मादादिपापनेन कुच्छित्तित्तकरसो अलाबु । **न रुच्चिस्सति** अनिट्ठरसताय अनिट्ठफलताय च ।

**४८३. रसं देतीति** रसं दस्सेति विभावेति ।

**४८४. पूतिमुत्तन्ति** पूतिसभावमुत्तं । **तरुणन्ति** धारावसेन निपतन्तं हुत्वा उण्हं । तेनस्स उपरिमुत्ततमाह । मुत्तज्झि पस्सावमगतो मुच्चमानं कायुस्मावसेन उण्हं होति ।

**४८५. यं भगन्दरसंसदं लोहितं पक्खन्दतीति** भगन्दरब्याधिसहिताय लोहितपक्खन्दताय वसेन यं लोहितं विस्सवति । पित्तसंसदं लोहितं पक्खन्दतीति आनेत्वा सम्बन्धो ।

**४८६. उब्बिद्धेति** दूरे । अब्भमहिकादिउपक्विकलेसविगमेन हि आकासं उत्तुङ्गं विय दूरं विय च खायति । तेनाह “**दूरीभूते**”ति । तमयेव तमगतं “**गूथगतं मुत्तगतं**”न्ति (म० नि० २.११९; अ० नि० ९.११) यथा । **भासते च तपते च विरोचते** च इदं चतुत्थं धम्मसमादानं विभजन्तेन कुसलकम्मपथस्स विभजित्वा दस्सितत्ता ।

सङ्गररुक्खो कन्दमादसपोव । **सरभज्जवसेनाति** अत्थं अविभजित्वा पदसो सरभज्जवसेन । **ओसारेन्तस्साति** उच्चारन्तस्स । **सद्देति** ओसारणसद्दे । अधिगतविसेसं अनारोचेतुकामा **देवता तत्थेव अन्तरधायि** । तं दिवसन्ति सत्थारा देसितदिवसे । इति अत्तनो विसेसाधिगमनिमित्तताय अयं देवता इमं सुत्तं पियायति । सेसं उत्तानमेव ।

महाधम्मसमादानसुत्तवण्णनाय लीनत्थप्पकासना समत्ता ।

### ७. वीमंसकसुत्तवण्णना

४८७. अत्थवीमंसकोति अत्तत्थपरत्थादिअत्थविजाननको । सङ्खारवीमंसकोति सङ्खुत्तधम्मं सलक्खणतो सामञ्जलक्खणतो वा आयतनादिविभागतो च वीमंसको । सत्थुवीमंसकोति “सत्था नाम गुणतो एदिसो एदिसो चा”ति सत्थु उपपरिक्खको । वीमंसकोति विचारको । यं चेतसो सरागादिविभागतो परिच्छिन्दनं, तं चेतोपरियायो । तेनाह “चित्तपरिच्छेद”न्ति । यस्मा चेतोपरियायजाणलाभी — “इदं चित्तं इतो परं पवत्तं इदमितो पर”न्ति परस्स चित्तुप्पत्तिं पजानाति, तस्मा वुत्तं “चेतोपरियायन्ति चित्तवार”न्ति । वारत्थेपि हि परियाय-सद्दो होति — “कस्स नु खो, आनन्द, परियायो अज्ज भिक्खुनियो ओवदितु”न्तिआदीसु (म० नि० ३.३९८) । चित्तचारन्तिपि पाठो, चित्तपवत्तिन्ति अत्थो । एवं विजाननत्थायाति इदानीं वुच्चमानाकारेण वीमंसनत्थाय ।

४८८. कल्याणमित्तूपनिस्सयन्ति कल्याणमित्तसङ्घातं ब्रह्मचरियवासस्स बलवसन्निस्सयं । उपड्डं अत्तनो आनुभावेनाति इमिना पुग्गलेन सम्पादियमानस्स ब्रह्मचरियस्स उपड्डभागमत्तं अत्तनो विमुत्तिपरिपाचकधम्मानुभावेन सिज्झति । उपड्डं कल्याणमित्तानुभावेनाति इतरो पन उपड्डभागो यं निस्साय ब्रह्मचरियं वुस्सति, तस्स कल्याणमित्तस्स उपदेसानुभावेन होति, सिज्झतीति अत्थो । लोकसिद्धो एव अयमत्थो । लोकिया हि —

“पादो सिद्धो आचरिया, पादो हिस्सानुभावतो ।  
तंविज्जासेवका पादो, पादो कालेन पच्चती”ति ॥ —

वदन्ति । अत्तनो धम्मतायाति अत्तनो सभावेन, जाणेनाति अत्थो । कल्याणमित्तताति कल्याणो भद्रो सुन्दरो मित्तो एतस्साति कल्याणमित्तो, तस्स भावो कल्याणमित्तता, कल्याणमित्तवन्तता । सीलादिगुणसम्पन्नेहि कल्याणपुग्गलेहेव अयनं पवत्ति कल्याणसहायता । तेसु एव चित्तेन चैव कायेन च निन्नपोणपब्भारभावेन पवत्ति कल्याणसम्पवङ्कता । माहेवन्ति एवं मा आह, “उपड्डं ब्रह्मचरियस्सा”ति मा कथेहीति अत्थो । तदमिनाति एत्थ न्ति निपातमत्तं द-कारो पदसन्धिकरो इ-कारस्स अ-कारं कत्वा निद्देसो । इमिनापीति इदानीं वुच्चमानेनपीति अत्थो । परियायेनाति कारणेन । इदानीं तं कारणं दस्सेतुं “ममं ही”तिआदि वुत्तं ।

यथा चेत्थ, अज्जेसुपि सुत्तेसु कल्याणमित्तुपनिस्सयमेव विसेसोति दस्सेन्तो “भिक्खूनं बाहिरङ्गसम्पत्तिं कथेन्तोपी”तिआदिमाह । तत्थ विमुत्तिपरिपाचनियधम्मं विमुत्तिया अरहत्तस्स परिपाचकधम्मं । पच्चयेति गिलानपच्चयभेसज्जे । महाजच्चोति महाकुलीनो ।

कायिको समाचारोति अभिक्कमपटिक्कमादिको सतिसम्पज्जपरिक्खतो पाकतिको च । वीमंसकस्स उपपरिक्खकस्स । चक्खुविज्जेय्यो नाम चक्खुद्वारानुसारेण विज्जातब्बत्ता । सोतविज्जेय्योति एत्थापि एसेव नयो । संकिलिट्ठाति रागादिसंकिलेसधम्मं विबाधिता, उपतापिता विदूसिता मलीना चाति अत्थो । ते पन तेहि समन्नागता होन्तीति आह “किलेससम्पयुत्ता”ति । यदि न चक्खुसोतविज्जेय्या, पाळियं कथं तथा वुत्ताति आह “यथा पना”तिआदि । कायवचीसमाचारापि संकिलिट्ठायेव नाम संकिलिट्ठचित्तसमुद्धानतो । भवति हि तंहेतुकेपि तदुपचारो यथा “सेम्हो गुळो”ति । “मा मे इदं असारुप्पं परो अज्जासी”ति पन पटिच्छन्नताय न न उपलब्धन्ति । “न खो मयं,

भन्ते, भगवतो किञ्चि गरहामा”ति वत्वा गरहितब्बाभावं दस्सेन्तो “भगवा ही”तिआदिमाह । अभावितमग्गस्स हि गरहितब्बता नाम सिया, न भावितमग्गस्स । एस उत्तरो माणवो “बुद्धम्पि गरहित्वा पक्कमिस्सामी”ति कत्वा अनुबन्धि । एवं चिन्तेसि महाभिनिक्खमनदिवसे अत्तनो वचने अट्टितत्ता । किञ्चि वज्जं अपस्सन्तो मारो एवमाह —

“सत्त वस्सानि भगवन्तं, अनुबन्धिं पदापदं ।

ओतारं नाधिगच्छिस्सं, सम्बुद्धस्स सतीमतो”ति ॥ (सु० नि० ४४८) ।

काले कण्हा, काले सुक्काति यथासमादिन्नं सम्मापटिपत्तिं परिसुद्धं कत्वा पवत्तेतुं असक्कोन्तस्स कदाचि कण्हा अपरिसुद्धा कायसमाचारादयो, कदाचि सुक्का परिसुद्धाति एवं अन्तरन्तरा ब्यामिस्सवसेन वोमिस्सका । निक्किलेसाति निरुपक्किलेसा अनुपक्किलिद्धा ।

अनवज्जं वज्जरहितत्ता । दीघरत्तन्ति अच्चन्तसंयोगे उपयोगवचनं । समापन्नोति सम्मा आपन्नो समङ्गीभूतो । तेनाह “समन्नागतो”ति । अत्तना कतस्स असारुप्पस्स पटिच्छादनत्थं आरज्जको विय हुत्वा । तस्स परिहारन्ति उळारेहि पूजासक्कारेहि मनुस्सेहि तस्स परिहरियमानतं । अतिदप्पितोति एवं मनुस्सानं सम्भावनाय अतिविय दत्तो गब्बितो ।

न इत्तरसमापन्नोति जानाति । कस्मा? सीलं नाम दीघेन अब्बुना जानितब्बं, न इत्तरेन । इदानी अनेकजातिसमुदाचारवसेन तथागतो इमं कुसलं धम्मं दीघरत्तं समापन्नो, तज्जस्स अतिविय अच्छरियन्ति दस्सेतुं “अनच्छरियं चेत”न्तिआदि वुत्तं ।

अरज्जगामकेति अरज्जपदेसे एकस्मिं खुद्दकगामे । तत्थ नेसं दिवसे दिवसे पिण्डाय चरणस्स अविच्छिन्नतं दस्सेतुं “पिण्डाय चरन्ती”ति वुत्तं । पिवन्तीति एत्थापि एसेव नयो । दुल्लभलोणो होति समुद्दस्स दूरताय ।

तदा किर विदेहरट्ठे सोळस गामसहस्सानि महन्तानेव । तेनाह — “हित्वा गामसहस्सानि, परिपुण्णानि सोळसा”ति । इदानी कस्मा “सन्निधिं दानि कुब्बसी”ति मं घट्ठेथाति वत्थुकामो तं अनाविकत्वा “लोण...पे०... न करोथा”ति आह । गन्धारो तस्साधिप्पायं विभावेतुकामो “किं मया कतं वेदेहीसी”ति आह ।

इतरो अत्तनो अधिप्पायं विभावेन्तो “हित्वा”ति गाथमाह । इतरो “धम्मं भणामी”ति गाथन्ति एवं सब्बापि नेसं वचनपटिवचनगाथा । तत्थ पसाससीति घट्ठेन्तो विय अनुसाससि । न पापमुपलिम्पति चित्तप्पकोपाभावतो । महत्थियन्ति महाअत्थसंहितं । नो चे अस्स सका बुद्धीतिआदि वेदेहइसिनो — “आचरियो मम हितेसिताय ठत्वा धम्मं एव भणती”ति योनिसो उम्मुज्जनाकारदस्सनं । तेनाह “एवज्च पन वत्वा”तिआदि ।

“जत्ता”ति लोके जायति विस्सुतोति जातो, जातस्स भावो जत्तं । अज्झापन्नोति उपगतो । जत्त-ग्गहणेन पत्थटयसता विभाविताति आह “यसज्च परिवारसम्पत्ति”न्ति । किन्ति किंपयोजनं, को एत्थ दोसोति अधिप्पायो ।

तत्थ तत्थ विज्झन्तोति यसमदेन परिवारमदेन च मत्तो हुत्वा गामेपि विहारेपि जनविवित्तेपि सङ्गमज्झेपि अज्जे भिक्खू घट्ठेन्तो “मय्हं नाम पादा इतरेसं पादफुसनट्ठानं फुसन्ती”ति अफुसितुकामताय अग्गपादेन भूमिं फुसन्तो विय चरति । ओनमतीति निवातवुत्तिताय अवनमति अनुद्धतो अत्थद्धो होति । अकिञ्चनभावन्ति “पब्बजितेन नाम अकिञ्चनजाणेन समपरिग्गहेन भवितब्ब”न्ति अकिञ्चनज्झासयं पटिअवेक्खित्वा । लाभेपि तादी, अलाभेपि तादीति

यथा अलाभकाले लाभस्स लद्धकालेपि तथेवाति तादी एकसदिसो । **यसे** सतिपि महापरिवारकालेपि ।

**अभयो हुत्वा उपरतो**ति निब्भयो हुत्वा भयस्स अभावेनेव ओरमितब्बतो उपरतो भयहेतूनं पहीनत्ता । तच्च खो न कतिपयकालं, अथ खो अच्चन्तमेव उपरतोति **अच्चन्तूपरतो** । अथ खो भायितब्बवत्थुं अवेक्खित्वा ततो **भयेन उपरतो** । किलेसा एव भायितब्बतो **किलेसभयं** । एस नयो सेसेसुपि । **सत्त सेक्खा**ति सत्त सेक्खापि भयूपरता, पगेव पुथुज्जनोति अधिप्पायो ।

**थण्डिलपीठकन्ति** थण्डिलमज्जसदिसं पीठकन्ति अत्थो । **निस्साया**ति अपस्साय तं अपस्सायं कत्वा । द्विन्नं मज्झे थण्डिलपीठका द्वारे ठत्वा ओलोकेन्तस्स नेवासिकभिक्षुस्स न पज्जायि । **असज्जतनीहारेना**ति न सज्जताकारेन । “मं भायन्तो हेट्टामज्जं पविट्ठो भविस्सती”ति हेट्टामज्जं **ओलोकेत्वा** । **उक्कासि** “बहि गच्छन्तो अक्कोसित्वा मा अपुज्जं पसवी”ति । **अधिवासे**तुन्ति तादिसं इद्धानभावं दिस्वापि पटपटायन्तो अत्तनो कोधं अधिवासेतुं असक्कोन्तो ।

**खयेनेवा**ति रागस्स अच्चन्तक्खयेनेव वीतरागत्ता । **न पटिसङ्घाय वारेत्वा**ति न पटिसङ्घानबलेन रागपरियुट्ठानं निवारेत्वा वीतरागत्ता । **एवं** वुत्तप्पकारेन । कायसमाचारादीनं संकिलिट्ठानं वीतिक्कमियानज्ज अभावं आचारस्स वोदानं चिरकालसमाचिण्णताय जातस्स सहितभावेपि अनुपक्किलिट्ठताय अभयूपरतभावसमन्नेसनाय आकरीयति जापेतुं इच्छितो अत्थो पकारतो जापीयति एतेहीति **आकारा**, उपपत्तिसाधनकारणानि । तानि पन यस्मा अत्तनो यथानुमतस्स अत्थस्स आपकभावेन ववत्थीयन्ति, तस्मा तानि तेसं मूलकारणभूतानि अनुमानजाणानि च दस्सेन्तो भगवा — “के पनायस्मतो आकारा के अन्वया”ति अवोचाति इममत्थं विभावेन्तो “**आकाराति कारणानि, अन्वयाति अनुबुद्धियो**”ति आह । यथा हि लोके दिट्ठेन धूमेन अदिट्ठं अग्निं अन्वेति अनुमानतो जानाति, एवं वीमंसको भिक्षु — “भगवा एकेकविहारेसु सुप्पटिपन्नेसु दुप्पटिपन्नेसु च यथा एकसदिसतादस्सनेन अभयूपरततं अन्वेति अनुमानतो जानाति, सुप्पटिपन्नदुप्पटिपन्नपुगलेसु अनुस्सादनानपसादनप्पत्ताय सत्थु अविपरीतधम्मदेसनताय सम्मासम्बुद्धतं सङ्गसुप्पटिपत्तिज्ज अन्वेति अनुमानतो जानाति, एवं जानन्तो च अभयूपरतो तथागतो सब्बधि वीतरागत्ता, यो यत्थ वीतरागो, न सो तन्निमित्तं किञ्चि भयं पस्सति सेय्यथापि ब्रह्मा कामभवनिमित्तं, तथा सम्मासम्बुद्धो भगवा अविपरीतधम्मदेसनत्ता, स्वाखातो धम्मो एकन्तनित्यानिकत्ता, सुप्पटिपन्नो सङ्गो अवेच्चप्पसन्नत्ता”ति वत्थुत्तयं गुणतो याथावतो जानाति ।

**गणबन्धनेना**ति “मम सद्धिविहारिका मम अन्तेवासिका”ति एवं गणे अपेक्खासङ्घातेन बन्धनेन बद्धा पयुत्ता । **ताय ताय पटिपत्तिया**ति “सुगता दुग्गता”ति वुत्ताय सुप्पटिपत्तिया दुप्पटिपत्तिया च । **उस्सादना**ति गुणवसेन उक्कंसना । **अपसादना**ति हीळना । उभयत्थ **गेहस्सितवसेना**ति इमिना सम्मापटिपत्तिया परेसं उय्योजनत्थं — “पण्डितो, भिक्षवे, महाक्कचानो”तिआदिना (म० नि० १.२०५; ३.२८५, ३२२) गुणतो उक्कंसनम्पि आर्यातिं संवराय यथापराधं गरहणम्पि न निवारेति ।

४८९. वीमंसकस्सपि अधिप्पायो वीमंसनवसेन पवत्तो । **मूलवीमंसको** हेतुवादिताय । गणिवीमंसकस्स अनुस्सुतिभावतो वुत्तं “**परस्सेव कथाय निट्ठुत्तो**”ति । तेनाह भगवा — “परस्स चेतोपरियायं अजानन्तेना”ति । **तथागतोव पटिपुच्छितब्बो**ति इमिना पुब्बे साधारणतो वुत्तं अनुमानं उक्कंसं पापेत्वा वदति । उक्कंसगतज्हेतं अनुमानं, यदिदं सब्बज्जुवचनं अविसंवादं सामज्जतो अपुथुज्जनगोचरस्स अत्थस्स अनुमानतो । तिविधो हि अत्थो, कोचि पच्चक्खसिद्धो, यो रूपादिधम्मानं पच्चत्तवेदनियो अनिद्दिसितब्बाकारो । कोचि अनुमानसिद्धो, यो घटादीसु पसिद्धेन



पच्चयायत्तभावेन साधियमानो सद्वादीनं अनिच्चतादिआकारो । कोचि ओकप्पनसिद्धो, यो पचुरजनस्स अच्चन्तमदिद्धो सद्धाविसयो परलोकनिब्बानादि । तत्थ यस्स सत्थुनो वचनं पच्चक्खसिद्धे अनुमानसिद्धे च अत्थे न विसंवादेति अविपरीतप्पवत्तिता, तस्स वचनेन सद्धेय्यत्थसिद्धि, सद्धेय्यरूपा एव च येभ्य्येन सत्थुगुणा अच्चन्तसम्भवतो ।

**एस मय्हं पथो**ति ख्वायं आजीवट्टमकसीलसङ्घातो मय्हं ओरमत्तको गुणो, एस अपरचित्तविदुनो वीमंसकस्स भिक्खुनो मम जाननपथो जाननमग्गो । **एस गोचरो**ति एसो एत्तको एव तस्स मयि गोचरो, न इतो परं । तथा हि **ब्रह्मजालेपि** (दी० नि० १.७) भगवता आजीवट्टमकसीलमेव निदिट्ठं । **एतापाथो**ति एत्तकापाथो । यो सीले पतिट्ठितो “एतं ममा”ति, “इमिनाहं सीलेन देवो वा भविस्सामि देवज्जतरो वा”ति तण्हाय परामसन्तो, तस्स विसेसभागियताय, निब्बेधभागियताय वा अकारणेन तण्हं अनतिवत्तनतो सो तम्मयो नाम । तेनाह “**न तम्मयो न सतण्हो**”तिआदि ।

सुतस्स उपरूपरि विसेसावहभावेन **उत्तरुत्तरज्जेव** तस्स च विसेसस्स अनुक्कमेन पणीततरभावतो **पणीततरज्ज** कत्वा देसेति । **सविपक्खन्ति** पहातब्बपहायकभावेन सप्पटिपक्खं । **कण्हं पटिबाहित्वा सुक्कन्ति** इदं धम्मजातं कण्हं नाम, इमस्स पहायकं इदं सुक्कं नामाति एवं कण्हं पटिबाहित्वा सुक्कं । **सुक्कं पटिबाहित्वा कण्हन्ति** एत्थापि एसेव नयो । इध पन “इमिना पहातब्ब”न्ति वत्तब्बं । **सउस्साहन्ति** सब्बापारं । किरियमयचित्तानज्झि अनुपच्छिन्नाविज्जातण्हामानादिके सन्ताने सब्बापारता सउस्साहता, सविपाकधम्मताति अत्थो । **तस्मिं देसिते धम्मे**ति तस्मिं सत्थारा देसिते लोकियलोकुत्तरधम्मे । **एकच्चं** एकदेसभूतं मग्गफलनिब्बानसङ्घातं **पटिवेधधम्मं अभिज्जाय** अभिविसिद्धाय मग्गपज्जाय जानित्वा । **पटिवेधधम्मेन मग्गेन** । **देसनाधम्मे**ति देसनारुह्णे पुब्बभागिये बोधिपक्खियधम्मे **निट्ठं गच्छति** — “अद्धा इमाय पटिपदाय जरामरणतो मुच्चिस्सामी”ति । पुब्बे पोथुज्जनिकसद्धायपि पसन्नो, ततो **भिय्योसोमत्ताय** अविपरीतधम्मदेसनो **सम्मासम्बुद्धो सो भगवाति सत्थरि पसीदति** । **निय्यानिकत्ता**ति वट्टदुक्खतो एव ततो निय्यानावहत्ता । **वट्ठादीति आदि-**सद्देन अज्जं असामीचिपरियायं सब्बं दोसं सङ्गण्हाति ।

**४९०. इमेहि सत्थुवीमंसनकारणेहीति** “परिसुद्धकायसमाचारतादीहि चेव उत्तरुत्तरिपणीतपणीतअविपरीतधम्मदेसनाहि चा”ति इमेहि यथावुत्तेहि सत्थुउपपरिक्खनकारणेहि । **अक्खरसम्पिण्डनपदेहीति** तेसंयेव कारणानं सम्बोधनेहि अक्खरसमुदायलक्खणेहि पदेहि । **इध वुत्तेहि अक्खरेहीति** इमस्मिं सुत्ते वुत्तेहि यथावुत्तस्स अत्थस्स अभिव्यज्जनतो ब्यज्जनसज्जितेहि अक्खरेहि । **ओक्कप्पनाति** सद्धेय्यवत्थुं ओक्कन्तित्वा पसीदनतो ओक्कप्पनलक्खणा । **सद्धाय मूलं नामाति** अवेच्चप्पसादभूताय सद्धाय मूलं नाम कारणन्ति सहहनस्स कारणं परिसुद्धकायसमाचारादिकं । **थिरा** पटिपक्खसमुच्छेदेन सुप्पतिट्ठितत्ता । **हरितुं न सक्काति** अपनेतुं असक्कुण्येया । इतरेसु समणब्राह्मणदेवेसु वत्तब्बमेव नत्थीति आह “**समितपापसमणेन वा**”तिआदि ।

“बुद्धानं केसज्जि सावकानज्ज विबाधनत्थं मारो उपगच्छती”ति सुतपुब्बत्ता “**अयं मारो आगतो**”ति चिन्तेसि । आनुभावसम्पन्नेन अरियसावकेन पुच्छितत्ता **मुसावादं कातुं नासक्खि** । एतेति यथावुत्ते समितपापसमणादयो ठपेत्वा । **सभावसमन्नेसनाति** याथावसमन्नेसना अविपरीतवीमंसा । **सभावेनेवाति** सभावेनेव यथाभूतगुणतो एव । **सुट्ठु** सम्मदेव । **समन्नेसितोति** उपपरिक्खतो । सेसं सुविज्जेय्यमेवाति ।

वीमंसकसुत्तवण्णनाय लीनत्थप्पकासना समत्ता ।

## ८. कोसम्बियसुत्तवण्णना

४९१. तस्माति यस्मा कोसम्बरुखवती, तस्मा नगरं कोसम्बीतिसङ्खमगमासि । कुसम्बस्स वा इसिनो निवासभूमि कोसम्बी, तस्साविदूरे भवत्ता नगरं कोसम्बी ।

घोसितसेट्ठिना कारिते आरामेति एत्थ को घोसितसेट्ठि, कथञ्चानेन आरामो कारितोति अन्तोलीनाय चोदनाय विस्सज्जने समुदागमतो पट्टाय घोसितसेट्ठिं दस्सेतुं “अदिलरट्ठं नाम अहोसी”तिआदि आरद्धं । केदारपरिच्छिन्नन्ति तत्थ तत्थ केदारभूमिया परिच्छिन्नं । गच्छन्तोति केदारपाळिया गच्छन्तो । पट्टपायसन्ति पट्टततरं पायसं, तं पन गरु सिनिद्धं अन्तरामग्गे अप्पाहारताय मन्दगहणिको समानो जीरापेतुं नासक्खि । तेनाह “जीरापेतुं असक्कोन्तो”तिआदि । यसवति रूपवति कुलधरे निब्बन्ति । घोसितसेट्ठि नाम जातोति एवमेत्थ सङ्केपेनेव घोसितसेट्ठिवत्थुं कथेति, वित्थारो पन धम्मपदवत्थुम्हि (ध० प० अट्ठ० १.सामावतीवत्थु) वुत्तनयेनेव वेदितब्बो ।

उपसङ्कप्पनवसेनाति उपसङ्कप्पननियामेन । आहारपरिक्खीणकायस्साति आहारनिमित्तपरिक्खीणकायस्स, आहारक्खयेन परिक्खीणकायस्साति अत्थो । सुज्जागारेति जनविवित्ते फासुकट्टाने ।

कलहस्स पुब्बभागो भण्डनं नामाति कलहस्स हेतुभूता परिभासा तंसदिसी च अनिट्ठकिरिया भण्डनं नाम । हत्थपरामासादिवसेनाति कुञ्जित्वा अज्जमज्जस्स हत्थे गहेत्वा परामसनअच्चन्तबन्धनादिवसेन । “अयं धम्मो”तिआदिना विरुद्धवादभूतं आपन्नाति विवादापन्ना । तेनाह “विरुद्धभूत”न्तिआदि । मुखसन्निस्सितताय वाचा इध “मुख”न्ति अधिप्पेताति आह “मुखसत्तीहीति वाचासत्तीही”ति । सज्जत्तिन्ति सज्जापनं “अयं धम्मो, अयं विनयो”ति सज्जापेतब्बतं । निज्जत्तिन्ति याथावतो तस्स निज्जानं । अट्ठकथायं पन “सज्जत्तिवेवचनमेवेत”न्ति वुत्तं ।

सचे होति देसेस्सामीति सुब्बचताय सिक्खाकामताय च आपत्तिं पस्सि । नत्थि ते आपत्तीति अनापत्तिपक्खोपि एत्थ सम्भवतीति अधिप्पायेनाह । सा पनापत्ति एव । तेनाह — “तस्सा आपत्तिया अनापत्तिदिट्ठि अहोसी”ति ।

४९२. कलहभण्डनवसेनाति कलहभण्डनस्स निमित्तवसेन । यथानुसन्धिनाव गतन्ति कलहभण्डनानं सारणीयधम्मपटिपक्खत्ता तदुपसमावहा हेट्ठदेसनाय अनुरूपाव उपरिदेसनाति यथानुसन्धिनाव उपरिसुत्तदेसना पवत्ता । सरितब्बयुत्ताति अनुस्सरणारहा । सब्रह्मचारीनन्ति सहधम्मिकानं । पियं पियायितब्बं करोन्तीति पियकरणा । गरुं गरुट्ठानियं करोन्तीति गरुकरणा । सङ्गहणत्थायाति सङ्गहवत्थुविसेसभावतो सब्रह्मचारीनं सङ्गहणनाय संवत्तन्तीति सम्बन्धो । अविवादनत्थायाति सङ्गहवत्थुभावतो एव न विवादानाय । सति च अविवादनहेतुभूतसङ्गाहणत्ते तेसं वसेन सब्रह्मचारीनं समग्गभावो भेदाभावो सिद्धोयेवाति आह “सामगिया”तिआदि । मिज्जति सिनिह्कति एतायाति मेत्ता, मित्तभावो, मेत्ता एतस्स अत्थीति मेत्तं, कायकम्मं । तं पन यस्मा मेत्तासहगतचित्तसमुद्धानं, तस्मा वुत्तं “मेत्तचित्तेन कत्तब्बं कायकम्म”न्ति । इमानि मेत्तकायकम्मादीनि भिक्खून् वसेन आगतानि पाठे भिक्खूहि पच्चुपट्टपेतब्बतावचनतो । भिक्खुगहणेनेव चेत्थ सेससहधम्मिकानम्पि गहणं दट्ठब्बं । भिक्खुनो सब्बम्पि अनवज्जकायकम्मं आभिसमाचारिककम्मन्तो गधमेवाति आह — “मेत्तचित्तेन...पे०... कायकम्मं नामा”ति । वत्तवसेन पवत्तियमाना चेतियबोधीनं वन्दना मेत्तासदिसीति कत्वा तदत्थाय गमनं मेत्तं कायकम्मन्ति वुत्तं । आदि-सद्देन चेतियबोधिभिक्खूसु वुत्तावसेसअपचायनादिं मेत्तावसेन पवत्तं कायिकं किरियं सङ्गहाति ।

तेपिटकम्पि बुद्धवचनं कथियमानन्ति अधिप्पायो । तीणि सुचरितानि कायवचीमनोसुचरितानि । चिन्तनन्ति इमिना एवं चिन्तनमत्तम्पि मेत्तं मनोकम्मं, पगेव विधिपटिपन्ना भावनाति दस्सेति ।

सहायभावूपगमनं तेसं पुरतो । तेसु करोन्तेसुयेव हि सहायभावूपगमनं सम्मुखा कायकम्मं नाम होति । केवलं “देवो”ति अवत्वा गुणेहि थिरभावजोतनं देवत्थेरोति वचनं पग्गय्ह वचनं । ममत्तबोधनं वचनं ममायनवचनं । एकन्ततिरोक्खकस्स मनोकम्मस्स सम्मुखता नाम विज्जत्तिसमुद्घापनवसेनेव होति, तज्ज खो लोके कायकम्मन्ति पाकटं पज्जातं हत्थविकारादिं अनामसित्वा एव दस्सेन्तो “नयनानि उम्मीलेत्वा”ति आह । तथा हि वचीभेदवसेन पवत्ति न गहिता ।

लद्धपच्चया लब्धन्तीति लाभा, परिसुद्धागमना पच्चया । न सम्मा गय्हमानापि न धम्मलद्धा नाम न होन्तीति तप्पटिसेधनत्थं पाळियं “धम्मलद्धा”ति वुत्तं । देय्यं दक्खिण्येय्यज्ज अप्पटिविभत्तं कत्वा भुज्जतीति अप्पटिविभत्तभोगी । तेनाह “द्वे पटिविभत्तानि नामा”तिआदि । चित्तेन विभजनन्ति एतेन — “चित्तुप्पादमत्तेनपि विभजनं पटिविभत्तं नाम, पगेव पयोगतो”ति दस्सेति ।

पटिग्गहन्तोव...पे०... पस्सतीति इमिना आगमनतो पट्टाय साधारणबुद्धिं उपट्टापेति । एवं हिस्स साधारणभोगिता सुकरा, सारणीयधम्मो चस्स सुपूरो होति । वत्तन्ति सारणीयधम्मपूरणवत्तं ।

दातब्बन्ति अवस्सं दातब्बं । अत्तनो पलिबोधवसेन सपलिबोधस्सेव पूरेतुं असक्कुणेय्यत्ता ओदिस्सकदानप्पिस्स न सब्बत्थ वारितन्ति दस्सेतुं “तेन पना”तिआदि वुत्तं । अदातुम्पीति पि-सद्देन दुस्सीलस्सपि अत्थिकस्स सति सम्भवे दातब्बन्ति दस्सेति । दानज्झि नाम कस्सचि न निवारितं ।

महागिरिगामो नाम नागदीपपस्से एको गामो । सारणीयधम्मो मे, भन्ते, पूरितो...पे०... पत्तगतं न खीयतीति आह तेसं कुक्कुच्चविनोदनत्थं । तं सुत्वा तेषि थेरा “सारणीयधम्मपूरको अय”न्ति अब्भज्जंसु । दहरकाले एव किरेस सारणीयधम्मपूरको अहोसि, तस्सा च पटिपत्तिया अवज्झभावविभावनत्थं “एते मय्हं पापुणिस्सन्ती”ति आह ।

अहं सारणीयधम्मपूरिका, मम पत्तपरियापन्नेनपि सब्बापिमा भिक्खुनियो यापेस्सन्तीति आह “मा तुम्हे तेसं गतभावं चिन्तयित्था”ति ।

सत्तसु आपत्तिक्खन्धेसु आदिमिहि वा अन्ते वा, वेमज्जेति च इदं उद्देसागतपाळिवसेन वुत्तं । न हि अज्जो कोचि आपत्तिक्खन्धानं अनुक्कमो अत्थि । परियन्ते छिन्नसाटको वियाति वत्थन्ते, दसन्ते वा छिन्नवत्थं विय । खण्डन्ति खण्डवन्तं, खण्डितं वा । छिद्दन्ति एत्थापि एसेव नयो । विसभागवण्णेन उपट्ठुं, ततियभागं वा सम्भिन्नवण्णं सबलं, विसभागवण्णेहेव पन बिन्दूहि अन्तरन्तरा विमिस्सं कम्मासं, अयं इमेसं विसेसो । तण्हादासब्बतो मोचनवचनेनेव तेसं सीलानं विवट्ठुपनिस्सयतमाह । भुजिस्सभावकरणतोति इमिना भुजिस्सकरानि भुजिस्सानीति उत्तरपदलोपेनायं निद्देसोति दस्सेति । अविज्जूनं अप्पमाणताय “विज्जुप्पसत्थानी”ति वुत्तं । तण्हादिट्ठीहि अपरामट्ठत्ताति — “इमिनाहं सीलेन देवो वा भविस्सामि देवज्जतरो वा”ति तण्हापरामासेन — “इमिनाहं सीलेन देवो हुत्वा तत्थ निच्चो धुवो सस्सतो भविस्सामी”ति दिट्ठिपरामासेन च अपरामट्ठत्ता । परामट्ठन्ति चोदेतुं । सीलं नाम अविप्पटिसारादिपारम्परियेन यावदेव समाधिसम्पादनत्थन्ति आह “समाधिसंवत्तकानी”ति । समानभावो सामज्जं, परिपुण्णचतुपारिसुद्धिभावेन मज्झे भिन्नसुवण्णस्स विय भेदाभावतो सीलेन सामज्जं सीलसामज्जं, तं गतो उपगतोति सीलसामज्जगतो । तेनाह “समानभावूपगतसीलो”ति ।

यायं दिट्ठीति या अयं दिट्ठि मय्हज्जेव तुम्हाकज्ज पच्चक्खभूता । चतुसच्चदस्सनट्ठेन दिट्ठि, “सब्बे सङ्गारा अनिच्चा, सब्बे सङ्गारा दुक्खा, सब्बे धम्मा अनत्ता”ति, “सम्मासम्बुद्धो भगवा, स्वाखातो भगवता धम्मो, सुप्पटिपन्नो सङ्गो”ति च दिट्ठिया सामज्जं **समानदिट्ठिभावं । अगं** इतरेसं सारणीयधम्मनं पधानभावतो । एतस्मिं सति सुखसिद्धितो तेसं सङ्गाहिकं, ततो एव तेसं सङ्घाटनिकं गोपानसियो अपरिपतन्ते कत्वा सङ्गण्हाति धारेतीति **सङ्गाहिकं । सङ्घाटन्ति** अगगभावेन सङ्घाटभावं । सङ्घाटनं एतेसं अत्थीति **सङ्घाटनिकं**, सङ्घाटनियन्ति वा पाठो, सङ्घाटने नियुत्तन्ति वा सङ्घाटनिकं, क-कारस्स य-कारं कत्वा **सङ्घाटनियं** । सामज्जतो एव गहितत्ता नपुंसकनिद्देशो ।

४९३. पठममगसम्मादिट्ठिपि एवंसभावा, अज्जमगसम्मादिट्ठीसु वत्तब्बमेव नत्थीति आह “**यायं सोतापत्तिमग्गदिट्ठी**”ति । **एत्तावतापीति** एतकेनपि रागादीसु एकेकेन परियुट्ठितचित्ततायपि **परियुट्ठितचित्तोयेव नाम** होति, पगेव द्वीहि, बहूहि वा परियुट्ठितचित्तताय । **सब्बत्थाति** सब्बेसु अट्ठसुपि वारेसु । **सुट्ठु ठपितन्ति** यथा मगगभावना उपरि सच्चाभिसम्बोधो होति, एवं सम्मा ठपितं । तेनाह “**सच्चायं बोधाया**”ति । **तं जाणन्ति** “नत्थि खो मे तं परियुट्ठानं”न्ति आदिना पवत्तं पच्चवेक्खणजाणं । **अरियानं** होतीति अरियानमेव होति । तेसज्हि एकदेसतोपि पहीनं वत्तब्बतं अरहति । तेनाह “**न पुथुज्जनानं**”न्ति । **अरियन्ति वुत्तं** “अरियेसु जातं”न्ति कत्वा । लोकुत्तरहेतुकताय **लोकुत्तरन्ति वुत्तं** । तेनेवाह “**येसं पना**”ति आदि । तथा हिस्स पुथुज्जनेहि असाधारणता । तेनाह “**पुथुज्जनानं पन** अभावतो”ति । **सब्बवारेसूति** सब्बेसु इतरेसु छसु वारेसु ।

४९४. **पच्चत्तन्ति** पाटियेक्कं अत्तनि मम चित्तेयेव । तेनाह “**अत्तनो चित्ते**”ति । “पच्चत्तं अत्तनो चित्ते निब्बुत्तिं किलेसवूपसमं लभामी”ति इममत्थं “**एसेव नयो**”ति इमिना अतिदिसति ।

४९५. **तथारूपाय दिट्ठियाति** इदं “यथारूपाय दिट्ठिया समन्नागतो”ति इमस्स अत्थस्स पच्चामसनन्ति आह “**तथारूपाय दिट्ठियाति एवरूपाय सोतापत्तिमग्गदिट्ठिया**”ति ।

४९६. **सभावेनाति** नियतपज्जसिक्खापदतादिसभावेन । **सङ्गकम्मवसेनाति** मानत्तचरियादिसङ्गकम्मवसेन । **दहरोति** बालो । **कुमारोति** दारको । यस्मा दहरो “कुमारो”ति च “युवा”ति च वुच्चति, तस्मा **मन्दोति** वुत्तं । मन्दिन्द्रियताय हि **मन्दो** । तेनाह “**चक्खुसोतादीनं मन्दताया**”ति । एवम्पि युवावत्थापि केचि मन्दिन्द्रिया होन्तीति तन्निवत्तनत्थं “**उत्तानसेय्यको**”ति वुत्तं । यदि उत्तानसेय्यको, कथमस्स अङ्गारक्कमनन्ति? यथा तथा अङ्गारस्स फुसनं इध “अक्कमन”न्ति अधिप्पेतन्ति आह “**इतो चितो चा**”ति आदि । **मनुस्सानन्ति** महल्लकमनुस्सानं । **न सीघं हत्थो** ज्ञायति कथिनहत्थताय । **खिण्णं पटिसंहरति** मुदुतलुणसरीरताय । **अधिवासेति** किञ्चि पयोजनं अपेक्खित्वा ।

४९७. **उच्चावचानीति** महन्तानि चेव खुहकानि च । **तत्थेवाति** सुधाकम्मादिमहियेव । **कसावपचनं** सुधादिसङ्घरणत्थं, **उदकानयनं** धोवनादिअत्थं, हलिद्विवण्णधातुलेपनत्थं **कुच्छकरणं** । **बहलपत्थनोति** दळ्ळहच्छन्दो । **वच्छकन्ति** निब्बत्तधेनुपगवच्छं । **अपचिनातीति** अपविन्दति, आलोकेतीति अत्थो । तेनाह “**अपलोकेती**”ति । **तन्निन्नो** होतीति अधिसीलसिक्खादिनिन्नोव होति उच्चावचानम्पि किंकरणीयानं चारित्तसीलस्स पूरणवसेनेव करणतो, योनिसोमनसिकारवसेनेव च तेसं पटिपज्जनतो । **थेरस्स सन्तिके अट्ठासि** योनिसोमनसिकाराभावतो “तं तं समुल्लपिस्सामी”ति ।

४९८. बलं एव **बलताति** आह “**बलेन समन्नागतो**”ति । **अत्थिकभावं कत्वाति** तेन धम्मेन सविसेसं

अतिथकभावं उप्पादेत्वा । सकलचित्तेनाति देसनायआदिहि मज्झे परियोसानेति सब्बत्थेव पवत्तताय सकलेन अनवसेसेन चित्तेन ।

५००. सभावोति अरियसावकस्स पुथुज्जनेहि असाधारणताय आवेणिको सभावो । सुट्ठु समन्नेसितोति सम्मदेव उपपरिक्खितो । सोतापत्तिफलसच्छिकिरियायाति सोतापत्तिफलस्स सच्छिकरणेन, सच्छिकतभावेनाति अत्थो । तेनाह “सोतापत्तिफलसच्छिकतजाणेना”ति । पठममग्गफलस्स पच्चवेक्खणजाणविसेसा हेते पवत्तिआकारभिन्ना । तेनेवाह “सत्तहि महापच्चवेक्खणजाणेही”ति । अयं ताव आचरियानं समानकथाति “इदमस्स पठमं जाण”न्तिआदिना वुत्तानि पच्चवेक्खणजाणानि, न मग्गजाणानीति एवं पवत्ता परम्परागता पुब्बाचरियानं समाना साधारणा इमिस्सा पाळिया अट्ठकथा अत्थवण्णना । तत्थ कारणमाह “लोकुत्तरमग्गो हि बहुचित्तक्खणिको नाम नत्थी”ति । यदि सो बहुचित्तक्खणिको सिया नानाभिसमयो, तथा सति संयोजनत्तयादीनं एकदेसप्पहानं पापुणातीति अरियमग्गस्स अनन्तरफलत्ता एकदेससोतापन्नतादिभावो आपज्जति, फलानं वा अनेकभावो, सब्बमेतं अयुत्तन्ति तस्मा एकचित्तक्खणिकोव अरियमग्गो ।

यं पन सुत्तपदं निस्साय वितण्डवादी अरियमग्गस्स एकचित्तक्खणिकतं पटिक्खपति, तं दस्सेन्तो “सत्त वस्सानीति हि वचनतो”ति आह । किलेसा पन लहु...पे०... छिज्जन्तीति वदन्तेन हि खिप्पं ताव किलेसप्पहानं, दन्धपवत्तिका मग्गभावनाति पटिज्जातं होति । तत्थ सचे मग्गस्स भावनाय आरद्धमत्ताय किलेसा पहीयन्ति, सेसा मग्गभावना निरत्थका सिया, अथ पच्छा किलेसप्पहानं, किलेसा पन लहु छिज्जन्तीति इदं मिच्छा, “सोतापत्तिफलसच्छिकिरियाया”ति वक्खतीति । ततो सुत्तपटिजाननतो । मग्गं अभावेत्वाति अरियमग्गं परिपुण्णं कत्वा अभावेत्वा । अत्थरसं विदित्वाति सुत्तस्स अविपरीतो अत्थो एव अत्थरसो, तं याथावतो जत्वा । एवं वितण्डवादिवादं भिन्दित्वा वुत्तमेवत्थं निगमेतुं “इमानि सत्त जाणानी”तिआदि वुत्तं । सेसं सुविज्जेय्यमेव ।

कोसम्बियसुत्तवण्णनाय लीनत्थप्पकासना समत्ता ।

## ९. ब्रह्मनिमन्तनिकसुत्तवण्णना

५०१. “सस्सतो अत्ता च लोको चा”ति (दी० नि० १.३०) एवं पवत्ता दिट्ठि सस्सतदिट्ठि (सं० नि० टी० १.१.१७५) । सह कायेनाति सह तेन ब्रह्मत्तभावेन । ब्रह्मट्टानन्ति अत्तनो ब्रह्मवत्थुं । “अनिच्चं निच्च”न्ति वदति अनिच्चताय अत्तनो अपज्जायमानत्ता । थिरन्ति दळ्हं, विनासाभावतो सारभूतन्ति अत्थो । उप्पादविपरिणामाभावतो सदा विज्जमानं । केवलन्ति परिपुण्णं । तेनाह “अखण्ड”न्ति । केवलन्ति वा जातिआदीहि अमिस्सं, विरहितन्ति अधिप्पायो । उप्पादादीनं अभावतो एव अचवनधम्मं । कोचि जायनको वा...पे०... उपपज्जनको वा नत्थि निच्चभावतो । ठानेन सद्धिं तन्निवासीनं निच्चभावज्झि सो पटिजानाति । तिस्सो ज्ञानभूमियोति दुतियततियचतुत्थज्ज्ञानभूमियो । चतुत्थज्ज्ञानभूमिविसेसा हि असज्जसुद्धावासारुप्पभवा । पटिबाहतीति सन्तंयेव समानं अजानन्तोव नत्थीति पटिक्खपति । अविज्जाय गतोति अविज्जाय सह गतो पवत्तो । सहयोगे हि इदं करणवचनं । तेनाह “समन्नागतो”ति । अज्जाणीति अविद्धा । पज्जाचक्खुविरहतो अन्धो भूतो, अन्धभावं वा पत्तोति अन्धीभूतो ।

५०२. तदा भगवतो सुभगवने विहरणस्स अविच्छिन्नतं सन्धाय वुत्तं “सुभगवने विहरतीति जत्वा”ति । तत्थ पन तदास्स भगवतो अदस्सनं सन्धायाह “कत्थ नु खो गतोति ओलोकेन्तो”ति । ब्रह्मलोकं गच्छन्तं दिस्वाति इमिना

कतिपयचित्तवारवसेन तदा भगवतो ब्रह्मलोकगमनं जातं, न एकचित्तक्खणेनाति दस्सेति । न चेत्थ कायगतिया चित्तपरिणामनं अधिप्पेतं — “सेय्यथापि नाम बलवा पुरिसो समिज्जितं वा बाहं पसारेय्या”ति आदिवचनतो (म० नि० १.५०१) । यं पनेत्थ वत्तब्बं, तं हेट्ठा वुत्तमेव । **विछन्दन्ति** छन्दविगमं । **अपसादितो**ति दिट्ठिया गाहस्स विपरिवत्तनेन सन्तज्जितो । “मेतमासदो”ति वचनेन **उपत्थम्भो** हुत्वा ।

**अन्वाविसित्वा**ति आविसनवसेन तस्स अत्तभावं अधिभवित्वा । तथा अभिभवतो हि तस्स सरीरं पविट्ठो विय होतीति वुत्तं “**सरीरं पविसित्वा**”ति । यज्झि सत्तं देवयक्खनागादयो आविसन्ति, तस्स पाकतिककिरियमयं चित्तप्पवत्तिं निवारेत्वा अत्तनो इद्धानुभावेन यं इच्छितं हसितलपितादि, तं तेन कारापेन्ति, कारेन्ता च आविट्ठपुग्गलस्स चित्तवसेन कारेन्ति । “अत्तनोवा”ति न वत्तब्बमेतं अचिन्तेय्यत्ता कम्मजस्स इद्धानुभावस्साति केचि । अपरे पन यथा तदा चक्खुविज्जाणादिपवत्ति आविट्ठपुग्गलस्सेव, एवं किरियमयचित्तपवत्तिपि तस्सेव, आवेसकानुभावेन पन सामज्जता परिवत्तति । तथा हि महानुभावं पुग्गलं ते आविसितुं न सक्कोन्ति, तिकिच्छावुट्ठापने पन छवसरीरं अनुपविसित्वा सतन्तं करोति विज्जानुभावेन । कोरखत्तियादीनं पन छवसरीरस्स उट्ठानं वचीनिच्छारणञ्च केवलं बुद्धानुभावेन । अचिन्तेय्या हि बुद्धानं बुद्धानुभावाति । **अभिभवित्वा ठितो**ति सकललोकं अत्तनो आनुभावेन अभिभवित्वा ठितो । **जेट्ठको**ति पधानो, तादिसं वा आनुभावसम्पन्नत्ता उत्तमो । पस्सतीति **दसो** । विसेसवचनिच्छाय अभावतो अनवसेसविसयो दसो-सद्दोति आह “**सब्बं पस्सती**”ति । **सब्बजनन्ति** लद्धनामं सब्बसत्तकायं । **वसे वत्तेति**, सेट्ठत्ता निम्मापकत्ता च अत्तनो वसे वत्तेति । लोकस्स ईसनसीलताय **इस्सरो** । सत्तानं कम्मस्स कारकभावेन **कत्ता** । थावरजङ्गमविभागं सकलं लोकं निम्मानेतीति **निम्माता** ।

गुणविसेसेन लोके पासंसत्ता **सेट्ठो** । तादिसो च उक्कटुत्तमो होतीति आह “**उत्तमो**”ति । सत्तानं निम्मानं तथा तथा सजनं विसजनं विय होतीति आह “**त्वं खत्तियो**”ति आदि । ज्ञानादीसु अत्तनो चित्ते च चिण्णवसित्ता **वसी** । **भूतानन्ति** निब्बत्तानं । भवं अभिजातं अरहन्तीति भब्बा, सम्भवेसिनो, तेसं **भब्बानं** । तेनाह “**अण्डजजलाबुजा सत्ता**”ति आदि ।

पथवीआदयो निच्चा धुवा सस्सता । ये तेसं “अनिच्चा”ति आदिना गरहका जिगुच्छा सत्ता, ते अयथाभूतवादिताय मतकाले अपायनिट्ठा अहेसुं । ये पन पथवीआदीनं “निच्चा धुवा”ति आदिना पसंसका, ते यथाभूतवादिताय ब्रह्मकायूपगा अहेसुन्ति मारो पापिमा अन्वयतो ब्यतिरेकतो च पथवीआदिमुखेन सङ्खारानं परिज्जापज्जापने आदीनवं विभावेति ततो विवेचेतुकामो । तेनाह “**पथवीगरहका**”ति आदि । एत्थ च मारो पथवीआदिधातुमहाभूतग्गहणेन मनुस्सलोकं, भूतग्गहणेन चातुमहाराजिके, देवग्गहणेन अवसेसकामदेवलोकं, पजापतिग्गहणेन अत्तनो ठानं, ब्रह्मग्गहणेन ब्रह्मकायिके गणिह । आभस्सरादयो पन अविसयताय एव अनेन अग्गहिताति दट्ठब्बं । **तण्हादिट्ठिवसेना**ति तण्हाभिनन्दनाय दिट्ठाभिनन्दनाय च वसेन । “एतं मम, एसो मे अत्ता”ति **अभिनन्दिनो** अभिनन्दका, अभिनन्दनसीला वा । **ब्रह्मनो ओवादे ठितानं** **इद्धानुभावं दस्सेतीति** तेसं तत्थ सन्निपतितब्रह्मानं इद्धानुभावं तस्स महाब्रह्मनो ओवादे ठितत्ता निब्बत्तं कत्वा दस्सेति । **यसेनाति** आनुभावेन । **सिरियाति** सोभाय । **मं ब्रह्मपरिसं उपनेसीति** यादिसा ब्रह्मपरिसा इस्सरियादिसम्पत्तिया, तत्थ मं उय्योजेसि । **महाजनस्स मारणतो**ति महाजनस्स विवट्ठूपनिस्सयगुणविनासनेन आनुभावेन मारणतो । **अयसन्ति** यसपटिपक्खं अकित्तिकम्मानुभावज्जाति अत्थो ।

**५०३. कसिणं आयुन्ति** वस्ससतं सन्धाय वदति । उपनिस्साय सेतीति उपसयो, उपसयोव **ओपसायिको** यथा “वेनयिको”ति (म० नि० १.२४६; अ० नि० ८.११; पारा० ८) आह “**समीपसयो**”ति । **सयग्गहणञ्चेत्थ** निदस्सनमत्तन्ति

दस्सेतुं “मं गच्छन्ति”न्तिआदि वुत्तं । अनेकत्थत्ता धातून् वत्तनत्थो दट्ठब्बो । मम वत्थुस्मिं सयनकोति मय्हं ठाने विसये वत्तनको । बाहिवत्ताति नीचं कत्वा, अभिभवित्वा वा । जज्झरिकागुम्बतोति एत्थ जज्झरिका नाम पथविं पत्थरित्वा जाता एका गच्छजाति ।

इमिनाति “सचे खो त्वं भिक्खू”तिआदिवचनेन । एस ब्रह्मा । उपलापेतीति सङ्गणहाति । अपसादेतीति निगणहाति । सेसपदेहीति वत्थुसायिको यथाकामकरणीयो बाहितेय्योति इमेहि पदेहि । मय्हं आरक्खं गण्हिस्ससीति मम आरक्खको भविस्ससि । लकुण्डकतरन्ति नीचतरं निहीनवुत्तिसरीरं ।

फुसितुम्पि समत्थं किञ्चि न पस्सति, पगेव जाणविभवन्ति अधिप्पायो । निप्फत्तिन्ति निप्फज्जनं, फलन्ति अत्थो । तज्झि कारणवसेन गन्तब्बतो अधिगन्तब्बतो गतीति वुच्चति । आनुभावन्ति पभावं । सो हि जोतनट्ठेन विरोचनट्ठेन जुतीति वुच्चति । महता आनुभावेन परेसं अभिभवनतो महेसोति अक्खायतीति महेसक्खो । तयिदं अभिभवनं कित्तिसम्पत्तिया परिवारसम्पत्तिया चाति आह “महायसो महापरिवारो”ति ।

परिहरन्तीति सिनेरुं दक्खिणतो कत्वा परिवत्तन्ति । दिसाति भुम्मत्थे एतं पच्चत्तवचनन्ति आह “दिसासु विरोचमाना”ति । अत्तनो जुतिया दिब्बमानाय वा । तेहीति चन्दिमसूरियेहि । तत्तकेन पमाणेनाति यत्तके चन्दिमसूरियेहि ओभासियमानो लोकधातुसङ्घातो एको लोको, तत्तकेन पमाणेन । इदं चक्कवाळं बुद्धानं उप्पत्तिट्ठानभूतं सेट्ठं उत्तमं पधानं, तस्मा येभ्य्येन एत्थुपपन्ना देवता अज्जेसु चक्कवाळेसु देवता अभिभुय्य वत्तन्ति । तथा हि ब्रह्मा सहम्पति दससहस्सब्रह्मपरिवारो भगवतो सन्तिकं उपगज्झि । तेनाह “एत्थ चक्कवाळसहस्से तुय्हं वसो वत्तती”ति । इदानी “एत्थ ते वत्तते वसो”ति वुत्तं वसे वत्तनं सरूपतो दस्सेतुं “परोपरञ्च जानासी”तिआदि वुत्तं । तत्थ पठमगाथायं वुत्तं एत्थ-सद्वं आनेत्वा अत्थो वेदितब्बोति दस्सेन्तो “एत्थ चक्कवाळसहस्से”ति आह । उच्चनीचेति जातिकुलरूपभोगपरिवारादिवसेन उळारे च अनुळारे च । अयं इद्धो अयं पकतिमनुस्सोति इमिना “सरूपतो एवस्स सत्तानं परोपरजाननं, न समुदागमतो”ति दस्सेति । यं पन वक्खति “सत्तानं आगतिं गतिन्ति, तं कामलोके सत्तानं आदाननिक्खेपजाननमत्तं सन्धाय वुत्तं, न कम्मविपाकजाननं । यदि हि समुदागमतो जानेय्य, अत्तनोपि जानेय्य, न चस्स तं अत्थीति, तथा आह “इत्थम्भावोति इदं चक्कवाळ”न्तिआदि । रागयोगतो रागो एतस्स अत्थीति वा रागो, विरज्जनसीलो विरागी, तं रागविरागिनं । सहस्सिब्रह्मा नाम त्वं चूळनिया एव लोकधातुया जाननतो । तयाति निस्सक्के करणवचनं । चतुहत्थायाति अनेकहत्थेन साणिपाकारेन कातब्बपटप्पमाणं दीघतो चतुहत्थाय, वित्थारतो द्विहत्थाय पिलोतिकाय कातुं वायमन्तो विय गोप्फके उदके निमुज्जितुकामो विय च पमाणं अजानन्तो विहज्जतीति निगणहाति ।

५०४. तं कायन्ति तदेव निकायं । जानितब्बट्ठानं पत्वापीति अनज्जसाधारणा मय्हं सीलादयो गुणविसेसा ताव तिट्ठन्तु, ईदिसं लोकियं परित्तकं जानितब्बट्ठानम्पि पत्वा । अयं इमेसं अतिसयेन नीचोति नीचेय्यो, तस्स भावो नीचेय्यन्ति आह “तया नीचतरभावो पन मय्हं कुतो”ति ।

हेट्ठुपपत्तिकोति उपरूपरितो चवित्वा हेट्ठा लद्धूपपत्तिको । एवं सङ्खेपतो वुत्तमत्थं वित्थारतो दस्सेतुं “अनुप्पन्ने बुद्धुप्पादे”ति आह । हेट्ठुपपत्तिकं कत्वाति हेट्ठुपपत्तिकं पत्थनं कत्वा । यथा केनचि बहूसु आनन्तरियेसु कतेसु यं तत्थ गरुतरं बलवं, तदेव पटिसन्धिं देति, इतरानि पन तस्स अनुबलप्पदायकानि होन्ति, न पटिसन्धिदायकानि, एवं चतूसु रूपज्झानेसु भावितेसु यं तत्थ गरुतरं छन्दपणिधिअधिमोक्खादिवसेन साभिसङ्खारञ्च, तदेव च पटिसन्धिं देति, इतरानि पन अलद्धोकासताय तस्स अनुबलप्पदायकानि होन्ति, न पटिसन्धिदायकानि, तन्निब्बत्तितज्झानेनेव आयति

पुनर्भववाभिनिवृत्ति होतीति आह “ततियज्ज्ञानं पणीतं भावेत्वा”ति । तत्थाति सुभकिण्हब्रह्मलोके । पुन तत्थाति आभस्सरब्रह्मलोके । पठमकालेति तस्मिं भवे पठमस्मिं काले । उभयन्ति अतीतं अत्तनो निवृत्तद्वानं, तत्थ निवृत्तिया हेतुभूतं अत्तनो कतकम्मन्ति उभयं । पमुस्सित्वा कालस्स चिरतरभावतो । वीतिनामेति पटिपज्जन्तीति च तदा तस्सा किरियाय पवत्तिक्खणं उपादाय पवत्तमानपयोगो ।

अपायेसीति पायेसि । पिपासितेति तसिते । घम्मनीति घम्मकाले । सम्परेतेति घम्मपरिळाहेन पिपासाय अभिभूते । न्ति पानीयदानं । वतसीलवत्तन्ति समादानवसेन वतभूतं चारित्तसीलभावेन समाचिण्णत्ता सीलवत्तं । सुत्तप्पबुद्धोव अनुस्सरामीति सुपित्वा पबुद्धमत्तो विय सुपिनं तव पुब्बनिवुत्थं मम पुब्बेनिवासानुस्सतिजाणेन अनुस्सरामि, सब्बज्जुतज्जाणेन विय पच्चक्खतो पस्सामीति अत्थो ।

करमरेति विलुम्पित्वा आनीते । कम्मसज्जन्ति युद्धसज्जं, आवुधादायिनिन्ति अत्थो ।

एणीकूलस्मिन्ति एणीमिगबाहुल्लेन “एणीकूल”न्ति सङ्खं गते गङ्गाय तीरप्पदेसे । गय्हक नीयमानन्ति गय्हवसेन करमरभावेन चोरेहि अत्तनो ठानं नीयमानं ।

आवाहविवाहवसेन मित्तसन्थवं कत्वा । “एवं अम्हेसु कीळन्तेसु गङ्गेय्यको नागो कुपितो”ति मयि सज्जम्पि न करोन्तीति । सुसुकारन्ति सुसूति पवत्तं भेरवनागनिस्सासं ।

गहीतनावन्ति विहेठेतुकामताय गतिनिवारणवसेन गहितं निग्गहितं नावं । लुदेनाति कुरूरेन । मनुस्सकप्पाति नावागतानं मनुस्सानं विहेठेतुकामताय ।

बद्धचरोति पटिबद्धचरियो । तेनाह “अन्तेवासिको”ति । तं निस्सायेवाति रज्जा उपट्टियमानोपि राजानं पहाय तं कप्पं अन्तेवासिं निस्सायेव ।

सम्बुद्धिमन्तं वतिनं अमज्जीति अयं सम्मदेव बुद्धिमा वतसम्पन्नोति अमज्जि सम्भावेसि च ।

नानत्तभावेसूति नाना विसुं विसुं अत्तभावेसु ।

अद्धाति एकंसेन । ममेतमायुन्ति मय्हं एतं यथावुत्तं तत्थ तत्थ भवे पवत्तं आयुं । न केवलं मम आयुमेव, अथ खो अज्जम्पि सब्बज्जेय्यं जानासि, न तुय्हं अविदितं नाम अत्थि । तथा हि बुद्धो सम्मासम्बुद्धो तुवं । नो चे कथमयमत्थो जातो? तथा हि सम्मासम्बुद्धत्ता एव ते अयं जलितो जोतमानो आनुभावो ओभासयं सब्बम्पि ब्रह्मलोकं ओभासेन्तो दिव्वमानो तिट्ठतीति सत्थु असमसमतं पवेदेसि ।

पथवत्तेनाति पथवीअत्तेन । तेनाह “पथवीसभावेना”ति । एत्थ च यस्मा — “सब्बसङ्खारसमथोति”आदिना (महाव० ७; दी० नि० २.६४, ६७; म० नि० १.२८१; सं० नि० १.१७२) साधारणतो, “यत्थ नेव पथवी”ति असाधारणतो च पथविया असभावेन निव्वानस्स गहेतव्वता अत्थि, तं निवत्तेत्वा पथविया अनज्जसाधारणं सभावं गहेतुं “पथविया पथवत्तेना”ति वुत्तं । नापहोसिन्ति न पापुणिं । इध पथविया पापुणनं नाम “एतं ममा”तिआदिना गहणन्ति आह “तण्हादिट्ठिमानग्गाहेहि न गण्हि”न्ति ।



वादितायाति वादसीलताय । सव्वन्ति अक्खरं निद्विसित्वाति “सव्वं खो अहं ब्रह्मे”तिआदिना भगवता वुत्तं सव्व-सहं — “सचे खो ते मारिस सव्वस्स सव्वत्तेन अननुभूत”न्ति पच्चनुभासनवसेन निद्विसित्वा । अक्खरे दोसं गणहन्तोति भगवता सक्कायसव्वं सन्धाय सव्व-सद्वे गहिते सव्वसव्ववसेन तदत्थपरिवत्तनेन सव्व-सद्वचनीयतासामञ्जेन च दोसं गणहन्तो । तेनाह “सत्था पना”तिआदि । तत्थ यदि सव्वं अननुभूतं “नत्थि सव्व”न्ति लोके अनवसेसं पुच्छति । सचे सव्वस्स सव्वत्तेन अनवसेसभावेन अननुभूतं अप्पत्तं, तं गगनकुसुमं विय किञ्चि न सिया । अथस्स अननुभूतं अत्थीति अस्स सव्वत्तेन अननुभूतं यदि अत्थि, “सव्व”न्ति इदं वचनं मिच्छा, सव्वं नाम तं न होतीति अधिप्पायो । तेनाह “मा हेव ते रिक्तकमेवा”तिआदि ।

अहं सव्वञ्च वक्खामि, अननुभूतञ्च वक्खामीति अहं “सव्व”न्ति च वक्खामि, “अननुभूत”न्ति च वक्खामि, एत्थ को दोसोति अधिप्पायो । कारणं आहरन्तोति सव्वस्स सव्वत्तेन अननुभूतस्स अत्थिभावे कारणं निद्विसन्तो । विजानितव्वन्ति मग्गफलपच्चवेक्खणजाणेहि विसेसतो सव्वसङ्खतविसिट्ठताय जानितव्वं । अनिदस्सनन्ति इदं निव्वानस्स सनिदस्सनदुके दुतियपदसहिततादस्सनन्ति अधिप्पायेन “चक्खुविज्जाणस्स आपाथं अनुपगमनतो अनिदस्सनं नामा”ति वुत्तं । सव्वसङ्खतविधुरताय वा नत्थि एतस्स निदस्सनन्ति अनिदस्सनं । नत्थि एतस्स अन्तोति अनन्तं । तेन वुत्तं “तयिद”न्तिआदि ।

भूतानीति पच्चयसम्भूतानि । असम्भूतन्ति पच्चयेहि असम्भूतं, निव्वानन्ति अत्थो । अपभस्सरभावहेतूनं सव्वसो अभावा सव्वतो पभाति सव्वतोपभं । तेनाह “निव्वानतो ही”तिआदि । तथा हि वुत्तं — “तमो तत्थ न विज्जती”ति । (नेत्ति० १०४) पभूतमेवाति पकट्टभावेन उक्कट्टभावेन विज्जमानमेव । अरूपीभावेन अदेसिकत्ता सव्वतो पभवति विज्जतीति सव्वतोपभं । तेनाह “पुरत्थिमदिसादीसू”तिआदि । पविसन्ति एत्थाति पविसं, तदेव स-कारस्स भ-कारं, वि-कारस्स च लोपं कत्वा वुत्तं “पभ”न्ति । तेनाह “तित्थस्स नाम”न्ति । वादं पतिट्ठपेसीति एवं मया सव्वञ्च वुत्तं, अननुभूतञ्च वुत्तं, तत्थ यं तया अधिप्पायं अजानन्तेन सहसा अप्पटिसङ्खाय दोसग्गहणं, तं मिच्छाति ब्रह्मानं निग्गणहन्तो भगवा अत्तनो वादं पतिट्ठपेसि ।

गहितगहितन्ति “इदं निच्च”न्तिआदिना गहितगहितं गाहं । तत्थ तत्थ दोसदस्सनमुखेन निग्गणहन्तेन सत्थारा विस्सज्जापितो किञ्चि गहेतव्वं अत्तनो पटिसरणं अदिस्वा पराजयं पटिच्छादेतुं लळितकं कातुकामो वादं पहाय इद्धिया पाटिहारियलीळं दस्सेतुकामो । यदि सक्कोसि मय्हं अन्तरधायितुं, न पन सक्खिस्ससीति अधिप्पायो । मूलपटिसन्धिं गन्तुकामोति अत्तनो पाकतिकेन अत्तभावेन ठातुकामो । सो हि पटिसन्धिकाले निव्वत्तसदिसताय मूलपटिसन्धीति वुत्तो । अज्जेसन्ति हेट्ठा अज्जकायिकानं ब्रह्मून् । न अदासि अभिसङ्खतकायेनेवायं तिट्ठतु, न पाकतिकरूपेणाति चित्तं उप्पादेसि । तेन सो अभिसङ्खतकायं अपनेतुं अविसहन्तो अत्तभावपटिच्छादकं अन्धकारं निम्मिनितुं आरभि । सत्था तं तमं विद्धंसेति । तेन वुत्तं “मूलपटिसन्धिं वा”तिआदि ।

भवेवाहन्ति भवे एव अहं । अयञ्च एव-सद्वो अट्टानपयुत्तोति दस्सेन्तो आह “अहं भवे भयं दिस्वायेवा”ति, सव्वस्मिं भवे जातिआदिभयं जाणचक्खुना याथावतो दिस्वा । सत्तभवन्ति सत्तसङ्गातं भवं । कम्मभवपच्चये हि उपपत्तिभवे सत्तसमज्जा । विभवन्ति विमुत्तिं । परियेसमानम्पि उपायस्स अनधिगतत्ता भवेयेव दिस्वा । भवञ्च विभवेसिनं विभवं निव्वुत्तिं एसमानानं सत्तानं भवं, भवेसु उप्पत्तिञ्च दिस्वाति एवं वा एत्थ अत्थो दट्ठव्वो । न अभिवदिन्ति “अहो वत सुख”न्ति एवं अभिवदापनाकाराभावतो न अभिनिविसिं, लक्खणवचनमेतं । गाहत्यो एव वा अभिवाद-सद्वोति आह

“नाभिवदि”न्ति, “न गवेसि”न्ति । भवगहणेनेत्य दुक्खसच्चं, नन्दीगहणेन समुदयसच्चं, विभवगहणेन निरोधसच्चं, नन्दिञ्च न उपादियन्ति इमिना मग्गसच्चं पकासितन्ति आह “इति चत्तारि सच्चानि पकासेन्तो”ति । तदिदं चतुन्नं अरियसच्चानं गाथाय विभावनदस्सनं । सत्था पन तेसं ब्रह्मूनं अज्झासयानुरूपं सच्चानि वित्थारतो पकासेन्तो विपस्सनं पापेत्वा अरहत्तेन देसनाय कूटं गण्हि । ते च ब्रह्मानो केचि सोतापत्तिफले, केचि सकदागामिफले, केचि अनागामिफले, केचि अरहत्ते च पतिट्ठहिंसु । तेन वुत्तं “सच्चानि पकासेन्तो सत्था धम्मं देसेसी”तिआदि । अच्छरियजाताति सज्जातच्छरिया । समूलं भवन्ति तण्हाविज्जाहि समूलं भवं ।

५०५. मम वसं अतिवत्तितानीति सब्बसो कामधातुसमतिक्कमनपटिपदाय मय्हं विसयं अतिक्कमितानि । कथं पनायं तेसं अरियभूमिसमोक्कमनं जानातीति? नयग्गाहतो — “समणो गोतमो धम्मं देसेन्तो संसारे आदीनवं, निब्बाने च आनिसंसं पकासेन्तो वेनेय्यजनं निब्बानं दिट्ठमेव करोति, तस्स देसना अवज्झा अमोघा इन्देन विस्सट्ठवजिरसदिसा, तस्स च आणाय ठिता संसारे न दिस्सन्तेवा”ति नयग्गाहेन अनुमानेन जानाति । सचे त्वं एवं अनुबुद्धोति यथा त्वं परेसं सच्चाभिसम्बोधं वदति, एवं त्वं अत्तनो अनुरूपतो सयम्भुजाणेन बुद्धो धम्मं पटिविज्झित्वा ठितो । तं धम्मं मा उपनयसीति तया पटिविद्धधम्मं मा सावकपटिवेधं पापेसि । इदन्ति इदं अनन्तरं वुत्तं ब्रह्मलोके पतिट्ठानयेव सन्धाय मारो वदति, ते दस्सेन्तो “अनुप्पन्ने ही”तिआदिमाह । अपायपतिट्ठानं पन आजीवकनिगण्ठादिपब्बज्जं उपगते तित्थकरे, ये केचि वा पब्बजित्वा मिच्छापटिपन्ने जने सन्धाय वदति । अनुप्पन्नेति असज्जाते, अप्पत्तेति अत्थो । अनुल्लपनतायाति यथा मारो उपरि किञ्चि उत्तरं लपितुं न सक्कोति, एवं तथा उत्तरभासनेन । निमन्तनवचनेनाति विज्जापनवचनेन । ब्रह्मं सेट्ठं निमन्तनं, ब्रह्मूनो वा निमन्तनं एत्थ अत्थीति ब्रह्मनिमन्तनिकं, सुत्तं । यं पनेत्थ अत्थतो अविभत्तं, तं सुविज्जेय्यमेव ।

ब्रह्मनिमन्तनिकसुत्तवण्णनाय लीनत्थप्पकासना समत्ता ।

## १०. मारतज्जनीयसुत्तवण्णना

५०६. कोट्टमनुपविट्ठोति आसयो वच्चगुत्तट्ठानताय कोट्ठं, तस्स अब्भन्तरज्हेत्थ कोट्ठं । अनुरूपो हुत्वा पविट्ठो अनुपविट्ठो । सुखुमज्झि तदनुच्छविकं अत्तभावं मापेत्वा अयं तत्थ पविट्ठो । गरुगरो वियाति गरुकगरुको विय । उ-कारस्स हि ओ-कारं कत्वा अयं निहेसो, अतिविय गरुको मज्जेति अत्थो । गरुगरु विय इच्चेव वा पाठो । मासभत्तं मासो उत्तरपदलोपेन, मासभत्तेन आचितं पूरितं मासाचितं मज्जे । तेनाह “मासभत्तं भुत्तस्स कुच्छि विया”ति । उत्तरपदलोपेन विना अत्थं दस्सेतुं “मासपूरितपसिब्बको विया”ति वुत्तं । तिन्तमासो वियाति तिन्तमासो पसिब्बको विय । किं नु खो एतं मम कुच्छियं पुब्बं भारिकत्तं, किं नु खो कथं नु खो जातन्ति अधिप्पायो? उपायेनाति पथेन जायेन । ब्यतिरेकतो पनस्स अनुपायं दस्सेतुं “सचे पना”तिआदि वुत्तं । अत्तानमेव वा सन्धाय “मा तथागतं विहेसेसी”ति आह । यथा हि अरियसङ्घो “तथागतं देवमनुस्सपूजितं, सङ्घं नमस्साम सुवत्थि होतू”तिआदीसु (खु० पा० ६.१८; सु० नि० २४१) तथागतोति वुच्चति, एवं तप्परियापन्ना अरियपुग्गला, यथा च पुरिमका दुतियअग्गसावका कप्पानं सतसहस्साधिकं एकं असङ्ख्येय्यं पारमियो पूरेत्वा आगता, अयम्पि महात्थेरो तथा आगतोति तथागतोति । पतिअग्गळेव अट्ठासीति अग्गळस्स बहिभागे अट्ठासि ।

५०७. रुक्खदेवता नाम चातुमहाराजिकेसु निहीनो कायो, तस्मा नेसं मनुस्सगन्धो परिचितत्ता नातिजेगुच्छोति आह “आकासट्ठदेवतान”न्ति । आबाधं करोतीति दुक्खं जनेति । नागरिकोति सुकुमारो । परिचोक्खोति सब्बसो सुचिरूपो । जातिकोटिन्ति जातिभागं । अनादिमति हि संसारे जातिभागरहितो नाम सत्तो कस्सचिपि नत्थीति अधिप्पायो । इदन्ति “सो

मे त्वं भागिनेय्यो होसी'ति इदं वचनं। **पवेणिवसेना**ति तदा मय्हं भागिनेय्यो हुत्वा इदानि मारद्धाने ठितोति इमिस्सा पवेणिवा वसेन वुत्तं। अज्जस्स वा वेसमं धुरो विधुरो। तेनाह “अज्जेहि सद्धि असदिसो”ति। **अप्पदुक्खेना**ति सुखेनेव। पन्थानं अवन्ति गच्छन्तीति **पथाविनो**। **एत्तेकेना**ति एत्तावता चित्तकसन्निसयेन। **उदकलेण**न्ति उदकनिस्सन्दनलेणं। **समापत्तितो**ति निरोधसमापत्तितो। **समापत्तिफल**न्ति निरोधसमापत्तिफलं।

**५०८. दसहि अक्कोसवत्थू**हीति दसहिपि अक्कोसवत्थूहि, ततो किञ्चि अहापेन्ता। **परिभासथा**ति गरहथ। **घट्टेथा**ति अनूनाहि कथाहि इमेसु ओविज्झथ। **दुक्खापेथा**ति चित्ते दुक्खं जनेथ। **एतेसन्ति** तेसं भिक्खूनं तुम्हाकं अक्कोसनादीहि भिक्खूनं किलेसुप्पत्तिया। तेनेत्थ **दूसी मारो** ओतारं लभति नामाति अधिप्पायो। उपट्ठातब्बं इभं अरहन्तीति इब्भा, हत्थिभण्डका, हीनजीविकताय हेते इब्भा वियाति **इब्भा**, ते पन सदुत्तियकवसेन “**गहपतिका**”ति वुत्ता। **कण्हा**ति कण्हाभिजातिका। पादतो जातत्ता **पादानं अपच्चा**। **आलसियजाता**ति कसिवणिज्जादिकम्मस्स अकरणेन सज्जातालसिया। **गूथनिद्धमनपनाळी**ति वच्चकूपतो गूथस्स निक्खमपदेसो।

**मनुस्सानं अकुसलं न भवेय्य** तेसं तादिसाय अभिसन्धिया अभावतो। आवेसकस्स आनुभावेन आविडुस्स चित्तसन्तति विपरिवत्ततीति वुत्तोवायमत्थो। **विसभागवत्थु**न्ति भिक्खूनं सन्तिके इत्थिरूपं, भिक्खुनीनं सन्तिके पुरिसरूपन्ति ईदिसं, अज्जं वा पब्बजितानं असारुपं विसभागवत्थुं। **विप्पटिसारारम्मण**न्ति पस्सन्तानं विप्पटिसारस्स पच्चयं। **लेपयट्ठि**न्ति लेपलित्तं वाकुरयट्ठिं।

**५१०. सोमनस्सवसेना**ति गेहस्सितसोमनस्सवसेन। **अज्जथत्तन्ति** उप्पिलावित्तं। **पुरिमनयेनेवा**ति “सचे मारो मनुस्सानं सरीरे अधिमुच्चित्वा”ति आदिना पुब्बे वुत्तनयेन। यदि मारोव तथा करेय्य, मनुस्सानं कुसलं न भवेय्य, मारस्सेव भवेय्य, सरीरे पन अनधिमुच्चित्वा तादिसं पसादनीयं पसादवत्थुं दस्सेसि। तेनाह “**यथा ही**”ति आदि।

**५११. असुभसज्जापरिचितेना**ति सकलं कायं असुभन्ति पवत्ताय सज्जाय सहगतज्झानं असुभसज्जा, तेन परिचितेन परिभावितेन। **चेतसा** चित्तेन। **बहुलन्ति** अभिण्हं। **विहरतो**ति विहरन्तस्स, असुभसमापत्तिबहुलस्साति अत्थो। **पतिलीयतीति** सङ्कुचति तत्थ पटिकूलताय सण्ठितत्ता। **पतिकुटतीति** अपसक्कति। **पतिवत्ततीति** निवत्तति। ततो एव **न सम्पसारियति**। **रसतण्हाया**ति मधुरादिरसविसयाय तण्हाय।

**सब्बलोके अनभिरतिसज्जा**ति तीसुपि भवेसु अरुच्चनवसेन पवत्ता विपस्सनाभावना। निब्बिदानुपस्सना हेसा। **लोकचित्रेसूति** हत्थिअस्सरथपासादकूटागारादिभेदेसु चेव आरामरामण्यकादिभेदेसु च लोके चित्तविचित्तेसु। **रागसन्तानि** वूपसन्तरागानि। **दोसमोहसन्तानी**ति एत्थापि एसेव नयो। इमेसं एवं कम्मट्ठानगगहणं सब्बेसं सप्पायभावतो।

**५१२. सक्खरं गहेत्वा**ति सक्खरासीसेन तत्तकं भिन्नपासाणमुट्ठिन्ति आह “**अन्तोमुट्ठियं तिट्ठनपमाणं पासाण**”न्ति। मुट्ठिपरियापन्नन्ति अत्थो। अयज्हि पासाणस्स हेट्ठिमकोटि। **हत्थिनागो**ति महाहत्थी। महन्तपरियायो **नाग-**सद्दोति केचि। अहिनागादितो वा विसेसनत्थं हत्थिनागोति वुत्तं। सकलसरीरेनेव निवत्तित्वा अपलोकेसीति वुत्तमत्थं विवरितुं “**यथा ही**”ति आदि वुत्तं। **न वायन्ति** एत्थ वा-सद्दो अवधारणत्थोति आह “**नेव पमाणं अज्जासी**”ति। **सहापलोकनाया**ति च वचनतोति इमिना वचनेन इमं वचनमत्तं गहेत्वाति अधिप्पायो। **उळारे**ति उळारगुणे। भगवन्तज्जि ठपेत्वा नत्थि तदा सदेवके लोके तादिसो गुणविसेसयुत्तोति।

विसुं विसुं पच्चत्तवेदनियो अयसूलेन सद्धिं भूतानि छ फस्सायतनानि एतस्साति छ फस्सायतनं, दुक्खं । तं एत्थ अत्थीति छ **फस्सायतनिको**, निरयो । तेनाह “**छसु फस्सा...पे... पच्चयो**”ति । समाहनतीति समाहतो, अनेकसतभेदो सङ्कुसमाहतो एत्थ अत्थीति **सङ्कुसमाहतो**, निरयो । विसेसपच्चयताय वेदनाय ठितोति वेदनियो, कारणाकारकेन विना पच्चत्तं सयमेव वेदनियोति **पच्चत्तवेदनियो** । **अयसूलेन सद्धिं अयसूलन्ति** पादपदेसतो पट्टाय निरन्तरं अभिहननवसेन आगतेन पण्णासाय जनेहि गहितेन अयसूलेन सह सीसपदेसतो पट्टाय आगतं । अयसूलभावसामञ्जेन चेतं एकवचनं, सतमत्तानि पतितानि सूलानि । **इमिना ते ठानेन चिन्तेत्वा**ति निस्सितवोहारेन निस्सयं वदति । **एवं वुत्तन्ति** “तदा जानेय्यासि वस्ससहस्सं मे निरये पच्चमानस्सा”ति एवं वुत्तं । **वुट्ठानिमन्ति** वुट्ठाने भवं, अन्तिमन्ति अत्थो । तेनाह “**विपाकवुट्ठानवेदन**”न्ति, विपाकस्स परियोसानं वेदनन्ति अत्थो । **दुक्खतरा** होति पदीपस्स विज्झायनक्खणे महन्तभावो विय ।

**५१३. घट्टयित्वा** पोथेत्वा । **पाटियेक्कवेदनाजनका**ति पच्चेकं महादुक्खसमुप्पादका । अयतो अपगतो **निरयो**, सो देवदूतसुत्तेन (म० नि० ३.२६१) दीपेतब्बो । अत्थवण्णना पनस्स परतो सयमेव आगमिस्सति । इमं पन अतीतवत्थुं आहरित्वा अत्तनो जाणानुभावदीपनमुखेन मारं सन्तज्जेन्तो महाथेरो “**यो एतमभिजानाती**”ति गाथमाह । तस्सत्थो — **यो** महाभिज्जो **एतं** कम्मं कम्मफलञ्च हत्थतले ठपितं आमलकं विय अभिमुखं कत्वा पच्चक्खतो जानाति । सब्बसो भिन्नकिलेसताय **भिक्षु** सम्मासम्बुद्धस्स अगगसावको, **तादिसं** उळारगुणं **आसज्ज** घट्टयित्वा एकन्तकाळकेहि पापधम्मेहि समन्नागतत्ता **कण्ह** मार आर्याति महादुक्खं विन्दिस्ससि ।

**उदकं वत्थुं कत्वा**ति तत्थ निब्बत्तनकसत्तानं साधारणकम्मफलेन महासमुद्दउदकमेव अधिद्वानं कत्वा । तथा हि तानि कप्पट्टितिकानि होन्ति । तेनाह “**कप्पट्टायिनो**”ति । **तेसन्ति** विमानानं । **एतं** यथावुत्तविमानवत्थुं तासं अच्छरानं सम्पत्तिं, तस्स च कारणं अत्तपच्चक्खं कत्वा **जानाति** । **पादङ्गुट्ठेन कम्पयीति** पुब्बारामे विसाखाय महाउपासिकाय कारितं सहस्सगम्भपटिमण्डितमहापासादं अत्तनो पादङ्गुट्ठेन कम्पेसि । तेनाह “**इदं पासादकम्पनसुत्तेन दीपेतब्ब**”न्ति । इदन्ति “यो वेजयन्त”न्ति इमिस्सा गाथाय अत्थजातं **चूळतण्हासङ्ख्यविमुत्तिसुत्तेनेव** (म० नि० १.३९३) **दीपेतब्बं** ।

तस्स ब्रह्मगणस्स तथाचिन्तनसमनन्तरमेव तस्मिं ब्रह्मलोके सुधम्मं ब्रह्मसभं गन्त्वा । **तेपीति** महामोगल्लानादयो । **पच्चेकं दिसासूति** महामोगल्लानत्थेरो पुरत्थिमदिसायं, महाकस्सपत्थेरो दक्खिणदिसायं, महाकप्पिनत्थेरो पच्छिमदिसायं, अनुरुद्धत्थेरो उत्तरदिसायन्ति एवं चत्तारो थेरा ब्रह्मपरिसमत्थके मज्झे निसिन्नस्स भगवतो समन्ततो चतुदिसा निसीदिसु । **गाथा वुत्ताति** “यो ब्रह्मं परिपुच्छती”ति गाथा वुत्ता । **अज्जरतरब्रह्मसुत्तेनाति** — “तेन खो पन समयेन अज्जरतरस्स ब्रह्मनो एवरूपं पापकं दिट्ठिगतं उप्पन्नं होती”तिआदिना (सं० नि० १.१७६) महावगगे आगतेन अज्जरतरब्रह्मसुत्तेन ।

**ज्ञानविमोक्खेन फुसीति** ज्ञानविमोक्खसन्निस्सयेन अभिज्जाजाणेन फस्सयि । वनन्ति जम्बुदीपं अफस्सयीति सम्बन्धो । जम्बुदीपो हि वनबहुलताय इध “वन”न्ति वुत्तो । तेनाह “जम्बुसण्डस्स इस्सरो”ति । **पुब्बविदेहानं दीपन्ति** पुब्बविदेहवासीनं दीपं, पुब्बविदेहदीपन्ति अत्थो । **भूमिसया नरा** नाम अपरगोयानका उत्तरकुरुका च । यस्मा ते गेहपरिग्गहाभावतो भूमियंयेव सयन्ति, न पासादादीसु । **पटिलभीति** उप्पादेसि । **एतं आसं मा अकासीति** एसा यथा पुब्बे दूसिमारस्स, एवं तुय्हं आसा दीघरत्तं अनत्थावहा, तस्मा एदिसं आसं मा अकासीति मारस्स ओवादं अदासि । सेसं सब्बत्थ सुविज्जेय्यमेव ।

पपञ्चसूदनिया मज्झिमनिकायट्ठकथाय  
मारतज्जनीयसुत्तवण्णनाय लीनत्थप्पकासना समत्ता ।  
निट्ठिता च चूळयमकवग्गवण्णना ।  
मूलपण्णासटीका समत्ता ।  
दुतियो भागो निट्ठितो ।